




# *Jowšikk' hayreneac hayoc'*

Gewond Ališan



1974<sup>n</sup>(1)

Alishan







*Richard D. Webb*  
*Librarian*

**ՅՈՒՇԻԿԻ**

**ՀԱՅՐԵՆԵԱՅ ՀԱՅՈՅ**

**Ի Հ. ՂԵՒՈՆԴԷ Մ. ԱԼԻՇԱՆ**

**Վ. ՄԻԻԹԱՐԵԱՆ**

---


**ՀԱՏՈՐ Ա.**

---



**Ի Ս. ՂԱԶԱՐ ՎԵՆԵՏԿՈՅ**

—  
**1869**



**ՅՈՒՇԻԿԻՔ**

**ՀԱՅՐԵՆԵԱՅ ՀԱՅՈՅ**



( ՅՈՒՇԻԿՔ

ՀԱՅՐԵՆԵԱՑ ՀԱՅՈՑ

Ի Հ. ՂԵՒՈՆԴԷ Մ. ԱԼԻՇԱՆ

Վ. ՄԻԻԹԱՐԵԱՆ

---


ՀԱՏՈՐ Ա.

---



Ի Ս. ՂԱԶԱՐ ՎԵՆԵՏԿՈՑ


—  
1869







# THE GREAT WALL OF CHINA



# ՅՈՒՇԻԿՔ

ՀԱՅՐԵՆԵԱՑ ՀԱՅՈՑ

Ա

ՆԱԽԱԲԱՆ

Ա Ռ Հ Ա Յ Կ Ա Կ

ՀԱՅՐԵՆԻՔ... Այն քիչ անուաններէն մէկն է այս՝ զոր գրեթէ ամօթ է բացատրել բարեկիրթ և զգօն անձի մը, թէ և չըլլայ շատգէտ կամ բանիբուն. գրեթէ մոլորէն առաջ սիրտն կը հասնի, կ'ըմբռնէ, կ'իմանայ զայս. կ'իմանայ զայն նաեւ երբ չիկրնար քիչ բառով կամ խօսքով բացատրել. մանաւանդ ուր քաղաքական և բարոյական տեսութիւնք՝ ասոր իմաստն սոյլ այլայլած կամ զանազանած ըլլան:

Արարածոց մէջ՝ որոնց հետ կ'ազրի՝ մարդու աւանդէն յասուկ միանգամայն և ազնիւ ձիրքն է միտք կամ բանականութիւն. որ կ'ուզէ ըմբռնել, ճանչնալ, դատել. իր ծանօթութեանց գլխաւոր առարկայն այլ է նախ ինքն և իր նմանիքը. — մարդկութիւնը: Եւ ինչպէս շուտով մը կ'իմանայ որ ինքն իբրեւ մարդ ամեն մարդու հաւասարակից է, բայց ամենքն այլ իրմէ զատ զատ մարդիկ են, այս

պէս այլ շուտ մը կու ճանչնայ կ'ընտրէ կ'որոշէ անոնցմէ բազմութիւն մը մարդկան՝ որք նման են իրեն այն ամէն բաներով՝ որով որ ուրիշներու չեն նմանիր։ Եւ ահա կու ճանչնայ զազգս. և անոնց մէջ իր համապէս. և երկրիս բնակութեան վերայ ասոր բռնած տեղն այլ՝ Հայերնի։ Բնական է մարդուս փնտռել և սիրել զՀայրենիս։

Ո՛ր է հայրենիքն։ Կայ ազգ որ 'ի սկզբանէ պատմական ժամանակաց՝ երկրիս նոյն կողմը մնացեր կեցեր է. այսինքն իր հարքն և նախահաւքն որդիէ որդի միշտ նոյն երկրին վրայ ծներ աներ մեռեր են. անոնց ձեռագործ յիշատակաց մէջ և մարմնոց նշխարացը քով կու բնակին մինչև ցայս. օր իրենց վերջին ծնունդքն այլ. — կան ալ՝ որ ուրիշ տեղ ծներ են, և հիմայ ուրիշ տեղ կ'ապրին, և գուցէ ուրիշ տեղ մ'այլ պիտի մեռնին. իրենց որրանքն և գերեզմանքն հեռաւոր լեռանց և դաշտաց վրայ ձգուած են, որոց միջոց՝ ուրիշ ազգաց աւելի իրարու մօտիկ որորոցք և գերեզմանք կան. նման մեր Եփրատ գետոյն՝ որ Սեւ ծովէն հազիւ աստիճան մը հեռու Բարձր Հայոց գագաթներէն կու բլկէ, դէպ յարեմուտք և հարաւ վազելով՝ գրեթէ նոյնչափ կու մօտենայ Միջերկրական ծովուն Հայոց ծոցը, և դարձեալ անկից այլ ճամբան փոխելով՝ դէպ յարեւելս հարաւախառն՝ կ'երթայ կու թափի 'ի հեռաւոր ծոցն Պարսից 'ի ծով Հնդկաց։ Գուցէ այսպիսի ազգաց դժար ըլլայ հայրենիքը ճշդելը։

Սակայն ո՞վ կայ՝ որ որչափ այլ պանդուխտ տարագիր և թափառական ըլլայ՝ չունենայ իր սկզբանը հաստատուն կէտ մը։ Երկրիս ծայրէն 'ի ծայրը տեղափոխիկ օդաչու և ծովագնաց թռչունիք անգամ, արագիլն և կռունկ և ծիծռունիք և սաղք, ունեցեր են տեղիկ մը բունիկ մը, թէ աչտարուկի մը ծայր, թէ երգիքի մէկ խորք, թէ

պատի մը ճեղքի մէջ, թէ բարձրածայր ծառայ մը  
գազաթ, և թէ վազուկ կամ անշարժ ջրի մը ե-  
զերք. այն է իրենց հայրենիքն. ուր՝ յետ աշխար-  
հաշրջիկ և օգտախոտիկ տարագնացութեանց՝ կու-  
գառնան նորածին ընտանեօք, և իրենց ախորժեղի  
եղանակին մէջ երկրորդ անգամ ուրախ կեանք մը  
կ'անցընեն: Մարգս ալ՝ որ չիգիտեր իր կենաց  
վերջին կեալը, ուր գաղրիկ և ուր ընկնալն, գիտէ  
գոնէ իր սկզբնաւորութիւնը: Ասն որք գոթաղ-  
գաբար ծնողք ճանչցած չըլլան, բայց կու ճանչ-  
նան ծնելական տեղը, քաղաքը, գեղը. այն է ի-  
րենց հայրենիքը, և անոր հետ՝ նոյն օրէնքով վա-  
րուած տեղուանքն, եթէ ընդարձակ և եթէ ոչ:  
Ասն, ո՛հ խեղճութիւն մարդկութեան, կան որ  
չեն իմացեր չեն զգացեր ի՞նչ է ծնողի մը ծոց, հոմ-  
բոյր և գգուանք, չեն սնած անոր կաթով՝ որոյ  
արեամբն ծնած են, չեն ճաշակած մօր մը քաղ-  
ցրութիւն. եղբայր մը իրենց ձեռքէն չէ բռնած,  
և քոյր մը զիրենք չէ գրկած. սակայն և այնպիսիք  
ճանչցած և զգացած են զսէր և զքաղցրութիւն  
հայրենեաց՝ որ համատարած և անխառն ծնողքի  
պէս կ'ընդունի կու գգուէ ամեն համազդի և համա-  
լեզու: Տեսեր եմ իրեն ծագման անծանօթ երի-  
տասարդի ոյլ՝ որ իրեն փառք և հաճոյք կու տե-  
պէր պաշտպանել և մեանիլ իսկ պաշտպանելով  
այն երկիրը՝ ուր ծներ ուր սներ էր, և ուր իրեն  
լեզուակից և կրօնակից նմանեացն հետ կ'ապրէր:

Ո՛հ, ի՞նչպէս քաղցր եղած է անոր գարձը՝ յետ  
բազմամեայ զինուորութեան, հեւի և տարբեր  
քաղաքաց և բերդից մէջ, և երբեմն յետ օտար  
աշխարհներ այլ մանելու բանակաց և պատերազ-  
մաց մէջ, յետ զանազան դիպուածներէ և վը-  
տանգներէ անցնելու. — կամ անոր՝ որ աւելի խա-  
ղաղական քաղդի հանդիպելով՝ կամ ուսմանց կամ  
վաճառաշահութեան կամ ծառայութեան պատ-

Ճառաւ, կ'երթայ հեռաւոր աշխարհներ և քաղաքներ, զանազան սովորութիւններ, բարքեր, լեզուներ կու տեսնէ և կու ստանայ, և թէ այսպիսի թէ նիւթական շահերու ծրարները կու բերէ այն քաղաքին կամ գեղին մէջ՝ ուր իր կենաց ամենէն առջի տարիները և դիպուածները անցած են: Ի՞նչ սքանչելի կ'երևին այն քաղաքին այն գեղին հին և մեծ շէնքերը. իր զուարճութեան դաշտերը և բլրիկները. իր խաղուց և իր փոքրիկ հասակակցաց ընկերութեան տեղուանքը. այն սրբազան և հասարակաց ժողովարանները՝ ուր իր ծանօթից և ընկերաց հետ կ'երթար՝ եկեղեցւոյ կամ քաղաքային տօն մը, հանգէս մը, պարտք մը կատարելու, և զուարճութեամբ ու միսիթարութեամբ դառնալու: Ի՞նչ ծանրագին շէնք է այն շէնքը, այն առւնը՝ ուր սներ ու մեծցեր էր, և մանաւանդ այն՝ ուր որ ծներ էր:... Ա՛հ, աշխարհիս մէջ անկէ ցանկալի անկիւն կրնայ ըլլալ. — ևս առաւել՝ եթէ ճանցած այլ ըլլայ հոն իրեն ծնողք և հարազատներ. — և ևս առաւել՝ եթէ դեռ յոյս ունենայ զանոնք նորէն տեսնելու. — հապա թէ և դեռ տունը չգտած՝ գտնէ այն հարազատները, այն ծնողքը՝ որ ելեր զինքը դիմաւորելու եկեր են, և իբրեւ զերար գրկերնուն վրայ առած՝ կու բերեն իրենց ընտանեկան վառարանին կամ սեղանին եզերքը:... Հոս միայն ընտանեկան և խնամեկան քաղցրութիւն մը չէ. հայրենեաց զգացումն և սէր այլ կայ հոս, որ գրեթէ ոչ պակաս զգալի և ախորժ կ'ըլլար՝ նոսն եթէ կենդանի յիշատակաց տեղ՝ միայն անկենդան յիշատակարաններ գտներ. մանաւանդ եթէ անոնց մէջ ըլլայ և այն յիշատակարանը՝ որ միջոց մ'է կենաց և մահու և անմահութեան. — Գերեզման մը: — Անշուշտ, եթէ կորսուած կամ պահուած ըլլար, բայց և կարելի ըլլար ստրկով գտնելու և

գնելու, բարեկիրթ սիրտն 'ի պանդխտութենէ գարձած՝ ստացուածքին կէսն այլ կու տար ստանալու համար սիրելոյն և ընտանւոյն գերեզմանը: ... Արնար արգեօք այնպէս անկիրք անկրօնք կարծրակուռ սիրտ մը գտուել՝ որ ըսէ. Ի՞նչ կ'ընես, ո՞վ երիտասարդ, մինչդեռ բաղդ աշխարհիս իր զարմանալեաց և ակնկալեաց գուռը կու բանայ քեզի, գու այդ բաղդին օժանդակ ստակդ այդպէս զուր կու վատնես, երկու կանգուն կոշտ հող մը, և քանի մը չոր ու պզգալի ոսկորներ գնելու, որոց վրայ չկրնար մէկն նայիլ առանց զգուանաց: ... Աղօթենք, Հայկակ, որ այդպիսի ձայն մը քու և նմանեացդ ակընջին երբեք չհասնի: — Յղած անցած մարդկութեան ամենէն խրդալի թողած յիշատակն և նշխարն՝ արդարև իր մարմնոյն մնացորդն է. սակայն և քան զայն անգին, ցանկալի և սրբազան բան չկայ երկրիս վրայ՝ այն մարմնոյն հալորդակից կամ արենակից ներկայ մարդու մը համար. և որչափ սիրելի են այն նշխարքն՝ այնքան և զանոնք պահող տեղն, հողավայրն, գերեզմանն. ըլլայ հոյակապ մահարձանօք չէրիմ մը, ըլլայ պարզ քար մը, կամ թէ ընաւ անքար տափակ հողն, քանի մը ծաղկով, կամ լոկ կանաչ խոտով պատած, և երկձիւղիկ փայտով՝ սև խաչով մը նշանուած: — Մենգեան տեղն կամ տնիկն, և նախնեաց գերեզմանն՝ մարդուս երկու հատիկ կէտերն են, որոց մէկուն վրայ պէտք է կեցընէ կարկինը՝ այն սիրտն՝ որ կ'ուզէ ծրագրել սահման մը իրեն հայրենեացը, եթէ չիգիտեր ուրիշ սահման:

Աեանքերնիս արդարև կարճ ընթացք մ'է երկու իջևնատանց միջոց. առջինն՝ օրոց, երկրորդն՝ հողոց. կամ թէ կրնայ ըսուիլ՝ Մնարան և Փնարան: Սակայն մարդ միթէ միայն ծնանելու և մեռնելու համար եկած է յաշխարհ: — Ոչ. մարդս

խոհուն և գործուն էակ է. թէ և քիչ բան կըրնայ ընել և քիչ միջոցի մէջ, մէկ իջեան մը ընթանալու չափ. — բայց այդ միջոցն, այդ ընթացքն, և մանաւանդ այդ գործքն է զհայրենիո բովանդակող: Եթէ գործն չըլլար՝ ոչ ծննդեան և ոչ մահու յիշատակք այնպէս սիրելի և սրտալի կ'ըլլային մարդկան. կամ ըրած գործքերնուն կամ յուսացուած ընելի գործոցն համար է՝ որ այնպէս սիրելի և ցանկալի են մեզ յիշատակք և գերեզմանք հանգուցելոյ: Ուրեմն թէ և հայրենեաց կէտք և կենդրոնք կ'երեւին այդ ծնարանքն և քնարանքն, սակայն անոնցմով կ'ենթադրուի գործոց յիշատակն. որ է բարոյական կեանք և մարդու և ազգի, որով և հայրենեաց իսկ: Ուրեմն աւելի կերպով մը հոն են հայրենիք՝ ուր որ մեր արենակիցք և ընդուակիցք գործեր են. եթէ ծննդեան և մահուան՝ գիպուածական և կերպով մ'ազամայ յիշատակարանքն իսկ այնքան սիրելի կ'ըլլան, որքան աւելի քննելի և փնտռելի են կենաց յիշատակարանքն՝ ուր ալ որ գործուած ըլլան, եթէ 'ի սեփական և եթէ յօտար երկրի: Վասն զի կրնայ ըլլալ որ մէկն քաղքի մը մէջ ծնած և մէկէն փոխադրուած ըլլայ ուրիշ տեղ մը, հոն ապրած և գործած. յետոյ ուրիշ քաղաք մ'երթալով՝ հոն այլ մեռած. այսպէս այլ կրնան գտուիլ ժողովուրդք՝ որ երկրէ մը ծագեր են, հիմայ ուրիշ երկրի մէջ կու բնակին. բայց իրենց և իրենց նահապետաց միջին սերունդքն այլ շատ երկայն ատեն՝ ուրիշ երկիր մը բնակած ըլլան. այս միջին երկիրս կրնայ աւելի իրաւամբք մ'իրենց հայրենիք ըսուիլ, կամ ինչպէս սովորութիւն է առանկ աւթից մէջ անուանել՝ Երկրորդ հայրենիք: Ստոյգ է որ ուր երկրորդ և երրորդ հայրենիք ըլլան՝ կրնայ սիրան տարակուսիլ և տարուբերիլ. սակայն և այն ատեն հոն կու հանդի՝ ուր որ աւելի գործոց յիշատակ գտնէ:



Ո՛րչափ փափագելի, որչափ բարեբաասիկ է անոնց վիճակն՝ որ մէկ աչքով կու տեսնեն իրենց իջևանին երկու հանգոյցներն ալ, ծնարանը և քընարանը, հանդերձ միջոցովն՝ որ կրնար ըսուիլ Գործարան: Ո՛րչափ բարեբաղդ է, կ'ըսեմ, քոյն ազգն՝ որ 'ի սկզբանէ 'ի վեր իր համալելու նախնեաց երկրին մէջն է կեցեր. անկէց դուրս տեղ չի գտներ իր նահապետաց ծնարանը, և հոն կու տեսնէ անոնց քնարանը. ինչպէս աւստինձին մարդ մը՝ որ բնակի այն տունը՝ ուր իր հարբն և պապքն այլ բնակեր են, և պատրաստէ իր մարմնոյն վերջին հանգստարանը հոն՝ ուր որ այն հայրերն և պապերն այլ կու հանգչին դարերով. ուր իրենց վրայ հովանացեալ ծառոյն փոքրիկ տերևոց նման՝ որդիք զորդիս փոխանակելով՝ քանի մը կամ շատ ցեղեր իրարու ետևէ ընկեր մնացեր են: Արնանք նախանձելի սեպել երկրիս վրայ այդպիսի ազգի մը բաղդը, որ կու յայտնէ թէ կամ օտար բռնու թիւններէ ազատ է մնացեր, կամ մանաւանդ՝ կրցեր է զինքը պաշտպանել անոնցմէ. իրեն նախնեաց աւանդը պահեր է անոնց նշխարացը քով: Հայրենեաց զգացումն պէտք է որ շատ զօրաւոր ըլլայ այն ազգին վրայ, ինչու որ աչքովն այլ կու տեսնէ անոնց յիշատակարանները, կու պտըտի անոնց չափած ասպարիզին մէջ, կու գործէ հոն՝ ուր անոնք գործեցին. — իր կենդրոնն և սահմանքն յայտնի են. հայրենեաց ամեն տեսակ իմաստքն այլ ամ փոփոխած են մէկ գծով բոլորած սահմանի մէջ. գիծ մը՝ որ եռանկեան մը պէս կու միացընէ իր և իր նախնեաց ծնարանին, քնարանին և գործարանին կէտերը: Արնայ այնպիսին չգիտնալ իր ազգաբանու թիւնը, իր հարց կարգաւ յաջորդութիւնը. բայց գիտէ որ հազար տարիով այլ առաջ իր նախահայրն՝ այն երկրին մէջ բնակեր է. հոն է եղեր իր բոլոր ազգատոհմին նահապետն կամ ազ-

գաղտնիքն այլ. և ինչպէս հիմայ իր համազգի ընկերներն են՝ որ այդ գետինը կու մշակեն, այսպէս երկայն գարերով այլ առաջ՝ նոյն արիւն և նոյն լեզուն ունող ընկերակիցքն՝ նոյն հողէն նոյնպէս իրենց սնունդ կու հանեն և ի նոյն հող կու դառնան եղեր. — գիտէ որ այն մեծամեծ ծառերն՝ որոնց տակ քանի մը հասակ զիրար յաջորդելով նստեր են, իրեն նախահարց տնկածներն են, որոնք նոյնպէս իրենց նախնեաց հինաւուրց ձեռատնկոց տակ խողցեր և հանգչեր են. — այն ապաւաժ լեռներն՝ իրենց կողերէն ընծայեր են իր քաղքին և աշխարհին ամենէն հին շէնքերուն նիւթըն այլ, որոց ճարտարապետական ձեւն և արձանագրութիւնք՝ դեռ իր հիմակուան ոճն և լեզուն կու յիշեցընեն. — այն հին կամուրջը՝ վայրենի ձորակի մը վրայ ձգուած՝ իր գեղին քանի մը երջանիկ նահապետաց ձգածն է. — այն մեծամեծ և հասարակաց կրօնից շէնքերն՝ իր նախնեաց բարեպաշտութեան և մեծագործութեան յիշատակներն են. — այն բարձր և քանդակազարդ կամարքըն և կոթողքն՝ իրեն նախնեաց քաջութեան ցուցակքն են և յորդորքն անոնց նմանելու. — այն գաշտերն՝ ուր երբեմն պատերազմաց դրօշք բարձրացան և երբեմն ընկան իրենց դրօշակրաց և անոնց ետէն գացողաց հետ, ուր երբեմն յաղթութեան թմբուկքն բոմբեցին, երբեմն յաղթուելու և ետք քաշուելու սրտակտոր փողն հնչեց, այն ամենն այլ իր նախնեաց թէ արեամբք թէ քրտամբք ուսգուեր են : Աթէ խնտայ հոն և եթէ լայ՝ անցեալ յիշատակաց համեմատ, խնտումն այլ՝ լացն այլ՝ ոչ միայն սիրով են, այլ և փառօք. վասն զի քաջութեամբ կռուիչն և պաշապանելն աւերի արժանաւոր է՝ քան յաղթող գտուիլն. միշտ փառք ու պարծանք է իր երկիրն և իր ազգը սեփական լեզուաւ և օրինօք պահելն. — ու.

նենալ յատուկ և բնիկ լեզու մը, սահման մը, քաղաքավարութիւն մը, ծէս մը, և յիշատակարաններ, որոնց համար բարեկամ բարեկամի հետ խօսելով կարենան ըսել ՌԵՇ. այս կատարեալ հայրենիք է, երկրիս որ կողմն այլ որ ըլլայ, ինչ գիրք այլ որ ունենայ:

## Բ

Այս վերջի անգրագարձ մտածութիւնս այլ ըրի, Հայկակ, յիշեցնելու համար մեծ խնդիր մը կամ իմաստ մը, որ կու զանազանէ զհայրենիս, որով և զհայրենասէրս, ըստ բնական դրից երկրին: Իրաւ է որ ով որ վերը յիշած յատկութեանց համար կրնայ ի՞ ըսել երկրին, անոր համար միշտ գեղեցիկ է հայրենիքն. սակայն երբ մէկն, մանաւանդ երրորդ անձ մը, երկու երկիր իրարու հետ բաղճատէ իբրև բնազնին և բանաքնին, ի հարկէ կերպ կերպ զանազանութիւններ կու գտնէ անոնց մէջ, և ըստ այնմ անոնց բնակչաց բնաւորութիւնն այլ յարմարած. իրենց բնական կազմուածքէն սկսեալ մինչև ի բարոյական բերմունս. և ըստ կերպարանաց ու հանգամանաց երկրին՝ անոր վրայ ունեցած սերն կամ համարումն այլ կը կերպաւորուին: Յայտնի է ամենուն թէ ինչ ազգեցութիւն ունին Ալիմայք՝ տեղացեաց վրայ. ինչպէս՝ սաստիկ տաք կամ ցուրտ երկրի բնակիչք՝ տկար և ջրատեալ կ'ըլլան. ինչպէս՝ բարեխառն կլիմայից բնակիչք՝ աւելի բարեկեցիկք, բարեբնոյթք և կիրթք. չափաւոր ցրտութեան տակ եղովք՝ աւելի ժիր կ'ըլլան. չափաւոր տաքութեան տակ եղովքն այլ՝ աւելի զուարթ և ըզբօսաւոր, ինչպէս Քաղղիացին. միգամած երկրի բնակիչք՝ իրենց վարուց վրայ այլ միգային քօղ

մը կ'երեցընեն, մեղամտով և ծանրաբարոյ կ'ըլլան, քնչապէս Անգղիոցին և Հոլանտացիին: Այսպէս և գուցէ այլ աւելի, երկրին կողմուածքն և գիրքն ունին ապաւորութիւն 'ի վերայ բնակչացն: Թաթարոսանի ծովանման չոր անապատաց բնակիչքն, և Եւրոպիոյ կամ Ամերիկոյ հարաւային կողմանց բարեբոյս գաշտաց բնակիչքն՝ հարկ է որ տարբեր բնաւորութիւն ունենան. մէկն միշտ գետինը փորելով հոն կենայ, մէկայլն անդադար լերկ ու մերկ երկրին վրայ սահելով անցնի կամ ման գայ իր հօտերով և երամակներով անոնց ճարակ գտնելու համար. մէկն անասուն և շինասէր, մէկալն անասուն և շինաւեր: — Զուիցեբրաց լեռնաշատ և լճաշատ և նկարակերպ բարձանց և հովտաց բնակիչն՝ 'ի հարկէ պէտք է զմայլի իր հայրենեաց բնական գեղեցկութեան վրայ, որ ամենէն ախուր եղանակի մէջ այլ իր շնորհքն ունի, որչափ ևս աւելի լաւ եղանակին մէջ. զարմանք չէ ուրեմն որ երբ օտարութեան մէջ իր ազգային երգը լսէ և հայրենեաց պատկերը իր վառվառն գոյներովը նկարուի մասցն առջև, բոլոր սրտով թունդ ելնէ և գրեմէ հիւանդանայ և հալի հայրենեացը կարօտով: Յունաց և Իտալացւոց այնչափ գերազանցութեան 'ի գեղարուեստս՝ առաջին վարպետ եղած է իրենց հայրենի երկրին բնութիւնն. բարեխառն կլիմայն, դալար բուսաբերութիւնն, զանազանութիւն կամ ելևէջք գրից, և ծովն. — ծովն այն ծեր և ալեզարդ մեծ վարժապետն՝ որ իր ահեղ ձայներէն աւելի՝ իր կերպ ու կերպ ծփանջքն ցամաքին կերպ ու կերպ ափանց և ծոցից վրայ, շատ զարմանալի բաներ ազդած է և կ'ազդէ Յունի մը, Վենետիկեցւոյ մը, Անգղիացւոյ մը, Իրետոնի մը, և որ և է ազգի՝ որոյ երկիրն բաղդաւոր եղեր է գոնէ իր եզերաց չափաւոր մաս մը մահկազն կամ տղեղնաձև տարա-

ծելու 'ի խաղ չ'ի կուլիւ կապուտակ կոհակներուն։ Ժողովուրդ մը որ ունի հրուանդաններ՝ դիտելու այն անսպառ ալեաց զթօսանքը, և անոնց երեսէն հովով կամ հրով հրուած եկող և գացող քալուակ տուները՝ (նաւերը) աշխարհքէ աշխարհք հեռաւոր կողմերու լուրեր և բերքեր տարուբերելով, այնպիսի ժողովուրդ՝ չիկրնար ապուշ մէկ մ'ըլլալ։ Բայց եթէ ծովն բոլորովին ծրագրելով զԱնգղիա՝ կու տայ անոր բնակչաց ծովապետութեան պատին և գօռողութիւն, կամ Յունաստանի կղզեաց մէջ կոտորուելով՝ կու տայ անոր բնակչաց աշխոյժ և ժրութիւն, միանգամայն և պարծիլ մը իրենց ամիսնց վրայ. գեղեցիկ և հովանաւոր դաշտերն այլ, բարձր բարձր և զով լեռներն այլ կու տան իրենց բնակչաց ոչ պակաս զուարճութիւն և պարծանք։ Ինչուան ժայռոտ տեղերու բնակիչքն՝ այն բնութեան ամենէն անարուեստ կերպարանաց վրայ այլ կու գտնեն զարմանալի ձևեր և տեսքեր, որով կու զմայլին և կու պարծին իրենց հայրենեաց վրայ։... Բայց գուցէ չեն այլ կրնար ծածկել՝ այն չոր ու խոժոռ արարածոց առթած կերպ մը չոր տպաւորութիւնն այլ որ իրենց բարուց և շարժմանց վրայ կ'ազդուի։

Եթէ այսպիսի դիրք երկրի՝ զոր բնութիւնն միայն իր անզգայ ձեռքերով ձևացուցեր է, այսքան ազդեցութիւն ունին ազգաց բարուց և ըզգացման վրայ, որքան ևս առաւել զօրաւոր և զանազան կ'ըլլան հայրենեաց ազդեցութիւնք 'ի ժողովուրդա՝ որոց երկրին վրայ բնականին հետ ձեռագործ և պատմական յիշատակարանք այլ երևին ցեղուցեղ։ Նրբոր մէկն օրերով քալելով համալքեաց երկրի մը սահմանաց մէջ՝ տեսնէ լեռանց և բլրոց վրայ հնացեալ և երբեմն կիսաւեր բերդեր և դղեակներ, հաստամուր պարսպով քաղաքներ, հին և մեծ պալատներ, բանուկ ճամ-

բաներ և կամուրջներ, մեծամեծ հասարակաց շէնքեր, փայլուն կամ մամուռապատ կամարներ, իրենց տակ թաղուածներուն պէս հնացեալ գերեզմաններ, հանդերձ նոր և պայծառ շէնքերով և ժամանակին զարգացման համեմատ օգտակար և շահաւէտ գործարաններ, կրթարաններ, ժողովարաններ, հանդիսի և զբօսանաց տեղեր, քաղաքական և զինուորական հրապարակներ, և այլն, և այլն. և այս ամենուն համար կարենայ ըսել թէ ի՞նչ համարիւն և համալեզու նախնեացս ձեռագործք են, որոց ոմանց վրայէն երկայն դարեր այլ անցեր են, և գուցէ հաղարաւոր տարիներու յիշատակարանք այլ կան անոնց մէջ. ի՞նչ պէս սիրտն կ'ուռի կ'ընդլայնի, կու բարձրանայ, կու խաղայ և կու հանգչի ծոցին մէջ. ի՞նչ օրինաւոր պարծանօք և գրեթէ հպարտութեամբ մը կրնայ ըսել՝ թէ ասոնք իմ հայրենեացս են, ստիկայ իմ հայրենիքս է. և թէ յանյիշատակ ժամանակաց հետէ միշտ մեր ազգն այս երկրիս և այս շէնքերուս տակ բնակեր է. ասիկայ մեր հայրենական կալուածն է, զոր սեփական օրինօք և քաղաքավարութեամբ պահէր են նախնիքս իր հին սահմանաց մէջ, ի միջի ուրիշ սահմանաց և ազգաց: — Ո՛հ, արդարև ատիկայ կատարեալ և նախանձելի հայրենիք է. ատիկայ ընդարձակ հասարակաց բնիկ տուն մ'է, որ ամեն համազգի մարդու մասնաւոր տուները իր մէջ կու բովանդակէ. ատիկայ սմեն կերպ զօրաւոր սէր և զմայլումն կ'ազգէ բնակչին վրայ. այդ է որ զգացուցեր և ազգեր է այն ամենայն հրաշալի հայրենասիրութեան կրքերը, այն աշխատութիւնները, համբարութիւնները, քաջութիւնները, և ինչուան կենսանուէր զոհերը, երբեմն միայնակ, երբեմն ընկերակցօք և երբեմն բովանդակ բանակներով. զոր հռչակեր են պատմիչք, քերդոզք և ճարտար ա.

րուեստաւորք. և որոց վրայ կու զարմանան ըն-  
թերցողք և լսողք՝ նաև յեա երկար դարուց անց-  
նելու, և կու պարծին անոնց յեաին համազգի  
Թուանց Թուուռնքն այլ:... Աշխարհք չիկրնար  
այսուհետև մոռնալ 3000 տարուան Տրոյիոյ առ-  
ման դէպքը, և ոչ 2400 տարուան Սալամինայ և  
Թերմոպիլէի յիշատակները, որոց վրայ միշտ պի-  
տի պարծի ւրչափ ասեն որ գոռուի Յոյն մը: Այս-  
պիսի յիշատակք երկրաւոր յաւիտենականու-  
թիւն մ'են, ազդու և սիրուն: Ասոնց նման քիչ  
շատ ուրիշ ազգեր այլ ունին իրենց սեփական և  
սիրուն յիշատակներ, որ իրենց տւողութեան  
հետ պիտի հնանան, և աւելի քան զգինի և զբա-  
րեկամութիւն հնացեալ՝ հին Խիորոժ յիշատակքն  
զօրաւոր և քաղցր են մարդկան, և հասարակաց  
հաւասար վայելելի ամեն ժամանակ:... Ո՛հ, երբ  
այսպիսի յիշատակաց վրայ շարժի գրիչն, չիկրը-  
նար գոնէ կայծեր չցատքեցընել. պատմիչն յան-  
կարծ վիպասան կ'ըլլայ, բանադատն՝ բանաստեղծ,  
Հայրենեաց հրեղէն հոսանքէն չհալող սիրան՝  
շատ ապառաժ շատ ապառուժ շատ այլանդակ և  
այլանիւթ պիտի ըլլայ:... Վայ այդպիսի հրէշին.  
երկիր կու հալածէ զանիկայ, երկինք չիկրնար ընդ-  
ունիլ սիրտ մը՝ որ սոյնքան կարծր գոռաժ ըլլայ  
երկրի վրայ. անհնար է որ հայրենատեաց մը և  
լոկ անհայրենատէր մը՝ առաքինի ըլլայ, Թող Թէ  
սուրբ: Երկնից պատգամ է՝ Թէ ընկերը չսիրողն՝  
չիկրնար զԱստուած սիրել. հապա բոլոր ընկեր-  
ները բովանդակող հայրենիքը չսիրողն՝ ինչպէս  
սիրէ ամեն սիրոյ կենդրոն և շտեմարան հանգեր-  
ձեալ բնակարանն մաքուր հոգւոց:...

## Գ

Բայց բաւական պարտեցանք կարծեմ, Հայկակ, հայրենիք քննելու և տեսնելու. դառնանք փրնտոենք մեր սեփական հայրենիքն այլ: — Միթէ չըկայ մէկ Հայ հայրենի մ'այլ. միթէ չունի Հայն իր Հայտաբանը: ... Ո՞ր է այս հայրենիքս, ո՞ր է այն աշխարհն: ... Ի՞նչ դիւրին և ինչ դժար պատասխանի. որչափ քաղցր և որչափ դառն յիշատակք: Եթէ առաջին տեսութեամբ ամեն մարդու ծընած, սնած, ապրած տեղն իրեն հայրենիք սեպեմք, որչափ օտար և իրարմէ հեռու տեղուանք պիտի ըլլան Հայոց հայրենիքն: Եւրոպայի արեւելեան եզերքներէն մինչև յովկիական Ճեաւա կըղզին, Նեղոսի ափունքներէն մինչև 'ի Վոլգայի բերանը, անձմեռն Միջագետոց խորերէն մինչև յանաման Թինլանտիոյ գաշտերը՝ կու գտուին, կու բնակին Հայ բնտանիք և բնկերուածիւնք: — Ո՞ր է անոնց հայրենիքն. միթէ ամեն մէկուն իր ծննդեան տեղն է՝ որ այնքան կու տարբերի մէկալնէրուն ծննդեան տեղէն՝ որչափ ամենէն աննման աշխարհք իրարմէ. Բնչպէս կրնան Հայք մէկ հայրենիք մ'ունենալ: ... Պէտք է որ այդքան ցրուած և ցանուած համազգիքը միայն գաղթական սեպենք, օտարառունկ բոյսեր և ոչ բնիկ: Աղգին հայրենիքը փնտռելու է այն տեղուանքը՝ ուր առեւի բաղմութիւն և իրարու մօտ կու բնակին, թէպէտ այս այլ մեր աղգին համար շատ դիւրին ճամբայ չէ. որովհետեւ բաւական մօտիկ բնակուածեամբ այլ՝ դեռ շատ ընդարձակ և անհուն երկրի երես սփռած կու աւանեմք մեր աղգը, որ չէր կրնար այնքան տեղ բռնել իր համալեզու և համարիւն անհատներովը, բայց եթէ ըլլար Զինաց



պէս բազմածին աճեցեալ ազգ մը. վասն զի դրեթէ Պարսից ծոցէն սկսեալ 'ի հարաւոյ արեւելից՝ 10—20 աստիճան աշխարհագրական լայնութեամբ ինչուան յԱգրիական ծով ձգուած երկիրներու մէջ գէպ 'ի հիւսիս արեւմտից՝ ցանցառ կամ խիտ բնակութեամբ կ'երևին մեր համազգիք, երբեմն նեղ և երբեմն լայն՝ բայց դրեթէ անընդհատ գօտւոյ մը պէս: Սակայն այս դեռ շատ ընդարձակ միջոցին երկու ծայրերն այլ թողլով, (ուր աւելի ցանցառ և ցրուած է հայութիւնն), պէտք է մէջտեղուանքն՝ (ուր աւելի խիտ և մօտիկ է բնակութիւնին) փնտռենք մեր հայրենիքը. և յիրաւի կու տեսնեմք որ ազգերնուս բազմութիւնն կու բնակի վերին Եփրատ գետոյն երկու կողմերը. աջ՝ կամ արեւմտեան կողմէն՝ մինչև Ալիւս (Կըզըլքըմաք) գետոյն եզերքը, ձախ կողմէն՝ կամ արեւելքէն՝ մինչև 'ի Կուր գետ, կամ այլ անդին մինչև 'ի Կասպից ծով. հիւսիսէն այլ մինչև 'ի Կովկաս, հարաւէն մինչև յանապատն Միջագետաց: Այս վերջի միջոցս այլ դեռ բաւական ընդարձակ է մեր ազգին համար, ոչ միայն ըստ հիմակուան վիճակին, այլ և ըստ հինաքանի. ուրեմն եթէ ասոր այլ չորս սահմաններն ամփոփեմք՝ կրնամք տեսնել չափաւոր երկիր մը՝ յիշեալ գետոյն (Եփրատայ) երկու կողմը, որոց մէկն (աջակողմեանն) ըլլայ Փոք Հայ, միւսն Մեծ Հայ. ասոնք, և մանաւանդ ետքինս այս է բուն Հայաստան. հոն է մեր հայրենիքն. թէ և այսօրուան օրս, սւա՜ղ, ամեն աշխարհացոյցք այս մեզի ցանկալի անուամբ չեն նշանակեր այն երկիրը, այլ անոր քանի մը նահանգաց և գաւառաց անուամբք, կամ նոր և օտար անուններով:

Թողլով պատճառները և դէպքերը քննելու կամ յիշելու, վկայենք որ ազգերնուս մէկ մեծ մաս մը հիմայ իր բնիկ և ուփական հայրենեաց

սահմաններէն. դուրս տեղ կու բնակի կամ հաս-  
տատուած է. բայց դեռ մեծագոյն մաս մ'իր նախ-  
նեաց բնիկ երկրին մէջ է, որ է Մեծ Հայք, կամ  
անոր շատ մօտ տեղ, ինչպէս են Փոքր Հայք, Արմ-  
կաս և Արևելիկա. այս ետքինս թէ և հեռագոյն  
քան զբուն Փոքր Հայս, բայց աւելի Հայկական  
հայրենի երկիր գարձեր է. վասն զի հոս աւելի  
կեդրոնացեր է Հայութիւնն իր սեփական օրի-  
նքն, տիրութեամբն, լեզուաւ և սեփական յառ-  
կութեամբք, որոց նշանք կու մնան իր ձեռագործ  
և ձեռագիր ազգային յիշատիարանս:

## Դ

Ազգային յիշատակարանք. ասոնք են բնիկ նը-  
շանք հայրենեաց. ասոնք են իւրաքանչիւր ազգի  
հայրենեաց ամենէն յայտնի, ամենէն ազգու և  
զօրաւոր արձանագրութիւնք, միանգամայն և ա-  
մենէն սիրելի և սրտառուչ բաներ երկրիս վրայ:  
Արնամբ ուրեմն մենք Հայքս այլ, յետ արտա-  
սուելու մեր անցեալ կամ կորուսեալ երկայն  
ինքնակացութեանը և բազմակերպ յիշատակաց  
վրայ, (որք 3000 տարի մը հանդիպեցան այն մի  
և նոյն երկրին վրայ՝ զոր բնիկք և օտարք միշտ  
կ'անուանէին Հայասքան և Արմէիա), կրնամք,  
կ'ըսեմ, դեռ հիմայ այլ մխիթարուիլ՝ որ այս ցան  
և ցիր ազգերնուս գոնէ կէսն դեռ իր հին և ամե-  
նահին հարանց հողուն վրայ կու բնակի, կու բա-  
նի, և կու հանգչի, անոնց նշխարեալ ոսկերաց  
քով իրեններն այլ աւանդելով. — և կրնայ դեռ  
յետ այնքան ասպատակութեանց և ուներանաց՝  
որ թերևս ամեն աշխարհէ աւելի իր երկրին վրայ  
եղան, կրնայ դեռ իր նախնի տիրազուլս նախ-  
նեաց հնացեալ և կիսաքանդ յիշատակարանները  
տեսնել. — կրնայ ճանչնալ այն տեղուանիքը՝ ուր

իր համարիւն և համալեզու առաքինեաց և քաջաց գործք և արդիւնքն կատարեցան, որք 'ի գիր անցան և դարուց 'ի դար կու պատմին և պիտի պատմին: Կրնամք և մենք հեռաւորքս և մերձաւորք՝ մխիթարուիլ և օգտուիլ այն յիշատակարաններով և յիշատակներով, զոր եթէ ժամանակն մէկ կողմէն կու ջանայ աւելի հնացնել և մոռացնել, մէկ այլ կողմէն դիւրութիւնք նոյն ժամանակի, արուեստք, գիտութիւնք, ջանք և կրթութիւն՝ աւելի կու յայտնեն, կու նորոգեն, կենդանացնեն: Զանոնք փնտռելով և քննելով՝ կու ստիպուինք անգամ մ'այլ վկայել մեր անաչառ պատմահօր հետ (Խորեն. Ա. Գ.), որ թէ պէտ և հիմայ փոքր ազգ մ'ենք, տկար և օտարի իշխանութեան տակ ընկած, «սակայն բապում» գործք արութեան գտանին գործեալ և 'ի մե» ղում աշխարհիս»: Գործք արութեան են՝ քաջութիւն հոգւոյ և սրտի և ձեռաց. արդիւնք առաքինութեան և կործութեան:

Այո, այո. հայրենեաց ամենէն հզօր հրապոյրքն են այսպիսի գործոց յիշատակք, եթէ անոնց նիւթական յուշարարքն կամ արձանքն մնացած ըլլան և եթէ չըլլան. ասոնք են տեսարանին գրւխաւոր պատկերքն: Եւ եթէ այն պատկերաց հետ ենթակայքն և շրջանակքն այլ համեմատ և գեղեցիկ ըլլան՝ 'ի հարկէ բոլոր տեսարանն այլ աւելի գեղեցիկ կ'երևի. սոսիւնքն, եթէ այն գործոց հետ՝ տեղն ու գիւրքն այլ 'ի բնէ վայելուչ ըլլան՝ հայրենիք կրկին քաղցր և ցանկալի կ'ըլլայ: — Արդ այս տեսութեամբ այլ մեր հայրենիքն Հայաստան՝ կրնայ շատ ջնախանձել ուրիշ աշխարհաց, այլ և շատերու նախանձելի ըլլալ. վասն զի բնութիւնն կամ տէրն բնութեան՝ շատ գեղեցկութեամբ և հարստութեամբ զարդարեր է զայն. զոր օր մը յատուկ համառօտ բնագորութեամբ մը կ'ուզեմ

քեզի նկարագրել, Հայկակ: Իսկ եթէ այս բնական  
և ազգային տեսարանաց հետ նկատենք մեր հայ-  
րենեաց վրայ համաշխարհական երեւոյթներ այլ,  
այսինքն անանկ գէտքեր, որ կամ բոլոր աշխար-  
հիս կամ շատ ազգաց պատմութեանն այլ կու  
վերաբերին, կարծեմ թէ քիչ երկիր կրնայ մեր  
հայրենեաց հետ բաղդատուիլ, և կամ ոչ մէկն այլ  
հաւասարիլ այն երկրին, ուր հասարակաց կամ  
հաւանագոյն ծանօթութիւնն՝ կ'ընդունի զգրութե-  
ան, այսինքն մարդկութեան ծագումը. — տա-  
պանին հանդստեան տեղը, այսինքն երկրորդ ան-  
գամ մարդկութեան ծագիլ և ծաւալիլը. — աճե-  
ցեալ մարդկութեան առաջին անգամ ցրուիլն ան-  
կէց. և դարձեալ ի Բաբելոնէ ցրուելոց շատե-  
րուն նորէն կամ բնակարան կամ անցարան և ի.  
բրե կարաւանատուն մ'ըլլալն. կրնամք ըսել թէ  
Հիմակուան զարմանալի Յւրոպիոյ մեծ մասն այլ  
Հայաստանէն անցեր է. անոր ազգաց շատ նահա-  
պեալն կամ գաղթականաց գլխաւորք՝ մեր աշ-  
խարհքէն ելեր կամ անցեր են յարեմուտս և ու  
մանք գէտ ի հիւսիս: Այո՛, Հայկակ, դարձեալ  
կու կրննեմ, որ թէ բնական, թէ ազգային և թէ  
համաշխարհական տեսութեամբք՝ շատ նշանաւոր  
երկիր մ'է Հայաստան. և ըստ այսմ տեսութեան՝  
կերպով մ'եւապատիկ կ'ընդարձակի մեր հայրե-  
նիքն, որ արդէն իսկ բաւական ընդարձակ էր թէ՛  
իր սահմաններովն և թէ մեր պատմական տեա-  
ղութեամբն, որ կու սկըսի ամենէն հին ազգաց  
պատմութեան հետ. և իր ինքնագլխութիւնը կամ  
երկրատիրութիւնը կորուսանելու երկար միջոցն  
այլ՝ գեռ փոքրագոյն մաս մ'է հայութեան կենաց  
ի վերայ երկրի: Եւ արդ այս ամենս՝ անգամ մ'այլ  
կու հաստատեն՝ թէ շատ գործք եղած են ի Հայ-  
աստան, շատ յիշատակներ պիտի ունենայ մեր  
հայրենիքն:...

## Ե

Արդ ի՞նչ պիտի ըլլայ ուրեմն, ո՞վ Հայկակ, այնքան գործոց և յիշատակաց դիմաց այս իմ քեզի ընծայածս — ՅՈՒՇԵԿԻՔ ՀԱՅՐԵՆԵԱՅ ՀԱՅՈՑ։ Եթէ դիպուածոց բազմութեան հետ համեմատեմք, արդարեւ հազարէն մէկ բիւրէն երկուք են. եթէ գործոց գերազանցութեան հետ, կուփուլածամ վկայելու՝ որ և յայսմ մասին ամենէն ընտիր կամ ցանկալի բաներն չեն այս քանիմը տասնեակ պատմածքս, զոր ըստ դիպաց իմն կամ ըստ աւուր պատշաճի՝ յիշեր եմ. և եթէ զբուցուածիս ոճոյն և ձևոյն նայիս, այն այլ շատ հեղ ըստ զանազան աւուրց կրից կամ ասորոժից ըսած եմ, առանց աւելի արժանաւոր ոճի և ձևի մը մտցընելու ըսածս. մանաւանդ որ ՚ի սկզբան չէի մտածեր առանձին գրքով մ'ամփոփելու և հրատարակելու. ևս առուել որ մեր ռամկական լեզուով խօսած եմ, որ թէ և քեզի աւելի դիւրահասկանալի և ասորոժելի է, Հայկակ, բայց ինծի՝ որ աւելի խոր զգացեր եմ հայրենեացս կիրքը՝ քան թէ բացատրեր, — ինծի՝ որ զպատմութիւն հնութեան մէջ յուզելով՝ մեր նախնիքը մեզմէ շատ աւելի մեծահասակ տեսեր եմ, — ինծի, իմ զգացմանս՝ արդարեւ այս աշխարհիկ լեզուս՝ շատ պրզտիկ շատ ցած շատ անբաւական եկած է. ըսեմ նաև՝ թէ և շատ օտարացեալ և այլազգացեալ ՚ի բնիկ հայկական ոճոյ, որ ամենէն աւելի հաճոյն էր ինծի. այնպէս կ'երևի ինծի՝ թէ մեծ կրակ մը փտտած քուրջերով ծրարել կ'ուզեմ, երբ այն իմ հին և սրբազան հայրենեացս հրեղէն յիշատակները՝ այսպիսի խեղճուկ լեզուով կ'աւանդեմ, թողլով իր վսեմական գրոց լեզուն։

Սակայն այսխօսքերս իսկ կու յայտնեն՝ որ իմ սրտիս զուարճութենէն աւելի քու և քու նմանեացդ օգուտը դիտեր եմ, Հայկակ. եթէ կարենայի և ուզենայի Նարեկացւոյ թուղցիկ և հրաթափ լեզուով մը վիպասանել, գուցէ քիչ մ'աւելի սիրտս կու զովանար կու հանգչէր. բայց անշուշտ առ այժմ քիչերու հասկանալի պիտի ըլլայի, և շատերու անօգուտ. եթէ կրնամ գեոյուսալ՝ որ գոնէ քիչերու այլ օգտակար ըլլամ, ինչպէս որ փափագեցայ այս քանի մը պարապոյ ժամերուս զրոյցքը հրատարակելով. որովէրբեմն ուզեր էի այն հայրենեաց սրբազան զգացման մեծ վառարանէն մէկ երկու կայծեր թափել 'ի սիրտքո. Հայկակ, և քեզի նման հայազգի համբակաց: Եւ ասոր համար՝ որպէս զի չկարծուիմ թէ մեր հին և մեծ հայրենեաց զանազան անցքերը ուզած ըլլամ բովանդակել գրքուկով մը, չհամարձակեցայ զանոնք յիշատակք անգամ անուանել, այլ միայն Յուշիկ: Յուշիկք միայն են ասոնք՝ համեմատութեամբ յիշատակաց շատութեան և մեծութեան. Յուշիկք են նաև նկատմամբ այն յուսոյ և փափագանաց՝ որ կու պահանջէին երկար և ճոխաբար խօսիլ և լսել անոնց վրայդ, որոցմէ՝ ժամանակն սնստոյգ՝ և ինծի համար արդէն յառաջացեալ թերևս պիտի չթողու որ քեզի կարենամ աւանդել աւելի կատարեալ բան մը՝ քան սոյն այս անկատար ՅՈՒՇԻԿՔ ՀԱՅՐԵՆԵԱՅ ՀԱՅՈՑ:

## ԲՆԱԽՕՍՍՈՒԹԻՒՆ

## ՀԱՅԱՍՏԱՆ ԱՇԽԱՐՀԻ

Արդ որովհետև կ'ուզես, Հայկակ, որ երբեմն ձմերուան իրիկունները ախորժաբեր կարմիր կրակարանին քով, և երբեմն լաւ եղանակին՝ ցորեկը ժուռ գալով բաց օդոյ և բնութեան մէջ, մեր Հայ հայրենեաց գիպուածոց և հանգամանաց մէկ քանին յիշենք. երբեմն ըստ աւուր պատշաճի, այսինքն օրուան տարէգարձ յիշատակը պատմելով, և երբեմն ըստ կամաց և հաճոյից ընտրելով նիւթ մը. հարկաւոր կու սեպեմ այս առաջին անգամ մեր հայրենեաց բնախօսութիւն մ'ընել. 'ի հարկէ մեր երեկոյեան ժամերուն համեմատ՝ համառօտելով և ամփոփելով անանկ նըկարագիր մը՝ որ կրնար շատ յերկարիլ, եթէ մենք այլ աւելի երկար ժամանակ ունենայինք՝ մեր աշխարհին անցեալ պատմութիւնը և ներկայ բնութիւնը քննելու :

## Ա

Մեր Հայաստան աշխարհին ընդհանուր կերպարանքը շատ նշանաւոր երեւոյթներ կ'ընծայեն մեզի, Հայկակ. և մեկ խօսքով ըսելով, Հայաստան ընդդիմականերու երկիր մ'է գերազանց աստիճանի, որք քիչ ազդեցութիւն չեն ըներ իր բնակչաց բարուցը վրայ: Աշխարհագրական գրիցը պատճառաւ՝ Հայաստանի կլիման է տմենաբարեխառն, ամենաբազըր, հաւասար Իտալիոյ, Յունաստանի, Սպանիոյ, Ասորեան կղզեաց. բայց ունի խրատաշունչ ցուրտ՝ բեւեռային շրջանակաց նման, և հեղձուցիչ ապք՝ արեւագարձից: Եւ այս հակառակաց պատճառն է իր գրից բարձրութիւնը ծովու երեսէն: Վասն զի մինչ մեկ կողմանէ Եւրոպիոյ շատ լեռանց բարձրաբերձ գագաթունքն չեն հասնիր այն բազմամարդ ու մշակեալ տափից բարձրութեանը, ուսկից Եփրատ, Տիգրիս, Կուր և Արածանի սկիզբն կ'առնուն իրենց արծաթափայլ ջրոցը. և մինչ Սեմբլոնի, Կենիսոսի, Ս. Կոթարտոսի համբաւաւոր լեռնանցքն ստորեւ են Սևանայ լճին ջրոց կոպուտակ երեսէն, որուն շրջակայքն հարիւրաւոր գիւղօրէք միշտ բազմամարդ բնակչօք լի են. միւս կողմանէ քանի մը մասունք մեր հայրենեաց՝ ոչ միայն կ'իջնեն հարթ հաւասար մինչև ծովուն մակերեւոյթը, այլ նաև ստորեւ են քան զայն. ինչպէս Կասպից ծովուն ափունքն, ուր կը խառնուի Հայաստանի բնական մակարդակն՝ շճ մեղր ցած են քան զմակերեւոյթ Սեաւ ծովու և Ովկիանու: Ասկէ առաջ կու գան այն հակադիմութիւնքն և այն փոխադարձ խաղերն երկու հակառակ եղանակաց. որոնց մէկն՝ երբեմն կը հայեցունէ, կ'ըսեն, իր հրացայտ ճա-





աագայթներովը Տիգրանակերտի գմբեթաց կապարը, մինչգեռ մեկալն վեց ամիս կը սփռէ իր սպիտակ պատանիքը երկրին մեծագոյն մասին երեսը, և կ'իջեցունէ զուգախառնութիւնը 26" Ռ. զրոյէն վար: Այսպիսի ատեն փարաւաններն հետերնին կ'առնուն թանձր մուշտակներ, կարելու անցնելու համար ձեան ու սառուցի խաւերուն տակ պնդացած լճիւրը ու գետերը, որով չեն զանազանուիր ձորն 'ի գաշտէն: Երջանիկ են այն յանգուգն ճանապարհորդներն՝ եթէ կարենան ազատիլ հիւսերէն և ձեան փոթորիկներէն, որ շատ անգամ կը թաղեն ամբողջ կարաւաններ: Այսպիսի գիպաց մէջ փրկութեան վերջին յոյսն, ըստ վկայութեան Ստրաբոնի, էր երկայն ձող մը, զոր ձեան տակ թաղուող թշուառն կը ջանար ցըցելու իր սառնեղէն բանտին կամարէն դուրս՝ իբրեւ նշան բարախուն կենացը, որ ազատարարի մը կը սպասէր: Այս կերպով ազատեցաւ արքայն Սանատրուկ երեսայութեան ատեն, յետ մնալու երեք օր ստնաուին գիրկը կապուած ձիւնեղէն բանտին մէջ. իր թոռն, Տիրան, թշուառագոյն քան զինքն, հոն կորսնցուց կեանքը յետ թագաւորելու 20 տարի: Օգտակաք ճիպն էր և պատուաւոր պաշտօն մը՝ մեր արշակունի թագաւորաց ատեն՝ արքունի ոստիկանութիւնն ձեանց, յորմէ կ'առնուր իր անունը մեր ազնուական ընտանեացը և կամ նախարարութեանց մէկն, և կ'ըսուէր Զինախան: Ճանապարհորդաց ապահովութեանն համար պանդոկներ կամ կայանք կը հաստատուէին յաճախեալ և վաանգաւոր ճանապարհաց և անցից վրայ. ինչպէս են, բաց յոյլոց, Ռահվայի ձորոյն Խաներէ, ընդ մէջ Բաղիշու և Խլաթայ: Այս հայկառ յնուն, ինչպէս կ'անուանէ մեծն Ոսկերեքան, որ անձամբ փորձեց անոր խստութիւնը, շատ անգամ ահ տուաւ աշ-

խարհակալաց. և առակ եղած է հին պատմեաց և քերգողաց մէջ, Քսենոփոնէն սկսեալ մինչև 'ի բիւզանդացի ժամանակագիրներն: Մեր օրերն բնապատում ճանապարհորդք ստուգեցին որ Էրզրումի ձմեռն առելի նուազ խիստ չէ՝ քան մեծին Ս. Բեռնարդոսի լեռան ձմեռը, թէպէտ և առաջնոյն աշխարհագրական լայնութիւնն 5 աստիճան նուազ է, և բացարձակ բարձրութիւնն ալ 500 մեդր նուազ է քան զհաշակաւոր վանքն Ալպեայց: Դարձեալ Ակոուոյ ձմեռն, 39 աստիճան լայնութեան տակ, և 1760 մեդր բարձրութեամբ, հաւասար է Հիւսիսային-Վրացի ձմեռան՝ սառուցեալ գօտւոյն տակ՝ Եւրոպայի ծայրը: Երևան, մայրաքաղաքն Ռուս Հայաստանի՝ ամառն ստուերի մէջ ջերմութիւնն ելեր է 30° Ռ. ձմեռն իջեր է անգամ մ'ինչուան 40° Ռ. զըրոյէն վար. այսպիսի տարբերութիւն մը մը հաշիւ թէ սառուցեալ գօտւոյն մէջ, Արէնլանտի կղզին կը տեսնուի. ընդդիմակ մը որ գրեթէ ուրիշ տեղ չտեսնուիր:

Այս ընդդիմակութիւնս աւելի զգալի կ'ըլլայ երբ նկատենք մեր հայրենեաց երկրին ամայի երեսը՝ տարւոյն այն ժամանակը, երբ այն լեռներէն անդին՝ որ զինքը կը բաժնեն Պոնտոսէն, նաւրընջներն անուշահոտութեամբ կը բուրեն բաց օդուն մէջ 'ի Տրապիզոն, զոր արդէն ողջուներ է ծիծառնուէն, Հայաստանի վրայէն անցնելով՝ առանց հոն ոտք կոխելու. մինչքեռ ուրիշ կողմ մը՝ ցածագոյն լեռանց ոտքը, Մուսուլ, սառույց կը ծախեն, տաղուկացուցիչ ջերմութիւնը բարեխառնելու համար: Եւ սակայն Պոնտոսի մայրաքաղաքէն մինչև Ասորեստանի մայրաքաղաքը, Հայաստանի տարածութիւնն՝ ուղիղ գծով՝ չառաւելուր քան զ6-700 հազարամեդր. այնպէս որ շագեկառք մը կրնայ կտրել այս միջոցս արեւուն ծա-

գումակն մինչև մուտքը, և կ'ուռնենայ ճամբորդն առաւօտ մը դարնան, միջօրէ մը ձմերան և երեկոյ մ'ամարան: Հաւանօրէն գումն այս դրօսական ճանապարհորդութեանս ձեռք չես զարներ, Հայկակ. չես ուզեր մի և նոյն օրուան մէջ իրեք այլ և այլ եղանակ ունենալ, մանաւանդ երկրորդը: Այգ ինչ խտաշուռնչ երկիր է, պիտի ըսես, այգ ինչ թշուառ հայրենիք է եղեր մեր Հայաստանն: Ա՛հ, երբ պրեկի ըլլան հայրենիք, ամեն եղանակներն ալ գեղեցիկ կ'ըլլան, և վայրենագոյն բնութիւնն անգամ կը քաղցրանայ բարեկիրթ սրտի մը: Ի վերայ այսր ամենայնի ես շատ եւրոպացի կը ճանչնամ՝ Բարիզու և Ղոնտրայի բնակիչներէն, վաճառականներ և հիւպատաներ, որ դժուարաւ կը թողուն Էրզրումի բնակութիւնն յՍԷրօպա վերադառնալու համար. Թէպէտ և կը տեսնեն որ ջուրը կը սառի հոն նոյն իսկ ինցզեանի արեւագարձին գիշերը. բայց այն չորս կամ հինգ ամիսները, որ երկու ձմերանց մէջ կ'ընկնին, վերադաս կը համարին քան զբոլոր տարին ուրիշ կլիմայի տակ:

Օգոյն առաձգութիւնն ու զտութիւնն և անոր հոսանաց զովութիւնն, ջրոց յստակութիւնն, բուսաբերութե՝ առուգութիւնն ու պայծառութիւնն, և այս կերպով մը օգտապարիկ երկրիս արգասեաց համեղութիւնն, կազմեցին զՀայաստան տեղի դրօսանաց և ամարաստուն աշխարհակալացն Ասիոյ և իրեն մերձաւոր Թադաւորաց, սկսեալ ի Շամիրամայ մինչև ցկուսակալս անգրադովկասային գաւառաց Ռուսաց: Վանայ բերդն, որ սեպացեալ ժայռի մը գլուխը կանգնուած է, հաբիւրաւոր ոտք բարձր է ստորակայ լեռնագաշտակէն, ան ալ աւելի քան զՏ100 ոտք բարձր է ծովու երեսէն, այն բնութեան և արուեստից հրաշալիքն, — առաջին հանգրուան հաճոյից և ա-

մարաստուն եղաւ այն տշխարհակալ Թադուհւոյն, որուն անունը ինչուան այս օրս կը կրէ, այն անունը<sup>1</sup> որ շատոնց մոռացուածեան մէջ Թադուած է Բաբելոնի և Յկրատանայ աւերակացը տակ:

Իսկ մեր Թադաւորներն պէտք չունէին իրենց ձմերոցն օտարներու քով փնտռելու: Մուղանայ ընդարձակ դաշտն կամ անապատը, զոր կը կտրեն ու կ'անցնին Նրասխ և Կուր, իրարու հետ խառնուելէն թէ առաջ և թէ ետև, ամեն ժամանակ ձմեռը մեր հայրենեաց կենդանիներուն ապաստանարան եղեր է: Ամառն խապան անապատ մ'է, և արեւէն այրած խոտերուն տակ կը պահէ խորամանկ օձեր, որոնցմէ Պոմպէի բանակն աւելի նեղուծիւն կրեց՝ քան թէ Ասիոյ բոլոր թշնամիներէն. ամառուրնէ գէպ 'ի ձմեռն՝ արօտատեղի և ճմարիտ ապաստան կը փոխուի: Այն վերջին եղանակին մէջ՝ հազիւ թէ Թափանցիկ բարակ ձիւն մը կը նստի, Մուղան կը շէննայ օգոց այն գեղեցիկ եպիկուրեաններէն, (Թուշուններէ), որոնց տարեւոր տեղափոխութիւնքն կը հիացունեն զերկրագործ և զմաստասէր: Այս խաղաղասէր Թուշոց ցեղէն բոլորովին տարբեր և օտար ցեղ մը՝ միջին գարուն՝ այս ընդարձակ միայնուածեանց տիրելով, ծածկեց զանոնք պատերազմասէր հրոսներով, որ եկեր էին Ջիհունէ և Սպքսարաէ անդին եղած անապատներէն. Մողղաց անհամար բանակներն, առաջնորդ ունենալով զՉուրմաղուն և Հուլաղուն, հոն ձմեռն իրենց ձիերը ու բանակները կը վարժեցընէին արիւնհեղութեան և աւարառութեան, զոր 'ի գործ կը դնէին գարնան, բոլոր շրջակայ երկիրներուն մէջ: Անոնց արիւնարբու գլխաւորներն, երբ տա-

<sup>1</sup> Շափրամակերտ աւելըսուի Վախ:

քերը կը հասնէին, Ալաաադի զոգայիկ բարձրերը կ'ապաւինէին, որ Այրարատայ պարուն լեռ մ'է, և վրան Ապսղաղան մեծածախ գլեակ մը շինեց, քաղաքի մը չափ ընդարձակ, որուն աւերակներն ինչուան հիմա անայցելու մնացեր են ճանապարհորդներէն, ինչպէս գիւրքն ալ անծանօթ է հիմա կուան անուանի արեւելագէտներէն՝ որք Մոլդաւաց պատմութիւնը գրեցին:

## Բ

Արարատայ այն լեռանց պարն՝ զոր հիմա յիշեցի, բոլոր Հայաստանը երկու կը բաժնէ, թափելով իր ջրերը մէկ կողմէն Եւքսինեան և Կասպիական ծովերուն, միւս կողմէն՝ Միջերկրական ծովը ու պարսկային ծոցը: Այս շղթայն՝ կցուելով լեռանց այն ընդարձակ գոտւոյն հետ՝ որ ծայրէ ծայր կը շրջապատէ հորիզոնաբար զբլանդակն Ասիա, սկսեալ Զինաց և Հնգկաց եզերքէն մինչև փոքր Ասիոյ եզերքը, ու կը ձգուի մինչև արեւելեան Եւրոպա, — այս հայկական պարը կամ շղթայն, հանդերձ իր լեռնամոյթներովը, նոր ժամանակաց սուաջին բնապատումն Հումայովթ կու սեպէ իբր կեդրոն ծանրութեան բոլոր հին աշխարհի: Սակայն այս շղթայն, ինչպէս ուրիշ Հայաստանի շղթաներն ալ, որոշ չիժրագրուի որ նման անթափանցելի պատուարացն Կովկասու, շարունակ կատարացն Անտիայց, Հիմալայայ, և Ապենինեանց. և ոչ իսկ Տաւրոսի վեհ տեպն ունի: Հայաստան ունի շատ մը երկրորդական շղթաներ ճիւղիցն Կովկասու, Տաւրոսի և Այրարատայ, որ կ'ընդհատին շատ հեղ լեռնակոյտներէ, ցցուեալ առանձնակ սարերէ, որք շատ տարբեր կերպով վեհ են իրենց ձևովը, բացարձակ բարձրու

Թեամբն և իրենց տարածոցովք. և իրաւամբ է որ նոր աշխարհազրաց հայրն, Ռիգգէր, կը կոչէ մեր հայրենիքը Լեռնակղզի<sup>1</sup>: Արգարե ուրիշ կերպ չերևար Հայաստան եթէ գիտուի ընդ մէջ դաշտացն Միջագետաց, Աղուանից և Վրաց, ընդ մէջ Սեաւ ծովուն և Կասպիական ծովուն. ուր լեռնագաշտն կ'ամբառնայ աւելի քան զ՝2000 մեգր հանգերձ լեռներով, որոնց բացարձակ բարձրութիւնն է մինչև 5000 մեգր: Այս լեռնագաշտիս բարձրագոյն կէտն Մասիս, կամ Մեծն Այրարատ, կ'առաւելու բարձրութեամբ իբր 500 մեգր քան զՍպիտակ լեռնն<sup>2</sup>, և երեք կողմանէ առանձնացեալ՝ կը բարձրանայ իբրև հսկայ լեռանց 4000 մեգր Երասխայ գաշտէն վեր, ցուցնելով փառաւորապէս ինչուան 50 փարսախ հետուն իր ալևոր գլուխը. ապիտակ քօղն՝ որ մշտնջենապէս կը ծածկէ զայն, ընդգիմակ երևոյթ մը կը ներկայացնէ իր սև կողերուն հետ՝ երբոր անոնք իրենց ձմեռնային ծածկոյթը ձգեն:

Ի՞նչեւրու արժանի զարմանալիքներէն մէկն է դարձեալ մեր երկրին մէջ մշտնջենաւոր ձեանց բարձրութիւնն, որ բաց ՚ի Մասիսէն և ուրիշ քանի մը բարձունքներէ, ամբողջ տարին չեն գիմանար: Այդ տառնեղէն գիծն հայկական լեռանց առանձնակ սարերուն վրայ չինջնար ՚ի վայր քան զ4000 մեգր, և գօտիներուն վրայ քան զ3500: Իրաւունք ունէր ուրեմն լտաին բանաստեղծն (Որսախոս) զարմանալու որ

Եւ ոչ ՚ի սարս լեռանց Հայոց  
... Պաղ թանձրամած կայ միշտ անլոյծ  
Զհամաբոլոր ընթացս ամսոց: —

Ինչպիսի՞ զարմանալի ընդգիմակ երևոյթ կ'ըն.

1 Գերմ. Berg-insel.

2 Mont-Blanc.

ծային ուրեմն մեր հայրենիքն ընդ մէջ տարւոյն երկու ծայրերուն ու միջին ամիսներուն. ի՞նչ զանազանութիւն ընդ մէջ համառարած սպիտակութեան և պէսպիսագոյն կանաչութեան՝ որ շուտով մը առջինին տեղ կը փոփոխի:

Բայց ինչպէս կ'անհետանան արդեօք այդ ձեանք և սառուցի սարսափելի կոյտերն. ուր արդեօք կ'ամբարին այնքան անբաւ ջուրեր: Անտարակոյտ պէտք էին բոլոր մեր երկրին երեսը ողողել, աւերել ու փշաջրեւել, եթէ նախախնամութիւնն առաջուց անոր կորնթարդ գիրք մը տուած չըլլար. կմբռնէ զանազան մը պէս զետեղելով չորս միջերկրական ծովուց միջոց. ուր կը թափին այդ ջրոց մեծամեծ քամուքն՝ և կը ձկնաջրեւն առաջափոխեն Ասիոյ մեծագոյն գետերէ: Բայց ի երկրին զգալի կորութենէն՝ գետոց յատակքն ալ շատ խոր են, և ոմանք ինչուան հարիւրաւոր ոտք բարձր. ափունք ունին իրենց թուխ ալիքներուն վերեւ. այս պատճառաւ է որ շատ մեծ ու փոքր գետեր Սև կը կոչուին: Բայց այդ տարւոյ ջրհեղեղը չէր բուեր երկրին արբուցմանը, եթէ մշակողաց երկայնամիտ վաստակն բաղմամբիւ ջրանցքներ և ջրոց ընդունարաններ չբանար, և շարժուն ցանց մը ձկնաջուրներ իր մարգացն ու անգաստանացը եղերք: Պէտք է ճանչնանք ուրեմն որ մեր նախնիքն, առանց ներկայ դարուս դիւրութիւններն ունենալու՝ շատ ճարտար էին ջրաբաշխական արուեստի մէջ: Զորոց խոռոչներուն մէջ թմբած լուրն՝ ոչ միայն նեղ ժայռերու մէջէն ճամբայ բանալով կ'ընթանար անխոնջ երկրագործին քրքրտանց ձեռնառու ըլլալու, այլ և երբեմն աւերի գծուարին և օձապտոյտ ճամբաներով՝ սուր և սեպած քլուրներու և ժայռերու գաղաթը կը բարձրանար, ձկնաջրեւն աւազան մը ժայռերու մէջ փորուած՝ բռնաւորի և կամ բռնաւորէ մը

ընկճուած հպատակի մը ամբողջին մէջ: Ուրիշ տեղ ալ տարբեր վախճանի համար խոր գետե-  
րու տակէն գետնափոր ուղիներ կը բանային. օ-  
րինակի համար Անի, բուն Հայաստանի ետքի մայ-  
րաքաղաքն, Լոնտրայէն 800 տարի առաջ ալ ու-  
նէր ստորգետնայ ջրանցքը: Այդ ջրաբաշխակոն  
մեծագործութիւնքն հաւասարիք մ'են թէ կարող  
էին ուրեմն զանոնք շինողներն նաև մեծամեծ ջրոց  
հոսանքները քարաշէն կամարներով ալ սանձել,  
կ'ուզեմ ըսել կամուրջներով. այնչափ բազմա-  
թիւ էին կամուրջներն՝ որ միջին դարու մեր աղ-  
գային երգիչներէն մէկն կ'երգնուր, « Այ քարա-  
րաշէն կամուրջնի »: Բայց սակայն շատ դիւրին  
գործ մը չէր ճարտարապետին՝ մէկմէկու միացը-  
նել անանկ երկիւ ափուկք, որոնց մէջէն կ'արշա-  
ւէին սրընթաց և զայրագին գետեր. վկայ է Վիր-  
գիլեայ գեղեցիկ առդն,

Ի կամրջոց ըմբոստն Երասխ:

Փուռ տեղը ջանացին Աղեքսանդր և Օգոստոս ինք-  
նակալներն սանձահարեւ այդ ամեհի գետը. ու-  
րիշ ինքնակալ մը աւելի երջանիկ սեպեց զինքը՝  
տնոր վրայ գէթ առժամանակեայ կամուրջ մը  
ձգելով. և ահա մէկէն ուրիշ շողջորդ բանա-  
ստեղծ մ'ալ (Սաադիոս) երգեց.

Լատինական կամրջոց արդ հըլու Երասխ:

Բայց այդ զայրագին գետն, արհամարհելով կայ-  
սերական ձեռագործներն՝ իր ալեացը ներքև ընկ-  
նեց զանոնք, մինչդեռ հեղիկ և ուժաթափ եօթ-  
նակամար մեծ կամրջի մը կամարաց տակէն կ'անց-  
նի, որոյ հիմուկը համեստ հովիւ մը ձգեց: Հո-  
վուի կամուրջն (Չօպան-էօֆրիսիս) Հայաստանի  
և անոր շրջակայիցը մէջ առաւ եղած է: Թողլով  
ուրիշները, յիշեմ մէկ կամուրջ մ'ալ միայն,



Զորոփոր գաւառին մէջ, միակամար քարաշէն զոր այրի (Թագուհի մը իր ծաղիկ հասակին մէջ կանգնել տուաւ 'ի յիշատակ իւր (Թագաշուք վախճանեալ ամուսնոյն Աբասայ, խոր հեղեղա-տի մը վրայ ձգելով, իբրեւ խորհրդաւոր նշան միու-թեան երկուց սրտից, երկուց աշխարհաց և երկուց հանդիպակաց կենաց. կամրջոյն ստորոտը խաչարձանի մը վրայ գրոշմել տալով իր սիրոյն և կենդանի հաւատոց նշանակը: Զիկրնար հայրե-նասէր մը յանցանքն այս (կը համարձակիմ ըսե-լու) հրաշակերտ կամրջէն, չտալ տխուր աչք մը թէ այն սրարշաւ ալեացը վրայ՝ որ միշտ կը թու-ղուն և միշտ կը ծածկին իրենց հունը, թէ այդ արձանագրութեանը վրայ՝ որ քրիստոնէական յուսոյ նշանին տակ անեղծ պահուած է, և թէ այն մերձաւոր կրկին վանքերուն վրայ, Հաղբա-տայ և Սանահնի, Հայաստանին միջին դարուց Ս. Դիոնեսիոսն ու Ս. Պօղոսը<sup>1</sup>, ուր կը հանդ-չին աւելի քան զ40 պսակազտորդ գլուխք ընդ պարկեշտասուն (Թագուհւոյն Նանայի, որ է հի-մնադիրն կամրջոյս. բարեբաղդաբար ժամանակն, որ մարգէս աւելի խնայել գիտէ, անարատ պա-հած է մեզի 700 տարուէնէ 'ի վեր՝ այդ միանգա-մայն հայրենական և կրօնական յիշատակարու-նը<sup>2</sup>:... Բայց այս ինչ է, միթէ այդ փրփրագէղ

<sup>1</sup> Saint-Denis Բարիգու և Saint-Paul Լոնտրայի:

<sup>2</sup> Այս է արձանագիրն. « Կամաւն Աստուծոյ եւ Նանա 'ի յազգէ Բագրատունեաց դուստր մեծին Սարգսի, քոյր » Զաքարէի և Իվանէի, կին Աբասայ (Թագաւորին՝ որ » վախճանեցաւ կիսաւրեայ, խաւարեցոյց զիս. կանգնե- » ծի զխաչս, շինեցի զկամուրջս. յիշատակ նմա և միս- » թար ինձ, ծնողաց և եղբարց իմոց: Որք երկրպագէք՝ » յիշեցէք 'ի Քրիստոս »:

Խաչին վերէն այլ գրած էր. « Նշան Քրիստոսի, լեր » բարեխաւս իշխանաց յազգէ Բագրատունեաց »: Աբաս

ալեաց ներքև ծածկուած յուշխապարիկ մը կայ՝ որ կը հրապուրէ զիս նիւթէն գուրոս արշաւելու։ Ա՛հ, Հայկակ, քնչ աւելի զօրաւոր, աւելի յափրշտակիչ և աւելի սրբանուէր բան կայ, քան բնութեան և կրօնից զուգայարմար ներգաշնակութիւնն, հանգերձ հայրենեաց յիշատակնն. բուն և ցաւերուն։...

Հայաստանեայց ջրաբաշխութեան վրայ խօսքս չկնքած՝ անշուշտ անդրադարձութիւն մ'ըրիր, որ երկրին զառիվայր գիրքն, լերանց բարձրութիւնն, ուղիւից և հեղեղաց առատութիւնն, և համեմատաբար անոնց ընթացից կտրձութիւնն՝ պէտք էին որ ջրվէժներ և հոսանքներ գործէին. և յերաւի մեր գետոց անուաններն իսկ, ինչպէս Երասխ, Տիգրիս, Ճօրոխ՝ իրենց երազ ընթացքէն առնուած են. առաջինն՝ անուանի է իր վտմաւերապ քարավազ. Թափուածքովն՝ ընթացիցը վերջերը, որ հիմայ Ռուսիոյ ինքնակալութեան հարաւազոյն մասին վրայ է, և անոր ամենամեծ գետերն իսկ այգալիսի պանչելի և միանգամայն դարհուրելի երևոյթ մը չունին. վասն զի այդ վէհերուն և մեծամեծ ժայռերուն մէջէն իրեն անցք մը բանալու համար, պէտք եղած է որ երկրաշարժն ամբողջ Մեծ լեռը հիմն 'ի վեր տապալէ, և Թողու մեր ազգային գետոյն Թաւալիչ գահավիժաբար, իբրև փրփրերախ և սանձարձակ երիվար մը։ Այդ ժայռերուն յամառ գիմակալութիւնը ընդրեմ Երասխայ զայրադին յորձանաց՝ տեսներով մեծն Շահ-Աբաս, կ'ըսէր քովինն. Եհնա ձեզի օրինակ Թշնամեաց գիմակալե-

պս Թադաւոր Հայաստանի արեւելեան հիւսիսային կողման գաւառի մը վրայ՝ մուա 19 տարուան, երախայ գաւառի մը Թողլով 'ի Նանայէ, որ իր անդ Թադաւորեց յետոյ, և կոշուէր Աղսարթան։

լու. որուն՝ Այո, պատասխանեցին, տէր արքայ, երբոր այգալիսի զօրաւոր նեցուկներ ըլլան. ցուցնելով իրեն ապառաժ գետափունքը՝ զոր ջուրն էր ծեծէր: — Եփրատէս, սուրբ գրոց գետերուն պարագլուխը, որուն ակունքը 9000 ուղբ բարձր են, Կորնոյ Մաղկի լեռնէն սկսելով, 300էն աւելի քարավաղ ունի, 12 փարսախ միջոց Մեծ և Փոքր Հայոց մէջտեղ: Ասոր արեւելեան օժանդակն՝ Արածանի, Մշոյ անուանի Ս. Կարապետ ուխտատեղոյն մօտ՝ բոլորովին միաձոյլ էր Թափի բարձրէն, և անկմանը ձայնէն տեղն ալ Կուրկուռ կը կոչուի: — Վերջապէս Ճորոխ Հայապոնտական գետն, քան զառաջիններն աւելի կարճ և երազ ընթացքով, լիճ մը կտրելով անցնելով՝ կատարեալ ջրվեժ մը կը ձևանայ, և ինչպէս կը վկայէ գերմանացի բնագնին մը, որ աշխարհիս երեք գլխաւոր մասերուն յայց ելած և զարմանալիքը դիտած է, բաց ի Նիակարայի ջրվեժէն՝ գեղեցիկութեան կողմանէ ուրիշ մը մերինն չի հասնիր: — Կ'ուզէս հիմա այգալիսի գետոյ մը վրայ նաւարկութիւն փորձել. մտիր նաւակ մը Արգուինէն, որ Լազիստանի սահմանակից քաղաք է, ինչուան գետոյն բերանները՝ ի Պաթում, 6 կամ 7 ժամուան մէջ կրնաս իջնել. կ'ուզէս դարձեալ Պաթումէն յԱրգուին դառնալ. նոյն եղանակով 6 կամ 7 օրուան մէջ կը հասնիս. — կը տեսնաս որ գետոյն յատակն շատ զառիւկայր է, իսկ հոսանքն աւելի շատ երազ: Ուստի մեծ բան մը պէտք չէ յուսալ Հայաստանի գետոց նաւարկութենէն. Թէպէտ և բաւական մեծութեամբ նաւակներ՝ Կուրը և Երասխը կտրելով անոնց խառնուրդէն վեր ալ կ'անցնին:

Սակայն Յունաց պատմահայրն մեղի կը ծանուցանէ, թէ իր ժամանակն Հայք՝ Եփրատայ վրայ կէս բարբարոս՝ բայց հանձարեղ նաւարկու-

Թիւն մը կ'ընէին. իրենց երկրին և օտարին բերքերը կը տանէին, մօնաւանդ տեսակ մը արմաւի գինի, բոլորած և նաւակներով, որոնց կմախքը կամ ներսի կողմը ուռնէնայ ճիւղերով և դուրսը մորթով պատած էր, և ինչուան 5000 տաղանդ<sup>1</sup> կրնային վերցընել: Գեառոյն հոսանացը թողլով՝ շիտակ Բաբելոն կը հասնէին. իսկ դարձը ցամաքով կ'ընէին, այս կերպով. նաւակաց հաստատուն մասերը կը ծախէին, իսկ մորթը՝ հետերնին նաւակով բերած իշոց վրայ գնելով, կը դառնային իրենց նաւահանգիստը, որ անշուշտ չէր նմանէր Մարսիլիոյ: Թերևս քեզի ծիծաղելի երևի այս բանս, բայց աղուարանն Յրոգոտ՝ այդ նաւարկութիւնը՝ Ասորեստանի մայրաքաղաքէն ետեւ՝ բոլոր այն աշխարհին զարմանալիքներէն վեր կը համարէր:

## Գ

Հիմա ջրերը մէկդի թողլով՝ մօտենանք հողուն, փութանք հասնիլ անգործարան արարածոց. և երկրաբանական կողմով թեանց բազմամանուած պատկերը ձգելով՝ ջանանք աւելի նշանաւոր ու օգտակարագոյն նիւթերը ու տարերքը քննել. և նախ սկսինք 'ի վաղուց ծանուցեալ ներկական ու հողային հանքերէն: Ո՞ր գեղագործ չյարգեր Հայկաւը, որ կարմրագոյն հող մ'է, Լեւնոսի կաւուտ հողուն նման. և երկուքն ալ հիմա իր անուամբն կը կոչուին. որոյ նման կաւ մը կայ և 'ի Գաղղիա Լուառ գետոյն երկու ափանցը վրայ, 'ի Պլուա և 'ի Սոմիւր: Ո՞ր պատկերահանին ծանօթ չէ Հայոց հողը, այն կարմիր ներկը՝ որ որմնանկարուց խառնըրդոց մէջ կը մտնէ: Թէ նկարիչք և թէ գեղա-

<sup>1</sup> Իբր 100,000 քիլոկրամ:

գործք կը յարգեն Հայոց Կարճ Թէոփրաստեայ օրերէն ի վեր, իր գեղեցիկ կապոյտ գոյնովը ճանչցուած, և երբեմն գոճազմի հետ չփոխուած. որ և երբեմն իւզոտ և շիկակարմիր կ'ըլլայ: Դարձեալ հռովմայեցի նկարչաց ծանօթ էր Արփնիւս ըսուած հայկէան կապոյտ և ճերմակ ներկն, որով իրենց պաշտօններուն պատերը կը զարդարէին, և որոյ լիտրն վեց Ֆրանց կ'արժէր: Իրենց անուանի քանդակագործքն՝ Սուսերամարտիկը ու Պեւեատէի Ապոլոնը յղկելու համար, Նաքսոսինէն աւելի Հայաստանի յղկաքարը (cotes) կը գործածէին, որ նաև մարգարիտներն ու աղնիւքարերը յղկելու կը ծառայէր: Իսկ միւս Կարճն, այսինքն յեաանաքարն Հայոց՝ Նաքսոսինէն ստորին կը սեպուէր: — Հիներուն ծանօթ էր Հայաստանի ուրիշ կարծր քար մ'ալ, որ երկաթէն աւելի զօրաւոր նիւթերով՝ կնքոց դրոշմը կ'ընդունէր: — Նախնիք կը գործածէին նաև հայկական Ուիմաճոյը *Crysocolla armeniaca*, որ Մակեդոնիոյ ու Կիպրոսի մէջ ելածէն աւելի ընտիր էր. բայց ափսոս որ հիմա անհետացած է, և չգիտցուիր ուր գտնուիլը. բայց կարծեմ թէ տեսակ մը արջասպ էր, և նոյնն՝ ինչ որ Արաբացիք մեր աշխարհին անուամբը Պաւլի-Էրֆիէ կ'ըսէին: Դարձեալ ուրիշ տեսակ մ'ալ կը հանէին, Պաւլի-Էրֆիէի անուամբ, զոր մեր բժիշկներն հիմակուան Օլթիի վիճակին մէջ կը դասեն, (Ուիւրեյի արջասպ): Մեր երկիրն այս տեսակ բերոց զանազանութեամբ այնչափ հարուստ է, որ շատ երկայն կ'ըլլայ մանրամասն խօսիլ անոնց վրայ. այս միայն բաւական կը սեպեմ ըսել որ Հայաստան ճոխ է նաև ամեն ազգ կաւերով, մետաղներով ու պալլելով, որ Իրոսկորիտեայ<sup>1</sup> ալ ծա-

<sup>1</sup> Բժիշկ և բնագէտ Անաւարզեցի՝ քիչ առաջ քան զԺամանակ Քրիստոսի:

նօթ էր. մանաւանդ ամեն տեսակ ու ամեն ձեռով ազ խիստ առատ կը գտնուէի: Կողքաց և Նախիջևանու ազահանքն՝ Նոյի որդւոց ժամանակէն ի վեր կը բանին: Բարձր Հայոց երկու գաւառներն՝ ազի անուներ կը կրեն, Դարանազի ու Մանանազի, որոնց ազահանքն ամենուան ծանօթ են: Աւրիշ մերձակայ նահանգաց գաւառներ ալ նոյն պէս ազի անուանով կ'ըսուին Մարգ-ազի, Աղբրի, Աղաից ձոր և Աղիովիտ, ուր ազերը, վառակներ և ազի լծեր բազմաթիւ են: Բայց թէ արգեօք ասանք ողորջէ կամ սկզբնաւոր ծովու մը քաշուելէն, եթէ երկրիս հին կազմութենէ կամ հրաբուխներէ ձևացած են. ասոր լուծումը կը թաղում երկրաբանից:

Դիւրավառ հանքաց մէջ ծանօթագոյնն է Մըծախը որ գեռ Արագածու ծայրերը սփեղաղոյն կու փայլեցընէ. սե և ճերմակ Նախիջ, Կողոյթիին կամ քարածիւթը. որոնց հետ պէտք է յիշատակել նաեւ Վանայ մօտ եկեղեցեաց մեկուն մէջ քարէ մը ելած կըք, որ հաւասար ստուգուած բան է: — Հանքային ածխոյ նշաններ տեսնուած են ընդ մէջ լեռանց Բարձր Հայոց և Այրարատաց և յայտնի գտուած Տայոց Ուխտիք (Սլթի) գաւառին մէջ: Մեր նախնի աշխարհագիրք կը յիշատակեն այս լեռանց մեկուն մէջ, Երզնուումայ հաբաւային արևելեան կողմը, նաւթի հետ միմեկուր ուրիշ երկու նիւթեր ալ, որք մեզի անծանօթ են, բայց կարծեմ թէ հրային հանքեր են. կը յանձնեմ մեր հայրենակցաց քննել այն տեղերն և մեզի ծանօթացնել թէ ինչ են Զիւլին ու Սուրիւ. որոց մէկն գուցէ ըլլայ նոյն ինքն հանքային ածուխն: Անոնց խնամոց կ'աւանդեմ նաեւ որոշել Վանախը, զոր շատք ժայռի բիւրեղի տեղ կ'աւանդեն:

Իսկ ազնիւ քարանց նկատմամբ, մեր նախնիք

Արարատիները յարդի կը համարին, առանց ուրոշ տեղերը նշանակելու. այլք կը յիշատակեն յասփը, Թորոգում գետոյն եղերքն, որ կասպից ծովը կը թափէր: Մովսէս՝ սուտակն և ափն զահանակը կը յիշէ Նւիլատայ եգեմական երկիրը, Փիսոնի եղերքը, որ ըստ մեզ է Ճորոխ, և Նւիլատան՝ Խաղտիք մեր, ըստ Յունաց ընտիր մատենագրաց՝ Խալիբ: Զմոռնանք նաև Արածանուոյ աղբերականց մօտիկ Տիատինի վտակաց ձևացուցած գեղեցիկ և բոլորածև ուլունքն այլ:

Իսկ հասարակ քարանց կողմանէ Հայոց լեռինքն անսպառելի հանքք են. նոյն ինքն մեծն Մասիս միակառուր սե պորփիւր քար մ'է, կատարը ձերմակ փաթեթ պատած, որ անշուշտ իր հինգ հազարմեգր ուղղահայեաց բարձրութեամբ ըն շատ աւելի վսեմութիւն մ'ունի, քան Շամիրամայ մեր լեռներէն կարած կոթողը, զոր Ասիոյ մայրաքաղաքին կեդրոնը կանգնեց, իբրև հին եօթն հրաշալեաց մէկը: Այս քարանց քանի մի կտոր կրնան տեսնուիլ և 'ի Բարիզ Լուվրի գեոնայարկ սրահներուն մէջ, զարմանալի քանդակներով և աւելի զարմանալի արձանագորութեամբք ծածկուած: Բաբելոն և Նինուէ մեծաւ մասամբ մեր երկրին բնիկ հարստութիւններովն կանգնուեցան ու զարգարուեցան. յայտ է թէ ինքն ալ զուրկ չէր այգպիսի շինուածներէ: Թէ և ուրիշներէն աւելի աւրըշտկուած ալ է, սակայն գետ ինչուան երեք հազար մեգր բարձր լեռանց գագաթան վրայ ալ բևեռագիր արձաններ ունի: Խօսքս՝ մեր երկրին քարահատից երկարադատում ցուցակովը չծանրաբեռնելու համար, այսչափ միայն ըսեմ որ հայ հողուն տիրող քարերն են պորփիւր և պաղալք: Այս յետինս Սևանայ լճին մօտերը Փառնոյ խորածորին մէջ հաբիւր մեգր բարձրութեամբ կոթողներ ձևացուցած է,

որ իրուցընէ մոգական և վսեմ տեսարան մը կ'ընծայեն, արժանաւոր մեծոգի անորժակաց հոկահասակ թագաւորին Տրդատայ, որ վախից և անդընդոց վըայ երկընցած սարատափի մը ծայրը շքեղ հովանոց մը կանգնեց, 'ի վայելա Հայոց Օրիորդին, իր սիրական քրոջը, « Ի համար քեռիւրոյ Խոսրովիգիտոյ »<sup>1</sup>։ վրան առաւելոյք դարանցնելէն ետև գետնաշարժով մը կործանեցաւ։ Բայց իր մնացորդներն, գրեթէ ամբողջ կեցած՝ կը հաւաստեն մեզի՝ որ այդ դաստակերտն Յունաստանի և Հռովմայ ընտիր կերտուածոց վերջինն էր։ — Այս բնութեան և միանգամայն արուեստի կառուցած հոյակապ արձաններուն անմիջապէս մօտ՝ ուրիշ մ'ալ կայ, որ առջիններուն այդ երկու գերազանց առաւելութիւններէն զատ, կրօնից յիշատակարանն ալ ունի վրան։ Եւ է մէկ, կամ թէ լաւ ևս ըսել եօթն եկեղեցի և ներքսփոր քարակտուր մատուռներ։ որոց խոր միայնութեան մէջ ծածկուած մնաց երկար դարեր այն յանգուզն գեղարգն, որ մեր Փրկչին կողը պատուեց<sup>2</sup>։

Կը դանուին 'ի Հայաստան նաև, թէ և քիչ անդ, մարմարիոն, ալապադր և բիւրեղ։ Բայց իր քարահատից բաղմակերոյ տեսակներն իր հըրաբըղխից բերքերն են, որոնք Այրարատայ հաղարաւոր եկեղեցեաց շինութեանը գործածուած են, և որոնցմէ գեռ կանգուն են մնացած քանի մը հարիւր, ոմանք ամբողջ՝ ոմանք կիսակործան, տասն, տասնևերեք դարերէ 'ի վեր։ Ժամանակ՝ փոխանակ մաշելու այս գեղին, սև, գորշ և գոյնզգոյն քարերը, կարծես թէ ալ աւելի կտրծրացուցեր է։ Բոլոր Անիի և իրեն շրջակայիցը մեծա-

<sup>1</sup> Խորենացի Բ. Ղ։

<sup>2</sup> Ասոր համար կ'ըսուի Գեղարգայ կամ Այրի վանք։



մեծ շէնքերը այս քարերէն շինուած են. կան այն պիտի եկեղեցիք, որոնց շինութեան մէջ ափ մը կիր գործածուած չէ. թէպէտ և դիւրին էր այն քան կրային լեռներէն շաղախ շինել, բայց այս պիտի շինուածոց քարերը իրարու կապելու համար՝ երկաթի կամ կապարեայ ճանկեր և թիթեղներ կը գործածէին, և երբեմն զասոնք ալ զանց կ'ընէին:

Այս տեսակ քարերն բնականաբար իրենց ծրնունդը մոգերնիս կը բերեն. այն սարսափելի տիտանները որոնք երկրիս կողերը պատուելով մէկ-մէկ ծխաշունչ լեռ ձևանալով կանգնեցան կեցան: Այն մարած հրաբուլդներուն համար կ'ըսեմ, որոնց մնացորդներն, ինչպէս նաև հանքային ջրոց առատութիւնն, մեր երկրին բնական կազմութեան մէկ նշանաւոր կերպարանքը կ'ընծայեն. և չեմ գիտեր թէ կայ արդեօք ուրիշ աշխարհք մը՝ որ մերոյն պէս տալին ու վրայ հերկուած ըլլայ այն պողտոնական ուժէն՝ որ այդ վիթխարի և ահաւոր ելևէջները գրոշմած է իր վրայ: Գաղղիոյ Օվէռնի մէջ Տօմի մարած հրաբուլդները, գաճաճներ են այն երեք չորս հազար մեգր բարձրութեամբ հսկաներուն քով, որոնք թէ և շիջած են՝ բայց զօրութիւննին աւելի թմրած է քան թէ կորած բոլորովին. և իրենց ըրած աւերմանց հետքը, որ շատ երկար ատենուան բան չեն, անարատ պահած են: Մեր աշխարհքին մէկ զարմանալի ընդդիմերևոյթն ալ այս է, որ թէ պատմագրաբար նայելու ըլլանք՝ երկրիս ամենէն հին մասն է, և մարդուն բնիկ գաւառն. իսկ թէ որ երկրաբանօրէն քննենք՝ նորագոյն կազմուածներէն մէկն է. և վերջի ժամանակներուն մէջ շատ մեծ խլրտմունք և փոփոխութիւն կրած է: Հրաբուլդներէն բազմաց բռնկիլը պատմական դարէ վերջը հանգիւած է, ինչուան կան ոմանք որ հա-

զարհինգ հարիւրէն, երկու հազար տարիէ վեր չեն ելլեր. և մինչև ցարդ յայանի կը աեսնուին լաւայի գունագոյն հեղեղներն, որոնք անճռնի օձերու պէս ոլորուած են այն հրաբխից բերանացեալ վհին բալորաիքը ու ստորոտնին: Նոյն իսկ իրենց վրայի թեփը, (եթէ ներեն ինծի երկրաբանք այսպէս ըսելու), ամենեւին կորուսած չէ իրեն հին փայլմունքը, և մամուռն գեռ վրան քոս չէ կապած: Մեր նախնիք աւանդութեամբ գիտէին Մեծ լեռան փլէիքը, և Աւագ Մասեաց կողը մղոնաչափ մը երկայն բացուած խոր պատառուածքը: Այն գծոխաձև վիհն չէ թէ միայն մեր ազգային քերթողները ապշեցուցեր էր իր ահարկութեամբը, հապա Պայռքնի և Սումէի նմաններն ալ. վասն զի այս Ապոլոնի որդւոց աչքերն, որ քան զերկրաբանիցն աւելի թափանցանց ու հեռատես են, գուշակեցին թէ Մասեաց ծոցը գեռ մեծ եռացմունք կան. որ և յիրաւի իսկ 1840ին յանկարծ գուրս պոռթկաց արձրկելով ծուխի սև ալիքներ, շաղախ, քարեր ու ջուր, և բոլոր Այրարատայ գաշաը գողացնելով: Անշուշտ այդ միջոցին այն սրբազան գողաթանց վերայէն հեռացեր էր հրեշտակն Քնոյ, ուր որ մեր գարուս արձակաբանից համերոտն, Մարտիրոսաց երգիչն (Շագոպրիան) ազուաբար հաներ կեցուցեր էր զնա: Վանայ լճին արևմտեան գինեղոզ լեռանց մէկուն վերջն հրգեհումը 1441ին կը յիշատակուի. իսկ Սիւփան, որ նոյն լճին հիւսիսակողմը վսեմ կոնաձևով գրեթէ չորս հազար մեգրէ աւելի բարձր ցցուած է, գեռ ծծմբախառն թեթև շոգի մը կ'արձակէ. — արևելեան կողմը՝ Վարագ, օտար չէ պզտոտոնական կաղմուածքէ. իսկ լճին հարաւակողմը գեռ այս տեսակ նշաններ ստուգուած չեն ի ճանապարհորդաց. բոցք ժ գարուն վերջերը այդ կողմերը բնակող ճգը

նաւոր մը, Քրիզոր Նարեկացին, Հայաստանի Ս. Բեռնարդոսը, իր տաղերէն մէկուն մէջ հրաբրդ-  
խային բորբոքման ազօտ նկարագրութիւն մը կ'ե-  
րեցնէ. « Լերինաթինդ խոր վիհ 'ի վեր, ծափին  
'ի նոյն շտապ յորձանից. Հրակոծ լերանց ան-  
'ի ձկին 'ի տապ բոցն 'ի ծաւալ ծով խոր հերձաւ.  
'ի ճապաղ ճեպով դարձ նոյն 'ի դարձ խաղայր  
'ի փութայր 'ի տեսանել »<sup>1</sup>: Արդէն մեր նախնիք  
Քրիստոսի թուականին առաջին տարիները այս  
լերանց մէկուն վրայ կը ճանչնային « տուն կրա-  
'ի կի, անյագ հրոյ, անդագար այրման աստուա-  
'ի ծոցն, և քարինս հոսեալ յակն յորդաբուռն  
'ի աղբերն... քանզի վառէին զկրակն՝ քոյրն, և  
'ի զաղբիւրն՝ եղբայրն »: Թերեւս վասն պայծա-  
ռութեանն կրակը այլարանելով 'ի քոյր: Ուրիշ  
կողմանէ գիտենք որ աս ծովակիս ջրերը աւելի  
լեղի են քան թէ աղի. մանաւանդ եղբրքները ա-  
նանկ խառնուած են բորակային բաղադրու-  
թեամբ՝ որ կառաները լուալու կը գործածեն:  
Իսկ Սեւանայ լճին՝ բնաւ տարակոյս չկայ հրա-  
բրդնային կազմութեանը վրայ. կրնանք ըսել թէ  
հրաբլխի խառնարանաց մեծագոյնն է, սեպա-  
յեալ և կոնսաձև քարալեռներով չըջապատած,  
որոնցմէ տասուերկուքէն աւելին իրենց առան-  
ձին բաժաններն ունին ջրով լեցուած կամ պա-  
րապ: Ասոնց ետին կը բարձրանայ գէպ 'ի արեւ-  
մուտք վիթխարին Արագած (ռամփօրէն Ալա-  
կէզ), բոլորովին զատ առանձնակ, և Հայաստա-  
նի լեռներուն ամենէն լայնանիստը և սաղոյգ չա-  
փուածներուն մէջ բարձրագոյնն՝ Մասիսէն վեր-  
ջը, որսւն հետ, ըստ Ռիդգերայ աշխարհագրին  
Գեղեցիկ մտածութեանը, կը ձևացնէ մեծ գրան  
մը երկու կամարակալները, ուսկից կ'անցնին Գան

<sup>1</sup> Տաղ Զորհնեաց:

գիտի եղերքներէն դէպ 'ի Պոնտոս ու Կովկաս ճա-  
նապարհորդող ամենայն կարաւանք: Արագածու  
կատարը չորս գագաթ ճղքուած ու ցցուած է,  
որոնք իր խառնարանին եղերքը գիտակ կեցած  
են, և պայծառ ծծումբ ունին կողերնուն վրայ:  
Կ'երևի թէ Քրիստոսի թուականին առջի գարե-  
րուն մէջ գեռ ասոր պատառուածքներէն ծուխ  
կը ցնդէր. վասն զի ԺԴ գարու դիւրահաւատ մա-  
տենագիրներէն ոմանք կը պատմեն թէ լերան խո-  
րը քարանձաւ մը կայ, ուր մեր Լուսաւորիչն  
մատուռ մը շիներ ու կանթեղ մը կախած է, որ  
ինչուան 'ի կառարած աշխարհիս վառ պիտի մը-  
նայ: — Մօտերս բրուսիացի ճանապարհորդ մը  
Հայաստան հիւսիսէն հարաւ քալելու ատենը,  
երեք գիշեր ետեւէ ետեւ տեսեր է Այրարատայ  
լերանց վրայ ցոլացեալ լոյս մը. տեղացիք ասի-  
կայ սեպեր են հաւաստի նշան մը գեանաշարժի  
Պարսկահայոց մէջ, և յիրաւի նոյն օրերը Դա-  
վէթ շարժ կ'ըլլայ: Այն նահանգը որուն շահա-  
ստանն է այս քաղաքս, միշտ Ատրպատական տ-  
նունը կրած է, որ կը նշանակէ փշի կամ աման  
հրոյ, և ունի, ուրիշ լեռներէն զատ, Սաւալանի  
հրաբլիսային սեպուհը, որ դրեթէ Սպիտակ-լերան  
չափ բարձր է: — Բայց Հայաստանի և բոլոր յա-  
ռաջակողմն Ասիոյ մէջ ամենէն կենդանի հրաբու-  
խի զօրութիւն և նշան ունեցող լեռն է Թանպըբէի  
(գուցէ Թոնրակ կամ Թոնդրակ իստ նախնեաց)  
իբր 10,000 ոտք բարձր, Պայէզիտ քաղքէն երեք  
կամ չորս փարսախ հեռի դէպ 'ի Վանայ ծովը.  
որուն գագաթը ամենեւին նման է Վեոուվի, բա-  
ժակը շատ ընդարձակ և խոր, յատուկը մեծամեծ  
քարինք և բիւրդացեալ ծծումբ, և շատ տեղէն  
անդադար ջրային և ծծմբային դոլոշք կ'ըլլան:  
Լերան մէկ կողմը կայ ուրիշ բաժակ մ'այլ ջրա-  
լից. և անոր մօտ տեղէ մը մեծ չըմամբ աղբիւ-

բարձր շոգի կ'ենէ, ուր կ'երթան բժշկութեան համար: Աւելի զարմանալի յատկութիւն մ'ալ է (Նարեկացւոյն բառով ըսելով) Վերինաթինդ որոտմունքը, որ լերան փորէն կու լսուի երբեմն երբեմն, և Ամերիկայի Անտեայց հրաբղխից (պրա-  
փոս, պոռոչիւն) ըսուած ձայներուն կու նմանի: Ռուբ և Օսմանեանք իրենց վերջին պատերազմին ատեն՝ Պայէզիտու երկու կողմը բանակած, դիշեր մը յանկարծ որոտմունք լսելով՝ կարծեցին թնթանօդից ձայն, և մէկէն զինուած իրարու դէմ ելան. ինչուան որ իմացան բնութեան դադանիքը:

Քանի վսեմ և ահաւոր պէտք էր ըլլար Հայաստանի երևոյթը քանի մը հազար տարի առաջ, երբ ներքին ծովերով ակօսեալ, յառաջակողմեան Ասիոյ բարձրագոյն տափարակին վրայ տնկուած հորիւրաւոր հսկայ հրաբուղիններէն, իբրև բնութեան լապտերներէ, բարկաճայթ բոցեր կը ծաւալէր այն նորածին ժողովուրդներու վրայ, որ դեռ անստոյգ քայլերնին շարժել կու սկսէին դէպ ի անձանօթ երկիրներ:

## Դ

Այցնինք հիմա այս կնճռոտ կերպարանքներէն՝ անոնց բուն ծոցը. բայց ես չեմ ուզեր, Հայկակ, Պիսիդոնի երեք ժամուոյն հարուածներովը քեզի Պլուտոնի մթին գաղտնիքները ցուցնել. չեմ ուզեր և ոչ իսկ կրնամ դիմացդ դնել ինչ որ բնութիւնն ծածկած է իրեն ալուցը մէջ, ուսկից աշխատաւէր իմաստունն՝ հաւասար համբերութեամբ և ճարտարութեամբ ճոխացած՝ խողովակի մը ձեռքով խաւարային անդունդներէն դուրս կը հանէ կը մէջ պիտանի ջուրը: Միայն Հայաստանի մե-

առաջական հարստութեանը վրայ քիչ մը կ'ուզեմ խօսիլ, և հոս ալ նշանաւոր երեւոյթ մը պիտի տեսնեն: Սկսինք ամենէն յարգելի հրահալելի նիւթէն:

Զարմանալի բան մ'է որ ամեն մետաղէ առաջ յիշատակուած է ոսկին աշխարհիս առաջին մատենին մէջ: Ատառածաշունչ գիրք Նւէլատայ ազնիւ ոսկին Փիսոնի տփանցը վրայ կը ցուցնեն, որ է Նգեմայ առաջին գետը, զոր կ'անուանենք Ճորոխ. այս գետոյս պատած երկիրն է, ինչպէս առաջ յիշեցի, մեր Խաղտիքն և Յունաց Խալիքա ըսածը. և թէ որ հիմա չի գտուիր հոն ոսկի, միշտ դարմանար. վասն զի Մովսեսի և մեր օրերուն մէջ 3400 տարիէն աւելի անցեր է. բայց անտարակոյս կը յիշես Արգոնաւորդները՝ որ Մովսեսին երեք կամ չորս գարեպքը այս կողմերս եկան ոսկի գեղմը յափշտակելու, զոր ես ալ կը հասկընամ ոսկեհանք. կը յիշես նաև որ քանի մը գար վերջը բանաստեղծներուն հայրն՝ արծաթաճոխ Ալիւրեայ Ալիզոները մէջ կը բերէ, զոր հիմա կուան հեղինակք կ'իմանան Արմէնոսալիք (Ճանիկ) և բուն Խալիքը (Խաղտիք). այս բառս յունարէն կը նշանակէ հանք (երկաթի) և հանքերուն վրայ աշխատողները: Մինչև հիմա գեռ արծաթ կը հանեն հոն Ալիւմիւշխանէի (Արծաթահանք) և Խալիքայ մէջ, որ է մեր Սպերը և Սարաբոնի Սիւրբիւրաբիւն: Այս երկիրս իր ոսկեհանքովը ծանօթ էր նաև մեծին Աղեքսանդրի ժամանակ, որ մարդ զրկեց հոն ոսկւոյն համար, բայց տեղւոյն բնակիչներն վրանին վաղելով ապանենցին: Նմանապէս ք գարուն մէջ այն կողմերը Փառանգի ոսկեհանքը հալառակութեան առիթ էր Սասանեանց և Բիւղանդեանց մէջ: Ժէ գարուն Ճանապարհորդներէն մէկն կ'աւանդէ մեզի, որ նոյն իսկ օսմանեան կառավարութեան ատեն ալ, Սպե-

րի ոսկեհանքն կը բանէին, և ետքը ջրով լցուն-  
լուն համար՝ հարկեցան թողլու: Սոր ատեններս  
քանի մը երկրաբաններ ստուգեցին որ Կարնոյ  
լեռներուն կազմուածքն նման են Ալքայի լեռանց,  
և չտարակուսեցան որ հանքեր ալ պիտի ունե-  
նան, բայց աւելի չփնտռեցին: Յիշելու է որ Կար-  
նոյ գլխաւոր գեղերէն մէկն Ալքաթի կ'ըսուի: —  
Մեր հինգերորդ գարու աղբային պատմիչք կը խօ-  
սին Արարատայ ոսկեհանքերուն վրայ, առանց  
տեղը ցուցնելու: — Հայաստանի Կուր գետով  
ստղուած հիւսիսային արևելեան կողմը, գետը  
են Ռուս վերահացուք թէ հանքաց և թէ գետոց  
մէջ ոսկւոյ քանակներ: Այս տեղերուն աշխար-  
հագրական տեսանց մէջ ալ շատ կան ոսկի նշա-  
նակաւք: Սոյնը հաստատեցին նաև արևմտեան  
Հայաստանի հանքերն. զոր օրինակ, անցեալ գա-  
րուն սկիզբը, Ոգդերի ճանապարհորդութեան  
ժամանակ, Արզանայի մէջ ոսկի ալ կը հանէին:  
— Արգէն յիշած արծաթահանքներնուս վրայ  
աւելցնենք Ատրպատականի և Քիւրտիստանի  
մէջ յայտնուած հանքերը, որոնք բանուած չեն:  
Մահադի խալիֆային ատէն (775-785), ժամա-  
նակակից պատմագիր մը կը վկայէ որ Հայաստա-  
նի մէջ զուտ արծաթի լեռներ գտնուած են,  
բայց որոշ տեղը ջինշանակեր: — Առատ են 'ի  
Հայո պնջի հանքերն, մանաւանդ Գուգարաց աշ-  
խարհին մէջ, որ Գոգայ և Մագոգայ նախնական  
երկիրն է, վերին Կուրի հոսանաց վրայ. բովան-  
գակ լեռանց շարք մը Պնջահանդ անունը կը կրեն,  
և գործաւորներ միշտ կը բանին. նոյնպէս կը գրու-  
նուի պղինձ 'ի Գարապաղ, Արղնի, Սպեր, և Մո-  
կաց գաւառը 'ի հարաւակողմն Վանայ լճին: Եւ-  
թին աւելի տուտ է և զսնազան տեսակ, մանա-  
ւանդ հարաւային Հայաստանի մէջ. յիշեալ լճին  
արևմտեան հարաւակողմը կայ Եւթահանք և Կա-

պարակոփ ըստւած լեռն: — Կապարէն զատ Հայա-  
սասան կ'ընծայէ կամ կ'ընծայէր զիսկ, Բիդէշ, զա-  
ռիկ, անագ, և այլն:

## Ե

Դառնանք հիմայ քննելու մեր երկրին երեսը  
և գործարանաւոր արարածները: Երկրին ձեւ-  
կերպութիւնն և կլիմայն, ինչպէս որ տեսանք,  
մեզի բարգաւաճ բուսաբերութեան մը յոյս չեն  
տար, մանաւանդ մեծամեծ և թաւ ծառերու:  
Պոնտոսէն 'ի Պարսկաստան գնացողն ճամբուն վը-  
րայ գրեթէ բնաւ չի տեսներ անտառ մը կամ բարձր  
ծառեր, այլ թուփեր, մացառներ և հազիւ ու-  
րեք քանի մը ծառ մէկեւ: Բասեն՝ Արարատայ  
մեծագոյն գաշտն՝ ուր Երասխ կը սկսի իր ըն-  
թացքը, 'ի հնուց Առօրայ կ'անուանէր. բնակիչք  
երկրին՝ փայտի տեղ իրենց տան վառելիքը անաս-  
նոց աւելորդօքը կը հոգան. բայց տուներնին ալ  
սովորաբար կէս ստորերկրեայ ըլլալով՝ բլրի մը  
կամ բարձրագիւր գետնի մը կողմ թաղուած, ցր-  
տէն կ'ապահովին: Քսենոփոնի տուած նկարա-  
գրութիւնն այս տներուն վրայ՝ յետ 23 դարուց  
հիմա ալ կը ստուգուի: Շիտակը խոստովանելով,  
փայտի պակասութիւնն ոչ այնքան բնութեան՝  
որքան բնակչաց անհոգութենէն է. վասն զի նոյն  
հեղինակն և Կ. Կուրտիոս և այլք կը յիշեն ծա-  
ռոտ լեռներ և տափեր՝ նոյն Երասխայ գեղեցիկ  
հովտին մէջ, զոր Հռովմայեցիք հանելով կը կո-  
չէին Երասխեան դաշտը (Campi Araxeni) և ան-  
կէ բարեբոյս չէին գտներ Ասիոյ մէջ. այնչափ մը-  
շակութիւնն մեր նախնեաց ատեն կրնար կոկել  
շտկել զանհարթութիւնս բնութեան, եթէ այս  
գեղեցիկ գուտորս Արարչին՝ կրնայ անհարթութե-



Թիւն մ'ունենալ: Հիմա ալ կը գտնուին անտառք 'ի Հայաստան. և այդ Անփայտ Բասենոյ մօտ՝ Սօղանլու լեռներն 20-25 փարսախ երկայն տեղ ծածկուած են պէս պէս տեսակ եղէնեօք, սոճեօք և Թեղօշիւք, յորոց ոչ միայն բնակիչք կողմանցն, այլ և պետութիւնք Օսմանեանց և Ռուսաց փայտ կը կտրեն 'ի պէտս շինութեան ամրոցաց, որ Հայաստանի մէջ իրարու դէմ կանգնած են. (վասն զի Դ գարէն 'ի վեր աշխարհնիս ողբալի բազմ մը ունեցեր է՝ Բյւլալու միջասահման, կը ռուսատեղի և որս երկու նախանձորդ և դիմամարտ տիրապետաց): Այս լեռներէն կտրեց Հուլաղուղանի որդին իր Ապաղա բերդին հիմնարկութեան նիւթերը: — Սօղանլուի արեւմտեան կողմն են մայրեւոր լեռնքն Տայոց, (Դաւի Հելլենաց) որք կռուեցան ընդ գնդին տասն հազար Յունաց, որոց առաջնորդ էր Սոկրատայ բարեկամն Քսենոփոն: — Արեւելեան կողմն, մեր Սիսական և Արցախ աշխարհներն մայրոտ և մացառոտ են, որոյ համար ալ հիմա Գաբա-պաշ կ'ըսուին. (Թերևս Ար-դախ ալ նոյնպէս իմաստ մ'ընծայէ): Արեւմտեան կողմն՝ Բարձր Հայոց և Մոփաց միջոց շատ անտառներ կան, նաեւ կաղնեաց և ընկուզենեաց: Իսկ հարաւակողմն մեր երկրին, Տիգրիսի հովտին և Վանայ պարասափին միջոց, մանաւանդ այս եաքինիս հարաւային և արեւմտեան կողմերն, այնքան անտառոտ է, մինչև մեր նախնիք Փայախ-աշխարհ կ'անուանէին Տիգրիսի և Վանայ անջրպետող լեռնավայր սահմանը: Նոր ճանապարհորդք այդ անտառաց մէջ գտան տեսակ տեսակ կաղնի ծառեր, որ ինչուան հիմայ անծանօթ էին Եւրոպեացւոց, և բերին իրենց երկիրը տնկելու: Այս անտառներէն կու գայ աղնուադոյն Գլխոն և Գալպէն, զոր օգոց մեղր կ'անուանեն կամ մանանայ. և անկէ՝ Տարօնոյ երկիրն, որ է այժմեան

Մշոյ գտւառն, Մեղրաբուղին կ'ըսուէր: — Այ-  
րարատեան լեւանց վրայ թխտենեաց պուրակներ  
կան ինչուան 7800 ոտք բարձր տեղեր, և գիհի  
ծառեր ինչուան 8200 ոտք բարձրութեան վրայ.  
Իոկ թփատեսակ ծառեր՝ ալ աւելի բարձր կը գըտ-  
նուին. մինչքեւ յԵւրոպէ որ և է տատիճանի  
տակ՝ այդչափ բարձր աեղ տմենեկն ծառ չգըտ-  
նուիր: — Գուգարաց երկիրն մեր նահանգաց ա-  
մենէն հիւսիսագոյնն, տմենէն ալ ծառոտ և շա-  
տաբոյսն է, իր խորանիստ գրիցն համար, Աուրայ  
գեղեցիկ պարահովտին մէջ. կարմիր և ճերմակ  
կնձնիք կ'աճեն հոն ընդ կաղնի, հացի, պտղի, և  
պէսպէս եղևին ծառոց: Մեր Ե գարու օրինակա-  
գիր հեղինակն աշխարհագրութեան՝ կը յիշէ հոն  
տօտախի ծառն և հաճարածառ ալ: Նոյն հեղի-  
նակն (Մովսէս Խորենացի) կը յիշէ Արարատայ  
մայրաքաղաքին, Արմուրայ, վսեմական սօսինե-  
րը, որոց տերևոց սօսաւիւնն՝ հմայից ազդումն  
էր մեր նախահօրց. մեր ատեններս կարծուեցաւ  
թէ այդ ծառերուն մեծամեծ կոճղերը յայտնուե-  
ցան հողուն տակ՝ այն տեղուանք, ուր երբեմն կը  
մօտենար Նրասի, որ աւելի յեղեղուկ քան ըզ-  
ժամանակն՝ յետ քառասուն դարուց փոխեր է  
իր ալեաց ընթացքը և հեռացեր 'ի բնակարանէ  
որդւոցն Հայկայ: Այս տեսակ սօսիներէն գեռ  
հատ մը կենդանի է և ամբողջ հրապարակի մը  
կէս կը ծածկէ յՈրդուատ, հին քաղաք՝ մօտ քա-  
րավազիցն Նրասիոյ. բունն գետնէն երկու մեզր  
վեր տասն մեզր շրջապատ ունի: Արնայ կարծուիլ  
թէ արևելէտն սօսին սեփհական ըլլայ Հայաստա-  
նի. յայտնի է որ Հռովմայեցիք մտուցին այս ծա-  
ռը յարեմուտս:

Այս աշխարհակալ ազգին վրայ ընկնալով խօս-  
քերնիս, յարմար կը սեպեմ յիշել հոս, որ ի-  
րենց աշխարհակալութեան լուսագոյն ստացուած.

ներէն մէկն էր օտար երկրի բերքերն ընտանեցրնել: Հայաստան ընծայեց անոնց ուրիշ բոյսերէ զառ զԹիւրանն, որ դեռ Իտալիոյ մէջ իր անուամբն արմենիագա կ'ըսուի. և լատիններէն malus armeniaca (մալուս արմենիագա), այսինքն հայկական խնձոր. որ կ'երևայ թէ նոյնն է զսր Պլինիոս սալորոց մէջ կը դասէ, և անուշահոտութեանը համար նախագաս 'ի սալորոս: Ինչ ըսենք Հայոց Խնձորոյն համար, որ այնպէս անուանի էր Արաբացւոց մէջ, մինչև իրենց բանաստեղծներէն մէկն՝ արշալուսոյ մէկհատիկ նմանութիւն կը գտնէր օրիորդ մը՝ հայկական խնձոր խածած: — Ընդհանրապէս սովորական համեղ պտուղք առատ են մեր երկիրը, և ամեն տեսակն ալ կը գտնուի, բայց 'ի Թզոյ և 'ի ձիթապտղոյ. սակայն ասոնք այլ հարաւային և ցած կողմեր անծանօթ չեն:

Իսկ մահացուաց ամբրոսեան օշարակ տուող ծառն. — որթն՝ առաւել քան զհասարակաց կարծիս կը յաջողի 'ի Հայաստան. որովհետև բուսաբերութեան սահմանագիծն շատ բարձր է 'ի Հայս, երկիրն կը բերէ աղէկ խաղող, որոյ և առաջին հայրենիքն ալ եղաւ յետ ջրհեղեղին: Երասխայ պարահովտին մէջ ընտիր այգիներ կան. և Երևանայ գինին նարնջագոյն, քաղցր և մշկահոտ՝ Սպանիոյ, Ունկարիոյ և Պուրկոնեայ լաւագոյն գինեաց հաւասար կը սեպուի: Անվարժից խրատ կու տամ՝ Գանձակայ գինին շատ չփորձել, որ թէ և անուշահամ՝ սաստիկ զօրաւոր և գրւխահար է. իսկ Գարապաղի գինիներն անոյշ և գրեթէ եզոտ են: Տապանակիր լերան վրայ, յԱկոռի 4000 ոտք բարձր տեղ մը, յանյիշատակ Ժամանակաց՝ այգի կը մշակէին 'ի յիշատակ այգեգործութեան Նոյի. այն լերան բլրոց մէկն հին տառն Գիւնոյ Բլուր կ'անուանէր, վտակ մ'ալ Գիւնեֆոյն գեփ: Վանայ պարատափն ալ ինչուան 1700

մեզր բարձրութեան վրայ գեռ այգիներ ունի որ երկայնողկոյզ խաղող կուտան, բայց չեն համար ինչպէս Արարատայն: Կարնոյ բարձրաւանդակն ոչ այգի ունի և ոչ պտուղ. որոնց պակասութիւնը կը լեցընէ իրեն Ճորոխայ հովտին Թորթում վիճակն. բայց անոնց փոխարէն կը բերէ ազնիւ արմուիք. իսկ Սեանայ պարապակն աւելի բարձրագոյն ըլլալով՝ ասոնցմէ ալ զրուր է: — Յորենն ընդհանրապէս ընտիր է, և կայ մեծահաս տեսակ մը, որ և շատ կաշտն կամ առածիք խըմոր կուտայ: Ո՛ր ազգային պատմագէտ չի յիշեր «արդաւանդ և բերրի... Շիրակայ ամբարըն»: Ուրիշ տեսակ արմուիք ալ լաւ և առատ են: Իսկ բանջարեղէնք և խաւարոք, Թերեւս ամեն տեղէ աւելի պատուական և բազմատեսակ. 300 տեսակէն աւելի կը համբուին բնիկ տեղական աւուսմբք:

Հայկական Փլորայն շատ հոգ չունենալով պարտիզաց և քերմանոցաց, աւելի վայրենի ու խապան տեղուանք կը սիրէ. իր լեռնային բուսաբերութիւնն պէտք է բուսասիրաց համար շատ հետաքննելի ըլլայ: Վերջին սահման բուսաբերութեան 'ի Հայս 4000 մեզրէն աւելի վեր է. անկէց ալ բարձր՝ միայն մեծին Մասեաց վրայ կը գրանուին գեղաստղիկ (*aster pulchellus*), մինտա միրգ քէբոյշ (*astragalus mollis*), կանթեղնիկ քարաբոյս (*campanula saxatilis*) և այլն: Հրաշակաւոր բուսաբանն Բիգոն Դուանըֆոր՝ որ անցեալ դարուն սկիզբները կը ճանապարհորդէր 'ի Հայաստան, չէր գժուարէր գրախտին նշանները տեսնել 'ի Կարին և յիշմածին. այնքան զմայլած էր այն կողմերուն հարուստ և գեղեցիկ բուսաբերութեան վրայ: Հիմակուան բուսաբանք և շրջագայիկք Թէպետ և այդչափ չեն զմայլիր, բայց տժգոհ ալ չեն: Ասոնց նշանած ծաղկանց

մէջ, չեմ գիտեր ո՞ր ցեղին մէջ գտնուել է Աղբւ-  
րաշարին ըստած գեղեցիկ ծաղիկն փոքր և վար-  
դաձև, և այնպիսի վառվռուն թանձր կարմիր  
գունով՝ որուն նման մը չեն գտած ականատես  
վկայք։ Թերևս աւելի գիւրին հնարք մը գտած է  
մեր միջին դարու գուսանաց մէկն, իր սիրելւոյն  
նմանցընելով այդ ծաղիկը։

« Այ աղբերաց արուն՝  
Որ բուսար մէջ քարերուն,  
Աչուիդ 'ի նարկիզ նրման,  
Մէկն 'ի քուն ու մէկն արթուն » :

Ինչպէս անունն և երգիչն կը յայտնեն՝ այս ծա-  
ղիկն սովորաբար կը գտնուի աղբերաց եղերք քա-  
րերու սորեր։ և անշուշտ եթէ ծանօթ ըլլար հի-  
ներուն՝ Ովիգիոսի այլակերպութեանց գեղեցկա-  
դոյն նիւթ մը կ'աւելցընէր։

Պէտք չէ մոռնալ նաև խոտերը և բժշկական  
բոյսերը, զոր Հայաստան կ'ընծայէ, և հին ատեն  
աւելի ալ առատապէս կ'ընծայէր գեղագործաց։  
Գրեթէ բոլոր Գալիենոսի և Էպուրինայի գործոց  
մէջ յիշուած և հայերէն թարգմանուած բոյսերն՝  
իրենց բնիկ ազգային անուններն ունին մեր ըն-  
դուին մէջ։ Ըսել է որ մեր երկրին մէջ ալ ծանօթ  
էին։ Ի դրօսանա բանասիրաց յիշենք զՄանրագոյն  
և զՓէնոնա, որոնց՝ հայկական Յակուլապեոյ հե-  
տեպքն՝ զարմանալի յատկութիւններ և կերպա-  
րանք կ'ընծայեն։ Զմոռնանք հռչակաւոր Համա-  
սպրամն կամ Համափիւուն ալ<sup>1</sup>, որոյ ցօղունն 12

1 Ըստ բժշկարանաց՝ Համասփիւուն կը գտնուի 'ի Բա-  
տեն՝ Հասանգալէի մօտ, և 'ի Սուրմառի։ Հոռի ամսոյն  
23ին կը բուսնի և կ'օրոյց (քաղոյց) ամսոյն 27ին կ'անցնի։ որ  
ըստ անշարժ տարւոյ աշնան և ձմրան միջոց է։ բայց որով-  
հետեւ ցուլի տանուտէրութեան ատեն փնտռել կը հրա-  
մայէ, մայիսի մէջ պիտի ըլլայ ծաղկելն։

ճիւղ կը բաժնուի կ'ըսէին. և ծաղիկներն զանազան գոյն ունին մէկմէկէ պայծառ. այս բոյսս քարոտ լեռանց սորերը ծածկուիլ կը սիրէր, և որոշեալ օր մը կը յայտնուէր գիշերանց լուսնի լուսով. շատ տեսակ զօրութիւն ունէր, ինչուան սըրբամտութիւն ալ կը պարգեւէր. և հեղինակ մը վկայեր է պարզմտութեամբ թէ այս բոյսս «գըտայ», և չարն փորձեցի. երանի է նմա որ զբարին գործէ »: — Հռովմայեցիք Հայաստանէն և Պարսկաստանէն մեծ փափագով և սուկոյ կշիռքով կը գնէին լալէրէի՞ն՝ կոչած բոյսը, որ հաւանօրէն է ոպան ըստ մեզ, և անոր խէժն՝ անգութափ, թէ և չարահոտ. գուցէ և հայկական ազնիւ խաւճիւղն ըլլայ:

Մեր երկրին անուանի և անծանօթ բուսոց մէջ յիշեիք ազգայնոց՝ փնտռելու հայտնի ընչոյ ըստածը, որուն կուծքը Ղփաղներուն օրացուցին մէջ նշանակուած էր յունիս ամսուն, և կ'ըսուէր թէ միթապոզոյ նման է. (միթէ փշաալին է, որ շատ հասարակ և սեփհական է Հայաստանի, կամ ծուաղենին): — Յետին կարգ բուսեղինաց Խոփ և Սէլփ անուանի են 'ի Հայս վասն ընդարձակ մարդաց և արօտից, որ տարուէ տարի կը սնուցանեն միլիոնաւոր ոչխարներ, և կը զբէն աւելի դէպ 'ի հարաւ և յարեմուտս մինչև 'ի Ստամպուլ: Այս մարմանդքս և արօքս հազարուոր տարիներէ 'ի վեր կը քաղեն կը բերեն 'ի Հայաստան բազմութիւն հովուաց շրջակայ կողմերու և վրանաչու տոհմեր շատ հեռու աշխարհքներէ: — Խոտերու մէջ գասեիք տեսակ մը «նիլ հայկական (բիմբինելա, pimprenelle), կամ մանուշակ. ճահճաց-մասնիկ (dactylus litoralis) որ կը սնուցանէ ամենէն ընտիր և ամենէն հին ճանչցուած «րդն իւրճոյ, հուշակեալ իր շառափայլ գունովն, որով թագաւորաց ծիրա-

նիք և հրովարտակք կը ներկուէին, զոր կը յիշէ. և Դիոսկորիտէս: Արաբացիք իրենց տիրապետութեան պատէն այս որդը կամ կարմիրը մտուցին յԵւրոպա. հիմա Ռուսք անկէ շահ կը քաշեն. և դեռ Էջմիածնի կաթողիկոսաց կոնդակներն կը գրուին այս Արարատայ նշանաւոր բերքով, որուն նմանը յԵւրոպա կը գտնուի միայն, 'ի Լէհա, և յԱմերիկա՝ 'ի Մեխիգոյ. ուրիշ ամեն ցեղ որդերն կարմրոյ (որոց յիսունի չափ տեսակ կայ) շատ արժէք չունին:

## 9

Այս պզտիկ որդը մեզի առաջնորդ առնելով՝ բուսական ցեղապետութենէն անցնելու 'ի կենդանականն, բնականապէս նախ իր կարգին կուգամք. և անտարակոյս կրնամք գտնել Հայաստանի մէջ քանի մը նորատեսակ միջատներ և մանաւանդ պատենաթեւ ցեղէն: Գերմանացի բնագէտ Ճանապարհորդ<sup>1</sup> մը հազարաւորներ ժողոված է ասոնցմէ և իր աշխարհին զանազան բնապատմութեան հաւաքարաններու բաժներ է: Իր հայրենակցաց մէկն այլ<sup>2</sup> Հայոց արեւելեան նահանգաց մէջ կը նշանակէ տեսակ մը մեծ ճպռան, որ իր ճռուողմամբը կրնար մրցիլ Թէոկրիտեայ սրնգափողից հետ: — Այս կարգի կենդանեկաց Թազուհին Մեղրն, կ'ընծայէ մասնաւորապէս յԱյրարատ և 'ի հարաւակողման գաւառս՝ իր պատուական վաստակը, որ մեր երկրին գլխաւոր վաճառոց Թուակից է: — Շերամ որդոյ դարմանն

1 Վակներ:

2 Գոլենագի:

շատ հին չէ մեր երկրին մէջ. հիմա կը յաջողի  
Վազբիականին մօտ գաւառաց մէջ:

Ուրիշ և բարձրագոյն կարգ մը կենդանեաց,  
Ձկանց, արժանի է մտադրութեան, թէ և մեր  
աշխարհն շատ քիչ կամ թէ բնաւ չունի ծովե-  
ղերք: Լաւին (Saumon) մարգալտի մեծու-  
թեամբ՝ Վազբից ծովէն գալով վեր կ'ելլէ Երաս-  
խայ և Վաւրի մէջ, և այնքան առատ՝ որ միայն  
ձուերը կը հանեն ազնիւ աղկիթ (սալթար) շինե-  
լու համար, և միւր կը թափեն: Հայաստանի ա-  
մենէն հասարակ և ծանօթ ձուկն է Կարճախայ, որ  
ամեն գետոց ազբերականց մէջ կը վիտայ, և  
ինչուան Եփրատայ 9000 ոտք բարձր ականց մէջ,  
'ի Կարին: Երասխ կը բերէ երկայնաձև ճանաւը,  
և թանձրամարմին Լաւը, որ Եփրատայ և մանա-  
ւանդ Արածանւոյ մէջ շատ վիթխարի մեծու-  
թեամբ կը գոռի և նահանգ կ'անուանի, իբրև կէտ  
ձուկն: Նոյն տեսակէն կարծուի թէ գառլին Հառ-  
չակայ փոքր լճին մէջ, որ շատ ձկնոտ է. մինչդեռ  
անոր մօտ՝ Վանայ աղի ծովի՝ որ մեծագոյն է քան  
զամենայն ծովակա յառաջակողմեան Ասիոյ, և ա-  
նոր համար կոչուի Ծով Աղթամարայ (յանուն  
գլխաւոր կղզւոյն), միայն մէկ տեսակ բնակիչ ու-  
նի, ազտի ձուկ մը, քառէի. որ պատուական սը-  
նունդ կ'ըլլայ և շահաբեր վաճառ մը, վասն զի ա-  
ղած և չորցուցած կը զրկեն չորս կողմի գաւառ-  
ները, 'ի Քրգաստան և 'ի Պարսկաստան<sup>1</sup>: Սեա-  
նայ անոյշ ծովակն որ փոքր է քան զԱղթամա-  
րայն և բարձր քան զայն (6800 ոտք յերեսաց  
ծովու), ըստ աւանդութեան բնակչաց եզերացն՝  
12 տեսակ ձուկն ունի: — Ուրիշ լճակ մը այրա-

<sup>1</sup> Եւանելի է որ Յոյն աղած ձկան (և մսի ալ) քառէի  
անունը կու տան. τάρχος, քառէիոս. որ և է աղածն ալ  
քառէիոս կոչեն:



բառեան լերանց պարուն ստորուաը, Կողայո՞վտի շամբն, որ հիմա Պուլգ-իեօլ կը կոչուի ձկանց առատութեամբն, տարեկան միլիոն մը Ֆրանգի շահ կրնայ տալ. անոր համար Ռուսաց և Օսմանեանց յետին սահմանաչափութեան ատեն՝ վիճի առիթ մը եղաւ:

Հիմա թողլով ձկնասիրաց քննել Հայաստանի գետերուն մէջ այն մահահամ սե ձուկը՝ զոր կը յիշէ հին պատմիչն Կտեսիաս, կ'ուզէի որ մեր տեղադնինք աչք մը տային 'ի վերայ բովանդակ ջրոց՝ որ Հայաստանի մեծ և փոքր լճերը կը ձևացնեն, և իրեն նշանաւոր կերպարանք մ'այլ կուտան: Այլթամարայ ծովէն չհեռացած՝ պէտք է գիտել Ուրֆայ լիճէ կամ Կապուփան ծովը, որ առաջինէն աւելի երկայն է, թերեւ աւելի այլ ընդարձակ: Այս երկք յիշեալ մեծամեծ լճաց հետ չորորդ մ'այլ՝ Մուլին Հիւսիսայ՝ որ հիմա Զաքը-իեօլ կ'ըսուի, յարեմտեան հիւսիսակողմն. Հայոց, մեր երկրին երեսաց վրայ՝ տրամանկին մը կը ձևացնէ, և կենդրոնին կան երկոտասնեակ մը մանր լճակաց: Յարեմտակողմն հարաւայ՝ բաց 'ի Մուլ (Կէօլճիկ) լճէն, կայ բազմութիւն լճակաց այն լեռներուն վրայ՝ որ ասոնց պատճառաւ Պին-իեօլ կը կոչուին: — Հայոց մեծ ու փոքր քառասնիւ չափ լճերուն միահամուռ տարածութիւնն կըրնայ 10,000 հեկտար հաշուիլ: Ընդհանրապէս այս լճերուն արունքն նուազեալ բուսաբերութեամբ, գրեց զանազանութեամբն և զսեմական տեսարաններով գերազանցեն քան զլիծս Զուիցերեաց. բայց ամենէն գեղեցիկ և վառվռուն տեսարանն իրենց թեւաւոր բնակիչներն են:

Թերեւ չկայ երկիր մը որ այնքան բազմաթիւ և բազմազան ջրային թռչուններ ունենայ, ինչպէս Հայոց լճերն և մօրերն: Այս եպքի տեսակ ջրշէղջից մէջ անուանի է Կարնոյ լամբ

կամ մօր և ծով (սաւլգ)․ որոյ Թռչնոց հաւ-  
կի(ծներն բաւական էին շրջակայ գեղերու բը-  
նակիչները կերակրելու, ըստ վկայութեան մեծի  
պատմչին մերոյ, որ կարծեմ քեզի չափազանցու-  
թիւն մը կ'երևնայ․ բայց ինչ պիտի ըսես տեղ-  
ւոյն անգղիական հիւպատոսարանին և վաճառա-  
կան գործատանց զբօսասէր պարոններուն վկայ-  
ութեանը, որք կը հաւատեն թէ տարւոյն կեն-  
դանաբեր եղանակին մէջ՝ շամբին բոլորտիքն մին-  
չև բաւական հեռու միջոց՝ գրեթէ անընդհատ կը  
ծածկուին հաւեղնուաց երամներով․ մինչև համար-  
ձակ ձիագնացութեան արգել ըլլալ։ Այս գաշ-  
տիս մէջ (Վարնոյ) համրած են աւելի քան 200  
տեսակ Թռչնոց, շատն ջրային։ Գրեթէ բովան-  
դակ Թռչնական ցեղից չորսին երեքն ճանչցուած  
են՝ ի Հայօ, մանաւանդ բարձրասրունք, մաշկո-  
տունք, ճնճղկաց ցեղքն, և դիշահաւք․ այս եօթի  
ցեղիս մէջ արժանի են յիշման լուսնան, որ է  
գառնակեր մեծ անգղն (գոնփո), և Սպերոյ ու  
Արարատայ բաղայք, որ շատ ճարտար են յոր-  
սալ իրենց դասակիցները․ աղէկ վարժածներն  
ինչուան 200 ֆրանգ կ'արժեն։

Որսոյ կամ վայրի հաւուց մէջ նշանելի են մեծ  
կաքաւն՝ նման հնդկայնոյն, և ուրիշ տեսակք  
կաքաւուց․ սարսարեկք (bécasse, Բէկէսքէ), ա-  
քար (bécassine), արլոր (râle), Թանձր (ou-  
tarde), սալամբ (francolin), հասարակ փա-  
սիան և լոր։ Զրահաւուց մէջ զանազան տեսակք  
վայրենի սողի, բադի և կարապի, հաւալուսն  
կամ ջրխոթան, արօր (morillon), հողամաղ (har-  
le), որոր (mouette), և շնորոր, լուգիկ (plon-  
geon), տեսակ տեսակ տառեղանց (héron) և  
ծիծուանց ջրայնոց․ ցեծ կամ քաջահաւ կանաչ  
և սեաւ (ibis)․ և երկու աշխարհածանօթ պան-  
դուխաքն, կռունկ և արագիլ, որք ինչպէս առ օ․

տարս՝ այսպէս և 'ի Հայս մասնաւոր պատիւ ունին<sup>1</sup> :

Մեր հին թագաւորք բաց յընդհանուր որսապետէն (Որսապետն արքունի) ունէին և հաւորատու թեան վերակացու և թռչնապահս, և թերևս ասոնք էին Հաւնունիք. ոչ սակաւ տոհմք և ցեղապետք թռչուններէ առած էին իրենց անունն, ինչպէս Արծրունիք, Բաղէակալք, Կարապունիք, Աղաւնունիք, Կոռնիք, և այլն. և այս թռչունները կամ ողջ և կամ պատկերնին դրօշներու վրայ կրէին ազգային տօնից մէջ, որոց սկիզբն շատ հին է, թերևս ամանցը ելնէ մինչև 'ի ջրհեղեղ: Այս մեծ պատահարս երկրիս ուրիշ կողմը այնքան զգալի այլալուծիւն և պատմութեան մէջ յիշատակ չէ թողած՝ ինչպէս մեր աշխարհը. և արդեօք այս թռչնոց հեղուկ բնակարաններէն ոմանք՝ զոր յիշեցինք, մնացորդ չեն այն մեծ հեղեղմանն, որ քիչ շատ հողագնալին օրէնքները այլափոխեց: Ստորին Կուրայ ողողակքն, Երասխայ հովտին մրրանիստ հողակարգքն՝ բաւականապէս չեն ցուցնէր թէ ատեն մը (որ երկրաբանօրէն շատ հին չէ) ներէիդաց<sup>2</sup> իշխանութեան աակ էին. և իրենց բրածոյ Ժժմակաց մնացորդքն, որոց կենդանի նմանիքն գեռ գտուին կիսապիտական ծովու մէջ, չեն կարծեցըներ արդեօք թէ երբեմն ծով մը կ'երկրնցընէր իւր ծաւալծփիկ բազուկները առ ուրիշ ծով մը՝ այն երկրին վրայէն, որ յետոյ եղաւ խանձարուրք մարդկութեան և հայրենիք

1 Քանի մը հայ ջրհաւուց անուանք ալ յիշենք և իընդրենք որ դիտունք մեզի ծանուցանեն. Շեախ, Կլկատուկ, Արտաւազդահաւ, Յոհաննահաւ. ուրիշ ցեղերէ, Դեզհուկ, Պարկօշ, Սանդրայոպոպ, Զեական, Խիւ, Ճշարդ, Կառօտ, Դոռն, Ապոնեկ, Կուռաբ, Կատաբ, Կատակ, և այլն:

2 Զրոց պահապան շատուածք, կամ Զուրք:

3\*

Հայութեան: Հայեակ, ես ոչ երկրագէտ եմ և ոչ հաւագէտ, բայց կը հաւանիմ թէ այդքան բազմութիւն եռակենցալ կենդանեացդ (Թռչնոց) որք մեր երկրին բարձրաւանգակ աւազանաց վրայ տփռեալ են, ոչ միայն բնապատմութեան ուսոռման կան թալանցոյց մ'են, այլ և յիշեցուցիչք ջրհեղեղի և ստեղծագործութեան:

## Է

Դառնանք առ ուրիշ գոս մը կենդանեաց: Սեւք հայկական քառտանեաց նախայիշեալ գտնին պէս բազմատեսակ չեն. երկրին կլիմայն այլ այս բանս կ'իմացընէ: Բայց այսպէս ըլլալով՝ դեռ ոչ շատ հին ժամանակ գտուէին 'ի Հայոս ամենէն կատաղի գաղանք ալ. ո՞վ ոչ յիշէ Վիրգիլի սոսի գեղեցիկ տողը<sup>1</sup>,

« Եւ վագերըս հայկականն՝ ուսոյց Դափնիս լծեւէ կառաց »:

կամ Սիգոնիոսի ըսածը<sup>2</sup>.

« Ընդ վագրաբեր Նըսաստայ կապարճաւոր արտորայս »:

Դուռնըֆօր այլ Մասիս լերանց պատառուած.

† Ե. Հալուերգութիւն:

2 Բ. Երգ. Սիգոնիոսի եպիգրամոսի Գլխամանց 'ի Երգարու:— Բոս յոյն և լատին հեղինակաց Նշատ լեռն ոչ է մեր բնիկ Նշատն Բագրեանդայ, այլ կամ Պինկեռլ լեզբնք և կամ հայկական Տաւրոսի պարն. որոց բնակիչք ըստ մտաց Սիգոնիոսի քաջ աղեղնաւորք՝ մշտ կապարճեն ուսերնին զարկած կը պարտեն:

ներու մէջ տեսեր է լափը: Իսկ կենդանեաց  
Թագաւորը, սափ-ծը կու յիշէ՝ ի Հայս Այրաթոս<sup>3</sup>,  
և մեր պատմիչքն Դ և Ե դարուց, և ուրիշ մ'այլ  
որ ծ գարուն սկիզբները կ'ապրէր: Ընթառածն և  
յովաշն ինչուան հիմա կը գտնուին: Թողունք յի-  
շել ուրիշ գաղանները, և գաղանաւարտ գաղա-  
նը, այսինքն զան, որուն ցեղէն կան մեծամեծ և  
ուժով տեսակք: չմոռնանք միայն երկայնամաղ  
Խառն Վանայ, որ Անկիւրիոյ կտտուէն վար չի  
մնար, և ճերմակ ու սևատուան ափը, զոր Լա-  
տինք Թոմսիոս կոչէին (փռանէք էրֆն, hermine, ի  
աւլք՝ արեւմտ), և այդու կոչմամբ կ'իմացնէին  
թէ ո՞ր երկրէ աւին ու մտուցին յԱւրոպա:

Ընտանի անասունք բարեբաղդաբար շատ բաղ-  
մաթիւ են ի Հայս. վերը յիշեցինք ոչխարաց առա-  
տութիւնը. նախրէից ցեղին մէջ Գոմէն բնիկ կ'երևի  
Հայաստանի, որովհետև իր էզը յատկապէս Բաքա  
կ'ըսուի, որ ամենայն չորրորտանեաց էզը կու նշա-  
նակէ հասարակօրէն: — Մըկէտիին կամ որսի կեն-  
դանիք աւելի տաւտ են. հնազոյն դարերէ ի վեր՝  
չըջարնակ իշխանք և ազնուականք կու գային ա-  
մեն տարի ի Հայաստան ի կրթութիւն և ի զբո-  
սանս որոց, որք գտուին տեսակ տեսակ վիթք,  
այծեմունք և եղջերուք. որոց կտրտտով կու բաղ-  
ձայր նաեւ մահուան անկողնին մէջ՝ Արտաշէս, մեր  
հեթանոս Թագաւորաց մէկն, և հառաչէր. « Ո՞ր  
» տայր ինձ զծուխ ծխանի և զառաւտն նաւա-  
» տարդի, զվաղելն Եղանց և զվաղելն Եղջերուաց.  
» մէք վաղ հարուաք և թմբկի հարկանէաք »:  
Յիշենք զվարան այլ, որ ինչուան հիմա Այրաթո-  
սայ մէջ և նոյն իոկ Մասեաց ստորոտը կը գրա-  
նուի, Թագաւորաց մշակած բրնձի անդերը աւրըշ-  
տեկելով. և երազաւոր զիւր (իշաւայրի) որ հա-

<sup>3</sup> Ամբասի բժիշկ Յոյն կամ Հայ, ի վերջ Դ Դարու:

լածեալ յԱրտաւազգայ՝ յորդոյն Արտաշիսի, զինքը ետեւէն ձգեց ինչուան նոյն աշխարհածանօթ լերան վիհը. ուր, ըստ առասպելեաց, թըշուառ թագաւորն՝ Քաջաց ձեռքով կապկաթած, կու ջանայ կոտորելու իր երկաթի շղթաները, զոր անգագար լիզելով մաշեցընեն իր հաւատարիմ շուներն. մազ կու մնայ որ բարկաճայթ թագաւորն ազատած ցառքէ այդ մթազին քարայրէն գուրս՝ բոլոր աշխարհքս աւրելու. բայց դարբնաց կռաններուն և ուրիշ գործաւորաց գործեաց ձայնն՝ նորէն կու հասարցընեն իր մաշած շղթաները:

Գրաստեղէն կենդանիք հռչակուած են նաեւ մարգարէի մը բերնով, իր Տիւրոսի գէմ ըրած սպառնալից ձայնարկութեանը մէջ. « Ի տանէ » Թորգոմայ ձիովք և հեծելովք և ջորւովք լցին » զվաճառս քո »: Սզեկիէլ (ԻԶ. 14) չի յիշեր ուրիշ ցեղակից գրաստ մ'ալ, աւելի պղտիկ և աւելի անպարծ, բայց ոչ պակաս պիտանի, մանաւանդ ի լեռնոտ երկիրներ, ինչպէս է մեր Մոկաց աշխարհն, որոյ իրեք գաւառք Եռոց անուամբ կը կոչուին: Իսկ մէկալ կէս արուեստահար կենդանին, ջորին՝ բնականապէս աւելի յարգի էր. մանաւանդ ձերմակ ջորին, զոր արեւու զոհ ընելու և թագաւորաց ծառայութեան համար կ'ընտրէին. ինչուան նաեւ թագաւորաց յուղարկաւորութեան համար այլ զայն գործածէին. մեծին Տրդատայ ոսկեզօծ դագաղը կրող կառքն՝ ձերմակ ջորիներէ լծուած էր: (Ձերմակն, գերագոյն գունոց սեպուած, մեր թագաւորաց մահուան հանգիսին մէջ այլ մտնէր. այս հանդէսներուն վերջինը տեսաւ Բարիդ՝ յամին 1393ին յետին Հայոց թագաւորին, 2 Լէոնին մահուամբ և թաղմամբը. իր դագաղաց մահիճն այլ ձերմակ բեհեզ էր, իր ծառաներն ալ ձերմակ հագուած,

տարին իջուցին զնա Կեւսափնեանց եկեղեցւոյն ներքնայատակ տապանատունը) :

Բայց ահաւաղիկ դրաստական ցեղին Թագաւորն, զոր ամենէն պերճախօս բնապատումն<sup>1</sup> անուանեց « գեղեցկագոյն 'ի ստացուածս մարդկան », և զոր մեր ագարակային արուեստին կամ Վաստակոց գրոց հեղինակն կոչէ, « Աթոռ Թա. » գաւորաց և պարիսպ ամրութեան հեծելութեաց, յաղթահարող թշնամեաց և նաւահան. » գիստ ճանապարհորդաց, հալածիչ գաւառաց, » զգրգեցուցիչ քաղաքաց և լայնացուցիչ սինու. » աաց » : Բայց ո՞վ է սառաջին կտրիճն՝ որ այդ գեղեցիկ ստացուածն ըրաւ : Զեմ հարցընէր Յովբայ, եթէ « 'Իսկ ագուցեր ձիոյ զօրութիւն, և » զգեցուցեր զահ ընդ պարանոցաւ նորա » . այլ կու հարցընեմ, ոչ առանց քիչ մի պարծենալու. ո՞վ է որ ամենէն առաջ կրցաւ սանձ անցընել այն կենդանւոյն, որ երբեմն փորատող հրաբուխ կու դառնայ, երբեմն քծնող ընկերակից : — Մեր պատմութիւնն, (եթէ կ'ուզես աւանդութիւն սեպել, եթէ կ'ուզես խորհրդաբանութիւն, ինչ այլ կ'ուզես սեպել), մեր պատմութիւնն կ'ըսէ, թէ աշխարհքիս առաջին պատերազմին մէջ, յետ խառնակութեան լեզուաց, մեր ազգին նահապետն և զօրավարն, Հայկն, ձիաւոր պատերազմող այլ ունէր ընդդէմ Բելայ. ասիկայ այլ յաղթուած և մեռած՝ յաղթողին ձեռքը թողուց ձիոց, ջուրեաց և ուղտուց երամակներ : Զին եղած է և է իսկ հիմա ալ Հայաստանի ամենէն նշանաւոր բերոց մէկն, և իր փառաց գործիք մը. մեր ազգային զինուորութեան ոյժն գլխաւորապէս հեծելոցը վրոյ էր. Արամ Հայկայ սերնդոց մէջ ամենէն հըզօրն, Ժամանակակից Նինոսի, 40,000 հետեւա.

<sup>1</sup> Աիւֆոն :

կայ հետ 2000 ձիաւոր ունկր. ժամանակն փոխեց այս համեմատութիւնը. 12 կամ 14 դար վերջը՝ Հայաստան կրնար, ըստ վկայութեան Եղեկեղծի, իր պէտքը լեցընելէն զատ ինչուան Տիւրտտի վաճառքներուն ալ զրկել ձի և ձիաւոր, երկուքն այլ անուանիք՝ ի հին ժամանակս: Նոյն մարդարէն ուրիշ խօսքով մը գրեթէ զմեզ կ'ապահովէ թէ Ասորեստանեայց բանակը յաղթութեան տանողը Հայոց հեծելադուռնն էր: Հայ ձիաւորք ճակատեցան Տրոպայ գաշտերուն մէջ Ծերունւոյն Պրիամու վերջին որդւոյ հետ՝ ընդգէմ համերափան քաջաց Յունաստանի: Աքեմենեան (Պարսից) ակեղերակալութեան ատեն՝ Հայաստան կու զրկէր Թագաւորաց Թագաւորին ամեն տարի միհրական տօնին 20,000 ձի, որ ընարեւադոյն տեղուէին քան զՊարսիցն և զՄարաց. և 50,000էն աւելի նժոյգք տարւոյն յարմար եղանակին կը ժողովէին Մուզանու գաշտերուն մէջ: Մեր Թագաւորաց մէջ ամենէն աշխարհափաշն և ամենէն գոռոզն և հպարտ, Տիգրան, ըստ բանից օտար պատմչաց ինչուան 150,000 ձիաւոր ունէր, զատ 17,000 բոլոր սպառազէններն, այսինքն ձի և ձիաւոր բոլորովին զբահով ծածկեալ, զոր պատմիչ մը կը նմանեցընէ զբահամորթ կոկորդիլոսի: Արձակ գաշտի մէջ այս ապառազէնքս ճարտար առաջնորդի մը ձեռք՝ գրեթէ անյաղթելիք էին, բայց նեղ տեղուանք՝ թէ իրենք իրենց արգելք և թէ իրենց ետեւ շարուած քնիւրուն. այսպէս Տիգրանայ բիւրաւորներն ընկերակցան զարնուեցան Լուկուլլոսի լեզէններէն, որ հնարապիտութեամբ զանոնք Թերմոպիլեան նեղուցի մը մէջ փակեց: Հիմա Քիւրաքերն որ Հայոց ժառանգութիւնը կը վայլեն և կը վառնեն, տարուէ տարի 50,000էն աւելի ձի կը վաճառեն Պարսից և Օսմանեանց: — Հայկական ե.



րիվարն, հին աստեղն ամենէն աւելի ծանօթ եղած կ'երևի, յետ տաճիկ (արաբացի) ձիոյ. մեկ հին և անանուան յոյն հեղինակ մը՝ նկարագրութիւն մը ընկելով ձիոց՝ ըստ աշխարհաց, նախ և առաջ կը յիշէ հայկական երիվարը, և կը ճաննայ զայն բաւական յազմանդամ և շատ ուժով, ողնալոյն և պնդակող, և Յովբայ ձիոյն պէս սաստիկ խըր-խընջացող: Հայկական երիվարին հետ կը յիշէ զփոփոցացին. և այս երկու ձիոց ազգէն սերած կը համարի գալմատացի երիվարը: Ինչուան հիմա այլ հայկական ձին թերևս նախապատիւն է յետ արաբացի և անգղիացի ձիոց. յիրաւի չունի ոչ ասոնց հասակը և ոչ վայելուչ ձևը, աւելի պղտիկ և աւելի թանձրամիս է, բայց երազութեամբ անոնցմէ վար չի մնար, և անոնցմէ աւելի պատուական է վարժութեամբն ելլելու և իջնելու լեռնոտ և անհարթ երկիրներ. պատերազմական դաշտին վրայ իր և է ցեղ ձիու գէժ կրնայ ելլել. և իր աչքերէն ցաւած կը պրանման տեսնուի տեսնողն՝ կարծէ թէ կռուող կենդանեաց մէջ գաղանադոյնն է: Բնիկ հայկական ցեղից մէջ Խնուսի ձին ամենէն գեղեցիկն է. կը կարծուի այլ որ նիւէա անունն, որով կ'անուանէին Յոյնք լաւ ձիաբեր երկիր մը, այս տեղոյս անունէն ծագած է, կամ Նժոյգ անունէն: — Հիւսիսային Հայոց երիվարն ալ լաւ, ուժով և աղուոր են. այնպէս որ անոնց ամենէն հասարակներն այլ, կ'ըսէ գերմանացի բնագէտ ճանապարհորդ մը, կրնան Շոգուդկարտի արքունի սխուռոց լաւագոյն ձիերուն կարգը դրուիլ, և խրատ այլ կու տայ յԱւրոպայ մտցնելու Էքզիբումի, Տրապիզոնի և և Դրեստի ճամբով:

Խնութիւնն որ այսպիսի գեղեցիկ կենդանի մը ընծայեր էր երկրին, անոր ստացողին այլ հանձար տուաւ զանիկայ աղէկ վարժեցնելու և ա.

ւելի ազէկ այլ 'ի գործ ածելու. ձիագարմանու-  
թեան արուեստն շատ կատարելագործած էր  
մեր նախնեաց օրերը. որուն կրնան վկայ ըլլալ  
քանի մը լատին հեղինակաց բանք, և մնացորդ  
աղբային ձիագարմանութեան գրուածոց, որոց  
մէջ մանրամասն անդամաբանութիւն կայ ձիոյ :  
Իսկ ձիոյ գործածութիւնն, Հայոց ազնուակա-  
նաց և պատանեաց զբօսանք, ցուցանք և պար-  
ծանք մ'էր. մեր իշխանաց կտրիճ զօրավարաց  
մէկն, քաջակորովն Մուշեղ, հացկերութի մը ա-  
տեն դաւաճանութեամբ սպաննուելով, վերջի  
շունչը տալու ատեն կը ցտւէր կ'ողբար որ չկը-  
ցաւ մեռնելու իր ճերմակ երիվարին վրայ, որ  
այնքան անգամ տարեր էր զինքը յազթուութեան.  
գոռող թագաւորն Շապուհ որ այս կտրիճ զօրա-  
վարին ձեռքէն այլ սրտէն այլ յազթուեր էր,  
հրամմեր էր որ քարի վրայ քանդակեն անոր  
պտտկերը ճերմակին վրայ հեծած, և իր խնջոյից  
տաճարին մէջ կանգնեն, զոր տեսնալով՝ արևուն  
գինի խմէր, Ապրի՛ ճերմակաձին, ըսելով: Շաա  
ատեն չէ որ գտնուեցաւ ուրիշ քանդակ մ'այլ  
մեր երկրին վերջին սահմաններուն վրայ, նոյն  
քաջակորովը կերպարանելով իր ճերմակին վրայ,  
թէ և գտնող ճանապարհորդն չիճանչցաւ իր գիւ-  
տը: ... Բայց մեր ճերմակն, մեր պիգասոսքն՝ ըզ-  
մեզ շատ հեռու կը թռուցնեն. բաւական ըլլայ  
այսչսփ տեղեկութիւն թէ՛ իրենց համար և թէ  
բօլոր մեր երկրին գործարանաւոր և անգործա-  
րան արարածոց:

<sup>1</sup> Ըստ առասպելաց Յունաց թեւաւոր ձի Պերսէոսի  
գիւցազին:

## Ը

Շնորհակալ ըլլանք ուրեմն բնութեան, որ այս քան պարգևներով հարստացուցեր է մեր երկիրը. ևս առաւել փառք տանք տիրոջն բնութեան, որ այդ պարգևները վայելել և յարգել տուաւ երկրին հանճարամիտ բնակչին, որ ի սկզբանց ժամանակի գիտցաւ ճարտարութեամբ օգուտ հանել անոնցմէ, և օտարաց այլ սփռել, հեռաւոր աշխարհքներու բերքերը իրարու պսակելով: Հայն տմեն ատեն եղած է վաստակասէր մը շահ իր երկրին մէջ, ժիր վաճառական դուրսի երկիրներ, զգօն գործակալ ազգաց՝ որ զիրար չէին ճանչնար. և փոխանակեր է զբնական և դարուեստական բերս աշխարհաց՝ որ իրարմէ հեռու էին շատ միջօրէական ժամերով: Հայն բոլոր երկրիս երեսը կը պտըտէր, կը սովորէր զլեզուս ժողովրդոց՝ որոց թարգման կ'ըլլար, և ամեն տեղ միտ. դնելով կը սովորէր շահ և ճարտարութիւն: Իրեն համար օտար երկիր չկար և չկայ. և ամենայն ազգք իրմէ յիշատակ մ'ունին: Թէ որ լաւ մտադրութեամբ քննուի ազգաց չուոց կամ բաժանման պատմութիւնն, ինչպէս որ Ս. Գիրք մեզի կը ներկայացընեն, յայտնապէս կ'երևի որ Ասիոյ հիւսիսային և արեւմտեան կողմերն և բոլոր Եւրոպա իրենց բնակիչքն առած են այն գաղութականներէն որ ելան կամ անցան ի Հայաստանէ, յառաջ և յետ իր Հայաստան կոչուելուն: Թէպէտ և հիմակուան քննադատութիւնն տարբեր կարծիք ունի լեզուաց ծագման և ածանցման վրայօք, սակայն արժան է յիշելու, որ թէ ժողովրդեանը համար, թէ անոր լեզուին համար չկայ երկիր մը՝ որ մեր երկրին հաւասար այնքան

բազմատուութեանց և նմանութեանց առիթ եղած ըլլայ: Սկսեալ յԵրրորտէ, 'ի Ստարաոնէ և յԵւստատեայ՝ հարցուր տմեն լեզուագիտաց և բանասիրաց, որպիսիք են Աքուլութոս, Շուարց, Պոշար, Կալմէզ, Հերվաս, Լազրոզ, Վիոգն, Լայպնից, Լըպլիկանս, Շրէտէր, Հէէրլն, Ճ. Ուիլհէմ, Անգըզիլ, Բալաս, Գլաբրով, Ասեղունի, Պոբ, Բոգ, Բեգէրման, Վինտիշման, Կազգերէր, Նիպուր, և այլն, թէ ո՞ր լեզուին նմանակից է հայերէնն: Ամենքն մէկմէկ կերպ պատասխան կու տան, հայերէնին մերձաւոր և ազգակից սեպելով զփոխգային, ասորին, բաբելոնացին, քաղցէացին, հրեայն, թաթարը, կովկասեանթուրքը, խազախը, պարթևը, փէհլէին, զանգիկը, հնդկա-գերմանացին, մարապարսացին, հին յոյնը կամ պելասգեանը, եգիպտացին և զպոնն, կելտը և ուելլը, ինչուան պիպոյացին, ֆինը և սկաւերիացին: Արդ 'ի վերայ այս ամենայն խառնափնդորութեան վճին՝ ուսկից կ'ուզեն հանել զհայերէնը, մանաւանդ թէ հայերենէն հանել այս վիճը, 'ի վերայ այս ամենայն աւելի կամ պակաս ծուռ կարծեաց, պէտք է որ այդ վճին խորը ճշմարիտ և սկզբնական բան մ'ըլլայ, ապա թէ ոչ անկարելի կ'ըլլայ հասկընալ թէ ինչմէ և ինչպէս այդքան ծանր և դժուար անձանց զուգը պարտեր են այդ վճին վրայ: Այս այլ պէտք է լաւ գիտնալ, որ եթէ Ս. Գիլք, պատմիչ և աւանդութիւնք կուցուցընեն մեզի զՀայաստան իբրև ուրմնարան մը աղքատ և ցեղից, նոյն Հայաստան զարմանալի ընդգիծակութեամբ մը հիւրընկալ և օթեան եղած է զանազան աղքատ քաղթականներու, ինչպէս են ասորեստանեայն, քաղցէացին, հնդիկն, հրեայն, քանանացի, սկիւթացի, կովկասեան, թեսաղացի, յոյն, մար, պարսիկ, և ինչուան չին այլ: Այս ամեն տոհմը

նախ քիչ կամ շատ ատեն մը իրենց օրէնքը և լեզուն զուտ պահելով, յետ քսան և հինգ դարուց խառնուեցան և ընկզմեցան տիրող ազգին և լեզուն մէջ, այսինքն հայերէնին, որ ի հարկէ ինքն ալ անոնցմէ փոփոխութիւն կրեց և անոնց բերքերովն հարստացաւ :

Քրիստոնէական կրօնքն սրբազան և անգրգելի ըրաւ երկայն դարուց աշխատանքը. և այդքան տարբեր տարբերներէ ձևացուց մէկ ազգ մը, որ ի սկիզբն Դ դարու կը պարուենակէր անընդմէջ երկիր մը հիմակուան Փռանկատտանի սահմաններէն ընդարձակ, և բաժանեալ ի 20 նախարարութիւնս կամ պայազատական աշխարհս, որք բաժանէին ի 620 գաւառս, և ասոնք այլ ի հարկէ 40,000 գեղ մ'ունէին, որոց պահպանութեան համար սովորաբար 120,000 զօրականք կային, և հոգևոր հսկողութեան համար աւելի քան 200 եպիսկոպոս : Այս դարէս ետև՝ 1500 տարուան միջոց մը բոլորովն այլափոխեց մեր երկրին օրէնքը և երևոյթը, որ կրեց բոլորին ամեն հարուածքը և խաղերը : Նոր ժողովուրդք եկան գրաւեցին զՀայաստան, ուր հիմա այլ կ'երևան որոշակի վասն զի կրօնքն և լեզուն անթափանցելի պարփաւ մը ձգելով մէջերնին՝ օտարականին թողուցին Հայաստանին գետինը, պահելով միշտ տեղացւոյն իր սիրելի հայրենիքը : Ասանկով, թէ և հեռացեալ, թէ և հալածեալ իր բնիկ երկրէն, Հայն իրեն հետ կրէ իր թերափքը. և կը մշակէ զհայրենիս իր հարուստ լեզուն մէջ, կը յարգէ զայն իր կրօնից մէջ, կ'ուսանի՝ անոր յիշատակաց մէջ, և կը պաշտէ զայն իր օրաին մէջ : Այս հայրենասիրութիւնս, ի բաց թողլով ոմանց մոլորիլը և ոմանց անհոգութիւնը, առաջնորդեց անցուց Հայոց ազգը 44 դարու միջոց՝ ամեն տեսակ դիպուածէ, բնութեան և քաղաքականութեան յե-

զափոխութիւններէ, ընդ մէջ ազգաց՝ որ իրմէ վերջը ծնան և իրմէ առաջ մեռան:

Իտարձուր գարձեալ անգամ մ'այլ աչքդ այդ լեռնակղզի երկրին վրայ, որ կը բարձրանայ 'ի միջոյ Եւքսինեան և Կասպիական ծովուց, Պարսկային ծոցոյն և Միջերկրականին, որոց մէջ թափէ զալիս Փիսոնի, Ալիւսեայ և Իռիսայ, Կուրի և Նրասխայ, Տիգրիսի և Եփրատայ, Պիւռամիսի և Կիւզնուսի. փնտռէ ատոնց ամայի աւերակ ափանց վրայ ազգաց և ազանց դռուղ մայրաքաղաքները, և ըսէ ինձ. ո՞ւր են Նինուէ և Բաբելոն, Սելէկիա և Տիգրոն և Սամառա. մանաւանդ թէ ըսէ, ո՞ւր են ատոնց կանգնողքն, այն հզօր և անուանի ժողովուրդքն հին գարերու, Քաղդէացիք, Ասորեստանեալք, Մարք, Պարթեք, Կապադովկեցիք, Կիլիկիացիք, Լիւգացիք, Կարքեգոնացիք և ուրիշ շատեր: Հարցու մէկ հինաւորաց մարդու մը, որ անոնց ամենէն ուժով, ծաղկեալ և յաջող ժամանակը ապրելով, կը նշմարէր անոնց կործանումն այլ. հարցու Եզեկիելի, ո՞ւր են այդ ազգերն « որք արկանէին զահ իւր » բեանց 'ի վերայ երկրին կենդանութեան »: Աւա՛ղ. ահա կը ցուցնէ մեզի երկրիս խորը, անգունդը, ահաւոր լիճ մը, ոչնչութեան տեղ մը և կ'ըսէ. « Անդ Ասուր և ամենայն ժողովք նորա, »  
 « ամենէքին վերաւորք... շուրջ զշիրմօք նորա... »  
 « Անդ Ելամ և ամենայն զօրութիւն նորա շուրջ »  
 « զգիրեզմանաւ նորա... անդ տուան Մոսղք և »  
 « Խոբէլ և ամենայն զօրութիւնք նոցա շուրջ զքե- »  
 « բեզմանաւ նորա... անդ Եգովմ և ամենայն թա- »  
 « գաւորք իւր և ամենայն իշխանք նորա... և նո- »  
 « քա ընդ վիրաւորս ննջեցին ընդ իջեալսն 'ի խոր- »  
 « խորատ »:... Իագրէ՛ 'ի սպառնալեացդ, գու-  
 ժաւոր մարգարէ. միթէ պիտի յանդրգնիս ըսե-  
 լու այլ, թէ « Անդ ամենայն իշխանք հիւսիսոյ,

» և ամենեքեան նոքա զօրավարք Ասորեստանւոյն,  
 » իջեալք վիրաւորք հանդերձ ահիւն զօրութեամբ  
 » իւրեանց... և տարան զտանջանս իւրեանց ընդ  
 » իջեալսն 'ի խորիտորատ » : Ձեռն տեսներ, որ ինչ  
 պէս այն ալիքներն՝ որ տեսան այդ ազգերը իրենց  
 ափանց վրայ, կը կորսուին խառնուին անկուշտ  
 ծովուն մէջ, մինչդեռ իրենց աղբիւրներն անդա-  
 դար կը բոխեն նոյն բարձրաւանդակներէն, այս-  
 պէս և ազգն Հայոց, որ ունէր իր երկիրը այդ աղ-  
 բերականց մէջ, հոն կու կենայ գեռ, մինչդեռ մէկ-  
 այլ ազգերն ոչնչացեր են 'ի վիրապն ժամանա-  
 կի : Հիմա սովրէ մեզմէ, ո՞վ մարգարէ, վասն զի  
 մենք առանց քօղոյ կը տեսնամք ինչ որ դու ՁԷ  
 դարու թանձրութենէն կը տեսնէիր. մեզմէ սո-  
 վրէ. այդ իշխանքդ հիւսիսոյ և արեւելից, այդ զօ-  
 րավարքդ Ասորեստանւոյն ի՞նչ մեռան ինչպէս Ա-  
 սուրն և Նլամ. այլ ողջացան, ապրեցան սրոյ հա-  
 րուածներէն. գերեզմանն չկրցաւ կլանել իր ա-  
 մեն փափագածը. և Հայն մինակ մնացած քու  
 համրած ժամանակակից ազգերէդ, ինքնին կը  
 հսկէ իր նախնեաց գերեզմանին և իր յետնոց ո-  
 րորոցին քով : Հայն՝ ժողովուրդ ազնուասիրտ,  
 ժողովուրդ հիւրընկալ, ժողովուրդ հաւատացեալ,  
 շատ ժողովրդոց օգտակար եղաւ. և եթէ երբեմն  
 իբրեւ պատերազմող՝ նիզակակցելով Փուղայ և  
 Սաղմանասարայ 'ի դերութիւն քէնց զխրայէլ,  
 գոնէ պաշտպանեց այլ զանոնք իր գետափանց  
 վրայ և 'ի բարձունս Առմոնայ (կամ Ռեմանայ<sup>1</sup>).  
 և թէ գտնակից ըլլալով Նաբուքոդոնոսորի, գե-  
 րի վարեց զիշխանս Յուդայ, սակայն պատուեց  
 այլ զանոնք իր իշխաններէն աւելի. վասն զի ճանչ-  
 ցաւ թէ անոնք Դաւթի և Սողոմոնի որդիք են, և  
 անոնց ձեռքով կ'ընգունէր գլխին ճառագայթա-

<sup>1</sup> Ամով, Դ. 3 :

ձև թագը, զոր յետոյ նոյն խակ իր գերւոյն գլուխը դրաւ. և եթէ ստիպեց երբեմն (ինքն այլ ըստիպեալ ըլլալով) զորդիս և զգաստերս Սաղեմոյ՝ բաբելական ուռենեաց ներքեւ արտասուածաց քնարներու վրայ երգել Սիոնի սաղմոսները, սակայն խուլ չեղաւ Աստուծոյ ձայնին՝ որ ուրիշ մարգարէի մը բերնով կ'ըսէր իրեն. « Պատուէր » տուք յինէն այրարատեան թագաւորութեան, » ցըն և աղքանագեան գնդին. կանգնեցէք զնովաւ » (զԲաբելոնիւ) նետակալս, ելէք 'ի վերայ... » երիվարք, իբրեւ զթաղմութիւն մարախոյ<sup>1</sup> » . և փութաց վազեց Աստուծոյ օծելոյն, և իր նիզակակցին հետ (Կիւրոսի), և յետ եօթանասուն տարուոյ՝ իր գերեաց շղթաները՝ քակելով, ինքնին առաջնորդեց տարաւ զՍաղաթիէն և անոր ժողովուրդը և անցուց Հայաստանի և Միջագետաց սահմաններէն, և ողջ անիլնաս պահելով թշնամի ժողովրդոց միջէն հասուց 'ի Պաղեստին<sup>2</sup> :

Հայաստան ինքնին նախախնամաւ երկիր մ'էր, և սիրելի բարձրելոյն, սւր շատ կանուխ յայտնեցաւ. և պէտք է որ ամենայն ազգ որ իր ծագումը փնտռէ՝ գառնայ այդ երկրին նայի: Եգեմայ հետքը գտնելու ապահովագոյն ճամբայն է Հայաստան: Ինքն ընծայեց Աստուծոյ իր օրհնեալ կաւը, և ընդունեցաւ անոր ձեռքէն զհայրն և զմայր մարդկութեան. ինքն ընծայեց ասոնց այլ ինչ որ պէտք էր իրենց պահպանութեան, իրենց սիրոյն և զջմանը համար. ինքն եղաւ խանձարուրք առաջին ծնածին և գերեզման առաջին մեռնողին. ինքն բարձրացուց Արարատայ գագաթը միւսանգամ ընդունելու ջրհեղեղէն աղաւթ մարդկութեան մէկ հատիկ տունը, և այդ

<sup>1</sup> Երեմիա, ԵԱ, 27:

<sup>2</sup> Թովմա Արծրունի ըստ Մար Իգնատի:



իրեն հիւր եղած մէկիկ ընտանիքով երկրորդ անգամ բոլոր երկիրս մարդաբնակ ըրաւ: Ինքն կերակրեց առաջին նահապետները, և անոնց հաւատքը անխառն պահեց երկար տոնն: Աբրահամ ինքնին նոր հայրն հաւատոց՝ իրմէ ծագած է, վասն զի իր հայրենիքն՝ Ուր Քաղցեացւոց՝ հիմա կը շանջուի Հայոց յետին պատուարներուն մէջ, լերանցն Կորդուաց, որ Մեծ Հայոց տանն և հինգ աշխարհաց մէկն է: Վերջապէս, ինքն, ըստ բարեպաշտիկ աւանդութեան, կ'ազաչէր ըզ՝ Յիսուս՝ առաքելոց գլխաւորին հետ՝ որ զգուշանայ ի նենգութենէ Հրէից, և զայ իր Թագաւորին, Աբգարու հետ՝ ապաստանի յԱդեմիա: Ինքն ընդունեցաւ ուրիշներէ աւելի առաքեալներ և աշակերտներ և ընծայեց անոնց զառաջին կոյս վեկայուհին, նոյն իսկ իր Թագաւորին գուսարը, զոր կ'ախորժեմ անուանել քոյր Աբելի: Վասն զի սոքա են նախավկայք, մէկն նախնական աշխարհի, մէկայլն նորաստեղծեալ աշխարհի: մէկն զոհեալ իր եղբօրմէն՝ մէկայլն իւր հօրմէն: մի առաւանձային ողբերգութիւն: Նոյն ինքն Հայաստան յետ իրեք դար տնտնալու, գարձեալ յառաջ քան զուրիշ ազգեր՝ բոլոր ժողովուրդովք ընդունեցաւ զքրիստոնէական կրօնս և պահեց միշտ. և որ զարմանալին է և ծանր ընդգիմելու թմր, քրիստոնէութեան առաջին պատուարն ըլլալով՝ ամենէն ետքի պատուարն այլ է երկրիս արեւելակողմը: Վասն զի այդ կողմէն՝ Հայաստանի միջօրէէն անդին քրիստոնէայ երկիր չկայ, բաց ի գաղթականներէ կամ քարոզաց ձեռքով նորագարձներէ, որք կրնան նորատունկը ըսուիլ ի մէջ հեթանոսաց: Ասեն մը իբրեւ կղզի մ'էր, հիմայ իբրեւ Թերակղզի մը քրիստոնէութեան այլահաւատ կրօնից մէջ:

Այս ճամբրիտ կրօնից զգացմամբ, այս գերա-

գոյն զգացմամբն է՝ որ Հայաստան ոչ միայն կըրցաւ մնալ և գիմանալ իր ինքնագլխութիւնը կորսընցընելէն վերջն այլ, հապա նաև կըրցաւ ամենէն գոռար գործ մ'այլ գործել. այսինքն համաձայնել իրարու զահախնդրութիւն երկուց աշխարհաց՝ որոց մէջ դրեր է զինքը նախախնամութիւնն. և եթէ երբեմն այս բարակ և գոռարին պարտուց մէջ պակսած է, աւելի ինքզինքը խաբած է քան զուրիշները: Ապա և ոչ առանց արդեանց վաստակեր է զյարգ և համարմունք և վստահութիւն տիրող և սահմանակից ազգերուն. ինքն տուեր է զօրք և կտրիճ զօրավարներ Սասանեաց և Բիւզանդացոց. և իր ճարտարագոյն որ գիւնները բազմեցուցեր է իբրև ինքնակալ Կոստանդիանոսի դահուն վրայ, և փոխարքայ Եգիպտոսի և Հնդկաստանի տիրապետաց քով. զանազան հնարքներով Արաբացոյն սուրը բթացուցեր է, և իրեն սովբեցուցեր քանի մը օգտակար արուեստներ. որոնց հետ ճարտարապետութեան ոճ մ'այլ, որ քիչ մը ձևափոխեալ ուրիշ հեռւոր աշխարհաց մէջ այլ մտաւ. Եւրոպա անգամ առանց իմանալու տուեր է զայն: Հայաստան Կոփրեառոսի Խաչակրաց նիզակակից եղած զերուսաղէմ առաւ. Հուլաղունի Նեառղաց գաշնակից՝ զՊաղտատ առաւ: Ոչ սակաւ պաշտօնեաներ և քաջանշան զօրավարներ ընծայեց օսմանեան, ռուս և պարսիկ տէրութեանց, որոց իշխանութեան տակ հիմայ բաժնուած է երկիրն: Իր ճարտարարուեստ գաղթականաց ձեռք շատ օգտակար ծառայութիւն բրած է Ռուսաց, Լեհաց, Աւստրիոյ և Դանուբեան իշխանութեանց, և իր վաճառականներովն՝ միջին դարու Իտալիոյ ամեն տէրութեանց, Սպանիոյ, Հոլանտիոյ և քանի մը տէրութեանց այլ՝ որ հիմա Փռանկաց մեծ տէրութեան մասն են: Այս եպօքոսիս մայրաքա-

դաքն իսկ, արևմտից Բաբելոնն, մէկ Հայու մը երախտապարտ է իր ամենէն շատ յաճախած ընկերութեան տեղւոյն սկզբնաւորութեանը համար. Բարիզու մէջ առաջին քաֆէարանը բացուեցաւ յամին 1672 Սէն-ժէրմէնի տօնավաճառին մէջ և Դպրոցի ըսուած գետատափին վրայ (Quai de l'École), 'ի ձեռն Յարութիւն կամ Բապալ անուան, երկրորդն ալ Ստեփան անուն մէկէ մը, որք երկուքն այլ Հայ էին. անշուշտ իրենք չէին նախատեսած թէ իրենց ձեռնարկութիւնն զարգանալով՝ որչափ բարիք կամ չարիք կարենայ պիտի բերել. բայց մենք կրնանք յուսալով՝ որ այդ նորութեան համար իրենց շնորհակալութեան յիշատակարան մը ընծայեն զբօսասէրք:

Իսկ ինձի աւելի նախամեծար և ախորժելի է նկատել այն լուսաւոր նշանները՝ զորս Հայաստան իր հորիզոնէն դուրս այլ սփռած և դրած էր երկնից այն կողմերը՝ որոնց տակ իր որդիքն ապաստանարան մը կու բնաւրուէին. և կու սրբեմ պատուել Սուլէյմանի սահմանին մէջ զՍ. Գրիգոր արքեպիսկոպոս Հայոց Նիկոպօլսոյ 'ի ծ դարու, հիմայ պաշտպան Բիթիվիէի. — 'ի Գոմին (Commines) զՍ. Խրիստ (Ոսկի, Chryseuil), տեղւոյն պաշտպանը, զոր աւանդութիւնն սեպէ աշակերտ Բարիզու Ս. Դիոնիսիոսին և կու ճանչնայ Հայ. — 'ի Ֆոնդէն 'ի հայրենիս Ս. Բեռնարդոսի՝ պաշտպան տեղւոյն զՍ. Ամբրոսիանոս. — 'ի Կանա (Պելլաճիոյ) զՍ. Մակար, պաշտպան տեղւոյն և Հայ եպիսկոպոս ծ դարու. — 'ի Մանգուա՝ զՍ. Սիմէոն, վերնայն ժամանակակից. — 'ի Լուգգա՝ զՍ. Ջաւէն կամ Դաւիթ (S. Davino). — Եւնգոնա՝ զՍ. Կիրակոս. — 'ի Պատուա՝ զՍ. Փիանախոս եպիսկոպոս յ'Բ դարու, և այլն. որոց ամենքն այլ հայազգի կու ճանաչուին: ... Բայց, ափսոս, որ

Հոս չէ յարմար տեղ՝ հայկական Ոլիմպոսի սրբա-  
ղան բարձունքը թռչրտելու:

Փռւթամ ուրեմն, Հայկակ, բովանդակելու այս  
հայկական բնագրութեան համառօտ պատկերը.  
յուսամոր այս չափովս այլ իմացուի, որ մեր ազգն  
եթէ և քաղաքական պատմութեան մէջ առաջին  
գործերը չէ գործած, բայց և շատ մեծ գոր-  
ծոց մասնակից եղած է. ազգ մը՝ որ սկսեալ 'ի  
Նոյէ գրեթէ անընդհատ ինչուան հիմայ կը համ-  
րէ 250 ազգապետ, իբրև նախարար, թագաւոր  
կամ կաթողիկոս, որոց հետ կապուած են իւր ա-  
ւանդութիւններն, և անով նաև բոլոր ժամանա-  
կագրութեան յեշտակք. այսպիսի ազգ՝ արժա-  
նի է մտադրութեան և քննութեան, թէ իր բնիկ  
որդւոցն և թէ ամեն մարդու՝ որ բարեկամ է ճշ-  
մարիտ փիլիսոփայութեան: Աս չեմ վախնար ը-  
տելու, թէ Հայաստան մէկ որոշեալ վիճակ կամ  
նպատակ մը ունեցեր է յառաջ քան զայլ ազ-  
գեր. և որ աւելի հարկաւոր է գիտնալու, գեռ՝  
այդ վիճակն լմնցած չէ: Գաղանիք մը չէ ըսածս,  
և ոչ խորհրդաւոր բան մը, այլ հնացեալ հաւա-  
նութիւն մը Հայ մտաց. թէ գեռ գործ մ'ունի  
կատարելու երկրիս վրայ. բարեբաաստիկ գործ մը:  
Ամեն բան լմնցած չէ իրեն համար. գուռ մը պի-  
տի բացուի իրեն համար տտեն մը... որ շատ այլ  
հեռու չէ, ինչպէս որ կարծեմ. այդ գուռն երկար  
ժամանակ կրկին կրկին կղպած փակած չմնայ  
պիտի. արդէն զօրաւոր բանալիքներ կը տեսնեմ,  
և համարձակութեամբ կ'ուզեմ ցուցնել. չըլլայ  
թէ վախնաս, ... մեր երջանկութեան ապագայ  
բանալիքն, այդ այնքան երկար ժամանակէ՛ վեր  
բաղձացեալ բանալիքն, այդ բանալիքն՝ է գա-  
տիարակութիւնն: Իաստիարակութիւն հայրե-  
նասիրական. հայրենասիրութիւն յեցեալ 'ի վե-  
րայ իմաստասիրութեան, և սա հիմնեալ 'ի վերայ

սուրբ կրօնից: Առանց այս կապակցութեան չկայ կատարեալ կրթութիւն, չկայ քաղաքականութիւն, չկայ մարդ կատարեալ: Ընկերական պարտքերը լաւ կատարելու համար՝ մարդս կարօտ է հայրենական ներշնչման մը. և որպէս զի հայրենասիրութիւնն չմոլորի և յետ չմնայ, պէտք է որ առաջնորդ ունենայ զիմաստութիւն, նեցուկ՝ ըզհաւատս, և պսակ՝ զյաւիտենականն ճշմարտութիւն:

Թ

Ո՛վ Հայկակ, ո՛վ Հայ պատանիք, աղէկ քաղաքացի ըլլալու համար՝ պէտք է քննել և սովորել զհայրենիս: Այս է առաջին ուսումն յետ ուսման հանգերձեալ կենաց: Քննեցէք և սովորեցէք ուրեմն այդ աղնիւ և բարեբեր Հայաստանը, իբրև հայրենիք ձեր և գայեակ ամենայն աշխարհի. — քննեցէք այդոր բնակազմութիւնը, քննեցէք այդոր բարոյականը. քննեցէք այդոր բարգաւաճումը՝ ի հարուստ լեզուին, որ ապահով գրաւական մ'է բազմատեսակ արկածներով հընձուած գրականութեանը. — քննեցէք զայն վերջապէս՝ իր կրօնից զըտութեանը, և իր ծիսից վայելչութիւնը մէջ: Այդ քննութիւնքդ, այդ ուսմունքդ յորդոր ըլլան ձեզի տալի քան զաւելի յարգելու զհայրենիս և մշակելու զայն՝ ըստ ամենայն նշանակութեան բանիս: Վասն զի այս իսկ է առաջին պատուէր Արարչին՝ տրուած առ հայրն մարդկութեան, և տրուած բուն իսկ մեր երկրին մէջ. ԳՈՐԾԵԼ ԶՆԱ ԵՒ ՊԱՀԵԼ<sup>1</sup>:

<sup>1</sup> Ծննդ. Բ. 48:

# ՀԱՅԿԱՅ ՇՐՋԱՆ

ՏՕՄԱՐ ԵՒ ԹՈՒԱԿԱՆ ՀԻՆ ՀԱՅՈՑ

ՀԱՅԱԴԻՐ

Ա

Մեր հայրենեաց համառօտ բնախօսութիւնն ըրած ատենս՝ յիշեցի, Հայկակ, որ ամեն քննողի բնական և ախորժելի է գիտնալ պատմութեանց հանգիսարանը, այսինքն հանգիպած կամ պատմուած բաներուն ուր տեղ եղած ըլլալն. որ է ըսել՝ աշխարհագրական տեղեկութիւն մը, թէ բնական և թէ քաղաքական: Բանասիրին առաջին բնտուածն է ԲՆԼը, ԲՆԶ եղած ըլլալը, որ է լոկ Պատմութիւն. երկրորդ բնտուածն է ՌԷՐը, որ տեղ, աշխարհիս որ կողմն եղած ըլլալն, և այս է Աշխարհագրութիւն. երրորդ բնտուելիքն այլ է ԷՐԲը, այսինքն պատմելոց որ ասեն, որ տարի հանգիպած ըլլալն. և այս է Ժամանակագրութիւն, զոր և ալ պարսկէան կ'անուանեն գիտունք. առանց որոյ մութ կու մնայ պատմութիւնն: Եթէ երկրաբանութիւն և աշխարհագրութիւն կարեւոր են պատմութեան նկարուց՝

իրեն ենթակայ և յատակ մը, ժամանակագրութիւնն այլ իբրև լոյս և պայծառութիւն տեսարանին՝ հարկաւոր է։ — Մեր ամենէն ցանկալի և պիտանի պատմիչն՝ Մովսէս Խորենացի՝ իրաւամբք կ'ըսէ. «Ոչ է պատմութիւն ճշմարիտ՝ առանց » ժամանակագրութեան » . բայց դժբաղդաբար ոչ ինքն և ոչ շատք 'ի պատմըչաց մերոց, մանաւանդ հիներն, հաստատ և յայտնի ժամանակագրութիւն մը բռնած և յիշած չեն իրենց պատմութեան մէջ. միայն երբեմն այս կամ այն թագաւորի և կայսեր տէրութեան տարիներուն կու յարմարցընեն իրենց պատմած գիպուածները. և որովհետեւ այն թագաւորութեանց սկիզբն այլ ծանօթ թուականի մը վրայ չեն դրած՝ դարձեալ տարակուսելի կու մնայ ըսածնին. մանաւանդ որ թագաւորաց տէրութեան սկիզբն՝ շատ կու զանազանի ըստ այլևայլ հաշուոյ պատմըչաց. միով բանիւ բարեկարգ և հաստատուն ժամանակագրութիւն մը չկայ մեր հին պատմըչաց մէջ, որով պատմութեան գիպուածներն այլ անհաստատ կու մնան։

Ժամանակագրութեան պակասութիւնն կու յայտնէ տումարի այլ պակասութիւն կամ խառնակութիւն. և յիրաւի, ազգերնիս եթէ հնուց 'ի վեր ունեցած է իրեն յատուկ տումար՝ որով և ժամանակաչափութիւն մը, (ինչպէս վերջը պիտի տեսնես), սակայն դրացի և տիրող և զանազան ազգաց օրինաց և վարչութեան տակ ընկնալով, կամ գոնէ անոնց հետ սերտ յարաբերութիւն ունենալով՝ ստիպուեր է իր տումարը և տարիները անոնց յարմարցընել. երբեմն Բաբելոնացոց կամ Նաբոլեոնասարայ թուականը վարելով, երբեմն Յունաց կամ Աղեքսանդրի կամ Ասորոց ըսուածը, երբեմն Պարսիցը, երբեմն Հռովմայեցոց, յետոյ Կ.Պօլսի կամ Եկեղեցական թուա-

կանը, և այլն. մինչև որ այս ամեն ազգաց մեր-  
ձաւոր և հարկաւոր ազգէցութենէն քիչ շատ  
ազատելով, և բարեբաղդութեամբ յառաջ քան  
զժագուամն Հագարացւոց թուականին (հիշրէթ),  
'ի կէս ք գարու՝ եկեղեցական տօնից կարգը հաս-  
տատելու ստիպուած՝ կարգաւորեց իր բնիկ տու-  
մարը, և անոր հետ մէկտեղ ժամանակաչափու-  
թիւնն ալ. տօմարին նորոգած տարիէն, կամ  
'Քրիստոսի 552 տարիէն՝ սկսելով թուական մը,  
որ կ'ըսուի Հայոց Ռոսիան կամ Մեծ Ռոսիան, ևս  
և Խորոշային Ռոսիան կամ Պարսի. այս թուականս  
է որ անկէ ետև 'ի պատմըչաց և 'ի բոլոր ազգէն  
գործածուելով՝ կու շարունակուի մինչև հիմայ:  
Բայց այս այլ յայտնի է որ եաքի երկու գարե-  
րուս մէջ՝ ազգերնիս թէ բնակութեամբ և թէ  
ծանօթութեամբ աւելի մօտենալով արեւմտեան  
ազգաց, ըստ հասարակաց սովորութեան՝ Քրիս-  
տոսի թուականը և յուլեան տումարը կու բա-  
նեցընէ, առանց թողլու իր եկեղեցական տումա-  
րը, և թուականին շարունակութիւնը յօրացոյցս,  
'ի ճակատս գրոց և 'ի կոնդակս, և ասոնց նման  
առիթներու մէջ: Այս թուականիս սկիզբը գիտ-  
նալէն ետև՝ դիւրին է անոր տարիներով պատ-  
մուած գէպքերը համեմատել Քրիստոսի կամ ու-  
րիշ թուականի հետ: Միայն թէ Քրիստոսի թը-  
ւականն յուլեան տումարաւ է յարեւելս, յարե-  
ւմուտս՝ անոր նորոգութեամբն՝ որ կ'ըսուի Քրիս-  
թեան կամ Նոր դար. հիմայ ասոնց զանազանու-  
թիւնն այս է՝ որ նորն (որ և Հատինաց կ'ըսուի)  
12 օր կու կանխէ քան զյուլեանն (որ և հիւ կ'ը-  
սուի). ասոր յանուարի մէկն՝ Հատինաց կամ  
նորոյն 13 է:

Արդէն գիտես, Հայկակ, որ մեր Հայոց թը-  
ւականն ոչ նոր և ոչ հին տումարին տարին ու-  
նի (ոչ գրիգորեան և ոչ յուլեան), որք ստոյգ



արեգակնային տարիով են . այսինքն 365 օր 5 ժամ, 49' . ըսել է որ 365 օրէ զատ՝ տարւոյն վրայ վեց ժամի չափ յաւելուածն այլ 'ի հաշիւ կ'առնուն , որ և վրայէ վրայ՝ չորս տարւոյ միջոց 24 ժամի կու մօտենայ , որով օր մ'այլ կ'ու ձեանայ . և ահա յուլեան և նոր տումարն՝ իրենց թուականին ամեն չորրորդ տարին 366 օր կու համրեն , և նահանջ տարի կ'անուանեն , մէկայլ երեք տարիներն ալ 365 օր և հասարակ տարի : Իսկ Հայոց թուականն նահանջ չունի , այլ ամեն տարիներն այլ հասարակ տարի են , ընական օրուան չտփով , այսինքն տարին միշտ 365 օր կը համրէ . որով յայտնապէս ուրիշ հին ազգացնման՝ սխալ և շարժական է իր տարին և թուականն ալ : Սխալ է , վասն զի արեւուն կամ երկրիս շրջաններուն չի յարմարիր , պակաս կու գայ . ամեն տարիէն 5 ժամ 49' պակաս հաշուելով՝ դարերու մէջ արեգակնային շրջանը մեծապէս կարճեցուցած կ'ըլլայ . անանկ որ երբոր երկիրս 1460 անգամ արեւուն վրայ կու պատի ստուգիլ՝ ըստ յուլեան և նոր տումարի , հինն կամ հայն՝ 1461 պիտի համրէ . կամ թէ ուրիշ կերպով ըսեմ , երբ հայն և լատինն այս տարիս մէկտեղ սկսելու ըլլան՝ իրենց տարեգլուխը նոյն ամսոյն նոյն օրը սկսելով , յետ 1460 անգամ երկրիս շրջապատուլթեան զարեգակամբ՝ լատինն կամ նոր տումարն նոյնքան տարի կ'ունենայ , իսկ հայն մէկ տարի մ'աւելի . որովհետեւ իրեն տարին քանի մը ժամ կարճ է . իւրաքանչիւր տարիէ թողուած ժամերն՝ ամեն չորս տարուան մէջ օր մը կու կտգմեն , 1460 տարուան մէջ ամբողջ 365 օր կու գումարեն . հայն այս 365 օրն ալ՝ (որ իր տարւոյն սովորական չափն է) կ'աւելցրնէ թուականին վրայ նոր թուով մը . իսկ լատինացին այս 365 օրը ցրուած ըլլալով ամեն չորս տարուան վրայ ( փետրուարի ետեւ օր մ'ա-

ւելջընեւով) 'ի հարկէ 1461 համբելու տեղ՝ 1460 պիտի համրէ: — Արդ յայտնի է որ այս հին տարւոյն կարճութիւնն՝ Թուականին շարքը կ'աւելցընէ. որուն աւելի պայծառ օրինակ է մահմեւականաց տարին՝ որ ալ աւելի կարճ է, լուսնական ըլլալով, այսինքն լուսնի 12 անգամ փոփոխութիւնն համբելով, որ կու գումարեն 355 օր, և արեգակնային շրջանէն 10 կամ 11 օր պակաս տարի մը կ'ունենան, որով իրենց Թուականն (հիշէթն) չուտով կ'աճի. մեր 97 տարուան ծերն՝ ըստ Տաճկաց լման 100 տարուան կ'ըլլայ, և իրենց երկարակեացներն՝ մեր չափով քիչ մը կու կարճընան: — Արդ ինչպէս որ այս լուսնական տարին պակաս և յայտնի սխալ է՝ եթէ համեմատենք երկրիս բոլորմանը արեւուն վրայօք, այսպէս այլ Հայոց տումարին տարին (թէ և պակաս սխալ), վասն զի կ'ընդունի արեգակնային տարի՝ բայց ճիշդ չափովը չընդունիր, պակաս կու հաշուէ:

Ոչ միայն սխալ ըսի այլ և շարժական կ'ըլլայ տարին: Ամեն քիչ շատ երկինքը և երկիրը գիտող ազգք և մարդիկ, երկրագործք անգամ, և մանաւանդ ասոնք, հնուց 'ի վեր ճանչցեր են արեւուն տարեկան շրջանը, և անոր երկու անգամ գիշերահաւասարը և երկու անգամ կացքը կամ դարձքը, ցորեկուան և գիշերուան ժամուց երկարութեամբը և կարճութեամբը. երբոր այս բաներս՝ որոնց չէր կ'ըսեմք ուսումնական լեզուաւ՝ ուզենամք հաստատել ամսոց օրերուն վրայ (ինչպէս որ 'ի սկզբանէ հաստատուած են 'ի դիտողաց կամ յաստղաբաշխից), յուլեան կամ նոր տումար բանեցընողին՝ միշտ նոյն ամսոյն նոյն օրը կու հանդիպին այն կէտերն, իսկ Հայոց տումարին՝ չորս տարին հեղ մը օր մ'առաջ կու հանգիպին. ինչպէս, եթէ յամին Քրիստոսի (1870) գարնանամուսն

կամ գարնանային գիշերահաւասարն իր մեհեկան ամսոյն 26ին կու հանդիպէր, ինչպէս որ նաև 1868ի, 1869ի, 1871ին, յամին 1872 մեհեկանի 25ին կը հանդիպի, 1876ին մեհեկանի 24ին, և այսպէս կարգաւ. վասն զի չորս տարին հեղ մը նահանջ չընելով, օր մը չաւելցնելով, իր ամիսներուն օրերն առաջ կ'անցնին, և չեն միաբանիր արեգակնային կէտերուն. այնպէս որ 1460 տարուան մէջ այս կէտերը Հայոց տարւոյն ամսոց ամեն մէկ օրերուն ալ հանդիպած կ'ըլլան կարգաւ. կէտերն տեղերնին կու մնան, բայց ամսուն օրերն անոնց վըսյ կու փոփոխուին: Ահա այս է շրջախն ըսուիլն մեր տումարին. և որովհետև մեր ամիսներն և տարին միշտ (չորս տարին հեղ մը) առաջ կ'անցնին քան զյուլեան կամ նոր տումարը, անոր համար այլ մեր տումարն կամ տարին կ'ըսուի յառաջխաղաց:

Բայց եթէ միայն այս փոփոխութիւնս ըլլար մեր և նոր տումարին տարբերութիւնն՝ մնաս կամ պակասութիւն մը չէր ըսելն, թէ գարնանամուտն մեհեկանի. 25ին է կամ 30ին, կամ նաւասարգի 5ին, և այլն. անունն կը փոխուէր, իրն նոյն կու մնար: Սակայն մեծ մնաս և շփոթութիւն կ'ըլլայ այդով. վասն զի ամեն տումար հաստատուած է երկու մեծ և գլխաւոր բանի համար. մէկն երկրիս կու վերաբերի, մէկայլն երկնից. ասիկայ մարդուս կրօնից կամ ապագայ կենաց, անիկայ՝ երկրաւոր կենաց և ապրուստին համար. մէկով երկրագործութիւն կու կանոնաւորի, մէկայլով կրօնական պարտք և կարգք: Երկրագործին համար հարկ չէ որ ամիսն այսպէս կամ այնպէս աւնուանի, կամ այսչափ և այնչափ թուով օրեր ունենայ, այլ հարկաւոր է որ այն օրերն, կամ թէ տարւոյն իւրաքանչիւր օր այլ՝ արեգակնային շրջանին մէկ որոշ կէտի մը վըսյ հաստատուած ըլ-

լայ. վարուցանի, նաւարկութեան, և ուրիշ շատ բանի համար՝ հարկաւոր է արեւուն շրջանը գիտնալ, թէ որ ամսոյն որ օրը կ'ըլլայ գարնանամուտ, երբ հովոց և ձեան եղանակներն, երբ զով օրեր, և այլն. որ ըստ այնմ իւրաքանչիւր բնական արուեստաւոր իրենց գործը շակեն, և կատարուի կենցաղական տնտեսութիւնն՝ իր յարմար և հարկաւոր ժամանակին. և ինչպէս մէկ օրուան գործոց տնտեսութիւնն կու չափուի ժամացուցի մը վրայ, այսպէս այլ ամբողջ տարեկան ժամացոյց կամ օրացոյց պէտք է: Արդ այս ժամուց և ժամանակաց կէտերը՝ միայն երկինք նայելով չի կրընար գտնել ամեն արուեստաւոր. շատ քիչերն կան որ կարենան արեգակնային շրջանին փոփոխութիւնները չափել և ճշգրել. հարկ էր որ հասարակաց համար այն փոփոխութիւններն, այն կէտերն՝ տուժարի վրայ առնուին. այսինքն քաղաքական տարւոյ ամսոց օրերուն վրայ համարուին. և ըսուի թէ այս ամսոյս այս օրս՝ արեգակն՝ երկնից (կամ կենդանակամարին) շրջանակին այս որոշեալ կէտն է, այն օր՝ այն կէտը. և թէ՛ երբ արեւն այն կէտին վրայն է՝ այն օր ցորեկն այսչափ ժամ, գիշերն այսչափ ժամ կ'ըլլայ, և տաքութիւնն ու ցրտութիւնն (ընդհանրապէս) այսչափ աւելի կամ պակաս: Արդ այսպէս ճտնչնալու և ըսելու համար՝ հարկ է անշուշտ որ այս օրս կամ այն օրն այլ՝ իրենց յատուկ անուններն ունենան. և ասոնք են ամիսն և իրենց (աւուրց) քանիերորդն. — ուրեմն հարկ ալ է որ ինչպէս իր արեգակնային շրջանին կէտերն հաստատուն են ('ի կենդանակամարին)' նոյնպէս տուժարին վրայ այլ հաստատուն ըլլան. այսինքն տուժարին կամ ամսոց ամեն մէկ օրն՝ արեւու շրջանին մէկ մէկ կէտին հետ հաստատ կապուած ըլլայ. և այն ասին հաստատուն և անշեղծ կ'ըլլայ և կ'ըսուի արեւ-

մարն և օրերուն երկայնութիւնն. ապա թէ ոչ՝ ոչ միայն շարժուն այլ և շփոթ. եղանակք տարւոյ և օրերուն չափն (կարճութիւն կամ երկայնութիւն) որոշ անուն և նշանակ մը չեն ունենար. կամ աւելի պարզ ըսելով, ամիսներն և իրենց օրերն ամենեւին բան մը չեն նշանակեր, բաց ՚ի թուէն. վասն զի գարնանամուտն՝ որ հիմայ մեհեկանի կամ արեգի մէջ կու գայ, ատեն մ'ալ ահիկ ամիսը կու գայ, ատեն մը քաղցրի, և այլն. ամեն կէտ ամեն ամսոյ ամեն օրուան կու հանդիպին զանազան տարիներ: Ասով երկրագործաց և նմանեաց արուեստից շփոթութիւն կ'ըլլայ, որ օր ընելիքնին չեն գիտնար. և ինքն իրեն հարկ կ'ըլլայ որ հաստատուն տուամար կամ օրացոյց մը բնտուեն:

Նոյնպէս եկեղեցական տարին այլ հաստատուն տուամար մը կ'ուզէ անհրաժեշտ. վասն զի ինքն այլ երկրագործի և աստեղաբաշխի պէս, և այլ աւելի, տարւոյն ամեն մէկ օրը իմանալի երկնից մէկ մէկ կէտին՝ այսինքն յիշատակի հետ՝ կապած է. և դարձեալ կ'ուզէ որ այն կէտերն այլ արեգակնային կէտերուն յարմարցընէ, որպէս զի անմոռաց և անշփոթ կարգաւ կատարէ իր գործը: Ասոր դիտաւոր պատճառն այլ բնական և յայտնի է. որովհետեւ իր յիշատակներն ըստ մեծի մասին երկրիս վրայ և որոշեալ օր մը հանդիպած են, կ'ուզէ որ ամեն տարի նոյն արեգակնային հաստատուն օրուան մէջ հանդիպածը՝ դարձեալ նոյն օրը՝ նոյն կէտին անփոփոխ կատարէ: Օրինակի համար. տեառն մերոյ Քրիստոսի մարգեղութեան օրը, կամ Մնունդը, կամ Քառասնօրեայ ՚ի տաճար գալը, կամ Տիրամօր ծնունդը, Ընծայումը, Վերափոխումը, կամ Առաքելոց և Լուսաւորչոյ նահատակութեան և մահուան օրերը՝ ճիշդ նոյն եղանակին նոյն օրերուն կատարէ: Արդ եթէ այս

յիշատակներս մեր Հայոց անհաստատ տօմարին օրերուն վրայ հաստատէր և ըստ այնմ տօնէր, ինչ կ'ըլլար. — օր մը Մնունդը ձմեռուան խորը կու տօնէինք, օր մ'այլ ամառուան տաքերուն: Վերափոխումը՝ մէկ մը շնկան օրերը, մէկ մը ձիւն երու մէջ. ըստ այսմ ամեն տօներ և յիշատակներ այլ անդադար և անպատճառ կու փոփոխէին:

Ոչ դք յանձն կ'առնու այս բանս. տեղ մը և եկեղեցի մ'այլ չկայ՝ որ յանձն առած ըլլան: Ըսել է որ շարժուն և անհաստատ տումար ունեցողք այլ՝ այս բանիս համար հաստատուն կերպ մը տումար մը բնառած և ընդունած են. նոյնպէս այլ երկրագործութեան և ուրիշ կարևոր արուեստից և քաղաքական կարգաց և հանդիսից համար՝ պէտք է որ հաստատուն տումար մ'այլ ունեցած ըլլան այն ամեն ազգք և ժողովուրդք՝ որք չափաւոր քաղաքականութիւն և կրթութիւն մ'ունեցեր են, ինչպէս մեր Հայոց ազգն այլ՝ շատ դարերէ առաջ: Ուրեմն մեր ազգն այլ իր շարժուն քաղաքական տումարէն զատ՝ անշարժ, հաստատուն և հին տումար մ'ունեցեր է. տումար մը կրօնական, երկրագործական և քաղաքավարական, որով և հաստատ ժամանակագրութիւն մը:

Ահա այս տումարս և ասոր սկիզբը, և մեր ժամանակաշափութեան կամ թուականին հաստատուն և հին կէտը՝ կ'ուզեմ գտնել և ցուցնել քեզի այսօր, Հայկակ:

## Բ

Եկեղեցական կարգաց նկատմամբ՝ հաստատուն տումարի պէտքն միանգամայն հաստատութիւնն՝ արդէն ծանօթ էր քեզի, և գիտէիր որ մենք մեր շարժական տարիէն զատ՝ եկեղեցոյ համար ունիմք անշարժ յուլեան տումար մ'այլ՝ որ Յայտ

առաջին կ'ըսուի, այս տօնական կամսրբագիր գրոց մէջ գործածուած ըլլալուն համար. հոն տարւոյն ամեն մէկ օրուան վրայ հաստատուած են տօնք սրբոց և տէրունականք, ըստ օրինակի Յունաց և Լատինաց, և միշտ անշարժ կու մնան տօնք, նահանջ այլ ընելով, աւելեաց 5 օրերուն վրայ վեցերորդ մ'այլ գնելով ամեն չորս տարի, (փոխանակ փետրուարի վերջը): Ահա ուրեմն ունինք եղեր հաստատուն տարի մ'այլ. սակայն այս Յայսմաւուրաց կարգաւորութիւնն շատ հին չերևիր. թո՛ղ դարուն մէջ շինուած են մեր հիմայ ունեցած Յայսմաւուրքն: Բայց տօները այսպէս հաստատուն աւուրց վրայ բաժնող և կարգաւորողն՝ դար և կէս այլ առաջ եղած է, մեծ գիտնական և սոփեստէսն Յովհաննէս Սարգսիս վարդապետն. որ յամին 1116 նորոգեց տումարը, և այս հաստատ կերպը գրաւ. նոր թուական մ'այլ սկսելով Քրիստոսի 1084 տարիէն, որ ըսուեցաւ Փոքր կամ Մարտի, և էր Հայոց թուականին 533 տարին. վասն զի այն տարի՝ լմբնցեր էր հինգհարիւրէս ըսուած 532 տարուան շրջանն, սկսուած մեր մեծ թուականին հետ (յամին Քրիստոսի 552). և երբ նորէն տօնից շփոթութիւն կ'ըլլար, Սարկաւագ՝ մանր և յստակ քննութեամբ տումար մը գրեց, ցուցուց սխալմանց պատճառը և հարկաւորութիւնը նոր և անփոփոխ դասաւորութեան տօնից, զոր և ըրաւ. և այնուհետև գործածելի եղաւ, և իր անուամբ կոչեցաւ Սարգսիսի իւր: Իր, կամ Յայսմաւուրաց հաստատուն տարին կու սկսի 'ի 11 օգոստոսի (ըստ հին տումարի, ըստ նոր տումարի հիմայ 23ին). այս տարեգլխին օրուան պատճառը քիչ մը վերջը կու տեսնենք:

Յառաջ քան զՍարկաւագ ինչպէս կու վարէին եկեղեցականք. — յայտնի է որ հինգհարիւրեակ

կամ 532 տարուան շրջանով, որով ամեն եկեղեցիք այլ կու վարէին. — սակայն գիւրութեան համար միշտ կու վայէր պարզ հաստատուն տուամար մ'ուենենալն, զոր մեր առաջին տումարագիրքն՝ Ներսէս կաթուղիկոսի ասեն, յամին 553, չէին դրած. բայց անկարելի էր որ իրենք այլ չունենային՝ թէ և անկատար՝ մէկ որոշ կանոն մը, կամ քանի մը հաստատուն տօներ. անկարելի էր որ իրենցմէ դար մ'առաջ եղած թարգմանիչք մեր և անոնց աստուածաշնորհ առաջնորդքն Սահակ և Մեսրոպ, ամեն ազգաց գիւրութեամբ հմտացեալքն՝ կարգաւոր տումար մը չունենային, գոնէ եկեղեցւոյ մէջ: Եւ յերաւի կու գաննեմք որ, Ա. կան հին տօնացոյցներ կամ հին կարգաւորութիւն տօնից՝ զոր Ս. Սահակ գասաւորած է, ըստ վկայութեան նախնեաց, որոց մէջ երկու կերպ գասաւորութիւն կայ. մէկ մը ըստ ամսոց Յունաց կամ Լատինացւոց, այսինքն մասն մի տօնից՝ յուլեան տումարին ամսոց վրայ հաստատուած, մաս մ'այլ հին Հայոց ամսոց վրայ. և ինչպէս առաջինք՝ այսպէս ասոնք այլ անշարժ են, և ասոնց տարեգլուխն (կամ առաջին ամիսն նաւասարդ) այլ՝ Սարկաւագայ պէս օգոստոսէն կու սկսի. ըսել է որ Սարկաւագ այլ Ս. Սահակայ հետեւեր է: — Բ. Ս. Սահակայ աշակերտաց թարգմանած գրոց մէջ քանի մը տեղ յոյն կամ եբրայեցի հաստատուն օրերուն գիմաց՝ Հայոց ամսոց օրեր դրուած են, ըսելով, « որ է հայերէն » այս ինչ ամիս և այս քանիներորդ օր ամսոյն: Արդ եթէ հաստատուն հայ տարի մը չեն թադրէին՝ չէին կրնար այնպէս ըսել. և հաստատուն տարի մ'են թադրենին յայտնի է անով՝ որ այն յուլեան տումարի պատշաճեցուցած օրերնին՝ կամ ճիշդ Սարկաւագադիր կարգին, կամ Յայսմաւուրաց տարւոյն օրերուն կու համաձայնին, կամ



անոնց մօտ : Անոնց մօտ ըսածս այս է . մեր նախնիք երբեմն Յուճնաց կամ Ասորուոց գրքեր թարգմանելու առեն՝ ամսոց օրերուն համեմատութիւնը գիւրացընելու համար ուրիշ ճար չեն գտած , բայց եթէ միացընել մեր և անոնց ամսոց սկիզբները , այսինքն առջի օրերը . այսպէս , արեգի , մարտի և նիսանի մէկերը մէկտեղ սկսելով , նաւասարգի , օգոստոսի և իլուլի մէկերը մէկտեղ . և այլն <sup>1</sup> : — Գ . Երբեմն ալ մեր նախնիք փոխանակ արեգի՝ նաւասարգը զուգած են ընդ մարտի և նիսանի : Ըսել է ուրեմն՝ որ Սարկաւագէն 700 տարի առաջ՝ այլ՝ մեր գրոց թարգմանութեան առեն՝ նոյն օրինակով հաստատուն հայ տարի մը կու ճանչցուէր՝ շարժականէն կամ քաղաքականէն զատ :

Կու մնայ գիտնալ թէ հոպա յառաջ քան զՍ . Սահակ՝ իր նախորդ և համարիւն հայրապետքն , մինչև 'ի Ս . Լուսաւորիչն , ինչ տումար կու բանեցընէին եկեղեցւոյ տօնից . կամ անկէ առաջ՝ Տրդատ հայրենասէր մեծ թագաւորն , իր Արշակունի նախնիքն , և անոնցմէ առաջ մեր բռնիկ Հայկազունքն՝ ինչպէս կու տօնէին իրենց ազգային տօները , զոր 'ի հարկէ ունէին . և արդէն գիտեմք անոնց մէկ քանին , ինչպէս Նաւասարգաց կամ Ամանորայ ( նոր տարւոյ ) տօները , Աստղկան տօնը , Վարդավառի տօնը , և այլն . որոնք իրենց առաջին ամսոյն ( նաւասարգի ) մէջ կու կատարուէին , ծառոց ծաղկանց և ջուր ցանելու

<sup>1</sup> Օրինակ մը . Յառաջաբանն Առաքելական կանոնաց կ'ըսէ . « Յամբն 339 իշխանութեան Յուճնաց . . որ օր չորս » եր մարգաց ամսոյ , յաւուր միաշաբաթով , որ է կատարումն Պենտակոստէից » : Թուականն է Աղեքսանդրի , կամ Սելեկիացւոց 311 տարին , Քրիստոսի 30 թուականն . Հոգեգալտեան կիրակին չորս յունիսի :

կամ ջրոց մէջ լողալու խաղերով. — գիտենք այլ որ Հայաստանի մէջ այսպիսի խաղեր՝ տարւոյն միայն քանի մ'ամսոց մէջ կրնան կատարուիլ, երկրին երկարատե ցրաութեանը համար. — անկարելի էր որ այն տօներն շարժական տարւոյ օրերու վրայ կապուէին, և յայտնի այլ է հաստատուն օրերու վրայ դրուած ըլլալին. իրենց տարեգլուխն և նաւասարդն այլ՝ յուլեան տարւոյ օգոստոսի 11ին էր: Եւ որովհետեւ անտարակոյս գիտենք որ քաղաքական շարժուն տարին այլ մի և նոյն հայկական 12 ամիսներով և աւելեաց հինգ օրերով կու բանէր, հարկ է ըսել թէ ուրիշ հին գիտուն ազգաց պէս երկու տարի ունէին, մէկն քաղաքական, միւսն սրբաշուն՝ որ էր հաստատուն. և անտարակոյս ասոր սկիզբն էր հինգ ամսով մ'առաջ, աբէֆ ամսէն սկսելով, որուն անունն կու նշանակէ զարեւ. և կու սկսի բուն արեգակնային ըսուելու վայելուչ օրէն, այսինքն գարնանամուտէն (յ'9-21 մարտի). և ասով այլ նաւասարդի գլուխն կամ քաղաքական տարեմուտն՝ նոյնպէս ճիշդ օգոստոսի 11ին (23ի) կու հանդիպի:

## Գ

Տարին գարնանամուտին օրը սկսելն (ինչպէս որ Հրեայք և Պարսիկք այլ կ'ընէին իրենց կրօնական կարգաց համար՝) շատ վայելուչ և բնական է, և միտ պատիւ կ'ընէ անոր՝ որ զայս նախ դրտաւ և դրաւ. եթէ ըլլայ Մովսէս մարգարէն՝ ըստ Հրէից, և եթէ ըլլայ իրմէ ալ հին մէկը՝ զոր Հայք իրենց ազգին այլ, տուժարին այլ, ամենայն պարծանաց այլ հեղինակ և նահապետ կու ճանչնան: Բայց ինչո՞ւ քաղաքական օրինգը նաւասարդն՝ օգոստոսի 11ին ըլլայ գլուխ տարւոյ և աշխարհաժողով տօնից. անանկ օր մը՝ յորում արեգակ

հային շրջանին մէջ նշանաւոր կէտ և հանդիպում մը չկայ: Ո՞վ էր դրած այս կարգը, զոր մեր Ս. Թարգմանիչք այլ բռներ են, Սարկաւազն այլ Յայսմաւուրք այլ պահներ են. և որ մեծն է՝ Հայոց մեծ Թուականը հաստատողքն այլ նոյնպէս անփոփոխ Թողեր են. վասն զի՝ իրենց տումարը նորոգելուն և Թուականը կարգելու տարին՝ ամենևին չգպան տարեգլխոյն, որ այն սարի յուլիսի 11ին կու հանդիպէր, այսինքն Հայոց քաղաքական շարժուն տարւոյ գլուխն կամ նաւասարդն՝ Քրիստոսի 552 Թուականին՝ կու սկսէր ՚ի 11 յուլիսի: — Արդ Թէ որ իրենցմէ, և նաև մեր Թարգմանիչներէն առաջ Հայ տումարագիր մը բնուէնք, ասոնցմէ 300 տարի վեր ելնելու է, մեր բազմահանդէս Բ Արտաշիսի օրերը. վասն զի Թէպէտ մեր Արշակունեաց նախահայրն Վաղարշակ՝ շատ գեղեցիկ կարգեր և սովորութիւններ հաստատեր էր ՚ի Հայս, կ'ըսէ Խորենացին (Բ. ԾԹ.) բայց չէր դրած «զլաբաթուց և զամսոց» և զտարեաց բոլորմանց» գիտնական և օրինաւոր կարգ մը. այլ «այս ամենայն յօրինի յառաջ» և ըսէր Արտաշիսի: Ասոր Թուոն այլ Վաղարշ կարգեց նաւասարդի նոր տարւոյ աօները տշխարհախումբ հանդիսիւ կատարել ՚ի Բագրեւանդ, իր հօրեղբօր Մաժան քրմապետին գերեզմանին և բազնին քովերը<sup>1</sup>. բայց ոչ սա և ոչ իր պապն Արտաշէս՝ չեն Հայոց բնիկ տումարը և աղգային տօնը կարգադրողքն. մանաւանդ Թէ Արտաշէս կերպով մը խափանած կ'երևի Հայկազանց կարգադրութիւնը, Թէ և աւելի կանոնաւոր տումար մը մտցընելով. որ էր անշուշտ յուլեան տումարը, առնրով ՚ի Հռովմայեցւոց. վասն զի գիտեմք ՚ի պատմութենէ՝ որ առաջին ինքն եղաւ Հռով-

<sup>1</sup> Խորեն. Բ. ԿԶ:

մայեցւոց հարկատու. իր տառն կայսրն Տրայիանոս՝ զՀայաստան Հռովմայեցւոց ինքնակալութեան գաւառ սեպեց. (Թէ և քանի մը տարի ետքը Ադրիանոս կայսր՝ նորէն կէս ազատ Թողուց). այն ատենները նաև Ասպպագոփկացիք՝ (որոնց հին տօմարն և ամսոց անուանքն մօտաւոր են Պարսից և Հայոց) ընդունելու էին Հռովմայեցւոց տուամարը. ըսել է որ Արտաշիս ըրած տուամարի կարգադրութիւնն այլ, 'ի 122 Թուին Քրիստոսի, էր Հռովմայեցւոց տուամարին համաձայնութիւն մը, Թողով ըստ մասին հին Հայկազանց կարգը և Ժամանակաշարութիւնը: Այս բանիս վկայ կ'ըլլայ հնախոյզ և բազմահմուտ Սարկաւազն մեր, որ կ'ըսէ, Թէ «հաւաստապէս 'ի ՃԻԲ ամ Քրիստոսի» աւարտ առ Թուականն Հայկայ» . Թուականին աւարտին՝ ոչ լմննալ՝ այլ 'ի հարկէ դադրել իմանալու է. իսկ Հայկայ Թուականն ըսածն այն է՝ զոր աւելի յարմարապէս յետոյ կ'անուանէ ՀԱՅԿԱՅ ՇՐՋԱՆ. որ և մեր անշարժ և շարժուն տարիներուն և հին և հնագոյն տուամարին ծանօթութեան պատճառ և առիթ պիտի ըլլայ հոս:

Վերը յիշեցի որ մեր Թէ շարժուն և Թէ անշարժ տարւոյն սկիզբն կամ նաւասարդի գլուխն կ'ընկնայ յուլեան տուամարին օգոստոսի 11ին (նոր տուամարի 23) . այս բանս մեկէն կ'իմացընէ որ ատեն մ'եզած է որ երկու տեսակ տարիներն այլ նոյն մէկ օրն սկսած են, երկուքին նաւասարդքն այլ 'ի 11 օգոստոսի են եղեր, և երեք տարի միաբան երթալով՝ չորրորդ տարին շարժուն կամ քաղաքական տարին՝ սկսեր է 'ի 10 օգոստ. յետ չորս տարւոյ այլ՝ յ'9 օգոստ. և այսպէս ամեն չորս տարի օր մ'առաջ սկսելով՝ հեռացեր և կանխեր է քան զանշարժ տարին: Արդ ըսինք որ Հայոց տուամարին սկզբնաւորութեան տարին (552 Քրիստոսի) նաւասարդի մէկն 'ի յուլիսի 11ին էր, Ճիշդ

ամիս մը կամ 31 օր առաջ քան զանշարժ տարին. ըսել է որ 31 անգամ նահանջ չընելով՝ չորս տարին հեղ մը՝ այսպէս յառաջացեր էր քաղաքական տարին. արդ 4 անգամ 31 տարին կու գումարեն 124 տարի. ըսել է թէ տումարին նուրոգութենէն 124 տարի առաջ թէ կրօնական և թէ քաղաքական տարին նոյն օգոստոսի 11ին սկըսած են, որ էր Քրիստոսի 428 տարին. (վասն զի 124—552=428):

Ալ աւելի վերը յիշեցի որ մի և նոյն ամսոյն օրն՝ արեգակնային կամ երկնից նոյն և մի որոշ կէտին հանդիպելու համար՝ պէտք է 1461 անհաստատ և 1460 հաստատ տարի. ուրեմն որպէս զի Հայոց երկու նաւասարդքն՝ կամ երկու տարեգլուխքն այլ իրարու հանդիպին, մի և նոյն օրը սկսին, պէտք է որ 1460 նահանջաւոր կամ 1461 աննահանջ տարի անցնի. կամ աւելի ուսումնասպէս ըսելով 1460 տարեկան շրջան մը: Արդ ինչպէս քիչ մ'առաջ տեսանք՝ մեր այս երկու տեսակ տարիներուն զուգաւորութիւնն եղած էր ի թուին Քրիստոսի 428 (11 օգոստ.). անկէ ետեւ գեռ չէ հանդիպած, բայց մօտ է հանդիպելու՝ յամին 1888. որով կու լրանայ շրջան մ'այլ (1460 ամաց) մեր թարգմանչաց օրէն մինչև ի մեզ. իսկ անկէ (428էն) առջի 1460 ամաց շրջանն սկսած էր յամին 1032 նախ քան զթուականն Քրիստոսի. անկէ առջի շրջանն այլ բնականապէս (1460 տարի ալ առաջ) յամին 2492 նախ քան զթու Քրիստոսի: Ահա այս շրջանն է ՇՐՋԱՆ ՀԱՅԿԱՅ, և այն Քրիստոսի թուականէն առաջ 2492 տարին՝ է ԹՈՒԱԿԱՆ ՀԱՅԿԱՅ, որ և կրնայ ըսուիլ արժանապէս՝ ստուգագոյն և փառաւորագոյն ՀԻՔ ԹՈՒԱԿԱՆ ՀԱՅՈՑ, և սկիզբն ժամանակագրութեան. որոյ սկիզբէն մինչև հիմայ (Քրիստոսի 1870 թուականին) կ'ըլլայ 4362 տարի: Այս է

աւարիք Հայոց ազգիս մինչև հիմայ, որուն նման հասաատ թուականով՝ բաց 'ի Հրէից, Զինաց և 'ի Հնդկաց՝ հիմայ չկայ ուրիշ հին ազգ մը:

## Դ

Բայց այս պարծանքս կամ դիտութիւնս ապահովելու համար նաև օտարաց առջև, պէտք է հաւաստենք քանի մը փաստերով և աւանդութեամբք այլ, 'ի վերայ երկու փաստիցն զոր հիմայ յիշեցի. այսինքն, մէկ մ'որ մեր երկու տեսաչ տարիներուն զուգաւորութեան սկիզբն՝ կու հանգիպէր 'ի 1032 ամն նախ քան զՔրիստոս. և զի ազգերնուս հնութիւնն՝ յայտնի է թէ Քրիստոսէ 1032 տարիէն աւելի առաջ է, ապա անկէ առջի հանգիպութեանը տանելու է, որ է 2492ն: Եւ երկրորդ՝ որ յայտնապէս Սարկաւադ վարդապետ հին տումարներէ և պատմութիւններէ քննելով ճանչցեր, վկայեր և յայտներ էր այս Հայկայ Շրջանս:

Ուրեմն մեր թուականին և չրջանին սկիզբը գտնելու համար, քննենք թէ ինչո՞ւ արդեօք Հայոց նոր տարին 11-23 օգոստոսի հաստատուած է. և ինչո՞ւ Հայկայ չրջանն սկսաւ 2492 տարի Քրիստոսէ առաջ. վասն զի ոչ աստեղաբաշխական պարագայ մը և ոչ նոր եղանակ մը կու հանդիպին տուոյն այն օրուանը վրայ. պէտք է ուրեմն ասոր պատճառը բնուել պատմական դիպաց մէջ: Եւ նախ օտարազգեաց մէջ բնորոշելով 'ի հին պատմութեան, կու գտնենք իրաւցրնէ Եգիպտացւոց մէջ (որ և մինակ կրնան հնութեամբ Հայոց հետ մրցիլ, և որոնց հետ դեռ ուրիշ շատ նմանութիւններ ունին՝ որ դեռ լաւ ապացուցուած չեն), կու գտնենք որ այն Նեղոսի ափանց բնակիչքն՝

իրենց այն բարեբուղին գետոյն հարսանեաց տա-  
րեկան հանգէսը՝ արդարեւ աշնանային գիշերահա-  
ւասարէն ամիս մը առաջ կու կատարէին, որ է  
Ճիշդ 11-23 օգոստոսի, Հայոց տարեգլխին օրը։  
Մեր ազգն ալ այս տարեգլխին հանգէսներուն  
մէջ, կու տօնախմբէր հեթանոսութեան դարե-  
րուն մէջ ջրհեղեղին յիշատակը, ինչպէս ինչուան  
մեր օրերն ալ կու կատարուին՝ ջրի խաղերով և  
աղաւնի թռչնելով՝ ի տօնի վարդաւառին կամ  
այլակերպութեան Գրիստոսի. վասն զի մեր սուրբ  
հարբ օգոստոս ամսոյն ճին հաստատած էին այս  
տօնը, նոր տարիէն հինգ օր ետեւ. և նոյն օրը մեր  
հեթանոս նախնիք նուիրած էին իրենց Աստուծոյ  
գիշուհւոյն. իսկ տարուոյն սկիզբն՝ ունէր իր առ-  
անձին առտուածը։ Բայց թէպէտ և այս երկու  
տօներն՝ եգիպտական և հայկական՝ թէ օրերուն  
յարմարութեամբը և թէ յիշատակաց՝ յարաբե-  
րութիւն մ'ունէին իրարու հետ, ի վերայ այսր  
ամենայնի այս երկու հին ազգաց շրջաններն մէկ-  
մէկու չէին համամատիր, այսինքն նոյն օրը չէին  
սկսիր ու լմննար։ Ասկէ զատ՝ այն հանգիսից տօ-  
նախմբութիւններն չեն ապացուցաներ օրուան ըն-  
տրութեան պատճառը. վասն զի այն օրն չի միա-  
բանիր ոչ ջրհեղեղին սկզբանը և ոչ վերջանալուն  
հետ, և ոչ Նեղոսին ջրոցն աճմանը կամ նուազ-  
մանը, և ոչ Շնիկ աստեղ արեգակնային ամբարձ-  
մանը հետ. ապա ուրեմն ուրիշ պատճառ պէտք  
է բնութել, թէ մեր Հայկայ շրջանին և թէ իր առ-  
ջի օրուան համար։

Բայց նախ կարճ մը պարզեմ, Հայկակ, այս աս-  
տեղաբաշխական յիշատակութիւնս. վասն զի ա-  
մեն ստոյգ տումար և ժամանակի չափ՝ աստեղաց  
շարժմամբք և շրջանօք կ'ըլլայ, Հայկայ շրջանն  
այլ ծանօթ նաեւ ուրիշ ազգաց՝ ուսումնապէս կ'ը-  
սուի Շնկան չբն, կամ ըստ Եգիպտացուց Ասիա-

Իսն շրջան. իրենք Սոթիս կ'անուանէին Շնիկ աստղը, որ Շուան համաստեղութեանց մէջ է և Փոքր Շուան այլ կ'ըսուի, և քան զամենայն աստեղոտայ. ծառագոյն է: Իրենց երկրագործութեան համար ամենահարկաւոր էր գիտնալ Նեղոս գետոյն աճելու և նուազելու օրերը, սկիզբը և վերջը. և գիտելով գտան՝ որ աճման սկիզբն կ'ըլլար ամառնային արեւագարձին ատեն, և գտած ատեննին Շնիկ աստեղ երեւնալն այլ արեւուն ելնելէն առաջ, (որ ուսումնապէս արեգափայլի ամբարշտն կ'ըսուի) նոյն օրերուն հանգիպեցաւ. ուրեմն այն օրն իրենց տարեգլուխ գրին. բայց որովհեաւ իրենք ալ մեզի պէս քաղաքականօրէն շարժուն տարի կու գործածէին, որով ամենայն տօնք և երկրագործութեան կարգեր կու փոփոխուին. հաստատ կրօնական և գիտնական տարի մ'այլ գրին աստեղաբաշխական քննութեամբք, և ճանչցան 1460 տարուան շրջանը. իրենց երկու տեսակ տարիներուն սկիզբն այլ կու զուգաւորէր Շնկան երեւնալուն, արեւագարձին և Նեղոսի ամբարձման հանդիպած մի և նոյն օրը: Այս է Սոթիական կամ Շնկան շրջանն: — Դառնանք հիմայ մեր յիշատակաց:

Մեր հին տօմարագիրք և Յայսմաւուրք կ'ըսեն, Թէ յետ խառնակութեան լեզուաց ամեն նահապետ կամ ազգապետ Բաբելոնէն դառնալով այն երկիրը ուսկից ելեր էր, կամ ուր որ կ'երթար գրաւելու, պատուիրեց իր հետևողացը որ տօնախմբեն հայրենիքը մտնելնուն տարեգարձը: Մեր Հայկ նահապետն ալ, կ'ըսեն, մտաւ Այրարատ աշխարհքը կամ իր Թորգոմայ հօրը բնակած երկիրը՝ օգոստոսի 11-23ին, և հրամայեց որ նոյն օրը տարւոյն սկիզբն սեպուի: Կու հաստատեն դարձեալ, Թէ այս գիւցաղն առաջին եղաւ տարեցոյց տալու իր նորածին ազգին, զոր



և կու պահէ մեր ազգն մասամբ անսիրտի, ինչ պէս որ իրեն աւանդուեցաւ այն նախնական դարերուն մէջ:

Այս է ահա մեր մէջը օգոստոսի 11ին տօնին պատճառն: Երկրորդ և աւելի ստոյգ պատճառն է՝ Հայկայ դարձէն քիչ տարի վերջը՝ Բելայ յաղթուիլն և սպանումն (որ եղաւ յամի 2492 Քրիստոսէ առաջ), ինչպէս որ ցուցուց հասարակ հայկական թուականին անընդհատ յաջորդութիւնն: Մեր պատմութեան ժամանակագրութիւնն ալ (որ գծադրաբար բաւական ճոխ չէ այս հին ժամանակաց վրայոք), կ'ընծայէ մեզի թուական մը՝ Հայկայ թուականին ցուցածին մօտ: Յովհաննէս կաթողիկոս 'ի Հայկայ ցլադարչակ 2295 տարի կու գնէ. անկէ այլ մինչև 'ի Քրիստոս 149 տարի. գումարն է 2444, որով միայն 48 տարի պակաս կ'ըլլայ քան զմեր թուականս (2492). բայց եթէ Հայկայ մօտը սեպեմբ կաթողիկոսին յիշածը՝ կրնայ մերինին հետ ճիշդ համաձայնիլ: Մեր խընդրոյն համար աւելի պիտանին այս է, որ հին օտար ժամանակագրութիւն ալ ամենայն ճշգրութեամբ կու համաձայնի Հայկայ թուականին հետ. վասն զի Ասորիկանոս և Եւսեբիոս իրենց մանրամասն թիւերովը Բելայ թագաւորութեան վերջը կու նշանակեն վերոյիշեալ 2492 տարին Քրիստոսէ առաջ<sup>1</sup>: Այս համաձայնութիւնքս Հայկական թուականին՝ օտար ժամանակագրաց տուած թը-

<sup>1</sup> Ասոնք Նինոսի թագաւորութեան տարին կու գնեն յ'2058նախ քան զՔրիստոս. անկէ այլ առաջ մինչև 'ի մահ Բելայ երկու շար թագաւորաց կու գնեն՝ Արաբացոց և Քաղէկացոց, 440 տարի և 8 ամիս թագաւորած, իրենց տարեովը՝ որ էր 360 օր. որով 440 տարի և ութ ամիսն՝ կ'ըլլայ 435 տարի և 5 ամիս. արդ 435 + 2057 = 2492. որ է մեր Հայկայ թուականն:

ւականին հետ , և վկայութիւնք մեր տօմարագրոց և Յայսմաւուրաց , կարծեմ բաւականապէս իրաւունք կու տան մեզի առանց տարակուսի ընդունելու Հայկայ շրջանին և մեր ազգութեան սկիզբը՝ Քրիստոսէ առաջ 2492 տարին . և մեր ազգային գերագոյն տօնին համար՝ սգոստոսի 11-23ը . որ այդ Հայկայ թուականին առաջին տարին՝ կու հանդիպի չորեքշաբթի օր մը . որ և հաւանօրէն տարուէ տարի տօնելի օր մ'եղաւ Հայկազանց . և կըրնամք ընդունիլ մեր պատմըչաց երկիւղած աւանդութիւնը , որք Հայկայ գործոց մէջ դիւցազնական քաջութենէ վեր բան մ'ալ կու դիտեն , - կրօնական դիմագրութիւն մը , ազատութիւն մը 'ի բռնութենէ առաջին կռապաշտին , կամ անոր՝ որ Աստուծոյ վայլած պատիւը և պաշտօնն՝ իր անձին կու սեփականէր : Ասոր համար այս տօնական օրս և հանդէսս պէտք է մեզի կրկնապատիկ սրբազան և սիրելի ըլլայ :

Առաջին շրջանն Հայկայ լրացաւ Դաւիթ մարգարէի թագաւորութեան և մեր Պերճ ( Բ ) հայկազին ազգապետութեանը ժամանակ , յամին ( 1032 նախ քան զՔրիստոս ) : Իսկ երկրորդ շրջանն լրացաւ՝ զարմանալի հանդիպութեամբ՝ այն մեզի համար շատ ցաւալի տարին , յորում կերպով մը նաև ազգերնուս միանձնաբար ինքնակացութիւնն այլ լրացաւ լմնցաւ , - յամին Քրիստոսի 428 , - ուրբաթ օր մը : Այն սև տարին ( 428 ) էր որ մեր վերջի թագաւորն Արտաշէս Արշակունի՝ թագէն զրկուեցաւ , և Հայք իրենց ազգային միապետէն . այն տարիէն 'ի վեր Հայաստան երկու մեծ տէրութեանց մէջ բաժնուեցաւ ( Յունաց և Պարսից ) , և ազգն երկու տերանց ծառայ կամ հպատակ եղաւ . և որ աւելի շատ զարմանալի է , անկէ վերջը ամբողջ Գ շրջան մ'այլ լրանալու մօտ է ( վասն զի 1442 տարին անցեր է ) , և

ազգերնիս միշտ նոյնպէս մնացեր է՝ երկու կամ իրեք մեծ տէրութեանց մէջ բաժնուած, թէպէտ և հազար ու մէկ քաղաքական փոփոխութիւնք և տիրապետութիւնք եղած են այս երկայն 14 ու կէս դարուց մէջ թէ՛ Նայաստան, և թէ՛ իր մօտ աշխարհաց մէջ: Այս Գ շրջանս՝ յորում եմք, սկըսած է շաբաթ օր մը. և պիտի լրանայ քիչ տարիներէ ետեւ՝ յամին 1888. յորում օգոստոսի 11-23ն հինգշաբթի օր մը պիտի սկսի Դ շրջանն. զոր ամենայն սրտով կու մաղթեմ քեզի, Հայկակ, և ամենայն քու ժամանակակից ազգայնոց՝ որ երջանիկ սկզբնաւորութեամբ ըլլայ, և օգտակար միաւորութեամբ մը բոլոր Հայազգեացս:

Յետ այսչափ վկայութեանց աւանդութեան և պատմութեան և ազգային և օտար ժամանակագրութեան, զոր 40 դարէ՛ի վեր ամբողջ ազգ մը ընդուներ է, և հաստատեր են մեր հռչակաւոր մատենադիրներն և եկեղեցական Հարք, պէտք չէ վայելուչ սեպել, ընդունիլ և տօնախմբել այսպիսի յիշատակ մը, տօն մը, որ է Հայկայ. կամ յանդգնութիւն և անտեղութիւն չէ՝ առասպել սեպել այն ամեն բանը՝ որ պատմական ժամանակաց սովորական շրջանէն վեր կ'ելլէ. մանաւանդ երբ այնպիսի հին ժողովրդեան մը վրայ է խնդիրն՝ որուն պէտք է դիմէ ամեն ժողովուրդ որ իր ծագումը բնուէ, այսինքն մարգկութեան հայրենիքը, Եդեսիայ երկիրը: Ժխտելէն, չհաւանելէն դիւրին բան չկայ. բայց չկայ նաև աւելի դժուարին բան մը՝ քան զերաւամբք ժխտելն: Իսկ ես կու հաւանիմ տեսնել, (նաև յանձն առնելով ամենէն անաչառ քննութիւնն ալ) մեր հայրենեաց մէջ յետ Ադամայ և յետ Նոյի՝ Հայկ մը, և կ'ուրախանամ իր հանդիսին վրայ, որուն չեմ ալ վախնար հրաւիրելու բոլոր յաբեթական ցեղին սերունդները, որոնք այն հին ժամանակը չունէին

այնպիսի երևելի գլուխ մը կամ ներկայացուցիչ մը՝ ինչպէս էր մեր Հայկն:

Սակայն մի կարծեր, Հայկակ, թէ ինչ որ պատմութիւն կամ աւանգուծիւն կու զրուցեն մեր Հայկայ վրայ, ամենն ալ կ'ուզեմ հաւատալի սեպել: Անտարակոյս է որ Հայոց ազգն ունէր գլուխ մը կամ նահապետ մը՝ ժամանակակից Բելայ, Բաբելոնի աշտարակին շինութեան տուն, և այս շէնքին կործանմանէն վերջը՝ եկաւ ապաւինեցաւ Այրարատայ երկիրը, որ անկէ ետեւ իր անուամբ բը կոչուեցաւ: Իր անունը, ըստ վրաց ՀԱՌՍ, մեր մէջ կ'ըսուի ՀԱՅԿ, որ ըստ քերականական կանոնի լեզուիս՝ ՀԱ միավանկ բառին նուազուկանն կրնայ սեպուիլ: այս անուամբ կը ճանչնամք մենք մեր ազգը, և ոչ Արմէն կամ Արամեան, ինչպէս որ օտարազգիք կ'ըսեն: Երբեմն մեր նահապետին անունն վերջադիր յօգով մը կը գրուի Հայկն, մանաւանդ երբոր զՈրիոն նշանակէ, վասն զի այսպէս կոչուած է այս համաստեղութիւնս՝ մեր սուրբ Գրոց և եկեղեցւոյ սուրբ և իմաստուն հարց գրուածոց մէջ. որք հարկաւ ասով ազգային հին աւանգուծեան մը կու հետեւին, ուսկից հաւանական է որ Յոյնք հնարած ըլլան իրենց Որիոնի առասպելները, եթէ հարկ սեպելու ըլլանք որ այս երկու ազգերէն (Հայք և Յոյնք) մէկը մէկալէն առած ըլլայ այդ աւանգուծիւնը: Եթէ կարծիք ժողովրդեան և եթէ Հայաստանի վիպասանից շողորորոցութիւն, այս համաստեղութեան լոյսն նոր պայծառութիւն մը կու տայ Հայկայ իրական էութեանը վրայ. այս էութիւնս հաստատապէս կու ստուգուի շատ մը աշխարհագրական անուններով այլ, որոնց սկիզբն 'ի պատմութենէ և յաւանգութենէ կ'ընծայուին մեր գիւցազին:

Մասնաւորապէս Վանայ հոչակաւոր բարձրա-

ւանդակին վրայ կը գտնուին այս հին տեղուսն-  
քըս, պայծառացած Հայոց նահապետէն, որուն  
զաւակներն պահեցին երկայն ժամանակ, գրե-  
թէ 120 ծնունդ որդւոց որդի յաջորդելով՝ այն  
անունները, և նաեւ երկրին առաջին շէնքերուն  
մնացորդները, որոնց մէջ հաստատած են ինչուան  
հիմայ իրենց ընտանի բնակութիւնները: Այս  
բարձրաւանդակս արուեստով և բնութեամբ զար-  
մանալի, աւելի գեղեցկացած է յաւերժ յիշա-  
տակաց արժանի Հայկայ գործքերով, որ գեռ կը  
հնչեն պատմութեամբ և աւանգութեամբ անուա-  
նի եղած շէնքերու մնացորդաց մէջ. ինչպէս են  
նախ և առաջ ամբողջ գաւաւններ՝ որք լճին հիւ-  
սիսային և արեմտեան կողմը կը պատեն, որոց  
մէկն կ'անուանի Հայկայ մէկ որդւոյն անուամբը  
(Խոռ) Խոռխոռունիք, և միւսն իր Թուանը ա-  
նուամբ (Բազ) Բզնունիք, ուսկից և լիճն կո-  
չուեցաւ ծով Բզնունեաց: Ետքը՝ Նէբրովայ Լեռն.  
տեղացիք կ'աւանդեն թէ Նէբրովթ ուզեր է լե-  
րան գագաթը պալատ մը շինել, որ կործաներ է  
վրէժխնդիր կայծակներով, և ընկղմեր է լեռան  
վրայ բացուած վիհերու մէջ: Այս լեռան ոտքէն  
գէպ 'ի հարաւային կողմը կը տեսնուի երկայն  
շարք մը մեծամեծ ժայռերու զոր ռամիկն կ'ա-  
նուանէ Ուղտու Փաբէր. վասն զի կ'ըսեն թէ Նե-  
բրովթայ ուղտերն են ասոնք, որ լճին եզերքէն  
աւուղ կը կրէին պալատին կամ բերդին շինու-  
թեանը համար, և Աստուծոյ բարկութիւնն զա-  
նոնք 'ի քար գարծուց. և հաւանօրէն լեռան հրա-  
բուլիսի սառակութենէն փրթած կամ ժայթքած  
քարեր են: Լճին հարաւային կողմը Ապու-  
հո բարձր լեռը կայ ջրերուն մէջ երկընցած,  
հին ատենէ 'ի վեր ճանցցուած իր երկաթի և կա-  
պարի հանքերովն. ասոր հարաւային կողմը մին-  
չև հիմայ Բեշու, այսինքն Բեշայ (որ է Նէբրովթ)

անուամբ գեղ մը կայ. աւանգութիւնն կ'ըսէ թէ այս հսկային գիակը հոն իջուցին: Լճին նոյն կողմը, բայց աւելի գէպ յարեւելք Տըղ գեղը կայ, ուր ըստ տեղական աւանգութեան, հսկային մարմնոյն մէջէն Հայկայ արձակած նետը քաշեցին, և բացուած ծակէն արեւուն ճառագայթներն կողմէ կողմ շարալով կը թափանցէին: Քառասունէն աւելի ջուրեր, առաւել կամ պակաս երկայն ընթացքով՝ կը թափին լճին մէջ. ասոնց ամենէն մեծն է Հորգոմայ գետը, որ հիմայ Խս. չապ կամ Անգղայ գետ (Ենձիւ-չայ) կ'ըսուի, որուն ազբիւրներն թէպէտ և գանուած չեն, այլ յայտնի է որ արեւելեան կողմէն կու գայ և լճին հարաւային արեւելեան անկիւնը կը թափի, գեղի մը քովէն՝ ուսկից իր անունը կ'առնու՝ Հորգոմ: Այս գետոյս լայն և ընդարձակ ձորը (որուն մէջ գեռ ԿՕէն աւելի հայաբնակ գեղեր կան՝ հին Հայկական անուններն պահած են. և քանի մը հատին վրայ կ'երևան խոր հնութեան նշանք Հայկայ ժամանակէն 'ի վեր), այս ձորս կը կրէ ամենէն սիրելի և ամենէն սրբազան անունը բոլոր աշխարհի մը՝ որ գրեթէ Գաղղիոյ չափ ընդարձակ է, և կը կոչուի ՀԱՅՈՑ ՁՈՐ. անուն պարզ, միանգամայն և այնչափ վսեմ՝ ուսկից աւելին չէր կրնար տալ նորածին ազգի մը առաջնորդն և հայրն, որ տեսաւ այն հեռաւոր սահմաններուն մէջ իր կրտսեր զտւակները և թոռները պատերազմիլ իր քովը, աշխարհիս ամենէն ահարկու թշնամւոյն գէմ, սպաննել զնա և վաստըկիլ առաջին յաղթութիւնը, որ և միանգամայն ամենէն օրինաւոր, ամենէն փառաւոր և ամենէն պիտանին եղաւ: Այս զուտ հայկական ձորն 'ի վեր երթալով պատերազմական գաշախն կեդրոնը կը հասնինք, և ամենէն պատուելի յիշատակարաններու՝ որ են իրեք տեղիք կամ իրեք շէնք ժամանակակիցք և համա-

նունք՝ հանգիպած գէպքերուն. հախ Հայ (Խէք) գեղն՝ ուսկից որ ձորն ալ իր անունը կ'առնու, մեր յաղթող դիւցազն շինեց, նոյն իսկ պատեւրազմի ճակատին վրայ: Անկից քիչ մը հեռու, գէպ ի հարաւ՝ Արփաժուէն գեղը, որուն համար աւանդութիւնն կ'ըսէ, թէ հոս տեղս Աստուած երեցաւ Հոյկայ, օրհնեց անոր աղեղը՝ որ եղաւ իրեն գործիք փառաց, իսկ իր հակառակորդին համար՝ զէնք մահու: Պատմութիւնն կը ճանչնայ զՀայկ առաջին և ամենէն քաջ աղեղնաւոր: Այս երկու գեղերուն մէջ կը գտնուի գերագոյնն յիշատակարանաց, այսինքն ՀԱՅԳԱՅ ԲԵՐԴՆ. ամեն կողմէ զատուած բլուրի մը գագաթան վրայ, և իբր հրաշքով մը դաշտին մէջէն բարձրացած. այս բլրոյն բոլոր կատարին երկայնութեան վրայ կը տեսնուի կործանած բերդի մը պարիսպ, որուն գեռ իրէք կամ չորս կարգ մեծամեծ քարերն կը մնան, կիկլոպեան շինութեամբ մը, թէպէտ և կը գտնուին տաշածոյ քարեր այլ: Երջապատին մէջտեղը քարաժայռին մէջ խոռոչ մը կու տեսնուի, որ հաւանաբար ջրհորի տեղ փորուած է: Եւրոպացի ճանապարհորդներէն գեռ ոչ ոք մօտեցեր է այս հեռաւոր առանձին տեղւոյս՝ որ մարդկային յիշատակարանաց առաջին երեսին վրայ նշանուած է. օտարական մը չէ լսած այն խորհրդաւոր արձագանգքն՝ որ կը հնչէ Հայկայ դիւցազնական ձայնը մինչև յետին որդուցը ականջը: Մարդ կը կարծէ թէ աստուածային արհաւիրք մը կը տարածուին հոն նախասահմանեալ ազգի մը սրբազան ծագմանը վրայ, և հանդարտ հոգի մը կու պտըտի՝ այն ազգին նախահարցը որոշականներովն հովանացեալ հովտին մէջ: Բայց ինչ են այդ որորոցին և այդ ազնիւ և կտրիճ ժողովրդեան աղբերականց քով. — ԳԵՐԵՋՄԱՆԻ. և կրնամ ըսել միւտք և կորուստք խուժարօր և

անգուծ ժողովրդեան մ'ալ: Այն բլուրին ոտքը ,  
 ուր ինկաւ Բել իր ահեղ պատերազմողներովն ,  
 իր 60 հականերովն , հոն Հայկն իրենց վերջի բնա-  
 կութիւնը փորեց , և անուանեց Գերեզմանք :

Իսկ ինքն կը կարծուի որ քիչ մը ժամանակ  
 ալ բնակած ըլլայ Վան քաղաքին քով. վասն զի  
 այս քաղաքին ընդարձակ պարտէզներուն և այ-  
 գեստաններուն մէջ , որ գէպ 'ի արեւելեան կողմը  
 կը տարածուին , Հայկական անուամբ տեղ մը կայ ,  
 մօտ այն քարաժայռ բլրին՝ ուր շատոնց գտուած  
 էին ձեռագործ այրեր և բեւառքանգակ արձա-  
 նագրութիւններ . իսկ նորերս այս բլուրին ոտքը  
 փորելով գտան մեծայարգ հնութիւններ , մետա-  
 ղէ ամաններ՝ նոյնպէս բեւառգիր ձեւերով , ոսկէ-  
 զօծ կուռքեր , և նաեւ ձոյլ ոսկիէ գործուածներ ,  
 խեցեղէն անօթներ՝ անսովոր բազազրութեամբ ,  
 որոնց մէջ գանուկեցան սերմանիք սովորականէն  
 աւելի մեծ հատերով , որոնց գպչելով փոշի գար-  
 ձան : Վանայ բարձրաւանդակին ծայրը , և իր  
 արեւելեան կողմը ձեւցընող լեռանց պատուարին  
 մէջ՝ որ հին ատեն Չարասպ կամ Չահրոս լերինք  
 կ'ըսուէին , կայ և Քելէւէն լեռը , որ պարսկերէն  
 ըսել է կապոյտ սիւն կամ արձան , և 9,000 ոտք  
 բարձր է , որուն քովէն հին ժամանակէ 'ի վեր  
 ճամբայ մը բացուած է Հայաստանէն Պարսկա-  
 ստան անցնելու . լեռան գագաթը յիշատակարան  
 մ'ալ կայ բեւառքանգակ գրերով , և իր ոտքը կամ  
 քովը գեղ մը՝ Հայկ անուամբ , զոր ասորի մատե-  
 նագիրք այլ յիշած են :

Իսկ այս տմենայն տեղերս՝ որ մեր Դիւցազնին  
 անունը կը կրեն , չէին իր հաստատուն բնակու-  
 թիւնն , կամ սիրայօժար տեղերը և իր տիրական  
 աթոռը . այս եպիինս ուրիշ բարձրաւանդակ եր-  
 կրի մը վրայ հաստատեց Հայաստանի կեդրոնին  
 մօտ , և ոչ հեռու Արածանիէն ( այսինքն հիմա :



կուան Մուրատ չայ գետոյն ազգիւրներէն, որ է արեւելեան Սփրատ) . Հայկ այս դաշտին այնպիսի անուան մը տուաւ, որ մեկալոնց պէս լաւ յարմարած է, այսինքն անուանեց ՀԱՐՔ. որպէս զի ցուցընէ թէ հոն հաստատեցան անոնք, որք Հայոց ազգին հայր եղան . հոն տեղա աւան մ'ալ շինեց, որուն հարկաւ իր անունը տուաւ, այսինքն է ՀԱՅԱՍՏԷՆ: Քոխ գերմանացի ճանապարհորդը կը յիշէ այս դաշտիս մէջ (որ հիմայ Խնուս կը կոչուի) գեղ մը Հայկ կամ Փայփ անուամբ:

## Ե

Կարծեմ, թէ այսչափ նիւթական յիշատակաբաններ բաւական են հաստատելու Հայկայ եռութիւնը, և հաւաստելու իր չըջանը և թուականը, հանդերձ առաջ ըսած պատճառներովս . որովք մեր մէկ հին հեղինակ մը կու համարձակի զՀայկին հնագոյն քան զՄովսէս մարգարէ՝ տումարագիր անուանել . աւանդութիւնն այլ կ'աւելցընէ թէ Հայոց ամսոց անուանքն իր որդւոց և գասերաց անուանքն ըլլան . — գուցէ ըլլան ոմանք, բայց յայտնապէս բողոքն այլ չեն: Սակայն պարծանք է իրեն, կամ իրեն յաջորդաց՝ և այդ Հայկայ Երջանը և Թառիսը ճանչնալ, զնել և պահել . — պարծանք և պատիւ է մեր իմաստասէր Սարկաւազայ այլ՝ այս հին յիշատակս յարուցանելը Հայկէն 3600 տարի ետեւ, և ցուցընել որ մեզի ծանօթագոյն Հայոց տումար և թուական ըսուածէն առաջ՝ կար հնագոյն տումար մը և հաստատ տարի մը Հայոց, որ կ'ըսուի հին փոստի Հայոց . և այս բանիս համար Յովհաննէս Քաւենցի՝ մերձաւոր ժամանակաւ Սարկաւազայ՝ կ'ըսէ ասոր վրաս յօք . «Այն՝ որ զփոստին երեւցոյց զհին Հային»:

Ահա այս հին Հային տումարին հաստատ ամսոցը վրայ էր որ շարեց մեր առաջին տօնակարգն՝ անմահանունն Ս. Սահակ՝ Հայոց եկեղեցւոյն տօնական տօները, զատ 'ի Յունաց առածներէն՝ զոր ըստ լատին ամսոց օրերուն գրաւ, անոր համար մեր ազգային ամսօք շարած տօներն ըսուեցան ՀԱՅԱՂԻՐ։ Այս անունս է որ երբեմն ես այլ կու բանեցընեմ՝ քեզի պատմելու առենս մեր հին յիշատակները, զանոնք դնելով իրենց հանգիպած օրը ըստ հաստատուն տումարի։ Այս հին հայ տումարս կամ Հայագիրն անշուշտ պահուած էր ազգերնուս կրօնական և գիտնական գործոց մէջ։ Բայց ժողովուրդն քաղաքականօրէն շարժուն հասարակ տարիով կ'երթար. զոր մեր Թարգմանիչք այլ 'ի հարկէ չէին կրնար փոխել։ Բայց նորոգողքն տումարի յամին 552 կրնային գոնէ եկեղեցւոյ տօները անշարժ տումարի վրայ հաստատել, և չըրին, անոր համար յոմանց շատ կու մեղադրուին։ Վերջապէս Սարկաւաթ վարդապետ, ինչպէս 'ի սկզբան ըսի, այս հաստատուն կանոնը գրաւ սըրբոց տօնից համար, գոնէ յիշելու զանոնք այն օրերը՝ յորում հաստատուն տումար ունող սզգք կու յիշեն։ այս իր Սարկաւաթադիւր Կարգը հրատարակեց յամին 1116, թէ և անկէ առաջ այլ տումարի վրայ բաներ գրեր էր։

Արգ այս է, Հայկակ, մեր նահապետին անուամբ յիշեալ և յիշելի Հայկա Շրջան, և Թուական Հայկա, զոր Թերեւս արժանի էր մեզի գործածել՝ աւելի քան զսովորական պահասաւոր Թրւականն մեր. որով և ամեն ազգաց ժամանակագրութիւնն այլ դիւրաւ կրնայինք չափել և համեմատել մեր ազգին ժամանակաց հետ։

# ՅԱՆՈՒԱՐԻ Ե Ի ՀԱՅՍ

Տարւոյն առաջին ամիսն՝ մեր կիսագնտին վըրայ, գրեթէ ամեն տեղ ըստ կերպարանաց բնու-  
թեան տիտուր է, քիչ շատ ձմեռն ըլլալով՝ զոր  
միայն քաղաքական և եկեղեցական ածիք կու մխի-  
թարեն և յիշատակք անցելոց կու գրօսեցընեն։  
Այս ամիս մեր Հայաստան աշխարհին երեսն այլ  
ամենէն սգակերպ և ծանր երևոյթներէն մէկը  
կ'ընծայէ, գրեթէ բոլորովին ձիւնով և սառամա-  
նեօք ծածկուած։ ձմեռն հոն իր աթուոյն վըրայ  
տնշարժ կ'երևի։ կամ բուքերով երկինք երկիր  
մըրկելով, կամ թէ և պարզ ընէ՝ անանկ չոր և  
բարակ ցուրտ մը կու տարածէ օդուն մէջ, որ  
կարծես թէ տրե՛ իր պայծառութիւնը միայն պա-  
հեր և կրակը մարեր է։ Հապա գիշերը՝ երբ  
չորցած սառնապատ ծառոց միջէն սարսուլք  
օձասուլիկ պախրցին կամ արևելեան հովն, գո-  
գաւոր ձորակներու մէջ որոտալով այն երկայն  
վայերը վոյերը լսեցընէ։... Գոցեցէք գոցեցէք  
դուռն ու երգիք, ամեն ճեղք ու ծակտիք։ Ո՛հ,  
ինչ քաղցր է, Հայկակ, շարուիլ նստիլ ամրա-  
ծածուկ ձեղուն մը տակ, թէ և հողէ ըլլայ,  
կարմրաբոց փռան կամ թոնրի մը եզերք, և 14-15  
ժամ երկայն գիշերուան քառորդ մաս մը ան-  
ցեալ դիպուածոց, և մտնաւանդ հայրենեաց,

ամսոյն նոյնաթիւ օրերուն մէջ հանդիպած բաները զբուցելով վիպասանելով անցընել: Ո՛րչափ ցանկալի էր մեզի այլ եկեղեցականին հետ քաղաքական և ազգային Յայսմա-ռ-ը-ի կամ Հայադիւր մ'ու-նենալ. առաւօտը զայն կարգալ, իրիկունը ասով զբօսնուլ կրակին բոլորովը:

Յանուար ամսոյս մէջ գիշեր մը և օր մը կայ, զոր Հայն գրեթէ ամեն ազգէ աւելի մեծահանգէս կ'անցընէ, և չի կրնար ասն մէջ արգիլեալ մնալ. այն օր ձմեռ չկայ. փոթորիկը կու թողու, ձիւն բուք կ'արհամարհէ, գուրս կ'ելլէ, կու փու-թայ յեկեղեցի, Արքա-ածայադնութեան տօնը կատարելու. և եռանգեամբ ցատքըտելով թղաչափ թանձր սառերն անդամ կու կոտորտէ, թմրած պաղած ջուրը կ'արթնցընէ, մէջը կու մանէ՝ քրիսառսանիչ խաչին կնքահայր ըլլալու:

Այդ մեծ տօնին օրը սովորական հանգէսներէն զատ՝ շատ նշանաւոր գէպք այլ հանդիպած են մեր նախնեաց ատեն. որոց մէկ քանին յիշենք այս իրիկուն մեր ընտանի կրակարանին եզերքը բոլորած, թողլով վիպասանից զանոնք բանազարդելու, և գուսանաց՝ երգելու: Յիշելու գէպքերէս շատն հանդիպած է մեզմէ 800 և աւելի տարի առաջ, ԺԱ գարուն երկրորդ քառորդին, մեր Պետրոս կաթողիկոսին օրերը. որ այն գէպքերուն գլխավորին պատճառաւ՝ Գեփադարձ ըսուեցաւ. և թէպէտ քիչ մը չափէն աւելի ազգասէրք և չափէն պակաս յունասէրք այլայլեր են եղածին պատմութիւնը, բայց անհիմն չերևիր իր պարզ և հին վկայութեանը մէջ: Եթէ Պետրոս կաթողիկոսի աջն հրաշագործ չէր, իր ձեռքը եղած խաչն իրմէ առաջ այլ շատ հրաշքներ ցուցեր էր. մննք կու սիրեմք Պետրոսի պերճախօսիկ շարականները, բայց չեմք կրնար գովել իր պերճասէր հնարքները, որովք եկեղեցիէն աւելի քա-

դաճական տեսութեանց մէջ անուն թողած է։ Իր քառասնամեայ հոգևոր տիրութեան առաջին տարիները՝ Անի թագաւորաբնակ քաղաքին մէջ կուռնատէր, և երկրորդ թագաւորի մը պէս փառօք կու փայլէր, 500 մեծ գեղերու տէր ըլլալով, և հայրապետանոցին մէջ կամ իր հետ քանի մը վարդապետ, 12 եպիսկոպոս, 60 կրօնաւոր քահանայ և 500 աշխարհիկ երէց պահելով։ Իսկ իշխանութեանը տակ կային 500 եպիսկոպոս կամ թեմ, որ թէ և չափազանց երևի, գոնէ հղածին կրկինէն աւելի չէ։ Ընդդիմակ բանն այս է, որ որչափ այն Հայոց կաթողիկոսն իշխանատէր կ'երևար, ժամանակակից թագաւորն այլ՝ Յովհաննէս-Սմբատ՝ իմաստասէր էր. երկուքն այլ խորագէտ, որով երբեմն համաձայն՝ երբեմն հակառակք իրարու։... Բայց ինչ պէտք է մեզի հիմա ծաղկած և վաճառաշահ մայրաքաղաքի մը մեծերուն քաղաքական դադտնիքը քննել. մինչ գեռ չորս դին համբաւ կու հնչէ՝ թէ մեծազօր կայսրն Վասիլ Կ. Պօլսէն ելեր և շատ զօրօք կու դայ ի Պոնտոս. կ'անցնի ի Տայս, Վրաց թագաւորէն պահանջելու այն երկիրները՝ զոր Դաւիթ կիւրապառառն Տայոց՝ թողեր էր կայսեր, և Վրացին կորզեր էր։ Երջակայ թագաւորք և ազատագլուխ իշխանք վախով կամ պատուով կու փութան կայսեր առջև. մեր բազրատունի թագաւորն Յովհաննէս-Սմբատ, ոչ այնքան թանձրամտութեանն համար կու գանդաղի և չի շարժիր, որչափ մեծամտութեամբն չուզեր Հայոց իշխանութեանց մէջ իր նախապատիւ ւթոռը նշաւատացընել, և իր դրացի մանրիկ թագաւորաց նմանիլ. բայց՝ անոնցմէ, և ինչուան իր եղբորմէն, և այլ աւելի կայսեր սպառնալից յօնից համբաւէն կասկածելով, իր տեղ անոր երեսը պատուելու կ'ուղարկէ զՊետրոս կաթողիկոս։ Սա իր եւ

կեղեցական հետեողոց և սպասաւորաց հետ՝ արքունի գրան մարզիկ և զինուորական գունդ առած, իբրև երկթագետն իշխանապետ մը՝ կ'երևէ կայսեր գիմաց, անոր ձմերոցը՝ ի Պոնաոս. և ըստ արժանւոյն պատուելով և պատուընելով, կուհրաւիրուի մերձակայ Աստուածայայանութեան ասինն օր ջրօրհնեաց հանդէսը կատարել. ըստ ոմանց ճորոխ գետոյն վրայ, այլ հուանօրէն ըստ այլոց՝ Տրապիզոնի գետակին վրայ: Յետ ազօթից և օրհնութեանց՝ երբ միւռնոնը կութափէ ի ջուրն՝ և մէջը կու ձգէ այն խաչը՝ որ մասն ունէր ի բուն փրկչական խաչէն, և ի Ս. Սեղբեստրոսէ ընծայուած էր առ Լուսաւորիչն մեր, յանկարծ ջրէն լուսոյ ցնցուղք կու ծագեն, ի զարմանս ամենեցուն և ի մասնաւոր պարծանս Հայոց: Այս է պարզ և ստուգադոյն պատմութիւնն՝ զոր ժամանակակիցն Արիստակէս Լաստիվարտեցի պատմէ, և իրմէ առած Վարդան և այլք. որք ոչ քաղաքը յիշեն և ոչ գետոյն անունը, և ոչ ասոր ջրոց յետս ի վեր դառնալը, ինչպէս կ'ըսեն Կիրակոս և այլք: Վանայ Վարազդոյ վանքը պաշտօնէն առած է հոն Պետրոս կաթողիկոսի գերեզմանը այսու արձանագրութեամբ. « Թ. Ի. ԳՃՀԱ. ԱՅՍ Է » ՀԱՆԳԻՍՏ ՏԵԱՌՆ ՊԵՏՐՈՍԻ ԿԱԹՈՂԻԿՈՍԻՆ. ՈՐ » Ի ՏՐԱՊԵԶՈՆ ԶԳԵՏՆ ՃՐՈՒ ԱՐԳԵԼԱՏ ԱՌԱՋԻ ՎԱ » ՍԻՆ ԱՐԳԱՅԻՆ »: Այս արձանագիրս կաթողիկոսին մահուան ժամանակակից չէ. վասն զի ինքն այդ թուականէն շատ տարի վերջը վախճանեցաւ ի Սեբաստիա, և հոն այլ ի Ս. Նշան վանս կայ սնոր գերեզմանն. ըսել է որ նշխարաց մեկ մասն փոխադրուեր է ի Վարազ, ուր երբեմն նստէր, և գերեզմանին վրայ գրուեր է ջրօրհնեաց հրաշից թուականն, որ և է ստուգիւ 471 (ԳՃՀԱ) Հայոց թուականն (1022-23 ամ Քրիստոսի). թըւականը այսպէս կու համեմատուի, բայց ճորոխ

(կարգաւ ճորոխ) գետը չեմք կրնար Տրապիզոնի մօտեցընել, վասն զի լեռներով զատուած և շատ հեռու են իրարմէ. ուրեմն յայտնի տխալ կայատոր մէջ, և վերջին ժամանակի տրձանագրութիւն մ'է: Զայն այլ թողլով հանդերձ յօդուածոյ պատմութեամբք, կարգամբ գլխաւոր դիպուածին մէկ ճոխարան գրուած նկարագրութիւնը, որոյ հեղինակն մեր ծանօթ պատմիչներէն չէ, և քիչ մը ճամարտակող և ճակատամարտող է:

« Եւ գնացեալ կաթուղիկոսն առ կայսրն 'ի  
 » Տրապիզոն, ունելով ընդ իւր եպիսկոպոսունս  
 » երկոտասան և եօթանասուն քահանայս յաբե-  
 » ղայից. և երկու բանիբուն վարդապետս, զբազմ-  
 » իմաստն զՅովսէփ Հրնծուցն, և զքաջն և զան-  
 » յաղթն զԿոզեռն Յովհաննէս. այլ և 'ի զինուո-  
 » րական դասէն և յաւագաց ուրս երեք հարիւր:  
 » Եւ առեալ 'ի Թագաւորական տանէն գոնձս  
 » ռսկւոյ և արծաթոյ, ձիս և ջորիս: Զոր տեսեալ  
 » փրքնական Վասիլ զՏէր Պետրոս հայրապետն՝  
 » յոյժ ուրախացաւ. քանզի համբաւ առաքի-  
 » նութեան նորա և վարուց սրբութեան՝ հասեալ  
 » էր յառաջագոյն առ Թագաւորն: Վասն զի էր  
 » սքանչելի այր, լի ամենայն բարի մասամբ, և ու-  
 » նէր շնորհ իմն աստուածական բժշկելոյ զախ-  
 » տաժէաս և հալածելոյ զգևս: Վասն որոյ և Վա-  
 » սիլ գերագոյն մեծարեաց զնա քան զամենայն  
 » պատրիարքունս Յունաց. և լրջմտութեամբ ըն-  
 » կալաւ զբերեալ ընծայս նորա. և մեծաշուք  
 » փառօք պատիւ արարեալ եպիսկոպոսացն և  
 » ազատացն՝ որ ընդ նմա էին:... Եւ 'ի նոյն տ-  
 » ւուրսն եհասաւ տօնն ծննդեանն և յայանութեն  
 » Քրիստոսի. և եւ ամենայն զօրօքն իւրովք և քա-  
 » հանայիւք յօրհնել զջուրն: Կոչեաց և զԿաթո-  
 » ղիկոսն Հայոց իւրայնօք՝ ի յէզր գետոյն. և հրա-

» մայեաց զի նախ Տէր Պետրոս օրհնեացէ զՅուրն ,  
 » և ապա Յոյնք : Եւ յորժամ օրհնեաց և էարկ  
 » Տէր Պետրոսն զմեռոնն 'ի ջուրն , և զկնի սուրբ  
 » իւզոյն հարկանէր երկք անգամ զսուրբ խաչն 'ի  
 » գետն . և ահա հուր սաստկապէս բոցադոյն ծի-  
 » րանածաւալ փայլատակեաց 'ի խաչէն , և ի .  
 » բրե զաղեղն որ յամպս գնի ցոլացեալ խորան  
 » տունոյր 'ի վերայ գետոյն . և որպէս զսրահա-  
 » տածար Աստուծոյ 'ի մէջ առեալ ունէր զամե-  
 » նեսեան զարս և զկանայս . և շող լուսոյն բակ  
 » առեալ պարփակէր զբազմութիւն ամբոխին  
 » ընդ ինքեամբ : Եւ լուսաւորեցան գէմք մարդ-  
 » կան առ հոտարակ որպէս զվարդ կարմիր . և  
 » լոյս ելանէր 'ի խաչէն իբրե զյորդահոո ջուրս  
 » որ բզկեն յաղբերաց : Իսկ սուրբ խաչն երևէր  
 » 'ի ձեռն կաթողիկոսին որպէս բոց վառեալ լու-  
 » սով . և 'ի լուսոյ անտի երփն երփն հաստնէր  
 » խաչաձև ըստ չափոյ խաչին , և խաղայր 'ի վե-  
 » րայ ջուրցն իբրե զԹռչուն սլացեալ որիշ որիշ  
 » 'ի միմեանց . և հոտ անուշութեան ընոյր զամե-  
 » նեսեան : Իսկ բազմութեան ժողովոյն զահի հա-  
 » րեալ կային և աղաղակէին և ասէին , Տէր ողոր-  
 » մեա : Եւ մինչդեռ նոքա աղօթէին , ժողովեցաւ  
 » լոյսն միագունդ , և երիցս անգամ եհար զՅուր  
 » գետոյն և ամփոփեցաւ լոյսն 'ի ծոց խաչին . և  
 » ջուր գետոյն զեռեղեալ 'ի կրօնկն գառնայր և  
 » զառ 'ի կոյս արգելաւ վայր մի : Յայնժամ զար-  
 » հուրեալ ամբոխին և բազմութիւնն անպեալ  
 » յերկիր գողային : Եւ սուրբ խաչիւ տեառնա-  
 » գրեաց կաթողիկոսն երիցս անգամ զգետն և ա-  
 » սաց . Տեսին զքեզ ջուրք Աստուած , տեսին ըզ-  
 » քեզ ջուրք և երկեան , խորք խռովեցան . և տե-  
 » սին ամենայն ծագք երկրի զփրկութիւն քո , և  
 » ժողովուրդք զպանչելիս սուրբ նշանի քո : Եւ  
 » արգ որպէս 'ի ձեռն սուրբ խաչիս քո եկաց



» ջուր գետոյս կանգուն, գնասցէ դարձեալ յըն-  
 » թացս իւր որպէս յառաջն: Եւ ապա դարձաւ  
 » գետն 'ի տեղի իւր, և խաղացեալ գնայր որպէս  
 » յերէկն և յեռանդն: Յայնժամ թագաւորն Վա-  
 » սիլ և ամենայն զօրք նորա անկան առ ոտս երա-  
 » նելի սուրբ կաթողիկոսին Պետրոսի. և մեծա-  
 » գոչ հառաչանօք համբուրէին զսուրբ նշանն և  
 » արկանէին զօրհնեալ ջուրն 'ի վերայ գագա-  
 » թանց իւրեանց: Իսկ թագաւորն Վասիլ գնէր  
 » զթագն 'ի գետինն. և հրամայէր Տէր Պետրոսին  
 » արկանել ափովն իւրով զջուրն օրհնեալ 'ի վե-  
 » րայ գլխոյն իւրոյ: Եւ առեալ կայսրն զգետար-  
 » գել սուրբ նշանն 'ի ձեռս իւր և անյագաբար  
 » համբուրէր զնա, և նովաւ կնքէր զամենայն ըզ-  
 » գայարանս իւր. նոյնպէս և մետրապօլիտն և ա-  
 » մենայն ժողովուրդքն՝ եռասպիսիսք համբուրիւ-  
 » ողջագուրէին զամենայալթ սուրբ նշանն և զաջ  
 » կաթողիկոսին. և 'ի համբուրելն զսուրբ նշանն՝  
 » բազմաց լինէր առողջութիւն: Եւ մինչև օրն տա-  
 » րաժամեցաւ՝ ոչ աւարտեցաւ համբոյրն ժողո-  
 » վրդեանն 'ի բազմութենէ ամբոսին » :

Պետրոս կաթողիկոս այս հանգէսը և դեսպա-  
 նութիւնը կատարելէն ետեւ՝ դարձաւ յԱնի. բայց  
 երկար ատեն հոն չմնաց. թագաւորին և իր մեջ  
 տարաձայնութիւն ընկաւ. Յովհաննէս մերժեց  
 զնա 'ի կաթողիկոսական աթոռոյն, և ակզը դրաւ  
 զԻէնոսկորոս Սանահնի վանաց և թեմին արքե-  
 պիսկոպոս առաջնորդը. որ հարկաւ քիչերուն  
 ընդունելի եղաւ. անոր համար սաիպեցաւ թա-  
 գաւորն նորէն զՊետրոս դարձնել տալ յա-  
 թոռը, միջնորդութեամբ Յովսէփայ Աղուանից  
 կաթողիկոսի. որուն հետ 4000 եկեղեցականք այլ  
 ժողովքի եկան յԱնի, և թագաւորն ու կաթո-  
 ղիկոս հաշտեցան: Այս հանգէսն այլ մասամբ  
 Աստուածայայտնութեան տօնին հղաւ. և երբ

հակաթոռ կամ բռնադատեալ կաթողիկոսն Ռէոս-  
կորոս՝ աւուր պատշաճ տօնը կու կատարէր, քա-  
նի մը յանդուգն անձինք գլխէն քօղը պատռեցին,  
որ կաթողիկոսութեան նշան էր, և դարձուցին  
զինքը իր վանքը, ուր և յօժարութեամբ գնաց-  
բայց այդ անարգանաց հարուածը շատ ծանր էր  
իրեն. քիչ ատենէն սրտառած մեռաւ. յոմանց  
իբրև բռնաբարող՝ գատափետեալ, և յոմանց իբ-  
րև ակամայ յանձնառու՝ արգարացեալ, և իր ճգ-  
նասէր բարուցը և գիտութեանը համար պա-  
տուէալ:

Գարձեալ յետ ինն տարւոյ (1045) նոյն ինքն  
Պետրոս կաթողիկոս՝ Ջրօրհնեաց հանգէսը կա-  
տարեց ուրիշ խառն տեսարաններով ի Կարին  
գաւառի. որ հիմակուան Էրզրու մ քաղաքէն  
դատ՝ անուանի և հարուստ քաղաքական մ'այլ  
ունէր, Արծն ըսուած, Կարնոյ գաշաին մէջէն  
անցնող եփրատական Սև ջրոյն աջ կողմը, շամ-  
բին (Սաււաթ) մօտ, որ հարիւրաւոր եկեղեցիներ  
ունէր և վաճառականութեան բարեգը լցեալ էր.  
և մեր պատմելու գիպուածէն իրեք չորս տարի  
ետև այրելով և աւրելով ի Թուրքաց՝ հիմա Թու-  
ղած է իր անուան և նշխարաց յիշատակ՝ Գարա-  
արզ և Վաղաւեր գեղերը. ուր Թերևս հնախոյնք  
գեռ կարենան գտնել հետաքննութեան արժանի  
բաներ: Պետրոսի երկրորդ անգամ կաթողիկոս  
նստելէն մինչև այս նոր հանգիսին սակաւաթիւ  
տարիներուն միջոց՝ Հայաստան շատ յեղափո-  
խութիւններ տեսեր էր. Յովհաննէս Թագաւորն  
մեռած, որդին Գագիկ Թագաւորութենէ զրկած,  
Անի մայրաքաղաքն ի ձեռս Յունաց անցեր, Թա-  
գաւորազուլք ելեր ի Փղքը Հայս գացիր էին.  
Իսկ ինքն Պետրոս որ Անոյ վաճառման կամակից  
էր՝ նստեր էր հոն առաջին փառքն, և քաղքին  
նոր յոյն քաղաքապետէն այլ պատիւ կ'ընդու-

ներ: Ասով բուն քաղաքացեայ այնչափ հաճոյ չէր ըլլար. քիչ տտենէն Յունաց այլ կասկածելի եղաւ. և երբ նոր քաղաքապետ եկաւ՝ կայսեր հրամանաւ զինքը քչեց անկէ և հրամեց երթալու նստելու յԱրծն Կարնոյ. ուր և վերը յիշեալ տարին մեծաւ հանդիսիւ կատարեց Ջրօրհնեաց հանդէսը Նփրատայ նորընծայ վտակաց մէջ: Երբ խաչալուայ ընելու պահն հասաւ և կտրիճք պատրաստուէին նետուելու 'ի ջուր, տաճիկ մ'այլ ուղեց անոնց հետեիլ. կաթուղիկոսն հասկըցընել տուաւ անոր՝ թէ այդ բանը քրիստոնէից միայն կու պատշաճի իբրեւ կրօնական հանդէս մը. տաճիկն այլ իմացուց որ ինքն այլ քրիստոնէսոյ ըլլալու և մկրտուելու համար կ'ուզէր մտնել 'ի ջուրն. և հաւանութեամբ կաթուղիկոսին մտաւ: Այն ատեն միւռնակիր փոքրաւորն՝ ապակեայ շիջ ձեռացը վրայ զարնելով կոտրեց և թափեց թէ ջրին և թէ նորահաւատին վրայ, երկուքը մէկէն կնքելով. բայց շիջը կոտրելու ատեն ապակայ կտոր մը ձեռքը վերաւորելով իւղը, ջուրը և արիւնը մէկտեղ խառնեց: Այս բանս, կ'ըսէ Ժամանակագիրն, անյաջող դիպուածի մը գուշակուլ թիւն սեպեց հանդիսատես ժողովուրդն. մանաւանդ երբ իրօք այլ հանդիպեցաւ: Վասն զի երբ յետ հանդիսին կաթուղիկոսն նստեր էր 'ի սեղան, յանկարծ կայսերական հրամանաւ մօրդիկ եկան զինքը վերուցին, տարին Խաղտոյ-առինճըստուած դիւղին բերդը, որ հիմա Գաղտառիճ կ'ըսուի, և երկու գեղ է, մեծ և փոքր, Կարնոյ և Խաղտեաց միջասահման: Նոյնպէս քիչ տտենէն Պետրոսի քեռորդին և յաջորդը, Խաչիկն այլ՝ բռնեցին և ուրիշ բերդ մ'արգիլեցին. յետոյ զերկուքն ալ 'ի Կոստանդնուպօլիս խաւրեցին:

Այս դիպուածէս եօթն կամ ութ տարի ետև (1052)՝ նոյն կաթուղիկոսին օրը, բայց ոչ իր

ներկայութեանը, նոյն մեծ տօնին խթման գիշեր ցաւալի գիպուած մը հանդիպեցաւ 'ի Կարս քաղաքի, որ Արծին նման վաճառականութեամբ հարստացեր էր, և Անիի պէս առանձին թագաւորաց մայրաքաղաք էր քիչ մ'առաջ. մինչդեռ պաշտօնասէրք գիշերային ժամերգութիւնը կատարէին, և ամենևին թշնամեց կասկած մը չկար, և անոր համար քողաքապա՛հ զօրքն այլ անզգոյշ էին, տօնին զբաղած, թուրքաց Տօղրուլբէկ սուլտանին հօրեղբօրորդւոյն ապստամբ Գուգուլմուշին թափառական ասպատակներն՝ ձմերային սովալլուկ գայլոց պէս մտան 'ի քաղաք, և սրբազան ու ազգային հանգէսները յարցունք և յարիւն դարձուցին. սուլն և եկեղեցի ողբոց և մահու աեղեղան. ով որ կրցաւ քաղաքին ամուր բերդը փախ չիլ՝ ազատեցաւ. մնացելոց շատն ջարդուեցաւ, ամենքն կողոպտեցան իրենց ստացուածքներէն. հարստութեամբ լցուած քաղաքն աւեր դարձաւ. վասն զի անզգամ կողոպտիչքն ինչպէս աւազակօրէն մտան՝ այնպէս ելլէն այլ բաւական չսեպելով՝ կրակ այլ տուին, և ետեւէն սև ծուխը վկայ թողուցին իրենց գազանութեանը: Բայց Կարս իր ամուր բերդին պատճառաւ բաղքաւոր զըսնուեցաւ քան զԱրծն, նորէն նորոգուելով. սակայն նոյն պատճառաւ այլ աւելի շատ անգամ պատերազմի հարուածներ և մեծ նեղութիւններ կրեց, ինչուան մեր օրերը, (1855):

Թշնամիք գիտելով և գիտնալով որ Հայք յանուարի վեցին մեծ տօնախմբութեան պատճառաւ սուլներէն տեղերէն կը հեռանան, շատ անգամ նոյն օրը վազած են անոնց վրայ, և ողբերնուս մեծագոյն տօնն 'ի ոսեգ դարձուցեր են, օրհնեալ ջուրն այլ յարիւն. մինչև ողբային առակ եղեր է ըսել. « Աստուած պահէ

Յայտնութիւնի հեծելէն,

Վարդապառի հեղեղէն »:

Բայց մենք թողլով հիմա այս տխուր տեսարանները, քիչ մ'այլ ուրախ դիպուածներ տեսնենք. փոխադրինք ուրիշ հայ աշխարհք մը, անցնինք դարուկէս ժամանակ, երթանք 'ի Արեւիկա, մեր վերջի թագապալ ցեղին հանդէսներուն ներկայ ըլլալու, նոյն այս սրբազան օրը, զոր թերեւս աւելի քան զԲագրատունիս պայծառապէս տօնէին Ռուբինեանք. վասն զի առջններուն կորուսած թագը՝ իրենց գլուխը դրուեցաւ յետ իբր 160 ամաց՝ յայտնութեան տօնին օր, յամին 1198, 'ի ներկայութեան նուիրակաց զանազան ազգաց: Այս ազգաշուք փառաց նորոգութիւնն՝ արգիւնք է քաջութեան, ճարտարութեան, նաև արդար փառասիրութեան Աւանի, որ ըստ կարգի պայաւ զտաաց՝ Բ է այդ անուամբ, և ըստ կարգի թագաւորաց Ա կ'ըսուի: Իր նախորդքը սովորաբար Պարոն և Երբեմն սեբաստոս կամ մարգիդ կ'ըսուէին, կամ մեծ իշխանք, և Արանց իշխեցող. որովհետև առաջ Փոխգիւղ և Խաւրիոյ լերանց, յետոյ Արեւիկիոյ լերանց և դաշտաց սկսան տիրել. Աւանի պապուն եղբօր և նախորդին՝ քաջին Բ Թորոսի անուամբ այլ՝ Թորոսի երկր կոչուեցաւ իր վեճակն. իսկ այս Աւան իր պապուն՝ Ա Աւանի կործանած անունը կանգնելով՝ իր տիրած երկիրն ալ Աւանի երկր անուանել տուաւ: Քաջութեամբ և խորամանկութեամբ շրջակայ իշխանաց ահաւոր և տառապառելի ըլլալով և եւրոպացի մերձաւոր իշխանաց սիրելի և օգնական, համարձակեցաւ Աւանանց Փրեմերիկոսկայսրէն թագաւորութեան թագուղել, երբ կայսրն իր երկիրը եկաւ 'ի Սելեւկիա քաղաք, ուր փութացաւ Աւան խաւրել ընդ առաջ նորա զկաթողիկոսն և զՍ. Ներսէս Ամբրոնացին. դժբաղդաբար ծերունի կայսրն հոն անզգուշաբար գետոյն մէջ լուացուելով խեղդեցաւ, և թագադրութեան խոստումը անկատար մնաց:

Բայց Լեոն դարձեալ խնդրեց զնոյն անոր յաջորդող որդիէն, յԵնրիկոս կայսերէ, և նաև 'ի սրբազան պապէն Կելեստինոսէ. որք քանի մը պայման պահանջելով 'ի Լեոնէ ('ի նշան հաւատաւկցութեան և միաբանութեան') խաւրեցին իրեն փափագած պերճափայլ թագը, և առիւծանիշ գրօշ մը, յամին 1197, 'ի ձեռն Կոնրադոսի ծիրանաղգեաց արքեպիսկոպոսին Մայենցայ. որոյ ընդ առաջ խաւրեց Լեոն՝ իր ինամին և քարտուղարը՝ Յովհաննէս Սոյ արքեպիսկոպոսը ։ Յաջորդ նոր տարին 'ի տօնի Աստուածայայտնութեան՝ ժողովեցան 'ի Ս. Սոփիա եկեղեցի Տարսոնի, և մեծաւ հանգիսիւ թագաւորեցուցին ըզ Լեոն 'ի վերայ Հայոց. օծողն էր Գրիգոր Ապիւրաա կաթողիկոսն, թագաբերն՝ վերոյիշեալ լատին եպիսկոպոսն՝ իսկ հանգիստեալն՝ զկապանք կամ պայլք արևմտեան տէրութեանց և վաճառակից հասարակապետութեանց, կրօնակարգ ասպետք, պատրիարքն Ասորւոց Անտիոքայ, մետրապօլիտն Յունաց, Երուսաղէմի Հայոց եպիսկոպոսապետն, վեց մեծաթոռ արքեպիսկոպոսք, տասն եպիսկոպոսք Կիւլիկիոյ, բազմաթիւ վանահարք, վարդապետք և քահանայք. իսկ յողխարհտկանաց յիսունի չափ բերդատէր հայ իշխանք (որոնց անունը և բերդերը կու համրէ Սըմբատ գունդաստապլ պատմիչ՝ Լեոնի քեռառն որդին), և ուրիշ լատինացի իշխանք Անտիոքայ և Կիպրոսի տէրութեանց ։ Հանգիսին փառքն Լեոնի համբաւն ընդարձակեց. Պաղտատայ խալիֆայն և Կոստանդնուպօլսոյ կայսրն իրենց կողմանէ այլ թագ խաւրեցին. իսկ Լեոնի երկրին չորս կողմը եղող իշխանք, ըստ բանի Սմբատայ գունդաստապլի՝ « ամսումն ճանապարհաւ հեռու » յիշէին զանունն թագաւորին Լեոնի, և անտես՝

» գողային » ։

Մեծին Լևանի Թում Բ Լևոն Թագաւորն այլ, յետ 74 ամաց, նոյն քաղաքին և նոյն եկեղեցւոյն մէջ նոյն տօնին օրը յանձն առաւ Թագաւոր օծուելու. և հանգիսին հռչակող ատենաբան եղաւ իր քարտուղարն Վահրամ Բարուն վարդապետ: Թագաւորք մեր և Ժողովուրդք՝ իրենց մեծագոյն հանգիսի օր սեպէին այն օրը՝ յորում Քրիստոսի երէք տնօրինական մեծ և փառաւոր յիշատակները տօնէին, թէ սրբազան թէ արտաքին հանգիսիւ:

Անշուշտ ախորժելի պիտի ըլլայ այս հանգիսից մէկ նկարագիրը լսել ականատես օտարազգիէ մը, որ Ա Լևոնի Թագաւորութեան երեքտասաներորդ տարին հանգիպեցաւ իրեն և տօնին. այս անձս է Վիլլէպրանտ օլաէնպուրկեան, Հաննովերի Հիւտէսհայմ քաղաքին կանոնիկոս վարդապետն, որ 1211 թուականին ճանապարհորդելով յարևելս՝ եկաւ 'ի Կիւլիկիա, և երկու ամսոյ չափ հիւրընկալութիւն գտաւ մեր Թագաւորէն, զոր նախ աեսաւ 'ի Տարսոն, և յետոյ 'ի Սիս. որոյ համար կ'ըսէ. « Այս քաղաքս տէր Թագաւորին » մայրաքաղաքն է. բնակիչքն անթիւ և հարուստ, » բայց պարիսպ չունի, անոր համար կրնայի աւելի քաղաքաւան կոչել քան թէ բուն քաղաք, թէ որ Հայոց արքեպիսկոպոսարանը չուներ. նաև Յոյք հոն պատրիարք ունին: Սակայն ունի ամուր բերդ մը լերան գագաթը, որոյ ռաբէն կու սկսի քաղաքը աստիճանաբար » դար 'ի վայր տարածուիլ...: Զրօրհնեաց հանգէսը Հայք այս կերպով կատարեն. տօնէն 12 » օր առաջ, զոր մենք (լատինք) խնուումով և կերպով խուսումով կ'անցունենք, անոնք 'ի պատիւ տօնին՝ ապաշխարութեամբ և պահօք անցուցին, » հրաժարելով 'ի ձկանէ, 'ի գինւոյ և 'ի ձիթոյ. իսկ բուն խթման օրը բոլորովին ծոմապա-

» հուլիսամբ կեցան, որպէս զի յետ վերջալու-  
 » սոյն պատարագը մատուցանեն. և բոլոր այն  
 » գիշերը աստուածային պաշտամամբք անցու-  
 » ցին: Իսկ երկրորդ օրը Քրիստոսի Մենդեան առ-  
 » նը կու կատարեն, ըսելով թէ Քրիստոս նոյն  
 » օրը ծնաւ, և յետ 30 տարւոյ դարձեալ նոյն  
 » օրը մկրտեցաւ: Առաւօտուն ամենքն փութային  
 » քաղքին մօտ գետոյն եզերքը երթալու, ուր որ  
 » թագաւոր տէրն այլ կ'երթար, այսպիսի կար-  
 » դաւ: Ինքն թագաւորն բարձրահասակ ձիու մը  
 » վրայ հեծած էր. իր քովէն կ'երթային Ալեման  
 » ասպետաց կարգապետն, Սեւեկիոյ Հիւրընկալ  
 » ասպետաց բերդապետն, իրենց կրօնակից հա-  
 » ղար ընկերներով. յետոյ դայր տէրն Ռուբէն,  
 » փոքր թագաւորն, (Լւոնի եղբոր դստեր որ-  
 » դին), զոր ինքնակալն Ութոն՝ ի խնդրոյ մեծ  
 » թագաւորին՝ թագով պսակել տուեր էր: ասոր  
 » ետեւէն կու գային իր երկրին ազնուականներն,  
 » և բազմութիւն զօրականաց գեղեցկազարդ հա-  
 » գուած. որոց ճորտերն ամեն մէկուն դօշնե-  
 » լը և վառերը ձեռունին բարձրացուցած, և  
 » անոնց սարած ձիերուն սանձէն բռնած՝ մեծ  
 » թագաւորին առջևէն կ'երթային: Իրեն և ա-  
 » սոնց խումբին միջէն կու վազվառէին բազմու-  
 » թիւն զինակիր փայեկաց, իբրեւ անձնապահք  
 » թագաւորին. իսկ բազմութիւն ժողովրդեանն  
 » չորս կողմէն կ'ողջունէր զնա սաստկաձայն ա-  
 » ղաղակաւ, ՍՈՒՐԲ ԹԱԳԱՒՈՐ: Այսպիսի մեծ  
 » հանդիսիւ թագաւորն կու գար իջնելու իրեն  
 » համար գետոյն եզերքը կանգնած վրանին տակ:  
 » Իրմէ ետեւ կու գային Յոյնք և իրենց պատրիար-  
 » քըն՝ հետեակք, շատ սրբազան սպասներով. և  
 » այնչափ փողերու և ուրիշ երաժշտական նուա-  
 » դարանաց ձայն ձգեր էին, որ աւերի հանգէս  
 » մը՝ քան թափօր մը կու ձևանար: Ասոնք այլ



» իրենց որոշուած տեղը՝ գետեզերքը կու սպա-  
 » սէին ուրիշներուն : Յետոյ գային Հայոց եկեղե-  
 » ցւոյն ուխտան, մկրտելու խաչը բերելով և վայել-  
 » չապէս յառաջելով՝ իրենց արքեպիսկոպոսին  
 » հետ . սրոնց խոնարհական կերպը և վայելչա-  
 » կարգ թափօրը՝ շատ աւելի պիտի գովէի, եթէ  
 » մէկ երկայնամօրուք քահանայ մը (ասով՝ նը-  
 » ման ուրիշներուն), դժբաղդաբար շփոթուածեան  
 » պատճառ չըլլար . վան զի ասիկայ վերոյիշեալ  
 » գետոյն խառնուող պզտիկ վտակէ մը անցնելու  
 » ատեն՝ ոտքին մէկ կօշիկը կորսնցուց, և ջրին ըն-  
 » թացքէն ազատելու համար անզգուշութեամբ  
 » աշխատելով՝ եպիսկոպոսին և ուրիշներու անց-  
 » նելուն արգելք եղաւ . թէ որ մէկն այսպիսի  
 » անհոգութիւն մ'ընէր՝ ի Հիլտէսհայմ թափօրի  
 » ատեն, սաստիկ յանդիմանութիւն կ'առնուր :  
 » Ասոնք այլ վերոյիշեալ գետոյն եզերքը՝ իրենց  
 » տեղը բռնեցին կեցան : Նրբոր բոլոր թափօրն  
 » մէկտեղ եկաւ, սկսան ասդինէն երգել . և ին-  
 » չուան կուրծքերնին իջած օգուռոյց կծկի<sup>1</sup> նը-  
 » ման երկայն մօրուքներնուն շարժելէն կ'իմա-  
 » ցուէր՝ որ աղէկ ոյժ կու տային յունարէն և  
 » հայերէն աւետարաններ և ընթերցուածներ  
 » կարդալու ատեն . և այն կերպօրանեալ Յոր-  
 » գանանը օրհնելով՝ բերած խաչերնին մէջը մկրդ-  
 » տեցին, և աջ կողմէն աղաւնի մը թռուցին :  
 » Այն ատեն մէկն՝ իշու վրայ հեծած՝ գետոյն մէջ  
 » մտնալով և կանգուն կենալով՝ շաքարաձայն<sup>2</sup>

1 Այս արեւելեան երկայն մօրուաց վրայ զարմացող  
 անմօրուս վարդապետն՝ նմանեցընէ զանոնք plenaria ը-  
 սուած բանի մը, զոր ստուգիւ չեմ հասկընար ինչ է :

2 Հեղինակն կ'ըսէ՝ շաքարացեալ կոկորդով, zuccherato  
 gurgite : Մեր միջինդարեան գուսանաց մէկն կ'երգէ .

Բլբուլն եհաս լաւարբերան : — Տես երես 200 :

- » կոկորդով կանչեց, Կեդդէ Ռաֆաւոր Ջեր յաւիտեան.
- » և դարձեալ, Օրհնէսդէ և Նախախնամեալ պահէսդի ա-
- » ղնայն ուխտ քրիստոնէից. և երբ ամենքն միաբե-
- » ղան անոր պատասխանելով՝ Ամէն կու կանչէին,
- » ինքն երգապետն ջրին մէջ կու թապըլարկէր.
- » որ և ծիծաղելու պատճառ եղաւ շատերու: Յե-
- » տոյ թագաւորն և ուրիշներն այլ այն ջրով ի-
- » ղենք զիրենք ցօլեցին. իսկ Ասորիք մերկացած
- » կու լուացուէին անոր մէջ:

- » Այս արարողութիւնս լմըննալէն ետև՝ եկե-
- » ղեցականք իրենց վանքը քաշուեցան, իսկ թա-
- » գաւորն և զինուորականք փութացան դէպ՝ ի
- » գաշտերը. և պալարակապ երիվարները վազցը-
- » նելով և նիզակներ նետելով՝ զինուորական խա-
- » ղեր ըրին. և բոլոր օրը մեծ ուրախութեամբ
- » անցուցին: Երկրորդ օրը ամենքն իրենց տեղը
- » դարձան:

- » Այս այլ գիտցէք, որ տէր թագաւորն՝ այդ
- » (Սիս) քաղքին քով իրեն զբօսանաց պարտեղ
- » մը պատրաստեր է, որուն սքանչելի փափկու-
- » թիւնները նկարագրելն՝ կու խոստովանիմ որ
- » կարողութենէս վեր է: Տօնը կատարելէն և տէր
- » թագաւորէն հրաման առնելէն ետև, որ զմեզ
- » շատ մեծապէս պատուեց, եկանք Նաւարդա
- » (Սնաւարդա) ամուր բերդը... որոյ անուամբ
- » թագաւորն իր նշանը Նաւարդա կու հռչակէ»...:

Այսպիսի հանդէսներ՝ եթէ չկարենան այլ ձմեռուան սառամանիքը բոլորովին հալեցընել, գոնէ գունագոյն ծիածաններ կու ձգեն վրանին:

Ե

## ԶԱՊԵԼ

† 22 Յունուարի, 1252 .

Եւ դու զաչրս տակաւին, մատաղ բամբիշն, առ  
քեզ գերես,  
Նազելիդ Զապել, միայն թագաւորեալ Հայոց  
դշնոյդ,  
Ոչ զերկրի սոսկ եւեթ, այլ եւ զերկնից աչս եւ  
ըզսիրտ,  
Խըտաւրդեալ ի գեղ ոգւոյդ եւ գիրգ մարմնոյդ.  
Եւ զքոյսըդ դու  
Յերկրի՝ Հեթմոյ միայն, եւ ի յերկինս՝ Աստու-  
ծոյ տառ:

ՀԱՅԿ • ԺԶ • 1069-73:

ԶԱՊԵԼ անուն՝ որ հիմայ շատ մերապցի ընտա-  
նեաց մէջ անուշութեամբ կու ըսուի, աւելի ա-  
նոյշ յիշատակներէ առաջ եկած է, և թերեւս ա-  
ւելի քան օւրիշ ազգաց՝ մեզի նուիրական եղած.  
կան անոնց մէջ այլ Իզապել թագուհիք, բայց  
դուցէ ոչ մի այնքան սիրելի և պաշտելի՝ որքան  
մերս Զապել, Ժամանակակից և նման մաքրու-  
թեամբ վարուց՝ իր անուանակցին Ս. Իզապելի՝  
քրոջ Ս. Լուգվիկ թագաւորին Փռանկաց: Զա-

պել առաջին է այս անուամբ<sup>1</sup> 'ի մէջ ազգակցացն. առաջին բարձր թագաւորական պատուովն, և առաջին գեղեցիկ վարուքն և սրբութեամբ. հըռ-  
չակաւոր՝ նաև քաղաքական կենաց գիպուա-  
ծովք: Եւ ինչպէս մէկ հատիկ Տիգրանուհի 'ի  
մէջ հայկազուն թագուհեաց մերոց, մէկ հատիկ  
Սաթինիկ կամ Ս. Աշխէն Արշակունեաց մէջ,  
կամ Կատրամիգէ և Խոսրովանոյշ 'ի Բագրա-  
տունիս, Ռուբինեան հարստութեան մէջ այլ  
մէկ հատիկ Զապել թագուհի. մանաւանդ թէ  
բոլոր մեր ազգին պայազատաց մէջ՝ սա մէկիկ թա-  
գաժառանգ աշխարհատիկին եղաւ. ոչ թագաւո-  
րի կին ըլլալովն՝ կոչեցաւ թագուհի, այլ իր ւ-  
մուսինն իրմէ կոչեցաւ թագաւոր: Իրմէ առաջ՝  
օտար պատմիչք կու յիշեն, (և գրամն այլ կու  
վկայէ) որ Երատոյ անուամբ Հայոց իշխեցող  
թագուհի մը եղած է, Քրիստոսի յաշխարհ գա-  
լուն տարիները, իբրև կին և քոյր Տիգրանի, բայց  
անունն և համբաւն իսկ անծանօթ է մնացեր իր  
ազգին:

## Ա

Զապել իր տկար սեռով, փափուկ հասակունն,  
հեզուկ սրտովն, նոր թագաւորութեամբ ձեւ-  
ցեալ ազգի մը՝ կէս ինքնագլուխ և պայազատօրէն  
վարող բերդատէր իշխանները միացրնելու, և  
Հայոց, մանաւանդ այնպիսի ժամանակի Հայոց  
ազգավար ըլլալու, գրեթէ անկարելի անձ մը և  
բան մը կ'երևէր. և սակայն վերին ազգախնամ  
տեսչութիւնն, փորձ և կտրիճ իշխանի մը (Կոս-

<sup>1</sup> Կայ մեր և Բ Զապել թագուհի, կին Օշի թագաւո-  
րի, քոյր Ամաւրեայ Լիզինեան (Կիպրոսի թագաւորու-  
ղին), որ վախճանեցաւ յամբ 4310:

տանգնի) քաղաքագիտութիւն, և մեծ ու հա-  
սարակոց երախտաւոր ու պատկառելի թագա-  
ւորի մը (Լևոնի) կամք, որ իր դեռաբոյս դասրի-  
կը կտակաւ տիկին կարգեց իր 34 տարի արեան  
քրտամբք խնամեալ աղգին և քսանամեայ պայ-  
ծառացեալ թագաւորութեանն, կարողացուցին  
այս բանս. և եղաւ Չապել առիթ հանգստեան  
Հայոց նորաթագ հարժստութեանը, որպէս և իր  
անարատ վարքովն՝ ըստ անուանն ստուգաբանու-  
թեան՝ Արարծոյ հանգիստ (Էլի-սաբէթ՝ հրէարէն):  
Մեր պատմութեան, և մասնաւորապէս Ռուբի-  
նեանց միջոց, Չապել աղնիւ և գեղեցիկ գոհար  
մ'երեւցաւ, բարձր գլխոյ և բարձր բաղդի մը սահ-  
մանուած. և իբրեւ այսպիսի գոհար, (եթէ կըր-  
նամ ըսել, լուսափայլ՝ դեռ չբանուած իսկ, դեռ  
նոր գտուած) անկարելի այլ էր որ բազմաց բաղ-  
ձալի, ակնունելի և հակառակելի չըլլար. և կըր-  
նայ քաղաքական մտօք յարմարուիլ Չապելի վը-  
րայ՝ ինչ որ թէ նոյն թէ սրբազան մտօք ըսաւ  
մեր հոգերգակ հայրապետն՝ Հռիփսիմէի համար.

« Ի վերայ միոյ պատուական մարգարտի  
Խաղացին ցընծալով ամենայն (հեթանոսք).  
Արեւմուտք՝ յարեւելս ընթացեալ հասին  
Քարոզել յայսնապէս ըղջքնաղ տեսութիւնն:  
Լըւան թագաւորք եւ լըցան խնդութեամբ.  
Որսալ յանձն առին ըղգաղանի մեծութիւնն.  
Պարգեւել իրերաց խոստանային բանիւք,  
Եւ ծածուկ հընարիւք՝ գողանալ ի միմեանց »:

Չապելի այսպիսի բաղդի ենթակայ ըլլալը իմա-  
նալու համար՝ բաւական չէ գիտնալն որ Հայոց  
առաջին և անուանի թագաւորի մը գուստր է, և  
ոչ թէ միամօր գուստր այլ, կամ հրատարակեալ  
ժառանգ Լևոնի. այլ հարկաւոր է և գիտնալն  
թէ ինչպէս այսպիսի մեծ ժառանգութեան սահ-

մանեցաւ, և Քնչպէս հասաւ 'ի նոյն: Իր մեծա-  
 տիրա հեռատես և խորագէտ հօրն գլխաւոր հո-  
 գոց և գործոց մէկն էր այս. Լևոն՝ ոչ միայն Ռու-  
 բինեան թագաւորութեան հեղինակն եղաւ, այլ  
 և պահող, զօրացընող ու հռչակող հայրենի տէ-  
 րութեանը. յորում և յաջողեցաւ անհուն ջան-  
 քով, կտրճութեամբ, երկայնմտութեամբ և բա-  
 րակ քաղաքագիտութեամբ մը, որով գերազան-  
 ցեց քան զամենայն Հայպետս. և քան զչափս  
 յազգապետաց օտարաց: Գիտես, Հայկակ, որ  
 իր նախորդքն ամբողջ դար մը զորչափ աշխատե-  
 ցան իրենց բոյնը հաստատելու Տորոսի ժայռե-  
 րուն վրայ, պաշտպանելով 'ի Յունաց և 'ի Սէլ-  
 չուկեանց. զորչափ կռուեցան՝ յաղթուելով այլ՝  
 յաղթելով այլ. գիտես, որ իր հայրն՝ Ստեփա-  
 նէ՝ Յունաց կրակով եռացուցած կառսայի մը  
 մէջ խաշեցաւ (յամի 1164-1165). գիտես, որ իր  
 հօրեղբօր (Թորոսի) որդին՝ Բ. Ռուբէն մանու-  
 կը, տէրութեան օրինաւոր ժառանգը՝ չարաչար  
 սպաննեցին՝ Հայոց տունը քանդել փափագողք.  
 գիտես, որ իր միւս հօրեղբայրն Մէհ՝ Հայոց նա-  
 խատինք և աննման անզգամ մ'էր և բռնութեամբ  
 յանիրաւի տիրեց կամ՝ նուաճեց աշխարհքը, իբ-  
 րե տասն տարի. մինչև յետ անոր մահուն կրցաւ  
 Լևոնի անդրանիկ եղբայրն՝ Ռուբէն Գ. պայա-  
 զատել Հայոց պարոնութիւնը (1175). բայց ա-  
 պահով մնալու համար կարօտ էր եղբօրը (Լևո-  
 նի) օգնականութեան: Սա ազատեց զՌուբէն Ան  
 տիգլայ դքսին ձեռքէն, որ խաբէութեամբ բռներ  
 և բանտեր էր զնա. անոր համար Ռուբէն կրկին  
 երախտապարտ առ Լևոն, իր տարածամ հիւան-  
 դութեամբ ծանրացած տանն՝ կրօնաւորելով, ա-  
 նոր թողուց տիրական աթոռը (1186), և անոր  
 հետ՝ արժանաւոր իւրաւներ տուաւ՝ չլստահա-  
 նալու մեծամտութեամբ իր քաջութեանը և հան-

ճարոյն վրայ, այլ և մեծ խոհեմութեամբ և բարեպաշտութեամբ քաղաքավարելու: Զսնաց Լևոն այս ամեն ձիրքերը յարմարցընելու իրարու. և գոհար պարագայից մէջ շատ անգամ յաջողեցաւ քան թէ սխալեցաւ:

Բ

Առաջին գոհարութիւնն 'ի սկզբան տէրութեանն և գրեթէ մինչև 'ի վերջն այլ, իր գրակից և համազօր Անտիոքայ դքսին կողմէն էր, որ ինչպէս իր եղբայրը դաւաճանեց՝ այսպէս իրեն այլ կու գարանէր. երկայն խաղեր խաղաց Լևոն անոր հետ. և եթէ Ներսիսացւոց դաշնակցութեան ու երախտեաց պարտքը չունենար, և մանաւանդ պատկառանքն 'ի սրբազան գահէն Հռովմայ, որոյ միջնորդութեամբ այլ իր թագը և իր գրօշն ընդուներ էր, թերևս բոլորովին զինուորական ուժովը վարուէր Անտիոքացւոց հետ. բայց հարկ էր երբեմն ուժէն աւելի խորագիտութեամբ վարուիլ: Այսու մտօք Լևոնի առաջին խաղն կամ հնարքն եղաւ ինամենալն իր նախն ձորգին կամ թշնամւոյն հետ, որ էր դուքսն Պեմունդ Գ. որոյ աներձագին դուստրը՝ Իզապելը՝ առաւ 'ի կնութիւն (1189). իսկ անոր (Պեմունդի) անդրանիկ որդւոյն Ռայիմոնտի կամ Ռեմունդի՝ կին առաւ (1195) իր եղբօր (Ռուբինի) դուստրը՝ Ալիծ, (որ այրի մնացեր էր 'ի Հեթմոյ Սամնեցւոյ), և ասոնցմէ (յԱլիծայ և 'ի Ռեմունդէ) ծնաւ (1196) Ռեմունտ-Ռուբէն Բըրինձն, որ պիտի ըլլար օրինաւորապէս ժառանգ դքսութեան Անտիոքայ. և մայրենի արեամբն՝ անկասկած և բարեկամ պիտի պահէր զՀայաստան: Բայց երբ ասոր հայրն Ռայիմոնտ տարաժամ մե-

առաւ (1200) և իր հնգամեայ որդին անուանեցաւ  
 Կոմս, անոր հօրեղբայրն Պեմունդ Դ. յափշտա-  
 կեց՝ ոչ միայն անոր իշխանութիւնը, այլ և իր  
 խռ. ֆած և ապշած հօրը աթոռը. (ապշութեանն  
 համար le Bambi կ'անուանէին զնա): Բայց ի-  
 րաւունքն և Լևոն՝ վախեցին զհայրանենդ գա-  
 հասէրը, և գարձուցին ծերը յաթոռն. իսկ երբ սա  
 քիչ առենէն բնական մահուամբ մեռաւ (1201),  
 որդին (Պեմունդ Դ) նորէն իշխանութիւնը ձեռք  
 ձգեց ընդդէմ իրաւանց Ռուբենի-Ռեմունտայ:  
 Ահա այս բանիս համար գրեթէ քսան տարի հա-  
 կառակութիւն և կռիւ էր Լևոնի և Պեմունդի  
 մէջ, և Անտիոքայ դքսութիւնն տակն ու վրայ ե-  
 ղաւ. իրեք չորս անգամ առաւ Լևոն զԱնտիոք և  
 նստուց իր եղբօր թոռը. Անտիոքացիք երկպա-  
 առկած՝ ոմանք Լևոնի՝ ոմանք Պեմունդի կուսա-  
 կից կ'ըլլային. Լատինք բնականապէս աւելի այս  
 ետքինիս կողմն էին, վախնալով որ չըլլայ թէ բո-  
 լոր երկիրն այլ Հայոց թագաւորին իշխանու-  
 թեան տակ անցնի. մանաւանդ որ Լևոն արու զա-  
 ւակ չունենլով՝ զՌուբէն անուաներ էր իրեն յա-  
 ջորդ, և թագով այլ պսակեր էր զնա (1210):  
 Լատինք մեծ օգնութիւն գտան իրենց Հռովմայ  
 սրբազան քահանայապետը. և թէ անոր նամա-  
 կօք ու նուիրակօք, թէ պատրիարքօք Անտիոքայ  
 և Նրուսաղեմի, թէ Ժողովքով յԱնտիոք, և թէ  
 բանադրտնօք կու բռնադատէին զԼևոն թողլու  
 զԱնտիոք 'ի Պեմունդ. Լևոն այլ գետապաններով  
 և նամականերով և իշխանական ուժով երկար տա-  
 րիներ դիմացաւ, իր իրաւունքը և գաշնադրու-  
 թիւնը պաշտպանելով. ինչուան որ ուրիշներն այլ  
 ճանչցան զՌուբէն օրինաւոր ժառանգ դքսու-  
 թեան, և բանադրտնքը վերուցին 'ի Լևոնէ:  
 Այս բաներս գտնէ համառօտիւ հարկ է գիտնալ,  
 լաւ հասկընալու համար Ձապելի ապագայ բազ-



դը, որ կերպով մը այս անտիոքեան խնդիրներէն ծագեցաւ :

Լևոն թէ իր ըրած ամուսնութեամբն և թէ Ռուբէնը որգեգրելովը՝ որչափ որ Անտիոքայ մերձաւորեցաւ, այնչափ այլ ետքի տարիները իրեն զգուելի եղաւ այս մերձաւորութիւնը. և ամենէն աւելի իր կիներն եղաւ իր սրտին վիշտ, զոր թերևս աւելի քաղաքական անտութեամբք՝ քան սրտին փափագանօքն առեր էր. և չէր այլ ունեցած իրմէ իրեն նման կարիճ՝ զաւակ մը, ժառանգ իր այն քան աշխատանօք գտած և պահած թագին. բայց գեռնախախտամութեան կամօք վարելով, և Ռուբէնը իրեն յաջորդ ընտրելով՝ գոհութեամբ կ'ապրէր : Սակայն երբ յետ իբր քսան տարւոյ (1206) կենսակցութեանն՝ ծանր ամբաստանութիւն լսեց թագուհւոյն վրայօք հաւատարիմ անձէ, թերևս իր ազնուական չափէն այլ աւելի դուրս ելնելով և պատժելով զկիներն՝ բանտարգել ըրաւ 'ի Վահկա բերդի. և անկէ ունեցած մատղոշ աղջիկը՝ յանձնեց իր մօրը՝ Ռիթա աիկնոջ, որ գեռ ողջ էր, և որոյ անուամբ կոչեր էր դուստրն այլ : Մեր պատմիչք զսա միայն յիշեն զաւակ Լևոնի. բայց օտարք անուանեն նաև զՍտեփանիա՝ կամ Եսթեֆեմի (Estéphémie) դուստրն այլ զոր տուաւ 'ի կնութիւն քաջին Յովհաննու Պրիենայ՝ Երուսաղէմի թագապահին կամ թագաւորին : Իզապել լի վերջն ինչ եղաւ՝ անյայտ է. հաւանօրէն քանի մը տարիէն մեռաւ յարգելանին. և Լևոն երկրորդ ամուսնութիւն ըրաւ, երթալով 'ի Կիպրոս առ (թագաւորն Հիւկ)՝ որդին Ամաւրեայ, և առնելով (1210) 'ի կնութիւն, հաւանութեամբ Ս. Պապին<sup>1</sup> ասոր մատաղ օրիորդը՝ Սիպիլ, որ էր

<sup>1</sup> Բայնալտի : Յորմէ յայտ է որ առաջին կիներն մեռած էր, և ոչ որպէս մէկն 'ի մերայոց կ'ըսէ, զայն թողով՝ զսա առաւ :

ըստ մեր ժամանակագրին (Սմբատայ) « Կին ի մաստուն և համեստ » : Ասկէ՛ Լևոնի ծերութեան ծիրանի ծաղիկ ընծայեցաւ մէկհատիկ աղջիկ մը, ԶԱՊԵԼ. յամի 1216 :

## Գ

Զապիւ իր ծերունի հօրը խոնարհած արևուն յանկարծափայլ լոյս մը, նոր յոյս մը բերաւ : Լևոն նոյն աարին արգէն անգամ մ'այլ Անտիոքայ տիրեր և հաստատեր էր հոն զՌուբէն. բայց երբ նա նորէն հալածուած 'ի Պեմունգայ՝ դիմեց առ հայրագիր և պաշտպանն իւր, Լևոն՝ արգէն ձանձրացեալ, ծերացեալ և հիւանդ, յայտնի տեսնելով որ եթէ Ռուբէն ինքն իրեն կարող չէ աթոռը պահելու, անով Հայոց գահուն այլ փեսաբեր պիտի ըլլայ, ոչ միայն վերջի անգամ (1219) չօգնեց անոր, այլ և մերժեց իր աթոռոյն յաջորդութենէն այլ. կտակը փոխեց, և իր ստացուածոց ու թագին ժառանգ անուանեց, (եւրոպական օրինաց հետեւելով) իր նորընծայ Զապիւ գատրիկը, իբրեւ նախահիմնութենէ պարգևեալ պայազատ մը : Իր վերջի տարիները՝ երբ ձեռքի և ոտքի յօգացաւութեամբ տանջուելով՝ չէր կրնար կատարել իր քառասուն տարի ըրած առիւծական արշաւանքները, և ոչ արծուի պէս ճանկերը ձգել լեռնէ լեռ, բերգէ բերգ, իր ընդարձակած երկրին սահմանակից հակառակորդաց վրայ, դեռ երբեմն մունչալովը կը վախցընէր զանոնք. զօրքն ու զօրավարները կու զրկէր կամ յօգնութիւն նեղելոց և կարօտելոց, կամ 'ի հալածել զթշնամին. և եթէ սա զօրացեալ զիրենները քչէր ու վտանգէր, Լևոն երկաթի տեղ ոսկի սփռելով՝ կու հեռացընէր վտանգաւոր մերձաւորը և կ'ա-

զատէր իր գերեալ զօրքն և իշխանները: Այսպէս  
այլ ըրաւ յամի 1217, երբ իկոնիոնի Ազգէտին  
Քէյքաուս սուլտանն պաշարեց զՎապսն բերդն,  
և գերեց Լևոնի գլխաւոր զօրավարները, որ էին  
մեծ իշխանն և պայլն Սիր Ատան, և Կոստանդին  
գունդատապլ (սպարապետ), իր (Լևոնի) քեռ-  
ւոյն որդին՝ Պապեռոն բերդին տէրն, 'ի ցեղէ  
Հեթմեանց<sup>1</sup>: Լևոն գերեթափ ընելով զԱտան և  
զԿոստանդին՝ բոլորովին երախտապարտ և անձ-  
նանուէր ըրաւ զանոնք. « զի լաւ է թագաւորի  
» աղէկ ճորտ պահել՝ քան զայլ հարստութիւն»<sup>2</sup>:

Այսպիսի աղէկ և հաւատարիմ ճորտերու վը-  
րայ վստահացեալ և զանոնք իր զաւակին խնամա-  
կալ կարգելով՝ իր դեռակայծ գտեր լոյսը պայ-  
ծառացեալ կու տեսնէր. և իր ծանրացած սե-  
ցած թևերուն վրայ թրթռացընելով այն ճեր-  
մակ փափուկ ձագը՝ կու յուսար թէ անով նո-  
րոգուի իր արծուային մանկութիւնն այլ. անով  
կարենայ կամ նոր որսեր ընել կամ հինները պա-  
հել: Միայն կու մնար անոր արժանաւոր վարուժ-  
նեակ մը գտնել, արժանաւոր լծակից մը. որ թէ  
իր, թէ անոր. և թէ Հայոց բազդը հաստա-  
տէ: Բայց Չապել շատ դեռարուսիկ էր. Լևոնի  
յօդացան այլ չէր յուսացընէր զանիկա չափա-  
հաս տեսնելու. սակայն անոր համար այլ աւելի  
կու հոգար կու մտածէր. և իր անգին գոհարը  
(դուստրը) գգուելով, միտքը պալատէ պալատ,  
արքունիքէ արքունիք կ'երթար, Չապելի փեսայ

1 Առաջին Հեթում Սեաստոսի որդին Սմբատ՝ պապ  
էր թէ Լևոնի թէ այս Կոստանդինիս, մէկուն՝ (Լևոնի) իր  
Ռիթա աղջկան, մէկայլին՝ (Կոստանդինի) իր Վասակ որ-  
դուին. ուրեմն Լևոն և Կոստանդին համշիրակք էին, ի-  
րենց զաւակքն այլ (Չապել և Հեթում) լծակիցք եղան  
յետոյ:

2 Սմբատ Պատմիչ:

մը, Հայոց իշխան և իրեն գահակալ մը գտնելու. մինչդեռ այն հոգած մտաց վրայ և յօգնած ձեռաց մէջ՝ Զապել անհոգ և անգէտ կու ծաղկէր կու ծիծաղէր, կու բացուէր գոցուէր, ժայռերու և հեղեղաց եզերք բուսած նուշուֆարի մը նման:

Սուլտանին 'ի Կիւլիկիա տապտտակած տարին՝ (1217) յԵւրոպիոյ բազմութիւն Խաչակիր զօրաց եկան նորէն զԵրուսաղէմ ազատելու, յետ երեսնամեայ գերութեանն 'ի Սալահէտտինայ. Լեոն անձամբ չկարենալով երթալ՝ զօրք տուաւ իր աներձագին՝ Կիպրոսի Հիւկ Թագաւորին, որ և գնաց 'ի Թափոր և 'ի Պաղոմայիս, և Խաչաւորաց կանուխ հասած գնդից հետ քաջութեամբ գործ տեսաւ: Այս յառաջապահ գնդից գլխաւորն և ամենէն կարիճ իշխանն՝ էր Մաճառաց Թագաւորն Անդրէաս Բ. որ մեծ համբաւ այլ հանեց. բայց իր երկրին շփութութեանը համար՝ ստիպուեցաւ շուտով հոն փութալու. 'ի դարձին եկաւ յԱնտիոք, (որ այս ասունս այլ Ռուբենի ձեռքն եղած կ'երևի): Լեոն՝ որ ամեն բան կու դիտէր կ'իմանար, հաւատարիմ դեսպան մը խաւրեց առ Անդրէաս, և գաշամբք խօսեցան որ անոր համանուն որդին Անդրէասը՝ պսակեն Զապելի հետ. Թէպէտ և դեռ երկուքն այլ բաւակտն տարիք չունէին. վասն զի Անդրէաս այլ հաւիւ ծ տարուան կրնար ըլլալ: Ունկարաց հին արեւելեան արիւնը յարմարագոյն սեպեց Լեոն իրենին հետ խառնել. անոնց Թագաւորին այլ տակէ հաճոյ տնակնկալ օժիտ չէր կրնար ըլլալ՝ իր որդւոյն համար, զոր յանկարծ Հայոց Թագաւոր պիտի տեսնէր: Այս բանիս համար Անդրէաս գոհութեամբ Թուզթ մը գրեց ('ի մարտի 1219 տարւոյ) առ պապն Ոնորիոս, իմացընէլով Լեոնի հետ ըրած խնամխօսութիւնը, և տնօրի.

նույն խնդրելով որդւոյն համար, միանգամայն  
և աղաչելով որ ինքն քահանայապետն յանձնէ  
զնա Տաճարական և Հիւրընկալ տապետաց՝ խը-  
նամակալ ըլլալու տղային՝ յետ մահուան Լեոնի:

Բայց այս գործս չյաջողեցաւ. վասն զի Լեոն  
շուտով մեռաւ նոյն տարին (1219). և Անդրէաս  
Թագաւորն զբաղած էր 'ի Կալիցիա՝ հոն Թագա-  
ւորեցընելու իր երկրորդ որդին. և ինչուան որ  
հոս բաները ուզուեց, Հայք ուրիշ ընկեր գտան  
Ջապելի. մոնուկն Անդրէաս այլ Վենետիկցի օ-  
րիորդ մ'առնելու բաղդ ունեցաւ: Այսպէս զուր  
եղաւ Ջապելի առաջին փափագողին ակնկալու-  
թիւնը. Թէպէտ և կ'երևի՝ Թէ Լեոն այլ նոյ-  
յուսով մեռաւ, նորէն յանձնելով զՋապել՝ կա՝  
Թուղիկոսին և իր հաւատարիմ իշխանաց, և գըն-  
խաւորապէս Ատանին, զոր և պայլ գրեր էր. այս-  
ինքն իբր խնամակալ տէրութեանն և հայրա-  
զլուի (աթաբէկ) իր զեռահասակ ժառանգին:

Դ

Ջապելի խնամակալութեան տակ եղած ժա-  
մանակն՝ որ եօթն ութ տարի քշեց, շատ դժուա-  
րահնձիւն եղաւ, և իրեն փոքրիկ սրտին այլ ոչ  
փոքր վախեր և ցաւեր բերաւ. որոց առաջինն ե-  
ղաւ կորուստենէն իր հայրագիրը, որուն ձեռքէն  
հագիւ վարժեր էր ծնողական խնամք ընդունիլ:  
Ատան պայլ օր մը Սսայ Ս. Պարսամ՝ եկեղեցին  
երթալու ատեն շատ չքանուկ ճամբէ մը, Իսմա-  
յելացւոց կամ Հաշիշի ուսազակաց սրի տակ ըն-  
կաւ. որոց սատանայական պաշտօնն էր յան-  
կարծ հասնիլ իշխողաց վրայ և սպաննել: Ատան՝  
Լեոնի հազարապետն և երբեմն սպարապետն ըլ-  
լալով՝ անշուշտ այլազգիաց ատենի էր: Իշխանք

Հայոց անոր տեղ հաւանեցան պայլ ճանչնալու Լեոնի համբիրակը, զՎոստանդին գունդատապլն, զոր արգէն երկրորդ խնամակալ դրեր էր Լեոն. այս անձս որ 50 տարւոյ չափ Ռուբինեան տէրութեան նեցուկ է գրեթէ կառավար եղաւ, այս ժամանակիս ամենէն նշանաւոր անձն էր, ամենայն բարեմասնութեամբք. և յետ Լեոնի մեծի՝ առաջին մեծ մարդ կրնայ ըսուիլ բոլոր մնացեալ տէրութեան ժամանակին. ցեղով, ինչպէս առաջ յիշեցի, ՚ի Հեթմանց էր, որ Թշնամիք էին Ռուբինեան տանը. բայց ստացելին կրսեր ճիւղէն էր, որոյ տնդրանիկն՝ Տարսոնի և Լամբրոնի տէր ըլլալով՝ հակառակ էր Ռուբինեանց. իսկ այս ճիւղս Պապեռոնի և ուրիշ բերդերու ժառանգ՝ Լեոնի հօր հետ խնամութեամբ՝ միաբան և հաւատարիմ եղաւ Ռուբինեանց. Վոստանդնի անձնակաւն արգիւնքն այլ հասուց զինքը այս բարձր աստիճանին, ուր կրցաւ այլ ամուր և փառաւոր կենալ հնարագէտ ինքնովն, զօրութեամբն և բարեկիրթ որդւոց օգնութեամբ: Այսպիսի զօրաւոր և բանգէտ անձի մը գէտ կենալ կամ հնարեւ շատ գոռար էր. և ով որ փորձեց՝ մեծապէս մնասեցաւ. և նախ Բրինձն Ռուբէն-Ռեմունտ:

Սա հալածուած յԱնտիոքայ, մերժուած իր բազմերախտ մեծ քեռիէն, մինչգեռ տարակուտեալ կու մտածէր՝ վրայ հասաւ Լեոնի և յետոյ Ատանայ մահն. Ռուբէն՝ մէկ իշխանութենէ զըրկուած՝ աչքը երկուքի գարձուց, որոց ատենոք իրաւումք այլ կրնար յուսալ. իսկ հիմայ թէ ոչ զօրութեամբ հին կտակին Լեոնի՝ գոնէ ազգականութեամբն և խնամութեամբ, (վասն զի Չապելի մօրքոյրն էր իր կինն այլ) և Հայոց ու Լատինաց լեզուին և սովորութեան վարժութեամբն՝ վստահացաւ խնդրելու Հայոց Թագաւորութիւնը: Բայց Լեոնի կամքն և Վոստանդնի վախն հե-

ռացուցին զնա . սակայն տարաբաղդ երիտասարդըն՝ չէր կրնար շուտով մոռնալ որ տասն տարի առաջ Լևոնի հետ Թագակից և ձիակից՝ Հայոց հանդիսական տօնից հաղորդ կ'ըլլար . և շատեր կային՝ որ ոչ միայն զինքը ճանչցեր էին յաջորդ Լևոնի, այլ Թերևս և հիմայ այլ չհակառակէին . այն ատեն՝ դեռ պատանեակ, հիմայ իբր 25 տարուան կտրիճ ասպետ մը, Հայոց և Անտիոքայ և Խաչակրաց նշաններով զարդարուած, իր ամենէն վառվռուն և յուսազին կենաց ատեն, չէր կրնար այնպիսի մեծ փափաղէ մը յետ դարձնել սիրտը . խնդրանք չկրցածը՝ ուզէց փորձել ուրիշ հնարքով, նաև զինուց զօրութեամբ:

Այն ատեն (1219-20) Խաչակիրք առաջնորդութեամբ Յովհաննու Պրիենայ՝ Երուսաղէմի Թագաւորին՝ եկեր պաշարեր և առեր էին ղՏա միադ . հոն էր Պապին նուիրակն այլ՝ Պելագիոս Ժիրանաւորն, որ իբրև փոխանորդ քահանայապետին՝ կ'ուզէր Խաչակրաց գլուխ այլ սեպուիլ և հրամայել: Ասոր դիմեց Ռուբէն, և գտաւ օգնութիւն ստակի և զօրաց . Խաչակիրք Տաճարայ առմամբ հպարտացած և շփացած անհոգ կեցեր էին . գիւրին էր ասոնցմէ Ժողովել գունդ մը բազդախնդրաց, և նոր տեղի մը ձեռք ձգել: Այսպէս այլ եղաւ . Ռուբէն յանկարծուց գնդովն եկաւ 'ի Կիւրիկիա, մտաւ 'ի Տարսոն, և առանց ընդդիմութիւն գտնելու հոն, (ուր որ միշտ Լևոնի ցեղին հետ սերտ բարեկամութիւն չէր եղած), իշխեց ինքզինքը Հայոց Թագաժառանգ անուանել, և գտաւ կուսակից այլ զինքն այնպէս ճանչցնելու: Ասկէ քաջալերուած՝ առաջ անցաւ՝ ձեռք ձգելու ուրիշ քաղաքաց և Լևոնի Թագին վրայ . բայց զգաստն Կոստանդին հաւատարիմ գնդով մը յանկարծ վրան հասաւ՝ Մամեսաիոյ կողմերը . անոր կուսակիցները ջարգեց ցրուեց,

զինքն այլ բռնեց բերու իրեն ապաստան կտր-  
ծած Տարսոն քաղաքը, և շգթայակապ բանտար-  
գել ըրաւ: Թշուառ երիտասարդն անյոյս 'ի Հա-  
յոց և յԱնտիոքայ, գեռ կու յուսար Թաշակրաց  
և Քահանայապետին օգնութեանը. և սա յիրա-  
ւի հայրաբար խնամելով և ճանչնալով զնա օրի-  
նաւոր տէր Անտիոքայ՝ գրով յանձնեց առնա-  
խայիշեալ նուիրակն, որ հոգ տանի անոր ազա-  
տութեան, և անօգնական չթողու անոր կինը և  
երկու աղջիկները. նուիրակն կրցած ջանքն ը-  
րաւ, նզովեց զԱնտիոքայ բռնաւոր դուքսը, և  
Տաճարական ապետաց յանձնեց առնուլ քա-  
ղաքը. որով Թերևս յոյս ըլլար Ռուբենի գոնէ  
նորէն հոն գառնալու. բայց նա ողբերգական  
վախճան մ'ունեցաւ. բանտին, և աւելի սրտին  
նեղութենէն՝ երկու իրեք տարիէն՝ իր դալար ա-  
րևովն ու ամեն յոյսերովն մարեցաւ, մեռաւ<sup>1</sup>:—  
Հայոց Թագն իրեն համար չէր, և ոչ այլ իրեն  
պէս ուրիշ մերձաժառանգ ակնկալուի մը, Թէ և  
աւելի այլ արժանաւոր անձն:

Այս երկրորդ կամ երրորդ (յետ Անդրէի և  
Ռուբենի) ակնկալուն՝ եղաւ նախայիշեալ Թա-  
գաւորն Երուստղեմի Յովհաննէս Պրիէն, պատ-  
ճառաւ կնոջն խնամութեան. այս կտրիճ, ըզ-  
գօն և արգէն տարիքն առած մարդն, որ մեծ  
անուն ունէր Եւրոպացւոց տռջե, և գեռ նոր  
Տաճիագն առնելով՝ այլ աւելի հոգակուած էր,  
իր ժամանակին բաղդատինդիր, նաև բաղդակո-  
րոյս և բաղդազիւտ գլխաւոր անձն այլ կրնայ  
ըսուիլ. և ըստ այսմ՝ քաջութիւնն և ուրիշ ձիր-  
քերն կու մթոնան: Լսելով Լևոնի մահը և Ռու-

<sup>1</sup> Ըստ ոմանց պատերազմի մէջ բռնուած ատեն 'ի Տար-  
սոն բերուելով՝ սպաննուեցաւ, կամ 'ի Բարձրբերդ բան-  
տեալ մեռաւ:



բենի հանգիպածը, իրեն յարմար տեսեց ժառանգութիւնը. այս մտքով ելաւ Տաթաւազէն եկաւ 'ի Պապոմայիս (Ա.ք.քեա), ու պահանջեց Հայոց Թագը: Այսպիսի մեծ և զօրաւոր անձի գէմ կենալն դիւրին չէր. բայց որովհետեւ կնոջն իրաւամբք եկեր էր, Կոստանդին այլ նովին իրաւամբ պահանջեց իրմէ՝ որ զկինը՝ (որ էր համահայր քոյր Ջապելի) հետը բերէ: Յովհաննէս դարձաւ իր կարծեցեալ Թագաժառանգին, և հիւանդ գտաւ զնա, որ և քիչ տակէն մեռաւ. 15 օր վերջը իր մէկհատիկ չորս տարուան մանչ զաւակն այլ մեռաւ: Սրբազան քահանայապետն Ոնորիոս այլ խրատ և բանադրանք գրեց Յովհաննու՝ եթէ Հայոց հետ պատերազմի անոնց Թագաւոր ըլլալու համար: Ամեն կողմէ Յովհաննիսի հայկական ակընկալութիւնն փճացաւ. անոր վրայ շատ չանցած՝ Երուսաղեմի Թագաւորութիւնն այլ կորուս, և անոնց տեղ գտաւ Կոստանդնուպօլսոյ կայսրութիւնը (1231), ու յունական Թագով միախառնուած մեռաւ (1237):

## Ե

Ջապել՝ առանց իր գիտնալուն այս յափշտակիչներէն ազատելով, պէտք էր օր շուտով ապահովուէր նոր ակնկալուներէ. և թէպէտ Կոստանդին ամենայն արթնութեամբ կու հսկէր, բայց երկար տարիներ այլ անխռով քնալու չէր յուսար. ուստի Ջապելի չափահաս տարիքին չկարենալով սպասել, գոնէ խեղճաստութիւնը տեսնելով, երբ եօթն տարեկան եղաւ՝ 'ի ժողով կանչեց ազգին գլխաւոր իշխանները, պաշտօնեայքը, զօրապետները և եկեղեցականքը, և ըսաւ, (ըստ պատմելոյ իր որդւոյն՝ Սմբատայ տպարարէտի

և ժամանակագրի) «Պարոնայք, գուցե գիտէք թէ  
 » յի՞նչ նեղութեան գտի զաշխարհս, ու զմեր  
 » Պարոնին (Լևոնի) յետամնացքն. ու Առառու  
 » ծով ինչու՞ ի յայս բերի. ու մեր Պարոնի գուսա  
 » ըրս՝ կարգման եղաւ. ամենդ թատալիրուեցէք  
 » (պատրաստուեցէք) որ մեզ Պարոն՝ բերեմք.  
 » զի ես ուզեմ որ իմ տան և իմ որդւոցն անգոր  
 » լութիւն առնեմ». այսինքն, Զապելի փեսայ  
 » մը բերեմք՝ որ ես պայլութեան հոգէն ազատած՝  
 » իմ տունս հոգամ: «Նա ամենն թատալիրուեցան  
 » շատ օրեր. և հայնց պատահեցին (պատշաճ տե  
 » սան՝) որ քան յայլ տեղաց՝ բերեն պարոն Ա  
 » լոզին զԱնտաքայ Բրնձին որդին՝ զՖիլիպն. զի ՚ի  
 » մօտս է, և լաւ կարէ օգնել մեզ ՚ի մեր ամեն  
 » կարիք»: — Այս Անտիոքայ Բրինձն կամ իշ  
 » խանն էր ծանօթ Պեմուռդ (կամ ըստ ոմանց Բե  
 » մունդ). Դ. Շիլ կամ միականի կոչուած <sup>1</sup> (Le  
 » Borgne), որ այնչափ վիճից պատճառ եղաւ ընդ  
 » Լևոնի և իր եղբօր թուին Ռուբենի. ՚ի վերայ այսր  
 » ամենայնի մեր պարոնայքն շոք օրէր մտածելով՝  
 » քան զամենքն պատեհ գտան իրենց պարոն բերե  
 » լու անոր երրորդ որդին՝ Փիլիպսը, որ իբրեւ 17  
 » տարուան պատանի մ'էր. և արդէն մօր կողմանէ  
 » ինամի էր Հայոց և տեղեակ անոնց սովորութեց.  
 » կու յուսային որ իր հօր և հանգուցեալ անհրոջ  
 » մէջ անցածները գիտելով՝ իրենց վրայ երախտա  
 » պարտ ըլլայ, և հլու հաւատարիմ մնայ իր նոր  
 » հայրենեաց օրինաց: Այս բանս ապահովելու հա  
 » մար՝ հաւատարմութեան խօսք և երգումն այլ  
 » պահանջեցին իրմէ. «Բերին ՚ի պոման (պայման)  
 » որ հայէնա՛յ ի՛նչայր, ու զէ՛լէջին եւ զտեղանն հայեւ  
 » նա՛յ քանիք. և զամեն մարդ յիւր իրաւունքն

<sup>1</sup> Արդեօք այս նշանակութեամբ Ալուզ կամ Ալօզ կը  
 չէ զնա մեր պատմիչն, թէ այլ պատճառաւ՝ չեմ գիտեր:

» պահէր » : Այսինքն, եկեղեցական և արքունական հանդէսները՝ հայկական ծխով վարէ, և զամենքն իրենց իշխանութեան և իրաւանց մէջ պահէ : Ապա (1222) մեծ հանդիսիւ պսակեցին անոր հետ զօրիորդն Զապել, որ իբրեւ քոյրահարսն փեսային և թագուհի Հայոց և միամիտ աղանի՝ չորս տարի այլ հօրը արքունի գարպապին և առաջաստին մէջ կու ծեմէր, դեռ իր խնամակալ և հայրանախանձ Հայ իշխանաց հսկողութեան տակ. և շատ բարեբաղք եղաւ ընտիր դաստիարակներ ունենալու թէ՛ յիւրոցն և թէ՛ ի Փրսնկաց, միաբը և հոգին կրթելու. և իր բարձր վեճակին յարմար ստացաւ ի կուսական հասակին՝ սիրտ մայրենի, աղքատաց և կարօտելոց համար, ճաշակ և սէր իմաստութեան և գիտութեանց, և ամենէն աւելի՝ բարեպաշտութիւն, համեստութիւն և աստուածսիրութիւն : Աշխարհն իրեն աիկնութեան, փեսայն՝ հարսնութեան, երկինք՝ ազգին մայրութեան կու պատրաստէին զնա. ինքն դեռ արտաքին փառաց անհմուտ՝ միայն պարկեշտութիւնը գիտէր գեղեցկագոյն զարգ. և կարծէր թէ այնպէս կուսախառն կենսկցութեամբ ապահով պիտի մնայ իր պսակակցին հետ :

Բայց թէ իր և թէ հասարակաց կարծիքն խաբուեցաւ : Փեսայն Փիլիպ յառաջ քան առ հարսնն՝ անարժան գտուեցաւ առ աշխարհն՝ որոյ թագովն պսակուեր էր : Առջի իրեք տարին վախով և զգուշութեամբ քաղաքավարելով՝ երբ ուժովցաւ քրտանամեան եռանդով և համարձակութեամբ, սկսաւ ինքն իր խելքով վարուիլ, մանաւանդ թէ հօրը խելքովն. որ ոչ այնքան որդեսիրութեամբ՝ որքան շահասիրութեամբ՝ պղտորեց անոր միտքը. և սկսաւ սա պաղիւ Հայոց սովորութենէն, և « իւր հօրն թապորով կ'ուզէր որ ձգէր զՀայոց » զամեն իշխանքն, և յիւրոցն դնէր » . Հայ պաշ-

աօնէից աեղ՝ Փրանկ մայրնեւ, եկեղեցւոյն և սե-  
զանին ծէսը փոխել, Սիսէն աւելի Անտիոքայ մօ-  
տենալ: Իշխանք խրատեցին զնա, բայց նա իր հօր-  
մէն մոլորած՝ ոչ միայն ճամբէն չգարձաւ, այլ և  
գաղաուկ հօրը խաւրեց Հայոց արքունի զարդերը,  
և մանաւանդ Լևոնի մեծածախ շինած պալատա-  
ձև վրանը, զոր մեծ հանդիսի օրեր կու կանգնէին:  
Եւ ոչ այնքան երգմունքէն՝ որքան Հայոց վրէժ-  
խնդրութենէն վախելով՝ ուզեց ինք զինքն այլ  
փախցնել իր հայրենիքը: Գաղաուկ զՋապել  
հետն առած ճամբայ ելեր և հասեր էր ի Թիւ  
Համալոնոյ՝ Ջահան կամ Ճիհուն գետոյն քով:  
Առասանդին կտրիճ զինուորներով հասաւ ետեւէն.  
գիշերանց գարանելով պաշարեց զբերդը, և ներս  
մտաւ անկարծելի ատեն. մինչդեռ յօգնութիւն,  
քուն և սէր մեծագոյն խաղաղութեան և երջան-  
կութեան մէջ կու կարծեցնէին ծողկահասակ ա-  
մուսինքը, յանկարծ զամենն այլ ընդհատեց,  
խռովեց, հալածեց. — և ի՛նչ անդարձական հա-  
լածանք. — երկաթեղէն ձեռքք առագաստին մի-  
ջէն յափշտակեց զՓիլիպ, երբ զարհուրեալ և  
կիսամեռիկ լծակիցն Ջապել՝ դողդողալով լալով,  
և երեսները ցըտելով՝ հազիւ կրցաւ կանչել «Վայ  
» տէր, վայ տէր » . ձեռուրները գէպ ի գրկէն  
փրժած փեսայն կարկառելով. մինչդեռ անգուժ  
յափշտակողքն՝ անոնց կաթոգին կապերը իսպառ  
կտրելով՝ յանցաւորաց կապանօք պրկեցին ըզ-  
Փիլիպ, և խուլ ականջով՝ ելան քշեցին զնա  
մինչև ի Սիս, ուր և բերդարդել ըրին, իբրև մատ-  
նիչ ազդույին իրաւանց և երգմնազանց: Լուր  
խաւրեցին Անտիոքայ Բրնձին այլ՝ որ յետ դար-  
ձընէ Հայոց գահձը, և զորդին ազատէ. իսկ շիւ  
և շուար հայրն՝ Հայոց ոսկւոյ և արծաթին հետ  
կու կռէր որդւոյն սէրը: Առջի բերան, քիչ մ'այլ  
վախէն լռեց, որ չըլլայ թէ Հայք դեռ կրից տա-

քուժեան մէջ ըլլալով անոր կենացն այլ փնաս  
հասցընեն. առեն անցնելէ ետեւ դեսպաններ ազա-  
լաւորներ խաւրեց որ գոնէ միայն արձըլին, իրեն  
խաւրեն որդին, խոստանալով բոլորովն հրաժա-  
րելու յիրաւանց թագաւորութեանն Հայոց :  
Ինչ դժուարակնճիւն և ողբերգական խնդիր .  
Թագէն հրաժարելն թերեւ ըլլար դիւրին, բայց  
ինչպէս հրաժարեր Ձապելի սրտէն, որ և ան-  
խարդախ սիրէր իր վարուժանը : Երկու տարւոյ  
չափ տեւեց այս խղճալի վիճակն . Պեմունդ տես-  
նելով որ դեսպանութեամբ բանն առաջ չ'եր-  
թար, անձամբ եկաւ 'ի Համառոն, աղաչելու զիւ-  
խանս Հայոց, զիջանելով զանոնք գոհ ընելու և  
փրկանաւորելու թշուառ զաւակը : Հայք չկըր-  
ցան չէ ըսել թող առւին որ մարդ զրկէ իմացը-  
նելու որդւոյն : Ափսոս, շատ ուշ. կամ 'նենգու-  
թիւն<sup>1</sup> կամ սրտնեղութիւն արգէն ազատեր էին  
զՓիլիպ... 'ի կենաց : Պատգամաւորքն լուր բե-  
րին թէ գեռ 'նոր՝ քանի մը (տասն) օր առաջ  
Փիլիպպոսի գալար արեւն բանտին մթուժեան և  
ախրութեան մէջ մարեր էր (1225) . 'ի պատիժ՝  
իրմէ աւելի՝ իր անգգաստ հօրը, 'ի վրէժ աղգային  
հայենակ իրաւանց, բայց և 'ի փուշ փափուկ  
սրտին Ձապելի : Ձապել հիմայ զարգացեալ՝ սկը-  
սեր էր զգալ իր վիճակը և պարտքերը . աչքին  
դիմաց սարսափելով տեսեր էր իր կողակիցը՝ զի-  
նեալ և զայրացեալ մարդկան ձեռք ընկած . եթէ  
ազգին իրաւանց գոչողն չէր կրնար պաշտպան  
կենալ, միթէ իր կենսակցին և թողաւցին բարե-  
խօս ըլլալու իրաւունք չունէր : Ա'իմանար՝ որ իր  
տկար հասակն խաղալիկ կ'ըլլայ բաղդին և շատե-  
րու բաղդի . բայց գեռ ամեն փափագովն այլ չկա-

1 Ոմանք ըսին թէ թուով եղեր էր մահն :

րենալով իր աղաւնոյ սահմանէն վեր թռչել՝ լռիկ սիրտը գրած կու գագորէր:

## 2

Աղգանախանձ պարոնայքն Հայոց՝ երկրորդ անգամ պայլ գրին զԿոստանդին, որ փութացաւ Փիլիպպոսի կողմնակից իշխանները ցրուելու անոնցմէ 28, կամ ըստ ոմանց 70 հոգի բռնեց, կամ սպաննեց կամ վռննտեց կամ նուաճեց: Տարի մ'այլ արթնութեամբ կառավարելէն ետեւ, իր անուանակից Կոստանդին կաթողիկոսը և մեծ իշխաններէն մէկ քանին հաւանեցուց՝ որ Զապելը հարսնացընէ իր որդւոց մէկուն. որպէս զի ինքն այլ հայրաբար պաշտպանելով՝ տմին փորձանքէ ազատ պահէ զթագն և զթագուհին Հայոց: Եթէ փառասիրութենէ ազատ այլ չէր այս խորհուրդս, ստկայն իրմէ արժանաւոր մարդ այլ չկար Զապելի սկեսրայր ըլլալու. ոչ ոք իշխեց ձայն հանելու, և ոչ ոք յետոյ զջնացաւ: Ինքն Լւոնի համբիրակ, որդիքն այլ նոյնպէս էին Զապելի, և գրեթէ մէկտեղ մեծցած. ասոնցմէ փեսայացուն էր ՀԵԹՈՒՄ, երրորդ որդին Կոստանդինի, իբրեւ 15 տարեկան<sup>1</sup>, «Մանուկ տիգը, առոյգ մարմնով և » գեղեցիկ տեսանելով ». ըստ տեսելոյ ժամանակակից պատմչին, (Կիրակոսի), և ըստ ականատեսին (Վարդանայ) « մեծահոգի և հանճարեղ » պատանեակ, որ էր անձնեայ և թիկնեղ և գեղեցկագիտակ երիտասարդ »:

Այս վայելուչ և հաճոյական ձիւղերն՝ եթէ օտարաց անտարակոյս գրաւ մ'էին աշխարհքին խաղաղութեանը և իրենց տիկնոջ երջանկութեա-

<sup>1</sup> Իր անդրանիկ եղբայրն Սմբատ ծնած էր յամին 1208:

նը, սակայն Պապելի մեծ և զգայուն սրտէն չի կրցան խելել Փիլիպի փուշը. որչափ այլ երախտաւոր ճանչնար իր կրկին անգամ հայրազուլի եղած Աոստանդինը՝ Պապել կ'իմանար որ ոչ միայն անոր թեոց տակն է՝ այլ կերպով մը և ճանկերուն. և այս ճանկերը շատ սուր և արիւնոտ կ'երեւէին իրեն. Հեթում այլ սիրուն ձագ մ'էր, բայց բազէի կամ արծուոյ ձագ: Պապել՝ որսերէ զըզուած՝ անխուով խաղաղութեան բոյնի մը կու փափագէր. կ'ուզէր մէկ ուժով մը զինքը բազէի և արծուոյ չհասած բարձրութեան ծոցը ձգել, ու մնաք բարով ըսել թէ հարսնութեան և թէ թագաւորութեան պատկին. որոյ համար պատճառած կու սեպէր երկու կտրիճներուն (Ռուբենի և Փիլիպի) իրեն մէկմէկէ մերձաւորներուն՝ կարճ օրով ու սև սգով ցաւալի մահերը: Մտածածը մեծ և յօժար, բայց 'ի դործ դնելն էր դժար. պայլ, պարոն, իշխանք և եպիսկոպոսք կու յորգորէին զնա 'ի կենակցութիւն Հեթմոյ և 'ի տիկնութիւն. ինքն իբրև անօգնական աղաւնեակ և որով՝ մնչէր մայէր, լայր ու լռէր: — Ամայ աւկամայ նշանելով զնա ընդ պատանւոյն (1226), Թողուցին որ ժամանակն այլ յորդորէ զսիրտ դշխոյին, և ապա մեծահանդէս կատարեն թագօրհնէքը:

Այն միջոցին սրբասէր աղաւնին սրտին միամտութեան հետ հոգւոյ խորագիտութիւն միացընելով՝ ուղեց որ երթայ մայրը տեսնէ. Թողուցին իշխանքն. յուսալով որ սիրտն այլ հանգչի և միեմարուած դառնայ: Մայրն՝ Իզապել՝ կամ իր կամօք, կամ Հայոց զգուշութեամբն քաշուեր էր 'ի Սելեկիա Իսաւրիոյ, և իր փրանկ ազգականաց քով կու կենար: Այս ամուր բերդաքաղաքս՝ որ Աիւլիկիոյ արեւմտեան սահմանածայրն էր, Լեոն աուեր էր Լատինացի Հիւրընկալ ասպե-

տաց, որոնք մեծ պատուով և սպասաւորութիւններ և կու պահէին զայրի զշնոյն Լեւոնի. հիմայ անոր ժառանգ դուստրն այլ աւելի պատուով ընդունեցան. մանաւանդ երբ իմացան որ աղջիկ Թագուհին չուզէր անկէ և մօրմէն բաժնուիլ, կամ անոր և ազգականացը խրատովն, կամ իր կամօքն. և աւելի կու փափագի վանք մը քաշուիլ՝ քսն արքունեաց մէջ նազել: Բերդին դռները ամրացուցին: Առստանդին զայս լսելուն՝ մէկէն զօրքերը ժողովեց, հասաւ պաշարեց քաղաքը. քաղաքապետն կամ գլխաւորն ասպետաց՝ Տրէր (Եղբայր) Պերդրան՝ իր ասպետաց կորուծութեան և բերդին ամրութեան վրայ վստահացած՝ գէմ կեցաւ Հայոց. Առստանդին չուզելով երկայն պաշարմամբ վտանգի ձգել բազդը, ըստ պառնացաւ Պերդրանայ՝ որ եթէ չուտով չտայ զՁապել, մէկէն պիտի երթայ Իկոնիոնի Ալայէտոին սուլթանին հետ գաշնակցելու, և անոր զօրքերն այլ առած՝ գալ բնաջինջ ընելու ասպետաց տունը տեղը: Պերդրան մէկ կողմէ վախնալով սպառնալիքէն, մէկալ կողմէն այլ իր և իրեննեւրուն պատուոյն և քաջութեան նախասինք սեպելով քաղաքը մատնել հակառակորդին, և անկէ աւելի՝ իր հիւրերը, հոն ապաւինեալ Թագուհիները, ասպետական հնարագիտութեամբ մը պատասխանեց Առստանդեայ, թէ մենք ոչ կ'ուզեմք ձեր գէմ կենալ ու քաղաքս պաշտպանել, և ոչ այլ կրնամք մատնել. վասն զի բարեյիշատակ Լեւոն Թագաւորն մեզի տուած է, և հոս են իր կիսն և դուստրն՝ ձեր Թագաժառանգն, և հոս կ'ուզեն մնալ. ինչպէս կրնամք մենք համարձակիլ մեր բարերարները և մեզի դիմողները ձեր ձեռքը տալ իրենց կամաց գէմ. ուրեմն թողուցէք մեզի՝ որ մենք մեր կամօք դուրս ելլենք բերդէն, և գուք դիպածն/դ ըրէք: Այս պայմանաւ



ասպետքն իրենց պատուովն ելան, թողուցին ըզ-  
Սելեկիա. Կոստանդին նորէն ձեռք ձգեց մօրը  
բունէն բռնած ձադի պէս՝ Զապելը, և հրաւիրեց  
'ի տիկնութիւն և 'ի մայրութիւն Հայոց:

## Է

Այլ չկարացաւ Զապել ընդդիմանալ Հայոց,  
և Կոստանդինի ու Հեթմոյ խնդրածին. իմացաւ  
Աստուծոյ կամքը, և յանձնելով զինքը անոր նա-  
խախնամութեան, իր ազգին հաւատարմութեան,  
պայլին պաշտպանութեանը, և փեսային սիրոյն,  
պսակեցաւ 'ի հարսն Հեթմոյ և 'ի Թագուհի Հա-  
յոց, եկեղեցական և քաղաքական մեծ հանդի-  
սով և հասարակաց հաճութեամբ և ուրախու-  
թեամբ. որոց մասնակից ըրաւ Կոստանդին՝ ('ի  
հաստատութիւն աշխարհին և իր զաւակին) այն  
ազգերը կամ այն թագաւորները՝ որոնց հետ յա-  
րաբերութիւն մ'ունէին Հայք: Գրեց առ սրբա-  
զան Փահանայապետն, առ կայսրն Ալամանաց,  
դաշնակցեցաւ ընդ սուլտանին Իկոնիոնի. տէրու-  
թեան պաշտօնները յանձնեց արժանաւորաց: Իր  
անդրանիկը (Սմբատ) սպարապետ դրաւ, մէկ  
որդին այլ (Լեւոն) մարտիպ կամ իշխան Ռաֆա-  
բունէան, իսկ ինքն անուանեցաւ Աբահայր և Առաֆ  
պարսի. և թէ իր Թագազարդ տանը և հարսին,  
թէ բոլոր աշխարհին խորհրդաւոր, և ամենա-  
հաս օգնական ու կառավարիչ եղաւ քառասուն  
տարւոյ չափ՝ ցիսոր ծերութիւնն († 1263). Հեթ-  
մոյ և Զապելի թողլով աւելի փառք և վայելքը,  
իրեն վրայ առաւ հոգ և աշխատութիւնը. և այս-  
պէս ճշմարտեց իր որդւոյն ըսածը, թէ հարիւ-  
րապատիկ փոխարինեց Լեւոնի՝ զինքն ազատելուն  
'ի կապանաց սուլտանին, անոր գասեր ասանկ

Հայրութիւն և հազարպետութիւն ընկելով. և ճանչնալով միշտ զնա ժառանգութաբաւորութեան Հայոց և տիկին: Այսպէս այլ ազգն՝ թէ և թագաւոր կոչէր զՀեթում, բայց նախապատիւ կու ճանաչէր զթագուհին Չապել, նոյնպէս և յետագայք. գոնէ մինչ անոր մահը և Հեթմոյ մինակ մնալը. ինչպէս որ այն մօտ ատեններ գրուած յիշատակագիրք ոմանք առանց իսկ Հեթմոյ՝ կ'ըսեն. « Ի թագաւորութեան Հայոց Լևոնի, որդւոյ » Չապել թագուհւոյն, դստեր Լևոնի թագաւորի » . կամ ինչպէս Յովհանն Երզնկացի զատելով կ'ըսէ<sup>1</sup> վասն նոյն Լևոնի (Գ), « որդւոյ ի մաստուն արքային Հեթմոյ՝ հօր, և մօր՝ Չապելի սրբոյ Բագուհւոյ » . և Վահրամ՝ ի շարս թագաւորաց Չապել միայն յիշէ :

Նոյն ինքն Հեթում՝ ինչպէս որ կ'երեւի, իր անուամբ կարած գրամներուն վրայ՝ Չապելը իր աջակողմը կեցած կու գրոշմէր, բարձրաձող խաչ մը հաւասար բռնելով, և արքունի գաւազան. որ (եթէ չեմ սխալիր) երբեմն միայն Չապելի ձեռքը կ'երեւի. (գրամին եզերքն այլ գրուած է Ասողաթիւնն Աստուծոյ է. միւս կողմն՝ առիւծ մը խաչակիր, նշան Լևոնի տան, զոր պահեց և Հեթում և իր պայազատքն, եզերքը իրենց անունը գրելով, ինչպէս ՀԵԹՈՒԾ ԹԱԳԱՒՈՐ ՀԱՅՈՑ :

Մեր երկայնաշար թագաւորաց պատմութեան մէջ ամենէն ցանկալի և գեղեցիկ մասերէն մէկն է Հեթմոյ թագաւորութիւնն, (որ մեծ մասամբ այս օրուան յիշատակէս գուրս է), և շատ երջանիկներէն մէկն, գոնէ երկու թագակցաց կենսակցութեանն ատեն: Հեթում՝ որ երբեմն իբրեւ ըզքոյր գգուեր էր Չապել իր հօր պայլուծեան ատեն, և հիմայ իբրեւ հարսն լծակից ունէր, պա-

<sup>1</sup> Յիշատակարան Քերականին :

տուէր զնա և իբրև տիկին և իր Թագին պատ-  
ճառ: Զապել որ իր առաջին տարաբաղդ ամուս-  
նոյն կուսախառն սէրը և ցաւը չէր կրցած ջնջել  
իր փափուկ սրտէն, շատ տարիներ (իբրև 8 կամ  
9) չուզեց նոր առագաստը վայելել. մինչև երկար  
փորձով տեսնելով Հեթմոյ զգաստութիւնը և  
բարեպաշտութիւնը, յօժարութեամբ կ'ուզէր  
անոր Թագաւոր հռչակուիլն: Կուսութիւն քան  
զամուսնութիւն նախապատիւ սիրելի էր իրեն,  
բայց վերջապէս հաւանեցաւ բոլոր տէրութեան մը  
փափագին և օգտին. սիրեց նոր ամուսինը. նա-  
խախնամութիւնն այլ օրհնեց իրենց սէրը և պտղա-  
բեր ըրաւ: Զապել 11 ամեայ էր պսակուած ատեն  
և իբր 36 ամեայ բոլորեց կենաց պսակը. իրենց Թա-  
գակցութիւնն եղաւ յամին 1226, իսկ անդրա-  
նիկ որդին յիշուի իբրև տասն տարի վերջը: Ութ  
զուակ ընծայեց, երեք մանչ և հինգ աղջիկ. ա-  
ռաջին՝ Լեոն (Գ) Թագաւոր. Բ, Թորոս. Գ, Ռու-  
բէ որ շատ չապրեցաւ երկրիս վրայ. (գտտերքն)  
Գ, Ֆիփ, որ Սիգոն քաղաքին գաղղիացի իշխա-  
նին՝ Յուլիանու Իպլինեան՝ կին եղաւ. Ե, Սիգիւ՝  
կին Պեմունգայ Զ, Անտիոքայ բրնձին. Զ, Ռիփա՝  
կին Սարուանդիքար բերդին տիրոջ, (զոր արեւմը-  
տեայք Sire de la Roche անուանեն). Է, Մա-  
րիա՝ կին Կիտայ Իպլինեան (Guy d'Ibelin) գաղ-  
ղիացի սենեջալին Կիպրոսի (sénéchal). Ը, Իլա-  
պէլ, իր մօր և մամուն անուանակից, որ շուտով  
Թաւալ յերկինք <sup>1</sup>:

1 Վահրամ քարտուղար Լեոնի (Գ) որդւոյ Զապելի, և  
հին ցեղագիրն Փրանկ՝ երաշխաւոր են այս ութ զաւա-  
կաց. սխալին որք իններորդ մ'այլ աւելցնեն Օշին ա-  
նուամբ. ևս առաւել որք տասներորդ դուստր մ'այլ ան-  
անուն:

## Ը

Զաւակաց զարգացման և գաստիարակութեան խնամքը չսկսած, Զապել՝ իր տիկնութեան առաջին տարիներն, ինչպէս Ֆիլիպի ատեն այլ, իր անձնական կրթութեանը կուսպարապէր, մասնաւոր սիրով և յօժարութեամբ բարեգործութեց և ուսման, հետեւելով իր հօրը փափագանաց և օրինակին, և Զանակից գտնելով իր փեսայն. երկուքն այլ իրենց աստիճանին կարեւոր փառք և պատշաճ կուսեպէին զգիտութիւնս, մանաւանդ սուրբ գրոց. գրասիրաց և գիտնոց ձեռնտու կ'ըլլային. կուսպատուէին, ընտանեբար կ'ընդունէին, հարցընէին, և իրենց համար գրեւ ապին:

Երբ մեծանուն վարդապետն (և պատմիչն) Վարդան Արևելցի եկաւ 'ի Կիւլիկիա՝ կաթողիկոսին քով, Հեթում և Զապել մեծ պատիւ ցուցին իրեն, և իբրեւ աշակերտք՝ 'ի սուրբ գրոց և 'ի քերականութենէ խնդիրներ կու հարցընէին. որոց պարզ և ժամանակին գիւրահասկանալի լեզուովն պատասխան և մեկնութիւն գրած է Վարդան. մեկուն մէջ կ'ըսէ առ Հեթում, յիշելով զԹագուհին. « Այժմ հայնց արա՛ իմ Պարոն, »  
 « ոսկաւ մի աշխատեա ('ի կարգալն). քո սակաւ »  
 « աշխատին՝ առաւել է քան զայլոց շատն... Եւ »  
 « զոգի իմ տառապեալ և տկար յիշեսցես, որ »  
 « զքեզ սիրէ առաւել քան զսակաւ... Բայց ազա »  
 « չեմ զպարզմիտ (ազէա) մարդ և զառաքինի՝ »  
 « մի հարցանել (այս գծուար խնդիրները), որ »  
 « չամաչեն. զի (և) ես նախահոգութեամբ գրե »  
 « ցի. և թէ առժամայն զիս հարցանեն՝ և ես գը »  
 « տանիմ տկարացեալ. վասն որոյ մի՛ մեղադիր »  
 « ինձ ժմուն (առժամայն, մեկէն) չցտանողացն

» զտեսուլթիւն բանին: Եւ ես գիտեմ որ այս չէ  
 » թագաւորական իրք, (գրած գիրքն) այլ ոս-  
 » կէգիր պիտէր և ճարտար գրչի. ես շատ պատ-  
 » ճառ ունէի՝ որ խափանէր զիս յայս ձեռնար-  
 » կուլթենէս... բայց սիրովն հրաշագործիւ յաղ-  
 » թահարեալ եղեն պատճառքն. և որպէս տե-  
 » սանէք՝ եղև. թէ կամիս՝ գիւրին է տալ փոխել  
 » յաղէկն (մաքուր օրինակել), որ հեշտ կար-  
 » գայք. և թող Գրիգորէան փոխէ, որ բան չիո-  
 » ընչի: Բայց իմ կամ է որ իմ մատանց սատարն՝  
 » մնայ առ ձեզ. ո՞ր գիտէ թէ աւելի շնորհւոր<sup>1</sup> լի-  
 » նի ձեզ, վասն յուսոյն իմոյ որ առ Տէր, և սի-  
 » րոյն՝ որ առ ձեզ. զի այնց (այնպիսի) ճառ և  
 » պատմուլթիւն չէ՝ որ շատ աշխատանք տանին,  
 » և ապա բան գտանեն. թէ թուղթ մի կարգաս  
 » ժմուն կամ երկուք՝ գտանես յոլով խորհուր-  
 » դըս: Եւ Աստուծով՝ տղայահասակ և մտօք և  
 » աջօք զօրաւոր էք. և ՚ի միանգամ կարդալն սա-  
 » կաւ ինչ աշխատիք, և յայն՝ անհոգ լինիք: Եւ  
 » զի արքայ և արքայուհի ՚ի միում մարմնի տեսանի,  
 » և հասարակ է հոգևորն և մարմնաւորն, թէ  
 » Աստուծով իրք մի օգուտ լինի ՚ի գրելոցդ կամ  
 » միսթարուլթիւն՝ երկուցդ (այլ) լիցի: Եւ  
 » զակնդ բազմագոյն և պայծառ՝ որ պսակէ զձեզ  
 » յաւիտեան (գիրքն), թող Թագուհի պահէ,  
 » և ՚ի պիտոյ ժամս՝ առնոյք ՚ի նմանէ. և նմա  
 » հրամայէ Պօղոս հարցանել զձեզ և զպատեհն  
 » ծանուցանել. և պարտական են, ասէ, ապրե-  
 » ցուցանել զիրեարս՝ առն և կնոջ: Եւ զերկու-  
 » սինդ ապրեցուցէ Տէր Յիսուս կենդանուլթիւնն  
 » ձեր՝ ՚ի խնամս Հօր և ՚ի գուլթ Հոգւոյն սրբոյ.  
 » յողորմմն սննդեան դալարարձակ տնկաբող-  
 » բոջ շառաւեղեալ ոստոցդ, ծիրանածին արայօցդ,

<sup>1</sup> Շնորհաւոր, աղուրլուս:

» 'ի գիրկս Սիոնի սրբոյ . 'ի կատարունսն պսակ-  
 » ման հայակոյտ ազնուականն աղգաց և աղանց ,  
 » տոհմից աղասաց . աղատեցուցիչք՝ արեանա-  
 » ռու զարմից , լծագիրք և բեռնաբարձողք , կո-  
 » րացուցիչք օտար աղգաց . 'ի փառս փառաւոր  
 » և պաշտեցեալ Աստուածու(թեանն » :

Զապելի ձեռնադրութեանն առ ուսումնասէրս՝  
 գեղեցիկ վկայ և պատու մ'այլ է իր որդւոյն ( Գ .  
 Լևոն ) քարտուղարն՝ Վահրամ վարդապետ . որ  
 և ինքնին ըսաւ իր տիրոջ (Թագաւոր օծման օրը  
 ատենաբանելով մայր եկեղեցւոյն մէջ . « Նրանէ-  
 » լի Զապել Բագուհին , որոյ ողորմութեանն և ա-  
 » ռատ պարգևացն որ առ ուսումնասէրսն՝ պատու  
 » է մերս նուաստութիւն , և ևս վէհագուհից քան  
 » զմեզ . ընդ որում՝ զանճառ բարութիւնսն ըն-  
 » կալցի փոխարէն » : Որով կ'իմացընէ Վահրամ  
 թէ Զապել կամ իր մասնաւոր ծախքովն դաս-  
 տիարակել տուեր էր զնա և անոր նմաններ , կամ  
 պատճառ եղեր՝ արքունեաց գարութեան մէջ  
 մտցընելու զնա :

Զապելի աւելի ևս հռչակեալ , գովեալ և օրհ-  
 նեալ արդիւնքն՝ իր գ(թած և կարեկից սրտին ար-  
 դասիք՝ ողորմութեան գործքերն էին , որք և ա-  
 ռանձնական բարեպաշտութեան գործոց քով՝ իր  
 պայծառ հոգւոյն արտաքին ճառագայթներն կըր-  
 նային ըսուիլ : Ժամանակակից պատմիչ մը՝<sup>1</sup> կ'ըսէ .  
 « Յոյժ բարեպաշտ էր կինն այն և ողջախոհ . սի-  
 » րող ամենայն երկիւղածաց Աստուծոյ , և աղ-  
 » փափաէր . պահօք և աղօթիւք հանապաղ ճըգ-  
 » նէր » : Իսկ 'ի Թագուհւոյն բարերարեալ ատե-  
 նադարին՝ իր ոտանաւոր գրած Ռուբինեանց պատ-  
 մութեան մէջ այլ կու գրուատէ զնա այսպէս .

1 Կիրակոս :

« Սա առաւել բարեպաշտեալ  
 Եւ հաւատովքն բարձրացեալ.  
 Սիրով յԱստուած էր միացեալ  
 Եւ յերկիւղ Տեառն խրատեալ.  
 Բարի գործովք էր զարգարեալ,  
 Եւ աղօթիւքն միշտ մաքրեալ.  
 Զխոնարհութեան զարդ ըզգեցեալ,  
 Զպարկեշտութիւն նախապատուեալ : »

Ոչ միայն անթիւ ողորմութեան գործքեր ըրիկ  
 և անցողաբար ըրաւ Զապել, այլ և երկարատև  
 մնայուն յիշատակներ թողուց. որոց գլխաւոր  
 կարծեմք զյիշեալն ի գրոց Հիւանդանոցն Սոսոյ, զոր  
 կանգնեց յամին 1241. և իր ծիրանածին զաւկը  
 ներէն աւելի, եթէ կրնամ ըսել, գթով կու խնա-  
 մեր զհիւանդս. ոչ միայն առատ ոռճկաւ՝ զոր իր  
 զարգերէն և անցաւոր դբօսանքներէն կտրելով՝  
 կապեր էր անոնց; այլ և անձամբ այցելութեամբ  
 և ձեռք դարմանելով, ըստ Խոսրովանուշայ բա-  
 րեպաշտ գշխոյի Բագրատունեաց: Այս բանին ա-  
 մենէն մերձաւոր և սրտակից վկայ է ինքնին իր  
 փեսայն Հեթում Թագաւոր, որ իր մէկ պար-  
 գեագրին մէջ՝ գրեթէ Զապելի մահուան տարին  
 գրած, այսպէս կ'ըսէ. « Եւ կողակիցս Զապել  
 » Թագուհի, որ տառապանօք հոգայ կրօնաւորս  
 » և հիւանդս » : Անշուշտ բոլոր Ռուբինեանց տէ-  
 րութեան ատեն անշինջ մնացեր էր այս Զապելի  
 գթութեան յիշատակարանն, թէ և Սիս քա-  
 ղոքն շատ հեղ թշնամեաց և կրակի մատնուե-  
 ցաւ. իսկ յետ բոլորովին տէրութեան վերցուե-  
 լուն և քաղաքին աւերման, և ամենայն արքունի  
 յիշատակաց մոռացութեան, Զապելի չքնաղ սրբ-  
 տին յիշատակին այս մէկ փոքրիկ յայտարար նը-  
 շոյն՝ յանկարծ յետ 600 բազմագէպ տարինե-  
 րու՝ մեր օրերս յերևան ելաւ, (1833) Սոսոյ հի-

մակուան կաթուղիկոսարանէն մղոն մը հեռու արևելեան կողմէն, հոգու տակ մնացած սրբա-տաշ վէմ մը. զոր թէպէտ փճացուց մոլեռանդն նախանձ այլակրօնից, բայց բարեբաղդաբար վըրայի արձանագիրն մնաց օրինակուած. և էր այսպիսի .

## ԿԱՏԱՐԵՑԱԻ

ՅԱՐԾԱՐՈՒԾՆ ՇԻՆՈՒԱԵՈՅ ՀԻՒԱՆԴԱՆՈՑԻՍ

ՔՐԻՍՏՈՍԱՍԷՐ ԹԱԳՈՒՀԻՈՅ ԶԱՊԵԼԻ

Ի ԹՎԻՆ ՀԱՅՈՑ ՈՂ.

Յուսալի է որ ազգերնուս երախաագէտ պատկառանքն և սէրն առ յեալին գերահռչակ մայրն և տիկին իւրեանց՝ Զապել, չուշանայ անոր ուրիշ յիշատակ այլ յերևան հանել, 'ի փառս անցելոցն և 'ի միսիթար մնացելոցս:

C

Թ

Բայց Զապելի ամենէն մեծ և գովելի շնորհքն՝ իր սրբասէր և երկիւղած կենցաղավարութիւնն էր, զոր այնպէս զմայլելով յիշեն ամենայն ահանաւանքն և մերձաւորք ժամանակաւ, ինչպէս քիչ մ'առաջ լսեցիր. որոց մէկն այլ համառօտիւ կոչէ զնա « Սէնագու Ռագուհի Զապել » . միւս մը՝ « զգուշակենցաղ թագուհի և ըստ Աստուծոյ » քաղաքավարեալ » . ուրիշ մ'այլ՝ թէ « Աս » տուածահաճոյ կենօք կային 'ի Քրիստոս » (ընդ Հեթմոյ) : Իր բոլոր հոգն իրէքի գարձընելով՝ առանց իրարմէ բաժնելու, 'ի խնամս մայրական և տիկնական, ( որոց համար իմացաւ իր կոչումը, և թէ անկէ հրաժարելն՝ իր աշխարհքին մեծամեծ շփոթութեանց և կռուոց պատճառ պիտի ըլլար ) 'ի խնամս ազգատաց և կարօտելոց, և 'ի



խնամա ներքին մարդոյն, իր հոգւոյն. զոր և յարքունիս և 'ի լծակցութեան առն թագաւորի՝ իբրև 'ի կուսաստանի ամօթխածութեամբ և համեստութեամբ զարդարէր. և բազմաբողբոջ զաւակացն՝ միանգամայն գորովի մայր և արթուն դասախարակ էր։ Եւ այնքան պարտուց և պատշաճից մէջ՝ երբ մինակ ըլլար յարքունիս (շատ հեղ Հեթմոյ պատերազմի կամ ուրիշ գործոց համար հեռանալովն), յառանձնութեան պալատանն ճգնէր պահօք և աղօթիւք։ Բայց իր աստուածասէր և մարդասէր սրտին միշտ բաւական չէր ըլլար առանձնակեաց սրբութիւնն. շատ հեղ պալատէն դուրս կ'ելնէր՝ թէ իբրև յայտնի թագուհի և թէ իբրև ծածկեալ անծանօթ անձ մը, երթալ վազել՝ ուր որ բարեպաշտութիւն և սղորմածութիւն կրնային տանիլ։ Կ'երթար երբեմն իր սիրելի զբօսարանը, իր դաստակերտ թէատրոնը՝ լսելու սրտառուչ ձայներ. կ'երթար իր Հիւանդանոց և Աղփաբանոց. կամ ուրիշ հիւանդանոցներ և առանձին տուններ, ուր այլ որ լսէր թէ հիւանդ մը կամ երեսէ ընկած մը կայ, կամ կարօտ մը թէ մարմնաւոր թէ հոգեւոր գարմաններու։...

Կու յիշեմ՝ զմեծ և դիւցաւիառ կայսրն Օգոստոս, որ իմաստութեան այլ պատուող՝ շատ հեղ կու հրաւիրէր իր առանձին սեղանին կցորդ՝ իր ժամանակին երկու մեծ բանաստեղծքը, Վիրգիլիոս և Ուլրատիոս. ասոնց մէկն, կ'ըսեն, շնչառութեան նեղութիւն ունենալով՝ սաէպ հեկեկալու ձայն կու հանէր. մէկայլն՝ աչքը ճպղռա՝ ստէպ արտասուէք կաթէր. Օգոստոս կու ծիծաղէր ու կ'ըսէր. «Նստեալ կամ ես ընդ մէջ արտասուաց և հոռաչանաց»։ — Վերցնուր Կլաւդիոս, ով տիեզերակալ սեբաստոս Օգոստոս, որոյ մեծութեանդ արձաններն և կամարներն 'ի

Տիբերիսէ մինչև 'ի Սանգարիս<sup>1</sup> գետ կանգուն են, որ Անկիւրիոյ յիշատակարանիդ մէջ յիշես Հայոց Թագաւոր մը գնելդ այլ տես, (եթէ կրնան տեսնել այն աչքերն՝ որ 14 տարի մէկտեղ ապրելով՝ չտեսան զերկնից և զերկրի լոյսն՝ Քրիստոս) տես զՀայոց Թագուհիս այս, որ Քրիստոսի խաչին նըշանաւ Թագը կապեր և բարձրացուցեր է. տես ով մեծդ և ամենամեծդ յերկրի, տես այս փոքրիկ դշուոյս Կիւլիկիոյ, ինչպիսի՜ արտասուաց և հառաչանոց մէջ նստեալ կայ, և կու սիրէ նրստիւ ընդ երկար. լսեցիր դու այլ այսպիսի հեկեկանք մը. սրբեցիր այսպիսի արտասուէք մը. նրստա՛ր երբէք ընդ մէջ հեծուԹեան հիւանդաց և արտասուաց աղքատաց: Տես. — մեկը տեսնենք հոս զԶապել. ինչպէս ոմանց առատապէս ստակ, ըզգեստ և գեղ բաշխէ. ոմանց անձամբ այլ ծառայէ, սփոփէ, մխիթարէ. — ինչպէս, շատերը՝ աւելի առատ ու քաղցր սրտով և բերնով կու յորդորէ հոգինին հոգալու. հին եկեղեցւոյ զգաստ այրեաց և սարկաւազուհեաց նման՝ կու սովորեցնէ տգիտաց զկանոնս և հրամանս հաւատոց. կու սիրեցընէ անհոգներու՝ եկեղեցւոյ սուրբ խորհուրդները. կու յիշեցընէ իրենց անցեալ վարքը. 'ի զըզջումն կու շարժէ իիստ կամ աղտոտ սրտերը. խոստովանել կու տայ մեղքերնին և սուրբ հաղորդութեամբ զօրացընել հոգինին. և այսպէս զոմանս մարմնով բժշկէ, զոմանս այլ հոգւով յաւիտեան հանգչեցընէ: Իսկ այնպիսի տեղուանք՝ ուր որ պատշաճողով Թիւնն կամ ատենն չեն Թողուր իրեն երթալ, իր հաւատարմաց մէկը կու զըկէ՝ նոյն խնամք և հոգը մատուցանելու: Զապել այս բաներուս մէջ կու ճանչնար զինքն՝ Թագուհի և մայր ազգի:

<sup>1</sup> Զէքարիա-սու, Անկիւրիոյ քովէն անցնող գետն:

Նրբեմն այլ իր սրտին վերաթուիչ կրակէն վառուած ու վարուած՝ կ'ենէր գաղաուկ հաւատաւորի մը պէս, գլուխը քողով ծածկած ու 'ի գետին խոնարհած, հոգւով քան թէ աչքով տեսնելով զճամբան. կու փութար կ'երթար ուխտատեղեաց և վանորէից դրանց քով աղօթքի կենալու. մանաւանդ ուր որ լսէր թէ սուրբ անձ մը կայ, ոչ միայն հոն անոր մօտ փափագէր հասնիլ, այլ և կ'ուզէր նոյն ճամբէն երթալ, նոյն հոլն ու քարը կոխել՝ զոր սրբազանն կոխած էր: Քանի՛ լուռ և անշփոթ ժամեր, քանի՛ մութ ու ցուրտ գիշերներ, լուսնկայ կամ անլուսին երկինք՝ տեսան մեր ջերմեռանդն ուխտաւորը՝ անծանօթ և անմարդաձայն ճամբուն վրայ. ոչ ձմրան ձիւն ու բուք, ոչ տօրոսական ցուրտ պախրցին, ոչ հողմակոծ ծառերուն և ջրերուն մրմռալն, գաղանաց մոնչել ու կանչելն, և ոչ յանկարծ դարանողի մը և իր առաջին պայլը սպաննող աւաղակին պատահելու վախն, կրնան արգելել զսրբասէր թագուհին: Իբրև այն հրաշալի հարսն տիեզերական փեսային խանդակաթ՝ կու լսէր անոր ծածուկ ձայնը. «Ե՛կ 'ի Լիբանանէ ('ի քո պալա» տանէ) հարսն. եկ այսր 'ի Լիբանանէ. եկեսցես » և անցցես 'ի գլխոյ հաւատոյ, 'ի կատարէ Սա» նիրայ և Հերմոնի, 'ի մայրեաց առիւծուց և 'ի » լերանց ընծուց » . և կ'անցնէր կ'երթար իբրև զազանին միակ կատարեալ և գեղեցիկ՝ կենալու սրբութեան տաճարաց դրանդեաց ներքև. անձայն լռիկ աղօթքով՝ սրտանալու 'ի սէր հոգւոյն տիրոջը, և սրտացրնելու զնա իր մաքուր սիրոյն: Նրբեմն այլ ճամբուն վրայ կանգ առնելով, հաղիւ վանաց և եկեղեցեաց դրանց մօտեցած՝ կ'ընկնէր 'ի ծունկս, կու պագնէր սրբազանից կոխած գետինը, կու թրջէր մարգարտակաթ սրտասուօքը, կու քսէր դալար դէմքերը այն կրկին սըր

բեալ հողոյն ու կտուոյն վրայ. անով կուշփէր շարերը Թագուհին Հայոց իր պայծառ հողոյն գրտի հայելին: Այս էին սիրելագոյն զարդարանք և գեղերանք և զբօսանք Զապելի:

Այսպիսի գէմք, այսպիսի սիրտ, այսպիսի հոգի՝ ինչ կերպով կրնար երևիլ աշխարհային և Թագաւորական հանդիսից մէջ: — Ինչպէս որ կու վայլէր սուրբ և զգաստ գշխոյի մը. որ իր ամեն պարտքը և պատշաճը գիտելով՝ չէր պակսեր և ի տօնից և յընկերութեանց, անոնց նոր վայելչութիւն մ'աւելցրնելով իր չափաւորութեամբ և պարկեշտութեամբը. և ինչպէս արքունի ծիրանեաց վերարկուք չէին կրնար խափանել իրենց ներքեւէն հագած խոշոր և խայթող զգեստը, և ոչ այլ շնորհագեղ Թափանցիկ Ժպիտն՝ հողոյն զըւարթութեան ճառագայթը. աս էր զինքը աւելի պատկառելի ընծայողը՝ քան իր ծաղկած հասակն և ծանրագին Թագն: Ոչ դք երբէք լսեց այն չթուանքներէն աւելորդ խօսք կամ կատակ մը, և ոչ ձայնով ծիծաղ մը փրթաւ բերնէն. ծանրիկ լըջութիւնն՝ բնական ձև և գոյն կ'երևէին իր կերպարանացը:

## Ժ

Բաներուս բարեբաղդաբար վկայ ունիմք, Հայկակ, Ժամանակակից յիշատակագիրներ, բայց դժբաղդաբար՝ այսչափիս միայն. ո՛ր էր Թէ աւելի ըլլային կամ մեզի հասնէին այսպիսի յիշատակք, և այլ աւելի բաներ պատմած ըլլային Զապելի վրայ. գուցէ մեր միջէն այլ ելնէր Մոնթալանպէր մը մանրամասնաբար գրելու Հայոց սրբակենցաղ գշխոյին վարքը, որպէս նա Ունկարացի գշխոյին և Զապելին (Եղիսաբէթի):... Այս

յիշատակե՛ որ քանկարծ բերնէս ելաւ, կու ստի-  
պէ զիս, Հայկակ, խորհրդածութիւն մ'այլ ընե-  
լու և ցուցնելու զարմանալի և վերնախնամ հան-  
դիպակցութիւններ այս երկու թագուհեաց մէջ,  
որ թերեւս դեռ դիտուած չեն և կ'արժեն մատգրու-  
թեան: — Երկուքն այլ համանուանք. երկուքն  
այլ ժամանակակիցք, զչնոյն Կիւլիկիոյ և զչնոյն  
Թուրինկիոյ. ասիկա՝ իբրև տասն տարի յառաջ  
ծնած քան զմերն, 20 տարի այլ անկէ առաջ բո-  
լորեց կեանքը. նա երկու երկվեցեակ տարի ապ-  
րելով, մերս՝ երեք: Երկուքն այլ չորս տարեկան  
էին՝ երբ իրենց վիճակին տիրուհի սահմանուե-  
ցան. երկուքն այլ նոյն մէկ տարուան մէջ (1221-2)  
պսակուեցան. Զապել ընդ Ֆիլիպի, Նղիսաբեթ  
ընդ Լուդվիկ Հերմանայ գաւառատեառն (Լանտ-  
կրավի): Բայց մեծագոյն և հրաշխառն հանդի-  
պուածն այս է, որ աստէն մը՝ քանի մը տարի  
սահմանուած էր՝ որ այս երկու լեռնաբնակ հաւ-  
բալներս իրարու քոյր ըլլային. Թուրինկիա և  
Կիւլիկիա սխրալի կերպով զիրար ողջունեցին: Ն-  
ղիսաբեթ՝ դուստր է այն Անդրէասի և քոյր այն  
Անդրէասի՝ որոց մէկն Զապելի այր, միւսն սկեսր-  
այր պիտի ըլլային. և եթէ անոնք չեղան, եթէ  
Զապել չեղաւ կողակից կրտսեր Անդրէի, և եթէ  
երկու սրբաձեմ աղաւնիքն չեղան թեակիցք մէկ  
թառի, մէկ սեղանի, մէկ խորանի քով, եթէ Ուն-  
կարաց սուրբ օրիորդն երկցութեամբ հասակին  
չգրկեց ու գգուեց զօրիորդն Հայոց, և ոչ սա բազ-  
կիկ բոլորելով անոր նազելի վզէն կախուեցաւ.  
սակայն երկնաւոր բաղդն զուգեց գրեց ըրաւ զա-  
նոնք քոյրակից, գործակից, հոգեկից: Ինչ մաս-  
նաւոր առաքինութիւն և գործ տեսանք Զապելի  
վրայ, զնոյն պատմեն և Նղիսաբեթի վրայ. եր-  
կուքն այլ նոյնպէս սրբասէր, աշխարհատեաց,  
պահեցող, աղօթող, աղքատասէր, հիւանդաւ

պահ: Զապել վանաց և եկեղեցեաց գրանց քով  
կ'աղօթէր, Նղիսաբեթ երբ իր պալատին մատրան  
դուռը գոց գտնելու ըլլար՝ դուրսը ծունկ դրած  
կ'աղօթէր. — Զապել իր մայրաքաղաքին՝ Սսոյ  
մէջ՝ հիւանդանոցը շինեց, որ ուղած ատեն եր-  
թայ դարմանէ ցաւագարները. Նղիսաբեթ իր  
Մարպուրկի ապարանից ստորոտը շինեց հիւան-  
դանոց մը, նոյնպէս խնամք տանելու: Երկուքին  
ամուսինքն այլ տեսնելով իրենց ընկերին բարե-  
պաշտութիւնը՝ թողուցին համարձակ և գործա-  
կից այլ եղան անոնց առաքինի գործոց: — Երկուքն  
այլ գրեթէ նոյն մէկ տարուան միջոց (1225-6) ի-  
րենց երկրաւոր մեծ կորուստն ըրին, Զապել ըզ-  
միլիպ, Նղիսաբեթ զՀերման. սա 20 տարուան  
երեք զտւակօք այրի մնացած՝ իր աներձագին  
գրգռութեամբը՝ իբրև տէրութեան գանձը վաւ-  
նող (առ աղքատս), հալածեցաւ յարքունեաց,  
և իբրև անաշխարհիկ պանդուխտ վարած մնաց  
մեծ չարակրութեամբ և աւելի մեծ ու սրտա-  
ռուչ համբերութեամբ. մինչև հալածողի ան-  
գամ զգաստանալով՝ նորէն դարձուց զփրկինն  
յարքունիս. բայց նա իր զաւտկաց վիճակն ապա-  
հովացընելէն ետև՝ քաշուեցաւ պալատէն դուրս  
առանձին տնակի մը մէջ, և միանձնական զգեստ  
հագնելով (Ս. Փրանկիսկոսի երրորդական կար-  
գին), քիչ ատենէն մեծ ճգնութեամբ և սրբու-  
թեամբ կնքեց կեանքը (19 նոյեմբ. 1231), և քա-  
նի մը տարիէն (1235) դասեցաւ և յեկեղեցւոյ  
'ի կարգս սրբոց: Այս վշտաց և հալածանաց՝ կեր-  
պով մը կրնայ համեմատուիլ նոյն ատեն Զապե-  
լի ցաւը՝ Յիլիպի սպանման վրայ, առանձնանալն  
'ի Սեղէկիս, և բռնի բերուիլն 'ի Սիս յընկերու-  
թիւն Հեթմոյ: Եւ եթէ սա այլ Հերմոնայ պէս  
վաղամեռ ըլլար՝ անտարակոյս է որ Զապել այլ  
Նղիսաբեթի միանձնական կեանքն կ'ընտրէր, ո-

բուն արդէն այնչափ փափագեր էր յառաջ քան զպսակելն ընդ Հեթմոյ: — Նախախնամութիւնն այսչափ սահմանեց երկրի վրայ նմանակցութիւն այս երկու թագուհեաց, որոց անշուշտ աւելի մեծ է նմանութիւնն յերկինս. ուր՝ թէպէտ քանի մը տարի ուշ և աւելի ապրելով, բայց դեռ շուտ և անկատար կենօք՝ Թուա և Զապել առ զուգակից անուանն, բաղդին և հոգւոյն. թող լով անմխիթար յերկրի իր երկրաւոր զուգակից և թագակիցը, անկէց ունեցած զաւակները, (որոնց ոմանք դեռ հազիւ իրենց մօր կաթը և սիրոյն մեղրը ճաշակեր էին) և բոլոր զինքը պատուող և պաշտող աշխարհը:

## ԺԱ

Արդեօք դիպուածական ցաւ մը, թէ իր փափուկ սրտին հին հարուածէն բուսած վէրքն, թէ մանաւանդ սաստիկ փափագն առ լաւագոյն երանաւէտ կեանս, իր արդէն գեղեցիկ կեանքը փութացուցին 'ի գեղեցկագոյն վախճան, առ 'ի փոխել յամենագեղեցիկ կենդանութիւն: — Ո՛հ. քանի՜ քաղցր և անոյշ էր այն հոգւոյ հրաւերքն՝ որ եկաւ իրեն ('ի 22 յանուարի 1252ի). — ձայն ցանկալի երկնաւոր և անմահ փեսային, որուն հարսնացեալ է ամենայն մաքուր և մաքրասէր հոգի. — վասն զի ինչո՞ւ է հոգին՝ եթէ ոչ առ միանալ իր ստեղծողին հետ. — ձայն Քրիստոսի Աստուծոյ, զոր ոչ միայն հոգւոյն անշունչ անյօդ ազանջովն իմացաւ Զապել, այլ և զգալի կերպով մը լսելով՝ անպատմելի ուրախութեամբ իմացուց իրեն քովն եպոսկ և իբրեւ հիւանդի նայողներուն, թէ ահա լսեմ ձայն՝ որ կանչէ զիս. ե՛՛ն աղանձի իմ, է՛՛ խաբարեալ իմ, է՛՛ սիրելի իմ. և այս

խօսքս իբրև վերջին բարով ծնաք ըսելով մերձակայիցն, հոգին՝ հոգւոյն փափագողաց հետ խառնուեցաւ, [Թողլով յերկրի քմծիծաղ ու պայծառ՝ այլ անշարժ մարմին մը, 'ի սուգ և 'ի սէր հասարակաց : ...

« Իսկ Թագուհին զկեանս աւանդեալ  
Ու 'ի կէտ կոչմանն ժամանեալ .  
Ձայն 'ի յերկնից ըզնա կոչեալ,  
Ձոր իւր ունկամբն յայտնի լըւեալ,  
Ե՛կ աղաւնի՛ իմ, ասացեալ,  
Ե՛կ սիրելի իմ՝ կատարեալ :  
Իսկ նա յորժամ զայս ձայն լըւեալ  
Ձրւար [Թագին սրտիւ բերկրեալ,  
Տեսլեամբ կերպին զըւարճացեալ  
Եւ 'ի հոգին իւր ցընծացեալ,  
Մերձակայիցն զայս աղջեալ,  
Եւ ընդ պատմէն՝ իսկոյն փոխեալ .  
Ձհոգին 'ի ձեռս Տեառն աւանդեալ,  
Ձխեցին ունայն՝ յերկրի [Թողեալ :  
Ձոր քահանայքն ակումբ յուեալ  
Ձնա օրհնու [Թեան հողոյ տըւեալ :  
Արդ Թագուհին յերկրէ ելեալ  
Եւ առ Քրիստոս վերափոխեալ » :

Այսպիսւոյ բարւոյ և բարերարի, սրբակեաց և սիրելւոյ Թագուհւոյ, հարսին և մօր մահ՝ ո՞ր չափ ցաւալի և սգալի եղած է կենակցին, զաւակացն, մերձաւորաց, պաշտօնէից և բոլոր աշխարհին, ազատաց և ռամկաց, աղքատաց և հիւանդաց, կրօնաւորաց և զինաւորաց, քեզի գիւրագոյն է հասկանալ, ինծի աւելորդ ըսելն, Հայկակ . աւելորդ սեպեմ և խառնել զքեզ անոր երկարաշար յուշարկաւորաց մէջ, յոր կրնամք եւ կած սեպել զբովանդակ Ախլիկիա և զմասն Ախլոսի և Անտիոքայ, եկեղեցական, քաղաքական



և զինուորական խմբերով. որոց մէջ չեմ այլ կըրնար գոնէ պազած պատկառանք մասնանիչ չընել՝ երկու ղանազան ձևով բարձրապատիւ ալևոր գլուխներ, երկու նահապետքն Հայոց, երկու անուանակիցքն, Աոստանդին կաթուղիկոս և Աոստանդին արքահայր, խնամակալք և դաստիարակք Թագուհւոյն և հայրաբար սիրողք. որք իբրև երկու մեծամեծ մայրիք մորկաշարժ անտառի մը՝ իրենց դիմաց իրենցմէ շատ գալար և ծաղկաբողբոջ միջաբեկեալ ծառին վրայ ծռած՝ դողդոջուն ճիւղերով կ'ոլորին կ'երերան: Բայց դարձնենք աչուընիս իրեն գիլ ու գալար բարակ բարունակներէն, որոց անդրանիկն (Լևոն) գեռահազիւ 16 տարեկան է. դարձնենք մանաւանդ այն փափուկ անկոյն նեցուկ ու նշդարիկ եղող արքակազնոյ նման պանծալի՝ բայց հիմակ քակեալ մենացեալ և կորացեալ Թագաւորէն... Հեթում՝ այն օրերն մեծ պատրաստութեան մէջ էր, հարկաւորաբար երթալու առ Մանգու խաքանն Թաթարաց՝ յաշխարհ հեռի: Զապելի յանկարծ յանդարձ աշխարհ երթալն՝ այնքան խոր և արժանաւոր սգով պատեց զայրիացեալ Թագաւորն, որ երկու տարի չկարցաւ հեռանալ սևուսենեկէն, ապա Թէ գնաց:

Հեթում՝ ոչ կենակից և Թագակից միայն էր Զապելի, այլ և անարգել գործակից անոր սըրտին բարի բերմանց. և եթէ իր արքունի անհրաժեշտ պարտքն և 'ի մօրէ որբացեալ զաւակներուն հոգն՝ չպատուիրէր, Թերևս աւելի շուտով Թողուր ինքն այլ Թագը, և առանձնակեաց հոգեկեաց մ'ըլլար. ինչպէս որ ըրաւ այլ վերջը, յետ տեղաւորելու իր դստերը՝ և Թագը Թողուր (յամին 1269) առ անդրանիկն Լևոն: Եւ սա իր ցանկալի և ցաւալի մօրն անմուաց յիշատակը կերպով մը կենդանացնելու համար՝ իր իրեք ե.

րեց դատերէն անուանեց Զապլուն, Զապել, Սի-  
պիլ :

Զապել Թագուհւոյ մահացու նշխարքը տնմա-  
հուլթեան մաղթանօք և անսուտ յուսովն պատե-  
լով ու կնքելով՝ հանգուցին 'ի տապանատուն  
Ռուբինեան պայազատաց, 'ի վանքն Դրազարկ,  
ուր նախ հանգչեր էր տեղւոյն շինողն Թորոս Ա,  
Թոռն Ա և մեծ Ռուբինի. և իրմէ ետքն իրեն ցե-  
ղէն շատ պարոնայք և պարունուհիք. և ուր յեա  
19 տարւոյ (1270) հանգուցին Թագուհւոյն քով  
իր Թագակից և կողակիցն այլ, Թէ իրրև արքայ  
Հեթում և Թէ իբրև Նղբայր-Մակար. որ և Զա-  
պելի պէս բաղդ ունեցաւ օտար սուրբ Թագաւո-  
րի մը հանգիպակից ըլլալու :

Իրենց երախտագէտ և սիրանուէր որդիքն և  
պայազատք՝ արքունի սրբապատում Յայսմաւու-  
րաց մէջ նշանակեցին Հեթմոյ հանգստեան օրը  
(28 հոկտեմբերի), և այս օրս (22 յանուարի)  
Զապելի պաշտելի յիշատակը. զոր 'ի կեանս և 'ի  
մահուն՝ ճանաչողք և մերձագայք՝ սուրբ<sup>1</sup> անուա-  
նէին. ինչպէս որ Հեթմեանց<sup>2</sup> յիշատակն այլ՝ ոչ  
միայն մեր այլ և լատին միանձանց՝ հին ժամա-  
գրոց ոմանց մէջ անցած է երանելեաց կոչմամբ :  
Նրանի՛ էր ազգիս այլ, եթէ՛ ինչպէս շատ արժա-  
նաւորաց յիշատակն անմահացուցեր է, զոմանցն  
այլ նորէն արթնցընէր : Իսկ քեզ, Հայկակ, ան-  
շուշտ ախորժելի կ'ըլլայ, քու ընտանեաց և մեր-

1 Այսպէս գովութեամբ անուանէ զնա և ժամանակա-  
կից ու բարեկամ Հեթմոյ՝ Ասորի պատմիչն Ապուլֆարաճ :

2 Թէ Հեթում Ա, Թէ իր Թոռն Հեթում Բ, և Թէ  
իր եղբօր որդին Հեթում Պատմիչ տէր Կոստիկոսոյ, ի-  
րեքն այլ կրօնաւորած են 'ի վանս Լատինաց՝ 'ի Հայս, 'ի  
Կիպրոս և 'ի Փրանկաստան. որոց վարքն քիչ մը կու ջը-  
փթեն իրարու հետ արեւմտեայ պատմիչք :

ձաւորաց միջի մատղաշ Զապելաց ծանօթացը նեւ՝ իբրեւ իրենց նախընթաց օրինակ համեստութեան և իմաստութեան ու պաշտպան մեր ազգին վերջի պայազտտութեան մէջ ամենէն անուանի, պատուելի, սիրելի և սրբենի եղած Թագուհին <sup>1</sup> ԶԱՊԵԼ:

1 Յետ Զապելի՝ նու նորա տաւջին Թագուհին Հայոց՝ Կին Գ Լեոնի՝ Կիւսան՝ որ է Կիւ Աննա (Քիրիա-Աննա) գուտար Լամբրոնի տիրոջն, իր սկեսրին բարեպաշտութեան ճամբան բռնեց, և աւելի բազմաթիւ զաւակաց մայր ըլլալէն ետեւ՝ կրօնաւորեալ մեռաւ (28 յուլիսի 1285), մեծ համբաւով սրբական վարուց. սա կոչուէր և Թեոանի, այսինքն Թեոֆանիա: — Նշանակեալ գովութեամբ յիշատակուին իր քոյրն Մարէան (3 դեկտ.) — իր երեք վերոյիշեալ Զապիլանուն դստերքն. իր տաւն Ֆէփ. — Դ կոտտանդին Թագաւորի մայրն Մարէան տիկինն (27 յուլիս). — և վերջին Թագուհին Հայոց Մարէան, Կին 2 Լեոնի, և իր դուստրն Փէնա. — նախ յիշուած Բ Զապիլ՝ Կինն Օլին Թագաւորի (3 մայիս):

# ԳԵՐԵԴԱՐՁ Գ ԼԵՒՈՒՒ

6 փետրուար — 1289\*.

Վառենք երեկոյեան խարոյկը. բալորինք հայ-  
րենի կրակարանին եղերքը, 'ի Կիւլիկիա, յար-  
քունիս Թագաւորին Հեթմոյ: Հեթում (այս ա-  
նունը կրողաց մէջ ամենէն անուանի և սիրելի  
անձն) Հեթում Ա, յաջորդ մեծին Լեւոնի, ինք-  
նին հրաւեր կու տայ, և քան զուրիշ տարիներ  
աւելի արտորանօք, իր հաւատարիմ հպատա-  
կացն և պարոնայցն. գալու ժողովելու բազմու-  
թեամբ, և Աստուածայայտնութեան մեծ տօնը  
կատարելու: Կու գիութան իշխանք և պարոնայք՝  
ապահովցրնել իրենց ամուր բերդերը և իջնել  
լեռներէն, ելլել պարսպապատ քաղաքներէն և  
ժողովիլ 'ի Մսիս:... Եւ ինչո՞ւ ոչ 'ի Սիս, յա-  
թուն Թագաւորաց: — Մի հարցրնէք: — Պարո-  
նայքն գալու և սնցնելու ատեն՝ կու նային մէկ  
մը այն մայրաքաղաքին կողմը, և դեռ եգիպտա-  
կան սև ծխոյն նշանը տեսնելով, գլուխնին շարժե-

\* Այս թուականս է մահուան Լեւոնի. գերութիւնն է-  
րարտեսի 1266 տարւոյ, գերեզարձն 'ի 1268:

լով՝ երեսներն խաչակիքելով կու փոխեն ճամբանին. թէ և շատ դժար կու գայ իրենց յառաջելն, վախնալով թագաւորին տիրամած գէմքը տեսնել. սակայն մէկ մ'այլ իրենց հրաւէրքի թողթերուն վրայ նայելով, և տեսնելով անոնց արքունի կարմիրկապ կնիքը՝ սիրտ կ'առնուն, և կու մտնեն՝ ի Մսիս. որոշեալ օրը՝ նախ քան զտօնն կու ներկայանան միաբան, բարեւել և շնորհաւորել թագաւորին զնոր տարին և զաւագ տօները:

Սիրով և պատուով կ'ընդունի զնոսա թագաւորն. և փոխարէն ողջոյններ տալով՝ կու հրամմէ որ նստին. և նախ ինքն կու բազմի ծանրութեմ իր գահը: Ո՛հ. որչափ այլափոխուեր է թագաւորին գէմքն քան զանցեալ տարին: Տարի մը միայն կըրնար այդքան աւելցընել հազիւ վաթսնամեայ գըլխոյն ալիքը, որ ոսկի պսակին տակէն կախուած՝ իր սպիտակ արքունի բեհեզեայ քղամդին կու խառնուին. և երկընցած գէմքն այլ այն գլխուն գեղին թագին կու նմանցընեն: Ո՛րչափ տարբեր էր այդ գէմքն այն Հեթում թագաւորի ոսկեհատիկ վառվռուն կերպարանքէն, երբ այդպիսի հանգիսական օր մը բարձր գահուն վրայ ելած ատեն, Կիւլիկիոյ ամենէն աղնիւ ծնունդն՝ տիկնաց տիկինն Ջապել, դուստրն մեծին Լեոնի, անոր աջ կողմը կու բազմէր, այն իր կենակից և թագակից դշխոյն. գահուն բոլորը բռնէին իր հինգ վեհակերպ մեծապատիւ եղբարքն, Սմբատ գունդըստապըն՝ հին Հայկազանց և Վարդանանց նախանձորգ՝ սպարապետն Հայոց, Լեոն՝ մեծ մարաջախտըն, Լիկոս՝ գայլանուն կտրիճն, Բարսեղ՝ վաթսնամիայլ արքեպիսկոպոսն և առաջնորդ Դրազարկու, և Յովհաննէս՝ երիտասարդ արքեպիսկոպոսն Մամեստիոյ և առաջնորդ Արքակաղնոյ. գահուն ստորոտը Սողոմոնի սուտ առիւծներուն տեղ՝ երկու եռանդուն կրակոտ կորիւնք կենային՝ Լեոն և

Թորոս Թադաւորորդիք. և իբրեւ ամենուն հովանի՝ Թադաւորին ձախ կողմը նստէր փառօք իր ջոջգլուխ արքայահայրն՝ Մոզոնն Կոստանդին, արքահամեան ծերունին<sup>1</sup>։

Այդ յիշեալ մեծափայլ և մեծազօր արքունական սիւներն՝ այսօր խորտակած կ'երևին Ժամանակի օրէնքէն. միայն ամենէն կրտսեր արքայ-եղբայրն Յովհաննէս արքեպիսկոպոս՝ մեկգին բազմէր, մեկալ գին այլ ամենէն մեծն՝ ծերունազարդ սպարապետն Սմբատ, ոսկէկոթ թրին վրայ կրութընած, երբեմն երբեմն թաւ թաւ յուններուն տակէն երկու խոր կայծակներ պտըացընելով։ Թադաւորին գլուխն այլ ծանրացեալ կ'երևի գրեթէ կէս դար կրած թագէն. 43 երկայն և բազմափորձ տարիներ պէսպէս գոհար քարերու պէս շարուած էին անոր վրան. որչափ զանազան տեղուանք, որչափ զանազան անձանց մէջ կանգներ էր Հեթում այն գլուխը. որքան երկայն և տարեւոր ճամբաներ ընելով՝ Կիւիկիոյ դռներէն մինչև Թաթարստանի խորագոյն անապատները՝ ազգին և տանը համար քրտնելով, կ'իմանայր հիմա պսակին ծանրութիւնը։ Եւ թերեւս անկէ ետև փափագելի էր իրեն հանգչեցընել այն յօգնած գլուխը, ըլլար նաև սև քարի մը վրայ։... Բայց սրտին վրայ այլ կայ ծանրութիւն մը, և շատ մեծ ծանրութիւն. ինչուան որ զայն չթեթեւցընէ, իրեն համար մահն անդամ անհանգիստ է։...

Ասոնք մեր մտածութիւններն չեն. այլ այն բազմախումբ պարոններուն՝ որք բազմեր են թադաւորին դիմաց։ Իսկ Հեթում իբրեւ թեթև քնէ մը թօթուելով գլուխը, և ծածուկ կրակով մը վառելով աչուրները՝ կու դարձընէ հոն եղող իշխանաց վրայ, և յետոյ կու հրամէ սենեկապան

<sup>1</sup> Այսպէս կ'անուանէ զնա իր որդին Յովհաննէս։

սպասաւորաց՝ որ պակասներն այլ կանչեն և նշա-  
տեցընեն. իսկ սպասաւորք կարգէն պակաս չգրտ-  
նելով՝ կ'իմացընեն որ ամենքն. այլ հոն են: Թա-  
գաւորն նորէն աչք դարձընելով՝ կու տեսնէ, թէ  
ոչ շատ, այլ մեծ պակաս. կու հրամմէ կու ստի-  
պէ որ զանոնք այլ կանչեն: Սպասաւորք շփոթած  
կու նային կու համրեն, պակաս չեն գտներ, և  
վախով մօտենալով կ'ըսեն, Սուրբ Թագաւոր, ամենքն հոս են: Թագաւորն նեղանայ. սպասաւորք  
իրար կ'անցնին, իշխանաց կու դառնան. ասոնք  
այլ կ'ապահովցնեն զԹագաւորը, թէ Սուրբ Թա-  
գաւոր, ամենքն այլ որոց հրաւէրք և պատուէր  
խաւրեցիք, հոս են, պակաս չկայ պարոններէս:  
Այն ատեն Թագաւորն անդամ մ'այլ սրափայլ  
աչքերը չորս դին դարձընելով, և բարկացեալ՝  
այլ մարմրած և հեծկլտած ձայնով կանչէ. Եթէ  
ամենքն հոս են, ո՛ր են հապա պարոնաց պա-  
րոնքն, Լևոն և Թորոս....:

Լևոն և Թորոս. երկու կրակէ նետերու պէս  
Թռան այս անուանքս Թագաւոր հօր մը բերնէն,  
և չմնաց ողջ սիրտ մը. իշխան, պարոն, եպիսկո-  
պոս, ձիաւոր, սպասաւոր, ամենքն վիրաւորի  
հառաչանք մը փրցնելով կու սկսին լալ վայել,  
երկինք երկիր. նայիլ. բոլոր արքունական ատեանն  
նոր մեռած սնդրանիկ զաւկի մը սգասենեակ դար-  
ձաւ. Թագաւորն ծածկեց հայրական գէմքն իր  
սպիտակ բեհեզին տակ. և մէկն չէր համարձա-  
կեր մօտենալ. բան մը ըսել, մխիթարանք մը տալ.  
պարոնաց գլուխն 'ի գետին կորացեալ, վարդա-  
պետաց և եպիսկոպոսաց շրթունքն գողով համ-  
րացեալ, կ'ուզէին որ եղածն երազ ելլար. և թէ  
չէր կարելի անկէ հեռանալու՝ գոնէ անզգայ ըլ-  
լալու: — Բայց ո՞վ կրնայ անզգայ ըլլալ, երբ ձիա-  
ւորաց պարծանքն՝ զուարթունն Թորոս՝ գեռ իր  
չորեքամսեայ գերեզմանին մէջ սև սև վէրքերուն

նշաններով ահեղ գիւցազին նման պառկած կ'երևեր գիմացինին... և երբ լուսադէմ թագաժառանգն Լևոն՝ բարրարոս Պիպարս սուլտանին սև բերդին մէջ շղթայակապ տանջուէր : Անվախ Սմբատն անգամ, հօրեղբայր սիրուն և կտրիճ կորեանցն, ձեռքը թրին, թևն 'ի գահ թագաւորին կռթնած՝ արտասուլաթափ աչքերը վերուցած ատեն՝ կարծուէր թէ մէկէն պիտի ցատքէ և արքունի նիզակներէն մէկը կորզած՝ վազէ երթայ Մարայ սուլթանին գահը կոխէ, և իր եղբօրորդին՝ պարոն Լևոնը, յափշտակէ բերէ հօրը գիրկը . իսկ երբ գլուխը թօթուելով նորէն դէպ 'ի կուրծքը կ'իջեցնէր, կարծուէր թէ աշխարհք անցեր է Հայոց տանն համար . և ամենքն այլ գլխակոր մը նային :... Թանձր սուգ մը պատեր էր Հեթմոյ արքունիքը . արևելքէ և արևմուտքէ, Թաթար զանէն և սրբազան Պապէն եկած մխիթարու թեան գրերն անգամ՝ չէին փարատած զայն :...

Ինչպէս եկաւ այն սև սուգն, ինչպէս եղաւ այս չար դիպուածն : — Գիտես Հայկակ, որ Կիւլիկիա թէ և ամուր երկիր, բայց այլազգի տէրութիւններու դրացի էր, որք կ'ուզէին յափշտակել այն պատուական աշխարհը : Թագաւորը Հայոց երբեմն բարեկամութեամբ, երբեմն զէնքով կուզգուշանային անոնցմէ . որոց զօրաւորագոյնն՝ Իկոնիոյ սուլթանն, շատ հեղ Լևոնի և Հեթմոյ հեա կուտեր էր, երբեմն մէկն երբեմն մեկայլն յաղթելով . բոլորովին ապահովութեան համար՝ Հեթում նախ իր եղբայրը՝ Սմբատը՝ զրկեց առ զանն Թաթարաց, յետոյ ինքնին գնաց առ Ապաղաղան, և երեք չորս տարի ուշացաւ յօտարութեան . մեծազօր և ահարկու Հէլակիւ զանէն ստիպուեցաւ նիզակակից ըլլալ անոր, Արաբացուց և թուրքաց դէմ շատ պատերազմներ ընել, և Բաղդատ առնուլ, ու բոլոր Պարսից, Միջագե-



տաց, Ասորեստանի, Հայոց և Ասորուոյ իշխանները նուաճել. որով իր սահմաններն այլ ազատ և հանգիստ մնացին շատ տարի. ուրիշ զօրաւոր թշնամի չկար, բայց միայն Մարայ սուլթանն, որ հեռուէն կու սպառնար. իսկ Հեթում մէկ կողմէն երկիրը պարիսպներով և բերդով ամրացուցեր, մէկայլ կողմէն Թաթարաց օգնութեան վրայ վստահացեր էր, և այլ աւելի իր խորագէտ հօրը խրատուց և եղբօրը քաջակուի բազկին վրայ: Բազդատ առնելու ատեն Նգիպտոսի սուլթանին կողմանէ այլ մարդ կար հոն, օգնական խալիֆային. ասոնցմէ երկուքն կրցան փախչիլ. մէկն էր Ֆուհուսթար<sup>1</sup> Պիլպարս, չափաւոր տարիքը առած, մէկ այլն երիտասարդ մը Սօնգօր էլ-Աշքար (չէկ կամ կարմիր բազայ) անուամբ, որ իրեն պէս կարիճ վազուակ ձի մը ունէր. և տեսնելով ընկերին թէ հասակը թէ գէշ ձին՝ վախցաւ թէ գերի ընկնի սպաննուի. ստիպեց որ իր ձիուն վրայ հեծնի և փախչի: Թէ որ ես գերի ընկնիմ, կ'ըսէր, տղայութեանս խնայելով՝ զիս չեն սպաննէր. քու պարտքդ ըլլայ ազատել զիս: Եւ նման այնպէս եղաւ. կարմիր բազայն բռնուեցաւ, Պիլպարս պրծաւ և հասաւ յՆգիպտոս. յորդորեց անոր զորդուղ սուլթանը՝ Թաթարաց գէմ պատուով բռնալու. և պատերազմին մէջ այլ շատ քաջութիւն ըրաւ, անոր համար վարձք ուզեց Հալէպի կուսակալութիւնը. և երբ սուլթանն չառաւ, Պիլպարս համախոհութեամբ քանի մը իշ-

<sup>1</sup> Մեր պատմիչք անուանեն զսա Պանդուխտար կամ Փնդուխտար. որ բնիկ անուն չէ, այլ մականուն է, առած իր տիրոջմէն. և տէրն այլ իր եղած արքունեաց մէջ պաշտօն ունէր իշխանին գնտակ տալու խաղի ատեն. այս պաշտօնէին կ'ըսէին Ֆուհուսթար: Թերեւոյս անուան համար Լեւոնի գերութեան երգիչն, որ վերջը պիտի յիշենք, գնտակի խաղալը յիշէ:

Խօսքս իբրև վերջին բնորով ծնաք ըսելով մերձակայիցն, հոգին՝ հոգւոյն փափագողաց հետ խառնուեցաւ, Թողլով յերկրի քմծիծաղ ու պայծառ՝ այլ անշարժ մարմին մը, 'ի սուգ և 'ի սէր հասարակաց։...

« Իսկ Թագուհին զկեանս աւանդեալ  
Ու 'ի կէտ կոչմանն ժամանեալ.  
Ձայն 'ի յերկնից ըզնա կոչեալ,  
Ձոր իւր ունկամբն յայտնի լուեալ,  
Ե՛կ աղաւնի՛ իմ, ասացեալ,  
Ե՛կ սիրելի իմ կատարեալ:  
Իսկ նա յորժամ զայս ձայն լուեալ  
ՁրւարԹագին սրտիւ բերկրեալ,  
Տեսեամբ կերպին զըւարճացեալ  
Եւ 'ի հոգին իւր ցընծայեալ,  
Մերձակայիցն զայս ազգեալ,  
Եւ ընդ պատմեն՝ իսկոյն փոխեալ.  
Ձհոգին 'ի ձեռս Տեառն աւանդեալ,  
Ձխեցին ունայն՝ յերկրի Թողեալ:  
Ձոր քահանայքն ակումբ առեալ  
Ձնա օրհնութեան հողոյ տըւեալ:  
Արդ Թագուհին յերկրէ ելեալ  
Եւ առ Քրիստոս վերափոխեալ »:

Այսպիսոյ բարւոյ և բարերարի, սրբակեաց և սիրելւոյ Թագուհւոյ, հարսին և մօր մահ՝ ո՞ր չափ ցաւալի և սգալի եղած է կենակցին, զաւակացն, մերձաւորաց, պաշտօնէից և բոլոր աշխարհին, ազատաց և ռամկաց, աղքատաց և հիւանդաց, կրօնաւորաց և զինաւորաց, քեզի դիւրագոյն է հասկանալ, ինծի աւելորդ ըսելն, Հայկակ. աւելորդ սեպեմ և խառնել զքեզ անոր երկարաշար յուղարկաւորաց մէջ, յոր կրնամբ եկած սեպել զբովանդակ Աիւլիկիա և զմասն Աիւրոսի և Անտիոքայ, եկեղեցական, քաղաքական

և զինուորական խմբերով. որոց մէջ չեմ այլ կըրնար գոնէ պաղած պատկառանք մասնանիչ չընել՝ երկու զանազան ձևով բարձրապատիւ ալիքոր գլուխներ, երկու նահապետքն Հայոց, երկու անուանակիցքն, Կոստանդին կաթուղիկոս և Կոստանդին արքահայր, խնամակալք և դաստիարակք Թագուհւոյն և հայրաբար սիրողք. որք իբրև երկու մեծամեծ մայրիք մորկաշարժ անտառի մը՝ իրենց դիմաց իրենցմէ շատ դալար և ծաղկաբողբոջ միջաբեկեալ ծառին վրայ ծռած՝ դողդոջուն ճիւղերով կ'օլորին կ'երերան։ Բայց դարձնենք աչոււնիս իրեն գիւ ու գալար բարակ բարունակներէն, որոց անդրանիկն (Լևոն) դեռ հազիւ 16 տարեկան է. դարձնենք մանաւանդ այն փափուկ անկոյն նեցուկ ու նշդարիկ եղող արքակայնոյ նման պանծալի՝ բայց հիմակ քակեալ մենացեալ և կորացեալ Թագաւորէն... Հեթում՝ այն օրերն մեծ պատրաստութեան մէջ էր, հարկաւորաբար երթալու առ Մանգու խաքանն Թաթարաց՝ յաշխարհ հեռի։ Զապելի յանկարծ յանդարձ աշխարհ երթալն՝ այնքան խոր և արժանաւոր սգով պատեց զայրիացեալ Թագաւորն, որ երկու տարի չկարցաւ հեռանալ սևուսենեկէն, ապա թէ գնաց։

Հեթում՝ ոչ կենակից և Թագակից միայն էր Զապելի, այլ և անարգել գործակից անոր սըրտին բարի բերմանց. և եթէ իր արքունի անհրաժեշտ պարտքն և 'ի մօրէ որբացեալ զաւակներուն հոգն՝ չպատուիրէր, Թերևս աւելի շուտով Թողուր ինքն այլ Թագը, և առանձնակեաց հոգեկեաց մ'ըլլար. ինչպէս որ ըրաւ այլ վերջը, յետ տեղաւորելու իր դստերբը՝ և Թագը Թողու (յամին 1269) առ անդրանիկն Լևոն։ Եւ սա իր ցանկալի և ցաւալի մօրն անմոռաց յիշատակը կերպով մը կենդանացնելու համար՝ իր իրեք ե-

րեց դստերն անուանեց Զապլուն, Զապել, Սիպիլ :

Զապել Թագուհւոյ մահացու նշխարքը տնմահուութեան մաղթանօք և անսուտ յուսովն պատելով ու կնքելով՝ հանգուցին 'ի տապանատուն Ռուբինեան պայազատաց, 'ի վանքն Դրազարկ, ուր նախ հանգչեր էր տեղւոյն շինողն Թորոս Ա, Թոռն Ա և մեծ Ռուբինի. և իրմէ ետքն իրեն ցեղէն շատ պարոնայք և պարունուհիք. և ուր յետ 19 տարւոյ (1270) հանգուցին Թագուհւոյն քով իր Թագակից և կողակիցն այլ, Թէ իրրև արքայ Հեթում և Թէ իրրև Եղբայր-Մակար. որ և Զապելի պէս բաղդ ունեցաւ օտար սուրբ Թագաւորի մը հանգիպակից ըլլալու :

Իրենց երախտագէտ և սիրանուէր որդիքն և պայազատք՝ արքունի սրբապատում Յայսմաւուրաց մէջ նշանակեցին Հեթմոյ հանգստեան օրը (28 հոկտեմբերի), և այս օրս (22 յանուարի) Զապելի պաշտելի յիշատակը. զոր 'ի կեանս և 'ի մահուն՝ ճանաչողք և մերձագայք՝ սուրբ<sup>1</sup> անուանեին. ինչպէս որ Հեթմանց<sup>2</sup> յիշատակն այլ՝ ոչ միայն մեր այլ և լատին միանձանց՝ հին ժամագրոց ոմանց մէջ անցած է երանելեաց կոչմամբ : Երանի՛ էր ազգիս այլ, եթէ՛ ինչպէս շատ արժանաւորաց յիշատակն անմահացուցեր է, զոմանցն այլ նորէն արթնցընէր : Իսկ քեզ, Հայկակ, անշուշտ ախորժելի կ'ըլլայ, քու ընտանեաց և մեր-

1 Այսպէս գովութեամբ անուանե զնա և ժամանակակից աւարեկամ Հեթմոյ՝ Ասորի պատմիչն Ապուլֆարաճ :

2 Թէ Հեթում Ա, Թէ իր Թոռն Հեթում Բ, և Թէ իր եղբօր որդին Հեթում Պատմիչ տէր Կոստիկոսոյ, իրենց այլ կրօնաւորած են 'ի վանս Լատինաց՝ 'ի Հայո, 'ի Կիպրոս և 'ի Փրանկաստան. որոց վարքն քիչ մը կու չփոթեն իրարու հետ արեւմտեայ պատմիչք :

ձաւորաց միջի մատղաշ Զապելաց ծանօթացը նեւ՝ իբրեւ իրենց նախընթաց օրինակ համաստու-  
թեան և իմաստութեան ու պաշտպան մեր ազ-  
գին վերջի պայազատութեան մէջ ամենէն անուա-  
նի, պատուելի, սիրելի և սրբենի եղած թագու-  
հին <sup>1</sup> ԶԱՊԵԼ:

1 Յետ Զապելի՝ նու նորա առաջին թագուհին Հայոց՝  
կին Գ Լեոնի՝ Կիւան՝ որ է Կիւ Աննա (Քիրիա-Աննա)  
գաւստը Լամբրոնի տիրոջ, իր սկեսրին բարեպաշտու-  
թեան ճամբան բռնեց, և աւելի բազմաթիւ զաւակաց  
մայր ըլլալէ ետեւ՝ կրօնաւորեալ մեռաւ (28 յուլիսի 1285),  
մեծ համբաւով սրբական վարուց. սա կոչուէր և Թեանի,  
այսինքն Թեոֆանիա: — Նշանակեալ գովութեամբ յիշա-  
տակուն՝ իր քոյրն Մարիան (3 դեկտ.) — իր երեք վերո-  
յիշեալ Զապել անուն դստերն. իր տաւն Ֆէֆ. — Դ կոս-  
տանդին թագաւորի մայրն Մարիան տիկինն (27 յուլիս).  
— և վերջին թագուհին Հայոց Մարիան, կին Զ Լեոնի, և  
իր դուստրն Փէնա. — նախ յիշուած Բ Զապել՝ կինն Օշին  
թագաւորի (3 մայիս):

## ԳԵՐԵԴԱՐՁ Գ ԼԵՒՈՒՆԻ

6 փետրուար — 1289\*.

Վաւենք երեկոյեան խարոյկը. բոլորինք հայրենի կրահարանին եզերքը, 'ի Կիւլիկիա, յարքունիս Թագաւորին Հեթմոյ: Հեթում (այս առումն կրողաց մէջ ամենէն անուանի և սիրելի անձն) Հեթում Ա, յաջորդ մեծին Լևոնի, ինքնին հրաւէր կուտայ, և քան զուրիշ տարիներ աւելի արտորանօք, իր հաւատարիմ հպատակացն և պարոնայցն. գալու ժողովելու բազմութեամբ, և Աստուածայայտնութեան մեծ տօնը կատարելու: Կու փութան իշխանք և պարոնայք՝ ապահովցրնել իրենց ամուր բերդերը և իջնել լեռներէն, ելլել պարսպապատ քաղաքներէն և ժողովիլ 'ի Մախ: ... Եւ ինչո՞ւ ոչ 'ի Սիս, յաթուռն Թագաւորաց: — Մի հարցընէք: — Պարոնայքն գալու և սննցնելու ատեն՝ կու նային մէկ մը այն մայրաքաղաքին կողմը, և դեռ եգիպտական սև ծխոյն նշանը տեսնելով, գլուխին շարժե-

\* Այս թուականս ե մահուան Լևոնի. գերութիւնն եղաւ յօգոստոսի 1266 տարւոյ, գերեգարձն 'ի 1268:

լով՝ երեսներն խաչակներով կու փոխեն ճամբանին. (Թէ և շատ դժար կու գայ իրենց յառաջներն, վախնալով Թագաւորին տխրամած գէմբը տեսնել. սակայն մէկ մ'այլ իրենց հրաւէրքի Թուղթերուն վրայ նայելով, և տեսնելով անոնց արքունի կարմիրկապ կնիքը՝ սիրա կ'առնուն, և կու մտնեն՝ ի Մսիս. որոշեալ օրը՝ նախ քան զտօնն կու ներկայանան միաբան, բարեւել և շնորհաւորել Թագաւորին զնոր տարին և զաւագ տօները:

Սիրով և պատուով կ'ընդունի զնոսա Թագաւորն. և փոխարէն ողջոյններ տալով՝ կու հրամմէ որ նստին. և նախ ինքն կու բազմի ծանրութիւն իր գահը: Ո՛հ. որչափ այլափոխուեր է Թագաւորին գէմբն քան զանցեալ տարին: Տարի մը միայն կըրնա՞ր այդքան աւելցրնել հաղիւ վաթսնամեայ գըլխոյն ալիքը, որ ոսկի պսակին տակէն կախուած՝ իր սպիտակ արքունի բեհեգեայ քղամդին կու խառնուին. և երկընցած գէմբն այլ այն գլխուն դեղին Թագին կու նմանցընեն: Ո՛րչափ տարբեր էր այդ գէմբն այն Հեթում Թագաւորի ոսկեհատիկ վառվռուն կերպարանքէն, երբ այդպիսի հանդիսական օր մը բարձր գահուն վրայ ելած առէն, Կիւլիկիոյ ամենէն ազնիւ ծնունդն՝ տիկնաց տիկինն Չապել, դուստրն մեծին Լևոնի, անոր սջ կողմը կու բազմեր, այն իր կենակից և Թագակից դշխոյն. գահուն բոլորը բռնէին իր հինգ վեհակերպ մեծապատիւ եղբարքն, Սմբատ գունդըստասլն՝ հին Հայկազանց և Վարդանանց նախանձորդ՝ սպարապետն Հայոց, Լևոն՝ մեծ մարաջախաւըն, Լիկոս՝ գայլանուն կտրիճն, Բարսեղ՝ վսեմափայլ արքեպիսկոպոսն և առաջնորդ Դրազարկու, և Յովհաննէս՝ երիտասարդ արքեպիսկոպոսն Մամեստիոյ և առաջնորդ Արքակաղնոյ. գահուն ստորոտը Սողոմոնի սուտ առիւծներուն տեղ՝ երկու եռանգուն կրակոտ կորիւնք կենային՝ Լևոն և

Թորոս Թադաւորորդիք. և իբրև ամենուն հովանի՝ Թադաւորին ձախ կողմը նստէր փառօք իր ջոջլուխ արքայահայրն՝ Մոզունն Վոստանդին, արբահամեան ծերունին<sup>1</sup> :

Այդ յիշեալ մեծափայլ և մեծազօր արքունական սիւներն՝ այսօր խորտակած կ'երևին ժամանակի օրէնքէն. միայն ամենէն կրտսեր արքայ-եղբայրն Յովհաննէս արքեպիսկոպոս՝ մէկգին բազմէր, մէկալ գին այլ ամենէն մեծն՝ ծերունազարդ սպարապետն Սմբատ, ռսկէկոթ թրին վրայ կըռթընած, երբեմն երբեմն թաւ թաւ յունելուն տակէն երկու խոր կայծակներ պորայցընելով : Թադաւորին գլուխն այլ ծանրացեալ կ'երևի գրեթէ կէս դար կրած թագէն. 43 երկայն և բազմափորձ տարիներ պէսպէս գոհար քարերու պէս շարուած էին անոր վրան. որչափ զանազան աւղուանք, որչափ զանազան անձանց մէջ կանդներ էր Հեթում այն գլուխը. որքան երկայն և տարևոր ճամբաներ ընելով՝ կիւլիկիոյ դռներէն մինչև Թաթարստանի խորագոյն անապատները՝ սղգին և տանը համար քրտնելով, կ'իմանայր հիմա պսակին ծանրութիւնը : Եւ թերևս անկէ ետև փափագելի էր իրեն հանդէսցընել այն յօգնած գլուխը, ըլլար նաև սև քարի մը վրայ : ... Բայց սրտին վրայ այլ կայ ծանրութիւն մը, և շատ մեծ ծանրութիւն. ինչուան որ զայն չթեթեցընէ, իրեն համար մահն անգամ անհանգիստ է : ...

Ասոնք մեր մտածութիւններն չեն. այլ այն բազմախումբ պարոններուն՝ որք բազմեր են թադաւորին դիմաց : Իսկ Հեթում իբրև թեթև քնէ մը թօթուելով գլուխը, և ծածուկ կրակով մը վառելով աչուրները՝ կու դարձընէ հոն եղող իշխանաց վրայ, և յետոյ կու հրամէ սենեկապան

<sup>1</sup> Այսպէս կ'անուանէ զնա իր որդին Յովհաննէս :



սպասաւորաց՝ որ պակասներն այլ կանչեն և նրստեցընեն. իսկ սպասաւորք կարգէն պակաս չգրտնելով՝ կ'իմացընեն որ ամենքն այլ հոն են: Թագաւորն նորէն աչք դարձընելով՝ կու տեսնէ, թէ ոչ շատ, այլ մեծ պակաս. կու հրամմէ կու ստիպէ որ զանոնք այլ կանչեն: Սպասաւորք շփոթած կու նային կու համրեն, պակաս չեն գտներ, և վախով մօտենալով կ'ըսեն, Սուրբ Թագաւոր, ամենքն հոս են: Թագաւորն նեղանայ. սպասաւորք իրար կ'անցնին, իշխանաց կու դառնան. ասոնք այլ կ'ապահովցնեն զԹագաւորը, թէ Սուրբ Թագաւոր, ամենքն այլ որոյ հրաւերք և պատուէր խաւրեցիք, հոս են, պակաս չկայ պարոններէս: Այն ատեն Թագաւորն անդամ մ'այլ սրափայլ աչքերը չորս դին դարձընելով, և բարկացեալ՝ այլ մարմրած և հեծկլտած ձայնով կանչէ. Եթէ ամենքն հոս են, ո՞ւր են հապա պարոնաց պարոնքն, Լևոն և Թորոս....:

Լևոն և Թորոս. երկու կրակէ նետերու պէս Թռան այս անուանքս Թագաւոր հօր մը բերնէն, և չմնաց ողջ սիրտ մը. իշխան, պարոն, եպիսկոպոս, ձիաւոր, սպասաւոր, ամենքն վիրաւորի հառաչանք մը փրցնելով կու սկսին լալ վայել, երկինք երկիր. նայել. բոլոր արքունական ատեանն նոր մեռած անդրանիկ զաւկի մը սգասենեակ դարձաւ. Թագաւորն ծածկեց հայրական դէմքն իր սպիտակ բեհեզին տակ. և մէկն չէր համարձակեր մօտենալ, բան մը ըսել, մխիթարանք մը տալ. պարոնաց գլուխն 'ի գետին կորացեալ, վարդապետաց և եպիսկոպոսաց շրթունքն դողով համրացեալ, կ'ուզէին որ եղածն երազ ելլար. և թէ չէր կարելի անկէ հեռանալու՝ գոնէ անզգայ ըլլալու: — Բայց ո՞վ կրնայ անզգայ ըլլալ, երբ ձիաւորաց պարծանքն՝ զուարթունն Թորոս՝ գեռ իր չորեքամսեայ գերեզմանին մէջ սև սև վէրքերուն

նշաններով ահեղ գիւցտղին նման պառկած կ'երևեր գիմաղնին... և երբ լուսադէմ թագաժառանգն Լևոն՝ բարբարոս Պիլպարս սուլտանին սև բերդին մէջ շղթայակապ տանջուէր : Սնվախ Սմբատն անգամ, հօրեղբայր սիրուն և կարիճ կորեանցն, ձեռքը թրին, թւն 'ի դահ թագաւորին կռթնած՝ արտասոււածափ աչքերը վերուցած առեն՝ կարծուէր թէ մէկէն պիտի ցատքէ և արքունի նիզակներէն մէկը կորզած՝ վազէ երթայ Մարայ սուլթանին դահը կոխէ, և իր եղբորորդին՝ պարոն Լևոնը, յափշտակէ բերէ հօրը գիրկը . իսկ երբ դուռը թօթուելով նորէն դէպ 'ի կուրծքը կ'իջեցնէր, կարծուէր թէ աշխարհք անցեր է Հայոց տանն համար . և ամենքն այլ պիտակոր մը նային :... Թանձր սուգ մը պատեր էր Հեթմոյ արքունիքը . արեւելքէ և արեւմուտքէ, Թաթար զանէն և սրբազան Պապէն եկած մխիթարութեան գրերն անգամ՝ չէին փարատած զայն :...

Ինչպէս եկաւ այն սև սուգն, ինչպէս եղաւ այս չար գիպուածն : — Գիտես Հայկակ, որ Ալիլիկիա թէ և ամուր երկիր, բայց այլազգի տէրութիւններու գրացի էր, որք կ'ուզէին յափշտակել այն պատուական աշխարհը : Թագաւորք Հայոց երբեմն բարեկամութեամբ, երբեմն զէնքով կուզգուշանային անոնցմէ . որոց զօրաւորագոյնն՝ Իկոնիոյ սուլթանն, շատ հեղ Լևոնի և Հեթմոյ հետ կուուեր էր, երբեմն մէկն երբեմն մէկայլն յաղթելով . բոլորովին ապահովութեան համար՝ Հեթում նախ իր եղբայրը՝ Սմբատը՝ զրկեց առ զանն Թաթարաց, յետոյ ինքնին գնաց առ Ապաղաղան, և երեք չորս տարի ուշացաւ յօտարութեան . մեծազօր և ահարկու Հէլակիւ զանէն ստիպուեցաւ նիզակակից ըլլալ անոր, Արաբացւոց և Թուրքաց դէմ շատ պատերազմներ ընել, և Բաղդատ առնուլ, ու բոլոր Պարսից, Միջագե-

տաց, Ասորեստանի, Հայոց և Ասորւոց իշխանները նուաձել. որով իր սահմաններն այլ ազատ և հանդիսա մնացին շատ տարի. ուրիշ զօրաւոր թշնամի չկար, բայց միայն Մարայ սուլթանն, որ հեռուէն կու սպառնար. իսկ Հեթում մէկ կողմէն երկիրը պարիսպներով և բերդով ամրացուցեր, մէկայլ կողմէն Թաթարաց օգնութեան վրայ վստահացեր էր, և այլ աւելի իր խորագէտ հօրը խրատուց և եղբօրը քաջակռիւ բազկին վրայ: Բազա առնելու առեն Եգիպտոսի սուլթանին կողմանէ այլ մարդ կար հոն, օգնական խալիֆային. ասոնցմէ երկուքն կրցան փախչել. մէկն էր Ֆունտուքտար<sup>1</sup> Պիլպարս, չափաւոր տարիքը առած, մէկ այլն երիտասարդ մը Սօնգօր էլ-Աշքար (չէկ կամ կարմիր բազայ) անուամբ, որ իրեն պէս կտրիճ վազուկ ձի մը ունէր. և տեսնելով ընկերին թէ հասակը թէ գէշ ձին՝ վախցաւ թէ գերի ընկնի սպաննուի. ստիպեց ու իր ձիուն վրայ հեծնի և փախչի: Թէ որ էս գերի ընկնիմ, կ'ըսէր, տղայութեանս խնայելով՝ զիս չեն սպաններ. քու պարտքդ ըլլայ ազատել զիս: Եւ նման այնպէս եղաւ. կարմիր բազայն բռնուեցաւ, Պիլպարս պրծաւ և հասաւ Եգիպտոս. յորդորեց անոր Քուդդուզ սուլթանը՝ Թաթարաց դէմ պատերազմ բռնալու. և պատերազմին մէջ այլ շատ քաջութիւն ըրաւ, անոր համար վարձք ուզեց Հալէպի կուսակալութիւնը. և երբ սուլթանն չառաւ, Պիլպարս համախոհութեամբ քանի մը իշ-

1 Մեր պատմիչք անուանեն զսա Պանդուխտար կամ Փնդուխտար. որ բնիկ անունն չէ, այլ մականունն է, առած իր տիրոջմէն. և տէրն այլ իր եղած արքունեաց մէջ պաշտօն ունէր իշխանին գնտակ տալու խաղի ատեն. այս պաշտօնէին կ'ըսէին Ֆունտուքտար: Թերեւս այս անուան համար Լեւոնի գերութեան երգիչն, որ վերջը պիտի յիշենք, գնտակի խաղալը յիշէ:

խանայ սպաննեց զնա և տեղը անցաւ ( 1260ին ) : Անկէ ետե գլխաւոր մտածութիւնն էր վրէժ առնուլ 'ի Թաթարաց և անոնց օգնականներէն . յարմար առիթ այլ գտաւ Հէլակիւ և Պերքայի<sup>1</sup> մեծ զաներուն ազգային կռիւները . որոնցմէ յաղթուող և փախչողները կ'ընդունէր իր քով : Անոր համար Հէլակիւ պատուիրեց Հեթմոյ՝ իր նիզակակցին, որ Սգիպտոսի սուլթանին վրայ յարձրկի :

Հեթում խորագիտութեամբ նախ իկոնիոյ սուլթանին հետ գոշնադրութիւն ըրաւ ( 1262 ), յետոյ վազեց Այնթապայ վրայ . բայց Պիյպարս առաջուց իմանալով ըլլալիքը՝ շատ զօրք խաւրեց խափանեց Հեթմոյ խորհուրդը . այն ատեն Հեթում քսնի մը հարիւր մարդ այլ 'ի Թաթարաց առնըլով և 150 ասպետ անախոքացի, մտաւ Ասորւոց երկիրը, բայց ցուրտէն ստիպուեցաւ յետ քաշուիլ . մանաւանդ որ Պիյպարս կուգար իր երկրին սահմանները կոխելու : Անկէ ետե սկսան մեկմեկու դէմ պատրաստուիլ սուլթանն Մսրայ և Թագաւորն Հայոց, և զիրար հնազանդութեան կանչել, Թէ և իրարմէ կու վախելին . բայց երբ Հէլակիւ՝ պաշտպանն Հեթմոյ և քրիստոնէից՝ մեռաւ ( 'ի սկիզբն 1265 տարւոյ ), Պիյպարս սկըսաւ համարձակ յառաջ գալ : Նախ խաչակրաց ձեռքէն առաւ ամուր քաղաքները . վերջը պահանջեց 'ի Հեթմոյ՝ որ Ասորւոց դռները ազատ Թողու իր մարդկանց անցնելու, չարդիլէ իր երկրէն ցորեն բերելու, և նաև իրեն հարկ տայ : Հեթում պատասխան չտուաւ անոր . Թէ և դէմ կենալու չէր համարձակեր, բայց և ոչ այլ դաշնադրութիւն ընել, Թաթարներէն ակնածելով, վասն զի Թշնամիք էին Սգիպտացւոց : Ահա այս .

<sup>1</sup> Երկուքն ալ ձինկիզխանի Թուներէն են :

պիսի գժար դէպքեր կան վարչութեան մէջ, որ փոքր տերութեանց (ինչպէս էր Աիւլիկեցւոց) հնարքը անհնար կ'ընեն: Պիյապարսայ ուզածն այլ այս էր. հրաման տուաւ Համադի Էլ Մանսուր իշխանին և Գալափուն զօրավարին և ուրիշներու, (որոց մէկը Սմէմօթ կ'անուանեն մեր պատմիչք), յարձակիլ 'ի Աիւլիկիա. ուր և մտան օգոստոս ամսոյն սկիզբները 1266ին: Հետեւ առաջուց լեռները բերդերով և պահապաններով ամրացուցեր էր. և Յգիպտացւոց շարժմունքը լսելուն պէս՝ ունեցած զօրքը տուաւ իր երկու կորիճ՝ կորիւններուն, թագաժառանգ Լևոնի՝ որ այն տաւն երեսնամեայ էր, և քաջ ձիաթափ Թորոսի՝ որ աւելի ծաղկահասակ էր, և երկուքն միատեղ քանի մը տարի առաջ (1260) ասպետ կարգեր էր. պատուիրեց անոնց որ ծովեզերքի և լեռանց միջոցը՝ Աղէքսանդրիոյ (Իսքէնտէրունի) քով բռնակապանը պահեն: Իսկ ինքն՝ իրմէ աղէկ դեսպան չգանելով՝ սիրտ 'ի բերան առած փութացաւ պզտի գնդով մը գնաց Թաթարաց զօրապետին, որ Էլպոստանի և Աոկիստնի մէջ տեղ բանակեր էր, և օգնութիւն խնդրեց շուտով. բայց որչափ աղաչեց, մօտակայ վտանգը առաջ գրաւ, որչափ որ իր անգին զաւակացը վրայ կասկածոտ հօր մը սիրտ կրնար խօսիլ և ջանալ, անօգուտ եղաւ. Թաթարն յամառեալ կ'ըրէր թէ առանց հրամանի Էլ-ղանին՝ Ապաղայի՝ չեմ կրնար մարդ տալ: Ուրիշ ճար չկար, պէտք էր սուրհանգակ խաւրել զանին՝ և խաւրեց. բայց սուրհանգակն այլ պէտք էր կամ հայր ըլլալ կամ թռչուն, որ քիչ օրուան մէջ կարենայ կտրել բոլոր Փոքր և Մեծ Հայոց լայնութիւնը, և սրանալ ինչուան Մազանդարանի մօտերը, ուր գրտուէր զանն, հրամանն առնուլ և բերել Թաթար զօրապետին: Արդեօք սպասէ՞ Հետեւ

սուրհանդակին դառնալուն. բայց միթէ անգուծ և ճարտար թշնամին այլ անշարժ կու սպասէ իր տեղը. — արգեօք դառնայ թռչի. յօգնուծիւն զաւկըններուն. — բայց եթէ ինքն անկէ հեռանայ՝ Թաթարներն թերևս տեղերնէն այլ չեն շարժիր օգնուծեան գալու: Այս դժուարութիւնս առջինէն ծանր էր. հարկ էր Հեթմոյ հոն սպասել 15 աւուր չափ: Բայց իր քաշած երկայն համբերութիւնը՝ ո՞վ կրնայ չափել. ո՞վ կրնայ կշռել սրտին ալէկոծութիւնը այնպիսի ատեն, որ յիրաւի բաւական էր Հեթմոյ, թէ և սև այլ ըլլային՝ մազերը ճերմակցընել, և օրուան տեղ՝ տարի մը ծանրացընել հասակին վրայ:

Իսկ Թազուորորդիքն ի՞նչ կ'ընեն: Ամառուան ամենէն տաք օրերուն, որ Կիւլիկիոյ քարուտ կողերէն կրակ կու բղխեն դաշտերուն վրայ, մինչդեռ մերձակայ վանքեր Ս. Աստուածածնի վերտփոխման տօնը հռչակէին լեռնէ լեռ ձորէ ձոր, իրենք հոն կեցեր այրելով մրկելով կու սպասէին հօրերնուն, և թշնամւոյն. և ետքինս աւելի շուտ հասաւ չկարծած կողմերէն: Իրենց կռթնած լեռանց վրայ Հեթում աշտարակներ կանգներ և պահապան դրեր էր զգուշութեան. և ոչ ոք կարծէր թէ մէկն այնպիսի տեղէ անցնելու փորձ փորձէ. բայց Պիպարս իր զօրաց 15-20 օր միայն միջոց կտրեր էր Կիւլիկիա ասպատակելու և կրցածնուն չափ աւերելու. պէտք էր որ ամեն ջանք ընէին. և ահա յանկարծ Իսթանբուլուի լեռներուն գլխէն, սև մրրկի պէս սկսան վար թափիլ Եգիպտոսի հնոցանման տաք օգուն վարժող Քէօլէմէններ, որ լցին վարի գաշտը: Հայք (ինչպէս շատ հեղ այսպիսի ատեն կու հանդիպի) յանկարծութենէն շփոթած իրար անցան. տասն և երկու մեծ իշխան կար մէջերնին, ոմանք զարնուեցան, ոմանք փախան, ոմանք բռնուեցան. հոն էր և ար-

քայեղբայր գունդատապէն Սմբատ և իր կտրիճ զաւկրներն Լևոն և Հեթում. հոն իր մէկ եղբայրն այլ (Լիկոս), որ նոյնպէս իր թագաւոր եղբոր որդւոցը պաշտպանութեան համար պատերազմելով՝ փառօք ընկաւ զէնքն՝ ի ձեռքը. իսկ Սմբատայ այս փառքս չտրուեցաւ այս անգամ, այլ պահուած էր ուրիշ պատերազմի. իսկ հիմա պէտք էր Հայոց բանակին մնացորդը՝ բոլորովին կոտորածէն ապրեցընել: Ի՞նչ ջանք չըրաւ արդեօք այն առիւծ դարձած սոսկալի սպարապետն՝ իր եղբոր կորիւնները ազատելու, որոնք հոն իրմէ փակելի իրենց հօր պատուէրքին, և անկէ այլ աւելի՝ իրենց քաջասրտութեանը ուզեցին լսել: Սմբատ չէր գիտեր՝ մնացեալ զօրաց առաջնորդել, թէ անոնց քովը կենալ. եթէ անոնց յամառ քաջութեանը նայելով քովերնին կենար, անշուշտ Հայոց բանակէն մարդ մը պիտի չազատէր. ապա՝ մէկ մը մնացեալ իշխանորդիները և զօրքը ապահովապէս ետ կու քաշէր, մէկ մ'այլ արքայորդւոց կու վազէր: — Բայց որո՞ւն հասնի. Լևոն՝ Սարուանդի-քար բերդին ոտքը կեցեր, Թորոս իրմէ շատ հեռու կու կռուէր. Լևոն կու ջանայ հօրեղբորն հետ պաշտպանել իրեններուն, Թորոս անդադար առաջ առաջ կու նետուի իր բարձրապինչ բարձրափռինչ ձիովը, կու զարնէ կու կոտրէ զթշնամին: Մենք Իլիոնի դաշտը չեմք տեսած, և ոչ զԵկտոր՝ Տրովայ պարիսպներէն դուրս Աքիլլիսի դէմ պատրաստուած, և ոչ անոր ծերունի հօրն և մօր և կնոջ աղաչանքը լսած, զինքը այն սոսկալի հսկային անյալթելի զէնքերէն յետ կեցընելու. բայց Թորոսի համար կրնա՞ր պակաս ըսել Հայ Հոմեր մը, եթէ Հոմերի կէս հոգին այլ ունենար: Քանի մը հաւատարիմ զինակիրներով միայն մահու շրջանակի մը մէջ ցատքըտելով իր բարձրավիզ ձիովն և սեաւ փսթորկի

պէս չորս դի մըրկելով՝ բոլոր ծաղկեալ երիտա-  
սարդութեան ուժովը, կէս գունդ մը ձեւոյնէր.  
վահանը թողած՝ թուր ու նիզակ էր շարժածը,  
որոնց հարուածէն՝ անտառահար փայտից պէս  
անթիւք փռուեցան բոլորտիքը. ինչուան տասն  
հազար եգիպտացի սպաննեցին, կ'ըսեն, այն օր  
այգպիսի կտրիճ Հայք: Թորոս գեռ աշուրներն  
արիւն դարձած՝ ամեն դի արիւն կու տեսնէր, ա-  
րիւն կու հանէր, տուած և առած վէրքը չիմա-  
նալով. շատերն իրեն յորդոր և ձայն տուին. Հե-  
րիք է, Թագաւորորդի, յետ դարձիր. բայց ոչ մե-  
կունն այլ չլսեց. չլսեց անշուշտ մերձաւոր ընա-  
նեաց գթոյն, և ոչ իսկ հեռաւոր հօր մը ծածուկ  
ձայնին. «Շատ է ազնիւ որդեակ իմ Թորոս, Թո-  
րոս՝ դարձիր այս անգամ, մինչև գայ հայրդ այլ  
» և մէկտեղ վրէժ առնուիք »: Չլսեց այն ձայնե-  
րուն. այլ այն մարդակոտոր սև անտառին մէջ  
մինակ մնացած բարձրաձայն ծառոյ մը պէս՝ գեռ  
ճռնչալով չէր դադրեր իր հարուածներէն, մինչև  
բազմութիւն սուսերաւոր թշնամեաց երթալով  
մօտենային, և շատ անգամ հարցընէին. Սոսկալի  
կտրիճ, ո՞վ ես գու, ի՞նչ կ'ուզես. քու բոլոր բա-  
նակիդ չըրածն՝ դո՛ւն միայն կ'ուզես ընել. ձգէ  
անկուշտ զէնքերդ և եկու ապրէ քաջի պէս մեր  
ձեռքը: Թորոս՝ միայն զանոնք զարնելով պատառ-  
խան կու տար. մինչև քանի մը անգամ անձնա-  
տուր ըլլալու յորդորելէն և օգուտ չըլլալէն ետև՝  
կատղած սուսերաւորքն մօտեցան պատեցին այն  
մէկ հատիկ վարսաւոր ծառը, ձիաւոր նահատա-  
կը, որ գրեթէ անոնց բազմութենէն խղդուելով՝  
և իրմէ առաջ վիրաւորած ձիուն կռնրկէն վայր  
ընկնալով՝ կոտորած նիզակին վրայ երես 'ի վայր  
փռուեցաւ երկայն, յետին անգամ հայրենեաց  
հողը համբուրելու շնչակտուր չըթուիքովը: ...  
Աողոպտողք արիւնլուալ զբահիցն իմացան, բայց



ափսոս, քիչ մ'ուշ, որ Հայոց Թագաւորին որդին է եղեր կարիճն այն. ապա Թէ ոչ գուցէ աստուածորդի այլ կարծուէր դիւցատիպ Թորոսն այն: Ոչ պակաս անկէ քաջութեամբ կուուէր և Լևոն. նոյնպէս կուուեցան և իրենց հօր եղբորորդիքն, Սմբատայ կորիւնքն. որոնց մէկն այլ մեռաւ, մէկայլքն՝ Լևոնի և իր հաւատարիմ ճորտերուն հետ՝ գերի ընկան Թշնամեաց ձեռքը:

Ո՛վ կրնայ պատմել անգուժ Պիյաւարսայ ուրախութիւնը՝ երբ դիմացը հանեցին զանոնք, յետ 20 օր Կիւլիկիոյ մէկ մասը աւրելէն և այրելէն և մայրաքաղաքն այլ կողոպտելէն, Թագաւորաց գերեզմանները քակելէն և գանձերը պարպելէն, (որոց միայն մէկ ամանէն 60,000 կարմիր (ոսկի) հաներ էին), գառնալով անբաւ աւարով, մինչև մէկ եզ մը երկու դրամի կու ծախէին:...

Իսկ Հեթում մինչև ցերբ կ'ուշանայ. մանաւանդ Թէ մինչև ցերբ կու գանդաղին Թաթարք... Ահա կու գառնայ սուրհանգակն յԱպաղա ղանէն՝ բերելով առ զօրավարն Թաթարաց հրաման օգնելու Հայոց: Հեթում Թաթար գունդը առած՝ գացածէն աւելի շուտով կու կարէ օրերով երկայն ճամբան. կու մանէ իր երկիրը... Ընտանի լուծիւն և օտար աղաղակ. սև նշաններ, աւերակաց փոշի, այրածներու ծուխք, ամեն բան իրեն կ'իմացընեն. դեռ կու տեսնէ Եգիպտոսցւոց վերջամնացները՝ որք իրմէ երկու օր առաջ ելեր էին երկրէն, և դեռ կու լսէ անոնց քամահանքը և աշխարհին հառաչանքը. կ'իմանայ, կու զգայ Լևոնի գերութիւնը, Թորոսի մահը:...

Եթէ ամեն բանէ վեր կրօնքի ոյժը չգգար Հեթում, չեմ գիտեր արդեօք ի՞նչ կ'ըլլար կամ ի՞նչ կ'ընէր. բայց այս ուժով միայն սիրտը բռնելով, և այլ ամեն բան Թողլով, գլուխը կու դարձընէ դէպ իր քաջայիշատակ աներոջ շինած վան.

քը, և հոն այն մեծ Թագաւորին (Լւոնի) գերեզմանին վրայ ընկնալով և սուրբ վանականաց հոգէիօս մխիթարանքը լսելով՝ հազիւ կրնայ քիչ մը զսպել զինքը. « Բայց զսիրտն (կ'ըսէ ականա » տես պատմիչն<sup>1</sup>) ինքն և Աստուած միայն գի » տէին Թէ որպիսի կրակով լցեալ էր. զի ոչ տե » սանէր զայնպիսի գեղեցկապատկեր և զծաղկա » լից որդիսն իւր առաջի իւր. ոչ յերեկոյ և ոչ » 'ի վաղիւն, և ոչ 'ի ժամ ճաշոյն՝ յուտել և ըմ » պել. և ընդ միտ ածեալ զանմխիթար աղէտս » գեղեցիկ որդւոցն, զԹորոսի գեղեցիկ պատկերն » և զվայելուչ հասակն՝ որ 'ի սրոյ բաժանեցաւ » յանողորմ և արեանարբու անօրինացն, նոյն » պէս և զԼւոնի ահիւ և անգոհիւ լինելն 'ի մէջ » այլազգեացն 'ի ծառայութիւն. զայս ամենայն » զմտաւ ածեալ բարեպաշտ Թագաւորն Հայոց, » այրէր անհնարին կրակով, և գալարէր ալիքն » յաղաքս սիրոյ որդւոցն որ ոչ տեսանէր՝ և Թա » ւալէր ընդ երկիր անմխիթար սգով, բայց գաղտ » և 'ի ծածուկ » : Ուրիշ ծեր պատմիչ մ'այլ<sup>2</sup>, ծանօթ Հեթմոյ, իր համաշխարհական պատմու » Թիւնը լմանցընելու ատեն՝ լսելով իր երբեմն հիւրընկալ իշխանազանց սև գոյժը, գողգոջուն գրչովը վերջին Թղթոյն վրայ կ'աւելցընէ այս գէպ » քըս այլ. « Գլուխ և խոց անողջանալի կոտորե » լոցն՝ Թորոս արքայորդին, գեղեցիկ ծաղիկ, 'ի » մատաղ հասակի մերձ 'ի փթիթս մօրուաց. վը » կայեալ յամենայն բերանոյ՝ անպակաս 'ի բո » վանդակ բարոյ, և կուսութեամբ շտեմարա » նեալ 'ի ծրարս շնորհացն Աստուծոյ, որ յօժա » րութեամբ ևս դիմեալ 'ի պսակն արեան. քուն » զի հարցեալ զո՞ւն՝ ոչ ետ զանուն հօրն, զի կե » նօքն գերեալ մի լիցի աւելի բռնն հօրն և աշ »

1 Մաղաքիա արեղայ:

2 Վարդան:

» խարհին, ընդ անդրանիկ եղբորն՝ Լևոնի, պսա-  
 » կելոյ և հրաւիրելոյ յաթոռ թաղաւորութեանն  
 » առ կենօք հօրն: Քանզի նա եղև գլուխ գերե-  
 » լոցն մեր, և հօւր աղէկէզ լերդաջարչար և սըր-  
 » տակտուր աշխարհիս մեր և ազգիս, որ կամք  
 » շնչարգել և յերերման: Հասանէ ձեռն վերին՝  
 » որեհարն ցասմամբ, նոյն բժշկէ ողորմութեամբ,  
 » ածելով զմեծաբաց խոցն, առնելով գերեդարձ՝  
 » (Լևոնի) զոր տարան ընդ այլն, հնգետասան  
 » օր յամելով յաշխարհն, և ընլով աղէտիւք. ըզ-  
 » նոսա իրօք, և զմեզ խոցոտիչ համբաւովն » :  
 Եւ կու վերջացնէ պատմութիւնը յիշելով Կոս-  
 տանդին ծեր կաթուղիկոսին սգաւոր մահը, որ  
 գրեթէ 50 տարի նստաւ յաթոռն, և չդիմացաւ  
 Հեթմոյ որդւոց ցաւալից դիպուածին, որոց կըն-  
 քահայրն այլ էր. « Որ և ճաշակեաց իսկ և 'ի  
 » թանձրացեալ և զմուսեալ վերջնոյ լեղոյս՝ մերձ  
 » 'ի կատար կենացն՝ տեառնաբար զգղղղումն թա-  
 » քաւորութեանն մերոյ. զսուր և զգերութիւն  
 » իւրական ծննդեան և մննդեան աշխարհին, մը-  
 » տեալ 'ի փորձ հնոցի գեհենահոս հրոյն բոր-  
 » բոքման. ձեռասունն արքայորդեացն կորստեան,  
 » որք մանաւանդ մերձ բերին զօրհաս նորա, և  
 » արարին տագնապել ստիպման<sup>1</sup> շնչոյն, բորբո-  
 » քելով զծարաւ լուծման յոքնաթախիծ կեն-  
 » ցաղոյս: Զոր տեսեալ Յիսուսին իւրոյ և Աս-  
 » տուծոյ, ընդ Ղազարու հանէ սրտաքոյ այսքան  
 » գժնդակ կրիցս՝ յանպատումն » :

Բայց Հեթմոյ դառնակսկիծ ծարաւը չկրցան  
 բոլորովին մարել Ականց անապատին բազմաբուռիս  
 աղբիւրներն. այլ հազիւ զովացած՝ յիշեց միան-  
 գամայն թաղաւորութիւնը և հայրութիւնը. ձեռ-  
 քը սրտին վրայ դրաւ, և հետը բերած թաթար

<sup>1</sup> Յօրինակին « փոխան » :

անօգուտ և անկիրթ զօրքերը արձրկելով՝ դարձուց աչուքները իր կէս անապատացեալ երկրէն. փութացաւ գնաց առ զանն Ապաղա, պատմեց աշխարհքին և սրտին հարուածները. խնդրեց աւելի մեծ գունդ մը զօրաց օգնութեան, հասարակաց թշնամւոյն (Նգիպտացւոց) վրէժը պահանջելու. բայց զանն իր մերձաւոր թշնամեաց հետ զբաղած՝ այս խնդիրքը անկատար թողուց:

Անկէ անոյս դարձած ատենն էր՝ որ Հեթում ուրիշ ճար մը մտածելով կանչեց իշխանները Զրօրհնեաց տօնին առթիւ, և որդւոցը յիշատակաւ՝ անոնց սիրտը և քիչ մ'այլ խղճերնին ճրմլեց. վասն զի բաւական տիրասէր չգտնուեցան թէ պատերազմին ատեն և թէ անկէ ետեւ<sup>1</sup>. անոր համար այլ հիմա չէին համարձակեր բան մը խօսիլ. մինչև նախ թագաւորն երեսը և բերանը բացաւ, և իշխանաց և վարդապետաց լուռ արտասուացն այլ շնորհակալելով՝ մոխթարեց զանոնք որոցմէ պէտք էր ինքն մխիթարուիլ. զթորոս Վարդանանց պսակակից սեպելով զԼևոն՝ համբերող նախարարացն՝ ի դրան Յագկերտի. և աւելի կ'ընտրեմ, կ'ըսէր, ասոնց այսպէս ըլլալն, քան թէ անոնց ազատութեամբ ձեր և ձերիներուն կորուստեան պատճառ ըլլալն. « Ինձ լաւ է Լևոնի ծառայութիւնն, և թորոս իւր արեամբն ի վերայ » քրիստոնէից սպանած, քան ես այս ամեն երկրիս և ձեր արեանդ և խղճիդ տիրացած »: Այս մեծահոգի խօսքերն սիրտ առին վարդապետաց և իշխանաց՝ փոխադարձ մխիթարութիւն տալու թագաւորին, թէ և անոր սուգն գրսէն ցուցածէն հազար անգամ աւելի էր: Եւ այսպէս կէս մխիթարեալ կէս սգահար՝ կատարեցին յայտնութեան և Զրօրհնեաց հանդէսները, որչափ կա-

<sup>1</sup> Այսպէս կու ժողդրէ զանոնք Մաղաթիա պատմիչ:

րելի էր. և դարձան նորէն թագաւորը բարեւ-  
լու, և մխիթարելու: Ասկէ վստահութիւն առնը-  
լով Հեթում, յայտնեց բերնով այլ ինչ որ սիր-  
աւ կ'աղաղակէր, Լեւոնի ազատութեան հնարքը.  
դեռ ողջ էր Լեւոն, և գերութեան միջէն այլ հա-  
ւատարիմ ձեռքով ու զարմանալի սրտապնդու-  
թեամբ իմաց կու տար իրեններուն, որ ամուր  
կենան Եգիպտացւոյն դէմ: Իսկ խորագէտն Պուն-  
տուքտար ճարտար հաւորսի նման՝ այնպիսի շա-  
հաւոր որս մը ողջ կու պահէր, անով իր ուրիշ  
փափագածները որսալու համար. և յետ քիչ մը  
վախցընելու և յանդիմանելու, յիշեցընելով հօրը  
արհամարհական հրաւերքը՝ որ զինքը՝ ի ծառա-  
յութիւն կանչէր, հիմա տեսա՛ր, կ'ըսէր, ո՞վ որոն-  
եզաւ ծառայ. հրամեց որ տանին Քահիրէ քա-  
ղաքին անուանի Լեւնաբերդին (Բաւա՛դ-է-Ճէպէլ)  
մէջ բանտէն, բայց առանց շատ նեղելու. ինչուան  
հրամանն այլ տուաւ անոր՝ Երուսաղէմ ուխտի  
երթալու. և երբեմն ազատութիւն այլ կու տար  
դուրս հանելու զգուշութեամբ: Ահա այս դէպքն  
է որ այն ժամանակներուն մօտ մեր բանաստեղ-  
ծից մէկն երգեր է:

Աւաղ ըզԼէոնն ասեմ,

Որ Տաճկաց գուռն ընկել գերի:

Իմ լուս, իմ լուս, ու սուրբ Կոյս,

Սուրբ խաչն օգնական Լէոնիս ու ամենուս:

Սուլդանն ի մօյտան <sup>1</sup> ելել

Իր ոսկի գունան կու խաղայ: — Իմ լուս, և այլն:

Խաղաց ի Լէոնն երես.

«Ա՛ռ խաղա՛ ու սուր տատայիդ»:

«Լէոն, գու տաճիկ լինիս,

» Ես ու իմ տատաս քէ <sup>2</sup> գերի»:

<sup>1</sup> Ի հրապարակ կամ խաղոյ տեղ:

<sup>2</sup> Քեզ:

Լէոնն ի բերդին նըստել  
 Դաստառական աչիցն ու կու լար .  
 «Քէրվանտ՝ <sup>1</sup> որ ի Սիս կ'երթաս՝  
 «Դուն խապար տանիս պապայիս » :  
 Ոնց որ պապն ալ զան լըսեց  
 Շատ հեծել քաշեց երամով .  
 Եկաւ ի սուղփանն ելաւ ,  
 Շատ գետեր եհան արընեց .  
 Իառ <sup>2</sup> զիր Լեւոն որդին  
 Ու հասաւ սըրտին մուրառին :  
 Իմ լուս , իմ լուս , ու սուրբ Կոյս .  
 Սուրբ խաչն օգնական Լէոնիս ու ամենուս :

Ազնիւ և քաջ երգիչ, որ կու համարձակիս թա-  
 գաւորիդ պատերազմաւ շատ արեան գետեր հա-  
 նել տալ, և յափշտակելով որդին՝ հասնիլ «Բփն  
 Դուրափն» . իրաւ այս էր Հեթմոյ մտածութիւնն ,  
 բայց բաւական ոյժ չունէր այնպիսի թշնամույ  
 գէտ : Իշխանքն այլ ասոր տեղ խորհրդակից կ'ըլ-  
 լային՝ որ փրկանք տալով ազատէ զորդին , և ի-  
 րենցմէ բան տալով կ'ուղէին խղճերնին սրբել :  
 Բայց Հեթում երկու նախանձորդաց մէջ էր .  
 մէկ կողմէն Սգիպտացւոյ , մէկայլ կողմէն Թա-  
 թարաց . թշնամութենէն աւելի դժար էր բարե-  
 կամութիւնն կամ դաշնագրութիւնն , կամ փր-  
 կանք տալն . և եթէ այնպէս ազատէր որդին՝ կըր-  
 նար գարձեալ կորսնցընել բոլոր աշխարհովը՝ Թա-  
 թարաց ձեռքով : Նախանձն ինչ չարիք չընէր .  
 Հեթումի քսան տարուան համարձակութիւնն և  
 խօսք անցընելն մեծ զանից քով , շատ անհաւատ  
 իշխանաց ծանր եկեր էր , և սկսեր էին համբա-  
 ւել թէ Հեթմոյ բարեկամութիւնն կասկածելի  
 է , անիկայ ծածուկ Մսրայ սուլփանին դաշնակից

1 Ո՛վ կարուան :

2 Իառ . առաւ :

է։ Այս բանը իմանալով զանին քով գտնուած Մեծ Հայոց ազնիւ Ճշմարիտ ազգասէր իշխանք՝ ծածուկ գրերով իմացուցին Հեթմոյ. և որչափ այլ եղած գիպուածոց համար ցաւակից կ'ըլլային, դեռ կու համարձակէին ըսելու, թէ Սուրբ Թաւաւոր, աւելի լաւ է մէկ որդւոյդ մահն, և միւսոյն գերութիւնն, քան քու և բոլոր ազգիդ, զօրօք և եկեղեցեօք կոտորած և աւերածն. զգոյշ կեցիր, չըլլայ թէ Եգիպտացւոյն կէս աւերակ տուն մ'այլ տաս. ապա թէ ոչ՝ անհաւատից խօսքը Ճշմարտած կ'երևիս, աշխարհքդ կու փճացընես, զմեզ այլ ամօթ և մահապարտ կ'ընես։

Այսպէս դժուարութեամբք պաշարեալ Հեթում, թէ թաղաւորութիւնը կ'ուզէր ապրեցընել և թէ որդին. աւելի յայտնի թշնամւոյն վրայ վստահացաւ, քան կասկածոտ բարեկամին (Թաթարին). և ծածուկ դեսպաններ ղրկելով Պիպարսայ՝ հարցուց թէ ինչ կ'ուզէ Լւոնի ազատութեան փոխարէն։ Պիպարս պահանջեց աւոր սիրելւոյն տեղ՝ իր սիրելւոյն ազատութիւնը, այն Կարմիր բաղայն՝ որ դեռ Թաթարաց քով էր. երկրորդ, այն բերդերը՝ զոր Թաթարաց օգնութեամբ իրմէ առեր էր Հեթում՝ ետ դարձընել։ Հեթում դարձեալ ծերութիւնը և յօգնութիւնը մոռնալով՝ գնաց Ապաղա զանին, և գանգատելով Պիպարսայ վրայ՝ իմացուց անոր պահանջմունքն այլ. Ապաղա մէկէն յանձն չառաւ թողուլ զՍօնգօրն. բայց Հեթում յետ դարձին 'ի Կիւլեկիա՝ եղբորորդւոցը մէկը խաւրեց առ զանն, և վերջապէս բերել տուաւ զանիկայ. որ և ինքնին գրեց առ Պիպարս և իմացուց Հեթմոյ ձեռքը ազատին 'ի Թաթարաց։

Այս ժամանակներս Պիպարս ելեր եկեր էր Անտիոքը պաշարելու և քրիստոնէից ձեռքէն աւերլու, և առաւ այլ։ Հոն իմացուց Հեթում որ

պատրաստ էր խաւրելու իրեն իր բարեկամը. բայց անոր հետ ուղած բերգերը տալու կու գը-  
 ժարէր: Այն ատեն Պիպարս իրեն գրեց. « Լաւ  
 » մտածէ, թագաւոր, թէ որ գու քու որդիդ և  
 » թագաժառանգդ ազատելու համար այգչափ  
 » կու դժուարիս, միթէ ես այլ չեմ կրնար աւելի  
 » խստանալ իմ բարեկամիս վրայ, որուն հետ ա-  
 » ղենակցու թիւն այլ չունիմ. ինչ որ կ'ուզես ըրէ  
 » Սոնգօրը. բայց գիտցիր որ մեր հաշտութիւնը  
 » աւրող գու կ'ըլլաս, և ես ասկէ գառնալուս ա-  
 » տեն՝ կու գամ վրագ »: Այս սպառնալիքէն ետե-  
 այլ ուշանալու և որոշելու բան չէր մնար. Հե-  
 թում յանձն առաւ պայմանները, և Անիգբայ  
 մէջ գտնադրութիւն մ'ըրին, և երկու կողմէն  
 խաւրեցին խնդրուածները, հանգերձ ընծայիւք:

Յետ քսան և երկու ամսոց դարձաւ գերեալն  
 Լեոն 'ի Կիւլիկիա, և հեաը իր հօրեղբորորդին և  
 իրենց ճորտերը: Հեթում բոլոր իշխաններովն և  
 աշխարհագումար հանգիսիւ՝ օրով ճամբայ ընդ  
 առաջ գնաց որդւոյն, որ անկէ ետե իրեն քանի  
 մը որդիէ աւելի կ'արժէր: Արդեօք ծեր նահա-  
 պետին Յակովբայ՝ Յովսեփայ ողջ ըլլալն լսելով  
 Յգիպտոս երթալ և ուրախանալն, թէ Հեթմոյ  
 իր Յգիպտոսէ ևնոյն իսկ Յովսեփայ գրուած բան  
 տէն<sup>1</sup> ելած եկած որդւոյն տեսութեամբ՝ փո-  
 խադարձ ուրախութիւնն աւելի էր. ես չեմ գի-  
 տեր, և ոչ ոք գիտէ. և ոչ իսկ այն իրարու պըլ-  
 լուած երկու սրտերն, որ կու զգան և չափը չեն  
 գիտեր:... Երբ մտան 'ի Տարսոն թագաւորա-  
 կան քաղաքն, ամեն կողմէ ժողոված վանականք  
 և աշխարհականք եկան յուրախակցութիւն. և  
 երբ մտան յարքունիս, առաջին հանգիպողն ե-  
 ղաւ անշուշտ ծաղկահասակ պարկեշտ կին մը՝ ըն-

1 Այսպէս կ'աւանդեն պատմիչք մեր:



ծայելով իր հետ 'ի համբոյր Լևոնի' իրենց բազմապատուղ սիրոյն երկու նախընծայ երախայրիքը՝ հեղանազիկ Չապլունը, և Թագի պայազատ 3-4 ամեայ Հեթմիկը<sup>1</sup>, զոր այն սև պատերազմէն քիչ առաջ 'ի լոյս ընծայեր էր մայրն, Կեռան՝ տիկնաց տիկին՝ դուստր իշխանին Լամբրոնի:

Այսպէս Հեթում հասնելով ըստ երգչին՝ ուր-դին Դուրափին, տարիներով փափագած ուրիշ մէկ կամքն այլ ուղեց կասարել: 48 տարի գլուխը ծանրացած Թագը՝ դնել 'ի գլուխ Լևոնի, և երթալ հանգչիլ յաւիտենականութիւն նախափունքը, միայնարան մը: Լևոն հրաժարեցաւ լալով, ազաչեց զհայրը, որ չստիպէ զինքն իր կենդանութեան տունն անոր աթոռը նստիլ: Բայց հօրը յօգնութիւնն և ներքին փափագն աւելի ստիպողական էր. անշուշտ հեռուէն ձայն մ'այլ կու լսէր սա փութալու, զոր ուրիշներն չէին հասկընար:

Յաջորդ տարին դարձեալ և վերջին անգամ երկայն ճանապարհորդութիւն մ'ըրաւ առ զանն Ապաղա, նախ շնորհակալելով Լևոնի ազատութեան պատճառ ըլլալուն. և երկրորդ իր հրաժարելու և անոր Թագաւորութեան հրաման և հրովարտակ ուղեւով: զոր և առաւ, փութացաւ եկաւ յաղբունիս, ժողով ըրաւ և կամայ ահամայ բռնադատեց զԼևոն յանձն առնուլ իշխանութիւնը, եթէ և իր Թողած Թագը դնել չէր ուղեր իր կենդանութեան տունն: Միրանեաց ու բեհեզին հետ Թօթումելով ամեն աշխարհական հոգ և մտածմունքը, անկէ ետեւ վանքեր և անապատներ կու պտըտէր, երկրորդ և ամանց Թագաւորութեան մը պատրաստուելու. որոյ համար ճգնողական զգեստով այլ զարդարուած և անունը Մախր դրած, կու սպասէր հանդերձեալ հրաւի:

<sup>1</sup> Հեթում Բ Թագաժառանգն. որ և կրօնաւոր եղաւ:

րակին, որ և չուշացաւ. վէրք մը փութացուց ըզմահը (28 հոկտ. 1270), և հասուց զինքը իր փափագած և անխռով հանգստեանը. թողլով զմարմինն իր սիրելի Դրազարկ վանաց մէջ՝ սիրելագոյն անձին քով, իր սրբակենցաղ կենակցին Զապէլ Թագուհւոյն, որ իբրեւ քսան տարի իրմէ տռաջ հոն արգարոց քունը կու վայելէր:

Լևոն Բ յետ երկայն և ծանր սգոյ, ազաչելով և ստիպուելով իր բոլոր աշխարհքէն և յօտար Թագաւորաց և գրացեաց, հազիւ յանձն առաւ հօրը Թագն 'ի գլուխ դնել. և անոր նման պէս. պէս գիպուածներու և կրից մէջ Թագաւորելով, նոյնպէս սիրելի եղաւ ազգին և պատուելի օտարաց. մասնաւոր փոյթ և սէր ունելով եկեղեցեաց և վանաց և գրագիտաց, որոց առատապէս նուէրք կու տար, ոչ իր երկրին մէջ միայն, այլ և 'ի Մեծ Հայս և 'ի գաղթականս յիտալիա. ուր և Բերուճիա քաղաքին Հայոց եկեղեցւոյն նուիրած ճաշոց գիւրքը՝ իր ընծայագրովը կայ մինչև ցայժմ:

Լևոնի Թագաւորութեանը հինգերորդ տարին՝ իր գերող Եգիպտացւոց հետ պատերազմելով և վճռուելով, վերջապէս յաղթական պատերազմէն դարձած՝ իրմէ երիտասարդ ձիէն վերաւորուելով, մեծաւ փառք մեռաւ ծերունի սպարապետն՝ հօրեղբայր Թագաւորին՝ Սմբատ (1276), յետ մահուան ամենայն համամայր եղբարցն, որոց անդրանիկն էր: Իսկ Լևոն յետ քսանամեայ Թագաւորութեան վախճանեցաւ ('ի 6 փետր. 1289). որոյ քաղաքավարութեան ամենայն գիպուածները պատմելու համար՝ ինչուան 'ի լոյս հսկելն այլ չիքաւեր: ... Բայց արդէն մեր հսկման կանթելին կու կածկըտայ, և կրակարանս 'ի մոխիր կու գառնայ: — Գիշէր բարի: ...

Է

## ՍԿԻԶԲՆ ՏԱՐԻՈՅ

ԵՒ

### ՄԱՐԴԵՈՒԹԵԱՆ Ի ՀԱՅՍ

Մարտի 9-21

**Ա**հաւաստիկ Մարտ ամիս, որուն սպասեցինք չորս ցուրտ և երկայն ամիսներ. բոլոր բնութիւն կու հառաչէր կու կանչէր զմարտ. ոչ իբրև տալույ գեղեցկագոյն ամիսը, այլ պատճառ մեր ձաւոր գեղեցկութեանց. ոչ իբրև զապրիլ դալար, կամ գունաւոր իբրև զմայիս, ծաղկազարդ և պտղացոյց, այլ այդ ամենայն շնորհաց նշան տուող. և ծնող մանկագոյն և զուարթագոյն եղանակի տարւոյն, — գարնան: Քարունն դեռ եկած տիրած չէ, այլ ահա կու դայ և յառաջէ, և ձմեռն երթայ և հեռանայ: Մեր կրակարանին ժամերն կու կարճընան. առաւօտն կու կանխէ, իրիկունն կ'ուշանայ: Յորեկն աճելով՝ իր թագաւորին (արեգական) ճառագայթներովը կու զարդարի. օգն կու զգայ և կու պահէ զտաքութիւն. կու զգան ջուր և հող. ցամքած, սեցած, պնդացած երկիրն՝ ձմեռուան ձիւնը և եղեամբ կու հալեցընէ և կակղանայ. և ահա հինգ վեց ամիս իր

ծոցը թողեալ թաղեալ սերմանք, թմրեալ թող-  
մեալ տունիք՝ ծայր արձըկեն, կանաչն կ'ընծա-  
յուի, կարմիր կու գայ, ծաղիկ կ'երևի:

Իրաւ գեռ մեր բարձրագիւր աշխարհին ամեն  
տափերն այլ իրենց կերպարանքը չեն փոխեր, և  
այս շնորհքներն չերևիր վրանին. գեռ ձիւն և  
սառն յամառեալ կու բռնեն զսար ու ձոր, բայց  
ամենեկին անզգայ այլ չեն. ալևոր ժայռերն սկը-  
սին սև խայծ տռնուլ. հոգն թէ և ոչ գալար՝ գո-  
նէ կու յայտնէ զինքն և կու ջանայ թօթուել վը-  
րայի ճերմակ թանձրութիւնը: Մեր հիւսիսային  
խորահովիտներն, ևս առաւել արևելեան և հա-  
րաւոյ եզերքն՝ կ'առնուն բարեխառն կլիմայից  
հաւասար դարնան գոյն և շնորհք. որք արդէն  
մեր գրացեաց և մեր գէւղ 'ի հարաւ գաղթական  
եզբարց երկիրներուն վրայ համարձակ կու փայ-  
լն, և զուարթացեալ բնակիչքը 'ի գործ և 'ի ըզ-  
բօսանս հանեն: Ահա Թագոս տիրոջ երգաձայնն  
այլ Նրուսաղեմէն կու գայ.

Հա՛մ մըտաք յամիս մարտին.

Մառերն ամենայն ծաղկին.

Հոռն գայր դարնանային

Լոյսն ելնէ Հայոց զատկին....

Մենք՝ թէ ծաղիկը և թէ լոյսն ամենուն հաւա-  
սար մաղթելով՝ լսենք ուրիշ ճարտարագոյն երգ-  
չի և բազմաբուստ անձի մ'այլ որ Տիգրանակեր-  
տի կողմերէն կ'երգէ. նոյնպէս մարտի ծաղկանց  
հետ խառնելով զատկին յիշատակը.

Մարտն կու գայր ծաղկներով,

Երկնից հաւերն կարգալով,

Հրեշաակապետք փառս տալով.

Յորժամ Հայոց զատկին գայր:

Բարկ արեգակն ծաղեցաւ.

Սաստիկ ձըներն հալեցաւ.

Գառն ու մաքին ընծայեցաւ .  
 Յորժամ Հայոց զատիկն գայր :  
 Ամպ ու երկինքն խիսա գոռաց ,  
 Ողորմութեան ցօղն ցօղաց ,  
 Մով ու գեաերն խիսա ծըփաց .  
 Յորժամ Հայոց զատիկն գայր :  
 Աղբերակունքն յորդորին  
 Մառ ու ճրդերն զարգարին .  
 Խոտ անասունքն կերակրին .  
 Յորժամ Հայոց զատիկն գայր :  
 Մարդապէս է դատեր մեղուն ,  
 Ժողվեր ծաղիկն ի լեռներուն .  
 Ոչ վախենայ ի մեռելուն ,  
 Յորժամ Հայոց զատիկն գայր :  
 Պիւլպիւլ զումրին՝ առաւօտուն  
 Եկեր դարձեր վարդին հոտուն ,  
 Գանկատ կ'առնէր նա ի հողմոյն ,  
 Յորժամ Հայոց զատիկն գայր :  
 Կաքաւըն գայր սարէ ի սար  
 Կարկաչելով ի ձորն ի վայր ,  
 ԶԱտուած օրհնէր ինքն անգագար ,  
 Յորժամ Հայոց զատիկն գայր :  
 Հաւ ու ձագերն հաւսարական  
 Սաղմոս ասեն նոքա լման ,  
 Աղաղակեն առ տէր միայն .  
 Յորժամ Հայոց զատիկն գայր :  
 Իաշտ ու սարերն նորոգին  
 Եւ գերդ նոր հարսն զարգարին ,  
 Ի յԱստուծոյ փառաւորին ,  
 Յորժամ Հայոց զատիկն գայր :  
 Քար արտասուա բղխէ ըզջուր ,  
 Որպէս ըզծով եզեւ աղբիւր .  
 Վարդ ու ծաղիկն է համասփիւռ .  
 Յորժամ Հայոց զատիկն գայր :  
 Երուսաղէմ քաղաքն այսօր ,  
 Աշխարհս ի հոն երթան յուսով .

Սուրբ Յարութիւն լըցվի լուսով,

Յորժամ Հայոց զատիկն գայր:

Հայ ու Հռոմն խաչապաշտ

Ամեն բոպիկ ու գլխիբաց

Ուրախանան լուսոյն դիմաց.

Յորժամ Հայոց զատիկն գայր:

Տէրն տացէ խաղաղութիւն

Եւ աշխարհի ուրախութիւն.

Հոռն կու գայ անմահութիւն,

Յորժամ Հայոց զատիկն գայր:

Իմաստասէրք ուրախանան

Եւ աստընվորս լիանան,

Ամեն մեղաց ձեռք լուսնան,

Յորժամ Հայոց զատիկն գայր:

Եւրոպիոյ մէջ այլ կան աշխարհք՝ ուր գարնան գալը հանգիսիւ կատարեն զտակի օրերը, բնութեան և շնորհաց հաճոյագոյն երկու յիշատակները յիրար զուգելով, զգարուն և զգափկ. ինչպէս մեր երգիչն այլ, որ է ըստ ոմանց՝ արքեպիսկոպոսն Ամդայ, Մկրտիչ Նաղաշ, Թերևս մեր ամենէն նշանաւոր և ճարտար անձն ծն գարուն մէջ: Ինքն հայկական Միջագետաց ծնունդ և հոգևոր տէր բաղմաթիւ վիճակաց այն կողմերուն՝ Հայաստանի շատ գաւառներէն առաջ կու տեսնէր գարնան բերքը. և մեզի հետ կ'ողջունէր այս օրերս, և մեզմէ առաջ այլ բաբելական կամ լաւական ուռենեաց երկայն երկայն խարտեաշ խոպոպները, լեւակին տերւները, լորոյն (tilleul) կարմիր բողբոջները. հոն արդէն պարկեշտ մանուշակն կապոյտ աչուրները բացեր է իր անխնամ մենարանէն, անուշիկ հոտ մը խառնելով

<sup>1</sup> Աւելի հաւանական է թէ հեղինակն ըլլայ Մարտիրոս Բլայր Բէկն:

անուշիկ հովի մը . և եթէ ասպատակող գնդի մը վերջամեաց զօրաց նման՝ յանկարծ բարբարոս հով մը չփչէ, օրէ օր բուսաբերութիւնն կու յաւաքէ, և դրեթէ դիտող աչք մը չիկրնար հասնիլ անոր շուտ շուտ զարգանալուն:

Արդ անտարակոյս բնութիւնն կու նորոգուի, ծերացեալ տարին կու վերջանայ, կամ նորէն մանկանայ. եղանակաց և ժամանակաց սկիզբն դարձեր է: Արժան էր որ այս բնութեան նորոգութեան եղանակին՝ սկսէին ժողովուրդք իրենց քաղաքական տարին, և դարնան գիշերահաւասարին կարգել իրենց կաղանդը կամ խնդարար նուիրամսակը: Յայսմ մասին շատ խելօք և իրաւամբք դործէին հին ժողովուրդք, որոց առջև մէք ծաղկեալ նոր ժողովուրդքս՝ անտեղութեամբ տնայարմար միջոցէ մը կու սկսիմք մեր տարին, (ձմեռնային արեւդարձէն 10 կամ 20 օր վերջը, 1 յու նուարի): Այն հին ազգերէն մինակ քիչ շատ անփոփոխ մնացած Հրեայն՝ մինչև ցայսօր իր սրբազան տարին կու սկսի գարնան հետ. միայն թէ տարին արեւու հետ համեմատելու առեն՝ ամիսներն այլ լուսնի հետ կ'ուզէ յարմարընել, որով ոչ ճիշդ և ոչ միշտ գարնան հետ կու սկսի տարին: Բարեբաղդաբար, յայսմ իր հետ և իրմէ հին ազգ մ'այլ կայ՝ որ նոյնպէս իր հին սրբազան տարեմուտը հաւատարմութեամբ կու նշանակէ իր տօմարին մէջ, և մինչև ցարդ միշտ արժանապէս կու սկսի այդ տարին՝ երբ արեն անոր և իր սիրական Խոյ աստեղատունը մանէ, որ է ըսել սոյն օրս գարնանամտի, (9 մարտի կամ 21 ըստ նոր տօմ.): Այս ազգս՝ որ յայսմ մասին ուշելի քան զՀռոմս և զՀելլէնս՝ իմաստասէր մանաւանդ թէ ճշմարտասէր գտնուեր է, և այս գիւտը պահեր է՝ Թերևս յանգէտս օտարաց, Հայ ազգն է. որոյ համար իրաւամբ պարծելով իր հին հեղինակաց

մէկն, անոր աստուածատուր ձրից մէկը սեպե-  
լով իր տօմարն այլ, կ'ըսէ համարձակապէս, թէ  
Աստուծմէ աւին « զտումարն, անդ Մովսէս, աստ  
» ՀԱՅԿՆ յառաջ քան զնա » : Հայոց քաղաքա-  
կան սովորական տարին ալ, ըստ ամենայն հին ազ-  
գաց ( որոց Ռամիկն ոչ երբէք աստեղաբաշխ կ'ը-  
լայ ) շարժական և փոփոխական էր, նահանջ չը-  
նէլով. այլ սրբազան տարին՝ հաստատուն է. ո-  
րոյ սկիզբն ոչ ըստ քաղաքական տարւոյ, Նաա-  
սարդ ամիսն է, լատինաց օգոստոսի 11-23ին հա-  
տատեալ անշարժապէս, այլ բուն աշու-  
տին, ԱՐԵԿ : Բաց օրացոյցդ և նայէ, կու տեսնե՞ս որ Ա-  
րեգ ամիսն Խոյի տանուտէրութեան հետ կու  
սկսի, որ է կէսն գարնանային գիշերահաւասա-  
րի. և ուրախութեամբ պարծէ նախնեացդ վրայ,  
որ այս գեղեցիկ բնական ճշմարտութիւնը անփո-  
փոխ պահելով յաւուրց ջրհեղեղին՝ հասուցեր  
են մինչև 'ի մեզ, և մեզմով օտարաց, առեալ ի-  
րենց գերադիւցազն նախահօրմէն, 'ի Հայկէն. որ  
ոչ միայն ճարտար շարժիչ էր աղեղան, այլ և  
թուոց և չափուց : Միանգամայն և ցաւէ որ չեմք  
կրնար գեռ 'ի գործ գնել և զուգեւ այս հին տօ-  
մարը նորոյն հետ և վարել : Քաղաքական տարւոյ  
սկզբան հանդիսից, այսինքն Նաւասարդին, փոքր  
'ի շատէ տեղեկութիւն ունիմք. այլ կրօնական  
տարւոյն և Արեգին սկզբան հանդէսներն՝ Հայ-  
կազանց խորհրդապահ քրմարանաց հետ ծած-  
կուած են մեզմէ : Շատ է դիտելն և տեսնելն՝ որ  
խմաստութեամբ գարնան սկզբան հետ Արեգին  
սկիզբն այլ զուգած և նշանակած է Հայագիրն :



## Բ

Նոյն Հայագիրն յափշտակելով զմեզ 'ի հնու-  
 թիւն ժամանակաց, ներելի կ'ընէ թողլու այսօր  
 նորագոյն յիշատակները, և հնութենէ հնութիւն  
 ելնել 'ի վեր քան զարեգն և զսկիզբն հայկական  
 ամսոց, և կու նշանակէ այսօր յիշատակ մ'այլ,  
 որ ոչ մեր հիմկու աշխարհիս դարուց մէջն է, և  
 ոչ այլ անկէ առջինին, ալ երկու աշխարհաց մի-  
 ջոցն կրնայ ըսուիլ, նախաջրհեղեան և յետջրհե-  
 ղեան աշխարհքները միացընող կամրջոյն վրայ. որ  
 է ծեր նաւուղին՝ Նոյի՝ տապանն: Սուրբ գրոց  
 հետ հաշուելով անոր 'ի տապանը մտնելուն օրը,  
 ըստ սրբազան ամսոց Եբրայեցւոց ( և ոչ ըստ քա-  
 ղաքականին՝ որպէս ոմանք կ'ընեն ) ջրհեղեղին գա-  
 լը և դադրիլը, տապանին նստիլը 'ի լերինս Արա-  
 րատայ, պատուհանին բացուիլը, և այլն, այս օ-  
 րուանս կու հանդիպի տապանին ձեղուան բա-  
 ցուիլն, այսինքն վրայի ծածքին: Տապանին 'ի լե-  
 րինս Հայոց նստելէն ինչուան լերանց գլուխնե-  
 րուն ջրէն դուրս երևնալը՝ երկու ամիս անցաւ,  
 յորմէ գուշակուի տապանին մեծութիւնն և բար-  
 ձրութիւնն. յետ 40 աւուրց բացուեցաւ անոր  
 պատուհանն, վասն զի ջուրն անկէ այլ վայր իջեր  
 էր. և իբր յետ ամսոյ մը, այս եղանակաց նորո-  
 գութեան օրը՝ բացին արգելականքն տապանին  
 վերնածածքը, և իբրև տան դարպասներու կամ  
 դիտանոցի վրայ ելնելով՝ տեսան « զի նուտղեալ  
 » էր ջուրն յերեսաց երկրի » . նուազեալ էր այլ  
 ոչ ցամաքեալ բոլորովին. վասն զի ասոր համար  
 դեռ երկու ամիս այլ պէտք եղաւ: Ի՞նչ հիանա-  
 լի և սրտառուչ տեսարան: Այն լերանց կողմ՝ ո-  
 րոց տափի մը վրայ նստեր էր տապանն, կ'արգի-

լէր համարձակ տեսութիւնը՝ 'ի պատուհանէն. անոր համար Նոյ կու ստիպուէր թռչուններ արձրկելով անոնց դառնալ գալէն կամ չդառնալէն իմանալ ջրոց ցածութիւնը և երկրին ցամքելուն չափը: Իսկ հիմա իր 30 - կանգնեայ նաւատան գիտանոցին վրայ ելած՝ իր համբերող ընտանեօքը, կու տեսնէ այն ամրակերտ ընդարձակ նաւը ծովային բերդի մը պէս ամենաբարձր լեռնատափից միջոց նստած. որոց ետեւէն՝ դէպ յարևելս, յարեմուտս և 'ի հիւսիս դառնալով՝ Հայաստանի աւելի կամ պակաս բարձր լեռներն կ'երևին. ոմանք ամենևին լերկ ու մերկ նոր ջրէ դուրս ելածի նման. ոմանք քանի մը ամսական արևուտաբուլթեամբ սկսած իբր աղուամազով մը ծածկուիլ բարսկ կանաչութեամբ, որոց վրայ ծիրանափայլ ծիծաղի արեգակն 'ի խոյի աստեղատունէն. անոնց մէջ այլ կ'երևին խորածորք և հովիտք, և քանի մի դաշտք՝ իբրև աշնան վերջին տրորած պատրաստած սերմնացան և անբոյս սև արտեր: Իսկ հարաւային կողմէն կ'երևին ծովածաւալ դաշտք և անապատք Միջագետաց և Ասորեստանի, որ յիրաւի դեռ, թէ ոչ ծովու՝ գոնէ Ճահճի պէս կու ծածանին, և տեղ տեղ ցամքած, տեղ տեղ ջրածածուկ, արևուն զարնուածքներէն իբրև փռած հայլիներ կու ցուանան: Երկու ամիս Նոյեանք տապանին երդիքէն կու գիտեն այս տեսարանը, մանաւանդ թէ միշտ փոփոխեալ տեսարան մը, ջրոյն օր ըստ օրէ քաշուելովն, և արևուն օր ըստ օրէ տաքնալով՝ և այն դաշտաց վրայ սեղ տեղ երեցած տխրալի դէմքերը, աւերեալ աշխարհի և խղճուած հասակաց և գեղեցկութեց մնացորդները բոլորովին քայքայելով, ծածկելով, և թողլով միայն (տխրագոյն մնացորդ) չոր ու ճերմակ ոսկորներ, այն հեշտամոլ փափուկներուն, և այն յանդուգն հսկաներուն՝

որք կարծեցին թէ միայն երկրիս վրայ է մարդուս վիճակն. և անիծեալք յերկնից՝ երկրէս այլ դուրս 'ի ծոց անդնդացեալ ծովուն ծածկեցան, կերակուր կիտից և վիշապաց. հազիւ թողլով սակաւ ինչ նշխարքնին ծովէն փսխած՝ իրենց հին բնականաց քով. որոց հիմունքն անգամ տակնովրայ եղած հողուն հետ խառնուած կորած են: Եւ երկիր երկրորդ անգամ կ'երևի « աներևոյթ և ան » պատրաստ » անապատ մը ամայի, անմարդաձայն, անկենդանի. յորոյ վրայ հազիւ իբրև պղծութի շարժուն դժեր կամ բժեր՝ տապանին պատուհանէն արձրկուած թռչուններն թափառելով կ'անցնին՝ դադար կամ բոյն մը փնտռելու:...

Գ

Ո՛րչափ տարբեր էր այս երևոյթս երկրի՝ այն առաջին սկզբնական անպատրաստ վիճակէն ելած և նորակերտ զարգարածէն. երբ ձայնն և մատն արարչապետին՝ հինգ աստուածային օրուան մէջ՝ գործելով և ներգործելով, փոխեց զսարերս երկրի 'ի բոյսս և 'ի կենդանիս, պատրաստելով 'ի վայելս գերագոյն արարածոյ մը՝ զոր անոնցմէ ետեւ պիտի ստեղծեր. և որոց այսօր իսկ յիշատակ է ըստ Հայագիր կարգի՝ գարնանամտի և բացման տապանին հետ. այսինքն Արարչագործութեան, որոյ սկիզբն յ'17 ամսոյս նշանակի և վերջն 'ի 22, ստեղծմամբ մարդոյն:...

Սփեղծութի մարդոյս. — ի՛նչ մեծ և արժանաւոր յիշատակ. ոչ այնքան հիւսութեամբ, որքան հիացմամբ մտաց և քննութեամբ: Ո՞վ կրնայ անտարբեր կենալ երբ իրեն ծագմանը, և առաջին ծագման ինդիր մը ընկնայ 'ի միաբը:

Շատ հեղ լեռնադաշտակի մը վրայ վայրի

կաղնին տեսնալով ինչուան հարիւր ոտք բարձրութեամբ, որուն տերեւազարդ թւերուն բոլորտիքն 5-600 և աւելի ոտք կու շրջապատեն, և շքին տակ հովիւ մը բոլոր իր հօտին կ'ապաստանի, և որոյ կռթռնած բռնն՝ պապուն պապուն այլ յենարան և հովանի եղած է. հիանալով այդ հին ու նոր հսկայ հաստակին վրայ, որ ինչուան եօթ ութ հարիւր նոր դարնան ծիծաղեր և նոր ձմերանց դիմացեր է, զարմացմամբ հարցեր եմք. Ուսկից և Բնչպէս առաջ եկած է. — և աւելի զարմացմամբ լսեր եմք՝ թէ պզտի խողակէ մը, բթաչափ կաղնիէ մը առաջ եկած է այդ հեղ հսկահաստակ բուսակտննահապետն: Հապա այդ կոպիւնն. — այն այլ ասոր նման և ասկէ առաջ հսկայ ծառէ մը. — այն հին կորած վերցուած ծառն այլ ուրիշ խողակէ մը. և այսպէս մէկմէկէ: Վերջապէս, մանաւանդ թէ սկզբնապէս, ամենէն առաջ ո՞րն էր, կաղնի՞ն թէ կաղնին, ծառն թէ կուտն. կամ որ նոյն է՝ ըստ բիւրթայ փիլիսոփայից, հա՛ւն թէ հաւկիթն: Իրենց խնդիրքն և քննութիւնք գեռ այս մեծ հարցման պատասխանը չեն կրցած տալ. և գեռ հաւերը թուցրնելով՝ հաւկիթները գլորցրնելով առաջ կ'երթան: — Մենք հաւանեալ և հաւատացեալ եմք մովսիսական աստուածաշունչ գրոց պատմութեան, որ ամենէն առաջ մեզի ցուցրնէ զաիեղերս՝ իբրև ամենածրար ձու մը ստեղծուած յանժամանակէն Աստուծոյ. որոյ Հոգին՝ իբրև հոլաթև համասփիւռ հաւ մը՝ գրգայր 'ի վերայ անդնդապտոյտ տարուբերած տարերացն, իր կամքով և հրամանաւ կոչելով և կոկելով 'ի զանազան ձև ու բնութիւն. որով միանգամայն կերպացու կաղնին առանց կաղնի և հաւն առանց հաւկրթի:

Մեր սկիզբն այլ այս կանոնով եղաւ, բայց

ազնուագոյն կերպով, մեր աղնիւ բնութեան հա-  
մեմատ: Ո՞վ 'ի հաւատացելոց՝ իր կրօնական և  
պատմական ուսմանց սկիզբը չէ լսած չէ սովորած.  
բայց անգամ մ'այլ հրաշալի նախամարգարէին  
գլոց գլուխը, և կարգա քու սկզբանդ սկզբնա-  
ւորութիւնը, մարդոյն ստեղծագործութիւնը:

Եթէ ուզես, մնացդ վրայ հեծած՝ Թոփր մին  
չև քու հայրենիքդ, եղեմական ոահմանները. և  
գեռ դրախտին մէջ չիմտած՝ անկէ դուրս և քիչ  
մը հեռու (բայց մի մինչև 'ի Դամասկոս)<sup>1</sup>, ընտ-  
րէ գարատափ կամ ձորավայր մը. դիցուք Թէ  
ըլլայ մեր հին Սրմանց, (Թերևս և Սերմանց)  
լեռներուն մէջ, որ հիմա Պինկէօլ կ'ըսուին. և ան  
կէ վերանալով պատմական ժամանակաց սկիզ-  
բը, տես նկատէ հոն իջած՝ յառաջ քան 'ի Սինա,  
և յառաջ քան 'ի Քորեբ՝ մէկ մեծ Թեթև ու շար-  
ժուն բրգան պէս բան մը, իբրև ամուլով, ծխով,  
լուսով, բիւրեղով շաղուած. որոյ միջէն կարծես  
տեսնել մարդկային կերպարանաց ուրուական  
մը, որ ծիրանի գօսւոյ նման ընդարձակ գիրկ ու  
Թևեր շարժելով, և իր ստորոտը եղած կաւային  
հողի կոշտ մը քրքրելով յիրաւի քեզի մեզի նման  
նիւթական կերպարանք մը վեր կու կանգնէ: Առ-  
ջի ստեղծուածներէն տարբեր և ազնուագոյն կեն-  
դանւոյ մը կաղապար կ'երևի ասիկայ. հազիւ եր-  
կու Թաթով գետինը կոխած, ուղղաձիգ կու վե-  
րանայ երկնագիտակ բոլորակ գլխով. երկու կող-  
մէն Թևեր արձըկած, ոչ Թուչելու յարմար, այլ  
իբրև փարելու իրեն նմանւոյ մը հետ, կամ Թէ  
նոյն իսկ իրեն ստեղծողին՝ երբ ճանչնայ զայն: Տե-

<sup>1</sup> Վասն զի ոմանք զԱդամ 'ի Դամասկոս ստեղծուած  
կ'ըսեն. և անկից, կ'ըսէ մէկն, Աստուած ձեռքը Ադամայ  
ճակտին վրայ դրած՝ քշեց քանի մը ժամուան մէջ հասուց  
յԱսրաբատ:

սածնիս դեռ անկասար կաղապար մ'է. անշարժ, անյարդ, անզարդ պատկեր մը, բայց Աստուծոյ պատկեր ըլլալ գուշակուի. կաւակերտ կարմրակերտ արձան մը, որ կարծես թէ ներսէն կենդանահալու աշխատելով՝ մանր քրտան կայլակներ հու թորէ բոլոր զանգուածէն գուրս, զոր երեկոյեան զովագին հողմին կամաց կամոց ցամբեցընելով կու ճերմկցընէ, կ'ամփոփէ. և իբրեւ հեռուէն մօտեցընելով աչքիդ՝ հեռզհեռէ յայտնագոյն կու ցուցընէ մարդկային կերպարանք. նախ եգիպտական արձան մը կարծես զայն, վերջը կովկասեան կերտուած մը, յետոյ մոմէ մարդ մը. հիմա բուն մարդ ըսել չքսել չես դիտեր, վասն զի բան մ'է, բայց ոչ կենդանի և ոչ մեռեալ, ոչ ի քուն և ոչ արթուն. այլ այնպիսի՝ որ ոչ անուն ունի և ոչ ճիշդ պատկեր մը՝ մեր հիմակուան գաղափարաց մէջ: Իսկ հրաշագործ ճարտարապետն՝ իբր թէ պահ մը կիսկատար թողլով իր ամենէն զարմանալի շէնքը՝ կու դիտէ անոր չափակցութիւնը, և ծանրութեամբ ու մտածմամբ կ'ուզէ այդ կաւեղէն պատկերին ազդել ողորկութիւն, գոյն, շարժումն, շունչ, կեանք, զգացումն, բան և հոգի. և այս ամեն ըսածներս՝ իր դիտելուն և հաճելուն առանձն կ'ազդին, կ'երևին իր ձեռակերտին վրայ: ... Տես, Բ'նչ շուտ շուտ այդոր արտաքին երևոյթն կակղած կոկած սկսաւ փայլիլ, հեռզհեռէ մոմագոյն, մոխրագոյն, շուշանագոյն, ծիրանեգոյն, վերջապէս մարմնագոյն. և այնքան բարակ ու փափուկ, որպէս թէ թափանցիկ մօշէ մը միայն ծածկէր ներքին զարմանալի մեքենայն, և իբրեւ ապակւոյ մը տակէ ցուցընէր կապուտութեւ ջղեր և երակներ: ... Ահա յանկարծ բոլորակ գլխէն ինչուան ուսերը ընձուեցան արձըկեցան գունդ գունդ խոպ խոպ փուռնջեր, բայց իբրեւ պղնձի անդրիի մը վրայ՝ անշարժ են. աղօտ աղօտ

արշալուսէ մը ծագած առաւօտու պէս յանկարծ  
 կ'երևին բարակ թարթափք և յունից կամարք,  
 որոց ներքեւը երկու մարգարտափայլ դոգք կան,  
 մէջ տեղուանքն սև ադամանդ. — անշուշտ ճանչ-  
 ցար աչքերը. բայց անոնք զքեզ չեն ճանաչեր,  
 քեզի չեն նայիր, չեն շարժիր. սառնամած լը-  
 ճակներ են, ծածկուած ակունք են, որ կ'ուզեն  
 լոյս առնուլ և լոյս տալ: ... Եղեցի՜ ուրեմն լոյսն,  
 անհամբերութեամբ կանչես. եղեցի՜ լոյս՝ ի վերայ  
 այդ սքանչելի դաստակերտիդ. եղեցի՜ դա կեն-  
 դանի պատկեր Աստուծոյ: ... Եւ հա՛ա եղև լոյսն  
 կենդանի: — Կու տեսնես, անդրին մարդ կ'ըլ-  
 լայ. կ'ըլլայ ըսելու չմնար, կաւէ կաղապարն՝ Ա-  
 դամ եղաւ: Ի՞նչպէս եղաւ, ուսկի՞ց եկաւ այն  
 ճառագայթն, այն գոյներն, այն շարժումն: ...  
 Դեռ վայրկեան մը, ըոպիկ մը, պիկ մ'առաջ՝  
 պատկեր էր, հիմա անձն է: Վասն զի հրաշա-  
 փործն՝ աստուածային երագութեամբը դպաւ  
 այգոր ճակտին, և մէկէն արձանին մեքենաներն  
 սկսան շարժիլ: Ի՞նչպէս դա գանգուր գիսակներն՝  
 ի՞նչպէս բարդ բարդ կու ծփան. նայէ դա շիկո-  
 րակ չըթանց շարժմունքը, դա զմրուխտէ աչաց  
 հրեղէն թաւալմունքը, երկխորշայ ոնգանց բա-  
 րակ շնչառութիւնը, դա գեղեցիկ գլխոյն հեզիկ  
 պտոյտքը, դա քաջուռ թևոց թափ տալը. դա  
 դույթ տուող ռաից դոփիւնը, որ ոչ միայն ան-  
 դրին՝ ի պատուանդանէն կտրեցին, այլ բոլոր ան-  
 ձին ներքին ազդուածքէն ուժ առած՝ այնպէս  
 սաստկութեամբ մը գետնին թունդ կու տան, որ  
 օդապարիկ գունտէն աւելի շոյս և բուրձր պիտի  
 ցատքէր յերկնից միջոց, թէ որ դեռ ճակտին վը-  
 րայ դրուած չըլլար մասն աստուածային. որ իբ-  
 րև ամէհի երիվար մը՝ սանձով, կամ ծխով հող-  
 մով զինուած պատրաստ հաւ մը՝ խարսխով, դեռ  
 բռնէր է զայն. բայց այնպէս մը կ'երևի՝ թէ հա-

զիւ և ոչ ընդ երկար կրնայ համբերել բռնուածն :

Իսկ աստուածապետականն յետին հաճութեան ժպիտ մ'այլ տալով, իր անքննելի ծոցէն կու փչէ նորաչէն պատկերին վրայ շունչ մ'այլ. շունչ բանական, աննիւթ և անապական, որով բոլորովին կ'ըլլայ կու կատարուի մարգն. և հազորդ աստուածային զօրութեան, աստուածային երազութեամբ մը ճանչնալով ինք զինքը, ինչպէս և ուստի ըլլալն, միանգամայն աչքով և շրթամբք, թևօք և ծնօք, սրտիւ և բանիւ և հոգւով կու կանչէ՝ ԱՍՏՈՒԱ՛Յ ԻՄ :



## ԲԱԳՐԵՒԱՆԴԱՅ ԿՈՒԻՆ

25 Ապրիլի 775.

« Յակունա Եփրատայ, 'ի ծաղկազարդ վայել-  
 » չութիւնան », ըստ սրբազան երգչին, 'ի ծմակս  
 Մաղկոտան և 'ի բարձրաւանդակն Բագրևանդայ,  
 հրաւիրեն զմեզ այսօր հայագիր յիշատակք: Ի՞նչ  
 գեղեցիկ հովիտ, մանաւանդ թէ ի՞նչ ընդարձակ  
 դաշտ՝ լցեալ զարգուք բուսաբերութեան. զոր  
 կուսնուցանեն հարիւրաւոր ականակիտ վտակք,  
 իջնելով 'ի կողից այրարաւեան լեռնաշարից և  
 Աղթամարոյ պարաստափին. որք ամեն կողմանէ  
 շրջապատեալ ձևացրնեն այս ձուռձև և տաշ-  
 տանման հովիտս, իբրև 90 մղոն երկայն արևել-  
 քէ յարևմուտք, և 30 մղոն լայն 'ի հիւսիսոյ ընդ  
 հարաւ. և ժողովելով 'ի գոգավայրն և խառնե-  
 լով ընդ գլխաւոր վտակին՝ կուգետանան կ'ըլ-  
 լան պայծառն Արածանի, որ է արևելեան օժան-  
 դակ և զուգակից եգեմաբուղին Եփրատայ, որ  
 'ի Բարձր Հայոց 'ի գագաթէն Կարնոյ կ'իջնէ, և  
 երկուքն այլ 'ի համանուն Մաղկի լեռներէ: Եթէ  
 այս մեծ տաշտաձևիս հարաւային շրթունքն, այս-  
 րնքն Ապահունեաց (Մէլաղկերտ) և Մաղկոտան  
 (Խամուր, Տիառին) լերինքն՝ ճեղքուելով անցք  
 մը չտային Արածանւոյ, անշուշտ գեղեցիկ և քան

զԱղթամար ընդարձակ ծովալիճ մը կ'ըլլար Բադրեանդ. և թերեւ երբեմն այնպէս այլ եղած ըլլալը սոսուգեն մեզի երկրաբանք: ... Բայց դու, Հայկակ, դու հոս գուցէ աւելի ծաղկահասն կ'ուզես ըլլալ քան երկրաբան. այս հովիտներու մէջ մտած առենդ՝ Շահապիվանը կու փնտռես. մեր հին նախնեաց հետ կու փափագիս նաւասարդի աշխարհախուժը հանդէսները կատարել. բայց դեռ իրեք չորս ամիս կայ այն ածներուն. ուրիշ անգամ այլ կու գամք 'ի Բադրեանդ, որ ոչ սակաւ յիշատակներ ունի: ... Բայց քանի մը ամսէ ետեւ ամառուան տաքուն՝ հիմկու ծաղկանց գալարութիւնը չեմք գտներ. թէ և այն առենն այլ ունի իր լեռնաբուսիկ գոյնզգոյն ծաղկներն:

Հիմայ դարնան ծաղկունքն ծածանին փնջիկ փրնջիկ, թռչունք ձայնեն մանրամնչիկք, ջրերն կրկրջան զովիկ զովիկ. ո՛ւր էր թէ ազգային գուսնակ մ'այլ երգէր մեզի զգարուն: — Ձեն պակսեր գարուն երգող Հայ գուսանք, ձեռնաւորք և մշակք, սըրբամօրուս պաշտօնեայք, պատրիարքք և կաթողիկոսք անգամ. այսքան զգալի և շօշափելի բնութեան և վայրաց դեղեցկութիւնն՝ գրեթէ հարկաւ երգիչ և բանաստեղծ ըրած է զանոնք, գոնէ գարուն գովելու համար. բայց Աստուծոյն Երզնէ կացին, իսկաշնորհ, իսկատիպ գուսան ՏՏ0 տարուան, յանձն չառնուր ասանկ գրսէն գրգեալ քերդող ըլլալն, այլ տեսիլք տեսնելով, լոյս տեսնելով առեր է այդ շնորհքը:

« Այնպէս որ, կ'ըսէ, ես ի յիմ խօսից շարեւրն զարմացայ »:

Եւ այսպէս կ'երգէ զգարուն.

Մեծ գոհութիւն, հարիւր հազար,  
Մեզ աւետիք է նոր հասել.

Եւ մեզ չընորհք յերկնաւորէն  
 Յերկնից յերկիրս ի մեզ հօսել:  
 Երկիր էր լի մոլթն եւ մըլար,  
 Սառն էր կապել եւ պաղ ու քար.  
 Հանց որ չըկար բոյս մի դալար.  
 Հիմի՝ ինք նոր է զարդարել:  
 Զըմեռն բանդ էր եւ խաւար.  
 Քարուն եհաս ու նոր բահար <sup>1</sup>,  
 Ի էտու ի մէնջ գիշերն աւար.  
 Զի արեգակն է մեզ ծագել:  
 Երկիրս է մայր աննըմանի,  
 Զինչ գեղեցիկ իրք՝ ծընունի,  
 Շատ բարութիւնք յինք սընանի.  
 Հանց որ փռին գեղեցկացել:  
 Երբոր հնչեց հողմըն հարաւ՝  
 Զինչ արամութիւն՝ յերկրէ տարաւ.  
 Հանց որ չըկայ տեղ մի ծարաւ.  
 Ամենն են բարութեամբ լըցել:  
 Հեզ որոտաց ամբ ցօղաբեր.  
 Կամար կապի յերկինս ի վեր,  
 Հոսէ յերկիր ահեղ գետեր.  
 Հաւսար զերկիք են արբուցել:  
 Է հարսանիք տիեզերաց,  
 Է ցընծութիւն պաղաբերաց.  
 Քոյնըգգոյնով ցեղք ի ցեղաց  
 Ծաղկունք զերկիր են զարդարել:  
 Ծովըն դըրուրդ առնու սիրով,  
 Խաղան զեռունք յերկիր ու ի ծով.  
 Ակունքս յորդոր գան պաղ ու հով՝  
 Եւ ի քարէն յառաջ բղխել:  
 Ահեղ գոչեն գետերս յոլով  
 Յորդ ի լերունքս ի վայր գալով,  
 Փան ման ի ման ծաւալելով,  
 Սիրով ի ծովն երես դըրել:

<sup>1</sup> Եղանակ տարւոյ:

Խողան եղունք եւ այծեմունք,  
 Իջնուն ի դաշտ ւ յաղբիւրակունք.  
 Երէվայրիք եւ անասունք  
 Ի կապանաց են արձակել:  
 Հաւերըտ գան քաղցըր ձայնով  
 Միծեռն ի հեա սաղմոսելով.  
 Քայ արտուտիկըն կարգալով,  
 Ձառաւօտուն է բարբառել:  
 Աճումն առնուն եւ ծընանին  
 Հաւք ու գազանք ւ երէվայրին:  
 Ձագօք հաւերա ելնեն պարին,  
 Ի են միաբան երամ կապել:  
 Մաղկունքըն գան եւ ժողովին  
 Ի բուրաստան ւ ի բաղանին.  
 Մէկ մի մըտել ի մէջ ծովին<sup>1</sup>,  
 Տեսն է դեղին լիւերեր կացել:  
 Բլբուլն եհաս շոքարբերան,  
 Աւետաբեր մեծ յարութեան.  
 Վարդին եհար կանանչ վըրան  
 Որ դայ բազմի զերդ հուր վառել:....

Երբ բլբուլի և վարդի խօսք բացուի՝ երգն շատ  
 կ'երկըննայ. ապրի՛ Կոստանդին՝ մեր երգիչն.  
 Բայց հիմա հանգչի քնարն, հանգչին ծաղկունքն  
 այլ. վասն զի յանկարծահաս հովու մը պէս օ-  
 րուանս յիշատակն կ'անցնի հովաէս, և կ'այլա-  
 գունէ զգարուն: Դաշտիս երկու ծայրերէն կու-  
 լտուի խոր գղրգիւն մը, ոտնաձայն մը, ահեղ  
 չնկոց մը. լերանց գլխէն փռէխառն ամպեր կ'ել-  
 նեն, անոնց մէջէն ճերմակ փայլակներ. արևմուտ  
 քէն եկածն զիմացի արևուն ճառագայթներովը  
 վառվըռած արծաթէ հեղեղ մը կու նմանի, որ  
 Բարձր Հայոց դարերէն փութափոյթ թնդալով

<sup>1</sup> Դեղին շուշան կամ նունուֆար ջրային:

կու թափի հոս․ արևելեան կողմէն եկածն աղիւսագործաց հնոցէն ելած սեւ ծուխերու պէս կու ծառանայ ու կու ցածնայ... Ասոնք յիրար չմտեցած՝ մէնք մօտենանք պատմութեան ճամբով․ անցնինք հազարով տարիներ, այսօրուան ամսակէտին հետ զուգենք տարէկէտն այլ, Քրիստոսի 775 թուականն։

Այս նշանակեալ տարիս՝ վերջին տարի է կենաց և իշխանութեան երկու մեծ ինքնակալաց, որք մէջերնին բաժնած են արևելքի բաղդդ կամ դժբաղդութիւնը։ Մէկն է Կոստանդին կայսրն, անուանի իր պատկերամարտութեամբ և մոլութեամբ, որոց յարմար ստացած գարշելի անունը՝ պահէ մինչև ցայսօր, Կոնստանդինոս (.....)։ Պուլկարաց և պատկերաց հետ կռուելէն՝ ատեն չունէր արևելք հոգալու և պաշտպանելու հպատակները, որոց մէջ սեպուէին և մասն մի Հայոց։ Իսկ մէկայն է Էպուսաճաֆար Ապա-Ալլահ Էք Մանսուր, զոր պատմիչք մեր Ջափր անուանեն, խալիֆայ Արաբացւոց, որ ամիրապետութեան հին աթուղ փոխադրեց ի նորոգեալն Բազտատ (763), և Կորբոնիմոսի թուլութիւնը տեսնելով իր բռնութիւնը տարածեց ինչուան ի Կիւլիկիա, որով Մեծ և Փոքր-Հայք այլ ընկան իր ընչաքաղցութեան և անգթութեանց տակ․ որոց համար շատ մեղադրուած է բնիկ և օտար պատմիչներէ․ վասն զի համառօտ ըսելով իր 21 տարուան ու 4 ամսուան իշխանութեան ատեն վէր հարիւր հազար մարդ ջարդել սպաննել տուաւ, կ'ըսեն․ որոց մէջ անշուշտ քանի մը բիւր այլ ազգակից պէտք է ողբալ։ Այդպիսի ամիրապետ մը ունող ամիրայք՝ անկէ գթասիրտ չէին կրնար ըլլալ։ Իր իշխանութեան ատեն Հայաստանի ոստիկանաց մէջ (վասն զի այսպէս կ'անուանէին յԱրաբացւոց եկեալ կուսակալքն) ամենէն գլխաւորն է

Աբգղլա, եղբայր համանուն նախորդ ամիրապետին, որ ընդհանուր Պարսից և Հայոց կողմանց մեծ կողմնակալ էր. և ուրիշ կամահաճոյ հրամաններէն զատ՝ այս այլ գրաւ իր հպատակացը, որ մօրուքնին ածիլեն, և գլուխնին կանգուն ու կէտ բարձր խոյր մը դնեն. այս և ասոր նման պատուէրքներով կու գային 'ի Հայս ոստիկանք և հարկահանք. (ինչպէս Սուլէման, Ջալէհ, Ռուհ, Մուսէ, Մուհամմէտ, Եզիտ, Պէքիր՝ Բաբար ըստ մեր պատմչաց). որք այնչափ կեղեքեցին աշխարհնիս, մինչև շատերն փախչելով գետնի տակ և քաղաքներէրու մէջ պահուած էին: Ժամանակին հոգեւոր տէրն՝ Տրդատ կաթողիկոս, և Հայոց ազգային հոգաբարձուն Սահակ բագրատունի՝ շատ անգամ բողոքեցին Աբգղլայի. իսկ նա ոստիկանները կու փոխէր, բռնութիւնը կու թողուր: Այսպէս յետ վերոյիշեալ Եզիտաց և Պէքիրաց՝ խաւրեց (770) ՂՀասան-Իպն-Քահգապա (որդի Կահադբայ՝ ըստ մերոցս), որ հեաը բերաւ խորատան-պարսիկ անկարգ գունդ մը, որոց ըրած չարութիւններէն քանի մը յիշելով ժամանակակից և ականատես պատմիչն ('Լեոնդ), զգուշելով կ'ըսէ. «պատմել ոչ կարեմք զազէտիցն պատմու» [թիւն]. մեք այլ այնպէս ընեմք, որ արցունքով չիթօշին ապրիլի ծաղկըներն:... Բայց ինչ ընէ խեղճ ժողովուրդն, որ ունեցածը բռնահան հարկահանաց տալէն ետև՝ չունեցածն այլ տալու համար կու ծեծուի, կու կախուի, սառուցեալ լճից մէջ կու ձգուի. ինչ ընէ հին հայութեան մնացած զինուորութիւնն, որ իր եղբարց գառն հեծութիւնը կու լսէ. ինչ ընեն Խրամի և Նախըռանի եկեղեցեաց մէջ այրած նախարարներէն մնացեալ ճիւղ իշխաններն՝ որ իրենց սեփական պայազատութիւնը այսպէս տակն ու վրայ կու տեսնեն. ինչ ընեն մանաւանդ մեծասիրտ Մա-

միկոնեանքն՝ Արտաւազդ և Մուշեղ, որդիք Հրմայեկայ և Հրահատայ. միթէ վերաւորեալ առիւծուց նման միայն մոնչէն իրենց աչաց առջև անապատացեալ հայրենեաց վրայ։ — Չէ, այսպէս չըրին. այլ յուսահատութեան մոռնչ մը մոնչելով զայրագին սրտիւ, իրենց սրտակցաց ու պատուակցաց ձայն տուին. որք, ըստ ասելոյ պատմըչին, « եղին զոգի՛ի ձեռին իւրեանց, և ձեռնա » մոռնի եղեն յիրս՝ զոր ոչ կարէին վճարել, վասն » զի նուազունք էին. այլ սակայն լաւ համարեալ » զմահ քաջութեամբ՝ քսն զկեանս վտանգա »ւոր, ձեռնամոռնի եղեն » : Նախեռանդունն Արտաւազդ, անվախ, բայց և ոչ առանց խորամանկութեան իրեն հին նախնոյն՝ Գայլ-Վահանայ, յանգգնօրէն գնաց ՚ի մայրաքաղաքն Հայոց՝ ՚ի Դուին, ուր արաբացի ոսաիկանին փոխանորդ զօրավար մը նստէր, և գրեթէ անոր աչաց առջև իր սակաւաթիւ գունդը ժողովելով՝ սկսաւ զինքը զրահել պատերազմական պատրաստութեամբ, համբաւելով՝ թէ թշնամեաց դէմ պիտի երթայ։ Արաբացի զօրավարք՝ իրենցմէ հաւատարիմ կարծելով զնա, միանգամայն և չուզելով իրենք զիրենք վտանգել, թերևս օգնեցին այլ զինքը զինելու. և իբրև յառաջամարտիկ գունդ բանակի՝ թողուցին իրենցմէ զատուելու։ Արտաւազդ մէկ մ'որ խարուած բանակին բազմութենէն դուրս ելաւ, մէկէն վազեց դէպ ՚ի հիւսիս՝ Շիրակ գաւառ, անկէ. Վրաց ամուր և ապառ կողմերը երթալու. այն ասէն այս գաւառս գեռ իր Անի բերդը իշխանանիստ չէր ըրած, այլ կ'երևի թէ հիմակուան Ռուսաց իշխանանիստն և ամուր բերդաքաղաքն Կիւմրի՝ էր գլխաւոր աւան մը, ուր անիրաւ հարկահան մը նստէր։ Արտաւազդ անոր շատ անիրաւութենէն թերևս ոչ շատ պակաս անիրաւութեամբ մը վրէժ պահանջեց. ըս-

պաննեց. և ժողոված ստակները յափշտակելով՝ դնեց Վրաց կողմը, միաբանեալ իշխանազանց հետ մէկտեղ: Արաբացւոց աչքերն բացուեցան. մէկէն նախնի ոստիկաններէն մէկը զօրապետ դնելով և իրենց ծառայութեան մէջ եղող Հայոց սպարապետ Սմբատն այլ մէկ տեղ առած՝ Արտաւազդայ ետևէն ընկան, ինչուան Ախրըխայի կողմերը յարձրկելով. բայց հազիւ քանի մը կտոր բան կրցան աւարել, և յետ գարձան. վասն զի Արտաւազդեանք ինչուան Եգերացւոց երկիրը (Աճարա) գացին, և այն տեղւոյն ու մօտի Վրաց գաւառաց տիրեցին: Իսկ Իպն-Քահազապա ոստիկանն՝ ուրիշ բան չկրցաւ ընել, բայց եթէ առջի Կնգութ հնարքը բանեցընել. այսինքն՝ գարձեալ ամեն զի հարկահաններ ղրկել. որք պժգալի պիծակներու պէս ելան ժողովրդեան միացեալ վատակը ուղեւորւծը քամելու. բայց այս անգամ շատ չյաջողեցան: Վասն զի եթէ Արտաւազդ հեռու էր, մօտ էր Մուշեղ. որ նախ իր երկիրն երուն մէջ մաածները հալածեց, և բռնութիւն ընողներն այլ բռնաբար սրով դատեց. և պահ մը իր ընտանիքը Երասխաձորոյ մօտ Արտազերից ամուրբերդը ապահովեցընելով, ելաւ անկէ 60 կրորիճ առած հետը, մտաւ այս մեր եղած Բագրևանդայ գաւառը, ուր Էպու-Մճուր՝ փոխանակ հեզաբար ծաղիկ քաղելու՝ բռնաբար հարկ կուպահանջէր. զնա այլ անոր մարդիկներն այլ կոտրելով՝ փոթորկի պէս յառաջ անցաւ. իսկ ծխահալած պիծակներն՝ ահով դողով սկսան ծակերու մէջ քաշուիլ. որով համարձակութիւն առին նեղեալ և լլկեալ փախստականք Հայոց՝ գալու և Մուշեղայ պզտիկ գնդին խառնուելու. որուն համբաւն և սարսափը չորս դի տարածեցաւ. բայց զօրաց քիչուորութիւնն այլ իմանալով՝ ոմանք ի թշնամեաց սիրտ ըրին մէկէն վրան



հասնելու և թերևս մէկ հարուածով վերցնելու իրենց արգելք և սատակիչ ելողը: Բայց այնպէս դազանացեալ Մամիկոն մը բռնել՝ շատ դժար և վտանգաւոր փորձ էր: Այսպէս փորձեցին նախ 200 արաբացի պատերազմողք, որք Կարնոյ քաղաքէն (Էրզիրում) ելան, ալէկ զննուած և զրահուած, իջան 'ի Բասեն, գալու 'ի Բագրևանդ. գիշերը վրայ հասնելով՝ մօտան խարս գիւղը, (Թերևս Մշնկերոոյ մօտ), և անոր այգեստաննայց մէջ փռուեցան, այգեսց պատերը իրենց պատնէշ կարծելով: Իմացաւ Մուշեղ, և հետը քանի մը կտրիճ առած՝ գիշերանց հասաւ հոն. և որովհետև այդ պատերը հիւսած չէին՝ այլ միայն քար քարի վրայ գիւղած՝ ցանկի մը պէս, անոնց տակ նստող և պառկողներուն վրայ փլուց. հոն կապուած ձիանն այլ խրտելով՝ սկսան իրենց տէրերը կոխկրուտել. գիշերուան, ձիերուն, պատին փլշելուն շփոթուածեան հետ մեկտեղ՝ ներս թափեցան Մուշեղեանք: Եղածն յայտնի է. Թերևս ոմանք յայլազգեաց կրցան՝ մերկ կողոպուտ փախ չիլ ազատիլ, բայց շատերն այն քարերուն տակ քնացան, մնացին:

Հապիւ քիչ մ'ատեն կրցաւ Մուշեղ հանգիստ առնուլ իր ամրոցը, վասն զի այլազգեաց աղաղակն կու գողար. Իրենայ կողմնակալ զօրավարն իր պահապան զօրաց մէջէն չորս հազար կտրիճ ձիաւոր ընտրեց և յանձնեց Էպու-Նէճիպ զօրապետին, որ երթայ ջարդէ քնջէ ապստամբները: Նէճիպ իր գունդը անոնց երազընթաց տաճիկ ձիերուն պէս թռցրնելով հասարակաց դուրան ճամբէն, յԱյրարատայ 'ի Կոգովիտ, անկէ 'ի Բագրևանդ հանեց, և եկաւ անոր գլխաւոր շնաւանին մօտ, որ է Բագաւան (Իւչ-գիլիսէ): Այս աւանին մօտ, այս Արածանոյ նախընծայ վտակաց եղբրք, այս մօտիկ Նպատ լերան շքին

տակ էր, որ անկէ 400 տարի առաջ ուրիշ Մուշեղ մը, Քաջախոռ Մուշեղ, Շապհոյ արքայից արքային տհեղ բանակը ցրուեց. բայց այն ատեն Հայ-Արշակունի թագաւորի մը ամբողջ զօրաց սպարապետ էր, և յունական գունդ մ'այլ մարտակից ունէր, և Մեծ Ներսէս մը բազկատարած աղօթաւոր: Անկէ 200 տարի վերջ՝ ուրիշ Մուշեղի մը վրայ գալով՝ անցաւ Բագրևանդէն Խոսրով Անուշըեւան, և կտորեցաւ 'ի Մուշեղայ Եփրատ գետոյն վրայ: Իսկ այսօր ասոնց թոռանց թոռն հրահատեանն Մուշեղ՝ 4000 արաբացի սպառազէն ձիաւորաց դէմ ունէր 200 Հայ. քրտանի դէմ մէկ միայն. սակայն ունեցածն բաւական եղաւ իրեն: Ասոնք յարձըկեցան եկողներուն վրայ, շփոթեցին, ցրուեցին, շատերը գետին փռեցին, աւելի շատերը փախուցին. փախստականաց ետեւէն ընկան, օրով ճամբայ հալածեցին դէպ 'ի հիւսիս, ինչուան Արագած լեռան ոտքը. շատերն այլ ճամբուն վրայ փռելով, և անոնց հետ զօրավարնին ալ. և աւարներով ու ձիոց երամակով յալթակսն դարձան: Այլազգեաց մնացորդքն հասան 'ի Դուին. բոլոր քաղաքը 'ի դող, 'ի սուգ, անէծք և նզովք շարժեցին. և այնպէս ահ ընկաւ մէջերնին՝ որ կարծէին թէ ամեն գոնէ Մուշեղը ներս կու մտնէ. և գրեթէ չվստահանալով քաղաքին ամրութեանը՝ ներքին ամրոցը քաշուած սմբեցան:

Այս անակնկալ և գրեթէ անհաւատալի յալթութիւնն և յաջողութիւնն, և այն ահարկու Արաբացւոց ահաբեկ ըլլալն՝ կրնայ գուշակուիլ՝ թէ երկայն ատենէ 'ի վեր ընկճած ժողովրդեան մը ինչ ազգեցին. ինչպէս համբաւն հռչակուեցաւ. ինչպէս գլուխներ տաքցան՝ խելապատակէն այլ 'ի վեր, մինչև խոհեմութեան և նախահոգութեան ձայները չլսեցին. և զիրար գրգռելով պատ-

չաձէն վեր բաներ մատնեցին. մանաւանդ չափազանց բորբոքեալ ճգնաւոր մը, աւելի սրտին հարցընելով քան Աստուծոյ, զամենքը կու յորդորէր և քաջալերէր, և իբրև տեսիլք տեսած հաւանեցընէր, թէ արդարև ազգին բազմն հասած է. մի տարակուսիք կ'ըսէր, ձեր մէջէն մէկն բաւական է հազարի դէմ կենալու, երկուքն՝ բիւրուց դէմ:

Յիրաւի շատ դժար էր ռամկաց՝ (յետ տեսնելու որ 200 կտրիճ 4000 սպառազէն հեծեալները վանեց) այս դիպուածին մէջ՝ սրբութիւնը և ստուծութիւնը իրարմէ որոշել: Բայց ոչ միայն ռամիկ մարդիկ և առանձին իշխանք միաբանեցան, այլ ինչուան Սմբատ բագրատունի սպարապետն այլ հաւանեցաւ թողլու զԱրաբացիս և միաբանելունդ համազգեացն: Այս բանս յալթուլթեան մը չափ արժեց միաբանելոց. բայց մեծագոյն յալթուլթեան մ'այլ կու փափագէին. այսինքն հաւանեցընելու զԱշոտ, նախայիշեալ Սահակայ իշխանապետին որդին. որ չափաւոր տարւոք, և տարիքէն աւելի փորձ հռչակեալ խելացի մարդ էր. որչափ այլ հայրենեաց փառքը փափաքէր, այլ աւելի անոր ապահովութիւնը կու պահանջէր. կ'իմանար կ'իմացընէր այն ճգնաւորին չափազանց նախանձաւորութիւնը, և կ'ըսէր իրեն եկող իշխանաց և յորդորչաց. « Ո՛վ հայրենասէրք, զգոյշ կեցէք. քաջ էք և եռանդուն, բայց աւելի լաւ է իմաստութեամբ գործել և ձեզմէ առջիններուն փորձը քննել. կամք և կարողութիւն միշտ չեն կրնար իրարու հաւասարիլ. մէկն 'ի ձեր ձեռքն է, մէկայլն ոչ. շուտ և անակնկալ յաջողութիւնք՝ երբեմն մեծագոյն անյաջողութեանց պատճառ կ'ըլլան: Բանի մը հարկահան և զօրավար զարկիք, քիչով շատերու դէմ կեցաք, և երթալով կու յուսաք շատնալ. սակոյն ինչուան որչափ կրնանք բազմանալ, ինչուան երբ

միագումար մնալ: Դեռ Արարացւոց մեծ զօրավարն 'ի Դուին է. գեռ'ի Կարին ուրիշ մեծ զօրավար մ'այլ կայ, դեռ շատ բերդեր անոնց ձեռքն են: Եթէ բերդերն այլ առնուք, եթէ Հայաստանի մէջ եղած զօրքն այլ հալածէք, դեռ դժուարութիւնը քիչ մը կ'ուշացունէք, վասնզոր կը մօտեցունէք: Ինչ պիտի ըլլայ ձեր բովանդակ գունդն Էմիր-էլ-Մուսնեայ տէրութեան ծովածաւալ և ահաւոր զօրութեան դէմ: Ո՞ր ազգ, ո՞ր տէրութիւն կրցաւ կամ կրնայ անոր դէմ կենալ. Յունաց տիեզերական ինքնակալութիւնն այսչափ անգամ կռուելով՝ չկրցաւ իր կորուսած երկիրներն 'ի ձեռք ձգել. ահա կայսրն Կոստանդին՝ որ մինակ առիւծներու դէմ ելլելով՝ սպաննեց, տեսէք ինչպէս սարսափած՝ Թող կու տայ որ ամբարապետն կոխէ իր սահմանները: Ինքն ծովն ու ցամաքը բաւական ամուր չի գտներ այնպիսի թշնամւոյ մը դէմ, դուք ինչ բանի վրայ դրած էք ձեր ապահովութիւնը: Արդ եթէ կ'ուզէք ճշմարտապէս հայրենեաց օգուտը, ինչպէս և ես ամենայն սրտիւ, հանդարտօրէն մտածելով կեցէք տեղերնիդ. և ջանացէք իմաստութեամբ դարման տանիլ եղած և կրած չարեաց: Ապա թէ ոչ, ինծի կ'երևի, թէ կամ յետ մնասակար փորձոյ՝ պիտի յանձն առնուք կորակոր նուաճիլ մնալ տեղերնիդ. կամ յուսահատած՝ միայն զձեզ ապրեցընել ջանալով՝ ինքնակամ Թողուլ հայրենիք, տուն տեղ և վաստակ, ձեր հարց քրտինքով ժառանգած բարիքը, ձեր նախնեաց հաւատքով կանգնած եկեղեցիները, և ձեր ծնողաց գերեզմաններն այլ՝ ատելեաց ոտից կոխան, և երթալ 'ի ծառայութիւն կայսեր Յունաց, և պանդխտութեամբ կեանքերնիդ մաշեցընել: Եւ կամ, որ շատ վախնալի է, չուա կամ ուշ՝ ձեր թշնամեաց ձեռքը ընկնալով՝ չարաչար մահուամբ պիտի «*ժողովք* » :

Այս և այսպիսի բանք բաւական չեղան այն տաքցած գլուխները զովացընելու. Թողին զԱշոտ, և եկան իրարու հետ դաշինք դնել, խորհուրդ ընել, հնարք մտածել. այլ ինչպէս շատ անգամ պատահած է և կու պատահի այսպիսի զիպուածոց մէջ, չկրցան միաբանիլ մէկ գործոյ վրայ. ոմանք իրենց երկիրը քաշուեցան, ոմանք ամուր բերդերու ապաւինեցան: Ամենէն տաք գլուխներն որ Մուշեղայ հետ միաբաներ էին՝ զԻնուոր և ռամիկ, 5000 հոգի գունդ մը եղան. Դուինը Թողուցին, գնացին Կարնոյ քաղաքին վրայ, զոր քանի մը տարի առաջ Եղիտ օստիկանն առեր էր ՚ի Յոււսաց և լաւ ամրացուցեր. Թերևս հիմա մէջը բաւական զօրք չկար, չէ Հայոց Թուոյն՝ այլ ոգւոյն դէմ կենալու. բայց պարիսպներն բաւական զօրաւոր էին. բոլոր այն տարի (774) ձմեռուան սաստիկ սառամանիքներէն այլ չձանձրանալով՝ Հայք պաշարեցին կեցան քաղքին քով. և մեծամեծ մեքենաներ կանգնելով՝ կու ծեծէին պատերը. և քանի մը ծակ բանալով՝ կրցան քիչ մը քար Թափել ՚ի ներս և քանի մը մարդ սպաննել. բայց աւելի սովով կու նեղէին քաղաքը, որ և անձնատուր ըլլալու վրայ էր, երբ յանկարծ մեծ մրրիկ և զօրաւոր հարկ մը հասաւ Հայոց վրայ: Ասոնց հեռանալը յԱյրարատայ, և ոմանց այլ իրենց բերդերը քաշուել տեսնելով Դրուսնեցի արաբացիք, սիրտ առին, չորս կողմէն այլ ժողովեցան, և սկսան այրած սրտով ու ծարուած սրով մօտակայ գաւառաց մէջ պարտիլ, և շատ արիւնահեղութիւն ընել. բայց ապստամբները նուաճելու համար ստիպուեցան ամօթով՝ եղածը իմացընել ամիրապետին: Սա վրէժխնդրութեան յարմար առիթ գտնելով, անթիւ զօրաց միջէն ընտրեց Խորասանիկ կտրիճները, 30,000 հոգի, ձիով և զրահով աղէկ մը

պատրաստած, և յանձնեց Էմիր Իպն-Իսմայիլ փորձ և հռչակաւոր զօրավարի մը ձեռք: Որ և հարաւային հովերէն առաջ անցաւ Ասորեստան, և Աղձնեաց կողմերէն գալով մտաւ 'ի Խլաթ մեծ քաղաքն. Ժողովելով հաւասարիմ մարդիկ՝ ազէկ մը քննեց տեղեկացաւ Հայոց պատրաստութիւնը, որչափ հոգի միաբան և ուր ըլլալնին, և ինչ ոյժ ունենալնին. զոր 'ի հարկէ շատ քիչ և իբրեւ ոչինչ գտաւ իր բանակին բազմութեան և կազմութեան համեմատելով: Հոն 'ի Խլաթ էր այն ատեն խոհական իշխանն Աշոտ. և տեսնելով իր հայրենեաց վրայ եկած չարիքն, և իր խրատած իշխանաց անհաւանութիւնը, սիրտն կ'այրէր կու հալէր, առանց կրակը դուրս տալու. մահաւանդ որ պիտի ստիպուէր Արաբացւոց գործակից ըլլալու իրեն ազգայիններուն գէմ: Անհնարին տագնապին մէջ առանց ատեն կորսնցընելու ամենայն ծածկութեամբ իմացուց իշխանակցացը՝ Էմիրի պատրաստութիւնը. և ահա ժամանակն է, կ'ըսէր, ցուցնելու ձեր խոստացած հաստատութիւնը, կամ իրարու պաշտպանութեամբ մեռնելու: Առջի խրատուն մտիկ չըրին դաշնակիցք, ետքինէս կասկածեցան. կարծեցին որ Աշոտ Արաբացւոց հաւասարիմ մնալովն՝ զիրենք խաբել կ'ուզէ և հեռացընել 'ի Խլաթայ. և մտքերնին գրին Աարնոյ պաշարողաց նման՝ այս մեծ քաղաքս այլ առնուլ յայլազգեաց: Համազասպ Արծրունեաց իշխանն գլուխ կեցաւ, հետն առաւ Վասպուրականի զօրքերէն զատ՝ Ամատունեաց դունդն այլ, Սմբատ սպարապետին Աշոտ եղբոր դունդն այլ, և ելաւ երթալ Վանայ ծովուն հիւսիսային արեւելեան կողմը՝ Արձէշ բերդաւանին վրայ, ուզելով հիմնայատակ ընել. անցած տեղերէն ռամիկ հետեակ մարդիկ այլ կու ժողովէր կու խառնէր զօրքերուն: Երբ հասան 'ի

Բերկրի, Խլաթէն Հայ մը եկաւ նորէն իմացընելու թէ Էմր զօրավարն մօտ է երեք բիւր և աւելի զօրքով: Համազասպ հպարտացեալ՝ զայս այլ նենգութիւն կարծեց, և փոխանակ պարգևելու՝ պատժեց լրաբերը, և առաջ անցաւ հասնելու յԱրձէշ: Ասոր բնակիչքն այլ իմաց տուեր էին Էմրայ, որ բազմութեամբ զօրաց ծածուկ ճամբաներով եկեր ապահով տեղ մը դարաներ էր. և հազիւ թէ Հայք սկսան Արձէշի բերդը ծեծել, Արաբացիք դարանէն ելլելով վրանին ընկան, և անգէն անհմուտ հետեակ գնդին մեծ մասը ջարդեցին, որոց ոմանք այլ փախչելու ատեն ծովը թափեցան. և այսպէս անխոհեմութեան ղոհ եղան 1500 անպարտ մարդիկ. անոնց հետ իրենց առաջնորդ չորս ազնուական իշխանք այլ մնացեալքն փախստեամբ ցրուեցան: Այս պատահարս եղաւ ապրիլի 16ին (775): Արաբացիք զանոնք երկար միջոց հալածելէն ետև՝ դարձան անկէ մէկայլ ապստամբները փնտռելու. և Խլաթու և Մանազկերտի դաւառներէն վեր փութալով թափեցան հոս, ՚ի Բագրևանդ:

Ահա այս էր այն հնոցանման սև ծուխն զոր տեսանք յարևելից. որ և կոխելով այս ծաղկազարդ վայելչութիւնները, գետոյս աղբերականց քով՝ Արծնի ըստած գիւղը իջան. և դադրեցան զէնքերնին սրելու և մահու գործիքները պատրաստելու: Իսկ արևմուտքէն փրթած փղբ արծաթափայլ հեղեղն՝ էր Մուշեղեան գունդն Հայոց, որ պաշարէր զքաղաքն Կարնոյ. և յանկարծ լսեց Արձիշու կոտորածը: Յետ այնչափ երկայն համբերութեան, պզտի գնդով մը այնպիսի մեծ քաղաք մը պաշարելու և վտանգելու, որսը բռնելու ատեն՝ ստիպուիլ թողուլ, ուրբան ծանր, ուրբան սրտակտուր էր: Այլ ուրիշ հնար չկար. ակռանին կրճտելով դարձուցին երեսնին ՚ի Կար.

նոյ. բայց ո՞ր երթան: — Երկու ճամբայ կար դիմացնին. մէկն և ապահովագոյնն էր՝ Արտաւազդայ բռնածն, անցնիլ երթալ յարևմուտք և ՚ի հիւսիս, Յունաց կողմը մտնել, և յետ այնքան նեղութեանց՝ գոնէ ապրիլ և հանգչել: Իսկ մէկայլն՝ կորիւնը կորուսած առիւծուն ճամբան էր. զօրաւոր թշնամեացը վրայ դառնալ և յուսահատ կատաղութեամբ զարնուիլ, ըլլայ ինչ որ ըլլայ: Եւ այս ետքինը ընտրեցին այն զայրասիրա ընկերակորոյս առիւծքն: Կարնոյ լերանց դարերէն թափուիլ ՚ի Բասեն, և անկէ այլ Սուկաւ լերանց (Քէօսէ տաղ) կռնակէն ընկնիլ ՚ի Բագրևանդ, քիչ օրուան քիչ ժամուան գործ մը եղաւ իրենց. հոն այլ չգաղթելով, ոչ թշնամւոյն բազմութիւնը ուղեցին քննել, ոչ անոր շարժելուն սպասել, այլ դարուգուր գետնի մը վրայ արձրկած հրագունտի պէս ցատքըտելով առաջ եկան, և փոխանակ թշնամեաց սպասելու՝ իրենք անցան գետը: Թշնամեաց անհղ բազմութիւնն և աւելի և հարկու սլառաստուութիւնն, արաբիկ երիվարաց վազն ու փութնն, լուսնանիչ վրանաց և դրօշուց շարժիւնն, խառնալուրաղաղակն գոչումն, և ալ տերազմական գործեաց և թմբկաց որոտումն, փոխանակ զիրենք վախցընելու, այնքան աւելի կատղեցուցին բորբոքեցին, որ Արաբացւոց բանակէն քանի մը հարիւր քայլ հեռի՝ թողուցին ոչ միայն իրենց բեռները, այլ և ձիանքը. հետևակուց աւելի ազատ և համարձակ կրնային հայկական աղեղները քարշել հեռուէն, ու մօտանց թուր ու նիզակ շարժել: Երկայն ճամբուն յօգնութիւնն այլ չէին ուզեր մօտիկ ընել, եթէ գիշերուան սեաւ վարագոյրն երկու բանակաց մէջ չկախուէր: Անոր մէկ կողմը 30,000 սպառազէն Արաբացիք, մէկայլ կողմն 5000 հետևակ թեւեւազէն Հայք անցուցին, ինչ հոգւով, ինչ մը



տաժուածեամբ՝ ապրիլի 24էն 25 մտնող միջոցը, կրնայ գուշակուիլ քան թէ գրուիլ: Առաւօտն հազիւ թէ ծագեց՝ Հայք անհամբերութեամբ նետուեցան բազմութեան մէջ, սաստիկ կոտորած մը ըրին, սրընթաց հեծեալներուն մէկ մասը հալածեցին հեռացուցին. բայց վերջապէս իրենք այլ յօգնեցան: Արաբացիք սրտմտեալ և զպնահար յետ դարձան, Հայոց նախարարներէն մէկ քանին՝ (որ ռամկին պէս հետևակ չէին) քշեցին իրենց ճորտերովը. Հայոց ռամիկն այլ, յետ քաշուեցաւ. այն ատեն Արաբացի հեծելոց եկաւ վրէժինդրութեան կարգն. . . սկսան կոխկրուտել դէմ դնող հետևակ Հայերը: Ասոնք իբրև երկայնաշար ալիք՝ աւելի մեծ և երկայն ալիքէ մը ծածկուելու թաղուելու ատեն, վերջին անհնարին ճիգ մ'այլ ըրին. յետին յուսահատութեան կամ յուսոյ ձայն մը վերուցին. իրար զիրար կանչելով և սիրտ տալով. « քանի որ թմերնուս վրայ » դեռ քիչ մը ուժ կայ, կ'ըսէին, պէտք է թառ փէնք մեր հայրենեաց և եկեղեցեաց վրայ. ողջ ողջ երես դարձնել և յետ դառնալ՝ անկարելի » ըլլայ մեզի. մեռնինք զէնք 'ի ձեռին, քան փախըստեամբ ապրինք »: Եւ արիւնոտ աչուրնին մէկ մը երկինք տանելով, մէկ մը Բագրևանդայ պաշտպան Ս. Յովհաննիսի, կանչելով ու գոռալով՝ նորէն յարձրկեցան, և անգամ մ'այլ իրենց մէ մեծ և ուժով ալեաց վրայ ելան. միայն հազար հոգի մնացեր էին միագունգ՝ երկու երէք բիւրուց դէմ, զոր վերջին անգամ մ'այլ քշեցին: Իսկ ասոնք այնպէս զարհուրեալ շփոթեալ էին, որ չէին գիտեր թէ մարդո՞ւ հետ, հրէշից հետ, թէ հրեշտակաց հետ կու պատերազմին. և իրաւ թէ սուտ՝ իրենց շփոթութիւնը ծածկելու համար, յետոյ կու պատմէին, թէ մենք Հայոց գընդին հետ կու տեսնէինք երկնաւոր ղօրքեր, պա-

պատաներ և երէցներ, որք աւետարանօք և բուր-  
վառօք կ'առաջնորդէին անոնց: Անշուշտ այսպէս  
տեսան ինչուան որ Հայոց վրայ զէնք շարժելու  
ոյժ չմնաց: Այն ատեն Թիւն յաղթեց. և երբոր  
ղիմակաց չգտաւ՝ արաբացի գունդն յաղթական  
եղաւ: Տարիէ 'ի վեր անդադար կռուող և վազող՝  
3000 Հայք իրենց նիզակաց վրայ երես 'ի գետին  
Արսածանոյ ծաղկանց մէջ փռուելով՝ արիւնով  
ներկեցին ապրիլի երանգ երանգ փռոցը: Հոն եր-  
կու բորձր ծառոց պէս ընկան պարագլուխք նա-  
հատակացն՝ ինչուան ետքը իրենց խոսամանն և  
քաջութեան հաւատարիմ մնալով, Մուշեղն մա-  
միկոնեան և սպարապետն Սմբատ. անոնց հետ  
նաւ շատ մեծատոհմիկ նախարարներ, ինչպէս  
բազրատունին Սահակ, գնունին Վահան-Ռաշ-  
նակ, և Սամուէլ մեծ նախարարն Մամիկոնէից,  
որ սարւօք գեռ երիտասարդ և գեղեցկութեամբ  
տնուանի, ծաղկանց մէջ ծաղիկ, և իր ընկերա-  
կըցացն հետ յիրաւի գարնան ամեն զարդերէն ա-  
ւելի սրտառուչ կու փայլէր՝ իր վերքերէն բղխած  
վարդերուն մէջ:

Եթէ այն ճգնաւորին քիչ մը արտորնօք տե-  
սած և շփոթած տեսլեանն համեմատ՝ փառաւոր  
վախճան մը չունեցաւ պատերազմն, սակայն և  
ոչ բողբոջին անօգուտ մնաց: Թէ և գործն քիչ  
շատ սագոտանելի ըլլայ անաչառ դատաստանի  
առջև, չիկրնար անաես ըլլուիլ այնքան քաջու-  
թիւն, հայրենասիրութիւն, կրօնասիրութիւն  
այլ: Բայց ազգանախանձ միաբանութիւննին ա-  
ւելի գովելի կ'ըլլար՝ եթէ ըստ խրատուն Աշոտոյ  
շորժէին պատերազմէն առաջ, կամ պատերազ-  
մի ատեն. և կամ թէ յետ պատերազմին՝ Արծ-  
րունին Մեհրուտան չսպաններ քաջին Մուշեղայ  
երկու որդիքը (որք իրեն ապաւիններ էին), իբր  
թէ հայրերինն եղաւ պատճառ այնքան մարդկան

և իր հարազատաց կոստորածին: Իսկ Արաբացիք որ այն գունդը կոտորեցին, և Բագրևանդայ դաշտոց վրայ անթաղ թողուցին, ու սկսան չորս դի աւրել և աւարել, իրենց կորուսաններն այլ չէին կրնար ծածկել, և ոչ իշխել շատ հեղ սյնպիսի փորձեր փորձելու: Էմր՝ իբրև յաղթական՝ ամիրապետին երթալու ատեն՝ չարաչար ցաւերով բռնուած մեռաւ ի Պարսկաստան. քանի մը ամսէն ինքն ամիրապետն այլ նոյնպէս վերցուեցաւ. յաջորդ տարին՝ պատերազմին մէջ ընկնող Սըմբաս սպարապետին որդին Աշոտ, սկսաւ նորէն Արաբացոց ետեէն ընկնիլ, և երկիրները ազատելով՝ Անի բերդը ամրացուց, որ յետոյ իր ցեղին թագաւորութեան աթոռ եղաւ. և օր մը աղօթք ընելու տունն՝ թշնամիներէն պաշարուած, աղօթքը չթողուց, այլ լմանցընելէն ետեւ՝ ելաւ զարկաւ զանոնք, և դլխաւորնին՝ Լիպառոն Աբգըլայն՝ երկու կտոր ըրաւ: Ասկէ ետեւ եկող ոստիկանք սկսան զգուշութեամբ վարուիլ Հայոց հետ, մանաւանդ Հարուն Էլ-Րէշիտ, որ ամիրապետ ըլլալէն վեց տարի առաջ (780) Հայոց և Պարսից մեծ ոստիկան դրուած էր:

Այս է Բագրևանդայ ըսուած կռիւն. զոր կարծիր արձանագրութեամբ նշանակէ Հայագիրն յ'18 ահեկանի (25 ապրիլի) 775 թուին Քրիստոսի:

## Ս. ԹԷՈԴՈՐՈՍ ՍԱՀՈՒՆԻ

11 Մայիս 296.

Ահաւասիկ հասաւ մեղրակաթն Մայիս, գեղեցկագոյնն յերկոտասան հարազատաւ տարւոյ, գոնէ մեր հայրենեաց և անոր նման աշխարհի մէջ. ուր այս ամիսս՝ հայագիր հայկագիր՝ Մարերի անուամբ հեզիկ նազիկ կու պարէ՝ ի բլուրս և ի բարձունս, բոլորովին կանաչ ու գալարազգեստ. ձեռքն ու ծոցն, գլուխն ու գոտին՝ փունջ փունջ գոյն գոյն ծաղկներով լցուած, որք իր թեթեւ գարշապարաց կոխած տեղէն կարծես դուրս բխեն. արծաթալիք աղբերակունք կանչեն կրկնըջան. ծաղկափետուր թռչնիկք երգեն պարեն. թեթեւթաթիկ ուլք և այծեմունք սաշին սուրան. հոտաւոր հովիկք և զով զեփեւռիկք ծոպ ծոպ ծամերնին ծածանեն, երբ հովաթ հովիտ ցածնալով բլրէբլուր ցառքելով՝ անցնի վազէ բամբիշն բարձանց Հայոց՝ մրազարգն մարերի: Անոր շողակաթ շոգոլի շնչէն՝ ծաղկըներն վառ վառ շողողան, պողունք խայծ խայծ խանձին կարմրին. և եթէ ձայնն անուշիկ հասնէր ակընջիդ... Ո՛հ, երգն հայկածնին մարերեայ՝ Հայոց հովասուն բարձանց վրայ. հազար տարիներ առաջ, երբ իր ազգն տէր ու ժառանգ էր բոլոր իր աստուածա-

պտրգեւ երկրին, այն տառնուան մրազարդ մարե-  
րեայ երգի այլ իրեն նման աննման էր. մեր նոր  
լաօժ երգերն՝ ինչպէս չոր տերեւ մը վարդի գի-  
մաց՝ չէին կրնար կենալ. ոչ մեր գուտակք և ոչ  
օտար երգիչք կրնտն անոր արձագանգներն ար-  
թընցընել բարձր Հայոց պաղանձաւաց մեջ. և  
թէ ճաշակիկ մը, ձայնիկ մ'ուղեմք երազել, թեր-  
ևս միայն Բեթելայ բլուրներէն լսուածն վայելէ  
մեղրաբերանն մարերեայ. որ թուի՝ թէ գեռ Ե-  
փրատայ երիտասարդ վտակներով ծաղկած ծա-  
ծուկ ծմակէ մը կ'երգէ. « Ահա ձմեռն անց. ան-  
» ձրեք անցին և գնացեալ մեկնեցան. ծաղիկք  
» երևեցան յերկրի մերում. Ժամանակ եհաս հա-  
» տանելոյ. ձայն տատրակի լսելի եղև յերկրի մե-  
» րում. Թզենի արձակեաց զբողբոջ իւր. որթք  
» մեր ծաղկեալք ետուն զհոսս իւրեանց » : ...  
Անշուշտ եռանդուն սիրտ մը հոս չգաղթելով՝ բղ-  
մայլած, հոգեշունչ երգչին հետ ուղէ հրաւիրել  
անծանօթ մերձաւոր մը, սրբաւորան գեղեցիկ մը,  
աղաւնակերպ հեղադէմ մը... « Ընդ հովանեաւ  
» վիմին » : — Այո, Հայագիրն այսօր կու տեսնէ,  
կու յայտնէ այգալիսի մը, անծանօթացեալ ա-  
նուամբ և տեղեաւ, որ ահա հանգչի ընդ հովա-  
նեաւ ծուռոյն և ի վերայ վիմին. յետին և քաղ-  
ցրագոյն հանգիստ, նախ զհանգիստն յաւիտե-  
նից : ...

Ահաւասիկ նա. նման սրբազան սքանչելի եղ-  
բորորդւոյն, արդարեւ սպիտակ ու կարմիր է. և  
րիտասարդ մը կուռ և կատարեալ հասակաւ.  
բնութիւնն առիւծու և կերպարանքն աղաւնոյ.  
գիտէ մոնչել, բայց ընտրէ մնչել. իբրև մեծ աշ-  
խատանքէ և յերկար վշտերէ եկած՝ անմարդա-  
ձայն ձորակի մը մէջ՝ փռուած է մենաւոր ծառի մը  
տակ, որ կարծես իր գետնամած ճիւղերովն իբրև  
մայրենի թեօք կ'ուղէ պաշտպանել զանիկայ, որ

աջ թևը ձորեզերէն ցցուած քարի մը վրայ դրած է ծառին ներքեւ, և յոգնած գլուխն այլ թեւին վրայ, ձախը՝ կուրծքին վրայ պարկեշտ պատմու՝ ճանին խորշերուն մէջ։ Կարծես ծաղկապաճոյճն մարերի 'ի հովիտ և 'ի բլուր (Թափառելով՝ կու փնտուէր այս երիտասարդը, որ ըստ երախտապարտ պատմըջի մը թողած յիշատակին, «էր ս. » չօքն թուխ, և գանգրահներ, և երեսօքն խար » տեաշ, և անձամբն երկայն » . (աջքերն ու, մազերն գուռզ ու գալար, երեսն դեղին ու կարմիր, հասակն ու կաղմուածքն երկայնաձև) . զգեստն պարզ մաքուր երկայն պատմուձան մը, վզէն ինչուան ծնկուռները և այլ վար . մէջքը գօտուով զսպած . սրուչքն պարթևական սոնապաններով ծածկած . դեղին դաստակներն կիսաբաց . ուսին քով մէկդի ձգած հայկական եղջերաձև խոյրն : Իրսուանց ամենեւին անհոգութեան կերպ, ներսուանց անհնարին հոգ մը, որ երբեմն երբեմն բաց խրփիկ ըրած երկու սև ադամանդ պատուհաններէն կու յայտնուի . պահ պահ յանկարծ սև ամպի շուքի պէս բան մը բոլոր երեսէն սահելով անանկ

• խեղճ ու ցաւագին երևոյթ մը կու տայ, որ կարծես թէ քովի ձորակին վազած վտակին պէս՝ իրեն համար բոլոր աշխարհ կ'անցնի, և կրնայ ըսել ինքն այլ իբրև զԱյրն ցաւոց, թէ « Տրտում է » անձն իմ մինչև ցմահ » . այլ շուտով ամպի տակէ ելած բարկ արևու ճառագայթի պէս լոյս մը կու ծագէ դէմքին վրայ, սքանչելի հանդարտութիւն մը բոլոր անձը կու պատէ . կու խփէ երկայնաշար թարթափքը, և այնպէս անուշակ ու թեթև քունի մէջ կ'երևայ, որ դարձեալ կարծես լսել իր մեղմիկ շքնէն, թէ « Ես ննջեմ և » սիրտ իմ արթուն կայ » : Ո՛վ քուն ցանկալի քան զարթնութիւն . ո՛վ հրաշալի հանդարտութիւն . ո՛վ հանդիստ անբծութեան, ո՛վ տխրու-

Թիւն անտրտում. զեփիւս, ծործոր, բոլոր գարնան գեղեցկութիւնն կու թուի իրեն հետ լռելու մրափել: — Ո՛հ, Հայկակ, Թէ գիտէիր այս միայնութեան պատճառը, այս քնոյն պէտքը, Թէ գիտէիր անոր յաջորդելու յետին արթնութիւնն, անշուշտ փափագէիր որ գոնէ Նփեսոսեան մանկանց չափ երկրննար այգոր քունն, կամ Թէ նոյն իսկ կենաց յետին քունն այլ հասնէր շուտով խառնուէր անոր. անզգալի կերպով շունչը առնուր վեր քաշէր, և դիմացնիս թողուր սնարիւն նահատակի շուշանագոյն մարմին մը, Թաւալած ՚ի մէջ մանուշակաց և աղբրանց-արեանց:...

## Բ

Բայց ո՛ւր եմք մէք. ո՛ւր է այս անծանօթ ձորակն, անծանօթ երկիրն, և ո՛վ այս աննման երիտասարդս: — Միթէ կամա՛ւ մոռցան պատմիչք և զլացան աշխարհագիրք, (և մանաւանդ մեր բաղմերախտ պատմահայրն և աշխարհագիրն Մովսէս Խորենացի, որ բոլոր Մեծ Հայոց 200ի չափ գաւառները մէկիկ մէկիկ համրեց) նշանակել մեզի Կոփէրոյ երկիրը, Սաւահոսէաց գաւառը, Սուրենաշէն աւանը, Պարթէնիոյ դղեակը, և այն սըրտառու Սեղէհոփ ձորակը՝ ուր այսօր կու հրաւիրէ զմեզ Հայագիրն, Նփրատայ բարձր հոսանաց եզերքը, որ Կարինէն իջնելով ՚ի Դերջան գաւառ, անտի կ'երթայ յԵկեղեաց (Երզնկա). և այս երկու յետին գաւառաց միջոց դար-վար երկիրն է մեր փնտռածն, որ կերպով մը որչափ անծանօթ է՝ այնչափ այլ ծանօթանալու անուաններ ունի. կ'ըսուի նաև Կոբոսաց երկիր, Հայոց ուրիշ հեռու աշխարհի և գաւառներու անուանակից. Թերևս անոնց նման կորդ, խորտուբորտ երկիր

մ'ըլլալուն համար, կամ բնակիչքն նոյն տեղէն  
 եկած ըլլալուն համար. կ'ըսուի և Կոփեայ երկիւր՝  
 յանուն Կոթեր աւանի. կ'ըսուի յատկապէս և  
 առաւել հայապէս Սալահնէայ (կամ Սալահու-  
 նեայ, Սահլունեայ) գաւառ, որոյ մէջ էին վե-  
 րոյիշեալ շէնք և տեղիք, և քանի մ'ուրիշ այլ,  
 զոր յիշէ հայադիրն և լռէ հիմկու աշխարհագրու-  
 թիւնն: Այս տեղերուս հնագոյն և մէկ հտտիկ և  
 մեզի հարկաւոր յիշատակն՝ տակէ 1500 և աւելի  
 տարի առաջ կ'եղէ. այն տարիները՝ որ քաղաքա-  
 կան մթութիւն մ'այլ կու պատէր բոլոր մեր աշ-  
 խարհը, երբ սասանեանն Արաաշիր պարսիկ՝ Ար-  
 շակունեայ թագաւորները հալածեց 'ի Պար-  
 թեայ և 'ի Հայոց և բռնաբար տիրեց մեր երկրին.  
 ուսկից հեռացեալ պատանին Տրդատ՝ Հռովմա-  
 յեցւոց քով կու մեծնար, և կու պատրաստուէր  
 քաջութեամբ տիրելու հայրենեայը. իսկ նախա-  
 րարք Հայոց՝ ոմանք հնազանդէին բռնաւորին, ո-  
 մանք այլ իրենց երկիրներուն ամբուլթեանց վըս-  
 տահացեալ՝ կու սպասէին իրենց օրինաւոր տի-  
 րոջ: Ասոնցմէ մէկն էր Սալահունեայ գաւառին  
 տէրն այլ՝ Սարէն, որոյ ցեղաբանութիւնն մնա-  
 ցած չէ, այլ տյաչափ յիշուած՝ որ թագաւորա-  
 կան ցեղէ էր կամ խնամի, ինչպէս անունէն ալ  
 կրնայ գուշակուիլ. իր անուամբ աւան մը շէ-  
 ներ էր, Սարէնաւէն, յետոյ Զուրէն կոչուած,  
 մօտ 'ի հին բերդաշէնն կամ դղեակն Պարթևիդ, որ  
 յետոյ Բերդոտն ըսուեցաւ, և անունէն կ'երևի  
 որ շինած էր լէրան մը կող, որոյ վրայ կայր բերդն,  
 և շինողքն էին Պարթեանք կամ թերևս Պարթեք:  
 Այս երկիրս գրեթէ Մեծ Հայոց արևմտեան սահ-  
 մանածայրն է և մօտ Փոքուն Հայոց ու Յունաց  
 բաժնին. ըսել է՝ Հռովմայեցւոց իշխանութեան,  
 որք այն առեն ինչուան այս կողմերը նուաճած  
 էին: Յունաց սահմանակցութեամբ կ'երևի թէ



Սուրեն յունական ախորժակներ այլ ունէր, իր անուան համեմատ սուր բարձր կակղցրելու համար. և կ'երևի թէ տիկինն այլ յունացի էր, Աղուիւս<sup>1</sup> անուամբ որ է Սիբելէ, (Աղաւթի ըստ յունաց), եթէ հայկական աղա կամ աղաւի աւունէն առած չէ, կամ Զարմուհի անուան թարգմանութիւն մը չըլլայ (իբր յունարէն աղաւի, զարմանալի). և այս թերեւ իր բնաշնորհ գեղեցկութեանն համար կամ անոյշ բարուցը, որովք անուանի էր. իրենց սիրոյն պատուէն այլ վկայէ որ 'ի շնորհս մօրն և յունական մերձաւորութեանն՝ կոչուեցաւ Աթենադորա, որ նշանակէ Տուրք Աթենասայ, իմաստութեան գիցուհւոյն. գեղեցիկ անուն, որ ոչ այնքան ծնողաց ընտիր ճաշակը կուցուցրնէ, որչափ ծածուկ շնորհաց ընտրութիւն մը. որ 'ի հեթանոսութենէ կանչելով զնա 'ի լոյս Քրիստոսի՝ ապա Աստուածատուր անուամբ կընքեց:

Գ

Պազոց առատութեան ամսոց մէջ ընծայեցաւ Աթենոդոր յոմին Քրիստոսի 269, կարիճ հօր արիասիրտ որդի, և գեղեցիկ ու գարաղի մօր՝ գեղեցիկ և գողտրիկ զաւակ. աճելով առաւ այն հասակը և կերպարանքը՝ զոր տեսանք Սեղեմնութի ձորակին մէջ քարին վրայ հանգչած երիտասարդին վրայ: Բայց տղայութեան հասակէն վեր անցնելու ատեն, երբ դալար մրտենւոյ մը պէս շիտակ կու բարձրանար կարմրուկ ու գանգրուկ, և ուղնիաղեայ սև աչքերն անթարգմանելի փայլունութեամբ մը կու վառէին, այն վտանգաւոր հասակին շատ հեղ նախանձոտ հիւանդութիւն.

<sup>1</sup> Յօր. Աղուիւս կամ Տըղվիս:

ներէն մէկն եկաւ վրան . տասնուհինգ տարեկան էր , երբ աստեղանման գեղեցկութեանց մէջ՝ ցաւոց և վիրաց ամպեր ցրուեցան , և վէրք անբժըլկելէք , որք որդւոյն մարմնէն աւելի ծնողաց սիրտը կեղեքէին . Թէպէտև , երբ ցաւերուն ազդած հեղութիւնը բնատուր շնորհացը հետ խառնելով , Աթենոգոր՝ իր խարտեաշ գլուխը մօրը ծընգաց վրայ դրած , և ձեռուրներն հօրը ձեռաց մէջ՝ հանգչէր , կիսաբացիկ կիսամաղձիկ շողակաթ աչքերովն , տարակոյս կու բերէր՝ Թէ այդ ցաւագին մրուրքն՝ իրեն աւելի շնորհք բերած են Թէ տարած . այնքան լուսաւոր կերպարանքն չէր խաւարած , այլ բարակ շուքերով խառնուած : Թէ և նոյն իսկ ցաւերն զինքն աւելի սիրելի ըրին ծնողացն և ծնուլքը իրեն , սակայն կրնա՞ր հայր մը՝ իր պայազատը , իր ծերութեան յոյսն և յաջորդը , և մայր մը՝ իր սիրելտգոյն ծնունդը՝ այդ տարակուսի մէջ տեսնել , և սիրոյն սաստկութեանը կսկիծն այլ աւելի սաստիկ չըզգա՞լ :

Սուրենի զբօսանաց և Աղուիթայ զարդարանաց ծախքն՝ մեծաւ մասամբ բժշկաց և բժշկական դարմանոց տրուեցան . ինչ որ հարուստ նախարար մը և որդեգորով ծնուլք կրնային ընել եղան . բայց զաւակնին չիբժշկեցաւ . չմնաց աստուած՝ որոյ ուխտ և նուէրք և զոհ չմատուցին , բայց Աթենոգոր չըւրնացաւ : Եօթն տարի , կենաց առուգագոյն տարիներն , հասակին աճման և ձեւացման տարիներն , հիւանդութեամբ և ցաւերով անցան , և ցաւերուն անցնելու յոյսն ալ գրեթէ մէկտեղ անցաւ : Եւ երբ առողջութենէ յուսահատած՝ երկար ողջութեան մտածմունքն առաջ կու գար , երբ կենաց փափուկ Թելն՝ ոլորուած մոլորուած երևար ծնողաց աչքին , և անգութ Կտորողին մկրատն կու մօտենար մօր մը դիմաց , և երբ դաշարագեղ հասակն միջակոտոր

ծառի մը պէս՝ գետին տարածուած տեսնուէր կասկածոտ մտաց. — ճշ, այս՝ ամեն ցաւէ ցաւալի էր:.... Բայց լռէնք, գուցէ զուր տեղ հին և նոր սրտեր ճմլին:.... Այսպիսի ցաւոց միայն մէկ զօրաւոր բժիշկ և դեղ մը կայ. — կ'ուզես, ո՞վ կարօտեալ. — չորս մատ աչուրներդ վեր վերցու, կ'իմանաս, կու տեսնես:.... Բայց ի՞նչ ընեն ա՜նոնք՝ որ զուրկ են մեր սուրբ կրօնից շնորհքէն: — Իե՛ռ կէս երանի անոնց այլ՝ որ գոնէ բնական լուսով կրօնասէր են և բարեսէր. և ազնիւ սրտի և մաաժող գլխի տէր ըլլալով՝ իրենց կեանքը մարդկօրէն կ'անցընեն, և բարերարութեամբ կու ստանան կամ կու վայելեն այն բարիքը՝ զոր բնութիւնն իրենց չէ տուած կամ յեա է առեր:

Այսպիսի մէկ մ'էր և Աղուիթա, թէ և դեռ քրիստոնէութեան շնորհքէն զուրկ, այլ ոչ հեռի: Իր երկիրներուն մէջ լիճ մը կար Սիլիբուռ ըսուած (որ յունարէն լսուելով՝ գուցէ Թգե՛նուտ կամ Թգադարակ նշանակէր հայերէն). զոր հիմա չենք տեսներ աշխարհացուցի վրայ, բայց պէտք էր բաւական ընդարձակ ըլլա՜նք որ Աղուիթա անոր եզերքը աւան մը կամ գեղ մը ըլնէր, իրեն զբօսանաց տուն և ագարակներ ու պարտէզներ. և շատ հեղ հոն քաշուելով իր գառնուկ պաաանեկին հետ, բնութեան գեղեցիկ տեսարաններով՝ իր և անոր ցաւերը մեղմէր. և ո՞ գիտէ քանի՜ երկայն ժամեր՝ վայրկեններու պէս կ'անցնէին այն ծիածածան ծովակին եզերքը, երբ Աթենոգոր գալար վարդաթրփի պէս գլուխը մօրը կը լծնցուցած, և նա իր վարսաւոր ճակատը՝ բարակձիւղ ուռնեւոյ պէս որդւոյն վրայ կախած, մէկ մը ջրերուն հանդարտութեանը վրայ, մէկ մը զաւակին անմեղ խաղաղութեանը կու նայէր, և սրտին բորբոքած կրակներն՝ այն երկու պայծառ զովութեանց մէջ կու մարէր: Լճին մէկայլ կող-

մը՝ շինած գիւղին գիմաց՝ աղբիւր մը կար, պատ-  
շաճ և անոյշ անուամբ Աբէնափ, որ աւելի ա-  
նոյշ խոխոջալով կ'իջնէր կու գար՝ թերեւս խառ-  
նուելու նոյն ծովակին ծոցը, ինչպէս Աթենոգոր  
իր մօրը գիրկը. անտարակոյս շատ հեղ Աղուիթա  
այդ աղբեր վազուկ արծաթները իր ոսկեհասակ  
որդւոյն ցաւած մասանց վրայ դարձուցեր, լուա-  
ցեր ջնջեր էր. Աթենոգոր անոր քով հաւաքեր  
գրեր էր մարերեայ գունազոյն բոյսերը, յառաջ  
քան փունջ փունջ ընծայելու իր մօրը, որ միշտ  
մայրաքար՝ թէ իրեն և թէ իր որդւոյն մաս և պը-  
սակ կու հանէր այն մարգարտակաթ ծաղկընե-  
րէն: Արդւոյն ցաւոյ վրայ գորովելով՝ կու յիշէր  
անոր պէս ցաւադարներ. մանաւանդ երբ կու  
տեսնէր զոմանա անոնցմէ, որք ըստ բարբարոս օ-  
րինաց հեթանոսութեան, հալածուելով ՚ի շինից  
և ՚ի բնակութեանց, ամայի անբնակ տեղուանք  
կու թափառէին, իբրև նզովեալք և անիծեալք.  
այս ողորութիւնս կար նաև մեր աղցին մէջ այլ,  
զոր յետոյ շատ խնամքով ջանացին ջնջել Ս. Լու-  
սաւորիչն և իր համանման սուրբ Թոռն Մեծն  
Ներսէս. չէնքերէ հեռու տեղուանք հիւանդա-  
նոցներ և ուրկանոցներ (բորոտներու տեղ) շի-  
նելով, որք և այգալիսի բարերարութեան տեղեաց  
մէջ հնագոյններն կու սեպուին. բայց իրենցմէ ա-  
ռաջ այլ այս անուանիրտ տիկինս Աղուիթա  
Արքեմուտ աղբեր քով շինեց տառապելոց պա-  
տըսպարան մը, ուր ժողովեցան 36 ցաւադարք,  
և գթասիրտ Աղուիթայի տուրքերովը կ'ապրէին,  
և կ'օրհնէին իրենց բարերարը:

Ասոնց մէջ էր և Դասիոս կամ Դասիկ ծերու-  
նին. որ, ինչպէս Աղուիթա անոնց մայր սեպուե-  
ցաւ, ինքն այլ հայր եղաւ թէ անոնց և թէ նոյն  
ինքն Աղուիթայ և Աթենոգորայ: Առաջ՝ տնոնց  
մէջ իր պատկառելի կերպարանգքն և արծաթա-

փայլ երկայն մորուքն՝ Տիր գից կամ վահագնի քուրմ մը կարծուէր, որ քաղցր շրթամբն աւելի քան օսկեթել քնարով ամենուն սիրաբեր կակղնելով, եթէ ցաւերնին չկրցաւ բռնել, գոնէ բնութեան բարիքներէն ու վայելչութենէն սկսելով՝ այն ռամիկ ցաւազնեւոյ միտքը բարձրացուց ինչուան առ բնութեան տէրն. և երբ հասուց յարմար վիճակի, հանեց յայտնեց իր ծածկած հովուական սրինգը և նոր նուագ մը երգեց. զամենքը ափշեցուց, զամենքը զմայլեցուց, զամենքը հեռեցուց իրեն. այս նոր նուագս՝ Նազովրեցի հովուապետէն սովորած էր, անոր վարդապետութիւնն էր, Գրիստոսի աւետարանն էր: Մերունին Դասիկ գաղտուկ քահանայ էր. իր ընկերաց հովիւ եղաւ, մարմնոց ցաւերը թեթեւցընելով՝ հոգիներուն մեռելութիւնն անգամ ողջընցուց. գարձուց զամենքն՝ ի քրիստոսնէութիւն. և ցաւոց ու փշոց մէջ՝ հոգեզուարճ վարդանոց մը, դրախտ մը բացաւ, ուր՝ այն աշխարհքէ մոռցուած և մերժուած տառապեալքն աւելի երջանիկ ու սրտաբաց էին, քան իրենց երկար գերութիւնը թօթուող ու Տրդատայ յաղթական գարձով փառաւորեալ դիւցապաշտ Հայկազունք:

Աղուիթա և Աթենոգոր այլ լսեցին Դասիկ սիւն Յիսուսի ձայները, և սրտերնին թնդաց. և թէ ոչ աւազանին ջրով՝ գոնէ սիրով ներսէն միջրտուեցան, և սիրով կ'երթային ծածկաբար սուրբ ծերոյն աւետարանութիւնը լսելու, որ յունարէն կուկարգար սուրբ գրքերը և կուբացատրէր չհասկացողաց: Մինչքեւ հոն, իբրեւ արելական սեղանէ մը՝ սուրբ կրօնից նուէրքն, ազօթք և զոհն՝ հեզօրէն կուբարձրանար առ Աստուած, դիմացը աւանին քով հեթանոսաց մահաւանները կանգնուած՝ կուհրաւիրէին զառողջ և զհիւանդ ի զոհ և ի պաշտօն Հերակլի (վահագնի) և Աս.

կլեպեայ՝ առողջութեան չաստուածոյն, որոց տօնքն մասնաւոր հանգիսիւ կատարէին հոն տարուէ տարի: Բարեմիտ կամ Թերամիտ քուրմք և Ժողովուրդք մեծ ջանքով կու յորդորէին զԱթենոգոր այլ՝ որ գայ այն մարգասէր աստուածնէրէն բժշկութիւն խնդրէ. բայց նա միշտ պատրուակներով կու զգուշանար. ինչուան որ հայրն այլ տեսնելով օրգւոյն չափահաս տարիքը, որ քսանը անցուցեր էր, կու խրատէր որ անհոգութիւն չընէ. «այս վեց տարի է կ'ըսէր, որ մեր աստուածոց զոհ չես ըրած, Թերևս անոր հա՛ն մար այլ ցաւերդ կ'երկընան» . իսկ Աթենոգոր՝ նոյն իսկ ցաւերը պատճառ կու բերէր զոհի չերթալուն. և ոչ միայն վեց՝ այլ և կրկին վեց տարի խաբեց հայրը, և ճարտարութեամբ ազատեցաւ: Հաւանական այլ է, որ Սուրէն իբրեւ գաւառապետ մը և Թագազարմ, երբ լսեց Տրդատայ գալն ի Հռովմայեցւոց, փութացաւ դիմացը ելլելու, և արքունի բանակին մէջ էր, որ՝ (իւր երկրին՝ Սալահունեաց մօտ) Եկեղեաց գաւառին մէջ Քայլ դետոյն եզերքը դադրեր էր:

## Դ

Քանի մը տարի այսպէս անցնելէն ետեւ՝ օր մը Սուրէնաշէն աւանն թնդաց զինուոց չըւկով. Թագաւորական գունդ մը զօրաց երեցաւ, որոց առաջնորդէր իշխանն Մազենա. ասոնք Եկեղեաց Երէզ աւանէն գալով և դէպ յԱրտաշատ երթալով ի հին մայրաքաղաքն Հայոց, կ'անցնէին Սալահունեաց գաւառէն, որ Ճամբուն վրայ էր. ոչ պատերազմի և ոչ պաշտպանութեան համար էր երթալին, հապա յանցաւոր մը, կապուած մը, Թագաւորին անհնազանդ մը կու տանէին.

տէրութեան դէմ պարտական գտուած մահապարտաց ամենէն սաստիկ բանսը ձգելու, որ էր Արտաշատ քաղաքին գետնափոր վերսպը. իսկ յանցաւորն այն՝ էր Գրիգոր մը...: Ի հարկէ ամեն դիէ հետաքրքիրք կու վազէին տեղեկանալու թէ ո՞վ է, ինչո՞ւ համար է, և երբ լսէին թէ Քաջի արանց Տրդատ Թագաւորի հօրը՝ Խոսրովայ սպանողին որդին է, ինչպէս ակռանին կըճրտելով կ'ուզէին վերսպը չհասած՝ հոն սպաննել ոչնչացնել զայն՝ որ քանի մը տարիէ վերջը պիտի ըլլար իրենց խաւարեալ հոգւոց Լուսաւորիչ: Հարկ էր զօրականաց և կալանաւորաց հեռացընել վրէժ խնդիր ամբոխը, և ապահով տեղէ մը անցընել կապեալը. անշուշտ աւելի ապահով ճամբայ այլ չկայր՝ քան մեր ցաւագնելոց պատսպարանին սահմաններն, ուսկից՝ զգուելով կու հեռանային այն տունն առողջութեամբ, քաջութեամբ և ազատութեամբ պարծեցող ժողովուրդն Հայոց. իսկ հիւանդքն, տկարքն և նեղեալքն՝ համարձակութիւն գտնելով՝ իբրև անկար և կարօտ մտրդիկ՝ պահապանաց կասկած չէին բերեր: Այսպէս կըրցաւ Դասիկ իր ընկերներովն և Աթենոգորոսի հետ՝ մօտենալ առ սուրբն Լուսաւորիչ, զորոյ խոստովանողութիւնը արգէն լսած ըլլալով, և անշուշտ աստուածային ազդեցութեամբ իմանալով թէ ինչ անձն է և ինչ պիտի ըլլայ այն կապուածն, բերաւ իբրև հովիւ հլու իր ցաւագար ոչխարները՝ ապագայ հովուապետին ոտքը ձգեց. և այն սրբազան նահատակին առաջին հըրաշքը և շնորհքը վայելեցին այս նեղեալքս. որք և առանց նեղութեան և ցաւոց՝ Աստուծոյ փառք տալով դարձան: Հոն՝ Դասիկ ծածկաբար իմացուց Գրիգորի թէ ո՞վ է հետն եղած իշխանորդին, և գաղտ հաւատացեալ ու գեռ անկնուկք ըլլալը: Սուրբն Գրիգոր քաջալերեց զծեր քա-

հանայն, և պատուիրեց որ առանց վախի առնու-  
տանի պատանին իրենց գիմացը՝ արեւելեան կողմը  
եղած աղբիւրը, (արգեզք Արբենուան, Թէ ու-  
րիշ մը) և հոն մկրտելով զԱթենոգոր՝ անուա-  
նէ Թէոփր, Աթենասայ տուրքն ընէ Արքաւածա-  
փոր: Այնպէս այլ եղաւ. Լուսաւորչի ծածկեալ  
լղան, զոր հաւատացելոց աչքն միայն կու տես-  
նէին, և մկրտութեան ջուրքն՝ նորէն ծնան այն  
կայտառ պատանին, և մարմնոյ ու հոգւոյ ազա-  
ռութի՝ զամենն այլ ջնջեցին. գէմքն աւելի քան  
զմանկութեանն պայծառացաւ. հոգին ևս աւելի.  
և ոչ միայն գեղեցիկ, վայելուչ, կարիճ, այլ և  
շնորհազարդ և սուրբ, մաքուր, պաշտելի անձ  
մը եղաւ Թէոգոր: Երանաշնորհ մայրն այլ այս  
աստուածային պարգեաց հազորդ ըլլալով, եր-  
կուքն այլ չէին բաժնուեր Դասկայ քովէն. Ար-  
բենուտի ձորակը քրիստոնէութեան ծառածա-  
ծուկ տաճար մը դարձուցին, Հայոց հեթանո-  
սութեան վերջի տարիներուն և վերջի ջանքերուն  
ատեն. երբ Տրդատ գրգեալ 'ի Դիոկղետիանոսէ  
հրաման հանէր և հալածէր զքրիստոնեայս՝ իր  
նոր տիրած և ընդարձակած սահմաններուն մէջ,  
իր հաւատարիմ և անահտապաշտ իշխանքն այլ  
նոյն հոգւով իրենց երկիրներուն մէջ հսկէին:  
Բայց Սուրէն որչափ այլ գիւամու և վրէժինգիր  
էր, չկրցաւ իմանալ որդւոյն քրիստոնէութիւնը,  
չսկեց անոր անոյշ սաղմոսերգութիւնը Արբենուտի  
խոխոջանաց և Թզենուտի ծփանաց հետ: Ինչուան  
յետ վեց տարիներու՝ ուրիշներն կասկածելով և  
հասկընալով՝ մատնեցին որդի մը՝ իր հօրը, անմե-  
ղութիւն մը՝ անգթութեան: — Իբր անախորժ  
քնէ մը արթննալով Սուրէն, այն ատեն իմացաւ  
Թէ ինչո՞ւ Աթենոգոր չէր երթար Վահագնի և  
Ասկլեպեայ սեղանները զոհիւք և պսակօք պա-  
տուելու. Թէ ինչո՞ւ այնպէս միայնութիւն և առ-



անձնութիւն կու սիրէր որդին՝ նաև յետ բժըշկութեանն, իբրև տղայութեան և հիւանդութեան յիշատակաց սովորութիւն մը: Ինչ որ ծուռ հաւատքի մը եռանդն, հայրենի գութ և տիրանկան կամք մը կրնային ընել տալ՝ ըրաւ Սուրէն. վեց ամիս աշխատեցաւ որդւոյն սիրտը դարձնելու. իր չափէն վեր այլ խոսսամուկներ ընելով, և բոլոր Սալհունեաց գաւառին ընդարձակ տէրութիւնը և փառքը ցուցնելով եռանդուն երիտասարդին. այլ ամենեւին չկրցաւ ազգել քրիստոնեայ սրտին: Հայրութիւնն դարձաւ ՚ի տէրութիւն, տէրութիւնն ՚ի բռնութիւն, եղաւ հալածիչ և դահիճ որդւոյն. կարելի խոստմանցն հակառակ՝ ամեն կարելի սպառնալիք այլ ըրաւ, և հասուց պատիժ ու զրկմունք. ակամայ քան կամաւոր անգթութեամբ տանջեց իր աղիքը. սակայն չկրցաւ զատել զորդին իր նոր և յաւիտեանական հօրէն, ՚ի Քրիստոսէ: Յետ վեց ամսոց յօգնեցաւ, յուսահատեցաւ թշուառ և ողբալի հայրն. մէկ հատիկ և վերջին հնար՝ կամ ապրեցնելու կամ կորուսանելու՝ սեպեց իր սեւ սուրբը. սպառնացաւ ու վճռեց սոսկալի մահ: Թէոդոր ընաւ չվախցաւ մահուանէ, որ իրեն փափագելի հանգիստ մ'էր: Բայց նոր Սանատրուկ մը տեսնել, նոր Կայէն մը, իր հօրը ձեռքը սպաննուիլ, ո՛հ, այս դառն էր քան զմահ և մահերու մահ: . . .

Աւաղ Աղուիթայ. ոչ իր կողակից կենակից ամուսնական իրաւունքն, ոչ կնոջական մայրական խանդաղատանքն և գութն՝ չկրցան ազատել իր մէկ հատիկը: Քաջանայեր էր Սուրէն. աչուրներն տրիւն, բերանն մահ կու փսխէր. ոչ դք կըրնար մօտենալ անոր. սպառնալեաց ժամանակն այլ անցեր էր. ըլլալիքն հասեր էր:


Թէոդոր վերջին անգամ մը նայելով իր կրկին և մէկմէկէ շատ աննման ծնողաց վրայ, բոլոր որ-

գիական և քրիստոսական երկու կրակներով վառած արևանման աչքերով, աննկուն զօրավարի պէս, որ յետ ամենայն զօրականաց՝ քաջ քաջ կ'ինկնայ զօրաւորագոյն (Թշնամւոյն առջև, արցունքները զսպելով, և (Թողլով այն չէնքը՝ որ երբեմն իրեն ծննդեան տեղ, և ասկէ ետև իրեն համար ամայութիւն և ունայնութիւն էր՝ բոլոր աշխարհիս հետ, (Թերևս մօրը գիմաց սարսափելի և անտանելի տեսարան մը չքանալու համար, ելաւ գնաց անդարձ նետի մը պէս: Մովակ, ձորակ, աղբիւրք և հիւանդանոց չկրցան արգելուլ զինքը. ամենուն վերջի նայուածք վերջի բարև տալով, և ո՞վ գիտէ ինչպէս սրտին չափազանց ծանրութիւնը և լեցունութիւնը (Թափելով Դասակայ գրկաց մէջ, և ընդունելով անկէ անմահութեան ճաշակը և կենաց հացը, երիտասարդական ուժով մ'այլ ցնցելով զինքն և (Թափելով սուրբ ծերոյն դողգոջուն (Թեւերէն և արտասուածոր մօրուքէն, փախաւ գնաց Արբենուտի ձորէն դուրս, և անցաւ մօտիկ և աւելի անծանօթ անձայն ձորակի մը մէջ, որ կ'ըսուէր Սեպեմուտ. և հոն եօթն օր վեր վար պտըտելով, Յեփ(թայեայ օրիորդին նման, Աբղմսեհի նման, ինքզինքը հրաժարեցընելով իր ծաղկեալ կեանքէն, իր պայծառ արեւէն, անգին մօր մը սրտակտուր ծոցէն, կու նըւիրէր միայն անոր՝ ուսկից կու գան և ուր կու գառնան ամենայն բարիք և ամենայն շունչք արգարոց. մինչև յօգնած և հանդարտած՝ ընկաւ փռուեցաւ այն ծառին տակ և այն քարին վրայ, ուր տեսանք զինքը առաջին անգամ մեր պատմութեան սկիզբը:...

## Ե

Հիմա գիտես, Հայկակ, ուր ըլլալդ, կու ճանչես ով է այդ չքնաղ երիտասարդդ. կեցիր հոս պահ մ'այլ, վերջին պահ. վասն զի այլ երկայն ժամանակ չկայ. մօտեցիր այդ անտաշ ապառաժ սեղանին քով, այդ Սեղեմնուտի սաքեկայ ծառին տակ. ես լռեմ, դու գիտէ և զգա՛։...

Բայց ահա հեռուն վիշապի խօշիւն մը կու լըսուի, առիւծու մռնչիւն մը. ձորեզերէն վար վարազաթև սեւ արծուի պէս կու սլանայ կ'իջնայ ծառին վրայ, ծառին ներքեւ, քարին մօտ... երկայնժամիք հրէշ մ'է, գազանագոյն քան զվիշապ, քան զառիւծ, քան զարծուի... Ինքն է, ինքն է, սուսերամերկն Սուրէն... որդւոյն փախրստեան վրայ աւելի կատղած և արեան վրիժով լցուած, հին պատենէն քաշելով ժանգոտ սուրը, և « Ս՛յդպէս, իմ երիտասարդութեանս երկաթ, այնքան կոտրած թշնամեացդ արեամբ չկշտացած՝ ծերութեանս ատեն ինծմէ իմ որդւոյս արթննն այլ պիտի ուղէիր թափելու », ըսելով, կ'առնու, և մոլեգին դիւահարի պէս կ'ընկնի սարէ սար ձորէ ձոր որդին փնտռելու։... Անշուշտ սատանայական ոգին զինքը քաշը քշըր տանէր, ինչպէս երբեմն զՎայէն 'ի մահ Աբելի, կամ ինչպէս անկէ առաջ (ըստ գրախտերգակ քերդոյլին) ինքնին՝ գժոխոց անդունդներէն ելած՝ կու փնտռէր գրախտին դուռը, որ մեր երանեալ նախածնողքը ձգէ 'ի մեզս և 'ի մահ։ Այսպէս դիւական թափառանօք վերջապէս հասաւ Սեղեմնուտի ձորեզըր, և իբրև սեւ արծուի՝ տեսնելով բարձրէն ծառին տակ իր փնտռած որսը, հասաւ շուտ ու թեթև անոր վրայ։... Բայց 'ի հար-



Թեոդոր հեգամբաի աշտարները կես մը քա-  
ջույտ, և կես մը գլուխը վերցրնելով...

## 9

Ո՛ր են հիմա մեր մայրիսի ծնած ծաղկունքն,  
 ո՛ր մնացին մրազարգ մարերեայ մրգունքն : —  
 Այսպէս, չկայ ծաղիկ հողածին՝ որ չցամքի. չկայ  
 պտուղ երկրաբոյս՝ որ չթօթափի. ամենայն գա-  
 լար ու պայծառ, յետ քիչ ժամանակի պիտի ը-  
 լայ մնայլ ու խաւար : Սակայն ծաղիկ այն ծա-  
 ղիկն է, որ երբ ճղէն այլ զատուի՝ դարձեալ մը-  
 նայ անթառամ, և մանաւանդ նոր գեղեցկու-  
 թեամբ մը յաղթէ կանգուն ու ճոճուն ծաղկանց :  
 Այսպիսի ծաղիկ է հայրազեն գառնանման կոտո-  
 րեալ երիտասարդն թէոգոր, թաւալեալ իր հո-  
 վանաւոր ծառին և իր հանգստեան քարէ բար-  
 ձին տակ՝ օջոռով և մանուշով հիւսուած խոտե-  
 րու վրայ, Սեղեմնուտի սգաւոր ձորակին մէջ.  
 ուր հեղամնչիկ հովիկն խոնարհած կու խաղայ  
 անոր արիւնջուայ վարդէ գիսակաց հետ. ինչուան  
 որ երեկոյեան զովութիւնն դագրեցընէ և պաղե-  
 ցընէ կարմիր կաթիլները, և գիշերուան լուսս-  
 գընտիկն վերէն ծաթէ արծաթափայլ դողգոջուն  
 ճառագայթները, որք կու մարմըրին, շուք մը կու  
 գառնան՝ թէոգորի մարմնէն ծագած հրաշափայլ  
 լուսոյն քով : — Այս լոյսն անշուշտ առաջնորդեց  
 այն մարմինը մեծցընող և գգուող և հիմա զինքը  
 պտաթունդ փնտռող անձի մը, մօր մը : ... Զտես-  
 նենք, չքնենք մենք այն մայրը Սեղեմնուտի մէջ : —  
 Ի՞նչ ալ դարձիր մայրիկ, դարձիր Աղուիթա՝ առ  
 Դասիոս, և հրաման տուր. « Ե՛լ, հայրիկ, ել  
 գնա ՚ի Սեղեմնուտ, հոն կու գտնես իմ հայրա-  
 ղեն գառնուկս, իմ մրրկաթափ վարդենիս, իմ  
 նուաղած աղիքս. առ ու լուս այն արշալոյս ճա-  
 կաւը. բայց կիսալուայ ըրած՝ բեր ինձի փունջ

մը ոսկեթել մազերէն, որ գլխուս վերջին պսակ ընեմ. լեցուր այն շուշանացեալ շրթուհները մայրենի և հայրենի համբոյրներով. ապա մաքուր կտաւներով գոցէ, գոցէ այն արեակերպ դէմքը, զոր քիչ առենէն պիտի տեսնեմ յերկինս. և գիր ծածկէ 'ի ծոց ամենուս ծնողին, հոգուն » : —

Գնաց գեանամած ծերունին, հետն առած Թէոդորի հին ընկերները և ուրիշ ծածուկ քրիստոնեաներ, հաւատացեալ եղբարք և քույրք, պարկեշտ կուսանք, որ քողով և մազով արցունքնին ծածկած, և բոցաշարժ ճրագներ բռնած յուղարկաւոր կ'երթային Թէոդորի: Արդեօք կային առնոց մէջ, կամ կայր մէկ մը՝ որ յուսացեր էր երկրիս վրայ այլ սրտակից ըլլալու սուրբ նահատակին, և յետ անոր մօրը կանչելու զնա՝ իմն Թէոդոր. — պատմութիւնն կու լռէ:...

Քահանայական և մարտիրոսական պաշտօն, աղօթք և արտասուք կատարուեցան. այն հովանաւոր ծառին ներքե և այն սեղանացեալ քարին քով՝ փորուեցաւ եռանդուն երիտասարդին քընարանն, և ծածկեցաւ մարտիրոսի մարմինն: Անարուեստ պարզունակ քարակոփ խաչ մը վկայ կեցաւ նահաաակութեան և հանգստեան սրբոյն Թէոդորի:

Թող գայ հիմա Աղուիթա աղօթելու երանեալ և աստուածազգեաց որդւոյ մը մնացորդաց վրայ: — Ահաւասիկ երանելի տիկինն, ծառէն աւելի մազերը ցրուած՝ փռուած ճակատ 'ի գետին: Իբրեւ կրկին մարք սուղմոնեան դատարանին, հոգն ու Աղուիթա կու գրկեն ու իմն է կ'ըսեն այս որդեակս:... Քիչ մ'այլ սպասէ Աղուիթա, և ահա Թագաւորն խաղաղութեան՝ իր ցանկալի վճիռը կու տայ, և յաւիտեան քուկդ կ'ըլլայ քու Թէոդորդ:

## Է

Իսկ հայրն... քա՛ն լիցի, ամենեին անարժան  
այնպիսի անուան. քաղանացեալն, դիւամոլն կամ  
դիւաբախն Սուրէն, իր սատանայական սուրը ա-  
ռած՝ և եկածէն աւելի շուտով փախչելով կու-  
հեռանայ. տեղերն կու փախչին և ինքն իրմէ չի  
կրրնար հեռանալ. Գոչումն արեան որդւոյն բո-  
ղոքէ յերկրէ և յերկնից : Հեզիկ գառին ա-  
րիւնն հիմա երկնաւոր նահատակի ահաւոր մա-  
սուհք դարձած՝ սուրին վրայէն Սուրենի սիրտը  
կու պատռտէ. կու փուլթայ խեղացնորն՝ մօտի  
աղբիւրը, աղէկ մը կու լուայ կու ջնջէ որդւոյն  
յետին նշանները, և անով իր և անոր միջի կապն՝  
յաւիտեան կու ջնջուի : Զորս տարի այն դառնա-  
գոյն դահճին, խղճի խայթումքներուն մատ-  
նուած, Սուրէն կեանք մը կամ կենաց պատկեր  
մը անցընելով, անգեղջ և անյոյս կռապաշտ մոլո-  
րութեամբ մեռաւ. և յիշատակն յանէծս և 'ի  
սոսկումն մնաց : ... Իւրածին որդւոյն արեան  
խուշ եզող սիրտն՝ չեղաւ արժանի Աստուծոյ որ-  
դւոյն ձայնը լսելու՝ Լուսաւորչի բերնէն, և դառ-  
նալու 'ի հաւատս Թէոդորի՝ համօրէն Հայաստա-  
նեայց հետ, որք յետ երկու տարւոյ արժանա-  
ցան այս ամենամեծ պարգևիս : — Վասն զի  
Ս. Թէոդոր նահատակեցաւ յամին 296, այսօ-  
րուան ամսակէտիս (11 մայիսի) 28 տարեկան և  
6 ամսական Սուրէն կորաւ 300ին. Ս. Գրիգոր  
լուսաւորիչ՝ ելաւ 'ի վերապէն յաջորդ տարին  
(301). և երբ հետեւեալ տարին կ'երթար 'ի Կե-  
սարիա՝ Հայոց եպիսկոպոսապետ ձեռնադրուե-  
լու, անցաւ սովորական ճամբէն, Սալհունեաց  
գաւառէն և աւանէն, որչափ տարբեր 18 տարի

առաջ անցածէն. փոխանակ չլծայից և կալանաւոր պահապանաց, հիմա Տրգատայ յաղծաւկան կառաց վրայ գրուած և Հայոց ամենէն մեծ նախարարներն չորս դին առած: Այլ հեզն և ազնուասիրա հայրն մեր՝ փառաց վրայ աչք չունենալով, իր սուրբ սանուկը կու փնտռէր. կանչեց գտաւ ծերունի քահանայն և հարցուց զԹէոդոր. Դասիկ իր ընտրեալ հովուապետին ձեռքէն բռնելով տարաւ ցրցուց այն տեղը՝ ուր որ վեց տարիէ ՚ի վեր կու քնանար անոր հրամանաւ կրնալ բուսն: Ինչ կենդանակայլակ արտասուքներ էին որ Լուսաւորչի մը աչքերէ իջան հայրաբար սուրբ երիտասարդին նշխարաց վրայ, որ իր քրտանց առաջին պտուղն, և մեր լուսաշնորհութեան գրանիկ խայրիքն էր. անոր համար և առաջին վկայարան՝ յետ Հռիփսիմեանց նշխարաց ամփոփման, Թէոդորի հանգստարանն եղաւ. ինքնին Գրիգոր գեռ չձեռնագրուած՝ կանգնեց հոն մատուռ մը, և երբեմն երախայ յանձնածը՝ հիմայ սուրբ վկայ մը յանձնելով Դասիոտի՝ գնաց: Եւ երբ ցանկալի տաճարիկն իր ճակատը բարձրացուց գէպ յարեւելք, աջակողմեան անկիւնը հանգչեցուցին սրբոյն մաքուր նշխարքը. մեկայլ անկիւնն այլ՝ տապանաքարին դիմաց՝ գրին այն սրբեալ քարը՝ որ մեր դառին զենման սեղան եղաւ: Այն երկու սիրալի սրբատաշ քարանց մէջ էր անկէ ետեւ՝ Աղուիթայ սիրելագոյն հանգստարանն, որ իր որդւոյն մատրան սպասաւոր ըլլալով իբրեւ հաւատաւոր այրի մը, երկնախառն կեանք մը անցուց հոն. այլ ոչ երկայն ժամանակ: Որդւոյն նահատակութենէն եօթն տարի վերջը, երբ հասաւ տարեգարձ անոր վերջին անգամ իրեն համբոյր տալուն և տնէն փախչելուն, նոյն օրը (Տ մալիսի) Աղուիթա, որպէս թէ դարձեալ զգալով այն ցաւալի կիւքը և որդին փնտռելու ելլելով՝



աւանդեց աղաւնսշունչ հոգին. և ճգնասուն մարմինն թաղեցաւ իր որդեկին գիմաց՝ տաճարին դռնէն դուրս: Այդոր և աւջի յիշեալ երկու սրբանիչ քարանց նման չորրորդ մ'այլ գրուեցաւ՝ Աղուիթայ տապանին գիմաց, տաճարին արեւմտեան կողմը. և ներքէն հանգչեցաւ Դասիկ, որ այս սիրալի քան տխրալի հանդիսից մէջ առաջինն ըլլալով հասակաւ, վերջինն եղաւ ժամանակաւ. և ամեն բուն կարգելէն կնքելէն ետեւ, ըսաւ իր ալէկից Սիմէոնին հետ. « Արդ արձակեա՛,  
» Տէր, զծառայս քո՝ ի խաղաղութիւն. զի տե՛  
» սին աչք իմ՝ զփրկութիւն » . և հանգեաւ ընդ արգարս:

## Ը

Թէոդորի թէ տապանէն և թէ այն ողբերէն ուր իր արեան կաթիլքն խառնեցան՝ սուրին լուսէն, շատ հրաշքներ եղան հիւանդաց և մոլեգնելոց վրայ. և ոմանք եղան, ինչպէս կու ցուցրնէ երախտապարտ պատմըջին բանակարգութիւնն, յառաջ իսկ քան զչինութիւն մատրանն և զդարձն Հայոց ՚ի ձեռն Լուսաւորջին: Հայադիրն չիսափսիւր զմեզ հոս մէկիկ մէկիկ յիշել զանոնք. վկայասիրաց թողումք հին պատմէն նշանածներէն ետքն այլ եղածները քննելու և իմացրնելու մեզի իսկ, որ զայս իրենց կ'իմացրնեմք: Եւ եթէ հարցընէ սիրողն՝ Թէոդորի վկայարանը կամ ուխտատեղին, երթա՛ յԵրզնկա, և անցնի արեւելեան կողմը և հարցընէ Գրորիոս Ս. Թորոս վանքը. զոր սրբազան նահատակէն 1140 տարի վերջն այլ յիշատակած գտնեմք ՚ի գիրս՝ « մեծա՛ » փառ և բարձրապատիւ ուխտ » կոչմամբ: — Հոն քննէ գտնէ և համբուրէ մեր ըղձաւոր չըրթամք այլ՝ այն չորս սրբանիչ քարերը, և մանա-

գիական և քրիստոսական երկու կրակներով վառած արևանման աչքերով, աննկուն զօրավարի պէս, որ յեա ամենայն զօրակտնաց՝ քաջ քաջ կ'ինկնայ զօրաւորագոյն թշնամւոյն առջև, արցունքները զսպելով, և թողլով այն շէնքը՝ որ երբեմն իրեն ծննդեան տեղ, և ասկէ ետև իրեն համար ամայութիւն և ունայնութիւն էր՝ բոլոր աշխարհիս հետ, թերևս մօրը գիմաց սարսափելի և անտանելի տեսարան մը չբանալու համար, ելաւ դնաց անդարձ նետի մը պէս: Մովակ, ձորակ, ազբիւրք և հիւանդանոց չկրցան արգելուլ զինքը. ամենուն վերջի նայուածք վերջի բարև տալով, և ո՞վ գիտէ ինչպէս սրտին չափազանց ծանրութիւնը և լեցունութիւնը թափելով Դասկայ գրկաց մէջ, և ընդունելով անկէ անմահութեան ճաշակը և կենաց հացը, երիտասարդական ուժով մ'այլ ցնցելով զինքն և թափելով սուրբ ծերոյն դողդոջուն թևերէն և արտասուած թոր մօրութէն, փախաւ դնաց Արբենուտի ձորէն դուրս, և անցաւ մօտիկ և աւելի անծանօթ անձայն ձորակի մը մէջ, որ կ'ըսուէր Սեզեմնուտ. և հոն եօթն օր վեր վար պտրտելով, Յեփթայեայ օրիորդին նման, Աբղմսեհի նման, ինքզինքը հրաժարեցընելով իր ծողկեալ կեանքէն, իր պայծառ արևէն, անգին մօր մը սրտակտուր ծոցէն, կու նըւիրէր միայն անոր՝ ուսկից կու գան և ուր կու դառնան ամենայն բարիք և ամենայն շունչք արդարոց. մինչև յօգնած և հանդարտած՝ ընկաւ փռուեցաւ այն ծառին տակ և այն քարին վրայ, ուր տեսանք զինքը առաջին անգամ մեր պատմութեան սկիզբը:...

## Ե


Հիմա գիտես, Հայկակ, ուր ըլլալդ, կու ճանչես ով է այդ չքնաղ երիտասարդդ. կեցիր հոս պահ մ'այլ, վերջին պահ. վասն զի այլ երկայն ժամանակ չկայ. մօտեցիր այդ անսաշ ապառաժ սեղանին քով, այդ Սեղեմնուտի սարեկայ ծառին տակ. ես լռեմ, դու գիտէ և զգա՛ւ...

Բայց ահա հեռուն վիշապի խօշիւն մը կուլըսուի, առիւծու մռնչիւն մը. ձորեզերէն վար վարազաթև սեւ արծուի պէս կու սլանայ կ'իջնայ ծառին վրայ, ծառին ներքեւ, քարին մօտ... երկայնժամիք հրէշ մ'է, գաղանազոյն քան զվիշապ, քան զառիւծ, քան զարծուի... Ինքն է, ինքն է, սուսերամերկն Սուրէն... որդւոյն փախըստեան վրայ աւելի կատղած և արեան վրիժով լցուած, հին պատենէն քաշելով ժանգոտ սուրը, և « Ս՛րդպէս, իմ երիտասարդութեանս երկնթ, այնքան կոտորած թշնամեացդ արեամբ չկշտացած՝ ծերութեանս ատեն ինծմէ իմ որդ » լոյս արիւնն այլ պիտի ուզէիր թափելու », և սելով, կ'առնու, և մոլեգին գիւահարի պէս կ'ընկնի սարէ սար ձորէ ձոր որդին փնտռելու... Անշուշտ սատանայական ոգին զնկըր քաշէր քշէր տանէր, ինչպէս երբեմն զԿայէն 'ի մահ Աբելի, կամ ինչպէս անկէ առաջ (ըստ դրախտերգակ քերդոյլն) ինքնին՝ դժոխոց անդունդներէն ելած՝ կու փնտռէր դրախտին գուռը, որ մեր երանեալ նախածնողքը ձգէ 'ի մեզս և 'ի մահ: Այսպէս գիւական թափառանօք վերջապէս հասաւ Սեղեմնուտի ձորեզըր, և իբրև սեւ արծուի՝ տեսնելով բարձրէն ծառին տակ իր փնտռած որսը, հասաւ շուտ ու թեթև անոր վրայ:... Բայց 'ի հար-

կէ երկու քայլ մնացած՝ բնաբերաբար կամ ա-  
կամայ կամօք՝ կանգ առաւ. հայրենի բնութիւնն  
զօրանալով՝ դիւական մոլութեան մէջ անգամ  
հիացաւ այն սքանչելի հանգարտութեան և ան-  
մեղութեան թափանցիկ քունին վրայ, որուն նը-  
ման բան չէր տեսած երբէք: ... Ո՛հ. և ինչո՞ւ  
չիձգեց սուրը ձեռքէն. ինչո՞ւ չցատքեց ընկնալու,  
և հայրական շրթունքները վեր վար բերելու այն  
մարգարտաշար վարդերուն վրայ, այն բարակ  
քրտնահար երեսներուն վրայ. այլ առանց դու-  
չելու կեցաւ կանչեց կերկերեալ կոկորդով մը՝  
« Աթենոգոր, որդեակ »: ... Թէոգոր հեզամրափ  
աչուընները կէս մը բանալով և կէս մը գլուխը  
վերցընելով՝ պատասխանեց. « Հայր իմ »: ... վեր-  
ջին անգամ հօր և որդւոյ անուանակոչութիւնք:  
Սուրէն գարձեալ այլայլած՝ հարցուց անոր, թէ  
պիտի հաւանի իր կամացը և թողլով զՔրիստոս  
գառնայ՝ ի պաշտօն կուոյ: — Թէոգոր՝ « ես Քրիս-  
տոսի հաւատացեալ եմ, ըսաւ, և այս հաւատոյս  
» վրայ հոս կու մնամ ». և նորէն դրաւ գլուխն ի  
քարին, խփեց շրթունքը և աչքերը: ... մնա՛ք բա-  
րով արև, կեանք և աշխարհ: — Բայց մէկ ան-  
գամ մ'այլ բացաւ Թէոգոր կիսակէս աչքը և չոր  
թունքը, երբ Սուրէն վայրենի վագեր պէս մէկ  
ցատքելով ձգեց ձախ ձեռքը, և որդւոյն երկու  
թիղ խարտեաշ մագերէն բռնելով վեր քաշեց  
խնձորակերպ գլուխը, և պարկեշտ պատմաւճա-  
նին օձիքէն կարապաձև պարանոցն երկընցաւ: ...  
Ո՛վ հրեշտակային կերպարանք, ի՛նչպէս կ'այլա-  
փոխիս: — Իսկ Սուրենայ աջ ձեռքէն յանկարծ  
փայլակ մ'էր շողաց շեշտակի: ...

Հոս միատեղ մէկդի կ'ընկնան՝ պատմելին գրիչն,  
Սուրենի սոսկալի սուրն, և Թէոգորի ճերմակ  
վզէն նռնանման ճեղքուած կարմրահատ գլուխն:





Թեոդոր եկեղանրաւի աշուրները կէս մը քա-  
նայով, և կէս մը գլուխը վերցընելով...

2

Ո՞ր են հիմա մեր մայրիսի ծնած ծաղկունքն, ո՞ր մնացին մրազարգ մարերեայ մրգունքն : — Այսպէս, չկայ ծաղիկ հողածին՝ որ չցամքի. չկայ պտուղ երկրաբոյս՝ որ չթօթափի. ամենայն դաւար ու պայծառ, յետ քիչ ժամանակի պիտի ըլլայ մռայլ ու խաւար : Սակայն ծաղիկ այն ծաղիկն է, որ երբ ճղէն այլ զասուի՝ դարձեալ մընայ անթառամ, և մանաւանդ նոր գեղեցկութեամբ մը յաղթէ կանգուն ու ճօճուն ծաղկանց : Այսպիսի ծաղիկ է հայրազեն գառնանմուն կոտորեալ երիտասարդն Թէոգոր, Թաւալեալ իր հովանաւոր ծառին և իր հանգստեան քարէ բարձին տակ՝ օջոռով և մանուշով հիւսուած խոտերու վրայ, Սեղեմնուտի սգաւոր ձորակին մէջ. ուր հեղամնչիկ հովիկն խոնարհած կու խաղայ անոր արիւնլուայ վարդէ գիսակաց հետ. ինչուան որ երեկոյեան զովութիւնն դադրեցընէ և պաղեցընէ կարմիր կաթիլները, և գիշերուան լուսագընտիկն վերէն ծաթէ արծաթափայլ գողգոջուն ճառագայթները, որք կու մարմըրին, չուք մը կու դառնան՝ Թէոգորի մարմնէն ծագած հրաշափայլ լուսոյն քով : — Այս լոյսն անշուշտ առաջնորդեց այն մարմինը մեծցընող և գգուող և հիմա զինքը պրտաթունգ փնտռող անձի մը, մօր մը : ... Զտեսնենք, չքնենք մենք այն մայրը Սեղեմնուտի մէջ : — Դու այլ դարձիր մայրիկ, դարձիր Աղուիթա՝ առ Դասիոս, և հրաման տուր. « Ե՛լ, հայրիկ, ել գնա ՚ի Սեղեմնուտ, հոն կու գտնես իմ հայրազեն գառնուկս, իմ մորկաթափ վարդենիս, իմ նուազած աղիքս. ա՛ռ ու լուա այն արշալոյս ճակատը. բայց կիսալուայ ըրած՝ բեր ինծի փունջ

մը ոսկեթել մազերէն, որ գլխուս վերջին պսակ ընեմ. լեցուր այն շուշանացեալ շթուկքները մայրենի և հայրենի համբոյրներով. ապա մաքուր կտաներով գոցէ, գոցէ այն արեակերպ գէմքը, զոր քիչ ասենէն պիտի տեսնեմ՝ յերկինս. և գիր ծածկէ՝ ի ծոց ամենուս ծնողին, հոլուն » : —

Գնաց գետնամած ծերունին, հետն առած Թէոգորի հին ընկերները և ուրիշ ծածուկ քրիստոնեաներ, հաւատացեալ եղբարք և քույր, պարկեշտ կուսանք, որ քողով և մազով արցունքնին ծածկած, և բոցաշարժ ճրագներ բռնած յուղարկաւոր կ'երթային Թէոգորի : Արգեօք կային առնոց մէջ, կամ կայր մէկ մը՝ որ յուսացեր էր երկրիս վրայ այլ սրտակից ըլլալու սուրբ նահատակին, և յետ անոր մօրը կանչելու զնա՝ իմն Թէոգոր. — պատմութիւնն կու լռէ :...

Քահանայական և մարտիրոսական պաշտօն, աղօթք և արտասուք կատարուեցան. այն հովանաւոր ծառին ներքև և այն սեղանացեալ քարին քով՝ փորուեցաւ եռանդուն երիտասարդին քրնարանն, և ծածկեցաւ մարտիրոսի մարմինն : Անարուեստ պարզունակ քարակոփ խաչ մը վկայ կեցաւ նահատակութեան և հանգստեան սրբոյն Թէոգորի :

Թող գայ հիմա Աղուիթա աղօթելու երանեալ և աստուածազգեսց որդւոյ մը մնացորդաց վրայ : — Ահաւասիկ երանելի տիկինն, ծառէն աւելի մազերը ցրուած՝ փռուած ճակատ՝ ի գետին : Իբրև կրկին մարք սողմոնեան գատարանին, հոգնու Աղուիթա կու գրկեն ու իմն է կ'ըսեն այս որդեակս :... Քիչ մ'այլ սպասէ Աղուիթա, և ահա Թագաւորն խաղաղութեան՝ իր ցանկալի վճիռը կու տայ, և յաւիտեան քուկդ կ'ըլլայ քու Թէոգորդ :



Է

Իսկ հայրն... քան լիցի, ամենեւին անարժան  
այնպիսի անուան. քաղանացեալն, դիւամոլն կամ  
դիւաբախն Սուրէն, իր սատանայական սուրը ա-  
ռած՝ և եկածէն աւելի շուտով փախչելով կու-  
հեռանայ. տեղերն կու փախչին և ինքն իրմէ չի  
կրնար հեռանալ. Գոչումն արեան որդւոյն բո-  
ղոքէ յերկրէ և յերկնից : Հեզիկ գառին ա-  
րիւնն հիմա երկնաւոր նահատակի ահաւոր մա-  
սուիք դարձած՝ սուրին վրայէն Սուրենի սիրտը  
կու պատռէ. կու փութայ խելացնորն՝ մօտի  
աղբիւրը, աղէկ մը կու լուայ կու ջնջէ որդւոյն  
յետին նշաննիւրը, և անով իր և անոր միջի կապն՝  
յաւիտեան կու ջնջուի : Զորս տարի այն գառնա-  
գոյն դահճին, խղճի խայթուածքներուն մատ-  
նուած, Սուրէն կեանք մը կամ կենաց պատկեր  
մը անցընելով, անգեղջ և անյոյս կռապաշտ մոլո-  
րութեամբ մեռաւ. և յիշատակն յանէծս և 'ի  
սոսկումն մնաց : ... Իւրածին որդւոյն արեան  
խուլ եղող սիրտն՝ չեղաւ արժանի Աստուծոյ որ-  
դւոյն ձայնը լսելու՝ Լուսաւորչի բերնէն, և դառ-  
նալու 'ի հաւատս Թէոդորի՝ համօրէն Հայաստա-  
նեայց հետ, որք յետ երկու տարւոյ արժանա-  
ցան այս ամենամեծ պարգևիս : — Վասն զի  
Ս. Թէոդոր նահատակեցաւ յամին 296, այսօ-  
րուան ամսակէտիս (11 մայիսի) 28 տարեկան և  
6 ամսական Սուրէն կորաւ 300ին. Ս. Գրիգոր  
լուսաւորիչ՝ ելաւ 'ի վիրապէն յաջորդ տարին  
(301). և երբ հետևեալ տարին կ'երթար 'ի Կե-  
սարիա՝ Հայոց եպիսկոպոսապետ ձեռնադրուե-  
լու, անցաւ սովորական ճամբէն, Սալհունեաց  
գաւառէն և աւանէն, որչափ տարբեր 15 տարի

առաջ անցածէն . փոխանակ չգլխայից և կալանաւոր պահապանաց , հիմա Տրդատայ յաղթական կառաց վրայ գրուած և Հայոց ամենէն մեծ նախարարներն չորս գին առած : Այլ հեզն և ազնուասիրտ հայրն մեր՝ փառաց վրայ աչք չունենալով , իր սուրբ սանուկը կու փնտռէր . կանչեց գտաւ ծերունի քահանայն և հարցուց զԹէոդոր . Դասիկ իր ընտրեալ հովուապետին ձեռքէն բռնելով տարաւ ցրցուց այն տեղը՝ ուր որ վեց տարիէ ՚ի վեր կու քնանար անոր հրամանաւ կրնալ քուածն : Ի՞նչ կենդանակայլակ արտասուքներ էին որ Լուսաւորչի մը աչքերէ իջան հայրաբար սուրբ երիտասարդին նշխարաց վրայ , որ իր քրտանց առաջին պտուղն , և մեր լուսաշնորհութեան դրանիկ խայրիքն էր . անոր համար և առաջին վկայարան՝ յետ Հռիփսիմեանց նշխարաց ամփոփման , Թէոդորի հանգստարանն եղաւ . ինքնին Գրիգոր գեռ չձեռնագրուած՝ կանգնեց հոն մատուռ մը , և երբեմն երախայ յանձնածը՝ հիմայ սուրբ վկայ մը յանձնելով Դասիոսի՝ գնաց : Եւ երբ ցանկալի տաճարիկն իր ճակատը բարձրացուց գէպ յարեւելք , աջակողմեան անկիւնը հանգչեցուցին սրբոյն մպքուր նշխարքը . մէկայլ անկիւնն այլ՝ տապանաքարին դիմաց՝ գրին այն սրբեալ քարը՝ որ մեր գառին զենման սեղան եղաւ : Այն երկու սխրալի սրբատաշ քարանց մէջ էր անկէ ետեւ՝ Աղուիթայ սիրելագոյն հանգստարանն , որ իր որդւոյն մատրան սպասաւոր ըլլալով իբրեւ հաւատաւոր այրի մը , երկնախառն կեանք մը անցուց հոն . այլ ոչ երկայն ժամանակ : Որդւոյն նահատակութենէն ետեւ տարի վերջը , երբ հասաւ տարեգարձ անոր վերջին անգամ իրեն համբոյր տալուն և տնէն փախչելուն , նոյն օրը ( Յ մայիսի ) Աղուիթա , որպէս Թէ դարձեալ զգալով այն ցաւալի կիւրքը և որդին փնտռելու ելլելով՝

աւանդեց աղաւնաշունչ հոգին. և ճգնասուռն մարմինն թաղեցաւ իր սրգեկին դիմաց՝ տաճարին դռնէն դուրս։ Այդոր և աւջի յիշեալ երկու սրբանիչ քարանց նման չորրորդ մ'այլ գրուեցաւ՝ Աղուիթայ տապանին գիմաց, տաճարին արեւմտեան կողմը. և ներքեն հանգչեցաւ Դաւիթ, որ այս սիրալի քան տխրալի հանգիսից մէջ առաջինն ըլլալով հասակաւ, վերջինն եղաւ ժամանակաւ. և ամեն բան կարգելէն կնքելէն ետեւ, ըսաւ իր ալէկից Սիմէոնին հետ. « Արդ արձակեա, »  
 » Տէր, զծառայս քո՝ ի խաղաղութիւն. զի տե-  
 » սին աչք իմ՝ զփրկութիւն » . և հանգեաւ ընդ արդարս։

## Ը

Թէոգորի թէ տապանէն և թէ այն տղբերէն ուր իր արեան կաթիլքն խառնեցան՝ սուրին լուռէն, շատ հրաշքներ եղան հիւանդաց և մոլեգնեւոց վրայ. և ոմանք եղան, ինչպէս կու ցուցնէ երախտապարտ պատմըջին բանակարգութիւնն, յառաջ իսկ քան զչինութիւն մատրանն և զդարձն Հայոց ի ձեռն Լուսաւորջին։ Հայագիրն չիսախպեր զմեզ հոս մեկիկ մեկիկ յիշել զանոնք. վկայասիրաց թողումք հին պատմէին նշանածներէն ետքն այլ եղածները քննելու և իմացնելու մեզի իսկ, որ զայս իրենց կ'իմացնենմք։ Եւ եթէ հարցընէ սիրողն՝ Թէոգորի վկայարանը կամ ուխտատեղին, երթա յԵրզնկա, և անցնի արեւելեան կողմը և հարցընէ Գորգոս Ս. Թորոս վանքը. զոր սրբազան նահատակէն 1140 տարի վերջն այլ յիշատակած գտնեմք ի գիրս՝ « մեծա- »  
 » փառ և բարձրապատիւ ուխտ » կոչմամբ։ — Հոն քննէ գտնէ և համբուրէ մեր ըղձաւոր չորթումք այլ՝ այն չորս սրբանիչ քարերը, և մանա-

ւանդ հիւսիսային անկեանը. հոն կանգնի և համբուրէ (եթէ պահուի ցարդ) ձողաբարձ խաչի մը մէջ դրուած սրբոյն Թէոդորի քաղցրաբարբառ յիսուսախօս լեզուն, որոյ համար այլազգիք անգամ, կ'ըսուի թէ այն տեղը կ'անուանեն ՍԵՐԵԳԼԵ Ս. ԹԻՐՈՍ (եթէ Գորոփու կամ Սալահունի անուանէն փոխուած չէ այդ անունը): Յանձնեմք իր հետ՝ աչխոյժ և ճարտարարուեստ հասակակցաց Ս. Թէոդորի, գիտել նկարել և ցուցընել մեզի այս պատմութեանս մէջ յիշեալ տեղուանքը. երկու ձորակները, երկու աղբիւրները, ծովակը, աւանները, գղեակները և այլն. - յանձնեմք անոնց վառվռուն մտաց և կրթեալ սրտից և մասանց՝ նուագել և երգել այս պատմութեան և եկեղեցւոյ արժանի և ընտիր դրուագն. - աղաչեմք մեր եկեղեցւոյ գլխաւորաց, իրենց զանազան հոգոց մէկը պակսեցընելով կամ մէկ մ'այլ աւելցընելով՝ այսպիսի սխրալի սրբոյ մը յիշատակը չիձգել միայն Յայսմաւուրաց Թափթփած Թերթից մէջ, այլ բարձրաձայն հռչակել տալու սուրբ խորանաց վրայ, եթէ արդարև սրբոյն Գրիգորի Լուսաւորչի գործակից և հոգեկից ըլլալն կու ճանաչեն իրենց առաջին հոգ և պարտք, և պաշտամամբք սրբոց՝ բարձրացընել զփառս Աստուծոյ:



## ԿԱՐՄԻՐՆ ՎԱՐԴԱՆ

2 Յունիսի, 451.

Արեգակն իր տարեկան ընթացից մէջ դեռ չէ հասած իր բարձրագոյն դիտանոցը, կրակաթափ աչքերով նայելու արարածոց վրայ. դեռ հայկական մրազարդ մարերի կուշարունակէ իր գունաւոր օրերը, մանաւանդ մեր հայրենեաց բարձրատափ գաւառաց մէջ. և դեռ այս օրուան նըշանակեալ ամսաթուիս (2 յունիս – 26 մարերի) ըստ վկայութեան անուշգրոյց Եղիշէին, « Գար » նանային է ժամանակն և դաշտն ծաղկալից » : Բայց արդէն Արարատայ ցածուն ծաւալ դաշտաց մէջ տաքն կոխած է. և եթէ առաւօտն և երեկուն զով այլ ըլլան, բոլոր օր մը անցընելու համար, Հայկակ, պէտք է նման նազելւոյն Ասքայ փնտռել հով հով սարեր, զով զով ջրեր. « զքօսանս բարձանց և զքօսանս հովտաց » :

Ահա գեղեցիկ ընդարձակ բարձրահովիտ մ'այլ, որ ասկէ 3000 տարի առաջ ընտրուած էր իբրև գերագոյն և հաճոյագոյն հովասուն տեղի Հայկազն նահապետաց, անոնց զօրաց և ազատաց, « ուր էին հովոյ գէպին+ թագաւորացն Հայոց », ըստ բանից հին ազգային պատմըչի. որոյ արեւմտեան հիւսիսային կողմէն՝ արսրատեան Մասեաց

բարձրաբերձ դարերն գուրանալով դաշտանան. արեւելքէն գետն Երասխ դարավազ կու պատի, հարաւային կողմէն՝ ոչ շատ բարձր լեւանց շարք կ'անջրպետեն զայն 'ի Կոգայովտէ և 'ի պարատափէն Վանայ: Այս սահմանագրեալ դաշտահովիտս իբր 3-4000 ոտք բարձր յերեսաց ծովու, ցածագոյն Երասխայ դաշտին մէջ բնակող Հայկազն նահապետաց ամարանոց եղաւ, Քրիստոսէ 13 դար առաջ, երբ զքօսասէրն և Բիւզանդիէն Շաւարշ (որպէս ստուգաբանէ Գր. Մագիստրոս) շինեց հոն քաղաքաւան մը, 'ի բնակութիւն ամառուան, և իր անուամբն կոչեց Շաւարշաւան կամ Շաւարշան. յորմէ բոլոր շրջակայ կողմանքն և գաւառն կոչեցան Շաւարշիան կամ Շաւարշան. մինչև Քրիստոսի Բ դարուն սկիզբը Այրաքաջն Սմբատ սպարապետ Բ. Արտաշիսի արշակունւոյ՝ Ալանաց Արդող կամ Արտազ գաւառէն պատերազմի գերիներ բերելով, հրամանաւ իր սահիկ Թագաւորին հոն բնակեցուց, և տնոնց հայրենի գաւառին անուամբ՝ Շաւարշտոնն այլ ըսուեցաւ Աբգալ կամ Աբգաղաիան գաւառ. իսկ հիմայ իր անուանի և զարմանալի քարաբերդ քաղաքին անուամբ կ'ըսուի Մակո: Այս բնութեան և տ'րուեստի ընտրած և հրաշակերտ տեղս՝ սրբազան և հին զօրութիւն մ'այլ պատուեր, սիրեր, սքրբեր է. — կրօնքն՝ Հայաստանեայց եկեղեցւոյ խորագոյն խորհրդոց և հրաշափառագոյն հանգիսից տեղ ըրեր է Շաւարշական գաւառերը: — Վերոյիշեալ Արտաշիսի հայրն՝ Սանատրուկ, կերեւի թէ քոն զհինն Արտաշատ և քոն զիւր ձեռակերտ նորոգած Մծբինն կամ Մծուրս՝ սիրէր զայս տեղս, և իր անունը Թողուց հոն լեռնաբլրի մը վրայ, Սանաբրուկ լեռն, որ Թերևս հիմայ Տիֆէ կ'ըսուի. ասոր քով եկաւ առաքեալն Քրիստոսի Թագէտոս, և աշակերտեց զգուստր Թագաւորին՝

գործորդն Սանդուխտ, առաջին կոյս վկայուհի Գրիստոսի, և ընդ նմին նահատակեցաւ զքանչելի վկայութեամբ. որոց յիշատակին՝ Հայագիրն տեփականած է քաղոց (գեղտեմբեր) ամսոյն մեջ օր մը։ Այս երկուքին վկայարանն այլ՝ (քրիստոնէութեան հնագոյն ուխտատեղեաց և տաճարաց մէկն) կու պատուի մինչև ցայսօր Թադէի շնորհաւոր, որ և 'ի պատիւ առաքելոյն՝ Հայոց գլխաւոր եպիսկոպոսական թեմոց մէկն եղաւ, և 'ի միջին դարս՝ մի 'ի չորից արքեպիսկոպոսաց՝ որոց հարկ էր գտուիլ յօծման նորընտիր կաթողիկոսի։ Առաջին երեք դարուց քրիստոնեայք, գաղտնապէս կու պատուէին այս սրբազան տեղս, տուահի հեթանոս Թագաւորացն Հայոց. նախախնամութիւնն այլ մասնաւոր տեսչութեամբ կու հսկէր անոր վրայ. և ուր Հայոց քրիստոնէութեան առաջին արեգակն ծագեցաւ, անտի երկրորդ անգամ ալ ծագել տուաւ զարեգակն Լուսաւորիւ. որ յետ 200 տարւոյ վկայութեան սուրբ առաքելոյն և Սանդխտոյ և անոր հօրքորոջն Աւագուհեայ, անոնց նշխարաց հանգստարանին քով իր էութեան սկիզբն առաւ՝ 'ի ծոց ուրիշ Ոգոհեայ, կնոջ Անակայ, երբ կու գայր սա 'ի Պարթեաց իբր փախստական՝ խաբել և սպաննել զԹոսրով Թագաւորն մեր։

Ինչ զարմանալի և աստուածախառն տեսչութիւնք. Հայոց առաքելոյն Թագէտոսի Թաղման միայնարանն՝ Հայոց նոր առաքելոյն՝ Գրիգորի՝ յղութեան առագաստ։ Ո՛րքան զքանչելի է Շաւարշան՝ մեղի այսպիսի հոգեւոր հանդիսից տաճար ըլլալովն, քան թէ մեր Թագաւորաց հովանոց։

Այս երկու սրբախորհուրդ գիպաց՝ նորակերպ նման մ'այլ հանգիպեցաւ նոյն տեղուանքը, Լուսաւորչի եղելութենէն 200 տարի ետեւ, որ թէ քաղաքական և թէ կրօնական կերպարանօք

հռչակեցաւ. և ահա այն գէպքն է զոր նշանակէ  
Հայագիրն այս ամսակէտիս. որ ասկէ տասնեւչորս  
դար առաջ (451 թուին Քրիստոսի, յունիսի 2)  
էր շաբաթ օր Հոգեգալստեան տօնին. յորում  
հանդիպեցաւ Շաւարշանի երրորդ մեծ ազգային  
քաղաքակրօն գիպուածն, այն է ՆԱՀԱՅԱԿՈՒԹԻՒՆ  
ԿԱՐԴԱՆԱՆՑ :

## Բ

Այս գիպուածս, այս պատմութիւնս, այս ա-  
նունս անգամ այնքան հռչակեալ և համբաւեալ  
է յազգիս, որ ամենէն քիչ տեղեկութիւն ունողն  
այլ՝ երբ լսէ Քաջ կամ Կարօր Վարդան՝ արտատրոփ  
կուցատքէ. և թերևս ոմանք ուղեն յանկարծ  
գտնուիլ ինչուան նոյն արտազական գաւառին  
մէջ, նոյն Շաւարշական գաշտը, նոյն Աւարայրի  
գեղին քով, նոյն Տճոփ գետոյն եզերքը, ուր այն  
մեծ և բաղդասաահման ճակատամարտն և անմա-  
հախառն գործն կատարուեցաւ: Իանայ փափա-  
գողն՝ ժամանակակից հեղինակաց, Եղիշէի և Լա-  
զարայ Փարպեցւոյ, գեղեցիկ գրուածքը և ման-  
րամասն պատմութիւնները, և ժամ մը, երկու  
ժամ՝ անոնց հետ ժուռ գայ հոն. հոն՝ ուր Հայու-  
թեան անջինջ, անմոռաց, յաւիտենական արձա-  
նաց մէկն կանգուն կայ և պիտի մնայ: Իսկ ես  
հետզ, Հայկակ, կաղ՝ի կաղ ընթացիւք կ'ուզեմ  
ման գալ, և քանի մը բան հեռուէն գիտեմ այն  
մեծ տեսարանէն:

Կանխենք ուրեմն քան զմեծ գործողութիւնն՝  
գոնէ օր մը, գոնէ գիշեր մը, այն գիշերն որ յու-  
նիսի առաջին օրը երկրորդին կու խառնէ. փու-  
թանք փոքր Մասեաց սարերէն դարձար սահ-  
լով՝ ինչուան յետին բարձրատափն, որ կու նայի



Շաւարշան դաշտին վրայ։ Արդէն այս երեկոյիս նման՝ 14 դար առաջ այլ՝ այս անհատնուժ գիշերային լապտերս, այս բազմատես լուռ վկայս, այս խորհրդապահ լուսինս՝ սոյնպէս բոլորացեալ լուսալիւր կու բարձրանար մեր եկած արեւմտեան գարից ետեւն՝ Մասեաց-Ուսին կողերէն, Արարատայ դաշտին հորիզոնէն. և ահա հանդարտ համասփիւռ և իբրեւ իւզակաթ կակուզ ճառագայթներով կու լուսաւորէ մեր փնտռածը, Շաւարշական Աւարայրի ընդարձակ դաշտը. որ մեր կեցած տեղէն դէպ ՚ի յարեւելս հարաւոյ երկընցած, իրեն ձեւիչ կ'առնու Տղմափ գետոյն ընթացքը, այն որ արեւմտեան հիւսիսային կողմէն իջնելով՝ ծանր և պղտոր ալիքները կու թափէ յԵրասխ<sup>1</sup>, և այդ եռանկիւնաձեւ կամ երկայնաբոլոր դաշտին մէջ՝ իբրեւ մոխրագոյն երկայն չղթայ մը կու շարժի լուսնին նշուլից ներքեւ։ Նեղ ու նուազ ջուր մ'է նա. բայց ի՛նչ լայն վիհ, ի՛նչ խոր խորոց՝ իր եզերքը տարածուած երկու աննման բանակաց մէջ. որոնցմէ մեր կողմը մեզի մօտ եղածն՝ լուսնէն և կրակէ աւելի պայծառութեւ լուսաւորուած ճերմակ ու գոյնագոյն կու տեսնեմ. մէկայլն՝ կարծեմ թէ հեռաւորութենէն աւելի պատճառաւ մը՝ խառն ու խաւար կ'երեւայ, թէ և ահեղ անտառի պէս սփռուած. ու գաշտին մեծ մասը ծածկած։ Այս երկու բանակաց միջի շարժմունքն և գործքերն այլ ի՛նչ տարբեր. հեռաւոր և սեւ բանակն միայն սովորական պատերազմի պատրաստութիւններ կու ցուցնէ. իսկ մօտաւորս աւելի կրօնական և հայրենական հան-

1 Այս գետն հիմա Բնչ կ'ըսուի և Բնչ ընթացք ունի, յայտնի չէ մեզի. Աբբահամ Գ կրետացի՝ կաթուղիկոս՝ Առտապատայ մօտ կարմիր Վանքին քով յԵրասխ խառնուող գետը կու սեպէ Տղմուտ։

գիտարան կ'երևի քան պատերազմի մարզարան։ Ատիկայ է Հայոց բանակն. վերջին բազմաթիւ բանակ՝ գումարեալ յանուն համօրէն Հայութեան, իր հնացեալ իշխանաց ձեռքն. 66,000 Հայ պատերազմողք, ձիաւոր և հետեակ, խաչանիշ վրանաց և գրօշուց տակ ժողոված են՝ զազգ և զկրօնս պաշտպանելու։ Ի՞նչ պանծալի գունդ և ի՞նչ բազմութիւն կարճաց մեր աչքին առջև։... Սակայն ի՞նչ են այդ վեց ու կէս բիւր զօրքն Հայոց՝ Հայաստանի միահեծան և միահաւան տէրութեան օրերուն՝ հարկաւոր և վտանգի ժամանակ գումարած բանակին քով։ Սովորական ատեն՝ Հայոց աշխարհապահ զօրութիւն էր 120,000, որոց 40,000ի չափ թագաւորական դունդն էր, 84,000 այլ նախարարաց և տոհմից. իսկ մեծ պատերազմաց ժամանակ՝ կրկին և երեքկին աւելի ըլլան՝ այսօր գիմալի բանակնիս կու վկայէ. յորում հազիւ քսան և հինգ տոհմի կամ ցեղի իշխանք և զօրք կան, որոց որոշեալ զօրաբաժինն 20,000ի չէր հասներ. այս ցեղերուն շատին մէկ մասն, և բուն իսկ նախարարն այլ (մեծ գծբազդութեամբ գետոյն այնդիի կողմն են, պարսկական բանակին հետ. և ցաւելով պէտք է տեսնել հոն այլ նոյն չափ թիւ մը Հայոց. (վասն զի ըստ վկայութեան պատմրչին՝ ուրացեալն Վասակ թէ իր Սիւնեաց աշխարհէն և թէ ուրիշներէ « ժողո» վեաց զամենայն գայթակղութիւն, և արար » գունդ զօրաց բազմաց », որք կամաւ կամ ակամայ խառնեցան ընդ թշնամիս հայրենեաց և եկեղեցւոյ. (ըստ տեսլեան սրբոյ Լուսաւորչին՝ գառինքն սպիտակք դառնալով ի սեաւ գայլս)։ Քառանց ու գայլոց գունդերն միատեղ առնելով՝ 120 հազար Հայ կ'երևան դիմադէմ Աւարայրի դաշտին մէջ. զորս բաժնելով կամ ջոկելով ըստ աշխարհաց Հայաստանի՝ կու տեսնեմք որ հին

Հայոց 16 կամ քսան աշխարհաց թուէն, միայն հինգ կամ վեց աշխարհքէ եկած են այս գունդերս. որ են Այրարատ, Տուրուբերան, Վասպուրական, Սիւնիք, Մոկք. իսկ ուրիշ աշխարհքներէ հազիւ ոմանց մէկ երկու գաւառ կամ տոհմ կու յիշուի. Մեծ Հայոց չորս մասին գրեթէ երեքն գուրս է այս գաշտէս. բոլոր արեւմտեան մասն՝ Յունաց կայսեր իշխանութեան տակ է. և թէպէտ Հմայեակ՝ եղբայր մեծին Վարդանայ, կու ջանայ կ'աշխատի անոնցմէ այլ զօրք ժողովէլ, բայց ոմանք չեն շարժիր կայսեր վախէն, ոմանք այլ ուշանալով չեն հասնիր ատենին. իսկ հիւսիսային և արեւելեան գաւառք՝ Վրաց և Աղուանից խառնուած՝ անոնց հետ անշարժ կու կենան. հարաւային ամուր աշխարհք այլ՝ Աղձնիք և Տմորիք՝ գրեթէ ինքնագլուխ չէզոք կու մնան. թէ և անոնց ամենուն այլ հրաւեր և աղաչանք զրկուած էր. և ոչ միայն անոնց, այլ և Վրաց, Աղուանից և Հոնաց, գալ միաբան Պարսից գէմ կենալու, բայց երկու խորամանկ և ազգուրաց Վասակք, մէկն յարեմուտք կեցած, մէկայն յարեւելք, ամենայն հնարքով և ստութեամբք զանոնք հեռու բռնեցին Վարդանեան գնդէն: Այս տեսութենէս կ'իմացուի որ այսպիսի ծանր հարկի առեն՝ եթէ բոլոր Հայք միաբան մէկ կողմն ժողովէին, Վարդան փոխանակ 66,000ի կրնար 300,000 զօրք այլ ունենալ: Որչափ այլ մեծ երևի այս թիւս, դեռ շատ պակաս է համեմատելով վերը ցուցած հաշուին և թուոյ աշխարհաց և գաւառաց և զօրաբաժնին Հայոց:... Թողլով երբեմն կարելին և այժմ անկարելին, դառնանք եղածին, և գիմացնիս կեցած մեր հայակոյտ բանակին:

Զորս գունդ կամ թեւ բաժնուած է այս բանակս. երեքն երկոյնատարած շարուած են Աւարայրի գաւառին մէջ Տղմուտայ եզերքը. վասն զի

գիմացը թշնամին այլ նոյնպէս տարածուած է. իսկ մէկայն՝ երեքին ետեւէն մէջ տեղուանքը կեցած է, իբր վերջապահ և օգնական վտանգելոց մեր կեցած տեղւոյն մօտինն է՝ Առաջին և աջ թեւն հայ բանակին, որ Տղմուտայ դեառն այլ առաջադրմն է, ուստի կու վարէ ալիքը գարվար յարեւրս յերասխ. այս առաջին մասին թեւապետն է հաւատարիմ Հայոցներէին հազարապետն, ուշխարհատեսուէն, որ Մալաղ կըսուի, և է իշխանն Խորխոռունեաց ԽՈՐԵՆ, կարգեալ փոխանակ ուրացող իշխանին Գաղիշոյ. Հայկայ որդւոյն տնունը և քաջութիւնը 3000 տարիէ վերջ այլ փայլեցնող: Իրեն օգնական գնդապետքն են, բաց յայլոց պայազատաց հին նախարարաց, ԱՐՍԵՆ ԸՆԾԱՅԻՆ և ՆԵՐՍԵՅ ԳԱՋԲԵՐՈՒՆԻ. ասիկա Վանայ ծովուն հիւսիսային կողմէն եկած. առաջինն՝ որ Աբգար կոչմամբ կու գովուի 'ի պատմըչէն, թէ և ամէն ցեղէ աւելի քիչ նահատակակից ընկեր ունեցաւ այս պատերազմիս մէջ, բայց զօրահան գիտին տաւն՝ այս բանակիս մէջ գանուող ամեն իշխանացմէ աւելի և անհամեմատ աւելի զօրք կու տար, 4000 հոգի, որ (եթէ սխալ չէ թիւն) կու նշանակէ կամ բազմութիւ կամ պատերազմող ու սահմանապահ տոհմ մը, որուն պատմութիւնն և տեղն անգամ մեզ յայտնի չէ, բայց թերևս Վասպուրականի Ընձահից կամ Անձահից դաւառն ըլլայ, որ յետոյ յանուն գլխաւոր բերդաւանին՝ Վոֆոր ըսուեցաւ, (հիմա Քիւղիւր, 'ի սահմանի պարսկական Հայոց): — Միջին թեւոյն ընդհանուր հրամանատարն է ՎԱՋԱՆ ԱՐԾՐՈՒՆԻ, որ այս Հայոց բանակիս մէջ, յետ սպարապետին (Վարդանայ) առաջին նախապատիւ իշխանն է, և ըստ կարգի ազնուութեան բարձրագոյն է քան զնա այլ. (վասն զի հին Ասորեստանի տիեզերական թագաւորներու ցեղէն է). ըստ արգեանց

այլ արժանապէս առաջին ճանջցիր զնա, թէ և նախ յիշած պատմըչաց (Եղիշէի և Ղազարայ) մէջ չգտնես անոր գեղեցիկ յիշատակները, զոր անգլխամ և խորթ ձեռք մը (Բարծուհա ասորին) վերուց ջնջեց գեղեցկագիր պատմութենէն: Վահանայ ընկեր գնդապետք են ՄԻՐՇԱՊՈՒՀ ՄԱՐԴՊԵՏՆ կամ իշխանն Մարգպետութեան, որոյ կալուածքըն էին հին ատեն Նախիջևան գաւառին սահմաններն, և պաշտօնն էր Հայոց թագուհւոյն և արքունի գանձուց հազարապետութիւնն, որ և գունդ մը արքունի զօրաց ունէր իր ձեռքին տակ. ասոր հետ է և ԱՐՏԱԿ նախարարն Մոկաց, որ թէ և կոշտ ու խոշոր երկրի և բնակչաց տէր էր, այլ ինքն շատ կիրթ և ազնիւ մարդ, և ըստ վկայութեան ժամանակակից պատմըչին՝ Դադի, Կոմեպ, Գալ և Երանէլի, և Վարդանայ սպարապետին յատուկ սիրելի ու սրտակից մտերիմն, թէ ազնիւ և մտացի բարուցն համար, և թէ հին ծանօթութեանն և երախտեացն: (Վասն զի յետ մահուան Ս. Սահակայ՝ երբ պարսիկ մարդապետք եկան 'ի Հայս՝ մեր աշխարհին կարգերը վեր վար ընելու, Վարդան թողլով իր իշխանութիւնը և երկիրը՝ քաշուեցաւ յաշխարհն Մոկաց, յերկիր Արտակայ, ամուր բերդ մը, և մեծ պատիւ և սէր գտաւ այս իշխանէս. այնպէս որ երբ յետ ժամանակաց՝ Պարսից թագաւորին գուռը՝ Հայոց նախարարք առգնապած էին, իրենց բերան առին զԱրտակ, որ համոզէ զՎարդան իրենց հետ միաբանելու 'ի խորհուրդ ուրացութեան): Հիմայ Վարդան զԱրտակ բանակին միջոցը դրաւ: Այս երեք մեծ իշխանաց հետ կային ուրիշ մեծամեծ նախարարաց պայազատք և թագաւորական զօրաց գլխաւորներ: -- Բանակին ձախ թեոյն զօրավարքն էին, ՓԱՓԱԳ ԱՌԱԻԵՂԵԱՆ. թէ ինքն և թէ իր ցեղն շատ ծանօթ չեն մեր պատմութեան

մէջ, և ընկալութիւննին ո՛ւր տեղ ըլլալն այլ յայտ-  
նի չէ, թէ և կ'երևի մեզ Այրարատոյ կողմերն  
ըլլալ: ԹԱԹՈՒԼ ՎԱՆԱՆԳԵՑԻ, Բասենոյ ընդարձակ  
դաշտերուն իջնեցողն. ասոնց ընկեր ՅԱՃԱՏ ԳՐՆ-  
ԴՈՒՆԻ՝ պրմանալի մակտնուանեալ, գլխապես շատ  
հեռու և օտարասկիզբն տոհմի մը, Քանանացւոց,  
Քամայ ցեղէն. որք ըստ պատմութեան՝ հալա-  
ծեալք ՚ի Յեսուայ և յԽարայեւացւոց՝ անցան յԱ-  
փրիկէ, և մէջերնէն մէկն Քանանիդաս անուամբ  
եկաւ ՚ի Հայս, և ցեզն ըսուեցաւ Գնթունիք կամ  
Քնդունիք: Այս (ձախ) թեին դիմաց՝ Պարսից  
աջ թեւ մեծ պատրաստութեամբ և բազմու-  
թեամբ կեցած էր. անոր համար սպարապետն  
Վարդան՝ ընդհանուր տեսչութենէն զատ մասնա-  
ւորապէս այս թեին առաջնորդել կամ օգնել  
յանձն առաւ: Բանակին երեք թևերուն ետե-  
ւորորդ օգնական կամ վերջապահ գրաւ քաջ  
և հաւատարիմ խումբ մը, գնդապետ կարգելով  
իւր հարազատ եղբայրը ՀԱԾԱԶԱՍԳԵԱՆ, և իւր  
միւս սրտակից և նիզակակից բարեկամն ու սիրե-  
լին՝ ԱՐԵԱԽԻՐ ԱՐԵԱՐՈՒՆԻ. (ինչպէս որ յետոյ  
ասոր որդիքն՝ Ներսէս և Հրահատ՝ իր եղբորոր-  
դւոյն և իր յաջորդին Վահանայ՝ սրտակիցք և  
բազկակիցք եղան): Արշաւոյ կալուածն էր Այ-  
րարատայ հին Երասխաձոր գաւառը, որ յետոյ  
կամնարական և Արշարունիք ըսուեցաւ: Այս  
երկու հաւատարմաց և քաջաց հետ՝ չորրորդ  
գնդին կ'առաջնորդէր նոյն իսկ բոլոր բանակին  
առաջնորդն և սպարապետն, ինքն Մամիկոնէից  
տէրն, Մեծ, Քաջ և Սուրբ ԿԱՐՄԻՐՆ ՎԱՐԴԱՆ:

Պատերազմին առեն՝ աւելի ձախ թեոյն քով  
գտուեցաւ. իսկ հիմա՝ գրեթէ ամեն տեղ ա-  
մեն գնդի քով կ'երևի. ամեն մէկուն պէտքը և  
պատրաստութիւնը քննելու տեսնելու, և հար-  
կաւորը տալու, ըսելու. ամեն կողմ կարծես կու

լուսի նոր խօսած ատենաբանութիւնն. « Ի բա-  
 » ղում պատերազմունս մտեալ է իմ, և ձեր ընդ  
 » իս<sup>1</sup> »: Ամեն բան կարգաւորելն և վաղուան  
 պատերազմի յարմարցնելն ետեւ, կու գառնայ  
 Վարդան չորս գնդերէն զատ ուրիշ և աննման  
 գնդի մը մէջ, որ առաջիններէն ոչ շատ հեռու  
 ժողովեր էր, վրանի տակ. և էր Հայոց եկեղե-  
 ցւոյն ուխտան. հոն էին կաթուղիկոսն Յովսէփ,  
 որ աշխարհին քաղաքական շփոթից համար գեռ  
 հանգիստապէս չէր օծուած. և զատ ուրիշ եպիս-  
 կոպոսաց և երիցանց՝ հոգելից և հրաշալից երէցն  
 ՂԵՒՈՆԻ, որ բոլոր ուխտապահ Հայոց հայր և  
 բանակին երկրորդ սպարապետ մ'էր, եկեղեցւոյ  
 և հայրենեաց աննման նահապետ մը, որուն ամե-  
 նայն կրօնասէրք և ազգասէրք, աշխարհիկք և ե-  
 կեղեցականք՝ կրնան նախանշիլ. Ս. Սահակայ և  
 Մեսրոպայ վախճանելէն ետեւ, ինքն՝ որ անոնց  
 երիցագոյն աշակերտն էր, իբրև երեսփոխան մը  
 եզաւ անոնց. խորհրդովն և օրինական կու շար-  
 ժէր զեկեղեցիին և զաշխարհն: Եւ ահա այս գի-  
 շերս այլ մեր հաւատարիմ բանակին դիմաց և  
 Վասակայ զրկած հրապուրիչ պատգամաւորաց՝  
 երկար քաջալերական ատենաբանութեամբ մը  
 Վարդանայ ըսածները կու հաստատէ կրօնական  
 փաստիւք: Զօրականք՝ այդ երկու հոգեշունչ բե-  
 րանոց փչմունքէն (Վարդանայ և ՂԵՒՈՆԻ) վա-  
 ռուած՝ պատերազմէ վեր, յաղթութենէ վեր  
 բանի կու պատրաստուին, — մարտիրոսութեան,  
 պսակուելու յերկինս. և պահ մը զինուց պատ-  
 րասաութիւնը գադրեցընելով, հոգւոյ պատրաս-  
 տութիւնը կու սկսին: Մէջերնէն երիտասարդք  
 ոմանք, այն ատենուան թոյլ տրուած սովորու-  
 թեամբ գեռ երախայ ըլլալով, կու փութան 'ի

<sup>1</sup> Կարգա յեղիէ:

սուրբ աւագան մկրտութեան, կանչելով, « Այս » գիշեր ջրով, վաղը առտու արեամբ » : Շաւարշանի դաշտաց մէջ լճակ մը կու նշանուի Ագ-իւօւ, սպիտակ-լիճ անուամբ. կու սիրեմ կարծել թէ այս լճակիս մէջ մկրտուած ըլլան այն եռանդուն երիտասարդքն, որք գիշերը նորակնքոց ճերմակ պատմութեանը հագան, առտուն քաջաց փայլուն զբահը, երիկունը՝ վկայից կարմիր ծիրանին : ...

Հիմայ հասարակ գիշերն անցեր, և դիւցազնական կամ քաջասրբեան օրը ծներ է. գեռ չլուսցած՝ կու փութան քահանայքն գիշերային եկեղեցական պաշտօնը աւարտելու. և աստուածային գերագոյն նահատակութեան հանգէսը կատարելու, — սուրբ պատճառաբար : Թերևս Լուսաւորչի և Տրդատայ, կամ մեծին Ներսիսի և Մուշեղայ օրէն 'ի վեր՝ այսպիսի վեհ վեհմ, սխրալի, սրբալի հանգէս մը կատարուած չէր. պատերազմական փողերէն առաջ լսուեցաւ եկեղեցւոյ կոչնակն, սուրբ հօտապետաց քաղցրիկ խաղաղախեան ձայները. և երբ խաղաղարարն ամենայն աշխարհի անոնց ձեռքով սուրբ հացի կերպարանօք ծածկեալ բարձրացաւ 'ի հաճութիւն Հօր և 'ի հաճութիւն մարգկան, վաթսուն հազար կտրիճ հաւատացեալք՝ անձամբ և զինուք խոնարհեցան, երկրպագեցին, հաղորդուեցան սուրբ խորհրդոցն, մարմնոյ և արեան Քրիստոսի Աստուծոյ. գրսի զրահներէն զօրաւոր զրահ մը հագան հոգւով, և կանգնելով կանչեցին. « Հաւասարեցէ « մահս մեր ընդ մահու արգարոցն, և հեղումն » արեան մերոյ ընդ արեան սուրբ մարտիրոսացն, » և հաճեցի Աստուած կամաւոր պատարագաւս, » և մի տացէ գեկեղեցի իւր 'ի ձեռս հեթանոսաց » : Ապա փութացան իւրաքանչիւր իր գընդին, իր տեղւոյն, զէնքերնին զրահնին պատրաստելու, և ուժերնին կազգուրելու քիչ մը կերա-



կրով, յառաջ քան զարևուն երևալն: Ոմանք այս բաներուս զբաղած, ոմանք այլ վրանաց դրան քով կամ իրենց կահուց և զինուց վրայ կռթռնած, աչուրնին Հայկին և Վահագնին համաստեղութեանց վրայ, լռիկ մռիկ երկնից և երկրի հետ խօսելով մոգերնէն, յանկարծ ձիերուն դափրը ու խրխինջը լսելով՝ կու գառնան այն կողմը, ու սրտերնէն ինչէր կ'անցնի. կու թօթուեն վարսագեղ գլուխնին. հայկական մեծ ու պայծառ աչքերն կու թաւալին լայնալիճ յօնից ներքեւ. աղեղնաձիգ մատերով խարտեաչ պերևեշտնին շտկուտելով՝ կու նային կ'երթան մութն 'ի լոյս հովտէ հովիտ, լեռնէ լեռ՝ ինչուան այն տեղն, այն շէնքը՝ ուր բնիկ հայրենի տնակն է, ուր թողուցին իրենց կակուղ սիրելիները... ս'հ, ո՞րքան հեռու իրենցմէ, և արդեօք ո՞րքան աւելի պիտի հեռանան քանի մը ժամէ վերջ. արդեօք վաղը այս ժամուս դեռ երկրիս վրայ՝ թէ յերկնից պիտի նային անոնց՝ զոր սուրբ սէրն չի բաժներ ոչ յերկրի ոչ յերկնս: ... Երկնցիւր քիչ մ'այլ՝ ո՞վ վերջին ժամ գիշերոյս, և թող մեր սիրասուն սրբաւորն, քաջասուն Հայ երիտասարդաց՝ այսպիսի մտածութեամբք կամ սրտածութեամբք սպասել ուղմայարդար փողոց ձայնին. և գու եղեմաշունչ հայրենի հովիկ, (եթէ ստոյգ է զգայուն մարդկան կամ երգչաց ըսածն), անցիւր ասոնց շրթանց քովէն, խառնուէ այն լայնաշունչ հագագներուն, և գնա՛ հրախառն համբուրից պէս հաղորդելու իրենց յիշածներուն, իրենց սիրածներուն...: Մենք հարկաւ և ոչ կամաւ՝ անցնինք գետոյն այն կողմը, թշնամեաց բանալն այլ քիչ մը ճանչնալու:

## Գ

Այս Պարսից բանակս մեր աշխարհը եկածնէրուն մէջ մեծերէն մէկն է. եթէ Հայք հարկի առնեն ինչուան 300,000 և աւելի զինուոր կրնային հանել, Պարսք ևս առաւել, իրենց ընդարձակ աշխարհաց համեմատութեամբ. և հիմայ որ ուրիշ կողմանէ խաղաղութիւն ունէին՝ կրցան մեծաւ բազմութեամբ գալ, իրենց ամենէն երեւելի զօրավարներով, և ամենայն պատերազմական պատրաստութեամբք: Յազկերտ և իր խրատառուն Միհրնէրեհ՝ ինչուան Հնգկաստանի հրատանջ հովիտներէն Հայաստանի ձիւնեղէն բարձրագալ տաց վրայ խաւրեցին Երամիւ իւրաց. զորս բանակին մէջ իրենց սպարապետն՝ Ի Գուստ Գուստ Բաժանեց, կ'ըսէ պատմիչն. քաջաձի Հայոց հեծելոց դէմ չէին կրնար կենալ համաթիւ Պարսիկ ձիաւորք, անոր համար այս անձոռնի քնթանաւոր գազանաց զստահացեր էին. իրենց ընտիր ձիերն այլ Հայաստանէն կ'առնուին, և հաշտութեան առնն՝ իրենց լաւագոյն յաղթող հեծեալքն՝ Հայք էին: Հիմայ այս գունդ գունդ փղաց երամակը միայն չորս հինգ խումբ այլ սեպենք կամ բոլոր մէկէն 50 փիղ (որ թէ և շատ, գեռ պատմեաց ցուցածէն շատ չ'երևիր), մէկէն անոնց քով 150,000 Պարսիկ կու տեսնես. վառն զի կրկին կրկին կ'ըսէ պատմիչն թէ ամէն մէկ փղքով 3000 սպառազէն զօրականք կային, և կ'աւելցրնէ. « Թող զայլ զօրսն ամենայն ». որոնցմէ էր Մոփէան քաջամարտիկ գունդն այլ. գարձեալ ուրիշ տեղ կ'ըսէ, որ սպարապետն Պարսից տեղեկանալով թէ 60,000էն աւելի են Վարդանանք, և թէ որք են անոնց սպարազուիքն, մէկուն դէմ

երեք երեք հոգի կու պատրաստէր: Արդ այս ամենայն, և ասկէ դուրս Վասակայ ուրացակից գունդքն այլ, և Հոնք և ուրիշ բարբարոսք այլ մէկտեղ առնելով, եթէ Պարսից բանակը 250,000 զօրաց կու հասնի՝ ըսեմք, գեռ ճշմարտէն պակաս ըսած կ'ըլլամք, և ոչ այլ աւելի՝ եթէ 300,000 այլ ըսեմք. մանաւանդ որ պատմըջաց մէկն կ'ըսէ ասոնց համար, թէ «տարածանէր երկայնէր ճա» կասն յերկայնաւիտէն դաշին մեծի». և յառաջ, «'ի չլատոս փեղի Տղոս դաշին... զակիշ ա» Ծեռլ բանակէին»: Ղակիշ ըսածն է բանակին չորս դին ամրութիւն՝ ապահովութեան համար, զոր աւելի պարզաբար կու յիշէ առաջին պատմիչն. «Բանակ բոլորէր, փոս հատանէր, պատ» նէշ կանգնէր, շերտաւոր փակէր, ամրացուցա» նէր իբրեւ դքաղաք ամենայն պատրաստութե» Վասն զի կու վախէին Պարսք թէ Վարդանանք յանկարծ վրսնին հասնին, և կրնային այլ այնպէս ընել, ըստ Ղաղարայ Փարպեցւոյ. բայց ասիկայ յանդգնութեան գործ մը կ'ըլլար. և ամենայն պատրաստութիւն, մանաւանդ հոգևորը՝ ընելու ատեն չէին ունենար. — վասն զի երկու բանակներն այլ գրեթէ մէկ ատեն հասան պատերազմին տեղը. Պարսք՝ Հերայ և Զարեանդայ կողմերէն (Խոյի և Սալմաստայ), Հայք յԱրտաշատայ, պատերազմին առաջին օրը. և տեսան որ Պարսք նոր հասեր են և բանակնին ամրացընելու վրայ են: Պարսից սպարապետն էր Մուշան Նիսաւառար (որ Թերեւս նշանակէ Թաւերես, բուրդ-մօրուք), իրենց ամենէն երեւելի զօրավարն. և կ'երևի թէ նոյն անձն է, որ Հայոց Թագաւորութիւնը վերցուելէն ետեւ՝ երկու անգամ մարզպան դրուեցաւ՝ ի Հայս, և հոն չգտած պատուին վրէժն առնուլ ուզեց այս առթիւ. իրմէ յարմար անձ մը չէին կրնար գտնել Միհրը.

ներսեհ և Յագիերտ: Պատերազմին ատեն ինքն կեցաւ ընդհանուր զօրավար բանակին կեդրոնը կամ մէջ տեղը, Պարսից ամենէն կտրիճ քաջաց քաջ անյաղթ և անմահ սեպուած գնդով, որ է Մափեան կամ Մատենիկն. որք Մակեդոնացւոց փաղանգին պէս քովէ քով պարսպի նման անբաժ կու կենային և մեկտեղ շարժէին, և թէ մէկն ընկնար, տեղը ուրիշ մը կ'ամբողջացընէր գունդը: Ձախ թևին զօրագլուխ՝ կ'երևի թէ էր Դուլքաճ, որ և բոլոր բանակին մէջ նախապատիւ էր յետ Մուշկանայ, և Հայոց աջ թևին գէմ կու կենար (ընդդէմ Խորենայ). բայց այս կողմէն պատերազմը չի զայրացաւ, կամ թէ երկու գիմամարտք այլ հաւասար քաջութեամբ կռուեցան իրարու հետ. այլ սաստկութիւնը արեւելեան կողմն էր, ուր էր Պարսից աջ թևն. և հոն գումարած էին բոլոր նիզակակից ազգաց զօրքն, որոց մէջ գլխաւորք էին (դժբաղդաբար) Հայք և Կափիւ, որ են Հայոց արեւելեան սահմանակիցքն Կազբից ծովուն մօտերը. ասոնց այլ գրակից Գիւլ (Տիլէմ). ասոնցմէ զատ Ապարհայիկ կամ Ապարհայի, և Հոփ՝ որք 'ի հարկէ մեծաթիւ պիտի ըլլային: Հայոց սեցած գնդին գլխաւորն պէտք էր ըլլալ ինքն վատն Վասակ, տէրն Սիւնեաց, (որ քան զամենցեղ Հայոց՝ բազմաթիւ զօրաբաժին ունէր յաշխարհագումար հանդիսին Հայոց, 11,400 կռուող.) Սիւնեաց իշխանին միաբանք էին իշխանքն Բագրատունեաց, Խորխոռունեաց, Վահագունեաց, Ապահունեաց, Ակէոյ, Ուրծայ և մասն մի Ամատունեաց և այլոց, որոց զօրաբաժինք գումարին 8000ի չափ, և Սիւնեաց գընդին հետ 20000ի կու մօտենան. Վարդանանց զօրաբաժնէն գրեթէ աւելի են. ասոր համար ըսի՝ որ ասոնց չափ այլ կրնային հետեող ունենալ և բոլորն 60-70000 ըլլալ: Այս երեք թևերէն զատ

էր չորրորդն, և անոր առաջնորդ Արքայի, իբրև վերջապահ, միանգամայն և փղապետ, որ մեծ խումբ մը գազաններով՝ մէկայլ զօրաց ետեը կեցած էր, և ուր պէտք ըլլար՝ հոն օգնութեան պիտի շարժէր:

## Դ

Բայց հոս չուշանանք, վասն զի ահա լուսացեր է պատերազմական օրն, օրն մեծ, օրն անմոռանալի: Երկու բանակներն իրենց հրամայուած տեղը և կարգը կու բռնեն. Պարսից սպարապետն իւր երեսուն բիւր զօրաց և փղաց բազմութեան դիմաց՝ կու տեսնէ գրեթէ հաւասար երկայնութեամբ շարուած բանակ մը. բայց գիտէ այլ որ իրենին պէս թանձր չէ՛նա. հազիւ քանի մը կարգ զօրաց կան ետևէ ետև. զայն այլ գիտէ (մեր ցաւովը) որ անոնցմէ այլ ոմանք բոլոր սրտով միացած չեն բուն ուխտապահ Հայոց, այլ Վասակայ հրապուրանօք սղտորած. և եթէ վարպետ խաղ մը խաղայ՝ կրնայ զանոնք իր զօրաց հետ խառնել, կամ պատերազմէ դուրս հանել. գիտէ որ իր նիւակակից սկսած Հայերն՝ այն օր Վասակայ հետ իրենց միամտութիւնը Պարսից ցուցընելու համար՝ աւելի քան զՊարսիկս քաջութեամբ պիտի կռուին, կամ աւելի ատելութեամբ. ինչպէս որ կ'ընեն թշնամացեալ բարեկամք: Ասոնք իրեն մէկ մէկ յոյս մեծ մեծ մխիթարութիւնք են. բայց քանի որ կու մտածէ թէ իր բուն թշնամեաց, թէ և քիչուոր այլ հաւատարիմ Հայոց՝ սպարապետն է Վարդան, այն ժամանակի (ըսեմք ամեն ժամանակի) զօրավարաց օրինակ, և Պարսից թագաւորին անգամ՝ քաջութեամբն դեռ սիրելի և հարկաւոր անձ մը, Մուշկանայ բոլոր պատրաս-

տուութիւնն և բազմութիւնն տարակուսելի կ'երևի, ու կու տագնապի: Բայց ժամն կռուոյ կու մօտե- նայ. կու ժողովէ գնդապետները ու զօրավարնե- րը, կու յիշեցընէ իրենց պարտքը, Վարդանանց կտրճութիւնը, քաջութեան և յազթութեան վարձքերը, վատութեան և փախստեան պատիժ- ները և դատապարտութիւնը. և կու խաւրէ իւ- րաբանչիւր իր կարգին:

Այս բաները լսելու կարօտ չէին Հայք, բաւա- կան լցուած Վարդանայ, Ղևոնդի և Քրիստոսի հոգւով, որ դեռ սրտերնուն մէջ կու խօսէր. կըր- նար ուրեմն իրենց սպարապետն այլ քիչ մը այն գիշերուան վերջին պահին՝ առանձնանալ իր վրա- նին տակ. նախ խօսիլ ընդ Աստուծոյ և յանձնել իր կեանքը և մահը, որոց երկուքն այլ ստուգիւ կու փափագէր, և կու հաւատայր այն օր փոխել յանմահութիւն. ապա երկրիս վրայ հարկաւոր եղած բաներուն համար յետին կամքը տւանդել 'ի կտակ կամ 'ի սիրտ մտերմաց. մինչ սպասա-ւորքն և թիկնապահք զէնքերը և զարդերը կու պատրաստէին:

Ահա հազաւ, հեծաւ, զուարթացաւ Վար-դան, արևէն աւելի ցանկալի և սպասելի այն օր՝ իր սիրելեացն. ամենուն աչքն՝ ոչ այնքան թշնա-մեաց բազմութեանը վրայ սոսկմամբ կու նայէին, որքան սիրով կու դառնային այն բարձրասուր կա-թողիկէաձև շիկակարմիր վրանին, որոյ դրան վերև ոսկի արծուին թևատարած, չորս բոլորն կար-միր-կանաչ-սպիտակ դրօշներ հովէն ծալլուելով ու բացուելով՝ իբր ծափ ծափի տուած կու հրա-ւիրէին զՎարդան. զՎարդան հրաւիրելով՝ վրա-նին եղբրքը պար առած պահապան ու պատուոյ գունդն՝ նշան առին, և սկսան շարժիլ. յանկարծ վրանին փեղկերն վերնալով բացուեցան, թիկնա-պահք և սպայք, հեծեսալք և հետևակք՝ փայլ

փայլ զէնքերով իբրեւ ամպէ մը սկսան գուրս թափիլ. և խումբ մը ծաղկազգեստ կայտառ երիտասարդաց՝ ՁԾ տարուընէ վեր՝ լուսծ ձայն մը ձգեցին, որոտալուր, ահաւոր, վսեմ և քաղցր ձայն մը, որ մեր յետին Արշակունի Արտաշէս (Թագաւորին սև օրէն վեր չէր լսուած...: Արքունական երաժշտաց գասն էր. որ այն օր ՚ի Վարդան կու ճանաչէր Հայոց Թագաւորը, առաջնորդը, յոյսը և փառքը. և երբ մեծամեծ օսկեփայլ գալարուն և անգալար պղինձներն լայնաբոլոր բերաննին յերկինք շտկած՝ իբրեւ յետ երկայն հառաչանաց՝ հայկական պատերազմի եղանակը հնչեցին, ոհ, բոլոր բանակն, գետին ու լերինք (Թնգալով գոփելով որոտացին, Փռւ Հայոց, Սուրբ սպարապետ, Վարդան Կաջ: Եւ ահա յերեսն եկաւ քաջն այն, Կարմիրն այն Վարդան, Ճառագայթներուն ետեէն գուրս վազող արեւուն պէս, իր նախապապուն Մուշեղի նման՝ Ճերմակ, Ճարտուկ, Ճախրասլաց, բարձրապինչ բարձրափունչ ձիուն վրայ յարմարած՝ քան թէ հեծած կամ նստած. վասն զի ձին գրեթէ սանձի անկարօտ և տիրոջը տակ աւելի թեթեւցած քան թէ առաջ՝ չէս գիտեր կու խազայ թէ կու թռչի. իսկ տէրն իբրեւ եղեկիւ լեան անուռի մը վրայ հանգչած՝ թեթեւութեամբ ամեն գի կու գտնայ, կու թռչի, կու հասնի: Ոսկէխառն արծաթակուռ սպառազինութեան վրայ՝ ձգած է մեծ ծիրանի ու ոսկէթեւ սամոյրօձիք վերարկուն, զոր արեւակերպ ականակուռ ապիզակ կամ Ճարմանդ մը կուրծքէն վեր կու միացընէ, օղակներէն յակունթներ կախուած, և ինչուան նռնագոյն կօշիկները կ'իջնէ. գլուխն արծաթախառն սաղաւարտ՝ ոսկէքանգակ գարգմանակաւ, որոյ կունակէն դէպ ՚ի գագաթն ոսկի արծուի մը կայ, և վարի եզերքը բոլորած պսակաձև Թագ մը, անոր վրայ այլ պլլուած բոլոր

գերագոյն իշխանութեան նշանը՝ աշխարհաւանդ ըստուած հանգոյցը, որոյ ծայրերն ցցունազարդը՝ ուսոց վրայ կ'իջնեն։ Բայց արգարե տեսութեան արժանի մասն՝ այն հանգուցին ներքե էր. բոլորակերպ, կարմրայտ գրեթէ ճառագայթարձակ, զուարթ գէմք մը. նման եգիպտացի Սրամազդայ, բայց Ամպրոպայնոյն աչքերով։ Խաչքլուխ և խընձորքլուխ ձողերու և նիզակաց վրայ՝ բաց յեռագոյն գրօշից կու ծածսնին զանազան գունով և նշանով վառեր, Մամիկոնէից տէրութեան, Հայոց սպարապետութեան, Յունաց ստրատելատութեան և Հոյ թագաւորի տեղակալութեան. զորս ուրախութեամբ ողջունելով 66,000 բերսն՝ Պարսից անհուն բանակին և անձոռնի փղերուն ձայնն այլ կու խափանեն պահ մը։ Վարդան յառաջ անցնելով իր սպայից գնդէն՝ մէկ մը ճերմակովը կու թռչի բանակին մէկ ծայրէն ինչուան մէկայլը, ողջունելով, խրախուսելով, գրեթէ նորոյժ մը փչելով, և... նշան կու տայ սկսելու զպատերազմն։ Ահա մէկէն կու սկսին զէնք ձգել վեց բիւրքն Հայոց. ոմանք սպառազէնք (այսինքն բոլոր զրահ հագած), ոմանք մերկք (այսինքն անզրահ), և ասոնք են աղեղնաւորքն. ոմանք վահանաւորք, հետեակք՝ նիզակաւորք և սուսերաւորք. աւելի շատն հեծեալք ծանր կամ թեթեւ զրահով։

## Ե

Հիմայ թողունք որ քիչ մ'այլ խօսի Եղիշէ. « Իբրեւ այս այսպէս պատրաստեցան, երկոքեան » կողմանքն լի սրտմտութեամբ և մեծաւ բարկութեամբ զայրանային, և գազանացեալ զօրութեամբ յիրեարս յարձակէին երկոքեան. » և ամբոխ ազազակին յերկոցունց կողմանց՝ իբ-



» րե 'ի մէջ ամպոց շփոթելոց՝ ճայթմունս գոր-  
 » ծէր. և հնչումն ձայնիցն՝ զքարանձաւս լերանցն  
 » շարժէր։ Ի բազմութենէ սաղաւարտիցն և 'ի  
 » փայլիւն պատենազէն վառելոցն՝ իբրեւ նշոյլք ճա-  
 » ռագայթից արեգական հատանէին։ Նա և 'ի  
 » բազում սուսերացն շողալ, և 'ի ճոճել բազմա-  
 » խուռն նիզակացն՝ իբրեւ յերկնուստ ահագին  
 » հրաձգութիւնք եռային։ Քանզի ո՞վ իսկ է բա-  
 » լական ասել զմեծամեծ տագնապ ահաւոր ձայ-  
 » նիցն. որպէս կոփիւնք վահանաւորացն և ճայթ-  
 » մունք լարից աղեղանցն զլսելիս ամենեցուն առ  
 » հասարակ խլացուցանէին։ Անդ էր տեսանել  
 » շտապ մեծի տագնապին և զաղէտս անբաւ տա-  
 » րակուսանացն երկոցունց կողմանցն, առ 'ի յան-  
 » գուգն յարձակմանէն զմիմեանս բախելով. քան-  
 » զի թանձրամիտքն յիմարէին, և վատասիրտքն  
 » լքանէին, քաջքն խիզախէին, և նահատակքն  
 » գոչէին » : ...

Այս մեծ ու բազմալճիռ ճակատամարտս, ուր  
 300,000 և աւելի անձինք կռուեցան գրեթէ յա-  
 ռաւօտէ մինչև յերիկուն, որչափ նշանաւոր է  
 սաստկութեամբն՝ նոյնչափ այլ քիչութեամբ մե-  
 ռելոցն. երկու կողմէն մէկտեղ հազիւ 4 կամ 5000  
 մարդ ընկան. որոյ պատճառ, մէկ մը երկուքին  
 այլ հմտութեամբ և վարպետութեամբ շարժելն  
 է. մէկ մ'այլ բանակաց մէջ տեղ գետ մ'ըլլալն,  
 որով երկայն ատեն հեռուէն նետաձգութեամբ  
 և ուրիշ հեռաձիգ զէնքերով կռուէին. Հայք ա-  
 ղեղնաւորութեան մէջ շատ վարպետ էին, որով  
 աւելի յաջողեցան Պարսից վրայ, բայց թուով  
 նուազ ըլլալով՝ կրնային յօգնիլ առանց քշելու  
 Պարսիկները. իսկ ասոնք թէ և բազմաթիւ՝ չէին  
 համարձակեր Հայ աղեղանց դէմ գետը անցնիլ,  
 մանաւանդ առանց փղերու՝ զորոնք գծուար էր  
 շարժել։ Բայց կամաց կամաց երկու բանակն այլ

սկսան մօտենալ 'ի գետեղերքը, և հարկ էր որ մէկն կամ մէկայլն անցնի գիմացի կողմը իբր յաղթող. և Հայք առին այս առաջին յաղթութիւնը: Իրենց երկրին դար ու փոս գիրքն՝ զիրենք չարքաշ և փորձ ըրեր էին. յաջողութեամբ անցան ջուրը, մինչ Պարսիկք տարակուսեալ կու վկայային եղերքը. Հայք ջրէն ցառքելով առաջին թափով գիմացի եղողները քշեցին. բայց իրենք այլ սկսան Պարսից բազմութեան ոյժը իմանալ:

Հոգրեթէ նորէն սկսաւ պատերազմն, և բազմ յերևան գալ: Բանակաց արևմտեան թեմքն հաւասար իրարու կ'ընդգիմանային, և գրեթէ ինչուան վերջը սակաւաթիւ Հայք՝ Իողվըճայ գէմ կեցան, ինչուան որ իրենց երկք գնդապետ զօրավարքն այլ քաջապէս ընկան նահատակուեցան գաշտին վրայ, Խորէն, Արսէն և Ներսէս: Միջին թեմքն այլ նոյնպէս սասաիկ ճգամբ և գրեթէ հաւասար կու կռուէին. իսկ արևելեան թեմերուն, ուր Հայք Հայոց գէմ էին, Վասակայ հրապոյրն զօրացաւ, և Վարդանանց կողմի թեմն ռկսաւ տրկարանալ. այն շփոթութեան ատեն գունդ մը անկէ զատուելով՝ փախաւ կամ պատերազմէն գուրս ելաւ. այս բանս բոլոր պատերազմը կերպարանափոխ ըրաւ: Աւելի մեծ շփոթութենէ ազատեց իր բանակը՝ արթուն և երազահաս սպարապետն, որ տեսնելով ձախ թեմին ետ քաշուիլը, վերջապահ ջոկով մը հասաւ օգնութեան, նորէն կարգի մտուց հաւատարիմները, և ինքն առաջ անցնելով ընկաւ Պարսից աջ թեմին վրայ, յորում ուխտազանց Հայք, և հիւսիսային ու արևելեան աղգաց գունդեր կային, և քշելով տարաւ ձգեց անոնց միջին թեմին և փղակուտին վրայ: Նոյն ատեն Վահան Արծրունի այլ Հայոց միջին գնդան սաստիկ թափով յարձրկելով Պարսից միջին և բուն գնդին վրայ՝ խռովեց, շարժեց

և դէպ յարեւելք քեց . որով Պարսից երկու շփոթած շարժած գնդերն այլ ընկան իրարու վրայ, ու Վարդանայ և Վահանայ սուրերուն մէջ . և եթէ ասոնք շատուոր ըլլային, կամ նոյն ատեն վերջապահ գունդն այլ իրենց օգնութեան հասնէր, թերեւ բոլոր Պարսից բանակը պղտորէին . վասն զի Վահանայ և Վարդանայ բախմունքէն՝ անվանելի Մատեան գունդն անգամ պատուեցաւ, 140 տնմահ Պարսիկ՝ Հայոց սպարապետին և Արծրունի նիզակակցին սուրերով մահացան, մեկ տըներն այլ փախչելու վրայ էին . և ահա վարած կորած Վասակայ չար գլուխն տեսնուեցաւ իր յեա քշուած գնդին մէջ . Վարդան արդար վրէժխնդրութեամբ դարձաւ այդ անիծապարտին վրայ, որ իր թելադիր սատանային սիրած օձուն պէս՝ սողոսկելով սպրդեցաւ, փղերուն մէջ փախաւ պահուրանցաւ : Թերեւ Վարդանայ պէտք էր այնչափ յառաջ նետուիլ կամ հոս ուշանալ . բայց ինքն արդէն ըլլալէք գուշակելով, աւելի երկնից նահատակ քան յերկրի յաղթող ըլլալ փափագէր : Պարսից սպարապետն Մուշկան՝ որ կենաց և մահու, յաղթութեան կամ յաղթուելու ժամը հասած կու տեսնէր, որչափ որ սագնապեցաւ ի Վարդանայ, անոր շատ յառաջեն այլ իրեն օգուտ առաւ . տեսաւ որ անոր և մնացեալ Հայոց միջին ու ձախ թևոյն մէջ՝ մեծ միջոց կայ . իր շփոթեալ զօրաց գասերը և Մատենիկ գունդը ժողվեց սրտասնդեց, ու մաս մը այն հեռու մնացեալ Հայոց վրայ դարձուց, մաս մ'այլ Վարդանայ և Վահանայ դէմ կենալու . և ասոնց ետեէն գալու և մէջ փակելու՝ պատուէր տուաւ շուտով, փողեց կանչեց Արտաշին՝ որ փղերը առաջ քէ . ինքն այլ իր յատուկ գնդով յառաջ անցաւ : Եւ այսպէս երկու երեք կողմէ պատելով հոն, « Կորովին Վարդան իւրովք քաջ

» նիզակակիցքն՝ ոչ սակաւ նախաճիրա՝ ի տեղւոջն  
 » գործեաց. յորում տեղւոջ և ինքն խոյ արժա-  
 » նի եղև առնուլ զկատարեալ նահատակութեն  
 » պսակ »<sup>1</sup> : Վարդանայ հետ հոն պսակուեցաւ  
 իր պատուակից և նիզակակիցն Վահան Արծրու-  
 նի. այս երկու պարագլխոց պէս՝ իրենց գնդից  
 ինչուան վերջին շունչը առաջնորդելով և կռուե-  
 լով ընկան մեծափառ քաջութեամբ աջ թևին  
 երեք զօրագլուխքն, զոր վերը յիշեցինք, ձախ  
 թևին գնդապետն այլ Տաճատ Գնթունի. այս  
 թևէն և միջին թևէն երկերկու զօրաւոր զօրա-  
 գլուխք ապրեցան. անոնց տեղ ուրիշ զօրապետ  
 իշխանք ընկան ԱՐՏԱԿՆ ՊԱՂԱԻՆԻ, ՀՄԱՅԵԱԿ ԴԻ-  
 ՄԱՐՍԵԱՆՏ, ՎԱՀԱՆ ԳՆՈՒՆԻ և ԳԱՐԵԳԻՆ ՍՐՈՒԱՆ-  
 ՁՏԵԱՆ, որով յայտնի եղաւ՝ որ թէ Վարդան և  
 թէ իր հաւատարիմ՝ նիզակակիցքն՝ մտքերնին  
 գրեթէ ին՝ կամ հալածել քշել զթշնամին, կամ  
 ինչուան վերջը պատերազմելով մեռնիլ. և ա-  
 րեամբ քաւել բոլորովին իրենց սուտ ուրացու-  
 թեան յանցանքն այլ: Ասոր համար երբ Պարսից  
 զօրքն մտան ի Հայս, Վարդան հրաւէր խաւրեր  
 էր իրեններուն՝ ոչ այնքան ի պատերազմն՝ որ-  
 քան ի մարտիրոսութիւն, ըսելով. « Գուենդ բա-  
 » ղում հասեալ դայ, բերելով աստուածասիրաց  
 » պսակս երկնաւորս. արդ որ դք ցանկայ առնուլ  
 » աճապարեցէք, զի մի՛ վրիպեսցի դք և զքանայ-  
 » ցէ.... Եւ զայս լուեալ ճշմարտասիրացն և զան  
 » մահութիւն սիրողացն՝ դղբեցան, ելևելս առ-  
 » նելով զմիմեամբք, որպէս հօտք որ ի ձայն աղի  
 » փութայցեն զկնի հովուաց »<sup>2</sup> : Իսկ վերջապահ  
 գնդին մեծ զօրագլուխքն Արշաւիր և Համազաս-  
 պեան՝ պատերազմին սաստիկ խառնուողէն հե-  
 ոու ըլլալով՝ իրենց պաշտօնը կատարեցին. յետ

1 Եղեշէ :

2 Ղազար Փարպեցի :

նահատակութեան արժանաւորաց՝ և երեկոյն վրայ հասնելուն, ետ քաշեցին ուխտապահ զօրքերը, որ իրենցմէ յանդուգն և յաւաջադէմ վարիչնին կորուսեր էին. ուստի ոմանք այս երկու վերջապահ զօրագլխաց գնդին խառնուեցան, ոմանք այլ ցրուեցան զանազան կողմ, կամ բերդերու մէջ քաշուեցան: Տասն պարագլուխ նահատակեալ իշխանաց հետ, իւրաքանչիւրին ցեղէն (բաց յԱրծրունեաց) 276 կամ 286 կըտրիճք ընկան բուն պատերազմին առէն. որոց դրեթէ կէսն, 137 հոգի Վարդանայ հայրենակից՝ տիրասէր Մամիկոնեանք էին, մնացելոց մէջ բազմաթիւնքն են՝ Արտակայ սոհմակից Պալուինք, 57 հոգի: Ասոնցմէ դուրս են Արծրունիք, որոց թիւն թշնամութեամբ ջնջուած կ'երևի. նոյնպէս նշանակուած չեն ուրիշ ցեղերէ և թագաւորական գնդէն մեռողաց զատ զատ թիւերն. բայց առաջիններուն հետ մէկտեղ բոլոր պատերազմին մէջ ընկողքն էին 696 հոգի. ասոնցմէ զատ քանի մը հարիւր այլ նոյն օրը ձեռք ընկան և փղաց օտնակոխ եղան, կամ ամրացած տեղերնէն բռնուած սպանուեցան. և ասոնցմով ու առաջիններով միապումար նահատակելոց թիւն եղաւ 1036<sup>1</sup>, զատ 'ի սասն նախարարաց: Իսկ թշնամեաց կողմէն պատերազմի մէջ ընկան ինն մեծ իշխան և 3544 մարդ. որ է ըսել եռապատիկ կամ քառապատիկ աւելի քան զՀայս:

1 Վարդան պատմիչ 1232 հոգի կ'ըսէ. անշուշտ պատերազմն ետքը բերդի մը մէջ գտնուած ու սպաննուածներն այլ մէկ տեղ սեպելով:

## 2

Ի՞նչ եղաւ այս մեծ և հաշաւոր պատերազմին հետեանքն: Հայք՝ բարոյապէս յաղթեցին, Պարսք աշխարհօրէն: — Վասակ և Պարսիկք նախ սկսան առջի հնարքները բանեցընել. ուխտապահ Հայք այլ իրենց հնարքը, ոմանք բերգերու մէջ ամրացան, ոմանք այլ կռուով Պարսից գէմ կեցան. ինչուան անոնց սահմաններն այլ յարձակելով. և ստիպեցին զՅազկերտ՝ որ զիրենք ազատ թողու իրենց սուրբ կրօնից պաշտաման և իրենց հայրենի սովորութեանց մէջ: Յանձն առաւ և թողուց Յազկերտ. և որովհետեւ քահանայք և գրէխաւոր նախարարք բազդեր էին առ նա ընդգէմ Վասակայ, կանչեց զանոնք իր գուռը, զոմանս կամաւ և զոմանս բռնի. և բոլոր Պարսից ատենին առջև քննելով՝ յանցաւոր գտաւ զբարեացապարտ իշխանն Սիւնեաց Վասակ. և գտաապարտեց մահուան բանտի, ուր և չարաչար ցաւերով մեռաւ: Քահանայից գլխաւորները Ս. Ղևոնդեանք, նահապետել տուաւ (յամի 483). իսկ Հայոց նախարարները բանտեց ՚ի Պարսկաստան, ուր և մնացին զանազան պատճառաւ 18 տարւոյ չափ. յետոյ Պերոզի Թագաւորութեան ատեն արձակուեցան գարձան իրենց հայրենիքը, ուր կային դեռ սեցած ուրացող Հայերէն. և նորէն ատոնց գրգռութեամբ սկսան Պարսք հակառակիլ ուխտապահաց, որոց գլուխ կեցաւ Վարդանայ արժանաւոր եղբօրորդին Վահան. և քանի մը աարի պատերազմով յօգնեցնելով Պարսից զօրավարները, վերջապէս ստիպեց և հաւանեցուց զԹագաւորը՝ որ Թողու զՀայս ազատ իրենց կրօնից և հայրենի սովորութեանց և իշխանութեանց

մէջ. և նոյն ինքն Վահան եղաւ բոլոր Հայոց վերակեցու իշխանապետ և իբր փոխարքայ, մարդպան կոչմամբ, յետ 33 տարւոյ պատերազմին Վարդանանց:

Ահա այս եղաւ հետևանքն Շաւարշանի երրորդ հանգիսին: Այսպէս կատարեց Վարդան իր օր մ'ըսածը՝ Պարսից Թագաւորին և բոլոր արքունեաց առջև, թէ այնպիսի գործ մը պիտի գործեմ՝ որ բոլոր աշխարհք պատմելի մինչև յաւիտեան<sup>1</sup>: Յիրաւի, մեր նախահօր Հայկին օրէն և իրեն թոռնորդոյն Գեղեցիկն Արայի օրէն ինչուան յարքայորդին Թորոս և ինչուան 'ի քաջն Լիպարիտ, զօրավար Զ Լեւոնի, վերջին Թագաւորին Հայոց, Հայ իշխանաց և զօրավարաց մէջ՝ ամենէն սիրելին և տօնելին մեր Հայոց ազգի խորանաց, սրտից և բերանոց մէջ՝ է Վարդին Վարդան, որդի Համազասպայ Մամիկոնէից տեառն և Հայոց սպարապետի և երբեմն իշխանապետի, թոռն մեծին աստուածապատիւ հայրապետին Սահակայ Պարթևի. որոց քաջութեան և սրբութեան դրկաց մէջ ծնաւ, սնաւ, գործեց ու մեռաւ. պատուեալ կենջոյն՝ ոչ միայն իր ազգէն՝ ինչուան Թագաւորի տեղահալումթեամբ կամ արքունի տան պահպանութեամբ, այլ և 'ի Յունաց և 'ի Պարսից. բոլոր Հայոց սպարապետ ըլլալով քսան տարի, ազգային և օտար նշանաւոր զօրավարաց շատէն վեր անցաւ. 42 մեծ ճակատամար-

1 « Յայսմ հետէ այսպէս կամք են (իմ), քանամ զի թէ » յայսմ գործեալ ինչ իցէ, և ոչ արժանի տնուան և գովութեան. յայսմ հետէ հնարիմ ամենայն զօրութեամբ » և ուժով օգնականութեամբն Աստուծոյ, գործել գործ » այնպիսի, զոր ոչ միայն առաջի ձեր Արեաց, այլ և 'ի » կայսեր դրանն և յայլ ազգս՝ պատմեսցի համբաւն » այն, մինչև ցաւիտեան »: — Ղազար Փարպեցի:

տի մէջ յազթող ելլելով, զոր աւելի Պարսից ծառայութե մէջ ըրած էր զանազան աշխարհքներ, ինչուան Խորասանի և Թուրքաստանի անապատին մէջ Մէրու կամ Մէրվիրուտ գետոյն վրայ, ուր նոյն ինքն Յազկերտ Թագաւորն ականատես ըլլալով անոր քաջութեանը, և ուրիշ գործքերն այլ լսելով, հիմա իր զօրաց կոտորածէն և նախաւորաց սպանութենէն աւելի՝ Վարդանայ մահուան վրայ ցաւեցաւ, և դատափետեց զՎասակ իբրեւ պատճառ տնոր մահուանը. և բոլոր արքունեաց տալ և կ'ըսէր, « Թէ զայնպիսի քաջ և սպիտանի և » զվաստակաւորն մեր՝ զՎարդան.... և կայսր » (Յունաց) և կամ Հոնաց արքայ բռնութեամբ » յինէն հանել կամէին, (եւ) ամենայն Արեաց » (Պարսից) ուժովս կռուէի, և չտայի հանգչել, » մինչև այսրէն յիս հանէի » : Պանծալի վկայութիւն և արժանաւոր համարմունք. բայց ափսոսքեզ ո՞վ կոյր Թագաւոր, որ անխոհեմութեամբ կորուսիր այնպիսի պիտանի մարդը, զոր միայն իր ճշմարիտ սիրելի հայրենիքն և եկեղեցին անկորուստ պահեն մինչև ցայսօր :

Վարդան նահատակութեանն ատեն գոնէ յիս նամեան պիտի ըլլար. իրեն ժառանգ արու զաւակ չթողուց, անոր համար Մամիկոնէից տէրութիւնն անցաւ իր Հմայեակ եղբօրը. որ նոյնպէս քիչ ատենէն նահատակուելով, յաջորդեց անոր որդին հռչակաւոր կորիճն Վահան, յեա գարձին՝ ի Պարսից : Բայց դուստր մը ունէր Վարդան՝ իր հօրը և իր գեղեցկութեան պատճառաւ կրկին անուամբ կոչուած, Վարդէնի և Շուշանի, որ Վերաց բգեշխին կամ Գուգարաց նահապետին Վազգենի տիկին եղաւ, և անոր անդուծ ձեռքով նահատակուեցաւ, երկայն և սքանչելի համբերութեամբ և իմաստութեամբ, յայտնի ցուցնելով որ դուստր է Վարդանայ և Թոռնեայ Ս. Սահա-



կայ, որոց փառք մ'այլ աւելցուց, մեր եկեղեցւոյ տօնելի վկայուհեաց պարծանք բլլալով, և ցուցած արութեամբն՝ ոչ պակաս քան զքաջամարտիկ սուրբ գուշին Վարդանանց։

Վարդանայ անգին մարմինը, անշուշտ հաւատարիմ Մամիկոնեանքն՝ չթողուցին աւար Պարսից, այլ իբրև պանծալի նշան և դրօշ հայրենեաց՝ քաջաբար վերուցին։ Նշխարքն զանազան տեղ ցրուեցան, և յետոյ մինչև 'ի Համլէն, ուր կու յիշուի և 'ի սկիզբն թջ դարու։ Բայց Ոգին հայրենեաց, հաւատարիմն Հայաստանի, որ իր քաջանշան որդւոց վարձու և անմահութեան մէկ մէկ անակնկալ և վեհմական բան կամ անուն կու հնարէր, յափշտակեց Վարդանայ նշխարաց մէջէն այն թանկ գլուխը՝ որ զինքը գնելով բոլոր Հայ աշխարհին և եկեղեցւոյ վրայ՝ աւելի բարձրացուց զանոնք, և այն ջաջուռ աջը՝ որ երեսուն տարի արևելից և արևմտից մէջ քաջագոյն և սրբազոյն վարիչ էր բանակաց, յաղթութեանց վըճռահաս, և պսակաց հաւաքող առաւ գրաւ՝ անոր մարմնով մայրենի նախահաւուն և հողով հօրն՝ հանգստարանին մէջ, Ս. Լուսաւորչի նըշխարաց քով։... Սեպուհ լեռան պրազան սարերուն մէջ միաբանեցան երեք վեհագոյն նշխարք և մեծագոյն յիշատակք և աստուածափառ նահատակքն Հայոց. ԳՐԻԳՈՐ, ՏՐԴԱՏ, և ՎԱՐԴԱՆ։

## Է

Ս. Վարդանանց վրայ երգուած գանձ մը լսենք, որ բազմաց անծանօթ է.

« Որ զամենայն յամենայնի ընուս առատապէս, արարեր զխմանալի զօրս վերինս քեզ 'ի հաճութիւն. հաճեցար և 'ի մարդկանէ առնուլ սպա-

սաւորս և փառաբանիչս անուանեց քուժ սրբոյ, ընդ որս և 'ի շառաւիղէ մերոյն համայնից հօրն լուսոյ՝ զՔաջն Վարդան, հանդերձ իւրայովքն . զորս կարգեցեր 'ի զօրս վերինս գերապանձ լուսով զարգարեալ . ընդ որս Աստմեանց զօրացն յայտնապէս տեսեալ 'ի վերուստ իջեալ պսակ լուսոյ բոլորեալ : Ընկալ Տէր, զաղաչանս միաբան ժողովելոցս քեզ 'ի հաճութիւն . աղաչեմք :

Վսեմական վիպասանութեամբ պատմաբանի ձեր գործ հանդիսի, Քաջ Վարդան, արի, երջանիկ, հանդերձ միախումբ ընդ քեզ վառելովք, թիւ հազարաց և երից տասանց հանդերձ վեցեկի թուով . լիալիր սիրով վառեալ 'ի սէրն Աստուծոյ . հանճարական ձեր իմաստութեամբ, մաքուր անձամբ, մաքրափայլ մտօք, մաքրազարդից գոլ հանդիսակից, արժանաւորք յաւէտ գովութեան, տիրապէս հաճոյք Աստուծոյ : — Ընկալ, և այլն :

Ստացայք ձեզ անուն քաջութեան յերկինս և յերկրի, քաջ զօրականք, ընտրեալք յԱստուծոյ . որք ըստ հրամանի փրկչին Յիսուսի սպառազինեալք՝ մեծաւ հաւատովք, բարձեալք ըզխաչն տէրունական, յուսով հետեւեալք զհետ խաչելոյն, սուսերբ Հոգւոյն, բանիւ բարձրելոյն ամրացուցեալք զմէջս իմանալիս, կրկին մարդով կրկնափի վառեալք որպէս զքաջք 'ի պատերազմի, վանեալք զգունդս լեզէոնաց հակառակորդացն ճշմարտութեան : Ընկալ, և այլն :

Էական լուսոյն հետեւեալք՝ յերկրէ յերկինս ըռահ կազմեալ, վասն ճանապարհին ճշմարտութեանն՝ ճամբարապատ ճանապարհ հորդեալք, զխարդախութիւն ունայնախոհացն՝ արդարութեանն ընարանաւ յայտնեալ, Եւր երկսայր ունելօք բարձեալք, վրիժապարտ ազգին վաաշուէր 'ի մաքառումն պատրաստական . զծաղկածին

դաշան Վատնական՝<sup>1</sup> կարմրածաղիկ արեամբ  
 ձեր ներկեալ, արգասաւոր ձերով հանդիսիւ  
 զարդարելով զբամբիշ Քրիստոսի: Ընկալ, ևն:

Սուրբք և սիրեցեալք և ճշմարիտ զօրականք  
 ընտրեալք, ըստ հաճոյից Տեառն պատրաստեալք,  
 զբարիոք մարտն մարտուցեալք՝ ի յաղթական  
 ձեր պատերազմի, զբրաբրինն ձեր մրցանակի  
 արժանապէս յանձին ընկալեալք. որպէս զբաջ  
 յաւէտ նահատակք արիական ձեր պատերազ-  
 մաւ թեւակոխեալք՝ ի վերնասիրովն՝ ի կենդանւոյն  
 քաղաք Աստուծոյ, ի պօղոսեան մայրն առաքե-  
 լոյ, քաղաքակիցք գտայք հանդիսի. բարեխօս  
 լերուք առ Տէր վասն տօնողացս զյիշատակս ձեր,  
 զօրականք ընտրեալք: Ընկալ, և այլն:

Այս գանձիս կամ քարոզիս հեղինակն է Մով-  
 սէս ոմն, ինչպէս որ տնագլուխ տառքն ցուցընեն,  
 որոյ առաջին և վերջի տներն աւելորդ սեպեցինք  
 հոս դնել, անոնց մէջ Վարդանանց յիշատակու-  
 թիւն չըլլալով. օրինակն 620 տարուան ձեռագրէ  
 մը առնուած է, որ հեղինակին բաւական հնու-  
 թիւնն այլ ցուցընէ:

<sup>1</sup> Ե'երեւի թէ հեղինակն կամ գրողն չփոթմամբ կու-  
 յիշէ հոս, Ս. Գրիգորիսի նահատակութեան դաշտը  
 Վաթնական, փոխանակ ըսելու Շատաբլան կամ Արտա-  
 զական:

ԺԱ.

## ՍՏԵՓԱՆ ՈՍ ՍԻՒՆԵՑԻ

ԵՒ

### ՍԱՀԱԿԴՈՒԽՏ

21 Յուլիսի 736.

Ա.

Հրոտից ամիսն է. արեւն՝ առիւծ աստեղա-  
տան մէջ արդարեւ հրեղէն ճառագայթներովը՝  
իբրեւ առիւծային թաթերով կուլկէ կուտորէ  
զերկիր։ Հայկայ հրաճոճակ աստղն այլ (Շնիկն)  
սկսած է բարձրանալ. ամեն տեղ տաք, ամեն բան  
կրակ։ Ո՞ր են այն Հայոց ձիւնեղէն սառնապատ  
լերինքն. անոր բեւեռային կերպարանքն՝ հիմա  
յայրեցեալ գօտի փոխուեր է։ Երկու հակադէմ  
կլիմայք կ'երևին մեր երկրին մէջ. սաստիկ ցըր-  
տուծիւն և սաստիկ տաքութիւն։ Ի՞նչպէս բնա-  
կելու է ասանկ երկրի վրայ։... Մեր հարքն, և  
մեր եղբարքն անգամ, շատ տեղ գետնի վրայ չեն  
բնակեր ուրիշ աշխարհաց բնակչաց նման, գոնէ  
տարւոյն երկու ծայրայեղ յեղանակաց ատեն,  
այլ անկէ վար կամ անկէ վեր. այսինքն, ձմեռն՝  
երկրին երեսաց տակ, կէս գետնափոր տանց մէջ,  
նման իմն հողաթմբի կենդանեաց. իսկ ամառն՝

այլ աւելի վայելապէս, երկրիս սովորական երեսէն վեր, օգտասահման կենդանեաց և թռչնոց հետ։ Կամ լերանց և սարից վրայ, կամ ծառոց և ձեռակերտ բարձրաւանդակաց վրայ, ձողերուցիցերու վրայ հաստատելով դարպասներ և ննջարաններ։ Ասոնք են Հոյ և Հովնոյ և Հովոյ փշիւն Հայոց. որ Թորգոմայ օրերէն 'ի վեր մինչև ցայսօր սիրելի և բաղձալի են 'ի Հայաստան և Հայաստանի եղբրքը բնակող ազգաց. և ինչ որ այսօր Ռուսաց և Օսմանեանց իշխանաւորքն և զօրապետք կ'ընեն երկրին բնիկ ժողովրդեան հետ՝ անոր բարձրաւանդակաց վրայ ամառնառաւով, զնոյն 4000 տարի առաջ այլ Բաբելոնի և Նինուէի թագաւորք և իշխանք, մեր թագաւորաց, իշխանաց և ռամկաց հետ։... Ո՞րչափ այլադէմ, այլախօս, այլակամ ժողովուրդք, զօրք և տեսրք ամառնացան բնակեցան հոն 'ի հովս Հայոց, և անցան դնային, շատերն անգարձ. իսկ երկիր դարձեալ նոյնպէս իր ամարանոցը կու պատրաստէ. նոյնպէս կու բուսնին ծառք և ծաղկունք, նոյնպէս կու գան ծիծառնք և կռուակք. նոյն հովք և նոյն հովանիք Հայոց. և նոյն.... այո, ըսենք կիսամաղձիկ կրիւք, և նոյն սերունդք բնիկ նախնեաց, դեռ ևս վկայք երթեկի այլազգեաց, և վայելողք հովոյն և զովոյն։

Օրհնեալ ըլլան հովքն Հայոց, հովք հայրենեաց, զոր 'ի մխիթար և 'ի մոռացումն երկայն ձմերան՝ պարգևեց մեզ դրախտին տնկողն, Ալարչապետն. օրհնեալ հովն և զովն՝ որ 'ի ցած ձորերէ և դաշտերէ վեր կանչելով ժողովելով զՀայաստանեայս՝ երկրին այն կոնաձև կամ տափաձև բարձանց վրայ, իբրև 'ի վերայ սեղանոյ բնութեան, բնաբար այլ կ'ազդէին անոնց՝ արարչագործ մեծութիւնը, վսեմութիւնը, գեղեցկութիւնը, զանազանութիւնը։ Կ'առողջանային կ'ու-

Ժողովային կուզուար (Թանային միտք և մարմին. Թագաւորն կուհալարտանար, և ոչ անիրաւէր, որ Աստուած իր իշխանութեան տակ ձգեր է այն հովասուն. սահմանները, և տնոնց աշխոյժ ծընունդքը. զինուորք և ազատագուհք հոն կուզօրացընէին, Թեթեղընէին, ճկուն և տոկուն կ'ընէին իրենց կտրիճ անձինքը, սարէ սար՝ այծեմանց և ցաուց եսեէ ընկնալով յորս. հովիւք՝ հոն կուծաւալէին երկրին և երկրագործութեան կենդանի հարստութիւնը և օգնութիւնը. արուեստաւորք և ռաբիկք՝ օրական և ամսական աշխատութիւնները հոն կուհանգչեցընէին. բանասէրք և հոգեսէրք անգամ, պաշտօնեայք Տրի և Քրիստոսի, պարապողք ուսմանց և կրօնից, հոն այն հովերուն մէջ գոնէ ժամ ժամ զովանալով, աւելի յատակ մտք և պայծառ անութեամբ կ'ելլէին բարձրագոյն տեղուանք, ՚ի կաճառս հռետորաց, ՚ի պարս բանաստեղծից, յերամն հրեշտակաց. և իրենց հոգեշունչ Օրհնութիւնները և Համբարձիւնները երգելով՝ կ'իջնէին, եկեղեցւոյն Շարականը և Մանրուսմունքը՝ նոր նոր եղանակով հարստացընելու. և ամառնային հովանոցներու ազգած երկնախառն հոգին և շունչն՝ զարմանալի այլակերպութեամբ ինչուան խորագոյն ձմերան խորանիստ տաճարաց մէջ հնչեցընելու, և ձայներնին հասցընելու յետ հազար տարիներու՝ մինչև մեզի այլ: Օրհնեալ ուրեմն միանգամ այլ ըսեմք, այն երկնաշունչ Հովքն Հայոց, որ այսպէս հոգեորեցին մեր հարքը, և անոնց յարգարեալ շնչովն՝ զմեզ այլ կուհոգեորեն պատր:...

Ե՛կ, Հայկակ, ելնենք պատր մենք այլ այն բարձրանալ տեղերուն, հայրենեաց դարերուն, Հայոց հովերուն, Սիւնեաց զովերուն վրայ. այն տեղուանքը՝ ուր Բաբել<sup>1</sup>՝ ազատեալ ՚ի պանդխտ-

1 Հայր ուրացելոյն վասակայ:

տուժենէ Պարսից՝ ուրախութեամբ որսի կ'ել-  
նէր, « Խնդալով խաղալով 'ի վերայ սովորական  
» թատերացն և խնջոյից խրախարանացն, 'ի լե-  
» րինս որաստուն և բազմաջուրի վայրացն, 'ի լե-  
» րինս Սիւնեացն <sup>1</sup> » :

Բ

Այս խաղէն խնտումէն և որսէն աւելի պիտի  
ախորժիտ անշուշտ, երբ քիչ մը յօգնութիւն առ-  
նելով, և աչքերդ բնութեան բարձրագլուխ և խո-  
րածոց գեղեցկութեանց վրայ պտըացընելով թո-  
ղուս միտքդ վեր վար ժուռ գալու, և յանկարծ  
լսես վերը յիշեալ պաշտօնէից մէկուն ձայնը, որ  
իր աշտիճանին յարմար և իր բնատուր շնորհաց  
համեմատ՝ բարձրագոյն մտածութեց մէջ թրուռ-  
տելով վերանալով, Սիւնեաց Սիոնի լեռնէն կու-  
սլանայ Երուսաղէմի Սիոնը, անկէց այլ անդին,  
հեռու, խոր կ'իջնէ մինչև յափուռս Աարմիր Ծո-  
վուն . հոն կու պտըտի մեծ նախամարգարէին  
հետ, կու գիտէ ծովակրտուր գաւազանին հրաշ-  
քը, կու լսէ անոր հրաշալի Օրհնեսցուքը . և իր  
բարձր հանճարոյն վրայ վստահացեալ՝ աւելի վե-  
հագոյն անձին (Քրիստոսի) շնորհօք, կու փորձէ  
աւելի հոգիացընել հայացընել այն հրաշալի օրհն-  
երդը . և սլանալով իր հայկական հոգոց վրայ՝  
կու սկսի նուագել .

« Յաղթական քեզ օրհնութիւնք, Տէր, որ ըզ-  
խորոց ծովուն հերձեր զջուրն . զի 'ի նմա զբռնա-  
ւորին ջաղխեցեր զգլուխ . և զարգելեալսն՝ 'ի ձեռն  
խաչի քո՝ վերածեր 'ի կեանս :

<sup>1</sup> Ստեփ. Ուռպելեան :

ահա կու տեսնեմք՝ որ իբրեւ տեղեակ այս տեղերուս՝ անսովոր և անմարդաձայն ճամբով մը կու գայ, Աւագ աղբեր ընթացքը կու բռնէ, անոր հովանաւոր ափանցը ընթացիւք. քալուածքն երագ, հաստատ և իբր սպառնալից. նոյնը կարծեւ տան գէմքն այլ, որոյ սեւթել չքջանակին վրայ հագիւ քիչ մը արծաթագոյն խառնուածք կ'երևնայ. բարձրակամար յօնքն քիչ մը իրար մօտեցեր են լայնաբոլոր ճակափն կեդրոնին տակ. երեպքն չոր կարմրութեամբ մը կու վառին. բայց քանի կու յառաջէ՝ գէմքն կու թուլանան, հանգարտութիւնն կ'աւելնայ. կարծեա թէ ուղբին տակ ցառքըտող մորեխաց, գլխուն վրայ կախուած ճագանց աղաչական ճոճումանց ողորմելով, և կանաչ հովանւոյն պատուաւածոց միջէն երեցած կտոր կտոր երկնից կապոյտներէն խրատուած՝ կռնձած ճակատը պարզելով, խարշափուն տերեւոց միջէն սուլուլիկ հովերու շնչմամբն սրտաբացուելով, և ջրոյն մանրաբրբիջ կարկանդակ հրաւիրուած, քալուածքը կու ծանրացընէ, կու գադրի, կու նայի ծառոց և ալեաց վրայ. կու ձայնէ իր փոքրաւորաց և սպասաւորաց յառաջ գալ, և հոն իր վրանը կանգնել և հեռանալ. և երբ զինքը իր ցանկալի առանձնութեանը մէջ կու գտնէ, վերարկուն վար դնելով, կ'երթայ աղբերին յստակ հոսանաց տակ տաքութիւնը բժշկելու. կու զովանայ, կու ջնջուի, և աղբերափանց մօտ յարմար լայնամիջոց ուռննի ծառ մը տեսնելով՝ կ'առնու իր փայտաշէն հանգստանոցը, ամառուան հովոցի անկողինը, կու հաստատէ այն կանաչ-վարագոյր հովանեաց տակ, և զԱստուած օրհնելով՝ անոր բնաբուն բնազարդ տաճարին մէջ, հանգիստն ի քուն կու փոխուի, մաածութիւնքն յերազ և ի տեսիլս... Արդեօք կու տեսնէր քիչ մը վերջը ըլլալէն այլ. երազական



տեսիլքներէն բացայայտ ճշմարտութե մէջ մըտնել ու մնալն առանց արթըննալու:... Ո՛վ սխըրալի և սոսկալի դիպուած, և դրեթէ աննման այսպիսի աննման մարդու մը համար:

## Դ

Բայց յառաջ քան զգիպուածն՝ քիչ մ'այլ ճանչցիր, Հայկակ, այս վսեմամիտ մարդուս կեանքը և գործքը: Վսեմ մտացն յարմար կամ թէ առիթ իսկ այնպիսի մտաց՝ վսեմական ծագումն ունէր. Հայոց մայրաքաղաքին (ուր կու նստէր կաթողիկոսն և Արաքացի ոստիկանն աշխարհատեսուչ), աւագերեցն Սահակ՝ որ յեա՝ կաթողիկոսին նախապատիւ կրնայ ըսուել Դուռնայ եկեղեցեաց պաշտօնէից մէջ, ընծայեց աշխարհիս զՍտեփաննոս, իբրև Զաքարիա մը Աստուծոյ սրբազոյն սեղանոյն խուռնկ ածելու ատեն՝ իրմէ արժանաւոր քահանայացու զաւակ մը մաղթելով և ընդունելով, անոր Յովհաննէսին նման՝ զսա, որ արդարև անոր պէս այլ վախճան մ'ունեցաւ: Աւագերեց հայրն՝ յայտնի է որ իր որդին առաջին տարիներէն սկսաւ վարժեցընել և կրթել ուսմանց և եկեղեցական պաշտամանց. որոց աւելի յարմար և վեհագոյն վարժարտն մ'այլ չէր կրնար գտնել քան զնոյն իսկ Հայոց կաթողիկոսարանը, ուր եկեղեցւոյ ուխտին համար մասնաւոր ուսումնարան մ'ունէին մեր հայրապետքն. որոց աթոռը կու նստէր այն ատեն Տէր Սահակ, ազնուական, միանգամայն և քանաւարժ բանաստեղծ անձն, որպէս վկայեն իր գրչէն մնացեալ քանի մը ծառք և շարականք. անշուշտ ճանչցաւ հանձարաւոր կաթողիկոսն իր հանձարեղ համբալը, և յանձնեց մասնաւոր խնամոց վարժապետաց:

աարբերութեան վրայ, և իշխանն յաղթող ելաւ. հմտութեամբ՝ Յունաց Ս. Հարց վարդապետութիւնը հարազատօրէն մէջ բերելով, միանգամայն փիլիսոփայական պատճառաբանութեամբ քննելով: Իմացաւ Ստեփաննոս որ իմաստասիրական արամաբանութեանց համար բաւական չէր ինչուան այն առեւն սովբածն՝ ի Հայոս, և պէտք էր աղբիւրներէն քննել սուրբ վարդապետաց գրուածքը: Եւ որովհետեւ Սմբատայ հետ աւրուած էր՝ գաղտուկ և ծպտելով ելաւ ի Ռոմանայ և գնաց ի Կ.Պօլիս. և փնտռելով գաւաւ հոն վարպետ Յոյն իմաստասէր մը որ և ճգնաւորի պէս կ'ապրէր ի միայնութեան. անոր աշակերտեցաւ թէ լեզուն սովբելու և թէ փիլիսոփայութիւն. յունարէնէն զատ լատիններէն այլ սովբեցաւ որ արեւմտեան եկեղեցւոյ Հարց վարդապետութեանն այլ տեղեկանայ: Իսկ Սմբատ գծուարելով անոր գաղտուկ երթալուն, իմացաւ ուր ըլլալն, և նախանձայուզութեամբ իմացուց կայսեր, Ստեփաննոսի ով և ինչ կարծեաց տէր ըլլալը: Կայսրն այլ, կ'ըսէ պատմիչն, հրաման տրւաւ քննելու զՍտեփաննոս. իսկ սա իր վարպետէն խրատուած՝ ըսաւ, թէ ես ուրիշի հետ բան չունիմ, այլ պանդուխտ եմ, եկած իմ ապրուստս հոգսւոյ և իմ բարուցս աշխատելու: Այս խօսքով ոչ միայն ազատութիւն գտաւ, այլ և համարձակութիւն առաւ քաղաքը գալու և Յունաց եկեղեցիները և ուսումնարանները մտնելու. մանաւանդ Ս. Սոփիայ գրատունը, ուսկի ուզած գրքերը կ'առնուր, կարդար, կ'օրինակէր, թարգմանէր: Յետոյ Աթէնք այլ գնաց, հոն այլ հին իմաստասիրաց թողած համբաւոյն մնացորդ քաղելու. և նոր գրքեր քննելու: Եւ երբ գարձաւ՝ աւելի ծանօթացաւ Յունաց մեծերուն, պատրիարքսրանին և սրբունեաց: Հոս էր այն

ատեն Դաւիթ հայազգի իշխանազն, որ հիւպատոսութեան և թագաւորական սեղանակցութե պատիւն ունէր, և յունարէն լեզուն կատարեալ գիտէր: Ասոր օգնականութեամբը կամ աչքէ անցնելովն՝ թարգմանեց Ստեփաննոս զանազան Ս. Հարց գրուածներ. նախ Ս. Իննէտիսի արիւ պագացւոյն խրթնաբան խորիմաց գրքերը, որոյ միջին բանիցն այլ լուծմունք կամ մեկնութիւն գրեց համառօտ. այս գործս ՚ի գլուխ հանեց յամի Տեառն 712. մէկ երկու տարի ետև թարգմանեց Ս. Կիւրղի Պաբապմանի ըսուած գիրքն և անոր զանազան թղթերն և ճառերն. — միւս տարին, 716, Լաբալան գրոյ մեկնութիւն մը թարգմանեց. յաջորդ տարին, 717, Ս. Գրիգորի Նիսադոյ Թափո Բնութեան և Կազմութեան ճարդոյն անուանեալ գրքերը. և հաւանօրէն ուրիշ գրքեր այլ: Դաւիթ ձեռքով համարձակութիւն առած՝ կայսերական գրատունն այլ քննեց, և գտաւ ոսկետուփ մատեան մը նախնի Ս. Հարց գործոց, զոր արդէն ընդունէին Հայք. որով կայսրն այլ հաճելով այս բանիս՝ յանձնարարական գրով կամ օգնականութեամբ խաւրեց զՍտեփաննոս ՚ի Հռոմ, ըստ խնդրոյ նորա, որ այն տեղի հռչակաւոր մատենադարանն այլ քննէ. հոն գտաւ Ստեփաննոս լատիններենէ զատ՝ Յունաց Ս. Հարց գործոց ընտիր և հին օրինակներ, ինչպէս Ս. Ամանասի, Ս. Եպիփանու, և Ս. Կիւրղի Գանձոյ գրքերն. և հաւանօրէն ինչ որ մինչև այն ատեն հայերէն թարգմանուած չէր՝ ինքն թարգմանեց: Առնոցմէ դուրս թարգմանեց Ս. Մելիոփ ըսուած տեսիլքն կամ գուշակութիւնքն, որ ուրիշ շինած անվաւեր գրուածք են. Իւնի առման պատմութիւն մը համառօտ, յորում Իլինի առումն 1194 տարի Քրիստոսէ առաջ կ'ըսուի: Ուրիշ շատ գրքեր այլ, կամ բնագիր կամ թարգմանած՝ հեան ա-

ուած, չուզեց 'ի Հռոմայ նորէն գառնալ 'ի Կ.Պօլիս, ուր արդէն 15 տարի կեցեր էր. այլ նաւեց յԱթիա և դարձաւ 'ի հայրենիսն 'ի Հայոս:

Իր հեռաւորութեան 15 կամ 20 տարուան միջոց՝ մեր աշխարհքն շատ փոփոխութիւններ տեսեր մանաւանդ թէ կրեր էր Արաբացւոց ոստիկաններէն. Հայոց իշխանքն նաւաղեր էին, Եղիա կաթողիկոսն շատոնց վախճաններ էր, և ըստ սմանց նաև իր յաջորդն՝ մեծանունն Յովհաննէս Օձնեցի, և Դաւիթ Արամօնեցին էր կաթողիկոս. որ և մեծ պատուով ընդունեցաւ զՍտեփաննոս և իր բերած գրքերը. որոնցմէ զառ ունէր նաև նամակ մ'այլ կնքեալ, Կոստանդնուպօլսոյ պատրիարքէն Ս. Գերմանոսէն. որոյ ծանօթ ըլլալով 'ի Կոստանդնուպօլիս և շատ հեղ հաւատոյ վրայ խօսելով, և յորդորուելով ևս պատրիարքէն՝ Յունաց հետ հաղորդուելու, Ստեփաննոս կու գլուշանար, իր կաթողիկոսին հաւանութիւնը չառած: Անոր համար Ս. Գերմանոս գրեց այն հոգեւից թուղթը, «Քրիստոս է խաղաղ» իհն Տէր»: զոր և ինքն Ստեփաննոս թարգմանեց և տուաւ կաթողիկոսին, և անոր հրամանաւն այլ, կ'ըսեն, գրեց պատասխանը, «ՉՔրիստոսի խաղաղութիւնն առ Բէրէւով»: Սակայն այս պատասխանը, հիմա մեր ձեռք եղած օրինակներուն նայելով՝ հեռի է 'ի խաղաղութենէ Քրիստոսի և 'ի հոգւոյն Գերմանոսի և յիմաստութենէն Ստեփաննոսի, թէ և շատք 'ի նախնեաց մերոց յանուն Ստեփաննոսի յիշեն. այլ եղան և երկբայողք և օտար ձեռքի խառնուրդ ցուցնողք<sup>1</sup>. զոր զգօնքննող մը կրնայ ստուգել թէ այն երկու թղթերը կարդալով, թէ Ստեփաննոսի ուրիշ գրուածները, և թէ մանաւանդ անոր հանձարը և Յու-

1 Ինչպէս հաշակաւոր վարդապետն Աննակոս:

նաց հետ այնքան կենակցութիւնը: Ոչ միայն կաթողիկոսն Հայոց՝ այլ և իշխանք ճանչցտն և պատուեցին զՍտեփաննոս, մանաւանդ Սիւնեցիք, որոց քով վարդապետ և ուսուցիչ եղեր էր. և որովհետեւ իրենց եպիսկոպոսն Յովհանն՝ յաջորգն Անանիայի, արդէն վախճանած էր, Բարգէն և Քուրդոյ իշխանք Սիւնեաց խնդրեցին ՚ի կաթողիկոսէն որ ձեռնագրէ զՍտեփաննոս իրենց եպիսկոպոս: Կաթողիկոսն ոչ միայն եպիսկոպոս ձեռնադրեց զնա, այլ և ՚ի պատիւ արժանեաց նորա անուանեց Ռաբապօլիփ. և Սիւնեաց եպիսկոպոսութեան աթոռը որ մինչև այն ատեն եօթներորդ կու սեպուէր ՚ի կարգի եպիսկոպոսաց, բարձրացուց յերրորդ կարգ, և Սիւնեաց աշխարհին ուրիշ եպիսկոպոսներուն նախագահ դրաւ զնա:

Մէկ տարի մը միայն կատարեց Ստեփաննոս իր պաշտօնը արժանապէս, թէ հովուական այցելութեամբք և թէ քարոզելով. և գրելով՝ զատ յառաջին գրածներէն՝ զանազան խնդրոց վրայ ճառեր, որոցմէ հասին մեզի քանի մը հատ, քանի մը մեկնութիւնք այլ եկեղեցւոյ խորհրդոց և ծխից. և Ռիտօմիտ մը հին Գերատիւն, զոր հաւանորէն ՚ի Կոստանդնուպօլիս գրած է: Սրբազան երգոց մասն այլ թուի թէ երգեց այս միջոցիս, (որ ըստ ոմանց ոչ մէկ տարի՝ այլ ութ տարի քչեց, բայց կ'երևի թէ առաջին տարիներն Սիւնեաց աթոռոյն անտէրութեան ժամանակն են):

Ո՞րքան ազնիւ և ցանկալի երգեր և այլ գրուածներ և թարգմանութիւններ փափաքելի և յուսալի էր այսպիսի բանիրուն վսեմական անձէ մը, որ յետ ոսկեգիր Թարգմանչաց Ե դարուն՝ առաջին Թարգմանիչ կրնայ ըսուիլ. մինչև ոմոնք նոյն իսկ Թարգմանչաց մէջ կու խառնեն զինքը, կամ իր գործքերը կ'ընծային Թարգմանչաց ժամանակակից Ստեփաննոսի մը՝ որ չէ եղած:

## Ե

Դառնանք հիմա 'ի Մոզն տւան, ուր շատ անգամ եկած էր Ստեփաննոս այցելութեան. այս տեղանոյն ատեն շինութեամբ ու հարստութեամբ նշանաւոր եղած կ'երեւի, քաղքի մը պէս. և թերեւս հարուստ քաղքի շնորհօք և անշնորհութիւնք ոչ աննշան: Եղծ ու մեղծ բարուց պժգալի օրինակ և ցուցանք մը կու յիշէ պատմութիւնն, և անով այլ մեր պատմութիւնը կու լռեցնէ. ցուցանք մը՝ Մեղէայ, Յեղաբելի, Հերովդիսազայ տեսակէն. անպարկեշտ լկտի և յանդուգն կին մը, հերատուկ մը, որ թերեւս շատ ցածագգի անէ այլ չքլլալով, աւելի համարձակութեամբ կու լքէր իր գլխէ հանած երիտասարդին հետ, և գայթակշռութիւնն կու հրատարակուէր: Ասոր համար արթուն եպիսկոպոսն երեք անգամ եկեր խրատեր էր այդ անգգամ զգայունը, որ չէր խառտուած. իսկ այսօր չորրորդ անգամ յանգիմանելով, և անոր լրբութիւնը տեսնելով՝ հոգեւոր իշխանութիւնն բանադրեց, Աստուծոյ արդար գատաստանին և մարդկան արհամարհանացը թողուց զանիկայ. և այն բարկութե տաքութիւնն էր՝ որ ցորեկուան տօթուն հետ խառնուած կու ստիպէր կու տանէր զինքը քիչ մը զովութիւն և հանգիստ փնտռելու, նախ Աւագական ալեաց և վերջը Ճօճաճիւլ հովոցին վրայ: Որչափ որ սրտագողն և նեղութիւնն սաստիկ էր եղած, այնքան այլ հանգիստն խոր և խաղաղ եղաւ. և ո՞ գիտէ, կիսարթուն միտքն ի՞նչ մեղեդեաց և խորհրդածութեց հետ էր, կամ հոգին՝ տեսլեամբ՝ ո՞րքան հեռացեր էր այս աշխարհքէս, երբ յանկարծ իրօք այլ բուրովին հեռացաւ վերացաւ տակէց. և երանի՜ թէ

երեսին խաղապատած՝ զովագին հովուն բարախ-  
 մամբը և ոչ դահճէ աւելի դժնդակ հարուածով  
 մը՝ կտրէր շունչն: Սոսկումն և զզուանք կու բերէ  
 լսելն, թող թէ պատմելն, այնպիսի անարգ և ե-  
 ղեռնաւոր վրէժխնդրութիւն մը, մանաւանդ այն-  
 պիսի արարածէ մը՝ որ կին կ'ըսուի, որ բարու-  
 թեամբն կակուղ հրեշտակ մը կու գառնայ, չա-  
 րութեամբն խստող սատան: Յանցաւոր և անի-  
 րաւ կինն այն՝ ոխով լցուած ընդդէմ եպիսկոպո-  
 սին, ուղեց նոյն օրը գիւական դրդմամբ սարսա-  
 փելի յիշատակ մը թողուլ աշխարհի մէջ. և ի-  
 մանալով անոր ուր տեղ հանգչիլը, պարտաւո-  
 րեց հոմանին՝ իր անարգ սիրոյն վրայ. մահու զէն-  
 քը ձեռքը դրաւ, հանեց զնա 'ի ծառն. յայտնի  
 է ինչ բանի համար: Մարդն թերեւ ոչ այնքան  
 ճարպիկութեամբ որչափ վախով դողով կամաց  
 կամաց վեր ելլելով, երբ տեսաւ Ստեփաննոսի  
 վսեմափայլ գէմքը՝ հրաշալի հանգստեան մը մէջ,  
 որոյ ըստ պատմչին « իբր զբոց ցոլանայր շունչն  
 » 'ի վեր, և ճախր առեալ դառնայր անդրէն. և  
 » հրեշտակ մի կացեալ 'ի սնտրսն՝ հովանի ունէր  
 » նմա թւօքն », սարսափած, թուլցած, հազիւ  
 կրցաւ շիտակ վար իջնել, և տեսածը պատմել  
 կնոջը: Իսկ այն այլանդակ այլափոխ սիրտն՝ այլ  
 աւելի կատղած՝ նորէն ստիպեց, կանացի և գի-  
 ւացի շողջբով բողջբով, սիրով ու սաստով՝ որ ու-  
 թիշ բան չմտածէ, միայն սպաննէ: Երկրորդ ան-  
 գամ այլ ելաւ թշուառ ու վատ մարդն, բայց և  
 առաջինէն աւելի սոսկացած սահմուկած՝ ահաւոր  
 բաներ տեսնելով՝ ծառէն վար ընկաւ քան թէ  
 իջաւ: Այն ատեն հերատուկ ջատուկն որ իր առ-  
 ջի բնութենէն բոլորովին դուրս ելած էր, վատ  
 և անարի կանչելով մարդուն, թեւերը սոթտելով,  
 առաւ սուրբ. և այն խաբող սատանային հետ սո-  
 զորսկելով ծառն 'ի վեր՝ հասաւ հրաշունչ հրէշի

մը պէս անձնաս և անդբաղ որոտն վրայ . և այն վսեմ տաճարաձև գլխաւը վերցնող սեան (վզին) իջուց անիծեալ հարուածը... այնքան շուտ և շիտակ, մինչև քնացողն՝ մէկ ցնցմամբ արթնցնելու յաւիտենականութեան մէջ . և անկէջ պէտք չի լինիր Մողան հովտաց և հովոց մէջ թողած մարմնոյն արիւնթաթաւ կերպարանքը՝ կանչեց հոգւով . «Տէր, քո է վրէժին գրութիւն և արգար իրաւունք» . ինչպէս որ տեսիլքով յայտնուեցաւ այս՝ Նու. կամ Նոյ անուամբ արքայեաց ճգնաւորի մը, որ այն տեղի մօտ Սիսն լեւան վանաց մէջ կ'աղօթէր:.....

Այն օրուան հոգին՝ իբրև փախչելով և ամաչելով՝ իջաւ բարձրաւանդակ հանգստորաններէն, երեկոյեան հովանիներսւն հետ խառնուելով, որուն զովութիւնը զգալով եպիսկոպոսին սպասաւորքն՝ եկան վրանը վերցնելու... Փռւշ զարմացք, սոսկումն առաւ զիրենք՝ երբ փայտեղէն մահճէն գեռ կաթկրթած արիւնը տեսան, և աստուածակերպ տէրերնին՝ աւաղակի մը պէս սրախողկող:... Զերկնցնենք. մեռածէն աւելի իրենք մահացեալ՝ վերուցին մեծահոգի անձին մարմինը, և հանեցին Սիսնի վանքը, ուր լալով և ողբով եկան Նու. և իր միանձուներ. բայց մօտի Աւիպան գեղին բնակիչքն այլ լսելով՝ իրենց գեղաւագին հետ եկան և աղաչելով պաշտօնէից՝ իրենց գեղը իրենց տունին մարմինը, և հանգուցին հոն Ա. Սիսնի քարի նուիրեալ մատարան մը մէջ առ ժամանակ: Սակայն պժգաղի գոյժն գեղէ գեղ: Երբ որ քաղաք տարածեցաւ, անոր հետ Նոյ ճգնաւորին տեսիլքն այլ՝ որ սոսկալի պատուհաս մը կու սպառնայր բոլոր այն սոհմաններուն: Զուշացաւ պատիժն, ըստ պատմելն՝ տհաւոր ժաժ և սասանութիւն եղաւ քառասուն որ բոլոր գաւառին մէջ. շատ լեռներ փլան և գետին.



ներ բարձրացան, շատ աղբիւրներ յամբեցան և յամպը տեղումնք աղբիւրացան. ծուխն ու փոշին ամպի պէս կու տարածուէր, և բոլոր բնութիւնն ի սուգ երևէր. տասն հազար հոգիէ աւելի համրուեցան շէնքերու տակ և գետնին պատառուածոց մէջ մնացող մեռնողքն, անծանօթներէն զատ: Այս կէս բնական և կէս բանական պատուհասին հետ՝ բնակչաց վախն և յետնոց աւանդութիւնն խառնուելով՝ ըսին, թէ ժաժին և մշուշին ատեն ողբոց ձայներ այլ լսուէին, իբր թէ Վհյ յոր, Վն յոր կանչելով, և անկէ՝ Սգեգեաց ձորն ըսուեցաւ Վայոց ձոր. սակայն այս անունս անկէ հարիւրաւոր տարի առաջ այլ կու լսուէր:

Քառասուն օրէն ետե գագրեցաւ ժաժն ու մշուշն, և ամեն կողմէ եկան, երկրին աւերմունքը թողլով՝ նախ անոր հոգեւոր տիրոջ արժանաւոր հանգիստ մը տալու, և եպիսկոպոսաց, քահանայից, վանականաց և ժողովրդեան բազմութիւնը բաւական չսեպելով, զկաթողիկոսն այլ կանչեցին. և յետ բազմօրեայ գիշեր ցորեկ ազօթից և պաշտամանց՝ տշխարհահանգէս յուղարկաւորութեամբ վերուցին մարմինը յԱրկազան գիւղէն, և Արքայ գետոյն գիմացի կողմը անցընելով հանեցին բարձրաւանգակ տեղ մը՝ լերան ստորոտին վրայ, կանաչաբոլոր միայնութեան մը, այսինքն անտառի մը մէջ. ուր շատ հին ատենէ վեր, և յառաջ իսկ քան զՂուսաւորչի ժամանակն, առաքելոց քարոզութեանը հետեող հին քրիստոնեայք Սիւնեցիք եկեղեցի մը շիներ էին Բ գարուն մէջ, ի պատիւ Ս. Ստեփաննոսի. որոյ քով բոլորեցին հոգեսէր անձինք իրենց միայնանոցը, և խտաւկրօն ճգնաւթեամբ կապրէին, գիշեր ցորեկ ազօթելով. և կերակրի համար ոչ միայն մսեղինէ և կթեղինէ հրաժարելով՝ այլ և ամենայն տաք բանէ, և թանիկն անգամ թողլով, անոր

համար կոչուեցան Թմաեպոս, և տեղն՝ Թանահ-  
տի վանք. ահա հոս բերին հանգուցին Սիւնեաց  
խմատոտէր մետրապօլիտն մարմինը. վրան պըզ-  
տիկ մատուռ մը կանգնեցին. զոր յետ շատ ժա-  
մանակի, յամին 1278-9 քակելով՝ մեծ ու քա-  
րակոյի գմբեթաւոր եկեղեցի մը շինեցին, և հի-  
ման տակ Թաղեցին մարմինը իր տապանաւն։  
Այս եկեղեցին ինչուան հիմա կանգուն կեցած է.  
և հիւսիսային կողմը որմնակից ունի փոքրիկ քա-  
րաշէն մատուռ մը. տեղւոյն բնակիչք կարծեն  
թէ հոն ըլլայ Ստեփաննոսի գերեզմանն. բայց  
պատմութիւնն գեռ եկեղեցւոյն հիման տակ կու-  
շանաչէ այն եկեղեցազարդ գլուխը։

## 2

Իսկ ի՞նչ եղաւ, ո՞ւր կորաւ այնպիսի գլխոյ գա-  
հիճն, հայ Հերովդիադայն. արգեօք ժաժին ա-  
տեն պատառուած գետնին անդնդոց մէջ ընկղմե-  
ցաւ, թէ տարերքներէն աւելի տրտմած ու սըրտ-  
մըրած մարդկանց արդար զրիժուք պատառ պա-  
տառ կտրատեցաւ... Ստեփաննոս Աստուծոյ ար-  
դարութեան և ողորմութեանը յանձներ էր իր  
սպանիչը, և իր նախանուն նախօրինակ նախա-  
վկային հետ՝ ըսեր էր, «Տէր, մի համարիր զայդ  
» գմա 'ի մեղս»։ — Ժողովուրդն վախցաւ Աս-  
տուծոյ դատաստանը յափշտակելէն. բնութիւնն  
պատկառեց իր արարչին կամքէն. իսկ այն որ Աս-  
տուած է գթութեանց՝ կակղացուց խստացեալ  
այլանդակեալ սիրտը. և այն սեղնիս հերատուկ  
Հերովդիադայն՝ դարձուց յապաշխարող մը։ Ճանչ-  
ցաւ կինն՝ իր կարծածէն վեր ըրած չարիքը. և  
ինքզինքը դատապարտելով՝ զցեստները պատըռ-  
տելով քարերով կու ծեծէր կուրծքը. և այն ան-

պարսն արեան տեղ՝ իր յիմարած արիւնը թափելով, ինքն իր սոսկալի չարիքը և խայտառակութիւնը կու պատմէր, կ'ողբար, կու բողոքէր, իրաւունք և պատիժ կ'ուզէր. և տեսնելով սր իրեն մեծագոյն պատիժ է մարդկանցմէ այլ պատիժ չգրանելն, գնաց Թանահայ վանքը արեւմտեան կողմէն պատող ձորակի մը գիմաց, և հոն գետինը փորելով՝ մտաւ ինչուան 'ի կուրծքը կենդանի գերեզմանի մը մէջ՝ և իւրեւ անյոյս մեռեալ մը՝ ամառ ձմեռ, գիշեր ցորեկ կ'ողբար կու լար, թողութի կու խնդրէր մեղացը. մինչև ամենուրեւ գութն այլ շարժեցաւ, և ազօթք հրամայուեցաւ անոր համար. թողութեան ձայնն ելաւ 'ի գերեզմանէ սպանելոյն, « Թողեալ լիցին քեզ մեղք, ով կին » գու » . զոր և սուրբ պատարագի ժամ ամենքն լսեցին, և թողութիւն աւետեցին կնոջն: Բայց նա թէ և շնորհակալեցաւ Աստուծոյ, բայց գեռ զինքն անարժան սեպելով ուրիշ կերպ ապրելու, ուզեց և մնաց միշտ նոյն կենդանաթաղ գրին մէջ. և հոն հանգարտ արտսուշով կնքեց ապաշխարող կեանքը. հոն այլ թաղուեցաւ, իր զոհած բարեխօսին գիմաց. որ կու թուի գեռ իր վսեմական ձայնը կամ հառաչանքը լսեցընել այն հին և սրբազան թաքնութեան և միայնութեան խորէն:

## Է

Այլ ուր է իրեն արժանաւոր խօսնակ մ'այլ, որ իր ցաւալի մահը ողբերգէր մեղի: Ո՛ւր էր այն մոլորասանման Օրհնեսցուք երգողին հոգեկցորդ քոյրն, Մարիամ, որ նոյն և նման երգերը կրդկներ: — Նախանձելի՛ բաղք, կրնամ ըսել թէ և անախնուների, և պանծալի փառք հայրենեաց մերոց. մեր օրհներգու գիտագետն, Ստեփաննոս,

ունէր իր մարեմանման թմբկուհին, մեր եկեղեցւոյ սրբազան սիբիլայն, յիսուսասէր Սափփոյն, հարազատ քոյրն, ՅԱՀՈՎԻՏԻՑ. սր արեան հետ անոր հոգւոյն նրբութեան և ակորժակաց այլ ժառանգակից էր: Սահակագուխտ այլ հմուտ երաժիշտ և երգահան էր, և հրեշտականման եղանակաւոր. փափուկ և սպիտակ հասակը կուսութեամբ և հաւատաւորի պարկեշտ ձեռքը պըսակած, արգարե մենասէր յաւերժահարսին նըման, թողուց հեռացաւ յաշխարհէ, միայն իր ընտանեաց սեփական տուրքը՝ հոգէխօս քնարն առաւ հետը. և մէկ հատիկ արժանաւոր միայնութեան տեղ ընտրեց հոն, ուր իրմէ 400 տարի առաջ, Հայոց օրիորդաց պարագլուխն, նրբասիրտն նրբաղքածն, նաղելեաց նախատիպն, մեղամաղձիկն և մենասէր, թագապսակ և սրբապըսակն ԽՈՍՐՈՎԻՏԻՑ, իր հսկայ թագաւոր եղբօր (Տրդատայ) ձեռքով կանգնեւ էր իր պեանչելի օդասրահ Հովնաթը, Գառնոյ ձորոյն սիւնասար պասալքեայ բնաշէն բլրոց վրայ, որք խորամոլունգ վհերու և բազմածոց ձորակներու վրայ նային, և մեր դարուս հմուտ բնաքնիններն այլ պեանչացուցին: Այն Գառնոյ ձորակին ծածուկ ծոցերուն մէջ՝ գտաւ այրասիրտն, մանաւանդ. թէ հրեշտակասիրտն Սահակագուխտ, անղբաղ քարայր մը, և հոն անցուց կեանքը, հիանալի բնութեան տեսարանաց մէջ՝ հիանալի երգովք օրհնելով բնութեան Տէրը: Բայց այն աննման քնարին և մեղրաշունչ բերանոյն ձայներն՝ շատ զօրաւոր էին իր միայնութեան դէմ կռուելու. — երգ և լռութիւն չեն կրնար միաբանիլ. — այրէ այր, քարէ քար համբաւն հնչեց. կարծուեցաւ թէ Հայոց եկեղեցւոյն երգահան հոգին, մարեմգոյն մուսայն՝ մարմնացեալ իջեր է Տրդատայ և Խոսրովիդիստոյ սիրական սորերուն մէջ. աշխարհիկ

ու եկեղեցականք կու գային, ոչ լսելու և զմայլելու միայն, այլ և աշակերտելու և սովորելու նոր եղանակներ: Հարկ եղաւ որ մեր մուսայն այլ իր աստուածաշնորհ պաշտօնը կատարէ. և առանց իր կուսական ու նուիրական շնորհաց նուազութիւն մը բերելու, մենարանին դրան առջև վարագոյր մը ձգելով, ինքն ետևը նստած՝ կ'երգէր և կու սովորեցընէր: Նստ բարակ և բազմահղանակ երգեր չինեց, զոր մեր երաժիշտքն Մանրասմանի կ'անուանեն, և առանձնաբար Այուրդի և Մեղեդիք. որոց գոնէ մէկ մասն անշուշտ դառնի այսօր այլ այդ Մանր-ուամուկը և Այուրդք գրոց մէջ, թէ և մեք չգիտեմք թէ ո՞րն է յատուկ իրեն, ո՞րն իր եղբօրն և ո՞րն օտարաց. միայն հաւանքիմք թէ շատն առջի երկուքին են, քեռն և եղբօրն, Ստեփաննոսի և Սահակդիտոյ. այն երգոց մէկն այլ, ինչպէս կ'իմացընէ մեզի պատմիչն, Սահակդիտոյ անունը կու յայտնէր, տնագլուխ գրեթէ, և կու սկսէր Սրբուհի Մարիամ: Ժամանակն, ո՞հ, այն ժաննոր ժամանակն, մեզի չհասուց այն կցուրդն այլ. բայց անշուշտ չկրցաւ այլ բոլորովին անհետ աննշան ընել, և թողուց առաջին տունը. զոր և շատ հեղ հիմայ ըստ յարմարութեան վայելուչ իմաստիցն՝ երգեմք առաջի Սրբութեան Սրբութեանց:

« Սրբուհի Մարիամ, սպիտոր ոսկի, և սապանակ կտակարանաց,

Որ զ'ի վերուստ զհացըն կենաց՝ պարգեւեցեր քաղցեալ բնութեանս

Առ նա միշտ բարեխօսեա վասն քաւութեան մեղաց մերոց »:

Իր քերդող եղբօրը եղբրական վախճանին առնեն՝ արդեօք ո՞ղջ էր քերդողուհի քոյրն, և լսելով սրտահար սրտաբեկ գոյժը՝ քարայրին անկիւ-

նէն սոսկալով առաջ եկաւ, և տնդարման ցաւուն յետին միութարանք առնելով իր հոգեխօս բամբիւր, վերջին անգամ անոր ամենէն քաղցր և ամենէն ողբական ձայները իր սրտին փափկագոյն զգացմանց հետ՝ հանեց հիշեց. և իբրեւ այլօրինակ Դերովրա՝ փոխանակ օրհնելու այն այլանման տիրասպան Յայելին ձեռքերը, նզովեց հեթառուկ չտրաղէն կնաջ աջը, և իբրեւ մայրն Սիսարայ զրկուած իր սիրելւոյն այցելութենէն, փոխանակ բարձր ձողերու և գաւազաններու վրայ կանգուն գիտելու՝ գետնամած տեսներով անոր եպիսկոպոսական և արքայական վառերը և դրօշները, որք և արիւնովը թաթաւած՝ կու յիշեցնէին նոր և կսկծալի կերպով մը «զկապուտ երանգոյն գունազոյն նկարուց, նարօտ պէտպէս» նկարուց. այն էր պարանոցին նորա կապուտ», և հառաչեց իբրեւ հարազատ քոյր անեղբայր, բայց Սահակգիտոյ և Ստեփաննոսի արժանաւայել հառաչանօք. և ապա իր երկայն անաւ վարագուրովն՝ քնարն այլ գէմքն այլ պատելով, ծածկուեցաւ լողորովին մարգկանց տեսութենէն՝ ի խորս քսրայրին...: Պատմութիւնն լռէ:

ԺԲ

## ՏՕՆ Ք Ե ԱՒԱՍԱՐԴԻ

23 Օգոստոսի.

Հայոց սրբազան տարեգլխին՝ բնութիւնն ծաղկաթթիթ ծիծաղով կու կենդանացընէ զմարդիկ. իսկ քաղաքական տարեգլխին, որ է Նաւասարդն (օգոստոս), կէս խամրած բնութիւնն ինքնին կենդանանայ մարդկան հաստատած տօներով և հանդէսներով: Տարւոյն տաքագոյն ամիսն՝ Հայոց բարեկենդանն էր, կաղանդ էր. կրօնական, զինուորական և աշխարհախումբ հանդէսներով՝ բարձրատափք, լեռնահովիտք և հովոցք Հայոց՝ դարնանման գեղեցկանային: Բազմաթիւք ՚ի գառս ժողովրդեան՝ հոգագործք՝ մեծ աշխատութիւն մը չունենալով այս եղանակիս, կրնան ցորեկուան տաքը անցընել իրենց և բնութեան խնամած հովանեաց ներքեւ, ուր կու գիմեն ՚ի քաղաքաց այլ արուեստաւորք, զօրականք և ազատազունք: Եթէ գու այլ, Հայկակ, բաղդ ունիս ատոնց մասնակից ըլլալու, բարով գոհով վայելես. ապա թէ ինծի պէս զրկուած ես բնութեան գալար առագաստներէն, հովերէն զովերէն, հովտէն և սարէն, գիտէ զանոնք քու մեհարանէդ: Նայէ, ինչ գոհ և հանգստի ոմանք նստած պզտի ձեռագոր.

ծի մը կու պարսպին, քան թէ կ'աշխատին. ու մանք կու խաղան, կու խօսին. մէկն խոսերուն վրայ երկընցեր՝ քուն կ'ըլլայ, մէկ այլն ջրերուն եզերքը կու զովանայ. ուրիշ մը՝ քիչ մը փիլիսոփայ կամ մեղամաղձիկ՝ առանձին շքի մը տակ կամ առուի մը գլուխը նստած՝ կու կարգայ կու մտածէ. հոս տղայք կու ցատքըտեն, կու գլորին, կու պառկին. հոն ամբողջ ընտանիք մը առանց սփռոցի սեզանի մը վրայ կու ճաշէ. այս կողմը երկու բարեկամք՝ երբեմն ծանր երբեմն թեթեւ խօսին. այն կողմը՝ երկու սիրելիք իրենց կարծած ամենակարեւոր բանին վրայ կու խօսին, և ի հարկէ անանկ ձայնով մը՝ որ մենք չիլենք: Հոն բանակած է այրարատեան սաստուածահրաւէր դունդըն այլ, ազգային աշխարհապահ զինուորքն, 120,000ի չափ, ժողոված ըստ աշխարհաց և նոխարարութեանց Հայոց, իրենց իշխանաց և Հայոց թագաւորին հետ, կատարելու Նախարարի քօնքը. տօնք սաստուածոց պահապանաց, յիշատեմք քաջաց նախնեաց, մրցանք կտրճաց, խաղք և վայելք հասարակաց. զոր 3000 տարւոյ չափ կու տարեցին՝ մեր ըստ աշխարհի երջանիկ նախնիքն, թնդացին դոփեցին Բագրևանդայ տափերու և բլուրներու վրայ, մինչև ծածկեցան անոնց տակ: Իսկ երբ Հայկայ և Վահագնի օրերուն խորհրդակատար քրմապետաց տեղ՝ փոխանակեցին խաչապատկ քահանայապետք, մեհենտց վրոյ եկեղեցիներ կանգնեցին. բայց անոնց չորս դին և դուռ սը նոյնպէս մնաց. բնութիւնն իր կերպարանքը չփոխեց, ազգն իր հանդէսները չփոխեց. այլ տոները սրբեց, և փոխանակ դից՝ նուիրեց Ճմարտին Աստուծոյ և նահատակաց նորա: Գրեթէ անկարելի էր՝ որ Ս. Գրիգոր զՀայս ի հեթանոսութենէն դարձնելով ի քրիստոնէութիւն, այն հին մեծահանգէս աշխարհաժողով զբօսանայ օ.



րերը՝ անհանդէս անյիշատակ թողու. ուրեմն թէ ինքն և թէ իր հետևողքն՝ անոնց իւրաքանչիւրին տեղ՝ կերպով մը նման և յարմարագոյն սուրբ տօներ և եկեղեցւոյ յիշատակներ կանգնեցին։ Ինչուան որ քրիստոնէութիւնն աղէկ մը ամբընալով, և ժամանակի երկարութեամբ հին սովորութիւնքն խափանելով, կրցան յետագայ առաջնորդք՝ այն եկեղեցական տօնից օրերն այլ պատշաճապէս փոփոխել, շատն այլ դարձեալ նոյն առաջին հեթանոսութեան տօնից օրաթուին թողուլ։

## Բ

Նաւասարդի նախընթաց՝ տարւոյն վերջի հինգ օրերուն սկիզբը՝ (որք աւելեաց կ'ըսուին) նուիրեալ էր Վարդաժդի Վարդափառ ԱՍՏՂԻԿ դիցուհւոյն, որոյ փոխան առաջին հայրապետն Հայոց կարդեց զՎԱՐԴԱՎԱՌ. որ է տօն Պայծառակերպութեան Քրիստոսի, զոր քան զամենայն սղգ՝ պայծառապէս տօնեն Հայք մինչև ցայսօր։ Իսկ նաւասարդին առաջին օրն (11 օգոստոս.) որ է քաղաքական տարեգլուխն Հայոց, ազգին ամենէն մեծ, պանծալի, սրբազան օրն էր, և հանդէսքն շատ օրեր կու տւէին, պէսպէս յիշատակներով. որք միով անուամբ Ամանորայ կ'ըսուէին, իբրև սրբազանեալք յատուկ Աստուծոյ մը. քաղաքօրէն այլ համալսարհական կամ ալսարհածոյր՝ կանուանէին. վասն զի ուրիշ տօներէ աւելի կատարուէին բազմութեամբ մարդկան, որք յամեն գաւառաց կու գային ժողովէին Բագրևանդայ բարձրաւանդակաց վրայ. թաղաւորն իր սյրարատեան չորս բիւր գընդովն, նախարարք ութ բիւր գումարտակօք, 600 գաւառատեարք և 400 գահակալ իշ-

խանք, բազմութիւն կրօնական աւագ պաշտօնէից, ամենքն իրենց տեպուհներով, պաշտօնէիւք, ճորտերով. որով միայն քաղաքական, զինուորական և կրօնական ազգային հանգիսացեալք իրենց մարդիկներով, քանի մը բիւր կ'ըլլային զատ 'ի հասարակ զօրականէն: Իսկ բազմութիւն ազնուաց և ռամկաց՝ միլիոնաւոր պիտի ըլլային:

Ի՞նչ էր այս Հայոց համալսարհական տօնից պատճառն. — քեզի անծանօթ չէ Հայկակ, որ նախ՝ հին նաւասարդն կամ տարեմուտն էր. որոյ ըսկիզբն և անունն անգամ մթութեան ամպոց մէջ ծածկուած է, որք ինչուան Նոյի տապանակիր դագաթը և դարը կու բարձրանան. Նաւասարդն որ հին հնդկ և զանդիկ լեզուաւ նաւասարգա ստուգաբանի, այսինքն Նոբ-փաբի, նոյն հին ազգին աւանգութեամբ, յիշեցընէ ջրհեղեղի յիշատակն այլ. Սաբաթ որ և Սաբալադի՝ մեծի Պահմայ աւտուածոյն գուսոր և կին կու ճանաչի, և ջրոց գիցուհի, օստիկան աղբերականց և գետոց: Երկրորդ, Նաւասարդի օրերը՝ կ'ըլլային պէսպէս ջրախաղք, իբրև տօնք ջրոց կամ յիշատակ ջրհեղեղին և փրկութեան մարդկան տապանաւն 'ի լերինս Արարատայ: Իսկ մերազնեայք հիմա վարդավառին օրը կու կատարեն ջրոյ հանգէսն այլ, որպէս յայտնի է ամենուն: — Երրորդ, տօն էր յիշեալ Արմաուրայ ամբախի դից, զոր բերոց և առատութեան խնամակալ չաստուած մը կարծեմք. և կամ չաստուածահայրն Արմաուդ և Անահիթ տիկինն. վասն զի ասոնց տօնն այլ (մասնաւորապէս առաջնոյն) այսօր կատարուէր: Այս չաստուածներէն զատ ուրիշ շատ գից մեհանք այլ կային Բագրևանդայ մայրաքաղաքին կամ գրեթե ամբողջ քաղաքին տեղ, որ կ'ըսուէր Բագուսն, այսինքն չաստուածոց քաղաք կամ շէնք. իւրաքանչիւր դից սեղանք կամ մատրուներն այլ

Բագին կ'ըսուէին. և այս բազենաց բազմութենէն ոչ միայն աւանն, այլ թուի թէ և գաւառն ողջոյն իր անուէնն առած՝ Բագրեանդ է. իբրև բազարանաց բազարան, այսինքն բուն աստուածարան:

Ինչ հետ գիւլազունք և գիլանուէր կամ սրբազան անձինք այլ հոն իրենց արժանեաց համեմատ բագին ունէին, ինչպէս որ կու վայլէր այլ նաւասարդի տօները ամենախումբ համաշխարհական ընելու համար: Այս գիւլանուէր և պաշտելի անձանց մէկն էր Մօթան մեծ քրմապետն, բարեբաստ թագաւորին և Արտաշեսի բազմութիւ որդւոց մէկն. զոր ոմանք յեղբարցն սպանին, ոմանք այլ մեծարեցին. ասոնցմէ էր Տիգրան Գ, որ երբ թագաւորութեան հասաւ (յետ իր Արտաւազդ և Տիրան եղբարցն), Մաժանայ գերեզմանին վրայ գիցալայել բագին մը շինեց, քովն այլ հիւրանոց կամ իջեղան, ուր ձրի բնակին անցորդ ուխտաւորք, և վայելէն Մաժանայ նուիրած զօհերէն: Տիգրանայ որդին Վաղարշ՝ այլ աւելի պատուեց քրմապետ հօրեղբօր յիշատակը, և նաւասարդի ամանորայ տօները այլ աւելի աշխարհախումբ հանգիսիւ կատարել կու տար. որով հին տօնից վրայ չորրորդ մ'այլ աւելցաւ...

Բայց մինչքեռ Տիգրան և Վաղարշ այսպէս եղբայրասպան Մաժանայ վրէժը խնդրէին, սպանողն (և ինքն իսկ սպանեալ) Արտաւազդ՝ յետմահուն անգամ կու մրմռար կու սպառնար նորէն վրէժ խնդրելու և աշխարհախումբ տօնը համաշխարհական սուգ դարձնելու, և տարւոյն հետ բոլոր աշխարհս այլ վերջացընել տակն ու վրայ ընել: Արտաւազդ՝ անդրանիկն Արտաշես և Մաթինկան՝ սղայութենէն ի վեր բոլոր կեանքը խենթուկ մենթուկ անցդւոց մօլուութեամբ և յանդգնութեամբ, մինչև Ժողովուրդն

իրեն Շիդաբ կանչէր. անանկ որ հայրն գրեթէ սրտացաւէ մեռաւ, և մեռնելու ատեն, (առասպելք մեռնելէն ետե կ'ըսեն) անկոծեց զնա, որ երբ որսի ելնէ՝ յազատն 'ի վեր 'ի Մասիս, Քաջերն (գէշ ոգիներ) բռնեն զինքն և տանին լեռան վերի կողմը մոլթ վհի մը մէջ պահեն. և այնպէս այլ եղաւ կ'ըսեն. վասն զի Թագաւորելէն քիչ վերջը որսի ելնելով Մասեաց վրայ՝ Գինոյ գետակին աղբերց քով՝ ձիով հանդերձ ընկաւ Մասեաց վհին մէջ, և Քաջերն երկաթի շղթայիւք կապեցին զնա. բայց իր երկու որսի շներն քովէն չզատուելով՝ անգագար երկաթները կու կրծեն կու մաշեցընեն. անանկ որ տարւոյն վերջի օրը մազի բարակութեան և կոտրելու կու հասնի. բայց նաւասարդին օրը գարբինք իրենց սալը և ամենայն արուեստաւորք իրենց գործիքը կու զարնեն. այն ձայնէն երկաթները նորէն կու հաստընան, Արտաւազդ իր շղթայից մէջ գերի կու մնայ, աշխարհս այլ անոր տւերմուկներէն ազատ: Ահա այս այլ հինգերորդ յիշատակ մ'է նաւասարդի. զոր յիշելով և յես 300 տարւոյ՝ անակարծիք ոմանք 'ի քրիստոնէից, ոչ միայն նաւասարդին օրը, այլ և ամեն կիւրակի օրեր՝ սալերնին գործիքնին կու զարնէին, որ զօրանան շղթայք շփացած Շիդարին, և չենէ զաշխարհք աւրելու:

## Գ

Այս ամեն յիշատակներէ վերագոյն և հնագոյն և տօնելի յիշատակ այս օրուանս էր, վեցերորդ, մեր շատ հեղ յիշեալ ՀԱՅԿ, մեր ազգին նախահայրն, և իրմով ազգերնուս ձեւանալն, մեծ յաղթութեամբն ազատելով 'ի Բելայ բռնութենէն: Թերևս յիշես, Հայկակ, որ Թէ ազգային

աւանդութիւն, թէ Քաղաքացւոց հին պատմութիւն, թէ մեր տօմարական տարեհաշիւը և թէ աստղաբաշխականը անգամ միաբան ցուցնեն, այս մեծ և ամենապանծ տօնիս սկզբնաւորութիւնը 'ի 11 օգոստոսի, 2492 տարի յառաջ քան զթուականն Քրիստոսի: Զկայ ազգ մը որ այսչափ սառայ հին և այսչափ պանծալի յիշատակ մ'ունենայ. վասն որոյ կրնամք անուանել զսա բուն Օր հայկական և Տօն ազգային. որ այնքան երկար ժամանակէ վար իջնելով՝ բարձր լերան գլխէն իջած ձեան հիւսին նման, և վերոյիշեալ յետին յիշատակները վրան առնելով՝ այլ աւելի մեծցեր է: Հայկայ մեծ քաջութեան և անուան համար էր՝ որ իր յաջորդքն՝ նաւասարդի օրերուն իրենց ազգին ոյժը ներկայացընող կտրիճ զօրաց աշխարհագումար հանգէսներ կ'ընէին. և այն մեծ անձին անունը մեր սուրբ Հորք և թարգմանիչք իրենց հեթանոս հարց պատուադրութեանը՝ հետեւելով՝ աւելի սրբացուցին և անճոռանալի ըրին, երկնից համաստեղութեանց և աստուածաշունչ գրոց մէջ դրոշմելով, ուր որ ուրիշ ազգք Որին գիւցազնը և ասողը կու յիշեն: Քանի որ ազգային ինքնագլխութիւն կար՝ այս և ասոր հետ միացեալ յիշատակք կրկնուէին և հնչէին քրիստոնէութեան դար ու կէս տիրած ատենն, որչափ որ քրիստոնէութիւնը կրնար յիշել և որպէս զի բուն սրբազան կամ եկեղեցական տօն մը դառնայ այն օրը, հայրն մեր Լուսաւորիչ գրեթէ ամեն տօներէ առաջ այս օրս նուիրեց Ս. Կարապէտ Թովմանոս և Ամենօրինեայ եպիսկոպոս վրկային, որոց նշխարքը բերաւ 'ի Կեսարիոյ և 'ի Սեբաստիոյ և նախ 'ի Տարօն գաւառ գալով ու անոր կուտունները ջնջելով, Աստուծոյ յայտնութեամբ՝ անոնց տեղ շինեց բերած սրբոց մատուռներ, եկեղեցիներ և վանքեր, որոց մէջ ա.

մենէն նշանաւորն է Մլա տալտի ըսուած Ս. Կա-  
 բաղէփն : Տարօնոյ երկիրն՝ սահմանակից Բագրևան-  
 զայ՝ ուսկից կ'ընդունի զԱրածանի գետն, անոր  
 պէս այլ մեհենաղարդ կրօնական երկիր մ'էր, և  
 տեղի հանգիսից . ինքն այլ ունէր իր Բագաւանն՝  
 Յուլիշփ կամ Յուլից փեղիք անուանեալ, որ է  
 ըսել զոհերու տեղ, իր շատ մեհենաց և բազնաց  
 համար : Լուսաւորիչ այնքան աւաւ և վնասակար  
 հանգէսներ խափանելու համար՝ պատուիրեց  
 Թագաւորական հրամանաւ, որ այնուհետեւ նա-  
 լասարգի հեթանոսական յիշատակաց տեղ՝ նոյն  
 տարեմըտին օրը՝ կատարուի այս երկու սրբոց  
 յիշատակն քաղաքական հանգիսից մէջ՝ առաջի-  
 նին պէս : Անոր համար դարձեալ Բագրևանից  
 ծայրը՝ մօտ Մպկէոյ և Նպատ լեւանց, մօտ և  
 Արածանոյ աղբիւրներուն՝ ուր մկրտեց զՏըր-  
 գատ և զքիւրաւորս Հայոց, Լուսաւորիչ՝ մեծ  
 տաճար մ'այլ շինեց յանուն Ս. Յովհաննու, որ և  
 կոչի Բագրևանիայ Ս. Յովհաննէո . որ և յետ 300 և  
 աւելի տարիներու նորէն շինուելով գործակցու-  
 թեամբ Հերակլ կայսեր, մինչև ցայսօր կ'ամբառնայ  
 մեծագոյն նշանակ հին և նոր Նաւասարդաց : Սրբ  
 Հայոց ինքնիշխանութիւնն այլ վերցուեցաւ, քա-  
 ղաքական ազգային հանգէտք այլ գագրեցտն, ու-  
 բով այս սրբոց տօնքն այլ ուրիշ շարժական տօ-  
 նից կարգը մտան : Բայց Նաստարին, այսինքն  
 Հայոց քաղաքական տարեմուտն, 44 դարէ վեր  
 միշտ գառնալով՝ Հայկայ աստեղ բարձրանալուն  
 օրերը՝ անխափան կու յիշեցընէ մեր ազգային և  
 հայկական օրը, զոր և արժան է մեղի՝ որ վիճակի  
 մէջ այլ ըլլանք՝ անոր յարմար յիշել, տօնել և  
 հանգիսացընել անմոռաց, որչափ որ ազգի և Հայ  
 անուն և լեզու պահեմք :

## Դ

Տարեգլխէն երկու շաբաթ ետեւ, նաւասարդի 15ին, հին Հայագիրն մեծ աշխարհախումբ տօն մ'այլ կու նշանակէ, Հայաստանի ամենէն սիրելի և ամենէն մեծ խնամակալ պահապանին, որ էր դիցուհին ԱՆԱՀԻՑ, մեծապէս պատուեալ և պաշտեալ 'ի Հայոց քան յայլ ազգաց. մինչև ոսկիէ արձաններ կանգներ էին անոր յԱրիզա աւան՝ ընդ մէջ Մեծ և Փոքր Հայոց, ուր շրջակայ ժողովուրդք այլ-յուրաքանչեւ գային. ուր և մեծազօրն Տրդատ ազատելով զհայրենիսն 'ի Սասանեանց բռնութենէն՝ համաշխարհական տօն և շնորհակալութիւն մատոյց. և իր հրովարտական և խօսից մէջ կ'ըսէր. « Մեծի Անահայ տիկնոջ, որ է » փառք ազգիս մերոյ և կեցուցիչ՝ զոր և թագաւորք ամենայն պատուեն, մանաւանդ թագաւորն Յուսէպ. որ է մայր ամենայն զգաստութեանց, բարեբար ամենայն մարդկան բնութեան, և ծընունդ է մեծին արին. Արամազդայ։... Մեծն Անահիտ որով կեայ և կենդանութիւն կրէ երկիրս Հայոց։... Խնամակալութիւն յԱնահիտ տիկնոջ » (հասցէ ձեզ Հայոց)։ Այս տեղս էր մեծ և բուն մէհէնեան Հայոց Բագաւորն. ուր կու պատուէր Հայաստանի Տիկինն, նաև յօտար ազգաց. կարծուելով 'ի Լատինաց Տիտոս, (որ և աջ կողմէն կարգաւով Անահիտ կարգացուի). 'ի Յունաց՝ Արքեփս, և Պարսից և մերձաւոր ազգաց մէջ այլ նոյն Անահիտ անուամբ ճանաչուէր. բայց ամենէն աւելի Յունաց պարծախք Աթէնոս դիցուհւոյ նման ճանաչուէր. ինչպէս Տրդատայ գովութիւնն յայտնէ, և Պղատոն փիլիսոփայն այլ յայս կարծիս էր. սակայն անոնց Արտեմիայ, Բաբելադուոյ Միլլիտոնայ, Փիւնիկեցւոյ Աս-

տարաայ, Լուսնի, Աստղեան, Հերայի և այլոց  
գից այլ զուգական կուսակուեր. միով բանիւ  
ամենայն աստուածական հաճոյ յատկութիւն  
ճանաչէին Հայք յԱնահիտի, և անոր համար  
մեծապաշտօն պատուէին: Յայն պաշտօն կու հրա-  
ւիրէր Տրդատ և զԳրիգոր, որ քիչ տառնէն զին-  
քը պիտի հրաւիրէր 'ի մեծագոյն և 'ի սրբազան  
պաշտօն. ինչպէս որ յետոյ անոր հաւանութիւն՝  
իջուցանելով զԱնահիտ 'ի տիկնութենէ Հայոց՝  
տեղը բարձրացուց զմիայն արժանին պաշտօն  
յետ Աստուծոյ, զՍ. Կոյսն Աստուծոցի, արդա-  
րև երկնից և երկրի տիկին. և մեծահանգէս տօն  
մը կարգեց 'ի նոյն 15 նաւասարդի (25 օգոստոս).  
զոր հին տօմարք Աւեփան տօն կու գրեն, և այլք՝  
առանց որոշ յիշատակի՝ միայն եկեղեցւոյ և Աս-  
տուածածնի տօն. որ յետ ժամանակաց փոփո-  
խելով կամ խափանելով, մոռացութեամբ քա-  
ղաքական և անահատական հանգիսից, նոյն Աս-  
տուածամօր զերափոխման տօնին հետ խառնուե-  
ցաւ, զոր Հայք տօնեն ('ի կիւրակէի մօտ 'ի կէս  
օգոստոսի. իսկ այլք 'ի 15 օգոստոսի, որ է 5 նա-  
ւասարդի):

Այս տօնիս նախընթաց օրը, որպէս յայտ է  
ամենուն, հիմա Շողախի տօնը տօնեմք, որ է Էջ-  
միածնայ մայր եկեղեցւոյն նաւակատիքը, և Ն-  
կեղեցւոյ և Աստուածածնի յիշատակ մը. զոր  
նոյնպէս սահմանեց Ս. Լուսաւորիչն, և հաստա-  
տեց 'ի 4 նաւասարդի (14 օգոստ.) որ կամ իր  
տեսլեան օրն էր, և կամ հաւանօրէն՝ ուրիշ հին  
հեթանոսական տօնի մը օր, որոյ խափանիչ դը-  
րուեցաւ Շողախին, ինչպէս Վարդապետն այլ Աստուղ-  
կան տօնին. և անոր պէս այլ գեղեցկութեան,  
վայելութեան և պաճուճանաց յիշատակ մը,  
կամ գիցուհւոյ տօն մը գուշակել կու տայ ա-  
նունն:



Թուի թէ ուրիշ տօն մ'այլ կամ Թափօրի պէս հանգէս մը կար անկէ քսնի մը օր ետեւ, նաւասարդի եօթին (17 օգոստ.), ընդ մէջ Ամանորայ և Անահտի տօնից, որուն պատճառն անծանօթ է մեզի, բայց տեղը հաստատուած է 80Ն ՊԱՏԿԵՐԻ ՏԻՐԱՄՕՐՆ:

## Ե

Ի՞նչ զարմանալի փոփոխութիւն և տննման յարմարութիւն: Աստղիան և Անահտայ ոսկէծղի ոսկէծոյլ ոսկիամայր անդրեաց տեղ, փայտեայ խոշոր անշուք պատկեր մը. բայց կերպարանածը անոնցմէ շատ և շատ մեծ, աստուածային իսկուհւոյ մը, ոչ քեռ և դստեր կամ կնոջ դից, այլ Մօր Արարծոյ, և անամուսին մօր. որ է ըսել կին և կոյս. միով բառիւ Կոստայր. հրաշալի բան, բոլոր հեթանոսաց իմաստութիւն վեր. որք Աստղեայ և Անահտայ նման մենասէր կոյսերը՝ դրին դարձուցին՝ ի կարգ անպարկեշտ կանանց. քրիստոնեայն՝ կուսի մը գերագոյն շնորհք իր յաւերժ կուսութիւնը ճանջնալով՝ հաւատաց զնա մայր Աստուծոյ, և միոյ միայնոյ Աստուծոյ. որով և միայն Տիրուհի երկնից և երկրի:

Այս տօնս հնագոյն է քան զԳրիգոր Լուսաւորիչ, և ըստ բարեպաշտ և ընդունելի աւանդութեան՝ հաստատեալ ի Բարդուղիմեայ: Այս Առաքեալս որ զրկեցաւ ի տեսութենէ Տիրամօրն անոր ննջմանը առեն, բաղդաւոր եղաւ անոր ըսկըզքնակերտ պատկերը Ժառանգելու, և բաղդաւոր ըրաւ զՀայս անոնց Ժառանգեցընելով: Այս պատկերը քանդակեր և նկարեր էր Յովհաննէս աւետարանիչ, և Տիրամայրն գնելով ի վերայ երեսացն օրհներ և թողեր էր յիշատակ առաքե-

լոյն և աշակերտաց և ամենայն հաւատացելոյ . առաքեալք՝ ժամն միութարեւոյ զԲարգուղեմէոս՝ անոր պարգեւեցին . և նա իբրեւ անբունական նը- շան մը հետը կուտանէր՝ ուր որ քարոզութեան կ'երթար յարեւելո, 'ի Հնդկաց մինչև 'ի Հայո . և անով սուս աստուածները կու վերջնէր, ճշմար- տութիւնը կու հաստատէր . անով արեւու նուխ- րական աշխարհին մէջ (Խորասան) զարեւ խա- ւարեցընելով՝ անոր բազնին սպասաւոր մոգերը՝ աշակերտաց 'ի պաշտօն Արեգականն արգարու- թեան, և հետը բերաւ 'ի Հայո, կարգեց առաջ նորդ նորընծայ հաւատացելոյ : Մեր աշխարհին հարաւային արեւելեան կողմերը պաշտելով, եկաւ այն բարձր և անծանօթ Տօրօսի կողմերը, որք Աղթամարայ ծովուն պարատափը կ'անջրպետեն 'ի բարձր հովտէն Տիգրիսի . որոց վրայ ձմեռան գիշած բարդ բարդ ձիւներն 'ի դարնան բազմա- վտակ հեղեղաշուր գառնալով, սաստիկ դնդընչ մամբ կու թափին թատերաձև լեռնապատ խորա- ձորի մը մէջ, և կ'երթան խառնուելու արեւելեան Տիգրիսի ծոցը, որ այն կողմէն կու բղկէ : Վախն և բռնութիւնն աւելի ահեղ տեսարան մը կ'ըն- ծայէին այդ գծուարակօխ տհաւորատես կոհա- կացեալ լեռանց, քարաշէն ամպագիտակ բերդե- րով . որոց մէջ անուանի էին երկուքն, Ասփոսփ կամ Ագոսասփ և Դաբնացփ : Ինտութեան և բռնութեան ահեղութեան վրայ՝ աւելցուց կատ- պաշտութիւնն իր պատկառանքը և արհաւիրքը . յիշեալ գագաթանց մէկուն վրայ կաղնած էր տիկինն Հայոց՝ Անահիտ . բայց ոչ ինչպէս յերգըն կայ՝ ծաղկանց և մարմանդից մէջ խաղով ծիծա- զով նազելով, այլ իբրեւ անզոյն գծուարութե- նէն, ամառուան կայծակներէն, ձմեռուան սա- ռամանիքներէն, և ապտառածից ժանտութենէն՝ խոժոռած գծնէհայեաց գլխոյ մը կ'երեւար . որոյ

շանթերը կայծակները կուցադրեցընէին խաբե-  
 բայ քուրմը . քարայրի մը մէջ քաշուած , ստէպ  
 առէպ մեծամեծ կուսներով սալեր սարեր զար-  
 նելով թնդացընելով և կայծ հանելով : Որչափ որ  
 ահաւոր և գոխելանելի էր այս տեղս՝ այնքան  
 այլ յաճախելի ուխտատեղի մը եղած ժողովըր-  
 դեան . որք աւելի սոսկմամբ քան սիրով կու քը-  
 շուէին կու գային հոս , իրենց ցաւերուն կամ իղ-  
 ձերուն համար . ճար ու ճարակ գտնելու . խաբե-  
 բայ քուրմը այլ կու տային անոնց աղտեղի դե-  
 ղեր և ծրարներ , այլանդակ կռոց արձաններու  
 ձեռքէ : Ահա այս տեղս եկաւ Ս . առաքեալն Բար  
 գուղիմէոս Խորասանէն գարձած առեն . և իր  
 բերած Տիրամօր պատկերն բաւական եղաւ ամեն  
 բան գաղթեցընելու . գարնաձայն թնդմունքն  
 լուեցին , կայծերն մարեցան , կուռքն կործանե-  
 ցան , Անահիտ անյայտ եղաւ . իսկ անոնց պաշա-  
 նեայքն սրտմտած՝ կ'ուզէին քարկոծել զառա-  
 քեալն և իրեն հետ եկող հաւատացեալքը . իսկ  
 նա պղտիկ խաչով մը ամենուն յաղթեց , առաւ  
 ու անկէց Անահայ տեղ , և ամենքը փախան ,  
 չէք եղան . և անկէ ետեւ այն խաչին կ'երկրպա-  
 րէին . մինչև յետ 250 տարւոյ եկաւ Ս . Լուսա-  
 ւորիչն , յարգութեամբ առաւ այն խաչը իբրև յի-  
 շատակ առաքելական , և հետը կու տանէր , ին-  
 չուան որ առանձնացաւ 'ի Սեպուհ . յետոյ գար-  
 ձեալ այս կողմերս բերին զայն և կանգնեցին 'ի  
 վերայ գերեզմանի ահեղազօր թագաւորին Տըր-  
 գատայ , մարմինը հոս փոխադրելով 'ի Թորգանայ :

Ս . յն ափափայ լեռներուն վրայ ելնել յաղօթս  
 և յուխտ՝ չարաչար աշխատանք և պաշտօն էր .  
 անոր համար Ս . առաքեալն իր հրաշագործ Տի-  
 րամօր պատկերը պահեց այն լեռանց ձևացուցած  
 խորածօրին մէջ , ապահով ու ծածուկ խորշ մը ,  
 որոյ մօտէն կ'անցնի լեռանց հոսանքէն ձևացած

Տիգրիս գետն. արժ. քարէ գարերուն մէջ իր ձեռք փոքրիկ եկեղեցեակ մը շինեց, ու հոն գրաւ հրաշարի Պատկերը. քոյն այլ քանի մը խրճիթ շինել տուաւ, և բոլորը մէկէն անուանեց ՀՈԳԵԱՅ ՎԱՆՔ. ուր բնակեցուց նորընծայ կուսանք, զորս 'ի Գողթն գաւառէ բերած էր հետը. և անոնց յանձնեց Տիրամօր պատկերը և մատուռը. նորահաւատ քրիստոնէից այլ հովիւ քահանաներ ձեռնադրեց, որք աւելի գաղտուկ կ'երևէին քան թէ կուսանքն: Ասոնց առաջնորդ էր Մարիամ քոյրն Յուսկան կամ Յուսհատայ, զոր առաջին ճայրապէս կրնամք անուանել. որ և յետ շատ տարիներու ուղեւորվ բոլորովին առանձնացեալ ապրիլ, թողուց Հոգեաց վանքը, և գետոյն դիմացի կողմն անցնելով, քարայրի մը մէջ խցիկ մը շինեց, հոն ճգնեցաւ, հոն մեռաւ և թաղեցաւ: Իսկ իրեն տեղ մայրապետ գրաւ զԱննա, Որմզդատայ կամ Մաղդատայ և Մաքովարի<sup>1</sup> քոյրը. որ նոյնպէս քանի մը տարի հոգալով կուսաստանը և վանքը, յետոյ առանձնացաւ ուրիշ կողմ մը, Գարբնաքարի ձորոյն այն դին, և ինքն այլ հոն իր խրըճութիւն մէջ վախճանեցաւ, իրեն յաջորդ թողլով իր քոյրը Մարիա. որուն ուրիշներն այլ յաջորդեցին. և միշտ հաւատացեալք, թէ և սակաւաթիւ, մնացին հոն, ինչուն Հայոց աշխարհօրէն հաճատալն 'ի Քրիստոս: Ուսկից քանի մը տարի առաջ՝ Հռիփսիմեան կուսանք այլ եկան հոս ուխտի, և մխիթարուեցան իրենց պէս գաղտուկ կեցող հաւատարիմներէն: Այսպէս անկոխ անտես քարերու սորերու մէջ ճշմարտութիւնը կու պահէին փափուկ կուսանք, մինչդեռ կայսերք և հրս.

<sup>1</sup> Զատնք կու յիշէ Խորենացի իբրեւ իր ատեն ծանօթ անձինք ուրիշ պատմութիւններէ, որք կորսուած ըլլալով՝ մեզի անծանօթք են:

կայ թագաւորք կու հալածէին իրենց տիրած տեղերէն: Վախնալով որ հոս այլ չհասնի հալածանքն՝ Հռիփսիմեանք ստիպեցան թողուլ զգուշաւոր խաղաղութեան մէջ իրենցմէ առաջ եկած Տիրամօր պաշտօնեաները, և գնացին դէպ'ի կողմն Վանայ: Իսկ երբ Լուսաւորիչն սկսաւ քրիստոնէութիւնը համարձակ տարածել, Հոգեաց վանքն այլ հռչակեցաւ, լուսաւորեցաւ, հրաշքներով պայծառացաւ. որոց անձամբ ականատես վկայ ըլլալով սուրբ Հայրն մեր, ընդարձակեց վանքը և շինեց Ս. Սիոն եկեղեցին. բայց առաքելոյն ձեռակերտ Տիրամօր տաճարիկը անարատ թողուց, նոյն ձեով և մեծութեամբ, և նոյնպէս այլ մնաց գրեթէ ինչուան վերջը, բայց տեղն 'ի Լուսաւորչէ նորոգեալ՝ երթալով տնուանի եղաւ, ուր յետ կուսանաց արք կրօնաւորեցան, և Հայոց անուանի վանորէից և ուխտատեղեաց և եպիսկոպոսարանաց մէկն եղաւ. վանաց երէցն ու եպիսկոպոսն կոչուեցաւ Աստուածածնի Պապիէրին առաջնորդ, որ նոյն է ընդ Հոգեաց վանաց. և երբեմն նոյն իսկ Անձեացեաց եպիսկոպոսական աթոռն, որոյ առաջին 'ի պատմութեան յիշատակեալ եպիսկոպոսն է Աբիսողոմ 'ի Գ գարու, մեծին Ներսիսի օրերը:

Այս սուրբ Ներսէս հայրապետս այլ եկաւ հոս ուխտի և հետը բորոտներ բերելով՝ բժշկեց Տիրամօր շնորհքովը, և հիւանդանոց մ'այլ շինեց ուրիշներու համար. որով երրորդ անգամ մեծ հաստատութիւն առաւ սուրբ Պատկերին տօնն. զոր և յետագայ Հորք և եպիսկոպոսք հանդիսիւ կատարէին այսօրս (7 նաւասարդ, 17 օգոստ.) իբրև 'ի յիշատակի վերադոխման կուսին, որպէս թուի 'ի նոյն ինքն յառաքելոյն Բարթուղիմայ գրուած, և հաստատուած 'ի Ս. Լուսաւորչէն: Ինչուան 'ի վերջին գարս յուխաւ և 'ի պատուի

մնաց Հոգեաց վանքն, և Պատկեր Տիրամօրն . որք  
հիմա նոր հետազոտութեան և լուսափայլութե  
կարօտ են, քրիստոնէութեան հնազոյն և առա-  
ջին ուխտատեղեաց, կուսաստանաց և վանաց  
մէկն ըլլալով:

Այս տեղերս այսպէս սատրագրէ ականատես  
քերգող ոմն՝ Ներսէս Մոկացի, մեզմէ երկու և  
կէտ գար առաջ:

Նըշխար փայտին որ շնորհեցաւ  
Բարգուշիմեայ վիճակեցաւ:

Եկեալ յերկիրն Անձեւացեաց՝

Առ ի համբաւ քարի միոջ,  
Յոր էր ազուէսն ամրացեալ յորջ,  
Ընդ Անահտայ բնակէր տիկնոջ  
Մարդախոշոշ կըռանագոջ:

Քանզի փայլակն ի վայր անկեալ՝  
Ի գարբընաց քրքայս արկեալ,  
Զգեղն որ կազմէր ախտիւ խառնեալ  
Յուռութով լուռնս մակարդացեալ:

Որպէս ի ճառըն պատմական  
Ուսուցանէ մեզ միաբան,  
Եւ զվիշապին հին մեքենայն  
Կիպրիանոս այր սրբազան:

Զի հին վիշապն անդրը բունէր  
Եւ կըռանին համաձայնէր,  
Բախմամբ թնգման ահ արկանէր,  
Զնոսա յուշոյ միշտ խափանէր:

Իսկ արք տեղւոյն զերդ խելագար  
Անդ խոնէին գեգերաբար,  
Թարախածոր առեալ ծըրար  
Եւ կոչէին Դարբընաբար:

Յոր վայր հասեալ առաքելոյն  
Փութով խափան առնէր գործոյն,

Դարբընաբար բախման թնդոյն ,  
Որ գործօնեայքն էին նիւթոյն .

Եւ զգիցամայրըն խորտակեաց  
Ըզբռնուծիւն քակեալ դիւաց .  
Քարանձաւէն յայն հալածեաց  
Եւ սրբութեան տեղիք գործեաց :

Իսկ չար զինուորք գունդ առնէին  
Ընդ հիւսիսի բարձու լերինն ,  
Վիրդս ի վիմաց յայն հոսէին  
Ընդ այն և ճիչս արձակէին :

Բարդուղիմոս զայն տեսանէ  
Բարձրաւանդակ լեառն ելանէ  
Խաչ մի փղբրիկ անդ օծանէ  
Քարիւ մի զքաջքն արտահանէ .

Զոր եւ յետոյ սուրբըն Գրիգոր  
Ջարձանն առեալ՝ պահէր ընդ իւր ,  
Մինչ Տրդատայ մահուանն աւուր  
Երեսին եդ պըսակաւոր :

Կանգնէ եւ անդ կրկին նոշան ,  
Յըստորոտով լերինըն յայն .

Կարկառակոյտ մի սուզական  
Ձեռնագրրեալ ի մեծ արձան :

Եւ է տեղին յոյժ լեռնափակ  
Պատեալ զիմօք երկնադիտակ ,  
Իսկ մէջ ծոցոյն հարթայտտակ  
Հոսանահերձ վըհաքատակ .

Զի Տիգրիսին մեծի կայլակ՝  
Որ յԱդենայ քառորդ վըտակ ,  
Ցասմամբ իաղայ միշտ համարձակ ,  
Ընդ գոգ հովտին արաքսարագ .

Մերձ կանգնաւոր մեծ ամրոցին՝  
Որ Ագռաւուց քար կոչէին ,  
Ուստի լերանցըն ջուրք հոսին  
Եւ դետանան՝ սո գարնան մասին ,  
Քայ զառիվայր առաստաբին

Անցեալ ընդ հիմնն տաճարին ,  
Ընդ արքային շիրմով պարին ,  
Ապա ի մի խառնեալ յարին :

Հիմն արկանէ անդ հաւատոյ՝  
Ընդ խորանին կառուցելոյ .

Շինեալ յանուն Կուսին հոգւոյ  
Եւ պատկերին որ անդ սրբոյ :

Անդ առաքեալ Բարդուղիմէն  
Կառուցանէ իւրով ձեռին  
Փղբըր ձեւով զեկեղեցին  
Եւ անուանէ Արքա-տօմէն .

Զտեղին Հոգւոյ-վանք անուանէ ,  
Եւ ի քրւեր կանայս յանձնէ .

Խրճիթ փղբրիկ նոցա շինէ  
Եւ ի գերբուկսն բաժանէ .

Կացուցանէ զքոյրն Յուհատայ  
Մայրպետ կրօնից գլուխ նոցա ,  
Զքոյրն Աւրմըզգայ և Մաքովորայ  
Եւ զայլ կանայսն յետ նոցա : . . .

. . . . .

Բագրևանդայ բլուրներէն բարձրաձայն հնչած  
նաւասարդի երգերն՝ հոս այս Անձեացեաց քա-  
րայրից մէջ ցածնալով կու ծածկուին : Ո՛ւր էր  
թէ գարձեալ այս անձաւներէն արթննալով եւ  
նէին հնչէին՝ ի բարձրաւանդակ Բագրևանդ , յի-  
շատակօք Հայկայ և Տրդատայ , Բարդուղիմէայ  
և Գրիգորի , ամենայն անվնաս յիշատակօքն Նա-  
ւասարգայ :



ԺԳ

## Ս. ՍԱՀԱԿ ՊԱՐԹԵՒ

28 Նաւասարդի . — 7 Սեպտեմբերի .

Ա

Կէս գարէ աւելի էր որ Հայաստան յերկու վիճակ բաժնուած՝ երկու ինքնակալ տէրութեց վերատեսչութեան տակ, Պարսից և Յունաց, անոնց երկար և աշխարհախուով կռիւները գրեթէ բոլորովին դադրեցուցեր էր: Բայց Յաղկերտ Բ՝ հաղիւ թագաւորած Պարսից, յամի 439, անպատճառ պատերազմ հրատարակեց ընդդէմ կայսերաց. հրոմտն տուաւ իր յառաջապահ սահմանակալ գունդերուն, որ մէկն Ասորեստանէն երթայ Մծբնայ վրայ, մէկ այլն յԱտրպատականէն մտնէ ի Հայաստան, Յունաց հայկական բաժինը խլելու: Այս գունդս՝ Երասխայ հովիտը և Վանայ պարատափը անջրպետող միջոցէն փութալով՝ կ'ելնէ, Ծաղկոտան վայելչութիւնները կռիւկուտելով կու փճացնէ, տօնահանդէս Բագրեւանդայ բարձրատափին վրայ կու բանակի. և առանց ակնածութեան և գթոյ՝ կու գայ նոյն իսկ անոր շինագլուխ ասնագլուխ տեղւոյն՝ Բագաւանին քով՝ իր զօրապետաց վրանները կու զարնէ: Ո՛րքան այլափոխուած էր Բագաւան այն առջի

զուարթած աղիկ պայծառութենէն, զոր երբեմն<sup>1</sup> տեսար, Հայկակ. և սակայն շատ ատեն չէր անցած այս երկու կերպարանաց մէջ. հազիւ տասն տարի էր՝ որ Այրարտայ Թագաւորին բանակն չէր կանգներ 'ի Շահապիվան, և ոչ իր գրօշներն ու վաշտերն փռուէին 'ի Բագաւան: Բագաւան թէ և գեռ իր հեթանոսական անուներ պահէր, բայց գրեթէ գար ու կէս առաջ Լուսաւորչի աջով օծուած էր, Տրդատայ և իր աշխարհախումբ բանակին հոն միրտուած ատեն. և Տարօնոյ գիցաւանին հետ՝ նուիրեալ էր Ս. Յովնանու Մկրտչի. որոյ անուներ աւերյով իր սրբեալ ճակատուն վրայ Թագաւորն Տրդատ, իր յիշատակն այլ խառնեց Մկրտչին հետ. անոր համար շատոնք կարծեն թէ յանուն Յովհաննու-Տրդատայ Թագաւորի՝ Ս. Յովնանէս կոչուի մինչև ցայժմ՝ Բագրեանդայ Իւլ-գիւլիէ անուանեալ աաճարն և վանքն. և 'ի միացեալ յիշատակ Տրդատայ, Լուսաւորչի և Յովհաննու Մկրտչի՝ Հայոց ամենէն սրբազան ուխտատեղեաց մէկն է եղած. և հիմա մեր աշխարհքին սրբազան աաճարաց ամենէն վսեմագոյնն է ահեղակերպ մեծութեամբն և հընութեամբն. գեղեցիկ ծնունդ ճարտարապետութեան մեր Իսրայէլ վարպետին և առատաձեռնութեան Հերակլի կայսեր. որոյ շինութեանն աւարտը և նաւակատիքը Հայագիրն նշանակէ 'ի 28 նաւասարգի (որ է 7 սեպտեմբերի) 639 թ. մին: Այսօրուան քեզի յիշելիքս այլ, Հայկակ, զարմանադէպ զուգութեամբ՝ նոյն օրաթուին նըշանած է և նոյն քարաթուին, այսինքն յօթն սեպտեմբերի յամին 439, ճիշդ 200 տարի առաջ: Այս ատեն Բագաւանի Ս. Յովհաննէան կայսերակուռ կերպարանքը շունէր, սակայն անշուք

<sup>1</sup> Տես Տոմար Նոտարարի:

չինուած մ'այլ չէր, Իրիգորի և Տրդատայ գաստակերտ ըլլալով. վասն այսորիկ ոչ միայն պաշտօնասէր ժողովուրդք, այլ և ժողովրդապետք և հայրապետք գային պատուելու զտեղին յիշատակաց:

Եւ ահա հիմ' այլ Յաղկերաի վարադացեալ զօրաց արշաւանաց ատեն, հոն Բագաւանայ խաղաղաւէտ խորաններու քով քաշուած կու նըստէր, և երկայն գիշերուան լուսապահող լապտերի մը պէս՝ որ գանգաղ առաւօտուն մօտ պնդալով կու մարմրի, այնպէս կու հսկէր մօտ 'ի գերեզման իննսնամեայ ծերունի մը. բայց աստուածօրայլ աստուածուպատիւ ծերունի մը, որոյ նման՝ ամենայն բարեմասնութեամբքն և ծայրացեալ հասակաւն, ոչ յառաջ և ոչ յետոյ չերեցաւ 'ի Հայաստան: Սա է Թոռն Թոռնորդոյ սրբոյ Լուսաւորչին մերոյ, մեծ կաթուղիկոսն Հայաստանեայց Ս. ՍԱՀԱԿ ՊԱՐԹԵԻ:

## Բ

Ամեն կենսագիրքն վկայեն թէ ծնած և մեռած է մի և նոյն ամսաթուի մէջ նաւասարդի 30ին. վախճանած տարին յայտնի նշանակեալ ըլլալով, և շտաթթուան օրն ալ (հինգշաբաթի), կ'իմանամք որ այդ նաւասարդն շարժական ամսովն է, որոյ 30ն էր սնշարժ նաւասարդի, 28 յամին 439, և 7 սեպտեմբերի. իսկ իր ծնած տարին՝ ըստ շարժական տարւոյ նաւասարդի 30ն քսան կամ 21 օր այլ եպք էր, որով Ս. Սահակայ ծնած օրն կ'ըլլայ սեպտեմբերի 27, համարելով թէ ծնած տարին է Քրիստոսի 352-55 թուոյ մէջ: Յայսմաւուրաց մէկն կ'ըսէ Սահակայ համար, Կեցեալ ամս ԾԶ (56), որ ուղղագրելով ԶԶ, մեղի կ'ընծայէ կենաց տարիքը 86, և ծնած տարին 354.

իր աշակերտքն՝ զկայսն թէ հասաւ «'ի յերկար  
 ծերութիւն» . սակայն անտեղի է պատմեաց ո.  
 մանց բաժնն՝ թէ 110 կամ 120 տարի ապրած  
 ըլլայ Ս. Սահակ. վասն զի այդ թուով՝ ծնունդն  
 կ'ենէ յ'319 կամ 329 թիւն Քրիստոսի, յաւուրս  
 Ս. Լուսաւորչի: Բաւական է Ս. Սահակայ 86-90  
 տարուան կենաց՝ դեռ սովորականէ երկայն՝ չըր-  
 ջան մ'այլ. որ և երկտրութենէն աւելի նշանա-  
 ւորեղաւ իրեն պատահած գէպքերով և անձինք.  
 ներով. որով ոչ միայն ազգային պատմութեւն այլ  
 և ընդհանուր նոյնաժամանակ պատմութեան մէջ  
 լաւ նշանելի է. ազգայնոց մէջ՝ թէ քաղաքական  
 թէ եկեղեցական և թէ ուսումնական տեսու-  
 թեամբք, իսկ օտարաց առջև՝ աւելի եկեղեցա-  
 կան մերձաւորութիւն: Սահակայ երկայն կեանքն  
 և երկայն կաթողիկոսութիւնն (51 տարի), սը-  
 նունդն և զարգացումն 'ի Կեսարիա և 'ի Կոս-  
 տանդնուպօլիս, զինքը մերձաւոր և ծանօթ և շաղ-  
 կապ ըրին այն մեծամեծ Անձանց՝ որք եկեղեցւոյ  
 մէջ զհնադոյն յեղանակ մը բոլորեն, անոր ամե-  
 նէն գերապանծ հայրապետքն ըլլալով: Այս յե-  
 ղանակս՝ «այն ատենն է, կ'ըսէ Վիլմէն, որ եկե-  
 » ղեցին ընկերական օրինոք այլ հիմնեալ հաս-  
 » տաւեցաւ և հասարակային տերութիւն մը  
 » դարձաւ. այն ատենն է, որ 'ի պերճախօսու-  
 » թեան և 'ի դպրութեան՝ յառաջ բերաւ այն  
 » վսեմ և պայծառ հանճարները, որոց ոչ եր-  
 » բեք նման գտուեցան հաւասարորդք՝ բայց եթէ  
 » Քաղզկոյ ժէ գարու սրբազան քարոզիչքն: Ո՛ր-  
 » չափ մեծամեծ մարդիկ, որքան գերադոյն ճար-  
 » տասանք ելան Ս. Աթանասէն մինչ 'ի Ս. Օգոս-  
 » տինոսի միջոցն. Թնչ հրաշազօր մտաւորական  
 » շարժմունք բոլոր հռոմէական աշխարհին մէջ.

1 Ղազար Փարպեցի:

» ի՛նչ տաղանգներ՝ խորհրդական մրցմանց մէջ  
 » հանդիսացեալ. ինչպիսի՞ ոյժ մարդկան՝ հաւա-  
 » տոց վրայ բանեցուցած. ի՛նչ կերպարանափո-  
 » խութիւն բովանդակ ընկերութեան, որ եղաւ  
 » ձայնիւ այն կրօնից՝ որ գեանազամբաններէն  
 » կու վերանայ ՚ի գահոյս Աստուծոց, որ ուղա-  
 » ծին պէս ՚ի գործածէ՝ իր մարտիրոսաց արեամբ  
 » մաշեցուցած սուրբ:... Մտաց և արիութեան  
 » ամենէն ամօթալի ցածութեան իշած ատենն է,  
 » երբ ներքինիք կառավարէին զինքնակալութիւն,  
 » և բարբարոսք վրդովէին, այն ատենն է որ Ա.  
 » Թանաս մը, Բարսեղ մը, Գր. Նազիանզացի  
 » մը, Ոսկերեան մը, Ամբրոսիոս մը, Օգոստինոս  
 » մը՝ կու լսեցընեն ամենէն մաքուր բարոյականը  
 » և ամենէն գերազոյն պերճախօսութիւն: Միայն  
 » ասոնց հանճարն կանգուն մնաց ինքնակալու-  
 » թեան ընկնալու ատեն. կործանմանց և փլա-  
 » տակաց մէջ ասոնք՝ հիմնարկուք կ'երևին. և յի-  
 » ռաւի, վասն զի ճարտարապետք էին այն մեծ  
 » կրօնական շինուածոյն՝ որ պիտի փոխանորդէր  
 » հռոմէական ինքնակալութիւնը: Մեր Հայոց  
 » ազգին այլ հին թագաւորութիւնն և ինքնատի-  
 » րութիւնն վերնալու ատեն՝ Ս. Սահակ չէր որ  
 » զազգն և զեկեղեցին կանգուն պահեց՝ մինչև ցայժմ.  
 » (Թերևս աւելի քան) հաւասար այդ յոյն և լա-  
 » տին սուրբ Հարց, որոց ամանց՝<sup>1</sup> կենաց վերջին

1 Ս. Սահակայ ծնած տարին (354) և քիչ ամիս վերջ  
 (13 նոյեմբ.) ծնաւ արեմոտեան (և Թերևս ընդհանուր) ե-  
 կեղեցւոյ մեծագոյն վարդապետն՝ Ս. Օգոստինոս. անոր  
 վարդապետակիցքն՝ Ամբրոսիոս և Հերոնիմոս 14ամեայ  
 պատանեակք էին (ծնեալք յ'340). Ոսկերեան՝ որ Ս.  
 Սահակէն 10 տարի վերջ սկսաւ հայրապետութիւնը և  
 անկէ 32 տարի առաջ լմնաց, տասնամեայ մանուկ էր  
 (ծնած յ'344): Ս. Սահակ իր պապուն կենդանի օրհնու-  
 թիւնն առած է, վասն զի ուրբ Վրթանէս վախճանե-

կայծերը տեսաւ իր նորաժառ աչքն, ոմանց պոյծառագոյն օրերուն հասաւ, ոմանց կենակից և աթոռակից եղաւ, շատերուն՝ և նաև իրմէ վերջ սկսողներուն՝ շրջանին լմնցընելը տեսաւ, և հազիւ զոմանս թողուց դեռ իրենց պայծառ աթոռին վրայ։ Ասոնցմէ ոմանց, և անոնց 150 ընկեր հայրապետաց Ա Կոստանդնուպօլսոյ և Բախեզերական ժողովոյն, (յամին 381), հաւանօրէն ալկանատես եղաւ, իր կաթողիկոսութենէն ութ կամ ինն տարի առաջ, երբ թերևս սուրբ կարգ այլ առած չէր, բայց իբրեւ որդի և թոռնորդի սուրբ քահանայապետաց և վկայից՝ ծանօթ էր ի դրան կայսերաց։ Քահանայապետութենէն առ-

ցաւ հաւանօրէն յամին 355. յաջորդ տարին (356) Եգիպտոսի և պմենայն միանձանց արեգակն մտաւ, սուրբն Անտոնիոս 105 տարուան. տարի մը ետեւ, 357, Նոյնպէս հարիւրը անցած վախճանեցաւ Ոսիոս՝ որ Նիկիոյ Ա. տիեզերական ժողովոյն գահադուռի բաղժիւր էր. այն ժողովոյն և բոլոր արեւելեան Ս. Հարց պարագլուխն մեծն Աթանաս՝ Ս. Սահակայ պատանութեան ատեն իր գահուն վրայ կ'ենէր կ'իջնէր († 373), և թերևս ընդուներ էր զնա յԱղեքսանդրիա իբրեւ թոռն իրեն աթոռակից հայրապետաց. ևս առաւել Ս. Կիւրեղ յԵրուսաղէմ, որ վախճանեցաւ Ս. Սահակայ կաթողիկոսութենէն 3 տարի առաջ (386), և իր յաջորդն Յովհաննէս հայրապետ։ Մեծափառ և վայելչաբանն Բարսեղ՝ որ Մեծին Ներսիսի հետ կարգ առեր էր, անշուշտ անոր որդւոյն մեծարող գառափարակ այլ եղաւ, և իր կարգակցին եղբրական մահը ողբալով՝ կու սպասէր որ փոխանակ Կորճացի Սահակայ՝ Ներսիսածին Սահակն իրմէ առնու իր հարցնման կաթողիկոսութեան ձեռնադրութիւնը. բայց կանխեց մահն (379). որ և յաջորդ տարին (380) մարեց Ասորոց անապատներուն արևը, զՍ. Եփրեմ։ Մեծին Բարսեղի հոգեկից տարեկից և պատուակիցն Գրիգոր Աստուածարան՝ վախճանեցաւ Ս. Սահակայ կաթողիկոս նստած տարին (389). իսկ անոր (Բարսեղի) հարազատ եղբայրն Գր. Նիւ-

ջի կեանքը, 38 տարի, աւելի Հայաստանէ դուրս քան ներսը անցուցած կ'երևի: Բոլոր մեր նախնի լուսաւորչազտրմ' հայրապետք՝ Յունաց մէջ կրը: Թուլթիւն առած են. մանաւանդ Ս. Ներսէս, որ նախ 'ի Կեսարիա և յետոյ 'ի Կ.Պօլիս վարժեցաւ յուսմունս. և ըստ պատմեաց ոմանց, առաջին քաղաքին մէջ իր պատանեկութե ատեն Վարդան Մամիկոնեան նախարարին Սանդուխտ դուստրը կին առաւ, ըստ այլոց (որ աւելի հաւանելի է) Կոստանդնուպօլսոյ մէջ Ասպիոն անուամբ աղ- նիւ (Յոյն) իշխանագին դուստրը, որ և յետ երեք տարւոյ վախճանելով՝ Թողուց զՆերսէս այրի պատանի մը. բայց անոր հասակին և մեծ սրտին

սացի՝ անոր կաթողիկոսութեան 12դ տարին (400). արիա- սիրտն Ամբրոսիոս՝ յիններորդ տարի կաթողիկոսութեան Սահակայ (397): Քիչ մ'ետե (405) վախճանեցաւ Ս. Ե- պիփան իբրեւ հարիւրամեայ. Երուսաղեմի հայրապետն Յովհաննէս 'ի 25դ տարին (414). Թէոփիլոս Աղեքսան- դրացին յ'30դ տարին (418). Ս. Հերոնիմոս յ'32դ տարին (420). Մեծն և իր տարեկիցն Օգոստինոս ի'42դ տարին (450): Ակակ Բերիոյ եպիսկոպոսն 112ամեայ 'ի 44 տարին կամ' այլ ետեւ. իրմէ քիչ առաջ ետեւ երկու Ակակք այլ, եպիսկոպոսք Ամդայ և Մելիտինոյ: Վերջապէս այն ամե- նայն գիտուն և սրբազան հրաշալի անձինքն, որք 'ի կիսոյ Դ դարուն ց'կէս Ե դարու փայլեցան յաշխարհի, և եկե- ղեցւոյ Հարք և սիւնք հաստատութեան կ'ըսուին, ամենքն այլ անցան Ս. Սահակայ աչաց և կենաց առջեւէն. իր գա- հակիցն և երբեմն գահագլուխն՝ քաջահաւատն Փիրմոս արքեպիսկոպոս Կեսարիոյ՝ վախճանեցաւնոյն իսկ Ս. Սա- հակայ վախճանած տարին. և այն մեծերէն՝ միայն Ս. Կիւրեղ Աղեքսանդրացի և Ս. Պրոկղ՝ Ոսկեբերանի աշա- կերտն և աթոռոյն ժառանգն, երկուքն այլ Նեստորի գըլ- խահար ախոյեանք, բարեկամք և Թղթակիցք Սահակայ՝ և տարւօք կրսեքք՝ իրմէ քանի մը տարի ետեւ միացան ի- րենց փառաւորեալ ժողովակցացն յերկինս: (Կիւրեղ + 444, Պրոկղ + 446):

միութարանք, և յուսմանական միութարանք՝ մըն այլ՝ միածին որդեակ մը, զմեծն ՍԱՀԱԿ: Թերեւս աշխարհքիս մէջ չէ եղած քան զասանք՝ վեհագոյն հայր մը վեհագունի որդւոյ: Աստուած՝ միայն մեր եկեղեցւոյ շնորհեց 140 տարւոյ չափ՝ Ղևտա-  
ցւոյ նման՝ քահանայապետական պայազատու-  
թիւն, որք վեց ազգ զերար յաջորդեցին:

Սահակ 'ի Կոստանդնուպօլիս և 'ի Կեսարիա վարժեցաւ իր ցեղին և աշտիճանին յորմար ուս-  
մանց. յունարէնը իբր մայրենական լեզու գի-  
տէր, և ուսմամբ այլ այնքան հմուտ էր անոր քե-  
րականական արուեստին՝ որ նոյն իսկ բնիկ Յու-  
նաց վարդապետներէն շատը կու գերազանցէր<sup>1</sup>.  
ասորերէն այլ գիտէր ոնշուշտ չափաւորապէս.  
պարսկերէնն այլ՝ իբրև տիրող լեզու 'ի Հայս.  
իսկ իր և մեր բնիկ հայերէն լեզուին՝ Թագաւորն  
կրնայ ըսուիլ, կամ առաջին հայտին. վկայ՝ հայե-  
րէն աստուածաշունչ գիրքն, որ իր ոսկի գրչէն  
և մեզք լեզուէն առած է իր մեծագոյն ողորկու-  
թիւնը, քան զոր քաղցր և կակուղ հայախօսու-  
թիւն չկայ ազգերնուս մէջ. և Թերեւս ըստ այսմ՝  
մասին՝ քան այլովքն՝ արժանապէս գերազանց  
գասուի քան զամենայն Թարգմանութիւնս Ս.  
Գրոց: Իր աստուածաշնորհ հայրն՝ Մեծն Ներ-  
սէս, լաւ գիտնալով և Թերեւս տեսնելով այլ իւր  
անարժան հօրը, Աթանագինէի, և հօրեղբորը  
(Պապայ) անվայել վարքը, և խանգարեալ ար-  
քունեաց հրապոյրքը, չեմ տարակուսիր որ Թո-  
ղեր էր իր գեռաբոյս ծնունդը զգոյշ տեղ և ըզ-  
գոյշ վարժապետաց ձեռք. որոց մէջ մնալն աւելի  
ընարեց Խահակ այլ, քան հօրը ահեղ և տխուր  
մահուլնէն ետե՝ փութալ անոր դահը ելնել հա-  
զիւ 20ամեայ հասակաւն, ինչպէս Ս. Գրիգորիս

<sup>1</sup> Ղազար փարպեցի:



իր պապուն հօրեղբայրն (15ամեայ), կամ նոյն իսկ իր հայրն Ներսէս, օր չէր աւելի քան զ'25ամեայ նորահաս երիտասարդ մը՝ գահը ելած ատեն, և ոչ աւելի քան զ'35ամեայ 'ի գերեզման իջած ատեն<sup>1</sup>։

Ս. Սահակ այլ կանուխ կարգուեցաւ, Լուսաւորչի աթոռոյն ժառանգ մը աւելցընելու համար. բայց Աստուած սահմաններ էր իրմով դադրեցընել այն յաջորդութիւնը. և հրաշալի երկայն տեսիլքով մը յայտնեց անոր՝ մինչ դեռ սարկաւագ էր, և Վաղարշապատայ մայր եկեղեցւոյն (Էջմիածնի մէջ) հսկումն կ'ընէր աւագ հինգշաբաթի գիշեր մը, իր ազգին եկեղեցւոյն հանդիպելիքն ուխտապահ և ուխտազանց հաւատարեւոյ գործովք։ Միայն դատրիկ մ'ունեցաւ Ս. Սահակ, զոր անուանեց իր անուամբն Սահականոյշ, և տուաւ 'ի կնութիւն Համազասպայ Մամիկոնէից տեառն<sup>2</sup>. 'ի Համազասպայ ծնան իրեք սահակաւայեւ կորիւնք, Վարդին Վարդան, Համազասպէան և Հմայեալ. որոց առաջինը իրեն որդեգրեց իբրեւ հարազատ ժառանգ. բայց Վարդան այլ իր սուրբ պապուն պէս արու զաւակ չունեցաւ՝ իր Դըստրիկ կնոջն, այլ երկու աղջիկ, Վարդանոյշ և Շոշանիկ կոչուած, զորս գգուեց Մեծն Իսահակ իր պապական ծնդաց վրայ, և սեպեց իրեն պայազատ, թողլով անոնց այլ իր սեփական հայրենի ժառանգութենէն<sup>3</sup>. հաւանօրէն իր թոռանց թոռունքն այլ

1 Ամենայն գաւազանագիրք մեր և պատմիչք Ս. Ներսիսի 34 տարի կու տան քահանայապետութեան. պգ թիւն իր կենաց տարիքին տալու է։

2 Յորմէ կու հաստատուի թէ ինքն չէր որդի դատեր Մամիկոնէից տեառն։

3 Որոյ մէջ յիշատակուի աւետարան մ'այլ իր սրանչելի մատանց իսկագիրն. կ'ըսուի թէ Ս. Սահակ իր ձեռօքն շատ գրքեր այլ գրեր էր։

տեսաւ Ս. Սահակ, գոնէ Ս. Շուշանկան չառաւիղքը, (որ՝ ափսոս, գծնկի մը հետ զուգեցաւ, Վազգենի Վրաց բղեչխին. սակայն այնով այլ աւելի ինքն զարմանալի և տօնելի եղաւ): Վարդանայ մեկայլ եղբարց ցեղն արու զաւակօք յաջորգեց ինչուան թգդար (թերեւ անկէ ետե այլ), և Ս. Սահակայ արեամբը Պաշլաուունի ըսուեցաւ. արեան հետ արգիւնքն այլ ժառանգեց արժանապէս. և թԱ-ԹԲ դարերու մէջ շատ արժանաւոր անձինք ընծայեց աշխարհի և եկեղեցւոյ. և այսպէս կատարեցաւ իր տեսլեան մէջ հրեշտակին խոստումն, թէ վերջի ատենները իր ցեղէն նորէն քահանայապետներ պիտի ելնէին, և էին Գրիգորեանքն և Ներսիսեանք, յետ կիսոյ թԱ դարու մինչև ի սկիզբն թգ դարուն:

## Գ

Ս. Սահակայ վարքն չորս նշանափայլ երևոյթ կ'ընծայեն նկատմամբ իր անձին և ազգային պատմութեան. — Ա. ուսումնական պայծառութիւն կամ հայերէն գպրութիւն, որ իր գործակցութեամբն զարգացաւ. — Բ. Եկեղեցական կարգաց վայելչութիւն, որոց նոյնպէս հիմնադիր կըրնայ ըսուիլ, յետ Ս. Լուսաւորչին. — Գ. քաղաքագիտական կամ քաղաքական տեսչութիւն, որոյ մասնակից եղաւ հաւասար իր հօրն, և աւելի քան զքաղումս յօտար հայրապետաց. — Դ. անձնական առաքինութիւնք, կամ նուիրական կեանք: Ասոնցմով կ'երեւի սուրբն Սահակ աշխարհքիս մէջ փայլած ամենէն պայծառ հոգւոց մէկն. խորին տեսութեամբ, հարուստ հանճարով, տաք սրտով, գործունեայ կամօք, վսեմ զգացմամբք: Այս չորս գլխաւոր գիտելեաց վրայ կ'ուղեմ դար

ձրնեւ աչքդ, Հայկակ, Թէ և համառօտ տեսու-  
թեամբ, քան պատմական գաղարմամբ:

Որչափ որ Ս. Սահակայ ժամանակն փառա-  
ւոր և պայծառ էր ըստ եկեղեցական կարգի, այն-  
չափ այլ անշուք և անշնորհք մեր բնիկ աշխար-  
հին քաղաքական վիճակն. իր երախայրութեան  
տարիները, նոր յաթող նստեր էր Տիրան Թա-  
գաւոր, սկիզբն աղքերնուս կործանման, իր ան-  
բրիստոնեայ վատ և թոյլ վարուք. օրոյ գէմն ջա-  
նալով Ս. Յուսիկ՝ պապահայր Սահակայ՝ զոհ  
եղաւ. Տիրանայ յաջորդն Արշակ՝ չարագոյն քան  
զհայրն, վեհագոյն քան զՅուսիկ քահանայապետ  
ունեցաւ՝ անոր թողը, զՍ. Ներսէս, որ ժրու-  
թեամբ ջանաց այնպիսի մոլի անձին իշխանութե  
ատեն՝ Թէ զաշխարհքն Թէ զեկեղեցին շէն պա-  
հել. նոյնպէս անկէ այլ մոլի որդւոյն ատեն, Պա-  
պայ, որոյ անօրէնութեանն ինքն այլ զոհ եղաւ:  
Իրմէ վերջ 16 ասուոյ չափ Հայաստանի քաղա-  
քական շփոթութեանց միջոց, Պապայ, Վարազ-  
դատայ, Արշակայ և Վաղարշակայ և Խոսրովու  
Թագաւորութեանց ատեն՝ չորս կաթուղիկողք  
նստան օտար ցեղէ. ասոնց վերջնոյն ատեն Խոս-  
րով Գ. յաջողեցաւ ազգին յերկու բաժնուած նա-  
խարարները միաբանելով՝ հանդարտեցընել զՀա-  
յաստան. և յամին 389 նստուց յաթող մեծին  
Ներսիսի՝ անոր արժանաժառանգ օրգին, զմեծն  
Իսահակ, որ այն ատեն իր հօրը վախճանած տա-  
րիքն ըլլալով և անոր ձրիւքն և շնորհք զարդա-  
րեալ և յաւելեալ, կերպով մ'այլ անոր քահա-  
նայապետութիւնը նորոգեց և յառաջ վարից ամ-  
բողջ կէս գար: Խոսրով քան զայս մեծ շնորհք  
չէր կրնար ընել իր ազգին. և այնքան մեծ եղաւ  
և գովելի շնորհքն, որչափ որ անով իր անձնական  
շահուն միշտ բերաւ. վասն զի այնպիսի կաթու-  
ղիկոս մը իր աթողոյն հեղինակութենէն զատ,

Թագաւորաց ազգական այլ ըլլալով՝ ազգին վրայ մեծ ազդեցութիւն պիտի ունենար. այս բանս վախ բերաւ Պարսից Թագաւորին. և որովհետեւ Խոսրով առանց իրեն իմացընելու՝ այնպիսի նշանաւոր անձ մը Հայոց սրբազան գահուն վրայ բարձրացուցեր էր, Պարսիկն զերկուքն այլ պարտաւոր սեպեց. և զի Խոսրով ուրիշ ինքնագլուխ գործեր այլ կ'ընէր, և ինչուան անկէ գլուխ քաշելու և Յունաց հնազանդելու կու սպառնար, խաւրեց իր Արաաշիր որդին՝ որ զԽոսրով վերցընէ՝ ի Թագաւորութենէ, զՍ. Սահակ այլ ՚ի հայրապետութենէ: Խոսրով խաբուելով և ստիպուելով՝ Արաաշրի ձեռքն ընկաւ. և տեղը դրուեցաւ իր եղբայրն Վառճապուհ (390). որ քան զեղբայրն զգուշաւոր և վախկոտ գտուելով՝ ինքնագլուխ բան չէր ընէր. անոր համար չհաւանեցաւ Ս. Սահակայ խնդրոյն այլ, որ գտները (Սահականոյշ) ազաւանօք՝ խնդրէր էր իր փեսայն Համադասպ Մամիկոնեանը սպարապետ գնել Հայոց, փոխանակ նոր վախճանածին (Սահակայ ասպետի): Այս բանս երկրորդ պատճառ մ'եղաւ Ս. Սահակայ՝ անձամբ երթալու առ Թագաւորն Պարսից և միտքը շինելու: Գնաց ՚ի Տիգրոն, տեսաւ արքայից արքայն, հաճելի և պատկառելի եղաւ անոր. խնդիրքները ընդունեցաւ, զՀամադասպ ոչ միայն սպարապետ կարգեց, այլ և Հայոց նախարարաց մէջ բարձրացուց պատուով ինչուան ՚ի հինգերորդ գահն. ուրիշ յանցաւոր սեպուած նախարարաց այլ ներուժն առաւ, և անոնց պատուոյ կարգերը նորոգելով՝ դարձաւ առ Վառճապուհ, և ասոր ձեռքով այլ հաստատել տալով Հայոց Գահնամակ<sup>1</sup>, իր սուրբ հօրը նման նո-

1 Որ է ցուցակ կամ կարգ պատուոյ իշխանաց և աւագաց, թէ որն առաջ որն ետեւ պիտի կենան կամ նստին Թագաւորական կամ ազգային հանդիսից մէջ:

րէն նորոգիչ եղաւ քաղաքական դասակարգութեանց. և ևս առաւել աշխարհքին խաղաղութեան և շինութեան: Բայց քաղաքական խնամքը թողնուի առ խոհեմ թագաւորն Վռամշապուհ, ինքն սկսաւ մեծ հոգով և ջանքով իրեն վայլածը հաստատել և աճեցնել, եկեղեցական բարեկարգութիւնքը, որ շատ տարիներէ վեր խանդարեր էին շատ տեղ, և անարժան սովորութիւնք տիրեր էին: Ուղղութեան համար բաւական գիտութիւն և հմտութիւն, կամք և ոյժ ունէր. բայց ուղղութիւնը հաստատուն և մնայուն ընելու համար՝ կարեւոր հնարք մ'այլ կար՝ որ կու պակսէր իր հօրը, և Յուսկան և Լուսաւորչի անգամ. այսինքն է ազգային լեզուի դպրութիւնն, որ 'ի վաղուց խափանեալ էր, բնիկ հայերէն գիրն խափանուելուն համար. և անով՝ օտար լեզուներ (յոյն, ասորի և պարսիկ) սովորիլ ստիպէին թէ աշխարհականք և թէ եկեղեցականք, իրենց արտաքին և սուրբ պաշտամանց մէջ վարելու. և ամենքն այլ հաւասար լեզուաց յաջողութիւն չունենալով՝ 'ի հարկէ կրթութեան և կրօնից մեծ պակասութիւն կ'ըլլար: Պէտք էր հայերէն գիր հնարել: Այս հնարքը Աստուած մեր քահանայապետին մովսիսանման գաւազանին չտուաւ, այլ իրեն ահարոնանման աջակցին, Ս. Մեսրոպայ:

Դ

Այս անձը գու լաւ կու ճանաչես, Հայկակ, որ յամենայնի լծակից և գործակից եղաւ մեծին Սահակայ, գրեթէ և կենակից. (անկէ հինգ ամիս ետեւ յաշխարհքէ ելաւ և անկէ այլ քիչ մը առաջ յաշխարհ եկած կ'երևի). նախ Ս. Ներսիսի փոքրաւոր էր, և անոր վսեմական մահուն առնէն ըսածները մտիկ ընելով՝ աւանդեց յետնոց.

յետոյ Հայոց Թագաւորին արքունիքը մտաւ քարտուղարութեամբ, լաւ Թարգմանիչ և գրիչ ըլլալով. քանի մը տարիէն՝ արքունիքը Թողուց, առանձնացաւ յաստուածխահումութիւն և 'ի Ճըգնումութիւն. և հոգին ու միտքը աստուածային շընորհօք լուսաւորելով, ելաւ (յամին 396) քարոզելու և վարդապետելու զանազան կողմեր, առաւել 'ի Սիւնիս: Այս վարդապետութեան տեսն աւելի քան զաւելի ճանչցաւ աղգային դրոց և գպրութեան հարկաւորութիւնը. որոյ համար եկաւ խորհրդակցելու ընդ սրբոյն Սահակայ, և աեսաւ որ արգէն կաթողիկոսն այլ նոյն մտածութեամբ եպիսկոպոսաց Ժողովոյ մէջ է (403). բայց ուրիշ եկեղեցական հոգեր զբան առած ըլլալով՝ յանձնեց Մեսրոպայ մասնաւոր խնամքով այս բանիս ետեէն ըլլալ. և ինքն տնձաւոր առ Թագաւորն երթալով զնա այլ յորդորեց յայս ջանս: Բարեսէր Թագաւորն այլ եթէ գանձով և եթէ քաղաքական ծանօթութեամբ օգնութիւն ըրաւ, մանաւանդ որ ինքն այլ պէտք ունէր լաւ քարտուղարաց, և Ս. Մեսրոպայ յարքունեաց երթալէն ետե՝ յարմար մը չէր գտած: — Զերկրնցընենք այս պատմութիւնս. Ասորի Դանիէլ եպիսկոպոսի մը քով հին հայերէն գրեր կային, անոր խաւրեց զՍ. Մեսրոպայ (404), որ առաւ բերաւ 'ի Հայս, և երկու տարի աշխատելով, գպրոցաց մէջ սովորեցնելու տղայոց, ճանչցաւ որ անբաւական են ոյն Դանիէլեան նշանագիրքն. և յետ ուրիշ շատ հնարից և ուղևորութեանց, ինչուան 'ի Սամոս<sup>1</sup> երթալով՝ հոն աւելի աղօթքով և Աս-

<sup>1</sup> Մեր գրերուն գանձած տեղն հետաքննութեան արժանի է. ոմանք Սամոսի տեղ Սամոստիա պոխինքն Շամուշատ քաղաքը կարծեցին. ոմանք այլ 'ի Բալու եղած է կ'ըսեն այս գիւտս. սուրոյն 'ի նախնեաց վկայի Սամոս

առածոյ յայնուլթեամբ՝ քան մարդկային հաս-  
րիւք՝ գտաւ և յարմարցուց իր և մեր փոփազե-  
լին (յամի 406) . և ճարտար յոյն գրչի մը ձեռք  
մտցընելով 'ի ձև, (որ մերովչեան քառու կամ էր-  
կախագիւր կ'ըսուին հիմա), իբր փորձի համար ձեռք  
զարկաւ թարգմանելու և գրելու հայերէն Սո-  
ղոմոնի Առակաց գիրքը: Այս եղաւ սկիզբն թարգ-  
մանուլթեան Ս. Գրոց, հեռու և անծանօթ կըլ-  
զւոյ մը մէջ, այն տարին՝ յորում Պաղեստինոյ  
առանձնուլթեան մէջ Ս. Հերոնիմոս դագրեցուց  
իր գրիչը՝ սուրբ գրոց լատիներէն (վուլկադա)  
թարգմանուլթենէն: . . . Հոս քեզի թողում ազ-  
գիգ և նախնեացդ արդար և համաշխարհական  
խնդուլթեան և հանգիսից մասնակից ըլլալ. կ'ու-  
զես Ս. Մենրովայ հետ փուլթա 'ի հայերէնիքդ,  
իբրև 'ի Սինա լեռնէն իջնելով աստուածագիծ  
պատգամներով. կ'ուզես թագաւորին և կաթու-  
ղիկոսին և բոլոր մեծաց և փոքունց հետ անոր  
դիմացն ելիր, օրհնել, համբուրել և ընդունել  
այն անտես մտացդ հետ խօսող և լուսաւորող  
գծիկները. և մի առ մի նկատէ, տես գպրոցաց  
կանգնումը, աշակերտաց ժողովումը, փոյթ և  
ջանքն, իբրև երկայն ծովաջանուլթենէ ետև պա-  
հոց պնակները կոտրող և զատիկ ընողք՝ յոյն և  
ասորի պնակիսները թողլով՝ հայերէն պրուբները  
գրող ու սովորող մեծ ու պզտիկները. անոնց մէ-  
ջէն՝ Սողոմոնի 60 զօրաւորաց պէս՝ բոլոր աշ-  
խարհքէն ջոկած 60 ամենընտիր աշակերտքը, որք

կըզին, (Սուսամատասը). Ս. Մենրովայ՝ Պերուլթէն կամ  
Սիդոնէն կամ մօտ նաւահանգստէ մը նաւելով՝ բոլոր  
Փ. Ասիոյ հարաւային եզերքը պատած է ընդ Միջերկրա-  
կան ծով, և արեւմտեան կողմը կըզեաց մէջ մօտեր է 'ի Սա-  
մոս, որ և արժանի է մեր դպրուլթեան կամ Ս. Մենրով-  
այ ուխտատեղեաց մէկն ըլլալու:

խորհ ուշիմագոյնք, փափկաձայնք, երկարողիք,  
կու զրկուին յԱղէքսանդրիա, յԱթէնս, 'ի Կոս-  
տանդնուպօլիս, յԱդեսիս, և յայլ ուսմամբ ա-  
նուանի քաղաքս, լաւ սովբերու յոյն և ասորի  
լեզու, և Թարգմանելու սուրբ և պիտանի գրքեր։  
Այս գիւտս և յեղափոխութիւնս այսպէս եր-  
գէ հին դանձասաց մը, (Գէորգ)։

« Ո՛վ անվէհեր փութոյն պնդութեան՝ 'ի գիւտ  
» հանձարոյ սրբոց Թարգմանչացն. խորհին ստեղ-  
» ծանել տառս գծագրաց, նշանակ խօսից հայկա-  
» կան լեզուիս. որով վաղ անցեալքն յիշատա-  
» կին, և մեկնեալքն՝ գէմ՝ յանդիման խօսին։ Յայս  
» հոգ զարթուցեալ զբանչելին Սահակ, զարմն  
» վեցերորդ սրբոյն Քրիստորի. զսոյն առ նովաւ և  
» զոյգ ընդ նմին աստուածաբանակ հայրն սուրբ  
» Մեսրոպ. որ և զըզձալի պարգևս տառիցն ըն-  
» կալաւ յԱստուծոյ 'ի մեծ գթութեանցն։ —  
» Լէր Քրիստոս, պահպանիչ աշակերտացս եր-  
» ջանիկ սրբոց Թարգմանչացն, ազաչեմք »։...

« Գրաւորական տառից աւլըրմամբ մեծապէս  
» խընկայր տէրն սուրբ Սահակ. խիոյն ձեռնար-  
» կէր 'ի Թարգմանութիւն մարգարէականն տա-  
» տուած խօսութեանց. ժողովեալ մանկունս 'ի  
» վարժ գպրութեան, աճեցուցանէր զուսումն  
» իմաստից, ջամբելով զկաթն նշանագրացն՝ առ-  
» նէր վարդապետս և պատմաբանողս, զի յա-  
» ջորգք հարանցն վարդապետաց՝ լիցին աշա-  
» կերպքն պայծառագոյնք։ Լէր Քրիստոս, ևն »։

« Եւ ևս 'ի զօրագոյն զօրութիւն գնալով գրա-  
»ւորականին վարժից կրթութիւն, պարզ գրա-  
» գիտութիւնն զարգանալով 'ի քերթողականն  
» արուեստ յառաջելւ. որոց առաջին մեզ հայր  
» քերթողաց պայծառն Մովսէս այն Խորենացին,  
» նախնին աշակերտ սրբոյն Մեսրոպայ 'ի քերս  
» բայից հօր քան զնա. համազօր նմին՝ Յովսէփ



» Պապնացի. նորուն վարժակից Եղեակ Կողբա-  
 » ցի. Անյազմն Դաւիթ և սուրբն Կորիւն, և միա-  
 » համուռ դաս քերականացն. որք աստուածե-  
 » ղէն վարդապետութեամբ փարթամացուցին ըզ-  
 » Հայաստանեայս: Լէր Քրիստոս, պահապանիչ  
 » աշակերտացս երջանիկ սրբոց Թարգմանչացն »:

Ե

Պարագլուխ Թարգմանչաց և մասենագրաց  
 ինքնին Ս. Սահակ՝ քահանայապետի արժանա-  
 ւոր կարգերը հոգալով, յառաջ քան զայլս Զե-  
 նադրո-թեան կարգը գրեց. ինչուան իր ատեն գոր-  
 ծածուած Ս. Լուսաւորչի յունարէնէն առածը  
 փոխելով և ընդարձակելով. և յամին 410 նաւա-  
 սարդի ասներուն, սարւոյն սկիզբը հրատարա-  
 կեց զայն հանդիսապէս. գուցէ ձեռնագրելով  
 բազմութիւն եկեղեցւոյ ապաստաւորաց, քահա-  
 նայից, և Թերևս եպիսկոպոսաց այլ: Նոյն կամ՝  
 յաջորդ տարին՝ Թագաւորէն և բոլոր եպիսկո-  
 պոսաց ուխտէն խնդրուելով՝ յանձն առաւ գլուխ  
 կենալու Աթոռածաշունչ գրոց Թարգմանութեա-  
 նը. և ընդ Ս. Մեսրովպայ՝ բոլոր եկեղեցական  
 պաշտամանց և ծիսից, այսինքն Մալոյ ըսուած  
 գրոց, մասն մի Թարգմանելով՝ ի զանազան հարց,  
 և մասն մի նոր շարագրելով, և մասամբ Ս. Լու-  
 սաւորչի գրուածները փոխելով՝ ի հայ: Ընդհա-  
 նուր Թարգմանութեանց սկիզբն սեպտեմբ 411-2  
 տարին, և վերջն 426. այս 14 տարուան միջոց  
 Մալոյ, և Աստուածաշունչ գիրք հայերէն գրուե-  
 ցան և կանոնեցան, հաւանօրէն՝ գրագրութեամբ  
 քաջին Մովսիսի Խորենացւոյ որ Ս. Մեսրովպայ  
 քեռորդին էր, և Ս. Սահակայ Գրիշն<sup>1</sup>: Թարգ-

<sup>1</sup> Ս. Սահակայ գրագիրն կամ գպրապետն կ'անուանի  
 Մովսիս Բարեթանիչ, երբեմն Կիւրիւնայի երբեմն Խորիւնայի:

մանութեան երկրորդ տարին Ս. Սահակ յեջմիածին ըլլալով, (ուր և կ'երեւի թէ այն տառն նորագեց Ս. Հովսիսիմեայ լուսաւորչալէն մատուռը, և այն հրաշագեղ կուսին տապանին վրայ դրաւ իր հայրապետական կնիքն այլ Լուսաւորչի կընքոյն քով), հոն հրատարակեց ննջեցեաց Աշխարհափառի կարգը. իսկ Քահանայափառը և Հոգեհանգիստը՝ զոր Ղազարիկ թարգմանիչն բերած էր՝ (Ս. Եփրեմայ շինածը ասորերէն 'ի հայ փոփսելով և աւելցրնելով), հրատարակեց տառն տարի ետեւ։ Ուրիշ կանոններէն միայն Սէրֆօրհնէայ թուականն յայտնի է, յամին 423-4 հրատարակուած մատուցեալքն այլ այս միջոցիս ոմանք 'ի Ս. Սահակայ և շատն այլ 'ի Ս. Մեսրովպայ կարգաւորեցան, անոր համար իր մականուամբն Մալտոյ ըսուեցաւ գիրքն, կամ թէ ինքն Մալտոյ<sup>1</sup> ըսուեցաւ գրոց պատճառաւ, որ կ'ըսուի ևս Օրհնափիանաբէր։ Մեր Տօնացոյցն այլ ըստ հայ և հոռոմ ամսոց ինքն Ս. Սահակ նախ կարգաւորեց, և ինչուան հիմա գտուի իր դրածն այլ, յետոյ փոփոխածներէն զատ։ Թարգմանութեանց գլուխ դործոց եզաւ նախայիշեալ Աստուածաշունչ գիրքն, որ և ոտքը Սահակայ անթիւ յիշատակաց և պարծանաց պարծանքն է հիմա մեր մէջ. զոր նախ 'ի Հայաստան գտուած ասորերէնէն թարգմանեց, վերջը յունարէն Եօթանասնից թարգմանութենէն սրբագրեց, կամ նորէն թարգմանեց. և այլ վերջը՝ Եփեսոսի ժողովէն ետեւ՝ երբ թարգմանիչք բերին աւելի ընտիր և ստոյգ Եօթանասնից օրինակ մը, անոր համեմատեց՝ և փոփոխեց առաջին

<sup>1</sup> Մալտոյ անուամբ կաթողիկոս մ'այլ ունիմք, թ դարուն վերջերը. զոս այլ ոմանք կարգադիր սեպեն պգ գրոց. և անոր համար հին մալտոցաց ետեւն գտուի պգ կաթողիկոսին վարքն։

Թարգմանածը <sup>1</sup>։ և վերջապէս վերջին ձեռք դնելու և ըստ կարելոյն կատարելագործելու համար, պշակերաններէն քաջագոյնները (յորս Մովսէս Խորենացի, Դաւիթ, Նղիշէ, և այլք), խաւրեց Սղեքսանդրիա, որպէս զի տիրաբար հմտանան յոյն լեզուին, և ամենեին անտարակոյս և հաւատարիմ ըլլայ Թարգմանութիւնն։ Բայց աշակերտաց անյագ ուսումնասիրութիւնն և ընթերցմունքն զիրենք ուշացուցին Սղեքսանդրիոյ հարուստ գրատանց, և Ս. Կիւրղի վարդապետարանին մէջ։ և երբ դարձան 'ի Հայս՝ զիրենք զրհոյ մեծ վարդապետքն վախճանած էին։

Ս. Սահակայ հեղինակօրէն շարագրածոց մէջ՝ մաշտոցի քանի մը կանոններէն զառ, գլխաւորքն են Ասֆ շաբաթա շաբաթի (բաց 'ի քանի մը օրհնութիւններէ), սկսեալ 'ի Ղազարու յարութեան ազնիւ վսեմ երգոյն, «Այսօր գոլով 'ի Բեթանիա՝» քո ամենազօր հրամանաւդ ձայնեցեր Ղազարու, և դողացաւ մահ։ դժոխք պարտեցաւ, անպականութիւն լուծաւ։ կենդանարար Քրիստոս, կեցո զմեզ»։ մինչև 'ի վսեմախաղաղ յետին նուազն Քրիստոսի թաղման։ «Որ արարիչդ» ես արարածոց, հանգուցեալդ 'ի քերովբէս, «վիմով կնքեցար յերկրի»։ Այս հեզասլաց խորամուխ լեզուին և քանից՝ յորմարցուց երաժշտական եղանակներն այլ։ վասն զի այս զմայելի արուեստին այլ քաջահմուտ էր։ Ժամագրոյ ալօթից այլ մէկ մասին հեղինակն է Ս. Սահակ, մընացելոց՝ իր աշակերտքն և յաջորդքն Գիւտ և Յոհան, և այլք յետոյ։ Պապաբաժնաբոյոյ մ'այլ ունի հիմակուան գործածուածէն աւելի ճոխստան և ճշգրան։ Ասոնք թէ իր մատենագրական հան-

<sup>1</sup> Տես վասն Թարգմանութեան Ս. Գրոց 'ի Բաղմավէս 1830, երես 212, և 1831, երես 230։

Ճարոյն աներկբայ հաւաստիք են, և թէ իր եկեղեցական կարգաց և հոգեւորութեան խնամոցն որոց համար՝ (բաց յայսպիսի պաշտամանց կամ սրբազան գրոց) շատ անգամ ժողովներ ըրաւ եւ պիտկոպոսաց, և արժանաւոր քահանայապետութեան կանոններ, խրատներ, կոնդակներ հրատարակեց. յորոց մեան հիմա վեց կամ եօթն խոհական և յստակախօս բանք. Ա. առ Սպիսկոպոսունա, Բ. առ Քորեպիսկոպոսունա, Գ. առ Փահանայա և Վանականս. Դ. վառն եկեղեցւոյ և վանաց, և արից կամ նուիրաց ժողովրդեան 'ի վանս. Ե. վառն տնտեսութեան եպիսկոպոսաց եկեղեցական նուիրաց. Զ. դարձեալ վառն նուիրաց եկեղեցւոյ, թէ որպէս բաժնելու է եկեղեցւոյ սպասաւորաց: Այս խրատներս Ս. Գրիգորի գրած կանոններէն առնելով ընդարձակած է, ինչպէս ինքնին կու վկայէ, և իր կաթուղիկոսութեաւ առաջին տարիներն հրատարակեց յունարէն, և յետ գիւտի գրոյն՝ հայերէն. անոնց հետ ուրիշ կարճ կանոններ այլ, որ յանուն Ս. Լուսաւորչին պահուին ցարդ 'ի կանոնագիրս մեր: Ս. Սահակայ ամենայն գրուածոց լեզուն զբանչելի յատակութիւն, մաքրութիւն և ողորկութիւն մ'ունի հանդերձ վսեմութեամբ, զոր իր հոգեկիր և արիւնատառանգ Ս. Շնորհալիքն զատ՝ թերեւս ուրիշ մը չկրցաւ ստանալ նոյն աստիճանի:

Այս աստուածատուր և ամենահարկաւոր եկեղեցական և ուսումնական շնորհքները պարաստելէն ետեւ, իր բոլոր ազգին և վիճակին մէջ ծաւալելու այլ ջանաց մեծն իսահակ. Պարսից բաժնին մէջ անաշխատ ընդունելի ըրաւ, բայց Յունաց բաժնին մէջ գծուարութիւն կրեց: Երկու տերութեանց մէջ կառույ պատճառ չըլլալու համար, քիչ մ'այլ իրարատեցութեամբ՝ յունարաժինք խորշին 'ի Պարսկահայոց. մինչև ոչ

հայերէն գալուածիւնը ընդունեցան, և ոչ Ս. Սահակայ օրհնութիւնը. այլ 'ի Կեսարիոյ արքեպիսկոպոսէն կ'առնուին ձեռնագրութիւնն այլ Ս. Սահակ փորձ մը փորձելէն ետե՛ առ ժամանակ մը լռեց. մանաւանդ որ այն տարիներն Կոստանդնուպօլսոյ աթոռոյն յաջորդութեան մէջ այլ չփոթութիւն կար. մինչև որ շատ տարիէ ետե (420) ստիպուելով Յունաց բաժինը երթալ, և նորէն հոն իրեն արժանի պատիւ չգտնելով, թուղթ գրեց առ կայսրն Խէոդոս Փոքր և առ հայրապետն Ատաիկոս, նուիրակ խաւրելով իր փոխանորդը, զՍ. Մեսրովպ, և իր թողը՝ Վարդան. կայսրն և հայրապետն նախ մեղադրեցին Ս. Սահակայ՝ աւելի Պարսից և Ասորւոց կողմ կե. նալը, և հայերէն գրոց գիւտին համար Ս. Ոսկերեւոնին խորհուրդ չհարցնելն. (չիշեցին՝ որ այն ատեն իրենք զՈսկերեւոն կու հալածէին 'ի սառամանիս հիւսիսային Փոքր Ասիոյ). վերջապէս հաւանեցան որ Ս. Սահակ հովուէ յունաբաժին Հայերն այլ, և հոն այլ գպրոցներ բացուին հայերէն գալուածեան. Ս. Մեսրովպայ այլ յունական վարդապետութեան աշտիճան և պատիւ տալով յետ դարձուցին: Այսպէս զբոլոր Հայաստան աշակերտեցին Սահակ և Մեսրովպ. և խնամքնին տարածեցին անկէ դուրս այլ իրենց գրակից և մասամբ թեմակից ազգաց վրայ, Վրաց և Աղուանից, որոց լեզուին գրերն այլ հնարեց Ս. Մեսրովպ, և սուրբ գրքերը թարգմանել տալ սկսաւ:

Յունաց բաժնին մէջ եղած ատեն՝ Ս. Սահակ իմացաւ որ հոն իր վիճակելոց մէջ չար և այլանդակ աղանդ մը կայ, զոր Բոբիլիոն կ'անուանեն պատմիչք մեր, և ոչ այնքան մտաց չարապիտութիւն, որքան բարուց անբարութիւն կու ցուցընեն. խստիւ ետեւէ ընկաւ այս աղանդութիւնը վերցընելու. և երբ հարկ եղաւ իրեն նորէն գառ.

նալ 'ի Պարսից բաժինն (421), յանձնեց սուրբ Մեսրոպայ՝ որ անաչառ քննէ դատէ, և անհաւանները պատժէ, անուղղաները՝ ճակատնին խաւանով այլ նշանելով՝ հալածէ։ Այս բանս թէ այն աղանգին սաստիկ ազանգութիւնը կուցուցրնէ և թէ Ս. Սահակայ արիութիւնն. որ յայլն քաղցր և հեզ, զիջող և համբերող, ուր որ Աստուծոյ իրաւանց վեճժինդրութիւնն յանձնած էր իրեն՝ հոն արգար և անաչառ էր. զնոյն արթնութիւն ցրցուց յետոյ նետաորականաց և ուրիշ աղանգաւորաց գէմ. զնոյն՝ իր կանոնական գրոց մէջ այլ կու սպառնար. և զնոյն խրատ գրէր շատ տարի ետեւ առ Ս. Պրոկզ՝ աշակերտ և թողաժառանգ Ոսկերերանի, արամախառն յիշատակաւ իր ազգին վիճակին, որ անտէր ըլլալով այն ատեն՝ կու դժուարացրնէր կաթողիկոսութեան տիրաբար իշխանութիւնն այլ. իսկ դուք կ'ըսէր « թագաւորա ունիք՝ որ զհօգ Աստուծոյ » յանձին բարձեալ բերեն, և... կարող են ըզ  
 » փուշն 'ի միջոյ սրբել. (վասն այնորիկ) քարա և  
 » պատշաճ է ձեզ որ 'ի մեծամեծ իշխանութիւնդ  
 » վայելէք՝ նախանձել զնախանձն Աստուծոյ և 'ի  
 » գլուխ վարել զայնպիսի նախանձու վրիժուց  
 » հատուցմունս, և ոգւով և մարմնով ջանալ՝ զի  
 » բարձցին 'ի միջոյ եկեղեցւոյ Գրիստոսի՝ անուաձ  
 » նարկ անօրէն ամբարշտութեան գայթակղու  
 » թիւնք »։ Այս թուղթս սուրբ հայրապետն մեր մահուընէն քիչ տարի առաջ գրած է, երբ ինքն կաթողիկոսի քաղաքական կամ իշխանական տիրութենէն հրաժարած՝ միայն աստուածային տիրական իշխանութիւնը անհրաժեշտ կու վարէր, անդադար վարդապետութեամբ և հովուութիւն։ Այս ցաւալի և սիրալի գէպքը պէտք է յիշեմք, Ս. Սահակայ քաղաքագիտութիւնը և քաջ ազատիրութիւնն այլ լաւ ճանաչելու համար։

## Զ

Գրեթէ գրոց Թարգմանութեան սկիզբն և քահանայօրհնէքի հրատարակման տարին (412) վախճանեցաւ բարեացապարտ Թագաւորն մեր Վռամ շապուհ, որ Տրդատայ մահւոնէն ետև՝ կէս դարու մէջ եղած չըլլալու չարիքն և շփոթքը՝ մոռցուցեր էր իր շէտարի խաղաղ և խոհեմ կառավարութեամբն. իր մահն նորոգեց հին վէրքերը, որք՝ աւանդ, անբժշկելի մնացին: Վռամշապուհ՝ իրեն ժառանգ տասը տարեկան տղեկ մը Թողուց, Արտաշէս անուամբ. աշխարհը մէկէն վերվար չըլլալու համար՝ փութացաւ զգաստ հովուապետն Ս. Սահակ, (որ և յետ Թագաւորին ազգապետ ճանաչուէր), գնաց առ Յազկերտ Ա, և կերպով մը իր պատճառաւ զրկուած Հայոց առաջին Թագաւորին փոխարէն ընելով, խնդրեց որ նորէն Թագաւորեցընէ Վռամշապուհոյ եղբայրը, Խոսրովը, որ Անյուշ բերդին մէջ արգելուած և ծերացած՝ մահուոնէ զատ ազատութեան յոյս, և Թերեւս փափագ այլ չուէր: Ս. Սահակայ շնորհքն միայն կրցաւ Պարսից անփոփոխելի օրէնքը փոխել, և ինչուան՝ ի մահ և ի բանտ դատապարտեալը՝ հանել ի բանտէ, և հաւանեցընել զնայլ՝ նորէն իր երիտասարդ գլխին կրած Թագը՝ գնելու հիմա կորացեալ և ալեւորեալ գլխին վրայ. որ և տարիէ մը աւելի չկրցաւ վերցընել զայն. սուկայն գոնէ փառք մեռաւ, և Ս. Սահակայ օրհնութեամբը իջաւ քնանալու իր ազգակից Թագաւորաց հետ հասարակաց քունը: Ս. Սահակայ փափագն կատարեցաւ անոր Թագաւորութեամբն, այլ կիսկատար մնաց՝ կարճ Թագաւորութեամբն. յետ որոյ քանի մը տարի պարսպ մնաց աթոռն, Արտաշէսի տղայութեանն համար.

և թէպէտ հասաւ նա յարբունս, բայց Յաղկերս  
 իր որդին Շապուհը թագաւորեցուց Հայոց. որ  
 և յետ չորս տարի անարգանօք թագաւորութե՝  
 հօրը հիւանդութիւնը լսելով փութացաւ 'ի Պա-  
 րուկաստան անոր յաջորդելու. բայց մէկտեղ 'ի  
 դերեզման մասաւ, իրեններէն սպաննուելով. և  
 թագաւորեց Պարսից Վաւմ' Բ: Սա մէկէն Յու-  
 նաց Վէմ' պատերազմ' բացաւ ( 420 ), մեր աշ-  
 խարհքն այլ նորէն ոտնակոխ եղաւ. և ահա այս  
 շփոթութեանս համար էր որ Ս. Սահակ անցաւ  
 'ի բաժին Յունաց. և որովհետեւ Շապհոյ թագա-  
 ւորութեան տանն մեռեր էր իր փեսայն Համա-  
 զասպ Մամիկոնեան՝ սպարապետն Հայոց, անոր  
 որդին և իր թուը՝ Վարդանը՝ զրկեց ընդ Ս. Մեա-  
 րովպայ առ կայսրն Թէոդոս, և սրբաբէլափ պա-  
 տուանուամբ հօրը տեղ իշխանութեան հասուց:  
 Անոր հետ Թէոդոս կայսր պատուէր զրկեց առ  
 Անատոլ՝ իր արևելից կողմնակալ զօրավարն, որ  
 յապահովութիւն յունաբաժին Հայոց ամուր  
 քաղաք մը շինէ, և շինեցաւ Վարնոյ քաղաքն (422):  
 Այսպէս Յունաց կայսրն և անոր իշխանութեան  
 տակ եղած արևմտեան Հայաստանը շահելով և  
 յանձնելով 'ի վարդապետութիւն Ս. Մեսրով-  
 պայ, Ս. Սահակ ճարտար քաղաքագիտութեամբ՝  
 արևելեանն այլ չթողուց Պարսից թագաւորին  
 վրէժխնդրութեանը. այլ զսպանն Սահակ և  
 ( յետոյ ) զթոռն իւր Վարդան ( երբ դարձաւ սա  
 'ի Յունաց ) զրկեց 'ի գուռն թագաւորին՝ հաշ-  
 տութիւն խնդրելու. որովհետեւ Շապհոյ երթա-  
 րէն ետև՝ Հայք գլուխ քաշեր և վռնտեր էին ըզ-  
 Պարսիկ պաշտօնեայս. ասոնց պատգամաւորու-  
 թիւնը բաւական չըլլալով, ( ըստ ոմանց )<sup>1</sup> ինքնին

<sup>1</sup> Ի պատմաց ոմանք զՎարդան միայն յիշեն զրկուած  
 առ թագաւորն Պարսից. ոմանք զնա և զՍահակ սպանտ.  
 ոմանք այլ զեղբարս Վարդանայ ընդ Ս. Սահակայ:



Ս. Սահակ՝ երբ արևմտեան Հայոց եկեղեցական բաները կարգի գրաւ, երկու փոքր թոռներուն հետ (Համազասպայ և Հմայեկայ) գնաց՝ ի դուռն Վառմայ (422), և իր բնաձիր և աստուածատուր շնորհօքն՝ ոչ միայն թափեց թագաւորին զէնքերը, այլ և Վառմայահայ որդին Արտաշէսը թագաւորեցընել տուաւ և բերաւ կանգնեց իր հօրը աթոռը: Երկու տէրութեանց մէջ և այնպիսի վտանգաւոր և խառնակ ժամանակ մը՝ այսպիսի խորագէտ և անխարդախ խաղ մը խաղալ և յաջողել՝ միայն սուրբն Սահակ կարող էր<sup>1</sup>: Ո՛րքան անոր երախաագէտ և անձնատուր պէտք էր ըլլալ Հայաստան՝ իր թագաւորաւն և իշխանօքն և ամենայն ուխտիւ եկեղեցւոյն և ռամկաց: Լուսաւորչէ սկսեալ իր յաջորդ հայրապետքն՝ շատ հեղ այսպիսի բարիք և տիրութիւն ըրին իրենց որդիացեալ ազգին, բայց այն օրհնեալ և օրհնելի ազգին որդիքն՝ շատ պակաս և պարտական գրտուեցան առ բարերարան: Այսպէս այլ հիմա, նախ թագաւորն՝ անարժան որդի զգօն Վառմայահայ, Պապայ և Արշակայ ճամբաները երթալով՝ զղուեցուց նախարարները, արհամարհեց անոնց երեսգարձութիւնը, անսաստեց Ս. Սահակայ խրատուցը, միայն իր ծաղկեալ և հուժկու երիտասարդութեանը լսելով:

Նախարարը և իշխանը վեց տարիէ աւելի (423-428) չկրցան համբերել անկէջ իրենց և իրենց կանանց հասած անարգութեանը, և միաբանեցան մերժելու զԱրտաշէս ի ձեռն Վառմայ Պարսից թագաւորի, և անոր գռնէն կողմնակալ կամ հարկաժողով մը գնել տալով՝ իւրաքանչիւր ի.

<sup>1</sup> Երեսնաց հետ հաշուութեան միջնորդ մ'այլ եղաւ Ակակ եպիսկոպոսն Ամգայ, պարսիկ գերիները գնելով և ազատ արձկնելով:

րենց տէրութիւնը և ազատութիւնը խաղաղութեամբ վարելու. առ այս կողմը յորդորէին զՍ. կաթողիկոսն այլ: Թերևս մտածութիւննին բուրավիճակն անիրաւ չէր, իրենց առջի կրածները յիշելով յանկարգ (Թափաւորաց, այլ դեռ շատ հեռու էր յուզիղ և 'ի խոր անսուծենէ. մանաւանդ որ եղածէն աւելի սև կ'ուզէին ցուցնել զԱրտաշէս, և յիրաւի իրմէ սև ու ազտեղի (Թափաւորի մը մտանել իրենց զեզխ՝ բայց քրիստոնեայ (Թափաւորը. ինչպէս որ շատ պայծառ և գեղեցիկ խօսքերով բացատրեց այս բանը Ս. Սահակ, և երկար ջանաց հանգարտեցնելու զնախարարս: Բայց անոնց համբերութիւնն հատեր էր. և չուզելով ետ կենալ իրենց բռնած ճամբէն, չէին այլ կրնար ուրիշ անտեղի և վատ գործ մըն այլ չաւելցնել. այսինքն, իրենց աշխարհական տիրոջ՝ (Թափաւորին հետ՝ գաղթեցնել նաև հոգևոր ափրոջ՝ կաթողիկոսին իշխանութիւնն այլ վասն զի եթէ նա չմիաբանէր հետերնին՝ խօսքերնին առաջ չէր երթար. ապա պէտք էր զնա այլ յանցաւոր ցուցնել Պարսից (Թափաւորին դիմաց: Ահա հոս էր մեծագոյն փոսն, որոյ վըրայէն չկրցան ցատքել, ընկան մէջը, և ձգեցին իրենց անարբը և բոլոր աշխարհքնին: Նշան գնացին Պարսից դուռը. Վռամ յօժարութեամբ լսեց անոնց ամբաստանութեանց և զրպարտութեանց. և քիչ մը վերջը կանչեց 'ի գոռոն զ(Թափաւորն և զկաթողիկոս. (Թափաւորն արդարացուց զինքը. կաթողիկոսն այլ ցուցնելով (Թէ (Թափաւորին անքրիստոնեայ գործքերը՝ իր (Սահակայ) աստեանին մէջ գատելի է և ոչ Պարսից աստեանին մէջ դատապարտելի, անոր իրաւունքը պաշտպանեց. և հոս այլ երևցաւ Ս. Սահակայ մինակ մեծութիւնն՝ բոլոր բազմութեան իշխանաց պզտիկութեանը քով: Արտաշէս իր ներքին խղճովը,

նախարարք իրենց արտաքին խղճովը, Վառժիր անփոյթ խղճովը՝ մթնցած միգամած կորացած էին. միայն Ս. Սահակ սպիտակ և պայծառ սիւնացեալ ամպոյ պէս հոն կու բարձրանար։ Պարսից թագաւորն առանձինն այլ յորդորելով զՍ. հայրապետն, և չկարենալով անոր բերնէն ամբաստանութիւն մը լսել, բաւական սեպեց նախարարաց ըսածը, և յանիրաւի դատապարտեց զԱրտաշէս, զրկելով յաթոռոյ և յազատութենէ. նոյնպէս այլ ըրաւ կաթուղիկոսին. դարձեալ նախարարաց լսելով, որք (ամօթով կ'ըսեմ) ամբաստանեցին զնա իբր Յունաց կուսակից, և փաստ բերին անոր դրած նամակները առ կայսրն և առ Անատոլ, և զՎարդան զրկելն առ նոսա։ Ս. Սահակ այլ արգիլուեցաւ 'ի Պարսս, երեք չորս տարի։ Հայոց թագաւորին տեղ Պարսիկ մարզպան մը զրկուեցաւ 'ի Հայս. իսկ այն սուրբ և մեծ կաթուղիկոսին տեղ ո՛վ. — չարալեզու երէց, չերէց մը, Արծկեցի Սահմա՛ն. որ 'ի վարձ մատնութեան այնպիսի ապոււածարեալ և պատկառելի անձի մը, անոր աթոռը ժառանգեց։ Հայոց քահանայապետ անուանեցաւ, գոնէ կաթուղիկոսի արտաքին իշխանութիւնը բանեցրնելու, որովհետեւ ինքն և ոչ եպիսկոպոս էր։ Յկաւ 'ի Հայս, իր տեւ երեսօք Ս. Սահակայ պայծառութեանը մէջ բիծ երևելու համար. բայց և ոչ տարի մը դիմանալով՝ նոյն իսկ իր գործակից և բանակից նախարարներէն վռնտուեցաւ. որք և ուրիշ կաթուղիկոս մ'ուղեցին 'ի Վառժիր. նա այլ Բրիտէ՛ կամ Բարդիսա՛ անուամբ Ասորի մը խաւրեց, որ եկաւ տանաիկիններով լեցուց Հայոց հայրապետանոցը, զոր Ս. Սահակ իմաստուն վարդապետօք և թարգմանչօք և խարաղնաղգեաց ճգնաւորօք զարդարեւ էր։ Այն ատեն շատ լաւ իմացուեցաւ անոր արժէքը, և ոչ միայն աշխարհին մէջ, այլ և

կայսեր քով և Նիկեոսի 200 հայրապետաց մէջ հարցունեցաւ բնառուեցաւ Հայոց սուրբ հայրապետին վերագաս գահը. հայրասէր Թարգմանիչքն մեր որ հոն գանուեցան՝ ցուցին հեռուէն Տիգրանի բանաւ: Այս անկարծելի յանդիմանութիւնս ՚ի սիւնհոգոսի աշխարհագումար հայրապետաց, արգարե ծանր՝ այլ արժանի էր մեր կարճամիտ կամ կարճատես իշխանաց. որք աչքերնին ազէկ մը շփելով՝ յետ երեք տարւոյ մերժեցին զԲրբէլու այլ. և ոմանք լռեցեայն՝ ոմանք յայանի՝ Ս. Մեսրոպայ և բոլոր եկեղեցւոյ ուխտին հետ մէկտեղ՝ նորէն զՍ. Սահակ խնդրեցին յետ գարձընել. միայն ոմանք Պարսից Թագաւորին կամայը Թողուցին զով որ ուզէ խաւրելու. յունաբաժին Հայք այլ ուրիշ մ'առաջարկեցին. Վռամ Թէ իր ուղածը և Թէ անոնց ուղածը միաբանելու հնարք մը սեպեց՝ Շոսէլ (Սամուէլ) անուամբ ասորի մը խաւրել փոխանակ Բրբէլայ, կաթուղիկոսի արտաքին իշխանութիւնը վարելու. և մարդպանին օգնական ըլլալու. Ս. Սահակն այլ արձակեց, որ Շմուէլի ընտրածները ձեռնագրէ յետփակոպտութիւն, և հոգևորապէս հովուէ իր ժողովուրդը. և այսպէս յերկու բաժնելով կաթուղիկոսութեան իշխանութիւնը, և արտաքին հոգաբարձութիւնը վերցընելով ՚ի Ս. Սահակայ, անոր վիճակեալ ռոճիկն այլ պակեցուց. այսինքն կաթուղիկոսին արուած կալուածքներուն մեծ մասն տուաւ, և քիչ գեղ ու ագարակ Թողուց անոր. արձակելու ատենն այլ երդումն պահանջեց ՚ի Ս. Սահակայ՝ որ հաւատարիմ կենայ իրեն, և չմիտի Յունաց կողմը. ապա Թէ ոչ բոլոր ազգին վրայ չարիք կու հասցընէ: Այն ատեն Ս. Սահակ՝ որ կ'իմանար իր հարկաւորութիւնը ազգին համար, բայց չէր այլ կրնար յանձնառու երևիլ Վռամայ ամեն հրամայածին,

իր արժէքը անգամ մ'այլ ցրցուց. և յոսք կանդ-  
նելով բոլոր արքունի հանդիսին մէջ, երկար ա-  
տենաբանութեամբ մէկիկ մէկիկ յառաջ բերաւ  
իր 40 տարիէ աւելի հաւատարիմ ծառայութիւն  
և երախտիքն առ Իսկոն Պարսից, և 'ի Իրանէն  
անվարձ և աներախտ մնալն, Պարսից սուր խոստ-  
մունքը և խարդախութիւնը, և անիրաւ դատաւ-  
տանները, և իր քրիստոնէայ հաւատոց անհրա-  
ժարելի պարսքը՝ հաւատակցաց հետ (Յունաց  
և այլոց) հաղորդութիւն ընելու: Եւ այնքան տի-  
րաբար ճարտասանութեամբ, այլ հանգարտ և  
վսեմ կերպով խօսեցաւ այն վսեմափայլ ութսնա-  
մեայ ալևորն, մինչև թագաւորն և իշխանքն և  
մոգերն պապանծած իրար կուհայէին, և չկըր-  
ցաւ մէկն պատասխան տալ. այլ յետոյ ինքնին  
թագաւորն հրամեց իր մեծերուն, որ շատ գանձ  
ստակ տան մեր կաթուղիկոսին, այնպէս գեղե-  
ցիկ և անվախ համարձակ խօսելուն համար. որոյ  
համբուն յետոյ մեր աշխարհն այլ հասնելով՝  
այլ աւելի սիրելի ըրաւ իր ծերունի ամենաշնորհ  
հայրապետը: Իսկ ինքն՝ ստակը մերժելով տուող-  
ներուն ազաչեց որ անոր տեղ թագաւորէն խն-  
դրեն՝ ինչ որ ինքն երբեմն յԱրաաշքէ խնդրեր էր.  
այսինքն, նախարարաց իշխանութեան գահնամա-  
կը անփոփոխ հաստատել, և մասնաւորապէս Ար-  
շակունեաց խնամի եղող նախարարաց կալուածք-  
ները յետ դարձնել իրենց: Վստմ հոս այլ յալ-  
թուեցաւ յԻսահակայ. ամեն խնդրածները կա-  
տարեց, և անոր թուը, Ս. Վարդանը՝ հաստա-  
տեց 'ի պատիւ Մամիկոնէից անրութեան և զօ-  
րավորութեան Հայոց: Այսպէս յետ երեք կամ  
չորս տարի արդէլանաց դարձաւ Ս. Սահակ 'ի  
Հայս, և իր հին փառաւոր աթոռը Վաղարշա-  
պոտը թողնով, նկատմամբ անարժան Եմուէլին,  
բայց յանձնելով զայն 'ի հոգաբարձութիւն իր հո-

գեկցին՝ Ս. Մեսրովպայ, ինքն ընտրեց իրեն կայանք՝ Հայոց մկրտարանը, Բագրևանդայ Ս. Յովհաննու ուխտատեղին. և երբեմն այլ անոր մօտ վեճակները պտըտելով, հարազատ հովուի պէս կու ինամէր իր հեռացող և երբեմն մոլորեալ հօտը. և առաջուան պէս անխնայ քարոզէր և վարդապետէր:

## Է

Այս ատեն մխիթարութեամբ ընդունեցաւ սուրբն Սահակ զԱղան՝ Արծրունեաց հոգեսէր իշխանն՝ ի կրօնաւորական կեանս, ինչպէս 40 տարի առաջ այլ խնդրեր էր, բայց Ս. հայրապետն՝ Պարսից Թագաւորէն ակն ածելով՝ չէր յանձն առած այն ատեն: Ս. Սահակայ արգելանաց ատեն Եփեսոսի Ժողովն կատարուեր էր (431). որոյ վեց կանոնները և ոմանց ի Հարց Ժողովոյն առանձին թղթերը առ Ս. Սահակ բերին ի Կոստանդնուպօլիս եղած Թարգմանիչք մեր՝ Ղևոնդ և Կորիւն, Եզնիկ և Յովսէփ, ուրիշ սուրբ հարց գործքերով, և գտան զՍ. Սահակ և զՄեսրովպայ Աշտիշաա Տարօնոյ. զորս ընդունելով Ս. Սահակ՝ Ժողովական ատենաբանութիւն<sup>1</sup> մը ըրաւ իր հաւատարիմ եպիսկոպոսաց առջև, և հաւանութեամբ նոցա և Ս. Մեսրովպայ՝ պատասխան գրեց հայրապետաց. և սկսան նոր բերած գրքերը Թարգմանեւ և սուրբ գրոց Թարգմանութիւնը ուղղագրել: Բայց Եփեսոսի Ժողովին վճիռը չգտորեցուց ի Յոյնս՝ Նեստորի և իր հետևողաց վեճերը, այլ աւելի զայրացաւ և ընդարձակեցաւ:

1 Այս ատենաբանութիւնը կու յիշուի մեր Հարց առաւանդաբանական խնդրոց վկայութեանց մէջ, ի Ճատիս որ Աւսիշտոն իօտեցաւ:

Ուղղափառ և այլափառ իրարու գէմ գրէին, և օտարաց խաւրէին գրածնին, յորոց շառք չկարենալով ընտրել զուղիղն և զծուռն՝ շփոթէին. աւելի շփոթցընողն էր Նեստորի վարժապետին Թէոդորի Մոպսուեստացւոյ գրուածքն, որ Արիոսի և Մակեդոնի և ուրիշ հերձուածոց գէմ<sup>1</sup> գրուած ըլլալով՝ ուղղափառ կ'երևէր, բայց երևոյթին տակ ծածկած էր նեստորական թոյնն. սակայն՝ ի սկզբան շատոնք իբրև ուղիղ ընդունեցան. ինչպէս և Կիւրայ եպիսկոպոսն Թէոդորէտոս իմաստուն պատմիչն. որք՝ ի Հայս այլ խաւրեցին այն գրոց օրինակները, և որպէս երևի՝ ումանք՝ ի մերոցս այլ ընկալան, և բարեկամն Թէոդորեանայ՝ մեր Եւլալ եպիսկոպոսն Մարգալոյ (զոր յետոյ յիշէ Նղիշէ՝ ի Ժողովի Արտաշատու) Թարգմանեց զայն գրեանքն՝ ի հայ: Այս բանիս կասկածելով նախ Ս. Սահակայ մերձաւոր աթոռակիցքն Ակակ Մելտենոյ եպիսկոպոսն, և երանելին Բաբուլաս՝ Նդեսիոյ եպիսկոպոսն, գրով իմաց տուին առ ծերունի հայրապետն մեր. (յամի 434-5). որ և մէկէն քննել տուաւ ու գտաւ. և Թէոդորոսի գրուածոց հետ՝ Բաբուլայի և Սահակայ նամակն այլ խաւրեց առ ծանօթն իւր Ս. Պրոկլ Կոստանդնուպօլսոյ հայրապետն, ձեռամբ Ղևոնդի երիցու և Աբրայ կամ Աբելի, որպէս զինա երկու կողմէն գրուածներն այլ քննէ և իր դատաւտանը իմացընէ: Պրոկլ ուրախութեամբ ընդունելով Ս. Սահակայ ղրկած նուիրակուլ թիւնը, և անոր ծայրազարգ հասակին, և Թերևս հին ծանօթութեան և ղիպուածոց համեմատ, ինքն որ դեռ նոր նստեր էր յաթոռ (434), գրովելով և պատկառանօք, իբրև իր վարդապե-

<sup>1</sup> Մէկ գրուածն այլ էր ընդգէմ մոգութեան Պարսից, և գրեր էր առ Ս. Մեսրովպ, Թերևս ատոր խնդրովը:

տին (Ոսկեբերանի) ընկերակիցը տեսնելով՝ կու-  
գրէր այս նշանական խօսքերով սկսելով. « Երա-  
նի՛ որ հանապազորդ լինիցին 'ի քաղցրահայ-  
ն եաց անսիլ աստուածագեղ երեսացդ. և զի ա-  
նեմ հանապազ, այլ գոնեայ յաւուրս կամ  
յամիսս կամ 'ի տարեկանս: Ասացէ և իմ անձն-  
» Ո՞ր անէր զիս արժանի հասանել անկանել յոաս  
» աւետարանիչս:.. Եւ ուսա՛ր ինձ այդ լինիցի,  
» բայց եթէ յաղօթից սրբոյդ, զոր մեծ պա-  
» տարաբաւ միշտ 'ի վերայ արժանաց և անար-  
» ժանաց՝ ամենասուրբն՝ Աստուծոյ հատուցա-  
» նես »: Իսկ խնդրոյն վրայօք երկայն բացատրու-  
թիւն մը գրեց. բայց նախ քան զրկելն 'ի Հայս,  
խաւրեց առ անուանին Յովհաննէս Անտիոքայ հայ-  
րապետն, որ ինքն այլ իր հաւանութիւնը և ստո-  
րագրութիւնը տայ. նա այլ իր եպիսկոպոսաց  
ժողովով ստորագրեց և գովութեամբ դարձուց.  
նուիրակն տարաւ Թուղթը նաեւ առ մեծն Կիւ-  
րեղ Ալեքսանդրի հայրապետն. նա այլ հաւա-  
նեցաւ և առանձինն այլ գրեց թէ առ Ս. Պրոկլ  
և թէ առ Ս. Սահակ ընդգէմ Թէոդորի Մոպ-  
սոքեստացոյ. այսպէս Պրոկլ երկու պաարիար-  
քաց վկայութեամբ այլ հաստատելով գրածը՝  
անկէ ետեւ զրկեց 'ի Հայս<sup>1</sup> (436). բայց իր նու-  
րակն Բասիլ՝ իր կողմանէ այլ բաներ աւելցուց  
ընդգէմ Թէոդորի, իր հայրտպեաին գրածը բա-

1 Այս Թուղթն գրուած կուսեպուի յամին 453. Հա-  
րիւր տարի ետքը Դիմիտրիոս Փոքրիկն կամ Կարճիկն  
Թարգմաններ է 'ի լատին լեզու. խորագիրն կամ հասցէն՝  
Հայոց եպիսկոպոսաց, վարդապետաց և վանահարց ուղ-  
ղուած է. Ս. Սահակայ անունը չկայ. հաւանօրէն, անոր  
զատ գրեր էր, եպիսկոպոսաց զատ. որպէս զի Պարսից  
Թագաւորին առջև յանցաւոր չտեսուի Ս. Սահակ՝ իրրե-  
ժողովով Յունաց հետ միաբանող:



ւական չհամարելով: Այս Թղթոյն այլ միաբան պատասխան գրեց Ս. Սահակ ընդ Մաշտոցի, և սպահովցուց որ Թէոդորի սերմունքը չկան Հայոց մէջ. « Եւ որ Դիոդորեայ (Թէոդորի) Մամուկս » տացուոյ աշակերտեալք իցեն, առ ժամանակս՝ » 'ի շնորհացն Աստուծոյ՝ այնպիսի ինչ չեւ է յայտ. » նեալ. ապա Թէ իցէ ծածկեալ՝ 'ի ժանգոյ աղտե. » դուե, 'ի հարկէ ջան լիցի մեզ խլել զխոչն և զգայ. » ԹակզուԹիւնն զայն՝ 'ի միջոյ՝ 'ի բաց կորուսանել. » զի միաբանութիւն՝ որպէս 'ի ձերում միջի փա. » ռաբանի, և զմեզ՝ 'ի նմին հաւասարութեան փա. » ռաւորութիւն առ Աստուած հասուցանել ար. » ժանի արասցէ »: Այս Թուղթս՝ գրած է Ս. Սահակ հազիւ երկու կամ երեք տարի յառաջ քան իր մահը. այն միջոցին հանգիպեցաւ և մահ հմուէլի, որ ազահուԹեամբն աւելի քան զԲըր. քիչոյ զգուելի եղած էր ամենուն, բաց 'ի Սուր. մակայ: Հաւատարիմ նախարարք և եպիսկոպոսունք ազատելով այն անուանեալ քաղաքացի տսորի կաթուղիկոսէն, Ս. Սահակայ ողբն ընկան, և լալով ներումն խնդրէին և օրերով կ'աղաչէին որ իր հօրը Ս. Ներսիսին պէս անյիշատարութեամբ յանձն առնու նորէն իրեն կատարեալ կաթուղիկոսութիւնը. բայց ամենայն ջանք և աղաչանք անօգուտ եղան. Ս. Սահակ ոչ յիշատարութեամբ մերժեց, այլ արդէն լաւագոյն հանդերձեալ կենաց պատրաստութեան մէջ ըլլալով

1 Ասկէ զատ երկար Թուղթ մ'այլ գրած է Ս. Սահակ միաբանութեամբ ժողովոյ եպիսկոպոսաց և վանահարց, որուն միայն յունարէն բնագիրն կայ հիմա. այս Թուղթս կարդացուեցաւ Կոստանդնուպօլսոյ Բ ժողովոյն (Ե. տիեզերական) մէջ յամի 555, իբրեւ զօրաւոր և պայծառ գըրում մը ընդդէմ Նեստորի և Թէոդորոսի, անոնց ժամանակակից սուրբ և մեծ հայրապետէ մը: — Տես Պատմ. Հայ. Բ. 261:

այն ծանրացեալ հասակի, միանգամայն և հին տեսիլքն միշտ աչացն առջեւ ըլլալով, յիսուն վաթսուն տարի զայն լուսութեամբ պահեւէն ետեւ, պատմեց իրեն աղաչողաց, թէ իր ցեղէն քահանայապետութեանը գաղրիւն և թէ իր եկեղեցւոյն հանդերձեալ հալածանքը և վտանգը: Զոր լսելով ամենքն զարհուրեցան, ապշեցան, ափ 'ի բերան եղան, և ակամայ իրաւունք տուին այն մեծ սըրտակաուր անձին՝ որ կ'ըսէր. « Երթայք յինէն » 'ի բաց, և թոյլ տուք ինձ ողբալ զընդհանուր » կորուստ աշխարհիս Հայոց, զոր տեսանեմ ա » չօք մտացա՝ 'ի զօրութենէ վերին ցուցակուութեն. » մի բռնագատէք մխիթարեւ զիս 'ի վերայ բեկ » ման ժողովրդեան իմոյ <sup>1</sup> »: Ելան կորակոր, 'ի բաց գնացին լուռմուռ, և անկէ ետեւ ոչ ոք համարձակեցաւ այն խնդրոյն վրայ բան մը խօսիլ՝ այն վսեմ ցաւով կնքուած սրտին հետ. որուն բռնի հնչած հաւաքանքն այլ՝ հիմա շատ ազդու կու գար նախարարաց ականջին, քան անկէ տասն տարի առաջ երկայն յորդորանքն՝ զիրենք կրկին տիրամատնութենէ յետ կեցընելու համար: Իր լուսաւորչական գահը իշխանական փառօք դառնալէն աւելի՝ մխիթարութիւն եղաւ իրեն կենաց վերջընթեր տարին՝ (438), իր մեծ աթոռակցին, Ս. Ոսկեբերանի մարմնոյն դարձն 'ի Կոստանդնուպօլիս. որուն մահը, պքսորանքը, և եպիսկոպոս նստիլն տեսեր էր Ս. Սահակ իր կաթուղի կոսական աթոռէն: Իսկ հիմա այն աթոռոյն աստիճանաց վրայ նստած՝ և նկատելով 'ի գերեզմանն, « յայնմհետէ ամփոփեալ զինքն յոմնայն » աշխարհածուփ զբօսանաց, աղօթից միայն պա » րապէր և վարդապետութեան <sup>2</sup> »:

1. 2 Ղազար Փարպեթի:

## Ը

Հոս պէտք է յիշել Ս. Սահակայ վարուց սրբազոյն նրբազոյն կերպարանքն այլ, աստուածային համակամութիւնն, կամ ներքին կենակրցութիւնն ընդ Աստուծոյ. յորում այնքան գերազանց էր քան իր սուրբ նախնիքն անգամ, մինչև անաչառ պատմիչն<sup>1</sup> համարձակ վկայէ թէ, « Սաամնայն առաքինութեանց հարցն նմանեալ, » աղօթիցն մասամբ առաւելեաց: Քանզի սաա- » ցաւ աշակերտս 60, արք կրօնաւորք, խարա- » զնազգեստք, երկաթապատք, բոկազնացք, որ » յարընդ նմա շրջէին. որովք՝ մշտնջենաւորս պաշ- » տամամբ խաբարէր զխնոն, որպէս զայն՝ որ յանապատն » էն. և հոգայր զաշխարհս, որպէս զայն՝ որ յաշխարհի » էն »: Այս երկու աննման հարկաւոր հոգերը բոլոր կենացը մէջ այնպէս միացուցեր էր Ս. Սահակ, որ երկու անձ կարծուէր մի և նոյն կերպարանօք, մէկն յաշխարհի և յարքունիս՝ զընկերս և զազգ հոգալով, միւսն յանապատի և յառանձնութեան՝ իր հոգին և զԱստուած մտածելով: Այսպէս կ'ընէր կաթողիկոսութենէն առաջ, այսպէս կաթողիկոսութեան ատեն, և այսպէս իր կենաց վերջերն այլ. և թէ և հիմա բոլորովն առանձնանալ փափագէր, այլ « Բազումք յե- » պիսկոպոսաց և յայլոց պատուական քահա- » նայից՝ ոչ երբէք ժուժէին աւել և մեկուսա- » նալ ՚ի մշտաբուրն աղբերէ վարդապետութե » սրբոյն, ուր ուրեք և դիպէր, ՚ի յոստանի և » կամ ՚ի հովս<sup>2</sup> »:

Յետին անգամ ՚ի հով ելեր էր յամսրան 439 տարւոյ, երբ յետ մահուն Վռամայ՝ անոր յա-

1 Խորենացի:

2 Ղազար փարպեղի:

Զորդ որդւոյն՝ Յազկերտի՝ զօրքն եկան ՚ի Բա-  
 րուան, ինչպէս տեսանք ՚ի սկզբան պատմութեա-  
 ւ տհա այս անժամ ու անպաշտօն շփոթութե-  
 նէն պէտք էր հեռացընել այն ՚ի մահ եւ յանմա-  
 հութիւն հասունացեալ հայրապետը, որ արգէն  
 յետին հիւանդութեամբ մօտ էր իջնելու յոն-  
 կոյնէն ՚ի գերեզման: Հայրասէր հաւատարիմ՝  
 ձեռնասունքն՝ աւելի գրկօք քան պատգարակօք՝  
 վերուցին ժամանակին հայրապետաց նահապե-  
 տը, և Լուսաւորչի յետին պայազատը. տարին  
 քանի մը ժամ հեռու՝ Ալաշկերտի Բուր կամ  
 Բլբլոյոց ըստած գիւղը. որ ապահով և ճամբէ  
 հեռու տեղ մ'էր, (զոր դժբաղդութեամբ ես  
 շատ փնտներ և չեմ տեսած): Հոն հիւանդու-  
 թիւնն ծանրանալով, իմաց տրուեցաւ ծանօթի-  
 ցը. հաւանօրէն պատերազմի պատճառաւ սուրբ  
 Վարդան հեռացեր էր. բայց իր կինն Դստրիկ՝ և  
 մեկ այլ եղբարքն և մերձաւորք՝ եկան իրենց պա-  
 պուն և ամենայն Հայոց հօրն քով. իր համանուն  
 համահոգի Իսահակ նահապետին նման՝ կոթնե-  
 լով մահուան բարձին, աշխարհական և հոգեկան  
 կտակներն ըրաւ. բաժնեց անոնց իրմէ կողու-  
 տուած սաացուածոց մնացորդը. բայց առատա-  
 պէս առաւ իր անկողոյստելի ստացուածքը. այ-  
 սինքն « ամբարձեալ զձեռս իւր օրհնեաց զնոսա  
 » օրհնութիւն բաղմաւ. և պատուիրեաց նոցա պա-  
 » հել զվարդապետութիւն պատուիրանի սրբոյն  
 » Գրիգորի, զոր ուսոյց և աւանդեաց ճշմարտու-  
 » թեամբ ամենայն աշխարհիս Հայոց <sup>1</sup> »: Զնոյն  
 պատուէր և օրհնութիւն տալով իր հաւատա-  
 րիմ ձեռնասուն հոգեւուն իշակերտացն, ապա  
 բոլորովին ամփոփեց զինքն յինքեան. և թերեւ  
 իբրեւ յետին բարով մնաս ըսելով աշխարհիս՝ ան-

<sup>1</sup> Ղազար Փարպեցի:

ցուց անգամ մ'այլ մոքէն ընդարձակ նկարի մը  
պէս՝ իննսնամեայ կենաց բազմակերպ տեսարան-  
ները և փոփոխութիւնները, քսանէն աւելի թա-  
գաւորաց յաջորդութիւնները՝ զոր տեսեր էր ե-  
րեք տերութեանց մէջ, Հայոց, Յունաց և Պար-  
սից, որոց շատին հետ տեսութիւն և զրոյց այլ  
ունեցեր էր. — իր աշխարհին կերպ կերպ և շատը  
ողբալի գիպուածները, (Տիրանայ կուրութենէն  
ինչուան Արտաշիսի պքսորը). — ևս առաւել ե-  
կեղեցւոյն անցքը, իր մեծ պատուէն՝ Յուսկան՝  
բրածեծ մահուրնէն մինչև 'ի մահ իր անարժան  
աթոռակցին՝ Նմուէլի. ուսկից փոխելով յիշա-  
տակը՝ անցուց առջևէն երկայն սուրբ շար մը իր  
հովուակից հայրապետաց՝ զորս դար և կէս ժա-  
մանակ <sup>1</sup> սնուցեր և իրեն ծանուցեր էր, և որոց  
ետեւէն ահա կ'երթար ինքն այլ, յետ շատերէն  
երկար՝ (կէս դար հովուութեան և բազմութիւ  
վտստակոց և վշտաց) առ հովուապետն և վար-  
ձահատոյցն ամենեցուն, Քրիստոս. որոյ յանձնե-  
լով զազգն և զեկեղեցին, զերախտաւորս և զա-  
պերախտս, և ապա իր 'ի մանկութենէ առ նա  
փափագած և կարօտած հոգին, փոխեցաւ « խա-  
» զաղական հանգստիւ <sup>2</sup> » 'ի կենաց աշխարհիս՝  
'ի կեանս արքայութեան երկնից. յեօթն սեպ-  
տեմբերի, 439 տարւոյն, յօրհինգշաբաթի, յերկ-  
րորդ կամ յերրորդ ժամուն « 'ի պաշտաման ա-  
» նուշահոտ իւղոյն <sup>3</sup> ». մեծն այն անձն, « Որ

1 Ս. Աթանասի ծննդենէն՝ յամբ 296, ցմահ Ս. Սա-  
հակայ, 439:

2 Ղազար Փարպեցի:

3 Ինչ է այդ անուշահոտ իւղն, որոյ պաշտաման ա-  
տեն վախճանեցաւ Ս. Սահակ, ըստ պատմելոյ Կորեան.  
Հաւանօրէն Հիւանդաց օծման իւղն. կամ այն իւղն՝ զոր  
Յոյնք ալ պատարագին հացին և գինւոյն հետ կ'օրհնէին  
գիշերային ժամէն ետեւ. իւղք սովորաբար կանթեղաց հա-

» մահկանացու ծնեալ, անմահ զիւրն յիշատակ  
 » եթող. պատուեաց զպատկերն, պատկառեաց  
 » 'ի կոչնականէն, փոխանորդեաց զիւնանն . և  
 » այսքան կենցաղավարեաց՝ իբր զի ոչ պակասու  
 » թեան իրիք մասն 'ի ծերութենէն եղանիլ. և  
 » ոչ յախալց աւրնդունել<sup>1</sup> » : ...

Հանգիստ, ով Մեծ, քու սրբասնեալ մարմնոյդ  
 յերկրի, և փառք պայծառ հոգւոյդ՝ յերկինս :  
 Բայց ի՞նչ ըսեմք քու հաւատարմացդ, քու ան-  
 միսութար որբոցդ, քու կարօտեալ աշակերտացդ,  
 որք յետ երկար ժամանակաց և աշխարհէ աշ-  
 խարհ՝ պանդխտութեանց՝ կու դիմէին յԱզե-  
 քսանդրիոյ և 'ի Բիւզանդիոյ, յԱթենայ և 'ի Հռով-  
 մայ՝ քու և քու հոգեկցիդ (Մեսրովպայ) ամեն-  
 ընկալ հայրագորով գրկացդ, յուսալով հարսա-  
 նեաց պարովք և առագաստի երգովք դիմաց ել-  
 նել, և ութ կամ տասն տարուան մտաւոր աշխա-  
 տանաց պտուղն ընծայել : Իսկ հիմա՞, « Ո՛ւր է  
 » քաղցր աչացն հանգարտութիւն առ ուղիս,  
 » և ահաւորութիւն՝ առ թիւրս. ո՛ւր զուարթ  
 » շրթանցն ժպտումն առ բարի աշակերտացն հան-  
 » գիպումն. ո՛ւր խնդամիտ սիրտն՝ ընդունող ար-  
 » բանեկաց. ո՛ւր երկայն ճանապարհաց յոյս հեշ-  
 » տացուցիչ, աշխատութեանցն հանգուցող : —  
 » Կորեաւ ժողովողն, թռեաւ նաւահանգիստն, և  
 » լիք օգնականն, լռեաց ձայնն յորդորեցուցիչ » :  
 Այս խօսքերս եթէ նախ Խորենացւոյ մը գրէն  
 լսած ես, Հայկակ, գիտցիր որ կրքերն՝ շատե-  
 րուն են, իմն այլ են. որ այն ատեն և անկէ ետե  
 եղածներն այլ նկատելով, աւելի անոր նման « Հա-  
 » ռաչումն յիս 'ի ներքս ընթանայ և արասուր, և

մար էր, բայց երբեմն հաւատացեալք կ'առնուին և ջերմ  
 եռանդութեամբ կ'օժուէին :

<sup>1</sup> Խորենացի :

» կամեցուցանէ բարբառել բան տիրական և սգա-  
 » ւոր », քան թէ փափագ գայ Ս. Սահակայ վը-  
 » րայ. « Հրաշափառագունիւ անցանէլ բանիւ ըստ  
 » արժանի սուրբ հօրն դրուատից <sup>1</sup> » : Սահայն  
 դարձեալ նոյն ազնուասիրտ աշակերտին և պատ-  
 մըչին հետ « այլում անգլոյ և ժամանակի զայսա-  
 » սիկ թուղաւք » . և երթանք մենք այլ հեռուէն՝  
 ընկերելու այն լուրջ յուզարկաւորաց հետ, ո-  
 րոց աշխարհական պարագլուխն է մեծին վար-  
 գանայ կինն, սևապսղեալ սիրիլլայի պէս . իսկ ե-  
 կեղեցականաց՝ Երեմիա երէցն, ասրկաւագապէտ  
 Սրբոյն, հանգերձ բաղմուռեամբ աշակերտացն  
 և խարաղնազդեաց միաբանից, . քահանայից, ա-  
 զատ և ռամիկ մարդկան աշխարհախումբ հանդի-  
 սի . որք լեռնէ լեռ ձորէ ձոր անցնելով, և Արա-  
 ծանւոյ հառաչաձայն կարկաջանաց քարավաղ  
 ճամբան բռնելով՝ կ'իջնեն 'ի Տարօն գաւառ, և  
 կու գազդին անոր հիւսիսակողմը պարսպազ լե-  
 բանց ստորոտը՝ սարատափի մը վըրայ, ուր է հան-  
 գուցելոյն սեփական կալուածն, և բուն հին զօ-  
 հից տեղն՝ Յաւիթաք գեղն . հօն այն աստուածա-  
 նման հօգւոյն անարատ պահարանը՝ պարկեշտ  
 մարմինը՝ կ'ամփոփեն պատուական տապանի մէջ .  
 որոյ վըրայ յետոյ կու շինեն այնպիսւոյն արժա-  
 նաւոր « Եկեղեցի մեծապայծառ և վկայարան  
 » սրբոյն, պատուական և մեծագին սպասուք » .

1 Խորենացի: Արդեօք գրեց սա յետոյ հրաշքաբա-  
 րոյն Բան մը, ինչպէս արժանի էր, 'ի պատիւ իր մեծ հոյ-  
 բապետին, յայտնի չէ: Կարծուած է թէ և Տիրու վա-  
 նանդայի քահանայն՝ որ նուիրակ գացած էր 'ի Պարսս  
 խնդրելու զՍ. Սահակ, գրած ըլլայ անոր վարքը. — ա-  
 ւելի հաւանական է թէ Խոսրով Խորհմանիչն այլ գրած է  
 անոր վարքը: Սարկաւագ վարդապետ այլ ներբող մը  
 գրած է 'ի պատիւ նորա: Այս գրուածներէն և ոչ մէկն  
 հիմայ ծանօթ են:

անոր այլ բռնորոտիքը « հիմնացուցեալ կանգնե-  
 » ցին՝ ի տեղւոջն վանս բազմութեան պաշտօնէիցն,  
 » կարգեալ գարմանս անպակաս պաղոց ի հան-  
 » գիստ առաւելեալ եղբայրութեանն<sup>1</sup> » . ուր  
 ժողովեցան իր ճգնաղգեցիկ աշխերտներէն ոմանք .  
 ոմանք այլ ուրիշ տեղեր ցրուած վանքեր հաս-  
 տատեցին : Իսկ հաւատարիմ երախաագէտ սիրե-  
 լիք սրբոյն՝ Աշտիշատայ եկեղեցին և վանքն այլ  
 բաւական չտեսնելով, « Ժողովս տարևորականս  
 » աշխարհայորդոր բազմութեամբ հաստատեցին  
 » ի տեղւոջն . որ ըստ ժամանակի՝ բազմամբոխ  
 » ժողովրդօք՝ կամաւոր յօժարութեամբ ազատք  
 » և քահանայք գաւառին, այլ և կարի յոյժ հե-  
 » ռաւոր տեղեաց գիմեալք յօր կարգադրութեան  
 » նորա ասննն . որ և բազում օգնութիւնս առող-  
 » ջութեան ըստ իւրաքանչիւր ախտից շահին ի  
 » նշխարաց սրբոյն, և ուրախալից սրտիւ դառ-  
 » նան<sup>1</sup> » :

Երջանիկ հայրապետ և յայսմ մասին, որ Վար-  
 գանայ պէս Թոռն ունեցաւ, և Մամիկոնէից նը-  
 ման բարեպաշտ և տաքսիրա ազգականներ, որք  
 կրցան ուրիշ նախարարաց տպերախտութեան  
 փոխարէն՝ մեծագործ սուրբ յիշատակարան մը,  
 հոյտկապ տաճար մը կանգնել, իրենց նահապե-  
 տին նշխարաց վրայ . այնքան արժանապէս մեծ  
 ու փառահեղ էր այս տաճարս, որ երբ լման 200  
 տարի ետեւ (639) մոլէնախանձ Հագարացիք առա-  
 ջին անգամ մօտան ի Հայաստան, հասարակ եկե-  
 ղեցեաց խնայելով՝ ամենէն աւքի զարնոգները փը-  
 լուցին . որոց մէջ չորս հատն յանուանէ յիշա-  
 տակի, և առաջինն է սա : Յայանի է որ յետոյ  
 դարձեալ շինեցաւ վայեքապէս, բայց զայն այլ  
 քակեց, կ'ըսեն, գաղանասիրտն Լէնկթիմուր, և

<sup>1</sup> Ղազար Փարպեցի :



անոր քարերով Արածանույ Սուլուխ գիւղին քով  
կամուրջ կապեց. բայց մինչև հիմա կու տեսնուին  
աւերակք հին եկեղեցւոյն, նշանք մամիկոնեան  
մեծագործութեան. որոց մէջ փոքրիկ, պարզ,  
ու կէս գետնաթաղ շէն մատուռ մը՝ 14 դարէ  
վեր կու ծածկէ պէրէպան Ռէփին Սահակ: Անոր  
գիմաց դրուած է պատշաճապէս՝ իր յետին հո-  
գէկիր և արենակիր շառաւիղն, շուշանագեղ և  
Շուսան-անուն թոռնեայն, Վարդէի՝ դուստրն  
Վարդանայ մեծի: Անոնց տօնին յիշատակին մին-  
չև ցայսօր յուխտ երթան խոնարհ տեղացիք,  
կարծեմ թէ և Քուրդք անգամ. փոխանակ այն-  
քան հեռաւոր և մերձաւոր ազգայնոց, որոց  
պարտ և պատշաճ էր ոչ միայն նորէն կանգնել  
վայելուչ եկեղեցին, այլ եթէ աւելի առատու-  
թիւն և ազատամտութիւն բանեցընէին, բլրա-  
չափ բուրդ մ'այլ բարձրացընել 'ի յիշատակ ան-  
նման հայրապետին մերոյ և ամենայն հայրապե-  
տաց արժանաւոր օրինակին. փափագելի էր այն  
բրդան չորս երեսաց վրայ կռել գրել իրանշան  
քանդակներով՝ իր վարուց չորս սքանչելի կեր-  
պարանքը. առաջնոյն վրայ գրել ՀԱՅՐԵՆԱՍԻՐ  
ԱՇԽԱՐՀԱԿԵՑՈՅՑ, գրուագելով երկու անգամ իր  
ազգին թագաւոր կանգնելը, և երկու անգամ ա-  
նոր ազնուականութեան գահնամակը նորոգելը.  
մէկ մը՝ Պարսից գուռը, մէկ մը նախարարաց ժո-  
ղովին մէջ իրաւաբանէն, և այլն. — երկրորդ ե-  
րեսին վրայ գրել ՈՒՍՈՒՄՆԱՑՈՒՐ ԲԱՆԱՍԻՐ, և  
շարել իր շարականները, թարգմանութիւնները,  
նախագասելով աստուածաշունչը, Ս. Մեսրով-  
պայ ձեռք տալը, դպրոցաց բացումը ընդ բոլոր  
Հայաստան, Վրաստան, Աղուանստան, և թարգ-  
մանչաց առաքումը յԱսորիս, յԵգիպտոս, 'ի  
Յունաստան և յԻտալիա. — երրորդին վրայ գրել  
ԵԿԵՂԵՑԱԶԱՐԴ ՀԱՅՐԱՊԵՏ, և գրուագել իր գու-

մարած ժողովքները, գրած կանոնները, գրած և հաստատած եկեղեցական գրքերը, Հայրապետաց հետ Թղթակցութիւնը, հերձուածները հաւածելը. — չորրորդին վրայ գրել ԵՐԿՆԱԿԵՆՏԱՂ ՍՐԲԱՍՈՒՆ, նշանակելով իր նուիրական, Ճգնադպեցիկ կեանքը և կենաց յետին ժամը: Իսկ քառակուսի բրգան ծայրն ալ քիչ մը տաշելով տրնկել 'ի գագաթը երկնասլաց սպիտակ սրտաձե սափօր մը ոսկի բոցով և ոսկի գծով նշանուած, զոր փափաքէի Հայկակ, որ՝ Թէ ոչ այնքան մեծ, գոնէ այնքան փայլուն ըլլար՝ մինչև ուր որ ըլլայինք՝ կարենայինք տեսնել զայն և կարգալ հոն ՍԱՀԱԿ ՊԱՐԹԵՒՆԻ:

ԺԴ

## ՀՈԳԷՓԱՅԼ ՍԱՅԼՔ ՀԱՅՈՑ

Ա Ր Ի Ս Տ Ա Կ Է Ս

30 Նոյեմբերի.

Ա

**Փ**էց իջաւ պախըցին ձիւնապսակ սարերէն. արջառ ոչխար թողլով գալար արօտները՝ գոնափակ գոմերու մէջ խռկուած մայէն, հինգամսեայ ձմերան ձանձրոյթը սկսելով: Ջրօտասէրք և բնասէրք այլ փութան 'ի շէն 'ի քաղաք. վասն զի նոյեմբեր իր խոնաւ ոտքերովն կոխեց զծառ ու զծաղիկ. տերեւներն իսպառ թօթափեցան, պտղատու պարտէզն չոր ձողերով ցցուած պատնէշ մը դարձաւ, կամ մրրկէ փախած մերկ անառապաստ նաւախումբ. պաղուկ պախըցի մ'այլ, պաղուկ հով մ'այլ, ու ահա կու մեռնի կ'անցնի գալարութիւն մեր կլիմայից. ահա ճերմակ պատանքն այլ կու սկսին տեղ տեղ փռուիլ. ձիւնն լեռներուն գագաթէն վար կ'իջնէ, կու սկսի յերևան գալ գաշտաց. քիչ ատենէն զամենքը կու ծածկէ և միայն ինքն կ'երևի:... Լմնցաւ այս տարուան բնական կամ բուսաբանական հանգէսն և կեանքն այլ. գոցենք գետնահայեաց պատուհան.

նիս, բանանք վերնագրեալի պատուհանները, ըզբօանուլ զմայրիկ երկնից հովանի լուսածղի ծաղիկներովը, զոր տարւոյն բուսարձակ յեղանակաց կայտառութիւնն՝ շատ հեղ արհամարհել կամ անտես ընել կուտար մեղի։ Նայէ, Հայկակ, գլխէդ ի վեր. պարզ է գիշերս, տես աստղալից երկինքը. եկ գառնանք հոն, հոն է մեր ձմեռնային տեսարանն։ Մտա, ծաղիկ, պառուղ, խաղող, ամենքն այլ կարծես մարդուս մանկութիւն, աշխոյժ, թեթեւ մտածութիւն, զուարթ երկրաւոր կեանք մը կ'ազգեն. իսկ երկնից աստեղազարդ երկայթն՝ ախորժ ծերութիւն, ծանրութիւն մը, խոր մտածութիւն և անմահութիւն մը։ Ո՛հ, որքան պիտի ընդարձակէր և բարձրանար մտքերնիս, եթէ կարենայինք՝ ինչպէս անկաքանք բոյսերը՝ այսպէս այլ այդ երկնահովանի ամեն մէկ լուսատեւրմ ծնունդները ճանչնալ, իւրաքանչիւրին կազմուածքը և իրարմէ տարբերութիւնը, իրենց ճամբան և նպատակը, և « զամենեսին զնոսա յանուանէ կոչել »։... Թերեւս օր մը գտուին և յայտմ մասին մեզմէ աւելի բազմաւորը, և երկինք՝ պատմէ անոնց մեզմէ պահած Աստուծոյ գործքերը, և Հաստատութեան ներդաշնակաւոր ձայնն՝ լուսոյ հետ դարէ դար վար իջնելով աւելի մօտ հասնի մեր որդւոյ և թողանց։ Իսկ մէք քանի որ մեր խոնարհ վիճակին և գիտութեան չափով իբրև անապատակեաց թափառիկք կիսազրոր սայլերով կու գեղերինք, գռեհկօրէն մեր շարժումն բնակութեան անուամբ՝ երկնից ամենէն նշանաւոր համաստեղութիւնն այլ կ'անուանեմք Սայլ. զոր աստեղաբաշխք այլ ոչ աւելի ազնիւ կոչմամբ անուանեն Արջ. և ինչպէս որ բեղ ծանօթ է՝ ոչ մէկ, այլ երկու Սայլ և երկու Արջ համաստեղութիւն նշմարեն, Մեծ և Փոքր։ Ահա. Լադիկ առաջինն՝ բւեռէն բաժնուած երեսն այն.

դին դարձուցեր է. երկրորդին ծայրն նոյն իսկ բևեռին մէջն է խրեր. այսինքն իր եօթն աստեղաց առաջինն՝ որ է քեզւոյն ծայրն՝ ինքնին բևեռային աստղն է։ Մեր նախնիք այլ ըստ հնագոյն և նոր ազգաց՝ զաստեղ Սայլ կամ Սայլաթափք կ'անուանեն. բայց ինչպէս որ նոյն հին ազգերու ընդ անուաններ այլ կու տային այդ համաստեղութեան, նախնի Հայք այլ կոչէին Բաղնայն, Ալաւան, Վէյլի (Թերևս վեցն որոշագոյն տեսնելով՝ եօթներորդը նուագագոյն), Բաղնափէղ, Գոպար, և այլն։ Եւ ինչպէս ամեն ազգ մէկմէկ ազգային աւանդութեամբք կամ կարծեօք, այսպէս մերն այլ այդպիսեօք անուաններ է զայդ և ուրիշ աստեղաց բոլրքը, որպէս Հայն, Վահագն, Յարգող կամ Միրածան կամ Հեծանոյ։ Եթէ ազգային հին դպրութիւնն և վիպասանութիւնք յայա նուէին՝ այս երկնից աստղային դպրութիւնն այլ՝ հայ գրերով և անուններով պիտի կարդայինք. կամ թէ սուրբ ազգային ոգին կանգնէր տիրաբար և գիտնաբար և հրամմէր, անշուշտ գոթ հայկական գիւցային կամ սրբազան անուամբք պիտի ճանաչուէին. հին հայկական պայազատութիւնն՝ իր քաջազունքը, դպրութիւնն՝ իր իմաստասէրքը, և եկեղեցին՝ իր սուրբերը պիտի յիշէր և անուանէր՝ զանոնք տեսնելով։... Մենք հիմա շատանանք այդ երկնագնաց գուպարեալ Սայլին եօթնաստեղեան կազմուածքին նայելով զուգեւ անոր այսօրուան Հայադիր յիշատակն, որ է Որբոյ և Թոռանց Լուսաւորին<sup>1</sup>. և առանց հեղի նակութիւն բանեցընելու, կամ օրէնք հրամմելու՝ դիտենք այսօր եօթն աստեղաց մէջ կամ հետ՝ զԳրեգոր 'ի ծայր քեզւոյն, և վարը իւր որդիքն

<sup>1</sup> Տօնացոյցք ոմանք նոյեմբերի մէկին և ոմանք այլ դեկտեմբերի մէկին դնեն այս տօնը։

Առիւթովն և Վրէնէն, և չորս անիւները՝ Գրիգորին, աղօթագոյնը, իբրեւ հեռու աշխարհի (Ապուանից) հիւր դրկուած, և Յասի իր եղբայրն, Ներսէս՝ Թոռն Յուսկան, և վերջին անիւ հիւսիսային բեւեռին ուղղաձիգ նայող՝ Սահակ որդի Ներսիսի։ Եւ թէ գու սրաւտես ըլլալով, Հայկակ, սիրեա Փոքր Սայլին վերածել այս ցանկալի անուններս՝ որ մեր սառոյգ երկնագնաց եկեղեցւոյն հոգեկիր կառքն են, անոր ծայրի առողն՝ որ է հիւսիսային բեւեռն երկնից՝ կ'ըլլայ մեծն Գրիգոր, մէկայլքն այլ մի ըստ միջէ։

Սեր սրբազան Հայագիրն՝ Գրիգորի, Ներսիսի, և Սահակայ մասնաւոր տօնական յիշատակաց օրեր նուիրելով՝ այս օր մնացեալ չորից յիշատակը կարգէ. անոնցմէ այլ վերջնոյն, (Գրիգորիսի) սուրբ նշխարաց դիւտին պատճառաւ զառ օր մը նուիրէ. որով օրս սեպական կու մնայ երիցն, Առիստակիսի, Վրթանիսի և Յուսկան, և ասոր ժահուն ընկերակցի մը, Դանիելի ծերոյ. որք 'ի հարկէ այլ և այլ օր կատարեցին իրենց երկրաւոր կենաց յաղթական շրջանը, այլ ո՞ր և է մոռացութեամբ կամ խորհրդով՝ բոլորն միատեղ մէկ օրուան հառաւ մեզի։ Ասոնց համար երգէ քաջ դանձասացն Մովսէս. «Մշառ» պայծառ լուսոյն աշտանակք գովելիք և բար. «ձրաստեղուհիք, քահանայապետք դահաւորեալք, «շառաւեղեալք 'ի հօրէն լուսոյ, Ճմարտութե «Ճմարիտ քարոզք և պարծանք պարծանաց մե. «ըդս գրոհի. սիւնք տաճարի տեառն բարձրաբերձ «գոյով և հաստահեղոյս. սուրբ Առիստակէս, «վեհգ Վրթանէս, քաջափառ Յուսիկ և համբակ «Գրիգորիս, հանդերձ սրբասնեալք Դանիելի «այլասեռիւ և համափառիւ, անմարմնաբար 'ի «մարմնի կառուցեալք՝ որպէս հրանիւթք և ի «մանալիք։ Այսօր ժողովեալ մանկուհիք Սիոնի

» տօնեն ցնծութեամբ զօր յիշատակի ձերոյ հան-  
 » գիսի: Ահա բուրեցցի այս երգ առաջի քո, ա-  
 » մենասուրբ Երրորդութիւն »:

Այս սքանչելի եօթնաստեղեան հայրապետաց  
 գուպարքն՝ մեր եկեղեցւոյ ամենէն նշանական ե-  
 րևութից մէկն է, քաղաքական պատմութեան  
 մէջ այլ ոչ աննշան, որովհետև ազգին հին հե-  
 թանոսական օրինգք՝ քահանայապետքն թագա-  
 ւորի պէս մեծափառ գլուխ մ'էին. թագաւորաց  
 յաջորդութեան մէջ եղած պարապ ժամանակին  
 այլ՝ թագաւորահօր կամ խնամակալի տեղ մը  
 կու բռնէին: Ասոնց լուսափայլութիւնն մեր եկե-  
 ղեցւոյն հորիզոնին և գահուն վրայ իբրև դար ու  
 կէս քլած է. այն վսեմ, բեզմնաւոր և բազմայե-  
 ղանակ դարուկէսն (Դն և Նին կէսն) որ քրիս-  
 տոնեութեան փառաւորագոյն յեղանակն է, իր  
 գերագոյն վարդապետաց և հօրագոյն և ընտիր  
 թագաւորաց փայլմամբ. թագաւորաց նկատ-  
 մամբ՝ այս յեղանակիս մեր պատմութիւնն շատ  
 անփառունակ է, բայց մէկ Տրդատ թագաւոր մը  
 կ'ընծայէ՝ որ կրնայ Յունաց Աոստանդիանոսի և  
 Թէոդոսի հետ նախադասութեամբ մրցիլ (եթէ  
 օրինաւոր է այսպիսի մրցումն). իսկ հայրապե-  
 տաց նկատմամբ՝ մեր հայկական եօթներեակն չի  
 նուազիր Յոյն և Լատին ժամանակակից պանծալի  
 հարց քով, թէ ոչ գրականութեամբ, այլ հո-  
 վուական և ազգայինամ երկամբք, որ առաջին  
 պարտք է հայրապետին: Մեր եկեղեցաշարԺ Սայ-  
 լին առաջին և վերջին աստեղքն միայն, Գրիգոր  
 և Սահակ՝ Ծանօթք են գրաւոր վաստակովք այլ-  
 միւսոց սակաւ ինչ յիշատակ կայ, այլ քրտամբք  
 և արեամբ մի քան զմի գերագոյնք, և առաքինա-  
 կան գործովք զանազանեալք:

## Բ

Երեք հայրապետաց (որոց մասնաւոր յիշատակն տրուած է այսօր), զառաջինն միայն հետագոտեմբ այս գիշեր, որ և 'ի կարգի հոգեփայլ Սայլին անմիջապէս յետ Լուսաւորչին գայ, այսինքն է ԱՐԻՍՏԱԿԵՍ կամ ՌՍՏԱԿԵՍ, երկրորդ որդի Գրիգորի՝ ասուօք, բայց աստիճանաւ յառաջացեալ քանզանգրանիկն Վրթանէս. որովհետեւ սա ամուսնացեալ էր, ինքն կուսակրօն, և վասն այնորիկ ընարեցաւ 'ի հօրէն յաջորդ իւր: Եւ թանց մէջ սա և Գրիգորիս միայն կուսակենցաղ եղան, հրեշտակային միայնութիւն սիրելով, քան Լուսաւորչի ցեղը աճեցընել, որոյ համար այլք յանձն առին 'ի սկզբան ագամային լծակցութիւնը: Մինչդեռ Վրթանէս հօրը նման պատանութեան ատեն աշխարհ մտաւ 'ի Կեսարիա, Առիստակէս գրեթէ ծննդեան ատենէն յաշխարհէ զատուելով անապատատէր տաւրակի նման միշտ միայնութիւն և տաանձնութիւն սիրեց. երկու որդւոց ըստ աշխարհի հայր ըլլալն բաւական սեպելով մեծն Գրիգոր, ընդհանուր Հայ ազգին հայրութեան նուիրեց զինքը, երկայն և վերջին բարե մը տալով իր պարկեշտ լծակցին՝ Մարիամայ, որ իր սիրոյ վերջին խայրիքը գեռ ծոցին վերայ կրելով՝ երկանը հետ բոլոր աշխարհիս նշլմնաբ բարով ըսաւ, քաշուեցաւ հաւատաւոր կանանց վանք մը, և հոն սնուց իր երեխայն, ինչուան որ հասաւ տարիքն՝ մարց և կուստնաց գրկէն ելնելու և ճգնազգեսոց հարանց որդեգրելու: Հօրմէն զատուած ատեն, անզոյ անծանօթ անձիկ մ'էր Առիստակէս. իսկ մօրմէն բաժնուելու ատեն՝ այնքան լաւ և խոր գիտէր մայրական սէրը, որքան որ ուրիշ սէր մը չէր գիտեր. բայց



դարձեալ 'ի նոյն առաքինի և մեծասիրտ մօրմէն սովբելով հանդերձեալ կենաց գերազոյն սէրը և վարձքը, և անոր օրինակաւ և խրատովն յորդորուած՝ պզտիկ հասակաւն և ուժովն, ըրաւ այն մեծ անցքը՝ իբրեւ նոր Սամուէլ մը Աննայի ձեռօք. և յանձնեցաւ Նիկոմաքոս անուամբ զգօն Յոյն կրօնաւորի մը, որ շատ տարի քովը պահելով եղաւ անոր հոգւոյ հայր. և երբ քրիստոսանուէր կենաց ամենայն հնարքը սովբեցուց և բաւական տեսաւ իր հոգէսուն աշակերտը՝ ցուցուց անոր խորագոյն միայնութիւն և անապատին մուտքը: Առիստակէս երրորդ անգամ մ'այլ բաժնուելով 'ի մէկ հատիկ ծանօթ և հոգեկից անձէն, և թերեւ առաջինէն զօրաւոր՝ եթէ ոչ նոյն պէս կակուղ ցաւով մը, թողուց զինքն իրեն, և թաղեցաւ առանձնութեան մէջ, միայնակեաց աստուածախոհ ճգնաւոր մ'ըլլալով. այսինքն մինակ ապրող աղօթիւք և ընթերցմամբ և քիչ մը ձեռաւոր աշխատանօք. բոլոր կեանքը մշտավառ կանթեպի մը պէս Աստուծոյ գիմաց կախելով, գիշեր ու ցորեկ:

Թերեւս աւելի քան քսան երկայն տարիներ անցան այն լուութեան և միայնութեան մէջ՝ մէկ օրուան մէկ գիշերուան պէս, երբ առաւօտ մը իր մոռացեալ խրճըթին դուռն ուժով զարնուեցաւ. և երեցան բազմութիւն անծանօթ և օտարադէմ մարդկան, ոսկեփայլ արծաթազրահ զինուորք, ցցունազարդ սաղաւարտաւորք, գետնադզորք հեծեալք. որք չէ միայն քսան, այլ քառասուն յիսուն տարուան բաներու երազներ պատմեցին. գոնէ իրեն երազ երեցան այն տարիներուն մէջ հանդիպածներն դուրսը, իր հօրը, Հայոց ազգին և անոնց թագաւորին. որք հիմա իրեն հրաւիրակ խաւրելով ազգին ազնուագոյն իշխանները՝ կուհրաւիրէին, կուստիպէին կու քաշէին որ ելնէ

գայ 'ի Հայաստան, 'ի Վաղարշապատ, յարքունիս հսկայ Թագաւորին և 'ի գահ քահանայապետութեան Հայոց: — Որչափ այլ նորաւեսիլ էր այս երազս և գոռարին տնկէ արթըննալ, աւելի գոռարին եղաւ Առիստակիսի, մանաւանդ Թէ անկարելի՝ իր միայնութեան տեսիլները շարու նակել. աշխարհախառն խժլտութիւն մը ալիքներու պէս խուժելով՝ զարկաւ քչեց իր պարկեշտ շէմիկը, և հեղեղեց իր ամօթխած խցիկը. շփոթեցաւ անզգացողութիւնն, փախաւ բազմամեայ խլաջեալ լռութիւնն. Առիստակէս իբրեւ չորս գին ջուր առած՝ հագիւ քարի մը վրայ ոտնկալի եղած շուար մնաց: ... Աւելի քան զլսած բաներն, և աւելի քան անտես հօր մը (Թէ և այնպիսի արժանաւոր աննման հօր մը) անփորձ սէրն, քողցր և ցանկալի էր իրեն իր միայնութիւնն, որ էր իր բոլոր սաացուածքն, իր տէրութիւնն, իր սէրն. և եթէ Աստուծոյ և հօր մը կամաց հնազանդութեան պարտքը չճանչնար, ու Կեսարիոյ եկեղեցւոյ գլխաւորներէն չյորդորուէր, չէր կըրնար Թողուլ իր խշտեակը և երթալ Հայոց նորահաստա քահանայութեան գահադուլիս ըլլալ: Սրբազան հարկին գլուխ ծռեց Առիստակէս, ոչ առանց կծու արտասուքներով բաժնուելու այն տեղէն՝ որ միայն զինքը կու ճանչնար, և զոր միայն կու ճանչնար ինքն. և այն քանի մը սրտակից հոգեկից անձինքներէ՝ զոր իր սրբութիւնն ժողովեր և աշակերտեց էր իր ճգնարանին մօտ: ...

Շուտով աներեւոյթ եղաւ իրեն ծանօթ սիրելի սահմանն. շատ չափաւոր համառօտ էր իր հորիզոնին. կարճ ժամ մը չանցած՝ նոր հորիզոն և նոր աշխարհ մը բացուեցաւ գիմացը, որ անծայր անվերջանալի կու թուէր՝ որչափ որ յառաջ երթար: Բայց իրեն սուաջին տեսիլք և ցուցանք եղան զինքը տանող բազմութիւնն, Հայոց արքուն-

նի գնդին հսկայակերպ կտրիճներն՝ անձառնի ճոճմուռներով, ահագին զրահներով, երկայն տեղերով և լայնարիճ աղեյներով, որոց մէջ՝ որսորդներէ բռնուած վայրի եղնորթի մը պէս վախնալով կ'երթար. աւանց խօսելու կունայէր կու նկատէր անոնց շատ արևէ շատ արիւնէ անցած խանդրած երեսները, հին ու նոր սպեաց նշաններ, առիւծաձև ցցուած և տարածուած մազեր. — կու տեսնէր անոնց մէջ ամենէն պատուելի և նախիշխան եղած Ծերունի մը, որուն գմբեթաձև գլուխն թէ և բոլորովին ալւորած էր, թէ և երկայն ասորաձև յօնքերն խառնուէին խորացած աչաց թարթիչներուն հետ, թէ և կտրիճ թռռնելու պապ կ'երեւցնէր զնա հասակն, բայց դեռ զէնքով ու զրահով ծածկած, իր ամենէն կայտառ զինակրին հաւասար շուտ կու շարժէր, կ'ելէր կ'իջնէր ձիէն, ու ձայնը փողի պէս գնդին մէջ կու տարածէր. և էր Արփա-աղա մանդակունի սպարապետն Հայոց, և դաստիարակ թագաւորին Տրդատայ, զոր՝ յառաջ քան զյիսուն տարի՝ փախուցեր ազատեր էր Առիստակիսի պապուն ընկերաց ձեռքէն. և այսօր անոր թուր՝ զինքն Առիստակէս՝ կու տանէր իր վեհափայլ սանուն (Տրդատայ) մտերիմ ընելու: Երկրորդ պատուելի անձն կ'երևէր գնդին մէջ բաւական տարւոք կրտրիճ մը, Տաճափ՝ Աշոց գաւառին տէրն, որ և փեսայ էր Արտաւազդայ և երբեմն ճանչցող և մատնող Գրիգորի՝ իբրև որդւոյ Անակայ՝ սպանչի հօր թագաւորին, և յետոյ նոյնպէս իմաց տուող Տրդատայ որ Գրիգոր երկու որդիք ունի, արժանաւորք պատուելոյ. անոր համար այլ զրհուեցաւ զանոնք գտնելու տանելու, և այսպէս փոխարինելու իր մատնութեանը, որով Լուսաւորիչ տասն և երեք տարի յօձուտ վերապին Արտաշատայ մթնեցաւ: Բոլոր գնդին յառաջագէմ

և վարիչ կ'ընթանայր եռանդուն երիտասարդ մը, իրեն յարմար կրակոտ երիվարի մը վրայ թռչելով, Դափ՝ կարապետն Տրդատաց. որ ամենևին Առիստակիսի կամկարութեանը և սրտով և աչօք յետ դառնալուն չնայելով՝ փողէր փէէր քշէր երթար, և արքունի գունդը յանապատէն փոխադրէր 'ի Կեսարիա մայրաքաղաք Փ. Հայոց, ուր առաջուց գտեր և պատրաստեր էին զՎլքր. Թանէս երէց եղբայր Առիստակիսի. որք և զարմանօք և երկկիւք նայելով՝ եղածները մէկմէկու զրուցելով և իրարու գիրկ տալով, անկէ ետեւ կամայ կամայ ճամբայ ընկան փութալ դէպ 'ի Մեծ Հայք:...

## Գ

Հասնինք մենք այլ հոն մեր պատմութեան ճամբան կարճեցրնելով: Ահա համբաւը լսելով Թագաւորն ինքնին ընդ տուաջ կու գայ իբրեւ իրեն եղբորորդւոց և որդւոց Լուսաւորչի, կ'ուզէ անձամբ տանիլ զանոնք իրենց հօրը: Իսկ հայրն նուցա և մեր՝ որ կամակից էր Թագաւորին իր որդիքը կանչելու 'ի Հայս, ոչ աշխարհական փառաց և մարմնաւոր մխիթարութեան համար էր, այլ իր հոգեւոր բեռը վերցընելու օգնական և փոխանորդ ունենալու համար, զոր չէր կրնար այնպէս համարձակութեամբ յանձնելու ուրիշի՝ ինչպէս իր որդւոց. միանգամայն և երկայն չարակրութեամբ և յոգնութեամբ մաշած՝ կարծէր թէ շուտով իրեն կենաց վախճանն պիտի հասնի, և փափագէր վերջի տարիները միայն իր հոգին մտածելով պատրաստուիլ 'ի հանդերձեալ կեանս. դարձեալ՝ անդադար գովութիւն և օրհնութիւն և պատիւ լսելն՝ ուր որ երթար, իբրեւ գերմարդ. կային անձ մը երևելով, իրեն ծանր կու գար և

կ'ուզէր փախչիլ 'ի մարդկանէ և թաքչիլ յԱստուած: Այս մտածութեամբս էր որ հիմա այլ որդւոց գալուն ատեն՝ ինքն չէր երևեր, այլ յեղեաց գաւառն էր, ուր այնչափ չորչարանք կրէր էր, և իբրև թափած արեանը գին՝ Տրդատ անոր ատեն էր այն գաւառին մեծ մասը, լիգներով դաշտերով և շէնքերով, մինչև Լուսաւորի գաւառ ըսուեցաւ երկիրն: Այս գաւառին և Գարաշաղեաց սահմանամէջ է Սեպակ սրակատար լեռն, լայնատարած կողերով, այրերով, քիչ տեղ գուր շատ տեղ դժար, անտառոտ մացառոտ տափերով. այս դժուարակոխ և ահարկու տեղուանքը՝ ուր հազիւ հովիւներն կրնային ելնել իրենց հօտից ետևէն, մէկ զարմանալի աղջիկ մը կրցեր էր արիաբար ելնել, և երկայն տարիներ պզտիկ քարայրի մը մէջ մինակ ապրիլ վայրենի որովի մը պէս. իրմէ զարմանալի և գեղեցիկ աղջկան մը (Հուփսիմայ) ընկեր էր սա, մենասերն Մանի. զոր յետ շատ տարիներու գաւառ այն խորշերուն մէջ Լուսաւորիչ աչքն. և երբ ժամանակն լցուաւ, ամփոփեց անոր տարկեշտ մարմինը իր հովուական վերարկուաւն, և թաղելով անոր ներքսագոյն մենարանին մէջ, անկէ ետև ուզեց ինքն ժաւանգել զայն տեղը, և իրենմ մենարան և աղօթարան ընտրել: Ահա այս կողմերս էր երբ լսեց Տըրդատայ ձայնը, որոյ ձայնին միայն պատասխան կու տար և կ'ելնէր իր ճգնարանէն. և առիւծն և գառն համամիտ և համասէր մէկտեղ կենակցէին:

Այս անգամ թագաւորին հետ տեսաւ իր առաջին կենաց ժառանգքը և կենդանի յիշատակքը, իր արիւնը, իր օրգիքը. որոնց երկուսն վրայ թերևս քիչ մը ճանչնար հին նմանութիւն, իսկ կըրտերոյն՝ Առիստակիսի վրայ՝ գուցէ ուրիշ նմանութիւն չէր գտներ, բայց եթէ թեթև ամպոյ մը պէս հեռացեալ սահեցեալ անձի մը՝ որ երբեմն

իրեն կենաց կցորդ, և անոնց մայր եղած էր. (եթէ դեռ այսպիսի մտածութիւն կրնար այն ատուածախոհ անձին միտքն այլ զարնել հեռուանց): Սակայն եթէ արտաքին նմանութիւն և ծանօթութիւն դժուար և աննշմար էին Գրիգորի և Առիստակիսի մէջ, հոգեխառն նմանութիւնք զարմանալի կերպով կ'երեւէին. — երկուքն այլ անմարմնոց նման, մէկն ճգնաւորի հայր, միւսն ճրգնաւորի որդի, երկուքն այլ ճգնողք: Քառասուն տարեկանի մօտ էր Առիստակէս՝ երբ առաջին անգամ ճանչցաւ իր հօրը զՍ. Գրիգ. Լուսաւորիչ Հայոց. ինչ զգացմունք մաքուր սրտին՝ առաջին անգամ համանման մաքուր և վեհ սրտի մը և գրկաց վրայ բաբախած ատեն.... Տեսէր ես, Հայկակ, ճամբան փոխել տուած գետ մը. իր յատակին պէս ձեռագործ յատակ մը կու փորեն երկայն տարիներ աշխատելով, որուն ծայրն հողածրմբով կամ կապանքով մը միայն զատուած է՝ ի գետոյն. երբոր վերջապէս կու փորուի կու լմըննայ նոր ճամբան, այն կապանքը կու քակեն կամ այն հողածրմբը կու փլցընեն. և ահա յանկարծ գետն իր հին ծոցը թողլով այս նոր բացուածին մէջ՝ ապակիէ լեռներու պէս թաւալելով կու թափուի, և երկայն տարիներով փորած ցամաք ծոցը՝ վայրկեններու միջոց կու լեցուի կու ծածկուի անծանօթ հոսանքներով: Այսպէս հորդեց ի սրտէ Գրիգորի հոգեխառն սէրն ի սիրտ և ի հոգի Առիստակիսի, ոչ այնքան բնական, որքան գերաբնիկ ներգործութեամբ մը: Անշուշտ հոգին սրտին զարկեր և բան մը ազդեր էր Գրիգորի, զոր թերևս լաւ չէր իմացած այն ատեն, երբ մօրը գիրկը ձգելով զԱռիստակէս երախայ՝ հեռացաւ անոնցմէ և այսօր երկրորդ զարնուածք սրտին իմացուց յայտնապէս, եթէ սա է իր հօգուոյ պայազատն, իր յաջորդ հայրապետն Հայոց:

Արգէն իրեն տեղակալ և ընդհանուր հոգաբարձու եկեղեցեաց և վանորէից գրեր էր Դանիէլ անուամբ եպիսկոպոս մը, (որ և երկարակեաց ըլլալով՝ նոյն պաշտօնը վարեց Առիստակիսի, Վրթանիսի և Յուսկան օրերն այլ, և ետքինիս մահուընէն ետե՛ւ անոր պէս ինքն այլ նահատակեցաւ, վասն այնորիկ և այսօր Լուսաւորչի որդւոց և Թուանց հետ հաւասարապատիւ կուտօնուի) - անկէ զատ ձեռնագրած հարիւրաւոր եպիսկոպոսաց գլուխ և նախադաս կարգեր էր զԱլբրիանոս Հարքայ եպիսկոպոսն, որ քրմապետի մը որդի էր. իսկ հիմա զԱռիստակէս՝ ի խնդրոյ Թագաւորին Տրդատայ և մեծամեծաց և եպիսկոպոսաց՝ անուանեց իրեն երեսփոխան և յաջորդ, եպիսկոպոսական աստիճան տալով անոր. ինքն այլ անոր վիճակը իրեն առաւ, այսինքն առանձնուլթիւնն, առաջինէն աւելի հեռանալով յաշխարհէ և լեռնակեցիկ ճգնելով, միայն ատեն ատեն իջնելով և որդւոյն հետ միաբան ձգելով հոգւոր արօրը Հայաստանի ընդարձակ եկեղեցական ագարակին մէջ:

## Դ

Յետ քանի մը տարի այսպէս քաղաքավարելու՝ Տրդատ ուզեց տեսուլթեան երթալ Կոստանդիանոս կայսեր իր մեծամեծ նախարարներովն, երբ նա ի Քրիստոս հաւատալով ազատութիւն հրատարակեց եկեղեցւոյ, Քրիգոր այլ իջաւ իր ճրգնարանէն՝ մէկանգ երթալու շնորհաւորելու եկեղեցւոյ դիւնոյն՝ եղած յաջողութիւնը, և հետն առաւ իր եկեղեցւոյ գլխաւորները զԱռիստակէս և զԱլբրիանոս՝ հանդերձ այլովք: Եւ երբ յետ իբր տասն տարւոյ Կոստանդիանոս հրաւէր խաւրեց աւ Տրդատ նորէն զՔրիգոր առնուլ և գալ ի Նի-

կիա քաղաք, ուր եկեղեցւոյ գլխաւոր եպիսկոպոսներէն 300էն աւելի պիտի ժողովէին՝ ի քննաւթիւն և ի դատապարտութիւն Արիոսի վարդապետութեան, Տրդատ աշխարհին քաղաքական վիճակին համար, Գրիգոր այլ խոնարհութեամբ պատուէ փախչելով, յանձն չառին երթալ. այլ իրենց կողմանէ խաւրեցին զԱռիստակէս, ընկերութեամբ ուրիշ քանի մի եպիսկոպոսաց Մեծ և Փոքր Հայոց, որոց անսուսնքն նշանակին ի կա. նոնական գիրս ժողովոց եկեղեցւոյ: Առիստակէս երթալու ատեն հանդիպեցաւ ի Կեսարիա՝ ընկերակցելու Ս. Ղևոնդայ հայրապետին՝ որ իր հայրը ձեռնադրեր էր, և նոյն օրը եկեղեցւոյ մէջ կու մկրտէր իր հօրն անուանակիցը զՍ. Գրիգոր՝ հայր Գրիգոր Աստուածաբանի, (իրեն նման մե. նասէր հայրապետի, որ և նոյնպէս իր հօրը օգ. նական և յաջորդ եղաւ Նազիանզու եկեղեցւոյն մէջ). այս հանգիսին ներկայ և ճամբուն ուղեկից եղան Ս. Յակոբ Մծբնայ հայրապետն, Եւթաղ Եղեսիոյ հայրապետն և Յովհան Պարսից հայրապետ, և այլք:

Անցնելով ընդ Կապադովկիա, Գաղատիա, և Բիւթանիա՝ հասաւ այս մեծ և փառաւոր եպիսկոպոսաց կարաւանս՝ յառաջին ժողովարանն եպիսկոպոսաց, ի հաստատութիւն հաւատոյ, ի Նիկիա քաղաք. որ և առաջուց հոն ժողոված պատուական առաջնորդներովն և ժողովեղօք ընդ առաջ ելան արևելից վեհադոյն հայրապետաց, որոց նմանք չերևեցան երբէք ժողովոց մէջ: Այս հայրապետաց մէջ, առանց կողմնասիրութեան և վիճման, Հայոց հայրապետն էր ամենէն հետաքննելին և փափաքելին. քսան և չորս տարիէ վեր յարեւելք և յարեմուտք հռչակուած էր Գրիգորի Լուսաւորչի անունն, խոստովանողական նա հատակութիւնն, բազմամեայ վերապ-ընկեցու.



Թիւնն, Հայոց հսկայ Թագաւորը և բոլոր ժողովուրդը՝ ի Քրիստոս հաւատացնէն, և հարիւրաւոր եպիսկոպոսաց գահագլուխ ըլլալն. և դեռ շատերն չգիտնալով անոր խոնարհաբար հրաժարէն՝ կարծէին Թէ պիտի տեսնեն զնա Աստուծոյ հայրապետին աջակից. այլ խաբուեցան. ազնւախոհքն՝ մխիթարուեցան անոր տեղ հայրանման արժանաւոր որդին տեսնելով. իսկ այլախոհք (եթէ ստոյգ է աւանդութիւնն) տհաճելով և արհամարհելով: Վասն զի կ'ըսէ աւանդութիւնն, Թէ Ս. Գրիգոր մեծահասակ և վայելչակերպ էր, իսկ Առիստակէս՝ փոքրահասակ և վատուժ, սղայութենէ վեր անդադար ճգնութեամբն, « Մենաւորութեան լեռնակեցութե, »  
 » քաղցի, ծարաւոյ և բանջարաճաշակ կենաց, և  
 » արգելանաց անլուսից, խարազնազգեստ և գետն  
 » նատարած սնկոյնոց և բազում անգամ զհէշ  
 » տական հանգիստն դիշերաց զհարկ քնոյ՝ յո-  
 » տանաւոր տքնութեան ի Թարթափ ական վը-  
 » ճարելով<sup>1</sup> » և իր անմոռաց մենասէր ճգնազգեցութեան ախորժովն՝ անզարդ անպաճոյճ հագած, որչափ որ կրնար եպիսկոպոսաց գլխաւոր մը: Զոր տեսնելով, կ'ըսեն, պճնասէր և ամբարհաւաճ Հոռոմոց մանկունքն, որք Նիկիոյ լճին (Ասկանիոս, Իզնիկ կէօլիւ) եզերքն կու սպասէին, քթերնուն տարին, և դա ոչ եպիսկոպոսապետի՝ այլ եզնավար մշակի մը կերպարանք ունի, կ'ըսէին. և չարաճճիկք ոմանք՝ հոն դետին հերկող եզներն այլ կու ցուցընէին, կամ զինքը փորձել կ'ուզէին հրէաբարնշանախնդրութեամբ: Այն տեսն, կ'ըսեն մեր այլ յաղթասէր և յունախայթ աւանդաբանք, Առիստակէս մաճը բռնելով քշեց եզանց ղոյգը, ոչ կարծր հողը կակղե-

<sup>1</sup> Ագաթանգեղոս:

լու, այլ կազուղ ջուրը կարծրացնեւլու. և Նի-  
կիոյ լճին մէջ արտավար մը աեղ՝ իբրեւ ցամաքի  
վրայ գնալով և քայլեցնելով եզները՝ ալիքները  
ահօսեց, ճերմակ փրփուրով գիծերը գիզելով, և  
գարձաւ ցամաք. և իր ոտից հետքն ինչուան հի-  
մա կ'երեւայ լուսափայլութեան նշանով: Դու,  
Հայկակ, մի փնտռեր այդ նշանները, ինչուան որ  
հրաշիցն արժանաւոր և ստոյգ պատճառը չի գրա-  
նես. սակայն իբրեւ հին աւանդութիւն կարգա-  
գովասանին գրածը. « Ի վերայ կապուտակ ա-  
» լեացն լայնատարած լճին լիութեան վեհաւէտ  
» և քսամնածածան կորովակի սիգաշարժ թանձ-  
» րութեամբ ջուրցն ովկիանոյն՝ սիգաքայլ ոտիւք  
» սրընթացութեամբ սխրացեալ. անվեհեր գիտ-  
» մամբ յիսուսաբար 'ի նկատեալ տեղին հասա-  
» նէր. ոչ պետրոսօրէն երկմտէր, այլ փրկչաբար  
» խիզախէր: Եւ ժողովելոց հարցն բազմութեան՝  
» սիրալի հիացումն առնէր. և զանդրադարձու-  
» թիւնն եկաւորութեամբ՝ ոչ տարակուսանօք  
» ինչ հայթհայթէր, կամ յառաջարկեալ հան-  
» դիսէն կասէր. այլ նոյնաձև օրինակաւ համար-  
» ձակապէս 'ի հաստատուն երկիր ելանէր. որ և  
» հետք հետագնացութեանն մինչև 'ցայսօր ժա-  
» մանակի լուսաշաւիղ երեւմամբ 'ի վերայ երե-  
» սաց ջուրցն տեսանի առ 'ի յիշատակ սրբոյն  
» սքանչելեաց. և ճմարտապէս ամենայն ուրեք  
» 'ի տեսողացն ստուգիւ պատմի առանց երկբա-  
» յութեան, որպէս և է ճմարիտ. նա և թշնա-  
» մեաց վկայութեամբ հաստատի հաւաստեալ,  
» որ զօրաւոր է յամենայնի. այլ և տուն Աստու-  
» ծոյ և տաճար 'ի տեղւոջն հաստատեալ, առ 'ի  
» վկայութիւն հրաշիցն և 'ի հաւատ տեսողաց » :

Եկեղեցւոյ և տիեզերական սուրբ ժողովոյն  
պատմութիւնն ամենուն ծանօթ է. յետ վճար-

ման գործոցն՝ Առիստակէս այլ դարձաւ իր աշխարհը. և ժողովոյն մէջ եկեղեցական բարեկարգութեան համար սահմանեալ կանոնաց օրինակը և հաւատոց դաւանութիւնը կամ հանգանակը բերաւ ներկայացուց իր հօրը և Տրդատայ, որք պատկառանք ընդունելով նոյնպէս այլ ընդունելի ըրին բոլոր Հայոց. Ս. Գրիգոր իր կողմանէ այլ քանի մը կանոն և վարդապետութիւն աւելցուց անոնց հետ. և անոնցմէ զատ այլ շատ կանոններ և վարդապետական ճառեր և պղծքներ գրելով և աւանդելով իր արեւակիր և հոգեկիր յաջորդին, քանի մը տարիէն ետեւ բոլորովին հրաժարեցաւ յաշխարհէ և ի տեսութենէ մարդկան. և այլ չէր իջներ իր սեպհական լեռնէն՝ յայց ելնելու իր հոգեծին որդւոցը. հազիւ երբեմն կ'ընդունէր ի տեսութիւն զՏրդատ և զՌուստակէս՝ երբ եկեղեցւոյ հարկաւոր ինդիրներ կամ տարակոյն ունենային :

## Ե

Այսպէս Առիստակէս յետ տաանուհինգ կամ աւելի տարի առանձին եպիսկոպոսութեան և երեսփոխանութեան, յամին 331 միայնակ և բուն քահանայապետ ճանչուեցաւ Հայոց. և եօթն տարի կեցաւ սրբազան պաշտաման մէջ. ոչ պակաս այլ և « առաւել ևս քան զհայրն վերագոյն » երկեցուցանէր սա զիւր վարդապետութիւնն » առ հարբն, և յետ նորա », որպէս վկայէ աղանատեսն և աղանջալուրն Ագաթանգեղոս. և միւս պատմիչն<sup>1</sup> ասէ. « Արդարեւ էր սուսեր հոգեոր » ըստ ասացելուսն, վասն որոյ թշնամի ամենայն » անիրաւաց և զազրագործաց երեւէր » : Իր եօթն

<sup>1</sup> Մովսէս Խորենացի :

ամեայ միայնակ քահանայապետութեան միջոց Առիստակէս ջանաց իր լուսաւորիչ հօրը լոյսը աւելի ծաւալել, կարգերը հաստատել, պակասները աւելցնել, մասնաւորապէս վանքերը շաղկապել. եկեղեցեաց մէջ այլ յիշուի Մովսէսի գաւառին մէջ շինած մեծ և հոյակապ եկեղեցին: Իսկ գրաւոր յիշատակ հասած չէ մեզի իրմէ. միայն կու յիշուի որ հօրն հետ կանոններ գրաւ և վարդապետութիւն եկեղեցւոյ: Ի ներքոյ իմանալի և զգալի եկեղեցւոյ վայելարան շարական մ'ունիմք, « Զորս ըստ պատկերի քում », ևն. ասոր հելինակ կարծուող զանազան անձանց մէջ երիցագոյնն է Առիստակէս, թէ և ոչ հաւանագոյն. և ասի թէ յետ դարձին 'ի ժողովոյն Նիկիոյ երգած ըլլայ, « Կեցս զորդի ծառայի քո » զոր 'ի Հռովմայ դահիցն վերապաւտեցեր, ուր » եզին զվէմն հաւատոյ հիման սուրբ եկեղեցւոյ »:

Իսկ իր վերագոյն և աւելի հոգեւոր աներկիւղ վարդապետութեան պայծառագոյն վկայութիւն այլ է իր վարդապետութեան և կենաց կատարածն: Հայոց հաւատալէն վեր մօտ քառասուն տարի անցեր էր. որչափ որ քրիստոնէութիւն համարձակ ծաւալեալ պաշտուէր, բարուց թուլութիւնն այլ կու սկսէր երես ելնել. մանաւանդ որ մեծն Տրդատ այլ ծերացեր, և ինքն այլ իր հոգեւոր հօր Գրիգորի նման ճգնասիրութեան և առանձնութեան փափագէր. ասով թուլամիտք և թուլահաւատք սկսան համարձակութիւն առնուլ, մանաւանդ ուր որ թագաւորէն շատ հեռու էին: Անոնցմէ էր և Արտէշայոս Մովսէսի նահանգին նախարարն, սահմանակից Փոքր Հայոց և Յունաց բաժնին, և ըստ ոմանց՝ ազգաւ այլ յունախառն. ասոր երկրին մէջ էր Առիստակիսի շինած մեծ եկեղեցին, ուր թերևս սովորական աթոռն այլ դրած էր. և ըստ անգամ դալով և

տեսնելով նախարարին անբրիստոնեայ վարքը՝ հայրապետաբար կուխրատէր և յանդիմանէր. բայց ամպարիշտն ոչ միայն ոչ զգաստացաւ, այլ ռխալով և մախալով՝ Հերովդիսի և Հերովդիա դայ խորհուրդը մտաբերեց, մեր ճշմարտաքարոզ կարապետին գլուխն առնուլ, մենասեր տատրակին մրմունջը լուեցընել. և երբ օր մը սուրբ հայրապետն քանի մը աշակերտօք առանձնաբար կուգար՝ շատ չքանած ճամբէ մը, յանկարծ ծածկուած դարանէն աւազակի պէս դուրս ցատքեց Արքեղայոս իր սպասաւորներովն, և սրով թռուց սրբոյն աստուածախոհ և քաղցրաձայն գլուխը... Անապատէ յանապատ փչեց շունչը. 'ի միայնութենէ մարմնոյն յածային միայնութի միացաւ մաքուր հոգին. որ աւելի քան զ60 տարի իբրև բռնի արգելեալ էր՝ ի պարկեշտ հողեղէն բնակարանին:

Առաջինն 'ի յաջորդաց Լուսաւորչի այսպիսի վկայական մահուամբ կնքեց իր մեծ և ծանր պաշտօնը, աւելի յայտնի արեան նահատակութեամբ՝ քան իր ամեն յաջորդքը: Իսկ իր հոգեփայլ բազմակցաց մէջ, իրեն նմանագոյնն կուսութեամբ Ս. Գրիգորիս, մահուամբն այլ կերպով մը նմանակից է, չարաչար արեանհեղութեան սպսնմամբ. անոր եղբայրն Յուսիկ՝ ծեծով անարիւն զոհ եղաւ. Ներսէս նոյնպէս վկայ և զոհ, այլ աւելի ծածուկ, թուկով մահացեալ. Վրթանէս և Սահակ միայն բնական մահուամբ և ծերութեամբ մեռան յանկողնի, 'ի միջի սիրելեաց. իսկ պարագլուխ գուպարիցն՝ Ս. Լուսաւորիչն, մովսիսաւ նման՝ առանձինն, հրեշտակաց առջև և Աստուծոյ:

Աշակերտք Ս. Առիստակիսի տարին անոր միշտ մահացեալ մարմինը և թաղեցին 'ի Թիլն աւանի՝ գաւառին Լուսաւորչի, որուն սեփական ստացուած տուած էր այն տեղն թագաւորն Տրդատ. որ 'ի հարկէ լսելով այս մեծ գոյժը, եկաւ սպա-

նեղյն եղբօր՝ Վլթանիսի հետ՝ յետին պաշտօնը կատարելու, արամուլթեամբ և սրտմտուլթեամբ. յորմէ զարհուրած արջակերպն Արքեղայոս մէկէն փախեր և Եիւլիկիոյ մէջ Տօրոսի գծուարակոխ լեռներու մէջ ընկեր էր: Աւանդութիւնն յիշէ թէ և ինքն սուրբ հայրն Գրիգոր ազգամամբ հոգւոյն իմանալով՝ եկաւ լալու իր խոստովանութեան պակասորդը լեցնող վկայամահ որդին, որ և հօրը քարոզութեան պակասորդը կու լեցընէր. և թերեւ հոգևոր նախանձով մը դարձաւ իր ճրգնարանը, անկէ ետեւ լուսաւոր տեսութեանցը մէջ նոր երևոյթ մ'այլ ունենալով, զԱռիստակէս արիւնլուայ:

Աշխարհաշրջիկ վարդապետ մը մեղմէ երեք դար առաջ, կ'ըսէ, թէ սուրբ Առիստակիսի կարապետանման գլուխն 'ի Քորքու կղզին տեսեր և պատուերէ. բայց մեղ անծանօթ ըլլալով էրբ և ինչպէս և հիմա ո՛ր ըլլալն, փափագիմք գիւտին. և մխիթարիմք աստեղազարդ երկնից բւեռիննայած առեւննիս՝ դիտել և նկատել Սայլին երկրորդ և բարձրակամար աստեղ հետ զԱՌԻՍՏԱԿԷՍ: Եթէ ըստ մենասէր ախորժանացն՝ գործովք և հօշակաւ այլ անծանօթագոյն մնաց այս սուրբս քան զընկերակիցսն, սակայն արգեսմբք հաւասար և առաւելեալ. վասն զի գրեթէ քան զամենայն յաջորդսն (բաց 'ի Սահակայ) երկարագոյն միջոց (իբրեւ քառորդ մի դարու) եպիսկոպոսական և հայրապետական հոգաբարձութիւնըրաւ, և իշխանաւորչի քահանայապետութեան կէս միջոցը և կէս հոգը մէկ տեղ կրեց, անոր սրբազան լուսոյն հետ մօտագոյն խառնելով իր կուսափայլ հոգւոյն ճերմակ ճառագայթները, զոր և յետոյ 'ի ծիրանեգոյն ծարրելով՝ իր ջերմիկ արեամբն՝ սլացաւ յառաջ քան զհայրն և զայլս ամենեսին, Հայ հայրապետաց գուպարից նախագահ ըլլալու 'ի դպրութեան յաւիտենից:

ԺԵ

## ՇՈՒՇԱՆ-ՎԱՐԴԵՆԻ

Դեկտեմբերի 25 (14) <sup>1</sup>

Ա

Տարւոյն վերջի օրերն է. եղանակն տխուր, ժամանակն խաւարին. թողմեալ թմրեալ բնու-  
թեան վրայ տարածուած համասփիւռ ճերմակէն՝  
լոյս չի ծագեր, միսթարուծիւն չեղներ. ձմեռն՝  
միշտ ցուրտ, սառն՝ միշտ սոսկումն կ'ազդէ. իսկ  
այն այսահար սօսափիւնն, այն մոլեգին մըրիկն  
զոր կու լսես կէս գիշերուն՝ ճարճատեալ ծառոց  
կարկամ գրկերէն, և քարանձաւաց բքալից բե-  
րաններէն, մարդուս՝ ինչուան ոսկորները կու  
սարսռեցընէ: Այսպիսի ատեն տաքուկ անկողին  
մը, վառած թոնրի մը անկիւն, արծարծուի կրա-  
կարանի մը եզերք, ի՛նչ քաղցր են, ոչ միայն ծու-  
լից՝ այլ և օրն ի բուն աշխատող բանուորի մը,  
համեստ բարեկամաց, կամ մեծասէր իմաստասի-  
րաց: Քաղցր ըլլայ քեզի այլ, Հայկակ, յառաջ

<sup>1</sup> Այս հայագիր յիշատակս նշանակուի ի 17 քաղոց  
ամսոյ, որ է դեկտ. 25, բայց գործոյն հանդիպած տարին  
(473-5) Հայոց շարժական տօմարով քաղոցի 17ն հանդի-  
պի ի 14 դեկտեմբերի:

քան մրափի մոռացութեան մէջ ընկնալդ, քանի մը ժամ ճաթառող խարուկին լուսովը՝ մեր հայրենեաց հին գիպուածները հետաքննել, և այդ մեռած փայտերէն նոր կենդանութիւն հանող կրակիդ պէս՝ մարած անցքերէ և մեռած անձերէ՝ կենդանի կրքեր արթնցընել։... Երանի՜ անոնց, որ թէ և աղքատիկ, թէ և ցօղունապատ խրճիթի մէջ, կամ կիսաթաղ հողէ տպնեաց տակ, գեռ խոր խորշիկ մը, բուխերիկ մ'ունին, որոյ մէջ քանի մը աաշեղով տաքութիւն և լոյս կու պահեն, և անով իրենց նմանեաց երեսը կու տեսնեն. ծխանին ծակէն արձրկած ծուխն՝ նաև գիշերուան և քնոյ խորութեան մէջ, կ'իմացընէ հաղիւ հանգիստ կամ մոլորած անցորդի մը՝ թէ այն մեռելատիպ հողի քարի խուռի և ձեան տակ այլ՝ կենդանութեան կէտ մը, ընտանութեան բոյն մը կայ։... Ո՛հ, ի՛նչ գոնգակ է այն անդն, ուր ծրխան չի ծխեր. ի՛նչ խղճալի անձ, որ այսպիսի եղանակի և ժամանակի մէջ՝ բնութեան ամենայն սաստից և արհաւրաց մէջ, սառի և սարսուռի մէջ պատած պաշարուած բռնուած ըլլայ. ուր ոչ միայն այդ չարիքն, այլ և չարիքներէն ազատելուն ճար ու յոյս այլ չըլլան. — և մանաւանդ, մանաւանդ եթէ մէկն բռնի և անպարտ դատապարտուած ըլլայ այդպիսի, և քան զայդ աւելի զրկմանց, կրից և ցաւոց։... Հայկակ, հոս անտարբեր կալ մնալ չըլլար. այս յիշատակիս՝ ցուրտն և սարսուռն ամեն պատ ճաթեցընելով ներս կու մտնեն. կրակդ կ'անցնի, ծուխդ կու ցնդի, սիրագ կու սոսկայ... Ե՛լ, ել խրճիթէդ, մոռցիր ձմեռ խաւար. հայրենական հողոյ հրէզէն վերարկուն ձգէ վրագ, թող կրակիկդ, և հասարակ գիշերուան խօլաշունչ մրրկին մէջ՝ անկէ սուր ել թռիր։

Երթանք, մէկ շնչով անցնինք սառնապատ սա-



րեր ու ձորեր. երթանք՝ ուր որ ցրտին, միայնու-  
թեան, ամայութեան, և ահեղութեան երևոյթ-  
կայ, վիշաք և կիրք կան: Երթանք, ուր այս-  
օրուան Հայագիր յիշատակն յափշտակէ զմեզ.  
մեր հայրենեաց հիւսիսագոյն սահմանները. ուր  
հսկայաձև երկայնաշար Կովկասու լեռնագօտեաց  
գիմաց՝ իբրև զուգահեռակ կամ հակապար ա-  
նոնց, աւելի ցած և աւելի կտրտած լեռնագօտի  
մը կու ձգուի ընդ հարաւակողմն. զոր Հայտն-  
կա կամ գուցէ լաւ ևս Հայտնկա կ'անուանէ  
աշխարհագիրն. և որ շատ հեղ հին Հայոց և Վրաց  
սահմանապարիսպն եղած է. բայց շատ հեղ այլ  
Հայք անցնելով այդ պարսպեդ՝ տիրած և բնա-  
կած են անոր դէպ հիւսիս տարածած գեղեցիկ  
ձորագաւառերուն. որոց մէջ մեծ գետոյն Կուրի  
հայաբուխ օժանդակներն զեռալով՝ բաջաբոյս փո-  
րակներ և ձորակներ կու ձևացընեն: Անոնց վրայ  
կ'իջնէր Թագապատիւ նախարար մի, անուանեալ  
Բրէաւի Գոգարայ. վասն զի այս հին և մութ նա-  
հապետական անուամբ կոչուէր այդ Վրաց և  
Հայոց մէջ տարածուած բազմալեռ բազմաձոր  
բազմալիճ բազմագետ աշխարհն. որոյ և յետին  
գաւազն՝ յարևելեան կողմն՝ կոչուէին Կուր-  
ի, Մուրի, Զուրի: Այս երեք փորակաց ան-  
միջապէս յարևմտից հիւսիսախառն կից՝ փորակ  
մ'այլ կոյ, զոր շատ պատմիչ և աշխարհագիր  
Թողեր են անծանօթ. այն է Բուշուրի. և սակայն  
ամենէն աւելի ծանօթ ըլլալու իրաւունք ունէր  
այս գաւառակս. որովհետև ասոր մէջ է, իր հա-  
րաւային ծայրը և յեզր դաշտին Վրաց, ասոնց  
հիմու մայրաքաղաքին՝ Տփլիսեաց՝ գիմաց, իբրև  
կիսաւուր ճամբով միայն հեռու՝ Գուգարաց բը-  
դեշտին մայրաքաղաքն՝ Յուրթաւ, նոյնպէս գրեթէ  
բոլորովին մոռացեալ, զոր միայն յիշեցընէ ձո-  
րագնաց գետակ մը՝ Յուրթագէտ կոչմամբ, և խառ-

նուր հարաւային հայակովիտս լեռներէն իջած վտակին հետ, այն որ իր բնիկ գաւառին անունը կու պահէ (Բողնեաց գետ), հիմա Բաղրատի կու չուելով: Իսկ այդ բզեչեաց աթու հին և չէն քաղաքն՝ հաղաք տարիէ վեր գիւղացեալ՝ Քալէֆ կոչի, հնագոյն անուամբ և աւանդութեամբ մը. վասն զի այդ աեղը՝ կ'ըսեն, շինած է Քալ կամ Քալ անուն եղբորորդին Հայկայ. որոյ անուամբ երբեմն գետն այլ Քալէֆֆֆ կոչուի: Այս չէնս կամ քաղաքս՝ Բողնոփորի հարաւային ցածագոյն ծայրը շինած է. իսկ գաւառին բարձրագոյն լեռնասահման ծայրը, հիմիւ մացառախիտ և պղնձահատ Լեւոնի լեռանց սաորոտը, Բողնոտաւրեայ աղբերականց մօտ՝ ամուր և աւեր չէնք մը կայ, որ նոյնպէս Թորգոմայ առաջին Թուանցմէ շինուած կ'երեւի, քան թէ՛ ի ճենաղնեայ Ուռպելեանց, և կոչուի ինչուան հիմա Ուֆրէթ, Թերեւս յանուն Ուփար նահապետի մը կամ Ուփարը ցեղի մը. որոյ հին բնակարան և օստան եղած կրնայ ըլլալ. և յետոյ աեղոյն բարձրութեան և դժարութեանն համար Թողուած, բայց պահուած իբրև ամուր և անմատոյց բերդ, պատասպարան և տեղիապաւինի գաւառին, կամ արգելարան բանտի խնտիւ պահելի անձանց:

Մեր քննութեան ատենն այլ, ասկէ իբրև 1400 տարի առաջ, այս պահուած քաջուած մթին և խոժոռ. կերպարանքը կ'ընծայէր Ուփրէթ. ևս առաւել այս եղանակիս և այս պահուած: Քարունն, այն աստուածային երկրասիւիւռ ծիծաղն, դարունն և ամաւն՝ որ Բողնեաց փորակը ծաղկազուարճ բուսաբուխ վիճակ մը կու դարձնեն՝ անոր պայծառ ալեաց մատուռակութեամբն, Ուփրէթայ բերդին եզերքն այլ չէն մոռնար հասարակաց երկրի պարգևէն. ինչուան բանտերու պատերուն վրայ այլ կու բուսնի կու բացուի ու.

րախուժեան և անմեղութեան նշանակն, ծաղիկ մը...: Իսկ մարդուս սրտի ծաղիկն՝ գթութիւնն, ո՛հ, գթութիւն չի բուսնիր, չի բլլներ բւնաւորաց կուրծքէն, որ մտնէ այդ պատերէն ներս. հոն՝ ուր ոչ միայն ստոյգ արդարութեամբ դատապարտածն, այլ երբեմն (չըսեմք շատ հեղ) նաև անպարտն արգելեալ, զուրկ 'ի լուսոյ և 'ի յուսոյ աշխարհի՝ տառապի, տուայտի, մեռանի...:

Այս գիշեր, Հայկակ, դու այդ նիւթական անչար բնութեան պարգևիկն այլ չես դտներ հոս. հոս ամեն բան չորցեր, սառեր անցեր է. և եթէ ըստ բաղդիդ՝ գլխուդ վերև թափառած սև մըրուրներն պատուտելով, բանան քանի մը վայրկեան դալկահար և դողդոջուն լուսնի մը երես, ահա տեսածդ ամայի ցուրտ սառած անապատ մ'է: Լեօք և Լեալվար լերանց կոշտ կոճակներուն վրայ քանի մը կանաչ ըսուած մոշայք և եղևիք կան. այլ այս առհասարակ տարածեալ ձեան տակ կամ մէջ, դողդոջուն ու անփախուստ շուքերու պէս կու ծփան ծառերն. և այդ պաղ պախրցի հովուն թևերուն տակ՝ իբրև վզէն բռնուած կենդանիք՝ սուր ու խայթող ձայներ ճիւղեր կու հանեն. միայնակ երգ և երաժշտութիւն հիւսիսային հովպետին՝ այս եղանակիս, այս տեղւոյս: Եթէ յանկարծ ջատուկ պառաւի մը վայելու նման սուր ձայն մ'այլ չի փրթի՝ դիմացի բերդիդ քարէ պահապանի նման բարձրացեալ աշտարակին գագաթէն. որոյ վերին պատուհանին խորշը քաշուած տափաղուխ լայներես փետրափուք բուխձակն՝ ապակէնման մեծակլոր աչքերը աջուձախ սահեցընելով, կորուկախ քթովը՝ ձմերական խոր հանգարտութեան մէջ անգամ անհանգարտ և անկուշտ, բանտապանին կամ բռնաւորին նման կարծես կու սրգողի ամեն օտար կենդանեաց, որ չխռովեն իր աւերակաց տէրու

Թիւնը, չարդելուն իր որսերը: Եւ ահա, երբ լուսնին ճաթառած ճառագայթներն այլ քաշուին, անհեգեդ բերդն, բարձրահայեաց բաւրդն՝ աներևոյթ կ'ըլլան, բուին վայն ու վույն աւելի կու զօրանայ: Արտաքինէն կրնաս գուշակել Ուփրեթայ ներքին երևոյթն այլ, պատերուն թանձրութիւնը, սրահներուն, սենեկներուն կամ խորշերուն նեղութիւնը, և տեղ տեղ բարձրէն բացած ծակերուն պզտիկութիւնը. ուսկից ոչ երբեք սրտաբաց մաքուր օդ մը և պայծառ լոյս մը կ'իջնեն, այլ մըրախառն բան մը, այնչափ՝ որ կարենայ արգելական մը դեռ շնչել, և հառաչանքները անկէջ դուրս արձրկել ինչուան ուր որ հասնի. և փոխարէն՝ գրսէն ընդունիլ բուխձակին վայիւնը, հիւսիսին սօսափիւնը, և երբեմն հեռաւոր ձորերէն իջած ջրերուն հանդարտ ընթաց սահանաց կարկաշտնքը. — հառաչանք հովու և ջրոյ, — ի պատասխան հառաչանաց հրաջեալ և հալեալ սրտի բանտարկելոյն:...

## Բ

Կայ արդեօք հիմակ այլ մէկ մը, այսպիսի դժբնդակ եղանակի մէջ, այսպիսի դժնդակագոյն տեղ մը արգիլուած. մինչդեռ քաղաքական և կրօնական եղանակք՝ փոխանակ բնութեան՝ միտթարեն զմարդիկ, նոր տարւոյ յուսով և Քրիստոսի Աստուծոյ ծննդեան տօնից հրաշափառութեամբ: — Քանի մը մղոն ճամբայ, ձորակ մը, ամայի դաշտակ մը, պատ մը միայն՝ անանց անկոխ արգելք կանդներ է ընդ մէջ աշխարհի, կենակցութեան, և ընդ մէջ բանտարկելոյն. ամենայն ինչ՝ ոչ միայն տխուր, այլ և անփոփոխ է անոր չորս գին, բաց ի մտքէն. եթէ դեռ զօրաւոր սիրտ մը կարենայ նուաճել զտրի-

րուծիւնը, և բանեցընել գլխոյն աստուածա-  
տուր ազատութիւնը. այն ազատութիւնը, ո-  
րուն կ'ուզէ, բայց չիկրնար արգել ըլլալ անգթա-  
գոյն բռնաւորն այլ:... Բայց անցնինք այդ լուռ  
և խաւար սրահներէն, խորշերէն, գաղտնարան-  
ներէն, ուր վրանիս կու թափին ձանձախարիթի  
նման սեցած սարգի ստտայններ, և պահապան-  
ներէն շուտ արթնցող ճիւղակներաւ ջղջիկներ՝  
կաշէկծիկ թւերով՝ սատանի ձագերու պէս պա-  
սէ պատ կու զարնուին. բաց յայն սենեկէն միայն,  
ուր անփոյթ՝ քան անգութ՝ պահապանքն սլառ-  
կած, փոխանակ անքուն հսկողութեան, խորդա-  
լով կու խրտեցընեն իրենց մատնուած դիմացի  
արգելականը: Եթէ այդ մարգկային գաղանաց  
որպիսութիւնը նայելու ըլլաս, կ'իմանաս՝ որ հոս  
շատ արգելական չկայ, բայց եղովն շատ զգուշու-  
թեամբ պահուած է իբրեւ մեծագոյն յանցաւոր  
և անազատելի մահապարտ մը:...

Սիրտ ըրէ, մտիւր այդ ծակը. խարխափէ շո-  
շափէ չորս գին. շատ ընդարձակ չէ, քանի մը  
քայլ է. այլ գիշերուն մթուն չես կրնար բան  
տեսնել. սակայն հոս թէ միջօրէին բարկ արևուն  
այլ գաս՝ շատ աւելի պիտի չտեսնես. տեսնելու  
բան այլ չկայ. այգպիսի արգելականի խորշ մը՝  
շատ մերկ և պարապ է: Խեղճ. և ոչ անկողին մը  
կայ, այլ պզտի խշտիկ մը, որուն վրայ հազիւ  
նստել կարելի է և ոչ երկայնուկ պառկիլ. ո՛հ,  
պառկելու ճար այլ չկայ:... Կու շնոս այդ թանձր  
շղթայից խշրսոցը. անշուշտ առոնք բանտելոյն  
ոտքերն կաշկանդած են. ոչ ոտքերն միայն, այլ  
և այն մարդուս ազատութեան արտաքին զուգակ  
գործաւորները, ձեռքերն այլ: Այլ աւելի խրդ-  
ճալի և պժգալի. մարմինն այլ արձակ չէ, գլուխն  
այլ ազատ չէ. հաջուխած շան վայել անուր մը՝  
վզէն անցած, ամուր կապանօք պատին պնդած

է. եռապատիկ երկաթով կապկըպած, կատաղի գազանի մը կամ գազանացեալ վիրադի մը նման, երեք անգամ արգելեալ:— Ստոյգ է ուրեմն առաւ պելն, որ առենօք այս լերանց դիմաց՝ Կովկասու Էլպրուզայ բարձրագոյն սարերուն գլուխը կու ցուցնէր զգիւցազն Պւոմիթեա, որ երկնուց կըրակ գողնալուն ու յերկիր բերելուն համար՝ չատուածներէն դաաապարտուած կապկըպած լերանց մերկ կողերուն վրայ ձգուած էր: Այդպիսի պատուհասի մը արժանի սեպուած կարծուի այս հակակովկաս լերանց բանտեալն այլ: Ի՞նչ բարկ կրակ է արդեօք ասոր գողցածն. վասն զի յիրաւի իր ձեռքերն այլ այրած, խարած, սպիացած կ'երևին. նոյնպէս ոտքերն այլ, և ինչ որ մորթ կ'երևի վրան. նաև երեսներն այլ, և ինչուան աչքերն այլ՝ գրեթէ աչքութենէ ելած. երբեմն բարկ արևէ, և վերջը մթէն խանգարած ուռած ցաւած. կարկառուն գէմբն՝ վտաած դեղնած. չորս դին՝ զգուելի որդեր ճճիներ կու զեռան: Դիմացը՝ սև ու չոր դարիէ հացի կտոր մը, քովը փառչիկ մը պաղ ջրոյ. այս է իր կենաց սնունդը ամեն Աստուծոյ օր, որչափ այլ ապրի: Վրայի մաշած զգեստն, եթէ զգեստ այլ կրնայ ըսուիլ, իր վեճակին յարմար՝ տանջելի, մազախառն հիւսուած մը. աւելի խստակրօն ճգնաւորի հագուստի նըման, քան սովորական մահապարտի:... Բայց ո՞վ անտանելի ծանօթութիւն... այս ամեն արժգալի բաներն դեռ կու պզտիկնան, ոչինչ կ'երևին, կամ թէ կրկին կու մեծնան, կու սաստկանան լեռնանան, մինչև յերկինս կու բարձրանան, երբոր հաւատաս, Հայկակ, եթէ այդ չարաչար բանտարկեալ մահապարտո՞ւ սովորական յանցաւորաց սեռէն չէ, այլ ի՞նչ մարդ է:...

Անշուշտ երկուքին մէկն. կամ դա՛ պատմուլթեանց մէջ չլսուած եղեռնաւոր անզգամ, դե-

ղիչ սպանիչ, քաղաքայրեաց, աշխարհակործան  
կին մը պիտի ըլլայ. կամ ատոր բանտունն այլ ա-  
ւելի եղեռնաւոր անդգայ գազան բռնաւոր մը։...  
Կին մը. ասանկ ատեն, այսպիսի տեղ, այսպիսի  
վիճակի մէջ... Անշուշտ սիրտ չես ըներ, Հայ-  
կակ, այս պատմութիւնս քուրերուդ պատմելու.  
կամ սիրտ չեն ըներ անոնք լսելու և աչք մը տա-  
լու այսպիսի սեռակից անձի մը վրայ. քեզի ան-  
գամ ծանր է՝ քու մօրդ զուգակիրը՝ Թէ և յան-  
ցաւոր և մեծայանց ըլլայ, այդ երկաթներուն  
մէջ կարկամած տեսնել։ Հապա որքան աւելի  
զգալի, կսկծալի և սոսկալի պիտի երևի այդ պատ-  
կերդ, եթէ դիմացը ուրիշ պատկեր մ'այլ ըլլար՝  
աշխարհիս (չեմ ըսեր զեղծ ու շփացած, այլ և)  
օրինաւոր բարեկեցիկ վայելուչ փառաւոր տիկ-  
նոջ մը։ Պէտք է արդեօք այն պատկերն այլ փրնա-  
ռել։ — Այո. հոս ոչ մարգահաճութիւն և ոչ  
անձնահաճութիւն, այլ բարոյական հարկ և պարտք  
մը կայ զայն այլ տեսնելու. պէտք է վայրկեան  
մը բանտէն դուրս ելնենք, որ բանտին մեջինը լա-  
ւագոյն ճանչնամք։

## Գ

Շատ հեռու չեմ տանիր զքեզ, Հայկակ. հա-  
զիւ ճաշաժամու մը ճամբայ. այս Բողնոյ-փորա-  
կէս դուրս չէ, այլ նոյն իսկ անոր շինագլուխն,  
նախայիշեալն Յուրտաւ. մայրաքաղաք բդեշխին  
Գուգարաց։ Անշուշտ մէկէն գուշակես Թէ դի-  
մացդ ելնելիքն պիտի ըլլայ բդեշխուհին։ Յիրա-  
ւի, անկէ զատ չէ. և գիտնալու էս որ այս տեղի  
բդեշխուհիս, Թագուհիէ շատ պակաս չէ։ Հայոց  
մեծ Թագաւորութեան տակ քոսնի չափ նախա-  
խարարներ կային, մէկ մէկ փոքր աշխարհներու  
ազատօրէն կառավարք. սստնցմէ չորսն աւելի

շատ ազատ և գրեթէ անկախք էին. ասոնք էին Բրէշլին, որ երբեմն Թագաւորք այլ կ'ըսուէին, և որոց մէկն հոս Հայաստանի հիւսիսակողման սահմանակալ կամ աշխարհապահն էր՝ Գուգարաց նախարարն, որ և Վրաց Բրէշլ կ'ըսուէր, և երբեմն բուն ազատ Վրաց Թագաւորէն աւելի զօրաւոր՝ և աւելի ընդարձակ երկիր ունէր, և անոր վրայ այլ իշխանութիւն կու բանեցընէր՝ Հայոց Թագաւորին կողմանէ: Արդ յայտ է որ բոլոր հիւսիսային կամ կովկասային ժողովրդոց առջև Գուգարաց բռնիքն՝ մեծազօր մեծափառ իշխան և տէր մը ճանաչուէր. խաղաղութեան ատեն 18 կամ 20000 զօրաց հրամանատար էր. անոր համեմատ առատ եկամուտ այլ ունէր երկրէն. մէկ մը անոր ընդարձակութեան և բերքերուն համար, (բաւական տափարակ և ցած դաշտեր ունենալովն, և աղէկ փայտի անտառներ, ու մանաւանդ պղնձի և ուրիշ մետաղաց հանքեր). մէկ մ'այլ Ալանսց-Իրան ճամբուն հարաւային պահակը՝ իր իշխանութեան տակն ըլլալով, որ էր սովորական ճամբայ Հայաստանէն և արեւմտեան Ասիայէն՝ ի կովկաս դնացողաց և անկէ հոս եկողաց. այս երթեւեկ և մանաւանդ վաճառաց ելումուտքն՝ շատ շահաւոր էր Գուգարաց տիրոջ: Այսպիսի գրութեամբ՝ հարկ է որ իր զշնոյն այլ հիւսիսային տիկնայց մէջ Թագափայլ և մեծափառ նազէր: Եւ եթէ ուրիշ դըշխոյք միայն այսպիսի բարձր գահու մը վրայ ըլլալովն այլ կրնային փայլել, հիմակուան բռնի խուհին իրմէ առաջիններէն անուանի, աւելի բարձրագոյն պէտք է փայլեր իր անձնական ձրիւքը, որով կոյսերաց գահոյքն անգամ կրնար պայծառացընել. վտանգի էր նա Թոռնադաւորիկ մեծի Պարթևին և սուրբ քահանայապետին Սահակայ, դուստր Մեծին Վարդանայ վարդապետի:



ՇՈՒՇԱՆ. այս երկու պարագլուխ ծաղկանց անուամբ և անոնց շնորհօքը ծանօթացեալ և հըռ-  
 չակեալ, 'ի հօրէն Վարդուհի կամ Վարդանուհի կամ  
 Վարդէնի կոչեալ, և 'ի սիրոյ գգուանաց՝ իր մա-  
 քուր և պայծառ տեսլեանն համար Շուշանի կո-  
 չուած, որ և իբր սեփականագոյն անուն մնաց  
 վրան: Շուշանկան չուքն և շնորհքն՝ չէր այնքան՝  
 հարստութիւն, Մեծին Վարդանայ Մամիկոնէից  
 տեառն անուանակիր զաւակ և ժառանգ ըլլալն,  
 կամ Գուգարաց բգեշխի գշխոյ ըլլալն. և ոչ այն-  
 քան մարմնափայլ գեղեցկութիւնն, ոչ իսկ պար-  
 թեական և մամիկոնեան արեան ազնիւ սերունդն,  
 որքան 'ի հօրմէն, մամէն (Սահակադիտոյ) և 'ի  
 մեծ պապէն առած դաստիարակութիւնն, իմաս-  
 տութիւնն, բարեպաշտութիւնն. միով բանիւ,  
 շնորհքն և օրհնութիւնն՝ որովք արդարև տշխար-  
 հիս մէջ մեծ անուն և զարմանք թողլով՝ արիա-  
 կան, դիւցային, աստուածանշոյլ կանանց մէկն  
 ճանչցուեցաւ. և հարկ էր որ իր երկրաւոր տիկ-  
 նութեան օրերուն այլ փայլէր և ըլլար աստղ և  
 պսակ հիւսիսոյ: Երկանը՝ Վաղգէն բգեշխի՝ ներ-  
 կայ չեղած ատեն, տիրաբար կ'իշխէր և հրաման՝  
 տայր աշխարհին, տանը մէջ՝ գերզգօն ազնիւ մայր  
 մ'էր. հասարակաց բարերար և դայեակ. եկե-  
 ղեցւոյ բարեզարդիչ փայլեցուցիչ, տրժանաւոր  
 Ս. Սահակէն ժառանգած բարեպաշտութեան,  
 հոգեսիրութեան և հայրենասիրութեանն. որով  
 կարգաւորեց և մաուց Յուրասաւայ եկեղեցւոյն  
 մէջ հայերէն ժամակարգութիւն, զատ 'ի վրա-  
 ցւոյն. (վասն զի Վրացիք այլ շատ կային հոն,  
 թերևս աւելի քան զՀայս, երկար ատեն Վրաց  
 իշխանութեան տակ ըլլալով երկիրն. անոր հա-  
 մար երկու լեզուով այլ կատարել կու տար պաշ-  
 տօնը). և եպիսկոպոսք հրամանը սիրով ընդու-  
 նելով՝ հարիւրաւոր տարի ետքն այլ իբրև աւան-

գութիւն և պատուէր մեծ գշխոյին՝ անփոփոխ պահէին այս կարգը:

Ահա այսպիսի է բգեշխուհին՝ զոր կ'երթամք տեսնելու 'ի Յուրտաւ. և 'ի հարկէ այսպիսի ձրից և արժանեաց քով՝ շատ ծաղրելի և անպատեւի պիտի ըլլայ՝ անոր վսեմափայլ կերպարով. նազը հիանալ, կամ տիկնուծեան թագն ու շքանքը, ոսկին, բեհեզն, ծիրանին, գոհար ակունք և մարգարիտները գիտել. բաւական ըլլայ առանց մանր քննելու և համրելու՝ հարեանցի մ'այլ տեսնել զինքը գշխոյական դարպասին մէջ՝ հանգիսական հագուստովը, և բնական նարմանազուկ շարժուածքովը. կարծես՝ շնորհք, հեղուծիւն և վսեմութիւն իրար խառնած՝ զինքը զանգեր ու զարդարեր են. և այդ ամենայն փառքերէ վեր ելնելու կու շարժէ մանտրուքայլ ոտքերը, որպէս թէ իր բուն գահոյքն՝ աստեղաց կամ արեւու մօտ խորանի մէջ կանգնած ըլլայ:...

Հիմա կրնամք, Հայկակ, այս Գուգարաց բգեշխուհին, իր տիկնաբար կոխած շեմէն շարժել ու փոխադրել վայրկեան մը Ուրբեթայ զնդանին մէջ. և հասկընալ՝ թէ ի՞նչ է վեհ վսեմ գեղեցիկ բարեկիրթ բարեպաշտ զաւակամայր կին մը, և ի՞նչ է այդ մեր նախ տեսած, երեքերկաթեան կապած, մաշած մարած պառաւն. որոյ՝ կին անգամ ըսել դժար կու գայ: Թերեւս պարտիզափայլ շուշանին և ձմեռը անասնոց խար սրուած չոր ծաղկին մէջ՝ այնքան աննմանութիւն չըլլայ, որքան այս երկու կերպարանաց մէջ. անմօտենալի վիհ մը կ'երեւի մէջերնին:... Եւ սակայն. — սակայն, ի՞նչ չիկրնար ընել մարդու հոգին. այն մեծ և անմահ զօրութիւնն, որ բարութեամբ կրնայ բարձրանալ մինչև յԱստուած, և չարին հետեւելով՝ ինչուան սատանայի գործակից ըլլալ: Այս երկու հակառակ կերպով՝ հոս այլ մեզի

աննման անմօտենալի անկարծելի երեցածն՝ կրքնայ ըլլալ. և արդէն եղած է, և մեր ուզածէն և չուզածէն աւելին այլ: — Ուփրեթայ շղթայեալ վշտակիրն՝ և Գուգարաց շնորհաշուք գշխոյն՝ Շուշանիկ, անբաժանելի մի և նոյն անձն է...: Մեծին Վարդանայ մէկհատիկ դուստրն, Վազգենի կինն, Վրաց բզեչխուհին, աննման Շուշանիկն այն է՝ որ վեց տարիէ վեր այս ահեղ և դժնդակ տեղւոյս և շղթայից մէջ դատապարտուած է ի տանջանս և ի մահ:...

## Դ

Ո՛վ ամիշուծիւն, ո՛վ սոսկումն, ի՛նչ փոփոխութիւն, տէր Աստուած: Եւ ի՛նչպէս. ինչո՞ւ: — Արդեօք այդ մեծահոգի մեծաշնորհ կինն՝ իր և հասարակաց նախամօրը պէս խաբուելով, աստուածային պատուիրանին անհնազանդ՝ վռնտուեցամ իր դրախտանման դարպասէն. թէ արդեօք երկնային զօրութեանց պարագլուխ արուսեկին պէս հպարտացեալ՝ ուղեց Բարձրելոյն աթոռն ելնել, և զարնուելով անոր կայծակէն՝ դլրեցաւ ընկաւ ի խաւար և յօտարութիւն:... Թէպէտ և անհուն կ'երեւի կերպարանաց փոփոխութիւնն, սակայն այդ մաշած գիմաց վրայ ամբարտաւանութեան և մեղաց հետք չեն երևիր. շատ հեռի են չարութեան շուքերն անգամ՝ այն հեզութեւն և առսքինի տրամուծեամբ խորացեալ խորշոմեալ երեսներէն. — նուազեալ և ցամաքեալ աչքերէն՝ դեռ գթութիւն և ողորմութիւն կու կաթէ. — խարշած շթանց մէջ դեռ շնորհք կու ժպտին լռիկ. — անթադ անպսակ ճաղատ ճակտին վրայ դեռ անաբուեստ զօրութեամբ մը գրուած կ'երևի՝ թէ սա գշխոյ է արժանափառ: Նեղ բանտին մէջի մէկ հատիկ գործարանն՝ աջ-

Խանոյ մը, անոր վրայ երկու գրքոյէք՝ աղօթամատոյց մը և Ս. Սահակայ աստուածաշօշափ մատներով գրուած աւետարանիկ մը, և այս երկուքին մէջ կանգնած խաչափայտ մը՝ կու վկայեն, թէ աստուածարեալ հոգի մը կայ այդ պատերէն աւելի՝ մարմնով բանտուած՝ անձին մէջ. որուն հանդարտութիւնն, սենեկին խաղաղութիւնն, և գրեթէ որդանց մէջ անգամ զգալի անուշօհոտութիւն մը, շատ համարձակ կու վկայեն, թէ դա ոչ միայն իր անուան շնորհն պահած է, այլ և առաւելած. անպարտ է այդ գատապարտեալք, անարատ է տառապեալք, սուրբ է Ուփրեթայ բանտարկեալն, հրեշապաշնորհ է ՇՅԻՇԱՆԻԿ, և անօրինակ երևոյթ մ'է մեր տեսածն հոս։...

Ո՞վ է ուրեմն պարտաւորն. ո՞վ այն այլանդակ յանցաւորն, այն ապառաժ բռնաւորն, այն մարդապաղանն՝ որ յայս վիճակ հասուց զսա։ — Վազգէն. — Վրաց բգեշին, նոյն խսկ կենակիցն, ամուսինն Շուշանկան։... Անշուշտ կամ խելագար կամ գիւհաւոր պիտի ըլլայ՝ որ այդ գործք ըրեր է, կամ դժոխական ատելութեամբ մը մխտած՝ որ զմարդ մոլորցընէ չար քան զխել ու զգեւ։

Ախոս Շուշանկան. երջանիկ ժամանակ մը ծնաւ, իր հօր Վարդանայ ամենայն փառաց մէջ և հօրապապուն Սահակայ անպատեական դահակալութեան տանն. սակայն թշուառ դարու գրչխոյ եղաւ։ Հասակին վիճակին ամենէն պայծառ միջոցին, Հայոց բաղդին փառափայլ արևն խաւարեցաւ, վերցաւ թագաւորութիւն ցեղին Տրդատայ և քահանայապետութիւն Ս. Գրիգորի. Հայաստան տալին ու վրայ եղաւ, Պարսք ջանալով զՀայս կրակապաշտ ընել՝ երկայն տարիներէ վեր լուծ հալածանքը նորէն բորբոքեցին. Հայք բանիւ և փաստիւ չկարենալով համոզել զամալորիշտն Յազկերտ՝ աշխարհօրէն պատերազմաւ ու

դեցին դէմ կենալ զինուոյ բռնութեան. մէջերնին երկպառակութիւն ընկաւ, կէսն կաշառուած 'ի Պարսից և մոգութեան հաւանած՝ արգելք եղան յաջողութեան պատերազմին և ազատութեան. Վարդան՝ հայրն Շուշանկան գլուխ հայրենեաց ուխտապահ մասին՝ ընկաւ փառօք և սրբութեամբ մեծ ճակատամարտին մէջ. իրեն հոգւոյն և յօրութեան յաջորդ մը չգտնուեցաւ շուտով: Իշխանաց և ցեղապետաց ոմանք փախստեամբ և թաքստեամբ ծածկուեցան. ոմանք զէնքով պաշտպանել ջանային իրենց ամրոցները. շատոնք այլ 'ի Պարսից ձեռքն ընկած խաբէութեամբ՝ բանտեցան յօտարութեան. և ոչ սակաւք՝ դժբաղդաբար՝ սիրելով զփառս և զվայելս աշխարհի՝ քան զհանդերձեալ յոյսն, հաւանեցան կամայ կամ ակամայ մոգուցն և կրակապաշտից. և քրիստոնէութեան փոխանակ՝ արևու և մոխրի պաշտօնը յանձն առին: Որոցմէ այլ աւելի զգուցելով ուխտապահքն, ոչ միայն արք այլ և կանայք, փափկասուն տիկնայք, իբրև նորէն կնքուելով 'ի Քրիստոս՝ հաստատեցին ուխտ գրին մինչև իսպառ համբերել, նեղիլ, տառապիլ և չուրանալ զսուրբ հաւատս Յիսուսի, չմարել Լուսաւորչին ջահը՝ պիղծ մոխրախայծ խանձողաց դիմաց:

Այս եղբի երկու դասուց մէկմէկ պարագլուխ կրնան սեպուսիլ Գուգարաց բզէշխն և իր գշխոյն. Վազգէն վասականման ուրացողաց, աւերողաց, հայրենատեաց, քրիստոսատեաց անարի արանց. Շուշանիկ՝ Շամուհնեայ նման մեծահաւատ մեծահոգի հայրենասէր աստուածասէր այրասիրտ կանանց. որք « Մուացան զկանացի տկարութիւն, » և եղեն արուք առաքինիք 'ի հոգևոր պատերազմին... ոչ միայն յոգիսն մխիթարեալ կային առ » աներևոյթ զօրութիւն յուսոյն յաւիտենից, » այլ և մարմնոյ նեղութեամբք առաւել ևս բար-

» ձին զբեռն ծանրութեան... Ոչ ինչ յիշեցին  
 » ամենեկին զանոռն փափկութեան մայրենի ազա-  
 » տութեանն, այլ իբրև մարգիկ՝ որ վշտամբերք  
 » լեալ իցեն անդատին՝ ի շինական սովորութեցն  
 » տանջելով վարեալ զկեանս աշխարհիս, անգրա-  
 » դոյնք ևս քան զնոսա յանձն առին զհամբերու-  
 » թիւն վշտաց։... Անարիւն ճպոանց նմանեցին,  
 » որ երգոյն քաղցրութեամբ տռանց կերակրա-  
 » նաց կեան, և կենդանի են միայն զօդն ծծելով,  
 » զանմարմնոցն բերեն զնմանութիւն՝<sup>1</sup> » :

Այսպիսիք էին այն ժամանակի ուխտապահքն  
 Տիկնայ՝ խափատան՝ Հայոց աշխարհին, որպէս ահա-  
 նատես սուրբ պատմին նկարագրէ։ Այլ ինչ ար-  
 գեօք պիտի ըսէիր. ինչ մեղքեղէն թէ հրեղէն  
 գրչով պիտի գրէիր, ո՞վ անուշակդ Եղիշէ, եթէ  
 լսէիր, եթէ ականէիր՝ այդ տիկնաց տիկինը, այն  
 քու մեր գիւցաղին՝ Վարդանայ՝ Վարդենի գրտա-  
 րիկը Շուշանը, այսպէս քան զամէն կին և այր՝  
 այդ հալածանաց պարագային մեջ՝ սաստկապէս  
 տանջեալ և հրաշափառապէս հանգիսացեալ։

## Ե

Եթէ կանացի մարմին մը քան զայդ աւելի կրա-  
 րուկ ասնջանքներ կրած է, գուցէ աւելի երկար  
 ատեն չէ կրած. թերևս ոչ ոք այլ աւելի և պէս-  
 պէս զրկանք և սրտակոտուր կիրք աղեաց գթոյ և  
 հոգւոյ վշտաց։ Անշուշտ այդ սեռին վեհագոյն մե-  
 ծուհեաց առաջին գասէն է Շուշանիկ. երբ նկա-  
 տենք զնա յետ սրբութեամբ տիկնութեան կե-  
 նաց՝ ուրացողի մը կին գտուած, թերևս և մայր  
 ուրացող որդւոց։ Այս բանս իրեն հազար մահէ  
 գառնադոյն էր. և բովանդակ այն միջոց ժամա-

<sup>1</sup> Եղիշէ։

նախն՝ յոր անարժան դժնիկ այրիկն՝ Վաղդէն՝ ի գուռն Պարսից էր գացեր, կուհոգար կուհալէր կասկածելով անոր ընելիք չարէն. թէ տնոր՝ և թէ իր զաւակաց (իրեք մանչ և մէկ գասեր) հոգւոյն վտանգը մտածելով: Անոր համար երբ մէկն իրեն աւետիս տուաւ, թէ տէրդ գարձեր ի Պարսից՝ ողջ առողջ կուհառնի իր աթոռը, առաջին հարցմունքն եղաւ, թէ հոգին ինչպէս է, ողջ է... Դժուարասելի, և աւելի դժուարալուր պատասխան. աւաղ. Վաղդէն հիւանդ, օրհասական, մեռած է հոգւով. զի « ի գուռն արքունի երթեալ՝ » « արտա- զքրիստոնէութի, և եղեալ ընդ պարսկական օրինօքն՝ ի խմայ և ոչ ի հարկէ և ի բրու- » նութենէ... վասն լկտի և անառակ վարուցն... » երկիր պագանէր կրակի, և ուխտէր ընդ սա- » տանայի. և խնդրէր կին պարսիկ ի թագաւո- » րէն. և (նա) հաւատայր նմա, և տայր Վնոջ » իւրոյ մայր նմա ի կնութեան. և յանձն առնէր » զկինն առաջին (զՆուշանիկ) և զորդիսն՝ դար- » ձուցանել ի մոգութեան օրէնս » <sup>1</sup>: Այս կայ- ծականաշար գոյժն երբ իջաւ յահանջ Նուշանկան, գլորեցաւ ընկաւ դետին. և երբ խելք ու շունչ իրեն դարձաւ, վայով և լալով քիչ մը սիրտը պըն- գելով ժողովեց զաւակները, շտապելով տարաւ յեկեղեցին, ընկաւ սուրբ սեղանոյն դիմաց, զարկաւ ճակատ ի գետին. երբեմն հառաչանօք և երբեմն լուութեամբ՝ անորդի Աննայից պէս գետնամած մնաց, միայն Աստուծոյ բողբջելով, և միայն Աստուծով կրնալով գիմանալ: Եկեղեցւոյ պաշտօնեայք ջաւով և ահով կուհայէին, և աւելի եռանդեամբ իրենց բոլոր օրուան պաշտօնները կատարեցին. Նուշանիկ դեռ տեղէն չէր շարժած. երեկոյն հասաւ, Աստուծոյ տաճարն

<sup>1</sup> Վարդ Նուշանկան:

այլ պիտի փակուէր. Շուշանիկ ելաւ սուրբ յատակէն, բայց չգարձաւ իր ապարանքը, այլ եկեղեցւոյ քով ոնակ մը քաշուելով, հոն բոլոր գիշերն այլ Աստուծոյ կու գանգատէր: Իր դրան քահանայն վերջապէս համարձակելով քիչ մը մխիթարութիւն տուաւ, և ուրիշներէն այլ անպելով՝ քիչ մը կերակուր առաւ. և դարձեալ գիշերուան մնացած մասը կեցաւ յաղօթք: Այդպիսի սրտի հարուածոց՝ չկայ քան զայս (աղօթք) յարմարագոյն և զօրագոյն ճար ու ճարակ: Երկրորդ առաւօտեան պաշտօնն այլ կատարելով յեկեղեցին, դարձեալ սկսաւ դրան քահանային ողբալ իր զաւակաց վտանգը. արդէն իր մէկ հաւիտի աղջիկն չափահաս ըլլալով, հարկաւ քիչ օրէն մոխրապաշտ զանդկի մը հարս պիտի երթար. մանչերն այլ ժամանակաւ անպարկեշտ պարսուհեաց փեսայանային:

Ուրիշ մխիթարանք չգտնելով առաքինօրէն կանչեց. «Հատա՛ւ սպառեցաւ ամենայն յոյս յերկրէ և ՚ի մարդկանէ. բայց (ես) ակն կաշայց » Աստուծոյ ամենակալի՝ որ փրկէ զիս. և տայց՝ » ինձ թեւս որպէս աղանոյ զի թողուցեալ թեօք » Հոգւոյն սրբոյ շնորհօք հասանել և դադարել » յանապատի, ընդունել զօրութիւն ՚ի վերին » խնամոցն, սթափել փոքր ինչ ՚ի մրրկեալ սրտ. » նեղութենէս և ՚ի վհատութենէս... Եւ ես պատ » րաստ եմ տալ զանձն բանտից և կապանաց և » ամենայն կտտանաց, որով նեղէ զիս ուրացողն. » զի Աստուծով կեցից, և մեռայց վասն անուան » նորա, և ոչ թողից զաւանդութիւն հարցն ի » մոց՝ լուսաւորչացն Հայոց » :... Այն յԱստուծոյ խնդրած աղանոյ թեւերն իջսն հասան հոգւոյն, և ինչուան Ուրիշութայ բանտն այլ հասուցին, թեթեւութեամբ և ուրախութեամբ սրտին. որով նախ ելաւ կանգնեցաւ իբրեւ մեծ թագուհի



մը՝ որ Թագաւորի մը չկրցած յաղթութիւնը՝ ըրած ըլլայ։

Այսպէս վեմութեամբ և վստահութեամբ նշատած էր, երբ Վազգէնի կողմանէ նուիրակք եկան, արքունեաց եպիսկոպոսն Յովհան և բդեշխին եղբայրն՝ մեծ իշխանն Զոյիկ։ Պահ մը պապանձեցան, կապուեցան, սկսան լալ. և հաղիւ կրցան կըմկըմսլով և ամաչելով բդեշխին հրաւերքը տալ, որ կու կանչէր տիկինը, բայց կ'իմացնէր այլ որ կ'ուզէ իրեն պէս քրիստոսութեան տիկին։ Այն ատեն մեծն և մեծաց դուստրն և Թոռնեայն՝ Վարդանայ և Սահակայ, տիրական բերանը բանալով սասանց եպիսկոպոսին. Ան վայել ասալիճանիդ՝ այսպիսի պատգամաբերութիւն, ըսաւ. դու ճմարաութեան քարոզ, «Ի՞նչ « զայդ հրամայես. միաբանել ընդ առն ամբարշտի » և ուրացողի զԱստուած. և այսպիսեացս լինիս » Թելադիր և մտախաբ։ Աւա՛ղ իմոյ Թշուառութեանս, որ և յորդորիչ ինձ ոչ գտաւ »։

Եպիսկոպոսն պատկառեալ և սրտապնդեալ՝ պատասխանեց. Ճշմարիտ է ըսածդ, բայց եթէ դու անշարժ մնաս՝ Վազգէն ոչ զքեզ միայն, այլ և բոլոր իր իշխանութեան քրիստոնեաները պիտի հալածէ, եկեղեցիները քակէ, բազին կանգնէ. մինչդեռ հիմա կու խոստանայ մեզի՝ ամենեւին չգպչիլ անոնց, և ոչ զոք ստիպել, եթէ դու հաւանիս երթալու իրեն։ Ես և տագրդ, Զոյիկ, եկեր եմք՝ ոչ յուրացութիւն հրաւիրելու զքեզ, այլ յորդորելու գալ երևիլ բդեշխին, բան մը ըսել. վասն զի եթէ յետ Աստուծոյ կայ մէկն՝ որ կարենայ անոր միտքը փոխել և սիրաւ շարժել դու ես, տիկին մեր։ — « Վազգէնի սրտին տիրել » ու շարժել՝ միայն Աստուծոյ կարելի է, ըսաւ » Շուշան. բայց Թէ իմ երթալս հարկաւոր կ'երևի » ձեզի, ահա կ'երթամ, բայց 'ի տառապանս և

» 'ի չարչարանս » : Ըստւ և արիաբար դարձաւ յապարանքը . սակայն չմտաւ իր տիկնութեան փառազարդ սենեկաց մէջ . այլ առանձին տնակի պէս զտտուած կողմ մը քաշուեցաւ , և երէք օր անքուն անկերակուր , լալու և աղօթքի կեցաւ :

Երրորդ իրիկունն Վազգէն պատրաստել տուաւ մեծահաց ընթրեաց տաճարը . ջահերն վառեցան , ամենքն իրենց բազմականը բռնեցին , միայն Շուշան գշխոյին դահոյքը պարապ էր . բռնչին խաւրեց զՋոշիկ որ բռնագատէ բերէ զբզեշխուհին . յետ երկար աղաչանաց հազիւ հաւանեցաւ Շուշան . իբրեւ նոր Յուդիթ մը , այլ Յիսուսի հեղութեամբն և մեծագոյն վսեմութեամբ զինուած՝ երթալու նոր Հոգովեանեայ ընթրիքը . չընտրեց անոր պէս իր պերճագոյն զարդերը , և ոչ իսկ առնոցմէ շատ փայլուն բնական գեղեցկութիւնը երևցընել ուզեց . այլ չափաւոր ձևով մը պարտրկած , միայն ծածուկ զարդ մը , չքնաղ լանջապատակ մը , անգին կնիք մը դրաւ ծոցը , որ էր իր սուրբ հօրապապուն ձեռագիր աւետարանին , և այնպէս մտաւ 'ի տաճարն : . . Սխրացան սարսեցան պահ մը ամեն տեսողք չուզելով անդամ , մինչև ջանացին իրենք զիրենք զսպել , և խօսքով ու կերակրով այլայլութիւննին ծածկել . իսկ Շուշան՝ իբրեւ երկնաճաշակ յաւերժահարսն , իր բարձր գահոյից վրայ բազմած , անխօս և անկերակուր կեցաւ , և ոչ իսկ Յուդիթայ պէս իր նաժըշտաց մախաղէն փոխինդ մը ծամելով . այլ իբրեւ զԵսթեր լուռ լեզուաւ և մեծաբարբառ երեսներով՝ երբեմն կու մարէր երբեմն կու վառէր , աւելի ակնախտիդ քան զամենայն ջահափայլութիւն տաճարին : — Նոր տեսակ աննման ընթրիք մ'եղաւ այն օր . Վազգէն սրտէն վագրի պէս կու մռնչէր , ինք զինք կ'ուտէր և չէր կրնար ճիկ հանել . Շուշան իր գշխոյն՝ գիմացն բազմած՝ լուռ

Թեամբ անդադար յանդիմանութեան տեղատա-  
րափ մը կու թափէր անոր և համախոհից վրայ.  
մինչև փութացան ընթրիքը չերկրնցնել ելնել, և  
ամենքը իրենց տեղը քաշուեցան: Նոյնպէս ըրաւ  
և Շուշանիկ:

## 2

Իսկ քաջն Վաղգէն՝ այն կըլլած թուանհամ  
պատահները չմարտած, շրթուքը խածնելով,  
և թողնով իր Պարսկաստանէն բերած շամբուշ  
բամբռիկն այլ, կու փնտռէր զՇուշան՝ անոր սրբօ  
կապանաց մէջ. ոչ իբրև այն օրերը՝ որ իր բարե-  
յիշատակ հայրն Աշուշա բդեշխ՝ մտերիմ բարե-  
կամն Վարդանայ՝ փեսայացոյց զինքը թագաւո-  
րական փառօք Մամիկոնէից օրիորդին. և ոչ իբ-  
րև փքացեալ հսկայ մը՝ արեգնափայլ առագաստ  
մաններով, այլ իբրև ըստաւոր անձոռնի Հերա-  
կէս, կամ կոպիտ գրաստավար մը, հաստ բրով  
մը հանդիպեցաւ հրեշտակափայլ հարսին, երբ  
ծառայից ձեռքով՝ դռնէլ և բռնի բերել տուաւ  
զնա. և փոխանակ տարաշխարհիկ պարգեւաց, փո-  
խանակ պարսկային ծոցէն բերած բստոյ և մար-  
դարտոյ, անհնարին ծեծութեալ թափեց վրան,  
անխնայ և անխտիր. քարշանք մաղերու և պար-  
կեշտ զգեստուցն, բռնցի աքացի հարուածք...  
(ամօթ, զզուանք մարգկութեան). մինչև յետին  
ծառայքն անգամ զպնելով և ցաւելով՝ վաղեցին  
առ Զոյիկ, որ փութացաւ եկաւ ջանաց գոցել  
այդ խայտառակ տեսարանը, ազատել զանմեղ  
աղաւնին դաժան վարուժանին ձեռքէն: Բայց  
ճար չեղաւ. դազանացեալ մարդն՝ իր եղբայրն  
այլ սկսաւ աքացել քշել, և իբրև փայտահար  
յանտառի կ'իջեցընէր հարուածները իր ոտքը ըն-  
կած անձին վրայ, հայհոյելով զնա և անոր հայ-

րը, զհաւատքն այլ, զԱստուած այլ. մինչև ինքն յօգնելով և չուզելով մէկ հարուածով մ'այլ ձեռքին տակ սպաննել իր առաջին կենակիցը, հրամայեց որ քարշեն տանին ձգեն ուսկից որ բերին:

Երկրորդ առտուն ինքնին գնաց հոն, տեսնելու իր երեկուան թափած կարկուտին արգասիքը: — Շնորհագեղն Շուշան ջախջախեալ էր, կզակները կոտրտած, աչուրները արիւնալից. այլ ոչ բոլորովին միջաբեկ. դեռ ողջ էր: Հրամեց Վազգէն որ հոն պահեն զնա զգուշութեամբ, և չթողուն որ քովը մարդ երթայ. ուրիշ բան այլ չտան իրեն՝ բայց միայն գարեհաց և ջուր, ինչուան որ մեռնի:... Իրմէ վերջը եկաւ հաւատարիմ դրաններէցն, իր աստուածահրաման պարտքն ընելու, չվախելով բռնաւորէն, ուսկից պահապանքն անգամ գանելով՝ թող տուին քահանային. որ երբ մտաւ և այնպէս արիւնջուայ գետին փռուած տրորած տեսաւ տիկինը, պաշտօնը մոռացաւ, սկսաւ տղու պէս լալ. մինչև ինքն քաջասիրտ խոստովանողն Քրիստոսի սկսաւ՝ փոխանակ ընդունելու՝ տալ մխիթարութիւն. « Մի » լար, ասէր, 'ի վերայ իմ. զի առանց հանդիսի և » չարչարանաց՝ ոչ արգարանայ առաջի Աստու » ծոյ ամենայն մարդ. և ոչ շնորհք փրկչին՝ լքա » նէ թողու զոք առանց ոգորմութեան որք յու » սանն 'ի նա »: Ապա քահանայն այլ զնա միւր թարեւով՝ տղաչեց որ քիչ մը ուտելու բան առնու. Շուշանիկ հազիւ կրցաւ բերանը բան դնել. այնչափ ուժէ ընկած էր:

Քանի մը ամիս այսպէս անցաւ. վստն զի Վազգէն քաղաքէն հեռացեր էր. ուր նորէն դարձաւ աճապարանօք, լսելով որ երկրին վրայ թշնամի կու գայ. ապահովութեան համար տղաքը Վրաստանի կամ Կովկասու ամուր կողմերը զբեկելու ջեց. Կուր գետէն անցնելու ատեն տղոց մէկն դի-

պուլածով կամ դաւաճանութեամբ ընկաւ կորաւ, և մեծ սուգ պատճառեց բոլոր երկրին. միայն Շուշան էր՝ որ մօր պէս ցաւեցաւ, այլ քրիստոնէի պէս ուրախացաւ՝ որ տղայն ժամանակաւոր մահուամբ յաւիտենական մահուանէ ազատեցաւ, սուրբ հաւատքը չուրացած մեռաւ։ Իսկ հայրն Վազգէն հեթանոսօրէն անյուսաբար կ'ողբար չարաչար. մինչև իր իշխաններէն զատ՝ Վրաց թագաւորն և Պարսից կողմանէ գրուած մարդպանն այլ եկան զինքը մխիթարելու։ Իսկ անգգամն խորամանկութիւն բանեցընելով՝ այն ատեն հեռացուց զՇուշան՝ ի պալատէն, և հրամայեց որ երթայ եպիսկոպոսին ապարանքը՝ եկեղեցւոյն մօտ։ Մեծ ուրախութիւն և բաղդ սեպեց զայս Շուշանիկ, և արդէն երկընէն ազատած սեպեց զինքը՝ իր աշխարհաձև զգեստն այլ փոխեց հոն, և հաւատաւորի խոշոր զգեստն հագաւ և օրհնեցաւ. կրկին նուիրական կենօք մեծ զուարթութեամբ անդադար աղօթից և բարեգործութեան կու հետևէր, ամենայն տեսողաց սիրելի և զարմանալի և գրեթէ պաշտելի ըլլալով։ Այս լուրս կրկին բորբոքեց Վազգէնի սիրտը դիւաշունչ կատաղութեամբ. և երբ մեծամեծ հիւրերն քովէն գացին՝ յետ կանչեց զՇուշան, և պատուէր խաւրեց՝ որ թողու այդ ձևը և կերպը, և գառնայ գայ հնազանդի իրենն ու տիկնութիւնը վայելէ։ Իսկ մեծահոգի նահատակն բացէ ի բաց մերժեց ամպարշտին հրաւերքը. և այսուհետև մեր մէջ կապ չկայ ըսաւ, վասն զի դու թողեր զՔրիստոս, իսկ ես այլ աւելի կապուեցայ անոր հետ։ Այս պատգամին հետ ղրկեց դարձուց Վազգէնի իր տիկնութեան նշանները, զարգերը, և ինչ որ անկէ ունեցեր էր. և գիտնալով անոր կասողիլը՝ պատգամը վերջացուց ըսել տալով. Թէ ինչ որ կ'ուզես ըրէ, «Նս պատրաստ եմ մեռանել, քան

» Թէ անցանել զաւանդութեամբն հարցն իմոց ։

Այս արդար նախատանաց այլ չհամբերելով անարդար մարդակերպն, գործեալ իր դիւցազնական լախտն ու բիրն առած՝ բազմութեամբ ծառայիցն վազեց խենթի պէս...։ Երկինք կայծակները բռնեցին, երբ առանց սարսափելու մըտաւ յեկեղեցին, լսելով որ հոն է Շուշան և անկից չիհեռանար. չպատկառելով ոչ յԱստուծոյ և ոչ ՚ի մարդկանէ՝ սկսաւ սրբազան տաճարին մէջ այլ ծեծուփեա քաշել աղօթող տիկնոջ. սոսկացան գանեցան տեսողք, գոյն առին գոյն տուին, բայց չհամարձակեցան բան մ'ընել. միայն Աստուծոյ պաշտօնեայն, քահանայ մը՝ համարձակեցաւ յանդիմանելու. Ի՞նչ սրտով, ի՞նչ իրաւամբ, ըսաւ, այդպէս չարաչար կու տանջես ատկինը ։ Անօրէն մոլին վերուց բերը՝ իջուց սաստիկ կոփ մը քահանային վրայ այլ...։ Երկինք դարձեալ համբերեցին.. իսկ ժողովուրդն այս երկու սրբապիղծ յանդգնութիւնները տեսնելով, սկսաւ լալ և յերկին բողբոջել. Վաղգէն՝ անմեղ գառանց փարախի մէջ սոված գայլոյ պէս ընկած, որու որ պատահէր՝ զարնելով հրելով, փութացաւ իր ծառայից օգնութեամբ քարշել Շուշան, հանել յեկեղեցւոյն, և նոյնպէս գետնաքարշ ընդ քար և ընդ տիղմ զգեստաբզիկ արիւնջուայ ձգել յապարանքը. ուր մնացած ուժն այլ թափեց խեղճին վրայ՝ ծեծելով և զգեստները պատռաւելով առաջինէն աւելի. և այնպէս կիսամեռ թողուց. Զոջիկ այլ հոն չէր որ ջանար ազատել հարսը ։

Յետ քանի մ'անգամ այսպիսի պժգալի հանդիսից՝ Վաղգէն հարկադրած ըլլալով իր երկրէն դուրս Հոնաց կողմը երթալու՝ վերջին դիւական և անլուր վրէժն այլ թափեց Շուշանկան վրայ. անձամբ բերելով զնա յՈւփրէթ՝ և այն երեքեր-

կաթեան շղթաները անցընել տալով ոտից, ձեռաց և վզին, անլուր լքուածեամբ իր կնիքն այլ անոնց վրայ դարկաւ, որ չհամարձակի մարդ մօտենալ և քակել. և այս յետին պատիւն ընելով իր ամուսնոյն՝ վերջին բարւն այլ տուաւ հայհոյելով անոր նախնիքը և սուրբ կրօնքը: — Իսկ երանուհին այսպիսի կտտանաց մէջ այլ իր վսեմական սրտովն նախ գոհացաւ զԱստուծոյ, և ապա ուրախ եմ ըսաւ՝ Վազգենի, որ զիս Աստուծոյ սիրոյն համար այսպիսի կապանաց արժանաւորեցիր, որով քիչ ատենէն յաւիտենական ազատութեան պիտի հասնիմ. բայց քեզ վայ և արիւստս՝ որ ասոր հակառակ կապանք և հատուցմունք պիտի ընդունիս Աստուծոյ արդար դատաստանէն: — Այն արդար և ահաւոր դատաստանին վճիռն էր Շուշանկան բերնէն ելածն. որ և այնպէս ազգու՝ այլ անօգուտ՝ զարկաւ Վազգէնի սրտին, որ չկարաց այս անգամ պատասխան տալ. և յուգայեան յուսահատութիւն մը հեռացաւ:

Երբոր վիշապին հետը հոտը ծածկուեցաւ, երեք օրէն հաւատարիմ դրաներէցն՝ որ ձագակորոյս թռչնոյ պէս ծառէ ծառ դարէ գօր կու դիտէր իր խնամոց կարօտը, մտաւ բանաւ. այս անգամ ուրիշ բան չկար ըսելու, բայց ընկնալ պագնել տիկնոջն կարծր կապանքները և համարձակ երանի տալ անոր: Իսկ առաքելնի և աննման դուստրն Վարդանայ, միայն մէկ երանութիւն մ'ունիմ, կ'ըսէր, որ է այս երկաթներս, որ զիս կու սրբեն այնպիսի մարդու կենակից ըլլալէս, և անոր զաւակ ընծայելէս. առնք ըլլան վկայ առաջի երկնից և երկրի՝ որ իմ յօժար կամօքս թողուցի ինչ որ աշխարհս ինծի կրնար տալ, և հանդերձելոց համար յանձն առի այս ցաւերս, որով յուսամ Աստուծոյ ողորմութեան և իր սրբոցը հասնիլ:

## Է

Այսպէս կեցաւ, այսպէս համբերեց Շուշան երկայն տարիներ Ուփրեթայ բանտին մէջ. միայն յետ շատ աղաչանաց Զոջկայ՝ հազիւ զեջաւ Վազգէն անոր վզին երկաթը վերցընել տալու. որով կրնար սուրբն քիչ մը հանգչեցընել գլուխը կաշիէ բարձի մը վրայ. բայց զայն այլ խնայելով կ'ընէր. վասն զի ինքն այլ սկսաւ անգթանալ իր վրայ, իբրեւ թէ արտաքին ցաւն և կապն բաւական չլլային. քունն այլ կու կարճեցընէր, որ աւելի ժամանակ ունենայ աղօթելու. գարեհացիկն և ջուրն այլ շատ կու սեպէր, և ամբողջ շաբաթներ ծով կ'անցընէր, միայն շաբաթ և կիրակի օր քիչ մը բան ծամելով յետ սուրբ հաղորդութե, զոր հաւատարիմ դրաներէցն անխափան կու բերէր. և կամոաց կամոաց ուրիշներն այլ համարձակելով սկսան գալ, աղօթք խրատ և օրհնութիւն ուղեւու, ոմանք այլ առողջութիւն խնդրելու, և գտան այլ ուղածնին:

Սրբութեան, ճգնութեան ու հրաշից համբաւն սկսաւ տարածուիլ չորս գին. լսեց ինչուան ճորայ պահակէն՝ ի ժականջ Վազգէնն այլ. և յետ չորս տարւոյ դառնալով իր երկիրը, առաջին հոգն եղաւ իր բանտարկեալը քննելն. և իմանալով որ մարդ մտած է ներս, պահտպանաց մահուան ծեծ մը տալ տուաւ. և հրամեց առաջինէն աւելի խըստութիւն ընել ու չարչարել զսուրբը: Բայց այնչափ երկար ատենուան փորձով աղէկ գիտնալով որ չարչարանք օգուտ մը չունին, ուղեց կախարգութեամբ ուղածին հասնիլ, նման Սաւուղայ. և տարի մը ջատուկ վհուկ կնկան ձեռքով աչեատելով՝ չիկրցաւ բան մը շահիլ: Ամենէն զօրաւոր հնարքն և վրէժն՝ որ յիրաւի Շուշանկայ սիրտը



վեր 'ի վայր պիտի ընէր, ամենէն ետքը թողուց. — տղաքները ուրացընել, իրեն պէս կրակապաշտ ընել: Այս գառն գոյժս՝ ուսկից միայն այնքան ատեն կու գողար մայրն աղէգութեւ բարեպաշտ, իր վեց տարուան երկաթներէն աւելի կտրուկ եղաւ՝ կիսամաշ կեանքը բոլորովին մաշեցընելու: Այնուհետեւ աշխարհիս վրայ սրտի կէտ մը չունէր, և ոչ յանկարծակիս յոյս մը. վաղք և ցաւօք շատ առաւել քան իր ընկերակից առաքինի համբերող կանայքը, անոնց՝ գոնէ ուշ բայց վերջապէս հասնող միսիթարութիւնն այլ չունեցաւ. յիրաւի ողբաց անոնց համար սրտառուչ վիպասանն, թէ « Բազում ձմերաց հալեցան սառնա » մանիք, եհաս գարուն և եկին նորեկ ծիծուռնք. » տեսին և խնդացին կենցաղասէր մարդիկ. և նոյն քա ոչ երբէք կարացին տեսանել զանձկալիսն » իւրեանց ». — սակայն յետ երկար շրջանաց՝ վերջ ունեցան այն բազում ձմերուկն այլ. և երբ յետ իբր տասներեք տարեաց անգամ մ'այլ եհաս գարուն և եկին նորեկ ծիծուռնքն, ընդ կենցաղասէր մարդկան՝ խնդացին և ճիւղացին համբերող տիկնայքն այլ. վասն զի վերջապէս տեսան « զանձկալիսն իւրեանց... զցանկալի գեղ երե » սաց նոցա »: Այլ, ահ, միայն Շուշանկան չհասաւ գարուն. չեկաւ ծիծուռն, չերեցաւ անձկալին. և ոչ « Ծաղիկք գարնանայիք յիշատակեցին » զպսակասէր ամուսին »: Շուշանիկ վեց եօթն տարի ոչ կանաչ գետնին ծոցէն ծլած ծաղիկ մը տեսաւ, և ոչ ծաղկի տեսութեամբ այլ կրնար անոնց պէս ցանկալի յիշատակ մը արթնցընել. իր ծաղիկն էր փուշ վշտաց, յիշատակն՝ ուրացող մը Աստուծոյ և ամուսնոյ: Անոնց՝ տուն տեղն դարձեալ նորոգեցաւ, մաքրեցան փոշոտեալ և ծխոտեալ սրահակք և սրկապանք նորեկ հարսանցն, վերցուեցան սարգի ոստայնք առագաս-

տաց նոցա, կանգնեցան բարձրագահէ տաճարացն, և ուղղեցան ուղիք երախանաց նոցա. դարձեալ գալարացան բուրաստանք ծաղկոցաց նոցա և որթք գինեքերք ծաղկեալ ետուն զհոտախերանց. և սիրելիք հանգիպեցան իրարու ընդ ուռենեաւ և ընդ նռնենեաւ: Իսկ Շուշանայ, ցորեկ, գիշեր, ամառ և ձմեռ միակերպ խաւար մը, կսկիծ մը, տխրութիւն մ'էր, հալուամաշ յիշատակներ. որոց երկընցած տներեայթ թելը՝ միայն մահն ալ տիկտրէր: Եւ արդէն մօտեցեր էր մահուան ցուրտ մկրտան՝ այն մարգարտաշար ոսկեօղ սուրբ կե. նաց կապին....:

## Ը

Ձարչարանաց եօթներորդ տարին խոնարհեցաւ շնորհակաթ Շուշանկան գլուխն. լուսածարաւ աչքերուն գիմաց բոլորովին գոցուեցաւ աշխարհիս վարագոյրն. հանգերձեալ լոյսն սկսաւ զհոգին հրաւիրել:... Հռչակեցաւ մահաբեր հիւանդութիւնն. ամեն լսող երանի կու տար անոր՝ որ կարենար տեսնելու այն հրաշալին ահատակը. բայց ամենքն չունեցան այս բազդը. իշխանք և աղնուականք Վրաց և մերձաւոր Հայոց՝ փութացան յետին յարգանք մը մատուցանել իրենց ըստ աշխարհի դժբաղդ գշխոյին. ամենէն առաջ հասաւ բարեսէրն Զոռիկ՝ իր կնոջ հետ մեկտեղ. ընկաւ նախ երկրպագեց Շուշանկայ աղօթանոցին վրայի խաչափայտին. ապա սուրբ տիկնոջ ոտքը ընկաւ, զարկաւ գլուխը գետնի, լացաւ շատ. օրհնութիւն և մեղացը թողութիւն խնդրեց, և հազար կտոր եղած սրտով հեկեկանօք բանտին պատերը թնգացընելով յետ դարձաւ: Եկաւ Սամուէլ եպիսկոպոսապետն Վրաց Մծխիթայ մայրաքաղաքէն, հանգերձ Յուրտաւայ գրան Յով

հան եպիսկոպոսով և քահանայիւք, որք շատ անգամ եկեր և մխիթարեր էին զսուրբը. ևս առաւել այն հաւատարիմ դշխոյին դրաներէց քահանայն որ ստուգիւ անոր մեծ և սուրբ սրտին խորագոյն կրիցը հաղորդէր, և Սատուծոյ և իր ազախինէն՝ շատ երկնաւոր վարձուց արժանի էր, ի փոխարէն այն զովարար մխիթարական բաժակաց՝ զոր բանիւ աւետարանին ընծայեց իր տիկնոջ և հոգեւոր դստեր: Անոնց ամենուն այլ տիկինն սրտառուչ շնորհակալեցաւ, իբրեւ իրեն ծնողաց և դայեկաց. շնորհակալ եղաւ և իր յետին այցելութեան եկող մեծաց և մեծուհեաց և հասարակ ժողովրդեան. աղօթեց և աղօթք խնդրեց. օրհնեց և օրհնուեցաւ:...

Ամեն մարդկային օրէնք կատարեցան. մնաց արդեօք ժառանգութեան խնդիրն. — յայտնի է որ սուրբն իր խաչէն և աւետարանէն զատ կտակելու բան չունէր. բայց մերձակայք և ժողովուրդն՝ նախանձելի և ագահելի բաներ կու տեսնէին. ամենքն մէկմէկէ աւելի կանչէին. Նրկաթնէրէդ կտորիկ մը ինծի, չղթաներէդ օղակ մը, խշտեկէդ յիշատակ մը ինծի հանէ, սուրբ տիկին:... Իսկ սուրբն, արդարեւ սուրբ, խոնարհ և հեզ, պատասխանեց մարմնրած ձայնովը. Նսարժանի չեմ այդպիսի խնդիրներու. « Բայց կամք » Սատուծոյ եղիցին, արարէք որպէս և կամք » և յետին հրաժարական՝ ամենուն առհասարակ օրհնութիւն տալով ըսաւ. « Ամենա » լին Քրիստոս լի արասցէ զձեզ հոգեւոր օրհնութեամբ »: Ապա բազմութիւնը հեռացնելով, ինքն այլ իր մէկ հատիկ մնացած երկրիս վրայի բաղձանքը կտակեց եպիսկոպոսապետին և անոր ուխտին. սակայն դեռ զայն այլ սքանչելի խօնարհութեամբ մը՝ յանձնելով անոնց կամաց. « Նթէ » արժանի կու սեպէք զիս խնդրոյս, տարէք մար-

» մինս թաղեցէք այն տեղ՝ ուր որ նախ առաջին » զիս քարշեցին » : Այս միայն եղաւ կտակ և փափագ Ս. Շուշանկան. հոն թողուլ մարմինը՝ ուր որ զտիկնուծիւն, զփառք, զաշխարհ և զվայելս կորոյս այն մարմինն. և քարշանք, հարուածք, չարչարանք և վիշտք սկսան՝ վասն հաւատաց և սիրոյն Աստուծոյ, և հոգեւոր տիկնութեան հանգէպն պատրաստուեցան : Վարդանածին դշխոյն ինչուան ՚ի մահ իր հայրենի մեծասրտութիւնը պահեր էր, հոգւոյն ամենայն վեհագոյն շնորհաց հետ :

Յետ այսորիկ ամփոփելով զինքն յինքեան՝ արձակեց վերջին ձայն մը գոչութեան առ Աստուած, որ արժանի ըրաւ զինքն այդ չարչարակիր նահաւակութեան, և աղաչելով ընդունել իր կարօտած հարց և սրբոց քով, խաչակնքելով աւանդեց հեղաբար զհողին. որոյ նման հզօր և պայծառ՝ շատ քիչ ճանաչուած է յաշխարհի՝ տկարասեւ բնութեան մը մէջ :

Բարեպաշտօն կանայք մեծ պատուով լուսցին մաքրեցին պարկեշտ և մաշած մարմինը, աւելի տաք արտառքներով քան անուշահոտ ջրերով. յետոյ երկու եպիսկոպոսունքն և քահանայք այլ խնկով և իւզերով զսպեցին. և բազմութեամբ ժողովդոց, համարձակ պաշտօնով, իբրև նորէն Գուգարաց գշխոյն գարձնելով ՚ի դահն, ՚ի բարձրագոյն դահ, հանգուցին Յուրտաւայ կաթուղիէին մէջ. երեկոյի և գիշերի պաշտօնը կատարեցին. երկրորդ օրն՝ հանգստեան պատարագ իբրև սրբոց տօնահանգէս : Ապա վերցընելով սրբահոտ մարմինը՝ տարին գրին իր փափագած տեղը, հոն՝ « ուստի զառաջինն քարշեցին » . և ուստի կու յուսար սուրբն՝ յետ գագրելու բոլոր կենցաղոյս ձմերուան, ՚ի բանալ քրիստոսանորդ գարնան նորոյ երկրի, պայծառ ծաղիկ յարու-

Թեան վերաբուսնիլ վերաթռչիլ ընդ առաջ երկ-  
նաւոր Թագաւորին, և գրկել խառնիլ անբաժա-  
նապէս իր նախափառաւորեալ հոգւոյն հետ:

Այն ընտրեալ և սրբեալ տեղն եղաւ Ժողովա-  
տեղի բարեպաշտ անձանց. Հայոց և Վրաց ա-  
նուանի ուխտատեղեաց մէկն. ուր և յետ 500 ա-  
մաց՝ մեր պատմեաց մէկն այլ, Սեբաստիոյ եպիս-  
կոպոս, վկայէ, Թէ « դեռ ևս կան տեղիք չարչա-  
» րանաց նահատակութեան նորա, և հանգստա-  
» րան սուրբ և պատուական նշխարաց նորա. զոր  
» մեր բազում անգամ երթեալ և համբուրեալ  
» (է) զսրբութեան տեղին »<sup>1</sup> . . . .

Թ

Եթէ դու այլ բաղդ ունենաս, Հայկակ, օր մը  
համբոյր տալ այն սրբութեան տեղեաց, մի մո-  
ռանար անգամ մ'այլ Բողնեաց գետն 'ի վեր եր-  
թալով՝ հազարամեայ աւերակաց մէջ փնտռել  
Ուփրեթայ բուխձաբոյն բերդին մամուռապատ մնա-  
ցորդները. նորոգէ մտօքդ, ոչ այնքան զնիւթա-  
կան շէնքը, որքան անոր մէջ հանդիսացեալ զար-  
մանուհին. — տես անգամ մ'այլ՝ այն անուամբ,

1 Պատմիչ վարուց Շուշանկան, որ եթէ չէ իր դրան-  
երէցն կամ Յովհան եպիսկոպոսն, ուրիշ ականատես ժա-  
մանակակից մը պիտի ըլլայ, Վազգենի վրայ բան մը չըտեր  
յետ անոր որդիքը ուրացընելուն. բայց յետագայ պատ-  
միչք Վրաց կու հաւատեն՝ որ իրենց Թագաւորն 'ի վրէժ  
անպարտ չարչարանաց և մահուան գլխոյին, յետ տարի-  
ներու՝ պատերազմի մէջ բռնեց զուրացող բզիշն՝ Գու-  
գարաց արեւմտեան սահմաններուն վրայ, և ողջ ողջ կտոր  
կտոր ընել տալով, կտորներն այլ ծառոց վրայ կախեց 'ի  
նշաւակ տեսողաց և 'ի կերակուր գիշահաւուց. Պարսից  
Թագաւորին այլ իմացընելով ինչ բանի համար ընելն՝ ան  
մեղադիր եղաւ:

բնուութեամբ, սրբութեամբ, Շուշանու վարդը. —  
տես զանիկ մէկ մ'իւր փառաց արքունեաց գա-  
հուց մէջ, մէկ մ'այլ երեքերկաթեան կապանաց,  
որդանց և ճճեաց մէջ, անլոյս, տնկրակ, անմխի-  
թար թողած, յողբիւս ընկած մարգարտի պէս.  
— Համբէ անոր վեցամեայ վշտաց, մանաւանդ թէ  
ըստ հին պատմը չին ազգման՝ զիւրաքանչիւր «զատա-  
» րեաց կամ զամսոց կամ զշաբաթուց կամ զա-  
» ւուրց և կամ զժամուց չարչարանս » . — Նկա-  
տէ այն մեծահոգի ծովատարած սրտին անգա-  
գար թաւալած ազէկտուր ալիքները. — և ապա  
դարձիւ նայէ վրադ:...

Ո՛վ աժգոհ կենցաղասէր մարդիկ. ո՛վ անհամ-  
բեր դիւրախնդիր տիկնայք. ո՛վ փոքրոգի լծա-  
բարձք Գրիստոսի. որք այդչափ գանգատիք ձեր  
կենաց և կրից վրայ. դնացէք 'ի բերդն Ուփրե-  
թայ և տեսէք շ'ՇՈՒՇԱՆՆ-ՎԱՐԴԵՆԻ:

ԺԶ

ԱՇՈՏ Ա

ԵՒ ՀԱՅԱՍՏԱՆ ՀԱԶԱՐ ՏԱՐԻ ԱՌԱՋ

Մայիս 27.

Ա

Հայագիր օրացուցակն այսօր Թ դարուն քանի մը անձանց սրբազան յիշատակին մէջ՝ վեհագոյն կու նշանակէ ՂԱՇՈՏ ԲԱԳՐԱՏՈՒՆԻ: Հաղարամեան դար մը մեզմէ առաջ՝ նշանաւոր կէտ մ'է մեր հայրենեաց պատմութեան մէջ. մեծ յեղափոխութեան մը միջոց, որ երկայն և ծանր տարիներ քշեց, բայց յաջող վախճան և արդասիք ունեցաւ. յայտ է թէ ոչ բաղդով, հապտ ջանքով, աշխատութեամբ, չափով ու թուով. այսինքն խելքով, իմաստութեամբ, արիութեամբ, առաքինութեամբ: 450 տարիէ վեր քաղաքական միութենէ ճեղքած քայքայած ազգ մը, և Հայու պէս ազգ, որ իրեք աշխարհակալ զօրաւոր տէրութեանց, Պարսից, Յունաց և Արաբաց, հաղարումէկ փորձանքներէն անցեր էր տաշուէլով ու մաշուէլով, և դեռ կու տքար, մանաւանդ այդ ետքի ազգին ճիրանաց տակ. այգսլիսի ազգի մը՝ կերպով մը դարձեալ մէկ քաղաքական ազգային

գլխու մը միտնալու, և այն գլխոյն վրայ այլ ար-  
քունի փառափայլ թագ մը գնելու, և յետ այն-  
քան անյոյս դարուց՝ Հայոց արքայ ըլլալու, կամ  
ծածուկ աստուածային հրաշք մը պէտք էր, կամ  
յայտնի ԱՇՈՑ մը՝ այն ծածուկ հրաշքը իր բազ-  
կաց, մտաց և սրտին մէջ ամփոփած, զոր և ըստ  
ժամանակին յերևան կու հանէր: Յիրաւի սո-  
բազմաց անկարելին նաև անկարծելին՝ ի գլուխ  
տարաւ, հաստատեց, 30 տարի տշխատելով. ոչ  
այնքան սրով և աղեղամբ, (թէ և նոյն տարիներ  
բուն մէջ ինքն էր Հայ հայրենեաց առաջին զինա-  
կիրն և անձնապահն այլ), որքան խոհեմ մտքովն,  
և թերեւ անկէ այլ աւելի՝ զգայուն և առատ սրը-  
տովն, որոց գէմ չկրցան կենալ ոչ արտփական  
ժոհութիւն, ոչ բիւզանդական նրբութի, և ոչ աղ-  
գային նախանձ և ինքնակամուին. ամենքն այլ հա-  
ճեցան հաւանեցան սիրեցին զԱշոտ: Ամիրապետն  
Բաղասատայ՝ անոր յանձնեց բոլոր Ասորպատա-  
կանի, Միջագետաց և Կովկաս լեռանց միջոց եղած  
երկրին վերահացութիւնը, և խաղաղութեան պա-  
տասխանատու ըլլալը. կայսրն Կ.Պօլսոյ՝ ի մէջ  
ամենայն թագաւորաց և իշխանաց ժամանակին՝  
որոց հետ վերաբերութիւն ունէր, ըստ մեծու-  
թեան՝ յետ խալիփայից՝ զԱշոտ կու ճանչնար  
մեծապատիւ ազգիշխան, և ըստ սիրոյ՝ առաջին  
Որդի կոչելով զնա իր թզթոց մէջ. իսկ ազգային  
իշխանք՝ նաև անկախք՝ զնա ճանաչէին նախիշխան  
և միայն թագաւոր:

Ազգի մընոր գլխապետ ըլլալ կամ ազգ մը կանգ-  
նել յինքնիշխանութիւն՝ մեծ յաջողութիւն կամ  
մեծ ճարտարութիւն կու պահանջէ. և ի հարկէ  
այս ձիրքերս ունէին որոնք որ այսպիսի գործ կա-  
տարեցին. այսպէս և մեր Աշոտն: Բայց իրեն նը-  
ման դժուար պարագայից մէջ ըլլալով և այնքան  
խոհեմութեամբ, զգաստութեամբ և աղնուարա-



րոյութեամբ վարուող՝ շատ քիչ կու գանուին ազգայարոյց և ազգակեցոյց ըստած անձանց մէջ այլ: Թողլով օտար ազգաց պատմութիւնները, մեր պատմութեան մէջ այլ Աշոտէն առաջ և վերջը քանի մը անգամ գիտենք՝ Հայոց ինքնագլխութիւնին կորուսանելը և նորէն՝ ձեռք բերելը, ՚ի ձեռն քաջ և հայրենասէր և երբեմն և փառասէր անձանց. քիչ շատ ծանօթ են Հայկն, Արամ, Պարոյր, Տիգրան, Զահրատ, Վազարշակ, Տրդատ, և յետ Աշոտոյ՝ Գագիկ, Ռուբէն, Լևոն. Թողունք աւելի անծանօթները, որ ՚ի զանազան ժամանակ և տեղի տիրապետի թագաւորութիւն կանգնեցին: Ազգին պատմութիւնը գիտցողն գիտէ նաև ասոնց ինչ կերպով այդ տիրապետութեան հասնիլը. ոմանց՝ բաղդով (ինչպէս Վազարշակ), ոմանց քիչ մը բռնութեամբ այլ, ինչպէս Ռուբէն, ոմանց լոկ փառասիրութեամբ՝ ինչպէս Գագիկ Արծրունի. ոմն խորագիտութեամբ, ինչպէս Լևոն, և գրեթէ ամենքն քաջութեամբ և պատեղազմօք. այլ միայն Աշոտոյ թագաւորութիւնն ասոնցմէ տարբեր և աւելի փառաւոր կ'երևի. մէկ մը որ՝ ուրիշներուն թագաւորութիւնն կամ տիրապետութիւնն, եթէ բռնութեամբ և բազմով այլ չէր, գոնէ կէս պատրաստուած էր առաջիններուն ջանքով, իսկ Աշոտոյ պատրաստողն՝ գրեթէ իր արգիւնքն էր. մէկ մ'այլ որ ուրիշներն թագաւորութեան փափագեցան, ջանացին, իրենց ազգին վրայ կանգնեցան. Աշոտ գրեթէ առանց փառքը գիտելու՝ հասաւ իշխանութեան. միայն ինքն ընտրուեցաւ և կանգնեցաւ ազգային հաճութեամբ. և ոչ ազգին ռամկին, կամ իրեն հպատակացը հաճութեամբ, ինչպէս ուրիշներէն շատն, հապա իրեն նման ցեղապետաց և աշխարհատեարց հաւանութեամբ: Այս բանս կու ցուցնէ ընտրուածին մեծ կատա-

րելուութիւնն, ընտրողաց այլ մեծ առաքինութիւն. որ գոթաղգարար սակաւագիւտ եղած է այնպիսի ազգի մը մէջ, որուն բնական՝ երկրին ձեն ու գիրքըն, ձորերն, լեռներն ու գետերն անգամ՝ զատութիւն և իրարմէ անկախութիւն մը կ'ազգէին բնակչացը: Հոս անկարելի է ենթադրել մեր հազարամեայ իշխանաց և նախորարաց վրայ այնպիսի առաքինութիւն, առանց ենթադրելու Աշոտոյ մեծագոյն կատարելութիւնը. և յերաւի ով որ մեր վերոյկարգեալ ազգայ արոյց տիրապետաց վարքը ուշի ուշով քննէ, կարծեմ չիկրնար գտնել առաքինի մը իբրեւ զԱշոտ. միայն Վաղարշակ կրնայ այս պատուիս արժանի սեպուիլ, բայց իր օտար ծագումը, և բաղդով թագաւոր ըլլալը (թողունք դիցապաշտութիւնն այլ), մեզի այնչափ սիրելի չեն ընծայեր զինքը, որչափ երախտաւոր մեր հին հտրանց պատմութիւնը գտնել և պահել տալուն համար: Երջանիկ նա, մանաւանդ թէ մենք, որ գտուեցաւ այն ատեն իր և մեր բաղդին յարմար՝ Աբաս Ատաինա մը, որ մեր Հայկազանց պատմութեան պատճառաւ՝ զինքն այլ անմահացուց. ինչպէս որ իրմէ ետքը անոր գրուածքը առաջին կարգացող և նորոգողն Ագաթանգեղոս այլ անմահացուց իր ժամանակի ազգակեցոյց Տրդաբ. իսկ անոր վերջին կարգացող և հայերէն հաւաքողն՝ Մովսէս Խորենացին՝ երբ Վաղարշակայ թագին և ցեղին ընկնալը և վերջանալը լալոտ աչօք տեսաւ, զով կրնար անմահացընել... — զԲագրատունի Սահակ, զնախահայրն Աշոտոյ. « Անմահ 'ի յիշատակ թողուլ քեզ զայդ » (Պատմութիւն Հայոց) և որ զկնի քօ գալոց » են ազգք »: Մար Աբաս, Ագաթանգեղոս, Մովսէս, իրեք աննման անձանց համար գրելով, թերեւ անոնցմէ աւելի զիրեկք, իրենցմէ այլ աւելի անմահացողին զազգս Հայոց...:

Բայց զԱշոտ ո՞վ անմահացրնէ։ Զուռնէր, չգը-  
տաւ ինքն այլ Աբաս մը, Մովսէս մը, որ իր թէ  
քաջութիւնները թէ լաւութիւնները մեղի ճա-  
ռէին։ — Ուռնէր, այս. և յայտմ ես՝ ըստ մասին՝  
բաղդաւոր քան զառաջինն եղաւ. վասն զի գտաւ  
ոչ միայն ազգային՝ այլ և ազգական մը, թոռնա-  
կից մը, զԲագրատունին Շապուհ, որ բոլոր իրենց  
ցեղին պատմութիւնը գրեց՝ ի պատճառս իր համ-  
շիրակին. դժբաղդ մենք եմք, որ գեռ այս Բա-  
գրատունեաց պատմութիւնը չեմք տեսած, և ԺԳ  
գարէ վերջ կարգացող այլ չեմք գիտեր, թէ և  
անյոյս չեմք օր մը յերեւան ելնելուն։ Այդ փա-  
փագէլի գրուածք անշուշտ ոչ Աբասայ և Մով-  
սէսի գրուածոց չափ հետաքննական պիտի ըլլայ,  
և ոչ Ագաթանգեղոսին պէս վայելչաբան, որով  
հետև ժամանակակից անուանի պատմիչ մ'այլ,  
պերճաբանն Յովհաննէս կաթողիկոս, կ'ըսէ ա-  
նոր համար. «Ոչ կարացեալ ըստ քերթողական  
» հրահանգացն համառօտաբար ընձեռել, սակայն  
» ըստ իւրում ժամանակի ընտանի գոլով նորա  
» զրոյցացն ամենայնի, գեղջուկ բանիւ բաւական  
» քեզ տայ պատճառս տեղեկութեան»։ Սակայն  
մեր հոս փնտռածը՝ չէ քերթողութիւն, այլ պատ-  
մութիւն, տեղեկութիւն ընտրեալ անձին՝ որոյ  
վարքը « ի մանկութենէ մինչև յերեոյթս երի-  
» տասարդութեան... զգօրութիւնս և զքաջու-  
» թիւնս և զպատերազմունս, և զհրոսմունս ի  
» յայլս, և զայլոց ևս ի նա, ... յայտապատում  
» արարեսլ է (և) զզրոյցս պայազատութեան  
» Աշոտոյ, ... զիշխանական պատմութեան և ըզ-  
» թագաւորացն զհանգամանացն զկարգս, և այլն,  
մանրամասն գրեր էր Շապուհ. վասն այնորիկ  
կաթողիկոսն անոր կու խաւրէ փափագողը, և  
ինքն միայն թագաւորութենէ վերջի գիպուած-  
ները համառօտիւ կու յիշէ։ Եւ որովհետև անկէ

զատ ուրիշէ մ'այլ գրուած չունիմք, ըսել է որ այս արժանաւոր անձին կատարեալ պատմութիւնն անծանօթ է մեզի. բայց որչափ այլ որ ցաւալի է այս՝ այնչափ այլ ցնծալի՝ որ մնացած քիչ տեղեկութիւնքն այլ աւելի զօրաւոր վիպ կ'ըլլան անոր մեծութեը: Եթէ Շապհոյ գրածն՝ թէ իրեն և թէ Աշոտոյ պարծանք կրնար տեպուիլ՝ աննախանձաբար ազգակցին պատմութիւնը լլալուն համար, թերևս ուրիշ կողմէ՝ իբր ազգակից՝ կողմնասէր կամ շողոքորթ կարծուէր. բայց կաթողիկոսն որ իր ժամանակին դէպքերը՝ թէ վայելաբար և թէ անկողմնասիրութեամբ գրած է, որչափ այլ զգուշացեր է Շապհոյ պատմածը չկրկնելու համար՝ Աշոտոյ վրայ խօսելու տանն, չէ այլ կրցած համարմունքը, զարմանքը, ըսենք թէ և սէրն այլ՝ զսպել ու չըսել. «Ինձ աս» տանօր ոչ արդեօք այլ ինչ է բանս սիրելի՝ քան «Թէ դեգերիլ 'ի բանս գովեստից, որ վրան Աշոտոյ իշխանին իշխանաց են հետեւումք: Վասն զի 'ի տիս հասեալ միջակութեան, քաջահատակ էր նա և անձնեայ և թիկնաւէտ և զուարթ երես և մրայօն, նկարէն իմն և նիշ յաջա ու նեղով, որպէս զյակինտ կարմիր 'ի մէջ մարդար տի ծագեալ, և վայելացեալ գեղեցկութեանն ալեօք. մեծիմաստ և քաղցրաբան, և առ կերտ կուրս խրախճանաց ոչ խանդացեալ նորա ընդ լաւագոյնան և ոչ արհամարհեալ զնուաստագոյնս. այլ հասարակաց 'ի վերայ տարածէր զզգեստ խնամոց իւրոց, և լծակօք իմն կշռէր, նախ զիւր և ապա զամենեցուն կենցաղս. միանգամայն իսկ ասել, եթէ որ ինչ մարդկութեանն էր պիտանի՝ ոչ ինչ կասեցուցանէր »:

Ուրիշ ժամանակակից պատմիչ մ'այլ, (Թովմաս) որ այնչափ Բագրատունեաց կողմնակից էր, Արծրունեաց տունէն ըլլալով, և որուն գիւց-

ազն էր Գագիկ, չիկրնար չքեւ Աշոտոյ համար աւելի մեծաբանութեամբ, թէ « բարձրագոյն » և հանճարեղագոյն էր քան զքնաւ Հայաստանեայտ, և զընդհանուր կացեալսս՝ ի ներքոյ երկնից » ։ որ է, ըստ մտաց հեղինակին, քան զամենայն Հայ և քան զամենայն մարդ (ժամանակակից) աւելի խելացի և մեծահարկի :

Անուանին Փոռ պատրիարքն Յունաց կոչէր զԱշոտ՝ « Քաջայայտդ բարեպաշտութեամբ, հօռագոյնդ ճոխութեամբ, բարձրագոյնդ ի հոմասսեռս » : Յիշեալ պատմիչներէն քիչ ետքն եկող խոհական պատմիչն Ասողիկ՝ կ'ըսէ վասն Աշոտոյ, յետ յիշելոյ իր յաղթութիւնները. « Էր այր քաղցր և հեզ, և անարատ և անբամբաս կեանս կեցեալ, և ոչ անօրինեալ արտաքոյ օրինաց բնութեանն, և հաճոյ էր Աստուծոյ յամենայն վարս անրիծս » : Թողունք յետագայ պատմչաց և ամենայն զինքը յիշողաց միաբան գովութիւնը և յարգութիւնը, որոց նման քիչերուն տուած են իրմէ առաջ կամ ետեւ, կամ թէ և ոչ մէկուն. վասն զի դժար է նմանը գտնել բոլոր բարեմասնութիւնքը մէկտեղ բերելով վայելութիւն, քաջութիւն, հանճար, կրօնասիրութիւն, արհարհաշինութիւն, սիրտ շահել, ազգը պատուել և վտառաւոր ընել, հին քաղաքական կարգերը նորոգել, եկեղեցեաց պայծառութեան և ուսման զարգացման օգնական ըլլալ, ցանկալի խաղաղութեամբ, զոր վայելցուց թէ ազգին և թէ սահմանակցացն, յետ այնքան դարերու հանգրստութեանց, խռովութեանց և կասկածանաց. և ազգային ինքնագլխութեան հետ՝ Հայոց մտաւոր, գրական և արուեստական ոգին այլ նորէն կանգնել : Ինչ որ ըստ այս մասանց՝ իրեք դարերու մէջ (Ժ, ԺԱ, ԺԲ), շինութիւնք և բարգաւաճանք եղան, նախ Մեծ և ապա Փոքր Հայոց մէջ,

ամենքն այլ պարտական են Աշոտոյ Ա., որ իրաւամբք Մեծ ըստուեցաւ. և ոչ միայն թագաւորութեամբն այլ արգեամբք և արժանեօք՝ իր ամենայն անուանակցաց մէջ Առաջին: Վերոյիշեալ հեղինակաց վկայութիւնքն և պատմութեանց գէպքն (զոր յետոյ տեսնենք), ամիրապետաց և կայսերաց պատուագրութիւնքն, սահմանակից ազգաց և պետութեանց պատկառանքն, ազգային նախարարաց և իշխանաց մեծարանք և հպատակութիւնն՝ տարակոյս չեն թողուր. որ ասկէ առջի հազարամեան դարեգարձին՝ Հայաստանեայց մէջ նա էր ամենէն երևելի անձն, կամ Բաղդատին՝ ի հոմոսեոս, ըստ Փոտայ և Թոմմայի:

Իսկ իմ այս բանս յիշելս և կրկնելս առ քեզ, Հայկակ, ոչ այնքան ժամանակի կարգին բերելէն է, որքան այսպիսի արժանաւոր անձի մը բաւականապէս ճանչուած չըլլալն. Տիգրանք, Տրդատք, Վահանք, Վարդանք՝ բռնած են մեր ազգասիրաց միտքը. արժանապէս. բայց Աշոտոյ այլ տալու է իր տեղն, անոնց կարգին վրայ. ես հոն կը գնեմ. դու եթէ գտնես իրեն մեկննասը՝ զՆսպուհս պատմիչ, կրնաս թերեւ նոր կարգի դասաւորութիւնընել: Առ այժմ մնացեալ պատմեաց յիշատակներէն հաւաքեմ Աշոտոյ կեանքը. զոր լաւագոյն ևս ճանչնալու համար՝ պէտք է նախ ճանչնալ աւոր ցեղը, զԲագրատունիս, մանաւանդ Հայաց անիշխանութե ատեն. մէկ մ'այլ պէտք է ճանչնալ այն ատենի (թ գարու) Հայաստանի և անոր մերձաւոր ազգաց քաղաքական վիճակը, ևս առաւել երկու աշխարհակալ իշխանութեանց, Յունաց և Արաբացոց, որոց բազմն կամ կամքն կուշարժէին զՀայս և բոլոր Ասիոյ արեւմտեան մասը:

## Բ

Բագրատունեաց ցեղին ծագման վրայ երկու գրութիւն եղած է. մէկն բուն 'ի Հայկայ և յԱրմենակայ զաւակաց կու համարի զայն. բայց ըստ Խորենացոյ՝ այս բանս ըսուած է « անհաւաստի » մարդոց, ըստ յօժարութեան և ոչ ըստ ճշշ » մարտութեան » . մէկն այլ իր ըսածն, զոր Վիրք և Յոյնք<sup>1</sup> հաստատեն. որ է՝ 'ի Հլւից ծագումն, և ըստ Վրաց՝ բուն Թագաւորական Յուդայի և Դաւթի ցեղէն. որոց նահապեան կամ նախահայրն 'ի Հայաստան եկաւ Շամբա կամ Սափա. տիա անուամբ իշխանն, զոր Հրաչէ հայկազն Թագաւորն մեր նիղակակից Նաբուքոդոնոսորի՝ 600 տարի Քրիստոսէ առաջ՝ բերաւ յԵրուսաղէմէ իբրև դերի. բայց աղատաբար և իշխանաբար բնակեցուց Հայաստանի արեւմտեան հիւսիսային կողմերը. գլխաւոր տեղ սուլով անոր՝ Սպեր գաւառը. ուսկից ոմանք գէպ 'ի հիւսիս՝ Եգերաց և Վրաց կողմերը սփռեցան, ոմանք գէպ յարեմոլտս և հարաւ, Փոքր, Բարձր ու Դ Հայոց կողմերը, Թերևս ինչուան 'ի Աապպադովկիա, ուր Բաֆափեան<sup>2</sup> գաւառ յիշուի. վասն զի առաջ այս ցեղին սովորական եղած Բագրատ անունն այլ Բաֆափե էր, ինչպէս որ Սմբատն այլ Շամբատ կամ Սափատիա: Իսկ ոյս նոր անուններն առին՝ երբ Քրիստոսի դալստենէն քիչ ստրի առաջ բռնագատուեցան յԱրշամոյ Թագաւորէ Հայոց, և շատերն ուրացան հրէական կրօնքը. իսկ ու-

<sup>1</sup> Կաստանդին Պերիեռոսէն:

<sup>2</sup> Խորենացին յաշխարհագրութեան Պալոսթինէ աւելանէ, 'ի մասն Փոլսգիոյ:

մանք հաւատարիմ մնացին, ինչպէս իրենց հայրերն այլ բովանդակ Հայկազանց իշխանութեան տակ, որք տւելի ուղղահաւատ և ներողամիտ էին քան զԱրշակունիս:

Ասոնց թագաւորութեան սկիզբը՝ իբր 150 տարինախ քան զՔրիստոսի թուականն, երբ Վազարչակ մտաւ թագաւորելու ՚ի Հայս, հրէական տոհմին ազգապէսն՝ Բագարատ՝ առաջին եղաւ ողջունելու զնա թագաւոր, և շատ ընծաներէն զատ՝ իր մէկ աղնիւ աղջիկն այլ ընծայեց ՚ի կնուծիւն նորընտիր թագաւորին Հայոց. թագաւորն այլ այս բանիս փոխարէն՝ զաներն ընտրեց իրեն թագադիր, և երկրորդ թագաւորութեան. միանգամայն և Արդեփ, այսինքն Հայոց ձիաւոր զօրաց գլուխ, որ ըսել է գրեթէ բոլոր բանակի սպարապետ, և առանձինն արեւմտեան զօրագնդին (11 կամ 21,000 զօրաց) գլուխ: Այսպէս մէկ դործով, հրէական աշարժութեամբ և շողոքորթութեամբ՝ Հայոց հին և նոր տոհմից մէջ առաջնութիւնը առաւ Բագրատունին, ամենէն ազնիւ և մեծիշխան յեպուեցաւ<sup>1</sup>: Այս պատիւս և իշխանութիւնս ժառանգական մնաց իր տոհմին մէջ ինչուան ետքը. թէ և քիչ մը ժամանակ՝ ոմանք յազգապետացն զրկուեցան, (մեր թագաւորաց անհաւանութեամբն, կամ ստիպելովն կուռք պաշտել). բայց այն իրենց ազգային ճկուն բարքն և յօժարամտութիւնն ՚ի ծառայել, միշտ իրենց տէրանց սիրտը կու շահեր. և կ'երևի թէ Հայկազունց ժամանակ այլ մեծ պատիւ ունէին, և հաւանօրէն նոյնպէս արեւմտից կողմնապետ էին: Մեծին Տրդատայ և իր թռուանց գահակարգութեանց մէջ այլ յետ Հայկազանց և Պարթևաց

<sup>1</sup> Ստեփանոս Ուսպելեան. « Շնորհէ ևս ունել զնախականն բարձ ՚ի վերոյ քան զամենայն »:



Թագաւորական տոհմից՝ առաջին գահն էր Բագրատունեաց կամ Ասպետաց։ Նոյնպէս գրուած էր Արշակունեաց Թագաւորութենէն վերջն այլ Պարսից գահնամակին մէջ։ Միայն այս ատեն Սիւնին առաջին դրուեցաւ ի պատճառս մարզպանութեան Վասակայ։ Արշակունեաց վերջին Թագաւորաց հետ խնամութիւն այլ ընելով Բագրատունիք՝ այլ աւելի ազնիւ և նախապատիւ եղան։

Պատուոյն հետ Բագրատունեաց սահմաններն այլ ընդարձակեցան. և այն հալածող Արշամայ ասեն իսկ բնակեցան ոմանք յԱյրարատ Թագաւորական նահանգին մէջ, ուր և առաջին դարուն ետքերն Արտաշէս Ա իր խնամակալ բազմարդիւն սպարապետին Այրաքաջ Սմբատայ՝ տուաւ Կոգովիտ գաւառը, Այրարատ լեռանց ստորոտը, ուր շինեց նա զԲագարան աւանն. յետոյ շինեցաւ Դարդան բերդաւանն, և եղաւ իշխանանիստ և դերեզմանատուն Բագրատունեաց, զոր իբրեւ տուն և քնարան նախնեաց՝ պատուէին ազգապետքն ինչուան ի ծ դար Քրիստոսի, և դէռ ոմանք հոն Թաղուէին։ — Ը դարուն վերջերը՝ մեր մեծ Աշոտոյ պապն՝ Արշարունեաց երկիրը՝ կամ Երասխաձորը՝ գնեց ի Վամնարականաց, Շիրակայ հետ, որ քիչ ատենէն իրենց ցեղին Թագաւորաբնակ տեղն եղաւ։ Տարօնոյ երկրին այլ կ'իշխէին Բագրատունիք նոյն ասեն, բայց քիչ կերպով զանիկայ ի Մամիկոնէից առնուլն՝ մեզի յայանի չէ։ Անկէ այլ հեռու, Մոկաց երկրին իշխանն այլ Բագրատունի էր այս ժամանակներս (թ դարում մէջ)։ Ըսել է որ Հայաստանի միջին ազնուագոյն այրարատեան Թագաւորական երկիրները՝ և մասամբ հարաւային Հայք այլ քիչ քիչ Բագրատունեաց ձեռքն անցան։ Բայց այսչափ միայն չէ. հապա մնացեալ արեւելեան երկու մեծ աշխարհաց կամ ցեղից, այսինքն Արծրունեաց և Սիւնեաց

հետ այլ խնամենալով՝ կերպով մը անոնց վրայ այլ նախերիցութիւն ունէին Բագրատունիք, գոնէ մեր Աշոտն, որ այն երկու մեծապատիւ ցեղից ազգապետաց աներ և հայրագիր էր: Իսկ հիւսիսային Հայոց և սահմանակցաց, զրեթէ ծայրէ ծայր Սև ծովուն եզերքէն ինչուան Կազբից ծովուն եզերքը՝ հայ ու վրալեզու մեծ իշխանք և թագաւորք՝ ի Բագրատունեաց էին թ-թք գարունց մէջ. սկսեալ ի Համէննու ու Սպերու երկրէն, (որ Բագրատունեաց բնագաւառն էր ի Հայս), Տայոց տէրն՝ որ կիւրասալադատ կ'ըսուէր յունական պատուով, Կարբլաց և Գուգարաց տեարքն, Ափխազաց կամ Եգերաց թագաւորն, Վրաց թագաւորն, Կախեթոյ թագաւորն, Ձորոյ գետոյ և Աղուանից ըսուած թագաւորք, և թագաւորքն Հայոց: Վրալեզու Բագրատունի իշխանաց սկիզբն եղաւ յ'ը գարու, ի Հայոց հոն անցնելով ոմանց, թէ և Վիրք չեն ուզեր ընդունիլ զայս, և կաւանդեն թէ Երուսաղեմէն եկած է իրենց ցեղապետն Զ գարուն վերջերը: Իսկ արեւմտեան կողմերը՝ Սպերէն անդին Փոքր Հայոց մէջ այլ Աշխարհաբերդու (Աղջհհրովա) սահմաններուն՝ այս ատեններս կը տիրէր Բագրատունի մը, Գրիգոր Իշխանիկ անուն, որ Յունաց ձեռքէն ուրիշ տեղեր այլ առաւ: Այս գտրերուս և կողմերուս պատմութիւնը քննողին՝ յիրաւի մեծ զարմանք պիտի բերեն այսպիսի դէպք. և գրեթէ ուրիշ տեղ մ'այլ տեսնուած չէ մէկ իշխանական տոհմի մը՝ այսպէս լռիկ մեղմիկ այգբան ընդարձակ և զանազան աշխարհաց իշխանութիւններ ձեռք բերելն՝ առանց բռնակալութեան. և կու ստիպուի հաւատալ մարգարէութեան Խորենացւոյ, ինչպէս ինքն այլ կու հաւտար Աստուծոյ առ Աբրահամ ըսածին. « Եւ Բագրատունւոյդ ասեմ, յիշելով զբան իւր (Աստուծոյ), եթէ թագաւոր

» Լորբ ազգաց 'ի քէն ելցեն, և թագաւորէք 'ի  
» Դուին<sup>1</sup>»:

'Իսաւնալով նորէն իրենց իշխանական պայազա-  
տութեան, Արշակունեաց տէրութեան վերջերը՝  
ըստ հին սովորութեան՝ իրենցմէ էր սպարապետն  
Հայոց. որ երբ մեռաւ, Ս. Սահակ հայրապետն՝  
իր գստեր խնդրանօք՝ անոր որդին իր թուր Մա-  
միկոնեան իշխանը (զՄեծն Վարդան) գրաւ. բայց  
յետ նահատակութեան նորա՝ իր յաջորդն Վա-  
հան և ուխտապահ նախարարք՝ Բագրատունեաց  
գլխաւորին՝ Սահակայ ասպետի տուին Հայոց  
ազգապետութիւնը, որ այն ատեն կ'ըսուէր Մարզ-  
պան: Անկէ ետե գար մը (Ջ դար), գար Պարսից  
և Յունաց հակառակութեան, Բագրատունիք  
գրեթէ չեն յիշուիր պատմութեան մէջ, այլ ա-  
ւելի Մամիկոնեանք և ուրիշ ցեղերէ նախիշխանք.  
բայց նոյն դարուն վերջը Սիբաք Բաղդասարն՝ նորէն  
կու կանգնէ ցեղին անունը և փառքը, գրեթէ թա-  
գաւորական պատիւ գանելով Պարսից արքային  
շնորհքով, վասն քաջութեանց իւրոց, և Վրկա-  
նայ մարզպան կ'ըլլայ, Հայոց մէջ այլ իբրեւ նախ  
իշխան. որուն նոյն պատուով յաջորդեցին՝ որ-  
դին Վարազտիրոց, և թուռն Սմբատ, մինչև 'ի  
կէս Ե դարու. յորում Արաբացիք վերուցին Պար-  
սից Սասանեանց թագաւորութիւնը, և մտան 'ի  
Հայաստան: Հոս այլ Բագրատունեաց ազգա-  
պետն և Հայոց նախիշխանն Սմբատ՝ իր նախնեաց  
քաղաքագիտութիւնը բանեցընելով՝ կամովի հնա-  
զանգեցաւ Արաբաց տնդիմակաց իշխանութեան,

1 Թէ և զԴուին այլ երբեմն առին Բագրատունիք,  
բայց իրենց թագաւորական աթոռն չեղաւ հոն, այլ ոչ  
այլ շատ հեռու այն կողմէն: Աշոտայ որդին Սմբատ թա-  
գաւորն հոն նահատակուեցաւ. և այնով կ'ըսե պատմիչ  
մը, խորենացւոյն գուշակութիւնն կատարեցաւ:

և մնաց իր պատուին մէջ. այս քաղաքագիտութիւնս բանեցուցին իր յաջորդքն այլ, մեծաւ մասամբ, ինչուան մեր Աշոտն այլ. և այնպէս յաջողեցան զՀայաստան 'ի խաղաղութեան պահել և զիրենք յիշխանութեան, հաճութեամբ թէ ազգին և թէ ամիրապետաց. իսկ երբ մէկ կամ մէկ այլ կողմէն սահաճութիւն եղաւ՝ Հայաստան գրեթէ միշտ վնասուեցաւ: Մէկ խօսքով և տեսութեամբ, յետ վերցուելու Հայոց ինքնագլխութեան՝ Արշակունեաց թագավոր, ազգային բազմն կամ վարչութիւնն սահմանուած կ'երեւի 'ի ձեռս Բագրատունեաց մինչև ց' ծԲ դար, կամ 800 տարուան միջոց, յորում իբրեւ դար մի միայն Մամիկոնեանք փայլեցան:

Վերոյիշեալ բազմայազմ Սմբատէն սկսեալ (2 դարուն վերջէն) ինչուան 'ի Մեծն մեր Աշոտ 'ի կէս Թ դարու, 260 տարի, գրեթէ անընդհատ կը յիշուին Բագրատունեաց գլխաւորքն իբրեւ տասն ազգ, Հայոց իշխանապետի և սպարապետի պատուով. յԱշոտոյ Մեծէն այլ սկսեալ՝ 200 տարի՝ այլ աւելի պատուով՝ իբրեւ նախիշխան և թագաւոր Հայոց կու տեւէ պայազատութիւնն. անկէ այլ ետև դարձեալ 200 տարւոյ չափ՝ ցեղին պայազատութիւնն կու մնայ փոքր թագաւորութեանց մէջ (ց' կէս ԺԳ դարու): Իսկ Վրաց և Իմերէթի մէջ ինչուան այս դարուս սկիզբն կար Բագրատունի թագաւորութիւն, և ինչուան այս օրս թագաւորական սերունդք և իշխանազունք Բագրատունիք, որ Ռուսաց կայսրութեան մէջ՝ արքայազանց և զօրապետաց պատիւ և իշխանութիւն ունին հիմա այլ. և Եւրոպայի, գուցէ բոլոր աշխարհիս ազնուական, տոհմից մէջ ամենէն հնագոյնն և ազնուագոյնն է Բագրատունեաց ցեղն՝ 2,500 տարուան հնութեամբ (կամ 3,000 ըստ Վրաց, հանելով մինչ 'ի Ռաւթի մարգարէ):



րորացիք տիրեցին արևելեայց, երբեմն ուղեցին ասոնց՝ քան Յունաց ներքև մնալ, թերևս ազգին միութեանն այլ փափագելով, յորում ըստ կրօնից այլ զանազանութիւն մտեր էր. յունակողմանք կաթողիկոսին իշխանութենէն ելնելով, քիչ անգամ նաև առանձին կաթողիկոս այլ ունենալով, բայց աւելի՝ առանձին եպիսկոպոսներ՝ իբրև ի թեմի Յունաց պատրիարքաց կու սեպուէին: Քիչ մը մերայոց կամօքն, քիչ մը Յունաց թուլութեամբ, Արաբաց բռնութիւնն՝ է և զգարուց մէջ գրեթէ բոլոր Մեծ Հայոց տիրեց, և ոչ միայն Դունայ մէջ նստաւ ոստիկան, իբրև վերահացու և հարկահան Հայոց, այլ և Էրզնուով, Կամախի, Խարբերդու, և հարաւային Հայոց կողմերը զանազան ամիրաներ և հարկահաններ գրուեցան. ինչպէս յԱրզն, Նփրկերտ, Մանազկերտ, Խլաթ, Նախիջկան, Պարտաւ, և այլն. որոնց հետ երբեմն Յոյնք կու պատերազմէին, քիչ հեղ և յաղթէին: Իսկ այս ժամանակիս, Աշոտոյ երիտասարդութեան ատեն՝ Թէոփիլոս կայսրն բաւական զօրացաւ և շատ տեղ առաւ Արաբացոց ձեռքէն. բայց վերջապէս հաշտութիւն ընելով յետ քաշուեցաւ. իր յաջորդ Միքէլին ատեն (842-867) Մեծ Հայք գրեթէ բոլոր Յունաց ձեռքէն ելնելով՝ կամ Արսբացի տմիրայից կամ բնիկ իշխանաց ձեռք մնացին. ինչուան որ Վասիլ Մակեդոնացի կամ Արշակունի թագաւորեց 20 տարի (867-886) և բաւական զօրութիւն և փառքով կայսերութիւնը կանգնեց:

Այս անձը հարկաւոր է քիչ ո՛ր աւելի ճանչնալ թէ Աշոտոյ ժամանակակից ըլլալուն, թէ հայազգի ըլլալուն և թէ գործոցն համար: Այս ատեն Յունաց և Հայոց մէջ քանի մը տեսութիւնք իրարու նման երկու իշխանապետ և երկու հայրապետ եղան, և իրարու հետ գործակցութիւն

այլ ունեցան. Վասիլ և Աշոտ (857-886), Փոս և Զաքարիա (854-875): Վասիլ՝ ըստ ոմանց մեր պատմաց՝ Տարօնոյ կողմերէն էր, բայց հաւանութեն էր 'ի Մակեդոնիոյ, և 'ի հօրէ կամ 'ի մօրէ Արշակունի Հայերէն, զոր կայսերքն Յունաց այն կողմերը բնակեցուցեր էին: Յոյնք շատ զարմանալի բաներ կու պատմեն ասոր ծննդեան, ժողայութեան, ուժին և քաջութեանց վրայ, և կայսր ըլլալու գուշակութեանց. ստոյգն այս է՝ որ աղէկ կրթուած, կտրիճ, զգօն և բարեպաշտ մարդ էր. և խելքով ու քաջութեամբ յառաջացաւ, ինչուան յարգունիս. բայց անզգամ և մոլի կայսեր մը պաշտօնեայ ըլլալով՝ ստիպուեցաւ երբեմն անոր կամաց և գործոցն այլ հետեւիլ, որ իր համբաւոյն մեծ աղտ է. զոր և աւելցուց՝ զկայսրը սպաննելով և քանի մը ուրիշ սպանութեամբք այլ: Բայց յետոյ արդարասէր կառավարութիւն, յաղթութեամբք, շինութեամբք, գեղեցիկ օրինօք և գրաւոր խրատութիւնք այլ՝ նշանաւոր կայսերաց մէկն եղաւ: Գլխաւոր գործոց մէկն այլ է՝ Փղեր Հայոց մէջ բռնացած Պօլիկեան կամ Մանիքեցի աղանդաւորները ջնջելն, հետեւնին անձամբ պատերազմելով և ուրիշ զօրավարօք, որով հետեւ թշնամիքն այլ զէնք կու գործածէին: Մէկ նշանաւոր գէպքն այլ եղաւ Փոտայ հետ յարաբերութիւնն: Այս անձին ծանօթութիւնն այլ հարկաւոր է մեզի. Վասիլ նախորդ Գինով Միքայէլին ատեն, իր քեռին Վարդ՝ ուզածին պէս կու կառավարէր զնա և տէրութիւնը, հանդերձ անկարգութեամբք և զեղեխութեամբ. որոյ համար յանդիմանուելով 'ի Ս. Իգնատիոս հայրապետէն Կ.Պօլսի՝ ոխացաւ, և աթոռէն ձգելով՝ աքսորել տուաւ. անկէ աւելի անապական կերպով՝ տեղը գրաւ իր խնամքներէն մէկը, որ տէրութեան դիւանապետն էր, և ժամանակին ամե-

նահմուտ տնձն և ճարտար գրիչն կու սեպուէր . զոր և աշխարհական վիճակէն՝ չորս օրուան մէջ բարձրացուց 'ի գահ պատրիարքութեան Կ.Պօլսոյ, յամին 857. այս էր Փոռ : Ասոր նման և ասկէ շուտ՝ երկու տարի առաջ այլ 'ի Հայս, Զաքարիա՝ իր արժանեաց և գիտութեան համար՝ մի և նոյն օրուան մէջ յաշխարհական վիճակէն բարձրացաւ ինչուան 'ի ձեռնադրութիւն կաթուղիկոսութեան Հայոց . որ և Յովհաննէս իմաստասիրէն ետև († 728) առաջին մատենագիր և ժողովարար հայրապետ է : Այս երկու զուգակցաց մէջ՝ որչափ որ Աշոտ վեհագոյն կ'երևի քան զՎասիլ անարատ քաղաքավարութեամբը, այնպէս Զաքարիա քան զՓոռ . եպիսկոպոս գիտութեամբն անհամեմատ վերագոյն էր քան զմեր հայրապետն , իսկ խորամանկութեան գործովքն անհամեմատ վար քան զաթոռն՝ յոր նստաւ բռնութեամբ : Շատ զարմանալի է՝ որ Փոռ ջանաց Հայոց և Յունաց եկեղեցւոյն միութիւնը հաստատել ուղղափառապէս , յետոյ իր եկեղեցին զատեց ընդհանրական եկեղեցւոյ միութենէն : Յայտնի են բազմաց իր գործքերն , զոր չկրցաւ առաջ տանիլ Վասիլի ատեն , որ 'ի Թագաւորելն՝ վռնտեց զնա յաթոռոյ և դարձուց զՍ . Իգնատիոս . բայց երբ սա վախճանեցաւ (878), Փոռ խորամանկութեւ շահեցաւ զսիրտ Վասիլի . որ Թերևս իր սպանութի 'ի կայսրութի ելնելուն վրայ միշտ վախնալով , կ'ուզէր եւեւ քան զեւել համոզել ժողովուրդն իր օրինաւոր ըլլալուն , մանաւանդ իբրև Արշակունի ցեղին սերունդ : Այս տկար կողմը գիտնալով Փոռ՝ քովէն պատմութիւն մը հնարեց , հին յունարէն ձեռագրի մը մէջ գրեց հին ձեռով հին մագաղաթի վրայ , գուշակելով 'ի նմա Թէ Արշակունեաց ցեղէն Թագաւոր մը պիտի գայ այս ատեն , այս առնուն , և այս բաներս պիտի ընէ , զոր արդէն ըրած



էր Վասիլ: գիրքն այլ անոր գրատան մէջ մտուց՝ իր մէկ համախոհին ձեռքով, որ և հաւատացուց կայսեր, թէ զայն կարդալու և մեկնելու համար՝ Փոտէն յարմար մարդ չկայ: Իարձաւ Փոտ յաքսորանքէն, կարդաց իր մարգարէութիւնը, ինքն իրեն մեկնիչ ըլլալով: Իմացուց որ այն գրուածը բոլորովին յարմար էր Վասիլի, ինքն էր գուշակեալ Արշակունին՝ Հայոց թագաւորաց ցեղէն, որք պայսազատելու ատեն՝ թագը կ'առնուին Բագրատունեաց նահապետէն: Վասիլ այլ գոհու թեամբ կատարեց այս բանս, ինչպէս յետոյ պիտի տեսնենք. և Փոտ նորէն նստաւ յաթու հայրապետութեան, ինչուան որ մեռաւ Վասիլ: Բայց որդին՝ Լևոն Իմաստասէր՝ մէկէն ձգեց զՓոտ յաթուոյն, և աքսորեց Հայոց վանք մը, ուր և մեռաւ (891):

## Դ

Յունաց կայսրութեան և Հայոց յարաբերու թեան վիճակը իմանալնէս ետև, դառնանք Արաբացւոց ամիրապետութեան, որք քաղաքականօրէն աւելի առնչութիւն ունեցան ընդ Հայոց. և իրենց դենպետին (Մահմէտի) մահուընէն քիչ տարի ետև՝ մտան 'ի Հայս. ուր Պարսից բռնութիւնն տկարանալէն ետև՝ կայսերը աւելի ջանային տարածել իշխանութիւննին, հանդերձ եկեղեցական վարդապետութեամբք: Այս բանիս տհաճելով ժամանակին քանի մի գլխաւոր և զօրաւոր Հայ իշխանք, երբ յանկարծ նոր և զօրաւոր թշնամի մ'այլ տեսան (զԱրաբացիս), նախ մէկ մը զէնքերնին ասոնց վրայ փորձեցին, բայց յետ անօգուտ քաջութեանց և յետ կշռելու թշնամւոյն ոյժը՝ յանձն առին հնազանդելու. ընդունեցան անոնց ոստիկանը, և իրենց մէջէն իշխա-

նապետ կամ հոգաբարձու մը. այսպէս ըրաւ Սըմբատ Բագրատունին այլ թոռն Սմբատայ Բագմայազ[ի]: Յոյնք շատ Զանացին բայց չկարցան վռնտել զԱրաբացիս և նուաճել զՀայս. մերոնք ինչուան է գարուն վերջը բաւական հանդարտ մնացին ոստիկանաց իշխանութեան տակ. բայց Ը գարուն սկիզբն՝ անդգամ և ագահ հրամանատարք սկսան չարաչար նեղել զՀայս. ասոնք այլ զայրացեալ՝ Զարգ մը տուին Արաբացուց ('ի Վարդանակերտ), որ մեր պատմութեան մէջ նըշանաւոր գէպք և թուական մ'եղաւ. ինչպէս որ Արաբացիք այլ քիչ մ'ետքը (705) խորամանկութեամբ աւելի մեծ միաս հասուցին Հայոց, գլխաւոր իշխանները այրելով Նախջևանի և Խրամայ եկեղեցեաց մէջ, ուր ժողովեր էին՝ իբր գաշինք դնելու պատճառաւ. և այս տարին այլ Արաբացուց պատմութեան մէջ անուանի եղաւ Կրաի քարի ըսուելով. ապրած իշխաններէն և տնոնց զաւակներէն շատն ալ բռնեցին՝ ամիրապետին խաւրեցին. և տասն տարի նեղելէն ետեւ թէ դանոնք թէ մեր աշխարհը, գերեալները գարձուցին և դիւրութիւն ըրին, քառասուն տարւոյ չափ, Յունաց և Հոնաց հետ պատերազմի զբաղելով: Այս ատեն Բագրատունիք նորէն սկսան պայծառանալ և Աշոտ պատրիկ իշխանապետ եղաւ (733). դժբաղդաբար Մամիկոնեան իշխանք նախանձելով Զանացան անոր տեղ անցնիլ, և վերջապէս անարգ կերպով և պժգալի գործով մը զրկեցին զԱշոտ (749): Ամիրապետն լսելով Հայոց խլրտումը խաւրեց զեղբայրը՝ Աբդլլա (750), որ հանդարտեցուց և դրաւ իշխանապետ զՍահակ (753) հօրեղբայրն Աշոտոյ, որուն յաջորդեց որդին Աշոտ. իսկ անոր հօրեղբօրորդւոյն՝ Աշոտ պատրիկին՝ յաջորդեց իր որդին Սմբատ՝ իբրև սպարապետ Հայոց: Քանի մը տարի հանգար.

սուլթանէ վերջը՝ շուտ շուտ ոստիկաններ փոխուելով՝ ի Հայս, ամենքն այլ կու ջանային անկէ բան մը փրցընել, աւարով դառնալ, կեղեքէին կողոպտէին. բնականապէս Հայք այլ նեղեալ յուսահատեալ՝ ոմանք փախչել մտածեցին, ոմանք այլ բռնութեամբ բռնութիւնը վանել. ասանկ մեծ գործոյ համար դիւրին էր տարաձայնիլ և երկու բաժնուիլ. ինչուան Աշոտ իշխանապետն և Սմբատ սպարապետն իրարմէ զատուեցան կարծեօք. Սմբատ ապստամբողաց կողմը բռնեց, Աշոտ ձեռքը քաշեց և առանց մատնելու հայրենիքը՝ հաւատարմութիւն պահեց անոնց՝ ուսկից իշխանապետ դրուած էր: Այս գործս ինչպէս առաջ գնաց և ինչ վերջ ունեցաւ, գուպէտք է յիշես, Հայկակ. Բագրևանդայ ըլլոց վրայ ժուռ գալուդ՝ պատմեր եմ քեզի<sup>1</sup>: Այս գեղեցիկ ծաղկաւէտ հովտաց արեամբ ներկելէն ետեւ, նորէն ոստիկան եղաւ Եէզիտ Իպն-Իւսէիտ, որ քսանուերկու տարի առաջ Աբգըլայի հրամանաւ՝ զՍահակ իշխանապետ դրեր էր, և երկրորդ անգամ խաղաղցուց զՀայս. Բագրևանդայ կռուոյն մէջ ընկած Սմբատայ տեղ՝ անոր որդին Աշոտ Մսակերը կարգելով սպարապետ. որ օրինաւոր իշխանութեան հսկատակ, բայց անօրէն զրկողաց գլխահար էր. և քանի մը Արաբացի բռնաւոր զօրավարներ ու զօրագունդեր ջարդեց, որք իր երկար իշխանութեան ստեն՝ (776-819) Հայաստանի զանազան կողմերը շատ աւար ու աւեր կ'ընէին. ասոնցմէ էին երկու Խազմ կամ Խուզիմա, հայր և որդի, մէկն նահատակիչ հարազատ Արծրունի եղբարց՝ Ս. Սահակայ և Համազասպայ՝ (յամին 785), միւսն նահատակիչ Ս. Սահակայ և Յովսէփայ (յամին 801): Նոյն

<sup>1</sup> Տես Ապրիլի 25:

ատեններն Ջահապ անուն ամիրայ մ'այլ՝ Արծրունեաց ուրացող Մեհրուժան իշխանին փեսայացեալ՝ ի Դուին բռնացեր, և Արշարունեաց գաւառին մէկ մասին այլ տիրէր, (որ Բագրատունեաց սեպհական էր,) աւելի այլ առաջ գալ կ'ուզէր. Աշոտ՝ իր Շապուհ եղբորը օգնութեամբ վռնակեց անոր զօրքը, և տիրեց ուրիշ կողմերէն զառ՝ Նիրակայ գաւառին այլ, ուր Անի բերդը ամրացուց և ընտանիքը հոն դրաւ, որ յետոյ իր ցեղին Թագաւորանիսա քաղաք եղաւ: Քանի մը տարի վերջը նորէն Ջահապեանք ելան 5000 զօրօք յարձըկելու ի Տարօն, ուր միւս Բագրատունի Աշոտն կ'իշխէր. Աշոտ Մսակեր 500 մարդով վրանին հասաւ՝ 3000ը ջարդեց, մնացեալը ցրուեց. եղբայրն այլ Դըւնայ վրայ յարձակեցաւ, և քաղաքն առին: Ասոնց վրէժն ուզեց առնուլ Հօլ ռասիկանն, որուն 4000 զօրաց գէմ ելլաւ Սմբատ Տարօնոյ իշխանն (որդի Աշոտոյ իշխանսպետին) 500 մարդով, օգնութեամբ Սիւնեաց իշխանին. բոլց երկուքն այլ մեռան պատերազմին մէջ (819-20): Նոյն տառն Սևադա Ջահապեանն այլ Աշոտ Մսակերի և Շապհոյ հետ կը կռուէր. այս պատերազմիս մէջ ընկաւ քաջն Շապուհ. իսկ եղբայրն՝ սպարապետն՝ յետ երկու տարւոյ խաղաղութեամբ կեանքը կնքեց, և տեղն անցաւ (820) Սեֆա Աղւ-Աբաս Խոսրովանոյ: Հայր մեր Աշոտ Թագաւորին, որ Սևադայի հետ հաշտութիւն ըրաւ, և հաստատուեցաւ իր սպարապետութեան պատուոյն մէջ:

Այս տառններս ամիրայետաց տիրապետութիւնն սկսեր էր տկարանալ, պատճառաւ իրենց զեղծմանց, և անկիրթ Թուրքեր ընտրելու իրենց պաշտօնեայ և պահապան. կամաց կամաց զօրաւոր իշխանք սկսան զլուիս քաշել: Ոստիկանաց բռնութիւնն այլ տկարացաւ ի Հայս. Մուգաս.

սէմ ամիրապետն վախնալով որ Հայք բոլորովն չմիաբանին Յունաց հետ, Հօլէն սպանուած Սըմբատ իշխանապետին որդին՝ Բագարաար՝ իր հօրը տեղ գրաւ տէր Տարօնոյ և իշխանաց Հայոց (839)․ զոր և իր յաջորդ խալիփայն (Վաթէք-Պիլլահ) հաստատեց նոյն պատուոյն մէջ (843)։ Այսպէս ասոր իշխանապետութեան և Սմբատայ սպարապետութեան ատեն երեսուն տարւոյ չափ, մինչև ցկէս Թ. դարու, բաւական վըայ եկան Հայոց իշխանք և սկսան ակնածելի ըլլալ ամիրապետաց․ որք թոյլ տուին անոնց, ինչուան որ մէկ կողմէն Յունաց հետ հաշտութիւն ըրին (840), մէկ այլ կողմէն իրենց տեղ՝ գրգեցին Փոքր Հայոց Պօլեկեանները Յունաց դէմ, որ քսան և հինգ տարի աշխատեցին Լեոնի և Վասիլ զօրավարները և զնոյն ինքն Վասիլ (848-873), և ամիրապետը ապահովեցին այս կողմանէ։

Այսպէս քիչ մը դրսէն խաղաղեալ, ամիրապետք ուժեղնին մարելու ատեն՝ վերջին և հակափորձ մ'ըրին Հայոց նոր արծարծած ոյժն այլ բոլորովն մարելու․ յիրաւի մեծ խաւար հասաւ Հայոց, բայց այս վտանգէն ելաւ առաջինն պայծառ լըս մը։

Վերը յիշեցինք որ խալիփայից վարչութեան շփոթութեան և անկարգութեան մէկ պատճառն այլ էին իրենց նորընտիր Թուրք օգնականները․ ասոնք Թաթարստանի կողմերը պատերազմի մէջ բռնուած կտրիճներ էին, զոր խալիփայք իրենց թիկնապահ ըրին, վրանին վստահանալով․ և ոչ միայն զինուորութեան՝ այլ և արքունեաց մէջ վերակացութեան և պաշտօններու հասուցին յաջողները։ Ասոնք այնքան համարձակեցան, մինչև երբ Վաթէք խալիփայն մեռաւ (847), իրենք նրա տուցին յաջորդ անոր եղբայրը Մոգավվէքէլ Զեաֆար (զոր մեր պատմիչք Զափր կոչեն)․ ի-

րարու արժանի ընտրուցքն և ընտրեալն . մէկն ա-  
նորէն անգուծ բռնութեամբն, մէկալոյք անար-  
յարմար գործիք . այնչափ այլ յարմար, որ հետ  
15 տարւոյ՝ անոր որդւոյն հետ միաբանած՝ սպան-  
նեցին զնա: Ճեաֆար անգլծութեամբն՝ խաղի-  
փայից Ներոնն ըսուեցաւ . արքունեաց մէջ, վե-  
րոյիշեալ պահապաններէն զառ, չորքոտանի վայ-  
րենի գաղաններ այլ ազատ թողուցեր էր՝ որ յան-  
կարծ իր պաշտօնէից գիմաց կ'ենէին, և կամ լե-  
զապատառ կամ մարմնապատառ կ'ընէին . բայց  
տեսնելով որ անոնք կ'ուշանան, օր մը բոլոր մե-  
ծամեծները մէկ տեղ ժողովեց, և իր թիկնապա-  
հաց գլուխ կենալով՝ զամենքն այլ թրէ անցուց:  
Այսպէս իր մերձաւորները պատռող մը հեռա-  
ւոր հպատակաց վրայ ինչ գուծ կըրնար ունե-  
նալ: — Առիթն և գէպքն լաւ կ'իմացընեն: և  
հարկ է աղետալի պատկեր մ'այլ տեսնենք մեր  
աշխարհին մէջ, որ մեր Աշոտոյ պատկերը լաւ մը  
լուսաւորէ . թէ և նոյն իսկ այն սեանկար պատ-  
կերն այլ իր լուսափայլ կողմերն ունի:

Չափր ամիրապետութեան աթոռը նստելն  
քիչ ետքը (848) Հայաստանի ոստիկան խաւրեց  
զԱպուսէթ - Մուհամմէա - Էլ-Քուֆի ըսուածն,  
երբ Բագարատ իշխանապետ էր ՚ի Տարօն . որ և  
խորագիտութեամբ կանխելով քան զԱպուսէթ՝  
անոր տռջն խաւրեց իր մեծամեծներէն մէկ քա-  
նին ծանր և ազնիւ ընծաներով, և յորդորեց որ  
չաշխատի առաջ գալու, եթէ միտքն հարկերը  
ժողովել էր, ինչպէս որ կ'իմացընէր . նա այլ գի-  
տելով և իմանալով որ Բագարատայ քով բաւա-  
կան ոյժ և օգնական կայ (Արծրունեաց հետ գաշ-  
նակցութեամբն), գոհութիւն ցրցուց և հարկերը  
առնելով հանդերձ ընծայիւք առ խալիփայն՝ յետ  
գարձաւ, և յաջորդ տարուան հարկապահան-  
ջութիւնը յանձնեց Արզն (Խորզան) նահանգին

կուսակալին որ կ'ըսուէր Մուսէ-Իպն-Ջօրահա: Ինքն դարձաւ առ Ջափր, և բերանով ամբաստանելէն զատ՝ իրաւ կամ սուտ թղթեր այլ տուաւ, այն կողմերու ամիրաներէն գրուած՝ ընդգէմ Բագարատայ և Աշոտոյ Արծրունեաց նահապետի: Ոչ միայն Ջափրայ հաճոյ էր այս ամբաստանսւթիւնս, այլ և Մուսէի, որ արգէն Բագարատայ թշնամի էր սահմանակցութեամբն. և հիմայ Հայոց հարկապահանջ ըլլալով՝ սկսաւ խրոխտալ, հարկը ժողովելու անուամբ, բայց իրօք վրէժ առնելու: Զմեռ ատեն (849) յանկարծ բազմութիւն զօրաց մտաւ 'ի Տարօն, և Բագարատայ ձմերոց քաղաքը (Մուշ) պաշարեց. Բագարատ շուտով ազալաւոր գեսպան խաւրեց Աշոտոյ Արծրունեաց նահապետին, որ իր տոհմայնոց և ազատազգի պաշտօնէից ձայն տալով՝ վաթսուռն և աւելի իշխան ժողովեցան, զնացին 'ի Տարօն, երբ Բագարատ ստիպուած էր Մուսէի գէմ մինակ ելնելու. յարմար ատենին հասնելով՝ զարկին ցրուեցին զօրքերը, բանակը կողոպտեցին: Մուսէ ամօթով տեղը դառնալով՝ նոր ամբաստանութիւն գրեց խալիփային. այնպէս այլ Արծրունեաց երկիրը գնացող հարկահանք, որ իրենց անիրաւութեան համար վռնտուած էին յԱշոտոյ և պատերազմելով յաղթուած (849-50): Այսչափ լուրեր բաւականէն շատ էին Ջափրի՝ չարաչար պատժելու զՀայս. և պատժողն այլ 'ի հարկէ կու վայլէր որ ըլլար Ապուսէթ. որ և ինքնին այնչափ կու փափագէր վրէժ ինդրութեան՝ որ արտորնօք Հայաստան վազելու ատեն՝ ճաթեցաւ Ասորւոց կողմերը. և տեղը գրուեցաւ (851) իր որդին Եուսուֆ: Ամիրապետն՝ ասոր կտրիճ ձիաւոր զօրաց գունդ մը տուաւ, և խոստացաւ այլ՝ որ եթէ նուաճէ զՀայս՝ ժառանգութեամբ իր ցեղին թողու անոր ոստիկանութիւնը: Եուսուֆ

մեծ պատրաստութեամբ և յուսով կոխեց նախ  
Աշոտոյ երկիրը, և անոր մօրն աղաչանք՝ միայն  
պատանդներ առնելով՝ ելաւ անկէ և եկաւ 'ի  
Խլութ. հոն կանչեց գրով զԲագարատ իշխանա-  
պետն՝ խոստանալով զինքը իրեն տեղ վերակա-  
ցու դնելու, վառն զի այս երկրին ցուրտը՝ ինծի  
շատ միտս կ'ընէ կ'ըսէր, և չեմ կրնար հոս ուշա-  
նալ: Բագարատ խաբուելով եկաւ իր մեծերով  
և եկեղեցականօք. ամենքն այլ ընկան յորդայութ  
և յերկաթի կապանս, և զրկուեցան առ ամիրա-  
պետն. իսկ Նուսուֆ փութացաւ տիրեց Տարօ-  
նոյ, բոլոր երկիրը տակնուվրայ ըրաւ, և ժողո-  
վորդեան կէսը փախուց, կէսն գերի ըրաւ որ տա-  
նի յԱսորեստան, առ ժամն պահելով 'ի Մուշ՝  
ուր ձմեռը կ'անցունէր. սպասելով դարնան՝ որ  
Տարօնոյ հարաւակողմի լեռնայնոց վրայ յարձը-  
կի, որք են Սասունցիք և Խութեցիք: Բայց անոնք  
իրմէ շուտ շարժեցան, և նիզակնին ցցած լեռնե-  
րէն վար թափեցան. պաշարեցին, առին Մուշ  
քողաքը, թշնամիները ջարդեցին, գերիները ար-  
ձրկեցին, Արծրունեաց պատանդները յետ դար-  
ձուցին, աւարը թալնեցին. հպարտացեալ Նու-  
սուֆն այլ գտան՝ որ վախէն փախած և Բագա-  
րատայ շինած Մշոյ Ս. Փրկիչ հոյակապ եկեղե-  
ցւոյն գմբէթին պատին մէջ պահուրտած էր. հոն  
սպաննեց զնա նիզակաւոր մը:

## Ե

Երբ այս անակնկալ լուրն հասաւ Զափրի, այլ  
Հայաստանի բոլորովին ջնջման վճիռը տուաւ,  
ամեն գիւէ կտրիճ պատերազմողներ կանչեց, մաս-  
նաւորապէս Արաբացի և Պարսիկ վարպետ ա-  
ղեղնաւորներ և հեծեալներ, և մեծ զօրադունդ  
կազմելով յանձնեց իր գլխաւոր պաշտօնէից մէ-



կուն, որ քաջութեամբ, խորագիտութեամբ և խստասրտութեամբ անուանի էր, և այլ աւելի հռչակեցաւ 'ի Հայաստան. խալիփային սիրելի պահապանաց ցեղէն էր սա, և կոչուէր Բուղա-Է-Շարափ կամ Գարա-Բուղա, Է-Քէպիւր (այսինքն Սե-ցուլ, Մեծ կամ գոռոզ): Իրեք չորս տարի կեցաւ 'ի Հայս (852-5), բայց իրմէ ազաջիննէրուն շատ երկար տարիներու մէջ չկրցածը 'ի գլուխ տարաւ: Նախիջևանի և Խրամի օրերը կերպով մը նորոգեց. նպատակն էր Հայոց ամեն իշխանաւոր, զօրաւոր անձինքը կամ սպաննել կամ գերի տանիլ, կամ հաւատքէն ուրացընել. և ինչպէս կ'ըսէ մեր ժամանակագրաց մէկն համառօտիւ<sup>1</sup>, « Կալէալ զամենայն իշխանս և ազատս » Հայոց՝ հսպան, զկէսն մարմնով և զկէսն հոգևով »: Բայց մենք կրնանք աւելցընել թէ ոմանք հոգևով այլ մարմնով այլ ապրեցան. և շատ դիւրագին և թեթեւ չորին Բուղայի արիւնոտ ու սև յաղթանակը. որ՝ բաց 'ի գերեաց, 30,000 մարդ ջարդեց կ'ըսեն 'ի Հայս, (զատ 'ի Վրաց), իսկ իրեններէն՝ այլ աւելի ջարդուեցան: Թէ մարմնաւոր քաջութեամբ և թէ հոգևոր նահապետութեամբ, շատ նշանաւոր և անմահանալի յիշատակներ թողին Հայք այս պարագայիս. զոր 'ի գիր անցուցեր էր Շապուհ պատմիչն, մէկ մասն այլ կու պատմեն Յովհանն կաթողիկոս և Թումա արծրունի. որոց գլխաւոր գէպքերը միայն համառօտիւ յիշեմ, որ լաւ իմացուի Հայաստանի վիճակը Աշոտոյ ատեն:

Բուղա՝ Բաղէշի կողմերէն մտաւ 'ի Հայս, և գնաց 'ի Խլաթ, որ շատոնց ամիրայից աթոռ էր եղած. նախ գունդ մը խաւրեց Խութեցոց վրայ, զոր շատ դժարութեամբ հաղիւ կրցան նուաճել.

<sup>1</sup> Միխթար Արիվանեցի:

մեծ գունդ մ'այլ տուաւ ժիրաք անուն զօրաժա-  
րին և զրկեց Արծրունեաց վրայ. սա ինչուան որ  
հասաւ 'ի Վան՝ ճամբուն վրայ կրցածը աւրեց,  
Թալնեց. իրեններէն այլ շատ մարդ կորուսւ։ Ա-  
շոտ Արծրունին իր ազատները ժողովեց՝ Նկան  
ըստած ամուր քարաքերդը քաշուեցաւ ('ի Թոռն  
աւան գաւառի Երասխայ մօտ). զոր եկան պա-  
շարեցին ժիրաք և Բուզա՝ բոլոր իրենց գնդերովն,  
(որք աւելցեր էին Հայաստանի մէջ եղած ամի-  
րայից զօրօքն այլ, և ամենայն պատերազմական  
ու պաշարման գործիք և նիւթ ունէին). պաշա-  
րեալքն զարհուրած՝ Աշոտէն գաղաուկ Թուղթ  
խաւրեցին առ Բուզա. նա այլ պահանջեց որ զԱ-  
շոտ իրեն տան և իրենք սպահով մնան։ Աշոտ  
իմանալով իշխանաց վատութիւնը և չկարենալով  
վախերնին փարատել, կամայ ակամայ գնաց առ  
Բուզա, որ պատուով ընդունեցաւ զնա առ ժամն.  
ինչպէս անկէ առաջ ընդուներ էր Մոկաց տէրը՝  
Սմբատ Բագրատունի մը. սա ամենէն առաջ  
ինքնակամ իրեն գալուն համար՝ բռնաւորին սիր-  
տը շահեցաւ, և ժիրաքայ բռնած գերիները յեա  
գարծուց. իսկ Աշոտ և անոր որդին Գրիգոր Դե-  
րենիկ, և ուրիշ գլխաւոր իշխաններ, հանդերձ  
տիկնամբք՝ իբրեւ գերի կամ պատանդ խաւրուե-  
ցան առ ամիրապետն. նոյնպէս անոր Գուրգէն  
եղբայրն այլ, որ Բուզայի խաւրած 15,000 զօրքը  
ջարդելէն ետեւ՝ ինքնին եկաւ առ Բուզա. իրմայրն  
այլ Հռիփսիմէ տիկինն՝ կամաւ որդւոցը ետեւէն  
գնաց 'ի Պաղատաւ։

Երբ հասան ասոնք և ուրիշներ այլ՝ առաջին  
բանտելոց քով, ամիրապետն զամենքն այլ կան-  
չեց իր ատեանը, և ամենայն զարհուրելի կերպա-  
րանօք և խօսքերովն յանդիմանեց, սպառնացաւ,  
մահապարտ վճռեց. միայն սղատուծեան ճար՝  
մալիմանութիւնը ցուցնելով։ Յաղկերտի ատեն

Վարդանանց դիպուածն հոս այլ նորոգեցաւ . և թէպէտ Արծրունեաց եպիսկոպոսն Յովհաննէս, որ կապելոց մէջ էր, իր կարգին յարմար պատասխան տուաւ, քրիստոնէից կրօնքը և պատիւը պաշտպանեց . բայց իսալիւփայն բարկութեամբ ատենէն ելնելով իմացուց կապելոց՝ որ իր օրէնքին դէմ էր անոնց հետ վիճաբանիլ, կու մնայ որ կամ հաւատքնին ուրանան կամ սպաննուին : Արգէն Բագարատ իշխանապետն ուրացեր էր, ըսելով՝ թէ բռնութեամբ և անկամայ ուրանալն մեղք է . ուրիշ շատեր այլ զժբազդաբար իրեն հետեւեցան . իսկ Յովհաննէս եպիսկոպոսն, Քրիստոս Արծրունի իշխան մը և Քրիստոս քահանայ մը, հաստատուն մնալով՝ երկաթակապ բռնտեցան, ուր չորս տարիէն մեռաւ իշխանն վկայական անուամբ :

Իսկ Բուզա ի Դուին ձմերելով՝ հոն նահատակեց եօթն կորիճներ, որք իրենց զխաւորին անուամբ (Առոմ Անձեացի) կու կոչուին, և նաև Վարդանանց ժամանակակից նոյնանուն վկաներէն զանազանելով Երկրորդ Արշակունի : Այն ձմեռ չորս կողմ եզոզ իշխաններ՝ Հայ և Վրացի՝ իրենց երկրին ամրագոյն տեղուանքը քաշուեցան, ոմանք այլ եկան անձնատուր եղան . որոց մէջ գլխաւորն էր Սպարապետն Սմատ, որ և ազատութիւն գտաւ իր տեղը բնակելու, և երբ պէտք ըլլայ բանակը գալու և առաջնորդելու : Գարնան (853) դնաց Բուզա Տփիսիս քաղաքին վրայ, առաւ այրեց 50,000 հոգւով : Վրաց կողմէն անցաւ Աովկասի կողմերն այլ նուաճելու, և եկաւ նախ Մանարաց վրայ՝ որ Ալանաց և Վրաց մէջ տեղ բնակէին . զօրաց բազմութեանը վրայ վստահացած՝ սկսաւ կռուիլ . ինն ամիս<sup>1</sup> նստաւ այն տեղուանքը, տասն և ինն անգամ պատերազմե-

<sup>1</sup> Ինն օր գրած է Թոմայի Արծրունւոյ գրոց մէջ :

ցաւ սաստկապէս, շատ մօրդ կորուս, ամօթով յետ դարձաւ, մասաւ Հայ-Աղուանից երկիրը. ուր Յայի կամ Ապու-Մուսէ Երիցու-Ռրդի անուամբ կտրիճ մը Արցախայ լեռնային կողմերուն կ'իշխէր. և Մանարաց քաջութենէն սիրտ առած՝ իրենները ժողովեց Քիշ լեւան վրայ, և պատրաստեցաւ ընդդէմ Բուղայի: Բուղա հոս այլ նախ յարձակմունքով սկսաւ, յաղթուեցաւ. ապա սկսաւ լեռը կրցած կողմէն պաշարել, և իր զօրաց համար ապաւինութեան բերդակներ շինեց. ամիրապետին այլ լուր խաւրեց, տեղւոյն գժարութիւնը և կտրիճ իշխանին յամառութիւնը իմացընելով, թէ ի՞նչ ընէ, թողո՞ւ եթէ սպասէ: Խալիփայէն՝ կռուելու հրաման և նոր զօրք եկաւ, բոլոր բանակով նորէն յարձակեցաւ, և նորէն վաճառուեցաւ: Տարւոյ մը չտփ հոն ուշացաւ Բուղա, քսանեութ անգամ յարձակուեց ըրաւ, ամեն անգամ այլ յաղթուեցաւ: Դարձեալ պէտք եղաւ պատգամով խաղաղութեան հրաւիրել. Ապու-Մուսէ յանձն չառաւ Բուղայի հետ խօսիլ, ինչուան որ խալիփայէն ուղղակի իրեն թուղթ չգայ. երկու կողմէն այլ դեսպան խաւրեցին ՚ի Պաղատա. խալիփայն թողութեան դիր գրեց Մուսէի, եղածները չեղած սեպելով, և պատուիրեց որ անկասկած գայ իրեն, Բուղայի այլ պատուիրեց որ պատուով ընդունի զնա: Եւ այնպէս եղաւ:

Բուղա այս կողմերս եղած ատեն՝ նահատակեց զՄուկաթը Վանանդեցին, Սողամոն Սևորգին, Կահա, և Յովնան Թութեցին՝ որ իր լեռնոց առաջնորդն էր Բուղայի զօրաց դէմ, և հիմա հոս իր հայրենեաց նման լեռներու և լեռնորդայց գիմաց՝ գերագոյն քաջութեամբ պսակուեցաւ: Բոլոր այս կողմերս և ՚ի Դուին և ՚ի Վասպուրական նահատակելոց թիւն՝ աւելի էր քան զ250. զոր

ամենքը մէկէն տօնել հրամանաց կաթուղիկոսն, Յովհաննէս Ե, մեհեկանի ամսուն քսանի և հնգին, (որ է երեք մարտի) :

Ապու-Մուսէի հետ պատերազմելու ատեն՝ Բուղա ուրիշ ազատ իշխանաց այլ պատգամ խաւրեր էր որ գան իրեն հնազանդին. ոմանք հաւանեցան, ոմանք մատնութեամբ ձեռք ընկան. ոմանք այլ երբ տեսան Ապու-Մուսէի յանձնառութիւնը, յոյսերնին կարեցին պատերազմով գէմ կենալու կամ փախչելով ազատելու : Այս կամայ կամ տկամայ նուաճեալ իշխանաց դիւաւորքն էին՝ Սիւնեաց երեք մեծ իշխաններն, Գրիգոր, Փիլիպպէ և Վասակ. Խաչենոյ տէրն Առըրներսէ, Գարգմանայ տէրն Կորիճ, Սևորդեաց տէրն Ստեփաննոս Կոն (որ և խոստովանութեամբ մեռաւ ի Պաղտատ իր որդւոյն հետ), Գրիգոր Մամիկոնէից տէրն, Սաշ Եաքէոյ տէրն, (Պապէք տպստամբը բռնողն), գրեթէ չմնաց ուրիշ ազատ գլխաւոր իշխան մը : Այսպէս Բուղա աւելի խորամանկութեամբ քան քաջութեամբ իր կամացն հասնելով՝ գնաց ի Պարտաւ ձմերելու, բոլոր բռնած իշխանները մէկ տեղ ժողովելով : Սուտ խոստմունքներով և պատուով քիչ մը ատեն խաբարեց. գիշեր մ'այլ յանկարծ իրենց հանդըստեան և քնոյն ատեն՝ շղթաներով կապուած գտան զիրենք. երկրորդ օրը ճամբայ դրուեցան գէպ ի Բաղտատ, Սմբատ, սպարապետն այլ անոնց հետ, որուն մեծ մեծ յոյսեր կու տար Բուղա : Ինքն այլ բռնած որսերը քշելով գնաց իր արժանաւոր ամիրապետէն վարձքն առնուլ. տեղը թողլով Իբրահիմ անուամբ կուսակալ մը : Իսկ Հայոց իշխաններէն՝ միայն Գուրգէն Ապուպէլճի որդի ըսուած Վասպուրականի գլխաւոր ազատներէն մէկն՝ Բուղայի հաւանութբ այն նահանգին տէր դրուեցաւ, զոր արգէն քաջութեամբ :

անոր թողած զօրքերու ձեռքէն առեր էր. իսկ  
Հայոց միջնաշխարհին մէջ թողուց Սմբատ սպա-  
րապետին սրգին՝ զմերն ԱՇՈՑ:

## Զ

Բագրատունի թագաւորաց մէջ միայն մեր Ա.  
չտոյ կենաց չափն կու յիշուի, եօթանասունու.  
մէկ տարի. վախճանած տարին այլ նշանակուած  
ըլլալով՝ ծնած կու հանգիպի Քրիստոսի 820 թը-  
ւականին. այն տարին՝ յորում սպանուեցաւ  
Լէոն Հայկազն կայսրն՝ ի Կ. Պօլիս, յորում ի  
Հայս Սմբատ իշխանաց իշխանն և Սահակ Սիւ-  
նեաց նախարարն Հօլայ հեա պատերազմելով՝  
ընկածն կռուին մէջ, յորում (կամ տարի մը ետեւ)  
մեռաւ մեր Աշոտայ պապն՝ Աշոտն Մսակեր. ո-  
րոյ ժառանգն Սմբատ Խոստովանող՝ հօրը մա-  
հուանէն քիչ առաջ՝ առեր էր ի կնուծիւն Տա-  
րօնոյ տիրոջ և Հայոց իշխանապետ և իր անուա-  
նակից Սմբատայ գուտարը, յորմէ ծնեալքն են,  
(մեր գիտցածներն) չորս մանչ և երկու աղջիկ,  
նախ մերս Աշոփ, յետոյ Աբաս<sup>1</sup>, Շապուհ, Մու-  
շեղ. Ա.... կին Գուրգենայ իշխանի Գուգարաց,  
Ա... տիկին Վրաց: Սմբատ իր հօր եռանգուն  
կործութենէն աւելի խաղաղասէր աշխարհաշի-  
նութիւնը ժառանգեց. անոր համար հօրը թշա-  
մւոյն՝ Չահապեան Սեադայի հետ հաշտութիւն  
ըրաւ և թողուց որ նստի հանգիստ ի Գուին,  
ինքն այլ անկէ ճանչցուեցաւ սպարապետ Հայոց,  
ինչպէս իր մանկահասակ աներձագն այլ՝ Բագա-  
րատ՝ տէր Տարօնոյ և նախիշխան Հայոց: Սպա-

<sup>1</sup> Ասոր անունէն կարծեն սմանք հօրն Ապարատ մակա-  
նունը, իբր թէ հայր Աթոսայ. բայց ինչու ոչ Աշոտայ՝ այլ  
Աբասայ հայր կոչուի.

րապետ և իշխանապետ՝ խնամիք և բարեկամք էին, բայց Բագարատ ոչ Սմբատայ խոհեմութիւնն ունէր և ոչ բարեպաշտութիւնն, և շատ արի վերջը (840) մեջերնին տհաճութիւն մը ծագեցաւ՝ Բագարատայ յանդուգն գործով մը. առ որ չարալեզու մարդիկ ամբաստանեցին այն ատենուան կաթողիկոսը՝ Տէր Յովհաննէս Ե, վրան անարժան բաներ ըսելով, որոց առանց քննութեան հաւատալով Բագարատ՝ հրամանց որ իրեն կաթողիկոսութեան պատիւ չտան. սա այլ թողուց աթոռ և վանք մը քաշուեցաւ։ Սմբատ և Սիւնեաց տէրն Սահակ՝ այս բանիս դժուարած՝ յեա գարձուցին զկաթողիկոսը և պատուով նստուցին աթոռ. Բագարատ իրար համարհուած՝ կու սպասէր յարմար առթով իր իշխանութիւնը ցուցնել. բայց ուրիշ փորձանքներ հանդիպեցան իրեն, Ապուսէթի ոստիկանութեան ատեն, ինչպէս առաջ յիշեցինք։ — Սմբատայ սպարապետութեան ատեն, որ և Աշոտյ կենաց կէսն է (821-855), իր խոհեմութեամբն Հայաստան ի խաղաղութեան վայելեց, գոնէ այն տեղուանքն՝ ուր կու հասնէր իր առաջնորդութիւնն, կամ Դունայ ոստիկանին իշխանութիւնն. վասն զի Հայոց սահմանակիցք՝ Աղուանք, Ատրուպատական և Միջագետք՝ ուրիշ ոստիկաններ և ամիրաներ ունէին, որ այն կողմերը կու նեղէին. ասոնցմէ էր Սևադա մ'այլ, Աւառանշան? Ըսուած, որ Պարտաւէն (Աղուանից մայրաքաղաքէն) ելաւ զօրքով ասպատակեց Սիւնեաց երկիրը, և հին իշխանանիստ Շաղատ աւանին տիրեց. Վասակ Սիւնեաց տէրն՝ բռնաւորին դէմ աւելի բռնագոյն մը գտաւ, զՊապէք մոլորեցուցիչ ապստամբն ի խալիֆայից, զոր պատմիչք մեր կոչեն Բաբ կամ Բաբան. պառնոց հետեանքը մտածելու կանչեց, և անոր օգնութեամբ վռնեց

զՍևադա. ինքն այլ քիչ առենէն մեռաւ, երբ այն վտանգաւոր օգնականն դեռ իր երկիրն էր. որ և Վասակայ սպիկը կին առաւ և աներոջ իշխանութիւնը սկսաւ նուաճել. Սիւնեաց Բաղք դաւառին կտրիճներն ոտք ելան, բայց բաւական չեղան դէմ կենսլու այն բռնաւորին, որ քսան տարի ամիրապետաց տէրութիւնը սասանեցուց, և իրեն ետև ընկնողներէն 150,000 մարդ ջարդեց. հոս այլ շատ կոտորածներ ընելով՝ անիւնք բռն Սիւնեաց տէրութեան. անկէտնցաւ (827) Սևա նայ ծովուն եզերքը իշխող Հայկազն Սիւնեաց երկիրը, հոս այլ 15,000 մարդ կոտորեց, և տասն տարի այլ այս կողմերը և հարաւային Հայոց ամուր տեղուանքը ընկնալով՝ խալիփային խաւրած շատ զօրավարները ջարդով յետ դարձուց: Մեծ վարձք խոստացուած էր զինքը սպաննողին կամ բռնողին. որ տրուեցաւ քաջ Հայ-Աղուան երիտասարդ իշխանի մը, Սահլի Սմբատեան, որ նախ իր հայրենեաց՝ Աղուանից, այսինքն Արցախ և Ուտի նահանգաց Հայոց՝ ասպատակները ջնջեց, յետոյ ամիրապետին խաւրած Աւֆշին զօրավարին յորդորմամբ՝ Բաքանայ ետևէն ընկաւ, վերջապէս բռնեց (837) այն զարհուրեղի բռնաւորը, և առաւ վարձք 660,000 ֆրանգի չափ: Այս այն կտրիճն է՝ զոր յետ իբր քսան տարւոյ ուրիշ մեծամեծ իշխանաց հետ Բուղա խաւրեց ու ամիրապետն ի Բաքելոն, ինչպէս քիչ մ'առաջ յիշեցի:

Այս պատերազմերուս մէջ Սմբատ սպարապետն և իր որդին Աշոտ այլ մասն ունէին: — Մեր հիմայ ունեցած պատմիչքն չեն յիշեր. բայց այսչափ կ'իմացնեն՝ որ Սմբատ ոչ միայն քաղաքական վարչութեան և շինութեան կրթեց իր անդրանիկը, այլ և սպարապետութեան, բանակաց առաջնորդելու. և հօրը յաջորդիլէն առաջ



այլ շատ քաջութիւններ բրած ըլլալը՝ և զանոնք իր համբիրակին (Շապհոյ)՝ ի գիր անցընելը՝ կու-  
 յիշէ ժամանակակիցն և ականատես Յովհաննէս  
 կաթողիկոս. և հարկ է թէ գոնէ Բուղայի գալէն  
 առաջ տասը տարին այնպիսի գործովք անցու-  
 ցած ըլլայ թէ ի Հայս և թէ Կովկասու կողմերը.  
 իսկ խաղաղութեան ատենն այլ շինութեանց պա-  
 րասելով՝ ի հինն Երազգաւորս՝ որ և Շիրակա-  
 ւան (Պաշ-Շէօրէկէլ). պալատէն զատ՝ Սմբատ  
 մեծ և փառահեղ եկեղեցի մ'այլ շինեց (838) <sup>1</sup>  
 Առնափիլ աւուռն, բարձրաբերձ գմբեթաւ, որ  
 հիմայ կործանած է. բայց եկեղեցին իր չորս ան-  
 ունի կամարոց վրայ բարձրացեալ կեցած է, թէ-  
 պէտ և այն այլ Սմբատէն երկու դար ետև նորո-  
 գեալ:

## Է

Յետ երեսուն տարւոյ Սմբատայ սպարապե-  
 տութեան և Աշոտոյ կենաց՝ հասաւ Հայոց մեծ  
 ալէկոծութեան և վաանդի պարագայն, զոր ա-  
 ռաջ յիշեցինք, Բագարատայ և Ապուսէթի դի-  
 պուածովք, որոց համոր եկաւ Բուղա ի Հոյս:  
 Նախատես և նախահոգ սպարապետն իր իշխա-  
 նակցոց պնդադիւնութիւնը տեսնելով և չկարե-  
 նալով զամենքը համոզել, ջանաց մնացածը և կրը-  
 ցածը ապահովել. և դեռ Սև զօրովարն (Բուղա)  
 իր աշխարհէն չջարժած՝ Սմբատ իմանալով եղած  
 պատրաստութիւնը, թէ անոր և թէ ամիրապե-  
 տին՝ թլլով և ընծաներով իմացուց որ ինքն ապ-  
 ըստամբաց կողմը չէ, այլ օրինաւոր իշխանու-

<sup>1</sup> Ոմանք մեր Աշոտոյ որդին Սմբատը համարին այս  
 եկեղեցւոյս շինող. բայց իր շինածն ուրիշ եկեղեցի էր  
 պալատին մօտ, որ թերևս հիմայ հոն մնացեալ քանի ճը-  
 աւերակ եկեղեցեաց մէկն ըլլայ:

Թեան հաւատարիմ. և այսպէս առաջին յաղթու-  
 Թին մ'ըրաւ բռնաւորին դէմ, և Հայաստանի  
 միջնաշխարհը ապահովցուց. զոր և այլ աւելի  
 հաստատեց՝ երբ Բուլղա Ստամբուլի պէս սպառ-  
 նալեզք ելեր կու գար մեր աշխարհը: Այս ուն-  
 դամ Հայոց պահապան հրեշտակն՝ ՅՈւսէպի կո-  
 տառ և հզօր երիտասարդի մը կերպարանք ե-  
 լաւ անոր գիմաց, աչքը շացուց, սիրտը շարժեց,  
 խոստմունք առաւ որ հըռ եղողին մնաս չհասցը-  
 նէ, և այնպէս Թողուց որ մանէ 'ի Հայս: Այս  
 հրեշտակս էր ինքն ԱՅՈՑ, հասակին և վայելչու-  
 Թեան և զինուորութեան ամենէն փայլուն և ծաղ-  
 կած տունն. անշուշտ Բուլղա իրեն բազմ այլ սե-  
 պեց որ այդպիսի անձ մը և անոր նման եղբարք  
 և հայր՝ իրեն գիմակաց պիտի չըլլան: Աշոտոյ քա-  
 ղաքակտն և ամենայն յիշատակեալ գործոց մէջ  
 այս առաջին գիպուածն է. գիպուած բարեգու-  
 շակ, Թէ և ինքն գեռ չէր անաներ՝ այդ գործոյն  
 և ասոր նմանեաց համար՝ նոյն գացած ճամբէն  
 Թագաւորական Թագի մը ճամբայ ելնելն, որ հա-  
 սաւ իր ճակտին՝ յետ ՅՈւսէպի տարւոյ: Երրորդ ան-  
 դամ ապահովեց Սմբատ հայրենիքը յետ իր հրեշ-  
 տակին (իր որդւոյն) ինքնին ելնելով ընդ առաջ  
 Բուլղայի, երբ սա նուաճելով զհարաւային Հայս՝  
 մտաւ 'ի միջնաշխարհն և կու գար 'ի մայրաքա-  
 ղաքն Դուին. « Սպարապետն Հայոց՝ իբրեւ գի-  
 » տաց, կ'ըսէ պատմիչն Թովմաս, Թէ ոչինչ օ-  
 » դուա բերէ արապոյ հրամանաց նորա լինել,  
 » փութացաւ եկն առ նա, և ընկալեալ 'ի նմա-  
 » նէ՝ ընակեաց ինքն և իւրքն՝ հանդերձ իւրա-  
 » քանչիւր կալուածովք, առանց կասկածանաց »:  
 Եւ միւս պատմիչն (Յովհ. կաթ.) « զմահ 'ի կեանս  
 » խառնեալ սակս աշխարհին իւրոյ փրկութեան,  
 » գնայ ընդ առաջ նորա բազում ընծայիւք և պա-  
 » տարագօր. և առ ընկալեալ 'ի նմանէ պատուա-

» սիրարար... բազում իմաստութեամբ զսաղապ  
 » և զսնտտի միտս նորա յինքն հանդուցեալ վրա-  
 » տահէ » : Բուզա ըստ խոստմանն հանգիստ թո-  
 զուց զՍմբատ . բայց միայն տեղեկութիւն կ'առ-  
 նուր անկէ իր երթալու տեղերուն և անձանց վը-  
 րայօք . և երբեմն հետը կու տանէր զնա , թէ ոչ  
 պատերազմելու՝ գոնէ թշնամիները յորդորելու  
 'ի հնազանդութիւն , կամ գործը շուտով վերջա-  
 ցընելու համար : Սմբատ այս գծուար և փափուկ  
 առթին մէջ ըրաւ որչափ որ պարտք հայրենեաց  
 և պարտք հպատակութեան միաբան պատուի-  
 րեն . և հաւանօրէն իր հեռացած առեն՝ տեղը  
 թողած էր զԱշոտ . որ չյիշուիր այս առեն ուրիշ  
 տեղ , ինչպէս յիշուին իր հայրն և եղբայրն՝ Ա-  
 ղուանից պատերազմին առեն : Հոս նորէն հար-  
 կաւոր կու սեպեմ՝ գառնալ այն պատերազմին և  
 յիշել ախորժելի դիպուած մ'այլ : Երբ Բուզա  
 չարաչար զարնուած յԱպումուսէէ՝ յուսահա-  
 տեալ փակուեր էր վրանին մէջ , և առան օր քովը  
 մարդ չէր մօտեցընէր , միայն Սմբատ սպարապետն  
 համարձակեցաւ ներս մտնելու և բռնաւոր ձեռ-  
 քէն բռնելու , յիշեցընելով անոր որ պատերազմի  
 մէջ յաղթուին չէ ամօթ , այլ վհատին : Բուզա  
 թէ անկէ թէ ամիրապետէն նոր հասած պա-  
 տուէլքով և զօրքերովն քաջալերուած՝ ըրաւ այն  
 մեծ յարձակմունքը Քթիշ լեւան վրայ , թէ և  
 չյաջողեցաւ : Այս միջոցիս կու յիշուի Աշոտոց  
 եղբայրն Մուշեղ , որմօտ բլրի մը վրայ կեցած  
 կու գիտէր այն ահաւոր պատերազմը . և երբ յան-  
 կարծ լսեց հազարաւոր փոփոց և եղջերաց շուրն-  
 չէն , և բազմաթիւր զօրաց արաբացի կոկորդաց  
 աղխազուր աղաղակն , իբր 250,000<sup>1</sup> սպառազէն

<sup>1</sup> Պատմիչն տեղ մը յիշէ որ Բուզա իր բռնակին մէջ  
 500 հոգւոյ մէկ դրօշակիր մը դրեր էր , և այս պատերազ-

մարդկան և երիվարաց փայլմունքն, վազքն, վեր վար շարժիլն, երկու կողմէն յուսադարաբար կամ յուսահատաբար կանչուըռտեն, վարէն վեր մեքենայով նետուած նետեր, տէգեր, գունտեր, պարտեր, վերէն վար սահած թափած քարեր, նետեր նիզակներ, և այն գրեթէ չբացատրեղի խառնուրդը, զարնուածքը, անամպ երկնքի մը տակ սաստկածայն որոտմունքը, և աննման հեղեղի մը եռալ զեռալը, խելքն գլխէն թռաւ, սոսկումն և յափշտակութիւն զինքն վերացուցին, կ'ըսէ պատմիչն, մինչև յաճաւոր հանգէս գալըս տեանն Քրիստոսի 'ի դատել զաշխարհ 'ի վախճան ժամանակի. և քանի որ միտքն այն յափշտակութեան և եռանդեան մէջ էր՝ տատուածարեալ մարգարէի կամ ներշնչեալ բանաստեղծի պէս՝ (ինչպէս որ արդէն վարժ էր բանահիւսութեան), ակսաւ յանպատրաստից ստեղծել երգել ոտանաւոր չափով հինգ տուն սրտառուչ երգ կամ շարական մը, որ կու սկսէր,

Անդբաղելի տկան սրտի նայեցող անձն իմ.

զոր, գիտեմ դու այլ, Հայկակ, աւելի ախորժով ուզես կարդալ, քան այն պատերազմին չուկը լսել. — ո՛հ, ի՞նչ ըսեմ, թերեւ այս երգս այլ մեր կորուսեալ Շապուհ պատմչին հետ գտուի. հիմայ ուզեմք չուզեմք պէտք է գոհանալ այս մէկ տողով, այս փշրանքով, ինչպէս որ մեր ուրիշ շատ հին ցանկալեաց այլ հազիւ մէկ տողիկն մէկ փշրիկն ունիւի՜ր՝ մնացորդք ժամանակաց խառնակութեան, հնութեան կամ անհոգութեան։...

Միս մէջ 1000 դրօշակիր կու յիշէ. այս հաշուով 500,000 կ'ըլլար զօրքն. բայց որովհետեւ ինքեին հոս 200,000 էն աւելի էր կ'ըսէ, մենք Ապուժուտէի բանակն այլ աւելցընելով՝ թերեւ աւելի չգրինք 250,000ը :

Բայց դու անցողաբար զայս այլ նշանէ, որ գրականութիւնն այս ատենն այս Բագրատունի առհմին մէջ ծագկած է եղեր և պահուած, հաւասար զինաշարժութեան:

Այն պատերազմին և Բուղայի գործոց վերջը ու դարձը՝ առաջ յիշեցի. հարկ է հիմայ ճամբել զնա՝ որ գառնամբ յԱշոտ. բայց ցաւաքի հարկ մ'այլ կայ. պէտք է որ այն ճամբուն վրայ տեսնեմք նաև զհայրն Աշոտոյ, զհայրն Հայոց, զմեծոգին Սմբատ. որոյ մեծ արգիւնքն այլ յառաջ յիշեցի. ինքզինք զոհելով՝ հայրենիքը մեծ սպառնալիքէ և կոտորածէ ազատելն, այնպիսի ժանտ, և քստ անուանն (Գարա-Բուղա) կառուած տեւցլու մը եղջիւրներէ. որ և պատուէր տուաւ սպաքապետին՝ որ տունը հոգայ, տեղն իր օրգին Աշոտը դնէ իբրև տեղակալ, և գայ իրեն, որ երթան ամիրապետին՝ արժանաւոր վարձքն առնուլ: Սմբատ թերևս կու գուշակէր ինչ վարձք ինչ վերջ ունենալը. բայց գոհ էր իր ըրած երախտեացն առ հայրենիս. գոհ էր իր տեղ իր ամենեւին նմանն և սիրելին թողլուն. քաղաքական կողմանէ հոգ չունէր՝ Աշոտոյ պէս խոհեմ և կրարիճ կորիւն մը դնելով իրեն փոխանորդ. ուղեց յապահովել հոգեորն այլ, զոր միշտ կու մտածէր յԱստուծոյ և իր հայրերէն ժառանգած բարեպաշտութեամբը. զոր և ժառանգեցուց իր զաւակացն, ոչ պակաս քան զքաջութիւն և զփառս: Արդ որովհետև նոյն ատենն կաթուղիկոսն վախճանած էր և աթոռը պարապ մնացած աշխարհին շփոթութեան պատճառաւ, Սմբատ այն նեղ ժամանակին կարելոյն չափ եկեղեցականները ժողովեց իր իշխանանիստ քաղաքաւանը, յերազգաւորս, և ատենին յարմար անձ մը չգտնելով անոնց մէջ՝ ընտրել տուաւ արժանաւոր աշխարհական կամ գեւ կարգ չառած անձ մը, որ էր Զատ-

դիւ, Կառայից գաւառին Ձազ գեղէն, որ է մօտ  
Նրեան քաղաքի, և հիմա Նրանոս այլ կ'ըսուի:  
ինչուան այս առնեն պատմութիւն բան չի յիշեր այս  
անձին վրայ, բայց գործն կու վկայէ որ ոչ միայն  
սրբուի վարուց ունէր, այլ և շնորհք տեսչութե  
այն բարձր աստիճանին համար՝ յոր ամբարձաւ,  
նոյն օրը ձեռնագրուելով 'ի կիսատարկաւագու  
թենէ մինչեւ 'ի կաթուղիկոսութիւն, և նստաւ  
յաթոռ Ս. Լուսաւորչին (854). իսկ գիտութեն  
այլ վկայ են իր գրուածքն՝ մեծ տօնից և աւագ  
շաբաթուան աւուրց վրայ, 15 ճառ, որչափ որ  
ինծի ծանօթ է. որոց մէջ բայ 'ի վարդապետա  
կան մեկնութեանց, ազգային աւանդութիւնք և  
սոմարական տեղեկութիւնք այլ կան: Սմբատ՝  
աշխարհին հետ զինքն այլ յանձնեց նորընտիր  
հայրապետին ազօթից. և տնչուշտ շատ սրտա  
ռուչ եղաւ հրաժարականն՝ երբ մէկ կողմէն կա  
թուղիկոսն իր գաւազանն առած, մէկայլ կողմէն  
Աշոտ՝ հօրը սպարապետութեան սուրբ աւած,  
շուարեր էին այս շուտ և անկարծական փոփո  
խութեանց վրայ, մինչդեռ նոյն անշիփթ շուտու  
թեամբ զգառտ սպարապետն աւանդելով երկու  
քին այլ ինչ որ իրեն ամենէն ցանկալի էին 'ի հայ  
րենիս, և ողջօւնելով զանսնք, վերջին ողջոյն, փու  
թացաւ երթալու առ Բուզա, առ Ձափր, 'ի Բա  
բելոն և 'ի բանտ, և ոչ ևս դառնալու 'ի հայրենիս:

## Ը

Ոչ միայն ցաւալի այլ և շատ զգուշալի և գր  
ժուարին էր Աշոտոյ վիճակն. Բուզա բողորովն  
ազաւ թողեր էր զնա, բայց Հայոց ոստիկան  
մ'այլ և իբրեւ լրտես մը գրեր էր զԻպրահիմ. ո  
րուն հետ վարուելու թէ և բաւական խոհմու  
թիւն ունէր Աշոտ, բայց Պաղտատի լուրերն

գէնքը կու խռովէին. իշխանաց բանտարկութիւնն, իր հօրն այլ անոնց հետ, և հաւապի ուրացութեան վախն: Իր մէկ սխալ կամ յանգուզն քայլն՝ կրնար հօրը կենաց վնաս հասցընել. մանաւանդ երբ ուրիշ իշխանք ուրացութեամբ յետ դարձան (857-8), և ոմանք հոն նահաաակուեցան, և մընաց 'ի բանտի միայն Սմբատ, որուն գրեթէ ինքն իշխանութեան պատիւ խոստացած էր Բուզա խաչիփային կողմանէ. իսկ սա՝ անոր հաւատարմութեան փոխարէն՝ Աստուծոյ անհաւատարիմ ըլլալ կու պահանջէր 'ի Սմբատայ. և զի նա ճշմարիտ մեծահաւատ և մեծոգի էր, ոչ բռնաւորն կրնար յաղթել, ոչ Սմբատայ կապանքը կու քակուէին: Աշոտ սրչափ ջանք և աղաչանք ըրաւ առ Զափր, յայտնի չէ. բայց այնչափ հաւատարմութիւն ցրցուց, որ ոչ իրեն և ոչ հօրը վրայ կրցան կասկած ու մեղադրութիւն մ'ընել. թէպէտ ինչպէս հօրն, այսպէս այլ իրեն երբեմն ծանր ծանր և անախորժ հարկեր կու դնէր այս հաւատարմութիւնս. և շատ հեղ ծանրութիւն տուողքն այլ իր համագգիւքն կ'ըլլային, ապստամբութեամբ և անհնազանդութեամբ. պէտք էր կամ նուաճել զանոնք, կամ անոնց պէս ապստամբ և յանցաւոր երեւիլ, և անկէց այլ աւելի՝ մոռացօղ կարծուիլ. հօրը կապանաց և բանախն:

Այսպիսի առիթ մ'եղաւ Գրիգոր Մամիկոնէից տէրն, որ ուրիշ գլխաւոր իշխանաց հետ գերուած և բանտարկուած էր 'ի Բաբելոն, բայց յաջողութիւն մը գանելով՝ փախաւ անկէ և թշնամեաց միջէն անցնելով՝ եկաւ իր երկիրը, 'ի Բագրեւանդ. և անկէ այլ ամուր տեղ մը գտնելու պարտաւորուած ատեն՝ յետ եօթն աւուրց մեռաւ: Ետեէն ընկնող արաբացի ոստիկանն պատուիրէր էր Աշոտոյ՝ որ ուր այլ ըլլայ՝ երթայ բռնէ գրիգոր. Աշոտ լսելով անոր մահը՝ գլուխը հանել

առւաւ և զրկեց բռնաւորին, ըսելով որ փախչելու առեն բռնուած է: Ոստիկանն ուրախացաւ, խալիփայն 'ի վարձ հաւատարմութեան Աշոտոյ՝ իրեն պարգևեց Գրիգորի երկիրը (Բագրևանդ), և իբր 30,000 Ֆրանգ այլ վրան:

Ասոր նման գիտուած մ'այլ եղաւ Արծրունեաց իշխանաց հակառակութեան պատճառաւ. ուր (ինչպէս առաջ յիշեցի) Գուրգէն իշխանն ազատօրէն կու տիրէր. բայց երբ գարձաւ միւս Գուրգէն եղբայրն Աշոտոյ՝ բուն տիրոջ Արծրունեաց, և ասոր որդին Գրիգոր Դերենիկ (858), մէջերնին չփոխութիւն ծագեցաւ. զոր և չաւելցնելու համար՝ առաջին Գուրգէնն թողուց իր երկիրը և Յունաց կողմը անցնիլ ազդեց. եկաւ ինչուան յէրզրում, որոյ արաբացի քաղաքապետքն Բշրի և Զըբրի՝ բռնեցին զնա և Աշոտոյ խաւրեցին. Աշոտ շատ գժարացաւ՝ այնպիսի կտրիճ և զգոն մարդ մը տնարդ վրէժխնդրութե մատնելու. բայց քանի որ հօրը կապանքն կու յիշէր՝ իր սիրտն տւելի կու կապկրպէր: Իրեն յանձնուածին կապն այլ չկրցաւ քակել, այլ յանձնեց Թիֆլիզի քաղաքապետին, որ այլազգի էր. նա փորձեց և չկրցաւ հաւանեցնել զԳուրգէն յուրացութիւն, ապա կապ կապի վրայ տւելցրնելով զրկեց զնա 'ի Բարեւոն. ուր նոյնպէս հաստատ մնալով իր հաւատոց վրայ՝ գրուեցաւ 'ի բանտ. բայց մէկ կամ երկու տարի վերջը յաջողութեամբ պրծաւ, դարձաւ իր երկիրը: Արծրունեաց պայուղատն (որդին Աշոտոյ) Դերենիկ՝ որ դեռ 14 կամ 15ամեայ պատանի մ'էր, և իբրև հօրը տեղտկալ կու նստէր խալիփային հրամանաւն, երբ իմացաւ Գուրգենի գառնալը՝ վախնալով որ չըլլայ թէ տիրէ երկրին, աւելի իր հասակակցաց լսելով քան խոհական խնամակալաց՝ յանկարծ վրան վազեց, բայց վնասուեցաւ քաջ



ու փորձ իշխանէն: Դարձեալ յանկարծակի յար. ձակեցաւ Դերենիկ, Գուրգէն արգէն հիւանդ ըլլալով ձիէն ընկնալով բռնուեցաւ, և բանտեցաւ ('ի Հադամահերտ, իշխանանիստ Արծրունեաց). բանտապանն քահեց և ազատեց զԳուրգէն, և գիշերանց բերաւ մոռուց զնա Դերենկայ քնարան օենեակը. Գուրգէն արգէն վրէժիւրն գրութեան պատճառ կրնար ունենալ, որովհետև Դերենկայ պատն սպանելու էր իր հայրը. սակայն իր սիրտն շատ մեծ էր՝ այսպէս գողաբար անխուհեմ ուղայ մը սպաննելու համար. և մանաւանդ անուշական տղայ մը՝ թէ և թշնամի, ո՛հ, բնութեան խաղաղութեանը մէջ՝ միշտ տղայ միշտ զըւարթուն է. Գուրգէն՝ թէպէտ և սուրը անոր գլխուն վրայ վերուցեր էր, մէկայլ ձեռքն այլ սակրին և դանակին վրայ, սակայն չկրցաւ ար. ցունքը բռնել՝ սիրոյ և անելութեան կռուին մէջ, լալով կանչեց. « Դերենիկ, որդեակ իմ Դերենիկ, » « Բնա բարով, այսուհետև համարձակ տիրէ եր. » կրիս. ես կ'երթամ 'ի Յունաստան »: Դերենիկ զարհուրած վեր ընկաւ, երազի պէս և երազէ ահաւոր տեսարանը տեսաւ, իր բանտալը սուսերամերկ գլխուն վրայ կեցած. « Ա՛հ, հայրս, խնայէ ինձի », կանչեց, և լեզուն բռնուեցաւ: Գուրգէնի բաւական էր եղածն. արիւնէն աւելի էր արտասուելի վրէժն. նոյն արտասուելը չարած՝ փութացաւ ելաւ ծածկուեցաւ տեղ մը, ինչուան որ յարմար առիթ գտնէ փախչելու Յունաց երկիրը, ուր որ շատոնց միտք ունէր երթալ: — Բաւական չէր այս սրտառուչ, այս թատերական տեսարանս. հարկ էր որ նոր գիպուածներ այլ նոր նոր տեսարաններ աւելցնեն: — Իր պահուած տեղն (Երանգանի գեղին) վանաց տէրախրոջ քով էր, որ հիւրագաւ տիրաւորութեամբ՝ մատնեց զնա առ Դերենիկ. և սա թերևս աւելի վախով

քան առեղուծեամբ՝ նորէն ամուր տեղ մը պահել տուաւ զԳուրգէն, և պատուիրեց այլ սր նեղութիւն չտան:

Այս առեղներս մերն Աշոտ զբաղած էր իրեն աւելի մօտ Հայոց, Վրաց և Աղուանից իշխանները հանգստեցընելու և ամիրապետին հպատակ պահելու. այս գիպուածիս չկրցաւ հասնիլ յառաջ քան զկաթուղիկոսն Զաքարիա. որ երբ լսեց Գուրգէնի մեծասրառութիւնն և Դերենկայ փոքրագութիւնն՝ քանի մը եպիսկոպոս հետն առած եկաւ աղաչեց մանկահասակ իշխանորդոյն՝ որ արձակէ իրեն կենաց խնայողը. պատանին այլ մեկէն հաւանեցաւ, արձակեց զԳուրգէն. մեկ տեղ դաշինք գրին, և դարձուց անոր հայրենի ժառանգութիւնը, որ էր Մարգաստան գաւառը, Նախ իջևանի մօտերն, և սիրով բաժնուեցան: Գուրգէն այլ անկասկած ըլլալով ի Դերենկայ՝ սկսաւ վախնալ յԱշոտոյ. վառն զի իբրեւ ապստամբ յամիրապետաց մեկ մը բռնուած և անոր ձեռքը տըրուած, հիմայ որ նորէն փախչելով բանտէն եկեր էր իր տեղը, ի հարկէ աւելի յանցաւոր կու սեպուէր, և աւելի պարտք կար Աշոտոյ՝ անոր վրայ աչք ունենալու: Ասոր համար Գուրգէն հանգիստ չէր կենար տեղ մը, այլ աւելի Տարօնոյ կողմերը կու պարտէր, ուր մայրենի ազգականներ ունէր. և հոն էր՝ երբ Աշոտ խաղաղցընելով զվերին Հայս՝ յանկարծ եկաւ այս կողմերս, Վանայ գաւառը. Դերենիկ վախնալով գիմացն ելաւ. Աշոտ քիչ մ'աւելի խրատել կամ վախցընել ուզելով, հրամեց որ արգիլած պահէն զնա Վանայ բերդը, ուր ինքն այլ եկաւ: Գուրգէն հոս այլ առաքելի մեծանձնութիւն մը բանեցուց՝ իր մերձաւորին վրայ, բայց Թերևս ուրիշ կերպ մ'այլ ընդգէմ Աշոտոյ. 400 կարիճ ժողովեց և յանկարծակի շտապելով եկաւ ոչ հեռու ի Վանայ՝ Նարեկայ մօտերը նոր.

գիւղ ըստւած գեղը. և դեսպան խաւրեց Աշոտոյ միտքը իմանալու, և իմացընելու՝ որ եթէ զԴերենիկ պատժել և գերի տանիլ ուզէր՝ ինքն անոր ազատութեան համար պիտի պատերազմէր, (միտքը դրեր էր գիշերանց Աշոտոյ վրայ ընկնիլ) . իսկ եթէ խրատելու համար էր ըրածն, ասոր ապահովագոյն ճամբայ մը կ'երեւի կ'ըսէր, եթէ հաճիս, քեզի փեսայացընել զԴերենիկ, որ հաւատարիմ և հնազանդ մնայ իբրեւ հօր: Աշոտոյ միտքն այլ այս էր. սիրով հնազանդեցընել զպատանին, որ նոր կարգուած էր, բայց նոր այլ այրի մնացած իր մատղաջ հարսէն: Այս առթով երեք իշխանքն այլ տւելի բարեկամացան. Աշոտ առաւ զԴերենիկ հետը տարաւ 'ի Բագարան՝ աւանն Շիրակայ, և հոն իր զաւկին պէս պահելով զնա ատեն մը, յետոյ մեծահանգէս հարսանիք ըրաւ, և իր սիրուն Սոփի դստրիկը պսակեց անոր հետ (862). ուսկից ծնան երեք անուանի իշխանքն Աշոտ-Աարգիս, Խաչիկ-Փազիկ և Գուրգէն. որոցմէ Փազիկ Արծրունեաց առաջին թագաւոր եղաւ և իր ցեղին ամենէն մեծագործ և հռչակաւոր անձն:

Այս ատեններս Դերենիկայ հայրն՝ Աշոտ տէրն Արծրունեաց այլ դարձաւ, և իր իշխանութիւնը ժառանգեց. նոյնպէս իր երկրին խոստովանող եպիսկոպոսն այլ Յովհաննէս, և անոր ընկերն Գրիգոր քահանայն, և ուրիշ իշխանք այլ դարձան. միայն Արծրունեաց որդեսէրմայրն, Խիզին Հուլիսիմէ՝ Բաբելոնի արգելանաց և տաք օգուռն չգիմանալով՝ մեռաւ, և հոն օտարութեան մէջ թաղուեցաւ: Նոյնպէս այլ մեր Աշոտոյ հայրն՝ բազմ երախան Սմբատ, իշխանակցաց զառնալէն ետե՝ ինքն որ ամենուն առաջնորդն էր՝ ամենէն վերջին եղաւ, և ամենէն աւելի նեղութեամբ բանտի մէջ մնաց: Շատ հեղ հրապոյր լսեց, միշտ արհամարհեց, և ուրիշներուն աշխարհական երջանկու-

Թիւնը տեսնելով անտրտունջ, անկէ ետե միայն իրեն անանց երջանկութեանը կը փափագէր, որ և չուշացաւ. տառն ամիս նեկութենէ ետե<sup>1</sup> վախճանեցաւ աքսորանաց և արգելանաց մէջ, և Թաղուեցաւ Դանիելի մարգարէին անուամբ ճանչցուած գերեզմանատեղին. Թողլով հայրենեաց պատմութեան մէջ պատուելի անուն մը, եկեղեցւոյ մէջ աւելի պատուելի Խոսրովանոյ անունը և յիշատակն ընդ արգարոց, զոր Հայագիր նշանակէ 'ի 25 մահեկի (3 մարտի):

Աշոտ երկրի վրայ տխուր բայց յերկինս ուրախ բաղդ գտաւ, ունենալու նախ հայր մը, և յետոյ (55 տարի վերջը) որդի մը Խոսրովանոյ կոչուած, և երկուքն այլ համանուն Սճափ. ետքինն իր պապուն միայն համբերութեամբ երկարած խոստովանութիւնը՝ արեամբն այլ կատարեց ու կնքեց, ինքն այլ սրբազան հաւատակաց կարգն անցնելով, (Յայսմաւուրաց) Հայագրին մէջ ահեկի ինն (ապրիլի 15) բռնեց. իսկ ինքն Աշոտ այլ Թէ ոչ ատենական խոստովանութեամբ՝ այլ յայանի բարեպաշտ կենաց և մահուանն համար՝ արժանի սեպուեցաւ հօրը և որդւոյն հաւատարեւու եկեղեցւոյ մէջ փառօք, որով՝ քան զնոսա գերազանցեց յերկրի:

<sup>1</sup> Սմբատայ վախճանած տարին ըստ ոմանց կ'երեւի 859, և ըստ այլոց 861. Յայսմաւուրք 10 տարի կ'ըսեն իր գերութիւնը, բայց այս գերութիւնս Բուղային գալէն կու սկսին պատմիչք, որ է 852. այս հաշուով կրնայ 10 տարի ըսուիլ:

թ

Սմբատայ ապերախտ կալանապետն Բուզա՝ իր մէ ապերախտէն պատիժն առաւ. նոյն ինքն Ջափր խալիփայն խաւրեց զնա իբրեւ կուսակալ՝ ի Խոռասան, և գաղա պատուէր տուաւ ու սպաննեցին. իսկ ինքն ամենայն չարեաց առիթն այլ, ինչպէս առաջ յիշեցինք, իր որդիէն սպանուեցաւ (861). այս հայրասպանն այլ՝ (Մոսդանսէր) խղճէն տանջուած քանի մը ամսէ ետեւ մեռաւ. տեղն անցաւ (862) իր հօրեղբօր որդին Մոսդային Պիլլահ, որ իբրեւ փոխարէն Սմբատայ անպարտ մահուան և Աշոտոյ զրկանաց, անուանեց զուս իշխան իշխանաց, ոչ միայն Հայոց, այլ և Վրաց և Աղուանից. թէ և սա արգէն իբրեւ անոնց վերակացու և նախիշխան ճանչցուած էր՝ իր հօրը պանդխտութեան տարիէն սկսեալ, և այս տարիս (855) կուռնշանակուի ի տարեգիրս սկիզբն իր իշխանութեան և Բագրատունեաց պայտաւութեան. որ և նշանական հանդիպմամբ (Քրիստոսի ծննդեան ստոյգ տարին հաշուելով) Արշակունեաց Թագաւորութեան սկսանելուն հաշարամեակն էր. իսկ այն Թագաւորութեւ վերջանալէն ետեւ ի 428 թուին Քրիստոսի՝ նոյնպէս 428 տարի էր. Բայց այս պատուոյս հասնելուն բուն առիթն էր Աշոտոյ խոհեմութեամբ և աշալթութեամբ կառավարութիւնն. հաւատարմութիւն՝ ոստիկանաց և ամիրապետին վստահութիւնը շահեր էր, յորդորանօք և աւատաձեռնութեամբ՝ ազգային իշխանաց սիրտը. հասարակաց բարին զիաւելով՝ անձնական զրկմունք կամ արհամարհանք բանի աեղ չգնեն՝ զինքն այլ աւելի սիրելի ըրին. զոր և ականատեսն Յովհ. կաթողիկոս այսպէս կու բացատրէ. « Յորժամ փոխանակ

Ք Սմբատայ հօր իւրոյ պայազատէր զսպարապե-  
 » տութիւն Հայոց, գրեթէ ամենեցուն քան զնա  
 » նախագունիցն վեհագոյն ճանաչելու. վասն զի  
 » ընկալեալ զմեծարանս՝ ՚ի բաց արհամարհէր  
 » զանարգանս, և միշտ ՚ի հրահանգս բարւոյ կրու-  
 » թութեան զինքն վարժէր, և բարի ազգումն իւ-  
 » րոյ ոգւոյն տայր. ընդ ամենեւեան սէր սերտ,  
 » և ոչ ՚ի հակառակութիւնս ինչ կամ ՚ի կռիւս  
 » ընդ թշնամիսն մաքառեալ, քան թէ բարե-  
 » զգեսաց բանիւք և բարի օճանաւ՝ զնոսա ածել  
 » յուղղութիւն և ՚ի կամս իւր. իսկ զպայքարանս  
 » սնոտի շահուց մեաս իւր վարկեալ՝ և առասա-  
 » ձեռն առ ամենեւեան գտեալ, յինքն զբաղմաց  
 » միտս յանդուցանէր սիրալիր սրտիւ. որպէս զի  
 » յայսմ սակի ամենեքեան իսկ նմա հաճեալ հա-  
 » ւանեալ էին... և ամենեքեան գաշինս ընդ նմա  
 » գնէին, որպէս արգարեւ ընդ թագաւորական  
 » զարմի » : Խալիփային գռնէն Աշոտոյ իշխանու-  
 թեան զգետոր տուաւ (862) Ալի-իպն-Յահեա  
 Էւէրմանի կոչուած ոստիկանն, որ բուն Արզնի և  
 Նիրկերտոյ կուսակալ էր, և կու պատրաստուէր  
 երթալ ընդդէմ Յունաց. ինչպէս գնաց այլ՝ և պա-  
 տերազմի մէջ մեռաւ :

Իշխանապետութեան հետ Աշոտոյ յանձնե-  
 ցաւ աւելի ծանր և հոգալի պաշտօն մը, որ ին-  
 չուան այն ատեն քրիստոնէից չէր տրուած. այս-  
 ինքն է Հայաստանի հարկահանութիւնն. հարկե-  
 րը ժողովել և խալիփային գուռը խաւրել, կամ  
 յանձնել ՚ի ձեռս ոստիկանի մը՝ որ գեռ կու նըս-  
 տէր ՚ի Դուին, իբրեւ երեսփոխան և վերագիտող  
 մը ամիրապետին կողմանէ, առանց խառնուելու  
 ներքին կառավարութեան : Ի՞նչ և ո՞րչափ էր  
 Հայոց հարկն. մեր պատմիչք որոշակի կ'ըսեն  
 60,000 դահեկան (ոսկի), որ է իբր 750,000 ֆր.  
 բայց ասիկայ Ա. Սմբատայ՝ Աշոտոյ որդւոյն ատե-

նին համար է, երբ Վասպուրական և ուրիշ մեծ նահանգներ զատուեր էին իրմէ, և իր ամփոփ իշխանութեանն տուրքն էր այդ. իսկ անկէ առաջ, Արաբացի պատմիչ մը կու յիշէ որ թէ Բագրատունեաց իշխանութեան (Շիրակայ), թէ Վասպուրականի, թէ Սիւնեաց, և թէ արաբացի ամիրայից իշխած երկիրներուն, որ են Վարին, Դուին, Արձնշ, Խլաթ, Խարզան, Պէրզէնտ (?), որ մեկ անուամբ Հայաստան կոչուէին, միագումար հարկն էր իբրեւ 2,500,000 Փրանգ. ասկէ զատ էր Տարօնոյ երկրին հարկն 60,000 կամ աւելի, Արզնի և Մուֆարզնի հարկն՝ որ Հայաստանի և Տարօնոյ հարկէն աւելի էր, Ամգայ հարկն՝ որ Հայաստանի հարկին կիսուն չափ էր. Եփրատայ կողմերուն հարկն այլ զատ կու յիշուի. և ըստ իմ մէկէն գումարն 10 միլիոն Փրանգի կու մօտենայ: Արաբացի պատմիչն կամ վիճակագիրն այս և ուրիշ յիշեալ աշխարհաց մէջ միայն բուն Հայաստանին համար կ'ըսէ, թէ այս աշխարհս կամ վիճակս արծաթով կու վճարէ հարկը. արծաթ ըսելով զուտ արծաթ կ'իմանայ, թէ ոտակ (ոսկի և արծաթ). — կարծեմ առաջինն. վասն զի այս ժամանակէն դար մը առաջ Հայաստանի մէջ առատ և զուտ արծաթահանք գտուած էին, խալիփայից տիրած տեւն, հաւանական է որ այն արծաթէն կու տրուէր հարկը, գոնէ տեւն մը: — Հարկին չափը հարկահանաց և տնտեսաբանից թողով, արծաթահանքն այլ երկրաբանից քննութեանն, դառնանք իշխանապետն Հայոց:

Աշոտ բարձրագոյն պատուոյ հասնելով իր առաջին իշխանութիւնը, այսինքն սպարապետութիւնը՝ սուաւ իրմէ վերջը եղող եղբօրը, որ էր Աբաս, «այր քաջ, անձնեայ և թիկնաւէտ, առողջամէն և գեղեցիկ հասակաւ, կորովի և յաջողակ ի պատերազմունս. որ և յաւկեալ իսկ

» եղբօր իւրում՝ Աշոտոյ՝ զամենեւեան հնազան-  
 » գէր ընդ լծով ծառայութեան. 'ի բազում կող-  
 » մանս բազում անդամ արութիւն ցուցեալ, և  
 » հռչակսւոր և հոյակապ 'ի մէջ բազմաց և  
 » ընեալ <sup>1</sup> » : Սպարապետութիւնն ինչպէս ար-  
 դեամբ՝ այսպէս և պատուով առաջին էր 'ի Հայո  
 սոյն ստեան՝ յետ նախնիքանին. իսկ երբ իշխանա-  
 պետն թագաւոր եղաւ՝ իր և սպարապետին մէջ  
 նոր պատիւ կամ աթոռ մ'եղաւ իշխանաց իշխանն.  
 սակէ զառ և վար կարծուի Տէրանդ-փէր պատիւ  
 և աթոռն. իսկ քիչ ատեն վերջ՝ ասոնցմէ այլ  
 վեր և անմիջապէս թագաւորէն ետև գրուեցաւ  
 Երկրորդ-արքայի պատիւն, որ երբեմն թագաւորին  
 ժառանգն կ'ըլլար, երբեմն մեծ երկրի մը նահա-  
 պետն. — ուրիշ մեծ պատիւ և աթոռ մ'այլ հաս-  
 տատեցաւ Սարգսն Հայոց կոչմամբ, որուն իշխա-  
 նութիւնն կամ պաշտօնն շատ որոշ չինչանակուիր.  
 (յայտնի է որ Սասանեանց արքայապետութեան  
 ատենի մարզպանաց նման չէր, վասն զի անոնք  
 հիմակուան ոստիկանաց պաշտօնը կու վարէին,  
 և իբրև միանգամայն իշխանապետ և հարկահօտն  
 էին. գուցէ Բագրատունեաց մարզպանն՝ հարկա-  
 ժողովն ըլլայ, կամ սահմանապահն) : Այս պա-  
 տիւններէս ոմանք, և ուրիշ շատեր այլ, Ա Սմբա-  
 տայ ատեն որոշուեցան, և ոմանք անկէ ետքը.  
 իսկ իր հօրը Աշոտոյ կարճ թագաւորութեան ատե-  
 նն՝ ոմանք միայն, ուսկից անշուշտ իր որդւոցն  
 այլ մասն հաներ էր :

Եւ էին (յիշեալ) որդիքն Աշոտոյ՝ Սեֆա Ա,  
 իր յաջորդ թագաւորն, Իսաիւ, Սահակ, Շապուհ.  
 իսկ 'ի դատերացն յիշուին, մէկ մը՝ կինն Գուա-  
 րամայ իշխանորդոյն Վրաց. երկրորդ, նախա-  
 գրեալն Սփի՝ տիկին Արծրունեաց, երրորդ Մա-

1 Յովհ. կաթ. :



բիւժմ՝ Սիւնեաց տիկին, կին Վասակոյ՝ որ մակա-  
նուամբ կամ փողաքչական կոչմամբ Գաբուա կ'ը-  
սուէր. զոր և Աշոտ երբ իշխանապետութեան  
հասաւ՝ հաւանութեամբ ամիրսպետին հաստա-  
տեց ի տէրութեան հայրենեացն. կամ որոշ ը-  
սելով Սեանայ ծովուն բոլորովորէր եղած Գեղա-  
մայ գաւառներուն. վասն զի բուն հարաւային  
Սիւնիք (որոյ գլխաւոր գաւառքն էին Վայոց ձոր  
և Բաղք) զատ և աւելի մեծապատիւ իշխան մ'ու-  
նէին, որ և բուն Սիւնեաց արէր կամ դահերեց  
իշխան կ'ըսուէր. և այս ատեն իշխողն այլ Վա-  
սակ մ'էր, Իշխանի մականուանեալ. մէկայլքն՝  
Սիսականք կ'անուանէին իբրև սերունդք Սիսա-  
կայ ի Թուանց Հայկայ, ևս և Հայկազնի. Արա-  
բացիք Սիւեճան կոչեն զասոնք, իսկ զբուն Սիւ-  
նիս՝ իրենց գլխաւոր գաւառին Վայոց ձոր անու-  
նը ծռելով՝ Վայցի կոչեն։ Այս ատենուան և քա-  
նի մը յաջորդ դարուց պատմութիւնը և անձինքը  
որոշելու համար՝ հարկաւոր է այս զանազանու-  
թիւնը գիտնալ<sup>1</sup>, և մանաւանդ մականունները ո-  
րոշել. զոր երանի թէ պատմիչք այլ միշտ ա-  
նուանց քով նշանակած ըլլային, վասն զի անուա-  
նակից իշխանք շատ կան, ինչպէս այս երկու մեծ  
Վասակ իշխանքս. որոց մէկն փեսայ Աշոտոյ,  
միւսն այլ թէ և ոչ խնամի, այլ նոյնպէս կու պա-  
տուէր և կու պատկառէր յիշխանապետէն. « յա-  
» ւէտ իմաստութեամբ և հեղահամբոյր հանդար-  
» տութեամբ և հաւանութեամբ մեծաւ հնազան-  
» դէր Աշոտոյ իշխանին իշխանաց, և խրատու նո-  
» րա զունին մատուցանէր խնամով, իբրև զօրէնս  
» միշտ ի սրտի իւրում պահելով. և ի ձեռն այ-

1 Պատմիչք մեր երբեմն այսպէս կու զանազանեն, եր-  
բեմն խառն կամ շփոթ կը յիշեն. Չամչեան պատմա-  
հայրն այլ մեր հոս դրածին հակառակ՝ զցեղ Գաբուաին՝  
Սիւնի կոչէ, զիշխանիկն՝ Սիսական։

« նորիկ յաւէտ իմն ընդարձակագոյն զտունն աւել-  
 » ըութեան իւրոյ յարգարէր 'ի բոլոր բարեմասն  
 » լըութիւնս. և կայր բազում խաղաղութեամբ  
 » ըստ ամենայն հանգիսի բարեպաշտութեան » :  
 — Իսկ Գաբուռն Վասակ փեսայն Աշոտոյ՝ կարճ  
 օրեայ մեռաւ, չորս կարիճ թողլով, Գրիգոր-  
 Սուփան՝ իր յաջորդը, Աշոտ, Սահակ և Վասիլ  
 կամ Վասակ. որք միշտ պատկերնուն հնազանդ  
 եղան, և մօրերնուն վրայ մեծ սէր և խնամք ցու-  
 ցին՝ Յուսիայ հալածանաց ատեն՝ բարեպաշտու-  
 թեամբ և շինութեամբ այլ տնուանի եղան, ինչ  
 պէս իրենց մայրն այլ Մարիամ: \*

\* Աշոտոյ իշխանապետութեւն տարին հեռաւոր  
 աշխարհի մը մէջ այլ իշխանապետ մը տնուանե-  
 ցաւ, և նոր տերութիւն մը կանգնեց, որ հազա-  
 րամեայ տևողութեամբ և տարածութեամբ հա-  
 սաւ Աշոտոյ տիրած տեղերուն այլ տիրեց. Բիւ-  
 րիկ Վարեկացին Շուշեի եղերքներէն եկաւ Պաւ-  
 դիկ ծովուն արևելեան կողմը, ուր գարերէ վեր  
 բնակէին Սլաւեանք. որք նեղեալ 'ի Ֆինեան ազ-  
 գաց՝ յօգնութիւն կանչեցին զնա. Բիւրիկ եկաւ այս  
 ատենս (862)՝ Նովկորոտի քով, և յետոյ 'ի նոյն  
 իակ՝ ի քաղաքն գրաւ իր իշխանապետութեւն աթոռ-  
 և այսպէս եղաւ սկիզբն լայնածաւալ ու մեծա-  
 զօր տերութեան Ռուսաց, որ և յետ հազարա-  
 մեայ կենացն դեռ երիտասարդութեան ուժոյ  
 մէջ կ'երևի. մինչդեռ իր ծնած կամ ձևացած ա-  
 տեն՝ Աշոտոյ ազգն արգէն ծերացեալ էր. Բիւ-  
 րիկայ Ժողովուրդն երկրիս ծայրերէն կու մօտե-  
 նայ 'ի կենդրոնն, իր հարաւազոյն երկիրն հիմա  
 գրեթէ Հայաստանն է. Աշոտոյ Ժողովուրդն իր  
 կենդրոնական կողմերէն կու սփռի ինչուան Նով-  
 կորոտէն անդին, և իր հիւսիսագոյն գալթականքն  
 գտուին 'ի մայրաքաղաքին Ռուսաց ('ի Բեգեր-  
 պուրկ):...

## Ժ

Իշխանապետութեան առաջին տարին՝ Աշոտ իր անթոռանիստ Շիրակաւանին քով զօրահան գէս մ'ըրաւ իրեններովն և հանգերձ իրեն հաւան և հլու իշխանաց և ազնուականաց զօրգը. իսկ անհաւան հիւսիսայնոց (կովկասեանց) գէմ՝ կու պատրաստուէր յարձակելու։ Մինչ գեռ հոս բանակած էր, Կ. Պօլսոյ բռնացեալ պատրիարքին՝ Փոռայ՝ նուիրակն եկաւ, թուղթ մը տուաւ առ իշխանապետն, և ընծայ՝ մասն 'ի սուրբ խաչափայտէն՝ Քրիստոսի. զոր մեծ հաճութեամբ և հաւատով ընդունեցաւ Աշոտ, իբրեւ պսակ իր բարձրացեալ գլխոյն, յառաջ քան զթագն թագաւորական, և միշտ հետը տանէր ուր որ երթար։ Այս թղթով յորգորէր Փոռ զԱշոտ՝ ընդհանրական եկեղեցւոյ հետ միութիւնը անկասկած հաստատել՝ չորրորդ տիեզերական ժողովն ընդունելով. որոյ համար Զաքարիայ կաթուղիկոսին այլ առաջուց գրեր էր, և ըստ խնդրոյ նորա խաւրեր Նիկիոյ մետրապօլիար՝ Վահան կամ Յովհանն, իբրեւ իրեն երեսփոխան. որպէս զի բերան 'ի բերան խօսելով այս Հայոց և Յունաց մէջ հաւառակութեան խնդիրը լաւ պարզէ և իմացընէ. ինքն այլ իր թղթին մէջ կու յիշէր այն ժողովքին համար եղածներն 'ի Հայս և 'ի Յոյնս։ Իշխանապետն և կաթուղիկոսն հրամեցին ժողովք ընել եկեղեցականաց և իշխանաց 'ի Շիրակաւան. որոց հետ գտուեցաւ և մեծանուն ասորի սարկաւազապետն Նանա, որ երբեմն 'ի խնդրոյ Բագարատայ իշխանապետի գրեր էր Յովհաննու աւետարանի մեկնութիւն մը՝ Ս. Հարց ասորերէն գրած կամ թարգմանուած գրքերէն հաւաքելով, և յետոյ արաբերէն թարգմանելով. վասն

զի անշուշտ այս լեզուն ծանօթ և ընտանի էր Բագարատայ. որոյ գերութեան և բանտարկութեան՝ Նանա այլ բանեցաւ 'ի Զափրայ, և յետ խոստովանական համբերութեան և նեղութեանց՝ ազատեցաւ. իսկ իր գիրքն ընկաւ Սմբատայ (ապա բապետին) ձեռքը, որ և հայերէն թարգմանել տուաւ. յետոյ մերս Աշոտ այս գիրքը թողուց իր բարեպաշտ դստեր Մարեմայ՝ ակնոջ Սիւնեաց, որ նորէն թարգմանել կամ հայերէն չարագրութիւնը կոկել տուաւ. որով մեր այս քաղաքում մատենագրութեանց կարգն անցաւ. և թէ այս բանիս համար հարկ սեպեցի յիշել հոս, թէ ատենին և ժողովքին անձինքը լաւ ճանչնալու:

Արաբացւոց բռնակալութեան գրեթէ դար ու կէս միջոց ժամանակի՝ Հայաստան նշանաւոր եկեղեցական ժողով մը չէր եղած. յետ ժողովոյ Յովհաննու Օձնեցւոյն (722-4) այս առաջինն էր (862), ուր Վահանայ մետրապօլիտին խոհական, երկար և պարզ մեկնաբանութիւնքն, Աշոտոյ և Զաքարիայի ուղղասէր և խաղաղասէր ոգիքն՝ միաբանելով, ժողովն այլ հաւանեցաւ և ընդունեցաւ Փոսայ առաջարկութիւնը. որով Հայք աւելի մեծարեցան 'ի կայսերաց; ևս առաւել իրենց իշխանութեան ներքեւ եղողք: Բայց գտուեցան և անհաւանք, ինչպէս Սահակ Մռուտ, որ և Ապիկոսը՝ մականուանեալ, եպիսկոպոս Տայոց յԱշունք<sup>1</sup>, որ Յունաց ձեռքն էր այն ատեն, անկէ հալածուած եկաւ Աշոտոյ քով, իբրեւ ժողովին պատճառք քննելու համար. և անոր հակառակ մտօք թուղթ մը գրեց առ Փոս, իբրեւ 'ի զիմաց Աշոտոյ, ինչպէս կ'ըսեն իրեն համախոհքն, և ինչպէս կու կարգան այն ինքնակամ թղթին օ.

<sup>1</sup> Անծանօթ, եթէ չէ իւրան մեծ աւանն Տայոց, կամ Էօշք Թորթումայ:

բինակաց մէջ. որուն թերեւ միայն սկիզբն Աշո-  
տոյ գրածն կամ գրել տուածն ըլլայ. « Քահա-  
» նայապետի զգօնացելոյ, պարկեշտի և տաքի-  
» նասիրի որ 'ի Քրիստոս վարուք, Փոտ վերագի-  
» տող մեծ քաղաքիդ Նոր-Հռոմայ պատրիարք.  
» Աշոտ իշխանաց իշխան Հայոց Մեծաց: Զգիր  
» հանճարեղ խոհականութեանդ ձերոյ, ո՞վ առ-  
» տուածարեալդ, ընթերցայ, և յոյժ ուրախու-  
» թեամբ բարեբանեցի զերկնաւորն Վրիստոս,  
» զփրկիչն մեր և զկեցուցիչ, յաւէտ կենդանու-  
» թեամբ զօրբութիւնդ՝ ձեր տեսանելով պաշտ-  
» պանեալ. այլ և զնախնականդ առ միմեանս զսի-  
» րոյն կապակցութիւնս, զորս ներբողական բա-  
» նիւ յիշատակեալ էիք: Շնորհ բազում ունիմ  
» և կալայց Սրբութեդ. », և այլն: Աշոտոյ հարա-  
զատ նամակ մը կայ առ Փոտ համառօտ, յորում  
շնորհակալ կ'ըլլայ զբկած խաչափայտին մասին  
համար, և առ կայսրն հաւատարիմ ըլլալուն վը-  
րայ, առ որ յորդորեր էր Փոտ. թէ և ասոր թղթին  
մէջ այս նիւթիս վրայօք ուրիշ բան չեմք գտներ  
բայց այս խօսքս. « Նախ յԱստուծոյ՝ պահպա-  
» նական շնորհիւն ամրացեալ 'ի Թշնամեաց, և  
» յորոգայթից պահպանեալ պատահմանցն. զկնի  
» և յորթողոսաց՝ սուրբ Թագաւորացն, զերկա-  
» քանչիւրսն ժառանգելով, զայժմուս և զհան-  
» դերձեալսն: . . Առսքեցաք քաջատոհմութեան  
» և մեծանձնութեանդ քո՝ յիշատակ օրհնութե  
» 'ի պաշտպանեալ աստուածընկալ՝ պատուա-  
» կան խաչէս » :

Իմ գտած Աշոտոյ պատասխանն և նամակն  
այս է. « Յաւէտ հեշտութեամբ ընկալայ, ո՞վ  
» պատուական գլուխ և հայր սուրբ, զառ 'ի  
» քէն գրեալդ. անխախտելի կալ մնալ մեզ 'ի

1 Այսինքն՝ ուղղագրութիւն:

» սպասաւորական հնազանդութեան տուրք և աս-  
 » տուածապարգև (թագաւորութեանդ, ըստ աս-  
 » տուածային գրութեանցն՝ որ մեզ աւանդեցաւ.  
 » յորմէ ոչ երբեք խոտորեալ, քան եթէ միշտ 'ի  
 » նոյն խոկալով հնազանդութեան և սպասաւո-  
 » րութեան խորհուրդս. ցանկ սպասելով ազգե-  
 » ցեալ ինչ 'ի մեզ հրամանի ինքնակալ (թագաւո-  
 » րութեանդ, զորս անսայթաք և առանց հեղ-  
 » զալոյ զփոյթ յօժարութեանն արգիւնաւորիմք,  
 » խորհրդով և երկիւղիւ, վերնական շնորհացն  
 » ազգեցութեամբ: Այլ և զքոյդ պատուական  
 » սիրելութիւնդ՝ անընդմիջաբար 'ի խորհուրդս  
 » իմ՝ յաւէտաբար կրեմ զսիրոյն կապակցութի,  
 » ըստ արժանաւոր քոյդ մեծութեան, և պար-  
 » կեշտ և նազելի և մաքուր վարուց. ըստ որում  
 » հայցեմ 'ի նուիրական և մշտահայց յընդունակ  
 » քո աղօթս և զմեզ յիշատակել. հայցելով յա-  
 » պէնիազն Աստուծոյ, զի և 'ի մեզ կանխեսցէ զա-  
 » ռատապարգև շնորհացն իւրոց զողորմութիւն:  
 » Եւ խաղաղութիւնն Աստուծոյ վերահովանաւ.  
 » ցի ձերում սրբութեանդ, պահպանելով ան-  
 » վրդով յամենայնի զքոյդ արժանաւոր և պար-  
 » կեշտ գլխաւորութիւնդ: Օրհնութեանս՝ զոր  
 » առաքեալ էք յաստուածընկալ և յամենա-  
 » յաղթ նշանէդ, խոնարհ երկրպագութիւն մա-  
 » տուցի. և շնորհակալութիւն, յաւէտ միւս ևս  
 » վայելեալ և ողջունիս » : Այս վերջի խօսքս կ'ի-  
 մացընէ որ իսաչափայտէն զատ վայելուչ ողջոյն  
 մ'այլ խաւրեր էր Փոռ, որ թերևս շնորհաւորու-  
 թիւնն ըլլայ Աշոտոյ իշխանապետութի համար:  
 Այսչափ բաւական սեպէ հիմայ, Հայկակ, այս  
 խնդրոյս և գիպուածոյս վրայ. և եթէ աւելի ու-  
 ղես, հարցուր մեր նոր պատմահօր (Չամչեան),  
 որ և կու յիշէ այդ թղթագիր Սահակայ և Աշո-  
 տոյ անուամբ հարցմունք. և պատասխանիք, 'ի

հարկէ նոյնպիսի խնդրոց վրայ, բայց շինծու և  
ետքէն կարկրտած: Իսկ ես յիշեմ տալ մը՝ ի Յա-  
րութիւն Քրիստոսի, որոյ սկիզբն է.

Տւեաւեօք ձայնեալ զուարթնոյն ըզյարու-  
թիւն խաչեցելոյն,

Շուրջ պատեալ ըզվիմոյն եւ զկապարիչ  
գերեզմանոյն.

Եւր սուրբ կտաւքն խուճապեալ, եւ վար-  
չամակն աղաղակէր,

Յէր յարեալ. պատմեն զայս ամենայն օրե-  
զերաց:

Ինչպէս կու տեսնես տողադլուխ տառքն կապեն  
Աշոտ, և շարունակելով բոլոր տաղն կապէ Ա-  
շո Խափաւորաց Խափաւոր Սահակէ. կրնայ կարծուիլ  
թէ այս Մուստ Սահակս երգած ըլլայ Աշոտոյ  
Թագաւորած ատեն և շողոքորթութեամբ Թա-  
գաւորաց Թագաւոր անուանած. բայց գուցէ ան-  
ծանօթ Սահակ մ'այլ ըլլայ՝ անոր Թոռան Ժա-  
մանակ՝ (Բ Աշոտոյ Երկաթի) որ Շահանշահ ըսուե-  
ցաւ, այսինքն Թագաւորաց Թագաւոր, որովհե-  
տե իր ատեն (30 տարի յետ Մեծին Աշոտոյ)  
ուրիշ ազգակից և սահմանակից Թագաւորք այլ  
բուսան: Փոտ ինչպէս Աշոտոյ՝ այսպէս Զաքա-  
րիայի այլ պատճառ եղաւ Թղթակցութեան և  
Յունաց մօտենալու. կաթուղիկոսն ուրիշ եկե-  
ղեցական խնդիրներ այլ ըրաւ Վահան մետրա-  
պօլտին հետ, և նոր ու հին տեղեկութիւնները  
խառնեց իր գրած ճառերուն մէջ:

## ԺԱ

Ժողովքին յաջորդ տարին (863) մեծ բնական  
 դիպուած մը պատահեցաւ 'ի Հայս, որ թէ իշ-  
 խանապետին և թէ քահանայապետին գուժը և  
 խնամքը շարժեց: Այս դարուս (Թ) գրեթէ բո-  
 լոր վերջին կիսուն ստէպ երկրաշարժեր եղան  
 արեւելք, Կ. Պօլսէն տկսեալ ինչուան 'ի Հնդկա-  
 ստան, մեծ վնասներով. շատ անգամ այլ հանգի-  
 պեցաւ 'ի Հայաստան, որուն լեռներն և հրաբոխի  
 կազմուածքն գետնաժաժի ահեղ թափը կ'ըլլան.  
 այս միջոցիս մասնաւոր թափը և ողբական թափը  
 եղաւ Դուին քաղաքն իր սահմաններով: Այս քա-  
 ղաքս յետ մահուան մեծին Տրդատայ, 'ի կէս Դ  
 դարու, կանգնեցաւ Հայոց հին մայրաքաղաքին՝  
 Արտաշատայ քով, տափակ բլրի մը վրայ, որ կ'ե-  
 րեի թէ մարած հրաբոխի կատասայ մ'է. 500 տա-  
 րիէ 'ի վեր էր որ Հայաստանի առաջին քաղաք  
 կու ճանաչուէր, և յետ մեր վերջին Արշակունի  
 թագաւորաց՝ ամոռ եղաւ Պարսիկ մարզպանաց  
 և յետոյ արաբացի ոստիկանաց, և այնպէս էր  
 դեռ այս յիշած ատենս այլ, և անկէ այլ ետե  
 գրեթէ դար մը և աւելի այլազգեաց ձեռքն մնաց:  
 Մեծ մայրաքաղաքի մը շատ յատկութիւններ ու-  
 նէր. բազմամարդութիւն, հարստութիւն, շինու-  
 թիւն, շուայութիւն, և այլն. անոր համար պատ-  
 միչք ժամանակին՝ եղած վտանգը քաղաքացւոց  
 մեղաց պատուհաս կու սեպեն, որոց մէջ թէ  
 քրիստոնեայք թէ այլազգիք շատուր էին. և յի-  
 րաւի զարմանալի է որ այս ատենս, (30 տարուան  
 միջոց) երեք մեծ ժաժ կու յիշեն պատմիչք, ե-  
 րեքն այլ 'ի Դուին հանգիպած, մէկմէկէ սաստիկ  
 և ահեղ. առաջինն եղաւ այս թուիս (863) մեծ



պահոց մէջ<sup>1</sup>, և շատ շէնք փլան քաղքին ամեն կողմն այլ, հանդերձ մասամբ պարսպաց քաղաքին. և որ աւելի կսկծալին է 12,000 հոգի փլաւանաց տակ կորաւ. մնացեալ բազմութիւնն սարսափած տուներէն փախան, և ուրիշ ծածք չգտնողք՝ հրապարակ և բաց տեղեր կենային. եղանակն այլ դեռ ձմեռ ըլլալով, և սաստիկ ձմեռ, շատերն ցրտէն վնասուեցան, ինչուան ոմանք սառելով կամ ձեռքերնին և ոտուրնին կորսնցնելով: Աւելի վախ տուողն այլ ժաժին նոր սպառնալիքն էր, վասն զի իրեք ամիս ատեն ատեն կերերար գետինն: Ասոր համար Զաքարիա կաթուղիկոս աղօթք հրատարակեց հաւատացեաց, ինքնին աղօթականաց գլուխ կենալով. և իր բարեպաշտութեան պտուղ սեպուեցաւ սասանութե գաղրիլն: Բայց չորս հինգ տարի ետե (867-8)<sup>2</sup> նորէն ժաժ եղաւ և գրեթէ ամբողջ տարի մը քշեց, երբեմն աւելի երբեմն պակաս վնաս ընելով. սակայն բոլոր կորուստն մէկ տեղ բերելով սոսկալի թիւ մը կու նշանակէ պատմիչ մը, 120,000 ոգի փլատակաց և պատառմանց մէջ փճացած. եթէ գրչաց մէջ սխալ չկայ, որ բացարձակ կու գրեն, « Խորասուղեաց յանդունդս իբրեւ երկոտասան » բիւր մարդկան. ահա խոտոյ նմանութիւն ասի « մարգ »: — Բայց ասկէ ահեղ և մեծ սեպուած է 25 տարի ետե հանդիպածն (893) Աշոտոյ մահուանէն քանի մը տարի վերջը. վասն զի յանկարծակի և գիշեր ատեն եղաւ, և այնպէս սաստիկ՝ որ քաղաքին մեծ մասն կործանեցաւ, և

1 Փոփրիկ շաբաթուան կ'ըսէ Ասողիկ պատմիչն. բայց չեմ գիտեր առաջին շաբաթն է Պահոց, թէ ուրիշ շաբաթ մը:

2 Վամ երկու տարի այլ ուշ. վասն զի ի ձեռագիրս թիւն տարբերի, ոմանք ունին ՅԺԶ (867-8) ոմանք ՅԺԸ (868-9):

70,000 ոգի մէկ ցնցմամբ ընկան անկանգնելի. որ ոչ միայն մարմնաւոր կենաց՝ այլ և հոգւոց մահուան մեծ վախ առւաւ. վասն զի շատերն շփոթելով կարծէին թէ Աստուծոյ նախախնամութիւնն բոլորովն հեռացեր է անոնցմէ. որոնց սիրտը և հոգին բժշկելու՝ միայն հնարաւոր գըտուեցաւ Սեան կղզւոյ վանահայր մեծ և գիտնական ճգնաւորն Մալոյ, որ այն ատեն ՚ի Հայաստան առաջին անունն էր սրբութեամբ և կրօնասիրութեամբ, և ամենուն ծանօթ. որով և յաթոռ կաթողիկոսութեան հրաւիրեցաւ (897): Թէ ժամանակիս ամենէն նշանաւոր անձանց մէկն ըլլալուն, և թէ Աշոտոյ հետ այլ ծանօթութիւն ունենալուն՝ հարկաւոր և ախորժելի է հիմայ թողուլ զԴուին կիսաւեր կիսականգուն, և Սեանայ մենաւորը նկատել:

Մաշտոց, որոյ մկրտութեան անունն թուի Ստեփանոս, Աշոտէն իբրեւ 14 տարի վերջ յաշխարհ եկած է (833-4) քահանայական ազնիւ ցեղէ մը, յԱղիւարդ գեօղ Այրարատայ, Արայի լերտն ստորոտը. ուր առաջին տարիներն անցուց իր հօր՝ Գրիգոր քահանային խնամոց և զգաստութեան տակ. որ և այն ատենի բռնաբարոյ ռոտիկանաց նեղութենէն զզուած, թողուց հայրենիքը և եկաւ Փեղամայ ծովուն հարաւակողմը Սոթք գաւառին մէջ բնակեցաւ, և բարեպաշտութեամբ կու կրթէր զաւակները. որոնցմէ ըզՄաշտոց՝ երբ չափահաս եղաւ՝ դրաւ ՚ի կրթութիւն և ՚ի կարգ քահանայութեան ՚ի վանքն Մաքենոց, որ Փեղամայ և Սոթից գաւառին միջոց ծովուն մօտ՝ սարատափ տեղ մը շինուած է, և հիմայ Գուլգիւիէ կ'ըսուի. իսկ այն ատեն այն կողմերուն, և թերեւ բոլոր Հայոց վանքերուն մէջ նախապատիւ էր, իր միանձանց խստակրօն վարուք և գիտնականութեամբ. որոց պատճառ

եղած էր իմաստուն հայրն Սողոմոն, գար մը և աւելի առաջ: Այս վանքս որ քանի մը Սողոմոն ներու մենարան, Ստեփանոս Սիւնեցւոյն վարժարան, Վահանայ Գողթնացւոյն օթեան եղած էր, Մաշտոցի այլ մարգարան եղաւ. Թէպէտ և քիչ առաջ Բաբանայ բռնութեամբ աւրուած էր, և միանձունքն ցրուըած, բայց Աշոտոյ փեսայն՝ Վասակ՝ նորէն նորոգել տուեր էր (յամի 851), և կրօնաւորքն ժողովեր էին, որոց հիմակուան ատենս առաջնորդն էր Ստեփանոս անուամբ մէկն. որ դաստիարակեց զՄաշտոց, և քահանայ ձեռնադրել տուաւ Սիւնեաց եպիսկոպոսին (Պաւթի): Մաշտոց հոգւոր և գրաւոր կրթութեամբ հոն կատարուելով, և աւելի առանձնական ճրգնական կենաց փափագելով, Թողուց արդէն բաւական խստակրօն (Մաքենոցաց) վանքը, և Արտաւազգայ-ապարանք ըստւած տեղը անապատասուն ճգնաւորաց մէջ դնաց: Քիչ ատենէն անկէ այլ ելաւ, և եկաւ՝ այն տարին յորում Աշոտ իշխանապետութեան հասաւ (862), ինքն այլ մտաւ ՚ի Սեան, յամայի և միայնուկ կղզին Քեղամայ ծովուն. և քան զնա զարմանալի տիրութիւն կամ հասարակութիւն մը հաստատեց, որ և յետ վերցուելու Աշոտոյ տէրութեան և ցեղին, և յետ հաղար տարւոյ՝ զեռ ինչուան հիմայ այլ կու գիմանայ: Այս հասարակութիւնս էր խստակրօն ճգնաւորաց միաբանութիւն մը. վանք մը, որ Թէ և այս հաղարամեկիս մէջ միշտ չմնաց առաջին փայլման մէջ ՚ի սրբութեան և ՚ի գիտնականութեան միաբանից, և զանազան դիպուածներէ անցաւ, ՚ի վերայ այսր ամենայնի գրեթէ ամենէն հին մնացած և բնակած վանքն է մեր աշխարհին մէջ, ՚ի բաց առեալ քանի մը մեծ ուխտատեղի և եպիսկոպոսական աթոռներ (ինչպէս յերկիրն Մշոյ):

Լեւներով չբնակատաւ և ընդարձակ ծովակի մը մէջ մէկ հատիկ կղզի մը, որ իր բնագիր բարձրութեամբն (մեծ ծովուն երեսէն 6000 ոտքէն աւելի վեր բլալով) տարւոյն քանի մը ամիսը բոլորովին սառած սպիտակ անապատ կու դառնայ: Ի՛նչ յարմար առանձնութեան և մտածութեան տեղ. թերևս աւելի այլ կ'ըլլար, եթէ կղզին քիչ մ'այլ աւելի ծովակին մէջտեղուանքն ըլլար. բայց անոր մէկ ծայրն է ցամաքին մօտ. այնչափ որ բարձր կանչելով ձայնն կու հասնի և կու լսուի. բայց ով որ աղտոյակ չիսիրեր, նա և ոչ կու լսէ: Մեր աշխարհին ամեն մեծ ծովակներն այլ այսպէս մենացեալ կղզեվանքեր ունին, որք հին և հեթանոսութեան ատեն այլ չաստուածոց նուիրեալ տեղիք էին, և երբեմն նաև ամուր և ապաստանի տեղ կամ բերդ: Այսպէս էր և Սևան. ուր, կ'աւանդեն, թէ Ս. Լուսաւորիչն կործանելով կռոց մեհեանը, և տեղւոյն լուծիւնը տեսնելով՝ ըսած ըլլայ, Այս է ձան, այս ինքն վանքի յարմար տեղ, և անկէ ելած ըլլայ Մէան անունն. բայց պէտք է որ անկէ հին ըլլայ այդ անունդ: Մեհենին տեղ Լուսաւորիչ պզտի մատուռ մը շինեց, կ'ըսեն, յանուն Ս. Յարութեան, որոյ և կործանած պատերուէն մնացորդն կարծուի թէ ինչուան հիմայ կ'երեւի. իսկ ուրիշ հին շինուածոց մնացորդքն այլ ջրին տակ երբեմն կ'երևին. բսել է որ ջուրն բարձրացեր է. և կարծուին մնացորդք այն ամրոցին՝ ուր ը գարու մէջ քանի մը հեղ ամրացան Հայք Արարացւոց առաջատակութեան ատեն. բայց վերջապէս Արարացիք մտան հոն և աւրեցին. թէպէտ և անկէ վերջն այլ շատ հեղ նոյնպէս ամրութեան և ապաւինի տեղ եղաւ կղզին: Իսկ Մաշտոցի հոն քաշուած ատեն՝ անչէն և երեսէ թողած տեղ մը կ'երեւի, Սիսական իշխանաց տէրութեան տակ: Իրեն ու.

զածն այլ այսպիսի ամայի մոռացեալ տեղ մ'եր, ուր ձմեռուան սառամանեաց և դարնան պքան չեղի ծաղկազարդութեան մէջ՝ տաան տարիէ աւելի միայնակ Աստուծոյ հետ կենակցէր։ Բայց անկարելի եղաւ մարդկանց ծանօթութենէն և մեծարանքէն ազատիլ. շնորհալի վարքն, խօսքն, գիտութիւնն՝ իր անունը հռչակեցին. այն կողմերուն տիկինն՝ նախայիշեալն Մարիամ, դուստր մեր Աշոտոյ, ծովուն եզերքը նորաչէն եկեղեցեօք կու զարդարէր. և կ'ըսեն թէ իր վաղամեռ ընկերն՝ Վասակ՝ կտակաւ պատուիրեր էր իրեն որ 40 եկեղեցի շինէ իր հոգւոյն յիշատակին. հիմայ բարեպաշտ տիկինն լսելով Մաշտոցի համբաւը և Սեւանայ միայնութիւնը, ուզեց երկուքն այլ տեսնել և հոն այլ եկեղեցի շինել։ Մաշտոց՝ այն տեղը ճգնաւորանոց սեպելով՝ չէր հաւանիր որ կին մարդ մանէ. բայց յետոյ, կ'ըսեն, տեսիլք տեսնելով և Աստուծոյ կամքն իմանալով՝ թոյլ տուաւ, որ գայ Մարիամ և ընտրէ տեղ, ու երկու եկեղեցի շինել տայ, մէկն յանուն Թի Առաքելոց, մէկայն Ս. Աստուածածնի. երկուքն այլ կանգնած յամին 874. որք յետոյ ատեն ատեն նորոգուելով գեռ նոյն գիրքով և մեծութեամբ կանգուն և շէն են, և Հայաստանի հին եկեղեցեաց մէջ յիշուին։ Կղզւոյն արևելակողմը՝ քարոտ և դժուարին, միանգամայն և ցամաքէն ամենէն հեռու տեղը՝ երկու քարուկիր խցիկներ կան, որ Մաշտոցի կ'ըսուին, և Մաշտոցի առանձին ճգնարանքն ճանաչուին. ուր, թողլով արդ զինքը՝ իր աշակերտօքն, քանի մը տարի վերջը նորէն դառնանք բարեւելու Աշոտոյ հետ. հիմայ պէտք է ասոր հետ ըլլալ։

## ԺԲ

Ժաժին տարին՝ կամ եղած շփոթութիւնը իրեն օգնական առնելով, կամ իր երկրին աւերածը ուրիշ երկրի աւարով լեցնել ուղեւորով, Ջահապ՝ Սևադայի որդին (զոր Աշոտոյ պապուն առնէ յիշեցի) որ Դունայ կողմերուն կ'իջևէր, յանկարծ զօրքերը ժողովեց, Աշոտոյ բուն տիրութե և ժառանգութեան մէջ մտաւ, Արշարունեաց կամ Երասխաձոր գաւառը. և այս գետոյս հարաւային կողմը անցնելով բանակեցաւ: Աշոտ իր նոր սպարապետին, (որ էր իր երիտասարդ եղբայրն Աբաս) յանձնեց բոլոր իր ձեռքին տակ եղած զօրքը. Աբաս ժողովելով իրեններն այլ, գումարեց 40,000 կորիճ և շատ արիւն տեսած զօրք. զորոնք պատրաստելով Կաղզուանայ քովերը, Ջահապայ չկարծած ատեն վրան հասաւ, և տնոր բոլոր բանակը ցիրուցան ըրաւ. ոմանք սրի տակ ընկան, ոմանք ջրին մէջ՝ դետէն անցնելու աճապարելով, քիչերն կրցան փախչիլ, որոնց մէջ Ջահապ այլ 16 մարդով հազիւ կրցաւ ազատիլ և ամօթով դառնալ: Իր բանակած և յաղթուած տեղն 'ի յիշատակ 40,000 զօրացն Հայոց՝ Քառանգ կոչուեցաւ. Կաղզուանէն քիչ հեռու, բայց Երասխայ մէկայլ (հիւսիսային) կողմը հիմա կու նշանակուի Քառանգ գետը մը, [թուի [թէ նոյնն է, անունն քիչ մը կարճացած. իսկ գետն՝ որ այն տեղուանք ընթացքը շատ փոխած է, կ'երևի [թէ հազար տարուան շարժմամբ քիչ մ'այլ աւելի դէպ 'ի հարաւ իջեր է. բայց ուրիշ տեղ մ'այլ կու նշանակուի դէպ յարեւելք և գետեղերը Քառանգ անուամբ. այս երկուքէն ո՞րն է Աբասայ յաղթութեան տեղն. - երբ յայն կողմերը յայցելէնք, ջանանք ստուգելու:

Աշոտ այս դիպուածին մէջ ամիրապետէն նկատելու ամենեւին հոգ չունէր. որովհետեւ Զահապ ոչ ամիրապետին կամօք տիրեր էր, և ոչ այլ իրաւունք մ'ունէր. ուրեմն այս գործով ոչ միայն իր իրաւունքը և ազգը պաշտպանեց, այլ և ուժը բաւական ցըցուց շրջակայ ամիրայից և ազգաց այլ, որք երկար ատեն հանդարտ և սմբած կեցան, իրենց այլ դիմացինին այլ չափը ճանչնալով:

Տասն տարւոյ չափ պատմութիւնն նոր գէպք մը չի յիշեր. յայանի է որ խաղաղութեան տարիներ էին (863-873), Աշոտոյ քաջութեան և խոհեմութեան պտուղ. միանգամայն և աշխարհաշինութեան տարիներ. թէ ինքն Աշոտ, թէ եղբարքն և թէ փեսայքն՝ այս միջոցիս շատ շէնքեր շինեցին և նորոգեցին: Ժամանակն դարձեալ անոնցմէ շատը ջնջեց, մանաւանդ քաղաքական շինութիւններ. իսկ եկեղեցեաց մէկ մասն դեռ կեցած է, քիչ կամ շատ խախտած և նորոգուած, և ասկէ հազար տարի առաջ հայկական ճարտարպետութեան օրինակ մը կրնայ ըլլալ:

Այս խաղաղութեան և շինութեան միջոց կաթողիկոսն այլ իրեն վայելուչ շինութիւններ և կարգաւորութիւններն ըրաւ. ինքն այլ քահանայապետական իշխանութիւնը պայծառացուց և պատկառելի ըրաւ այլազգեաց անգամ. այնպէս որ երբ այցելութեան գնաց առ Յիսէ որդի Շէխեայ (873), (որ ամիրապետէն կողմնակալ զըրկուած էր Ասորւոց կողմերու ինչուան 'ի Պաղեստին', միանգամայն և Հայոց այլ վերատեսուչ), ոստիկանն յետ մեծարանօք ընդունելու զՋաքարիա՝ երթալու ասեն իր հանդիսի դրօշներէն (աւամ) մէկն ընծայ տուաւ, և իշխանութիւն այլ՝ որ վրան խաչ կանգնէ և միշտ իր առջևէն ասնի ուր որ երթայ հանդիսիւ: Այսպիսի բան գուցէ

իրմէ առաջ եղած չէր: Նոյն մարգասիրութիւնը քրքուց Աշոտոյ այլ, մանաւանդ թէ իբրեւ ընկեր գործակից առաւ զանիկա:

Այս ատեններս Վասպուրականի մէջ նորէն շփոթութիւն ծագեցաւ. Աշոտ տէրն Արծրունեաց՝ իր որդւոյն Դերենկան ըրածին պէս ուղեց դարձեալ զբկել զԳուրգէն (որոյ վրայ երկար խօսեցայ), անոր Անձաւացեաց երկրէն. թէ ոչ բոլորը՝ գոնէ զկէսը կ'ուզէր առնուլ և իր որդւոյն տալ. յանկարծ զօրօք կոխեց Գուրգէնայ երկիրը, և պատգամ խաւրեց որ եթէ չուզէր պատերազմ՝ թողու երկրին կէսը: Գուրգէն անիրաւութեան գէմ իրաւամբ պատասխան տուաւ. Զիս իմ հայրենի երկրէս դուրս հանեցիք, Աստուած ինձի ուրիշ տեղ մը տուաւ, զայս այլ կ'ուզէք յափըշտակել. միթէ միայն դուք պիտի տիրէք երկրի. Աստուած այս բանիս դատաստանը պիտի տեսնէ: Եւ առանց ատեն կտրանցընելով՝ իր եղբորորդւոյն (Գրիգորի) ձեռքը քանի մը հարիւր կրտսրիճներու գունդ մը տուաւ. զոր իմանալով Աշոտ՝ արհամարհեց և անհոգ կեցաւ. բայց անոնք գիշերանց ընկան Արծրունեաց բանակին վրայ և շփոթելով ցրուեցին, հանդերձ անոնց իշխանաւն. որ այս ամօթալի փախըստեան փոխարէն, կամ վրէժը պահանջելու համար՝ 5,000 հեծեալ ժողովեց իր և շրջակայ երկիրներէն, մեր իշխանապետին որդին Սահակն այլ գլուխ զօրաց գրաւ, (որ կ'երևի թէ իր քրոջ և քեռաուն քով էր նոյն ատեն). ասոնք ելան դացին պաշարեցին Անդուար բերդը, ուր ամրացեր էր Գուրգէն, և երկու ամիս աշխատելով՝ բան չկրցան ընել: Սահակ՝ իր հօրը խաղաղասէր ոգին բանեցուց, թերևս անկէ պատուէր այլ առնելով, և միջնորդ եղաւ խաղաղութեան. զօրքերը արձակեցին, Գուրգէն և Աշոտ արծրունի եկան զիրար տեսնելու, հաշտութեան ուխտ գրին և սիրով բաժնուեցան:



Արծրունին այս գործը թողլով՝ ուրիշի մը ձեռք զարկաւ, որ թէ և աւելի իրաւացի՝ այլ նոյնպէս դժուար և անյաջող. Վանայ երկրին հիւսիսակողմն կայ երկիրն Ամկոյ, որ Վասպուրականի գաւառ մ'էր, բայց հարիւր տարիէ աւելի էր որ արաբացի ցեղ մը Ումանիկ կամ Էփսէսի ըսուած կու տիրէր անոր. և այս ատենս անիրաւութեամբ՝ Աշոտոյ գլխաւոր իշխաններէն մէկը սպաններ էր (Ռոստոմ Վարաժնունի). որոյ արեան վրէժը պահանջելու և իր հին հայրենեաց ժառանգութիւնը ամբողջացրնելու համար՝ Աշոտ և իր որդին Դերենիկ, (երկուքն այլ տաքդուխ) եկան պաշարեցին Ամկոյ բերդը, որ ամրութեամբ շատ անուանի և անառիկ ճանաչուէր. այնպէս այլ մնաց հիմայ: Հոն բան չկարենալով տեսնել, եկան Արծրունիք Վարագ լեռան կողմերը ամրոցներուն տիրելու. քանի մ'առին, մէկն այլ պաշարեցին, և մօտ էին առնելու, երբ յանկարծ մեծազօր Թըշնամի մը հասաւ վրանին՝ 15,000 սպառազէն ձիաւորաբ. մեծ կողմնակալն Յիսէ, հանգերձ Մանազկերտի այլազգի իշխանին զօրքերով, զորս յօգնութիւն կանչեր էին Ութմանիկք: Արծրունեաց տէրն և որդին իրենց սովորական յանգանութիւն բերդին պաշարումը թողլով, 2,000 ձիաւորով 12,000աց դէմ ելան. խոհեմ իշխան մը՝ Վահան՝ ցուցնելով յայտնի վտանգը կուխրատէր զԱշոտ որ յետ քաշուի. և հազիւ կրցաւ նոյն իսկ Յիսէի իշխանաց մէկուն հետ միաբանած՝ խօսք հասկըցնել Աշոտոյ և յետ դարձրնել. Յիսէ եկաւ մտաւ ի Վան. ուր Դերենիկ՝ Աշոտոյ որդին, և Գագիկ՝ Վահանայ որդին, աղաչաւոր եկան առ կողմնակալն, պատանդ տուին, խոստացան հարկերն այլ տալու, և խաղաղութեամբ դարձուցին զՅիսէ: — Այս գիպուածէս քիչ վերջը մեռաւ Աշոտ (874) և տեղն անցաւ իր գործակից որդին Գր. Դերենիկ՝ մեծին Աշոտոյ փեսայն:

## ԺԳ

Իսկ Յիսէ կողմնակալն այս կողմերէն ելնելով  
 քնաց Հայ-Աղուանից երկիրը, 'ի Պարտաւ մայրա-  
 քաղաքն, որ 'Իռնայ պէս արաբացի ոստիկանի  
 մը աթոռ էր. հոն իբրեւ իրեն փոխանորդ թողուց  
 Նմէնցի Արաբ մը Մուհամմէտ Իպիւլվէտ անուն,  
 զոր պատմիչք մեր անուանեն Նմեմիկ կամ Հա-  
 մանիկ Մահմէդ որդի Ապլվիտայ կամ Ապլվիս-  
 տոյ: Սա Յիսէի հեռանալէն ետեւ անգացի իշխա-  
 նաց հետ միաբանելով՝ գլուխ քաշեց զինքը հաս-  
 տատողէն. Յիսէ իմաց տուաւ մեր իշխանապե-  
 տին, և միաբան եկան ապստամբին վրայ ու պա-  
 շարեցին Պարտաւ քաղաքը. ժամանակն յար-  
 մար չըլլալով յետ դարձան, և նորէն եկան. և  
 թէպէտ 13 ամիս այն կողմերը կեցան, բայց չկըր-  
 ցան առնուլ քաղաքը. Յիսէ կուփուլթար իր տե-  
 ղը և իր գործոցը դառնալու. Աշոտ սյլ պարզ  
 անոր օգնելու և ամիրապետին հաւատարիմ ե-  
 րևելու համար եկած էր, քան թէ ինքնակամ  
 Պարտաւայ բռնաւորին հետ կռուելու. սակայն  
 այս բանս բաւական առիթ եղաւ իր և անոր մէջ  
 թշնամութիւն ձգելու: Արդ երբ Յիսէ բոլորովին  
 հեռացաւ, Նմէնիկն համարձակութիւն գտաւ  
 վրէժը պահանջելու. երես երեսի գալ, զօրքով  
 Աշոտոյ դէմ ելնել չէր համարձակեր. աւելի ան-  
 աշխատ և ստիպողական կերպ մը գտաւ զԱշոտ  
 իր ձեռքին տակ ձգելու, եթէ Աշոտ այլ իրմէ ա-  
 ւելի խորագէտ և հնարագէտ չըլլար:

Մուհամմէտ թուղթ թղթի վրայ դեսպան գես-  
 պանի վրայ կու խաւրէր Հայոց իշխանաց՝ որ զինքն  
 ընդունին իրենց երկրին ոստիկան, շատ գիւրու-  
 թիւններ խոստանալով. անոնք Աշոտոյ հետ միա-  
 բան՝ իմանալով խորամանկութիւնը՝ իրմէ առաջ

մարդ խաւրեցին առ ամիրապետն, և ոստիկան խնդրեցին զԱհմատ Իպն-Խալէա (Ահմաթ որդի Հալթի, կամ Համադա՝ ըստ պատմեցաց մերոց) որ առաջ այլ քիչ մ'ատեն Բուղայի երթալէն վերջը ոստիկան եղած էր 'ի Հայս (856)։ Ամիրապետն հաւանեցաւ Հայոց խնդրոյն. Ահմատ փութացաւ իր հին աթոռը. և երբ Ասորեստանէն մտաւ 'ի Դատուան (մօտ 'ի Բաղէշ) որ շատոնց արաբացի իշխողաց աթոռ մ'եղած էր, բոլոր մեր ձակայ երկիրներու իշխանքն ընդ առաջ եկան, որոց մէջ էր Գր. Դերենիկ Արծրունեաց տէրն, Աշոտ կիւրապաղատ (որդին Բագարատայ) տէր Տարօնոյ։ Մեր իշխանապետն այլ իր կողմանէ խաւրեց իր Շապուհ եղբայրը. ամենքն այլ ընծաներէն զատ, հետերնին զօրք այլ առած էին, որ հանդիսով տանին նստեցընեն զնա 'ի Դուին։ Ասոնց հետ եկեր էր նաև Մանաղկերտի կողմերուն իշխող արաբացին Էպիւլ-Ֆէրս (Ապլբաւ)։ և ուրիշ այլազգի իշխանք։ Եմէնիկին կողմանէ այլ մարդ կամ Թուլթ կար, որ իր ոխը չմոռնալով գրգռեց բոլոր կրօնակիցները և զնոյն ինքն Ահմատ՝ Հայերը բոլորովին նուաճելու։ Նորընտիր ոստիկանն ապերախտութեամբ հաւանեցաւ բանսարկուններուն, և գրեց առ Եմէնիկին՝ որ զօրք պատրաստէ և իբրև իրեն թշնամի ձեւացած գայ 'ի Հայաստան, երբ ինքն Հայոց իշխանները 'ի Դուին ժողովէ՝ հարկերը պահանջելու համար. և այսպէս երկու կողմէն զանոնք մէջ փակելով՝ ուղաժնին ընեն։ Զգաստն Աշոտ որ Եմէնիկին ինչ ոգւոյ և կրից տէր ըլլալը լաւ գիտէր, և այն այլ ազգեաց հաւատարմութեան չափն այլ, ամեն գլխաւոր ճամբու անցքերու վրայ ծածուկ լըրտեաններ դրեր էր. և թէպէտ իր թշնամիքն այլ ծածուկ հնարքներ կու բանեցընէին, և նամակները չկարծուած բաներու մէջ կարելով կու

խաւրէին, բայց իր աչալուրջ լրտեսներէն տմեկքն այլ չազատեցան. թուղթ և թղթատար բռնուեցան: Աշոտ առանց ձայնձնելու՝ թղթատարները յարգեւան գրաւ, թղթերն այլ քովը պահեց. և ոստիկանին քով եղած իշխանաց իմացուց որ ըզգուշանան. անոնք այլ մէկիկ մէկիկ զօրքերնին հեռացուցին փախան, իրենց տեղը դարձան: Ահա մատայ յուղարկաւոր չգտուեցաւ՝ բաց էպիււլ ֆէրսի զօրագնդէն, որոցմով կորագլուխ եկու մտաւ 'ի Դուին: Իշխանապետն այլ ընծաներով գնաց 'ի պատիւ անոր, միանգամայն և 'ի փորձել. և իմացաւ որ Նմէնիկէն աւելի լցուեր է նա ոխով, և մեծ մեծ կու բրգէ. առ ժամ մը լսեց Աշոտ իբրեւ չիմանալով միտքը, ինչուան որ ապերախտին սպառնալիքն սկսան աւելի յայտնի ըլլալ: Այն ատեն ինքն այլ անվախ և տիրաբար հրամանաց դատել զնա, որ իբրեւ վերակացու էր եկեր Հայոց, և խարդախ դաւաճանող կ'ըլլար:

Հանգիսական օր մը երբ առաւօտուն Ահմատ հանգիսի իջած իշխանական վրանին տակ գոռոզացեալ կեցեր էր մեծամեծաց շնորհաւորութիւնը ընդունելու, և անհամբեր կու սպասէր Հայոց իշխանաց իշխանին այցելութեանը, յանկարծ տեսաւ որ անոր եղբայրն է ներս մտնողն, Աբաս սպարապետն. և յիրաւի սպարապետի յանդըգնութեամբ, սպառազինութեամբ, կայտառ և հարկու կերպարանօք. որուն անսովոր և զինեալ այցելութեան վրայ զարմացած՝ բարկանալու աւտեն չմնաց. վասն զի իմացուեցաւ որ դուրսն այլ զինուորաց պատրաստութիւն կայ. ականջներն ցցուեցան, լսեց զինուց և վահանաց շկահիւնը, ձիոց ոտնաձայնը և խրխինջը. վախն առաւ սիրտը, և գրեթէ մէքենաբար երկընցուց ձեռքը առ Աբաս՝ որ թուղթ մը կու տար իրեն:.. Ինչ ցուրտ զարմանք, ինչ գունատութիւն, ինչ

գող եկաւ վրտն, երբոր տեսաւ իր խիւ մատնու-  
թեան թուլթը՝ զոր գրեր էր առ Նմէնիկն՝ ընդ-  
դէմ Հայոց։... Աչուներն մթնցան, գողգղա-  
լով կարծեր թէ Աբաս թուղթը թողլով՝ թուրը  
պիտի իջեցնէ չարանիւթ գլխուն վրայ։ Բայց  
սպարապետն անոր ձեռքէն քաշելով, և մահուան  
վախէն վստահացընելով՝ հանեց վրանէն դուրս,  
ուր ջորի մը պատրաստուած էր. հեծցուց վրան,  
և ցուցընելով հարաւային ճամբան, Քնա, ըսաւ,  
գլուխդ քեզի պարգև. բայց մէկ մ'այլ մի դառ-  
նար։ Ջորին սկսաւ հալածական տանիլ իր տի-  
րոջ անհաւատարիմը և մեր հայրենեաց դաւա-  
ճանը. մինչդեռ նա իբրեւ երազէ երսզ, ափշու-  
թենէ ափշութիւն, վախէ վախ կու տեսնէր՝ որ  
իր հետ բերած զօրաց գունդն այլ զինաթափ ե-  
ղած 'ի զօրացն Հայոց՝ մերկ ազկոր միայն իրենց  
բերած բաներովը և ձիերովը դէպ 'ի Մանազկերտ  
ճամբայ կու գրուէին, ուսկից որ եկեր էին։ Իսկ  
զինքն Ահմատ դէպ 'ի Վստպուրական դարձու-  
ցին. ուր աշխոյժն Շապուհ՝ իշխանապետին որ-  
դին՝ պահապան գնդով մը քշելով զնա տարաւ  
մինչև 'ի սահմանածայրն Հայաստանի, և Ասորե-  
ստանի անապատը հանելով՝ դարձաւ առ հայրն։  
— Ահմատայ գալուն և երթալուն տարին որոշ  
նշանակուած չեն, բայց կ'երևին յամս 877-880։

## ԺԴ

Այս գիպուածէն քիչ մ'առաջ՝ մեր այս պատ-  
մական թատերէն նշանաւոր տնձ մը պահսեցաւ.  
'ի վերջ 875 տարւոյ Զաքարիա կաթուղիկոսն  
վախճանեցաւ, իր հայրապետութեան քսան երկ-  
րորդ տարին, աստիճանին յարմար վաղբով և  
փառքով. և իրեն տեղ ընտրեցաւ 'ի սկիզբն յա-  
ջորդ տարւոյն (876, յանուարի 13ին) Գեղեգ Բ,

արժանաւոր անձն, ծննդեամբ 'ի Գառնի գիւղա-  
քաղաքէ. որ և իր երկու նախորդաց չափ (Յով-  
հաննու Ե, և Ջաքարիայի) ձձ տարի քահանա-  
յապետեց, և անոնց պէս արթնութեամբ աշխա-  
տեցաւ թէ եկեղեցւոյն վրայ, և թէ աշխարհին  
քաղաքական հանդարտութեանը. օգնելով Աշո-  
տոյ և միջնորդ ըլլալով իշխանաց հաշտութեան:  
Ժամանակն և պաշտօնն իրեն այլ բերին զշտալի և  
սե օրեր. ինչպէս, ոմանց իշխանաց և եկեղեցակա-  
նաց հակառակութիւնք, - Այիշնի ասպատակու-  
թիւնն 'ի Հայս, որոյ ձեռք ընկաւ ինքն այլ, -  
Դուռայ ետքին մեծ ժաժն, և ամենէն առաջ մեծ  
ճակարածած մը (876). զոր յիշող ժամանակագիրն  
(Ասողիկ) կ'ըսէ, « մահն ահագին համաշխարհա-  
կան », և ուրիշ տեղեկութիւն չիտար: Բայց ու-  
նեցաւ այլ պայծառ և ուրախալից օրեր. ինչպէս,  
նոյն իշխանաց հաւանութիւնն և հաշտութիւնն,  
Աշոտոյ թագաւորութեան հասնին, և անկէ ա-  
ռաջ՝ Աղուանից կաթողիկոսաց և Սիւնեաց մե-  
արապօլաին հաւանութիւնն և հպատակութիւնն  
իրեն լուսաւորչական աթոռոյն, ուսկից որ պառ-  
ճառաւ մը բաժնուեր էին, և իրարմէ ձեռնագրու-  
թիւն կ'առնուին (Աղուանք և Սիւնիք): Հիմա-  
կուան հաշտութեանս փառքն մեր իշխանապետին  
կու վայլէ. վասն զի ինքն եղաւ միջնորդ, հաւա-  
նեցուց զիշխանս Աղուանից որ իրենց անձնակամ  
կաթողիկոսն օրինաւոր ձեռնագրութիւն առնու-  
'ի Գէորգայ կաթողիկոսէ (877). այս տաթիւ  
բարեկարգութեան ժողով մ'այլ եղաւ, և Գէորգ  
կանոններ գրաւ Հայոց և Աղուանից աթոռոց յա-  
րաբերութեան վրայօք:

Գէորգայ կաթողիկոսութենէն քանի մը տա-  
րի ետե՝ իր նախորդին բարեկամն Փոս՝ դարձաւ  
աքսորէն և յաջորդեց զԽնատիոս, ինչպէս որ 'ի  
սկզբան այլ յիշեցինք, հանգերձ պատճառաւն.

որ է Վասիլ կայսեր վրայ ստեղծած հաճոյական գուշակութիւնն. որոյ համար կայսրն, կ'ըսեն ու մանք, զրկեց գեսպան մ'առ Աշոտ՝ իրմէ թագ խնդրեւո՛ւ: Յոյնք չեն յիշեր այս բանս, զոր եթէ ստոյգ այլ գիտնային՝ թերեւ իրենց պատիւ չէին կարծեր. մեր ժամանակակից պատմիչք այլ չեն պատմեր, այլ ետքէն եկողք. մեզի շատ անհաւան չերևիր՝ ժամանակին և անձանց պարագաները գիտելով. մանաւանդ որ պատմիչք կու յիշեն Վասիլ զրկած գեսպանը և շատ ընծաներն առ Աշոտ. զոր ոմանք կու գրեն՝ թէ Աշոտոյ թագաւորելէն ետեւ զրկեց հանգերձ թագիւ ի պատիւ նորա. բայց այս յայտնի սխալ է. վասն զի Վասիլ կայսր մեռաւ յօգոստոսի (կամ այլ առաջ) 886 տարւոյն, Աշոտ թագաւորեց յետ ապրիլի յաջորդ տարւոյն. սպա ուրեմն Վասիլ գեսպանն խաւրուած է մինչդեռ Աշոտ ամիրապետէն թագ առած չէր: Արնանք կարծել՝ թէ Վասիլ իր կողմանէ կանխած՝ անոր դիմու զարդ կամ պսակ խաւրած ըլլայ, ուրիշ զարդերու և ընծաներու հետ. բայց այս ամեն բանն այլ կ'իմացընեն՝ որ հարկաւոր և մեծ բան մ'ունէր Վասիլ Աշոտոյ հետ. և յարմար է ըսել, թէ տռանց շատ ձայն հանելու՝ կամ զինքը կամ իրենները հաճեցընելու համար՝ ուզեց Աշոտէն Արշակունեաց թագը, ինքն այլ անոր խաւրեց բիւզանդական պսակ մը: Ժամանակակից մեծ պատմիչն Յովհ. կաթուղիկոս՝ որոշակի թագ չի յիշեր, բայց կերպով մը թագաւորակից կ'անուանէ. « Մեծ կայսրն Յու » նաց Բարսեղ, ոչ փոքր ինչ պայման խազաղու թեան և նուաճութեան և սիրոյ հաստատէր ընդ արքային մերոյ Աշոտոյ, որդի սիրելի զնա անուանելով, և հաղորդակից կացուցանելով » յամենայն թագաւորութիւնս թագաւորութե իւրոյ » : Այս խօսքերս կու ցուցընեն Վասիլ

կողմանէ գիջողութիւն մը, որ առանց մեծ պատ-  
 ճառի մը չէր ըլլար. զնոյն հաստատէ և ուրիշ ժա-  
 մանակակից մ'այլ՝ նոյն խնդիրն գեսպանին ծանօթ,  
 (և է պատմիչն գիւտի նշխարաց Ս. Լուսաւորչին  
 'ի Կոստանդնուպօլիս) . որ դիտմամբ, կամ իբրեւ  
 իր նպատակէն դուրս՝ չի յիշեր գեսպանութեան  
 պատճառը: Կարդանք այս հեղինակին գրուած ին-  
 սկիզբը, որ մեր Աշոտոյ պատմութեան այլ շա-  
 րունակութիւն ըլլայ: « Ի ժամանակին՝ յորում  
 « Հայոց Թուականն երեքհարիւր քսան և եօթն  
 » էր, (878-9) առաքեալ լինի ներքինի ոմն, ա-  
 » նուն նորա Նիկողեմոս, (զոր յետագայ պատ-  
 » միչք մեր կոչեն Նիկեո), 'ի Վասիլէ կայսերէն  
 » Յունաց հրեշտակութեամբ՝ առ Աշոտ իշխա-  
 » նաց իշխան 'ի Հայս, հանդերձ պատտուոյ ընծա-  
 » յիւք և վայելչական պարգևօք ազգի ազգի՝ բե-  
 » րեալս 'ի Թագաւորէն. և հանգիպեալ լինի իշ-  
 » խանաց իշխանին 'ի գաւառին Արշարունեաց՝  
 » 'ի Ջարեհուան գեղջ. և կացուցեալ առաջի նո-  
 » րա զընծայսն յայնքանոյ մեծէ արքայէն, պատ-  
 » մէ միանգամայն և զհրամայեալոն բանս՝ հանձա-  
 » րեզս և ախորժելիս. զոր ընկալեալ իշխանաց  
 » իշխանին զյուշական<sup>1</sup> պարգևսն՝ զտէնախտիտն  
 » և զերեւելիսն, մեծարէր և զառաքեալ ներքինին՝  
 » իբրեւ զմտերիմ սպասաւոր Թագաւորին. վասն  
 » զի էր այրն այն խոհեմագոյն և հանձարեղ և  
 » հաւատարիմ Թագաւորին »: Իեսպանութեան  
 գործը լմնցնելէն ետեւ՝ Նիկեո պատմեց Աշոտոյ,  
 Թէ ատենօք ինքն 'ի Ծառայութեան էր իր անուա-  
 նակից մեծ իշխան ներքինապետի մը, Միքայէլի  
 կայսերութեան ատեն, որ (կ'երևի Թէ էր Նիկի-  
 տան Օորիւպիաս, այս երկու անուամբս այլ յի-  
 շուած 'ի Յունաց՝ յիսուն տարիէ աւելի միջոց,

1. Ուրիշ Օր. զյոգնախան:



(827-881), իբրեւ ծովապետ կայսերաց և շատ գործոց մէջ մտած. որ ինչպէս մեր հեղինակն յիշեց), առաջ Միքէլի ծառայութեան մէջ էր, և անոր մահուան վրէժը կ'ուզէր առնուլ 'ի Վասիլէ. բայց Վասիլ ճարտարութեամբ որսաց զնա: Ասիկայ ընդոծին մանչիկ մ'ունէր Սկլաւոն աղքատ, որ անբժշկելի հիւանդութիւն մ'ունեցաւ, կամ գիւահարութիւն. օր մը մեծ իշխանն այն, և այս Սկլաւիկ պատանին ու մեր գեսպանն մէկ տեղ գացեր էին աղօթելու 'ի Ս. Երրորդութեան եկեղեցին ('ի Կ.Պօլիս). հոն պատին տակ մարմարիոնէ հին գերեզման մը կար արծաթապատ, զոր գիտէին պահարան սրբոց մարմնոց, բայց որուն ըլլալն չէին գիտեր: Աղօթից ատեն յանկարծ պատանւոյն վրայ այլայլութիւն եկաւ, և գիւահարի պէս սկսաւ կանչիլ. Ո՛վ մեծդ Գրիգոր, ո՛վ Ս. Հռիփսիմէ, Ս. Փայիանէ, ինչո՞ւ եկեր էք 'ի Հոյոց երկրէն, և դուք այլ Սարգիս և Բաբոս, զիս հալածելու համար: Այս ըսելով ընկաւ պատանին, փսխեց, ու քիչ ատենէն խելքն վրան գալով՝ ընկաւ տիրոջն ոտքը և ըսաւ. Հոս եղած սրբոց զօրութեամբ ես հիւանդութենէս ազատեցայ: Նուտ մը ձայն տուին քահանայից, որ եկան մաքրեցին գետինը. յետոյ աւագերէցն հրամանաւ կայսեր՝ գերեզմանին բանալիքն բերաւ, որ շատոնց պաշտօնը չընելուն համար՝ չկրցաւ հիմայ այլ ընել. իշխանն կոտրեց կղպանքը, բացիւնք և դտանք չորս աման. երեքն արծաթէ արձաններ էին, չորրորդն մարմարէ սնտուկ մը, որոց իւրաքանչիւրին քով գրուած այլ կար. այս մարմարին մէջ էր Ս. Գրիգորի Լուսաւորչի նշխարքն, որոյ ոսկորներն հսկայի ոսկերաց պէս մեծամեծ էին. արծաթէ արձանաց մէջ այլ վերոյիշեալ սրբոց նշխարքն կային, և գեռ ուրիշ նշխարք այլ որոց անունն նշանակած չէր: Թագուհին Թէո-

գորա, կայսրն Միքայէլ և Փոռ պատրիարքն բաղմուլթեամբ ժողովրդեան եկան յերկրպագութիւն, և պատուով գրին նշխարքն 'ի վայելուչ տեղ: Այս գիպուածս հանդիպեցաւ մեծ պահոց հինգերորդ շաբաթուն և նոյն օրը տարեկան տօն հաստատեցին. ինչպէս որ հիմայ Աշոտ այլ լսելով իմացուց Գէորգայ կաթողիկոսի, և հաստատեցին մեծ պահոց հինգերորդ շաբաթ օրը տօնել այս յիշատակը, որ հիմայ Լուսաւորչի Մուտն 'ի վերապն կ'անուանի: — Աշոտ տղաչեց դեսպանին՝ որ այս գիպուածը տեղն 'ի տեղն իրեն գրէ. Նիկեա այլ երբ դարձաւ իր տեղը՝ նորէն սառագելով գրեց և խաւրեց Աշոտոյ, որ աղէկ հայերէն գրելու համար տուաւ « առ ժամանակին կա. » ցեալ վարդապետ Հայոց, զոր յետոյ նշանակեցից « զանուան », և նա այլ թարգմանեց դեսպանին գրածը, քիչ մը գովեստ աւելցրնելով 'ի պատիւ Ս. Լուսաւորչին, և յառաջաբան մ'այլ: — Իսկ այս ժամանակիս վարդապետն ով էր. խոստացեալ անունն յետոյ յիշուած չէ. գուցէ մեծանունն Մաշտոց վարդապետ ըլլայ, կամ թէ ինքն իսկ կաթողիկոսն Գէորգ, վասն զի միայն տաոր անունն յետոյ յիշուած է 'ի պատմութեանն, և թերևս վարդապետ ըսելով կ'իմանայ զհայրապետն:

Աշոտ զդեսպանը պատուելէն ետև՝ կայսեր ուղածն այլ խաւրեց անոր ձեռքով, հանգերձ ծանր ծանր ընծաներով, և « տասն հազար արծաթ » (6-6500? Ֆրանգ) ընծայ նորաչէն եկեղեցւոյն. զոր չանուանէր յիշող պատմիչն, բայց թուի թէ ըլլայ Ս. Միքայէլ եկեղեցին՝ Վոսփորի ծովեզերքը, զոր պատրիարքն Իգնատիոս նոր լմնցուցեր էր (878), և դեռ չէր օծած, և երեք տարի վերջ Փոռ պատրիարքն նաւակատիքն ըրաւ (881): Իսկ Նիկեայի բերած ընծայից մեջ կու յիշուի և Խա.

չափայտի մասն, որ յետոյ Հառմայրի սուրբ Նշան ըստեցաւ, այդ անուամբ վանքը պահուեցով, որ է 'ի սահմանս Լօռի քաղաքի Տաշրոց (կամ Սօմ Խէթի)։ Ուր կ'աւանդեն ոմանք, թէ Վատիլ անուամբ յոյն իշխան մը Յովհան Խմաստասերին աւտեն՝ քարոյրի մը մէջ առանձնացաւ 'ի ճգնու թիւն, և անոր համար Հառմայր ըստեցաւ տեղն. Իսկ խաչն՝ Հայոց սքանչելագործ շատ խաչից մէկն եղաւ, և զանազուն հրաշքն յիշուին։

## ԺԵ

Ահմէտ կամ Մուհամմէտ ոստիկանը վռնտելէն ետե՝ Աշոտ անոր թողած խառնակութիւնները սկսաւ շտկել և անոր կուսակիցներն այլ զսպել։ Եւ նախ հիւսիսային ու Վրաց կողմերը դնաց. ուր, գիտնալու է, որ այս Ահմատին նախնիքն ամիրա-յութեամբ կ'իշխէին Տփիսիսի կողմերը, և առեն մը բոլոր Վրաց կուսակալ էին. իր հայրն Խալիլ կամ Խալիտ՝ յետ երկայն տառն տիրելու և քանի մ'անգամ հեռանալու կամ հալածուելու՝ այն կողմերը մեռեր էր պատերազմի մէջ. և տեղը տիրացեր էր Սահակ Խպն-Խամայէլ, զոր սպաննեց Բուղա՝ երբ առաւ զՏփիսիս, ինչպէս 'ի սկզբան յիշեցի. և նորէն իշխանութիւնը տուաւ Խալիտայ որդւոյն՝ այս յիշեալ Ահմատին. բայց քիչ առնէն սա իշխանութենէ փոխուելով՝ Տփիսիսի տիրացաւ Կապլոյ կամ Կապլու-անուն մէկ մը, զոր պատմիչն Վրաց՝ թէ այս Սահակայ ազգական անուանէ և թէ Աշոտոյ, իբր թէ ասոր հօրաքեւորդին ըլլայ։ Ահմէտ երկրորդ անգամ ոստիկանութեան առնէ՝ ջանաց իր հօրը մահուան վրէժը պահանջել, և ուղածին պէս ձեռք խառնել Վրաց և Գուգարաց իշխանութեանց մէջ. բայց երկար ժամանակ չգտաւ։ Իր հալածուելէն ետե՝ Կա-

լոց այլ սկսաւ ինքնիշխանաբար վարիլ և հակառակիլ, ոչ միայն Վրաց՝ այլ և մեր իշխանապետին. Աշոտ անոր այլ վրան գնաց (880), և օգնութեամբ Գորամայ իր հօրաքեռան՝ բռնեց զնա պատերազմի մէջ, Կուր գետոյն եղերքները, և խաւրեց Յունաց երկիրը. անշուշտ Վասլի հետնոր ըրած դաշնադրութեանը վրայ վստահանալով: Տփխիսը յանձնեց հաւանօրէն Դաւթի՝ եղբորորդւոյն Գորամայ, և ասոր բաժնէն առաւ Աշոցք գաւառը, որ անմիջապէս սահմանակից և գրեթէ մասն էր իր բնիկ երկրին՝ Շիրակայ: Այս Գորամա քիչ ատենէն թողուց իր իշխանութիւնը և կրօնաւորեցաւ. տեղն անցաւ որդին՝ Նարսկամ Ներսէս, որ խռովարար իշխանասիրութեամբ սպաննեց զԴաւթի (881), և շատ շփոթութեանց պատճառ եղաւ. որոյ համար յետ ժամանակի դարձեալ պէտք եղաւ Աշոտոյ գալ և կարգի դնել այս կողմերս: Այն տտեն այս Վրաց և Վրահայոց երկիրները չորս հինգ բաժին էին, իւրաքանչիւր առանձին իշխանաց ձեռք, որք ամենքն այլ իրարու ազգակից էին՝ ի նոյն Բագրատունեաց ցեղէ. գլխաւորն էր Վրաց իշխանն (կամ Քարթլի կուրապալատն), յետոյ Գուգարաց իշխանն, Սամրցխէի (Ախալցխէի) իշխանն, և Արտանուշայ իշխանն. ասոնք ամենքն այլ Սիւնեաց և Վասպուրականի իշխանաց նման՝ Աշոտոյ իշխանապետութիւնը կու ճանչնային, և ոստիկան չեղած ատեն՝ անոր կու յանձնէին իրենց երկրին հարկերը: Ասոնց երկրին արեւմտեան հիւսիսային կողմն էր Ափխազաց կամ Եգերաց Թագաւորն, որ անկախ էր, և Վրաց տիրել ուզելով՝ խռովութեան պատճառ կ'ըլլար:

Աշոտ խաղաղութեամբ դառնալով ի վրահայոց՝ Տաշրոսց գաւառէն անցաւ եկաւ Գեղամայ ծովուն ծայրը, Սևան կղզւոյն գիմաց՝ Բանափա.

տեղ բռնուած տեղը, և հոն բանակեցաւ: Յարմար առիթ էր հոս տեսաւորութեան Աշոտոյ և Մաշտոցի, այս երկու մեծանշան անձանց, որք համբաւով բոլոր աշխարհին ծանօթք՝ զիրար այլ ճանչնալ փափագէին: Աշոտ կ'ուզէր տեսնել այն սրբակրօն և գիտուն միայնակեացը, իր գառեր (Մարիամայ) հիւրընկալը, որ առանց իրեն չափ աշխատելով՝ ընդարձակ երկրի մը մէկ կողմէն մէկ այլ կողմը երթալու, կողույ մը մէջ դադարմամբ՝ թէ երկինք կու վաստըկէր թէ մարդկանց սիրտը: Իսկ Մաշտոց լսելով Աշոտոյ գործքերը, միացուցած քաջութիւնը և արդարութիւնը, իր նպատակէն և իր ջանքէն շատ հեռու չէր գներ իշխանին աշխատանքը. կու փափագէր տեսնել այն աշխատանաց ոյժ և փառք տուող խաչը, զոր Վասիլ կայսր ընծայ խաւրեր էր իշխանին, և նա միշտ հեար կու տանէր: Տեսութենէն աւելի մեծ փափագմամբ փութացաւ Մաշտոց՝ ելաւ կղզիէն, եկաւ 'ի Բանակատեղն. հանգիպեցան իրարու երկու շնորհաւորքն. Աշոտ համբուրեց Մաշտոցի լուսափայլ երեսը և աջը. Մաշտոց այլ իշխանին խոնարհելով երկրպագեց անոր բազկաց և կրծոց զարդ խաչին. առաւ գրաւ աչքերուն վրայ և համբուրելէ չէր դադրեր: Վսեմամիտ իշխանն չէր կրնար զրկել խաչաբարձը իր սիրածէն. կայսերատուր ոսկէկապ և մարգարտազարդ խաչը պարգևեց ճգնաւորին՝ որ աւելի ուրախութեամբ իրեն համար աղօթէ. անոր միաբան վանականաց համար այլ պարգևեց՝ իբրեւ կալուածք եկեղեցւոյն՝ չինգ գեղ, Յոմաթէր՝ որ անմիջապէս ծովեզերքն է և թուի մօտ Բանակատեղին, Վարեբ (ՃրռՃրռ), Գոմայր, Բերդ, Ուտեղ-փափ, որոց երեք առջինքն գեռ նոյն անուամբ ճանաչուին Սեանայ գիմաց ծովեզերքը: Ասոնցմէ զատ այն ծովակէն ելող ձկանց մէկ մասը՝ որ արքունեաց կու

տրուէր հարկի տեղ՝ վանքին թողուց. դարձեալ, այգիներ՝ Երեւանու և Գառնոյ կողմերը: Հաւան-  
օրէն Աշոտ այլ մտաւ 'ի կղզին 'ի տեսութիւն  
նորաշէն եկեղեցեաց և վանացն, և իշխանական  
առատութեամբ ու բարեպաշտութեամբ աւելի  
շէնցընելով զԱւան՝ դարձաւ իր երկիրը:

## ԺԶ

Իշխանական իր խնամոց յանձնուած երկիր-  
ներուն հիւսիսակողմը ապահովելէն ետե՛ դար-  
ձաւ 'ի հարաւակողմն, Եմէնիկէն գրգռեալ և Ահ-  
մէտը գրգռող ամիրաներն այլ նուաճելու. որոց  
գլխաւորն էր Մէլազկերտի կամ Ապահունեաց  
ամիրայն Ապլարառ. Կայսիկ ցեղիւ: Մեր պատ-  
միչք այսպէս կ'անուանեն Արաբացի Քայս ցեղ մը  
և ցեղապետ մը, որ Աբրահամայ որդւոյ Իսմայէ-  
լի զաւկներէն սերեալ կ'ըսուի. և Մահմէտի ա-  
տեն կու յիշուի գիտնական մը այն ցեղէն Ատէմ  
Իսի-Քայս: Ը դարուն մէջ Արաբացւոց բռնա-  
բարութեան ատեն այս ցեղէն մեկն այլ բռնացաւ  
Վանայ ծովուն բոլոր հիւսիսակողմը տարածեալ  
երկրին վրայ. մէկ կողմէն (արեւելքէն) ինչուան  
Ամկու երկիրը Վանայ մօտերը, մեկայլ կողմէն  
(արեւմուտքէն) ինչուան մեր Հայկայ նահապե-  
տական Հորք գաւառը. քիչ առնեն իշխանու-  
թիւնն յերկու բաժնուեցաւ. արեւելեանն իրեք  
գլխաւոր քաղաք և գաւառ ունէր, Թլաթ, Ար-  
ճէշ և Բերկրի, հանգերձ Ամիւկ ամուր բերդաւն,  
որ (եպքինս) յետոյ զառ իշխանակալութիւն մ'ե-  
ղաւ. արեւմտեանն այլ իրեք գաւառ, Կորի, Հարք  
և Ապահունիք: Այս եպքինիո արեւմտեան ծայրն  
և Հարքայ սահմանակից հին քաղաքաւան մը կար  
և կայ, Մանազկերք, հիմայ Մէլազկերք, և աւելի ա-  
ռաջ Մանաւազկերք կոչուած, և շինուած յորդւոյն

Հայկայ 'ի Մանաւազայ. որով թերեւ Հայաստանի և բոլոր աշխարհիս ամենէն հին մնացեալ քաղաքաշէնն է, գոնէ ամենէն հիներէն մէկն. հոս կու նստէր արեւմտեան երկիրներուն Կայսիկ ամիրայն, և կոչուէր աէր Ապահունեաց կամ Մանազկերտոյ. Խլաթայ ու Ամկոյ իշխանէն աւելի զօրաւոր, ու մերձակայ Հայոց այլ պատկառելի: Բայց Աշոտոյ իշխանապետութիւնն անոր վրայ այլ տարածուեցաւ, և անկէց այլ հարկ կ'առնուր, ինչպէս իշխանացն Հայոց: Այս բանս որչափ այլ ծանր էր Կայսիկն՝ չէր համարձակեր Աշոտոյ հակառակելու. ինչուան որ Եմէնիկն և Ահմէտ իրեն յոյս տուին. քիչ մ'այլ մեր սահմանակից իշխանքն պատճառ եղան զինքն ուռեցընելու. որով հարկը կարեց յԱշոտոյ: Իշխանապետն այլ եկաւ զօրքով. Խլաթայ և Բերկրոյ տէրն Ապլէէրթ՝ հպատակեցաւ և հաստատեցաւ յիշխանութեանն. իսկ Ապահունեաց տէրն Ապլարաւ՝ ամրացաւ 'ի բերդն Մանազկերտոյ. Աշոտ անոր մէկայլ երկիրները նուաճելով՝ բերդն այլ պաշարեց. և մինչքեռ մօտ էր տիրելու՝ Արծրունեաց երկրին շփոթութիւնները լսելով՝ փութացաւ հոն դառնալու. հոս խաղաղութեամբ վերջացընելով գործը, հաւանեցուց զանհաւան Կայսիկն՝ իր չափին մէջ մնալ, և թղթով այլ դաշինք դնելով՝ հաստատեց զնա յիշխանութեանն, և հարկերն առնելով գնաց:

Իսկ Արծրունեաց շփոթութիւնքն շատոնց սկըսեր էին, գրեթէ Ահմէտ ոստիկանին և Կայսիկն մէկտեղ եղած ատեն. որք երբ զատուեցան, այս ետքինիս խորամանկութեամբ՝ բանսարկու մարդիկ Արծրունեաց և Տարօնոյ իշխանաց մէջ կասկած և պաղութիւն ձգեցին, մինչքեռ երկուքն այլ Ապահունեաց երկիրն էին, ամիրայէն հրաւիրուած, որսի պատճառաւ: Նախ Արծրունեաց

Իշխանն՝ Դերենիկ՝ անոր քովէն հեռացաւ, յետոյ Տարօնոյ իշխանն Աշոտ Կուրապաղատ (որդի Բագարատայ), զոր և խարդախութեամբ բռնել տուաւ Դերենիկ, և իր երկրին մէջ բանտեց Սևան ըստած ամուր բերդը, ու իր Հասանիկ քեռոր. զւոյն պատուիրեց որ արձակ պահէ. և Աշոտոյ տեղ դրաւ անոր եղբայրը՝ Դաւիթ արքայիկ կոչուածը, որ և իր քեռայրն էր. Ահմէտի այլ գրեց ու հաստատեց զնա յիշխանութեան Տարօնոյ: — Կուրապաղատն իմացուց իր վտանգը Գէորգոյ կաթուղիկոսի՝ որոյ սիրելի էր. և նա անձամբ եկաւ աղաչեց Դերենիկայ, բայց սա յանձն չառաւ ազատել զԱշոտ, և հոգւոր տէրն արտմուծեամբ դարձաւ. իսկ մեր իշխանապետն այս ատեններս հիւսիսայնոց հետ զբաղած էր: Կուրապաղատին ճարն հատնելով՝ սկսաւ ընտանեակ իր բանտապանին, այսինքն Հասանկան, որ դեռ 15 կամ 16 տարուան պատանի մ'էր, և տղու պէս խաբեց. հաւատացուց թէ Դերենիկ քեզի գէմ այլ կու մտածէ և զքեզ այլ պիտի բռնէ: Պատանին՝ իր ամուր բերդին վրայ վստահացած՝ մոտժեց իրեն որսորդը որսալ. հիւանդ ձեացաւ, և աղաչանք խաւրեց Դերենիկայ՝ որ դայ զինքը տեսնէ. սա իբրև օրհասական հիւանդի մը քով փութացաւ երթալու, և առջի տեսութենէն ետև՝ երբ գիշերը քաշուեցաւ իրեն համար պատրաստուած սենեակը, յանկարծ դուռը վար առին և ներս թափեցան ջահաւոր և զինաւոր մարդիկ, բռնեցին զինքը և ամրոցին ծայրը հանեցին բանտեցին, ու զԱշոտ արձակեցին:

Այս բանս լսեց մեր իշխանապետն երբ Մանազկերտը պաշարած՝ մօտ էր առնուլ. և փութացաւ ուրիշ իշխաններով Սևանայ բերդին քով՝ իր փեսայն ազատելու. կաթուղիկոսն այլ եկաւ, և երկուքն այլ յորդորելով և խրատելով զպա-



տանին Հառանիկ՝ հաւանեցուցին. արձակեց ըզ-  
քեւին. և իրեն ապահովութեան համար՝ պա-  
տանդ թողուցին քովը Դերենկայ երկրորդ տղա  
հասակ որդին՝ Գագիկը, (յեսոյ Արծրունեաց  
դիւցազն) : — Բայց Դերենիկ քիչ առենէն դրած  
դաշինքն ոտքի տակ առնելով բռնեց զՀասանիկ,  
բանտեց ՚ի Նկան բերդի, և անոր Սևան բերդին  
այլ տիրեց. սակայն իր աներէն ակն ածելով, քիչ  
մ'այլ ուրիշ միտք ունենալով՝ արձակեց զՀասան :

Քիչ մ'ատեն հանդարտութիւն եղաւ (885-7)  
այս կողմերս այլ, ինչպէս ուրիշ ամեն Աշոտոյ  
իշխանապետութեան տակ եղած տեղերն այլ.  
ուր՝ ինչպէս տեսանք, երեսուն տարիէ աւելի էր՝  
որ Աշոտ անդադար անխոնջ տեղէ տեղ վազելով  
և հասնելով՝ խռովութիւնները կու խաղաղէր,  
ալիքները կու ցածցնէր, և հանդարտաբեր հո-  
վու պէս կու փարէր գորգուրար ամենուն վրայ :  
Նկաւ ժամանակն՝ որ իր գրկած գգուած իշխա-  
նազունք այլ իրենց ալեզարդ հայրադիրը մեծա-  
րեն արժանաւոր սիրով և պատուով. որուն հա-  
ւանեցան ուրիշ իր խնամքը վայելող իշխանք այլ.  
չնախանձեցան և այլազգիք : Իսկ հասարակաց  
հայրն կամ մայրն Հայաստան՝ հեծկլտած հառա-  
չանքը լռեց, հանգչեցաւ : Սև տխրութեան բա-  
ցած ու մաշած ճամբաներէն իջան ճերմակ ուրա-  
խութեան արտասուքներ. բարձրացաւ ձայն գո-  
հութեան առ Աստուած. և թերևս ոչ այնքան  
Աշոտոյ գլուխը թագաւ փառազարդեալ տեսնե-  
լուն, որչափ այն թագը արդեամբք, երախտա-  
գիտութեամբ և սիրով կապուած և դրուած տես-  
նելուն համար :

## ԺԷ

Այս երախտագէտ և սիրոյ զգացմանց և գործոց առաջնորդք եղան, ինչպէս որ կու վայելէր, երկու Գրիգորքն, Սուփան Սիսական՝ Թոռն մեր Աշոտոյ, և Դերենիկ Արծրունի՝ փեսայ Աշոտոյ, իրենց աշխոյժ և կայտառ զաւակօքն. որոց միաբանեցան՝ Վասակ իշխանիկն՝ Սիւնեաց տէրն, կաթուղիկոսն Գէորգ, և գրեթէ ամեն աշխարհատէր և գաւառատէր իշխանք և թեմակալ եպիսկոպոսունք, հանդերձ Վրաց և Գաւառաց մեծամեծ իշխանօք, որոց շատն խնամի այլ էին իշխանապետին, և բոլոր իր ազգակից և բարեկամ իշխանաւորք. որք ամենքն այլ Աշոտոյ պարտականք էին մէկ մէկ կամ շատ կերպով, անոր 33 տարուան սպարապետութեան և իշխանապետութեան ատեն, մանաւանդ թէ հօրը գործակցութիւնն այլ մէկ տեղ սեպելով՝ իր 50ամեայ աշխատանայը, գործոցը, խնամոցը և փառացը՝ պարտականք էին։ Անոնց հաւասար ազգային զօրագունդն այլ, որ այնքան տարիներ միշտ փառօք և քաջ անուամբ հայկական դրօշը կրեր տարերէր զանազան կողմեր, և այլ աւելի բարձրացընելու կուսպասէր։ — Թերեւս ասոնցմէ այլ աւելի՝ ռամիկ Ժողովուրդն, խոնարհ և տկար սեպուածքն, որք իբրեւ զհայր Ճանչնային և սիրէին զբարերարն Աշոտ. և աւելի համարձակ առ Աստուած աչքերնին վերցուցած՝ իրենց բարերարին բարիք և փառք մաղթէին, քան թերեւս իշխանքն՝ ամիրապետէն խնդրէին, որ այնուհետև փոխանակ օտար ոստիկանի՝ իրենց համազգին իրենց շնորհէ անկախ գլուխ, ուղղակի հարկատու իրեն (ամիրապետին)։ Աշոտոյ իշխանութեան տակ արդէն ոչ միայն իրենք երջանիկ եղած էին, այլ

և խալիփայք գանգատ մը չունէին այնչափ երկար ատեն, մինչդեռ օտար ոստիկանաց տակ անդադար չփոթուածին կ'ելլէր, արիւն կ'ըլլար, երկիրն կ'աւրուէր, գանձերն կու պահսէին: Ամբարապետն՝ Մոթամէտ-Պիլլահ՝ որ 17 տարի իր իշխանութեան ատեն, և նոյնչափ այլ իր հինգ նախորդաց ատեն՝ վկայ էր նախարարաց նուիրակին ըսածներուն, և Աշոտոյ հաւատարմութեան և արդեանց դէմ կենալու բան չունէր, և ոչ ոք այլ կրցաւ նախանձորդ կամ հակառակը ըլլալ մէկ կողմանէ այլ տեսնելով որ արգէն իր կրօնակիցքն իրմէ կ'ապստամբին, նոր նոր տէրութիւններ կու կանգնեն, յօժար սրաիւ հաւանեցաւ Հայոց խնդրուածին: Եւ որովհետեւ սսոնք հին ատեն իրենց ազգապետը միշտ թագաւոր կու ճանչնային, անուանեց հիմայ անոնց իշխանապետը Առդ Բագաւոր Հայոց, վրան թողլով Վրաց կողմի վերատեսչութիւնն այլ: Եւ ոչ միայն անունը խաւրեց՝ այլ և թագ և ամենայն թագաւորական նշաններ և զարդեր, հանդերձ ծանր ծանր արեւելեան ընծաներով և ընտիր արաբիկ ձիերով զորոնք տանել տուաւ Յիսէի՝ Շէխայ որդւոյ, Ամգայ կողմնապետին, որ իր կողմանէ տանի տայ և թագաւորեցունէ զԱշոտ. գիտելով որ ասոր խոհեմութիւնն չատոնց զՅիսէ բարեկամ էր ըրեր իրեն: Եւ յիրաւի Յիսէ աննախանձ զուարթութեամբ գնաց պատուեց և պսակեց իր հին բարեկամ և նիզակակիցը. ինքն այլ անկէ պատիւ գտնելով՝ դարձաւ իր անդը: — Աշխարհական տիրապետէն թագը ընդունելէն ետեւ՝ կու մնար որ իր հայրենիքն և իր եկեղեցին այլ զինքը պսակեն:

Ո՞ր քաղաք, որ եկեղեցի էր արդեօք ուր պսակեցաւ Հայոց նոր թագաւորն. Երազաւորք եւ թէ Դուլին. — կ'երևի թէ այս յետինս, որ 500 տարիէ վեր Հայաստանի մայրաքաղաք ճանա-

չուէր, և մարդպանաց ու ոստիկանաց աթու էր. դեռ հոն էր Հայոց հայրապետանոցն այլ. և դեռ կանգուն էր Ս. Գրիգորի հոյակապ կաթուղիէն (չինեալ Գ. Ներսէս կաթուղիկոսէ), որ յեա վեց եօթն տարւոյ պիտի կործանէր, և գուցէ կուսպասէր այս հանդիսիս այլ. որուն համար շատ նեղ և շատ պզտիկ կու գար, բայց դոնէ բաւական՝ իշխանազանց և եպիսկոպոսաց և բազմաթիւ բազդաւորաց: Այս եկեղեցիս չէր, բայց հաւանօրէն այս տեղս էր, ուր մեր հայրապետաց վսեմագոյնն՝ ամեն Սահակ՝ օրհներ օծեր էր Արշակունեաց վերջին թագաւորը, զԺբադդն Արտաշէս. անշուշտ առաջին անգամն էր որ Հայոց սրբազան լեզուաւ և գրով թագաւորօրհնէք եղաւ. և ափսոս, առաջինն՝ վերջին այլ եղաւ... Արտաշիսի օծմանէն մինչև յԱշոտ գրեթէ 470 տարի անցեր էր. սա կանգնեց անոր կորացեալ գլուխը, և Սահակայ թագաւորաշնորհ շունչը՝ քառասուն կաթուղիկոսաց շրթունքէն սահելով՝ Գէորգայ բարեբաղդ բերանը իջաւ, իր քահանայապետութեան թի տարին. « Կոչեցաւ ապա » անդ մեծ հայրապետն Գէորգ, և զհոգեւոր օրհնութեանցն գովութիւնս աստուածայինս՝ ի վերայ կատարեալ, փոխանակ օծման սրուակի իւղոյն՝ պսակէ զնա թագաւոր ի վերայ Ապքա. » նազեան ազին: Ի՞նչ կարգաւ, ի՞նչ ծիսիւ, ի՞նչ աղօթքով կամ օրհնութեամբ եղաւ այս պսակաւարդեօք Ս. Սահակայ շարագրած և հին Հայոց ձևով և գոյմամբ էր այս թագօրհնէքս, եթէ Գէորգ կաթուղիկոս նոր շարագրեց, կամ թէ Յունաց կայսերաց ծիսին հետեւեցան. — ասոնք՝ Հայկակ, քեզ այլ, ինձ այլ փափագելի են ի յայտնութիւն: Մեր յետին Կիւլիկեցի թագաւորաց օծման գեղեցիկ հանդէսն և կարգն՝ հանգերձ օրհնութեամբն, անծանօթ չէ մեզի. ան-

կէ զատ հանդիպած եմ ուրիշ թագաւոր-օրհնէ-  
քի մ'այլ, աւելի կարճ և անզարգ, որ և աւելի  
հին կ'երևի, և ոչ անյարմար այս դիպուածիս.  
կարծեմ քեզի այլ անհաճոյ չըլլոր լսելու այս  
կարգը և աղօթքները: Փութա՛ ուրեմն 'ի Դուին,  
խառնուէ այն բաղդաւորաց հետ՝ որ եկեղեցւոյն  
մէջ տեղ գտան Հայոց թագաւորութեան նորո-  
գութիւնը տեսնելու, և անհամբեր աչք 'ի խո-  
րանն կու սպասեն նորընտիր թագաւորին՝ որ գեռ  
չերևիր, այլ գահն դրուած է, և չորս դին շա-  
րուած Աշոտոյ պայծառ եղբարքն, որդիքն և թո-  
ռուկքն, երեսնիւ չափ, թերևս և իր ափկին դըս-  
տերքն հանգերձ հեզանազ օրիորդովք, իր ամեն  
ազգասոսհմն և ինամիք, և ամենայն իշխանք Հայ-  
ոց և շատք 'ի Վրաց և յԱղուանից, նաև ամիրայք  
և դրացիք, և դասք քահանայութեան՝ 'ի հայրա-  
պետէն մինչև 'ի դպիրս: Արդէն ճրագունք վա-  
ռեալք, կանթեղք և ջահք փայլատակեն, և ար-  
ծաթ և ոսկի բուրվաւաց և խնկանոցաց անուշա-  
հոտ ծուխն թէթև ամպերով կու բարձրանայ.  
մեծ ակնկալութեամբ սրտեր կու թնդան. ծո-  
վանման շնկոց մը կու լսուի, երեկոյեան հովուն  
խաղաղելուն պէս լռութիւն մը կու ափրէ. դար-  
ձեալ մեծ աղաղակ մը կու փրթի... Աշոտ...  
Աշոտ. սո՛ւրբ թագաւոր... կեցցէ՛, կեցցէ՛, կու  
հնչէ հազար օրհնեալ բերան, բիւր կորովաշունչ  
կոկորդ հայկական. և խորանին ամպացեալ ծխոց  
խնկոց ետևէն, ինչպէս ամպոց վերևէն Մասեաց  
գագաթն, կ'երևի բարձր վսեմաշարժ զուարթա-  
հայեաց արծաթափայլ գլուխ մը... մեծն Ա-  
շոտ...: Թող ծափեն դոփեն ձայնեն ցնծան սի-  
րուն կտրիճքն: «Նւ զգեցուցանեն զթագաւորա-  
» կան զհանգերձան. ուրոյն զքղամիդն և զթագն  
» գնեն 'ի վերայ սուրբ սեղանոյն արծաթէ սկը-  
» տեղք: Ասելով սաղմոս 'ի Թիւ. Լուր Տէր աղօ-

» Թից իմոց. և Ո յուսայ 'ի Տէր. Խոստովան ե-  
 » ղէց քեզ աէր: Եւ ելանէ հայրապետն և կայ  
 » առաջի սրբոյ սեղանոյն, կալով զհետ նորա  
 » որ պատկելոցն է զնա: Եւ յետ սաղմոսին սար-  
 » կաւագն քարոզէ ասելով. Խնդրեսցուք հաւա-  
 » տով. և եպիսկոպոսն ասէ զաղօթս. Որ Թագա-  
 »ւորդ ես Թագաւորաց Քրիստոս, և տէր աե-  
 » րանց, արարիչ ամենայն արարածոց, փրկիչ  
 » աշխարհի, աուր մեզ զխնդրուածս մեր, և կա-  
 » տարեա 'ի բարի զաղօթս մեր՝ զոր մատուցա-  
 » նեմք քեզ առաջի սրբոյ սեղանոյս. զի հաստա-  
 » տուն և անշարժ պահեսցես զուխտս սրբոյ ե-  
 » կեղեցւոյս, տալով զսա (զԱշոտ) մեզ՝ զոր ընա-  
 » րեցեր և կոչեցեր Վերսփին 'ի Բագաւորաւթան, ի  
 » վերականցութիւն քան թորգոմայ, առ 'ի հովուել  
 » խնամով, և պահեա 'ի Թշնամեաց. զի զկաթու-  
 » դիկէ եկեղեցի բարձրացուցեալ և պատկեալ  
 » փառօք նորոգ պահեսցէ. և զեղջիւր հաւատոյս  
 » մերոյ անասանելի և անշարժ ուղղութեամբ  
 » և արդարութեամբ վարեսցէ ընդ երկայն ա-  
 »ւուրս. բարեխօսութեամբ սրբուհւոյ Աստուա-  
 » ծածնիդ. զի գու ես փրկութի մեր և ապաւնն  
 » և օգնական. և քեզ վայելէ փառք իշխանութի » :  
 « Եւ ապա ասեն կցորդ. Որպէս յետ աստուա-  
 » ծասէր Թագաւորին, և այլն: — Եւ ևս խաղա-  
 » զութեան. և այլն: Եպիսկոպոսն, Օրհնութիւն  
 » և փառք, և այլն: Եւ եպիսկոպոսն առեալ զա-  
 » ջոյ ձեռանէ նորա և դարձուցանէ զերեսն Թա-  
 » գաւորին առ Ժողովուրդն, 'ի ծոռնին անկեալ.  
 » և ասեն քահանայքն միաբան բարձր ձայնիւ ե-  
 » րիցս. Աստուածային և երկնաւոր շնորհ՝ հե-  
 » ղեալ 'ի վերոյ (Աշոտոյ), կոչեն յաթու Թա-  
 » գաւորութեան ասնա թորգոմայ, օծանել ըստ  
 » նմանութեան Կոստանդինոսի մեծ Թագաւո-  
 » րին » : — Եւ ասացեն, Եղիցի եղիցի. ամէն:

« Եւ ապա դարձուցանէ 'ի սեղանն. և այս կա-  
 » նոն կատարի. Սաղմոս կցորդ, Ի, Թագաւոր  
 » յուսացաւ 'ի Տէր: Պողոսի առաք. 'ի Տիմոթ.  
 » Ա. Թղթ. ընթերց. (Բ. 1-7). Եւ արդ ազաչեմ,  
 » և այլն: Յովհան. առաք. յԱ. կաթուղ. Թղթ.  
 » ընթերց. (Բ. 20-27). Եւ դուք օծութիւն ու-  
 » նիք, և այլն: — Ալէլուիա, ալէլուիա. Լուիյէ  
 » քեզ Տէր յաւուր անձկութեան, և այլն: Սուրբ  
 » աւետարանս ըստ Դուկասու (ժԹ. 12-28).  
 » Ասէ Յիսուս, այր ոմն ազնուական, և այլն: —  
 » Եւ սարկաւագն քարոզէ, Խնդրեսցուք հաւա-  
 » տով: Եւ եպիսկոպոսն ասէ զազօթս. Տէր Աս-  
 » տուած մեր, որ Թագաւորդ ես Թագաւորաց,  
 » որ 'ի ձեռն Սամուէլի մարգարէին ընտրեցեր  
 » զԾառայն քո զԻսակիթ, և օծեր զնա Թագա-  
 »ւոր ժողովրդեան քում Իսրայէլի. դու և այժմ,  
 » Տէր, լուր ազաչանաց մերոց անարժանիցս, և  
 » նայեաց 'ի սրբոյ բնակութենէդ քումմէ յերկ-  
 » նից. 'ի հաւատարմական ծառայս քո (Աշոտ),  
 » զոր ընտրեցեր և հաճեցար յարուցանել Թա-  
 » գաւոր 'ի վերայ ազգի քո սրբոյ, զոր փրկեցեր  
 » պատուական արեամբ Միածնի Որդւոյ քո.  
 » օծանել զսա արժանաւորեա իւղով ցնծութեմ.  
 » զգեցո՛ սմա զօրութիւն 'ի բարձանց. դիցես 'ի  
 » վերայ գլխոյ սորա պսակ 'ի քարէ պատուա-  
 » կանէ. շնորհեա սմա զերկայնութիւն աւուրց.  
 » տուր աջոյ սորա յաղթանակ փրկութեմ. հաս-  
 » տատեա զսա յաթոռ արդարութեան. չըջա-  
 » փակեա զսա զինու սուրբ Հոգւոյդ: Հնազան-  
 » դեցո սմա զամենայն բարբարոսական ազգս:  
 » Սերմանեա 'ի սիրտ սորա զերկիւղ քո և զսո-  
 » զութիւն կենակցական: Հաստատեա զսա ան-  
 » բիծ հաւասով. և 'ի վեր երևեցո՛ սմա զգօրու-  
 » թիւն քո. պահեա 'ի պահպանութիւն սրբոյ  
 » քո կաթողիկէ առաքելական եկեղեցւոյ՝ ուղ-

» զափառ գաւառնութեամբ. զի դատեսցի զժողո-  
 » վուրդս քո արդարութեամբ, և զտղքատս քո ի-  
 » ղաւամբք. կեցուցէ զորդիս տնտնկաց. և ժա-  
 » ռանդորդ լիցի արքայութեանդ: Քանզի քո է  
 » զօրութիւն և փառք, յաւիտեանս. ամէն:

» Ապա առնու եպիսկոպոսն դաւաժնի 'ի սեղա-  
 » նոյն, և դիւանն. և տացէ քահանայիցն զի արկ-  
 » ցեն զնովաւ. և 'ի շուրջ տունուլն նորա զայն՝  
 » եպիսկոպոսն ասէ. Խաղաղութիւն ամենեցուն.  
 » և դնէ զաջն 'ի վերայ գլխոյ Թագաւորին և ասէ.  
 » Քեզ միայնոյ Թագաւորիդ յաւիտենից՝ որ 'ի  
 » վերայ երկրի զԹագաւորութիւն սորա հաստա-  
 » տեցեր, որ խոնարհեցոյց զպարանոց իւր ընդ  
 » մեզ. և արդ մեք ծառայք քո խնդրեմք 'ի քէն՝  
 » Աստուած ամենայնի, պահեա զսա ընդ հովա-  
 » նեաւ քով աջովդ, և զօրացո զսորա Թագաւո-  
 » րութիւն, զհաճոյս քո առնել յամենայն ժամ.  
 » Ծագեա յաւուրս սորա արդարութիւն, բա-  
 » զում խաղաղութիւն ժողովրդեան. հանգար-  
 » տութեամբ սորա՝ խաղաղական ապահովական  
 » կենցաղաւ բնակեսցուք ամենայն բարեպաշ-  
 » տութեամբ. զի դու ես Թագաւոր խաղաղու-  
 » Թեան, Քրիստոս Աստուած մեր. և քեզ վայելէ  
 » փառք, իշխանութիւն. և այլն:

» Ապա առնու հայրապետն զմեռոնն, և օծա-  
 » նէ զգազաթն և զճակատն, ասելով. Օրհնեսցի,  
 » օծցի և սրբեսցի Թագաւորս այս՝ յանուն Հօր  
 » և Որդւոյ և Հոգւոյն սրբոյ: Եւ զայս երկցս  
 » ասէ եպիսկոպոսն: Ժողովուրդքն ասեն, ամէն:  
 » Եւ ապա ասի. Տէր, կեցո՛ զԹագաւորն և լուր  
 » մեզ: Ապա առնու եպիսկոպոսն երկոքին ձե-  
 » ռօքն զԹագն 'ի սեղանոյն, և պսակէ զնա և տ-  
 » ասէ. Օրհնեսցի, օծցի և սրբեսցի Թագս և Թա-  
 » գաւորս այս, յանուն Հօր, և այլն: Եւ ժողո-  
 » վուրդն զնոյն ասեն. Տէր կեցո՛ զԹագաւորն և



» լուր մեզ: Եւ ասէ, Օրհնութիւն և փառք. և  
» սյլն:

» Եւ նոյն ժամայն մտանեն 'ի ճաշու ժամն, և  
» պատարագ մատչի. և զԹագաւորն տանին 'ի  
» սեղանն. 'ի ձախակողմն կանգնեսցի. և յետ սլա-  
» տարագին հաղորդեն զԹագաւորն. և պատա-  
» րագին գիրքն զԹագաւորացն կարդան:

» Բայց Թագաւորն զգոյշ կացցէ յամենայն  
» ճանապարհսն Աստուծոյ, երկիւղիւ և սրբու-  
» թեամբ »:

Արքայն ապա արդեօք հիմայ սրբազան պատկառա-  
նօք, հոս յարմարցընել գերագոյն Նորգոց խօսքը  
և փոխանակելով ընդ Սողոմոնի՝ ըսել. « Եւ՛ք և  
» հայեցարուք, դստերք Այրարատայ, յարքայ  
» Աշոտ, 'ի պսակն՝ որով պսակեաց զնա մայր  
» իւր, յաւուր փեսայութեան իւրոյ և յաւուր  
» ուրախութեան սրաի իւրոյ »: Արքայն ա-  
րդեօք նոյնպէս շարունակել. « Ահա գահոյք Աշո-  
» տոյ. վաթսուէն հազար սպառազէնք շուրջ զնո-  
» վաւ 'ի քաջացն թորգոմազանց. ամենեքեան  
» սուսերաւորք և աղեղնաւորք՝ հմուտք պատե-  
» րազմի, այր իւրաքանչիւր սուր յազգեր յար-  
» հաւրաց գիշերոյ », և կապարձք 'ի թիկունս  
վառեալք 'ի ճառագայթից տուրնջեան: Արքայն  
գարձեալ աւելցընել յարմարցընել, մեր պատմը-  
չին խօսքէն խրախոյս աւաժ, թէ և « Գահաւո-  
» րակ արար իւր արքայ Աշոտ 'ի փայտից Բա-  
» սենու<sup>1</sup> ». և այլն. վասն զի ինչպէս յամենայնի  
վայելուչ և բարեկարգ էր Աշոտ, Թագաւորութիւնն  
այլ արժանապէս վայելչացուց մեր նախնի  
Թագաւորաց և ողջին պերճասիրութեան համե-  
մատ. « Այնուհետեւ բազում և երեւելի կարգ »

<sup>1</sup> Բասենի դաշտն Աֆայր անուանեցաւ հին ատեն.  
բայց լեռներն ինչուան հիմայ անտառոտ են:

» յօրինէր յաշխարհի տէրութեան իւրոյ, կ'ըսէ  
 » Յովհ. կաթուղ., յօրինուածս ասանց, ազգաց,  
 » քաղաքաց, շինից, դաստակերտաց, և հարթ  
 » հաւասար ընդ իւրաքանչիւրոցն կատարէր  
 » կարգս լեւնականաց և ջերմահովիտ բարեխառն  
 » դաշտականաց. և զամենայն տափարակ տեղիս՝  
 » ագարակս և գոմս դնէր, և զմարմանդս՝ յայ-  
 » գիս և ՚ի բուրաստանս զարդարէր. և զամենայն  
 » ինչ զոր ինչ օրէն է թագաւորութեան և որ  
 » ինչ ՚ի թագաւորութեան և որ շուրջ զթագա-  
 »ւորութեամբ՝ ոչ ինչ իմիջ կասեցուցանէր. և  
 » գրեթէ հարստաւոյն և խոհեմագոյն քան զա-  
 »մենայն թագաւորութիւն գտանիւր : Իր փառ-  
 »քէն աւելի ազգին օգուտը փնտուելը՝ յայտնի էր  
 » ամենուն. բայց ազգն զինքը պատուեց, ինքն այլ  
 » իր փառքովն զազգը աւելի պատուեց, նուիրե-  
 »լով այս ամեն վայելցութիւն և փառքը՝ ոչ իր ան-  
 »ձին հաճոյից և փափկութեան, այլ ՚ի պերճու-  
 »թիւն թագաւորին և ազգին Հայոց. ասոնք բար-  
 »ձրացուցին զինքն իբրեւ զարեւ ՚ի վերայ հայրե-  
 »նեաց, պէսք էր որ ինքն այլ ճառագայթէ անոնց  
 » վրայ զուարթ և պայծառ լուսով :

Այս լոյսս, այս փառքս ծագեցաւ յամին 887,  
 գարնանային կամ ամառնային եղանակին, յօ-  
 րում այրարատեան հովտաց և բլրոց գեղեցկու-  
 թեան խառնուեցաւ Հայոց համաշխարհական ու-  
 րախութեան հանգէսն. որ արդարեւ շատ մեծա-  
 փայլ և պայծառ եղաւ բոլոր իշխանազանց և ե-  
 կեղեցւոյ գլխաւորաց ու բազմախումբ ժողովըր-  
 գեան ներկայութեամբ և պատրաստութեամբք.  
 բայց պայծառութենէն շատ աւելի այլ սրտա-  
 շարժ էր : Վասն զի այն ատեն մերազգիք իրենց  
 չորս հինգ հարիւր տարի առաջ նախնիքը և անոնց  
 փառաւոր օրերը աւելի լաւ կու ճանչնային՝ քան  
 մենք մեզմէ առջի չորս հինգ դարերը. — անոնք

դեռ նախարարաց, ազատաց և քաջաց սերունդք  
 և առհմբ էին, և դեռ իրենց տիրադուռն նախա-  
 հարց դաստակերտներուն մէջ բնակէին. անոնց  
 յիշատակները կու տեսնէին, արձանագրութիւն-  
 ները կարգային, ազգաբանութիւննին գիտէին.  
 անոնց գործածած անօթները և զէնքերը դեռ  
 դառուէին իրենց մէջ. դեռ նոյն Հայկազանց և Ար-  
 շակունեաց գետինը կու կոխէին, և նոյն օդը ծը-  
 ծէին. — անոնք դեռ հարազատ հայախօսք էին. —  
 թէ և բազմավէր բազմասպի՝ Հայաստանեայց  
 մարմինն դեռ ամբողջ էր. գլուխն չէր երևէր,  
 բայց երբ սիրտն դեռ կ'առնուր կու տար, այնպի-  
 սի մարմնոյ մը՝ դժուար չէր գլուխը գտնել կանգ-  
 նել, որ հինգդարեան հարուածներով կորացեր  
 ուսերէն վար կախուեր էր գէպ 'ի կուրծքն. և  
 երբ ամենայն անդամոց մէջ բարեխառն ջերմու-  
 թիւնն ծաւալեցաւ ու սիրտն մեծապէս թնդաց,  
 ճառագայթազարդ գլուխն այլ դարձեալ բար-  
 ձրացաւ, դարձեալ եղաւ Հայաստան հանուրդ  
 հիւսիսականայ վէհագոյն. Կ.Պօլսոյ ու Բաղտատայ,  
 (այն միայն երկու տիեզերակալ աթոռոց) մէջ՝  
 մէկ թագաւորական դահ մ'այլ կանգնեցաւ.  
 մինչդեռ այնքան մեծ տարածութեան մէջ ամեն  
 դահ կործանած մնացին. և այս առաջին կանգ-  
 նող դահն ու թագն՝ եղաւ Հայոցն : Անգամ  
 մ'այլ Հայք իրենց հին հասակակցաց առջև յա-  
 ռաջագէտ գտուեցան. անգամ մ'այլ Կովկասէն  
 չուան յԱպառաժն Արաբիա, Պոնտոսէն ինչուան  
 'ի ծովն Պարսից՝ ամենայն հին և նոր ժողովուրդք  
 ողջունեցին զԱյրարատ թագակապ՝ 'ի Բագրա-  
 տունին Մեծն Ալուի :

Ի սկզբան վարուցս Աշոտոյ ըսի և դարձեալ  
 կ'ըսեմ, շատ քիչ կարիճ և առաքինի մարդ գը-  
 տուած է՝ որ այսքան արգեամբք ծանրացեալ և  
 հասակաւ հասունացեալ հրաւիրեալ ըլլայ 'ի

Թագաւորութիւն. ոչ մեր ազգին պատմութիւնն, և ոչ Թերևս օտարաց յայսմ՝ Աշոտոյ համեմատ մը գտնեն. և եթէ սրբազան զարմանք մը բերէ պատիւ այն 'ի գլուխ 12 տարեկան Սողոմոնի, սրբազան և սիրելի սիրանք ըլլայ ինձ և քեզ, Հայկակ, Բագո այս ոսկի խառնեալ յարծաթ ալիս գրեթէ 70ամեան գլխոյ արքային Աշոտոյ: Կարծեմ ոչ ոք յաննախանձ զգաստից, որ ազգէ այլ ըլլայ, կրնայ ուրանալ մեր Բագրատունւոյն փառքը, և մեզի ընկած պարծանքը:

Այս յիշատակիս հետ անգամ մ'այլ յիշեմք այս հայրենեաց հօր երախտագէտ որդւոց մեծագով և ազնուախոհ մտածութիւնը, որ անոր բազմամեայ անձնանուէր խնամոց արտաքին ցոյց փոխարինի տալ մտածեցին և յաջողեցան՝ զթագն Հայոց միագլխութեան. և Թերևս յետ աւուրց Ս. Տրդատայ՝ այս առաջին անգամ միասիրտ և միաբերան իշխանք զանազան աշխարհաց և գաւառաց Հայոց՝ կանչեցին և գրեցին Արքայադպր կամ Արքայադպր Բագաւոր Բեր. և նա գրեց իր հրովարտեալաց և պարգևագրաց տակ ոսկի կրնքոյն քով՝ Աշոտ Բագրատունի Բագաւոր Հայոց<sup>1</sup>: Բայց աւելի քան զայս ոսկի կնիքներն և պսակներն, աւելի քան Յունաց կայսրէն զընկած Թագն և երեքկրկին ոսկէկնիքն<sup>2</sup>, աւելի քան զայն հա-

1 Յանուն Աշոտոյ գրուածք դեռ ծանօթ չէ մեզի, բայց կան մնաց գեռ իր որդւոյն Սմբատայ ստորագրութիւնն այս օրինակաւ դրոշմած յամի 906. և մեծամեծ իշխանաց Սիւնեաց և Արծրունեաց ստորագրութիւնքն՝ կոչելով զնա Բագաւոր Բեր:

2 Վասն զի կայսրն բաց յամբարապետէն ուրիշ ամենայն արեւմտեան և արեւելեան Թագաւորաց և իշխանաց և սրբազան Հայրապետին՝ միակ կամ կրկին ոսկի գրամաշափ կնքով կու խաւրէր Թուղթ. միայն մեր Թագաւորաց առնոցմէ մեծ եռապատիկ կնիք կու դնէր:

րուստ ընծաներն՝ զոր Թագաւորն ընդունեցաւ, և զոր կրկնապատիկ տուաւ և զսկեց մերձաւորաց և հեռաւորաց, աւելի քան զիշխանաց և ժողովրդոց իրենց ուցած մեծարանքն և հպատակութիւնն, աւելի քան զզօրաց զինաշարժութիւնն, ռամկաց հսնդէան, աւելի քան զպատերազմական, քաղաքական և եկեղեցական փողոց և երաժշտութեանց ձայնակցութիւնն, — քան զսյստ լինքն աւելի հաճոյական էր տեսնել զԱշոտ յարքունիսն Շիրակաւանի, 'ի մէջ բազմասերունդ ընտանեացն, եղբարց, որդւոց և թուսնց, փեսայից և հարսանց, հին Հայկազանց և Ներայեցւոց ջոջգլուխ նահապետի մը պէս. տեսնել զարի արքայն Աշոտ 'ի գահաւորակի իւրում, որոյ սիւնք արծաթիք, կոնքն ոսկի, ձեղուն ծիրանի և մէջ նորա ականակապ, տարածեալ սէրն (բանուածք բազմականին) 'ի դստերացն Թորգոմայ. — տեսնել այն հայրական և որդեկան գորովն ու խանդաղատանքը, կտրիճներուն Թափ Թափ և շուտ շուտ շարժիլը, փափուկներուն հեղիկ նազելը. և այդ կայտառ ու պայծառ թիթեռնանման թռչնիկներուն վեր վեր ցատքտէլն, պապուն վիզը պլլուիլն, ու թեթեւ թաթիկներով՝ թափն գեռ իրենց անծանօթ ծանրութիւնը կշռելը, և մատիկնին մէկ մը անոր զարդերուն մէջ մէկ մը անկէ փայլուն ալեաց մէջ խաղցընելն: Աստուածասէր և ընտելասէր տանուտէր նահապետ մը Թագաւորական փառօք պերճացեալ, արդարեւ այս է գոհարակապ ոսկի մատանին: Երանի՛... այն պիսի մատնին 'ի մատն հագնողին՝ Թէ պագնողին:

## ԺԸ

Աշոտ չորս տարւոյ չափ<sup>1</sup> միայն թագով փառաւորեցաւ կամ փառաւորեց զՀայաստան. թեւեւ այսչափ կարճ ժամանակն և վաղմիակց շատութիւնն բաւական չէր նորահաստատ թագաւորութեան և նորէն միագլխեալ ազգին ամենհարկաւոր կարգերը դնելու և հաստատելու. սակայն Աշոտ ոչ միայն զկարելին ըրաւ, այլ և շատոնց անկարելին այլ: Մնացեալ պատմչաց կարճ յիշատակներն մեզի կ'իմացընեն, որ բոլոր ժամանակն անցուց, մէկ մը թագաւորաւայել կարգօք և շինութեամբք, ինչպէս քիչ մ'առտջ իմացուց մեզի Յովհ. կաթողիկոս. և ուրիշ մ'այլ<sup>2</sup> կ'ըսէ. « Փափկացեալ և յղփացեալ ուրախութեամբ... քաջաւայելագոյնս զթագաւորութեանն կատարելագործեալ զժամանակն » . մէկ մ'այլ՝ արժանապէս 'ի շնորհակալութիւն աստուածային խնամոց՝ որ այս յաջողութիւնը տուաւ իրեն և ազգին Հայոց. օրբազանս առնարներ կանգնելով անոր, ինչպէս վկայէ իր վարքը համառօտողաց մէկն<sup>3</sup>. « Պսակեալ նա յերկուց » թագաւորացն՝ եղև ճոխ թագաւոր. և արար » խաղաղութիւն և շինութիւն աշխարհին Հայոց. շինեաց և բազում էկեղեցիս քառասորս » : Որչափ մարդկան առջև բարձրացաւ և տիրացաւ, այնչափ աւելի զինքը խոնարհեցուց և ծառայեցուց

1 Թէ և ոմանք 'ի պատմչաց հինգ տարի կ'ըսեն թագաւորութեանն, այլ սխալ է. բայց եթէ Բրիտտոսի թուականաւ 887էն սկսելով 891ի սկիզբն այլ հաշուեն, հինգ տարի կ'ըլլայ կտորներով, բայց ամբողջ և ոչ չորս տարի:

2 Թովմա Արծրունի:

3 Յայսմաւուրք:

Աստուծոյ՝ զգաստ և խոհեմ թագաւորն. որ գիտէր իւրաքանչիւրին իրեն վայլածը տալ, թէ Աստուծոյ, թէ մարգկան և թէ իր անձին և աստիճանին: — Երրորդ ընելիքն կամ գործն այլ էր՝ իր հին կամ սովորական զբաղմունքն. այսինքն արթնուլ թեամբ գիտել բոլոր իր իշխանութեան և պաշտպանութեան տակ եղած աշխարհաց և գաւառաց հանդարտութիւնը, և նուիրակօք կամ զօրօք կամ անձամբ՝ կարգի և խաղաղութեան բերել խռովեալները և դրդուեալները. և յայսմ՝ ոչ թագին նայելով և ոչ ծերութեան, իր սպարապետ եղած տարիներուն պէս՝ ինչուան մահուն տարին այլ անգագար գործելու, շարժելու, տեղէ տեղ փութալու երթալու գալու հետ էր. իբրև երիտասարդ նահատակ ամեն վտանգի մէջ յառաջագէմ վազելով և միշտ յաղթող կամ փրկող դառնալով: Քառսուն տարի ոչ ոք կրցաւ հիւսիս քաշել կամ ազատիլ իր ամենահաս երագութենէն, և ոչ ոք վտանգիլ իրեն ապաւինող ներէն. միայն մահն կրցաւ զինքը դադրեցընել, այն այլ դարձեալ ճամբու վրայ հանդիպեցաւ, անոր բարեկարգիչ արշաւանաց մէջ: Որոնք ու հասկըցան խաղաղութեան օգուտը՝ անոնց վրայ կակուղ բազկաւ երկընցուց թագաւորական գաւազանը. իսկ որոնք գեռ խռովութիւն կամ բռնութիւն սիրէին, իմացուց անոնց որ գաւազանին հետ դեռ զէնք այլ կրնայ վերցընել իր քաջակրօնով ձեռքն. որոյ համար համառօտ գրութեամբ վկայէ ժամանակակիցն (Թովմաս), թէ մինչև 'ի մահն՝ « Զեռն նորա յամենեսին, և ամենեցուն » ձեռք 'ի նա »:

Այս ետքի տարիներուս մէջ յիշուած գլխաւոր գիպուածքն և գործք Աշոտոյ՝ եղան մէկ մը հիւսիսային և կովկասեան կողմերը, մէկ մ'այլ իր անհանգարտ Արծրունի փեսային հոգերը. որ վեր-

ջապէս իր անխոհմ շարժմանց զոհ եղաւ : Ճար-  
 տարութիւն մը այս ճշմարտութիւնը կու խոստովանի  
 ծանր և զգուշաբան կաթուղիկոս պատմիչն . « Գրի  
 » գոր՝ որ Դերենիկն անուանէր , և էր նա այր  
 » սէգ և զգաստ և սօս 'ի գնացս ոտից , և զօրա-  
 » ւոր արդեամբք և բանիւ . և տնօրինէր միշտ յա-  
 » մենայն բարեձեռութիւնս բերիլ : Եւ վասն զի  
 » փեսայացեալ էր նա Աշոտոյ . . . , սակս այնորիկ  
 » հայրախնամ՝ կամօք և խոհական սիրելու-  
 » թեամբ միշտ խրատ բարեաց նմա մատուցա-  
 » նէր որոյ . և յ'սկզբան անդ ընկալեալ հլու և  
 » զգօն մտօք՝ հաւանէր ընդունել , և յոտին զբո-  
 » լոր թշնամիս 'ի սադրելոյ կացուցանէր , և խա-  
 » զաղուծեան և շինուծեան պարապեալ՝ յապա-  
 » հովս 'ի բնակութեան իւրեանց պատրաստէր  
 » զհայրենի տէրութիւնն իւր 'ի բոլոր հինից : Բայց  
 » յետոյ 'ի կամս անձին զինչպիտութեան բերեալ ,  
 » ոչ անսայր բանի խրատու աներոյ իւրոյ , որ-  
 » պէս յերեկն և յեռանդն . և չլինէր նմա այն  
 » յաջողումն ինչ 'ի բարութիւնս » :

Ոչ թէ միայն բարւոյ յաջողութեան արգել  
 եղաւ Դերենիկայ կամապաշտ զինչպիտութիւնն ,  
 այլ և չարի պատճառ և անդարման չարի : Վերն  
 յիշեցինք իր քեռորդին Հասանիկը բռնելը և ար-  
 ձակելը . երկուքն այլ խարդախ ճամբաներ գա-  
 ցին , երբեմն իրարու գէմ , երբեմն իրարու կողմ .  
 այս անգամ այլ ( Աշոտոյ թագաւորութենէն  
 քանի մ'ամիս ետքը ) Դերենիկ արձակեց զՀա-  
 սանիկ , որ անոր ձեռքով ուրիշ մը բռնէ : Այս  
 որսն էր Գաղիկ Ապուճրուան ըսուածն , որդի  
 Վահանայ , մեծապատիւ արծրունի իշխան մը ,  
 որ հետ իր հօրն և Դերենիկայ և անոր հօրն՝ Բու-  
 ղայէն բռնուած և գերի գացած էր , և խնամի էր  
 իր մօրը , որով և թագաւորին . հիմայ Դերենիկ  
 ասոր վրայ կասկածելով թէ Աշոտ կուրապաղա-



տին (Տարօնոյ) համախոհ էր, խոստացաւ Հասանկայ՝ իր Սևան բերդը և երկիրները յետ գարձընէլ, եթէ բռնէ և իրեն բերէ զԳագիկ. վասն զի սա կասկածելով իրմէ՝ ամրացեր էր 'ի Ճահուկ բերդի, Կորդուաց աշխարհին կողմերը: Հասան իբրև փախստական 'ի քեռւոյն՝ գնաց և խաբեց զԳագիկ, և հոս այլ իր առջի հնարքը բանեցընելով, կեղծ հիւանդութիւնը, ապահովցուց իր հիւրընկալը. և անոր քնացած ատեն՝ բռնեց և երկաթի շղթաներով բերաւ առ Դերենիկ. սա այլ խաւրեց 'ի Վան, պահել 'ի բերդին. իր տիկնոջն այլ յանձնեց, (որ այն ատեն 'ի Վան էր), զգուշանալ որ չփախչի բանտեալն: Այս բանս 'ի հարկէ մեր Թագաւորին անհաճոյ էր. բայց տհաճութիւնն աւելի գրգռել կու ջանար այն ռիսկալ Եմէնիկն, որ նախ զԴերենիկ հրապուրեց ինքն իր գլխուն գործելու և աներոջը չհարցնելու, և զԱպրիառ Կայսիկն այլ նորէն շարժել ուզեց, նոյնպէս զուրիշներն այլ. յետոյ խորամանկութեամբ մէկ կողմէն առ Աշոտ գրեց Դերենկայ վրայօք՝ որպէս թէ ապստամբօրէն ուզածը կ'ընէ և կ'արհամարհէ զԹագաւորը. մէկ այլ կողմէն ձայն հանել տուաւ թէ Աշոտ Թագաւոր Դերենկայ նեղացեր է և կ'ուզէ բռնել զնա:

Դերենիկ զամենքն այլ արհամարհելով՝ աշնան վերջերը (887) ելաւ երթալու 'ի Մառաշիկի աւանն, որ Երասխ գետոյ մօտերն է, Վասպուրահան աշխարհին հիւսիսային կողմերը, ճուաշ գաւառին մէջ, և հին ատենէն 'ի վեր՝ այն աշխարհին տեարց ձմերանոցն էր, խորագիր և տաքուկ տեղ մ'ըլլալով: Երևակ և մեծ ճամբով երթալու համար պէտք էր անցնիլ Հերայ դաւառէն. այս երկիրս որ հիմայ Խոյ կ'ըսուի և Պարսից իշխանութեան տակ է, հին ատեն մեր Պարսկահայոց առաջին գաւառն էր, բայց աշխարհագրական դրիւք

աւելի վասպուրականի մաս կրննար ըլլալ, և այնպէս այլ եղած էր. այս պատմութեան ատեն և աւելի առաջ՝ արաբացի կողմնակալ մը կու տիրէր հոս, բայց Ապահոնեաց և Խլաթայ իշխանաց պէս՝ Աշոտոյ իշխանութեան տակ. երկրին մերձաւորութեամբն՝ կերպով մը Դերենիկ այլ իրաւունք ունէր անոր վրայ: Կողմնակալն՝ որ Ապլփէրս անուանէր՝ դիտնալով անոր միտքը, միանգամայն վախնալով ՚ի Թագաւորէն, երկուքին այլ հպատակութիւն և բարեկամութիւն կուցուցնէր. իսկ հիմայ անշուշտ Յմէնիկէն սիրտ առած՝ խարդախութեամբ անզգամեցաւ: Իր վրայ այլ կասկածողք կային, և իմացուցին Դերենիկոյ որ զգոյշ կենայ ճամբան. ոմանք այլ կ'ըսէին որ Թագաւորն պիտի բռնէ զինքը. այս բանէս կըրնար սպահով ըլլալ, բայց ոչ նոյնպէս այլազգիէն: Դերենիկ սովորական յանդգնութեամբն յառաջ անցաւ, մտաւ Հերայ (Խոյի) գեղեցիկ դաշտավայրը և իջաւ ՚ի գեղն Փեռոտակ, քաղաքին մօտ: Քաղաքապետն իր պատրաստութիւնները տեսնելէն ետեւ՝ հրաւիրեց զԴերենիկ ՚ի քաղաքն. նա յանձն չառաւ հոն երթալու, բայց միայն ճամբուն վրայ տեսնուելու. և երբ ինքն երկրորդ օրն որսի ելեր էր, քովիններն նորէն ազգեցին իրեն որ հեռանայ անկէ. նորէն չլսեց: Մէկ մ'այլ իմաց տուին որ Ապլփէրս կու գայ զինքը բարւելու. Դերենիկ տեսաւ անոր թիկնապահ զօրաց գունդն՝ որ իբրեւ ՚ի պատիւ իրեն դիմաց գային. մտրակեց, և « Ծեմս առեալ սիգաքայլ երթիւարանն՝ եհաս... » միայն և առանձինն ՚ի յառուամէջ տեղւոջ. այնպէս տեղ մը որ երկու կողմէն այգիներ էին, մէջէն յորդասահ առու մը կ'անցնէր, և ոչ ոք կու համարձակէր անկէջ անցնիլ. միայն Դերենիկ մէկ մ'այլ մտրակեց զձին և ճղքեց ջուրը. ցատքեց այն դին. մէկէն հոն շարուած այլազգի

զօրքն երկու բաժնուելով թողուցին որ մէջերնէն անցնի կտրիճն. նա անխոհմաբար մինակ յառաջեց, Ապլիէրսայլ դիմացն ելաւ, « և գիրկս » զպարանոցաւն արկեալ տայ զյուգայեանն համբոյր: Այն ատեն զօրքն ետեւէն պատեցին զնա. ոմանք ձիուն սանձը քաշեցին, ոմանք վրայի սուրը բռնեցին, ուրիշներն այլ սրով և նիզակաւ կռնակէն զարկին, վար ձգեցին. ինկնալու ատեն մթնցած աչուրներն ողորմուկ յետ գարձուց՝ օգնական պաշտպան փնտռելու. բայց իրեններն ջրին այն գին էին, և չփոթելով ու վախնալով փախան. միայն Ամատունեաց ցեղին գլխաւոր իշխանն տիրասիրութեամբ բռնուեցաւ: Քաղաքին Հայ վաճառականքն գնեցին Դերենկայ մարմինը, և իշխանաց պատուով պատեցին. այն տեղի և պիսկոպոսն Դաւիթ այլ արժանաւոր յուզարկաւորութիւն ըրաւ, և թաղեց եկեղեցւոյն մէջ. ինչուան որ յետ ժամանակի՝ մեռելոյն անգրանիկն եկաւ առաւ հօրը մարմինը և տարաւ հանգչեցուց Արծրունեաց հին քնարանը, 'ի վանքն Խաչի՝ որ 'ի Հադամակերտ Աղբակայ: Բոլոր Վաւ պուրական աշխարհն տասն ամիս սուգ ըրաւ Դերենկայ վրայ, որ իբրեւ 40 ամեայ էր մեռած ատեն. իսկ իւր անդրանիկն՝ հազիւ տասնամեայ:

Աշոտ Թագաւոր, որ այս միջոցիս Կովկասեանց հոգով զբաղած էր՝ խաւրեց իր ժիր նուիրակ Շապուհ որդին, որ իր համանուն թոռը զԱշոտ զանդրանիկն Դերենկան՝ ժառանգեցընէ հօրը աթոռոյն, և անոր մայրն այլ քաջալերէ, (Սոփի տիկինը) որ էրկանը մահուան վրայ շատ սրտաւորեր էր. և հիմայ եղբայրը տեսնելով և զանդրանիկն այլ Արծրունեաց տէր դրուած՝ քաջալերեցաւ. սկսաւ ոչ միայն մօր պէս՝ այլ և Թագուհւոյ պէս խնամել որդիքը և զաշխարհը. հարցուց հօրը՝ Ապումրուանին վրայ, և պատուէր ա-

աւաւ որ արձըկէ ու սիրով պատուէ, և որդւոցը խնամակալ կարգէ, ինչուան որ չափահաս ըլլան, և կարենան ինքնիրեննուն կառավարել: Յաջորդ տարւոյն (888) ետքերը Աշոտ Թագաւոր՝ Վրաց գործերը շտկած ըլլալով, անձամբ եկաւ 'ի Վասպուրական, գուստրը (Սոփի) և Թոռները միւթ Թարելու հայրաքար. միանգամայն և խնամակալ Թագաւորի պէս նորէն հանդիսիւ հաստատեց զԱշոտ Թոռը 'ի տէրութեան Արծրունեաց. անոր երկու եղբարցն այլ պատշաճ պատիւներ և իշխանութիւններ տուաւ. նոյնպէս զԱպուժրուան այլ հաստատեց անոնց խնամակալութե և պաշտպանութեան մէջ, կառավարութիւնն այլ յանձնելով Սոփի տիկնոջ, և ամեն բան կարգի գնելով՝ դարձաւ իր տեղը:

Կովկասեանց կամ Վրաց շիրթութեան պատճառն՝ մէկ մ'էր այն Ներսէհն՝ զոր նախ յիշեցինք. մէկ մ'այլ Ասիսազաց Թագաւորք՝ որ իրարմէ կու յափշտակէին Թագը: Այսպիսի էր և Յովհաննէս Թագաւորն, որ զրկելով զԲագարատ՝ զորդի Դեմետրի Թագաւորի, իր որդին Ատրնէրսեհը Թագաւոր դրաւ մահուան ատենը (879). Բագարատ փախաւ 'ի Կ.Պօլիս, և քանի մը տարիէն գառնալով՝ իր կուսակցաց օգնութիւնս պաննեց զԱտրնէրսեհ և տեղն անցաւ (887). անոր այրին այլ առաւ 'ի կնութիւն, որ էր քոյր Ներսէհի. և զսա այլ կանչեց 'ի Յունաստանէ, և բաւական զօրք տալով՝ անոր ուղածին պէս Թողուց որ կոխէ Վրաց երկիրը և խէ անոր երթտասարդ իշխողէն, որ էր անուանին Ատրնէրսեհ (որդի Դաւթի), և իր հայրենիքը ժառանգեր էր մեր Աշոտոյ խնամակալութեամբ. մինչդեռ սա այս միջոցիս նոր Թագաւորեր և քաղաքական կարգադրութեանց զբաղեր էր: Ատրնէրսեհ իրեն օգնական գտաւ զԼիպարիտ, նախահայր մեծ

և անուանի տոհմին Ուռապելեանց, որ Թռեղաց գաւառին կուտիրէր. և զԳուրգէն՝ Տայոց մէկ մասին տիրող կուրապաղաւն. մեր Թագաւորն այլ օգնական գունդ մը խաւրեց. որովք Ատրնեւ սեհ սիրտ առաւ իր հակառակորդին՝ Ներսէհի՝ դէմ ելլելու. Ախալցիխէի կողմերը, Կուր գետոյն եզերքը հանդիպեցան իրարու, և սաստիկ պատերազմ եղաւ. որովհետեւ Ներսէհի և Ափխազաց հետ միացեր էին Ալանք կամ Օպը այլ. բայց վերջապէս անոնք յաղթուեցան, Ներսէհ բռնուեցաւ և սպանուեցաւ (888) յԱսրինծաւանի (յարեւելակողմն Ախալցիխէի) :

Ասկէ վերջը կ'երեւի Թէ Աշոտ Թագաւոր տնձաւոր եկաւ այս կողմերս և օրինաւոր իշխանաց յանձնեց. անկէ մտնելով Կովկասայ լեւանց մէջ՝ նուաճեց Վրաց Թշնամիները և Ներսէհի նիզակակիցները, զԱլանս և ուրիշ լեռնաբնակ ցեղեր. որոց համար կ'ըսէ կաթողիկոս պատմիչն. « Ձեռն » զհիւսիսական կողմամբն արկեալ, 'ի Ծործորս » մեծի լերինն Կովկասու, որ 'ի հովիտս և 'ի գաշտս » երկայնագոգս բնակեալ էին աղքատ, ընդ իւրեաւ » հնազանդեցուցանէր » : Մեր օրերս անգամ » յայտնի է, Թէ որչափ ոյժ և խելք պէտք էր Կովկասեան այն բնապարիսպ լեւանց ազատ որդիքը սանձելու կամ ասպատակութենէ գաղթեցընելու :

Աշոտ իր խնամոց յանձնուած երկրին հիւսիսակողման մէջտեղուանքը հանդարտեցընելէն եպովանոր երկու ծայրերն այլ նուաճեց, որ կերտեւ՝ մը սուելի դժուար էին : Վասն զի արեւելեան կողմը կ'իշխէին Ուախացիք, որ են հին Հայոց 15 աշխարհաց մէկն, Աղուանից, Վրաց և Կովկասեանց սահմանակից. որոց նման իրենց երկիրն այլ լեւնոս և ամուր ըլլալով, հոս կարիճ բայց և անկիրթ իշխանք իրենց ազատութիւնը պահած

էին Հաղարացւոց բռնութեան ատեն այլ: Աստնց մեծ իշխանն էր Ստեփանոս Կոն՝ որ եկաւ առ Բուղա, և նահատակուեցաւ 'ի Բարեշուն: Այս կողմերուս հին Հայկազանց ժամանակէն տիրողք Սեւուկ նահապետին անուամբ, այս ատեններս այլ Սեորդի անուամբ ծանօթ և ահարկու էին մերձաւորաց և Արարացւոց, իրենց շինած կրտսրուկ սրովն: Հիմայ Աշոտ « զեղուղակաւտ մար- » զիկ Ուաի գաւառի առհասարակ ընդ ձեռամբ » նուաճէր, 'ի բաց 'ի նոցանէ հերքելով զաւա- » զակութիւնն մարգադաւութեան, և իբրև օրի- » նաւորս և հլուս զամենեսեան կազմէր, և տալչ » նորգս և իշխանս նոցա կացուցանէր »:

Իսկ արեւմտեան սահմանածայրն էր՝ Արխաւ զաց երկիրն կամ Նգերաց, որոց թագաւորն՝ առհմանակից տիրապետաց մէջ ամենէն զօրաւորն էր, ինչպէս առաջ այլ յիշեցի, միանգամայն և ինքնագլուխ թագաւոր ճանչցուած. հիմայ Բադարատ Ներսեհի կողմը բռնելով՝ Հայոց այլ թշնամացեր էր. բայց նախ անոնց զէնքովը յաղթուելով, յետոյ Աշոտոյ մարգասիրութենէն, խոնարհեցաւ 'ի հաշտութիւն և 'ի գաշակցութիւն, որգիաբար մեծարելու իրմէ մեծ թագաւորը. ինչպէս վկայէ և վերոյիշեալ պատմիչն մեր. « Այլ և զթագաւորն ևս Նգերացւոց 'ի սէր » միաբանութեան ընդ իւր կապակցեալ՝ այնպէս » նմա այցելէր, մինչ զի անընդհատ յորգիութե » սակի գոլով՝ մտերմաբար պարտաւճար միշտ » նմա 'ի ծառայութիւն բերէր »:

Այս գծուարին գործերը յաջողութեամբ լըմընցընեցն ետև էր որ Աշոտ թագաւոր գնաց 'ի Վասպուրական, իր թօռանց ժառանգութիւնը և իշխանութիւնը կարգի դնելու: Նոյնպիսի կարգաւորութիւն մ'այլ յրաւ Սիւնեաց երկրին մէջ. վասն զի գրեթէ նոյն ատեն մեռու Վասակ Իշ-

խանիկ՝ երկրին մեծ իշխանն. Աշոտ՝ անոր եղբայրը և իր անուանակից Աշոտը հաստատեց ՚ի նահապետութիւն Սիւնեաց. և երկուքին որդւոց ժառանգութիւններն այլ որոշեց: Այս Աշոտս այլ իր եղբորը (Վասակայ) պէս հլու և հաւատարիմ եղաւ մեր Թագաւորին, և յետոյ ասոր որդւոյն՝ Սմբատայ: — Իսկ մեկայլ Սիսական Վասակն՝ փեսայն Թագաւորին՝ շատոնց մեռեր էր երիտասարդ հասակաւ, և այրիացեալ տիկինն Մարիամ երեք կորիճ որդւովքն՝ Սևանայ ծովուն եզերքը կու շէնցընէր վանքերով և եկեղեցիներով, Թէ հօրն ասեն և Թէ իր եղբորը՝ Սմբատայ՝ Թագաւորութեան ժամանակ:

Իսկ մեր Թագաւորին միւս դուստրն Սուրի՝ այրին Դերենկան՝ իրեն պէս երկարակեաց չեղաւ. Երկանն չարաչար և ցաւապին մահն անբժշկելի վէրք բացեր էր սրտին մէջ. քսան ամսէն (889) « և » ինքն Սուրի անհամեմատն ՚ի կանայս՝ ըստ նմա. » նութեան ամուսնասէր տաւրակի հրաժարեալ » յամենայն վայելչութեանց կենցաղականացս, » խանդակաթ լինելով, ոչ ժուժեալ սրտին նե. » ղութեան ... փոխի յաշխարհէս. խաղաղու. » Թեամբ ննջեալ ընդ հարս իւր. Թողեալ զման. » կուսն տղայս և անկատարս հասակաւ ». որք մեծ ցաւով և սգով տարին մարմինը հանդուցին Դերենկայ քով: Շահասէր իշխանք և զօրաւորք կու փափագէին խաբել որբացեալ իշխանորդիքը, « այլ ոչ իշխէին յերկիւղէ մեծին Աշոտոյ Թա. » գաւորին Հայոց<sup>1</sup> ». որ իր կորիւն Թոռները առաջուրնէ աւելի հայրաբար խնամեց, ինչպէս իր բնիկ իշխանական աշխարհն և ուրիշ պաշտպա. նեալ աշխարհներն այլ շէնցընելով, դեռ տարի ու կէս, մինչև իր վախճանն. որ կենացն համեմատ եղաւ արժանաւոր և փառաւոր:

<sup>1</sup> Թովմա Արծրունի:

## ԺԹ

Աշոտոյ հին նախահաւն և նախօրինակն իշխանութեան, առաջին սուրբ և ասնելի (Թագաւորն Դաւիթ մարգարէ, մարգուս կենաց կարողութեամբ վայելելի սովորական չափն ըսաւ 70 տարի. ինքն այլ նոյն տարին չանցաւ. իր առաջին քրիստոնեայ սրբակաց Թագաւորն պայազատն՝ Աշոտ այլ գրեթէ նոյն շրջանը բոլորեց և կնքեց, 71 տարին. 'ի վերջ 890 թուականին Քրիստոսի, կամ թերևս 'ի 1 փետրուարի 891ին. վասն զի այս օրուանս կու զուգակցի մարերի 20ն (յորում անոր յիշատակն գրուած է) ՅԼԹ թուականին Հայոց, յորում մահն նշանակի: — Թէպէտ և կենաց վերջին երկու տարիներուն մասնաւոր գիւպուած մը չի պատմուիր, բայց՝ ինչպէս նախ յիշեցինք՝ Աշոտ անդադար էր հարկաւոր գործոց մէջ, որոց հազորդ և ընկեր էին չորս կարիճ, չափահաս և բարեկիրթ որդիքն: Անդրանիկ Սմբատը, զոր իշխանաց իշխան անուանեալ էր, այն զօրօք Գուգարաց կողմերն էր, դարձեալ Վրահայոց մէջ ծագած չփոթութիւն մը խաղաղցընելու, կամ ապստամբները նուաճելու համար, ինչպէս կ'ըսէ Ժամանակակիցն Յովհ. կաթողիկոս, և ուրիշ բան չաւելցրներ. իսկ Վրաց պատմիչն յիշէ, որ նոյն ատեն Գուրգէն կուրապաղատ՝ մեր Թագաւորին քեռայրն՝ իր Տայոց Քալմախ իշխանանիստը և Արտանուշ մեծ քաղաքը թողլով, գնաց բնակելու Շաւշէթի և Արտահանու կողմերը, (որ Գուգարաց արևմտեան գաւառներն են, և) որոց վրայ առաջ ուրիշ իշխան կար, և շատոնց Վրաց իշխանապետին պաշտպանութեան տակ ընկած էին: Հիմոյ այս բանս տհաճութեան և կռուի պատճառ եղաւ Ատրներսեհի՝ Վրաց գրչ-



խաւորին և Գուրգենի մէջ. ինչուան պատերազմի  
եւան Արտանուշայ դաշտին մէջ. Գուրգէն յաղ-  
թուեցաւ և վերաւորեցաւ. և վերջը նոյն վերաց  
ցաւով մեռաւ (891): Թուի թէ այս կամ ասկէ  
պատճառած զիպուածի համար էր հոն զրկուած  
Սմբատ. մինչդեռ հայրն գուցէ ուրիշ գործ մը  
շահեւոր համար ձմեռ ատեն ճամբայ ելեր էր իր  
բնաշխարհին մէջ, երբ վրան ծանր հիւանդու թիւն  
եկաւ. և չկարենալով աւելի առաջ երթալ կամ  
յետ դառնալ, գաղրեցաւ ի Քարսպառ ըսուած  
ապառաժոտ բարձրահայեաց սարատափ տեղ  
մը. որուն աշխարհագրական դիրքն անծանօթ է  
ինծի, և կարծեմ յԱյրարատ գաւառի:

Այն Քարսպառ գահաւանդն եղաւ Աշոտոյ կե-  
նաց սպառիչ սահմանաքարն. և անոր բարձրու-  
թենէն դարձուց աչուքները յետս՝ իր եօթանասը-  
նամեայ կենաց ընթացից վրայ, և ի վեր՝ հան-  
դերձեալ կենաց անսպառութեան վրայ: Մարդոյ,  
և մեծիշխան մարդոյ արժանավայել էր կտրած  
ընթացքն, կրնար անվախ նայիլ և ըսել. « Զըն-  
» թացսն կատարեցի ». հայրենեաց, եկեղեցւոյ  
և ընկերակցաց համար էին իր երկայն աշխատանք-  
ներն և մրցանքն. կրնար այլ ըսել, « Զբարւոք  
» պատերազմն պատերազմեցայ ». բարեսէր, և  
քաջահաւատ հոգին կրնար յուսալ արդարու-  
թեան երկնաւոր պսակին, անկէ՝ որ հոս տուաւ  
իրեն երկրաւոր պսակը. զոր հիմայ վար դնելով  
ընդ մէջ հանդերձեալ կենաց արշալուսոյն և մա-  
հուան ստուերներուն, հաւատարիմ քրիստոնէի  
զգաստութեամբ պատրաստեց զհոգին այն մեծ  
փոփոխութեան: Մինչդեռ որդիքն և սիրելիքն ի-  
րեն առողջութեան և հանգստեան խնամք կու-  
մատակարարէին, ինքն ամենէն քաջահոգ՝ բերել  
տուաւ զքահանայապետն Հայոց, և միջնորդ կե-  
ցուց վերջին անգամ ընդ Աստուած. և ընդ ինքն.

վե՛սմ գլուխն՝ անթագ խոնարհեցաւ խորին խառնովանութեամբ մարդկային բնութեան և մտաց տկարութեանը, և ընդունեցաւ Աստուծոյ օծելոյն ձեռքէն և բերանէն զինիք և զաւետիս (Թողութեան և հաշտութեան) ընդունեցաւ մարդացեալ Անմահին երկրպագելի և փրկարար մարմին և օրինը. գոհացաւ զԱստուծոյ՝ որ առաւել քան զԹագն և զԺիրանին՝ արժանացուց զինքն այս սուրբ և և աննման խորհրդոց, զոր ոչ ճանչցան և ոչ ճանաչեն կարծեցեալ գիտունք աշխարհի և փետրագլուխ փիլիսոփոսք:

Որդւոց և մերձաւորաց ժառանգութենէն աւելի իր պաշտած հեզ Քրիստոսին ժառանգակիցները հոգաց, — աղքատները և կարօտեալները. ոչ միայն գեռ շունչն վրան եղած ատեն բաժնել տրւաւ լեցուն գանձեր ոսկւոյ և տրծաթոյ, այլ և յանձնեց կաթուղիկոսին շատ ոռակ և ըռղակ, ոչխարաց և նախրաց բազմութիւն, ձի և գրաստ, որ առատապէս բաշխէ եկեղեցեաց և վանորէից և որու որ արժան համարի, և ամեն տեղ իր հոգւոյն համար ազօթք և պատարագ ըսել տայ: — Հոգւոյն պէտքն լաւ հոգալով, զաւակաց և պաշտպանացն այլ հարկաւոր խրատ և պատուէրները տալով, աւելի սքանչելի օրինակաւն քան վսեմական խօսքովն, իբրեւ ամեն բան թուով և կարգով շարեւղով և շարժելով, ինչպէս որ բոլոր կենաց գործերն այլ կարգաւորեր էր, իբրեւ յեաֆն կանոնաւոր և սահմանեալ գործ մը՝ կատարեց անշփոթ զգաստութեամբ և վայելչութեամբ զմեռնիլն այլ... զոր գրեթէ ամենայն պատմիչք խոր զգացմամբ կ'իմացընեն. « Եւ այսպէս ապա » զպիտաւոցեալ պէաս արտաքնոցս (ստացուածքս՝) 'ի մաքրութիւն նորոգման ներքին մարդոյն անտեսաբար կենսացուցանէր: Յետ որոյ » բարւոք Ծերութեամբ ըստ բուսոյ բարեզգեաց

» բարուց՝ հանգեալ 'ի Քրիստոս <sup>1</sup> » : — « Յեա  
 » զամենայն ինչ ըստ Աստուծոյ հաստատելոյ՝  
 » փոխի 'ի կարգ սուրբ թագաւորաց <sup>2</sup> » : — « Զի  
 » էր այր քաղցր և հեզ և անարատ <sup>3</sup> » : — Ալեւ  
 » րեալ վախճանեցաւ աստուածաշնորհութեամբ  
 » և լի հաւատով... և փոխեցաւ յանանց թագա-  
 »ւորութիւնն երկնից <sup>4</sup> » : — Փոխի յաշխարհէս  
 » 'ի բարիդք ծերութեան... քաջաւայելագոյնս  
 » զթագաւորութեանն կատարելագործեալ զժա-  
 »մանակն <sup>5</sup> » :

Մեծին Աշոտոյ (որ հիմայ ոմանց առիւծ մը  
 կ'երևէր 'ի քուն ծանրութեան, ոմանց սիրելի և  
 ալեւոր հայր մը ընտանեաց մէջ նահապետօրէն  
 վախճանած, ոմանց գեռ թագաւոր 'ի մտածման  
 հարկաւոր խորհրդոց, և ամենայն խոհական  
 ճանչցողաց՝ արգարակորով և մպքրակենցազ  
 մարդ մը վախճանեալ սրբութեամբ) մեծահան-  
 գէս եղաւ և յուղարկաւորութիւնն. ինչպէս մեր  
 հին թագաւորաց մէջ յիշուի միայն Տրդատայ և  
 Բ Արտաշիսի: Երախտագէտ որդիքն և հպատակք՝  
 ուղեցին անոր արժանեաց և պատուոյն համեմա-  
 տել նաև սգոյ հանդէսն և կազմուածքն. « ոսկէ-  
 » հուռ հանգերձիւք և սսկէզօծ վառիւք զգա-  
 » զազսն զարդարեալ » . զոր Քարսպառէն վերու-  
 ցին տարին 'ի Բագսարան, որ թագաւորանիստ  
 քաղաք էր եղած, միանգամայն և յետին հան-  
 գրատարան ոմանց 'ի Բագրատունի թագաւորաց,  
 և նախ մեր Աշոտոյ, որ հաւանօրէն առաջուց հոն  
 պատրաստեր էր իրեն հանգստեան մատուռն և  
 քնարանը: Բօլոր ճամբան այս երկու յիշեալ տե-  
 դեաց մէջ՝ (որուն երկայնութիւնը չեմք գիտեր),

1 ՅՏ. կաթ:

2 Սաժ. Անեցի:

3 Առողիկ:

4 Յայսմաւուրք:

5 Թոմ. Արծր:

հանդիսաբար յուշարկաւորուի եղաւ. Գէորգ կաթուղիկոս՝ եկեղեցական դասակցութեամբ և պաշտօնէիւք և հոգեւոր երգօք՝ առջևէն երթալով. « և խումբք զօրաց զինուք և զարգուք, ընտրա- » նօք և նշանակօք շուրջ պաշտպանեալք » . իսկ դադաղաց ետևէն և անմիջապէս մօտէն՝ կ'երթալին իբրև սգազուիք՝ երեք թագաւորորդիքն, Շապուհ, Սահակ և Դաւիթ, (վասն զի երէցն Սմբատ չկրրցաւ հասնիլ 'ի Գոլգարաց կողմէն), և թագաւորին մերձաւոր ազգականքն և բարեկամք և պաշտօնեայք. ասոնցմէ վերջը, ըստ հին սովորութեան Հայոց, սգաւոր և սգաշարժ կուսանք և լացմայլք, երաժիշտք և ողբերգակք, թարգմանք և վկայք քաղաքական և բնական սգոյ ցաւոց ընտանեացն, հայրենեացն և բոլոր պաշտպանեալ ազգաց. և այլ ետևանց « բազմութիւն » ռամկացն և անռամկաց » : Յետին հանդէսներն այլ կատարելով 'ի Բագարան, « ապա կազմեալ » տապան թագաւորական՝ եգին զնա 'ի քնարա- » նի հարց իւրոց » : Իսկ յիշատակը՝ ինչպէս 'ի սկզբան պատմութեանն ըսի, աստուածընտիր սրբոց հետ խառնեցին յեկեղեցիս Հայաստանեայց, 'ի պատիւ նորա և 'ի փառս ամենախնամն Աստուծոյ :

Ի .

Աշոտոյ հանգստարանին և յիշատակին մնաք բարով չըսած, թերևս յետին բարև մ'այլ տալ վայելէ անոնց՝ որ իր պատմութեան և գործոց մէջ ստէպ կամ մեծապէս հանդիսացան. արդէն կենաց օրէնքն՝ անոնց մէկ մասը յառաջ քան զԱշոտ վերուցեր ծածկեր էր աշխարհքիս տեսարանէն. — Վասիլ կայսրն հինգ տարի առաջ մեռեր էր, և որդին Լևոն իմաստասէր թագակցէր Աշո-

տոյ. — բաղմամբորձանք պատրիարքն Փոռ գրեթէ Աշոտոյ հետ կատարեց կեանքը, (891): Աշոտէն ընտրեալ և զԱշոտ (Թագաւոր օրհնող կաթողիկոսն Գէորգ, անոր անդրանիկ Սմբատն այլ օրհնեց, և անոր հետ տառապեցաւ Աֆշին բռնաւոր կուսակալին ասպատակութեանց ատեն, ինչուան կապուեցաւ և բանտեցաւ և աղատեցու միջնորդութեամբ Համամայ՝ Աղուանից իշխանապետին, որ և իբրեւ զատ ազգի գլուխ՝ յետ Բագրատունեաց՝ առաջին (Թագաւոր եղաւ. Գէորգ եօթն տարի յետ Աշոտոյ վախճանեցաւ (897): Տեղը գրեթէ հարկ էր որ դրուի աշխարհածանօթ և մեծահոգի ճգնաւորն Սեանայ և ծանօթն Աշոտոյ՝ Մալխոյ, որ և իր անուանակից և գործակից (Ս. Մեսրոպայ-Մաշտոցի) նման՝ միայն վեց եօթն ամիս Հայոց հայրապետական աթոռը նշտելով՝ մեռաւ նոյն տարին (897). և յաջորդ ունեցաւ իր ազգական և աշակերտը՝ Յովհաննէս Պաթիւլ, որ մեր այս պատմութեան այլ գլխաւոր աղբերաց մէկն է:

Իսկ յիշխանաց և ի մերձաւորաց Աշոտոյ՝ իր եղբայրն Սպարապետն Աբառնախ քիչ մը գժուարացաւ եղբորորդւոյն հնազանդելու, և հակառակեցաւ թէ անոր և թէ Վրաց կուրապաղատին՝ Ատրնեբսեհի. յետոյ քիչ մ'այլ իր կալուածներն ընդարձակելով Վանանդայ և Գուգարաց կողմերը՝ հանդարտեցաւ. և ինչպէս կ'երևի՝ քիչ տարիէ վախճանեցաւ: Իսկ Ատրնեբսեհ Վրաց համար եղաւ ինչ որ Հայոց՝ իր բարերարն մեծն Աշոտ, ինքն այլ (Թագաւորական պատւոյ հասաւ, և երկայն ատեն իշխելով իր աշխարհը շէնցուց և զօրացուց:

Աշոտոյ (Թուռներէն, Սխական իշխանքն՝ ինչպէս իրեն՝ նոյնպէս և Սմբատայ միշտ հաւատարիմ և հլու եղան, և ասոր պէս շատ նեղութիւն քաշե-

յին Աֆէնի և մանուկանց անոր եղբայր Սուսուֆի բռնաբար ասպատակութեանց ատեն. իրենց բարեպաշտ և սիրելի մայրը, Մարիամ տիկինը՝ իրենց աշխարհին խնամակալ և պաշտելի անձի պէս հետերնին տանելով տեղէ տեղ բերդէ բերդ, և այն տարագիր աեղափոխութեանց մէջ մեռնելէն ետև այլ, նոյնպէս մարմինը հետերնին տարին, ինչուան որ բռնաւորն կորաւ, երկիրն խաղաղեցաւ, և դարձան, ու Մարեմայ մարմինը հանգչեցուցին անոր ձեռակերտ եկեղեցւոյ մը մէջ: — Արծրունի Թոռունքն Աշոտոյ՝ իրենց հօր (Դերենկան) պէս վառվռուն և անհանգարտ եղան. բայց անգրանիկն Աշոտ աւելի հաւատարիմ եղաւ Սմբատայ, և երիտասարդ վախճանեցաւ (29 տարուան), յաջորդն՝ իր եղբայրն Գագիկ՝ Արծրունեաց աշխարհաշէն և փառաւորիչ գիւցաղն կու ճանաչուի՝ բայց իր երկիրը ապահովելու համար՝ Յուսփայ (Սուսուֆ) հետ առանձին գաշինք գնելով և անկէ Թագ առնելով, իր քեռիէն (Սմբատայ) զատուեցաւ, և ասով մեղադրելի է: Միայն հոս յիշենք որ Սմբատայ պատերազմին ատեն ընդ Ահմատայ որդւոյ Յիսէի՝ վատութիւն և մատնութիւն ընող ու Թագաւորին յաղթուելու պատճառ եղող Գագիկն՝ սա չէ, այլ Ապոււմրուանն, որ շատ անգամ յիշուեցաւ պատմութեանս մէջ. և որ այս յիշեալ գիպուածէն քիչ վերջը՝ սպանուեցաւ, որովհետև Արծրունեաց իշխանութիւնը կ'ուզէր ձեռք առնուլ:

Աշոտոյ որդիքներէն, Սահակ՝ իրմէ վերջը չի յիշուիր. Շապուհ՝ Հայոց սպարապետ եղաւ և Տերանց տէր. շատ շինութիւններ ըրաւ իր սիրելի քրոջ՝ Մարիամայ՝ երկիրներուն սահմանները. բայց ինքն այլ միւս եղբայրն այլ Դաւիթ՝ գեաւորիքնին չադած մեռան և շատ սուգ պատճառեցին Սմբատայ:

Սա 24 տարի Թագաւորեց՝ հօրը շատ կատարելութիւններն ունենալով և անոր արժանի պայազատ ըլլալով։ Բայց անոր նահապետական հեղինակութիւնը չէր կրնար ունենալ իր պաշտպանութեան տակ եղած իշխանաց վրայ, որք Աշոտոյ որդիք սեպուէին, իսկ իրեն՝ եղբարք հաւասարք։ և քիչ մ' իրենք իրենցմէ, քիչ մ' այլ 'ի Յուսփայ և յօտարաց գրգռեալ՝ սկսան հեռանալ միութենէն, իւրաքանչիւր իր երկիրը կամ գլուխը հոգալով։ Ասով Սմբատայ ամեն ջանքն չյաջողեցան, և վերջապէս յետ շատ առաքինի գործոց և աշխատանաց, իր խորամանկ երդմնադանց անգութ թշնամոյն՝ Յուսփայ՝ անձնատուր եղաւ։ Գերագոյն առաքինութեամբ, իր հպատակները ազատելու համար, և անկէց այլ գերագոյն առաքինութեամբ մը մարտիրոսական քստմնելի տանջանաց համբերութեամբ՝ արեամբ նահապետակուցաւ 'ի վերայ հայրենեացն և սուրբ հաւատոցն (914)։ և իր պապուն նման Թոսփովանու, և այլ փառաւոր անուամբ և իրօք Նահապետի կոչուեցաւ, և նշանագրեցաւ 'ի Յայսմաւուրս և 'ի Հայադիրն՝ յուր մայիսի։

Այսպիսեաց հայր և որդի Մեծն Առք, այսպէս ապրեցաւ, գերազանց քան զանոնք և քան զչառս իշխանաց և Թագաւորաց՝ մեծագործութեամբ, քաջութեամբ, բարեպաշտութեամբ, խոհեմութեամբ, միանգամայն և յաջողութեամբ և փառօք և սիրով ժամանակակցոցն և ապագայից։ Այսպէս գիտցաւ յարմարել խլճին, պատւոյ, ժամանակին և հայրենեաց և ընկերաց օգտին։ Այսպէս ազգայարոյց և ազգակեցոյց անձն եղաւ, արժանի երախտագիտութեան, զարմանաց և փառաց՝ աւելի քան մինչև հիմայ իրեն ընծայուածն։ արժանի Հայոց նախաշար անուանց դասակցութեան, արժանի գիւցամեծար գրուատեաց և կրկնափայլ անմահութեան։

Ո՛րչափ երջանիկ և նախանձելի պիտի գրեմ  
 զքեզ, Հայկակ, եթէ օր մը կամ գիշեր մը, պայ-  
 ծառ արեւ մը կամ տխրախառն լուսին մը լու-  
 սանան քեզի՝ ի Բագարան, Ախուրեան գետոյն  
 պղտոր պտուտից և անարձագանգ կարկաջանաց  
 քով. այն համապիլու ջարդ ու բուրդ քարուցիր  
 աւերակաց վրայ, որոնք միջօրէ ատեն անգամ  
 սեւ ու սուգ կ'երևին, մեծ հնոցէ մը խանգրած  
 միտտած աղիւսներու նման. որոց դիմաց քանի  
 մը ժամ հեռու Անի՝ Թագաւորաց քաղաքն՝ դեռ  
 պարիսպներով և եկեղեցեօքն կիսականգուն կայ.—  
 Բագարան՝ երբեմն չաստուածոց բնակարան, յե-  
 տոյ Բագրատունեաց արքայարան և քնարան՝  
 գետնի հաւասար է. քարերն աւաղ ու մոխիր  
 դարձած, մանրած թոռմած. միայն բերդի նշա-  
 նակ մը կ'երևի քիչ մը բարձր, ծեր ու մէջքը կո-  
 րացեալ պահապանի նման մաշած աշտարակով  
 մը. չորս հինգ եկեղեցեաց պատերու մասունք  
 կան քովերը, մեկ երկու արձանագիր, որոց հնա-  
 գոյնն իսկ մեր Աշոտի մահուանէն դար մը վերջը  
 փորագրած է. եկեղեցեաց մէկին մէջ գերեզման  
 մը կայ, զոր Ս. Գէորգի նշխարաց հանգստարան  
 կ'ըսեն մօտաբնակ ժողովուրդն, և ուխտի կ'եր-  
 թան ու խնդրուածքնին կ'ընդունին. բայց մէկայ-  
 լոց քով այլ կան հնացեալ լուռ գերեզմաններ,  
 միակ կանգուն չէնք Բագարանի, որք և ծածկեն  
 զվեժագոյնն աւերակաց, զանցեալ ազգս մեր նա-  
 իահայորց: Այն սևացեալ շիրմաց մէկը կ'ուզեմ  
 որ համբուրես, վրան գտնելով և չորս դի քարէ  
 քար թուփէ թուփ ալիքէ ալիք հնչեցընելով զա-  
 նունն ԾԵԾՆ ԱՇՈՑ ԹԱԳԱՒՈՐ:



ԺԷ

## ԱՐԳԱՐ ԴՊԻՐ

Հ Ա Յ Տ Պ Ա Գ Ր Ո Ւ Թ Ի Ի Ն

Եթէ մտածութիւնը բերնով բացատրելն, այս ինքն խօսիլն, աստուածատուր և բնաձիր պարզ և մը չըլլար մարդուս, անշուշտ զայն հնարող և աւանդող մարդն՝ գերագոյն մարդ պէտք էր սեպուիլ, և յամենայն ազգաց և ժամանակաց պաշտելի և պատուելի ըլլալ։ Անկէ ետև պատուելի և երախտելի համարելու է զխօսքը մնայուն ընողը՝ նիւթական կերպով մը, որ է Գիբն, և իրաւամբ այլ մեծ և աստուածական պաշտօն ընծայած են նախնիք իւրաքանչիւր ազգաց՝ իրենց մէջ գիր և դպրութիւն հնարողաց։ որպիսի էր կամ կու կարծուի մեր հին նախնեաց մէջ՝ Տիբ՝ հայրն և աստուած դպրութեանց, որ Յունաց և Եգիպտացւոց Եռամեծ Հերմեսի հաւասարի և համեմատի։ Իսկ քրիստոնէութեան ատեն մեր նոր գրոց հեղինակն՝ Ս. Մեսրոպ պամենուն յայտնի է թէ ինչպէս երախտագիտութեամբ և փառօք ճանչցուած և պաշտուած է յազգէս՝ յեկեղեցիս և յուսումնարանս։ — Եւ եթէ յետ այս մեծարդիւն գրագիւտ մարդկան՝ պատուոյ և երախտեաց կարգը՝ մէկու մը տալու ենք, անշուշտ այն մէկն է՝ գրութիւնը շուտ և շատ ծաւալել հնարողն,

որ է Տպագիրն: Այս այլ յայտ է, թէ Եւրոպացիք՝ յառաջագէմքն՝ ի գրականութեան, ինչ պատիւ և շնորհակալութիւն կ'ընծայեն Կուղգէմպերկի, որ իրենց մէջ համարուի հեղինակ տպագրութեան, թէպէտ և Զինք յամենայնի հնապանծք (և շատ բանի մէջ իրաւամբ), այս գիւտս այլ իրենց սեփականեն. բայց ընդհանուր աշխարհս չորս դար է՝ որ այս մեծ պարգևս կու վայելէ, Սդրազպուրկի գերմանացւոյ մը երկայնամիտ հանճարովը:

Մեր Հայոց Կուղգէմպերկն ո՞վ եղած է, այսինքն առաջին անգամ հայերէն գրեր ձուլող ձևող և գիրք տպող, դեռ ոչ բոլորովին բացայայտ խնդիր մ'է. զոր արգէն լսած ես<sup>1</sup>, Հայկակ, և գիտես որ ամբողջ հայերէն գիրք տպագրելէն առաջ՝ քանի մը եւրոպէացի բանասիրաց գրոց մէջ ժձ գարուն կիսէն առաջ ալ երեցած են հայերէն այբուբենք կամ քանի մ'երես բան, որ միայն նախընծայ անհարթ փորձ մը կրնան սեպուիլ տպագրութեան. իսկ ամբողջ տպագրեալ հայերէն գիրք մը, թուի թէ Կուղգէմպերկի գիւտէն հազիւ գար մը ետև եղած է, թէպէտ և դեռ անծանօթ է տպագրութեան տարին և տեղն և հրատարակողը:

Տեսած եմ գիրք մը, որուն համար թէ և չեմ կրնար ըսել բացարձակ առաջին տպագրութիւն, այլ ծանօթ տպագրութեանց նկատմամբ կրնայ ըսուիլ առաջին, կամ ամենէն հին ծանուցեալ տպագիրք, երեք դարէ աւելի հին. որոյ տպագրութեան տեղւոյն և անձին չյիշատակուիլն (գոնէ հիմայ գտուած օրինակաց մէջ) գուցէ խորհրդով և զգուշութեամբ եղած ըլլայ. որովհետև առաջնութեան և հնութեան, նաև հրատարակման անարժան գիրք մ'է, և ձախ ձեռքի

<sup>1</sup> Բազմավէպ 1850 թվին, երես 230:

մը չօրհնած ընծայ կրնայ սեպուիլ. գիշերուան ծնունդ քան տունջեան. և եթէ ներեւի է մեր հեթանոս հարց կամ Պարսից լեզուովը խօսիլ, խաւարասէր Ահրմէն մ'է որ կ'աճապարէ՝ ի դուրս գալ նախ քան զանուշահոտն և լուսաւոր Որմիզդ, որպէս զի յափշտակէ մըտաց վըայ տիրապետութիւնը. սակայն լոյսն և բարին թէ և քիչ մը յետոյ գայ՝ կու յաղթէ չարին և խաւարին <sup>1</sup>:

Արդ մեզի ծանօթ և հասարակօրէն հռչակեալ առաջին հայերէն լուսաշնորհ և լուսածնունդ տպագրութիւնն՝ եղած է յամի 1565, ամբողջ երեքհարիւրամեան շրջան մ'առաջ, որով և չորրորդ դարագլուխ է այս տարիս <sup>2</sup>, արժանի յիշատակաց և տօնելի (գոնէ) վասն տպագրաց ազգիս, ըստ սովորութեան եւրոպեայց, որք չեն զանց առնուր իրենց պատմական, կրօնական և ուսումնական երևելի յիշատակաց գարագարձը տօնախմբել:

Ելլենք ասկէ 300 տարի առաջ, մանեկք մտօք ժՁ դարուն կէսը, քննենք զերեսս աշխարհի և զխորս հայրենեաց մերոց: — Ի՞նչ նորութիւն և

<sup>1</sup> Այս գիրքս է Աղեարտ՝ կիսէն աւելին, միւս մասն Բժշկարան. թէ զարգացուի թէ հասարակ գրերուն ձևն, թէ ձեռքով գրուած քանի մը բառերն՝ ցուցնեն հնութիւնը. զոր և աւելի հաստատէ անվարժ ձեռքի գրուած մ'ալ իմ օրինակիս մէջ. « Ի ի վիճ ՌԱ », որ է 1552. 13 տարի յառաջ քան զԱրգարեան տպագրութիւնն: Գիրքն 24 թերթ է ութածալ, 16 հարիւրորդաչափ երկայնութեամբ, և միայն թերթից թիւն ունի հայերէն այբբենով և ոչ իւրաքանչիւր երեսաց. վերջին իջին վըայ տպագրած է ըստ հին եւրոպական տպագրոց Ա, Բ, և այլն, մինչև ԻԴ, և կարմրագիծ լատինատառ նշանակ մը որ կ'երևի տպագրատանը, և կըրնայ կարծուիլ որ գիրքն տպուած ըլլայ ինչուան ժե գարուն վերջերը:

<sup>2</sup> 1865.

սկիզբն նորութեանց յԵւրոպիա. ինչ յուզմունք, այլայլութիւնք, յեղափոխութիւնք, վէճք, քննութիւնք, ժողովք, կռիւք, միաբանութիւնք և հերձուածք՝ վասն հաւատոց, նորաղանդ վարդապետութեանց, և բողոքարկու պահանջմանց: Պատմագէտ, փիլիսոփայ և աստուածագէտ պէտք է ըլլալ չափով մը, այս մեծ՝ և Եւրոպայի համար հանրական կերպարանափոխութիւնը և ծովածաւալ ծածանումը նկատելու համար. — տեսարան մը՝ որ թերեւ նմանը չէ ունեցած կրթուած և զարգացած ազգաց մէջ. որոյ վերջին պատկեր կ'ըլլայ Եկեղեցւոյ տիեզերական վերջին սիւնհոգոսը (Տրիգենտեան):

Պահ մը դիտելով զայս, դառնանք յարեւել, 'ի մայրն արեւելեայ աշխարհաց, 'ի բուն մեր հայրենիս՝ 'ի Հայաստան... Ինչ խորութիւն խաւարի և լուութեան. ինչպէս աննշան եղեր է այն ընդարձակ և բազմաբնակ աշխարհն, որ իսկզբան բոլոր երկրիս վրայ առաջին նշանն էր, և երկար և կերպակերպ յեղափոխութեամբք գրեթէ բոլոր հին և միջին ժամանակաց մէջ պատմաքննութեան մտադրութիւնը կրնար գրաւել, նաև իրեն պատերազմաց և արեանց ասպարէզ բացուած ատենն. երբ դեռ դիականց և աւերակաց մէջ ալ գտուէին և փայլէին քիչ կամ շատ կենդանի նըշխարք Հայութեան. շունչ մը հայ հոգւոյ, փայլ մը հայ հանճարոյ, գործ մը հայ ձեռին: ... Իսկ հիմայ այս (ԺՁ) դարուս մէջ՝ յետ արիւնակոխ աւերասփիւռ արշաւանաց Լէնկթիմուրի, և պատերազմաց Շահուհի, Ագ և Գարա-Գոյունլու տոհմից, յետ տիրապետութեան Շահ Իսմայէլի 'ի Պարսս, և Օսմանեանց զօրանալով յարեւմտից յարեւելս աշխարհակալելու, — հիմայ՝ թէ և քիչ մը հանգարտ էր Հայոց երկիրն 'ի վրդովմանց կռուոյ և հակառակութեան, սակայն ազգին ինք-

նակացութիւնն գրեթէ խապառ ջնջած կամ ճընշուած, դանդաղամած անշարժութեան մէջ էր:

Թերեւս Հայութեան հիգագոյն դարն է ծն-ծջ դարուց միջոցն. ոչ եկեղեցական յիշատակելի գէտք մը (յետ փոխադրութեան կամ բաժանման կաթողիկոսական աթոռոյ 'ի Սիս և յԵջմիածին), ոչ ապգային քաղաքական երևոյթ մը. և ոչ այլ նշոյք բանասիրութեան կամ գրականութեան, որ թերեւս քան զայլ նշանս՝ երկարատև և յայանագոյն ցոյց է կենդանութեան մեր ազգին: Այո, մատենագրութեան մասամբ այլ, որչափ որ ծանօթ է ինծի, մեր աղքատագոյն ժամանակն է այս. յետ գեղեցիկ փորձոյ և ջանից մեր գրասիրաց ծԳ դարուն, (որ թերեւս հարստագոյն է քան զամենայն դարս գրականութեան մերոյ, եթէ ոչ և ընտրեւագոյն որպէս իրմէ առջինը՝ ծԲ), դեռ ծԳ դարուն մէջ այլ գառւէին հետևողք նուցա, որոց գրուածքն ցուցնեն հայկական իսկութիւն մը. և դեռ ծն դարն ալ մինչև 'ի կէսն ունի քանի մը Գրիգոր և Առաքել, Թովմաս մը, Մկրտիչ Նազաշ մը, Ամիրտովլաթ մը, որք քիչ շատ ջանացած են առաջին դարուց հայ քերգողութե, պատմութեան և բնագիտութեան մուգայից պարտէզները մշակել կիսահարթ գրչով մը: Իսկ անոնցմէ ետև յիշեալ դարուս մէջ՝ և ոչ անոնց հաւասարող մը կ'երևի, և ոչ հայերէն գրական լեզուի յստակութիւն, և ոչ անոր մշակութիւն գրելով ու կարդալով. որոց գիւրութեան հնարքներն այլ նուազեր էին յետ աւերմանց և աւարմանց վերոյիշեալ բռնաւորաց:

Գրեթէ նորանշան գործ մը կամ անձ մը պէտք էր այս վնասը դարմանելու և մեծագոյն վնասէ պահելու գշայս. և եթէ գտուէր այսպիսի մէկն, կարծեմ անտարակոյս և անդանդաղ՝ մեզի այլ պէտք էր ճանչնալ զնա. մեծ և յաւերժայիշա-

տակ բարերար մ'ազգային. մէկ մը յայն ընտրեալ անձանց, որոց անուններն արժան է որ Հայկական երախտեաց տաճարին մէջ առաջին տողին վրայ գրուին:

Եղան, երեցան արգեօք այսպիսի անձ մը. պարգևեցան Հայաստանի այսպիսի այցելու մը. այնպիսի ճարտարագէտ և հանճարահար մը, 'ի միջոց ժամանակին՝ որ յետ վարժապետացն Սիւնեաց վանորէից և նախ քան զՄխիթար Սեբասացին: — Այնքան թանձր է ժամանակին մը թուծիւնն կամ լուծիւնն, որ այս բանս այլ ընդհատ և ընդ ազօա կ'երևի. սակայն հիմայ մեզի այսչափս այլ բաւական է ճանչնալու որ յիրաւի եղած է Հայոց ցանկալի այցելութիւն մը, Տպագրութիւն, և երեցեր է ասոր համար եռանդուն, հնարագէտ, անձնանուէր բարերար մը, ԱՐԳԱՐ ԴԳԻՐ:

Այս գիւտին կամ բարեացնախաշարժ սկզբնաւորութիւնն ինչպէս եղած ըլլալն այլ մեզի դեռ յայտնի չէ. բայց խորհրդաւոր և ոչ աննշան կերպ մը կ'երևի: Ի կէս ԺՁ դարու (յամի 1549) Ստեփաննոս Սալմաստցի կաթողիկոս՝ կու գայ 'ի Հռովմ<sup>1</sup>, (մին յառաջին կաթողիկոսաց Էջմիածնի՝ որ յետ Ս. Լուսաւորչին գայ այս կաթողիկէ եկեղեցւոյ աթոռը). մեծ մտերմութիւն կու ցուցնէ և կու աեսնէ հոն, և զնոյն կու հաւաստէ իր ընտրած աթոռակցին՝ Միքայելի. իբրև ժառանգութիւն մը թողլով ասոր՝ յաջորդութեան հետ՝ զնոյն մտերմութիւն. զոր և սա կ'ուզէ արժարծել յետ տասն և աւելի տարիներու, երբ ժամանակին դիպուածներէն ստիպուած, Վաղարշապատու աթոռը թողեր, եկեր նստեր էր 'ի Փոքր Ասիա, 'ի հռչակաւորն Սեբաստիա. հոն,

<sup>1</sup> Բայնալտի, ԺԴ, 374:

ուր իրմէ 500 տարի առաջ մեծանունն Պետրոս Գետադարձն նստաւ և հանգեալ :

Քաղցր է ինձ այս քաղաքիս յիշատակն . որ հին ատեն Բ Հայոց մայրաքաղաք ըլլալէն , և երբեմն ( 'ի ԺԱ. դարու ) Ոստանի և Վանայ տեղ Արծրունի Թագաւորաց աթոռ ըլլալէն աւելի մեծ , ( Թէ և ոչ ըստ արժանւոյն հռչակեալ ) յիշատակներ և երախտիք ունի առ ազգս , կամ մասնաւոր նախախնամութեան ձիրքեր , զոր յարմար է հարեանցի յիշել այս առթոյն : Քրիստոնէութեան առաջին հալածանաց դարուց մէջ շատ սուրբ նահատակներ ընծայեց Սեբաստիա , որոց անշուշտ մէկ մասն այլ Հայազգի էին . շատ օտար տեղացի առաքելներ այլ՝ հոս ( իբրև յիշխանանիստ քաղաք Հռոմայեցւոց ) գառուեցան և նահատակեցան : — Ո՛վ կրնայ Սեբաստիոյ անուան հետ չը յիշել Քառասուն Մանկանքն , « որք » 'ի Սեբաստիոյ ծովուն զծովածուծի կենցաղոյս » լուծին զվտանգ <sup>1</sup> » : Երբ հալածանքն՝ դեռ ընդհանուր եկեղեցւոյ համար չգաղտած՝ 'ի Հայս գաղտեցաւ , Գր. Լուսաւորչի մը տիեզերական նահատակութեամբ և Տրգատայ մը համաշխարհական հաւատովն 'ի Քրիստոս , մեր առաջին հայրապետն 'ի Կեսարիոյ սուրբ օծութեամբ դառնալուն ատեն , « մնայր ժամանակս ինչ 'ի « Սեբաստիա , հաւաքել զգասս կրօնաւորացն <sup>2</sup> » : Կրնամք ըսել Թէ նորընծայ քրիստոնէահաւատ Հայութեան առաջին դաստիարակաց մեծ մասն՝ 'ի Սեբաստիոյ ընծայեցան . և չեմ անիրաւի ըսելու այլ Թէ Թերևս անկէ 1500 տարի ետև , յետին քաջանշան բարերար և նորոգիչ մը հոգեւոր և մտաւոր հանճարոյ ազգիս՝ 'ի նոյն 'ի Սեբաստիոյ ծագեցաւ , Միխիլաբ Աբեայն : Այս Սեբա-

1 Շարական :

2 Զեհուր :

ստիոյ երկու մեծաձիր լուսաւորիչ և լուսանորոգ հրեշտակութեանց մէջ, իրաւացի կու համարիմ՝ դասել զհեղինակն հայ տպագրութեան՝ Արգար. որ թէ և հայրենեօք մերձաւոր մեծ քաղքէ մ'էր, յԵւդոկիոյ (Թօքադ), այլ ասկէ ('ի Սեբաստիոյ) ելաւ 'ի հրեշտակութիւն, և իր յիշատակաց գործը կատարեց: Եթէ Եւդոկիացիք ուզեն վիճիլ այս պարծանաց համար՝ ես հաճութեամբ հաւանիմ այդպիսի վիճի մը:

Արգար Դոհի իր քաղաքին մէջ առաջուց այլ վկայուած էր խելօքն և ճարտարութեամբ, և անկէ այլ առաջ ազնուական ծննդեամբն. թէ և վաղուց վերցուած էր Հայոց պայազատական ցեղակարգութիւնն, բայց դեռ հիմնակուրնէ աւելի գտուէին և ճանչուէին հին պայազատաց շառաւելքն: Արգարու ծնունդն մեզմէ երեք և կէս դարու չափ կը յառաջէ. իսկ անկէ վեր մինչև 'ի վերջին Թագաժառանգս Աիւլիկեան իշխանազանց՝ հազիւ դար և կէս է. անշուշտ այն առեն, այսինքն 'ի կէս ԺԶ դարու դեռ յայտնապէս տեսնուէին մեր յետին Թագաւորական հարստութեան ցրուեալ և ցանեալ շառաւելքն, ոչ միայն 'ի Աիւլիկիա, այլ Թերևս այլ աւելի յօտար հայաբնակ քաղաքներ. ասոնցմէ մէկն էր մեր Արգարն այլ. Թէպէտ և որ ճրղէ առաջ եկած ըլլալն չէ յայտ: Իր ազնիւ և առհմիկ մարդ ըլլալն՝ արդէն կու վերայէ Միքայէլ կաթողիկոս իր Թղթովն. բայց անկէ աւելին կու գտնեմք իր որդւոյն վրայ եղած յիշատակօքն, որ և իրեն ուղեկից և՛ գործակից էր. և անուամբն իսկ յայտնէր մեծատոհմութիւնը, Սուլթանլահ կոչուելով. զոր և Լատինացիք Թուրի թէ 'ի նոյն նշանակ կոչեցին Մարգանդոնիոյ (Մարկոս-Անտոնիոս): Գոնէ ասորմայրն, Արգարու կիներն, պէտք էր Թագաւորական շառաւիղէ ըլլալ. վասն զի Մաղաքիա Դպիր ժամանակագիր



կ'ըսէ ասոր համար, « իւր (որդւոյն) թագազարմ » Անտոնինոս Սուլթանշահ սարկաւազին » : Եւ յա մին 1583 Հռոմայ մէջ գտուող Հայկազունք՝ նոյն Սուլթանշային առաջնորդութեամբ, որ իրենց իշխան կամ վերակացու անուանեալ էր 'ի Պապէն, և Յովհ. Տէրզնցի տպագրող երիցուն ձեռնարկութեամբ՝ առ 'Իսախան Կաթրիարք Երուսաղէմի գրած թղթերնուն մէջ՝ կ'անուանեն զնա՝ « Մեր » Հայոց իշխանն արքայա-իդն 'ի Հայկ (Հայկ) պարոն Սուլթանշահն » .. և դարձեալ, « արքաազնին » պարոն Սուլթանշահ(ահ)ին » : — Քիչ տարի վերջը (1600) Տէր Բարթուղիմէոս վարդապետ մը որ հոն 'ի Հռոմ Հայոց եկեղեցւոյն հովուապետ դրուէր էր, զինքն կ'անուանէ 'ի յիշատակարանս՝ Աբգարայ ագգէն, և մեր Լևոն Ե թագաւորին մէկ գառնած պարգևագրին վաւերականութիւնը վերայեւով կու գրէ ներքեւը. « Ես Տէր Բարդուղիմէոս Աբգարայի, այս Բագա-որին տէրմանէ, հառտա-տեմ զոր գրեալ է » : — Աւելի որոշ կու գրէ ուրիշ ժամանակագիր մը անցեալ դարուն, նոր անուն մ'այլ յայտնելով Աբգարու. « Պարոն Սէ-ֆէր Աբգարենց, 'ի զարմէ թագաւորացն Հայոց, եկեալ 'ի Հռոմ դեսպան Հայաստանեայց<sup>1</sup> », և այլն : Արդ ասոնք կարծեմ բաւական ցուցնեն թէ Կիւլիկիոյ Ռուբինեան թագաւորաց ցեղէն իջած էր Աբգարեան տոհմը, ուսկից էր մեր 'Իսախան, և Սուլթանշահ և Տէր Բարդուղիմէոսն. իսկ 'ի Հայկայ անուանելն զպայազամն՝ գուցէ ամէն հայ թագաւոր Հայկայ յաջորդ սեպուելովն է : — Եթէ ցեղին ազնուականութիւնն աւելորդ է, կամ մասնաւոր փառք մը չաւելցնէր բարքով աննշան մարդու մը, արդէն գործովը նշանաւոր եղողին՝ կըրնայ նոր և աւելի փայլք տալ. ուրեմն

<sup>1</sup> Ստեփանոս Ռօշքեան 'ի Լէհա :

Թէ ասոր համար հարկ էր մեզի զայս գիտնալ, Թէ մեր ազգային պատմութեանց տեղեկութեան համար: Գանք հիմայ Աբգարու ուրիշ առաւելութեանց վրայ:

Ինքն զինքն Դպիւր կ'անուանէ, որ Թէ եկեղեցական կարգի փոքր աստիճաններ ունենալն կրնայ յայտնել, և Թէ գրող և գրչութեան աշակերտիլն. բայց կ'երևի Թէ աւելի ճարտարութեան արուեստից ետեւէ էր՝ քան պարզ գրականութեան. սակայն յամենայնի ճարտար ճարպիկ մարդ մը ճանաչուած: Աբգարու յաջողութեանց ինքնին վրայ է Միքայէլ կաթողիկոս առ Պիոս Դ գրած Թղթերովն, որոց մէկն միայն լատիներէն հասած է մեր ձեռքը: Յետ հաստատելու իր նուիրակին պատուաւոր և պատուարժան անձն ըլլալը, կ'իմացընէ նաև անոր կերպ կերպ ճարտարութիւններն այլ. և նախ հնարագիտութիւնն 'ի գրել և կարգալ ծածուկ. և խորհրդաբար գրուածներ, ինչպէս էր ինքնին կաթողիկոսին առջի գրածն այլ և ուրիշ գրելիքն այլ, զոր բաց յԱբգարու չէր կրնար ուրիշ մը կարգալ: Դարձեալ կ'իմացընէ՝ որ յերկուց ձեռաց այլ հաւասար յաջող էր Աբգար, ինչ որ աջովը կրնար՝ զնոյն նաև ձախովն կարող էր ընելու: Ուրիշ աւելի բարձրագոյն յաջողութեան և ճարտարութեան մ'այլ վկայէ կաթողիկոսն, որ ինծմէ այլ բարձր կամ անհասկանալի մնայ առ ժամն<sup>1</sup>: Այս Թուղթս գրած է Միքայէլ կաթողիկոս յամին 1563, (ապրիլ 1) յիշեցընելու և ստուգելու համար որ անկէ առաջ նախընթաց տարին (1562 մայիսի 20) երկու երկար գիր գրեր և յանձներ էր առ Աբգար, գլուխ դնելով զնա իր պատգամաւորաց առ

<sup>1</sup> Այսպէս կ'ըսէ 'ի լատիներէն Թղթին. Scit superiora elementa prisca, nisi tantum ipse, qui ea etiam docebit.

Ս. Պապն. մէկ Թուղթն ընծայական կամ յանձնարարականն էրնոյն Արքարու համար առ Պապն, որոյ ձեռքով ընծայ կու խաւրէր առ քահանայապետն՝ օրհնեալ մեռոն անուշահոտ, Թանկ խաչ մը և նշխարք սրբոց. իսկ միւս Թուղթն որ բուն այս դեսպանութեան նպատակն պիտի յայտնէր, դեռ յերևան չէ ելած: Բայց անտարակոյս է որ մասամբ հաւատոյ դաւանութեան և միաբանութեան վրայօք էր. մոնաւանդ որ այն տարիները Տրիտենգեան տիեզերական Ժողովը կ'ըլլար, անհաւանական չէ որ Հայաստան ալ հեռուստ համաձայնած ըլլայ ընդհանրական եկեղեցւոյ հետ՝ այս անգամ այլ: Թղթոյն մէկ նպատակն այլ՝ (որ առ այժմ հոս մեզի աւելի հետաքննելի է) Թուի Թէ այն գործոյն համար էր, որոյ ձեռք զարկաւ Արքար, և որոյ համար այսօր այլ մեզմէ կու հռչակուի:

Արդ այս Թղթերով և ընծաներով, հետն առած իր Սուլդանշահ որդին, Աղեքսանդր անուամբ քահանայ մը, և Թերևս ուրիշ անձեր այլ, ելաւ Արքար ի Սեբաստիոյ երթալ ի Հռոմ. ուր շատ ուշ հասաւ, յամին 1564. որ Թուի Թէ ոչ միայն ճամբու արգելանաց համար ըլլայ, որովհետև կաթուղիկոսն լուր և պատասխան չառնըլով վերոյիջեալ գիրն այլ գրեր և հասուցեր էր առ Պապն (1563). այլ գուցէ Արքար լսեր էր Սրբազանին մեծ և կարեւոր զբաղանքը, որ ամենայն ջանքով և շուտով յառաջ տանելով կ'ուզէր կնքել Տրիգենտեան յերկարեալ Ժողովը, ինչպէս որ յաջողեցաւ այլ ընելու, և մեծ գոհութեամբ հանգչելով յաթոռն սուրբ՝ կ'ըսէր. Արդ արձակեա Տէր զծառայս քո: Բայց գործ մ'այլ կայ եղեր իրեն տեսնելու՝ մեր հայրենեաց նկատմամբ, և այս էր գործն Արքարու:

Հասաւ սա ի Հռովմ յամին 1564, և մատոյց

առ Պիոս Դ բերած Թղթերն և ընծայքը. և խմացաւ որ կաթողիկոսն նոր Թուղթ այլ գրեր է, յորում գարձեալ կ'ազաչէ զՍ. Պապն՝ որ մեծաբանօք ընդունի զԱբգար և գեսպանօրէն պատուէ զնա. ցուցնել տալով անոր՝ ինչ որ սրբութեանց և արուեստից հրաշարի տեսնելիք կան 'ի Հռովմ, և յետոյ պապական Թղթով և նուիրակով յետ գարձնէ: Անշուշտ այս խնդիրքս գոհարար կերպով կատարեցան: Պիոս հաճութիւն ընդունելով Միքայելի առաջին Թուղթը, և իբրև յաւելուած մը սեպելով իր եկեղեցւոյ պայծառութեան աշխատանաց և փափաղին, աւելի երկար և պարզ գաւանդութիւն մ'ուղեց Սրբաբայ՝ Հայոց եկեղեցւոյն վարդապետութեան և քրայօք: Աբգար կատարեց Պապին խնդիրը՝ իր ճանչցածը բացատրելով չափաւորապէս: Այս բանիս համար անկէ ետեւ եղածը Թողունք պրոպետել մեր եկեղեցական պատմութեան, որ մութ մնացած է այս տեղ. բայց այսչափս հարկ է ըսել, որ տարւոյ մը քափ Աբգարու մատուցէ 'ի Հռովմ' երկու կողմանէ այլ քննութիւն և հաւանութիւն եղած պիտի ըլլայ. որովհետև Աբգար ընտանութեամբ խնդիրքներ ըրած և առած է 'ի Պապէն, ինչպէս ինքնին նշան կու տայ իր առաջին տպած գրոց մէջ. և զի իր Գրափոքորին, ինչպէս թիւն կ'անուանէ, հոն Թողուց որ սովորի լաւ խալ և լատին լեզու, և որ 20 տարի վերջն այլ յիշուի հոն 'ի Հռովմ. ուր և արգէն հոն գտուած Հայոց՝ վերակացու և իշխան գրութեցաւ 'ի յաջորդաց Պիոսի, ընդունելով ազգին համար սեփական հիւրատուն մը, և եկեղեցի մը՝ Ս. Մարիամ Եգիպտացոյ, փոխանակ հին տան և եկեղեցւոյն (Ս. Աստուածածին և Ս. Լուսաւորիւ) որ մեզմէ վեց դար այլ յառաջ յիշուին 'ի Հռովմ' մօտ 'ի մեծն եկեղեցեաց՝ 'ի Ս. Պետրոս:

Հոգևորական գործը լմնցընելով, կամ անոր հետ մեկտեղ՝ սկսաւ Արքար իր մեծահաջակ ուսումնական գործը, այսինքն է հայերէն տպագրութիւնը: Այս լուսաւոր ծննդեան երկոււնքն կամ խորհրդածութիւնն՝ արդեօք Արքար իր հայրենի երկրէն և կաթողիկոսին հաւանութեամբ հետը բերեր էր, թէ 'ի Հռոմ՝ գալով միտքն արծարծեցաւ, մեզի յայտնի ըսած չէ. բայց ինչպէս առաջ այլ ըսի՝ կ'երևի թէ արդէն այսփափագովս եկած էր Արքար 'ի Հռովմ, և թերևս կաթողիկոսին մթին խօսքերն՝ ասոր այլ ազնարկեն: Իսկ այս ամենայայտնի է որ ծանօթ հայ տպագրութեան երկոււնքն եղաւ 'ի Հռովմ, ծնունդն 'ի Վենետիկ: Հայն իր լուսաւոր կենաց նախնական և գլխաւոր օժանդակները՝ միշտ մեծ և հրաշալի կերպով մ'ընդունած կարծէ և պարծի. այսպէս՝ սուրբ հաւատքը, տումարը և գիրը. այսպէս այլ իր Գեղարուսիանն նախախնամական և սրբազան կերպարանք մը կ'առնու. Արքարու ձեռքով կամ ճարտարութեամբ. որ յիշաւի արժանի է մտադրութեան անոնց՝ որ պատմութեան, և մանաւանդ մտաւոր պատմութեան մէջ՝ աստուածային ուժը կու տեսնեն նախացուցակ:

Արքա մեր առաջին ծանօթ տպագրեալ գրոց (Սաղմոսին) առաջին յիշատակը. «ի Թվականիս Հայոց ՌՅԴ (1565) ամին ես Թոքաթցի Արքար » Իպիրս, խնդրեցի զայս նոր գիրս 'ի Հռոմ 'ի Պետ » ըռ (Պիոս) փափուն. և երեստ հրաման շինելու. » բարեխաւատութեամբ, այս կարտինալացս և այս » եպիսկոպոսն. և իմ գրայմիտ Սուլտանշա որ » դուս »: Յիշած կարտինալներն են երեք, և եպիսկոպոս մը, որոց կերպարանքն և անունն ձևացուցեր է փորագրեալ փոքր պատկերի մը մէջ գրքին մէկ կէս երեսին վրայ, որոյ տակն այլ տըպագրած է յիշատակարանը. պատկերին մէջ տես-

զը բազմեցնելով զՊիոս Դ եռակարգեան խուրո-  
վը. ձախ ձեռքը պետրոսեան բանալիքն, աջովն  
այլ օրհնելով նորընծայ հայ գրերը՝ զոր Արքաոր  
'ի Ծուռնկ իջած ներկայացրնէ Պապին. և որդին  
Սուլտանշա յոտք կեցած՝ իբրև հօրը Թարգման՝  
խնդրէ օրհնութիւն և հրաման մտցընելու և ծա-  
ւալելու 'ի Հայս՝ այս մասաբացութեան կարևոր  
հնարքը: Այն կէս Թաթաչափ փոքրիկ, խոշորա-  
գիծ պատկերին մէջ այնչափ բան և իմաստ բռ-  
վանդակելն՝ յիրաւի ցուցրնէ Արքարու գովեալ  
հնարագիտութիւնը և մեծցընող ու փառաւորող  
ձեռքն ու միտքն. — ինչո՞ւ չըսենք Թէ նաև սիրտն  
ու հոգին:

Պատկերին ցուցած եօթն անձանց մէջ՝ յետ  
Արքարու և որդւոյն՝ մեզի և հասարակաց հա-  
մար նշանաւոր անձն՝ 'ի հարկէ հոն բազմաւն և  
գլխաւորն եկեղեցւոյ՝ Պիոսն է, որ իր կենաց և  
շատոնց բաղձալի ու մեծ ու գթար գործը գեռ  
նոր վճարած (Տրիգ. Ժողովը), և իր անմահու-  
թեան յիշատակին նախափայլ ճառագայթներու-  
վը՝ մնացած քանի մ'ամսական կենացն շուրջ ծած-  
կելու միջոցին մէջ՝ այս մեր հայերէն ապագրու-  
թեան սկզբնաւորութիւնը օրհնելով կամ օրբա-  
ղանելով՝ յիրաւի կ'առնու և կու տայ վսեմական  
կերպ և իմաստ մը: — Ոչ պակաս վեհ և աւելի  
սիրելի է հասարակաց՝ մէկ ուրիշ անձ մ'այլ՝ կար-  
տինալական ձևովն անմիջապէս Պապին քովն կե-  
ցած. որ և նոյն իսկ սրբազանին քեռորդին էր,  
գեռ ան առեն 26 տարուան, բայց արգէն արքե-  
պիսկոպոս Միլանու, և ծիրանաւոր պալատան  
Հռոմայ՝ Կզնուականն Ծննդեամբ և ազնուագոյնն  
մահուամբ Ս. Կարլոս Պարմէոս. որ գեռ սըր-  
բութեանը պէս՝ բաղմակերպ մարդասէր բարե-  
բարութեամբքն՝ ծանօթ և հռչակեալ է ընդ ա-  
մենայն Իտալիա և բոլոր բարեպաշտ Եւրոպէ:

Այսպիսի անձի մը՝ մեր հայերէն տպագրութեան իբրեւ պաշտպան կամ կնքահայր գտուիլն, կու յիշեցընէ՝ ինչպէս ինծի՝ անշուշտ քեզ այլ, Հայկակ, Թօսնակին եկեղեցւոյ կամ անոր նման անձի մը յիշատակը՝ մեր հայերէն գրոց կամ Թարգմանութեան գիւտին նկատմամբ։ — Ի մեծ գրատան Միլանու կայ օրինակ մը մեր տպագրոց անգրանկին՝ Արգարու սաղմոսին, որ և մի միայն հոն գտուի (ըստ իմ գիտութեանս)։ և այն օրինակն է՝ զոր անշուշտ մեր Արգարն ընծայեր է առ սուրբ Միրանաւորն, և նա այլ Թողեր է գրաւ տանը. — եռապատիկ ցանկալի՝ յիշատակ և գործոյն, որ կրնայ կենդանի արձան մը սեպուիլ այս ըսածներու արգարեան նորընծայ տպագրութե վրայոք, և պաշտելի նշխար մը այն գործոյն, զոր ոչ միայն Արգար՝ այլ և նախնականութիւնն, (հոս ալ ետք է զայս խոստովանիլ), արգարե կերպով մը սրբազանել ուզեր են։

Արգար այսչափով գոհ չըլլալով՝ կ'ուզէ աւելի փառաւորութիւն մ'այլ ընծայել իր հայկական տպագրութեան ծագման. ոչ միայն եկեղեցական այլ և քաղաքական հովանաւորութիւն մը կու ձգէ վրան. — Ժամանակին նշանաւոր և յարեւել ծանօթագոյն եղած տէրութեան մը պաշտպանութեան տակ, Վենետիոյ հասարակապետութեան։ Վերոյիշեալ պատկերին դիմաց՝ նոյն չափով կու ներկայացընէ ուրիշ մը. հանդիսական դահլիճ մը, Վենետիոյ պաշտպան և նշան Ս. Մարկոսեան ու կեթեւ առիւծն՝ վերակարգեալ ի վերայ արքունի դահուն, ուր բազմի այն ատենուան դուքսն Հերոնիմոս՝ իր հանդիսի հագուստովն. երկու կողմն իրեք իրեք ատենակալ նախն իրենց լայն լօգիկներով պատած, որպէս Թէ կարելոր խնդիր մ'ընեն նաւախու մը մ'արձրկելու և իրենց առիւծագլուխ գրօշները Թուցընելու Յոնիականի կամ

Արքիեպիսկոպոս Վրացի... բայց մեր ճարտարագիւտն Արգար՝ անոնց մտադրութիւնը կու գարձընէ իր նորաձոյլ հայկական տառից վրայ: — Կու ներկայանայ գահուն աստիճանաց վրայ, ինքն այլ իր լայն վերարկուան, զնոյն խնդիրն ընկելով ինչ որ բրաւ Պապին: Մերունի և մօրուանի ատենակալաց և դքսին ծովային աչքերն՝ սուր սուր կու սեւեռին Արգարէն աւելի (որոյ ազգն և ձեն շատոնց իրենց ծանօթ են), անոր ցուցած և անծանօթ գծած ձևերուն վրայ, և թերևս կարծեն թէ անոնք նոր մոգական բանալիք մ'այլ ըլլան իրենց՝ արեւելքի ճամբաներն աւելի բանալու: Այս պատկերին ներքե կու գրէ Արգար. « Եւ ե » կեալ ի գեղեցիկ նաւայհանկի(ս)տ մայրայքա » զաքն, որ կոչի Վանատիկ, 'ի թագաւորութեանն » Երեւմոնն Թուռին: Եւ շինեցաք զայս նոր գիրս, » և զաս փորր Մեկնիչս ստղմոսացս: Հոս այլ տարւոյն թուականն նշանակելով դքսին պատուանդանին վրայ, այսպէս M. D. L. X. V. որ է 1565: — Ասով յայտնի կ'ընէ Արգար, որ 'ի Հռոմերկնեալ հայկական տառերը՝ ձուլեց ծնաւ 'ի Վենետիկ. և մէկէն ձեռք զարկաւ անոնց նախընծայ զուգաւորութեամբ՝ բազմացընելու այն գիրքը, որ և կ'ըսուի թէ նախ քան զայլ սուրբ Գիրս հայերէն թարգմանուած է, Սաղմուց. զոր թերևս վերնագրացը համար՝ Մեկնիչ ստղմոսաց կ'անուանէ:

Յետ այս անդրանիկ տպագրութեան ուրիշ գրոց ծնունդք այլ եղան 'ի Վենետիկ. — չեմ գիտեր. հաւանակոն է որ Արգար ուրախութեամբ լցուած իր փորձին և յաջողութեանը վրայ, իբր յաղթանակաւ և աւարաւ նաւեց փութացաւ 'ի մեծ քաղաքն (Կ. Պօլիս), որ այն ատենէն մինչև հիմայ ազգերնուս մեծագոյն բարգաւաճանաց ժողովարանն և կեդրոնն եղած է. ուր և բոլոր Ս.



մանեան տէրութեան մէջ ազգը ներկայացընող  
կու ճանաչուէր՝ հիմկու պէս՝ Պատրիարքն Հայոց։  
Ասոր այլ ներկայացուց Աբգար, յառաջ քան  
Թէ կաթուղիկոսին, իր գիւտը և անոր երախայ-  
րիքը. և շուտով տպագրատուն մը հաստատելով,  
և անշուշտ առաջին տպագրատունն Կոստանդիա-  
նու և Օսմանեան տիեզերական մայրաքաղաքին  
մէջ՝ տպագրեց յամի 1567, գրականութեան ա-  
ռաջին հարկաւոր գիրքը, Քերականութիւն. որոյ  
համար կ'ըսէ մեր յետին դարուց ժամանակա-  
գիրն (Մաղաքիա) այլ մեծաբանութեամբ և այ-  
լաբանութեամբ. « Ի հայրապետութեանն Հայոց  
» տէր Միքայելի ԻԱ ամի կաթուղիկոսութեանն,  
» 'ի մայրաքաղաքն Կոստանդնուպօլիս, յերկրորդ  
» ամի Թագաւորութեանն Օսմանցւոց սուլթան  
» Սէլիմի, և 'ի չորրորդ ամի պատրիարքութեան  
» տէր Յակոբ րաբունապետի Կոստանդնուպօլ-  
» սոյ, առ ոտս Յովանէս եպիսկոպոսին, ընդ հո-  
» վանեաւ սուրբ Նիկողայոս եկեղեցւոյն Հայոց,  
» եղև սրամիայ, այսինքն պատմայ գիր. և տպեցաւ  
» թոգ քերականութիւն ազայոց, ձեռամբ անարժան  
» կնքագիր դպրի և մերս Յովթորին »։ Հոս բնիկ  
անունը լռելով Խոսկի Դպիր կ'անուանէ զԱբգար,  
գուցէ այսպէս կոչելով մեր հիմայ Խոսկի Ըսա-  
ծը. իսկ Յովթոր անուամբ, որ Մովսէս մարգա-  
րէին աներոջ անունն է, կ'ուզէ նշանակել, Թէ  
անոր պէս այլ Աբգար ճամբայ ցըցուց իր ազգին  
գլխաւորին՝ զազգը դիւրաւ կառավարելու կամ  
գատելու։— Բայց հետևեալ տարին՝ աւելի պարզ  
և յայտնի կու խօսի տարեգիրն. « ԹԺԷ (1568-9)  
» 'ի Կոստանդնուպօլիս նոր ստամբայ գիր սահ-  
» մանեցին, 'ի հայրապետութեան տնօրէն Մի-  
» քայելին Էջմիածնի, և 'ի պատրիարքութեան  
» Կոստանդնուպօլսոյ տէր Յակոբին, ընդ հովա-  
» նեաւ սուրբ Նիկողայոս եկեղեցւոյն. ձեռամբ

» Խորվիրապցի Առաքել Աբեղային, արհեստագոր-  
 » ծուլթեամբ Աբգար դպրին, և իւր Անտոնինոս  
 » Սուլթանշահ սարկաւազին, որոյ գրովքն տպեալ  
 » Տօնադոյցս յառաջ բերին » : Այս տօնացոյցս ես  
 չեմ տեսեր, բայց ձեռքս հասեր են անոր ընկե-  
 րակից և ժամանակակից ուրիշ եկեղեցական գրք-  
 քեր, մասամբք, այսինքն Ժամագիրք, Պատարագ-  
 ֆապոյց, Մարտոյ. որոց սկիզբն և վերջն պակասի,  
 բայց գիշերային ժամու վերնագրէն յառաջ ե-  
 րեսի մը սկիզբը յայտնապէս կայ. (տպա) «գրե-  
 » ցաւ Աղաւթ մատուցս Թվին. Ռօն ասորիւ. Ին » .  
 որ է 1569ին ասորիւր :

Սաղմոս, Տօնացոյց, Ժամագիրք, Պատարա-  
 գամատոյց, Մաշտոյց, կու պահանջեն զԱւետա-  
 րանն այլ, որոյ անգրանիկ արգարեան տպագրու-  
 Թիւն գեռ յայտնուած կամ յիշուած չէ. բայց  
 գրեթէ անտարակոյս կ'երևի, լեցընելու եկեղե-  
 ցական գրոց առաջին գասը : Քերականութիւնն  
 այլ հիմն և սկիզբն կ'ըլլայ. մեր նախնեաց խրա-  
 տական և գիտնական գրոց, միանգամայն և գլխա-  
 րոցական գրոց. որոց կարգը կամ ծնունդը փնտը  
 ուիլ, Թէ դժար և Թէ աւելորդ. կու սեպեմ հոս :  
 Բաւական ըլլայ քեզ, Հայկակ, Ճանչնալն զԱր-  
 քար՝ ինչպէս հեղինակ հայերէն տպագրութեան,  
 նոյնպէս այլ սկզբնաւոր հրատարակման Թէ հո-  
 գեւոր Թէ մտաւոր գրոց մերոց : Այսչափս այլ  
 որ Թերեւս Արգարու վաստակոց մէկ փոքր մասն  
 է, շատ ըլլայ մեզի իր մեծ մտածութիւնը, աշխա-  
 տանքը, ջանքը, փորձը և յաջողութիւնը յաղթող  
 և փառաւոր ցուցընելու : Եւ եթէ մեր նախ յի-  
 շեալ միջին ժամանակաց լռութիւնն կու ծածկէ  
 մեզմէ իր վաստակոց ուրիշ մեծ կամ փոքր մա-  
 սերն այլ, կամ իր ծովայածուկ և նոր կղզի գտնող  
 նաւորդի մը պէս յաղթողակերպ դարձն յետ բազ-  
 մամեայ պանդխտութեանն՝ առ կաթուղիկոսն Մի

քայէլ և 'ի հայրենիս իւր, կամ իր վերջին կենաց դիպուածքը, (որոյ առջինէն՝ կամ բոլորէն այլ հազիւ վեց կամ եօթն տարւոյ յիշատակ միայն աւանդեր է, (դոնէ իմ հիմայ գտածս)․- այսչափս, կ'ըսեմ, առ այժմ բաւական սեպեմք ճանաչելու զԱբգար Դ-ի՛ն՝ մեր ազգային բարերարաց և մեծագործաց և մեծ շնորհակալեաց արժանաւորաց՝ մէկ մը:

Թողունք հիմայ մեր բազմացեալ տպագրողաց և տպագրապետաց մտաց և սրտին զգացման՝ հռչակելու զյիշատակ իրենց առաջնորդին, 'ի Զորհրդ Դարձաբի Կաթողիկոսեան Հայոց․ մեր կողմէն փափագելով որ այսպիսի ջանքով, հանդիսաւորութեամբ և սրբազնութեամբ մը սկսեալ կամ շնորհեալ արուեստն՝ առ ազգս մեր, հիմայ յաճախութեամբ գրոց և տառից և մամլոց՝ չանարգուի խորթ ծննդեամբք․ այսինքն հրատարակութեամբ այնպիսի գրուածոց՝ որ կրնան քճքճել և փճացընել աշխարհքիս հնագոյն ազգի մը պատկառելի նահապետական պատուոյ քօղը, որ և ազգիս պանծալի և ազնուագոյն մնացեալ շնորհաց մէկն է:






## Յ Ա Ն Կ

Ա. Նախաբանն առ Հայկակ . . . . .	1
Բ. Բնախօսութիւնն Հայ. աշխարհի . . . . .	21
Գ. Հայկայ շրջան . . . . .	76
Դ. Յանուարի 6 'ի Հայ. . . . .	105
Ե. Զապել . . . . .	120
Զ. Գերեգարձ Գ Լեւոնի . . . . .	162
Է. Սկիզբն տարւոյ և մարդկութեան 'ի Հայս. . . . .	183
Ը. Բագրևանդայ կռիւն . . . . .	197
Թ. Ս. Թէոդորոս Սալհունի . . . . .	216
Ժ. Կարմիրն վարդան . . . . .	239
ԺԱ. Ստեփանոս Սիւնեցի և Սահակդուխա . . . . .	270
ԺԲ. Տօնք նաւասարդի . . . . .	293
ԺԳ. Ս. Սահակ Պարթեւ . . . . .	311
ԺԴ. Հոգեփայլ սայլք հայոց . . . . .	353
ԺԵ. Շուշան-Վարդենի , . . . .	373
ԺԶ. Աշոտ Ա. և Հայաստան հազար տարի առաջ . . . . .	405
ԺԷ. Աբգար դպիր. հայ տպագրութիւն . . . . .	518

















This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



02. 1974<sup>n</sup>(2

Alishan









ՅՈՒՇԻԿՔ

ՀԱՅՐԵՆԵԱՅ ՀԱՅՈՅ

Ի Հ. ՂԵՒՈՆԴԷ Մ. ԱԼԻՇԱՆ

Վ. ՄԽԻԹԱՐԵԱՆ

---

ՀԱՏՈՐ Բ.

---



Ի Ս. ՂԱԶԱՐ ՎԵՆԵՏԿՈՅ

—  
1869



**ՅՈՒՇԻԿՔ**

**ՀԱՅՐԵՆԵԱՅ ՀԱՅՈՑ**



# ՅՈՒՇԻԿՔ

ՀԱՅՐԵՆԵԱՑ ՀԱՅՈՑ

Ի Հ. ՂԵՒՈՆԴԷ Մ. ԱԼԻՇԱՆ

Վ. ՄԻԻԹԱՐԵԱՆ

---

ՀԱՏՈՐ Բ.

---



Ի Ս. ՂԱԶԱՐ ՎԵՆԵՏԿՈՑ

1870

UNIVERSITY OF  
MICHIGAN  
TO ACCESS

# ՅՈՒՇԻԿՔ

## ՀԱՅՐԵՆԵԱՑ ՀԱՅՈՑ

ԺԸ

## ԽՕՍՆԱԿՆ ԵԿԵՂԵՑԻՈՑ

## ՅԱՆԱՊԱՏՍ ՀԱՅՈՑ

27 Յանուարի

Ա

Պայծառ հոգի, զօրաւոր միտք, եռանդուն սիրտ, անվեհեր կամք, քաջաբան լեզու. — այսպիսի էր Խօսնական Եկեղեցւոյ, Խօսնական գերագոյն: Իր ամենէն սրտանց ըսածն, իր առաջին և վերջին միմունջն, իր երգոց երգն էր, « Փառք քեզ, » Աստուծոյ յաղագս ամենայնի խառք քեզ »: — Ասորւոց դաշտաց մէջ բացուեցաւ. Յունաց կայսերական մայրաքաղաքին մէջ, 'ի վերայ երկթերթի շրթանց Վոսփորոնի' ընդարձակեցաւ. 'ի հովիտս և յանապատս Հայոց ամփոփեցաւ, բիւրաբարբառն այն ՈՍԿԻ-ԲՆՐԱՆ: Եւ յեա այնքան անթիւ անգամ կրկնելու զնոյն ձայն, զնոյն երգ, անգամ մ'այլ հնչեց սրտառուչ, և լռեց:...

Լձե՛ց այն «հաշտկաւոր բարբառն՝ որ եւ ընդ  
 » ամենայն աշխարհս:... Քաջաձայն նուագն ե-  
 » կեղեցւոյ՝ որ յորդորեաց զմանկունս նոր Սիո-  
 » նի յօրհնութիւն աստուածութեան. գործա-  
 » րան քնարն Հոգւոյն սրբոյ, որ 'ի սաղմոսելն  
 » իւրում հալածեաց զլեզէոնն դիւաց: Տասնա-  
 » զի միաւորեալք զգայարանք շնչոյ և մարմնոյ,  
 » որ միացեալ միաւորեցաւ սիրով 'ի յերգս երկ-  
 » նաւոր Թագաւորին: Անթուլանալի լարապըն-  
 » գեալն միաձայնութեամբ՝ որ հարսնացոյց զե-  
 » կեղեցի 'ի միաւորութիւն սուրբ փեսային:...  
 » Գործասէր և քաղցրագործ մեղուն, որ 'ի  
 » խորըսխէ աշխատութեան իւրոյ՝ քաղցրացոյց  
 » զեկեղեցի սուրբ:... Փերագոյնն և գերահրաշ-  
 » միաքն, որ զանհասանելի իմաստութիւնս հին  
 » և նոր կտակարանաց՝ յինքն ամբարեաց:...  
 » Նմանակիցն և անուանակիցն պատուականու-  
 » թեանն ոսկւոյ, որ զամենեւեան հարստացոյց  
 » 'ի փարթամութիւնս անապական գանձուցն:...  
 » Մեծն այն և ոսկէզարդ լեզու... (որ) ձգեաց  
 » տարածեաց զբան վարդապետութեան իւրոյ  
 » ընդ ամենայն երկիր՝ իբրև զմանանելի՝ զառա-  
 » կեալն 'ի Տեառնէ, և եղև հանգիստ և հովանի  
 » ամենայն իմաստնոց, վերացելոց Թռուցելոցն  
 » յերկրէ: Մի բարբառ շնորհաց Հոգւոյն սրբոյ՝  
 » վարդապետութեան լեզուի նորա. » և այլն:  
 Այսպէս 'ի գովեստ արեղերալուր Խօսնակին  
 նուագէր իր Թևոց տակ մեծցած և յետոյ իր բե-  
 մին վրայ Թառած՝ սանականն Պրովկոս: Իբրև  
 ձայն Աստուծոյ՝ ձայնն ժողովրդեան՝ մեծի և փո-  
 քու, հեռաւորի և մերձաւորի՝ նաև անոր կեն-  
 դանութեան առեն սեփականեց իրեն զկոչումն  
 Ուիլբերան. արժանաւոր պատիւ. որ և 15 դա-  
 րերէ կրկնուելով, ոչ Թուլցաւ, ոչ ականաւորացաւ.  
 այլ և ինչպէս քան զնախորդս իւր գերազանց սե-



պուէր նա՝ այսպէս և 'ի յետնոց անհաւասարելի մնալով՝ այլ աւելի հաստատեցաւ, նուիրեցաւ, սրբազնացաւ :

Ո՛հ. երբ ճշմարտութեան դիմաց զուր ճարտասանք կանգնին դէմագէմ, ինչ են ասոր քով կիկերոնն ճոռոմաբան և թոթով թուծակն Ռիմսթենէս, գոնէ իրենց մեզի համար անտարբեր խնդիրներովը : — Ճշմարիտ իմաստասէր մը, (որ միայն քրիստոնեայն կրնայ ըլլալ) չի կրնար անոնց քով գտնել այն ստոյգ մտաց և սրտի ճարակը, զոր առատ և անսպառ բղխէ Բերանն ոսկի. ոչ միայն ճարտասանից վեհագոյն ճանչցուած, այլ և աշխարհաքարոզ գերագոյն քերդողին հետ նմանակեցելով մը համարուած Հոմէր Բէմալան<sup>1</sup>. զոր և ես, Հայկուկ, սիրեցի կոչել քեզ՝ Թօնալ Եկեղեցւոյ, ըստ ամենայն նշանակութեան բառիս : Բայց ոչ ես, և ոչ քաջ և արդար քննաբանք այսպէս ըսելով ընդ հասարակաց, կ'ուզեմք նուաստացընել զարժէս և զառաւելութիւնս Եկեղեցւոյ ուրիշ սրբազան և գերագոյն պերճախօսից և հանճարեղ բեմականաց, Փրիգորեանց և Բարսեղեանց, Ամբրոսեանց և Հերոնիմեանց. որք նրբութեամբ և խորութեամբ իմաստից, ծաղկեալ պերճախօսութեամբ, գրեթէ և բանաստեղծական նկարագրութեամբ, յաղթական տրամաբանութեամբ և բարձր աստուածատեսութեամբ, ոչ ինչ նուազ հիանալի և ախորժելի են, և բազում մասամբք առաւելեալ իսկ քան զմեր Թօնակս, նա և շատ տեղ

1 Միթէ պակաս բնական, փափուկ և ազդու է քան զՏոմարական խօսակցութիւն Հեկաբեայ ընդ Հեկտորի, Ոսկիբերանին գրածն իր մօրը բերնէն, որ յորդորէր զինքը՝ չթողուլ չերթալ յանապատս ճգնաւորաց՝ քանի որ ինքն ողջ էր և կարօտ որդւոյն խնամոց և սիրոյն :

տանձանք: Ի վերայ այսր ամենայնի՝ դարձեալ հասարակաց առջև՝ մերս միայն կու մնայ Ուրբէ-  
րան. քան զամենն աւելի պատուեալ և սիրելի,  
վկայեալ՝ ի հայրենակցացն, յօտարաց և ի մերոց  
նախնեաց՝ « Աստուածաշարժ հայր, և ուսուցիչ  
» հանուրց<sup>1</sup> »: — « Աստուածակազմ լեզու, ազ  
» բիւր եկեղեցւոյ և արեգակն բանին տիեզերաց  
» վարդապետ Յովհաննէս »: « Անապատիան բանին  
» քարոզ Բերան — ոսկի. յորմէ աղբիւր կենաց  
» հոսեալ արբուցանելով քառաժառկ բղխմամբ  
» զընդհանուր տիեզերս<sup>2</sup> »: Հազիւ քանի մը տա-  
րի յետ անոր մահուանն, յաջորդն և նախանձորդ  
Առաքիղոս հայրապետ՝ գրէր առ մերս Սահակ  
Պարթև. « Աղբիւրն եկեղեցւոյ հայր մեր Ս.  
» Յովհաննէս, որ ոչ միայն տիեզերական մայրա-  
» քաղաքիս (Կ.Պօլսի), այլ սովաւ և ամենայն  
» քրիստոնեայք և ընդ հանուր աշխարհ ի նմա-  
» նէ՝ վարդապետեալ ուսանի. ուստի և Ոսկիբե-  
» րան կոչեցին զնա<sup>3</sup> »: — Անհատնում կ'ըլլար  
եթէ ուզէի ամեն այսպիսի մեծագոյնութիւնները  
յիշել:

## Բ

Արդ ի՞նչ է կամ ուսկից մեր Խօսնակին գերա-  
զանցութիւնն. ուսկից անոր ոսկի լեզուին թա-  
փուածն. ի՞նչ է անոր կախարդիչ կամ աշխար-  
հակալ ճարարխօսութիւնն. ինչէ՞ն այն իրեն  
ընծայեալ և արժանացեալ եղականութիւնն: —  
Ինձ կ'երևի, թէ նախ՝ իր բնական, հօր, վար-

1 Կիրակոս, Թարգմանիչ մկնութեան Յովհաննու ա-  
ւետարանին յՈսկիբերանէ:

2 Շարական:

3 Խորեն. Գ. ԾԷ:

պէտ՝ միանգամայն և անտրուեստ ճարտասանու  
 թիւնն, ինչպէս կու պահանջեն բնութիւն և հռե-  
 տորութիւն. զարմանալի զօրութիւն և անլուծա-  
 նելի պարզութիւն միաձոյլ, որով գերազանցէ սա-  
 քան զամեն վերոյիշեալ սքանչելի պերճախօտ  
 Հարս և վարդապետ եկեղեցւոյ: Եւ եթէ ներէն  
 ինծի քաջ քննաբանք՝ որք ըսին թէ Սիկերոնի  
 զրուցածին վրայ բառ մը կարելի չէ աւելցնել,  
 և ոչ Դիմոս(թենէն բառ մը վերցնել, առանց աւ-  
 րելու անոնց զարմանալի բանահիւսութիւնը.  
 կարծեմ թէ իմ Խօսնակս այս երկուքին միջոց  
 ճամբայ մը գտեր է, անանկ բանահիւսութիւն  
 մը մաներ, որ արժանի է թէ Հերմիսի և թէ  
 Քրիստոսի: Վասն որոյ և իրաւամբք ասոր վրայ  
 քան ուրիշի՝ կու զմայլէր և կու հառաչէր Լիբա-  
 նիոս՝ իր ժամանակին մեծագոյն հռետորն, բա-  
 րեկամն և վարժապետ Բարսեղեանց և Գրիգո-  
 րեանց, և յետոյ՝ սոյն մեր Խօսնակին վարժա-  
 պետ, և կ'ըսէր թէ իր աթոռին միայն արժանա-  
 ւոր յաջորդ վարդապետ կու ճանչնար և փափա-  
 գէր զԱնտիոքացին Յովհան, (որ դեռ 18 տարուան  
 էր երբ թողուց այդ հռետոր վարպետը), եթէ  
 քրիստոնեայք յափշտակած չըլլային զնա: - Ի  
 զմէր նախանձիս և ողբաս, հեթանոս սոփեստէս.  
 Յովհան աշակերտդ՝ կը ծաղրէ զքեզ քու Յու-  
 լիանու Ուրացողի կամ Անտիոքայ Դափնոյն վրայ  
 գրած ու քերած ճառատանացի վրայ, (իր Ս.  
 Բաբելայ և Անտիոքայ շարժման վրայ գրած ճա-  
 ուից մէջ.) նա առանց հակառակութեան՝ քու  
 աթոռէդ այլ քեզմէ այլ վեր բարձրացաւ և նըս-  
 տաւ: Ահա կու լսես (և երանի՛ թէ լաւ լսէիր),  
 որ ոչ միայն յԱնտիոք և յԱթէնս և ի Բիւզան-  
 դիոն կու հռչակուի, այլ և յանկիւնս աշխարհի,  
 առաւել քան զայլ արժանաւոր ճարտասանս,  
 իսկ քան զքեզ՝ անհուն առաւել: Ապսոս, որ

բնութեան քեզի տուած մեծ տուրք մ'ալ, — երկարակեցութիւնդ — ամենէն կարեոր պէտքի չբերիր, և չկարցար խոնարհիլ և ըլլալ աշակերտ քու աշակերտիդ, երբ նա յԱնտիոքայ եկեղեցին կու քարոզէր և ձայնն զԲիւզանդիոն զուարճացունէր, զաշխարհ զարմացունէր: « Ամենայն տուրք » հռետորականք, բնականութիւն, փափկութիւն » և մեծութիւն, միաբանեալք յՈսկիբերան՝ ը » ըին զնա մեծագոյն ճարտասանից նախկին եկե » ղեցւոյ, և պայծառագոյն թարգման այն նշա » նաւոր ժամանակին: Մէկէն կ'ափշին միտք 'ի » ասնելն այս մարգուստնբաւ երկասիրութիւն » քը, և անոր հանձարոյն եռանդը և յաջողակու » թիւնը » (կամ դարձուածքը). կ'ըսէ ժամանակիս ամենէն երեւելի քննադատն գեղեցիկ դպրութեանց՝ Վիլմէն:

Ոսկիբերանի երկրորդ առաւելութիւն՝ որ և առաջնոյն կցորդ՝ կու սեպեմ, ոչ միայն լեզուով տիրանալն 'ի վերայ ունկնդրաց, այլ ինքն իր լեզուին կատարեալ տիրանալ և սանձելը. որ նշան է իր հարուստ և զօրաւոր մտաց, որով չիկարօտիր շատոց պէս՝ պերճախօսութիւն կարծուած բանից զարդեր և ձևեր փոխ առնուլ: Իսկ եթէ իր լեզուն ալ զարդեր և ձևեր ունի՝ այնքան բնական և աներևոյթ են զարդքն, որ տարբեր լեզու մը կ'երևի ուրիշ շատ Հարց լեզուին քով. ասոնց ճառից մէջ շատ և շուտ կրնանք գտնել բառեր և բաներ՝ առանց որոց ալ կրնար ըլլալ՝ կ'ըսենք, իսկ Ոսկիբերանին մէջ՝ կարծեմ՝ խիստ դժար է փնտռելն անգամ: Ուրեմն հզօր լեզուն, հզօր և հարուստ միտքն միաբանեալ՝ իրեն անհամեմատ առաւելութիւն կու տան. եթէ անոնց մէկուն համար ըսուեցաւ Ոսկիբերան, մէկայլին համար կ'ախորժէի ըսել Ադամանդ միտք, նա և սիրտ. — հաստատութիւն և պայծառութիւն՝ սեփական

շնորհք են Ոսկիբերանի թէ խօսից թէ վարուց :  
 Իսկ մտաց հարստութիւն կ'իմանամ թէ ըստ ու-  
 ժոյ տրամախոհութեան և թէ ըստ գիտութեան  
 և հանճարոյ, որով երրորդ առաւելութիւն մը  
 կու ստանայ : Ասոր այլ վկայեն անբաւ գրած  
 կամ խօսած ճառեր և գրքերն, որոց մնացեալ  
 տպագիրքն անգամ բազմահատորք են քան զա-  
 տից 'ի Հարց, և որոց համար մեր եկեղեցական  
 գրոց մէկն (Յայսմաւուրքն) կ'ըսէ, թէ « Մինչ  
 » տանէին զսուրբն՝ յաքսորս, եդ ձեռն 'ի վերայ  
 » եկեղեցւոյն և ասաց . Ո՛րք մնա, սուրբ եկեղե-  
 » ցի... զի 'ի պարգևացն զոր առի 'ի Տեառնէ՝  
 » յաւելի 'ի գանձս քո գիրս 800, ճառս 12,000 .  
 » արդ մի մոռանար զաշխատութիւնս իմ<sup>1</sup> » : Ոչ  
 հատորոց թիւն, այլ գրուածոց իմաստն, ազ-  
 նուութիւնն, պէսպէս օգուտն են ցանկալի և  
 զարմանալի, որոց համար առաւ այն մեծամեծ  
 կոչմունքը զոր վերը յիշեցինք, և զոր բովանդակե-  
 լով շատք միաբան կ'ըսեն, Աւբիւր էկեղեցւոյ . վասն  
 զի Ս. գրոց մեծագոյն և գործածագոյն մասին  
 վրայ մեկնութիւն և խրատ գրած է թափանցիկ  
 մտօք, ասք սրտով և վարպետ գրչով, որք անգին  
 գանձ սեպուին Եկեղեցւոյ . և որոց մէկը միայն՝  
 չէր ուզեր փոխել Բարիզի պէս քաղքի մը հետ՝  
 միջին դարուց գերագոյն հանճարն և աստուա-  
 ծաբանն՝ Ս. Թովմաս Ագուլինացի<sup>2</sup> : Միշտ անհա-

1 Խաչատուր Գանձասաց այլ կ'ըսէ .

« Պատմաբանող ճառից հազարաց  
 Երկոտասանից եւ բիւրաւորաց » :

2 Գուրգ ոչ պակաս զգացմամբ և եռանդեամբ կու գրէ  
 մեր եկեղեցւոյ գիտապետաց ամենէն ճոխափառն և թա-  
 գաւորակերպն, Պետրոս Գետադարձ, Ոսկիբերանի առ  
 Աննամանն կամ Անոմեանս ճառից յիշատակարանին մէջ,  
 զոր իրեն համար օրինակել տուեր էր . « Ուսուցանէ զմեզ

մեմատ պիտի մնայ մեր Թօսնական այն լեզուաւն՝  
որ աւելի հասկանալի է ժողովրդեան՝ գործնական  
և բարոյական խօսքերով, քան տեսական և այլա-  
բանական. ինչպէս են շատ ուրիշ հարց, որով և  
ոչ գիւրիմաց և ոչ շատ օգտակար բազմութեան  
մարդկան: « Պարզ և յայտնի բանիւ զխորա տս-  
» տուածային գրոց առ հասարակ ամենեցուն ճա-  
» ւէր, - կ'ըսէ Պրոկլ - իբր ոչ եթէ ազիտանայր  
» իմաստասիրել գծուարաբաց բառիւք, այլ ցան-  
» կայր զամենայն հոգիս լսողացն օգտեցուցա-  
» նել: ... Քարոզեաց զծածուկ միտս գրոց 'ի լոյս

» մեծախորհուրդս այս և մետոփեան Բերանոս ոսկի՝ առա-  
» ւել քան թէ աման Հոգւոյն: ... Ո՛ր յայնքան 'ի վերջին  
» իմաստասիրութիւնն եհաս. ո՛ր այնպիսի շնորհի արժա-  
» նաւոր եղև երբէք. ո՛ր այնպէս զբերան մտացն երաց և  
» ձգեաց զՀոգին. զի որ զամենայն գիտէ և քննէ զխորս  
» Աստուծոյ՝ Հոգւով Աստուծոյ հասու լինիցի: Յայսոսիկ  
» մեզ քարոզն ճշմարտութեան, վարդապետն տիեզերաց,  
» որ զբազում շրջանակս հին և նոր կաակարանաց՝ ման-  
» րամանաբար ծանկեալ ջամբեցոյց իբրև զկաթն տղա-  
» յացելոց 'ի Քրիստոս: ... Չայսոսիկ ընծայեմ Աստուծոյ՝  
» գոհութեան պատարագ, ընտանեղոյն ընծայ քան զոս-  
» կի մաքուր և քան զքարինս պատուով պայծառագոյն,  
» քան զզոհոս օրինացն ընտրագոյն, քան զանդրանկացն  
» պատուոն ընդունելի: .. Չայսոսեմ իբեմ՝ զոր մնայ ինձ, ըն-  
» քեան թողի որով միանգամ ճոխանամ: Քանզի զայ-  
» լովք զամենեքումբք զանց արարի պատուիրանով և հո-  
» գւով, և զբազմապատիւ զմարգարիտն փոխանակ ամե-  
» նեցուն՝ որոց ունէին երբեմն՝ փոխանակեցի, և եղէ մե-  
» ծաշահ վաճառական. և զուարճանամ այսորիւք առա-  
» ւել քան որովք բազմօք բերկրին: Եւ առնեմ զառ ամե-  
» նայն կենաց իմաց հաղորդ և խորհրդակից բարի և խօ-  
» սակից և առաջնորդ վերին ճանապարհին՝ զի զամենայն  
» զվայելականս անպատուեմ՝ 'ի ստորինս կալ մնալ Յոյս  
» ինչ տիեռայն Քափեցաւ ուրիշութիւն զմի Աստուծոյ. ար-  
» ձան կանգնեսցի յիշատակ հոգւոյ »:

» և 'ի հրապարակս, զոր իբր յունկանէ և 'ի խա-  
» ւարէ՝ 'ի մաքուր միտան ընկալաւ » <sup>1</sup> :

Զորորդ պատճառ մ'այլ Ոսկիբերանի մեծ  
համբաւոյն՝ իրմէ վերջը իրեն նմանող մը չունե-  
նալն է, և գրեթէ վերջին ըլլալն մեծամեծ Հարց  
եկեղեցւոյ. յորոց միայն Կիւրեղ մ'եղաւ առ  
Յոյնս (յԱղեքսանդրիա), և մեծն Սգոստինոս առ  
Լատինս, որք հմուտութեամբ և աստուածաբա-  
նութեամբ գերադաս են, այլ ոչ և լեզուի կամ  
գրչի գասական ճարտարութեամբ: — Իսկ հինգե-  
րորդ և մեծագոյն պատճառ (թողլով քննել զայլս)  
մեծութեան Ոսկիբերանի՝ իր մաքուր բարքն և  
զանազան հանճարն, որովք նշանագոյն է և 'ի  
դպրութեան Սրբոց և 'ի քաղաքականութեան:  
Զի կրնար իր վարքն ընթերցողն և դիտողն՝ չգմայ-  
լիլ մեծապէս, նկատելով անոր հոգւոյն անմարե-  
լի կրակը՝ սէրն առ Աստուած, իր կուսական մաք-  
րութիւնն, խոր խոնարհութիւնն և բարձր յարգն  
աստուածային իրաց. որով չէր համարձակեր ե-  
կեղեցւոյ պաշտօնեայ իսկ ըլլալ, այլ սնապառի  
մէջ տատրակաց հետ մնչել և իր ծիծեռնաձայն  
լեզուն ծածկել, և գրեթէ բռնի յանձն առաւ <sup>2</sup>  
37 տարուան (ըստ ոմանց 27 տարուան) սարկա-  
ւազ ըլլալ և իբր 40 ամեայ քահանայ, ու յե-  
տոյ նոյնպէս ակամայ և խաբուելով բերուիլ ու  
պաարիարք ըլլալ Կ.Պօլսի:

<sup>1</sup> Այս բանս աւսիկ ոճով բացատրէ մեր մէկ վկայա-  
գիրն. «Ամենեին բառակապիւ և քերականաւ ոչ գրեաց,  
» վասն տգէտ և խառնիճաղանճ ժողովրդեանն. այլ զա-  
» մենայն պարզ և յստակ խօսեցաւ վասն հասկանելոյ ա-  
» մենայն մարդկան »:

<sup>2</sup> Կաւանդ են իր վարուց գրողք ոմանք, թէ այս բանիս  
հաւանեցաւ տեսիլք մը անսնելով, յորում՝ Քրիստոս ձեռ-  
նագրէր զնա քահանայ, Տիրամայրն եմփօրոնը կու տար:

## Գ

Հոն իր գրեթէ հնդամեայ կարճ հայրապետութեան միջոց (398-404) ըրած եկեղեցւոյ և ժողովրդեան օգտակար բարեկարգութիւնքն, եթէ և խիստ շատ են ըստ ժամանակին քիչութեան՝ աւելի այլ մեծ են ազնուութեամբ: Կ'ապշին միոք, թէ երբ 'ի վերայ այնքան գրուածոց և քարոզութեանց՝ ժամանակ կու գտնէր կարգաւորելու կանոնաւորելու իր կղերը, իր հեռաւոր թեմերն այլ այցելութեամբ քննելու, պայծառացնելու զեկեղեցի և զաստուածային պաշտամունս՝ ջերմեռանդն աղօթիւք, երգովք և ժամասացութեամբք. որոց շատն՝ ոչ միայն մինչև ցարգ հասարակ են առ Յոյնս, այլ և մեր եկեղեցւոյ մէջ. - Բնչպէս այն տիեզերական մայրաքաղաքին զեղծումեղծ բարուցը հետ կրցաւ կռուիլ. - Բնչպէս անմատչելի թագաւորաց և թագուհեաց հետ անվախ համարձակ վարեցաւ իբրև իր հօտին հասարակ ոչխարաց հետ. - և Բնչպէս յետնագոյն ռամիկը, դռեհիկը, այրի կնիկը, և ըրածը ճանչցող խառնակեցիկն ու մեղրաւորն անգամ կու կանգնէր, սիրէր, մեծարէր, իբրև զիջխան և զարքայ: - Համառօտ ըսեմ, Բնչպէս, նման իր շատ սիրած, իր զմայլած, իր բացատրած վարդապե-

Պետրոս առաքեալ՝ բանալիքը, Յովհաննէս՝ զաւետարանը. այս ե կիւրիկեցի շարական երգչին ըսածն.

« Երեւմամբ սուրբ հրեշտակաց ի Քրիստոսէ ձեռնագրեցար,

Զպատմու ճանրն փորանկեալ առ ի վերուստ՝ հոգւով զգեցար:

Ի վիմէն եկեղեցւոյ՝ զփականս երկնից հաւատացար. Սիրեցեալ յաշակերտէն՝ զաւետարանն առնկալեալ: »



տին՝ Պօղոսի առաքելոյ, ընդ ամենայնի ամենայն լինելով, կրնար անոր պէս այլ ըսել՝ « Նմանողք » ինձ եղերուք, որպէս և ես Քրիստոսի » : - Ոչ ոք, մանաւանդ անանկ դժուար առթից մէջ, ուր հարկ էր փառասէր, պչրող, նրբամիտ, սմենահնար Յոյն կայսրուհւոյ մը հետ (Եւդոքսեայ) մրցիլ՝ վասն իրաւանց Աստուծոյ և զսկեւոց նորա, թոյլ թագաւորի մը (Արկադիոսի) քով խօսք քաջընենել, Աղէքսանդրիոյ մեծ և զինքն իսկ ձեռնադրող հայրապետին (Թէոփիլոսի) հակառակիլ՝ արդարութեան և մարդասիրութեան վրայօք, - գիտնոց և տգիտաց միջնորդ ըլլալ, դէմադէմ խռովեալնեւր՝ խաղաղցընել, բարեկամները • չվհատեցընել, թշնամիները չվստահացընել, ամենուն չափը զանազանել, զամենքն անզանազան սիրել • ըստ պատշաճին տեղը կենալ կամ տեղի տալ, ոչ փառասիրութեամբ գահին փակչիլ, և ոչ նուաստութեամբ աթոռէն իջնել • - ոչ այն ամենեկին անարժան և անհիմն զրպարտութիւններէն նեղուիլ, և ոչ այն աշխարհահուշակ գովեստներէն և Ոսկիբերան կանչուելէն՝ լայնիլ • (ինչպէս ինքնին կ'ըսէր անգամ մը յամպիոնէն, « Երեկ զիս երեքտասան » ներորդ առաքեալ, և այսօր Յուդաս յառաջ ընթացաւ » •) - ոչ ոք կ'ըսեմ, ասանկ և այլ աւելի բազմակնճիռն առթից և հակառակութեանց մէջ գտուեցաւ • և ոչ այլ այնքան իմաստութեամբ և արիութեամբ, միանգամայն սիրով և համբերութեամբ՝ վարուեցաւ անայլայլակ, անշփոթ, անտխուր և անտարակոյս : Գեղեցիկ ուրեմն գովութեամբ մեր գանձասացն կ'երգէ՝ ի սլստիւն նորա •

« Անկոխ է բազմաց շաւիղ քոց վարուց •

Նուրբ և բարձրագոյն քան զէլա աղաւնւոյ » :

Այսպիսի բարեկարգութիւններն յիշելով իրեն հոգեկիր մերազգի դիտապետ մ'այլ, Ս. Ներսէս

Լամբրոնացի, կու կանչէ. « Ո՛վ երանելի և  
 » քաղցր աստուածազգեացն հոգւոյ. այսպիսի  
 » վայելէր մեզ քահանայապետ՝ չարչարակից,  
 » զգածեալ տակարու թեամբ ժողովրդեանս:— » Ոչ  
 » դժլաւագոյն քան զնա կրցաւ, կ'ըսէ վերոյի.  
 » շեւլփռանկ քննաբանն<sup>1</sup>, կատարել զպաշտօն  
 » բանին՝ զոր աւետարանն մտուց: Հին աշխարհ-  
 » քին վրայ պատուաստած նոր ընկերութեան՝  
 » գեղեցկագոյն հանճարն է Սա. Սա է գերաւ-  
 » գոյն բրիտոնէացեալ Յոյնն »:

## Դ

Բայց ո՞վ դժբաղդութիւն և զրկումն հասարա-  
 կաց. ո՞վ ամօթ զրկողաց. այսպիսի անձն այլ ու-  
 նեցաւ թշնամի և հակառակորդ: Անաչառապէս  
 յանդիմանուած զշխոյն Եւգոբսիա, իր ձեռնա-  
 դրելոյն մեծութեան չքաշող հայրապետն Աղե-  
 քսանգրիոյ (Թէոփիլոս), քանի մը կաշառակուրծ  
 կամ նախանձարեկ եկեղեցականք, քանի մը կրշ-  
 տամբեալ իշխանք, և տկարամիտ կամ անմիտ  
 բարխառեացք՝ միաբանելով, շուքի պէս ընկան  
 Յովհաննու փայլուն կերպարանաց ներքեւ, այն-  
 չափ աւելի անոր պայծառութիւնը՝ որչափ իրենց  
 սեռութիւնը նշաւակելով. և որ աւելի ցաւալին է,  
 ոչ միայն մարգու հետ կռուելով այլ և աստուա-  
 ծամուրտ ըլլալով: Շատերու ծանր եկած էր լսելն՝  
 ոչ միայն զՈսկիբերան անունն և զհամբաւ իմաս-  
 տութեան նորա, այլ և անոր անխարդախ, մա-  
 քուր և սքանչելի վարքը, սրբութիւնը, հրաշա-  
 փործութիւնը. և թերեւ այս ետքինիս նկատմամբ  
 իր կուսակիցքն և սիրելիք չափազանց գաուեցան.  
 այլ գոնէ այնպիսի անձի մը վրայ կըրնար չափա-

<sup>1</sup> Վիլմէն:

գանցութիւնն արգարանալ: Գուցէ գուցէ կապուտակ նախանձն այլ, եթէ կարելի էր յայտնի երևելու, չէր կրնար աւելի նախանձել մէկ մը գտնել քան զՈսկիբերան. զոր բարեսէրքն՝ ի կենդանութեանն գերազոյն հռչակեցին իր ժամանակակցաց, յետ մահուն՝ բարձրացեալ ՚ի դաս սրբոց և անմիջապէս Աստուածաբանականին աթոռոյ քով, ըստ յայտնութեան կամ անսխալմբ մը, զոր տեսան, կ'ըսեն, արժանաւոր անձինք. և այս աւանդութիւնս է՝ զոր մեր եկեղեցոյ քաջ երգիչն այլ ՚ի պատիւ նորա սրբացընէ, ըսելով. « Որ յանճառելին մերձեալ ՚ի լոյս՝ հուպ Յորոր » գութեանն, ով երանելի տէր վարդապետ »:

Սէր և մեծարանք իրենց աննման հովուին և վարդապետին վրայ՝ եթէ քիչ շատ մեծաբանել տուաւ յունական դիւրաշարժ սրտերու, աւելի շատ ապաշնորհ և անգութ գտուեցաւ հելլենական յաջաւանքն և ատելութիւնն, ՚ի նախատինս տյնպիսի պանծացեալ ազգի և ժողովրդեան, որ զՈսկիբերան և զԱստուածաբան իր մայրաքաղաքի բարձր աթոռէն հեռացուց յօտարութիւն, յաքսոր և մինչև ՚ի մահ: ... Զասոնք յիշելու առնեն՝ կրնամք մոռնալ, Հայկակ, մեր նախատինքն այլ, մեր հարց ըրածներն առ Սահակ և Ներսէս և նմանիսն: ... Սակայն, քաւ լիցի, ես ոչ զՀայս մեղադրեմ և ոչ զՅոյնս, ոչ զընդհանուր ազգն և ոչ զժողովուրդն. այլ եթէ շատ իրենց պնդապաշտ գլխաւորները, արքունեաց և աթոռոց հնարքները և կուսակցութիւնները, և մեծամեծաց քով աւելի մեծցած նախանձը և գիրցած կրքերը. որոց ըրած չարիքն շատ հեղ ռամկին վրայ կ'ընկնի, և բոլոր ազգին անուամբ յիշուի. « Հարք կերան » զազոխն և որդւոց ատամուկն առան: Բայց արդարութիւնն գիտէ և կրնայ ընտրել զաջ ու ձախ. պատմութիւնն անդամ շատ հեղ վկայ է ստուգութեան: ...

Աւջի անգամ Ոսկիբերանի դէմ միաբանելոց հնարքն, վճիռն, հրամանն, պատուհասն և աքսորն, հայրասէր և հաւատարիմ ժողովրդեան սիրոյն դէմ, և կարկտախառն երկնից արհաւիրաց դէմ՝ խիստ քիչ դիմացաւ. արեգական պէս հազիւ թէ ծածկուելով յաթոռէն, և ահա առաջինէն պայծառ ծագեցաւ բարձրացաւ իր տեղը. մեծ ու պզտի թշնամիք՝ շուքի և միգի նման հալածեցան կորան. գոյնդակ դշխոյն անգամ սարսափելով ներումն և անմեղադրութիւն խնդրեց, թէ և այլ աւելի նախանձելով, երբ իր պալատան ծովահայեաց պատշգամէն կու դիտէր և չէր տեսներ ծովուն երեսը. ոչ այնքան մեծազօր երեցեր էր Քսերքսէս՝ նաւերով կամրջելով և յատակելով այն խորանդունդ նեղուցը, և ոչ մերս Արտաշէս որ « յԵլեսպոնտոս և 'ի Թրակէ՝ զտարերացն փռ » խեաց զքնութիւն . . . ընդ ծով հետեակելով<sup>1</sup> », որչափ մեծագործ և մեծասիրտ կ'երևէր այն յունական ռամկ ժողովուրդն, տկար նաւակներով ծածկելով բովանդակ նաւահանդրատին ծփած աւազանը՝ յընդառաջին և 'ի դարձընել յաթոռն՝ իր Ոսկիբերանը<sup>2</sup>։ Երջանիկ ժողովուրդ, այլ երանի թէ միշտ կամ աւելի երկար աւտեն։ —

Եւ ոչ կէս տարի քչեց մեր Խօսնակին հաստատուիլն 'ի բեմն իւր. ամօթապարտ թշնամիք կամ յաջողկոտք՝ աւելի թանձրացած կրքերով մխոտ ծի ոտ ամպերու պէս խտացան մօտեցան իրարու կպան. դարձեալ ժողովեցան 'ի Թրակիա՝ այլ աւելի ընդդիմակաց բազմութեամբ և զօրութեամբ,

1 Խորեն. Բ. ԺԲ։

2 Այս եղաւ յամին 403 յ'15 նոյեմբերի, անոր համար Յոյնք այսօրս այլ կու տօնեն զՈսկիբերան, և ոչ վախճանած օրն՝ սեպտեմբերի 14, որ Ս. Խաչի տօն է։

մինչև Նալիփանու պէս պարզամիտ սուրբերն անգամ խաբէրբեւով և իրենց կողմը ձգելով. որոնց մէջ՝ սիրտ առած, յօնքերը կամարած, ոտքով ու գլխով թեթևն Նւդդասիա՝ իբր նոր « Հերովդիա » դա՝ դարձեալ կաքաւէր, դարձեալ խնդրէր » զգլուխն Յովհաննու Մկրտչի », արգարև իսկ մկրտչի և կնքահօր իր թագաժառանգ որդւոյն Թէոդոսի Փղբու։... Կրնար Յովհաննէս իր անիրաւ բռնաւորաց դէմ իրաւացի բռնութիւն բանեցընել, գոնէ իր սիրելի որդւոց՝ ժողովրդեան գուլթն և աղաչանքը զէն ու վահան առնուլ. սակայն իր մեծ սրտին, և մանաւանդ աստուածաշարժ հոգւոյն և հեղութեանն Յիսուսի՝ անարժան սեպեց զայն<sup>1</sup>։...

## Ե

Իր վարուց (և ընդհանրական պատմութեան մէջ) մեծապէս սրտաշարժ դիպուածներէն մէկն է Ոսկիբերանի յետին հրաժարական ողջոյնն առ ուխտ եկեղեցւոյ իւրոյ. որ և ակամայ իմն հոսկու յիշեցընէ ինծի մեր դարուն մեծագոյն Քաջին մեծահռչակ հրաժեշտը<sup>2</sup>. այլ քանի՜ այլակերպ, նուաստ և խիթալի։ - Նա՝ բոլոր եւրոպական աղանց ճապաղեօք ճենճերեալ և դեռ արիւնակաթ գրօշը և գրօշակիրը կու համբուրէր՝ ցաւե.

<sup>1</sup> Ն. Լամբրոնացի 'ի Պատարագամէկնիչն. « Յովհան »  
 » յԱնտիոքայ ժառանգէ զԼ. Պօլիս. ուստի՝ և ոչ տեսեալ  
 » զնոյն իւր հայրենիս՝ էջ վասն օրինացն Աստուծոյ 'ի  
 » յաքսորս։ Թէ իւր էր համարեալ զբազմապատիկ իշխաւ  
 » նութիւնն՝ ներէր արդեօք թագուհւոյն, որ անտի զնա  
 » վերպեցուցանէր։ Բայց զայն անգոմանեալ՝ զհետ վերին  
 » պսակացն ընթանայր։ Եւ ոչ յունենլն՝ որպէս իւր հրա-  
 » ժարէր, և ոչ 'ի չունենլն՝ տարակուսէր »։

<sup>2</sup> Ի Ֆոնդէնըպլոյ։

լով, որ այլ չպիտի կարենայ թուցրնել զայն կայսերական արծույն թևօք՝ նորանոր մարդածախ դաշտերու մէջ, և իրեն անձնանուէր գնդերով աւելի բազմաթիւ մարդկութեան գնդերը՝ որք այրի, նաև դիակն դարձրնելու. — իսկ մեր Խօսնակն Նկեղեցւոյ՝ որ աւետարանին փողով կու գորդէր զտիեզերս և 'ի հոգևոր զինուորութիւն Քրիստոսի գումարէր զծեր և զտղայ, զերիտասարդ և զկուսան, հիմայ իր չորս դին տեսնելով մեծամեծ գաւառաց և քաղաքաց այցելու գնդապետներ, 40իւ չափ եպիսկոպոսներ, որք տղու պէս կու լային իր քով, և կ'աղաչէին չհեռանալ իրենցմէ, ինքն վսեմագոյն և աստուածային կամաւ տարագիր՝ մէկ մէկ գրկելով այն սրբազան ժողովրդապետները, (որոց ձեռօք Աստուծոյ թաղաւորութեան սահմանները կ'ընդարձակէր յերկրի,) հայրապետական սուրբ համբուրով և ոչ առանց արտասուաց՝ կ'օծէր ճակատնին, կնքէր և զօրացրնէր 'ի վշտակցութիւն և 'ի նահատակութիւն՝ վասն երկնաւոր յաղթանակին: Ամեն եպիսկոպոս՝ որ գրկէն կ'ելնէր, բան մը կու փրցրնէր 'ի սրբոհէն:.. Չկրցաւ այն ազամանդ սիրան այլ մինչև ցվերջ դիմանալ, և ոչ զամենքն ողջագուրել. հայր էր սիրուն, զօրացաւ զայրացաւ գթալիր սիրան... Թողուց սուրբ դունդը, հեռացաւ պահ մը 'ի սարկաւազանոցը ծածկուելու...

Եւ ահա հոս՝ այլ աւելի սրտաճմլիկ տեսարան մը և կակուղ խումբ մը պաշարեց զնա. երանելի սարկաւազուհին Ոլիմպիադա՝ ընկերակցօք նմանօք՝ հեծեծանօք վազեցին յոտքը պլլուէցան. Մարթայի պէս կ'աղերսէին, Մարիամու պէս կու լային, կուսանաց պէս մարմրէին. ողկուզաղարդ ուռոց պէս փակած իրենց երկնագիտակ որթոյն վրայ՝ չէին ուզեր բաժնուիլ... Կու-

սից և եպիսկոպոսաց արտասուքն յիրար խառնուեցան. եկեղեցւոյն մէջ բոլոր ժողովուրդն կուհառաչէր, սուրբ սեղաններն անգամ կուսարսէին. աստուածային առագաստն ինքնին կ'ողբայր իր այրիանալն՝ ի զգաստ փեսայէն. ըսեմ, (թէ « և » արտասուեաց Յիսուս » : ...

Յովհաննէս՝ լսելով տեսնելով զասոնք, եթէ կրնար գերազանցել քան զմարդ, այլ ոչ և զաստուածամարդն. հատուց ինքն ալ բնութեան անմեղ գթոյ պարտքը. բայց և շուտով տիրանալով ինքն իր վրան՝ քաջեց ագամանդիկ սիրտն յոսկի բերանը. լռեցուց (թէ և լացուց) զինքն յորդորող, պաշտող ու պաշտպանող եպիսկոպոսները, կզերը, սարկաւագուհիները ու բանին տեղեակ եղողքը : Իր լեզուին ճարտարութիւնն և ոյժը՝ շատ անգամ փորձեր էին, բայց սրտին սյւգան պնդութեան և մեծութեան դեռ անփորձ էին. ափշեցան, փփրբերան եղան, յաղթուեցան. անգամ մ'այլ դաս առին իրենց աննման վարպետէն, որ մատուիլն կուցուցընէր զերկրիա բոլորը, (թէ « Տեառն է երկիր լրիւ իւրով » . արգարն ուր ալ որ ըլլայ, միշտ նոյն է, կամ միշտ պանդուխտ կամ ոչ երբէք. և բերնովն կրկնէր իր պանծալի պարոյրը, « Փառք քեզ Աստուած, յս » զագս ամենայնի » : Եւ ըստ սրտին՝ անայլայլակ և զուարթ դիմօք իջնելով յաթոռոյն, յայն աթոռոյն՝ որ ոչ յառաջ և ոչ ետքը իրեն հաւասար բազմական ունեցաւ, զատուեցաւ ի սիրելեացն : — Իսկ ի թշնամեացն. — իր աստուածային օրինակին նման՝ նկատելով զանոնք՝ որք գահավէժ ընել կ'ուզէին զինքը, « և նա անցեալ ընդ մէջ » նոցա՝ գնայր<sup>1</sup> » :

<sup>1</sup> Ղուկ. Դ. 30 :

## 9

Ամանամբուրին նախընթաց օրն էր, յամին 404. իբրև յանկարծական վտանգէ մը գրդածով. Պօլսի Ժողովուրդք շտապելով քաղքին հարաւային ծովեզերքը կու դիզուէին իրարու վըայ, և գրեթէ 'ի ծով կ'ընկնէին. մանաւանդ թէ ոտքով ալքները կտրել թուչիլ կ'ուզէին, նաւակ չգտնելով: Ոմանք լուծեամբ կենային, ոմանք ձեռուընին դէպ 'ի ծով դէպ յերկինս՝ դէպ 'ի կուրծքերնին կու տարբերէին. ոմանք գթութեան ձայներ՝ և Բանայիաներ կանչելով, ոմանք անէծքներ թափէին. ամենքն աչուընին տնկած դէպ 'ի հարաւ՝ Պրոպոնտոսի (Մարմառայի) ալեաց և Դեմոնիսեան կամ Պուինկիպեան կղզեաց մէջ, գրեթէ մինչև ցկուրութիւն՝ բիբերնին տանջէին: Ամենքն այլ ուզելով բռնել, արգելուլ, յետ դարձնել նաւ մը. նաւ մը՝ որ դիմացնէն երագ երագ կու սահէր կ'անցնէր, կու հեռանար. և եթէ բռնել չէ՝ դռնէ պահ մ'այլ կ'ուզէին տեսնել: Իսկ նաւն փախստական՝ երկայնաձև բաղմաթիակ՝ ցռուկը ցըցած՝ ծովային նոր ցուցանքի մը պէս՝ ճօճալով ճապկրտելով ծփած ծեծուած ալեաց վըայ՝ շուտ շուտ կու սողար, փախչէր թաքչէր, իբրև թէ այն դիզուած Ժողովուրդն՝ իրեն համար մթազին ու սպառնացայտ մորիկ մ'ըլլար. մինչև կղզին երուն միջէն անցնելով հեռացաւ, փոքրացաւ, կէտ մը դարձաւ, հազիւ տեսանելի սրագոյն ալաց. որք քանի մը վայրկենէ ետև՝ ծովուն հաւասարած երեսէն զատ՝ այլ բան չտեսնելով, յուսահատեալ դարձան, ողբերնին և անէծքնին երկարելով, և բարկութեամբ արքունական ապարանից վըայ նայելով:

Այն խուճապեալ նաւուն բարձրաւանդակին



վրայ հանդարտօրէն նըստած անձ մը՝ կու նայէր անխռով, գոնէ ըստ արտաքին տեսլեանն, ընդ ծով և ընդ ցամաք. կու նայէր այն ծովեզեղքը պարսպաձև պատած ժողովրդեան վրայ, և ճանչնալով անոնց հայրասէր գուլթն ու գորովը՝ չէր կրնար անոնց ետևէն բարձրացած Պօլսոյ խրոխտ աշտարակներն ու ապարանքը՝ սուրբ բարկուլթն անգամ չգողացընել։ Չէր թշնամաներ, չէր անիծաներ ապերախտ մայրաքաղաքը, և ոչ աւերք ու երեր կարդար անոր. այլ զարդարութիւն և զգաստաստան թողլով միայն ամենագէտ դատաւորին, ինքն ողջունելով, օրհնելով և աղօթելով՝ կու հեռանար կու ծածկուէր՝ անհետ կ'ըլլար իր հինգ տարի դայեկաբար դաստիարակած ժողովրդէն, զոր մէկ մ'այլ պիտի չտեսներ կենդանի աջօք. այլ սրտով դեռ կու տեսներ, կու լսէր, կ'իմանար որբոց և այրեաց շնորհակալութեան մրմունջը, զղջացեալ մեղաւորաց ողբաձայն ապաշաւանքը՝ որոց համար ինքն Պապօղ կամ Բարդաղապառութեան և ողորմութեան անուանեցաւ. կու զգար մեծի և փոքուխանդատանքը։ Ինչուան որ անդադար ու անդարձ նաւն անգուլթ՝ խոտորելով 'ի խորշն Կիանեան (Մուտանիա կամ Կէմէյիկ) Պրոպոնտոսի ձևն անգամ կորուս. և քիչ առենէն ասիական եզերքը հասնելով Բիւթանիոյ ցամաքին վրայ ձգէց զՈւլիթիէրան։

Եւ ոչ կէս ազատ պանդըխտի ցուպն տրուեցաւ անոր, որ ըստ կամացն իրեն օտարութեան բնակարանն ընտրէ. այլ պահապանաց մատնուեցաւ ըստ արքունի հրամանաց, որ տանին յաքսոր՝ յաշխարհ հեռի, յերկիր ցուրտ և քարուտ, 'ի քաղաք ամայի և անապատ, 'ի ծայր սահմանաց Յունաց և Հայոց։ Հոն մնայ որչափ որ մնայ, մինչև ցմահ։...

## Է

Իսկ ի՞նչ էր այտոր յանցանքն, որ այդպէս դատապարտեալ 'ի ժողովոց Կաղնոյն<sup>1</sup> և 'ի կայսերական դատակնքոյն՝ արտասահման կ'ըլլայ 'ի հեռաւոր և 'ի դժուարաբնակ սեղ մը: — Իսկական յանցանքն՝ իր Ոսկիբերան և ազամանգիկ անձն ըլլալն էր, ըստ որում առաջ տեսանք. իսկ ըստ չարախօսաց՝ ծաղրելի կամ ողբալի բաներ. — ծաղրն այլ ուրն այլ իրենց գլխուն. — որք առաջին յանցանք սեպած էին զայն՝ որ Ոսկիբերան ոչ ուրիշի քով կերակուր կ'ուտէր, և ոչ զուրիշը կու հրաւիրէր: Գեղեցիկ խրատ ոմանց պետաց, որ թերևս միայն ասոր հակառակ կերպով կրնան ցուցնել իրենց առաջնորդութիւնը և ընդունակութիւնը: — Ոսկիբերանն որ 'ի մանկութենէ յանապատս Ասորւոց վարժեր էր Անտոնի և Պիմէնի կերակրոց (ճգնաւորական չորակերութեան), այն աստիճան փափուկ և տկար ստամոքս ունէր՝ որ այլ որ և իցէ կերակուր չէր կրնար ընդունիլ, այլ հազիւ թեթեւ բաներ. և յիրաւի Թէոփիլոեան կամ Եղիշեան անարիւն ճպռանց նմանեալ՝ աստուածային բանին քարոզութիւնն ըրեր էր իրեն սնունդ, և կ'ուզէր ընել իր հօտին այլ: Թշնամիք՝ փառասիրութիւն կու սեպէին զայս: — Նոյնպէս բամբասէին, թէ խիստ յանգիմանութեամբ կ'անարգէ զիշխանս և զթագազունս, կ'արհամարհէ զմեծատունս, և աղքատաց ու ռամկաց տէր կու կենայ: Թէոփիլոս կ'ըսէր, թէ իմ վաղնտածներս ընդունեմ է, բանագրեալներս՝ արձակեմ է, իմ իրաւանցս խառնուեմ է: —

1 Քաղկեդոնի (Գատըքէոյ) մէկ թաղն, ուր առջի անգամ Թէոփիլեանք ժողովեցան՝ Կաղնի կ'անուանէր:

տաքգլուխ Ղլիտիք կ'ըսէին թէ Որիգենէսի պաշտպան և հետևող է. — Սկերիանոսք և Սիփինիոսք կ'ըսէին՝ թէ նոր ճամբայ կու բանայ, մեզի չինմանիր. — Նովատիանոսք, թէ մեղաւորներն անխտիր սիրով կ'ընդունի, և այլն, և այլն: Որոց թէ ստուծիւնն, թէ ծռուծիւնն և թէ պատասխաններն գիւրին և յայտնի են:

Բայց ես ոչ Յովհաննու վարքը կ'ուզեմ պատմել քեզ, Հայկակ, ոչ զարդարն արգարացընել, և ոչ այն Ոսկիբերան Խօսնակը՝ գովել ջանալ, որոյ գովութեան համար արդարեւ միայն իրեն նման լեզու կամ գրիչ արժանի է: Սակայն մեզի՝ սղգային սրբազան իրաւունք է այս գիշեր մեր հայրենեաց հանդիսից մեջ խառնել Կ.Պօլսի հայրապետին յիշատակը. զոր այսօր (27 յուլիոսարի) տօնեն ամենայն ազգք (ըստ Յայսմաւուրաց կարգի), որ է օր փոխադրութեան մարմնոյ նորա յաթոռն: — Սղգային իրաւունք մը. վասն զի եթէ Ոսկիբերանի հայրենեզն պարծին՝ Ասորիք, լեզուաւն և աթոռովն՝ Յոյնք, արդեամբք և օգտիւն՝ ամենայն ազգք, Հայք՝ անոր աքսորանաց վանատուրք և հիւրընկալք, անոր վերջին տարիներուն կենակիցք, անոր յետին հանգստեան մարմնոյն սպասաւորք և պահապանք, աւելի զգայուն և սխրալի պարծանք ունին Հայք: Ասոնցմով և դեռ ուրիշ մասամբք այլ մեր է Յովհան Ոսկիբերան առաւել քան թէ ուրիշ ազգաց. և յետ Յունաց՝ հայադիր օրացուցակին մեջ աւելի արժանաւոր և իրաւացի տեղի ունի: Անոր համար թողլով իր առաջին կենտց կերպ կերպ յիշատակները, կ'ուզեմ մէկ երկու գիշեր քեզի հետ, Հայկակ, նուիրել՝ Եկեղեցւոյ Խօսնակիս վերջին և թաքուն կենացը՝ յանապապ Հայոց, ինչպէս ինքն իսկ շատ հեղ կ'անուանէր իր թղթոց մէջ, (ուսկից պիտի քաղեմ այս առանձին կենաց գիպուած

ները) զայն տեղն՝ ուր երեք վերջին և անգին տարիները շնչեց անմահահոտ Ոսկիբերանն: —

Իեռ Ոսկիբերանի հակառակորդքն իրենց անիրաւ ժողովոյ աթոռներէն չէին իջած, դեռ անոր գահուն վրայ նստելու՝ պնդերես անձ մը կու փնտրուէին, դեռ իր արդար պաշտպանքն և չարաչար զրկեալ հօտն և հովիւք, որք և այրիք, աղքատք և ապաշխարողք՝ իրենց հովուապետն և հայրապետը կու լային. կէպք՝ իրեն հաւատարիմ մնացեալ եպիսկոպոսաց դիմելով, կէպք՝ մեծասիրտ և մեծահաւատ Ս. Ոլոմպիա տիկնոջ քով ողբալով, մինչդեռ Արկագէոս երկու մօքի և խղճի մէջ կու տատանէր. իսկ գԺնիկ գշխոյն Յւգղբսիա՝ դեռ սպարանից պատշգամէն կու դիտէր զոլորտս Պրոպոնտոսի, որ չըլլայ թէ առջի անգամուն պէս յետ դառնայ աքսորատար նաւն, չըլլայ. թէ նորէն ժողովուրդն ովսաննայով ընդ առաջ դիմէ՝ զծով՝ ի ցամաք փոխելով, չըլլայ թէ անգամ մ'այլ իր գոռող գլխուն վրայ կայծակնաթափ բացուի Բերանն-Ոսկի. — և ահա ասոր սուրբ աթոռէն, արքունի պալատան քովի եկեղեցւոյն միջէն, և ստենակալաց ապարանքէն դուրս պուլթկացին թանձր ծուխ ու կարմիր բոց մը, և իբր իրարու հետ կռուելով՝ ուժգին և ահաւոր յերկինք ի վեր դիզուէին<sup>1</sup>: Ոչ ոք երկբայեցաւ թէ այդ կրակդ՝ արդարոյն անիրաւ դատապարտութեան վրէժն էր. սակայն ո՞վ էր զայն բռնկցընողն. — խնդիրն և վէճն այս եղաւ: Վրիժապարսփ՝ շարունակելով իրենց լրբութիւնը՝ ըսին, թէ այդ այլ թէ ոչ ձեռօք Յովհաննու, գոնէ իր թելադրութեամբն է. իր սարկաւազու-

1 Խորեն. Գ. ԵՐ. « Յայնմ ժամանակի . . . շարժմանց » ահագնից և հրենկեցութիւն եղեալ ի Բիւզանդիոն, որ » յաղագս մեծին Յովհաննու »:

հի Ուրմալիագայ և ուրիշ կուսակցաց գործովն է. անոր շունչն է այս դժուարաշէջ հրդեհը բռնկ-  
ցնողն. հալածութի խռովորարն, հեռացութի  
հրձիգն. հեռու, հեռու այս կողմէն: Այս զըր-  
պարտութեան վրայ այլ վրդովեցաւ վշտացաւ  
բողոքեց արդէն զարնուած սիրտն, ինչպէս նաև  
յետոյ իր նամակաց մէջ այլ կու յայտնէ <sup>1</sup>:

## Ը

Հազիւ թէ հասած 'ի Նիկիա, իր բռնաբար  
տարագրութենէն, ծովուն վրայ ասպատակօրէն  
սահելէն, և կրքերէն քիչ մը դադրած, հան-  
գիստ կու փնտռէր՝ մարմնէն աւելի իր սրտին:  
Միայնացեալ կ'երթար քննելու իր սուր մտօք և  
վառ հոգևովն՝ այն յաւերժայիշատակ մեծ հան-  
գիստանը, ուր ութսուն տարի առաջ՝ առաջին  
անգամ միաբան ժողովեր էին յամենայն կողմանց  
քրիստոնէութեան՝ անոր գլխաւոր առաջնորդք,  
318 հայրապետք. որոց շաան պէս պէս հալա-  
ծանքներ, աքսոր, տանջանք և կտտանք քաշեր  
էին, և դեռ՝ քաշեցին անկէ ետև այլ, յանուն և  
'ի պաշտպանութիւն աստուածութեան Փրիստո-  
սի և Ճշմարտութեան աւետարանի նորա: Ոսկի-  
բերան զինքն և աթոռն մոռցած՝ հիացմամբ կու  
պառտէր այն վեհ, և (թէ կրնայի ըսել) հսկա-  
հասակ հայրապետաց հանդիսին մէջ, փոխ առ  
փոխ խօսելով ընդ Ոսիոսի, Աղեքսանդրոսի, Մա-  
կարայ, Ղևոնգիոսի, Արիստակիսի, Յակոբայ  
Մծբնացւոյ, Աթանասի և այլոց հետ, տմենէն  
շնորհաւորութիւն և քաջալերութիւն լսելով. և  
թէ՛ իր մեծամեծ վաստակոց և սիրոյն պսակն՝

<sup>1</sup> Թուղթ է:

այս խուլ և խուլար աշխարհիս մէջ՝ պիտի ըլլար իրենցմէ շատին հանդիպածը. — զրպարտութիւն, հալածանք, արքսորանք, և... խոստովանողական մահ:...

Ո՛րչափ քաղցր էր Ոսկիբերանի՝ այսպիսի տեսլեանց մէջ յերկարել: և յետ այն նախադաս հայրապետաց՝ տեսնել նաև երկրորդ գումարն այլ 150ից, որք դեռ քիչ տարի առաջ (յամին 381) իր գահանիստ մայրաքաղաքին մէջ ('ի Կ. Պօլիս) ժողովեցան, և որոց շատն աչօք իսկ տեսեր, և դեռ ոմանք ողջ այլ էին: Անշուշտ անոնց մէջ կու փնառէր և կու փարէր իր սիրելի և դրուատեալ Անտիոքայ հայրերը, զԲաբելաս և և զՄելիտոս, և իր գահուն նախորդները Մետրոփանէս, Աղէքսանդրոս, Գրիգոր Աստուածաբան. անշուշտ կ'ըսէր զմայլեալ միտքն, Բարուդ է ինձ աստ լինել ընդ սոսա... Նրբ յանկարծ մեծ շէնկոց, զղըդիւն մը փրթաւ. տեսլարանին դըռներն գրեթէ խորտակեցան. պահապանք, գերեպտոնք, ջորեպանքներս թափեցան... «Շո՛ւտ շո՛ւտ, » փռութա՛, ելի՛ր, հեծի՛ր, արքունի հրաման է. » պէտք է հեռացընենք քըշենք տանինք զքեզ » յաքսոր, յօտար, մինչև 'ի Կոկիսոս, մինչ 'ի » Տաւրոս, մինչ յԱմանոս, մինչև 'ի ծայրս սահ » մանաց ինքնակալին»: — «Փառք քեզ Աստուած, » յաղագս ամենայնի », ըսաւ. և զնոյն ձայն կրկնէր, յեղ յեղէր քաղցրաձայն Խօսնակն Եկեղեցւոյ. և տալով զինքն 'ի ձեռս և 'ի կամս վարողացն և խնամոցն Աստուծոյ, կու քշուէր կ'երթար յաշխարհ հեռի, յանժանօթ ճանապարհ: Եօթանասուն օր շէն և անշէն տեղիք, լերինք և անտառք, գետք և քարաժայռք՝ զնոյն ձայն, զնոյն երգ՝ բիւր անգամ լսեցին, բիւր անգամ կրկնեցին. « Փառք քեզ Աստուած, փառք քեզ, յաղագս ամենայնի փառք քեզ »:

Երկու շաբաթ կեցեր էր Ոսկիբերան 'ի Նիկիա, ուսկից ելաւ յուշիս չորսին: Բիւթանիոյ մայրաքաղաքէն մինչև 'ի Կեսարիա՝ 'ի մայրաքաղաքն Ա. Հայոց և Կապպադովկիոյ, յարեմոնց յարեւելս հարաւոյ՝ գրեթէ 300 մղոն կ'ըլլայ. իբրև 25 օր մը քչեց այս ճամբան, որ 'ի սկզբան աւրահեա ըլլալով՝ քիչ մը ամսունային տաքուն դէմ այլ կրնար հանգիստ տալ<sup>1</sup>. մանաւանդ որ պահապանքն այլ հոս մարդասէր գտուեցան և շատ չէին չարչորկեր. գուցէ չէին այլ կըրնար, ծանօթ քաղաքաց և գեղից միջէն և սահմաններէն անցնելով, ուր անդադար երթեակ կար՝ արեւելքէն դէպ 'ի Կ. Պօլիս կամ ասկէ հոն. և ուր որ հասնէին՝ համբաւն աւելի առաջ հասած գտնէին: Շատ լաւ կու ճանաչէին այն կողմերն այլ զՈսկիբերան, ուրոյ և գերագոյն հովուապետութեան վիճակ էին, և իրեն արժանաւորապէս կարեկցէին. ոչ տեղացիք միայն այլ և հեռաւոր եկք. ինչպէս ինքնին Ս. հայրապետն վկայէ մէկ թղթին մէջ<sup>2</sup>, առ Ոլոմպիոդա, և յանուանէ միայն զՀայոց յիշէ, թէ « յարեւելքէ և 'ի Հայոց և ուրիշ կողմերէ՝ ճամբու վրայ հանգիպողքն՝ զմեզ տեսնելով աղբերաբար արցունք կու թափեն, լալով ու հեծկըլտանօք ետենուս կու գան, մեզմէ չեն բաժնուիր: Այս բանս անոր համար կ'ըսեմ՝ որ գիտնտս թէ հոս այլ շատեր կան, որ նոյն ցաւով վշտակից կ'ըլլան ինծի՝ ինչպէս դուք հոն »: Ուրիշ թղթով մ'այլ. « Երբոր կու տեսնեմ որ զանազան քաղաքներէ և բնակութիւններէ գուրս թափելով բազմութիւն արանց և կանանց՝ կու լան կ'ողբան մեր վրայ, ձեր ցաւը կու յիշեմ, թէ որքան սաստիկ պիտի ըլլայ, երբ հոս զմեզ առաջին անգամ տեսողքն իսկ այսչափ

1 Թուղթ Ժ:

2 Թուղթ Ը:

» կու տրամին, և որչափ աղաչենք ու պաղատենք  
 » որ չհոգան զմեզ՝ անոնք այլ աւելի խեղճ կ'ը-  
 » նեն կու լան » . և այլն: Ոսկիբերան այս խօսքե-  
 րով կ'ուզէր իր ազնիւ սարկաւագուհին և հաւա-  
 տարիմ աշկերտները մխիթարել. բայց թերևս ա-  
 ռանց ուզելուն՝ կ'իմացընէ մեզի, թէ ի՞նչ առտի-  
 ճանի մեծ էր իր համբաւն, արժանիքն, և հրա-  
 շալի ու գթաշարժ կերպն, որ այսպէս անցած  
 տեղերը յոտք և ՚ի գութ կու հանէր:

Հոս պէտք է յիշել, որ իր երկայն և կրկին  
 ճանապարհորդութեանց մէջ՝ թէ և շատ հեզ այս-  
 պէս ՚ի տեսողաց կարեկցութիւն գտաւ, բայց ոչ  
 միշտ և ՚ի պահապանացն. ոչ այլ գիւրուծիւն  
 ճանապարհի. այլ ամեն կերպ նեղութիւն և զբո-  
 մունք և վախ, ցաւ և հիւանդութիւն, տաքէն և  
 ցրտէն տագնապ: Մանաւանդ որ բնութեամբ այլ  
 փափուկ և սկար կազմուածով էր: Իր մեծ և  
 վառ հոգւոյն արտաքին պատեանն՝ շատ անհաւա-  
 սար և փոքր էր. տարիքն այլ արդէն (ըստ ու-  
 մանց) վաթսուներ լըցած, մազերն թափթըրփած,  
 ստամոքսն աւեր. շատ դարմանոյ և խնամոց կա-  
 րօտ: Որոց փոխան՝ այնպիսի չարակրութիւն մը  
 պատրաստեցաւ իրեն, որոյ հազիւ թէ զօրաւոր  
 մարդիկ կարենային համբերել: Եւ սակայն ինքն  
 ուրախ զուարթ իր երգն ՚ի բերան կ'երթար. և  
 բաւական այլ գեռ ուժով և առողջ էր ՚ի սկզբ-  
 բան: Իսկ իրեն մխիթար և օգնական ընկեր ունէր  
 քանի մը եկեղեցական պաշտօնեայ, որք Կ.Պօլ-  
 սէն հետն եկեր էին, չկարենալով զատուիլ իրմէ.  
 և աւելի կու մխիթարուէին անոր ընկեր և վշտա-  
 կից ըլլալուն, քան թերևս կու մխիթարէին  
 զնա: Իր մէկ մեծ մխիթարութիւնն այլ էր (որ-  
 պէս և ամենայն աքսորելոց և վտարելոց, եթէ  
 այս բաղդս ունենան) բարեկամաց հետ թղթա-  
 կըցիլն. պանդխտութեան երեք տարուան մէջ



գրածներէն՝ մօտիկ 250ի չափ նամակ և ճառ ձեռքընիս հասած են, առ զանազան անձինս, հեռաւորս և մերձաւորս, սկսեալ յՈլումպիադայ մինչև առ Ս. Քահանայապետն Իննովկենտիոս. այս նամակներէն շատն, մանաւանդ առաջինքն, Ոսկիբերանի ընտիր գործոց կարգը կու գրուին: Ոչ միայն աքսորանաց տեղէն, այլ և ճամբուն իջևաններէն կու գրէր, և երբեմն կ'ընդունէր այլ: Իբրև հասարակ մահկանացու և ընկերակեաց անձ մը՝ այն մեծ սիրտն այլ կու կարօտէր մօտեմաց զրուցին, բարեկամական խօսքի և մխիթարութեան. անոր համար ստէպ կ'աղաչէ թղթոցը մէջ՝ որ անպակաս գրեն իրեն, և մեծ պարգև կու սեպէ անոնց նամակը. կու մխիթարէ և քաջալերէ բարեկամները, և գեղեցիկ ու հասաատուն և երբեմն երկայն խրատներով զմեզ անգամ կու լուսաւորէ:

Ո՛հ. չիդիմանար սիրտ, երբ այն ցաւագարն մարմնով անանկ դժնդակ տեղուանք և տառններ կրածները նկարագրէ, թէ և ջանացած է յայսմ մասին շատ չըսել, որ իր սիրելիները չտխրեցընէ. սակայն բաւականէն այլ աւելի են մեզի թէ ցաւերը ճանչնալու, և թէ անոնցմէ աւելի՝ սէքն, որով իր ցաւերը մոռցած՝ կու ջանայ սիրտ տալ անոնց՝ առ որս կու գրէ: — Ասոնցմէ մէկն է Արաբիոս մը, որ յանձնարարութեան թղթեր տուեր և գրեր էր՝ որ եթէ 'ի Սեբաստիա երթայ՝ իր տունը հանդիպի և հանգչի տիրոջ պէս: Սուրբն շնորհակալ կ'ըլլայ, այլ և կ'իմացընէ՝ որ թշնամիքն չթողին որ երթայ հոն՝ 'ի մայրաքաղաքն Բ' Հայոց. վասն զի Յւդոքսիա ուղեց որ աւելի հեռու քշուի, 'ի Ադիւսոն. և կ'աղաչէ սուրբն որ եթէ հոս այլ ծանօթ ունի՝ գրէ անոնց այլ յանձնարարութեան թղթեր:

1 Թուղթ ՃԼԵ:

## Թ

Թղթակցաց մէջ առաջին և սիրելագոյն անձն , և արժանաւոր Ոսկիբերանի սուրբ սիրելութեն է՝ շատ հեղ յիշածս Ոլումպիագա . զոր և հարկ է քիչ մ'աւելի ծանօթացընել քեզ , Հայկակ : Մեր պատմութեան մէջ միտքդ կու գայ Բ Արշակ Թագաւորին ունեցած ասոր համանուն դրձխոյն , ( և երանի՛ թէ բոլոր պատմութիւնն չգար 'ի միտս , այլ և ելնէր ամեն յիշատակէ ) . կայսերական ցեղէ կին , և երբեմն ամուսնացած ընդ Կոստանդնուպ կայսերազին , յետոյ մեր չուառ Թագաւորին . ասոր աղջական , և ոմանք ինչուան գուսոր այլ կարծեցին այս կրսեր Ոլումպիագայն , ( ծնած իբր յամի 368 ) , 'ի հօրէ Անիսիոսէ , և 16 տարուան հարմնացած Նեբրիտիոսի իշխանի . ուսկից յեա 20 ամսու այրի մնալով , չուղեց անկէ ետև աշխարհի երես տեսնել . թէպէտ և կոյսարն , մեծամեծ իշխանք , մանաւանդ Ելպիդիոս Սպանիացի իշխանն և խնամին կայսեր՝ շատ ջանային որ ասոր կին ըլլայ . և այս բանիս համար՝ առաքինակրօն և մանկամարդ այրւոյն ինչքը գրաւեցին ( որ անբաւ շատ էին ) : Սակայն նա հաստատ մնաց իր առաքինի կամաց մէջ , բարեպաշտութեան դործերով միտիթարուելով ամենայն զրկմանց վըայ . մինչև յուսահատեցան բռնադատողքն՝ իր գեղեցկութիւնը և սիրտը յափշտակելու , զոր բոլորովին նուիրեր էր Աստուծոյ : Պատրիարքն Նեբատառիոս օրհնեց զնա Սարկաւագուհի . որով՝ երբ իր ստացուածոցն այլ ազատ մատակարարութիւնը դարձուցին իրեն , եղաւ կրկնակի մայր աղքատաց և տառապելոց . ստակով այլ սրտով այլ խնամելով զանոնք , և զամեն կարօտ անձեր , և մանաւանդ եկեղեցական և եկեղեցի , ինչուան





ՀԱՐՈՒՆ ԳԻՆԻԿ ԿԱՅՍԻ

հեռաւոր կողմեր: Իրաւ քիչ տիկին այնչափ հարրտութիւն ունեցած է, բայց աւելի քիչք զանոնք այնպէս օգտակար ըրած են. վասն զի քիչեր այլ իր բնականէն աւելի մտաւոր ձիրքն ունեցեր են. մեծ և տաք հաւատք, զգաստութիւն և խոհեմութիւն. որով չէ թէ լոկ հասարակ ժողովրդեան, կամ իշխանաց և արքունեաց միայն, այլ և իմաստուն և սուրբ եպիսկոպոսաց քով մեծ յարգ մեծ պատիւ ունեցաւ:

Ս. Գրիգոր Նազիանզացի, Ս. Գրիգոր Նիւսացի, Ամիրխլոբոս, և այլք, իրեն ընծայած են իրենց գեղեցիկ գրուածներէն ոմանք. Ս. Նպիփան, Մարութա, Թէոփիլոս, Ակակ, Սեբերիանոս, և այլն, իրմէ ողորմութիւն կամ օգնութիւն գտած են: Բայց իր ամենէն մեծ պարծանքը կրնանք սեպել մեր Ս. Ոսկիբերանին մտերմութիւնն, յարգն, խնամքն և թղթակցութիւնն. և թերեւ ասոնցմէ աւելի այլ իր վշտակցութիւնն անոր համար և անոր հետ: Վասն զի յետ սքսորանաց Խօսնակին՝ հալածեցին այս իրեն զմայլած ունկընդիրն այլ, և շատ նեղութիւն հասուցին, որոց կու ջանար հեռուէն իր անապատէն այլ քաջալեր տալ Ոսկիբերան. իսկ յետ իր մահուն՝ շատ երկար չգիմանալով այս ողջախոհ տառարակս այլ, կնքեց իր մաքուր կեանքը (յամի 410), և դասեցաւ ընդ սուրբս, յիշեալ ի Յունաց և ի Լատինաց:

Ահա այս սրբուհւոյն՝ և իր եկեղեցւոյ սարկաւագուհւոյն է՝ որ Ոսկիբերան այս անաջին ճանապարհորդութեան մէջ այլ զանազան թղթեր գրած է. և որոց մէկուն մէջ, (կ'երևի թէ արքունի դիւր ճամբէն դառնալով դէպ ի հարաւ, ի Կեսարիա երթալու ատեն) կրած դժարութիւնները կու յիշէ<sup>1</sup>. « Տեսած լսած բանս չէր:

<sup>1</sup> Թուղթ ԺԱ:

» Ժայռեր և ջրի տակ ծածկուած քարեր. մրրիկք  
 » և փոթորիկք թնդալով կ'որոտան. գիշեր ան-  
 » լուսնիայ, թանձր մեգ, գահավեժք և քարա-  
 » ժեռք. և սակայն ասանկ ծովու մէջ նաւելով  
 » նաւահանգիստը կեցողներէն պահաս հանգիստ  
 » չեմք »: Կ'աւելցընէ այլ թէ մարմնով առողջ  
 եմ, սրտիւ զուարթ, պահապան զինուորք այլ  
 ձեռքերնէն եկած խնամքը կ'ընեն. « ուստի զա-  
 » սոնք գիտնալով, դու այլ տիկին իմ բարեպաշտ-  
 » ուհի, յալթէ այս մրրկաց և ալեաց. և քու  
 » առողջութեանդ վրայ ապահովէ զիս, կ'աղա-  
 » չեմ »: Ուրիշ թղթոց մէջ<sup>1</sup> առ սա ինքն և առ  
 ուրիշ բարեպաշտ տիկին մը (Թէոդորա)՝ մնա-  
 ցեալ ճամբուն մէջ քաշած հիւանդութիւնը և  
 չարչարանքը կու յիշէ. « Հալեցանք, մաշեցանք,  
 » հազար կերպ մահուամբ մեռնելու մօտեցանք...  
 » մէկ կողմէն անդադար տենդով կու տանջուէի.  
 » մէկ այլ կողմէ գիշեր ցորեկ հարկ էր ճամբայ  
 » ընել. ցարեկը՝ արևուն տօթէն, գիշերը՝ տքնու-  
 » թենէն տանջանք. հարկաւոր եղած բաներ  
 » չկան, զիս հոգացողներն՝ աղքատ. բանտարգե-  
 » լոցմէ պակաս չէր քաշածներս... ոչ հաց գը-  
 » առէր և ոչ աղէկ ջուր ճամբուն վրայ... վեր-  
 » ջապէս հիւանդագին հասայ 'ի Կեսարիա՝ իբրև  
 » ալէկոծեալ նաւ մը, և հոն այլ մէկէն չհան-  
 » գըստացայ. ինչուան որ ճարտար բժշկաց խնա-  
 » մօք, բայց աւելի անոնց կարեկցութեամբը՝ քան  
 » թէ գեղերով ըռընտցայ:... Փառք Սրբոյն յա-  
 » ղագ՝ ամենայն: Այս խօսքս ինծի ամեն հանդի-  
 » պած դիպուածոց մէջ չեմ կրնար զանց ընել.  
 » և ոչ որ զայս յինէն կրնայ յափշտակել:... Աստ  
 » բան կար ըսելու (առ Թէոդորա գրելով), բայց  
 » չեմ ուզեր սիրտդ խռովել. թող լռենք. բայց

» միայն այս մէկս այլ ըսեմ... որ այնքան ճոխ և  
 » հզօր բարեկամներ ունենալով այլ չկրցանք  
 » արժանի ըլլալ այն շնորհաց՝ որ չարագործաց  
 » անգամ կու շնորհուի. այսինքն, քիչ մը մօտիկ  
 » և բարեխառն օգով տեղ մը բնակեցաւ. այլ և  
 » այսչափ չարջըրկած ու ցաւագար մարմին ունե-  
 » նալով, և խաւարացւոց (աւաղակաց) վախով  
 » չորս գին պատած ըլլալով, այս պզտիկ ու չնչին  
 » շնորհքէն այլ զրկուեցանք: Ասոր համար այլ  
 » փառք Աստուծոյ. և ոչ երբեք դագրինք յամե-  
 » նայնի փառս տալ Աստուծոյ. Եղիցի անուն  
 » Տեառն օրհնեալ յաւիտեան »: — Անցողաբար  
 յիշեմ, որ այս Թղթիս մէջ կ'ըսէ Ոսկիբերան առ  
 Թեոդորա, Թէ այս չորրորդ կամ հինգերորդ  
 Թուղթն է որ կու գրէ առ նա. անկէց աւելին այլ  
 գրած է առ Ոլոմպիադա, և առ այլս. որովք յայտ-  
 նի կ'երևի իր վառվառն միտքն, տաք սիրտն և  
 անգագար մատներն, որք այնքան հազարաւոր  
 ճառեր արտադրեցին: Ոչ քարաժայռք ճանա-  
 պարհին և ոչ անհարթութիւնք օգոց, ոչ իսկ  
 հիւանդութիւնք կրնային յոգնեցընել, լռեցընել,  
 գագրեցընել այն անխոնջ Խօսնակը:

## Ժ

Ճամբէն աւելի եռօրեայ ջերմին տաքէն տկա-  
 րացած՝ հազիւ կրցաւ Ոսկիբերան զինքը ձգել 'ի  
 Կեսարիա մայրաքաղաք<sup>1</sup>. և անոր մէկ անծանօթ  
 Թաղին մէջ յանկողին ընկած՝ բժիշկ և դարման  
 փնտռել, զոր դիւրաւ չգտաւ 'ի սկզբան. բայց  
 յետոյ ոչ միայն բժիշկք, այլ բոլոր քաղքին  
 կղերն, միանձունք և միանձնուհիք, ամենայն բա-  
 րեպաշտ անձինք՝ իբրեւ ուխտի դիմեցին իրեն, և

<sup>1</sup> Թուղթ ԺԻ:

մէկմէկէ յափշտակել կ'ուզէին իրեն ծառայելու պատիւը: Միայն, կ'ամաչեմ ըսել, միայն անոնց առաջնորդն և հովիւն՝ Փարետրիոս արքեպիսկոպոսն՝ ոչ երևեցաւ Յովհաննու և ոչ այլ կ'ուզէր տեսնել. Կամ թէ չէր այլ կրնար, նախանձով և հակառակութեամբ կուրացեալ. ինչպէս իրմէ առաջ կարծուի որ Անկիւրիոյ արքեպիսկոպոսն այլ նոյն կրքով բռնուած, ինչուան մահուան ըստ պառնալեօք կու վռնտէր զՍուրբն՝ իր Թեմէն. բայց ինքն շուտով մեռաւ: Ոսկիբերան առաջուց կու գուշակէր հոս այլ ըլլալիքը, թէ և ճամբան միամիտ անձինք իրեն աւետիս կու տային թէ Կեսարու արքեպիսկոպոսն կու սպասէ քեզի. իսկ ինքն մինչ քիչ մը հիւանդութենէն ըռննալով կու մտածէր շուտով հեռանալու անկէ, յանկարծ քաղքին դռներն ու ճամբաներն գոցուեցան: Ի սաւրացիք անակնկալ յարձակմունք մ'ըրին Մաթակայ (Կեսարիոյ) սահմանները. քաղքին զօրապետն զօրքերովը դուրս ելաւ անոնց դէմ, բնակչաց թողլով քաղաքը պաշտպանել: Երկրորդ առաւօտ Ոսկիբերան իր բնակած տունը պաշարուած տեսաւ. բայց զարմանք, ոչ յիսաւրացոյց՝ այլ արքեպիսկոպոսէն գրգռեալ միանձանց գնդով, որք կու սպառնային տունը այրել՝ թէ ոչ շուտով ելնէ երթայ. և այնպէս գլուխնին տաքցեր էր՝ որ քաղաքապետին զինուորաց անգամ վախ կու ձգէին և կու ծեծէին, և ոչ իսկ քաղաքապետէն պատկառէին: Սա չկարենալով անոնց խօսք հասկըցընել, մարդ զրկեց առ Փարետրիոս որ թող տայ խեղճ հիւանդին հանգչիլ ինչուան որ քիչ մը վըայ դնէ և ճամբաները բացուին: Ճար չեղաւ համոզել. երրորդ օրը այլ աւելի սաստկութեամբ կու ստիպէին, կու վռնտէին սուրբ պատրիարքը. որ ջերմին և կէսօրուան տաքութեան տեսն՝ հազիւ կրնալով զինքը պատգարակի մէջ



ձգել, հանել տուաւ քաղքէն. մինչդեռ բազմու-  
թիւն քաղաքացեաց շուարած կու լային, և քանի  
մը քահանայք ամբնալով և հառաչելով ետեւն  
կ'երթային. և այրած սրսով « Աւելի լաւ է, կ'ը-  
» սէին, որ իսաւրացոց ձեռք ընկնիս, քան մերոնց  
» պէս մարդատեցից մէջ մնաս » : Ռուփինոս պաշ-  
տօնէին բարեպաշտ այրին Սելեկիա՝ աղաչեց, և  
տանել տուաւ զՍուրբն իր գեղի տունը, որ չորս  
հինգ մզոն հեռի էր քաղքէն : Անարժան հօտապե-  
տին նախանձն՝ ասով այլ դոհ չեղաւ. այլ այն-  
քան սպառնացաւ վախցուց բարի տիկինը, որ ա-  
կամայ և լալով ստիպեցաւ իր հիւրը հեռացընել.  
սակայն գեղեցիկ և ազնիւ խորագիտութիւն ձեւ-  
ցընել տուաւ՝ թէ բարբարոսներուն վախէն է՝

Կէս գիշեր էր. հանդարտ և կարօտած քուն մը  
կու քաշէր Ոսկիբերան, երբ յանկարծ իր ընկեր  
քահանայն (Նւեթիոս) խթելով արթնցուց,  
Բարբարոսք կու գան, փախչի՛ր, ըսելով : « Անլու-  
» սընկայ, մառախլապատ, տխուր կէս գիշեր էր,  
» կ'ըսէ ինքն Ոսկիբերան, որ զմեզ մեծ տարա-  
» կուսի մէջ կու ձգէր. ոչ խորհուրդ տուող կար  
» և ոչ ձեռք տուող. ամենքն զմեզ թողեր էին.  
» զարհուրած, և գրեթէ մահուան սպասելով  
» հիւանդագին անձամբ ելայ և ջահերը վառել  
» սուրի. բայց երեցս մարել տուաւ, որ չըլլայ  
» թէ լոյսը տեսնելով՝ բարբարոսք վրանիս յար-  
» ձըկին : Ուրեմն ջահերը մարած ընկանք ճամ-  
» բայ, որ սասաիկ քարոտ և խորտուբորս էր.  
» անանկ որ պատգարակս կրող ջորին զարնուե-  
» լով ընկաւ, դեսպակն այլ զիս այլ անանկ գլո-  
» րեց, որ կարծէի թէ այլ պիտի չէննամ. հաղիւ  
» ոտք ելայ, և սկսայ կամաց քայլել՝ օգնութեամբ  
» Նւեթիոսի, որ ինքն այլ ձիէն ընկած՝ թեւս կու  
» բռնէր. և այսպէս ուրիշի ձեռքով առաջնորդած  
» կամ քաջքըշած՝ այն դժուարին տեղւոյ և վտան-

» գաւոր լերանց մէջ կէս գիշերուան տառն կու  
 » խարխափէի: Մտածէ՛ թէ ի՞նչ կու կրէի ցաւե-  
 » ընս, ջերմին տագնապէն, և եղածը չգիտնալով  
 » կարծելով թէ հիմայ հիմայ այն ահաւոր բար-  
 » բարոսաց ձեռքը պիտի ընկնինք: Կարծեմ թէ  
 » միայն այս տառն քաշած տառապանքս՝ բաւա-  
 » կան էին շատ մը մեղքերս քաւելու և ինծի վարձք  
 » պատրաստելու »: Յետոյ իմացաւ և կ'իմացընէ  
 Ոսկիբերան, որ այս ամեն բանի պատճառ նա-  
 խանձն է եղեր, այն՝ որ զինքն հալածեց 'ի Կ. Պօլ-  
 սոյ, և հիմայ այլ 'ի Կեսարիոյ. անոր համար ցա-  
 ւադին և այրած սրտիւ կ'աւելցընէ խօսք մը, զոր  
 ես այլ գողալով կ'արտաբերեմ. թէ ոչ յիսաւրա-  
 ցոնց « և ոչ յայլմէ ումեքէ այնպէս երկնչիմ ես՝  
 » որպէս յեպիսկոպոսաց, բաց 'ի սակաւուց ո-  
 » մանց »: Այսքան ծանրակշիռ են գործք անոնց՝  
 զորս երկինք և երկիր կու ճանչնան այցելու, հո-  
 վիւ և հայր ժողովրդեան:...

Այս տառապագին և դժնդակ ուղևորութիւնս՝  
 պատճառաւ իր հիւանդութեանն, անգաղար ջեր-  
 մին, արշաւանաց բարբարոսաց (որ սովորական  
 ճամբաները բռնած էին), շատ ծանր և երկար ե-  
 դաւ. գրեթէ ամիս մը և աւելի. իսկ Պօլսէ ելնե-  
 լէն 'ի վեր 70 օր, մինչև հասաւ Ոսկիբերան իր  
 աքսորանաց սահմանեալ տեղը, 'ի Կոկիւսոն. ո-  
 ւոյ անուանէն անգամ կու սոսկար և կու փափա-  
 գէր ուրիշ տեղ մը քշուիլ. բայց ասոր համար այլ  
 գոհացաւ ըսաւ՝ Փառք քեզ Աստուած յաղագս  
 ամենայնի:

## ԺԱ

Կոկիւսոն՝ ուր իրեք տարւոյ մօտ պանդրխտեցաւ Ոսկիբերան, և ուսկից գրեց հարիւրաւոր նամակներ, իրեն համար էր ամայագոյն, անապափ գոյն լայր համօրէն աշխարհի<sup>1</sup>։ Վասն որոյ պատշաճ է մեղի այլ ծանօթանալ այս տեղւոյս. թէ և 'ի սկզբանէ անտի մինչև հիմայ այլ խիստ քիչ ծանօթ մնալովն աշխարհագրաց և ուղևորաց, անգամ մ'այլ կ'արգարացնէ իր ամենէն մեծ տարաքնակ պանդրխտին վկայութիւնը։

Հին Գամբայց կամ Կապպագովկիոյ, Կիւլիկիոյ, Կոմագենիոյ (կամ Եփրատացւոց) և Գ և Բ Հայոց միջաստիճան՝ փոքր աշխարհ մը կար հին ատեն, Կապպոնիէ ըսուած, զոր ոմանք Կապպագովկիոյ մասն անուանէին, այլք (ինչպէս Պտղոմէոս) Փոքր Հայոց. միջին դարու մէջ՝ մերքս Զահան աշխարհ կամ երկիր կ'անուանեն այս տեղս, յանուն Զահան կամ Ճիհան (որ և Պիւռամիս) գետոյ, որ կու բլիսէ 'ի զանազան կողմանց լեւանցն։ Լերինքն են՝ յարեմոից և հիւսիսոյ՝ Անտիտաւրոս, 'ի հարաւոյ՝ Ամանոս, իսկ յարեւելց՝ այն լեռներն՝ որ Եփրատայ ջրերը կու զատեն 'ի Զահանայ, զսա 'ի Միջերկրական ծով իջեցնելով, զնա՝ յարեւելս զբլիւղով մինչև 'ի Մոցն Պարսից։ Այս զանազան լեռներէն չբնապատեալ երկիրն՝ 'ի հարկէ կու ձևացնէ լեռնադաշտ կամ մեծ լեռնահովիտ մը, ինչպէս կ'անուանէ այլ զսա հին աշխարհագիրն Սարաբոն. և է շատ ընդարձակ հիմայ Ալպոսանի կամ Էլպոսիանի (որ և Ապլաստան) գաւառն, և Փալանկա-օլա դաշտն. որոց

1 Թուղթ ԶԷ. ԺԹ. և այլն։ Εν Κουκουσῶ καθήμενοι τῷ πατρὶ τῆς καθ' ἡμᾶς οἰκουμένης ἐρημότατα χωρίῳ.

հարաւակողմը Ալպօստան՝ կամ մեր Զահան քաղ-  
քէն վար՝ կու միանան երեք գլխաւոր գետակք,  
ժողովելով լեռնահովտին ջրերը, և միանալով կու  
ձեւացընեն զգետն մեծ Զահան, որ անկից կ'իջնէ  
'ի Մարաշ, և կու մտնէ 'ի Կիւլիկիա, երթալով  
յԱնարզաբա և Մսիս, թափիլ 'ի Մոյն Հայոց  
(հիմայ՝ Իսթէնտէրուլնի ծոց)։ Այս երեք գետա-  
կաց արեւմտագոյն և հարաւագոյնն է Կոկիսոնի  
գետն (Կէօքսուլն-սու)։ Որոյ եզերքն է շինած մեր  
հետաքննելի տեղին, ընդ մէջ Հաճնայ և Խօզանօղ-  
լուի լեռանց՝ յարեմտից, Զահանայ՝ յարեւելից,  
և Ուլնայ կամ Զէյթուլնի՝ որ կայ 'ի հարաւոյ։  
Յանուլանէ գետակին և ուրիշ նշանաց կու հաւաք-  
տի՝ որ ասոր բնիկ հովիտն կամ վիճակն է Կիւյ  
գաւառն յիշեալ 'ի մերոց պատմչաց միջին դարու,  
որոյ գլխաւոր շէնքն կամ քաղաքն՝ անշուշտ հա-  
մանունապէս Կոկաց քաղաք կամ Կիւ կոչէր ըստ  
սովորութեան Հայոց (որպէս Կարս՝ Կարուց քա-  
ղաք), զոր Յոյնք և Լատինք փոխեցին 'ի Գոգու-  
սոս, յետոյ և Հայք 'ի Կիւիսոն, յորմէ ցարդ և  
այլազգիք Կէօփիւն կամ Կէօփուս կոչեն։ — Կոկիւ-  
սոն՝ զոր Յոյնք միշտ քաղաք Հայոց կոչեն, և 'ի  
գիրս մեր կոչուած է նաև Գաղա Հայոց մեծայ, հի-  
մայ երեսէ ընկած աւան մը կ'երևի 2-300 տաճ-  
կաբնակ տնով, որոց հետ չեն յիշուիր մերազգիք,  
այլ անոր մօտերը երեք գիւղից մէջ։ Տեղւոյն  
գիւրքն ինքնին կու կրկնէ Ոսկիբերանի ըսածները.  
ամառը բաւական տաք պիտի ըլլայ, լայնութեան  
38 աստիճանին տակ ըլլալով, իսկ ձմեռը՝ անհնա-  
րին ցուրտ, թէ՛ բնական յատուկին բարձրու-  
թեամբ և թէ՛ բարձր ու ձիւռապատ լեռանց մեր-  
ձաւորութեամբ։ Որք չէ թէ միայն երկայն շարք  
մը կու ձեւացընեն արեւմտից կողմէն, այլ և ոմանք

ցրուած կանգնին գաշտին մէջ. և անով այլ աւելի վայրենի և դժնդակ կերպարանք մը կու տան, և ճամբայ ընելու գոհարութիւն: Ուստի ոչ այնքան բնակութեան և առևտրի յարմար՝ որքան ամրութեան և պահպանութեան տեղ մը կրնար ըլլալ: Այնպէս այլ ըրեր էին սրատես շահագէտ Հռովմայեցիք՝ բերդով ամրացնելով և պահապան գունդ մը դնելով հոն: Այսպիսի ամրութեամբ, Կժարութեամբ, և հեռաւորութեամբ, (ի սահմանածայր Յունաց, Հայոց և Ասորւոց), պքսորանաց այլ յարմար տեղ սեպուեցաւ. ինչպէս և 70 տարի յետ Ոսկիբերանի՝ Զենոն Իսաւրացի կայսրն իր հակառակորդ Բասիլիսկոսը տընով տեղով հոս աշտարակի մը մէջ փակեց, սովամահ ըրաւ:

Քիչ շատ լսեր և գիտէր Ոսկիբերան իր արգելանաց անմխիթար դիրքը. սակայն երբ յետ ամսօրեայ տառապանացն որ ի Կեսարիոյ սկսեալ՝ հասաւ հոս, և գոնէ հալածողներէն ազատած՝ ընկաւ իր առանձնութեան անակը և յանկողին, և սկսաւ շունչ առնուլ ողջանալ, ու Իսաւրացւոց այլ ետ քաշուելովն՝ վախն այլ փարատեցաւ, առջի կարծածին չափ տխուր և ահարկու չերեցաւ Կոկիւսոն. « Ինչո՞ւ համար կու տրտմիս, կ'ըսէ առ Ոլոմպիադա, այս տեղւոյս ամայութեան վրայ... Թէպէտ և ոչ հրապարակ ունի այս քաղաքս, ոչ վաճառանոց, բայց ինծի ինչ փոյթ են ասոնք. ինծի հարկաւոր եղածն առատապէս կու գտնեմ, (հիւրընկալաց ճարարելովը): Նոյնպէս ուրիշ գրի մէջ այլ կ'ըսէ, թէ երբ ի Կոկիւսոն հասայ՝ սկսայ անամպ երկինք տեսնել, մաքուր օդ ծծել. հիւանդութիւնս փարատեցաւ. և ամեն կողմէ սկսան հարկաւոր եղածքն տեղալ՝ բարերարաց յօժար կամքով:

Այս բարերարաց մէկ գլխաւորն էր Հայա-

ստանի այս մասին նախարարն կամ կողմնակալն՝ Սոսապարոս անուամբ<sup>1</sup>, որ հայրաքար կու խնամէր իր իշխանութեան տակ եղածները. Ոսկիբերան գովութեամբ և շնորհակալութեամբ կու յիշէ զնա. և անոր մէկ որդին՝ որ հոն էր՝ ուսմանց ետեւեղած, կու յանձնէ իր բարեկամ Կիւրակոս եպիսկոպոսին խնամոց: — Մէկ բարերար և խնամածուն այլ էր տեղւոյն եպիսկոպոսն, որ յայլոց կոչուի Աղեւքոս (Եղբայր), որ նախ Արաքացոց եպիսկոպոս էր, կ'ըսեն. և պատկառելով յարժանապատիւ պատրիարքէն՝ ուզեց անոր թուղու իր աթոռը, զոր 'ի հարկէ յանձն չառաւ Սուրբն, Որոշեալ սահմանէն անդին չանցնինք<sup>2</sup>, ըսելով. այլ ըստ պատշաճին՝ վարդապետութեան սլաշտօնը կամ արուեստը կատարէր:

## ԺԲ

Առոնցմէ և ամենէն աւելի մօտրիմ և ձեռնտու եղաւ Դիոսիորոս<sup>3</sup>, զոր Տէրն իմ կոչէ Ոսկիբերան, որ շատ հեղ եպիսկոպոսաց կու տայ այս տիրական անունը. և մենք ուրիշ վաւերական աւանդութենէ այլ գիտենք որ նա մեր ազգէն էր՝ եպիսկոպոս և վարդապետ Հայոց այն կողմերուն, և ինչպէս Ոսկիբերանի և Շնորհալոյ յիշատակքն տանգուշակել'ազնուազգի, այլ և Պահլաւունեաց տոհմէն: Յեղէն աւելի մեծահոգի և տաքսիրտ ըլլալով երբ լսեց թէ Խօսնական եկեղեցւոյ իր սահմանաց մէջ պիտի պանդխտի, ուրախութեամբ և մեծարանօք մարդ խաւրեց մինչև 'ի Կեսարիա, (մինչդեռ հոն էր Սուրբն) և հրաւիրեց իր տունը. Սուրբն այլ մեծարեց զնա և յանձն առաւ

1 Թուղթ ԿԴ:

2 Թուղթ ՃԻԵ:

3 Թուղթ ԺԳ. ԺԴ:

խնդիրքը, թողլով ուրիշներուն հրաւերքը. և երբ եկաւ 'ի Կսկիւսոն'՝<sup>1</sup> պատրաստ գտաւ 'Իիոսկո-րեայ տունը'՝ ամենայն կարեւորօք, ըստ կարելոյն. զոր բաւական չսեպելով տանուտէրն՝ բոլոր իսկ տունը թողուց Ոսկիբերանի պիտոյից և հանգըստեան, ինքն իր գեղի տունը քաշուելով. և տանը վերակացուն պատուիրելով՝ որ ամեն կարելի գիւրութեան հնարք ընէ, հանգչեցընէ իր արժանապատիւ հիւրը: Ասոր նախանձելով ուրիշ շատեր այլ՝ մէկմէկէ աւելի կու ջանային ծառայութիւն մ'ընել Ոսկիբերանի:

Անոնց մէջ գովութեամբ կու յիշէ սարկաւագուհի մ'այլ՝ Սաբինիանա (Չաւենա ?)<sup>2</sup> անուամբ, որ տարիքն առած և շատ այլ տկար ու հիւանդոտ էր. սակայն նոյն իսկ Ոսկիբերանի հոն հասած օրը՝ եկաւ իրեն այցելութեւն, թէ և հազիւ կրնար քայլել. բայց երիտասարդի պէս աշխոյժ և զուարթ կու խօսէր, և կ'ըսէր Ս. հայրապետին. Եթէ զքեզ Սկիւթացուց աշխարհն այլ քշելու ըլլային, ինչպէս որ կ'ըսէին, ինչուան հոն այլ կու գայի քեզի: — Ազնիւ պառաւ, որքան տարբեր յԵգոքսիայ սրաէն: — Գուցէ մերազգի էր և այն Բարեպաշտ և առնի- Հրահատն, ինչպէս կ'ըսէ Ոսկիբերան (Աֆրաադ կոչելով) որ Դիոգենէս անուամբ մեծի մը կողմանէ ընծաներ բերեր էր առ Սուրբն, և երբ սա չէր ուզէր զամենն այլ ընգունիլ, Հրահատ յանձն չէր առնուր հեռանալ անկէ, և ոչ իսկ սրբոյն նամակը տանիլ, ինչուան որ բոլոր բերածները չընդունի. « այնպէս ինծի հետ » կ'ապուեցաւ », կ'ըսէ Ոսկիբերան. և կ'աղաչէ զԴիոգենէս որ այն պարգևները ղրկուին 'ի Փիւնիկէ 'ի պէտս նոր հաւատացելոց: Անկէ ետեւ նամակացը մէջ և բերնով այլ կու պատուիրէր

1 Թուղթ ԺԴ:

2 Թուղթ ԺԳ:

Սուրբն, որ այլ իրեն ընծայ չխաւրեն. վասն զի ինչուան կանայք իրենց զարդերն անգամկու խաւրէին: Առաժներն այլ աղքատաց կու տար, կամ գերիները ազատելու յիսաւրացւոց: Իսկ ինքն իր գերութեան ատեն աւելի շատ բարեկամ ունեցաւ քան յազատութեանն:

Արդ ասոնց և նմանեաց խնամօք և սիրով և օգոց լաւութեամբ շուտով վրայ գնելով պանդուխտ Խօսնական մեր, կըրցաւ գուրս այլ ելնել, և բնութեան աստուածատուր և աննախանձ գեղեցկութիւնը և կենսատու շունչը վայելել: Դեռ սեպտեմբեր ամիս էր. տաքերն մեղմացած զուարճալի աշնան եղանակն կու տիրէր բարձրագաշտակաց վրայ, հովտաց և լեռանց, ծմակաց և ծործորոց մէջ. ուսկից դեռ քաղցրաշարժ կրկրջանօք կ'իջնէին արծաթափայլ առուակք, կու հնչէին առապարասէր թռչունք, և ծաղկէին զանազան գունով վայրենի ծաղիկքն, իբրեւ անխուով և անմեղ խաղաղութեան մը մէջ. « Միայնութիւն, խաղա » ղութիւն, անգորրութիւն բազում և մօրմնոյ » կազգուրումն », զգաց, կանչեց, գրեց Ոսկի բերան<sup>1</sup>: Տեսաւ և յիշեց անշուշտ իր երկնաւոր վարդապետին ցուցած և ըսածը, զոր և ինքն իսկ երբեմն մեկնաբանած էր<sup>2</sup>, « զառաւելութիւնն... » գեղեցկութեանն, զոր տուեալ է շուշանացն » վայրենեաց... Եթէ Սողոմոն պարտեցաւ 'ի գե » ղեցկութենէ նոցա, յամենայն... 'ի փառս իւր, » յայտ առնէ թէ յամենայն իսկ 'ի թագաւորու » թեան իւրում այնպիսի ինչ ոչ զգեցաւ. և ոչ » եթէ 'ի միոյ ծաղկէն պարտեցաւ և միւսումն » նմանել կարաց, այլ յամենեցունց միանգամայն

1 Թուղթ ԺԴ. ἡσυχία, γαλήνη, ἀπραγμοσύνη πολλή, σοματος ευρωστία.

2 Մեկնութիւն Մատթէի. ճառ ԻԲ:



» յաղթեցաւ. վասն որոյ և ասէ իսկ, եթէ Ոչ  
 » իբրեւ զմի 'ի նոցանէն: ... Ձինչնուազագոյն քան  
 » զայն կայցէ, զի որ այսօրն իցէ և վաղիւ չիցէ,  
 » և յայնմ ևս զայնպիսի պայծառութիւն ցուցա-  
 » նիցէ: Ձի որ խոտոյն՝ որ չէ ինչ 'ի պէտս և ճա-  
 » րակ հրոյ, զայնպիսի գեղեցկութիւն չնորհեաց,  
 » զիմորդ ոչ քեզ՝ որ 'ի պէտս հաստատեցար, տայ.  
 » ցէ զամենայն պէտս... Դրչափ ևս առաւել զքեզ՝  
 » որ քան զամենայն ինչ պատուականագոյն ես,  
 » ամենայն պիտոյիւք պատուիցէ »: Այն որ այս-  
 պիսի խորհրդածութեամբք կու խրատէր երբեմն  
 իր ժողովուրդը, Դրչափ աւելի խորհրդածէր հի-  
 մայ տեսնելով այս վայրենի ծաղկոյնները՝ իրենց  
 պարզ և գերսօղոմոնեան գեղեցկութեամբն՝ այն  
 բացավայր առանձնութեանց մէջ, որոց ինքն իսկ  
 էր ամենէն աւելի միայնացեալ անձն, միանգա-  
 մայն և ամենէն աւելի զանոնք լեցընողն՝ իր աս-  
 տուածափառ ներկայութեամբը:

## ԺԳ

Այսպէս զգործս և զխորհուրդս Աստուծոյ  
 տեսնելով և նկատելով հիացմամբ յանպատրուակ  
 դէմս բնութեան, Ոսկիբերան գրեթէ չէր իմանար  
 եղանակին յառաջ շարժիլն և աշնայնոյն լռիկ հե-  
 ռանալն. — մինչև գրեւ առ ոմն<sup>1</sup>, թէ ոչ միայն  
 « ազատեցաւ Հայաստան յԻսաւրացւոց », (այլ  
 » և) տեղւոյս ձմեռն մինչև հիմայ ամենազուարճ՝  
 » գարնան նմանի »: Եւ ուրիշի մ'այլ գրելով կու  
 նմանեցնէր Անտիոքայ՝ իր բնիկ հայրենեաց կլի-  
 մային, որոյ արդարեւ թէպէտ նոյն միջօրէին տակն  
 է Կոկիսոն, այլ գրեթէ 120 մղոն անկէ աւելի  
 հիւսիսագոյն, աւելի բարձրագիր և շատ աւելի

1 Թուղթ ԾԳ:

հեռու 'ի ծովէ. որով Անտիոքայ ցանկալի ձմեռուան շատ կարօտ կրնար քաշել, ինչպէս որ քիչ ատենէն ինքն այլ զգաց: Մէկ երկու պախրրցի հովեր Անտիտաւրոսէն փչելով՝ այլափոխեցին բնութեան կերպարանքը. հասաւ, նրստաւ թագաւորեց դժնգակ ձմեռն՝ լերանց և դաշտաց վըայ. չորս դին ընդարձակ լայնայատակ բռած գուբ մը նմանեցաւ. միայն երկինք իր գոյնովը կ'երևէր վերէն, այն այլ երբ ձեան տարափէ և բըքէ ազատ ըլլար: Ոչ այնքան տեպն և ցուրտն, որքան անոնց երկարութիւնն և սաստկութիւնն, ստէպ ստէպ կրկնուիլ և բարդուիլ տեղատարափոյն, սառանց թանձրանալն, ամեն երթևեկի դադրիլն, դիւրութեան և առողջութեան կարևորաց պակասիլն, շատ, և խիստ շատ իմացուց Ոսկիբերանի՝ իր պսորանաց և պսորողաց դառնութիւնը: Ամենայն խնամք և զգուշութիւն բաւական չեղան զինքը ծանր հիւանդութենէ և նեղութենէ ազատելու. գրեթէ երկու ամիս միօրինակ յանկողին ընկած մնաց. « Զմեռն, կ'ըսէ մէկ » թղթին մէջ, սովորականէն ծանր ծագեցաւ, և » ինծի աւելի ծանրագոյն ստամոքացաւի ձմեռ » մը բերաւ. գրեթէ ոչ դիւրագոյն և լաւագոյն » քան զմեռեալս, այլ թերևս աւելի գէշ անցու » ցի այս երկու ամիսները: Լոյսն անգամ կարօ » տութեամբ կու գտնէի... ցորեկ, արշալոյս, » միջօրէ, ամենն այլ ինծի դիշերուան հաւասար » էր. բոլոր օրն այլ անկողնի մէջ դամուած կու » կենայի: Թէպէտ և շատ տեսակ հնարք գտնէի՝ » բայց այն դժնգակ ցըրտէն եղած վնասին ճար » չէր ըլլար. թէպէտ և կրակ կու վառէի և մեծ » ծուխ կ'ըլլար, և խցկանս մէջ փակուած կե » նայի, հարիւր զգեստ այլ հագնէի, և դռնէս » դուրս չէլնէի, դարձեալ չարաչար կու տան » ջուռէի: Այնկէց սրախս վերաբերութիւն կ'ըլլար,

» գլխիս ցաւ, կերակրոյ անախորժութիւն և քնոյ  
 » կտրուք. բոլոր գիշերուան երկար անդունդը՝  
 » տքնութեամբ կ'անցընէի » . և այլն :

Այս ձմեռուան փորձն առած՝ իմացաւ Ոսկի-  
 բերան որ իր ճանչցածը չէ եղեր, և մէկ խօսքով  
 անոր սաստկութիւնը իմացընելու համար՝ գրեթէ  
 բաւական կու սեպէ Հայկան յիշու ըսելը<sup>1</sup>. այն  
 ձմեռը՝ զոր 'ի Մեծ Հայս՝ Քրիստոսէ 400 տարի  
 առաջ փորձեց Մեղուն ատաիկեան, Քրիստոսէ  
 400 տարի վերջն այլ հոս փորձեց Խօսնակն եկե-  
 ղեցւոյ. և թերևս իր խրճթին մէջ աւելի դառն  
 գտաւ հայրապետն, քան զօրապետն իր լեռնային  
 ճամբուն մէջ : Անոր համար կու խոստովանի նա՝  
 մէկու մը գրելով<sup>2</sup>, թէ « Մարմինս և ոչ մէկ բանէ  
 » այնպէս կու չարչարուի ինչպէս 'ի ցրտոյ. և  
 » չկայ բան մը որ այնպէս օգտակար ըլլայ ինծի՝  
 » ինչպէս ամառն և տաքութեան զուարճու-  
 » թիւնն » : Ուստի և երբ առաջին անգամ քիչ  
 մը տաք հով փրչեց և գարնան նշան մը տեսաւ՝  
 ամեն բան փոխուած և նորէն կենդանացեալ կար-  
 ծեց<sup>3</sup>. թէ և յայսմ մասին՝ մեր հայրենեաց և Տաւ-  
 րոյ-Կիլիկիոյ կլիմայն՝ շատ մարդասէր և քաղա-  
 քավար չէ, մանաւանդ ամփոփածից, ինչպէս էր և  
 Ոսկիբերան. որ և դարձեալ անուշիկ գանգատի<sup>4</sup>,  
 թէ « Նորէն օգոց փոփոխութիւնն խռովեց զմեզ.  
 » և գեռ հոս ձմեռն կու տիրէ. (ըսել է որ ուրիշ  
 » տեղ գարունն բաւական առաջ գացած էր).  
 » սակայն յուսանք թէ երբ ամառն լաւ մը հաս-  
 » տատուի՝ հիւսնդութեանս մնացորդն այլ անց-  
 » նի » : Եւ այս բանիս համար, ինչպէս կ'ըսէ, շատ  
 ղգուշութիւն կ'ընէր :

Այսպէս ցրտով ցաւով անցուց երանելի հայ.

1 Թուղթ 2 :

2 Թուղթ 2 :

3 Թուղթ 21 :

4 Թուղթ 21 :

բապետն, և Կ.Պօլսոյ պատասպարեալ պալատտայ մէջ վարժող փափուկ և տկար անձնն՝ այս առաջին ձմեռը. որուն՝ ժամանակաւ կամ հարկաւ՝ վարժեցաւ. անանկ որ երկրորդ տարին կու գրէր<sup>1</sup>. « Գրեթէ սովորութեամբ վարժեցայ Հայկական » ձմրան այլ. թէպէտև ցրտէն շատ կու նեղիմ, » ինչպէս որ բնական է ասանկ տկար մարմին ու » նողին. սակայն կրնամ դէմ դնել, սաստիկ ցըր. » տութեան ատեն տնէն դուրս չենելով. և հա. » զիւ թէ գռնէս դուրս ոտք կու դնեմ » :

Խեղճ Խօսնակ. այսպէս խնամեցին զքեզ կայ. սերք և իշխանք, որք իբր գողնալով և բռնի բերեր էին զքեզ 'ի Զերաշունչ Անտիոքայ՝ բարձրացընելու 'ի բեմ տիեզերակալ մայրութեան. և ուր քչեցին ու մոռցան զքեզ: — Բայց արդ ուրախ լեր, հանդարտէ, բաց դռուդ և ել 'ի դուրս. ել յաստուածանորոգ զքօսարան բնութեան. « Զը. » մեռն էանց և ծաղիկք երևեցան ». եթէ խիստ է ձմեռն Կոկիւսոնի, և քիչ մ'երկար, բայց մէկ եղանակ մ'է, և յետագայքն աւելի քաղցր կ'ըլլան: — Ինքնին փորձեց և վկայեց զայս<sup>2</sup>. « Մնա. » ցեալ տարւոյ մասերն այնպէս զուարճալի և » անոյշ կու գան ինծի, կ'ըսէ, որ դիւրաւ կրնամ » բոլորովին առողջանալ այն ձմեռուան բերած » հիւանդութենէն » : — Ուրեմն ահա քեզի Զեր. մահոտ և անուշահոտ օրեր. ընդնտցիր, ուժով ցիր. անբան բնութիւնն՝ ծլեցաւ ծաղկեցաւ զար. դարեցաւ չորս կողմէ: Հապա, ով անխոնջ մշակ Քրիստոսի սյգւոյն, զոր հերկէիր և ցանէիր և քրտամբդ ոռոգէիր, ով աղբիւրդ եկեղեցւոյ, ել, եկ, մշակէ, ոռոգէ, ծաղկեցու փայլեցու այս ամայի անապատ անծանօթ կողմանցս բա. նաւոր բնութիւնն այլ. որ արդէն աւետարեր

1 Թուղթ ձիւ:

2 Թուղթ ձիւ:

ոտք կոխելուդ՝ դրգեցաւ, առաւ շրթանցդ ցօղը  
 և սրտիդ բոցը: Քու և քու նախորդացդ, մեր Սա-  
 հակայ Պարթևի և իր նախորդացը, երկուքիդ այլ  
 իշխանութեանց այս միջասահման կողմն, այս  
 կորուսեալ Կոկաց գաւառս՝ նորէն կանգնէ՝ 'ի  
 կեանս: Ոչ հեռու յայս կողմերէս՝ անցաւ երբեմն  
 առաջին պերճախօսն հին աշխարհի, Կիկերոն, և  
 հազիւ հպարտութեան համբաւն հնչեցաւ. իսկ  
 քու հեզիկ շնչովդ՝ Քրիստոս պիտի թազաւորէ  
 հոս: — Խօսէ մնչէ մեզի, ով Ոսկիբերան, այս  
 լռանիստ հայկական անապատացս մէջ... Ահա  
 « Զայն տատրակի լսելի եղև յերկրի մերում »:

## ԺԴ

Ոսկիբերան երբեք չմոռցաւ իր բարբառը, նաև  
 քնչուան 'ի յետին շունչ կենացն. միշտ և ամեն  
 տեղ անխտիր՝ ամենուն՝ իբրև անլուելի և անգա-  
 դար պատգամախօս Աստուծոյ՝ քարոզեց սովորե-  
 ցուց զբանն կենաց: Հիւանդութեան և ցրտի ա-  
 տեններ այլ՝ կամ ուրիշներու միտթարական թըղ-  
 թեր կու գրէր, որով ինքն այլ միտթարուէր,  
 կամ ուրիշ հոգևոր խրատական և մեկնողական  
 գրուածներ. ոչ միայն առանձնականաց համար  
 կամ ապագայից յիշատակ, այլ և այն կողմերուն  
 ժողովրդոց և քահանայից համար, և նաև հե-  
 ռաւորաց, Ասորւոց և մանաւանդ Փիւնիկեցւոց  
 կողմանց, ուր քիչ ատենուան մէջ շատ ծաղկե-  
 ցնել տուաւ զքրիստոնէութիւն, և շատ եկեղե-  
 ցիներ կանգնել: Իր ցած ու անծանօթ խրճիթէն և  
 աթոռակէն այլ՝ առանց պատրիարքական հեղի-  
 նակութիւն բանեցընելու, աւելի կու գործէր և  
 կու շահէր, քան զայլ իշխանաւոր հայրապետս  
 ժամանակին: Արդէն երբ 'ի Կեսարիոյ սահման-  
 ներէն անցեր մտեր էր այս լեռնային կողմերս,

տեղացի հարբ, կրօնաւորք և կուսանք ընդ առաջ ելան խնդուլթեամբ, միանգամայն և լալով ու տրտմուլթեամբ՝ իրենցմէ հեռանալուն և յաքսոր դատապարտուելուն համար. և « Աւելի կ'ըն- » տրեմք, կ'ըսէին, արևուն ճառագայթներէն զըր- » կուիլ՝ քան թէ Յովհաննու բերնէն » : Ինքնին Ոսկիբերան բւնադատուած է զայս խոստովանե- լու իր մէկ մտերմին<sup>1</sup> : — Արդ այնքան հեռաւոր- ներն անգամ հոգացողն՝ կրնա՞ր իր մօտիկները զանց ընել :

Այս մօտաւորքս անշուշտ նախ Կոկք էին և Կատայուլիք. այս ետքիններուս համար մեծաշ- խարհագիրն Ստրաբոն կ'ըսէ թէ Հիւ կ'անուանե- ին 'ի մէջ Կապպագովկացւոց, թէ և լեզունին տարբեր չէր. ես այլ չեմ գիտեր թէ արդեօք հիւն Ստորւոց՝ թէ Քոմերեան Քամրաց սերունդք էին. և ոչ իսկ ՂԿոկս՝ թէ արդեօք ասոնց ազգակից էին՝ թէ մանաւանդ մեր Արամ նահապետին ա- տենէն այս կողմերուս հայացեալ ցեղերուն : Ըստ ոմանց Հայ էին, ըստ այլոց՝ առանց անուան ազգի՝ կէս բարբարոս և հեթանոս ժողովուրդ մը, բաց 'ի հաւատացեալ Հայոց և Յունաց : Այս ետքիններս կերպով մը վաղուց ծանօթ պիտի ըլլային Ոսկի- բերանի. վասն զի գրեթէ իր մկրտութեան տարին էր՝ երբ նահապետեցաւ հոս Ս. Ստեփանոս Ուլ- նեցի և իր մայրն, Կանչի բերդին քով, մօտ 'ի Կո- կիսոն, ուսկից էր հայրենեօք այս վկայուհին՝ Մա- րիամ Հայկազն : Յայսմաւուրք մը Ուլնեցւոյն եր- կու ծնողացն համար այլ կ'ըսէ թէ « էին ազգաւ Հայ » : Արդ ասոր այրն Ղազար՝ էր հայրենակից Ոսկիբերանի՝ յԱնախոքայ. ուսկից տրիանոսաց հալածանաց ատեն փախաւ հոս, ուր ապահով էին քրիստոնեայք, և ամուսնացաւ ընդ Մարե-

<sup>1</sup> Թուղթ ճիւղ :

մայ : Ստեփանոսի նահատակեալ ընկերքն՝ թէ ոչ ամենն այլ Հայ , գոնէ շատն մերազգի էին , որոց մէջ յիշուի Բագրատունի մ'այլ , և ուրիշ մը Սմբատ անուամբ : Սնկարեղի կ'երևի որ այս իր օրերուն , ( 40 տարի առաջ ) և գրեթէ հայրենակցացը վկայարանաց՝ յայց ելած չըլլայ Ոսկիբերան : Սեզի հիմայ քիչ զարմանք չէ մտածելն՝ թէ ասկէ 1460 տարի առաջ Ոսկիբերան յուստ գացած ըլլայ 'ի Զէյթուն<sup>1</sup> :

Թողլով այս հաւատացեալները՝ դառնանք առ անհաւատսն . Ոսկիբերանի վարուց ընդարձակօրէն գրողն<sup>2</sup> այսպէս կ'ըսէ . « Քանզի հեթանոսք էին »  
 » բնակիչք տեղւոյն այնորիկ . ուստի ոմանք պաշ-  
 » տէին զկուռս անմռունչս , և այլք զփայտս վար-  
 » սաւորս անտառախիտ ծառոցն , և կէսք արե-  
 » գականն երկիր պագանէին : Իսկ երանելին Յով-  
 » հաննէս իբրև եհաս անդ՝ առնէր նշանս և սքան-  
 » չելիս շնորհօք Աստուծոյ . և ամենեքեան իբրև  
 » լսէին թէ ծառայ Աստուծոյ բարձրելոյ է՝ գային  
 » առ նա » : Եւ յետ պատմելոյ զբժշկութիւն մէկ արևապաշտ ութամեայ անդամալուծի մը , « Ի-  
 » բրև տեսին ազնն այն զյանկարծահաս եղեալ  
 » սքանչելիսն՝ հաւատային ամենեքեան միաբան  
 » յԱստուած յարարիչն երկնի և երկրի . և մկրդ-  
 » տեցան 'ի նմանէ անթիւ բազմութիւնք 'ի Հայր  
 » և յՈրդի և 'ի Հոգին սուրբ . և ձեռնադրեաց նո-  
 » ցա եօթն եպիսկոպոս , և բազում երիցունս և  
 » սարկաւագունս , առ 'ի բաւական լինել հո-  
 » վուել զանթիւ բազմութիւն ժողովրդեանն , և  
 » սպասաւորել եկեղեցեացն՝ որ շինեցանն : . . Եւ  
 » ապա մտեալ անդ այր մի 'ի նոցանէ ըստ շնոր-  
 » հացն Աստուծոյ՝ որ գիտէր զհեղինացի ճարտա-

<sup>1</sup> Որ է հիմն Ուլի կամ մօտիկ անոր :

<sup>2</sup> Գէորգ Երուսաղէմացի :

» սանութիւն իմաստութեան գայրութեան, և  
 » պատրաստեաց զնա թարգմանել 'ի լեզուս նո-  
 » ցա զՆոր Կախարանս, զի 'ի միտ առցեն զպատուի-  
 » րանս հրամանացն աստուածաշունչ տառիցն.  
 » և զՍաղմոսարանն ևս ետ թարգմանել, զի առցեն  
 » 'ի բերան զհոգեւից երգսն Դաւթի՝ երգել միշտ  
 » յեկեղեցիսն. և ապա փոքր 'ի շատէ և զայլ ևս  
 » Հին Կախարանսն: Որ և 'ի սակաւ աւուրս առա-  
 » լել ևս ծաղկեաց և պտղաբերեցաւ հաւատք  
 » փրկչին մերոյ Յիսուսի Քրիստոսի 'ի պատուի-  
 » րանաց անտի. և միշտ գնային և յառաջագէմք  
 » լինէին 'ի բարիան. և փառաւորէր Սատուած 'ի  
 » բարի գործս նոցա:... Թէպէտ և վշտացաւ թա-  
 » գաւորական քաղաքն ընդ արտասահմանութի  
 » ճշմարիտ հովուին իւրեանց, տակայն ուրախա-  
 » ցաւ Ժողովուրդ ի մէջ ընդ գիւտ ճշմարիտ լու-  
 » սոյն » :

## ԺԵ

Այս պատմիկս խօսքերէն և Թէոդորեանայ մէկ  
 խօսքէն, կու հաւանին և կու հետեցընեն շատ եւ-  
 րոպացի Սուրբ գրոց հմուտ բանասէրք ԺԶ և ԺԵ  
 դարուց, որ Յովհաննէս Ոսկիբերան առաջին հե-  
 ղինակ ըլլայ հայերէն թարգմանութեան աստուա-  
 ծաշունչ գրոց, մանաւանդ նոր կտակարանաց և  
 սաղմոսաց. և գրեթէ հասարակաց էր այս կար-  
 ծիքս՝ քանի որ մեր սղգային Ս. Թարգմանչոց  
 պատմութիւնն անծանօթ էր Եւրոպացւոց. ա-  
 նանկ որ ոչ միայն Ս. գրոց թարգմանութեան,  
 այլ և հայերէն այբուբենի գտիչ՝ Ոսկիբերան կու  
 սեպուէր յոմանց: Մինչև այսօր այլ Հռովմայ  
 Վատիկանու գերահռչակ գրատան գահըճին մէջ,  
 ուր ամենայն ազգաց գիր հնարողաց պատկերքն  
 կան, իբրև հայերէնի գրագիւտ կանգնած է Ոսկի-



բերան, հայ այբուբենն գոթացի ձևով մը վրան գրած: Ուրիշ կողմանէ մեր պատմեաց մէջ այլ կայ յիշատակ հին թարգմանութեան մը Սաղմոսաց, « զոր հանապազ 'ի բերան ունին », կ'ըսէ Թովմա Արծրունի, ուրիշ կողացի կամ Խութեցի լեռնաբնակաց համար: — Եթէ կոկացիք Հայք էին՝ ըստ շատ հաւանութե, գրեթէ տարակոյս չի մնար Ոսկիբերանի ջանքով հայերէն թարգմանութեան մը Ս. գրոց՝ ըստ մասին. վասն զի և նոյն քրիստոսասէր Սուրբն էր՝ որ Գթաց և Սկիւթաց մէջ այլ կու ջանար տարածել զաւետտրանն, և ինքնին թարգմանաւ կու քարոզէր անոնց 'ի Կ. Պօլիս:

Գրասիրաց թողով հետաքննել այս բանասիրական խնդիրը, չեմ կրնար հոս չյիշեցնել քեզի, Հայկակ, այս Ս. Ոսկիբերանի և մեր Ս. Մեսրովպայ ըրած կամ ընծայուած գործոց զարմանալի կամ նախախնամական զուգակցութիւնը: Ծանօթ է քեզի թէ ինչ ջանք ըրած է մեր դպրութեանց վարդապետն՝ հայերէն գիր հնարելու և սուրբ գրքերը թարգմանելու. գիտես այլ որ այդ հայերէն գրերը՝ աստուածային իմն շնորհօք գտաւ կամ հնարեց յամին 406, մինչ նոյն և նախընթաց տարին՝ Ոսկիբերան զԿոկիւսոն լուսաւորէր: Եւ կու մեծաբոց լուսաւորք, թերևս անծանօթք իւրարու, որոց մէկն Հայաստանեայց աշխարհին ամենէն արեւմտեան հարաւային ծայրերը (Տաւրուկիւղկիա) լուսաւորէր, մնացեալ հեթանոսութեան հետքը ջնջելով. միւսն (Մեսրովպ) այն աշխարհին ամենէն արեւելեան հիւսիսային ծայրերը՝ նոյն բաժը կ'ընէր ('ի Սիւնիս, յԱղուանա և 'ի կովկասեան Մազգութս). և երկուքն այլ գրեթէ մէկ ժամանակի մէջ, մինչդեռ սուրբն Սահակ կայր և ծագէր 'ի միջնաշխարհին: — Այն ինչ զարմանալի գերելիսարեան լուսացայտք էին երկու բաց.

արձակ սահմանաց Հայոց, 'ի դրանց Կիւրիկիոյ մինչև 'ի գուռն Հոնաց, (իբր 600 մղոն իրարմէ հեռու) որ մեր հայրենեաց վրայ ցուացընէին երկնից մեծագոյն շնորհքը: Ո՛րքան առատաձեռն և մեծագործ եղած է Նախախնամութիւնն 'ի վերայ մեր Հայ ազգիս և աշխարհիս: Ո՛րքան օգտակար եղած է ընդհանուր Եկեղեցւոյ՝ իր քաջածայն Խօսնակն՝ իր արտասահմանութեան ատեն այլ, քան մասնաւոր յունական եկեղեցւոյ մեծ վիճակի մը: Եւ որքան երախտապարտք եմք մեք Հայք՝ Աստուծոյ և իր հռչակաւոր քարոզին՝ այս այցելութեա համար: Ո՛րքան այլ երախտագէտ պէտք է ըլլան Յոյնք և համօրէն հաւատացեալք՝ մեզի, և մեր հարց հիւրընկալութեանն, սիրոյն, պատւոյ և մեծարանաց առ Ոսկիբերտնն:

Եւ նոյն ինքն մեծահոգին այն՝ արգեօք չէր և չէ իսկ ճանաչող և յարգող այսպիսի ազնիւ զգացմանց՝ զոր դտաւ 'ի Հայս: Վկայեն իր ժամանակակից պատմիչքն (Պալլատիոս և Սողոմոն)<sup>1</sup>, հոս այլ զմերայինս միայն յանուանէ յիշելով, թէ « Յոյժ սիրելի էր Նա Հայոյ՝ յորոց միջի բնած կէրն, և այլոց ևս մերձաւորաց »: Այլ արգեօք սիրուէր առաւել թէ սիրէր: ... Իր նամակաց մէջ շատ հեզ գովութեամբ և գորովանօք կու յիշէ 'ի տեղացեաց դտած մարդասիրութիւնը. որոց ինքն այլ փոխարինեց հոգւով և սրտով և ոսկի բերնով. այլ և մարմնաւոր հօր պէս պաշտպանելով. - գերեթափ ընելով 'ի գերջաց. առատ ողորմութեամբ առ տնանկա, և սովուատեն (որ նոյն տարիները պատահեցաւ այն կողմերը) շատերը կերակրելով իր ընդունած պարգևներով և ստակներովը: Ճշմարիտ հայր և լուսատու եղաւ այս տեղացի մերազգեաց, որպէս և

1 Գեղք Ը. ԻԵ:

օտարաց, լրացուցանելով զարդիւնս և զգիւտա-  
իրմէ դար մ'առաջ մեր Հայոց Մեծաց անմահ  
Լուսաւորչին Գրիգորի:

Գիտէր Ոսկիբերան որ Հայոց ազգն արևելքի  
մէջ առանձին եկեղեցի և գրչուխ մ'ունէր, ա-  
ռանձին լեզուաւ և սովորութեամբ և քաղաքա-  
կան վարչութեամբ. այլ մերձաւոր և յարակից  
Յունաց՝ դրակցութեամբն ու դաշնակցութեամբք,  
անոնց նախագահական թուօին երբեմն հապ-  
տակութեամբ 'ի ձեռնագրութեանն, և նոյն իսկ  
գեռ անոնց (յոյն) լեզուով եկեղեցական սուրբ  
պաշտամունքը կատարելով. — գիտէր որ այն ա-  
տեն արևելեան ազգաց ամենէն մեծ և կարգաւ-  
որեալ եկեղեցեաց մէկն էր Հայոցն. գիտէր որ հա-  
րիւրաւոր եպիսկոպոսներ ունէին, և եպիսկոպո-  
սապետ՝ զմեծն Սահակ Պարթև՝ զԹոռնորդի Թո-  
ռան Ս. Լուսաւորչին, զոր Թերևս անձամբ այլ  
ճանցքեր էր. — գիտէր որ լեզուի և ծիսի իրա-  
ւամբք՝ տմենայն Հայք անոր վիճակ և հօտ էին.  
Բայց այն ատեն քաղաքական օրէնք զՓոքր Հայս  
զատեր և Կ.Պօլսի՝ կայսերաց իշխանութեան տակ  
ձգեր էին, Թողլով զՄեծ Հայս իրենց բնիկ Թագա-  
ւորին, որ էր Բարեացապարտն Վառամշտպուհ: —  
Գիտէր որ Պարսից արքայից արքային նախանձու  
և վախին համար՝ մեծ զգուշութիւն պէտք էր  
Հայոց, (նաև Թագաւորին և հայրապետին)՝ 'ի  
հազորդելոյ կամ մտերմութիւն ցուցնելու Յու-  
նաց հետ. անով առ Ժամանակ մը Փոքր Հայք՝  
նաև ըստ եկեղեցական վարչութեան (յիւրաւի  
կամ յանիրաւի) Յունաց պատրիարքութեան  
տակ ընկած էին, (Կեսարիոյ նախագահին վի-  
ճակեալ.) — գիտէր և Ս. Սահակ քաջ քաղա-  
քավարութիւն, միանգամայն և ճանաչէր զան-  
ձինս և զԺամանակն. և իրեն մեծ ուրախութիւն  
և պատիւ սեպէր Ոսկիբերանի պէս հովուապետի

մը հեռաւոր կամ մերձաւոր խնամոց տակ մնալն իր սեպհական հօտին մէկ մասին. զոր յետ մահուան նորա՝ (անոր յաջորդաց ոգին ճանչնալով) պահանջեց 'ի Թէոգոս կայսերէ՝ և յԱռաքելոսէ պատրիարքէ, և ստացաւ. սկսաւ հովուել անձամբ այցելութեամբ և քարոզութեամբ իր հոգեկիր աջակցին՝ Ս. Մեսրոպայ։ Իսկ այս առեւն վասն վերոյիշեալ քաղաքական զգուշութեանց, և կամ իրարու վրայ ունեցած վստահութեան, Ոսկիբերանի և Սահակայ մէջ մասնաւոր թղթակցութիւն մը չի գտուիր, և ոչ այլ ուրիշ Հայ եպիսկոպոսաց՝ յայտնապէս. Թէ և շատ հաւանական է որ Ոսկիբերանի քանի մը թղթերն գրուած ըլլան առ մերազգի եպիսկոպոսունս և երիցունս Փոքր Հայոց, որոց անուանքն կամ յունական են, կամ յունարէն թարգմանեալ. (ինչպէս Եւպիգիոս՝ Յուսիկ, Ադելփոս՝ Եղբայր, Իորդիուս՝ Տօնիկ, և այլն), և կամ աւելի Հայոց քան Յունաց մէջ գործածականք են, ինչպէս Մալքոս, Մովսէս, և այլն. յորոց ոմանք այլ անշուշտ Ասորիք են։ Ապա Թէ ոչ անհաւաքալի կ'ըլլայ Թէ աքսորանաց տեղէն ինչուան Փիւնիկիոյ և Արաբիոյ, Պարսից և Գլթաց եկեղեցեաց համար հոգացողն՝ իր ամենէն մերձաւոր և ընդարձակ եկեղեցւոյն տեսչաց հետ վերաբերութի չունենայ. մինչդեռ անոնց բնական վիճակին մէկ մասին մէջ՝ գրեթէ անձամբ հովուութիւն, հայրութիւն և վարդապետութիւն ընելով, կու բովանդակէր Լուսաւորչի դաւադանին շրջաբոլորը։

## ԺԶ

Աւելի անակնկալ կերպով մ'այլ մեծարեց և հռչակեց Ոսկիբերան զԼուսաւորիչն Հայոց, այն լեզուով՝ որով երբեմն իր աղաջին եկեղեցւոյն

Ս. հովիւները ներբողեր էր, զիգնատիոս, զԲաբելոն և զՄեղիտոս. միանգամայն մեծարու և երախտագէտ ըլլալով թէ մեծին Գրիգորի և թէ անոր պայազաւ և իր ասպնջական Դէոսկորին. վասն զի ասոր խնդրանօք գրեց և խօսեցաւ « Ներբողեան, ասացեալ յաղագս վարուց և նահապետական Պրիգորի՝ Հայոց Մեծաց հայրապետի՝ ի Սոկրատէս Հայոց, մինչ յաքսորանս էր (Ոսկիբերան), ի խնդրոյ Հայազին որումն եպիսկոպոսի և վարդապետի համազգաց նորին՝ Դիոսկորոս անուն կոչեցելոյ, և այլ ևս յոգնախումբ բազմութեան, որք ժողովեալ էին յաւուր յիշատակի մեծահռչակ տօնի նորին սուրբ Լուսաւորչին արեւելեան աշխարհին » : Այսպիսի է վերնագիր ճառին, որոյ յիշատակարանն այլ արժան է գիտնալ. « Ի Թուականիս ՇՂ (1141) թարգմանեցաւ ճառս ի յունականէն ի մերս, ի ձեռն Աբրահամու Ղրամատիկոսի, ի հին և յեղծ օրինակաց. իսկ յարմարեցաւ ըստ բանից գարութեան և բառից՝ յիմոյ նուաստութեան Ներսիսի (Վայեցելոյ), հրամանաւ տեառն իմոյ և հարազատի՝ Գրիգորիսի Հայոց կաթողիկոսի » : Արդ այս ճառս որոյ սկիզբն է, « Հրաշալի է մեզ տօնս այսօր, և պայծառագոյն քան զսովորականն՝ շարագրութիւնս », զոր Շնորհալին և այն յոյն վարպետ գրագէտն գտան Ոսկիբերանէն 740 տարի ետեւ՝ հին և եղծ օրինակաց մէջ, և անտարակոյս ճանչցան, հիմայ չի գտուիր հեղինակին մնացեալ յունարէն գործոց մէջ : Ասոնց հրատարակող մեծարդիւն և քննադատ արքայն Մոնֆղոն՝ անցեալ դարու մէջ՝ տարակուսած կարծուի ասոր վաւերականութեւն վրայ, թերևս և այլք անոր պէս : Բայց անշուշտ այնպէս չէին ըներ՝ եթէ նախ ճառին վերնագիրն և յիշատակագիրը քննէին, և յիշէին Ոսկիբերա-

նի ըրածները 'ի Կոկիւսոն, և իր հոն հիւրընկալուէն՝ Դիոսիորոսը. որոյ համար Մոնֆորտն այլ անհաւան չիսեպեր Ոսկիբերանին ճառախօսութիւնը, այլ զճառը՝ երկբայելի և անարժան անոր գրչին. և իրաւունք ունի: Վասն զի իր կարգացած և հրատարակած ճառը (զոր 'ի լատին թարգմաններ է հայագէտ երէցն Վիլլեֆուռա), ոչ է այս մեր ըսած Հրաշալի ճառս, այլ ուրիշ մը՝ Աստուծապարդից արանց սկզբնաւորութեամբ, որ թէ և ձեռագրաց ոմանց մէջ Նորին Յովնանոս Ուիլեմի անուամբ գրուած է, բայց ոչ ոճն և ոչ ուրիշ վկայութիւն մը կու ճշմարտէ զայն: Ըստ դիպաց՝ գաղղիացի բանասէր արքայք անհարազատ ճառին գլուխը դրած գտեր են հարազատին վերնագիրը, և շփոթեր են. որոյ տեղ եթէ այս ճառս գրտած ըլլային՝ անշուշտ բնաւ չէին տարակուսիր Ոսկիբերանի ըլլալուն. որոյ ընդուն և սրտին և դիպուածոյ յարմար՝ շատ խօսք կան մէջը: Յառաջաբանութեանը մէջ կու յուսայ Լուսաւորչին մեծախոհութենէն՝ որ ընդունի « ըզ » դուզնաբեայ ընծայաբերութիւնս 'ի փար Ֆարձ » նոյ և Բաղմարիմի Վարդ Կալաբիւն անձնէ » . յետոյ թուելով անոր անթիւ արդիւնքն և արժանաւորութիւնը՝ կերպ կերպ գովէ. Աբրահամ նահապետին և նոր օրինաց սրբոց հետ համեմատելով, կ'անցնի 'ի վերապին համբերութիւնը. և անկից կու սկսի պատմել Հռիփսիմեանց և Տրդատայ դէպքը, Գրիգորի հանուին 'ի վերապէն և բժշկելն զպատուհասեալն յԱստուծոյ, և քարոզել զճշմարտութիւն Քրիստոսի. ըստ ախորժելոյ հայկական լսելեաց յերկարելով այս բաներս:

Բայց երբ կու հասնի Հայոց խնդիրքին առ Գրիգոր՝ իրենց քահանայապետ ըլլալու համար, և ասոր նախ խոնարհութեամբ հրաժարելուն, ապա հարկաւ յանձնառութեանը, Ոսկիբերան

իր անձին և ժամանակին դէպքերէն զրդած չի կրնար չկանչել. « Զայնպիսին գովեմ ես հո-  
 » վիւ, զայնպիսին վերակացու, զնորայն ողջու-  
 » նեմ զտկարութիւն, զնորայն բնդունիմ զհեզ-  
 » գութիւն. զի ոչ նա զհետ պատուոյն, այլ զհետ  
 » նորա պատիւն ընթանայր. ոչ խնդրէր զփառ-  
 » սըն, այլ խնդրեալլինէր 'ի փառացն. տյնպիսին  
 » վայելէ քահանայապետ՝ ըստ Պօղոսի, սուրբ,  
 » անմեղ, անարատ, զատեալ 'ի մեղաւորաց և  
 » բարձրացեալ քան զերկինս: Զի որ այնպիսի ոչ  
 » լինիցի՝ ոչ հովիւ ուրեմն կոչի, այլ գող և աւա-  
 » զակ և գայլ ապականիչ օձտելով զհօտն Քրիս-  
 » տոսի. ըստ որում և առ Բեդիէն երեւցան հակառ-  
 » իդչ ճշմարտութեանս... Վասն որոյ՝ եթէ հա-  
 » ճոյ թուեսցի, պարտ և արժան է նախ և ա-  
 » ռաջին անցանել առ այնպիսին բանիւ, և ապա  
 » զերանելի հօրս մերոյ աւարտել զներքողական  
 » ճառս: Հովուապետի է ատեանս, քահանայա-  
 » պետի՝ տօնախմբութիւնս. պարտ է զատանել  
 » զգայլսն 'ի հովուաց. և առ նորա փառացն պա-  
 » տիւ՝ սակաւ ինչ և ղերս յիշտալէլ ղիշտ...  
 » Քանզի տեղի տալն երանելի հօրս մերոյ՝ 'ի խորս  
 » բանից արկանէ զմեզ ». և այլն: Այս ըսելով  
 » կուսկսի 'ի բանից Քրիստոսի, և առաքելոցն Պօ-  
 »ղոսի, Պետրոսի և Յովհաննու՝ ցուցնել, թէ ինչ  
 » պէս պէտք է ըլլալ ճշմարիտ հովիւ, եպիսկոպոս.  
 » և ինչ կ'ընեն անարժան հովիւք, աշխարհասէրք  
 » և արծաթասէրք. և դարձեալ թէ ինչպէս պէտք  
 » է որ առաքինիք համբերեն իրենց դէմ հալածանաց  
 » և վշտաց, օրինակաւ իրենցմէ առաջ հալածելոց,  
 » և այլն: Այսպիսի սրտառուչ և խրատական խօս-  
 » քեր գրեթէ ճառին քառորդէն աւելին կու բռն-  
 » նեն. և աւելի հովուաց քան հօտին վերաբերելով՝  
 » կրնանք կարծել՝ թէ այս մասս խօսած չէ հանդի-  
 » սին մէջ, այլ գրած կամ յետոյ յաւելած: Անկէ

Լաւ գարձեալ կու յիշէ Լուսաւորչին աշխատանքը և 'ի լերինս առանձնանալը. « Թագուցանել » զանձնս'ի մարգկայինս տեսութենէ. զի մաքրաւ » պէս անգանօր և աննիւթաբար՝ աննիւթակաւ » նին հանգիպեսցի տեսութեանն Աստուծոյ » . Եւ հոս կ'աւարտէ Լուսաւորչի պատմութիւնը , ամենևին չյիշելով անոր երջանիկ փոխման աւանգութիւնը և մարմնոյն գիւտը . — վասն զի գեռ երկուքն այլ չէին յայտնուած , որպէս յետոյ . և այս այլ կրնայ վկայ ըլլալ ճառիս հնութեանը : Յետոյ գարձեալ ներքողելով զՍուրբն , չիմոռնար անոր բնիկ հօտն այլ գովելու . « Մինչև ցայժմ » իսկ՝ օր ըստ օրէ 'ի լապագոյնսն յառաջանան » ընտրեալ նորայն ժողովուրդ և վիճակ » : Պան » ծալի՝ գովութիւն . արդիւնք գործակցութեան ջանից որդւոց Ս . Լուսաւորչի , և գեռ գործող Ս . Սահակայ :

Յետ ամենայնի Ոսկերերան իր վիճակին յարմար և սրտառուչ կերպով կնքէ խօսքը , գարձընելով առ Ս . Լուսաւորչին մեր . « Սղաչեմ , կը » սէ , ոչ ևս մեկուսանալ հոգևորական այցելու » թեամբ առ 'ի մէնջ , այլ յիշել զմեզ անմոռ » ռաց... զի և մէք զպատահումն սակաւագոյն » վշտացս՝ համբերութեամբ կատարեսցուք... » և քոյին վշտամբեր նեղութեանցս յիշատակաւ » 'ի մերումս միխիթարեալ սփոփեսցուք :... Զի » և ես նուազեալ 'ի զօրութենէ անգամոց , պիտի » գոլով մարմնով և վշտագին անձկութեամբ , մա » նաւանդ Բռնտրապետ սիրով 'ի քո համագիտոյ , 'ի » քոմ վիճակիս , նշանակ սիրոյ հատուցի քեզ ըն » ծայ ջերմագոյն սրտիւ : Զի ահաւագիկ նուի » րեալ եմ և ես յայսմհետէ լքանել զկեանս » զայս տապակալի , և լինել ընդ 'Բրիստոսի . թե » րևս անգանօր հանգիպեսցուք միմեանց զուար » ճալի և գեղեցկագոյն հանգիպմամբ , բնակցե »





ԴԱՓՆԻՆ ՏԵՆՏԻՈՒՔ, ՀԱՅՏՐԵՆԻՔ ՏՈՎՋ. ՈՍԿԻՐՅՈՒՆԻ.



» լով 'ի միասին մշտնջենաւորապէս. և արժանաւոր լինել երանաւէտ խոստմանցն. որոց լիցի » ամենեցուն մեզ հասանել 'ի Քրիստոս Յիսուս » 'ի տէր մեր », և այլն: — Ոսկիբերանի ամենէն սրտաշարժ խօսքերէն մէկն է այս վերջաբանս, և թերևս ամենէն աւելին. խոստովանութիւն մը՝ զոր կու ջանար լռելու իր թղթոց մէջ, և զոր հոս համարձակի՝ առաջի Աստուծոյ և իր բազմաշարժար նահատակին, ու անոր արեան քրտանց գին աննախանձ և անկասկած ժողովրդեան մը: Կ'երևի այլ որ իր կէս հիւանդութեան ատեն խօսած է, և թերևս վերջին տարին: Անշուշտ իր յետին ոսկեղինիկ և զգայուն գրուածոց մէկն է սա. մի 'ի վերջին ձայնից կամ երգոց Խօսնակին եկեղեցւոյ՝ հնչեցեալ յանապատս Հայոց, 'ի սէր նոցին իսկ Հայոց և 'ի պատիւ Լուսաւորչինոցին... Քարանձաք Կոկաց, արդեօք կու կրկնէք դեռ այդ հռչակի ձայնը, որ զերկուքն այլ յանմահութիւն կու խառնէ, զձայնեալն՝ Գրիգոր, և զձայնոյն՝ Յովհաննէս, զԼուսաւորիչ և զՈսկիբերան...:

## ԺԵ

Եթէ աւելորդ պարծանք չէ, կու համարձակիմ ըսել, Թէ Ոսկիբերան կանուխ և շատ հին պարագ մ'ունէր Լուսաւորչայ ժողովրդեան և վիճակին. իր բնատուր հանճարով և Անտրակաթ ու Լիբանիոս սոփեսախից ջանքով ոսկեզօծեալ շրթունքը՝ եկեղեցւոյ Խօսնակ ըլլալու վարժեցընոյն՝ Պօլիքստոսի հայրենակից և բնիկ ազգաւ Հայ մ'էր, նուիրեալ և մեծահաւատ անձ մը, — Ս. Մէլիքոս հայրապետն. որ տեսնելով զՅովհաննէս (18 ամեայ պատանի) լցեալ հւետորական շնորհօք և գիտութեամբք դարդարեալ, բայց տարակուսեալ երկնից և երկրի որսչիչ ճամբուն վրայ,

Ճարտար սիրով իրեն քաշեց. երեք տարի քովը պահելով բացաւ, ցըցուց, սովորեցուց իրեն Գրիստոսի բարձր և վսեմ իմաստասիրութիւնը, անոր Հօր յաւիտենական գաղտնիքը, և Հոգւոյն՝ հրեղէն լեզուն. և երբ անոնց լիովին ընդունակ աեսաւ՝ մկրտեց զՅովհաննէս (21 տարուան), և իր Անտիոքայ մեծ և նախաքրիստոնեայ եկեղեցւոյն՝ Գրակարգաց ձեռնադրեց։ Այսպէս, մինչ Ասորին հայր՝ Յոյնն մայր՝ և արտաքին դաստիարակ եղան, Հայ մը եղաւ վերածնող և գայեակ հոգւոյն և սրտին Ոսկիբերանի, զորս ինքնին յետոյ կրթեց և զարգարեց աստուածային շնորհօք, Անտիոքայ լերանց Ճգնաւորաց խորշրոււն և իր քարայրին առանձնութեանը մէջ։

Հոս անցողաբար յիշենք, որ այն ատեն երբ յետ վեց կամ եօթն ամաց դարձաւ Յովհաննէս ի լերանց՝ այլափոխեալ կերպով մը, մարմնովն՝ նուազեալ, ցամաքեալ, ճգնեալ և ճնշեալ, իսկ հոգւովն և մտօք լուսափայլեալ և հմտացեալ գիտութեամբ աստուածայնոց, զորմէ արդէն գրուածովք այլ յայտնել սկսեր էր, Ս. Մելիտոս գորկաբաց ընդունեցաւ իր հոգեսուն սանը, և նորէն եկեղեցւոյն պաշտօնեայ ընելով լսեցուց անոր ընթերցուածները. իսկ երբ ինքն հանգեաւ ի տէր յամի 381, իր յաջորդն Փլաբիանոս՝ սարկաւագ և քահանայ ձեռնադրեց<sup>1</sup>, և իրեն օգնական ըրաւ, նաև տեղակալ և քարոզիչ, թէ իր բացակայութեան ատենն և թէ մօտ ըլլալուն. ինչուան

<sup>1</sup> Ըստ ոմանց Ս. Մելիտոս ձեռնադրած է զՅովհաննէս՝ ռարկաւագ. իսկ քահանայութիւնն եղած է ըստ ոմանց յամի 383, ըստ այլոց 386 կամ 387, և ըստ ոմանց աւելի այլ առաջ։ Եւ ըստ այսմ սովորաբար 63 տարի ապրած կը հաշուեն զՍուրբն. իսկ այլք 50 տարի, կամ 52 տարի և 8 ամիս. և այս այլ հաւանական է։

որ յետ 12 (կամ աւելի տարւոյ) տրամուծեամբ  
 և խնդուածեամբ ստիպուեցաւ բաժնուելու ան-  
 կէ, (ծողլով որ երթայ իրեն պատուակից և աթո-  
 ռակից և աւելի այլ բարձրագահ ըլլայ)՝ Կ.Պո-  
 լիս)։ Եւ երբեքսկից քչեցին ՂԱՌԵՐՆ՝ դեռ ողջ  
 Փլարիանոս և ցաւօք լսեց զայն. և ինչպէս կու-  
 վայէր իր առաքինութեանն և մեծութենն՝ մերժեց  
 Թէոփիլեանց հրապոյրքը, և գրեց այլ Կ.Պոլսի  
 Ժողովրդեան՝ որ հաւատարիմ մնան իրենց ար-  
 Ժանաւոր հովուին. անոր համար Ոսկիբերան այլ  
 կ'աղաչէր և կու պնդէր՝ որ առանց Հռովմայ քա-  
 հանայապետին և Անտիոքայ ու Երուսաղէմի  
 պատրիարքաց՝ իրեն վրայ դատաստան չընեն։  
 Զայնը չլսեցին, կամ ջանային չլսել. աքսորեալ  
 հայրապետն մօտեցաւ տեղեալ իր հայրենեաց և  
 զինքը քահանայ ձեռնադրող Ծերունի հօրը ա-  
 թողոյն. ինչ ցաւ և ինչ միտութարութիւն երկու-  
 քին այլ։ Բայց աւելի եղաւ ցաւն Յովհաննու-  
 վան զի հազիւ տեղաւորուած իր պանդխտու-  
 թեան մէջ, և դեռ չսկսած թղթակցիլ իր նախ-  
 պետանման հօրը հետ, լսեց անոր վախճանը։ Այլ  
 աւելի դառնակսկիծ եղաւ ցաւն՝ երբ այն առթիւ  
 Անտիոքայ եկեղեցւոյն մէջ այլ շփոթ ընկաւ. և  
 անարժան քահանայ մը (Պորփիր) հայրապե-  
 տական աթոռը դրաւեց. ողջամիտք տիրած՝ յետ  
 քաշուեցան. շատերն բոլորովին հեռացան յԱն-  
 տիոքայ. շատեր՝ քահանայք և ժողովուրդք՝ իբրեւ  
 ուխտի և միտութարութեան՝ սկսան դիմել առ Յով-  
 հաննէս ի Կոկիւսոն, ցանկալով անոր քարոզու-  
 թեան հին օրերը յետ դարձնելու. և եթէ կա-  
 րելի ըլլար՝ նորէն զինքն իր հայրենիքը բերելու՝  
 իրենք զիրենք նոր յաշխարհ եկած պիտի սեպէին։  
 Զարհուրեցան Թշնամիքն, կ'ըսէ Ռսկիբերանի հա-  
 լատարիմ և կենակից կենսագիրն,<sup>1</sup> «Տեսանելով

1 Պալլագէոս։

» զի Անտիոքայ եկեղեցին 'ի Հայս փոխաբերեալ  
 » լինի. և անտուստ գարձեալ որպէս թէ յԱն-  
 » տիոք ընթանայ՝ հռչակ զուարթարար իմաստա-  
 » սիրութեանն Յովհաննու » : Կամ ինչպէս ուրիշ  
 մը կ'ըսէ<sup>1</sup>. « Գրեթէ ամենայն կողմանքն այնո-  
 » քիկ Հայաստանեայց, և անտի մինչև ցԱնտիոք  
 » և 'ի Կ.Պօլիս հռչակ հարկանէին զիմաստու-  
 » թիւն նորա. և 'ի բերան առեալ զնորա վար-  
 » դապետութիւնն՝ գովելի և փառաւոր յամե-  
 » նեցունց բերանոյ լինէր նա » : Նստ թղթեր ու-  
 նի գրած յաքսորէն առ Անտիոքացիս, մանա-  
 ւանգ առ քահանայս, յորդորելով միշտ 'ի համ-  
 բերութիւն և 'ի խաղաղութիւն, զգուշաւոր խը-  
 րատներով. զնոյն կ'ընէ և ուրիշ թղթոց մէջ առ  
 զանազանս. միշտ ջանալով հակառակողաց առիթ  
 չտալ, նախանձին չգրգռել. ստեպ այլ կու պա-  
 տուիրէ մտերմացն՝ որ չհռչակեն իր քաշած նե-  
 ղութիւնները, թէ և օտարք խօսելու այլ ըլլան :  
 Սակայն այս բանս անկարելի եղաւ, և էր. ոչ  
 իր վիշտերն և փառքն պակսեցան և ոչ այլ թշնա-  
 մեաց նախանձն, իր եռամեայ պանդխտութեան  
 մէջ. զոր մեծաւ մասամբ անցուց հեռաւոր աշ-  
 խարհաց մէջ այլ քրիստոնէութեան ծաւալմուն-  
 քը հնարելով. թղթեր գրելով, ինչպէս շատ հեղ-  
 ըսի, և առանձին հոգեւոր և խրատական գրքեր և  
 ճառեր, որոց համար բաւական թուղթ կամ տախ-  
 տակ չէր գտներ. և այս էր իրեն ամենէն մեծ  
 կարօտութիւն : Սրաին և բերնին համեմատ ձեռքն  
 այլ ժիր և անխոնջ էր, և չէր կրնար անոնց բա-  
 ւակսն ճարակ և դաշտ գտնել :

<sup>1</sup> Գէորգ Երուսաղեմացի :

## ԺԸ

Իր հոն և վերջի գրուածոց մէջ՝ յայտնի և նշա-  
նաւորներէն, իր աննման ձայնին և գրչին վերջին  
ճախններէն, ու քրիստոնէական իմաստասիրու-  
թեան գերագոյն արտադրութիւններէն մէկն է  
Ճառ մը, թէ Ու ու Չափ՝ էիւ ու յանձնէն. այսինքն  
թէ ոչ ոք կրնայ ուրիշի ստոյգ փնտս մը հասցը-  
նել, թէ որ անիկայ առաքինօրէն համբերէ. ստոյգ  
փնտսն՝ միայն մեղք և անհամբերութիւնն է: Եր-  
կորդ մ'այլ է գիրք մը առ. Ժողովուրդն Կ.Պօլ-  
սի, անոնց՝ որ գայթակղեր էին արդարոց հալա-  
ծանաց և անիրաւաց յաջողութեան վրայ. - եր-  
կայն և ընդարձակ խօսքերով և օրինակներով կու-  
բացատրէ առջի ճառին մէջ ըսածներէն զառ՝ Աս-  
տուծոյ նախախնամութեան զարմանալի և ան-  
քննելի ճամբաները, վշտաց և հալածանաց օգուտ-  
ները, և նոյն իսկ գայթակղութեանց՝ որոց թոյլ  
տայ Աստուած. և թէ զիջալի մեծ պիտի ըլլան  
վարձք հալածելոց և վշտացելոց, և ի՞նչ վերջ  
կ'ունենան հալածիչք և անիրաւք: Այս երկու,  
ինչպէս ուրիշ գրուածոց մէջ այլ, կու փայլէ հա-  
ւասար ճարտարութիւն խօսից և մեծութիւն  
հոգւոյ Ոսկիբերանի, և իր անհամեմատ տիրու-  
թիւնն սրտին վրայ:

Գրեթէ կենաց յետին տարին, լի տառապանօք  
և զրկմամբք, տեսնելով իր աթոռ ապօրէն բռնա-  
բարոզաց որս եղած, գրեթէ իր վախճանը քիչ  
հեռի տեսնելով, և դեռ անխռով կու գրէ, կու  
ջանայ ուրիշներուն սիրտը հանդարտել, միտթա-  
րել, շինել, առանց ամենեւին իր քաջածները յի-  
շելու տրտմութեամբ կամ գառնութեամբ. ա-  
ռանց վրէժխնդրութեան, առանց գանգատի և  
անհամբերութեան կամ շփոթութեան մը. վասն

զի յամենայնի կու ճանչնայ զկամս Ասասւծոյ և կ'ըսէ « Փառք քեզ Աստուած, յաղագս ամենայն » նի : Թերևս այս Կոկաց անապատաց մէջ բուսած Ոսկերեւոանեան ծաղկունքն՝ իր հոգևոր և բանաւոր երկանց և կենաց գերագոյն պսակներն են. և իր անժանգ ոսկւոյն մէջ՝ ամենափայլ ագամանդներն :

Այսպիսի գրուածք՝ մխիթարականք թէ գրողին, թէ առ որս գրէր, թէ մեզի իսկ, անշուշտ աւելի շատ այլ կ'ըլլային, եթէ Ոսկերեւոանի երկու արտաքին սպառնացող վտանգքն քիչ մը պակաս ըլլային. — ձմեռնն և Իսաւրացիք : Առջի տարին մէկն միայն կար, իսկ երկրորդ տարին ձմրան հետ հասան իջան իրենց լեռներէն մեկնակազէն աւազակք այլ ուրոյ բնիկ տեղն էր Կիւլիկիոյ և Լիկայոնիոյ (Ղոնիոյ կամ Գարամանի) միջոց լեռնոտ երկիրն, ուր կովկասեան Լէկզեաց (կամ Զէրքէզաց) պէս ամրացած Իսաւրացիք՝ իրենց երկրին եզերքը եղած դաշտագաւառներուն վրայ կու վազէին և կ'աւարէին : Հնուց 'ի վեր անուանի ըլլալով այս գործով Հռովմայեցւոց անգամ ահարկու և զգուշալի եղան. և թէպէտ ասոնք անգամ մը (Քրիստոսէ 78 տարի առաջ) նուաձեցին զանոնք ('ի ձեռն Սերվիլիոսի), բայց նորէն սկսան ասպատակել՝ Հռովմայ և Կ.Պօլսի կայսերաց ատեն, մինչև գրեթէ ցկէս ք գարու. իսկ Գ և Դ դարուց և այս Եիս սկիզբը՝ շատ աւելի զօրացեր կամ կատուեր էին, լեռնային Կիւլիկեցւոց հետ այլ միաբանած և իբր մէկ ժողովուրդ ըլլալով : Այս լեռնոտ և վայրենի երկիրներն էր որ ԺԲ դարուն մէջ նուաձեցին Թորոպք և Լեոնք մեր Ռուբինեանք, և քրիստոնեայ Թագաւորութեան մը կալուած ըրին. իսկ իրենցմէ 800 տարի առաջ՝ մեր պատմութեան ատենները՝ կայսերք անգամ գոգային Իսաւրացւոց անու-



նէն, և շատ զօրաց բանակներ կորուսին անոնց դէմ:

Մեր պատերազմային պանդխտութեան ատեն՝ յետ արշաւանացն 'ի սահմանս Կեսարիոյ, տարիէն աւելի հանդարտած կ'երևին, երբ յանկարծ 'ի սկիզբն 406 տարւոյ՝ ձմեռուան ցրտէն գրգռած գայլերու պէս յարձակեցան նաև Կոկիսոնի սահմաններն այլ: Այս տեղս այն բերդաշէններէն մէկն էր՝ զոր Հռովմայեցիք կանգնած էին 'ի պաշտպանութիւն, բայց շատ ամուրններէն մէկն չէր. անոր համար պէտք եղաւ որ մեր՝ Հայրապետն այլ թողու իր տաքուկ սենեակը, թափառական պալտի սառամանեաց ատեն, երբեմն չէնքերու և երբեմն անշէն տեղեաց, անտառաց և քարայրից մէջ, թէ բնութեան դժուարութեամբ և թէ հիւանդութեամբ այլ նեղուելով. ինչուան որ կրցաւ իր ընկերաց և պահապանաց հետ զինքը ձգել յԱրաբիսոն կամ Արափսուս: Ասիկայ Կոկիսոնէն 40 մղոնի չափ դէպ յարևելք՝ հիմակուան Եարփուզ քաղաքին մօտ՝ աւելի ամուր բերդաւան մ'էր. որուն դրսի շէնքն այլ բաւական ապահով չսեպելով բուն միջնաբերդին մէջ քաշուեցան փախստականք, խառն 'ի խուռն բազմութեամբ, որ շատ անտանելի ըրաւ բնակութիւնը, և բանտէն այլ գէշ, կ'ըսէ մեր տառապեալ Խօսնակն. մէկ կողմէն Իսաւրացւոց վախն, որ կրակով և սրով ինչուան դռներուն կու հառնէին, մէկ այլ կողմէն տեղւոյն նեղուածքն և սովու վախն. ասոնց վրայ այլ՝ ձմեռնային ցուրտն և հիւանդութիւնն: Ի վերայ այսր ամենայնի դեռ անհասնում Ոսկիբերանն՝ ժամանակ և հնարք կու գտնէր թղթակցելու մտերմաց հետ և հոգալու Փիւնիկիոյ մէջ ծագած խռովութեանց և հալածանաց վրայ: Ասկէ գրած մէկ թղթին մէջ, « Եմեն բան, կ'ըսէ, հիմայ գէշ է 'ի Հայաստան,

» և ամենէն աւելի օգոց խառնակութիւնն և փո-  
 » թորիկք. ուր որ գառնայ մարդ՝ կու տեսնէ  
 » հեղեղներ, մեռելոց դիակոյտ, գետնայատակ  
 » եղած տներ, կործանած քաղաքներ. իսկ մենք  
 » թէպէտ և վտանգէն ազատած Վ'երեկնք, բայց  
 » դրեթէ 'ի բանտի եմք այս բերդիս մէջ. և պատ-  
 » ճառաւ ամենօրեայ վախու, սպանմանց լուրե-  
 » րով, Խաւրացւոց յանկարծ մեր վրայ հասնե-  
 » լուն կասկածանօք, և մարմնոյ տկարութեամբ՝  
 » որոյ հետ գեռ կու կռուիմ, ամենևին չեմք կր-  
 » նար ապահով և հանգիստ ըլլալ: Բայց այս ա-  
 » մենայն ազիտից մէջ ինծի մեծ մխիթարութիւն  
 » է քու առողջութեանդ լուրն ընդունելս » : —  
 Ոսկիբերանի վախն ստոյգ է. և յիրաւի կ'ըսէր,  
 թէ այս բերդիս մէջ իբրեւ ծուղակի մէջ բռնուած  
 եմք. և ահա մէկ գիշեր մը բոլորովին տնակնկալ  
 և անկարծ ատեն՝ 300 մեկնակազէն Խաւրացիք  
 մօտն յԱրաբխոն, բերդը պաշարեցին, մեծ սար-  
 սափ ձգեցին. բայց դեռ երկրորդ օրն չլուսցած՝  
 նոյնպէս անկարծելի կերպով ցրուեցան անհե-  
 տացան աւազակք. և անկէ ետեւ քաղաքացեաց  
 և Յովհաննու վախն այլ փարատեցաւ: Մնաց հի-  
 ւանգութիւնն և ցուրտն, զոր միայն նոր գարունն  
 կամաց կամաց փարատեց:

### ԺԹ

Վ'երեկ թէ բաւական ժամանակ մնաց Ոսկի-  
 բերան յԱրաբխոն, որ Վոկիսոնէն աւելի ամայի  
 և անչէն էր: Իր ձախ բարեկամներն կամաւ հոս  
 ուշացուցին զինքը՝ որ աւելի նեղուի. մինչդեռ  
 ստոյգ բարեկամներն կու մորմոքէին վրան: Իսկ  
 ինքն իրեն սովորութիւնը գրեւէ չէր գաղութր. և յո-  
 մանց կարծուի որ հոս գրած ըլլայ այն երկու նա-  
 խայիշեալ դրբերն 'ի մխիթարութիւն վշտացելոց

և գայթակղելոց: Նոյն իսկ տեղն այլ իրեն ուրիշ սփոփանաց առիթ կ'ընծայէր. — բարեսէր հիւրընկալներ, որոց առաջինն սեպեղու է այն ամայու թեանց մէջ կորած քաղքին եպիսկոպոսն՝ Ուրիոս, (եթէ ուրիշ կերպ կարդալու չէ այս անունս), անշուշտ առաջուց իսկ ծանօթացած էր . ասոր հետ և թղթի մը մէջ<sup>1</sup> առ Ռուփինոս երէց Փիւնիկիոյ՝ որ իրմէ սրբոց նշխարք կու խնդրէր, խոստանայ զրկել, բերել տալով այս Արաբիսոնի Ուրիոս եպիսկոպոսէն, որ ունէր շատ մասունք սրբոց: Հաւանօրէն այս բանս հանդիպեցաւ Սարաբիսոնէ նորէն 'ի Աոկիւսոն դարձած ատենը. ուր մէկ սաստիկ և վերջին ձմեռ մ'այլ անցուց, որ երթալով կու նուազեցնէր իր ուժը և կեանքը:

Հասաւ վերջին գարունն այլ. նորէն կենդանաւ նալ կարծեց և զուարթացաւ Ոսկրբերան. բայց,  
 « եթէ ամեն մարդ, կ'ըսէ<sup>2</sup>, կու զուարճանայ  
 » գարնտեամբ գարնան, որ զերկիր ծաղկօք և  
 » մարգօք կու զարդարէ, ես անոր համար կ'ու  
 » բախանամ՝ որ ինծի ոյժ կու տայ՝ նորէն իմ  
 » մտերմացս հետ խօսակցելու թղթով... Ո՛չ այն  
 » չափ նաւաւարք և թիավարք, խնդալով այս ե  
 » ղանակիս գալուն՝ կ'ենեն ծովեր պատուելու,  
 » որչափ ես խնտումով կ'առնում 'ի ձեռքս՝ ե  
 » ղէգս, թուղթս և թանաքը, ձեզի գրելու հա  
 » մար »: Երանի՛ երբ այս գրութեան նիւթերն  
 ունենար. վասն զի « ձմեռուան ատեն երբ չորս  
 » դին սառած էր, կ'ըսէ, և չտեսնուած թան  
 » ձրութիւն ձեան ամեն ճամբայ խցեր գոցեր էր,  
 » և ոչ երթալ ոչ գալ կ'ըլլար. իբրեւ բանտի մէջ  
 » յայս տնակս փակուած, թուղթ չունենալով՝  
 » իբրեւ շղթայակապ լեզուաւ մշտնջենաւոր դա  
 » տապարտուած էի »: Իսկ այն վերջին ձմեռուան

<sup>1</sup> Թուղթ ձիճ:

<sup>2</sup> Թուղթ ձիւ:

համար՝ զոր 'ի Կոկիւսոն կրեց, 'ի սկիզբն 407  
 տարւոյն, այսպէս կու գրէ առ հաւատարիմն Ու  
 լոմպիագա: « Ձմեռնս արգարեւ Հայաստանի ձմեռն  
 » էր. այսչափ ըսելը բաւական է. բայց ինծի շատ  
 » չգպաւ. վասն զի գիտնալով ըլլալիքն՝ առաջը  
 » կ'առնում. միշտ կրակ վառելով, շատ զքեստ  
 » հագնելով, աղէկ գոցուելով, և խցիկէս դուրս  
 » չելնելով. որ թէպէտ շատ ձանձրալի բան է ին  
 » ծի, բայց ապագայ օգտին համար կու համբե  
 » րեմ: Քանի որ տան մէջ եմ՝ շատ չեմ նեղիւր  
 » ցրտէն. բայց եթէ քիչ մը դուրս ելնենք կամ  
 » բաց օդի կենանք՝ շատ կու նեղինք: Ուստի քե  
 » նէ այլ կ'աղաչեմ և կու խնդրեմ իբրեւ մեծ  
 » շնորհք մը՝ որ քու առողջութեանդ այլ հոգ  
 » տանիս... և ճարտար բժշկաց խորհրդով վա  
 » րուիս... Ինչպէս ես այլ անցեալները քիչ մը  
 » օդին ցրտութենէն ստամոքի նեղութիւն քաշե  
 » լով, բաց ուրիշ գեղերէ՝ մեր ազնիւ և պատուա  
 » կան Սիւնկլիտիա արկնոջ խաւրած դեղն այլ  
 » առնելով՝ գրեթէ իրեք օրուան մէջ նորէն առող  
 » ջացայ. ուստի և կու խնդրեմ որ այն գեղէն  
 » նորէն ինծի ճարել տաս, որ թէ ստամոքաց  
 » գրգռութեան գէմ կ'օգտէ, թէ կրծոց բորբո  
 » քումը հանգարտեցնելու, և թէ հարբուխը  
 » կ'իջեցնէ. և չափաւորապէս տաքցնելով թէ  
 » ոյժ կու տայ թէ ախորժակ կու բանայ. ինչպէս  
 » քանի մ'օր առաջ ես փորձեցի այս ամենն այլ:  
 » Ճար ըրէ որ Թէոփիլոս կոմսն նորէն խաւրէ ին  
 » ծի այս դեղէն: — Բայց չըլլայ թէ խռովիս հոս  
 » տեղ քաշած ձմեռուանս համար. վասն զի ան  
 » ցեալ տարուընէ շատ աւելի աղէկ եմ »:

Այս իրաւ կամ յուսադիր աւետիսը տալէն ե  
 տե, երկայն խրատներով կու յորդորէ զՈւլոմպիա՝  
 որ ինքզինքը չթողու տրամուլթեան հոգոց մէջ,  
 հապա գեղով, համբերութեամբ և սուրբ մտա.

Ծուլութեամբք քաջալերուի. և ասոնց գիւրուութեան  
 համար կու խաւրէ իրեն՝ նախ յիշած մխիթարա-  
 կան գրուածքը, Ոչ ոք չեսի յայտէ՝ էիէ ոչ անյնէն.  
 զոր և պատուիրէ շատ անգամ կարգալ և ինչուան  
 'ի բերան այլ սովորիլ: Եւ դարձեալ իր վրայ գա-  
 լով՝ աւելի մխիթարելու համար այն սրտահոգ  
 աղաւնին՝ ցանկալի յոյսեր կու տայ, (որով թե-  
 րեւս նախախնամութիւնն զինքն իսկ խաբէր և կ'ա-  
 նուշընէր պանդխտութիւնը). «Իսկ եթէ ինձմէ  
 » զատուած ըլլալուդ համար է տխրութիւնդ,  
 » ասոր այլ ուրախալի վերջը կրնաս յուսալ. և  
 » զայս ոչ եթէ զքեզ սփոփելու համար կ'ըսեմ,  
 » այլ ինծի յայտնի կ'երևի այս բանս. վասն զի  
 » եթէ այսպէս ըլլալու չըլլար, եթէ չեմ սխալիր,  
 » ինչուան հիմայ քաջած նեղութիւններէս՝ շա-  
 » տոնց մեռած կ'ըլլայի. Թողլով 'ի Ա. Պօլս կրած-  
 » ներս, ինչեր որ քաղքէն ելնելէս ետև այն եր-  
 » կայն և ձանձրալի ճամբորդութեան մէջ կրեցի,  
 » որոց շատն բաւական էին զիս մեղցընելու, ինչ  
 » որ հոս գալէս վերջը քաջեցի, ինչ որ Աոկիսոնէն  
 » ելնելէս ետև և Արաբիսոն եղած ատենս, յայտ-  
 » նի են քեզի: Արդ այս ամեն վտանգէն ազատե-  
 » ցայ. և հիմայ թէ առողջ եմ և թէ շատ հան-  
 » գիստ. անանկ որ Հայերն անգամ կ'ափշին թէ  
 » ինչպէս ասանկ տկար և զաղփաղփուն մարմնով  
 » կրնամ այսպիսի ցրտու գիմանալ և ոգի առ-  
 » նուլ, երբ իրենք իսկ՝ որ ձմեռուան վարժած  
 » են, այս տարուանս ձմեռը կսրգէ դուրս է կ'ը-  
 » սեն. իսկ ես ինչուան այսօր անվնաս և անարատ  
 » մնացի. աւազակաց ձեռքէն ազատեցայ, որ շատ  
 » անգամ վրանիս յարձակեցան. շատ կարևոր  
 » բաներէ դուրի ըլլալով, ինչուան բաղնիքէ այլ.  
 » որոնց առջի բերան շատ պէտք կու զգայի. իսկ  
 » հիմայ անանկ եղայ՝ որ ոչ պէտք կ'իմանամ, և  
 » ոչ այլ պակաս առողջ եմ՝ քան եթէ անոնք ու-

» նեցած ըլլայի: Ոչ օգոց սաստկութիւնն, ոչ տե-  
 » ղեաց ամայութիւնն, ոչ գնելի բաներու քիչու-  
 » թիւնն, ոչ կարևոր գարմանոց պակասութիւնն,  
 » ոչ բժշկաց տգիտութիւնն, ոչ բաղանեաց չգը-  
 » տուիլն, ոչ իսկ անակիս մէջ իբրև 'ի բանտի  
 » արգելեալ մնալս, չկարենալով քիչ մը քալել՝ որ  
 » ինծի միշտ հարկաւոր էր. ոչ անդադար կրակի  
 » և ծխոյ մէջ նստիլս, ոչ աւազակաց վախն, ոչ  
 » պահապանաց զգուշանալն վրաս, և ոչ մէկ այս-  
 » պիսի նեղութիւն՝ չկրցան զիս ճնշել և ընկճել.  
 » այլ և աւելի առողջ և հանգիստ եմ քան թէ  
 » առաջ, թէպէտ և խնամք և հոգ տանելով: Արդ  
 » այս բաներս գիտնալով՝ գուայլ մէկդի թող հո-  
 » գերդ և տրամուծիւնդ:

## Ի

Աստուծոյ ողորմութեան, արդարութեան ի-  
 րաւանց, հաւատարմաց սիրոյն և ջանից, և Հռով-  
 մայ քահանայապետին և կայսեր (Ռոբրիոսի) յու-  
 սադրութեան վրայ վստահացեալ՝ կրնար Ոսկի-  
 բերան այսպէս գրել, մանաւանդ առ Ոլիմպիա-  
 դա: Նոյն իսկ երկինք և վերինք Ոսկիբերանի վըշ-  
 տակից և կողմնակից յայտնուեցան շատ և շատ  
 կերպով. ուղղոց պաշտպանութիւն և երկայն-  
 մտութիւն և վկայական պատկներ տալով, իսկ  
 թիւրեւոց շատին՝ շուտ և չարաչար վախճան. ո-  
 րոց ժամանակակից և անկողմնասէր պատմիչք  
 այլ վկայեն: Արդարոյն դէմ միաբանեալ եպիս-  
 կոպոսաց շատերն այսպիսի վերջ ունեցան. և նախ  
 քան զայլս՝ Կիւրինոս, Քաղկեդոնի եպիսկոպոսն,  
 որ իր թեմին մէջ ժողովեր էր իր օրինաւոր առաջ-  
 նորդին հակառակորդները. նոյն ժողովին մէջ միա-  
 մտութեամբ դատուելով և Ս. Մարութա մարտի-  
 րոսասէր հայրապետն՝ գիպուածով այս Կիւրի-

նոսի ոտքը կոխեց. անկէ ցաւ և վերք պատճառեցաւ, որ մարմնոյն վրայ այլ ճարակելով քիչ ատենէ մեռուց զնա:

Բայց ամենէն գլխաւոր շարեաց գրգռիչն՝ Եւդոքիա, գրեթէ ամենէն այլ առաջ, իր հասակին և փառաց ամենէն փայլման ատեն՝ մեռաւ (տղաբերքի ցաւով), հազիւ երեք և կէս ամիս Ոսկերեքանի արտասահմանութենէն ետեւ, (6 հոկտ. 404), մինչ գեռ սա նոր հասած էր ՚ի Կոկիւսոն: Թշուա՛ւ դշխոյ, տգեղացեալ մայր սրբասէր Գեղանոյն (Բուլքերիայ). թէ կամաւ չնուատալ ցընէիր քու սիրտդ՝ միթէ չէր կրնար բարձրանալ քու օրիորդիդ նման: Եթէ Ոսկերեքան զքեզ լրբութեանդ և ազահութեանդ համար՝ Յեզաբել և Հերովդիսիայ նմանցուց, միթէ երբեմն այլ մեծապէս չգովեց, երբոր գրեթէ իրեն հետ Թափորակից՝ փոխադրէիր զնշխարս սրբոցն: Դու Թշնամի եղար այն մեծ անձին, նա ոչ երբեք քեզի. որ և հիմայ լսելով տարաժամ մահդ՝ ոչ միայն ոչ խնդաց, այլ և ողբաց անշուշտ, որպէս Իսաիթ զԱբեսաղով: Աւա՛ղ, ափսոս քեզ. շատ՝ և քան զափիդ ՚ի վեր բարձրացուցիր շարժեցիր Թագափայլ գլուխդ: Հասաւ, ո՛հ, և ի՛նչ շուտով, հասաւ քու սեւ օրդ այլ, ծածկելու ամեն փառքդ, ամեն վայելքդ, ամեն յոյսդ. զքեզ ինքն բոլորովին ծածկելու յաշխարհէս:.. Թո՛ղ, դիր հիմայ այդ մարմարեայ գլուխդ ցուրտ բարձին վրայ, և իջիր, մտիր, Թագիր, Թաղուէ, գադրէ մուծ գերեզմանին մէջ:.. Խնայէ՛, ո՛վ ահեղ արգարու թիւն. — բայց սա թող չիտար անոր հանգչելու գերեզմանին մէջ այլ: — Ոչ Ոսկերեքանն է հոս, այլ Բարձրեալն Աստուած՝ բարկութեամբ կու նայի իր սրբութեանց դիմաց դրուած գշխոյին մեռեալ մարմնոյն վրայ:.. Երեսուն և չորս տարի Եւդոքիայ գերեզմանն շարժելով կու դողայ կու

գղբգի, ինչուան որ յետ այնքան երկար տարիներս՝ իր հալածեալ Սրբոյն փառաւորեալ մարմինն գայ՝ իր դիմաց կանգնի ու գագրեցնէ զանհանգարան զայն՝ ի կեանս և ի մահուն։ Այն ատեն պիտի գագրի եկեղեցւոյն հերձուածն այլ, որոյ մէկ մասն Յովնանիւան կոչուէր՝ Ոսկիբերանի հաւատարիմ մնալուն համար։ Նոստ կուցաւէր Սուրբն այլ այս երկարաւակուծեան և անպարտ մարդկան հալածանաց և չարչարանաց վրայ։ Չոր կու վախէր թէ աւելի զայրացընէ՝ եթէ կամօք հրաժարի իր աթոռէն, իբր հաստատելով Թէոփիլեանց անկանոն ժողովը։ Ասոր համար գեռ Կ.Պօլսէն չեղած՝ բողոքոյ գիր գրեւ էր առ Պապն Իննովկենաիոս, որպէս և վերջն այլ, բայց օգուտ մը չեղաւ։

Իսկ հիմայ յետ եռամեայ պատրանաց և տառապանացն սրաառուչ գիր մ'այլ գրելով կ'ըսէ առ նոյն գլուխն եկեղեցւոյ. « Թէպէտ և մարմնով » որոշեալ տեղ մը միայն կու բնակիւնք, բայց սի-  
 » րոյ թէն բոլոր աշխարհս կու պատէ. թէ և ան-  
 » բաւ ճամբով հեռու եմք իրարմէ, բայց եռ քու-  
 » Սրբութենէք զառուած չեմ, այլ միշտ ներկայ  
 » կու գտուիմ. սիրոյ աջօք տեսնելով քու արիւն-  
 » թիւնդ, անկեղծ գութդ, անփոփոխ հաստա-  
 » տութիւնդ, և այն մեծ, անպտկաս և շարունակ  
 » մխիթարութիւնդ՝ որով կու սփոփես զիս...  
 » Ասոր համար մեծապէս շնորհակալ եմ, և փա-  
 » փապէի ստէպ գրել ձեզի, որ ինձի այլ մեծ  
 » մխիթարութիւն էր. սակայն տեղւոյս ամայու-  
 » թիւնն չիթողուր ինձի զայս. ոչ միայն հեռա-  
 » ւոր՝ այլ և մօտաւոր կաղմերէ անդամ հոս գա-  
 » լը գժար է, թէ տեղւոյս սահմաններէ դուրս  
 » առանձնութեանը համար, և թէ ճամբաներն  
 » աւաղակներէ բռնուած ըլլալուն. անոր համար  
 » կարեկցութեան արժանի սեպէ զիս և մի կար-



» Ժեռ անհոգութիւն » : Ապա կու խոստովանի որ Ս. Պապին հայրենի խնամքն բաւական էր ամեն բան կարգի գնելու, եթէ հակառակողք նորանոր չարիք չհնարէին, որոց ըրածները պատմելու չէ թէ նամակ՝ այլ և ոչ գիրք մը կու բաւէր :

Եւ գարձեալ կրկին և կրկին կ'աղաչէ՝ որ զանց չընէ հսկողութիւնը. վասն զի եղած չարիքն բոլոր եկեղեցւոյ փնաս կու սպառնան : « Իսկ ես՝ աւ »  
 » հա երէք տարի կ'ըլլայ աքսորանացս, որ սովու,  
 » սրածութեան, պատերազմի, անդադար պա-  
 » շարմանց, խեղճէ գուրս միայնութեան, ամենօ-  
 » րեայ մահուան և Խաւրացի սրերու մէջ ըլլա-  
 » լով, շատ ու շատ կու մխիթարուիմ՝ ձեր հաս-  
 » առուն և յարատե գթովը, և անկեղծ սիրովդ  
 » կու զուարճանամ : Ասոնք են իմ պարիսպքս,  
 » իմ պաշտպանութիւնս. այդ է իմ անալէկոծ  
 » նաւահանգիստս, և անբաւ բարեսց գանձս, և  
 » մեծ ուրախութեանց և զուարճութեանց ա-  
 » ռիթս : Այսպէս այս անպատագոյն տեղւոյս  
 » մէջ այլ իմ վշտացս մեծ մխիթարութիւն կու  
 » գտնեմ » : —

Այսպիսի թղթոյ և գրողի՝ Իննովկենտիոս չէր կրնար ճարտասանական պատասխան մը տալ, այլ կրնար և կրցաւ իրեն վայելուչ հայրաբար լեզուաւ խօսիլ. « Թէպէտ և պէտք է որ անմեղն՝ »  
 » ամենայն բարիք և ողորմութի յԱստուծոյ յու-  
 » սայ, սահայն մենք այլ այս թուզթս կու գրեմք  
 » ( Կիւրակոս սարկաւազի ձեռագր ), յորգորելով  
 » ՚ի համբերել. որ չըլլայ թէ անիրաւութիւնն  
 » աւելի զօրանայ՝ ընկճելով, քան թէ բարի խիղ-  
 » ճըն՝ յուսալով : Գիտեմ որ ինձմէ սովորելու կա-  
 » րօտ չես դու՝ այդքան ծողովբոց վարդապետ և հայր,  
 » թէ առաքինիք անգամ միշտ կու փորձուին, որ  
 » յայանի ըլլայ իրենց հաստատութիւնն և չտկա-

- ») րանալն վտանգաց մէջ, և երևնայ խղճի մտաց
- ») զօրութիւնն ընդգէմ ամենայն անիրաւ չարեաց .
- ») որոց կատարելապէս չյաղթողն՝ կրնայ երկբա-
- ») յելի ըլլալ: Ամեն բանի պէտք է համբերէ՝ ով
- ») որ նախ Աստուծոյ և ապա իր խիղճմտանաց վրայ
- ») վստահ է: Արդարն կրնայ ամենայն վշտաց տակ
- ») ընկնիլ, բայց յաղթուիլ՝ ոչ. վասն զի միտքն ամ-
- ») րացած է վարդապետութեամբ Ս. գրոց, զոր
- ») ժողովրդեան կու քարոզեմք. որք և վկայեն՝ թէ
- ») գրեթէ ամենայն սուրբք զանազան կերպով և
- ») միշտ չարչարուեցան, և իբրև կրակով փորձուե-
- ») լով այնպէս իրենց համբերութեան պսակն ընդ-
- ») ունեցան: Արդ հոգւոյդ գիտակցութիւնն միսի
- ») թարէ քու սիրտդ, եղբայր իմ ամենասիրելի,
- ») որ միայն միսի(թարութիւն է առաքինութեան՝
- ») տառապանաց մէջ: Քրիստոսի Տեառն մերոյ ա-
- ») չաց առջև՝ զտեալ խիղճմտանքն՝ պիտի ձգէ խա-
- ») ըխիսը ի նաւահանգիստն խաղաղութեան»:

Ի՞նչ պարզ ու վսեմ, ի՞նչ սրտառուչ և երկ-  
նախառն խօսուածք երկուց քահանայապետաց .  
ո՞վ չիտեսներ աստուածային ձեռքն՝ իր եկեղե-  
ցւոյն գլխոյն ձեռաց մէջ, և իր երկնային վճիռն՝  
գուշակեալ անոր գրչովը, քան զոր բարձրագոյն  
անձ մը չէր կրնար ըլլալ երկրիս վրայ՝ Յովհաննու  
առջև: Միշտ մայքուր գիտակցութիւնն Յովհան-  
նու՝ այլ աւելի զտեալ այսքան տառապանօք,  
ուրեմն ուրիշ բանի չէր մնար՝ բայց եթէ ձգեւոր  
իր մեծ խարիսխը ի խորս յաւիտենակսն խաղա-  
ղութեան: . . . .

Արդ ինչո՞ւ չես փութար յետին փութորիկ կրից  
նախանձու և տտելութեան, քչելու այս ալէկոծ  
և միշտ ծովայաղթ նաւը՝ իր յետին ծոցը. մինչև  
ցնրբ կու տարուբերես զնա ի Կոկիւսոնէ յԱրա-  
բիսոն, յամայութենէ յամայութիւն . . . փչէ, մէկ  
մ'այլ փչէ քու յետին դառնութեան շունչդ, և

անիրաւութիւնն իր գործը կատարէ երկրիս վերայ, արգարութիւնն այլ յերկնից հանդիսանայ:

## ԻԱ

Եկաւ հասաւ, լեռներ և անապատներ անցնելով այն գծոխաշունչ փոթորիկն. ներքինեաց և խաբերայից խաղալիկ եղած՝ Թոյլ և գառնացեալ Արկադեայ հրամանն, խլանալով իր եղբօր (Ոնորիտի) և Պապին խրատուց: Որովհետեւ այնչափ եպիսկոպոսք և իշխանք յետ ամենայն ջանից չէին կրնար մեր Թօանակին ոսկի բերանը լռեցնել, չէին կրնար արգելուլ մեծաւ մատմբ զՅունաստան, զՀայաստան, զԱսորիս, ըզՓիւնիկէ, զՊարսս և զԳոթս, և զԻտալիա՝ իրեն գառնալէն գթով և խնամով, և զբոլոր աշխարհ՝ զնա պատուէլէն, զճռեցին անդութքն որ անոր անապատագոյն կարծած տեղէն՝ այլ և շատ աւելի հեռու և խոր ամայի անապատ տեղ մը տարուի. սրովհետեւ Կոկացիք շատ կակուղ գտուեցան և Հայք մարդասիրագոյն քան զՅոյնս, Թող քշուի Յովհաննէս մինչև յանկիւնս Պոնտոսի, Լազիստանու բարբարոս բնակչաց մէջ, յանձանօթ տեղին Պիտիւոնտ, (կամ Պիգիհոն ըստ նախնեաց) որ է հիմու Բիցուհտա՝ ի ստորոտս Կովկաս լեռանց Արխաղաց ծովեզերքը, ուր հազիւ նաւ կու մօտենար, և ցամաքէն այլ հազիւ Թէ մարդ կ'երթար. այնքան անսովոր և վախնալու տեղ էր:.. Ո՛հ, ինչուան ո՛ւր այլ կու հասնի եղեր նախանձն կոյր և կամակոր. և ինչպէս գծոխանման խիստ է եղեր այդ կիրքդ՝ նաև այսպիսի անչար և արժանաւոր անձի դէմ:.. Ի՞նչ ողորմելի արարած և ինչ սաստիկ գազան է մարդս մարդու հետ:— Աստուած իմ, ազատէ զմեզ այսպիսի կրքերէ:...

Արգելական հիւանդին վերջին ձմեռն այլ անցեր էր. ցանկալի և ուշացած դարունն այլ եկեր էր. ծաղկունք՝ հեռ իրարու բացուէին գոցուէին. և այլ պիտի չբացուէին Ոսկիբերանի աչաց առջև: Ո՛հ, այլ պիտի չկոխէր նա հեղաքայլ դարշապարօքը Ջահանայ հովտաց նկարադարդ մարգագետինները. այլ պիտի չգարձներ դէմքը առաւօտանց Եփրատայ վազած կողմը, կենսաբեր զուարթարար արեգակ մ'ողջունելու. և ոչ անմրուր տրամուլթեամբ մը՝ անոր յետին ճառագայթից մնաք բարով ըսելու դառնար՝ դէպ'ի զարհուրելի Իսաւրացւոց քարամուր լեռները: — Այլ պիտի չտարածուէր 40 տարի շարժվարժենի ձեռքն մագաղաթաց վրայ, երկնից սղգողագոյն պատւերքները՝ երկրիս ազնուագոյն լեզուաւ գծադրելու. — այլ պիտի չերթային թռչելով իր իմաստուն և միտթարալից նամակներն ընդ ծով և ընդ ցամաք, այնքան կարօտ և արտմեալ արտեր սփռփելու, և եկեղեցիներ հաստատելու: — Ոսկիբերանն այլ պիտի դադրէր. աշխարհ խլանար, եկեղեցի ամայի մնար, չսնելով զքաղցր ձայն՝ իւր տննման Թօսնակին...

Իր աթուռը թողէն և աքսորանաց օկզբէն ի վեր՝ իրեք տարին լրացեր էր. յունիս ամսոյ կէսն էր. արեգական ճառագայթք շիտակ տեղային Փ. Ասիոյ լեռնագաղտաց և տափարակաց վրայ, որ ամառնային եղանակին այնքան տաք կ'ըլլան իրենց աշխարհագրական լայնութեան գրից համեմատ, որքան ձմեռը ցուրտ են՝ երկրակազմական գրից բարձրութեանն համար: Յովհաննու նոր պքսորանաց տեղն Աոկիւսոնէն վեց սատիճան դէպ'ի վեր հիւօիս էր, և չորս սատիճան մ'այլ դէպ յարեւելք. որով կ'իմացուի թէ հոն այլ սաստիկ ձմեռն պիտի ըլլայ, և անտանելի մեր փափուկ և տկար պանդխտին համար: Հիմայ այլ ինչ գժըն

դա՛կ տխրո՛ւ ըլլայ այս 600 մղոնի չափ երկայն ճամբան, ասանկ տաք եղանակին, և անանկ անկոխ անվար քարուտ լեռնուտ տեղուանք, և միշտ գէալ յայն կողմն երթալով՝ ուսկից կ'իջնեն այն երկիրներու գետերն, Ջահան, Ալիւ (Գղըլ-ըրմաք), և Իւխս (Նշիլ-ըրմազ)։ Ըսել է որ միշտ գէալ 'ի դար վեր պիտի ելնէր տքսորեալն։ Եթէ այսքան դժարութիւնք կասկածել կու տան անոր ողջ հասնելուն այն գժար և հեռաւոր արգելանին, ինչ ըսելու է, Հայկակ, եթէ քշուելուն կերպն այլ յիշենք։ —

Հալածողքն գաղտուկ պատուիրած էին սուրբը տանողներուն, որ ամենէն անշէն և անկոխ տեղերէն անցնեն, ամենեկին չնայեն, հանգիստ չտան իրենց ձեռքը մատնուածին. և մէկ խօսքով՝ (զոր լաւ իմացուցին անոնց) նային որ 'ի Պիտիւոնտ չհասած՝ ճամբուն վրայ անոր բանը լմնցընեն. և եթէ այսպէս ընելու ըլլան՝ մեծ վարձք կ'ընդունին և ղինուորութեան մէջ առաջ կ'երթան։ Վասն զի այս գահիճ՝ քան վարիչ ըսուածքն՝ աւրէ արիւնէ անցած երկու ահարկու վայրագ զինուոր էին. ո՞վ գիտէ թէ ինչ բարբարոս ազգէ կամ կրօնքէ, (եթէ կրօնք այլ ունէին այնքան անգութ անկրօն հալածչաց պաշտօնեայ եղողքն)։ Բաւական ըլլայ ըսելն՝ որ իրենց պաշտօնը յանձնըւածին համեմատ կատարեցին, մանաւանդ մէկն. անանկ որ այն երկայն ճամբուն հազիւ քաւորդ կամ երրորդ մասն ըրած՝ քշողք և քշիւտողք իրենց վախճանին հասան։... Կոկիւսոնէ 'ի Կոմանա, ուր որ միայն կրցաւ հասնիլ Սուրբն, շիտակ գծով այլ 150 մղոն մը կ'ըլլայ, իսկ իրեն քշուած ծուռ մուռ ճամբաներով որ մեզ անծանօթ է, թերեւ կրկին երկնցած ըլլայ. այս յայտնի է որ երեք ամսոյ չափ քշեց։...

Երեք ամիս անգաղար մարտիրոսութիւն մը,

երկու աւագակ դահճաց ձեռք՝ այն ճամբուն վրայ... Ո՛վ կրնար գիմանալ. — միայն Ոսկիբերան: — Իր վերջին ըսած խօսքէն յայտնի է՝ որ առաջին ըսածն այլ էր, այն՝ զոր ստեպ կ'ըսէր և ըսելէն գադրիլ չեմ կրնար կ'ըսէր. Փառք քեզ Աստուած, յազադս ամենայնի: — Քանի՞ սրտապատառ էր լսելն զայն վերջին անգամ՝ Կոկաց քարերուն և ջրերուն մէջ, որք երբեմն աշխարհիս ամայագոյն տեղն՝ հիմայ դրախտ մը գարձեր էին մեր Խօսնակին. — ո՛վ լսեց այն Ոսկիբերնին վերջին մնաս բարովը՝ առ երեքամեայ նժգեհու թեան տեղը. առ այն ծխոտ մխոտ խցիկը տանն Դէոսկորի, որ Անտիոքոյ և Բիւզանդիոնի պատրիարքական բեմից փոխանակ եղեր էր: — Թերևս երանելի Պապին ըսածին պէս՝ բաց յԱստուծոյ և ըսողին գիտակցութէն՝ ոչ դք լսեց: — Վասն զի կ'երևի թէ անկարծ և անակնկալ (գուցէ և գիշեր) առեն՝ խաւարասէր բուխակաց նման՝ վրայ հասան չարամագիլ վայրենի որսորդք, և խլեցին մեր անդէն անմեղ եկեղեցւոյ Խօսնակ վարուժաւնը, չթողլով բան մը հետն առնուլ, բաց անկէ զոր չէին կրնար արգելուլ. — իր ազամանդ սիրաւ՝:

Ո՛վ Տէր, ինչէր կրեց քու հրաշակերտդ, այն մեծ սիրան՝ իր երկրաւոր կենաց այս յետին երեք ամսուն մէջ. ինչէր ազգեցին անոր իր մարմնոյն կրած չարչարանքն, անճոռնի չարչարողաց կերպարանքն, խօսքերն, գործերն. — անծանօթ և անմարդի տեղեաց դժարութիւնն, լուութիւնն, սոսկումն, և ծայր ճոթ չերևիլն. — զուրկ, հեռի և մենիկ մնալն ամեն սրաակցէ, ամեն բարեկամէ, ամեն մխիթարչէ. — ոչ խօսիլ և ոչ գրել կրնալն

1 Թեպէտ Գեորգ պատփէն համարի թէ հեռը կային երկու քահանայք և սարկաւագ մը, որք քանի մը հարկաւոր բաներ այլ հետերնին առած էին:

առ Ոլոմպիադա և առ այլ թղթակիցսն. — այն քան հաւատարմաց ջանքէն՝ և խոստմունքէն միայն ամենէն մեծին՝ սրբազան Պապին վերջին խօսքին ստուգուիլն, թէ «Փորձուած զտուած» խիղճմտանքն՝ պիտի ձգէ իր խարխիւր 'ի նաւա. . .» հանգիստն խաղաղութեան» . խօսք մը՝ որ միայն լռին արձագանգ մը կ'ըլլար իրեն անգագար և յազադս ամենայնի՝ Աստուծոյ փառք տալուն: — Ո՛վ երջանիկ հայկական ճանապարհ, — թէպէտ և դժնդակ, այո՛, և մահառիթ մեր Սրբոյն. — այլ դու քեզի երջանիկ՝ որ անոր յետին քայլից կնիքն առիր. ո՛ւր էր թէ յայտնուէիր. գտնէի տեսնէի այն ուխտագնալի հետքը, և թէ սողալով այլ հարկ ըլլար՝ անցնէի Ոսկիբերան Խօսնակիս յետին անցքէն: — Հարաւէն 'ի հիւսիս բոլոր Փոքր Հայոց երկայնքն էր այս եռամսեայ ճամբան, գրեթէ ճիշդ երկու Հայոց բացաձիգ սահմանաց միջոցն, 'ի Կոկիւսոնէ ց Կոմանա: —

Մարդկութեան մեծագոյն ամօթոյ գործոց մէկը ծածկելու համար, կամ Աստուծոյ ընտրելոյն՝ միայն իրեն համար քաշածը մենէ գաղտուկ պահելու համար, այս յետին ժամանակին լուրերն չհասան յերկիր, միայն երկինք գիտեն. իսկ մեզի այսչափ յայտնեցաւ, որ շատ անխնայաբար և նեղութեամբ քչեցին զսուրբն այն ճամբէն, ամենեւին չնայելով օդոց և գետնին անհարթութեան, և պքսորելոյն տկարութեանը: Որ հասարակի տապախառն տաքի ատեն քաշկըռտելով կու տանէին Սուրբը՝ հետեակ և ցաւագին ոտքով. գլխէն այլ ծածկոցը խլած՝ սնմադ գագաթը, որ Նդիսէին նման կուշտ էր, կ'ըսէ հաւատարիմ պատմիչն<sup>1</sup> կու թողուին չարաչար առչորելու. արդէն ինքն ենթակայ էր գլխի տաքութեան և ցաւոց.

<sup>1</sup> Պալլագիոս:

խիկ հոս հիմայ ի՞նչ կ'ըլլար: Երբեմն այլ սահա-  
նաբաց երկնքէն անձրեւի ատեն՝ ճամբայ ընել կու-  
տային. ջուրն կռնըկէն և դողէն վար կ'իջնէր կ'ո-  
ղողէր բոլոր մարմինը: ... Եւ ասոնք կրողն ո՞վ  
էր. - Ոսկեբերան. այն մէկիկ Խօսնա՛կն եկեղե-  
ցւոյ. և ի՞նչ ատեն կրէր. այն քրիստոնէութեան  
պայծառ և խաղաղ ատենը, կայսերութեան փա-  
ռաց և ճոխութեան մէջ: ... Այսքան կիրք և այս-  
քան քաղցր համբերութիւն՝ դուցէ քարերն ան-  
գամ ճաթեցընէին. քարասիրտ գահճաց մէկն այլ  
նման Քրիստոսի քովի աւաղակաց մէկուն՝ յիշեց  
որ ինքն այլ իր քշածն այլ մարդ են, շարժեցաւ  
վերջապէս ի գութ. մինչքեռ ընկերն ձախակող-  
մեան այլ աւելի խստանալով խոժոռէր ապառաժ-  
նար, սպառնար, հայհոյէր, թէ որ մէկն իրեն  
աղաչէր որ քիչ մը գթով վարուի, հարկ կ'ըլլար  
որ միւսն շատ հեղ չհետևի սրտին ազգմանցը,  
վախնալով հալածողաց չարութենէն և ընկերին  
մատնութենէն. բայց երբ նա քիչ մը հեռացած  
ըլլար, ձեռքէն եկած օգնութիւնը կ'ընէր Սրբոյն:

## ԻԲ

Այսպէս չափեցին այն ծանր և երկայն երեք  
ամիսները. կտրեցին անցան բոլոր Ջահանայ և  
Սիհունի և Ալիւսայ բարձրատափերը, հասան  
Իռիսայ հարաւային օժանդակին (Թօզանլը-սու-  
կամ Թօգադ-սու). անցան զայն այլ, և եկան ի Կո-  
մանա կամ Կոմանիս, քաղաքաւանը, որ գրեթէ միջա-  
ռահման է Փոքր Հայոց և Պոլեմոնական Պոնտոսի,  
Դասեմոնիտան դաշտին մէջ (Գաղ-օվասը), Եւդոկիա  
(Թօգադ). քաղաքէն 7-8 մղոն հեռու գէպ յարևե-  
լեան հիւսիս, և դեռ ծանօթ Կիւմնէ՛ք անուամբն.  
որ հին ատեն անուանի ուխտատեղի էր Անահտայ



կամ Լուսնի դից՝ (Մա կամ Մակի տնուանեալ)<sup>1</sup>,  
 և մեծ տօնավաճառ Հայոց, ուր քրմապետն գրե-  
 թէ Թագաւորական իշխանութիւն ունէր, և հա-  
 զարաւոր քուրմեր ու քրմուհիներ: Քրիստո-  
 նէութիւնն ջնջեց զանոնք և զանգիւն նուիրեց Աս-  
 տուծոյ Ճշմարտի: Մեր Լուսաւորչի առեն Կո-  
 մանա առանձին եպիսկոպոս մ'ունէր Բասիլիս-  
 կոս անուամբ՝ որ բնիկ Անտիոքացի էր. այն առեն  
 Հառվմայեցւոց իշխանութեան տակ էր Կոմանա.  
 և մինչ Հայաստան Տրդատայ ձեռքին տակ կու-  
 վայէր՝ ի նորընկալ քրիստոնէութեան, հոս Մաք-  
 սիմիանոսի հալածանք կու նեղուէր. որ և պատ-  
 ճառ եղաւ եպիսկոպոսին նահապետութեանն՝ ի  
 Նիկիոմիգիա (312), ուսկից բերին մարմինն և աս  
 քաղաքաւանէն քանի մը մղոն հեռու Թաղեցին,  
 վրան այլ եկեղեցի մը կանգնեցին, ու եղաւ ա-  
 նուանի վկայարան մը<sup>2</sup>:

Արդ հոս իր հայրենակցին հանգստեան քով  
 հանգչեցաւ Ոսկիբերան սեպտեմբերի 13ին գիշե-  
 րը. և երբ Յակոբ նահապետին պէս՝ իր յոգնած  
 և ցաւած գլուխը դրաւ այն սուրբ քարին, տե-  
 սաւ փափագելի տեսիլքն այլ. հանգերձեալ երա-  
 նութեան լուսեղէն սանդուղն, ուսկից աւետա-  
 ւոր գալով Ս. Բասիլիսկոս՝ ըսաւ. «Զօրացիր եղ-  
 » ըսյոր իմ Յովհաննէս, վաղիւ ի միասին լինիցիմք  
 » առաջի Քրիստոսի»: Նոյն Սուրբ վկայն, կ'ա-  
 ւանդեն, թէ երեցաւ իր նշխարաց պահապան  
 քահանային այլ, և պատուիրեց իր հանգստա-  
 րանին քով անդ պատրաստել Յովհաննու:

<sup>1</sup> Ուրիշ Կոմանա մ'այլ կար ի Կապպադովկիա, նոյն-  
 պէս անուանի այս կռոց պաշտամանց համար:

<sup>2</sup> Ըստ ոմանց այս Ս. Բասիլիսկոս եր զինաւորն, ազ-  
 գակած Ս. Թեոդորոսի, Ամառիացի, և հոս ի Կոմանա  
 նահապետեցաւ յամին 307:

Մագեցաւ վաղուեան օրն, զորն մեծ և յաւուրս Ոսկիբերանի: Մարմնոյն տկարութենէն և յայա-  
նուած տեսիլքէն գիտնալով՝ որ այլ ամեն բան ի-  
րեն համար լմննալու վրայ է, փափագեցաւ գո-  
նէ կենաց վերջին օրը հանգստեամբ պատրաս-  
տուիլ՝ նոր կենաց առաջին և անվերջանալի օրուան-  
ինգրեց պահապաններէն՝ որ ուշանան հոն ին-  
չուան ժամը հինգ: — Ո՛վ խեղճ խնդիրք, և ան-  
խիղճ փոխարէն: — Զէ. չորին իրեն այս շնորհքս  
այլ, զոր գլխութիւնն չեղանար յանցաւոր մահա-  
պարտաց անգամ. և բռնաւորք շատ հեղ առանկ  
բանի դէմ չեն կենար: Բայց Ոսկիբերան մը՝ ասոր  
այլ արժանի չեղաւ: Յիշեց իր գերագոյն տէրն  
ու վարդապետը՝ երկու աւազակաց մէջ չոր փայ-  
տի վրայ դամուած, ծարուած, մեռած: Դար-  
ձեալ փառք առաւ Աստուծոյ, և ելաւ. թող  
առաւ որ քաջքընն վատուժ և երեժարկող մար-  
մինը, զոր իրենցմէ աւելի իրեն կու քաշէր հոգն  
յետին հանգստեան: Ախտփետ կիսախեղդ հաւ-  
կի մը պէս առին հրեցին քշեցին, ինչուան 30 առ-  
պարէզ (3-4 մղոն) առապար երկրի վրայ. վեր-  
ջապէս հասկըցան որ եթէ քիչ մ'այլ առաջ քշեն՝  
ձեռուընին մաշած կմախք մը պիտի մնայ, որոյ  
մէջ արգէն միայն սիրտն ու միտքն և քիչ մ'այլ  
չթուեցն՝ որք կ'երևէին: Իրենց անարժան վար-  
ձուց վախճանն հասած էր. ուրեմն գոհութեամբ  
փութացան նորէն յետ դառնալու<sup>1</sup>. նորէն այն  
երկայն ասպարէզներէն քաշելով քշելով բերին  
հոգեվար Խօսնակը. անկէ ետեւ անօգուտ բեռան  
մը պէս՝ ձգեցին իր փափագած հանգստարանին  
քով:

Հասաւ սուաւօթանց ժամագրեալ ատենն. այն  
վերջին ժամուռն մէջ այլ այնպէս մեծ և վսեմ և

<sup>1</sup> Ըստ ոմանց ճամբան մուրեկով նորէն յետ դարձան:

րեցաւ Ոսկերեւան, ինչպէս չէր երբէք երեւած իր Կ.Պօլսի բարձր բեմէն կայծակնաբար բարբառելուն ատեն: Ոչ մահացու և ոչ անմահ, այլ թէ կրնամ ըսել՝ աստուածակերպ իմն երեցաւ. երկրաւոր աստուած մը՝ որ երկնաւոր Աստուծոյ կ'աւանդէ իր հոգին: Մտնելով 'ի վայարան սրբոյն Բասիլիսկոսի՝ պահ մը բոլոր ցրուեալ ոյժը ժողովեց, իբրեւ արեգակն իր երեկոյեան ճառագայթները. որոց վըայ բարձրագոյն ճառագայթ մ'այլ աւելի կու փայլէր. — մերձեցեալ անմահութիւնն: — Ո՛չ որպէս մտաւ յաշխարհ, այնպէս ելաւ յաշխարհէ. այլ գիտութեամբ, յօժարութեամբ և վեհ հանդարտութեամբ, միանգամայն և մեծ պատրաստութեամբ: Մահուան օրն է բանականք անբաններէ զատողն և ոչ ծննդեան օրն: — Մէկ կողմէն կորուսած՝ մէկ այլ կողմէն առած ու ժովը՝ կանգնեցաւ, և հոն վերջին տպասաւորութիւն մ'ընելու եկողներէն՝ ուղեց նոր և մաքուր լաթեր. իր եռամսեայ և եռամեայ պանդխտութեան քճքճեալ և աղտեղեալ զգեստիկը հանեց, տուաւ փափաղողաց. և ինքն գլխէն ինչուան ուտից աման՝ մաքուր ձերմակ հագաւ. իբրեւ հարսնութեան գացող կոյս մը՝ իր պարկեշտ և խաչազգեաց մարմինը զարդարել ուղեւով. անոնց վըրայ առաւ քահանայութեան սուրբ զգեստներն և նշաններն այլ. և ջահավառեալ աշտանակի մը պէս կանգնեցաւ առաջի Աստուծոյ. մատոյց սուրբ խորհուրդը, հաղորդեցաւ ընդ Կենարարին, ընդ որում բոլորովին խառնուելու վըայ էր: Վերուց մէկ մ'այլ իր աներկրաքարշ բազուկները, դարձուց 'ի վեր սրբահայեաց աջքերը, կեցաւ յաղօթս, 'ի զմայլումն, 'ի փոխումն...:

Արդեօք Ահարոն 'ի գլուխ Հովը լերին, կամ Մովսէս 'ի գլուխ Աբարիմայ՝ ասկէ վսեմ էին իրենց վերջին վայրկենին: — Ոսկերեւան ըսաւ իր

երկրաւոր կենաց վերջին խօսքն առ Աստուած. ապա կռթռնեցաւ, հանգչեցաւ, ողջունեց չորս կողմն եղողները, և ամենուն լսելի ու զուարթ ձայնով՝ յետին անգամ և յետին բան ըսաւ, Փառք քեզ Աստուած, յաղագս ամենայնի, վրան աւելցնելով՝ Ամէն, որոյ յետին վանդը հազիւ լմնցուց, կամ դեռ ևս կու հնչէ յաւիտենական երանութեանց մէջ։...

### ԻԳ

Աստուածային չիանալի տեսչութեան և երկայնամտութեան քաջանշան մէկ հանդէսն այլ այսպէս հոս կատարեցաւ, այսպիսի մեծ և արդարեւ Մեծ անձի մը կենօք և վախճանաւ. զոր Տէրն իր ամենէն սիրելեաց պէս՝ թողեր էր յառեւելոյթ կամս վարչաց կամ բռնաւորաց երկրի։ Եւ երբ ասոնց կարծած փափազն՝ ի դլուխ ելաւ, և նախանձն հասաւ մինչև ի վրէժ մահուն, երկինք՝ որ և յերկրի պատուէն զսուրբս իւրեանց, անծանօթ կերպով մը դրդում ձգեցին նոյն օր նոյն ժամուն՝ հեռաւոր և զանազան ժողովրդոց բարեսէր անձանց, որք գրեթէ առանց իմանալու իրարու շարժելուն պատճառը՝ եկան գտուեցան ի Կոմանա. բազմութիւն բարեպաշտից, մանաւանդ միանձանց և կուսանաց՝ ի Հայոց, ի Պոնտոսէ, յԱսորւոց և ի Կիւլիկիոյ. և միաբան պաշտամամբք, աղօթիւք, երգօք և արտասուօք, և ամենայն կարգօք եկեղեցւոյ, մեծաւ սգով և սիրով իջուցին հանդուցին չարչարակիր և սրբազնեալ մարմինն ի տապան<sup>1</sup>, Ս. Բասիլիսկոսի նշխարաց

1 « Որ եւ մատուցմամբ սրբոյ Խորհրդոյն՝ Աւանդեցեր ի Տէր զհագիդ. հմտական։ Իսկ վկայարանքն Բասիլիսկեայ ինքնին բանալոր զտապանն իւրական Եւ ընդունէր զգանձն աստուածական »։  
— Գանձ ի Խաչապրոյ։

քով. քաջելով վրան ծանր և մեղի սրտակառուր կափառիչը, որ ծածկեց յաչաց երկրի՝ իր 33 (կամ 30) տարի տարփառի տեսարանաց մեկը:...

Ո՛հ, ի՞նչպէս կրնամ ես հեռանալ այս կափառ-  
չէս, Հայկակ, առանց հրաւերք մը տալու՝ նախ  
այն նախանձոտաց՝ որ յայսքան վիշտ, մահ և յօ-  
տար գերեզման դատապարտեցին այս վեհագոյն  
մարդը:— Եկէք ուրեմն, ո՛վ ժողովք ժանտից...  
(բայց չէ. իմ հեզ և անյիշաչար վարդապետիս  
գերեզմանին քով ի՞նչպէս զձեզ անուանեմ).— Ե-  
կէք ըսեմ, ո՛վ մոլորեալք, Թէոփիլեանք և Սեդր-  
սեանք, տեսէք ըրածնիդ: Ատելուծիւն և նա-  
խանձ ինչուան այս ատեն այսքան մեծ որս մ'ը-  
րած էին արգեօք. — արգեօք տեղ մը այսքան մեծ  
արժանիք և արգիւնք՝ այնքան չնչին պատճառօք՝  
այսպիսի ցաւալի և անարժան փոխարէն մ'ընգու-  
նէր էր: Ո՛վ այսպիսի Ոսկիբերան մը չարու-  
ծեամբ լուեցուց. ո՛վ ասանկ ազամանդ սիրտ մը,  
ասանկ անգիւտ գանձ մը՝ ջանաց կորսնցնել:...  
Յիրաւի այնքան մեծ է ձեր յանցանքն, ամօթն և  
խայտառակուծիւնն՝ առաջի ամենայն ազգաց և  
դարուց, որչափ փուճ եղաւ ջանքերնիդ: Ոսկին  
այն՝ մշտափայլ կայ մնայ մթնցընելով ձեր ժան-  
դը. ազամանդն այն՝ որուն հետ զարնուեցաք՝  
մանրելով ցրուելով զձեզ՝ կու մնայ անմաշ:...

Բայց դուք, կի՛րք չարածնունդք, որ բոյն դնե-  
լով՝ ի սիրտ մարդկան՝ կու ծնանիք ամեն ժամա-  
նակ, դու գեղնած նախանձ, և դու ժանեւոր  
զրպարտութիւն, դուք մինչև ցերբ կու հալածէք  
զանոնք, որոց սրտին մէջ չկայ ձեր տեղն: — Եթէ  
քիչ անգամ այդպիսի մեծ անձ կու գայ յաշխարհ,  
կամ մեկ միայն Ոսկիբերան, սակայն քանի՞ քա-  
նի բարեսիրտք և բարեմիտք՝ ձեր զինուց և ժա-  
նեաց զոհ կ'ըլլան. — քանի՞ բերանք՝ գոնէ ար-

ծախիք և անուշիկք՝ ձեր չըլելովն՝ համրացան. — քանի մարգարտանման մաքուր սիրտք՝ ձեր ցաւէն փշրեցան. — քանի գրիչք՝ որք երկրիս վրայ կրնալին անշինջ գիծ մը թողլու, ձեր բռնութենէն դադրեցան կամ կոտորեցան. — ո՞րքան ճշմարտութիւնք ձեր ստութենէն փախստական եղտն և լռեցին իսպառ. — ո՞րքան պայծառ նշոյլք՝ ձեր խաւարին մէջ թաղուած մնացին. — և ո՞րքան անմահ մնալու մարգկանց՝ դուք շուտով գերեզման փորեցիք, կամ թէ և ողջ ողջ կորստեան կափարիչը վրանին կաթնցուցիք:.....

Իսկ դուք, ո՞վ ազնիւք, որոց երկինք շնորհեցին չափով մը՝ Յովհաննու նմանութիւնը, — ճշմարտութիւն, հանճար, գորով և հալածանք. — դուք՝ կռեցէք ձեր չափը ձեր կիրքը, և ձեզմէ առջիններուն կրածը. և եթէ իմ ազգակիցս և արենակիցս այլ էք, յիշեցէք ձեր նախնի՝ Ներսէսները, Մովսէսները, Սահակները, Աղիշէն, Խոորովիկն ու Ղազարը. և եթէ բաւական չեն ձեր այրած սրբախն՝ ասոնց կիսաքանդ անայցելու գերեզմաններն, եկէք հոս՝ ի տարագիր տապան մեծի Խօսնակին Սկեզեցւոյ: Հոս, կամ չգիմանալով այս կափարիչին վրայ դուք այլ փշրեցէք, և կամ համբերութեամբ գիմանալով, «Փոք քեզ Աստուած յազադս ամենայնի» կանչեցէք, ու լռեցէք:...

## ԻԴ

«Իսկ քեզի, ո՞վ երանելիք Յովհաննէս, Բնջ»  
 » խօսքերով կրնամ անթառամ պսակ մը հիւսել,  
 » կամ հիւսածս գնել, յանդըգնելով գովել զքեզ՝  
 » յետ ելնելուդ յասպարիզէ այս կենացս. վասն  
 » զի անցար ազատեցար դու մրրկաց վտանգնէ.  
 » րէն: Արգեօք այն մովսիսական ծաղկանց պը-  
 » սակն հիւսեմ՝ որով պսակեց նա օրհնելուն ա-

» անն զԺրագործն Յովսէփ և զաստուածարեալ  
 » քահանայն Ղևի. վասն զի երկուքն այլ կու-  
 » տենենմ' ՚ի քեզ: Յօրհնութեան Տեառն երկիր  
 » քո. ՚ի ժամանակաց երկնից և ՚ի ցօղոյ, և յան-  
 » գընդոց աղբերաց ՚ի ներքուստ. ՚ի ժամանակի  
 » արդեանց արեգական փոփոխմանց, և ՚ի դու-  
 » մարելոյ առ միմեանս ամպոց. ՚ի գազաթանց  
 » լերանց խնկզբան և ՚ի գլխոց բլրոց մշանջնեա-  
 » ւորաց... եկեսցեն ՚ի վերայ գլխոյ (Յովհան-  
 » նու) և ՚ի վերայ գազաթան փառաւորելոյն ՚ի  
 » մէջ եզբարց: Անդրանիկ ջլու գեղ նորա, և եղ-  
 » ջիւրք միեղջերոյ եղջիւրք նորա. խեթկեսցէ նո-  
 » քօք զազգս միանգամայն՝ մինչև ՚ի Ծագս երկ-  
 » րի: — Տուք (Յովհաննու) զյայտնութիւն նո-  
 » րա, և զձմարտութիւն նորա՝ առնն անարա-  
 » տի, զոր փորձեցին փորձանօք և բամբասեցին  
 » զնա ՚ի վերայ ջրոցն հակառակութեան. որ ա-  
 » սէր ցհայր իւր և ցմայր իւր՝ թէ ոչ տեսի ըզ-  
 » քեզ. և զեղբարս իւր ոչ Ծանեաւ, և զոր-  
 » գիս իւր ոչ գիտաց: Զգուշացաւ բանից քոց  
 » և զուխտ քո պահեաց: Պատմեսցեն զիրաւունս  
 » քո Յակովբայ, և զօրէնս քո Իսրայելի. դիցեն  
 » խունկս ՚ի բարկութեան քում հանապազ ՚ի վե-  
 » րոյ սեղանոյ քո: Օրհնեա՛, Տէր, զգորութիւն  
 » նորա, և ընկա՛լ զգործ ձեռաց նորա. խորտա-  
 » կեա՛ զմէջս ՚ի վերայ յարուցելոց թշնամեաց նո-  
 » րա. և առելիքն նորա մի՛ կանգնեացին»: Իսկ ես  
 » աւելցնեմ զայս այլ, թէ «Որք սիրենն զնա, Տէր  
 » Յիսուս, մի՛ ամաչեսցեն. զի քո է կարողութիւն  
 » յաւիտեանս. ամէն<sup>1</sup> »:

Հապա մեղք, Հայկակ, լռե՛նք հոս, թէ դառ-  
 նա՛նք արտասուագին աչք մը տանք քեզի այլ, ո՛վ

1 Այս խօսքերս են Պալլագիոսի ՚ի վերջ պատմութեան  
 վարուցն Ոսկերեքանի:

ապերան քան ապերախտ քաղաք Կոստանդի-  
նու. որ քարկոծէիր և հալածէիր զառաքեալսն  
առ քեզ 'ի Տեսառնէ, զԱստուածաբանս և զՈսկի-  
բերանս. որ ոչ կամեցար, կամ թէ ոչ կամեցան՝  
ժողովել զմանկունս քո՝ որպէս ձագս հաւուց ընդ  
թեովք այսպիսի հարց. ահա թողեալ լիցի եկե-  
ղեցի քո աւերակ տխրորակ, մինչև ասիցես վասն  
հովուին քո Յովհաննու՝ օրհնեալ եկեալն յանուն  
Տեսառն։...

Անհնար է նկարագրել Ոսկիբերանի մահուան  
ազգեցողութիւնն այն մեծ քաղքին և բոլոր թե-  
մին, բոլոր եկեղեցւոյ մէջ. — հաւատարմաց սրբ-  
տաբեկութիւնը, Ոլիմպիադեանց սուգը, երկու  
բաժանեալ կողմանց այլ ափշութիւնը. բարեսի-  
րաց արտասուախառն յերկինս նայիլը, ձախա-  
կողմանց սևերես ակնկորութիւնը. ոմանց հան-  
դարա և այլոց ալէկոծեալ խիղճը. և մանաւանդ  
ատոնց մէջ ամենէն աւելի պատասխանատու կամ  
պարտական եղող՝ Արկադիոս կայսեր տագնապը.  
որ և սրտահար ըրածին և անսածին վրայ, թէ-  
պէտ ջանաց քիչ մը դարման ընել, բայց յետ  
քանի մ'ամսոց գեռ միջակ հասակին մէջ իջաւ 'ի  
գերեզման. կենդանութեան ատեն անսնելով՝ հա-  
լածեալ սրբոյն հակառակողաց շատին տարածամ  
և դժնդակ մահերը, ինչպէս ոմանցն առաջ յիշե-  
ցինք. և ոմանք այլ անոնցմէ աւելի չարաչար ցա-  
ւերով, խելաթափութեամբ, բերաննին խեղա-  
թիւրեւելով, շրթունքնին որդնոտելով, ջրգողու-  
թեամբ, համրութեամբ, և այլ պէսպէս ցաւալի  
կերպով մեռան։ Մնացեալներէն շատն սմբեցան,  
ձայներնին քաշեցին, ոմանք 'ի կեանս և ոմանք  
մեռնելու ասեն զըջացին. ինչպէս ամենուն պա-  
րագլուխն Թէոփիլոս պատրիարքն, որ չկրցաւ,  
կ'ըսեն, վերջին շունչը տալ՝ ինչուան որ յերկնից  
քաւիչ և օգնական չկանչեց իր վրէժինդրութե



սուրբ զոհը: Չասոնք տեսնելով խորագէտն Ատտիկոս՝ Արշակայ պէս ապօրէն յաջորդ աթոռոյն Կ.Պօլսի, (որ և ամաչելով խոստովանիմ՝ որ ազգաւ Հայ կ'ըսուի 'ի Սեբաստիոյ քաղաքէ)<sup>1</sup>, աւելի ճարպիկ քան գիտուն, վերջապէս ընդունաւ սիրան այլ փոխեց. հրամանց որ իր վարդապետին անունն այլ խառնեն յեկեղեցիս՝ Ս. Հայրապետաց հետ, և ինքն այլ իբրև սուրբ և Ոսկիբերան հռչակէր զնա, և գրէր իսկ առ մերս Ս. Սահակ, որպէս տեսանք 'ի սկզբան: Ասով սկսան Յովհաննիսեանք և հակառակողք՝ իրարու մօտենալ. բայց դեռ կատարեալ միութիւն չեղաւ, որովհետև յետ Ատտիկոսի ուրիշ բռնաբարողք և ոչ արժանաւայելք՝ յաջորդեցին. մինչև յետ երեսուն տմաց նստաւ երանելին Պրոկլ (434), աշակերտ և ունկնդիր մեծի հայրապետին. բայց դեռ դեռ չվերցաւ Կ.Պօլսի եկեղեցւոյ սև քօղն, և ոչ արհաւելք քաղաքին յերեսաց Աստուծոյ. և դեռ կու գողար կու գողդէր գերեզմանն Նւդղեսայ:...

- « Երեսուն և մէկ տարի յետ վախճանի Սրբոյն՝  
 » յանարդ աքտորանս Պոնաոսի, կ'ըսէ իտալացի  
 » վարդապետ մը<sup>2</sup>, եպիսկոպոսն Պրոկլոս Կ.Պօլս  
 » սի մէջ ներքող մը խօսելով 'ի պատիւ սրբոյն,  
 » անանկ կենդանի կերպով նկարագրեց անոր ար-  
 » դիւնքը, անանկ արժանաւորապէս բարձրա-  
 » ցուց անոր առաքինութիւնները, որ բոլոր ժո-  
 » ղովուրդն չգիմանալով՝ սկսաւ կանչել որ բերեն  
 » իրենց հայրապետը: Այն ատեն Պրոկլ՝ գրգը-  
 » աեալ ժպտովդեան երեսփոխան ըլլալով, դար-  
 » ձաւ առ կսպարն Թէոփոս (Փոքր) որ հոն ներ-  
 » կայ էր, և յորդորեց որ կատարէ այս օրինա-

1 Ըստ Գեորգայ Երուսաղեմացւոյ:

2 Հ. Պ. Սեֆերի:

» Լոր փափաքը, և ձեռք ձգէ այն անգին դանձը:  
 » Կայսրն՝ որ արգէն մեծապէս փափաքէր այս  
 » բանիս, այս ձայներէս աւելի բորբոքեալ, մէկէն  
 » հրաման տուաւ որ նուիրակք պատրաստուին՝  
 » և երթան բերեն ՚ի Կոմանայէ ՚ի Կ.Պօլիս՝ փա-  
 » փաքելի մարմինը: Մերակուտէն պատուաւոր  
 » անձինք ընարուեցան ՚ի նուիրակութիւն, զի-  
 » նուորք ՚ի պահպանութիւն, պաշտասականք յըն-  
 » կերակցութիւն, ճարտարագէտք ՚ի գործաւա-  
 » բութիւն, և կառք ՚ի յուզարկաւորութիւն:

» Իայց երբ հասան ՚ի Կոմանիս, և ուղեցին  
 » այն պատուական աւանգը վերցընել իր տեղէն,  
 » անշարժ և անկամ դտան զանիկայ: Ի զուր հա-  
 » զար ձեռք զարկին, հազար նիգ գրին քարը շար-  
 » ժելու, անկարելի եզաւ. ամբնալով սրտա-  
 » կոտուր գրեցին առ ինքնակալն՝ թէ Յովհաննէս  
 » չուզեր դառնալ գալ: Թէոդոս այս լսելով սոս-  
 » կաց, ասիչեցաւ, խռովեցաւ. վերջը ուշաբերե-  
 » լով և գերագոյն մտածութեամբ մը թուղթ գրիչ  
 » ուղեց, և ՚ի ծունկ ընկած՝ իր ձեռքը երկայն  
 » աղերսադիր մը գրեց առ սուրբն՝ որպէս թէ  
 » կենդանի ըլլար, յորդորելով և ազաչելով որ  
 » հաւանի դառնալու իր աթոռը: Ստորագրեց ա-  
 » նունը, ծալեց, կնքեց թուղթը և յանձնեց  
 » քաջնթաց սուրհանգակի մը:

» Կրնայ գուշակուիլ թէ ինչ զարմանք եկաւ  
 » ծերակուտին՝ երբ արքունի հրովարտակն առ-  
 » նըլով՝ տեսան վրան այս անկարծելի հասցէն,  
 » Առ հոգեւոր հայրն հոգաց և գիւղերաց վարդապետ  
 » Յովհաննէս Ոսիւբերան: Շուտ մը գացին ՚ի գերեզ-  
 » մանն. և մինչգեռ ոմանք ջերմեռանդութեամբ  
 » չորս գին կենային, ոմանք անուշահոտ բուր-  
 » վառներով, ուրիշներն այլ պայծառափայլ ջա-  
 » հերով, ծերունեաց գլխաւորն առաջ անցաւ, և  
 » պատկառանքը պագնելով նամակը, Այս գիրս,

» ըստաւ, կու խաւրէ հայրութեանդ՝ քու ծա-  
 » ռայդ և իմ տէրս Թէոդոս: Եւ իբրեւ թէ Հրա-  
 » ման առնելով՝ կարգաց անոր. յետոյ այնպէս  
 » բաց թուղթը՝ կուրծքին վրայ գնելով՝ ընկաւ ՚ի  
 » ծունկ, և սկսաւ ուրիշներու հետ աղաչել, որ  
 » իր մեծահոգի բարեսիրութեամբն յանձն առ-  
 » նու աղաչողաց խոնարհութիւնը: Արժեքս թէ  
 » սրբոյն դէմքն այլ պարզելով՝ սիրտ տուին ա-  
 » նոնց, որք երբ նորէն ձեռք զարկին հանելու՝  
 » անանկ դիւրաշարժ գտան, որ մէկէն ուրախու-  
 » թեամբ պատրաստուեցան ճամբայ ելնելու:

» Երկայն կ'ըլլար պատմելն թէ ինչ չքեղ զար-  
 » դուք, ինչ ջերմեռանդութեամբ և ինչ խուռն  
 » բաղմուտեամբ ժողովրդեան՝ մեծայարգի քա-  
 » հանայից ուսոց վրայ դրած՝ բերին մինչև ՚ի  
 » Քաղկեդոն: Հոն հասեր կու սպասէր ինքնա-  
 » կալն ամբողջ տորմիլաւ մեծ ու պզտիկ և պայ-  
 » ծառ զարդարած նաւերու. և իր պարագլուխ  
 » փառազարդ նաւովն առաջ անցնելով, ՚ի ծունոր  
 » իջած ընդունեցաւ հոն սրբազան աւանդը. և  
 » ՚ի հնչել ուրախաձայն փողոց և քնարաց, թրմը-  
 » կաց և տաւաղաց՝ նշան տուաւ որ մէկէն գէպ ՚ի  
 » Ա. Պօլիս դարձնեն նաւերը: Թողունք հիմայ  
 » որ ինքնին ծովն պատմէ, թէ անեմը էր երբէք  
 » ասոր նման գեղեցիկ յաղթանակ: Ամեն կողմի  
 » ծովեզերքն մինչև հեռաւոր սահմաններ՝ փայլ  
 » փայլ ցոլային ջահերով և լապտերներով. եր-  
 » կինք հանդարտ ծիծաղէր, ալիք խաղաղ ծածա-  
 » նէին. և հազիւ հեզիկ զեփիւռներ անուշիկ մը  
 » ջրերուն զարնելով թւերնին՝ կարծես թէ կ'ու-  
 » ղէին նուազաց հնչման հետ ներդաշնակել ա-  
 » լեաց մրմուռնջը: Ամեն նաւ ոսկիով կու շողջո-  
 » ղէր, ամեն առագաստ ծաղկով պսակած էր, և  
 » ամեն ցուռէք նաւուց՝ բոցով նշանաւորեալ:  
 » Առջեւն հասարակ նաւերն կ'երթային, յետոյ

- » աղնուականացն, և ամենուն ետևէն՝ ծովապե-
- » տականն, որ և ամենէն աւելի աչքի կու զար-
- » նէր թէ՛ անհղ մեծութեամբն, թէ՛ պայծառու-
- » թեամբ լուսաւորութեանն, և թէ՛ պճնապա-
- » ճոյճ զարգարանօքն:


- » Գրեթէ նաւահանգստին մօտեցեր էին, երբ
- » յանկարծ մէկ վայրկենի մէջ երկինք մրրկելով
- » և ծով խռովելով՝ անանկ ահաւոր փոթորիկ մը
- » փրթաւ, որ առագաստները պատըռտելով,
- » կայմերը կոտորտելով՝ ցիրուցան ըրաւ նաւա-
- » տորմիզը: Ո՛հ, ինչպէս յանկարծակի գոհաբա-
- » նական սաղմոսներն՝ փոխուեցան ՚ի հառաչանա
- » զարհուրանաց: Մէկն կու վախէր թէ հիմայ
- » պիտի խղզուի, մէկայլն ընկերին կենաց վրայ
- » կու գողար, և աւելի շատերն կու վախէին կոր-
- » սննդնելու այն սրբազան աւանդը. որպէս թէ
- » ծովն՝ որ և զայրացած զգուած դուրս կու
- » ժայթքէ ուրիշ գիակները, այս մարմնոյս սո-
- » վեալ և կարօտ ըլլայ: Բայց ամեն վախ և կաս-
- » կած փարատեցաւ՝ երբոր տեսան որ ինքնին
- » սուրբն այս մրրիկը հաներ էր. որպէս զի այս
- » փոխադրութեան ատենը դայ բարեւելու այն
- » նշանաւոր Այլուոյ այգին<sup>1</sup>, որոյ համար այնչափ
- » տառապանք քաշեց: Հազիւ թէ ծովապետա-
- » կան նաւն հասաւ այն կողմի ծովեզերքին, մէ-
- » կէն օդն հանգարտեցաւ, հովերն լռեցին, ալիքն
- » խաղաղացան, և բոլոր նաւախումբն մէկտեղե-
- » լով՝ ուրախութեամբ հասան ՚ի կայսերական
- » քաղաքն:

- » Հոս այլ նոր հանդէսք, նոր զարմանք սկսան.

<sup>1</sup> Եւգորսիա անիրաւութեամբ յափշտակեր էր այս  
այգին այրի կնիկ մը. անոր համար Ոսկիբերան յանդի-  
մանեց զԹագուհին. և նա ռխացաւ ու հալածել տուաւ  
զտուրբը:



ႃ႗ႇ႗႗႗ (ႇ) ႃ႗႗႗႗



» ձիաւորք , զինաւորք , քահանայք , ամենքն թա-  
 » փեցան ափանց վրայ , և մեծ թափօր մը կազմե-  
 » ցին մինչև յեկեղեցին Առաքելոց . որոց ետեւն  
 » իբրև յաղթանակաւ՝ կայսերական կառայ վրայ  
 » կու գար սուրբ մարմինն : Իսկ ինչպիսի՞ հետեւողք  
 » կարծէք այսպիսի շքեղ յուզարկաւորութե . —  
 » Համբք , որոց լեզուն կու բացուի . խուլք՝ որ  
 » ձայն կու լսեն . կապք , որ ՚ի վազ կ'ենեն . կոյրք՝  
 » որ լըս տեսնեն . հիւանդք՝ որ կ'առողջանան . և  
 » ասոնց հետ մէկտեղ անանկ հեպեղ մը ժողովլըր-  
 » գեան՝ որ հազիւ կու ողմի Կ . Պօլսի մէջ : Ոչ դք  
 » այն օր հետաքրքրութիւն ունեցաւ նայելու՝ ոչ  
 » յաղթանակի կամարաց վրայ , որ ամեն փողոցի  
 » մէջ կանգնած էին , ոչ պանծալի արձանագրու-  
 » թեանց վրայ՝ որ ամեն պատի վրայ կախուած  
 » էին , և ոչ ամեն պատուհանէ անձրևի նման թա-  
 » փուած ծաղկանց վրայ : Ամենքն իրար հրելով՝  
 » կու ջանային մանեւ ՚ի սուրբ տաճարը . ուր  
 » հանգչեցնելով պատուելի աւանդը , պատրիար-  
 » քն բացաւ սնտուկը՝ որ ցուցնէ ժողովրդեան  
 » զՍուրբն :

» Անկարելի եղաւ հոս գորովալից ժողովրդեան  
 » բերանը բռնել՝ զայն տեսնելու . ամենքն միա-  
 » սիրտ միաբերան աղաղակեցին , « Յաթուգ հրտմ  
 » մէ՛ , սուրբ Հայրապետ , նստէ՛ քու աթոռդ » :  
 » Պաշտօնեայքն պատկառանք առին տարին հոն  
 » տեղաւորելու . և ահա սուրբն ՚ի տես ամենե-  
 » ցուն մեռած չթուկքը բանալով , և յստակ ,  
 » պայծառ ու վսեմական ձայնով մը՝ արտասա-  
 » նեց , Խաղաղութիւն տօնելո՞ւ : Որոտմունք ազա-  
 » ղակի հնչեցին այս ձայնին , կրկնապատկեցան  
 » լացք և արասունք . կայսրն Թէոդոս ՚ի ծունկ  
 » ընկած՝ յոտս իր սրբազան (կնքա)հօրը՝ չէր  
 » դադրեր արցունքով թրջելէն , և ստէպ ստէպ  
 » պագնէլէն , մինչև գրեթէ հարկ եղաւ բռնի վեր-

» ցընեւ զայն առջեւն, և գնեւ հոյակապ շէրմք  
 » մէ մէջ 'ի ներքոյ խորանին » ։

Այս երկայն ծնրագրութեան ատեն աղաչեց և  
 խնդրեց Թէոգոս իր մօր՝ Սեդդեսիայ՝ անդիտու-  
 թեան և անխառնութեան թողութիւն. և « յոր-  
 » ժամ խոնարհեցոյց որդին նորա զգլուխն 'ի վե-  
 » րայ լանջաց սրբոյն 'ի պաղատանս, ընդ կատա-  
 » րումն աղօթիցն և գաղարեաց շարժումն (գե-  
 » րեզմանին Սեդդեսիայ), և ամենեքեան փառա-  
 » ւորեցին զԱստուած <sup>1</sup> » ։ Անկէջ աւելի մեծ դա-  
 գարումն և խաղաղութիւն եղաւ ընդգիմակիր  
 սրտից. վասն զի « միաբանեցան ամենայն եպիս-  
 » կոպոսուիք և ժողովուրդք՝ որք հերձան 'ի մի-  
 » մեանց վասն անիրաւ անկման և աքսորանաց  
 » Ոսկերեքանին <sup>2</sup> » ։

Այս մեծահանդէս և մեծայիշատակ գործն ե-  
 ղաւ յամին 438 'ի 27 աւուր յանուարի. անոր  
 համար փոխանակ մահուն օրուան (1½ սեպտ.)  
 այս օրս հաստատեցաւ տօն յիշատակի Թօննա-  
 կին եկեղեցւոյ, յորում իր սուրբ մարմինն դար-  
 ձաւ և հանգեաւ իր հայրապետական եկեղեցւոյն  
 մէջ. և ամենայն ազգք քրիստոնէից այս օրս նշո-  
 նեցին իրենց Յայսմաւուրաց մէջ՝ հաստատուն և  
 մեծագոյն օր յիշատակի և փառաց Ոսկերեքանի :

## ԻԵ

Այն երջանիկ և բուն օրն դարձման մօրմնոյն  
 յաթառն, Կ.Պօլսի համաշխարհական հանգիսին  
 և մեծ եկեղեցւոյն մէջ՝ ընդ բազմութիւ մերազ-  
 դեաց, որք անտարակոյս կային հոն, հաւանօրէն  
 գտուած են և ոմանք 'ի Թարգմանչաց մերոց, որք  
 ուսմուհիքնին կամ գործերնին աւարտած՝ դառ-

1 Գեորգ :

2 Յայսմաւուրք :



նալու վրայ էին առ Ս. Սահակ և Մեսրոպ. թերեւս իրենցմէ ոմանք ասով աւելի վառեցան այն տիեզերական և իրենց դրացի և հիւր վարդապետին գրուածները՝ որչափ որ գտնէին կամ կարենային՝ թարգմանելու հայերէն, ինչպէս ուրիշ Ս. Հարց այլ։ Այնչափ հաւանելի կ'երևի ինծի այս բանս, որչափ որ Ոսկիբերանի գործոց հայերէն թարգմանութիւնքն գերագոյն են քան զայլ շատ թարգմանութիւնս. և գրեթէ անկարելի էր ասանկ ըլլալն՝ առանց մասնաւոր կամ կարգէ դուրս ներշնչութիւն մ'ունենալու. և այս եղած է՝ կամ վերոյգրեալ հանգէսը տեսնելով, կամ լսելով յակոնասեսից սրբոյն ըրածները և կրածները՝ ի նոյն իսկ իրենց աշխարհին մէջ (ի Փոքր Հայս), և կամ անոնցմէ ոմանց (գոնէ երիցագուհից և իրենց վարդապետաց՝ Սահակայ և Մեսրոպ պայ), անձամբ այլ տեսած ըլլալովն զնա կամ խօսած կամ թղթակից եղած։

Կ'արժէր շատ բան գրուցել, այս ոսկիբերանեան գրոց ոսկիական հոյ թարգմանութեան վերայ, բայց այս չափս բաւական ըլլայ ըսելն՝ թէ գրոցն արժանի է թարգմանութիւնն. եկեղեցւոյ Խօսնակին արժանաւոր լեզու մը տուեր է հայկազնն՝ իր սեփականին մէջ. թերևս եթէ Հայ ըլլար՝ քան զայս լաւ չկարենար հայկաբանել Յովհաննէս. թերևս և ոչ իսկ իր բնիկ յունաբանութեամբն՝ առաւելու քան զհայ թարգմանութիւն. և թերևս թերևս տեղ տեղ հայ թարգմանն գերազանցէ քան զայն բնագիրն. և յանդգնիմ ըսելու՝ թէ Խօսնակն եկեղեցւոյ երբեմն աւելի վեհագոյն և պերճախօս Ոսկիբերան է այս հայկաբանութեամբ՝ քան ուրիշ որ և է լեզուով, նաև իւր բնիկ հեղինականաւն։ — Անշուշտ մեծ պարծանք է այս այն ազգին՝ որ օտար ըլլալով կրցեր է Ոսկիբերանին շնորհքն աւելի մեծցընել, և փայ-

լուսն ոսկին կրցեր է բարակ բանուածքներով աւելի ազնուացնել:

Ասով այս այլ յայտ է՝ Թէ որչափ մեր հայերէն գրականութիւնն փառք և վայելք ստացեր է. զոր և առատապէս կրնան վայելել բանասէրք և հոգեսէրք՝ Ոսկիբերանի հայերէն տպագրութեամբ հրատարակեալ գրովք<sup>1</sup>. որոցմէ դուրս գտուին ուրիշ գրուածքն այլ. և որոց մէջ մեզի համար ամենէն նշանաւոր և յիշատակաց արժանին է Մէլիսեփիան Եսայեայ մարգարէի, ընտիր Թարգմանութեամբ: Այնչափ պատուական է այս գործս, որչափ որ հիմայ յոյն բնագիրն ամբողջ չի գտուիր, այլ մինչև յովթերորդ դուին. և կ'երևի Թէ մինչև հոս նախ գրեր էր Սուրբն և գաղթեցուցեր, յետոյ (գուցէ յաքսորանն) մնացեալն այլաւարտեր է: Մեր Թարգմանիչն՝ առաջին մասը գտեր է նոյն ինքն Ս. հեղինակին համբուրելի մատամբքն գրեալ, ինչպէս և ծանուցուած է մէկ հնագիր օրինակի մէջ՝ որ իմ ձեռքս այլ հասեր է. « Մինչև » ցայս վայր դառաւ իւրով ձեռովք գրեալ երանելի » լոյն Յովհաննու յունարէն »: Անշուշտ անգամ մ'այլ պարասկան պիտի ըլլան հայկական դպրութեանց՝ որոնք որ բազդ ունենան կամ այս հայերէն Թարգմանութիւնը կամ ասկից այլ ուրիշ լեզու Թարգմանածը կարգալ:

Ասոր հետ կրնամք յիշել նորէն զներբող Լուսաւորչին, որ և նոյնպէս միայն հայերէն կայ և գեռ Թարգմանած չէ յայլ լեզու: Եւ Թէպէտ շատ

1 Որք են 6 հատոր մեկնութեան նորա Մատթ. աւետարանին և Թղթոց Պօղոսի, և շատ շառք: Դարձեալ 2 հատ. շառք և Յաղագս քահանայութեան Գիրք նորա, նոր Թարգմանութիւն. ամենքն այլ տպագրեալք 'ի Ս. Ղազար 1848, 1826, 1861: — Մեկնութիւն Յովհ. աւետ. տպագրեալ 'ի Կ. Պօլիս:

ուրիշ գործեր այլ ունի Ոսկիբերան, որ կամ  
 Թարգմանած չեն 'ի մեր ընդու, կամ մեր ձեռքը  
 չեն հասած, այլ եղածին և հասածին վրայ այլ  
 մեծապէս երախտապարտ եմք՝ Թէ Թարգման-  
 չացն, (յորոց՝ անուամբ միայն Թէոդորոս ոմն յի-  
 շի), և Թէ հրաշալի հեղինակին՝ որ այնքան պէս-  
 պէս կերպով պատուեր է զՀայուԹիւն, սիրեր  
 է մեր ազգը, զարգարեր մեր գպրուԹիւնը, և լու-  
 սաւորեր Հայաստանեայց եկեղեցին՝ յետ իւր յու-  
 նականին. և երկուքին այլ հաւասար պարգևեր  
 է անմահ և անմոռաց յիշատակ՝ զառաջին գիրք  
 քրիստոնէութեան՝ յետ առաջին (Սուրբ) գրոց,  
 զՊատրարագափայտն, որով աստուածային գերա-  
 հրաշխորհուրդն կատարի 'ի մեզ: Այո, մեր Ս.  
 Հարց նախնեաց վաստակն այլ կայ այն սրբազան  
 մատենին մէջ, բայց աղօթից մեծագոյն մասն Ոս-  
 կիբերանի աստուածեռանդն սրտէն բղխած է:  
 Կրնամք ըսել Թէ հզօրագոյն շաղկապ Հայ և Յոյն  
 եկեղեցւոյ և գպրուԹեանց՝ եղած է Ոսկիբերան:

Ոսկիբերանի սիրոյն, պատւոյն և բարեաց ե-  
 րախտապարտ Հայկազին՝ գուցէ կրնայ և ինքն մե-  
 ծանձնն այն երախտապարտ ըսուիլ՝ այս (մեր)  
 ազգէն գտած ընդունելութեամբը, սիրովն, պա-  
 տուով և իր երկասիրութեանց հաւատարիմ և ար-  
 Թուն պահպանութեամբ: Եւ ոչ միայն իր գրոց,  
 այլ և իրեն վրայ խօսուած գրքերով, զորս Թարգ-  
 մաներ են Հայք<sup>1</sup>, և որոց վրայ իրենք այլ աւել-  
 ցուցեր են քանի մը գովասանական երգեր և յիշա-

<sup>1</sup> Ինչպէս ընդարձակ Վարք նորա գրեալ 'ի Գեորգայ  
 Երուսաղեմացւոյ և Թարգմանեալ 'ի Գր. Վկայասիրէ,  
 յամի 1102. լաւ բանագատութիւն չունի այս պատմիչս,  
 և ոչ ռակաւ սխալ: — Սոկրատայ պատմութենէն քա-  
 ղուած վարք: — Պրոկլի ներբողեանն յՈսկիբերան. և  
 այլն:

տակներ<sup>1</sup>։ — Իսկ իր սրբութեան և երկնաւոր անմահութեան յիշատակին այլ ջերմեռանդն մեծարողք ըլլալնին՝ յայտներ են և յայտնեն, ոչ միայն անոր աթոռական քաղքին (Կ.Պօլսի) մէջ իրեն նուիրած եկեղեցեօք, այլ և օտար կողմեր, և մանաւանդ այն տեղուանք՝ ուր իր վերջին կեանքն անցուց, 'ի սահմանս աշխարհին մերոյ. թէպէտ, ափսոս, որ ինչպէս առաջ յիշեցի, այս կողմերս հիմայ քիչ ծանօթ ըլլալով՝ իրենց յիշատակարաններն այլ կու ծածկուին<sup>2</sup>։

## ԻԶ

Բայց չիկրնար և պէտք չէ բոլորովին անծանօթ և ծածուկ մնալ մեզմէ՝ գոնէ Ոսկիբերանի կենաց յետին յիշատակարանն, միանգամայն և յետին աւանդն, զոր թողուց 'ի ձեռս Հայոց. — իր մահուան և անմահութեան միջնորդ գերեւանն։ — Երբոր Թէոփոս կայսեր խնդրանօք մարմինն փոխադրեցաւ 'ի մայրաքաղաք, բնակիչք Կոմանայ դժուարէին և հակառակէին թողուլ իրենց հիւրը և երազահաս օդնականը. և միայն թաղաւորական զօրաց վախէն՝ ետ կեցան, շատանալով սրբոյն պատանիքը իրենց մէջ բաժնեւոր, և սնոր գերեզմանը իբրեւ աւանդապահք՝ պատուեւոր։ Հաւանա-

1 Երանօթ երեք տուն ընտիր շարականն, « Որ յանսկիդքն 'ի Հօրէ »։ — Գր. Անաւարդեցոյ այբբենական շարականն՝ որ իր շինածներուն մէջ ընտիրներէն մէկն է։ — Գանձ մի 'ի Գեորգայ. և ուրիշ գանձք և տաղք։ — Վարք համառօտք։

2 Այս կողմերս՝ Հաճնայ արեւմտակողմը՝ Սիհունի եղերքը, Ֆառաշ աւանին մէջ, ուխտատեղի մը կայ Ոսկիբերանի, հիմայ 'ի ձեռս Յունաց։

կան է որ այն ատենն այլ այս քաղքին բնակչաց մէկ մասն Հայ էր, և ժԱ դարու մէջ աւելի այլ հայացաւ՝ երբ Գաղիկ Կարուց Թագաւորն՝ փոխանակ իր երկրին՝ այս կողմերս առաւ իրեն ժառանգութիւն: Հին և նոր գաղթականք մեր աղքայինք՝ պատուեցին այս տեղւոյս ամենէն սրբազան յիշատակարանը՝ հազար տարի. և երբ ստիպուեցան հեռանալ 'ի Կոմանայէ՝ քաղքին կործանման պատճառաւ, (զորոյ որպէսը չեմ յիշեր), Ոսկիբերանի մարմնոյն տաճարացեալ տապանակն այլ՝ առաքինի հաւատարմութեամբ<sup>1</sup> հետերնին տարին: Ոսկիբերանի առաջին հանգրստարանն, որ և Ս. Բասիլիսկոսի, կէս ժամու չափ հեռու է յաւերակաց Կոմանայ քաղաքի, և մինչև հիմայ ցուցուի տեղն քարակոյտ: Իսկ նոր հանգստարանն՝ 'ի գետն Պիծեռի, երկու ժամաւ հեռու 'ի Կոմանայէ. հոս է վանքն Ս. Նշան, որ հիմայ կոչուի Ս. Ուլիբերան. և գրեթէ նորէն շինեցաւ մեր ատեն (1842), ու աւանդատանը մէջ ամփոփեցաւ սրբոյն անուամբ մատուռն. յորում կայ և իր գորշագոյն կճեայ գերեզմանն քանդակազարդ կափարջաւն, ընդ հովանեաւ Ս. Նշան խորանին. ուր գան և Յոյնք յուխտ՝ բարի նախանձով, տեսնել իրենց հայրա-

<sup>1</sup> Այս դիպուածս անշուշտ ժէ դարու առաջին կիսուն հանդիպած է, վասն զի դեռ 'ի Կոմանա յիշուի յամի 1596, 'ի Ստեփանոսէ Եւդոկիացւոյ, որ կ'ըսէ.

« Մայրաքաղաքս այս Թօխաթի՝  
Որ Կոմանու խիստ է մօտի,  
Յորում տապանն է Յովհաննու  
Ոսկիբերան վարդապետի »:

Իսկ յամին 1658 արդէն յիշատակուի տապանն 'ի Ս. Նշան վանս:

պետն իբրև իր վերջին օթեանին մէջ հիւրընկալեալ 'ի Հայոց <sup>1</sup>:

Երանի՛ մերոնց՝ թէ կարենան միշտ այն սաւառ նաճայն հովտին մէջ՝ (զոր երկուստեք պատեւով Իռիս և Գայլ գետք՝ մեծ կարկաջանօք վազեն գնան յարեմուտս՝ ընդ լերինս և առապարս՝ միանալ մէկմէկու, գառնալ 'ի հիւսիս և թափիլ 'ի Պոնտոս), պահել և պատուել այն նախանձելի հանգստարանը, ուր միայն հանգչեցաւ լեզուաւ և մարմնով աստուածաշարժ Խօնափն Եփէղէցոյ: Երանի՛ մերոնց, թէ մեր նախնեաց պէս կարենան սիրողք և սիրելիք ըլլալ Ոսկիբերանի: Եւ դարձեալ երանի՛, եթէ կարենան միշտ զգալ և ըսել իրենց մէկ հին տաղասացին հետ,

« Մեծք Ոսկիբերան, +ս+ սիրովո՛ր ոչ յափեան գիւղերաց ալէն+ » <sup>2</sup>:

1 Փափագելի է որ վառապահք տեղւոյն մեզի տւելի ծանօթութիւն տան, և թէ կարելի է՝ զպատկերն իսկ գերեզմանի Ոսկիբերանին. զոր թէ և ոչ սակաւ Եւրոպացի ճամբորդք յիշեն՝ այլ ոչ ըստ մեր բառականին:

2 Տես 'ի Բազմավէպ 1864, երես 344:

ԺԹ

ԱԶԳԱՅԻՆ

ՎԻՊԱՍԱՆ ՈՒԹԻՒՆ

Ա

Երբոր մարդիկ սփռեցան երկրիս վրայ՝ ամեն  
դի անտառներ, մացառներ, լճեր, առուներ, գե-  
տեր, բլուրներ, և անոնցմէ ալ դժուարին՝ գա-  
ղաններ և սողուններ, գրեթէ իրենցմէ առաջ եր-  
կրիս տիրած՝ արգելք կ'ըլլային իրենց քաղաքա-  
վարութեանը. պէտք էր որ մարդ յաղթէ անոնց,  
խլէ, հալածէ, ջնջէ անհարկաւոր և վտանգաւոր  
երեւցածները: Բայց այս բանս ընելու համար ո՞ր-  
չափ աշխատութիւն, որչափ ջանք, որչափ կտորը-  
ճութիւն պէտք էր: Ոմանք աս դժուարութիւն-  
ները տեսնելով՝ թուլութեամբ և վատութեամբ  
ես քաշուեցան, անասնոց պէս բնութեան բացած  
խորշերու մէջ բնակելով, իստ քիչ բան քովեր-  
նէն յարմարցընելով. և անանկ անբաղաքավար  
ապրեցան շատ դարեր: Ոմանք ալ ասոնց ներ-  
հակ՝ ամենայն դժուարութիւն յանձն առած՝  
բնութիւնը քաղաքական կենաց հնազանդեցու-  
ցին, երկիրս՝ մարդկան դիւրին և վայելուչ բնա-  
կարան ընել ջանացին: Բայց այս աշխատանքէն  
վեր՝ դժուարին և ցաւալի աշխատանք մ'ալ բա-

ցուեցաւ իրենց . չէ թէ միայն անշուռն ընուծեան կամ անասնոց հետ կռուելու ստիպուեցան , հապա նաև իրենց նմանեացը հետ , որ անասնի նման կամ անհոգութեամբ կամ կատաղութեամբ՝ ընտանի մարդկան կը մնասէին . երբեմն իրենք զիրենք պաշտպանելու հոգն , երբեմն փառասիրութիւն կամ օիրասիրութիւնն հնարեց զէնքեր և պատերազմներ . անոնք որ քաջութեամբ յաղթեցին ընուծեան , գազանաց , և իրենց թշնամի ըսած նմանեացը , ըսուեցան քաջ , արի , այր , հրակայ , դւ , գիւցազն և աստուածք . որոնցմէ սովորական եղածն է մեր մէջ՝ Դիւցազն ըսելը : Այս գիւցաղունքսնախ իրենք սկսան ինչպէս որ հպարտութիւն կամ անձնասիրութիւնն կ'ազդէր՝ իրենք զիրենք գովել , և ըրած մեծագործութիւննին մեծաբանութեամբ զրուցել . վերջը իրենց զարմացողները սկսան զիրենք գովել . այս գովեստներէն ազէկ զրուցածները եղան ազգային երգեր , որ վերջը մէկմէկու կ'պցընելով թէ որ նոյն քաջին և նմանեացը վրայ երգած էին , կամ բանաստեղծութեան արուեստը զարդանալով երկայն երգեր շինելով ձևացան Վիպասանութիւն , ինչպէս է Հոմերոսինը , Վիրգիլիոսին , և այլն : Այս երգերուն արեւմտեայք յունական բառով կ'ըսեն Էփոթա , և մեր մէջ Դիւցազներգութիւն ըսուեր է , գիւցազանց վրայ երգելուն համար , անոր համար Դիւցազնական երգ կամ Տաղ ալ կ'ըսուի . կ'ըսուի նաև Վիպասանութիւն՝ աւելի հարազատ թարգմանութիւն յունական ձայնին , և գրեթէ հոմանուն , որով մեր հին հալքն ալ իրենց երգչաց՝ Վիպասան կ'ըսեն եղեր :

Սմեն ազգ ալ որ հին քաջ մը կամ Դիւցազն ունեցեր է , իր Վիպասանն ալ պիտի ունեցած ըլլայ . եակի եկող քաջերուն ալ և անոնց ազգակըցացն ալ սիրտ առողջ Վիպասանից երգերն էին ,



և են միշտ: Պատմութիւնն ամեն ազգաց վրայ  
տեղեկութիւն չի տար մեզի. բայց կը յիշէ որ  
Յոյնք՝ վիպասաններ ունէին Բախտ ըստած, ու  
րոնք իրենց անմահ Հոմերոսին ալ հայրն են. —  
արեւելքի հին Թագաւորներն իրենց արքունեաց  
մէջ ունէին իրենց Գուսանները, կամ հանդիսի  
ատեն բերել կու տային, որ շախ քաջութեան  
երգիչք էին, վերջը մեղկացան, և արանց տեղ կա-  
նայք ալ մտան: — Եւրոպայի հիւսիսական ազ-  
գերն ունէին իրենց Սալս ըստած վիպասաննե-  
րը, որ իրենց քաջերուն երգովը ցուրտ և մառա-  
խլապատ Սկանտինաւեան<sup>1</sup> աշխարհքները կը մխի-  
թարէին. — արեւմտակողմանք ալ, հին Բրիտանիա-  
ցիք և Գաղղիացիք, ունէին իրենց մեծահամբաւ  
Բաբլ կամ Պարս վիպասանները, որ պատերազ-  
մի բանակներու մէջ ալ կը մտնէին, և քաջերուն  
երգերովը նոր քաջեր կը պատրաստէին. ասոնք  
այնչափ անուանի եղան, որ շատ հեղ Եւրոպա-  
ցիք բանաստեղծ ըսելու տեղ Բարդ կ'ըսեն, ինչ-  
պէս որ մենք ալ իրենց պէս յունական բառէն ա-  
ռած Պուետ կ'ըսեմք: — Ինչուան Ամերիկայի Բե-  
րու ծաղկած աշխարհքն ալ ունէր իր Ամապու  
երգիչները:

Հապա հինն Հայաստան չունէր իր Վիպասան-  
ները, իր Բարդերը: — Թէ որ աս աշխարհքն է  
ամենայն աշխարհի մայր և դայեակ, Թէպէտ չեմք  
կրնար ըսել Թէ ամեն բանի ալ ինքն է օրինակ  
տուողը, բայց չեմք սխալիր ըսելու՝ որ առաջին  
երգերը Հայոց լեռներուն արձագանգներովը ձեւ-  
ցան: Թէպէտ և վիպասանութիւն մը մեզի հասած  
չէ՝ ի նախնեաց, ոչ ամբողջ և ոչ մասամբ, սա-  
կայն Խորենացոյն պատմութենէն և քանի մը  
ուրիշներէ կ'իմացուի որ Հայոց մէջ ալ շատ հնուց

<sup>1</sup> Շուետ, Եորվեկիա, Տանիմարգա, Իսլանտա:

մտած էին և շատ վիպասանութիւններ կային, և թէ Հայք շատ սիրող էին այս վիպասանութիւնները լսելու և երգելու. թէպէտ և նոյն Խորենացին տեղ մը կը մեղադրէ մեր հին թագաւորները՝ թէ բանաւոր երգարանաց անհոգ էին, թերեւս գրով չթողլուն համար կ'ըսէ. վասն զի նաև իր պատմութիւններէն կ'երևի որ վիպասանական բանից սկիզբն Հայաստանի մէջ Հայկայ օրերուն պէս և աւելի հին է. վասն զի ինչպէս կը յիշէ <sup>1</sup>, Աթէնքի իմաստնոց ժողովքին մէջ Ոլոմպիոդոր փիլիսոփայն կը պատմէր ընկերացը, թէ հին գիրք մը կայ եղեր առջի ատենները Նոյի և իր որդւոցը պատմութեան, և այս պատմութիւններուն գիպուածները, կ'ըսէ, հին Արամաշենայք ալ, այսինքն Հայերն, իրենց բամբիռն ըսուած նուագարանով և պարով կ'երգէին: Յայտնի է որ այն բաներն երգի վրայ առնուած էին հնուց, որ ուսմիկ ժողովուրդն ալ աւանդութեամբ սովորած կ'երգէր առանց գիր ճանչնալու. և յիշատակեալ երգոց մէջ ամենէն հին աս է ջըհեղեղէն ետև:

## Բ

Թէ որ այնպէս կանուխ լսեր էին Հայաստանի բլուրներն վիպասանութեանց ձայն, անկարելի էր որ Հայկայ արիական գործքերը տեսնելով լուռ կենային. առաջին ազգային վիպասանութիւն մը իրեն վրայ երգուած է այն ատենուան անպաճոյճ պարողութեամբ. և այս բանիս ալ կը վկայէ Խորենացին <sup>2</sup>, թէ Մարիբասայ պատմութեան նման՝ Հայաստանի անգիր զբոյցներուն մէջ ալ կ'ըսուէր Հայկայ Բաբելոնէն դառնալը, առաջին շինութիւնները, և այլն:

<sup>1</sup> Գիրք Ա. Զ:

<sup>2</sup> Գիրք Ա. Ժ. Բ. Ը:

Որով կ'իմացուի ալ թէ ամեն դիպուածներն ալ կը յիշատակուէին վիպասանութեանց մէջ, և առաւել գլխաւոր դիպուածն՝ որ է Բեւայ սպանումը:

Այս օրինակէս չեմք խաբուիր թէ որ ըսենք թէ ամեն քաջ կամ գիւցազն՝նոր վիպասանութեան մը պատճառ կ'ըլլար, կարճ կամ երկայն: Այսպէս Հայկէն ետև Արամն է Հայոց մեծ գիւցազն. ասոր մեծամեծ գործքերը կ'աժէր որ հին գրքերու մէջ գտնուէր, կ'ըսէ Խորենացին. բայց թէպէտ և այն հին ատենները գրող չեղաւ, սակայն վիպասաններ գտնուեցան, որոնց երգածէն՝ կ'ըսէ Մարիբաս<sup>1</sup>. վերջը ամենայն ազգաց պատմութիւն գրողներն ժողովեցին. անկէց առին Քաղզէացիք կամ Բաբելոնացիք ալ, և գրեցին Թագաւորական դիւաններուն մէջ, Սղեքսանդր յունարէն Թարգմանել տուաւ, Մարիբաս ալ ասորերէն. անկէ ալ Խորենացին իր պատմութիւնը հիւսեց: Այսպէս Հայ վիպասանից երգածը հինգ վեց տեսակ գաղափարէ և լեզուէ անցնելով, դարձաւ իր բնիկ լեզուին և աշխարհին մէջ, և միայն հոն մնաց: Ո՞րչափ երախտագէտ պէտք է ըլլսնք այն վիպասանից, որ աւանդեցին աշխարհիս՝ անանկ երևելի մարդու մը յիշատակ:

Արամէն ետև իր գեղեցիկ որդին կու գայ Արայ, որուն դիպուածը թէ որ իր հօրը պէս փառաւոր ալ չէ, սակայն աւելի սրտաշարժ է և եղական. Հայոց վիպասաններն անանկ սիրելի, առաքինի և ողբալի նահապետի մը յիշատակը լռութեամբ չէին կրնար Թողուլ. և յերաւի կը յիշէ Խորենացին<sup>2</sup> որ Արամայ դիպուածներուն պէս՝ նման Մարիբասայ պատմութեան՝ ասոր հանգիստած բաներն ալ Հայոց զրոյցներուն մէջ կար.

<sup>1</sup> Խոր. Գիրք Ա. ԺԴ:

<sup>2</sup> Գիրք Ա. ԺԸ:

Թէպէս Շամիրամայ գործոցը համար է զրուցածըն, բայց յայտնի է որ ևս առաւել Արային համար երգեր ալ կային. այն գեղեցիկ Արային՝ որուն սիրոյն համար՝ մեռնելէն վերջը բոլոր աշխարհքն ողբ ելաւ, և Շամիրամ հաղիւ կրցաւ հանդարտեցընել հաւտացընելով Թէ աստուածները ողջացուցին և իրենց քովը առին զԱրա: Թովմա Արծրունին ալ Խորենացիէն գուրս ուրիշ առասպելներ ալ կը յիշէ Շամիրամայ և Արայի վրայ. Թերեւս հին երգոց աւանգուծիւնն ըլլայ:

Հայկայ և Արամայ ընկեր է հայկազնեանն Տիգրան. ասոր ըրած մեծ գիւցաղնական գործքն էր. Մարաց տէրութիւնը վերցընելն, որ այն ատեն Ասիոյ ամենէն մեծ և ամենիշխան տէրութիւնն էր. ասոր վրայ շատ բաներ գրուեցան և երգուեցան. ինչպէս իրեն բնաւորութեանն համար ալ այն հին բամբուկահար վիպասաններէն վկայութիւն կը բերէ Խորենացին<sup>1</sup>, որոնց երգածը ամբողջ հազար տարիէն վերջը, այնչափ գոռաւորին դարերէ ալ անցնելով դեռ Խորենացւոյն ատենն ալ Գողթնեաց աշխարհին կողմերը կը լսուէր: Այն հին վիպասանութեանց մնացորդներէն առած կ'երևայ Խորենացին Տիգրանայ ընծայած գողտրիկ անուները: Նոյն մնացորդները նոր վիպասանութեան մը պատճառ եղան շատ դարեր ետև, որ վերջը պիտի յիշեմք:

Տիգրանայ յաջորդաց մէջ շատ անուանի եղաւ Վահագն, որ Յունաց Հերակլէսին նման գործքեր ըրած է կ'ըսէին, անոր համար ալ աստուածներու կարգ անցուցին մերոնք, և Հերակլի տեղ Վահագն կ'ըսէին, ինչպէս մեր սուրբ Թարգմանիչք ալ այս սովորութիւնս պահեցին: Ասոր վրայ երգածներէն ոմանք ինչուան Խորենացւոյն

<sup>1</sup> Գիւրգ Ա. ԼԱ:

աղանջին ալ հասան Գողթնեաց երկիրը, ինչպէս  
կը պատմէ ինքն<sup>1</sup>, որ հին երգոց հետ հին բամ-  
բռանց ձայներ ալ լսեց, և պատառիկ մ'ալ մեզի  
հասուց այն երգերէն. որ որչափ ալ փոխուած  
կարծուի երկայն ժամանակին միջոցով՝ այնչափ  
չէ, վասն զի երգով ինչած է, որ շարունակու-  
թեամբ կը պահուի և շատ չի փոխուիր. աւելի  
փոփոխութիւն ձեռագորաց պատճառաւը պիտի  
ըլլայ. բայց անոնց մէջ ալ քիչ տարբերութիւն  
գտնելով, կրնանք հաւատալ թէ ասկէ իբրև 2300  
տարի առաջ Հայոց վիպասան մը երգեր է այս  
կամ ասոր շատ նման.

- « Երկնէր երկին և երկիր. երկնէր և ծիրանի ծով.  
») Երկն 'ի ծովուն ունէր զկարմրիկ եղեգնիկն.  
») Ընդ եղեգան փող ծուխ ելանէր,  
») Ընդ եղեգան փող բոց ելանէր.  
») Եւ 'ի բոցոյն վազէր խարաեաշ պատանեկիկ.  
») Նա հուր հեր ունէր.  
») Նա բոց ունէր մուրուս,  
») Եւ աչկունքն էին արեգակունք»):

Ասիկայ մեր գրականութեան ամենէն հին յիշա-  
տակարանն կրնայ սեպուիլ:

Վահագնէն ետև մինչև Արշակունեաց ատեն  
չեմք կարծեր որ վիպասանութիւն մը շինուած  
ըլլայ. վասն զի Հայաստան Պարսից իշխանու-  
թեան տակ ընկաւ, վերջն ալ Մակեդոնացոց  
և Սելևկիացոց, թէպէտ երբեմն ազատութիւն  
ալ գտաւ և սուսնձին թագաւորներ ալ ունէր.  
բայց առջի փառքն ու շնորհքն չգտաւ ինչուան  
Վաղարշակայ օրը: Ասոր հետ նորէն զօրացան  
Հայոց բամբիռներն. ինչուան Բ Արտաշիսի օրը,

<sup>1</sup> Գիւրգ Ա. ԻԴ:

Խորենացին զանազան պատմական գիպուածնե-  
րու վկայութիւն կը բերէ Հայոց երգերէ և զրոյց-  
ներէ. բայց կ'երեւի թէ շատն առանձին կարճ եր-  
գեր և առասպել զրոյցներ էին. ասանկ է Հադա-  
մակերա քաղաքին մէջ պատմուած առասպել  
բան մը Արծրունեաց վրայ <sup>1</sup>. Տորքայ սոսկալի  
ուժին վրայ <sup>2</sup>. Սանատրկոյ սննդեանը վրայ <sup>3</sup>.  
Երուանդայ ծննդեանը և աչքին ահեղ նայուած-  
քին վրայ <sup>4</sup>, և այլն:

Իսկ Արտաշիսի օրերը, որ երկայն խաղաղու-  
թեամբ ամենայն բարեկարգութիւն ծաղկեցուց,  
գիտութիւններն ու բանասիրական գալրութիւնն  
ալ ծաղկեցան, ևս առաւել բանաստեղծութիւ-  
նըն. իրեն ատեն շինուեցաւ մեծ և արուեստաւոր  
երկայն վիպասանութիւն մը, զոր Խորենացին ալ  
յատուկ վիպասանութիւն կ'անուանէ, և շինող-  
ներն ալ Վիպասան. որոնց մէկն էր անշուշտ նոյն  
իսկ Թադաւորին որդին Վրոյր, «իմաստուն և  
բանաստեղծ», որ հօրը արքունեացը վերակացու  
էր. Թերևս Համամ Արծրունեաց իշխանն ալ  
ձեռք ունէր, վասն զի բանասէր մարդ էր և ար-  
քունեաց գիւանապետն էր: Այս վիպասանու-  
թեանս մէջ կ'երգէին բոլոր Արտաշիսի գործքե-  
րը, Երուանդայ հետ ըրած պատերազմը, հօրը  
աթուր նստիլը, Ալանաց հետ ըրած խնամու-  
թիւնը և Սաթեն օրիորդը կին առնուլը. ասոր  
հարսնախօսութեանը համար կ'ըսէ Խորենացին <sup>5</sup>.  
«Զայս տեղի առասպելաբանելով վիպասանքն՝  
յերգելն իւրեանց ասեն».

«Հեծաւ արի արքայն Արտաշէս 'ի Սեաւըն գե-  
ղեցիկ,

<sup>1</sup> Գիրք Բ. Է:

<sup>2</sup> Գիրք Բ. Ը:

<sup>3</sup> Գիրք Բ. Լ. Զ.

<sup>4</sup> Գիրք Բ. Լ. Է, ԻԲ. և այլն:

<sup>5</sup> Գիրք Բ. Մ:

- » Եւ հանեալ զոսկիօղ շիկափոկ պարանն ,  
 » Եւ անցեալ որպէս զարծուի սրաթեւ ընդ գետն ,  
 » Եւ ձգեալ զոսկիօղ շիկափոկ պարանն՝  
 » Ընկէց 'ի մէջք օրիորդին Ալանաց ,  
 » Եւ շատ ցաւեցոյց զմէջք փափուկ օրիորդին ,  
 » Արագ հասուցանելով 'ի բանակն իւր » :

Այսպէս ասոնց հարսանեկան երգերէն ալ այս տողս կը բերէ .

- « Տեղ ոսկի տեղայր 'ի փեսայութեանն Արտա-  
 շիսի ,  
 » Տեղայր մարգարիտ 'ի հարսնութեանն Սաթին-  
 կան » :

Նոյն վիպասանութիւնն կը պատմէր Արտաշիսի որդւոյն գործքերն ալ . Արտաւազգայ նախանձը՝ Արգամայ Մարաց նախարարին վրայ , ուր Մարաց ցեղին սկիզբն ալ կը պատմուէր . և Առաջին Տիգրանայ յաղթութիւնն Աժգահակայ վրայ , և ուրիշ դիպուածներ՝ այլաբանութեամբ . Արգամայ ըրած կոչումքը Արտաշիսի և բոլոր Թագաւորական տանը . ուր կ'ըսէր վիպասանութիւնն .

- « Տենչայ Սաթինիկ տիկին տենչանս՝ զարտախոյր <sup>1</sup>  
 խաւարտ և զտից հաւարծի 'ի բարձիցն Արգա-  
 ւանայ » .

Հոն Արգամայ սպանութիւնն , և տանը այրիւն <sup>2</sup> , և այլն , և այլն : Բայց աւելի կու պատմէր Սմբատայ Բիւրատեան քաջութիւնները , Այրաքաջ անուանելով զնա <sup>3</sup> . Դոմեաթիանոս կայսեր հետ

<sup>1</sup> Ուրիշ օր . զարտախոյր հաստաբ խաւարք... խաւարքի :

<sup>2</sup> Խոր . Գիրք Ա . Լ : Բ . ԽԹ , ԵԱ :

<sup>3</sup> Գիրք Բ . ԵԲ :

Հայոց պատերազմը <sup>1</sup> և Սմբատայ ձեռքով յաղթեցին: Արտաշիսի հիւանդութեան և մահուան դիպուածներն ալ կ'երգէր վիպասանութիւնն. և կ'երևի թէ այն վիպասանութենէն առնուած է Մագիստրոսի յիշածն, թէ Արտաշէս Պարթև մեռած առեն՝ յիշելով կենաց և տարւոյն գարունը, երբ առաւօտուն լոյսը ցօղին հետ խառնած բարակ միգի պէս գեղերու և քաղքներու վրայ կը տարածէր, ըսած ըլլայ:

« Ո՞ր տայր ինձ զծուխ ծխանի և զառաւօտն նաւասարդի,

) Զվազեցն եղանց և զվագեցն եղջերուաց:

) Մէք փող հարուաք և թմբկի հարկանէաք <sup>2</sup> »:

Մահուանն առեն ալ զԱրտաւազդ անիծանեցն ալ նոյն վիպասանութենէն կ'երևի. իբր թէ երբ Արտաւազդ տեսնելով որ շատերն Արտաշիսի սիրոյն իրենք զիրենք կը սպաննեն գերեզմանին վրայ, բողբոջած ըլլայ:

« Մինչ դու գնացեր և զերկիրս ամենայն ընդ քեզ տարար:

) Ես աւերակացս ո՞րպէս թագաւորեմ »:

Արտաշէս ալ պատասխանած ըլլայ:

« Դու յորս հեծցիս յազատ 'ի վեր 'ի Մասիս,

) Զքեզ կալցին քաջք, տարցին յազատ 'ի վեր 'ի Մասիս:

) Անդ կացցես և զլոյս մի՛ տեսցես <sup>3</sup> »:

Արտաշիսէն վերջը՝ Արտաւազդայ վրայ պատմած առասպելներն ալ այս վիպասանութեանս մասն

1 Գիրք Բ. ՏԴ:

2 Կարելի է թէ Ա. Արտաշիսի զրուցածն ալ ըլլայ այս:

3 Խոր. Գիրք Բ. ԿԱ:



եղան. որուն համար կ'ըսուէր հոն, թէ ծննդեա-  
նը ատեն

« Վիշապագունք գողացան զմանուկն Արտաւազդ,  
և գե փոխանակ եղին » :

Այս վիպասանութենէս կարծուի Վարդգէսի վրայ  
երգուածն ալ, որ Ա Տիգրանայ քեռայրն էր,  
Արտիմէդ քաղաքին շինուածքին համար <sup>1</sup>.

« Հասուած գնացեալ Վարդգէս մանուկ 'ի Տու-  
հաց դաւառէն

« ԸզՔասաղ գետով,

» Եկեալ նստեալ զՇրէշ բլրով <sup>2</sup>, զԱրտիմէդ  
քաղաքաւ,

» ԸզՔասաղ գետով,

» Կռել կոփել զգուռն Երուանդայ արքայի » :

Արդ ինչպէս կ'երևնայ այս հատուածներէն,  
Արտաշիսի ատեն շինուած վիպասանութիւնն՝ ի-  
րեն որգւոց ատեն ալ շարունակելով՝ Ֆիրտուսի  
Պարսից բանաստեղծին շինածին պէս թագաւո-  
րական գործոց վիպասանութիւն մ'եղաւ. բայց  
յունական արուեստով մէջը հիւսուած էին հին  
դիպուածներ ալ: Այս բանիս ապացոյց մ'ալ կու-  
տան մեզի հին և կորուսեալ ընդարձակ Հայոց  
պատմութեան մը մնացորդ կցկաուրքն, զոր Սաե-  
փանոս Ռօշքեան իր բառագրոց մէջ ցրուած է.  
ուր ամենէն աւելի Սմբատայ վրայ վկայութիւն-  
ներ կան, պատմութեան դիպուածոց մանր պա-  
րագայիւք, և յայտնի կ'ընեն, ինչպէս խորենացւոյն  
պատմածներէն ալ կ'երևի, որ Սմբատն էր դիւ-  
ցազնագոյն Հայոց վիպասանութեանը մէջ. և այն  
վիպասանութենէն հաներ էր պատմութեան հա-  
ւաքողն, և մեր պատմութեան ամեն մասերէն եր-

1 Խոր. Գիրք Բ. ԿԵ: 2 Կամ Բիրդաւ:

կայն Բ Արտաշիսի և իրեն որդւոյն Տիրանայ Ժա-  
մանակները ստորագրեր էր. վասն զի այս Տիրա-  
նայ վրայ ալ շատ յիշատակութիւն կայ, և վայե-  
լուչ ալ էր. վասն զի Արտաշիսէ վերջը՝ Արտա-  
ւազգ և ոչ երկու տարի թագաւորեց, վերջը Տի-  
րան նստաւ. որուն տունն քաջն Սմբատ Բիւրա-  
տեան՝ թէպէտ և ծեր, բայց Հայ սպարապետի  
մը պէս ծեր՝ գեռ կարող էր պատերազմ մանել  
և ելնել: Ուրիշ կորուսեալ պատմիչ մ'ալ կը  
յիշէ Սմբատայ պատերազմները Հռոմայեցոց  
և ուրիշ ազգաց հետ. կը յիշուին իր մեծահան-  
գէս հարսանիքն, մեծավայել ճոխութիւնն, երեք-  
ականայ մատանին, մականակիր երթալն, սաս-  
տիկ կառք քշելն, դեսպանութիւնն, նախարա-  
րաց պարգևներ տալն, և այլն: Վրաց պատմու-  
թեան մէջ ալ կը յիշուին Սմբատայ գործքերն՝  
այն աշխարհին մէջ: Ասով շատ անհաւանելի չէ՝  
թէ Բուզանդայ յիշած Հայոց « Երգն առասպե-  
լեաց վիպասանութեանն » ալ՝ այս վիպասանու-  
թիւնս ըլլայ:

## Գ

Թողլով յիշելու մանր մոլեր և ռամկական շե-  
ւ և սուիւ ըսուած երգերը, միայն քանի մ'ուրիշ  
վիպասանական քիչ ճանցցուած երգերն յիշենք.  
որոնցմէ մէկը Արտաշիսի, մէկն ալ Դարեհի մա-  
հուան վրայ եղերերգական երգեր են եղեր, ինչ-  
պէս կը յիշեն հին քերականի մեկնիչք, առանց  
իմացընելու թէ ո՞ր Արտաշիսի և ո՞ր Դարեհին  
վրայ գրուած էին. միայն այս յայտնի կ'երևի որ  
Ժ և ԺԱ դարերու մէջ ալ գեռ Հայաստան կը  
գանուէին այս երգերս, և թերևս գեռ գառւին,  
գուցէ վերոյիշեալ Մագիստրոսէն բերածնիս ալ  
Արտաշիսի դամբանականէն ըլլայ:

Ասոնցմէ գուրա կը յիշեն նոյն քերականք մէկ վիպասանութիւն մ'ալ, « Պատերազմն Հայոց և Մարաց » ըսուած, զոր Դաւիթ անուանով մէկը շինած է, ոմանք Դաւիթ Անյաղթը կ'ըսեն, Ա Տիգրանայ վրայ. կ'երևի թէ անոր վրայ շինած հին Հայկազանց վիպասանութեան կտորները գտեր, և անկէ շարժեալ՝ նոր տաղաչափութեամբ գրեր է իր վիպասանութիւնը. ինքը գտեր է, ինչպէս յայանի կ'իմացընեն, Տիգրանուհոյ մահուանը վրայ հին ատեն երգուած դամբանական երգը, և այն երգն ալ իրեն ոճովը խառներ է վիպասանութեանը մէջ. ուր կը յիշէ թէ Փողարն, այս ինքն հին դամբանական երգիչն անանկ վարպետութեամբ կ'երգէր ողբը, որ Տիգրանայ սրտէն անցածը՝ գուրա կը բացատրէր. յիշուած հատուածն այս է.

« Եւ արդ ներգործող 'ի միտս երևիւր առ խորհուրդս Փողարին,  
 » Մեծոգւոյ Տիգրանայ գեղանին Տիգրանուհի,  
 » Իւր ներգործեալ զՎողաբաղն, նա և ողջամիտ աշխարհածուհի <sup>1</sup> »:

Դաւթի վիպասանութենէն կարծուի հետեւեալ տողս ալ.

« Փոխատեղեցին 'ի Պարս՝ զՄարային թագաւորութիւնն »:

Թէ որ ոչ յատուկ վիպասանութիւն, դոնէ բարոյական վիպասանական քերթուած պիտի ըլլան Համամ վարդապետին յիշածներն ալ. « Որպէս »  
 » Կայէնին և Սեթայն կամ Դամեքայն, և Երիտաւ,  
 » սարգին հարեւոյ ընդ արդարն և ընդ սուտն »:

<sup>1</sup> Ուրիշ օր. Իւր ներածեալ... Կողաբաղ... ողջամիտ տաղաւորութեանն:

Հին Յունական վիպասանութեան յիշատակութիւն մ'ալ կը գտնեմք յետին դարու գրուածոց մէջ, « Առասպելք Արամազդայ և Հերմայ » ըստւած . որ կ'երևի թէ յունարենէ թարգմանած հին քերդուած է , գուցէ թէ և Հոմերոսին մէկ մասնըլայ . բայց յայտնի է որ երկայն գրուած էր . զի յիշողն՝ Պղնձէ Կալասար կը յիշէ : — Իսկ այս Պղնձէ քաղաքս բարոյական վիպասանութիւն մ'է պարսկերենէ թարգմանած : — Նոյնն Պղնձէ քաղքին հետ կը յիշէ և Շէրիշէ վիպասանութիւնը . որ նոյնպէս կ'երևի պարսկերենէ թարգմանած . զաս չեմ տեսած , բայց Պղնձէ քաղաքին օրինակը շատ տեղ կը գտուի . սակայն երկուքն ալ դիւցազնական վիպասանութիւննէրէ գուրս և վերջին ատենի բաներ են :

Ասոնցմէ աւելի ռամկական վիպասանութեան մը պէս բան մը պիտի ըլլայ Մխիթար Ապարանցւոյն ըսածն ալ Հայոց համար , թէ « Հետեին » զանազան շարականաց և բարբառնաց , այսինքն » որ կոչի Աուզ և Աատու » :

## Դ

Վերը յիշած Հայկական վիպասանութեանց պէս պէտք է որ ուրիշ շատ վիպասանութիւններ ալ երգուած ըլլան հին Հայաստանի մէջ . բայց ուր են հիմայ այնչափ երգերն . ինչ պատճառով բոլորն ալ կորան : — Մէկ պատճառն աս է որ 'գրով չէին գրուած շատն , կամ քիչ օրինակ կար . հապա երգով ազգէ ազգ կ'անցընէին . անոր համար երգն խափանուած ատենն՝ բոլորն ալ խափանեցաւ : Իսկ երկրորդ պատճառ թուի աս երգերուն ալ , մնացած հեթանոսական գրուածներուն ալ խափանիլն՝ Լուսաւորչի և Տրգատայ հրամանաւ , ազգին 'ի քրիստոնէութիւն դարձած ատեն .

որ չըլլայ թէ նորէն հին կրօնքի և հին թոյլ սովորութեանց դառնան. գիտնալով որ կրօնքի և սովորութեանց մէջ Հայք շատ կամապաշտ են, երգալ շատ կու սիրեն: Իրաւ այս արգելքս մեր գրականութեան մեծ փնաս բերաւ, բայց առանց անոր՝ յամառ և անկիրթ ժողովրդեան կանոն գնել չէր ըլլար. ինչպէս յայտնի կ'երևի անկէ ալ, որ երբ թուրքային հաւատքէ՝ մէկէն իրենց հին աւանդութիւնները կու փնտուէին. ինչպէս որ ըրին մեծին Ներսէսէ առաջ Տիրանայ ատեն. « Դեգե »  
 « րեալ մաշէին... 'ի հնութիւն հեթանոսութեան »  
 « սովորութեանց... և զիւրեանց երգս առասպել »  
 « լաց զվիպասանութեանն սիրեցեալք՝ 'ի փոյթ »  
 « կրթութեանցն, և նմին հաւատացեալք և 'ինոյն »  
 « հանապազորդեալք » <sup>1</sup>:

Ասանկ ալ յաջորդ գարուն մէջ երբոր Վասակ կը ջանար քրիստոնէութիւնը վերջընել Հայաստանէն՝ դարձեալ մնացած հին երգերը դուրս հանել սկսաւ. « Քաղցրացուցանէր ոմանց ըզ »  
 « կարգս երաժշտութեան և զՆրգս հեթանոսա »  
 « կանս <sup>2</sup> »: Թերեւս այսպիսի հակառակասէր հոգւոյ ջանքն աւելի պատճառ եղաւ որ այն մնացորդներէն ալ գտածնին ջնջեն Վարդանանք և Ղևոնդեանք: Իսկ Հայաստան՝ Պարսից վտանգէն անցնելէն ետեւ, ալ կրօնքին մէջ հաստատուեցաւ, վախ չկար վիպասանութիւններէն. բայց կու կարծեմ որ ամբողջ գրած վիպասանութիւն մ'ալ չկար. վասն զի Պարսիկներն ալ ջանացին Հայաստանի մէջ գտած գրքերնին ջնջել. սակայն որովհետեւ դեռ տեղ տեղ կը լսուէին անոնցմէ երգեր, մանաւանդ Գողթնեաց կողմը, ինչպէս Խորենացիէն բերած վկայութիւննիս կու վկայեն, կրնար Թարգմանչաց մէկն ժողովել հնուցմէ մնացածը

1 Բուզ. ԺԳ:

2 Եղիշ. Գ:

որբաղան և թէ ազգային պատմութիւնն աս կերպով գրեցին, թէսլէտե քիչ բանաստեղծական ազատութիւններով. այսպէս է նախ Մագիստրոսի Մեծ էն գործը Արփո-ժոյ սկսած հազար տուն ոտանաւոր վիպասանութիւնն ուրբ Գրոց պատմութեան. Շնորհալոյն վիպասանութիւնն Հայոց պատմութեան և Յիսուս Որդի անուանեալ հոգևոր եղերերգութիւնն, Ուրբ Երէսի, առման վրայ, ինչպէս և Գրիգորի Տղայոյ Ուրբ Երեսնամեայ վրայ: Վահրամ վարդապետին Կիլիկիացոց պատմութիւն, Առաքել վարդապետին Արամ գիրքն, և մեր հայրապետաց պատմութիւններն, Յովսափայ վարքն, Սիմէոն Ապարանեցոյն վիպասանութիւն Մամիկոնէից և Պահլավունեաց ցեղերուն վրայ՝ Շնորհալոյն ոճովը: Այս ետքի հեղինակս կ'իմացընէ որ իր վիպասանութիւնն առած է Ղազարայ Փարպեցոյն շինածէն նոյն բանին վրայ, և անոր շինածն ալ վիպասանութիւն կ'անուանէ. բայց գուցէ արձակ գրուածք ըլլայ իր մէկալ-ծանօթ պատմութեանը պէս:

Երրորդ կերպն է կարճ ազգային երգեր երեւելի մարդկանց և գիպուածոց վրայ, շատ տեսակ և եղանակի վրայ առած: Հին Հայք այս կերպս ալ շատ կու սիրէին, և թերեւ թորենացոյն յիշածներէն ոմանք այս ցեղէս են: Այսպէս ալ Տըրգատայ վրայ կարճ ըսուածն.<sup>1</sup>,

- « Իբրև զսէգն Տրդատ, որ սիգալովն աւերեաց  
զԹումրս գետոց,  
» Եւ ցամաքեցոյց իսկ 'ի սիգալ իւրում զյորձանս  
ծովուց »):

Այսպիսի երգեր զոր հին Հայք եղանակով և նուագարաններով կ'երգէին, մեր հիմակուան ռամկոց

<sup>1</sup> Ագաթանգեղոս:

Խաղ ըստւածներուն կը նմանէին, զոր իրենք Յոյս կամ Շէր կ'անուանէին. և թէ քաջութեան, թէ ողբական, թէ արհամարհելու գիպուած հանգիւղէր, վրան երգ մը յարմարցուցած կ'երգէին. ինչպէս ամեն աղքատ մէջ ալ կը գտուի ինչուան հիմայ: Մագիստրոս իր ատենին համար ալ կ'ըսէ թէ հիմայ Հայոց մէջ աւելի կայ քան ուրիշ մօտիկ ազգերու, որ սփանաւորի վրայ ալ առած կ'երգեն « արուեստաւորեալ 'ի գովս և 'ի պար » սաւս »: Թէպէտեւ այս երգերէն շատը ռամկական կերպով զրուցուած էր, և երթալով ալ աւելի ռամկացաւ: Յետին դարերու քերականի մեկնիչ մը այս բանս յիշելով և բացատրելով թէ ինչ է հին հագներգութիւնը՝ զոր Մագիստրոս յիշեց, բացատրելու ատեն ինքն ալ ռամկական բանաստեղծութեամբ վառուած՝ կարծես ըսածին օրինակն ալ մէկտեղ կու տայ. զոր զուարճութեան համար յիշենք. « Զոր և այժմ զահուախանի <sup>1</sup> » մանչերն առնուն 'ի ձեռս իւրեանց երկու փայտ, » զոր չարփալայ ասեն, և բախելով ընդ միմեանս » իբր

- » Մափս հարկանելով
- » Եւ կաքաւեն յոլով,
- » Եւ մանս առնեն պար գալով,
- » Եւ ճօճեն ճեմելով,
- » Եւ տաֆս <sup>2</sup> հարկանեն ծընծայքով,
- » Եւ խաղս խաղան թատերով,
- » Զանդաման շարժեն խնձերով,
- » Աւաչս յօրինեն ճոխ երգով »:

Այս երրորդ կերպով բայց ծանր ոճով նոր ատենս ալ գրուածքներ շատ կան, նաեւ երկրորդ կերպին մօտ կարճ վիպասանութիւններ. բայց

1 Գահփէ-թանի:

2 Թմբուկ. Թիֆ:

անոր երկայն և ծանր կերպով ալ մեր օրերը առաջին անգամ լիպտասանութիւններ ընծայեց Վանեցի կամ Վանանդեցի Տէր Յովհաննէսն Մերձայեան, Ուիլ Գոր և Արիտիան կոչած վեպտասնութեամբք. որոնց եղբինը կրնար առաջին կարգն ալ անցնիլ, թէ որ հեղինակն ինչպէս ինքն ալ կը խոստովանի՝ Ադաթանգեղոսին պատմական սճրբունած և գրեթէ զնոյնը նաանաւորի դարձուցած չըլլար, տեղ տեղ համառօտելով և անդ տեղ բանաստեղծութեամբք զարգարելով: Առաջինն՝ որ հին քերդոզաց մէջ առակ էրած՝ օտկեղէն գարուն Հայաստանին մէջ ըլլալը կը ցուցնէ Հայկէն ինչուան Արամ, նոյնպէս երկրորդ կերպի վեպտասնութիւն է՝:

## Զ

Այս ցեղ գրուածոց և քերդուածոց մէջ կըրնամք տեսլ կերպով մը մեր մասեննագրաց քնարերգականքն աղցային յիշատակաց կամ անձանց վրայ, որոց մեծ մասն եկեղեցւոյ նահատակաց վրայ են, և կ'ըսուին Շարահանք, և Փանձք և Տաղք. ամենն այլ գրոց ծանր լեզուով և ոճով. իսկ բուն քաղաքական տեսութեամբ և ոգւով գրուած երգք աղցայինք խիստ ցանցաւ են մեր

1 Հեղինակն որ ինճիճեանին կը հեռի օղակարծեաց և հնութեան նկարագրութեան մէջ, անոր գուշակութիւնն ալ կատարել ուզած է գործքով. Հայաստանի Հոխոսութեան Ա հատորին մէջ, երես 282 կ'ըսէ ինճիճեան. « Գոյում հարիւրեման ժամանակի է Ուիլ Գորն, » այնչափ հաշակեալ և գովալ առ նախնի բանաստեղծո. » որ և յաւուր միումնաէ՛ի մերոց բանաստեղծից նկարագրեացի երգովք, իբրեւ զքնիկ բնակչաց մերոյ աշխարհ հին »:



մատենագրութեան մէջ. այլ անոր տեղ ուսմիս: կան լեզուով գրուածք աւելի և բաւական շատ կու գտուին, սկսեալ գրեթէ յ'ՅԲ դարէ մինչև հիմայ: Ասոնց լեզուին շարագրութիւն ըստ դարուց և տեղեաց մեծապէս կու զանազանի իրարմէ, որով և այլևայլ գաւառական լեզուօք գրուած կըրնան ըսուիլ. բայց այս զանազանութիւնս աւելի ՅԶ դարէն վերջը կ'երևի. ինչուան այն ատեն գրուածքն դեռ Հայ լեզուին միութեան կերպ մ'ունին, միայն սլարաիկ կամ թուրք բառերով խառնուած են. իսկ անկէ ետև՝ ոչ միայն այլ աւելի խառնուրդ կ'առնուն բառից, այլ և դարձուածոց կամ ոճոյ բանից, և քերականական կազմուածքնին շատ կու տարբերի: Կըրնամք ընդհանուր երկուքի վերածել այս ուսմիական կամ գաւառական բարբառները, անբեղեան և արեւմբական Հայերէնի. առաջինը կու բանեցընեն Վրահայք և Պարսկահայք, այսինքն Վրաց սահմանները, յԵրևան, 'ի Զուղայ՝ և անկէց 'ի Պարսս և 'ի Հնդկս անցնող Հայք. իսկ երկրորդը՝ բուն Մեծ Հայաստանէն դուրս եղող Հայք, որ 'ի Փոքր Հայս, 'ի Կիւլիկիայ և 'ի գաղթականս Փոքր Ասիոյ և Ռումէլի. կըրնամք այլ միջին ըսել Վանայ և Մշոյ կողմերուն լեզուին, որ ըստ քերականին աւելի արեւմտայց մօտ են, բայց աւելի այլ մաքուր և յստակ. ասոնց և արեւմտեայց այլ միջադաս կըրնան ըսուիլ բուն Մեծ Հայոց արեւմբական աշխարհաց բնիկքն, ինչպէս են Կարնեցիք, Երզնկացիք և Խարբերդցիք:

Արեւելեան ըսած Հայ ուսմիական երգիչք կամ վիպասանք՝ նոր ատեններս աւելի յայտնուեցան կամ հռչակուեցան, և ոմանց երգերն այլ հաւաքուելով տպագրեցան 'ի բանասիրաց Ռուսահայոց. այս վիպասանք անցեալ կամ ներկայ գորուս մէջ ծաղկած են, և աւելի համբաւաւորքն են

Սայաթ (կամ Սայաթնով) և Աղբար Արամ († 1844). գովուլթեամբ կու յիշուին և Աւարակէրփի, Քէշէշ օւլէ՝ որք կոյր էին սչօք. բուն Ջուղայեցոց մէջ կու յիշուին Էֆազ, Արղոնի, Բաղէր-օւլէի, Ղու Սարգիս Շրէշանդի, Արթուրի, Վանան, Խու Յու Կաննէս, Պէփրոս Ջուլէդի, և այլն:

Իսկ Արևմտեան կոչածներս աւելի բազմաթիւ են, և ասոնց գրուածքն ձեռագիր երգարանաց մէջ կու գտուին. որոց մէջ կան շատ երգեր այլ առանց անուան հեղինակի: Հոս՝ առանց տեղւոյ շատ խորութեան՝ յիշեմ ժամանակի կարգաւ այս առակական լեզուով երգ գրողներէն ինծի ծանօթները, ոչ միայն երգը և երգոյն նիւթը դիտելով՝ այլ և ուսմիկ կամ գաւառական լեզուն. և այս տեսութեամբ ամենէն հին և առաջին կրընամբ սեպել թի դարուն մէջ մեր անմահ Շուրհաւի կաթուղիկոսը, որ զանազան ոճով գրուածոց մէջ թողուց նաև առակական կամ այն ատենի աշխարհաբար ոճով Հանելուկներ. ասոնցմէ հին այնպիսի բարբառով գրուած ոտանաւոր չեմ ճանչնար: Այս լեզուին և գրուածքին հետեւած Հանելուկներ գրած է և Տէրափոս վարդապետ մը թի դարու մէջ. որուն դարակից առակօրէն երգագիրք են անուանի Կելառեյի խալափոս, Կոստանդին Երնիւղի, և անոնց մօտ Մինաս Դերշանդի. իսկ քիչ մ'այլ հին թի դարուն վերջերը և թիին սկիզբը մեր վերջին ընտիր մատենագիրն, Յովհաննէս Երնիւղի, որ դւնի գրեթէ աշխարհիկ բարբառով գրած խրատական երգեր ալ: Բայց մեր առակախօս կամ առակախառն վիպասանից և գուսանաց ամենէն ծաղկած ատենն թե և թի դարուց միջոց կ'երևի. առջինին մէջ և սկիզբները ծաղկեցան երկու Մուսաթէք, Սիւնեաց արքեպիսկոպոսն՝ քուերորդին Գրիգորի Տաթևացոյ, և Բաղէշի կամ Պոռեյի, որոց գրուածքն երբեմն իրարու հետ կու շփո-

Թին. ասոնց գլուածքն աւելի հոգեւոր և խրատական են. Միրփի Նաղա՝ Ամգայ արքեպիսկոպոսն՝ որ աւելի հանճարեղ և զգայուն է. այլ ամենէն աւելի բանաստեղծ և տաքսիրտ Յովհաննէս Թլուհանցի, որ ասեն մը սիրոյ և գովասանաց երգեր երգած է, ատեն մ'այլ Սոյ Կաթուղիկոս է եղած. — բարակ զգացման և ուղիղ մտաց տէր, նսեւ ճարտար տաղաչափ պէսպէս վանկերով՝ նորահուն քերգող մը կայ՝ Ֆրիլ, որդի Թագվոշի եղբորորդի Դսգոնոյի, որուն ժամանակն որոշակի յայտ չէ, բայց այս (ժն) դարէս ետք այլ չէ. գրուածքն բարոյական խրատք են, սակայն սրբատվ սիւսած: Ասոնց ժամանակակից կ'երևին Արի Դուսէ Նաղա, Արևան (Գրիգոր) և Յովսէփ Սեփապաշի: Քիչ մ'եաւ ծջ դարուն սկիզբները Գրիգոր Աղւանացի, որ Թլուրանեցւոյն զոգը կրնայ ըսուի՝ Թէ անոր պէս կաթուղիկոս ըլլալով, և Թէ նման վաւուրուն երեւկայութեամբն: Այս ծջ դարուս մէջ ծաղկած են և երգիչք կամ տաղասացք՝ Միրփի Տարնեցի, Թադէոս Սեփապաշի, Մինաս Ետնիկացի, Մարտիրոս Ղարաճառացի (Քարահիսարցի), Ենուզ, Յակոբ Վարդապետ, Ներսէս Բեղլուս<sup>1</sup>, Քուլաշ Հաւնաւանցի, հաւանորէն և Սպանդիար, Արապով, Աղարիս, Սարկաւաֆ Բերդաշի, Զատարիս Ագուլեցի, Խալիկ Կաֆաշի, Ղալարիյոյ, Մելքոն, Մուրաֆ Խիւր՝ որուն կ'ընծայուի « Մարտին կու գայր ծաղկըներով » երգն<sup>2</sup>, Յովնա Լան Նաղա, Ներսէս, Շամս, Քերուլբէ, Քօնան կամ Քօնայ Խալեցի: Յետագայ (ժն) դարուն մէջ՝ Ասաբ Սեփապաշի, Արիստակէս (Խարբերդցի?), Խալափուր Բաղիշեցի կամ Զուղայեցի, Սահաթաս, Սպե-

<sup>1</sup> Այսինքն Պլաշէլ, մեծ ընչացք ունենալուն համար. իր հայրենեաց անուամբ այլ Մոկայի կոչուի:

<sup>2</sup> Որ յոմանց կարծուած է Մկրտիչ Նաղաշին:

Ժանս Թօթաթի, Երեմիա Չեւեղի Քէօմիւրձեան,  
 Սփէթանո Շաքաթի, Սարգիս Էրեյ, և այլն: Այս  
 գարունս մէջ ծաղկած կ'երևին երկու Էրզնուում  
 ցիւք այլ, Տափուր գինեւագուն, և Դաւիթ Սալթուրեյի  
 ծաղկեւագուն: ԺՆ դարուն մէջ գրոց լեզուն աւելի  
 մշակուելով՝ ռամկաբան երգիչք այլ նուազեցան.  
 կրնան դեռ յիշուիլ Կալուսփ Կայծաթի կաթու-  
 ղիկոս, որ թէ զուտ թէ խառն գրած է, նաև  
 թուրքարէնով, Օհան օշու, Աւեփիս՝ անուանի  
 պատրիարքն Կ.Պօլսի, և այլն. որոց հետ թերևս  
 քսանի մ'այլ կրննայի շարել, բայց անշուշտ ա-  
 ւելի շատ են անոնք՝ զոր չեմ յիշած և չեմ ճանչ-  
 ցած. և անշուշտ առանց անուանին գիտնալու ա-  
 նոնց երգերը կարդացեր եմ տաղարանաց մէջ-  
 գուցէ շատոնք այլ կամաւ ծածկած են անուանին  
 սիրոյ և գովասանութեան երգերու մէջ, որ շատ  
 հեղ ըստ տաքութեան և սաստկութեաննիւթոյն՝  
 տուած է անոնց ճարտարագոյն բացատրութիւն  
 և բանահիւսութիւն այլ: — Սէր և սուգ. սրտից  
 ամենէն զօրաւոր ազգեցութիւնք, ամենէն շար-  
 քող մագնիսն և էլեկտրութիւնն են, միանգա-  
 մայն և ամենէն ճարտար ձեւ և ձայն տուողք ա-  
 նոր. ահաւասիկ սրտաթափ ձայնիկ մը մեր գու-  
 տանաց մէկուն, որով լռենք այս երեկոյեան զը-  
 րոյցս ազգային վիպասանից վրայօք.

Ժամ Ժամ զիմ զարիպութիւնս

Ես յիշեմ ու նստիմ ու լամ.

Ճապղել եմ ջրբիտ նըման,

Ես օտար երկիր կու գընամ.

Աստուած գիտէ ան ճամբան

Ուր երթամ կամ ուր տի մընամ:

Ո՛վ կապէ խաչն իմ սրտիս,

Կամ հողվարք՝<sup>1</sup> որ ես գուրանամ:  
Յորեկն եմ նետիտ նըման,  
Ուր նետեն՝ ես ի հոն կենամ:  
Գիշերն՝ աղեղան նըման,  
Ես լարթափ<sup>2</sup> ի վար կու գընամ:...

<sup>1</sup> Հողով ծածկած գերեզման:

<sup>2</sup> Թղլթած կախուած լարով աղեղն:







JO. HATHORN & CO. LTD.

Ի՞նչ փարեւի թեւահցողութեամբ... քայլէին քննէին իրենց  
հայրենի երկրին ուրոտքը, որոշեւոյժ զէնն և զանշէնն, և  
իրենց տիրական նշանները ուսահմանախաչերը կանգնեւոյժ:



# ՎԱՀԱՆ ԳՈՂԹՆԱՑԻ

18 Մարտ, 738

Ա.

Վահան, գեղեցիկ և բնիկ հայկական անուն՝ որ ազգային պատմագիտաց կու յիշեցընէ իրենց ոչ սակաւ ընտիր դիւցանման և սրբազանեալ նախնիները, հոս իրեն կցորդ հայրենական կոչմամբն Գողթնացի՝ կու յափշտակէ զսիրտ առ այն Վահան, որ եթէ ոչ քաղաքական և պատերազմական հանդիսիւք՝ հռչակուեցաւ իբրեւ զմեծ Մամիկոնեանն ('ի Ե դարու), սակայն քան զնա և քան զայլ համանունս վերադասի յազգային հոգիս, այնպիսի զգացմամբք՝ որք աւելի զօրաւոր և սրբազան են քան զարիւթիւն և զխորագիտութիւն։ — Սուգ, սէլ և սրբութիւն։ — Իսկ եթէ ասոնց հետ հայրենասիրութիւն ալ պահանջուի, ոչ պակաս քան 'ի Մամիկոնեանն երեւի և 'ի Գողթնացիս. թէպէտ և 'ի սա նոր օրինակ կերպով մը. գուցէ աւելի սաստիկ, ստուգիւ աւելի սրաառուչ։

Հայկազին հրեղէն հանճարն՝ (որ թողած է բաւական պայծառ նշաններ՝ իր հնութեան հաւասարապատիւ կանգնելու և ցուցընելու իր

սիրտն այլ), մոռացութեանց մոխրոց տակ երկու վառվռուն կայծակներ պահեր է 'ի յիշատակ Գողթնացւոյս Վահանայ. որովք թէ սա՝ թէ մեր ազգին գրականութիւնն և թէ ազնուական զգացմունք՝ անգամ մ'այլ անմահութեան հաւաստիք կ'առնուն. քանի որ 'ի մատեանս պատմըաց մերոց մնայ Վահանայ Վիպաբանութիւն, և 'ի դասս եկեղեցւոյ մերոյ՝ Գողթնացւոյն Շարախան: Ըստ ինքեան գեղեցիկ՝ մանաւանդ թէ սրբարարի և սրտառուչ պատմութիւնն կամ դիպուածն, այն երկու կայծակնաճաճանց գրուածովք նոր շնորհք և նոր վայելչութիւն մ'այլ առեր և զարգարուեր են: Անոնցմով՝ եկեղեցի, հայրենիք և սրտային գորովանք՝ սքանչելապէս խթանուած, իբրև ոսկւոյ, արծաթի և ծիրանւոյ սեփական հիւսուածք մ'այլ կուցողացընեն մեր հայրենի յիշատակաց մէջ: Այն գեղեցկութեն անկարելի էր բան մը պակաս գտնել, եթէ, - փառք ազնիւ հայրենեաց կամ հայրենակցաց մերոց, - ով Հայկակ, հայկական սիրտն՝ հանճարէն այլ վեր թռչելով ճարտարած չըլլար այնպիսի գեղեցիկ հիւսուածի մէջ այլ՝ նրբագոյն մանուշակ մը մանեւ, և անով Գողթնացւոյն յիշատակը փափկագոյն իմն բարձրացընել քան զՄամիկոնեանն, քան զՎամսարական, քան զԳնունին, քան զամեն այլ Վահան:

Այս մանրակտիտ մանուշագոյն մանուածս՝ է հին տառագրութիւն մը. աւանդութիւն մը՝ որ իրեն երաշխաւոր ունի վերոյիշեալ շարանը, այն հայկական հանճարոյ մէկիկ չքնաղ կայծակը. հազար հարիւր տարի քշած անգիր յիշատակ մը, բերնէ բերան, սրտէ 'ի սիրտ անցած. սիրտաւարի, նըրբազգած և նրբասեռ անձի մը, Հայուհոյ մը յիշատակ. զոր պատմութիւնն սքողէ, աւանդութիւնն կոչէ Գոյր Վահանայ, և շարականն այն վը-

կայէ՝ Թէ իր հեզինական արդարեւ կամ Կոյր կամ քոյրանման «Իրայի» զարմանուհի մ'էր Վահանայ. — միով բանիւ, աներկբայ հայկածղի մուզայ մ'էր. որուն սրտին, մտաց և մատանց Թափուած երգը՝ յափշտակեր է մեր սուրբ եկեղեցին, և իր պատուականագոյն բանաւոր գանձուց մէջ շարելով՝ անմահապայլ պահէ Թէ զգիտուս իր և մեր Վահանայ, և Թէ անոր հայրենեաց Գողթան:

## Բ

Գողթն... Թէ և քիչ մը խորթացեալ անուն, և ոչ պայծառասփիւռ իբրեւ ուրիշ հին հայկազնեան անուններ, և հաւանօրէն (մեր հին ազգին մատաւոր) Մարաց գաղթականէն մտած կամ այլայլած, սակայն յիշատակօքն և բնութեամբն իսկ 'հաճոյ' ամեն սիրուն և ուրախ սրտի, նաև տխուրի: Գոնէ 2500 տարիէ վեր լսուած և յիշուած անուն 'ի պատմութեան, և մինչև հիմայ նոյնպէս կոչուած 'ի մերազգի բնկաց, և յօտարաց՝ Քիլիկի. — հիմայ՝ ծանօթ իբրեւ Գեղասան մը. մեր մատենագրաց մէջ՝ իբրեւ Գոսոս մը, և մերիններէն հնագոյն օտար աշխարհագրաց՝ իբրեւ առանձին նահանգ կամ աշխարհ մը. այսինքն՝ անկախ նախարար կամ նահապետ ունող, ինչպէս Սիւնիք, և ուրիշ տառնահինգ աշխարհքն Հայոց Մեծաց: — Գողթն. զոր բնահայ գետոյն Երասխայ արմուկն՝ իր ընթացից հարսւագոյն մասամբը պատելով՝ կու գգուէ, գիրացընէ և գինովցընէ. — Գողթն. կերպով մը հակառակորդ Շիրակայ. որ ունի լիութեամբ զէպ հաստատիչ սրտի. և առաւել զգինի՝ որ « ուրախ առնէ զսիրտ մարդոյ »: Ասոր այգեաց անոյշ ազդեցութեամբն՝ բռնակիչքն այլ եղան երգահանք, բանաստեղծք, աւանդապահք քաջութեան դիւցազանց, հայ-

կահան ցանկալի հին յիշատակաց, և ճարտար գործածողք ազգային գլխաւոր երաժշտական գործւոյն, որ է Բաբէրոս փառապանծ: Մինչև հիմայ, թէ և Գողթնացւոց կամ Ագուլեցոց (Գողթն գաւառին մէկ աւանն է Ագուլիս, որ թուի ըսել Այգուլիք, այգիներով լիք) լեզուին թէ և թանձր ու խորթ, անշուշտ հին Մարաց լեզուէն խառնուած, սակայն բառերն և բացատրութիւնք նշաւաւոր են բանաստեղծութեամբ: — Գողթն. իրեն գինաւէտ ամրանքը կ'ողորէ յէզր Նրասխայ, մօտ անոր կարկաջահոս քարավազից. բնութեան զարմանակերպ, ահեղագեղ, միանգամայն և դաւարազուարճ ու բարեբեր ձորահովտաց մէջ: Ասկէ լաւ տեղ կրնա՞ր ընծայուիլ մեր ազգային Անակրէոնից, և անոր հետեողաց աշխոյժը և ախորժակը վառելու: — Նրասխայ հանապազահոս վիժանաց ձիւնափայլ փրփուրքն՝ այգեաց ընծայած ծիրանեփայլ պղպշտակին հետ խառնած, կ'արծարծէր մեր հայրենի բամբուկը, և հազարամեայ յիշաաակներ երեկուտն դիպուածի մը պէս կու հնչէին 'ի Գողթն. և Քրիստոսէ հինգ դար վերջը՝ իր Տարօնոյ Մեղրայ-գետը թողած՝ կու լսէր մեր Խորենացի պատմահայրն՝ հեռաւոր Գողթան և անոր սահմանակից Մեկրայ աւանին գետակաց եզերք՝ Քրիստոսէ հինգ վեց դար առաջ փայլած և փառաւորած ազգային մեծագոյն դիւցազին ծագումը, Վահագնի այլաբանեալ ծնունդը, զոր

« Երկնէր երկին, երկնէր երկիր,  
Երկնէր եւ ծիրանի ծովն »...

Երնեկ մեր պատմահօրն, որ սյնքան ողբալի լուութեանց մէջ՝ գոնէ այսպիսի երգոյ մը համար կրցաւ ըսել, թէ « զայս երգելով ոմանց բամբուկս » լուաք մերովք իսկ ականջօք » և դարձեալ ա-

սոր նմաններն այլ կու յիշէ, թէ անկէ հին և թէ այլ շատ մօտ (Քրիստոսի Բ դարուն հանդիպած) գիպուածոց վրայօք. որոց վրայ աւելցան ժամանակաւ նորանոր քաջաց գովասանք, իբրև ազգային պանծալի զիպասանութիւն մը հիւսելով: Ասոր պատմութիւնն երբեմն միաշար և երբեմն ընդհատ, հաւանօրէն երկարեցաւ ինչուան մեր մեծ պատմըչին օրերը և այլ վար, (թէ և անկէ ետև շատ ցաւեր և ձիւներ անցան մեր ծեր հայրենեաց գլխէն). դեռ երբեմն բարբառէր բամբիռն Գողթան, կու հնչեցընէր հատակաուր հագագներ, և ընդ գովասանութեան քաջազանց գուցէ խառնէր քանի մ'այլ խոր հառաչանք: Դեռ Հայկազուն և Աժգահակեան խնամեցեալ պայազատաց սերունդքն իշխանաբար ճոխային ձեմէին Նրասխայ դարափանց և ձորոց մէջ. և դեռ ունէր Գողթն՝ մինչև 'ի սկիզբն ը դարու՝ իր առաքինի հնազարմն իշխեցողը՝ Խուրդ, զոր ուրիշ կ'անուանէ ժամանակին պատմիչն. և որոյ սրբագոյն և ծանօթագոյն շառաւիղ մը ծագեցաւ 'ի սկիզբն ը դարու (յա. մի 702) մեր դրուատելին Վահան:....

## Գ

Ո՛վ պանծաձայն բամբիռն Գողթան. արդեօք նաւասարդի սաղարթներով պսակուած, և գինաւէտ այգեացդ լայնատերև բարունակներով պլլըւած՝ երեցար այս անգամ այլ, երգեցիր մեր հին Վահագնին նմանցընելով՝ այս քու նոր (և թերևս յեափն) Վահանիդ ծնունդը.— ո՞ր գոյն երկինք, ո՞ր գոյններկիր, կամ ո՞ր ծով ծիրանի երկնեց զսա. ի՞նչ կարմրիկ եղեգն էր որ բարձրացուց զսա 'ի ծովէն. կամ ի՞նչ ծուխ, ի՞նչ բոց էր՝ որ կ'ենէր անկէց:.. Ո՛հ, մանաւանդ թէ այն ի՞նչ ծծըմաւ

խառն մուխ էր՝ ուսկից (« Վազէր խաբէալ գաթանէ-  
իիկն ») մեր : . . . .

Հայկակ , ես այս ծխէն մղձկած՝ կու կորսընցը-  
նեմ Գողթան բամբիւր . կու լսեմ ուրիշ բոմբիւն ,  
ուրիշ վիպասանութիւն մը՝ որ յանկարծ մահուան  
թմբկի պէս կ'որոտայ , նոր և այլակերպ ծիրանի ծո-  
վու մը ծխոյ ու բոցոյ մէջ . « Ահա մերկացա՛ւ սուրն »  
» վաղակաւոր 'ի պատենիցն . զոր տեսանող աւամբն  
» յառաջագոյն սպառնացեալ ողբայր մարգարէն :  
» Սուր ծարաւի արեամբ՝ զարթեալ 'ի մեղ ազգն  
» Իսմայելի . ընդ չորեսեան կողմանս երկրի գոչեալ  
» առիւծաբար , կամ իբրև չորեքին հողմովք բա-  
» խելով զծով , զաշխարհիս մեծութիւնս : Որ ար-  
» գեւք թէ և առ Իսրայէլ լինէր մարգարէու-  
» թիւնն , զայն և առ մերս առնու ձայնն . մանա-  
» լանդ՝ Երուսաղէմ մինչև 'ի հիմն քակեալ լինէր .  
» և մեր՝ բոլոր աշխարհս քակեալ աւերեցաւ :  
» Զվայելութիւն երկրիս օտարազգիք կալան . ա-  
» զատութիւն և տէրութիւն և իշխանութիւն  
» նախարարացն՝ անարգութեամբ յերկիր կործա-  
» նեցաւ : Անդ մանկունք աղայք զքարի հարեալք .  
» և մերքս առ հասարակ ծնողք և մանկունք՝ 'ի  
» գերութիւն . որ և զմարցն առեալ ողբոյր Ե-  
» րեմիա , այն և մեղ իսկ դիպեցան 'ի դէպ ելա-  
» նել . . . . : Վասն զի մրրիկ տապախառնի տիրա-  
» բեր շնչեալ օդովն հարաւոյ , բարձ զառաքաստն  
» փափկութեան . բարձեալ զպատուականութի  
» և զսրբութիւն լուսազարդափայլ ծածկու-  
» թեանն , որ փոխանակ դրախտին շնորհեցաւ  
» մեղ՝ 'ի կենաց փայտէ խաչին Քրիստոսի . և յայտ-  
» նեցաւ թխութիւն թանձրութեան կտաւոյն .  
» խաւարամած թանձրութիւն անհնարին սեու-  
» թեանս . գոյն , որ ունեւոյց էր զամենայն աշ-  
» խարհս Հայաստան երկրիս » :

Այսպէս կու սկսի Արծկէացին , Երաշխաւորի

վանահայրն Արտաւազդ, իր « Ողբքն վան լարեացն » որ տնցիս 'ի վերայ աշխարհիս Հայոց... և Վկայաբանու » Բիւն Ս. Վահանայ » : Նախերգանք կսկծալի՝ ըստ դիպուածոց պատմութեան, պանծալի՝ ըստ մատենագրութեան. որ մէկէն 'ի մէկ ընթերցողին առջև կու ծաւալէ՝ Դամասկացի թրերուն թօթափած կայծերովը ձևացած ծիրանի ծովը : Ծովարեան, ծով մեր հարազատ արեան, ուսկից կ'արձակի կորացեալ կտրմրիկ եղէգն այլ, և անոր մարմրած բոցոյն միջէն վազէ մեր խարտեաշ պատանեկիկն Վահան : — Նաւթով ու ձիւթով օծեալ են այն եղէգներն, բռնկած ու բորբոքած, որ Գողթան մօտ Նախճաւան և Խրամ (կամ Հրամ) աւանաց մեծ եկեղեցեաց քակուած տանիքներուն մէջ կ'եռան ծծմբաձոյլ օձերու պէս, և վար կու թափին հրածորան անձրևի նման : Եկեղեցեաց դռներն դրսէն չէ թէ միայն դոցուած, այլ և ալիւսով հիւսուած, պատերուն հաւասար պնդած փակուած են, որ չկարենայ մարդ դուրս ելնել. և եթէ անսկնկալ կերպով մէկն ծակէ մը կարենայ սողալ սահիլ, պատերուն տակը սպառազէն արաբացի գունդեր սուսերամերկ կու պտըտին կու վազվըպեն քաղցած գայլոց նման. հրոյն մէկ ժամուան մէջ ընելիքը՝ սրոյն վայրկեան մը լմնցնելու. մէկ հարուածով մը սպաննելու : Անկարելի է թէ դուրս ելնելն, թէ դուրսը վայրկեան մը ապրիլն : — Իսկ ներսը... : Սակայն մեզի այլ հարկ է, ծանր հարկ մը, գոնէ մօտենալ այդ հնոցիդ, և յիշել անոր պատճառը և նիւթը :

## Դ

Վաթսուհն տարի էր որ Հագարացիք մտեր և տիրեր էին 'ի Հայաստան. իրաւ, երբեմն բարեբարոյ և արդարախոհ ամիրապետաց և ոստիկանաց և մերազգի իշխանաց խոհեմութեամբն՝ հանգիստ և խաղաղութիւն կու գտնէր աշխարհն, բայց շատ անգամ այլ՝ կամ մերայոց անզգուշութեամբ և կամ հարկահանաց բռնաբարութեամբ՝ նեղութիւն և վտանգ պակաս չէր. մանաւանդ ետքը՝ երբ Ատրպատական աշխարհին կուսակալն ապստամբելով ամիրապետէն՝ Հայք այլ սկսան գլուխ քաշել, և օգնութեամբ Յունաց՝ Դրենայ մէջ պաշարելով զԱրաբացիս՝ բիւրաւոր մարդ ջարդեցին, մինչդեռ ընդդէմ Հոնաց կամ Խաղրաց գացեր էր իրենց ոստիկանն՝ Մահմէտ Բ, հզօր և ահաւոր. որ և շուտով Աբդլա, Ալի Ահմէա, Օբբա, Փասրմ, և ուրիշ զօրավարօք և կողմնակալօք թափեցաւ 'ի Հայս (յամի 698-702), և շատ վրէժ ու չարիք հասուց Հայոց. որոց մէջ ցաւով նշանաւորք են Սևանայ բերդին երեքամեայ պաշտրումն 'ի ծովուն Գեղամայ, և բոլոր մէջը գոռուղաց կոտորումն. մէկ մ'այլ Բագրեւանդայ Ս. Գրիգորի մեծ և հարուստ վանաց անիրաւ կողոպտումն և միաբանից կոտորածն. ըստ ոմանց և ծերունի շնորհազարդ Սահակ կաթողիկոսին և շատ իշխանաց կապանօք քշուին մինչև 'ի Դամասկոս, և մնացելոցն 'ի հայրենիս՝ անտանելի տառապանքն և տարակոյսն: Մանաւանդ երբ ոստիկանն Մահմէտ՝ իր հարուածքն ընելէն ետև դարձաւ յԱսորիս, և իր տեղը թողուց մէկայլ կողմնակալները, որ աւելի ցած և անօրէն մարդիկ էին. և հնարք կու մտածէին բոլոր Հայոց մեծամեծները ջնջելու աշխարհքէն, որպէս զի



համարձակ ծծեն անոր պարարտութիւնը և աղքատաց արտասուները:

Սմբատ Բագրատունի՝ նախարարաց զօրագլուխն, իր ցեղակից իշխանները և ուրիշ ցեղերէ այլ գլխաւորներ դադարուկ ժողովեց ՚ի խորհուրդ, թէ ի՞նչ ընեն այսպիսի վտանգաւոր ատեն: — Ուրիշ ճար չգտան, բայց եթէ իրենք զիրենք ապրեցընել, փախչելով յարեմուտս, Յունաց կայսեր երկիրը: Գնացին խորհուրդ հաբեցցին նաև անուանի սրբաւորն ճգնաւորի մը, որ Վանայ ծովուն արևելեան կողմերը կու բնակէր. նա այլ լալով ողբալով ուրիշ խրատ չկրցաւ աալ, բայց միայն որ զգոյշ կենան, յանդգնութեամբ բանի ձեռք չգարնեն. և վրանին աղօթելով արձակեց: Իարձան ասոնք իրենց հաւատարիմները ժողովելու՝ որ հեռանան հայրենի սահմաններէն. և զգուշութեամբ երթալով ելան դէպ ՚ի Մասիս լեռը և բանակեցան յանուանի աւանն Ակոռի. և ահա լսեցին որ այլազգիք իմացեր են իրենց միտքը, ու Նախճաւանի կողմնակալն 8000 և աւելի հոգւով ետենուռն ընկած՝ « ոչ մեկնեցան ՚ի հետոց նոցա. » քանզի... կամեին կենդանւոյն կլանել զնոսա): Մերոնք փութացան փրթան լեռնէն վար, անցան Երասխ գետը, և Վարդանա՛յէրք ըսուած աւանի մը մէջ բանակեցան, որ կարծեմ թորվիրապի մօտերն էր. այլազգիք այլ նորէն ետենուռն ընկան: Հայք մէկ կողմանէ բանակնին ամրացընելով և գիշերապահներ դնելով, միւս կողմանէ պատգամ ղրկեցին առ Արաբացիս և իմացուցին որ իրենց մտածութիւնն ուրիշ բան չէր, բայց միայն գլուխնին ապրեցընել փախստեամբ և օտարութեամբ, իրենց տեղն ու ստացուածքը՝ թողլով անոնց ձեռքը. ուրեմն թող տան՝ որ մնաս բարով ըսեն, հեռանան իրենց հայրենիքէն: — Եւ ոչ այս ցաւալի հրաժարական ողջոյնը սալու ներեցին բռն-

նաւորքն, այլ յարձակեցան Հայոց վրայ, որք և ոչ 2000 հոգի էին. սակայն աղօթքով և վերջին ջանքով ու քաջութեամբ միաբանեալ՝ գէժ ելան իրենցմէ չորս և հինգ հեղ բաղմամբիւ բանակին այլազգեաց: Ասոնք կէս մը գիշերուան ցրտէն փառցած, (վասն զի ձմեռն էր և ձեան վրայ տնցուցեր էին գիշերը), կէս մը ցուրտ հովէն ծեծուած, և այլ աւելի՝ յուսահատեալ քաջաց հաւուածներէն, բոլորովին շփոթեցան, քշուեցան, ջարդուեցան. փախչողներն այլ թափեցան Նրաախայ վրայ՝ անդին անցնելու. գետն որ սառեր էր՝ անոնց փախստական ոտից գոփմանէն պատռտելով ներքեւն առաւ, կլլեց, ծածկեց: Եւ այն ահարկու սպառազէն բիւրաջափ բանակէն՝ հազիւ 300 հոգիք կրցան փախչիլ. զորոնք դարձեալ պիտի ջարդէին Հայք, եթէ չապրեցընէր մեր նախարարաց մէկուն տիկինն՝ Շուշան. որ և քրիստոնէաբար գըթով անոնց վէրքերն այլ պատելով, զգեստ և գրաստ տալով՝ դարձուց խաւրեց առ ամիրապետն Արաբացւոց՝ Արգլմէլէք. և ընդունեցաւ անկէջ շատ ընծայ և պատիւ ՚ի փոխարէն մարդասիրութեանն: Յալթական գունդն Հայոց՝ թշնամեաց աւարներն առին, համարձակ իրենց ճամբան գնացին, մտան յամուր տեղիս մեր Տայոց աշխարհին, որ այն ատեն Յունաց իշխանութեան տակ էր, և կայսրէն այլ պատիւ գտան: — Այս է Վարդանանէրփի իւրին, անուանի մեր պաամուլթեան մէջ այս ժամանակիս, և ամօթալի յԱրաբացւոց պատմութեան, որոյ անունն և տարին անգամ չէին ուզեր յիշել. անանկ որ 200 տարի վերջ այլ մեր հաւատարիմ պատմըչաց մէկն՝ վկայէ, թէ՝ « Յարդ ևս » բան առ Հագարացիսն, ըստ իւրեանց աղիսա. » տրոյզ բառին պատմի, թէ Վարդանանէրփ առիւ » Տի յիշեալի մէջ »:

1. Յովհաննէս կաթուղիկոս:

Այս կռուէն սիրտ առած ուրիշ Հայ իշխանք այլ 'ի Վանանդ և 'ի Վասպուրական' զիրենք նեղացնող այլազգեաց գունդերը ջարդեցին: Բայց եթէ ասով՝ իրենց վտանգը քիչ մը հեռացուցին, աւելի այլ ծանրացուցին: Վասն զի ամիրապետն Աբղղմէլիք իր կուսակալաց փախստական զօրքերը տեսնելով և լսելով եղածը, պատուէր ըրաւ Մահմէտ ոստիկանին, որ երթայ խստիւ պատժէ զՀայս: Մահմէտ առաջինէն աւելի պատրաստութեամբ և սրտմտութեամբ ելաւ գալու, զՀայաստան սրով և հրով մաշելու: Հիմայ մերոնց՝ ոչ միայն անոր գէմ կենալու ճար չկար, այլ գրեթէ և ոչ փախչելու: Մէկ հատիկ և յետին հնարք գտաւ Հայաստան՝ իր սրբակաց և ալէզարդ հայրապետը (Սահակ) փութացնել ընդ առաջ ահաւորալուր զօրավարին. որ եթէ հնար է, իր վարուց, հասակին և աշտիճանին շնորհօք՝ անոր զէնքերը և ձեռքը կապէ: Սրբակենցաղ հայրապետն՝ որ արդէն վշտահար տառապեալ կեանքը կնքելու մօտ էր, յանձն առաւ այս դժար պատգամաւորութիւնը, իբրեւ յետին և ծանր հայրական պարտք: Ելաւ (ըստ ոմանց 'ի 'Դամասկոսէ' ուր գերեալ էր, և ըստ այլոց որ հաւանագոյն է) իր բնիկ երկրէն և աթոռէն, վերջին ողջոյնները և օրհնութիւնները տալով, թէ հասարակաց որդւոցը, և թէ ամենուն մօր Ս. Եկեղեցւոյ, որոյ փեսայացիր, և զոր վսեմ, փափուկ և հոգեռանգն երգերով գովեր գգուեր էր. զոր և մինչև հիմայ հնչելով Հայաստանեսոյց եկեղեցին, կրնայ նախանձել ըլլալ ուրիշ ազգաց: Առ հաւանիմ, թէ բաց յայլոց նոյն իր մէկ շինած և երգածն՝ իրեն համար երգեցին իր կղերիկոպէն՝ զինքը յուղարկելու ատեն. «Այսօր քահանայապետ Ճմարիտ»  
 » տստուածային օրինօքն պատուեալ, կանգնէ  
 » զքահանկիւն սեղան խաչին. արժանապէս պա-

») տարագեալ բաշխէ զմարմին և զարիւնն Տեառն.  
 ») մաքրապէս մերձեցարուք փրկեալք նոր ժողո-  
 ») վուրդք. և հայցեցէք 'ի Քրիստոսէ, զի շնոր-  
 ») հեսցէ զսա մեզ՝ ընդ երկայն աւուրս »): — Այս  
 յետին հայցուածքս ոչ շնորհեց Քրիստոս. մա-  
 նաւանդ թէ արդէն շնորհեր էր՝ քսանւեօթն տա-  
 րի երկարելով անոր կաթողիկոսութիւնը: Իսկ  
 հիմայ երբ սիրոյն թւերով ծերութիւնը աւելի  
 թեթեւցնելով քան զարաքացի հեծեալազօրուն ըն-  
 թացքը, դեռ Մահմէտ մեր սահմանաց չհասած՝  
 ինքն մտաւ յԱսորիս, և հասաւ մինչև 'ի Խառան  
 քաղաք. այլ չկրցաւ յառաջ շարժիլ. յօգնու-  
 թիւն, ծերութիւն և սրտցաւութիւն՝ վերջին հի-  
 ւանդութիւնը բերին. թւերը թուլացուց, ոտ-  
 քերը կապեց մահն. մահ՝ որ միայն չկրցաւ սիր-  
 ար պաղէցընել, ինչուան անոր յետին շարժը:  
 Մեր քահանայապետն այլ նման իր երգած քա-  
 հանայապետին յաւիտենից, իր կեանքը տալով  
 պիտի ապրեցընէր իր ժողովուրդը: Մահն հոս  
 շուտ երևցաւ, բայց ուշ հասաւ. վասն զի մեռ-  
 նողն ցրուեց անոր անյաղթելի կարծեցեալ հնար-  
 քը. ճարտասան լեզուին և եռանդուն սրտին  
 թարգման թողուց ձեռացը մէջ կնքած թուղթ  
 մը՝ առ ոստիկանն Մահմէտ, պատուիրելով որ  
 իմացընեն անոր իր փափագը:

Քնացին աղաչաւորքն առ ոստիկանն, որ և շու-  
 տով հասաւ 'ի Խառան. բերին տուին իրեն թուղ-  
 թը՝ յորում գրեր էր հայրապետն սքանչելի ի-  
 մաստութեամբ և ծանրութեամբ մը, խնդրելով  
 որ խնայէ Հայոց, ներէ անոնց ըրածին, չդպչի  
 անոնց հաւատքին. այլ ինչպէս առաջին ամիրա-  
 պետք թողեր էին՝ ինքն այլ թողու. միայն հար-  
 կը առնու և պահէ զաշխարհքը: Եւ եթէ այս-  
 պէս ընես, գրէր, Աստուած քու կամքդ կատա-  
 րէ և կու յաջողիս. ապա թէ չես լսեր ինծի՝ ոչ

իմ օրհնութիւնս և ոչ Աստուծոյ կու գայ վրադ. այլ միտքդ դրածիդ հակառակն կու պատահի, և ամեն կողմէն վրագ չարիք կու թափին: — Զարմացաւ, զարհուրեցաւ անհղ զօրավարն. և լսելով որ դեռ թալած չեն սրբոյն մարմինը<sup>1</sup>, եկաւ անձամբ. և տեսնելով այն հանդարտեալ հանգուցեալ կերպարանաց վրայ աստուածախօս պատգամ մը, խոնարհեցաւ պատկառանք, երկու իրեք անգամ «էլամ-աւէ» ըսաւ. որուն՝ կ'ըսեն ոմանք, թէ մեռեալ մարմինն այլ (ինչպէս Թօսնական եկեղեցւոյ իր գահուն վրայ հանգչած ասենը), պատասխան տուաւ խաղաղութեան ողջունի: Մահմէտ հայրապետին աջը բռնելով և վկայ կոչելով զԱստուած, իբրեւ կենդանի մարգարէի հետ խօսեցաւ և ըսաւ. Քու թղթէդ Զանչցայ քու իմաստութիւնդ, ո՞վ մարդ Աստուծոյ. գու իմ սուրս կապեցիր, և քու ժողովուրդդ ապրեցուցիր. եթէ ուզածէդ բան մը չկատարեմ՝ ըսած անէծքներդ գան վրաս. ապա թէ կատարեմ՝ ինչպէս որ խօսք կու տամ, օրհնութիւնդ վրաս ըլլայ:

Պատմութեանց մէջ քանի մը անգամ ասոր նման գիպուածք կու յիշուին. հոգևոր հօր մը իր հօտը կամ քաղաքը բռնաւորի մը հարուածներէ ազատել, միայն խրատով և Աստուծոյ հատուցմանց յիշատակաւ. մէկն այլ այս է. և աւելի այլ զարմանալին, որ այս նոր « Սահակ սուրբ հօտապետ » մեր՝ մահուընէն ետեւ այլ իր հովուութիւնը և փրկութիւնը ըրաւ: Գազանացեալ գետոյ պէս վազող զօրավարն՝ դադրեցուց զօրքերը. Հայոց դաշկահար պատգամաւորները՝ անկաւործելի կենաց յուսով նորոգեց. ոչ միայն բանիւ այլ

<sup>1</sup> Ոմանք կ'ըսեն թէ ինքն իսկ Մահմէտ պատուիրեր էր որ չթաղեն ինչուան որ գայ:

և գրով ազատութեան հրովարտակ կնքելով և տալով, որ առաջին Ալի ամիրապետին տուածէն ետե գլխաւոր ազատագիրն եղաւ Հայոց, և կոչեցաւ Երկրորդ կամ Ժողով Դանշուր: Այս հրովարտակը՝ սուրբ խաչվառից և դրօշուց հետ պարզած՝ տարին հայրապետին մարմնոյն հետ՝ իրեն հաւատարիմքն. և Հայաստան նոր հոգի առած՝ իր մահու չափ սիրող և սիրելի հայրապետը հանդոյց յանմահութիւն:...

Մտաւ ինքնին Մահմետ ոստիկանն այլ 'ի Հայաստան՝ բազմութեամբ արաբիկ զօրաց հեծելոց և հետեակաց. սակայն հանգուցեալ հայրապետին հեզութենէն՝ իբրեւ սանձուած ծով մը՝ լռեց հանդարտեցաւ, ամենեին փնաս մը չհասուց Հայոց. և իբրեւ թէ իր առաջին զրկմանց և սպանութեանցը փոխարէն հատուցմունք մ'այլ ըրաւ. ամիրապետին խօսք հասկըցուց, ինչուան որ մեռաւ նա (Արդմէլեբ՝ յամի 705) և յաջորդեց որդին Վլիթ կամ Վալիտ Ա: Սա նոր Փարաւոնի պէս չուզելով ճանչնալ իր հօրը և ոստիկանին Հայոց հետ ըրած դաշինքը, մանաւանդ թէ դեռ Վարդանապետի և Վանանդայ կոտորուածքն աչքին առջև ունենալով, ուզեց անոնց վրէժը պահանջել 'ի Բագրատունւոյն Սմբատայ և իրեն հետ միաբանած ու չմիաբանած նախարարներէն այլ: Հազիւ թէ սպառնալեաց համբաւն հասաւ 'ի Հայաստան, — որուն ուրիշ բան չէր մնար՝ բայց հաւատարմութեամբ պահել Մահմետի մէնշուրը, և անոր մեծասրտութեանը ապաւինիլ, — երբ Սմբատ, թէգնայն Սմբատ, իր հաւատարմաց և Յունաց վրայ վստահացած, և քինախնդրութեամբ վառուած, մեծ և բազմավտանդ անխոհեմութեամբ՝ ուզեց իբրեւ յանպատրաստից Մահմետի վրայ հասնիլ. և աղաչանօք կայսերէն ընդունելով մեծ գունդ մը յունական զօրաց, շուտով մտաւ 'ի բաժինն Հա-

յոց Արաբացւոց, եկաւ 'ի Վանանդ գաւառ, բանակեցաւ 'ի Դրաշպետ գիւղ: Զուշացաւ Մահմէտ այլ անոր դէմ ելնել, և անոր ըրածովն՝ ինքզինքն ազատած սեպել իր երդմունքէն: Անոր կարծածէն աւելի այլ շուտ պատրաստութեամբ և շատ զօրքով՝ գրգռեալ պատերազմը յանձն առաւ, մղեց լմնցուց, մեծ և ողբալի կորստեամբ Յունաց և Հայոց. որոցմէ ինչուան 50,000 մարդ, կ'ըսուի, թէ ընկան պատերազմին մէջ. մնացեալ քիչերն այլ կորակոր դարձան. որոց հետ նաև Սմբատ, որ և ինչուան Եգերաց (Աճարայ) Փոթի քաղաքը գնաց ամրացաւ: — Վալիտ լսելով որ Հայք եղեր են առաջնորդ Յունաց՝ 'ի պատերազմին, նորէն խստիւ պատուէր զրկեց Մահմէտի՝ չինայելու անոնց: Մահմէտ՝ թէ իր ամիրապետին հրամանը և թէ մեր հայրապետին խնդիրը կերպով մը միաբանել մտածեց. ինքն կենալով տեղը, ('ի Դուին), և հրամայելով Նախաւանի կողմնակալին՝ որ ամիրապետին պատուէրը կատարէ:

## Ե

Նախաւանի հրամանատարն՝ Գասիմ, զոր մեր պատմիչք Ասմ կամ Ասլ կոչեն, կ'երևի թէ այն զօրավարաց մէկն էր՝ որ երեք տարի առաջ զարհուրեցան 'ի Հայոց, որոց վրայ մեծ ատելութիւն ունէր. և հիմայ յարմար առիթ գտաւ ոստիկանին հրամանը: Ասոնք են ըստ վիպասանին մերոյ՝ աշխարհաւեր կրակը ձգողքն 'ի Հայս. « Հուր 'ի » մեզ վառեցին, սատանայի 'ի նոսա փչելով ըզ. » բարկութիւնն. և աստ բան տալով, անօրէն » խորհուրդ առեալ 'ի մեզ... զի զգօրս և զգօրս » գլուխս, զպետս և զխնանս, զազատատոհմս և » զնախարարազունս, բնաջինջ կորստեամբ բառ.

» նալով . . . . սպառնալու մահուամբ վճարես .  
 » ցէ . և յաղթեսցէ քաջաց և յաղթող նահատա-  
 » կացն Հայոց , և ջնջել 'ի միջոյ 'ի բաց բառնալ ,  
 » և ունել զաշխարհս առանց կասկածանաց » :  
 Միով բանիւ Տեառն մերոյ , « Հարից զհովիւն , և  
 » ցրուեսցին ոչխարքն հօտին » . զարնենք , ջնջենք ,  
 ըսին Հագարացիք , Հայոց ամեն իշխաններն և ազ-  
 նուականները , և անկասկած տիրենք աշխարհին :

Սուտ և խարդախ խօսքերով հրաւեր խաւրե-  
 րեցին ամենայն մեծամեծաց և զօրազփայաց Հայոց ,  
 ինչպէս թէ Սմբատայ ըրածը՝ Յունաց գործ սե-  
 պէին , և կ'ուզէին նորէն Հայոց հաւատարմու-  
 թեան երգմունք առնուլ , դաշինք գնել և վարձք  
 տալ . նոյնպէս անոնց հեծելոց թռչակն այլ՝ որ  
 տարուէ տարի ամիրայետին կողմանէ կու տը-  
 րուէր անոնց ( 100,000 դահեկան կամ դրամ ) :  
 Հայոց մեծամեծաց շատերն հաւատալով կամ  
 հնազանդելով հրաւիրին՝ իրենց գլխաւոր զօրա-  
 կանօք , թիկնապահօք և ընկերօք եկան ժողովե-  
 ցան Վասմայ իշխանութեան կողմերը . ուր և ա-  
 մենուն՝ իրենց աստիճանին համեմատ ոչ միայն  
 ընծայ և թռչակ տրուեցաւ , հապա նաև անոնց  
 տարեկան հարկի պարտքն այլ շնորհեցու : Միայն  
 թէ ինչպէս սովորութիւն էր մեծի քով գացողին՝  
 զէնքերը վերցնել , ասոնց այլ զէնքերը թողուլ  
 տուին , ինչուան որ գործը լմննայ . միանգամայն  
 և վախնալ մը կու կեղծէին Արաբացիք 'ի Հայոց .  
 և իբրեւ աւելի զգուշութեան համար՝ ուզեցին որ  
 Հայք հաւատարմութեան երգումն այլ ընեն , և  
 հանդիսապէս այլ ընեն , որ երկու կողմին այլ ա-  
 պահովութիւն և երաշխաւորութիւն ըլլայ : Ա-  
 սոր համար էր որ մտուցին զանոնք , 800 հոգի  
 Նախճուանի և 400 հոգի Հրամի մեծ եկեղեցիներ-  
 րը , և դռները գոցեցին , ըսելով , թէ « Մի դբ ելցէ  
 » յայս մեծ խորհրդոյ՝ արտաքս » :



Եւ մինչ Հայք ներսը արթննալով՝ գոները կու փնտռէին, ասոնք դուրսը զէնքերնին հագնելով՝ խորհուրդ ըրին, որ անոնց իշխանաց և զօրավարաց գլխաւորները դուրս հանեն. և ուղածնին տեղեկանալէն ետե՛սրով և կսխաղանով սպաննեն, իսկ ներսը թողածները՝ կրակով այրեն. և այնպէս ըրին: Մինչդեռ ոմանց պատուական գրէխոց համար՝ դուրսը մահուան փայտեր կանգնէին, և ծարաւի սուրն արեամբ կու լափէր հաղարամեայ պայազատութեամբ ազնուացեալ արիւններ, մէկայլոց համար վերէն կրակ թափելով՝ « զտուն աղօթիցն գերեզման յօրինէին. և »

» գեհեան հրոյն՝ ունէր զբաբելոնական բոցոյն  
 » նմանութիւն, վերամբարձեալ հրոյն և ծխոյն.  
 » և զնոյն երգեցին զօրհնութի ( երից մանկանցն,  
 » և ապա զհրեշտակացն երգս ընդ հովիւսն ) մին.  
 » չե՛ ի նուազել ոգւոցն յանլուծանելի բանգին :...  
 » Աւաղ զնոցա այրումն ի միասին հրով. որ լսելիք  
 » բերէին զուր հառաչանացն. հայր առ որդի և որ.  
 » զի առ հայր. եղբայր առ եղբայր, և մերձաւոր  
 » առ մերձաւոր. բայց ոչ կակղացուցանէր զսիրտ  
 » անօրէն բռնաւորացն :— Սնդ ապա հօր՝ որդեծը.  
 » նաց գութ աղիսն այրէր. և ի վերուստ ի ձեզուա.  
 » նէն անկանէր կրակն, և մանկանցն ի հանդերձսն  
 » վառէր հուրն. հարքն ի բաց կտրէին, զի առ  
 » նոցա ողորմամահութիւնն՝ զիւրեանցն ոչ յի.  
 » շէին. և ի զոգ այրէին առ հասարակ ամենե.  
 » քեան » . վասն զի « բազմաւտանգաւոր հրոյն  
 » այնորիկ ի նիւթական մարդկան ձեռաց բար.  
 » ձրացեալ, հրդեհակէզ եղեալ առաստաղակեալ  
 » փայտակերտն՝ այրեցեալ լինէր. հրկիզի մուրն՝  
 » ի վերուստ հոսեալ հանդերձ միախառն հրովն՝  
 » հեղձամղձուկ դառն պատուհասիւ զվախձսն  
 » մահու ածելով ի վերայ նոցա ամենեցուն, ծած.  
 » կեաց զբաղմունի զայն անօգնական ի վերուստ :

- )) Եւ նոցա անդադար գոհարանութիւնն՝ ընդ սպա-  
 )) ռեալ ոգւոցն դադարեաց: — Այսպէս առհա-  
 )) սարակ սպառեցան բազմութիւն նախարարացն  
 )) Հայոց՝ ի գաւառանոցացն անողորմից: Բայց ոչ  
 )) է Երեմիա մերձ, որ զաղէտս անցիցն՝ ողբօք  
 )) պատմեցէ լսողացն: — Արաստօք բազմաց՝  
 )) մի հոգար, Երեմիա, որ զաչա աղբիւրս խնդրէիր-  
 )) ի մեր աշխարհս իսկ ծովացաւ արտասուաց աղ-  
 )) բիւրք: »: ...

Այսպիսի գառնադառն արաստուաց ծով մը  
 հաղիւ կարող էր մարելու այն զարհուրելի հրկի-  
 ղութիւնը, յորում շատ հին Հայկազանց պայա-  
 զատութիւնք մոխիր դարձան. շատ նախարարու-  
 թիւնք և սեպհականութիւնք ձգակտոր եղան, և  
 շատ ծուխը մտրեցան: — Սպանելոց և այրելոց  
 մնացեալ ընտանիքն գերեցան. ժամանակ մը Նախ-  
 ճաւանի մէջ պահեցին, յետոյ տարին ի Դուին  
 առ Մահմէտ. և ամառը բանտի մէջ պահելով՝  
 աշնան ատեն և յաջորդ տարին՝ բռնեցին ի Դա-  
 մասկոս առ ամիրապետն, հանգերձ Աղուանից  
 իշխանօք, և շատ աւարով և կողոպտով, որոց մէկ  
 մեծ մասն այլ իրենք յափշտակեր պահեր էին.  
 Ինչպէս նաև գերիներէն մէկ քանին այլ իսկ բը-  
 շուածներէն « զմեռելոցն ի ճանապարհի՝ » ոչ գի-  
 )) տեմ եթէ ընկալաւ զնոսա գերեզման, և եթէ  
 )) որպէս ընկեցեալ եղին ի տեղիս: « Այսպէս  
 )) անժառանգ առնէին զաշխարհս ի նախարարաց.  
 )) յայնմ ժամանակի թափուր եղեալ աշխարհս  
 )) Հայոց, մատնէին իբրև զոչխարս ի մէջ գայլոց.  
 )) և թշնամեացն ամենօրինակ չարեաց յարձա-  
 )) կեալ ի վերայ՝ յանհուն աղէտս վտանգի պա-  
 )) հէին զբնակիչս աշխարհիս. որոց տաղտկացեալ  
 )) յանհանգիստնեղութեանցն՝ զհառաչանս և զա-  
 )) ղաղակ հեծութեանն բարձրացուցանէին յեր-  
 )) կինս » <sup>1</sup>: — Այս գառնայիշատակ գիպուածն

Ղևոնդ:

եղաւ յամին 705 և 706, զատկի օրերէն սկսեալ. և այնքան սաստիկ էր սրոյ և հրոյ վըէժն՝ որ Հագարացին անգամ կշտացաւ, և Վարդանակերտի ու Վանանդայ հարուածները աւելի մոռնալու համար՝ այս տարիս անուանեց Ահհրէհի կամ Արաի Կարի:

Ահաւասիկ, Հայկակ, այսպիսի հրածաւալ ծիրանի ծովու մը խռուացեալ եղեգէն գուրս վազեց՝ յետին պայազատն Գողթան, պատանեկիկն Վահան. որոյ հայրն Խոսրով իր պատուակցաց հետ սրոյ և հրոյ մէջ վկայելով, վերջին և վահագոյն ժառանգութիւն թողուց այս երեխայ որդեկին՝ իր նահատակութեան և սրբութեան անունը. զոր և սա սքանչելապէս ժառանգեց, առնցուց և փայլեցուց: Վահան հագիւ չորս տարուան էր Արակին տարին. երբ գուցէ ուրիշ աւելի տարւոր տղոց հետ իր քիչ մը մեծ եղբարքն այլ միամտաբար խայտացող գառանց նման խորովեցան Խրամի տաճարին մէջ, երկու իրեք հեղօղիկ օղիկ գալով իրենց անձրկած գաստիարակաց և ազգականաց առջև, և միայն ափ մը ճերմակ աճիւն թողուցին այնքան խարտեալ և մասողալ կերպարաններէն. — և այն զուարթածաղիկ հասակներն՝ փոխանակ ծերունափայլ ծնողաց ծոցը պսակելու՝ ուրախութեան ժամերու և սենեակներու մէջ, որպէս զշուշանն և զխոտն վայրի՝ վայրենագոյն ձեռքով խլուած՝ յետ առօրեական փայլման մը՝ արկան ի հնոց, և ոչ են, և ոչ ևս երեխն. — և բիւրախօս բամբիւն Գողթան համրացեալ լռէ, և չիզրուցեր չողբար այն թառամեալ դաւարութեանց և կայտառութեանց վրայ. վասն զի նոյն հարուածն՝ որ զանոնք խամրեց ու խարկեց, զինքն այլ ջարդեց ու ջախջախեց. — և Գողթն գինաւէտ՝ քացխած թթուեցաւ իր մանրիկ պալատաւաց գեղաբոլորը քաղցրաբարբառ չըր-

Թանց համար, որոց կաթկըթած կաթին, գինւոյն և արեան միջէն անցան գնացին նորեկ հոգիներն. « Եւ հոգիք սուրբ մանկանցն, որպէս » զերամս աղանեաց Թռուցեալ 'ի յերկինս և » գասեալ ընդ զուարթունս երկնից <sup>1</sup> » : ...

## Զ

Վահանայ ուրիշ բողոք, ուրիշ հանգէս պահուած էր. հասակին մատղաշուծիւնն, ծննդեան ազնուութիւնն և իր ոսկէհատիկ կերպարանաց շնորհքն՝ ապրեցուցին զինքը 'ի հրոյ և 'ի սրոյ. և ուրիշ գերեաց հետ հասուցին մինչև 'ի գուռն Վլթայ ամիրապետի. որ իբրև պատուական որսիկ մ'ըրած՝ պատուիրեց որ իր արքունեաց մէջ մեծցընեն զնա մահմետական օրինօք. և անուանը վերջի գիրը միայն փոխեց տաճկացուց, կոչեց ՎահաՊ : Թերևս հազիւ Պ մը վաստրկելու արժանի էր Վլթիթ : ...

Դամասկոսի տիեզերասալստ արքունեաց մէջ և իսլամի կենդրոնը մեծցաւ զարգացաւ Վահան. հոն առաւ իր վայելուչ հասակին չափը, հոն ծաղկեցաւ պատանեկութեամբ իբրև 14 տարի. և թէ կերպարանաց վայելչութեամբն, թէ մտաց յաջողակութեամբն ամենուն զարմանալի և սիրելի եղաւ : Թէ և օտար և թանձր դեն մը իր ծննդեան և մանկութեան սուրբ կրօնքը պատեր ծածկեր էր ամպի պէս, սակայն քրիստոսածին աւազանին շնորհքն, իր հօր ծննդեան արիւնէն աւելի՝ նահատակութեան սուրբ արիւնն, և ընտրեալ հոգւոյ մը յաղթական եռանդն, այն թանձր ամպերը պատուելով դուրս ցոլացընէին ազնուափայլ նշոյլ մը, որ ոչ միայն օտարաց՝ այլ և նոյն

<sup>1</sup> Շարական :

Իսկ ինքեան Վահանայ անբացատրելի զմայլմունք և զարմանք մ'էր: 'Իեռ ծնօտքն չծաղկած' մօրունդ կուռայից և կարգացողաց կրօնքը և գիտութիւնը կրնար վարդապետել. իսկ իրեն գրեթէ վարդապետ չէր գտուեր, և ոչ հանձարեղ խելքին հաւասարող. անանկ որ իր հասակէն վեր պաշտօններու բարձրացաւ. եղաւ արքունի գիււանադպիր. որ մեծ հմտութիւն պահանջէ արաբերէն լեզուի և գրելու. և այլ աւելի պատուոյ և իշխանութեանց պիտի հասնէր յերկրի, եթէ գերագոյն ևս փառք չպատրաստէին նմա երկինք, որուն անգէտ և անկարծիք՝ հաւատարմութեամբ կուծառայէր նա, և օրէ օր սիրելի կ'ըլլար ամիրապետացն՝ Վալիտայ (705-715) և անոր եղբօր Սուլիմանայ (715-717), և հօրեղբօրորդւոյն՝ Օմարայ (717-720):

Այս ետքինս՝ որ զՎահան գտաւ ծաղկած պատանութե մէջ, մեծ յոյս և խնամք ցուցնէր վրան. մանաւանդ որ ինքն այլ բնութեամբ բարեբարոյ և բանասէր էր, և կուջանար 'ի խաղաղութեան և 'ի հանգստեան պահել իր հպատակները. մինչև իր քով գտուած օտարազգի գերեաց և պատանդից այլ արձակում տուաւ՝ դառնալու իրենց հայրենի երկիրը: Ասոնց մէջ գլխաւորք էին Արակին տարին գերուած Հայոց ազատորդիքն. որք և ինդութի դարձան իրենց տանց և ընտանեաց մնացորդաց մէջ: — Արդէն նոյն ինքն չարեացապարտն Վալիտ իր վրէժը 'ի Հայոց առնելէն և պատանդները քովը պահելէն ետև, լսելով մեր աշխարհին մէջ մնացեալ տառապելոց լացն ու բողոքն 'ի բռնութեանց ոստիկանին Մահմետի, յետ կանչեր էր զսա յԱսորիս, ուր չարաչար մահուամբ կորաւ. « Դժնգակ ախտ մահու զնա ըմբռնեալ՝ զեօթն ա » միս հոգեհանս կացեալ՝ հաղիւ ուրեմն սատա » կէր. և երիցս թափեալ վերընկէց լինէր. զի

» երկիր ոչ ընդունէր զնորա գարշելի մարմինն .  
 » ապա կաշեալ շուն մի շամփրեցին... և այն .  
 » պէս ծածկեաց երկիր զլարն զայն »<sup>1</sup> : Անոր  
 տեղ ղրկեց զԱրզլազիզ, որ թէ և խուլ էր ա-  
 կանջօք, բայց բարեսէր, զուարթաբարոյ և ա-  
 ռասպելախօս ծերուկ մը : Սա մէկէն հրաման հա-  
 նեց որ ամեն փախուցեալ և հեռացեալ Հայք  
 անվախ դառնան, իրենց առնել տեղը ժառան-  
 դեն . և ձեռք այլ զարկաւ անոնց մայրաքաղաք  
 Դուինը նորոգել . Վասն զի, կ'ըսէր, երբ այս քա-  
 ղաքս մենք Արաբացիք առինք ( յամին 640 կամ  
 647 ), ես այլ բանակին մէջ էի՝ 12 տարուան  
 տղայ մը, մէջքս կարմիր շորերով պատած . եր-  
 բոր մեր զինուորքն քաղքին պարսպին տակ կ'աշ-  
 խատէին և չէին կրնար ճամբայ դռնել, ես խո-  
 ղովակ մը տեսայ, մէջը մտայ և սողալով գացի,  
 ինքզինքս պարսպին վրայ դտայ . սկսայ պոռալ  
 կանչել մեր զինուորներուն . ասկէ չփոթութիւն  
 և վոխ մ'ընկաւ պահապանաց վրայ Արաբա-  
 ցիք շուտ մը վրայ հասան, տիրեցին քաղքին ու  
 աւրըշտրկեցին . և որովհետեւ ես եղայ անոր ա-  
 ւերման պատճառ, պէտք է որ հիմայ այլ ես  
 ըլլամ նորոգողն » : — Այս խելք խիկարին ոս-  
 տիկանութեան ատեն, գործան 'ի Հայս' անկէ  
 կամաւ գաղթող փախչողքն . ինչուան այն Սմբատ  
 Բագրատունին այլ, որ անխոհեմութեամբ իր  
 հայրենեաց և Յունաց հարուածոց պատճառ էր  
 եղեր, և հիմայ այլ նոր անխոհեմութեամբ և ապ-  
 երախտութեամբ՝ կողոպտելով Փոթի քաղաքը  
 ( ուր ամրացեր էր շնորհօք կայսեր ), գարձաւ 'ի  
 Հայս, հետը ձգելով Յունաց պապասներուն և  
 եպիսկոպոսաց նզովքը, անոնց եկեղեցիներն այլ  
 կողոպտելուն համար : ...

1 Մ. Կաշանկատուացի, Գ. ԺԶ :

## Է

Սկսաւ նորէն աշխարհն շինութիւն առնուլ, և այն մեծ հրդեհին մոխիրները քիչ մը մաքրել, թէպէտ և կային շատ խանձած գետինք, ուսկից նոր առնել մը չէր բուսներ, նոր շէնք մը չէր կանգներ. խանկրած աւերակներ՝ դեռ կ'ողբային և ողբալ տային իրենց հին տէրերը, և տարակուսանօք փնտռել նոր պայազատներ։... Այսպիսի էր և գաւառն Գողթան. ուր քակտած քարուկիրն և արմատախիլ այգիք իրարու խառնուած դիզուած մնացեր էին. տասն, տասնևհինգ տարի էր, ոչ թէ հայրապանծ բամբիռն, այլ և ոչ բարբառ մ'ուրախութեան հնչէր այն կողմերը՝ որք գրեթէ խնդութեան և նրգոց բնավայրք էին. այլ միայն ողբապէր և ահարկու բուխձակաց վայերն ու կանչէր՝ կիսաւեր բուրգէ բուրգ պատէ պատ զարնուել լով երթային և դառնային... լռութենէն աւելի տխուր էր այն ձայնն. գիշերուան մթութենէն ցաւադին էր հանդարտաքայլ լուսնին ծաթելը գերեզմանացեալ փլատակաց վրայ։...

Սակայն հոն ամենէն տխրաշարժ միանգամայն և տիրաշարժ երևոյթն էր՝ աւանդութեան ցուցածն։ Իբրև դիցակերպ ոգի մը, ուրհի մը այն մեռելատիպ միայնութեանց, կէս սև կէս ճերմակ, թէ ոչ յաւերժահարսն՝ գոնէ գիշերահարսըն հեղաճեմ. որ լուսնին ծառէ ծառ անցուցած շուքերուն հետ սահելով կու գայ լռիկ մնջիկ իր ցորեկուան հովանոց՝ գիշերուան մենանոցը, սաղարթապատ սարբինայից տակ, անշուշտ յերասխ վազող առուակի մը քով. որուն հոմաձայն հոմալանկ կարկաջանքն՝ իր համանման մտածմանց և անգաճմանց սիրելի արձագանքք են. — ինքն արամութեան և լուսնին գոյներն առած՝ փափուկ

ծնօտը կու հանդէսցընէ արծաթափայլ ծղեացը վրայ. և գրեթէ անշարժ անշունչ կու նայի կիսաբաց աչօք, որոց ոչ սևութիւնը, ոչ արտասուները և ոչ գիտած կէտը կրնայ նշմարուիլ. — աւելի մեղամաղձիկ Մելպոմենի մարմարեայ անդրի մը կարծուէր՝ յանկարծ հանդիպողի մը, քան կենդանի կոյս մը, եռանդուն օրիորդ մը, ազնուազուն պայազատ մը, ... դստրիկ մը Խոսրովու, քոյր Վահանայ Գողթնացոյ: ...

Այն ազնիւ, գերազնիւ աննման քերց մէկն է սա, որոյ վրայ դեռ պատմութիւնն գրով չէ խօսած, այլ բերանացի աւանդութեամբ հասուցած. այն մեծասիրտ հայկազն օրիորդաց մէկն, որոց համար եթէ հայրենիքս կանգուն ըլլար՝ կրնար առանձին տաճար մ'այլ կանգնել. այն որբացեալ քոյրերէն մէկն, որ ամեն օր տարածամ վախճանեալ ծնողաց գերեզմանները արցունքով լուալէն ետև, աչուքնին սրբելու կու կանչեն հեռացեալ վարեցեալ եղբայր մը. եղբայր մը, որ քան իրենց ակնկալու տասն փեսայ՝ աւելի քաղցր և ցանկալի կ'երևի: Բաղդ և դիպուած, գրեթէ անունով այլ նման ըրեր էին զսա՝ մեր Հայոց օրիորդաց նախ սեւաճեմ և ապա սրբաճեմ պարագլխին, Ս. Խոսրովիդըխտոյ, որ մեծին Խոսրովու դուստր էր, ինչպէս սա Գողթան իշխանին Խոսրովու: Ուրեմն իրաւապէս, (մանաւանդ քանի որ պատմութիւնն լռէ) սա այլ Խոսրովիդուհի կըրնայ կոչուիլ (որ է ըսել դուստր Խոսրովի): — Երբ Անակ Պարթև և Արտաշիր Սասանեան սպաննեցին անոր հայրը և ընտանիքը թըրէ անցուցին, զնիքն ազատեց իր դայեակն Օտա նախարար. անոր մէկ փոքրիկ եղբայրն այլ (որ յետոյ եղաւ Մեծն Տրդատ) ուրիշ իշխան մ'առաւ փախուց մինչև յարքունիս Հռովմայ ինքնակալաց. — իսկ ասոր եղբայրիկը՝ նոյն իսկ գերողք աշխարհին և հօրը սպանողքն տարին՝ այս



ատենուան ինքնակալաց արքունիքը, 'ի Դամասկոս. — քոյրն Տրդատայ՝ Խոսրովիդուխտ՝ մենացեալ նստէր 'ի բարձր աշտարակի ամրոցին Ամասիայ, կուռնայէր եփրատագնաց Գայլ գետոյն ալեաց վրայ, և 15-20 տարի կուռ հառաչէր, թէ երբ պիտի գայ իմ Տրդատ եղբայրս, կանգնելու իմ սիրտս, մեր հօրը թագը և Հայոց աշխարհը. — քոյրն Վահանայ նորս Խոսրովիդուխտ, իր կիսաւեր հայրենեաց մենանոցին մէջ Պատած, իբրև 15 տարի հալէր և հառաչէր, թէ երբ պիտի գայ իմ Վահան եղբայրս՝ կանգնելու իմ սիրտս, մեր հօր յիշատակը և Գողթան աւերակները: — Իր սիրալիր, և ցաւալից ցնորմանց մէջ անշուշտ շատ հեղուղեր էր ինչուան Երասխայ արևելասէր ընթացքն այլ փոխել՝ Եփրատայ և Տիգրիսի նման գէպ 'ի հարաւ, և իր հօր պալատին խանձած տախտակաց մէկը լատելով՝ նստիլ վրան, սահիլ իջնել մինչև 'ի գուռն Դամասկոսի, և գարձրնել բերել զՎահան մինչև յայգիս Գողթան: — Զկարցաւ Խոսրովիդուխտ գետոյն ընթացքը փոխել, այլ իր արտասուեաց անփոփոխ գետը հասուց մինչև առ եղբայրը:...

Վահան հասակով և սրտով զարգացեալ՝ արդէն լսեր իմացեր էր իր ծագումը, և շատոնց սկսեր էր սրտին մէջ երկու կրօնից, երկու հայրենեաց, երկու սիրոյ կռիւներն. և արդէն յաղթող կ'երևէր կողմն բնիկ հայրենեաց, Հայաստանի, Խոսրովիդուխտոյ և քրիստոնէութեան, 'ի վերայ մահմետական կրօնից և ամիրապետաց տուած և տալու բարեաց, իշխանութեանց և արևելեայ փափուկ հարսանց և հարձից: Իմացեր էր իր ինչ կորիւն ըլլալն, և անկէ ետև խալիֆայից ոսկեպատ պալատն՝ իրեն գառապիլ մը կ'երևէր. ընդարձակ կրօնքի մը հայթայթած ամեն փափկութիւնքն՝ կ'ոչնչանային իր հայրենի գաւառին, սուրբ եկե-

զեցւոյ և քրոջ մը ցանկալի յիշատակաց և վայելից առջև: Փափագ, կարօտ, և անկէ վեր՝ կրօնական մտածութիւն մը, խիղճ մը՝ սկստն տանջել այն սիրտը, որ եռանդնագոյն աստիճանին մէջ միայն հեշտութիւն փնտռել խրատուեր էր: Այսպէս սկսաւ օտարն Վահայ՝ ինքնիրեն փոխուիլ ի բնիկն Վահան:...

Տեսնելով որ մէկիկ մէկիկ իր գերութեան ընկերակիցքն կու գառնան ի հայրենիս և ինքն գրեթէ միմակ կու մնայ, այլ չգիմանալով գնաց առ Օմար, և շատ ճարտարաբանութեամբ յայտնեց փափագը, որ զինքն այլ գարձընէ իր ծննդեան երկիրը՝ վասն զի կ'ըսէ վիպասանն, էր նա «խօսիւք» քաջ կորովի, և ծանուցանէր զիւր դժուարամտութիւնն», այսինքն սրտին նեղութիւնը: Բայց ամիրապետին աւելի ծանր երեցաւ թողուլ արձակել զնա, քան թէ բոլոր մէկայլ գերիները՝ վասն զի իր ազգակցաց մէջն անգամ Վահանայ պէս ճարտար, խելացի և վայելուչ պաշտօնեայ մը չունէր. սկսաւ տարակոյս հանել և չհաւատալ ձեացընել, վկայ փնտռել Վահանայ ըսածներուն. — որուն փութացան հոն գտուող Հայք երաշխաւոր ըլլալ. Օմար՝ Հնչոց վկայութիւնը չուզեց ընդունիլ: Վահան գտաւ մահմեդական բարեկամ իշխաններ ու պաշտօնեաներ այլ՝ որ զնոյն վկայութիւնը տուին. Օմար անոնց այլ չուզեց հաւատալ: Պէտք եղաւ մարդ զըրկել մինչև ի Միջագետք, «առ քննող գրոցն», Վահանայ որպիսութիւնը ստուգելու համար. հոն 15 Տաճիկ գառուեցան որ լաւ գիտէին Արաքին դիպուածը՝ և Վահանայ ով և ինչ ըլլալը, միանգամայն և ասոր բարեկամ էին. ուստի իր ուղածին նման վկայութիւն տուին:

Օմար այլ չկարենալով ոչ յայտնի ստուգութիւնը մերժել, և ոչ իր գերեզարձի հրամանը,

սկսաւ անուշուլթեամբ ողորբել իր Վահապը և յիշեցնել անոր տրուած պատիւը և պաշտօնը, որոց վրայ այլ աւելին այլ պիտի տար: Վահան շնորհակալ ըլլալով յիշեցուց ամիրապետին թէ ինքն այլ իր հայրենեաց մէջ ունեցեր է մեծ ժառանգութիւն, հին և մեծագոյն ցեղ մը, որ թէ հայրենական շատ ստացուածք ունէին և թէ Պարսից տէրութեան ծառայելով աւելի շատացուցեր էին. և « յողով դանձիւք մեծացան քան զբառում ազատս՝ որ յերկրին իմում էին » և զգալով իր առաքինի նախնեաց քաջութիւնը՝ պարծենալով քաջապէս և գեղեցկապէս կ'ըսէր, թէ քիչ էն իր նախնեաց և հարց նիղալի և աղէղան վասփալ: Եւ երբ Օմար կէս հաւան կէս հակառակ՝ կուխոստովանէր թէ անոր այդ ամեն հայրենի տեղուանքն հիմայ անապատ աւերակ դարձեր են, Վահան կանչեց պեանչելի և խոր զգացմամբ, ոսկի գրով գրոշմելու բան մը. Ուրեմն « աբխէեցէ, որ » Գեռանէ՛ գորլափոսիսն տերածայ երկին իմոյ հայրէնէոյ » : Այս այրած սրտի գոչման ինչպէս կրնար հակառակիլ Օմար. բայց միայն պահանջեց որ եւ թէ երթայ և տեսնէ այն աւերակները՝ չմնայ առնոց մէջ, այլ դառնայ իրեն: Վահան խօսք տուաւ որ կ'երթամ, և « ձեր հրամանաւ գործակալ առարեալ (իմ երկիրներուս՝ դարձեալ) առ քեզ » հասանեմ » : — Ստիպուեցաւ Օմար հրովարտակ տալ Վահանայ ձեռքը, որ երթայ իր հրամանաւը հայրենի ստացուածքը ժառանգէ, և Գողթան տէր ճանաչուի:

## Ը

Ոչ աաճիկ ուղա և ոչ արաբիկ նժոյգ սրըն-  
 թաց, այլ կարծեմ թէ փայլական էր որ զՎահան  
 տանէր թուրքէն Ստորուոց և Միջագետաց անա-  
 պատներուն և դաշտերուն ընդարձակութենէն,  
 և մեր Վասպուրական աշխարհէն կու հասցընէր  
 Յրասխ գետոյն եզերքը. որոյ պայծառ և կարկա-  
 ջուն ջրերուն մէջ ճխալով անցաւ Հին Զուղայի  
 կամ Որդուպատայ մօտի հուններէն, և փայլակն-  
 ընթաց անգրուվարը ուղղեց անխոտոր յարեւելք՝  
 'ի գաւառն Գողթան. փոխանակ անոր գինաւէտ  
 այգեաց՝ տեսնելու նախ զԷդուէսիոսի տա-  
 երիւն հայրենեաց: Սակայն ուրիշ կրակով վառուած  
 միտքն՝ կու բռնէր զաչքը. աւերակներն չէն կ'ե-  
 րեւէին իրեն, չէն բնութիւնն՝ աւերակ կ'երեւէր  
 իրեն. լաւ և ու ըսել, ապառ և անապառ իրարմէ  
 չէին որոշուեր: Երբ իմացաւ որ իր հայրենի տա-  
 մաններուն մէջ մտեր՝ անոր ամայացեալ ապա-  
 րանից կու մօտենայ, հեռուէն՝ ամեն շարժուն և  
 կենդանի արարած, ամեն մարդկային կերպարան  
 քը՝ կամ իր ծնած տնէն ընդ առաջ եկող մը կար-  
 ծէր, կամ զնոյն ինքն իր քոյրը: —

Ո՞վ գիտէ ո՛ւր հանգիպեցաւ ասոր, ո՛ւր գտան  
 և տեսան զիրար 15 տարիէ վեր զատուած քոյրն  
 և եղբայրն, որք և հազիւ տեսեր էին զիրար 'ի  
 տղայութեան հասակին, և հիմայ յանկարծ մէկ-  
 մէկու գիրկ գաուեցան դիւցազնացեալ կերպա-  
 րանօք և հասակաւ: — Արդեօք իր մթապատ մե-  
 նանոցին մէջն էր Խոսրովիդուխտ՝ տառապա-  
 նման մնչելուն ատեն, թէ սուրհանգակ փայեկաց  
 ձեռքով իմանալով եղբօրը գալը՝ փութացաւ ին-  
 չուան յեզրն Յրասխայ, և տեսնելով գեղահրաշ  
 հեծեալ մը՝ որ ջրերը ճեղքելով կու դիմէ յարև-

ելեան ափունքը, ինքն այլ անհամբեր՝ ձիւնափայլ կարապի մը պէս նետուեցաւ փրփրոց մէջ, ուր գետոյն զովութենէն աւելի հաճութեամբ ճաշակեցին աննման քեռ և եղբօր սիրոյ քողցրուածիւնը։... Ի՛նչ զմայլմունք էր Խոսրովի գխառոյ՝ տեսնել իր 18 ամեայ կտրիճ եղբայրը, իր մէկ հատիկ ցանկալին, հոս՝ արգարե վահագնակերպ ծիրանի ծովէն խարտեաշ մազերով պատենեկի մը պէս ելնել և հսկայակերպ ցատքել հայրենի հողուն վրայ։ — Ի՛նչ զմայլմունք էր Վահանայ այլ՝ տեսնել իր մէկհատիկը, մեծասիրտ քոյրը, հայկազեղ օրիորդը, յորում կու նշմարէր իր մայրն այլ, իր ամեն հարազատներն այլ։... Ի՛նչ տաք տաք սրտով աչքով ու բերնով առին և տըւին իրարու. և ի՛նչ փարեղի թեւակցութեամբ երբեմն նստեալ ի պաստեռունս, երբեմն ձիով և ոտքով քայլէին քննէին իրենց հայրենի երկրին ոլորտքը, մէկ մէկ տեսնելով և որոշելով զէնն ու զանէն. և իրենց տիրական նշանները ու սահմանախաչերը կանգնելով և նորոգելով։

Գաւառէ դաւառ հռչակեցաւ լուրն, թէ դարձեր եկեր է Խոսրովու պայազատն, Գողթնեաց իշխան կարգուեր է ցանկալին Վահան։ — Ամեն կողմէ եկան շնորհաւորք, խնդակիցք, մեծարողք. ժողովեցան բոլոր Սիւնեաց իշխանք և մեծամեծք, իրենց մէկ գլխաւոր իշխանակցին պաշտադատը պատուելու և բազմեցրնելու զնա ի դահն հայրենի. ուրախութեան և կենդանութեան ձայներ հնչեցին ամեն գեղ ամեն տեղ. սգոյ նշաններն վերցըւեցան. եկեղեցի և տաճարերգով և օրհնութեամբ լցուան. մինչև ի դարպասս կուսանաց և օրիորդաց հնչեց համբաւն. և ոչ սակաւք սրտերնին յոյս մը գրին Խոսրովու պայազատին վրայ. բոլոր երկիր կու թնդար կու պարէր վասն Վահանայ։... Իսկ ինքն Վահան։...



Ո՛րչափ զարմանալի և աննման է մարգա՝ երբոր երկրիս ամենայն հանգիսից և հրաւիրանաց մեջ այլ՝ երկնից հանգէսն և հրաւէրը գիտէ։ Ամենքն երկրաւոր բարեկենդանութիւն կու մտածէին կ'առաջարկէին, կու խնդային. միայն Վահան՝ որոյ համար էր այդ ամեն եղած և ըլլալիք, Վահան միայն լուրջ և հանգարտ կու մտածէր. երկու ծանր բան միտքն ու սիրտը կու ճնշէր. մէկ մ'որ ամբարապետին խօսք առեր էր իր գործերը հոռ կարգաւորելու և դառնալու առ նա. մէկ մ'այլ որ ինքն՝ թէ և ակամայ և առանց գիտութեան՝ ուրացող սեպուեր էր սուրբ հաւատոց, և թոյլ ու թանձր կրօնից մեջ մեծցեր էր։ Կ'ուզէր երկու քին այլ հաւատարիմ ըլլալ, թէ երկրաւոր իշխանին, և թէ ևս առաւել երկնաւորին. անոր՝ քովն երթալով, իսկ Սսոր՝ քովէն երբէք չգատուելով, քրիստոնէութեան կրօնից պարտութեան սիրով։ Իսկ իր քոյրն և մերձաւորք և բարեկամք, բոլոր Գողթն, և գաւառք և իշխանք Սիւնեաց՝ կու յորդորէին զնա թողուլ կամ այլափոխել իր ծանր մտածութիւնները, և հասարակաց խնդութեան մասնակից ըլլալ, մանաւանդ թէ պարագլուխ և առաջնորդ։ Չանացին ցուցին որ կենաց օրինաւոր պարտուց յանձնառութիւնն՝ արգելք մը չէր իր քրիստոնէաբար ապրելուն, և ամիրապետն այլ հաճելու հնարք կրնային ճարել. մեծամեծքն միաբան յորդորէին որ իր հին և պանծալի տանը ճրագը չմարէ, որուն յետին կայծ ինքն էր մնացեր, և սուրբ ամուսնութեամբ իր հօր նման՝ Աստուծով պարգևէ իր երկրին պայծառ պայազատներ։ — Գրեթէ պարտաւորեցին, ամաչեցուցին պարկեշտ պատանին. ձայն տուաւ

Սիւնեաց նահապետն (Բաբգեն?), որ այն աշխարհին երկոտասան գաւառապետաց (որոց մէկն էր Վահան) նախագլուխ էր և թագաւորակերպ պատիւ ունէր: Գնացին իր մեծափառ ապարանքէն ընտրեցին վերուցին զազնիւն յազնուաց. և ինչպէս արծըթէ սկաւառակի վրայ դրուած շառափայլ նուռ մը, բերին մատուցին Վահանայ՝ զնազելի Սիսակուհին<sup>1</sup>, որուն միայն՝ հաճու թեամբ տեղ կու տար և Խոսրովիգուխտ՝ իր եղբոր սրտին մէջ. և սա պապականօք հաւանեցաւ: Զուգեցին ոսկին արծաթոյն հետ. զպերճափայլ պայազատն Գողթան ընդ բիւրեղափայլ օրիորդին Սիւնեաց. հնչեցին երգք հարսանեաց, գոփեցին թմբուկք տօնականք, բոլորեցան պարք ուրախութեան. պարպեցան շատ կարապք գինաւէտ Գողթան այգեաց. և տխրութեամբ ջախջախեալ բամբիռն՝ անգամ մ'այլ արծարծեցաւ ի նորոգութեան հայրենեաց:

Ո՛վ, յժբան վսեմ և գեղեցիկ էր Վահան «յաւուր փեսայութեան իւրում», յաջմէ իւր քրոջ և ի ձախմէ հարսին իւրոյ, որոց մէկն ծիրանեաւ միւսն բեհեզով էին զարդարուած. երկուքն այլ աննմանք, երկուքն այլ սրտին զանազան կերպով մէկմէկէ սիրելիք: Ո՛րքան տարբեր՝ հեզանազ, սրբիկ, կենդանի և երկնախառն էր այս հայկուհեաց շնորհքն և սէրն՝ քան զաաճկուհի դատեւրացն Իսմասկոսի յապարանս ամիրապետաց: — Քրիստոսի սուրբ և անապակ կրօնից ազատ պաշտաման հետ, հիմայ տրուեցաւ Վահանայ վայելել սրտից հզօրագոյն կիրքը՝ ի սրբութիւն փախարկեալ եկեղեցւոյ խորհրդով: — Կտրիճ և առաքինի պայազատ իշխանորդւոյ մը չկար թեր-

<sup>1</sup> Օրիորդին անունն յայտնի չէ. այսպէս անուանեցինք մենք, որ Սիւնեաց օրիորդ մը կու նշանակէ:

ևս քան զայս վայելուչ փափագելի և յաջող վայելք մը. զոր և անփորձ և երկար և բազմապատույ մաղթելով՝ իր ամեն բարեկամքն, բոլոր Գողթն և Սիւնիք, իրենց տեղը քաշուեցան, թողլով զնորապսակ իշխանն Գողթան իր վայելից, փառաց և նոր կենաց ընդարձակ ասպարիզի մը մէջ:

Ո՛րչափ փայլուն և վառվռուն կրնար ըլլալ այս ասպարէզս՝ երբ մանկութիւն, կտրճութիւն, հարըստութիւն, պատիւ, սէր՝ մէկմէկ կենաց վտակներու պէս յորդէին յորդորէին առոյգ սրտի մը մէջ. — փոխանակ իր ծննդեան ցաւալի գէպքերուն, այն աշխարհաւեր կրակին և ծնողասպան սրոյն, ի՛նչ միսիթարութիւններ և գբօսանքներ չէր կրնար ճարել Վահան. աշխարհակալ ամիրապետի մը սէր և օգնութիւն՝ զինքն իր հայրենեաց և իշխանաց մէջ՝ ո՛րչափ գերազանց և նախանձելի կրնար ընել: Այսպիսի բարեբաղդ պատանի պայազատի մ'առջև՝ աշխարհք, այն խառտուաիկ խաբուսիկ աշխարհս՝ ի՛նչ նոր և պայծառ գոյներ չէր առնուր. և իբրև հանդարտ լճի մը վըայ նետուած քարէ մը (այնպիսի սրտի մը մղմամբ 'ի ծով փափկութեան), ի՛նչ հետզհետէ մէկմէկէ ընդարձակ բոլորակ ծիրեր կու ծաւալէին ցանծանօթ ոլորտս կենաց հորիզոնին: — Այո՛, այո՛. կարելի էին այս և այսպիսիք. և ոչ անկարելի վիպասանի մը կամ մտածողի մը՝ այն իրարմէ մը դուած ջրոց հեշտալի ծիրերուն ետեւէն երթալով՝ ցանկալի կենաց ուարադաներ ստեղծել, և Գողթան իշխանին կենաց բոլոր ընթացքը գարնանային ծաղկանց պսակով հիւսել:...

Սակայն Վահան, նրբամիտ և վեհասիրտն Վահան՝ ընտրեց գերագոյն ևս ծաղկըներ, հիւսեց անթառամ պսակ. փորձեց ընդարձակագոյն ասպարէզ մը, բացաւ ճանապարհ մը՝ անծանօթ իր



հասակակցաց և մտերիմ սրտակցացն: Ոչ թըռչո՜ւնք և անդեղք Յովբայ տեսան այս շաւիղը, և ոչ այս ճամբան ճանցցաւ սրահեշտ աչքն Սողոմոնի. որ երբեմն կու խոստովանէր թէ իրեն մեծ մտացն այլ անիմանալի կու մնար երիտասարդին սիրտը. երբեմն վստահանալով՝ խրատ կու տար անոր, թէ «Ուրախ լեր, երիտասարդ, 'ի մանկու» թեան քում, և զուարճացուսցէ զքեզ սիրտ» քո՝ յաւուրս մանկութեան քո»: Միայն տաւ տուածային արծուին կու համնի այն շաւղին. և Մէծն քան Վսողման (Քրիստոս) կրնար բանալ այն ճամբան, յոր նետուեցաւ մտաւ և Վահան. և ահա բարձր էր քան զերկիրս իր ասպարէզն և ընթացքն: Աշխարհիս յոյսն և հիւսածն՝ հոս կու կարճատի կու կարատի. պատմութիւնն և կեանքը՝ հասարակաց կարծած կերպարանքը կու փոխէ. երկնային արիութեան, իմաստութեան և սիրոյ հանդէսք կու բացուին: Նոր և հզօրագոյն կրակով մը՝ դարձեալ կու խամրի կու լուէ բամբիւն Գողթան, որդեռ Վահանայ ըրածին նման գործ մը չէր երգած:.. Թո՛ղ երթայ նա Որդուաւայ և Ագուլեաց հինաւուրց լայնասաղարթ սոսեաց մէջ ծածկուած կախուի կենայ, լուռ մնու գիտէ ու սովորի. ապա թէ փորձէ երգ մը, երգ նոր 'ի տէր Վահան՝ Գողթնեացն իշխեցող. զոր և մենք յետոյ լսենք:...

## Ժ

Հազիւ թէ Գողթան իշխանութիւնն առեր և դեռ չէր տեղաւորուած Վահան, երբ հասաւ լուր տարածում մահուան ամիրապետին Օմարայ (720), որ մեր պատանի պայազատին մտերմաց տնակնկալ առիթ մը սեպուեցաւ ազատելու զնա իր խոստմունքէն, այսինքն յետս դառնալուն 'ի Դա-

մասկոս: Սակայն նա աւելի բանիբռն ըլլալով՝ այլ մեծագոյն գծարութիւն կու տեսներ. գիտէր որ իր խոստամունքն անծանօթ չէր խալիֆային պաշտօնէից, և օր մը խնդիր պիտի ըլլար, զինքը վնասէին. միշտ կասկածանաց մէջ՝ կու լրտեսէր հաւատարմաց ձեռքը՝ թէ իր վրայ ինչ դրոյց կ'ըլլայ 'ի դուռն 'Իսմասկոսի, և Նզիտայ քով որ յաջորգեց Օմարայ՝ հինգ տարի: — Կասկածանք իր վրայ, հոգ՝ սրտին հետ կապուած անձին և ընտանեաց վրայ, աւելի մեծ հոգ՝ իր հաւատոց հաստատութեան վրայ. — կամ հալածական և փախըտական կեանք մը, կամ ապգնապ և տանջանք, և կամ ինքնակամ անձնատուր ըլլալ անոնց՝ որոց քովէն ելաւ եկաւ, բայց ոչ ինչպէս եկաւ՝ անանկ դառնալով, այլ իբրև նահատակ Քրիստոսի: Պատրաստութիւն այսպիսի նուիրման և վկայութեան վասն Քրիստոսի՝ արեամբ և կենքք. — զիջ և ողբք իր օւռաջին տղայական կենաց վարուց վրայ. և վերջապէս բոլորանուէր զոհուիլ մարտիրոսութեամբ: Այս եղաւ Վահանայ երկրորդ մասն կենաց. որ առաջնոյն չափ 18 տարի տևեց:

Իր օրինաւոր կասկածն շուտով ստուգեցաւ. լսեց որ խմացուեր է 'ի դուռն ամիրապետաց իր դարձն 'ի քրիստոնէութիւն, և լուսաւոր հաւատով վարուիլն ու խնամենալն Սիւնեաց նախարարին: Եթէ անկէ ետև մնար իր տեղը, կամ չլսելով կանչուելուն, կամ իբրև տպստամբ՝ աշխարհին ամուր տեղուանքը ապաստանելով, ոչ միայն իրեն՝ այլ և իր ընտանեաց և Գողթան, և Սիւնեաց, թերևս և բոլոր Հայոց նոր վտանգներ և նոր կրակներ կրնար պատճառել. — իսկ եթէ ինքն իր կամքը երթար ամիրապետին, կ'երևար թէ ոչ միայն մէկ մ'այլ իր երկիրը չպիտի տեսներ, այլ և ոչ իր ամուսինը, իր ճշմարիտ սիրելիքը, իր վե-

լածնող սուրբ եկեղեցին, և գուցէ նոյն խակ իր դալար արեւը: Թերեւս այս եպօֆինս կ'ընարէր Վահան, եթէ կենաց ըծակցութեան, ընտանեկան և խնամեկան պարտքեր չունենար, եթէ իր հարսին և հարսնանման քրոջ սէրն՝ իր սրտին կարմիր օղեր անցուցած չըլլային: Ապա մէկ հատիկ խոհեմութեան ճամբայ, ընդ մէջ երկնից և երկրի, և երկուքին իրաւանց այլ հաւանելի, կու մնայր՝ անանկ տեղ մը քաշուիլ, ուր թէ զինքն և իր կենաց կցորդքն ապրեցընէ, և թէ իր աշխարհին վշտանգ և բռնութիւն չհասցընէ՝ զինքը փնտռողներուն ձեռօք: — Այս ապահով տեղն էր Յունաց կայսերութիւնը. մէկ հատիկ հզօր տէրութիւն՝ որ կրնար դիմամարտիլ ընդ Հագարացւոց, և ուր միշտ կ'ապաւինէին նեղեալ իշխանքն Հայոց, իբրև ինքնակամ և գաղտուկ երթալով, որպէս զի մնացեալ ազգականաց և իշխանակցաց մնաս չհասնի՝ անոնց վըայ տիրապետողներէն: — Ահա զայս մտածեց Վահան, և ձեռք զարկաւ:

Իեռ նոր ժառանգած տէրութեանը և աշխարհին՝ ծածուկ բարով մնաս ըսելով, և յաւիտեանական բարով մնաս մը, առաւ կինն ու ընտանիքը, և բաւական ստակ. իր դրան մարդիկներէն այլ միայն քսան հեծեալ, առանց անոնց իմացը նեխու ընէլէքը. ու գնաց նախ ի գաւառն Վայոցձոր իր աներոջ քով, իբրև տեսութեան համար. և մինչ իր հայրագիրն իբրև երկրորդ անգամ հարսանեկան հանգեսներ կ'ընէր՝ ի պատիւ փեսային և տիկին գտները, նա միշտ իր յետին մնաք բարովը կ'ըսէր ի սրտէն, իրմէն աւելի ցաւելով իրեններուն վըայ՝ երբոր լսէին իր տարագնացութիւնը. և չէր գիտեր թէ ինչպէս յայտնէ կամ ինչպէս ծածկէ: — Վերջապէս բաւական ժամանակ կենալէն ետև աներոջը քով, որուն միայն գաղաուկ իմացուցեր էր միտքը, պատրաստեցաւ

նորէն ճամբու, և լրջութեամբ կու գիտէր իր միա-  
միտ ըծակցին սիրալիւր աղապատանքն առ ծնողս  
իւր, գուցէ վստահութեամբ մայրական յուսոյ  
մը, և քիչ ատենէն նորէն տեսնուելու: Բայց ի՞նչ  
զարմանք և ապշութիւն եկաւ ասոր՝ երբ փոխա-  
նակ գէպ 'ի հարաւ 'ի Գողթն գառնալու, Վա-  
հան նշան տուաւ ուղղելու գէպ յարեմուտս և  
'ի հիւսիս, յանձախօթ կողմն և ճանապարհ: —  
Նախ շուարելով, վերջը շողոմելով շողոքելով Դա-  
լիլեայ պէս՝ աղաչեց Թախանձեց կիինն, ստիպեց  
զՎահան՝ որ յայանէ ուր երթալը. և իմանալուն  
պէս այլ՝ անհամբերութեամբ իմացուց իր իշխա-  
նազուն եղբարցը, որոնք մէկմէկ վիճակի տէր էին.  
և դժարելով իրենց քրոջ անդարձ պանդխտու-  
թեանը վրայ, ձայն վերուցին, ողորցեցին բողբոջ-  
ցին, լացին լացուցին, հազարումէկ արգելք հա-  
նեցին Վահանայ. անկարելի է կ'ըսէին երթալդ,  
և Թէ քեզի Թէ մեզի վտանգ. եթէ մնաս հոս՝ մենք  
քեզի, դու մեզի պաշտպան կ'ըլլաս. իսկ այսպէս  
երթալովդ՝ « Ի՞նչ մեզ՝ ոչ կենդանի լինիս և ոչ  
մեռեալ » . և շատ, բայց փուճ կերպեր կու ցու-  
ցընէին չերթալու և մնալու: Եւ երբ Վահան ա-  
նոնց ամեն տկար պատճառները մէկ խօսքով կրտ-  
րեց, անոնք աւելի պարտաւորելու կամ պատ-  
կառեցընելու համար կ'ըսէին. եթէ ասանկ է՝  
մենք այլ հետդ կ'երթանք մեր տնով տեղով. « Ընդ  
» քեզ գամք 'ի կեալ և 'ի մեռանել յօտար եր-  
» կիրն. քեզ ողբակցեալ՝ անկցուք անցամաքելի  
» արտասուօք »: — Աղուոր զրուցուածք, այլ  
ատենէ գուրս:

Տեսաւ Վահան որ ամենէն մեծ վտանգը՝ անոնք  
կու պատրաստեն իրեն. աղէկ իմացաւ որ սիրե-  
լիքն են իրեն գլխաւոր արգելքն. յայտնի երևցաւ  
որ աստուածային շնորհքն և իմաստութիւնն էր  
զինքը շարժողն, իսկ զանոնք՝ անխոհեմ և կանա-

ցի մտածութիւն և սէր: — Քանի՛ կտրի՜ճ, իմաստուն և առաքինի մարդիկ այսպիսի առթից մէջ զոհ եղած են՝ իրենց և իրենց սիրելոյն օգուտը չճանչցող թոյլ սրտով, քան թէ ամուր գլխով մտացող մերձաւոր և մտերիմ մարդկանց. — մէկն այլ Վահան եղսւ, գրեթէ աչօք բացօք տեսնելով հեռաւոր ըլլալիքը, և ակամայ լռելով ու թողլով զինքն անոնց կարճ տեսութեանը: Ասիկայ մեծ և շատ մեծ ողբերգական կնճիռ և պատահար մ'էր իր կենացը, թատերաբանից ճարտարութեան շատ յարմար առիթ և տեսարան. զոր և իր հին վիպասանն կ'ակնարկէ խոր տեսութեւ համառօտիւ. « Փորձութիւն հպէր յայրն 'ի փոր. » ձողէն. և քննութիւն կամացն՝ երևելապէս » յայտնելով զառն փառաւորութիւնն, որպէս » զի որոշեսցի սէրն զոր ունէր յինքեան, առ Աստուած՝ եթէ աշխարհի սէր, և որ 'ի նմա յարմարին ցանկութիւնք »:

## ԺԱ.

Շուտով հասաւ այս տեսարանը այլակերպող տեսարանն այլ. մինչդեռ իր աներձագքն իրենց քոյրը և փեսանին ապրեցընել կամ վայելել կարծելով՝ ատեն կորսընցընէին, ամիրապետին կողմէն Վահանը փնտռողք կուգային. հիմայ ոչ կըրնային զնա պահել, և ոչ այլ անոր առաջուան ուղածին պէս փախցընել. հարկ եղաւ որ թողուն զնա իր գլխուն: Իսկ նա միշտ գոհ Աստուծոյ կամաց, շնորհակալ այլ եղաւ որ անոնց կարճ մտածութիւնն կերպով մ'իրեն աւելի ազատութիւն տուաւ՝ ինքզինքը միայն հոգալու: Հանդերձեալ և յաւիտենական յուսոյ մը համբոյրը կնքեց 'ի ծոց կաթճատեւ կենակցին. յանձնեց զնա իր եղբարցը, թողլով անոր՝ հետն առած ստակին և

գանձուց մեծ մասն և ծառայները. և ինքն քիչ մը  
 թողակով և քանի մը հեծելօք ցատքելով Սիւ-  
 նեաց ձորերէն և լեռներէն, շուտ շուտ հեռացաւ  
 անցաւ գնաց 'ի Վրաստան. որ ամրութեամբ և  
 հեռաւորութեամբն՝ աւելի անփորձ և անվտանգ  
 մնացեր էր յԱրաբացւոց. Վահանայ ծանօթ իշ-  
 խաններ այլ կային հոն, որոց օգնութեամբ կրնար  
 դարձեալ իր առջի գիտաւորութիւնը կատարել,  
 այսինքն երթալ յաշխարհ Յունաց. թէ և հիմայ  
 ոչ այնպէս օգտակար էր իրեն և ոչ իրեններուն.  
 և անշուշտ ասոր համար այլ՝ Վրաց իշխանքն չօգ-  
 նեցին իրեն, որ տարւոյ մը չափ կեցաւ անոնց  
 քով, մանաւանդ թէ ինքն իր քով և Աստուծոյ  
 քով: Վասն զի երբ մինակ դաւա զինքն՝ իր նախ  
 առաջին մատածութեանը և յօժարութեանը թա-  
 դուց բոլորովին. այսինքն զաշխարհ ոտից տակ  
 դնել և միայն հանդերձեալ կեանքը մտածել, ա-  
 պաշխարողի և ճգնաւորի պէս անցընելով իր օրե-  
 րը: Այս բանիս մասնաւոր կերպով մ'այլ պար-  
 տական սեպէր զինքը Վահան, նախնի քրիստո-  
 նէից երկիւղած բարեպաշտութեամբը. որք գրե-  
 թէ հարկ համարէին ուրացութենէ դարձողաց՝  
 կամ մարտիրոսութեամբ կամ մշտնջենաւոր ա-  
 պաշխարութեամբ կիքել կեանքերնին. թէ և Վա-  
 հան կամաւ և գիտութեամբ ուրացեալ չէր, սա-  
 կայն գործով այս երկու պայմանն այլ կատարեց.  
 'ի վերայ հին մկրտութեան աւազանին՝ աւելցը-  
 նելով զերկրորդ և զերրորդ մկրտութիւնս՝ աբ-  
 րահամաց և արեան:

Դառնալով 'ի Վրաց և մեր Գուգարաց աշխար-  
 հէն՝ ճառքան կու բերէր յԱրագածոտն գաւառ  
 Արարատայ. ուր շատոնց 'ի վեր կու պայծառա-  
 նային մեծամեծ վանորայք՝ լեռնաձորոց և անա-  
 պատաձե տեղեաց մէջ, ինչպէս Յովհաննավանք  
 կամ Սիւզի վանք, Սաղմոսավանք, Լազրեւանք,

Ուշոյ վանք, և այլն: Ծաղկածուծ մեղուի կամ կրտաքաղ թռչնոյ պէս Վահան այս իւրաքանչիւր սրբազան օթեանաց մէջ կու թռակէր գաղթէր երկայն օրեր և ամիսներ, հոգևոր մխիթարութիւն և քաջալերութիւն քաղելով. կու փափագէր եղած տեղը մնալ, եթէ մէկ կողմէն տեղացեաց վտանգի պատճառ ըլլալու վախ չըլլար, մեկայլ կողմէն այլ իր ուղեկից հեծեալքն և սպասաւորքն չձանձրանային. որք չկարնալով անանկ զարմանալի երիտասարդ տիրոջ մը երկար թափառանաց համբերել, քիչ քիչ թօթափեցան հեռացան, իրենց տեղը գնացին. մնաց Վահան միայն մէկ ընկերով:

Այն կողմերուն իշխանքն և ազնուականք խորհուրդ ըրին՝ որ ծածուկ և ապահով ճամբաներով փախցընեն զնա Յունաց երկիրը. բայց Վրաց իշխանաց պէս վախցան՝ որ անոր պատճառաւ իրենց գլխուն փորձանք չգայ: Վերջապէս ինչ ընելիքը հարցուցին այն ատենի Հայոց գլխաւոր իշխանին և կաթողիկոսին. սա կ'երեւի թէ Դաւիթ էր, Յովհաննու Իմաստասիրին յաջորդ նստած (յամի 729), որ ոչ անոր և ոչ Սահակայ համարձակութիւնն ունէր առ ամիրայս և ամիրապետս. և վսիխալով խորհուրդ տուաւ անոնց՝ որ մէկը պաշտպանելով շատերը չմնասեն. այլ թողուն զՎահան նախախնամութեան կամ իր բաղձին: — Մեր վիպասանն համարձակապէս սատանայի հնարքով և վախով գրգած խրատ մը կու սեպէ զայս, որ կու ջանար ամեն օգնական և ձեռնտու հեռացընել անկէ. որպէս թէ անոնց հեռանալովն՝ ինքն պիտի տիրանար Վահանայ: Ինչուան անոր վերջին և մէկ հատիկ հաւատարիմ մնացողը կամ թիկնապահն այլ որսաց զատեց անկէ. և անոր ձեռքով՝ նաև Վահանայ կենաց և պատուոյն կարեոր գործիքն այլ, քին և սուրը, զոր ոչ դէ կտրիճ

իրմէ կու հեռացընէ. իսկ այդ ապերախտ մարդը՝ ուզեց զանոնք ի Վահանայ՝ իբրեւ գրաւական և վարձք՝ որ չմատնէ զնա իր փնտռողներուն ձեռքը: Ո՛հ, ագահ, անարգ, այլ և անմիտ անսիրտ մարդ. մի՛թէ այդ ըրածդ և ըսածդ այլ յայանի և ակներեւ մատնութիւն չէ՞ անոր՝ զոր չմատնել խոստանաս. կամ թէ արժան չէր որ այն սուրն՝ քու կէս դատարկ գլուխդ թռցընելով՝ ազատէր զքեզ թէ մատնութեան և թէ վատութեան վրտանգէն: — Մեծասիրտն Վահան չպատժեց չմերժեց զնա. բայց խորամանկութեանը վրայ ծիծաղելով՝ ինքն իր կամօք թողուց անոր երիվարն այլ սուրն այլ, իսկ ստակ և թռչակ, արդէն սպառած էր. ուրիշ բան չէր մնար վրան, բայց միայն իր ագնուութեան նշան հնացեալ զգեստքն, և իր իսկութեանը վկայն՝ տոհմին և անձին սեփական կնիքը, Վաւերական Ժապանի. զայս միայն պահեց վրան, որ ճանչցուի թէ ինքն է Վահան. իսկ ըզգեստները փոխելով և թողլով հագաւ ազգատակերպ. թեթեւաւ, միայնացաւ ամեն աշխարհային փառքէ և մեծութենէ, զարգէ և մարգէ:

« Գնացեալ երթայր, զրահս արկեալ զիւրե՛ղհաւատս », կ'ըսէ վիպաւորն վայելչապէս. — հաւատոց հաստատութիւնը հագնելով սպառազինութեան պէս՝ իբրեւ երկնաւոր նահատակ կ'երթար անվախ բոլոր դժոխքէ, ծանօթ և անծանօթ ճամբով, վանքէ վանք, անապատէ անապատ. և անոնց նախաշինող հօր նման (Ս. Սնտոնի), « մե-  
 » նամարտեալ ընդդէմ չարին բազմահնար վիշա-  
 » պին, ժուժկալեալ համբերեաց ազգի ազգի  
 » վշտաց քարավէժ կոչկոճման.... Յանապատի  
 » բնակելով ազօթանուէր թեզքն հալածեաց ըզ-  
 » բազմութիւն լեզէոյն զօրացն. և զինուորեցաւ  
 » քեզ. Քրիստոս » : Այս անյաղթելի զինուորու-  
 թիւ և դիւահալած թեոց վրայ՝ զարմացաւ Հայոց



կաթուղիկոսն այլ, երբ Վահան վանքերը պտըտելու ատեն՝ եկաւ նաև 'ի Վաղարշապատ՝ 'ի մայր եկեղեցեացն՝ յէջմիածին, անկէց օրհնութիւն առնելու և նորէն խորհուրդ հարցընելու: Նոր խորհուրդ՝ չունէր հայրապետն, բայց յորդորել որ երթայ յանապատս, անծանօթ վանաց մէջ քաշուելով, ուղածին չափ ճգնի և աղօթէ:

Յէջմիածնայ դէպ յարեմուտք, 'ի Շիրակ գաւառ, Արագած լերին ստորոտից և Ախուրեան գետոյն միջոց, այն ատեն այլ ինչպէս և ետքը՝ կային անապատ միայնութեան տեղիք, որոց ճամբաներն այլ վարուն չէր. այս անծանօթ տեղուանքը մտաւ Վահան անոք անօգնական, առանց պաշարի և պաշտպանութեան. ոտքին կոխած երկրէն աւելի՝ դիտուն վրայ ոլորտացեալ երկնից ճամբան մտածելով, Թափառական դնաց դարձաւ, մոլորեցաւ երկայն ժամեր, Թերևս օրեր այլ, մինչև ամառայ և դժուարակոխ տեղիքն և չարաչար յօղնութիւնն՝ զինքը վերէն վար իջուցին. ջանաց շիտակ կամ դիւրին ճամբայ մը գտնել, բայց աչուրներն հազիւ կրնային տեսնել, և ոտքերն շարժիլ: Նայեցաւ չորս դին, և յիրաւի անապատի մը կենդրոն, կամ ընդարձակ ծովու մը մէջ միայնացեալ երևցաւ ինքն իրեն. կանգ առաւ. չորս դին կու շարժէր շուրջ կու գար. վայրկենէ վայրկեան ոյժն և շունչը կտրելով՝ կու մտածէր իրա՛ւ Թէ երա՞ջ է եղածն. Ի՞նքն է արդարև Վահան՝ տէրն Գողթնեաց, Թէ Վահապ՝ դպրապետ խալիֆայից... կամ Թէ արդեօք այն անծանօթ անմարդաձայն տեղը պիտի լմննայ՝ իր պանդըխտութիւնը, իր բուրր ընթացքը... չըլլայ Թէ մահուան մշուշն ըլլայ որ աչքերը կու պատէ, անդամները կու կապէ, միտքը կու շփոթէ:... Ո՞ւր եմ, Ի՞նչ կ'ըլլամ... Աստուած իմ...:

Մէկ մ'այլ բացաւ աչքը, յիշեց տեղը, բայց

բնութիւնն կերպարանափոխ երեւցաւ. անշուշտ արեգակն իր կամարէն բաւական չափով խոնարհեր էր. ետին դարձաւ, և ահա շարժուն շրջիպէսբան մը կ'երևար. դոփիւն մը կու լսուէր. հեծեալ մը տեսաւ... հասաւ հեծեալն, հասարակ գրաստու վրայ նստած. իրարու նայեցան. Վահան իմացաւ որ հանդիպողն անվնաս մարդուկ մ'է. իսկ սա տեսաւ յօգնած քաղցած մարմըրկած ճամբորդ մը, և գլխով անոր կերպարանքին և աղաչանացը՝ վերուց դրաւ անասնոյն վրայ, և անոր խնդրածին համեմատ դարձուց գրաստը դէպ 'ի հոգևոր պանդոկ մը, վանք մը, ուր և հասուց: Բայց սա ոչ Սամարացւոյն պէս ինքն իր կամօք ասնելով և երկու դրամիկ այլ վրայ տալով, այլ վարձք ուղելով յանկածէն Վահանայ՝ անոր մէկ հատիկ և յետին մնացեալ ստացուածը. զոր նա իւր ձեռք հանեց տուաւ անոր, իր լաւերական Տափաթի, որ քան զձին և զսուրն և քան զամեն ինչ՝ սեփական է իր տիրոջը: Ստով Վահան իր տէրութեան յետին կապն այլ կարեց. Գողթնեաց հին և մեծ պայազատութիւնն այլ՝ երկրիս ամենէն փոքր շիւղի մը պէս թողուց, դոհացաւ:

Շիրակայ անուանի վանորէից մէկուն մէջ խաղաղեցաւ Վահան, ինչպէս ալէկոծեալ նաւն 'ի հանգստարանի. ատենն այլ զսակական օրեր ըլլալով իր սիրած պարապմունքը լիովին դտաւ. և այնքան քաղցրացաւ, որ հոս այլ ինչպէս ուրիշ վանաց մէջ՝ գոհութեամբ կ'ըսէր. « Սյս է հանդիստ իմ. յաւիտեան բնակեցայց 'ի սմա »: Զարմանային կրօնաւորք և ճգնաւորք՝ տեսնելով աղնուական երիտասարդ մը, որ իրեն բազմամեայ կրթութիւնը քիչ տարիներու մէջ առեր և գերազանցեր է. ոչ ոք կու հաւատարէր անոր ճգնութեանցը և տքնութեանցը, և մանաւանդ առատահոս զղջական արտասուացը, որուն շատոնք ոչ

աղբիւրը գիտէին և ոչ հնարքը. հին սրբոց ճրգնաւորաց մէջ սյւլ շատ մեծ և երկնապարգև ճանաչուէր շիրհի տաճարաց, զոր և իրաւամբք խաբարութիւն կ'անուանէին, որ այրած սրտի մը ծովէն ելնելով կու գովացընէ զմիտս և զհոգի, փոխուելով 'ի սաստկագոյն զմայլմունք սիրոյ. սէր՝ որ քուանց ցաւի չիկրնար երկրիս վրայ իր մեծագոյն զուարճութիւնը կամ հանդիստը գտնել: — Վահան վեց ամիս կեցաւ այն վանքը, միշտ այս վիճակիս մէջ. « աւագան զարտասուս արարեալ, » և միտքն աստուածախօս լինէին անշարժելի չոր. « Թամբք, վերին իմաստութեամբն արբեալ վիշելով ». « և զարմացուցանէր զամենեսեան »: Այս պարզ երկնքէ մը Թափուած մշտահոս աղի անձրեաց հետ հազիւ երբեմն կու լսուէին կարճ որոտման պէս խորին ողբոց ձայնք. կամ փայլակնանման կտրուկ հառաչանք մը. Թերեւս անփորձ տեսողք և լսողք կարծէին զնա մեծ տնդգամուծեան մը վրայ զըջացող. բայց աւելի հոգետեսպք և հմուտք՝ կ'իմանային որ աւելի անշար սրտի և աստուածային սիրով վառեալ հոգւոյ մը հանգէս է այս. անմեղի և անպարտի ապաշխարանք մը: Ասոր վրայ էր որ խոր և բարակ զգացմամբ զարմացեալ և սքանչացեալ իր սիրահար սուրբ մուգայն՝ յետոյ պիտի երգէր. « Զարմանալի է »  
 « ինձ քան զերգս երաժշտականաց ձայնս՝ ողբոց »  
 « քոց հնչմունք՝ ով երանելի տէր Վահան, ընտ- »  
 « ղեալ յԱստուծոյ »:

Բայց նոյն սրտառու ձայնն որ այսպէս մեր մէկ զարմանուհւոյ մը սիրտը պնդեց կանգնեց, հոս անոր համասեռի մը սիրտը՝ սոսկմամբ և վախով լըցուց. այն Շիրակայ կողմերուն Իշխանափիլին, վախնալով ուրիշ իշխանացնման, պատուէր խաւրեց 'ի վանքը՝ Վահանայ համար, Թէ « Երթիցէ »  
 « 'ի բաց, գուցէ մեզ և ձեզ պատուհաս հասցէ

» յաղքունուստ՝ վասն նորա » : — Առանց խռովելու ելաւ Վահան այս անապատէս այլ, ըսելով առ Աստուած. « Ես 'ի քեզ եմ՝ յուսացեալ. և » յ'ստուերավայր տեղիս մահու՝ աներկիւղ արաւ » ըբեր զիս. և զցուպ և զգաւազան խաչի քո սուրբ » մի՛ հեռի առնէր յինէն » : Եւ այս խաչանիշ ցուպըն առնելով իր սրտին և ոտից նեցուկ՝ կ'երթար իբրեւ զնահապետն Իսահակ նոր ջրհոր մ'այլ փորելու անապատին մէջ. ոչ ջրհոր երգման կամ զրկման, այլ աստուածաշնորհ արտասուաց :

Այսպիսի աղբեր մը համար ուզեց Վահան աւելի խոր և անծանօթ անապատ մը, որպէս զի ամենքն այլ անկասկած մնան. մէկու մը վախ չհասնի իր պատճառաւ. և ընտրեց « անապատ » անյայտաւոր և սակաւամարդ տեղիս » . ուր հազիւ բուն անապատակեաց ճգնաւորք գտուէին առանձին խորշեր քաշուած, որոց երբեմն այցելութեան կ'երթար, միսիթարուելու հոգեւոր խօսքերով և գրքերով : Աստուածաշունչն, և գտած սուրբ չարք գրուածներն՝ իրեն զբօսանքն էին աղօթքէ դուրս մնացեալ ժամերուն, որ շատ քիչ և կարճ էին. վասն զի հազիւ թէ աչք գօցէր 'ի քուն, շատ այլ չկարօտելով ասոր՝ անսուղթութեամբը կամ գրեթէ բան չուտելովն : Այսպիսի սակաւապիտութեան համեմատ էր հագուստն այլ. մէկ զգեստ մը կամ պարեգօտ մը միայն. ոչ շապիկ, ոչ կօշիկ. մէկ այլ վերարկու՝ ձմեռուան ծածկոց. վասն զի տարի մը կեցաւ այս անապատիս մէջ աշունէ աշուն, « անթուլանալի սրտիւ » աշխատութեամբ. իբրեւ յոյժ ծարաւկոտ եղ » ջերուաց աղբերաց՝ փափագեալ նա Աստուծոյ » սիրոյն :... Եւ այնուհետեւ զյոյսն իւր 'ի մարդ » կանէ 'ի բաց մերժեալ, արտաքոյ մարմնոյ իբրեւ » ընդ իմանալիսն լինելով՝ զհակառակորդաւն 'ի բաց թողցեալ՝ սատանայիւ » : Ամբողջ ջրջան

մ'արևու այս յետին միայնութեան մէջ թաղուել  
լով, ընկղմելով յաստուածային մտածութիւնս՝  
բոլորովին թեթևցաւ սիրտն. գրեթէ նուաղեալ  
մարմինն՝ հազիւ կրնար վարագուրել եռանդուն  
հոգի մը, որ անկէ գուրս վազել, թռչիլ վերա-  
նալ կ'ուզէր, և շուտ կ'ուզէր: Զորս տարի էր որ  
այսպէս մարմնով անհանդիստ և վշտակիր՝ հոգ-  
ւոյն հանգիստը կու փնտրուէր. պէտք էր որ փռւ-  
թայ հոն՝ ուր կու յուսար կատարեալ հանգչիլ:

## ԺԲ

Լսեր էր որ իր Ծանօթ Օմար ամիրապետին՝  
յաջորդելով Նզիտ Բ չորս հինգ տարի միայն, թէ-  
պէտ և ատեցող քրիստոնէից, բայց նախ խոզից  
դէմ կռուելով շատ ատեն չէր ունեցած զմար-  
դիկ ջարդելու. իսկ անոր յաջորդն Հէշամ զոր  
Հէշմ և Շամ կոչեն մեր պատմիչք (725-743), ար-  
դէն հրաման տուեր էր խստանալ քրիստոնէից  
վրայ, և փնտրուել զՎահան. և եթէ ինչուան այն  
ատեն (15 տարի մը՝ Իսմասկոսէն գալէն 'ի վեր)  
չգտան զինքը, սակայն օր մը կրնային դառնել, և  
թերևս իրեն մօտ եղած անպարտ անձանց այլ  
փաստ հասցընել. և եթէ դեռ անոնց աչքն կա-  
պուելու այլ ըլլար, սակայն իր աչքն շատոնց բա-  
ցուեր սրացեր էին երկնից տեսութեամբ. անկէ  
ետեւ ապրիլն՝ ձանձրալի էր իրեն. փափագելի՝  
մարտիրոսական մահն: Հաստատեց 'ի միտքն՝ որ  
ինքնին երթայ յայտնէ զինքը Հադարսցւոց. և  
թէպէտ ոմանք իմանալով՝ կու ջանային յետ կե-  
ցընել, բայց ոմանք այլ դէմ չէին կենար, այլ և  
քաջալերէին հաստատ կենալու իր մտացը վրայ:  
Կ'երևի թէ ամիրապետին տեղ նախ ուզեց ա-  
նոր Հայաստանի մէջ տեղակալը փորձել, որ հոն  
կու նստէր 'ի Դուին մայրաքաղաքի. գնաց անոր,

անվախ համարձակութեամբ ըսաւ. ես եմ Վահան: Այն ատենի Հայոց ոստիկանն էր Մրուան, (որ յետոյ եղև վերջին ամիրապետ Իւսմիատեան տոհմին), Արզլագիզի պէս խոհական և բարեխառն մարդ մը, որ նորէն Հայոց խաղաղութիւն տուեր և իրենց միջէն վերակացու դրեր էր զԱշոտ պատրիկ Բագրատունի. չուզէց արդար մարդու մը անպարտ արեան մտնել, այլ անշուշտ լռելեայն հեռացուց իրմէ զՎահան: Իսկ սա այն ատեն սահմանեց որ երթայ ինչուան 'ի Դամասկոս, և ուր որ տարագիր կենաց դժբաղդ գիւպուածն սկսեր էր՝ հոն լմընցընէ փառօք: Անկէ ետև միայն ճամբու յարմար առթի կու սպասէր, և անոր վախճանին յաջողութեան օգնական կ'ուզէր արժանաւոր անձանց աղօթքը և օրհնութիւնը. և այս պատճառաւ ելաւ վերջին անգամ մ'այլցելութեան իր սիրելի վանքերուն և ուխտերուն:

Իր գտուած Այրարատ գաւառին սահմանակից է Գեղաբունի գաւառն Սիւնեաց, Սեւանայ ծովուն հարաւակողմը, ուր այն ատեն ուրիշներէն աւելի կու հռչակուէր Մաքենեայ վանքն՝ իր ասրաղգեստ ճգնաւօրներովն, և ևս առաւել երկու Սողոմոններով. որոց մէկն առաջնորդն էր, երկրորդն սրբակաց վարդապետ մը, զոր Հաբանց հայր կոչէին՝ աւելի պատուոյ համար. և որ մեր դպրութեան և եկեղեցւոյ յիշատակ թողուց շատ պատուական գիրք մը, Տնայանը, շարագրելով զվարս սրբոց վկայից, որոց քիչ ատենէն դասակից պիտի ըլլար և Վահան: Հայրական գլծով և գորովով ընդունեց սա զպանդուխտն. և 'ի մեծ տօնի Խաչին՝ ամենայն հոգևոր մխիթարութեամբ լցուց և լիացուց. և երբ անկէ երթալու ելաւ՝<sup>1</sup>

<sup>1</sup> Սրբոյս վկայաբանութեանց ձէջ ոմանք առաջ 'ի Յովհաննաովանո, յետոյ 'ի Մաքենիս դնաց, կ'ըսեն, ոմանք այլ ընդ հակառակն:

իրեն ճամբու զգեստէ և թռչակէ զտո՝ մխիթարական բան մ'այլ գրեց տուաւ, որ երբեմն երբեմն կարգալով աւելի քաջալերուի:

Այս Մաքենեաց վանքին քովէն գետակ մը կ'անցնի և կու թափի 'ի Ծովն Սևանայ. աղբիւրն այլ քանի մը ժամ հեռու է 'ի հարաւակողմն՝ այն լեռանց մէջը, որ անջրպետ են Գեղամայ երկրին և Վայոց ձորոյ. — ուրեմն կէս օր մը դար վեր ելնելով և կէս օր մ'այլ դար վար իջնելով՝ Վահան կրնար հասնիլ այն Սիւնեաց գլխաւոր գաւառին կենդրոնը, ուր քանի մը տարի առաջ թողեր էր իր սրտին վրայ տիրացող անձ մը, իր կինը: — Յանդգնեցա՛ւ արդեօք փորձիչն՝ այն մաշած և մաշկակապած՝ բայց դեռ 30ամեայ սիրտը դրգել, որ վազելով Վայոց լեռներէն, մէկ անգամ մ'այլ յաւիտենականութեան համար՝ կրկնէ յետին մընաս բարովը՝ անոր, որու հետ եկեղեցին անգամ լծեր էր իր երկրաւոր կեանքը: — Գուցէ նայեցաւ Վահան մէկ մը այն լեռանց վրայ, գուցէ և լուռ հառաչանք մը իր մէջ հնչեց. սակայն աչքը և ճամբան դարձուց յարեմուտք. և աւելի փախչելով՝ քան քալելով՝ դարձեալ վանքէ վանք անցաւ: Բաց յայլոց՝ կենալով քիչ մ'այլ 'ի վանքն Թեղէնիս, որ Երևանու մօտերն է, և Մաքենեաց պէս նշանաւոր էր իր վանականաց վարքով և կարգով: Անկէ այլ անցաւ գնաց իր առաջին և սիրելի օթեանը, 'ի Յովհաննավանս Արագածոտան, որոյ հայրն Յովհան՝ մեծ սիրով և կարօտով նորէն ընդունեցաւ իր աշակերտացեալ և զարմանալի մտերիմը. և լսելով անոր առաջադրութիւնը՝ յորդորեց հաստատութեամբ կատարելու. ինչուան կու փափագէր ինքնին անձամբ անոր ընկերակցելու այլ, եթէ իր առաջնորդութեան պաշտօնն արդեւք չըլլար. բայց իր տեղ անոր ընկեր դրաւ երիտասարդ և զգաստ եղբայրներէն մէկը, որ

չորս տարի Վահանայ ուղեկից ըլլալով՝ անոր ամեն պատահարաց տեղեակ և տեսող եղաւ, և կու պատմէր բաց յայլոց, որ իրեք անգամ երկնաւոր այցելութիւն կամ տեսիլք եղաւ սրբոյն ինքն և ուրիշներն՝ միայն լոյսը տեսան, բայց Պօղոս առաքելոյ ուղեկցաց պէս՝ ձայները չսեցին կամ չհասկացան. սակայն կարծէին որ Քրիստոս կ'երևէր և կ'ըսէր իր ընտելոյն, «Մի գանգաւ» ղեր, զի ես ընդ քեզ եմ, և անյաղթելի առնեմ» ղքո բանդ»։ Նոյն իսկ Յոհաննա վանուց մէջ այսպիսի այցելութիւն մ'ունեցաւ Վահան. և եւնելուն ատեն՝ հայրն Յոհան այլ Սողոմոնի պէս տուաւ իրեն պէտք եղած զգեստ, թռչակ և ձի։ Նոյն ընդունելութիւնը գտաւ Վահան նաև ուրիշ վանորէից մէջ, մանաւանդ յիշատակելոց ամենէն ետքինին մէջ, որ է Երաշխատօր (Հիմա Ստեփանօր) ըստած վանքն յԱրծկէ, Վանայ ծովուն արևմտեան հիւսիսային ծայրը, Սիփան (Մասեաց) լեռան ստորոտը. որոյ հայրն կամ առաջնորդն էր Արտաւազդ, բարեսէր հիւրասէր անձ մը, որոյ համար և Աբրահամ կոչուէր։ Սա իմանալով թէ Վահան է եկողն, բոլոր եղբայրներով դիմացն ելաւ ընդունեցաւ, և իրեք օր պահեց պատուեց սփոփեց զնա. լսեց մանրամասնաբար անոր գիպուածները և գիտաւորութիւնը. ինքն այլ քաջալերեց, և թռչակը նորոգելով, առաջնորդ եղբայր մ'այլ տուաւ, որ ինչուան ուր որ ուղէ՝ հետը տանի. արձըկեց զնա մեծ սիրով, և մեծ այլ յուսով՝ քիչ ատենէն Քրիստոսի եկեղեցւոյն փառաւոր յաղթող վկայ մը ճանչնալու և ճանչցընելու զնա. ինչպէս որ ըրաւ այլ։



## ԺԳ

Անկէ ետե Վահան դարձուց ձին դէպ 'ի հա-  
րաւ, տղայութեան ատեն գերութեան գացած  
ճամբէն՝ երթալու իր վախճանին: Նոյն օրերը՝  
Մրուան ոստիկանն՝ Աշոտոյ պատրկի օգնութիւն  
Խազրաց յաղթելով 'ի Դարբանտ՝ շատ աւարով  
դարձեր էր յԱղուանա, և անկէ աւարին և հե-  
ծելագորաց մէկ մասը կու դարձնէր առ ամիրա-  
պետն: Ասոնց հետ խառնուեցաւ Վահան. ճամ-  
բան քիչ քիչ իմացուց անոնց իր ինչ մաքի վրայ  
ըլլալը. համարձակ կու խօսէր իր կրօնից վրայ և  
կու վիճէր անոնց հետ. որք ոչ այնչափ իր քրիս-  
տոնեական գիտութեանը վրայ կու զարմանային,  
որչափ իրենց մահմէտական դենն և զրոյցները  
տեղն 'ի տեղը գիտնալուն վրայ, և չէին կրնար  
դէմ դնել: Այսպէս կտրեցին այն երկայն և ան-  
ապատ ճամբան: — Ի՞նչ տարբեր մտածութիւնք  
էլեր էր Վահան այն ճամբէն՝ տեսնելու իր երկ-  
րին ընդարձակ աւերակները, և անոնց մէջ մէկ  
հատիկ բուսած կենդանի ծաղիկը, — իր քոյրը.  
— զոր հիմայ ուրիշ ծաղկան մը հետ թողլով իս-  
պառ՝ կու դառնար ամենազարմանալի և գերա-  
հրաշ սիրելոյ մը հետ արեամբ միաւորելու:...

Հասան յՈւռհայ, Հայոց և բովանդակ քրիս-  
տոնեայ Միքայէտաց նշանաւոր քաղաքը, նա-  
խահաւատ Թագաւորին Աբգարու մայրաքաղա-  
քը. որ յայտնի է քեզ, Հայկակ, Թէ ինչպէս ա-  
նոր օրերէն մինչև այս պատմութեանս ժամանակ  
և դեռ անկէ ետե այլ՝ քրիստոնէից անուանի ուխ-  
տատեղեաց մէկն էր, 'ի պատճառս հռչակեալ  
Դասպառաիին, փրկչական պատկերին: Ահա դար-

ձեռք Վահանայ տիրելի իջեման և հոգևոր զբօսարան մը. ուր ոչ միայն կեցաւ յերկրպագութիւն այն հրաշանկար պատկերին, այլ կ'երևի թէ և երկայնատեն կեցաւ. և ոչ պարզապէս աղօթիւք, այլ և նոր տեսլեամբ կամ յայտնութեամբ մը<sup>1</sup> քաջալերեցաւ իր առաջադրութեանը վրայ, միանգամայն անոր յաջողելուն: Նոր եռանդեամբ ճամբու ընկաւ, ուղղակի՝ ի հարաւ իջնելով:

Ուռհայէն քանի մ'օթեան վար ճամբան կուրերէ ի Խառան քաղաք անուանի. ուր, ինչպէս ի սկզբանն յիշեցի՝ վախճանեցաւ երանելի կաթողիկոսն Սահակ. որոյ յիշատակն անշուշտ գեռ կենդանի գտաւ Վահան: Բայց անկէ աւելի փնտրուեց ուրիշ իրեն մերձագոյն խոստովանողի և վկայի մը հասնգատարանը. իրմէ փափուկ մէկի մը, որոյ յիշատակն այլ արժան էր գանել և հռչակել տեղեկօրէն. և էր նա Շաւան, դուստր մեծ և խոհեմ իշխանին Վահանայ կամսարականի, քոյր Ներսիսի պատրկի, որ Սմբատայ հետ միարանելուն համար՝ կրակին տարին ուրիշ քանի մը իշխանաց հետ գերի բերուեցաւ, քոյրն այլ հետը. որ և հոս բանտին և բանտողաց բռնութեանն նեղուելով և հաւատքին վրայ հաստատուն կենալով՝ վկայօրէն վախճանեցաւ (706-7). և իր միւս եղբայրն Գագիկ՝ որ նորաչէն եկեղեցւոյ մը նաւակատիք կ'ընէր (ի Վարդանակերտ), երանելի քրոջը յիշատակն այլ մէկտեղ կատարեց: Հոս Վահան իր գերեկից Շուշանկան շիրմին վրայ այլ լալով՝ ելաւ հասաւ ի Ռակկա կամ ի կալինիկոն քաղաք, ուսկից կ'անցնի Եփրատ գետը. և անով դուրս ելաւ ի Միջագետաց և մըտաւ ի բուն սահմանս Արաբացւոց և հին Ասորւոց. և լսելով որ ամիրապետն Հեշամ չէ ի Դաւ-

<sup>1</sup> Յայտնաւորք:

մասկոս , այլ հոն մօտ Եփրատայ՝ ՚ի Ռուծափ քաղաք , իր ճամբորդութեան վախճանին հասաւ , թէ և ոչ շուտով նաև իր փափագանացը :

Աներկիւղ և եռանդուն քրիստոնեայ , միանգամայն և փափագող մարտիրոսութեան , զոր և յայանութեամբ այլ ստուգեր էր , ՚ի վերայ այսր ամենայնի մեծահաւատ և խոհեմ . չուզեց կերպով մը զԱստուած փորձել , կերպով մ'այլ անհաւատարիմ երևիլ անոնց՝ որ յետ Աստուծոյ իրաւունք ունէին իր սրտին վրայ . այնպիսի առաքինութիւն և սրտապընդութիւն մը ցըցուց՝ որոյ նման թերևս շատ դժար է գտնելն : Տասը տարի պատրաստուած և աչք առած էր վկայական մահը , անոր համար զաշխարհ ոտքի տակ դրած , և այնքան հարիւրաւոր մղոններով երկայն ճամբաներ կտրելով հասեր էր հանդիսին տեղը . ոչ կու վախէր , ոչ այլ կու յանդըգնէր . ոչ ետք կենար յասպարիզէն՝ որ ՚ի պսակէն այլ ետք չմնայ , և ոչ այլ ինքնայարձակ կու նետուէր : Թէ և գլխաւոր փափագն էր մարտիրոսութեամբ ելնել այս յաշխարհէս , զոր արդէն ուրացեր էր ճգնողական կենօք . բայց եթէ ամիրապետն հաւանելու ըլլար ( որ չէր յուսալի ) թողուլ զինքն ազատ իր քրիստոնէութեան մէջ , ինչպէս Սմար թողուց ուրիշ գերեալները , պիտի առնուր յանձն ապրելու ազատօրէն սուրբ հաւատովն՝ ինչպէս ուրիշ իշխանազունք հայրենեացը , և ոչ որ և է կերպով գորդուել զայլադէնս , և բռնի յափշտակել զպսակը : Այս է զարմանալի առաքինութիւն և հաւատարմութիւն Գողթնեաց իշխանին և Սիւնեաց փեսային . այս է Վահանայ կատարեալ իմաստութիւնն՝ երկնաւոր և երկրաւոր . զոր և ոչ ամեն լաւ անձինք կրցան և կրնան միացընել , այլ որոց պարգևեն աստուածային գերադոյն շնորհքն : Արժան և հարկաւոր է ճանաչելն զայս ՚ի Վահան , իր մեծ արժէքն լաւ այլ ճանաչելու համար :

Աւելի քիչ ժամանակի մէջ Այրարատայ լեռներէն մինչև Ասորեստանի անապատը և 'ի Ռուծափ հասաւ Վահան, քան այս քաղքիս դռնէն մինչև անոր արքունեաց դուռը: Քաղքէն դուրս աեղ մը իջեանեցաւ, իբրև թէ իր վերջին հանգիսին պատրաստուելու՝ զգաստութեամբ և հաեգարաութեամբ. չուզեց անկէ ետև քովը պահել իր ճամբու հաւատարիմ ընկերները, այն երիտասարդ եղբայրները՝ զոր հարքն Յովհաննավանից և Նրաշխաւորին՝ իրեն ուղեկից և օգնական տուելու էին. «Ահաւադիկ հոս իմ ճամբաս վերջացաւ, ըսաւ. սոսկէ ետև ուրիշ անկոխ և անթուշակ ճամբայ մ'ունիմ ընելու, զոր և մինակ պիտի կատարեմ. գուք դարձիք ձեր առաջնորդաց քով, և յանձնեցէք սուրբ միաբանից՝ որ աղօթեն երբեմն իրենց եղբայրացեալ Վահանայ համար. շուտով գնացէք, որ աղօթքնին հասնի ինծի յօգնութիւն»): Զանոնք արասունքով և համբուրով ճամբայ դրաւ, վերջին անգամ ետևնուն նայելով դէպ 'ի հիւսիս, դէպ 'ի հայրենիս, դէպ 'ի Հայս. ուսկից շարժուն ճամբու և ճամբորդի պէս կու տեսներ միայն Նիւրատայ իջուածքը. և երբ ասոր արմանց մօտ անհետացան տրամեալ վանականքն, Վահան այլ դարձաւ իր առանձնարանը, և սկսաւ իր մեծ գործը:

Քննեց իմացաւ թէ ո՞վ կայ յարքունիս 'ի Ռուծափ իր հին ճանչուոր մեծերէն, և ծածուկ իմաց տալով կանչեց: Նրբ անկարծ լուրը լսելով եկան, ուելի անկարծելի բան մը տեսան. իրենց Վահապը վեհակերպ վահանացեալ, թէ և իրենց աւելի օտար երևցաւ նա, քան բարեկամացն՝ Յոր: Կարծեցին թէ կամ խեղագարեր է, կամ բռնութեամբ այս խեղճ կերպարանքն աւեր է. և եթէ իր խօսքը իր կերպերը չյիշէին՝ չէին կրնար հաւտալ թէ այն արքայակերպ պաշտօնաւար.

ծառ պատանին՝ այս գծծակերպ նիհարացեալ մարդն է. և դեռ զարմանալով կուհարցունէին. « Զի այդպէս ես »: — Վահան շտկէ շիտակ իմացուց անոնց թէ Քրիստոսի հաւատոց և սիրոյն համար յանձն առեր է այս աղքատութիւնը և չարակրութիւնը: — Անոնք կամ չկրնալով կամ չուզելով հասկընալ, առաւել փաստ ու պատճառ մը կուսեպէին զայն նորէն մահմետական կրօնքին դառնալու, որ թէ այս աշխարհիս թէ այն աշխարհին մէջ կուխոստանար ընդունողացը՝ հեշտութիւն և փափկութիւն: Այն ատեն սուրբն քիչ մ'աւելի սաստիկ լսեցուց ճշմարտութեան քարոզութիւնը, և անոնց զաղփաղփուն փաստերը փլուց: Անոնք կէս ապշած կէս ամբօջած, և ոմանք իրենց կրօնքին վրայ գայթակղած, ինչպէս կ'ըսէ պատմիչն, մէկդի գացին, ոչ պաշապանելով և ոչ այլ դասապարտելով զնա:

Վահան սպասեց, և երբ տեսաւ որ անոնք կէս բարեկամութեամբ կէս անհոգութեամբ թողուցին զինքը և չիմացուցին ամիրապետին, գնաց իր ծերունի տաճկութեան վարպետին, որ և մեծ դարապետ էր տէրութեան. և իմացուց թէ ինչպէս անոր սովորեցուցած կրօնքը թողլով՝ իր ծնունդեան կրօնքը նորէն ընդուներ է, և կ'ուզէ որ ամիրապետն այլ գիտնայ զայս: Դպրապետն որչափ այլ զարմացաւ և ցաւեցաւ, դեռ սիրելով իր աննման աշկերտը՝ սկսաւ յանդիմանել և վախցընել ամիրապետին կողմանէ, որ փոխանակ առաջին շնորհացը՝ կրնար չարաչար մահուամբ սպաննել զնա: Բայց տեսնելով որ Վահանայ հաճելի և փափագելի են այս սպառնալիքս, սկսաւ անուշութեամբ աղաչել որ իր աղայութեան ատենին պէս նորէն իրեն ընկեր և օգնական ըլլայ, և իր վայելուչ հաղուստներովը զարգարուի: Եւ այնքան ծանրութեամբ ու նապելով աղաչեց և եր-

դուրնցուց զՎահան իր մտերմութեանը վրայ, որ բռնադատեց զսուրբը առնելու իրմէ 30 դահեկան: Առաւ նա ստակը՝ խոստմանը համար, բայց նոյն տուողին առջև բաժնեց աղքատաց. և ինքն իր առանձնութեան տեղը քաշուելով՝ բոլոր ձմեռը մէկ ճգնաւորական թեթեւ զգեստով և գրեթէ անկերակուր անցուց:

Նոր գարուն մ'այլ հասաւ. Վահան աւելի քան զքնութեան կեանքը՝ գերագոյն կենաց բաղձալով՝ երրորդ փորձ մ'այլ փորձեց՝ իմաց տալու ամիրապետին. և այս անգամ գնաց առ մեծ պաշտօնեայն ելիւմտի գանձուց և հարկաց տէրութեւ, և նոյն ազաչանքն ըրաւ: Արաքացուց արքունիքն այն ատեն բաւական կրթութեան հասեր և արժանաւոր անձինք ունէր, որք առանց կրօնամոլութեան կրնային լսել և տեսնել ուրիշ կրօնի հետեւողներ, և գթոյ ու բարեկամութեան օրէնքները հաւատարմութեամբ պահէին: Այսպիսի էր այս պաշտօնեայն այլ. խոժոռեցաւ Վահանայ ըսածին վրայ, և աւելի կ'ուզէր չլսած ըլլալ. մատնել զնա՝ վատութիւն կուսեպէր, լռել՝ իրեն խիլճ մը կարծէր. և իբր թէ Վահանէն աւելի ինքն իր գլխուն վրայ վախնալով՝ ստիպեց որ երթայ հեռանայ իրմէ, լռէ այդպիսի խօսքը, զոր գրեթէ ոչ ոք կու համարձակի ամիրապետին ըսելու. « զի մահաբեր է բանդ այդ. ինձ խռովու » թիւն, և քեզ՝ մահ. սուր՝ ի քո մարմինդ, մի » գուցէ և յայլոց զարթուցանիցես » . այսինքն, այդ խօսքդ մահաբեր սուր մ'է, որ ոչ միայն քու գլուխդ կու տանի, այլ կարելի է քու պատճառաւդ՝ ուրիշներուն այլ:

Վիպասանն՝ այս զարմանալի ընդդիմութիւնը կամ չմատնեն զՎահան՝ ուրիշ կերպով չիկրնար բացատրել, բայց սաստանայի խորամանկութեան տալով, որ ի խորհուրդ կու կսնչէ իր դէերը, և

իրենց շահաւոր կու գտնեն հեռացընելու զմահ 'ի Վահանայ, և ջանալու մոլորութեամբք և հեշտութեամբ տկարացընել զնա: Բայց ինչպէս որ ճշմարտութեան ատեցոյն և հայրն ստութեանց միշտ կոյր և կաղ է, այս փորձերով այլ աւելի խայտառակեցաւ. վասն զի Վահան թէ և փափագող՝ այլ ոչ այնքան մահուան փափագող էր, որքան ատեցող հեշտութեան և անբրիստոնեայ կրօնից. ուրեմն հակառակորդն հոգւոց ինքն իրեն դէմ կու ջանար և կու զրկուէր: Իսկ Վահան՝ օրինակաւ իմն իր Տիրոջ պէս իրեք անգամ յաղթելով փորձութեան չարին, որ 'ի ձեռն դպրապետին և արքունի խորհրդականաց՝ կ'առաջարկէր անոր զփափկութիւն կենաց, զհարստութիւն և զաշխարհական փառք ու պատիւ, չորրորդ փորձով մ'այլ խայտառակեց զնա՝ վերջապէս իր փափագած մահը յափշտակելով, թէ և զայս այլ ոչ անաշխատ:

Պաշտօնէից սիրտը շատ կիրթ և կակուղ գրտնելով Վահան, պէտք ունեցաւ խիստ և անգուլթ սրտի մը. բոլորովին հակառակն ընելով բնական բերմանց. և իրեն մէկ հատիկ յարմար պաշտօնեայ սեպեց զայն՝ յորմէ ամենայն զգայուն սիրտ սոսկայ և զզուի, երկաթէ և քարէ զանգեալ սրբտի տէր կարծելով զնա. — պաշտօնեայ մը՝ որ լոյս ատեն չերևիր, այլ գիշերահաւու պէս կու պահուրտի, և այն վայրկենին կ'երևի՝ երբ ուրիշի մը վերջին վայրկեան պիտի բերէ. կարծես թէ ամեն իր գուրս գալուն՝ ցրտագին սարսուռ մը կու զարնէ զինքը ճանչցողներուն, և գոնէ մէկ մը սառուցեալ գունատեալ անշնչացեալ կու մնայ, կամ կապուտակ մահուն մանեակը վիզը պլլուած, կամ մարմնոյն և գլխոյն կարևոր կամուրջը կոտրած... Դա է դժնիկ Դահիճն:

## ԺԻ

Իսկ Վահանայ փնտռած և ընտրածն ոչ թէ պարզ դահիճ, այլ և Դահճապետ էր, իրեն յարմար Քաբէլ անուամբ, որ ՚ի վարձ պնդասրտութեն և շատ անգամ պժգալի պաշտօնը վարելուն՝ հիմայ Հիմացուց (Հէմսի) իշխան գրուեր էր: Յետ երկար աղօթքով ինք զինքը Աստուծոյ յանձնելու, Վահան իր հաւատքը, կամքը և փափագը, միով բանիւ իր խնդիրը՝ աղերսագրի պէս գրելով վայելապէս արտաքցի ճարտարգրութեամբ, զոր ՚ի տղայուց լաւ վարժեր գիտէր, գնաց այս փշոտ պաշտօնէին. և առջիններուն պէս իմացուց միտքը, ու տուաւ խնդրագիրն այլ՝ որ ցուցնէ ամիրայպետին: — Քաբէլ՝ դժնդակ շարժուածքով մը աչքերը խողոռեց, պերկեշտքն ոլորեց. կարծես թէ քաղցած գայլու կամ բզրքառող յովազի պէս՝ արեան հոտ մ'առաւ, լեզուն հին սպանութեան համերը զգաց, և լափլփելով շրթանց մէջ, լաւ լաւ՝ ըսաւ. խնդրագիրը ծոցը դրաւ, փաթթոցը պնդեց, ակնարկեց Վահանայ որ հետը ճամբայ ընկնի: Եւ ահա հեզ ու անմռունչ գառին պէս քշելով կու տանէր առ մեծ խալիֆայն. իր ձախ ու ժանտ դէմքը անսողք և ճանջողք՝ սոսկալով ետ քաշուէին, բայց Վահանայ ազնիւ և ողորմ կերպարանքն՝ ոտուրնին կու կապէր:...

Տեսնուեցան Քաբէլ և Հէշամ. դահճապետն և ամիրայպետն. սա առաւ՝ կարդաց Վահանայ խնդիրը, և նախ գրոյն վայելութեանը և գրուածքին ու խօսից ճարտարութեանը վրայ զմայլեցաւ, և աւելի գառին քան գայլուն կողմը դարձաւ սիրտն. հրամեց որ առջևը բերեն զՎահան, որ այնքան երկայն ատեն և սարիով կու սպասէր այս կոչման: Ահաւոր բռնաւորին սիրտն չգիմա.



ցաւ այն անշուք զգեստուց և մաշեալ կերպարանաց մէջ տեսնել իր արքունեաց հին դիւանադրապիրը: Ինչո՞ւ, ըսաւ, այդպէս խեղճացեր ես, Վահագն: «Ուրեմն երկիրն Հայոց իջնոյ զքեզ յայդ»:  
— Ոչ իմ հայրենիքս, պատասխանեց Վահան, այլ իմ հարցս հաւասարն ճանչցուց ինծի իմ դերագոյն Տէրս, որ իր անբաւ մեծութենէն իջաւ այս խեղճութեան. որուն ես այլ իմ չափովս նշմանել ուզեցի: — Տեսա՞ր, կանչեց ամիրապետն, Հայաստանի սառնապատ սարերուն սառանաներն զքեզ խենդեցուցեր են: — Մանաւանդ թէ, ըսաւ Վահան՝ անվախ զուարթութեամբ մը, արդայութեանս առեն վրաս եկածներն այլ՝ հոն թութութեցի, մաքրուեցայ պայծառացայ:...

Անշուշտ Գարշի փուշերն անկուեցան այս խօսքերուս, և կ'ուզէր մէկէն լափել Վահանայ աբիւնը, եթէ քան զինքն երկայնամիտ և կակզաւիրաւ չըլլար Հէջամ, որ և նեղանալով և հայհոյելով, բայց դեռ ուղորմելով, Լուի ըսաւ, ո՞վ մոլորեալ և բարիատեաց, այդ խենդ խօսքերէդ, որ ձեր սատանաներն միտքդ մտուցեր են, և դարձիր քու առջի փառացդ և կրօնից: Հրաման տրւաւ, և մէկէն բերին Վահանայ՝ գունադոյն մատաքսեայ բանուած հագուստներ, և դիմացը թափեցին ոսկւոյ և արծաթի զարդուց գանձեր. «Ատոնց վրայ, աւելցուց ամիրապետն, պատրաստ են քեզի համար ընտիր ձիան և ուղասեր, ամեն տեսակ ըռզակ, ծառայք ու աղախնայք, և քեզի արժանաւոր իշխանութիւն մ'այլ, եթէ կ'ուզես հոս իմ քովս, և թէ ուզես հոն՝ քու հայրենի գաւառիդ մէջ. «Եւ իշխանութիւն քեզ՝ թէպէտ «աստ, թէպէտ 'ի Գողթան, զքո անկաւոր իշխանութիւնն»): Միայն թէ մեր պատգամաւորին պատուէրքը կատարէ, և վայելէ իր խոստացեալ բարիքը՝ թէ հոս թէ 'ի դրախտին: — Այսպիսի

խօսքով և գործով մը ամիրապետն գրեթէ մէկէն լմննցուց իր ըսելիք և ընելիքը: Հարկ էր որ Վահան այլ իր վերջին խօսքն ըսէ. և ըսաւ համարձակ՝ իբրեւ հասարակ մարդու մը. ըսաւ, թէ «Այգ գանձերդ և խոստմունքդ լաւ իսկ վկայ կ'ըլլան քու խորագիտութեանդ, որով շատերը խաբեր կս. բայց Աստուծով՝ ես ոչ պարգևներէդ և ոչ պատիժներէդ պիտի խաբուիմ. եթէ իրաւ ինծի բարիք ընել կ'ուզես, թող զիս ազատ՝ գիտցածս և ուզածս ընելու, և ընծայներդ ուրիշի պահէ. կ'ուզես առ և իմ հայրենի Գողթան իշխանութիւնս այլ, զոր թէ ոչ դու՝ ստուգիւ մահն քիչ ատենէն ինծմէ պիտի առնու, ինչպէս քեզմէ այլ քու իշխանութիւնդ... ապա թէ ասոր չես հաւանիր, կատարէ վըրաս սպառնալիքդ. ես պատրաստ եմ»):

Այլ խօսել չէր ըլլար. հրամեց ամիրապետն որ տանին զՎահան 'ի բանտ և ոտքը շղթայի անցընեն: Երբոր տարին՝ նա ուրախութեամբ փոխանակ մէկին՝ աղաչեց որ երկու ոտքն այլ գնեն 'ի կոճեղս. ասանկ այլ ուրիշ առիթներու մէջ՝ որչափ որ գիւրութիւն կրնար ըլլար 'ի բանտին, կամ բանտապետն կ'ուզէր շնորհել, նա կու մերժէր, և աւելի չարչարուիլը կ'ընտրէր. որոյ վրայ զարմանալով կ'ափշէին պահապանքն: Եւ երբ վերջին օրը Վահան շնորհակալ ըլլալով՝ կ'ըսէր բանտապետին, թէ ասկէ ետեւ պիտի ազատիս իմ վըրաս աշխատութենէդ, նա գրեթէ ամբնջալով և տրտմելով պատասխանեց, թէ ի՞նչ բանի վրայ կրնաս շնորհակալ ըլլալ՝ որ և ոչ մէկ շնորհ կամ գիւրութիւն մը յանձն առիր ինծմէ: Իսկ առաքինի վկայն՝ անոր գթասիրութիւնն այլ մեծ բարերարութիւն սեպելով՝ գարձեալ կ'ըսէր թէ ասոր համար վարձքդ կ'առնուս յԱստուծոյ, որովհետեւ անկարելի է որ ես հատուցանեմ:

Ութ օր մնաց 'ի բանառ. այն միջոցին Հէջամ արագընթաց ձիերով մարդ զրկեց 'ի Միջագետս՝ առ Մրուան ոստիկանն Հայոց, Վահանայ վրայ տեղեկութիւն առնելու թէ ինչ ըրած է 'ի Հայաստան. մէկայլ կողմանէ այլ ամեն օր գիտուն կուռաներ և գենպետներ կու խաւրէր 'ի բանտն, որ վիճեն և համոզեն և նորէն զՎահան ընեն Վահապ. իսկ անոնք շրթունքնին խածնելով յետ կուռ դառնային, և կու խոստովանէին՝ որ նա մեր գիտցածը մեզմէ աւելի գիտէ. իսկ իր քովէն ըսածը՝ խօսք չէ, սուր է, դէմ կենալ չըլլար. » Զէ » ումէք լսել բան, բայց սուր՝ որ զբանից մեր. » կանայ զխօսս » : Ամիրապետն չէր գիտեր նեղանայ թէ զարմանայ. և կ'ապսպրէր որ չըլլայ թէ ուրիշի այլ իմացընեն իրենց խաղթութիւնը : — Դարձան շուտով դեսպաններն և Մրուանայ պատասխանը բերին, որ ստուգեր էր հաւատարիմ անձերէ, թէ Վահան իրաւ մեծատոհմ իշխան մ'էր 'ի Հայս, միանգամայն խելացի և զգաստ մարդ մը. ոչ հիւանդ և ոչ խելագար, այլ իր հարէնիքէն ելեր եկեր էր, որ ամիրապետէն հաւանութիւն առնու կամ համարձակ իր հաւատքը պաշտելու և կամ անոր վրայ մեռնելու :

Այս բանս այլ աւելի հաստատեց Հէջմայ փորձը, և աւելի փափագեցաւ ապրեցընելու այնպիսի անձ մը՝ զոր Օմար հազիւ կրցեր էր քովէն հռացընել. և նորէն կանչելով զՎահան և աւելի կակըղցած սեպելով, հարցուց թէ միտքը փոխեց : Իսկ նա պատասխանեց, թէ ճմարտութիւն մէկ է, իր խօսքն այլ մէկ է : Եւ յետ երկար և կրկին կրկին փորձելու և ջանալու համոզել զնա ամեն կերպ զիջողութեամբ, տեսնելով որ Վահանայ ամեն մէկ պատասխանն իրեն յանդիմանութիւն և իրեններուն ամօթ կու բերէ, (որք և կու գոռաւրէին լսելու, և նշաններով կ'իմացընէին որ այլ

պէտք չէ ներել իրենց կրօնից նախատանաց) Հէշամ այլ երեսին գոյնը և խօսքերը փոխեց, մատնեց զՎահան արիւնհղակ դահճապետին ձեռքը: — Բայց ինչուան ետքն այլ չկարցաւ բոլորովին մարել գուլթը այնպիսի ընտիր և անպարտ դատապարտելոյ մը վրայէն... Ծածուկ բան մ'այլ ըսաւ սպանչին ականջէն:...

## ԺԵ

Ոչ այնչափ մեծ Եւրախութեամբ ելեր էր Վահան Սմարայ առջևէն դիմելու 'ի Գողթն և 'ի հայրենիսն, որչափ Հէշմայ ատենէն ելաւ դիմելու 'ի բուն հայրենիս հողւոյն և յանկորուստ իշխանութիւն: Որչափ այլ ամիրապետին բռնած կերպն կրնար դեռ մահուընէ ազատելու յոյս մը տալ, ինքն իբր ապահով մարտիրոսութեանը վրայ՝ ութ օրեայ բանտարգելութեանը մէջ վերջին պատրաստութիւններն այլ տեսեր էր. որուն ջերմեռանդութիւնը լսելով Ռուծափայ Յակոբիկ եւրէյն՝ եկեր էր 'ի բանտը՝ բարեսիրութեամբ մխիթարելու զնա, և յորդորելու եկեղեցւոյ սուրբ խորհուրդներն ընդունելու, որոց շատ փափագէր սուրբն այլ սակայն տարակուսելով երիցուն հաւատոց դաւանութեանը վրայ ամենազգաստ վրկայն՝ ըսեր էր. « Իմ արեամբս մկրտեցայց, վեր» ջին բաժակաւս ելից յաշխարհէս »: Բանտին վերջի օրն այլ մեծախորհուրդ օրհնեալ օրն էր, այսինքն Մաղկազարդի օրն. յորում ինքն այլ սիրով և փառաբանութեամբ յուղարկէր զտէրն յԵրուսաղէմ, « ընդ տղայսն օրհնաբանելով » և ընդ ծերսն « բարեբանելով զանմահ Թագաւորն », լուսածաղիկ ձիթենեօք սիրոյ և պսակափայլ արմուէնեօք հաւատոց. և փափապէր որ Տէրն այլ զինքը մացընէ իր երկնաւոր արքունիքը: Եւ ահա

Իբրև չուտ մը խնդրանացը հասնելով՝ կ'երթար զուարթութեամբ իր ցաւոց ճամբան. կ'ենէր իր Փրկչին նման՝ (Ռուծափ) քաղքէն գուրս, փոխանակ իր գինաւէտ Գողթան՝ գտնելու զարիւնակալ Փողզութայն. և երթալուն ատեն՝ Առքեղ, Տէր, համբարձի զաչս իմ, սաղմոսը և անոր նմանները՝ բարձրաձայն կ'ըսէր, մինչքեռ դահիճքն քովէն կ'երթային խաչահանուաց և աւազակաց պէս, և Ռուծափայ մէջ գտուած քրիստոնէից բազմութիւնն՝ ետեւէն և հեռուէն. միայն լալերնուն և վայերնուն ձայնն կու հասնէր խառնուէր սրբոյն աղօթից հետ։ Նա աւելի ուրախութեամբ և համարձակ սկսաւ գոհանալ և օրհնել զԱստուած՝ երբոր հասաւ վկայութեան տեղը, երբոր վերջին երկրաւոր քայլն այլ առաւ. և արդէն մարմինն իբր իր յետին հանգիստը գտնելով՝ դագրեցաւ առաջ երթալէն։

Իսկ դահճապետն որ անդադար մըմուտով մէկ մը կու սպառնար, մէկ մը կու յորդորէր զնա յուրացութիւն, ըստ պատուիրանին Հէշմայ, հոս այլ աւելի հարկու կերպով, միանգամայն և յուսակտուր սուրը երեցընելով՝ ըսաւ. Որովհետեւ մօտիկ չըրիր յորդորանացս, ես այլ ամիրապետին հրամանը պիտի կատարեմ։ — Ուրեմն ինչուան հիմայ անոր հրամանին դէմ կ'ընէիր, պատասխանեց սուրբն. Իսկ ես իմ երկնաւոր Թագաւորիս պատուիրանաց վրայ անփոփոխ և հաստատ եմ։ — Սակայն հոս դահճապետն այլ իր խալիֆային հրամանը կու կատարէր, գուցէ չուզելով այլ, բայց վախնալով անկէ. որուն ծածուկ պատուիրածն այլ հոս կատարեց... Ծայրէ՛ի ծայր սուրը փայլեցընելով և գարձընելով իջուց քսեց սահեցուց ծոծրակին վրայ, և նորէն փայլատակի պէս Վահանայ աչաց առջև բերաւ... և ահա ծարուած երկաթոյն շրթունքն կարմրցեր էին իր

քանի մը կաթիլ տրեամբն, և ուրիշ կաթիլներ այլ վզին վրայ մանեակ մը կու ձևացընէին... Գողթան գինին այնքան չէր անուշ եկած իր շրթանցն՝ ինչպէս այս ինքնաբուխ օշարակն, զոր իբրև նախընծայ նուէր մարտիրոսութեան կըրցաւ ինքնին մատուցանել Աստուծոյ, և իր օրով առաջ ըսածը կատարել. «վերջին բաժակաւ ե» լից յաշխարհէս»:... Ո՛վ սիրալի, այլ և սոսկալի բաժակ: —

Իսհապետն դարձեալ մէկ մը ամիրապետին պատուէրէն վախնալով, մէկ մ'այլ արեան ցայտմունքէն գլղուուելով, Տեսմոր, կանչեց. ուրեմն ի՞նչ կ'ուզես: — Վահան այլ կտրուկ կերպով ըսաւ. Կատարէ կամքդ. և լռեց: Եւ թէպէտ քանի մը բան այլ զրուցեց Քահիճն, ինքը պատասխան չտուաւ. ինչուան որ նա մէկ անգամ մ'այլ կրկնեց, թէ ահա վերջին վայրկեան մ'այլ քեզի, ո՛վ տառապեալ, ընտրէ զկեանք կամ զմահ: — «Ընտրեցի, կանչեց Վահան, ըզ» մահ՝ վասն Քրիստոսի, քան զկեանս անցաւոր»: — Ուրեմն երկնցուր վիզդ, պողաց յուսահատեալ դահապետն. և դարձեալ փայլատական երադութեամբ իր և որոյն պաշտօնը կատարելով, մէկէն գիւհարի պէս ցատքեց ելաւ գնաց:...

Աւագ երկուշաբաթի օրը՝ միջօրէէն քանի մը ժամ ետեւ (ժամն իննին, յորում և Յիսուս զհոգին աւանդեց) մարտի 18ին յամին 738, և իր ծաղկեալ առոյգ կենաց 36 տարւոյն մէջ՝ կատարուեր էր մեր Հայաստանեայց և ընդհանուր սուրբ եկեղեցւոյ մեծայաղթ և մեծափառ վկայից մեկուն հանգէսն. սքանչելի և պանծալի մարտիրոսութիւն Վահանայ Գողթնեաց իշխանի:...

Սոսկում և սարսուռ դեռ պատէր զմօտաւորս, որք էին ամիրապետին արքունիքէն եկած պատուաւոր մարդիկ. տեսան և վկայեցին որ Վահա

նայ արիւնն չէր տարածուեր չորս դի, այլ ամփռ  
փուկելով մէկտեղ կու ժողովէր. և բոլոր մարմինն  
լուսոյ մէջ ընկզմած կ'երևէր. Աստուած, Աս-  
տուած՝ կանչելով իրենց լեզուով, և զարմացքով  
յեա դարձան պատմելու ամիրապետին, որ չկըր-  
ցաւ չախրիլ. և ոչ ոք ուրիշ կիրք մ'ունեցաւ,  
բայց 'ի մեծահաւաս քրիստոնէից՝ 'ի պարծանա  
եկեղեցւոյ: Բոլոր գիշերը մարմինն հոն մնաց-  
չունք և գազանք հեռուէն պահապանի պէս կե-  
նային և զիրար վռնտէին. քրիստոնեայք փափա-  
գանօք և վախով արթուն սպասէին. երկրորդ օրն  
բոլոր քաղաքն և ալքունիք իբրև իրենց սիրելի  
անդրանիկը կորուսած տագնապէին. կամ կլի-  
մայն փոխուած անսովոր ցրտութիւն մը հասած  
կարծուէր, կայ՝ ամենքն այլ իրարու յանցաւոր  
և խղճահար կ'երևէին: Ինչուան որ ելաւ արքուն-  
նի ներքինապետն և մոնիետիկ կանչել տուաւ  
քաղքին մէջ՝ որ քրիստոնեայք առնուն թաղեն  
նահատակը. և երբ անոնք տարակուսէին թէ խա-  
բէութիւն չըլլայ՝ նորէն վստահացուց, թէ վե-  
րուցէք անվախ և ինչ կ'ուզէք՝ ըրէք:... Մէկէն  
հոն թափեցան բոլոր քրիստոնեայք, և իրարմէ  
խլելով յափշտակեցին առին բաժնեցին սրբոյն  
բոլոր արիւնը և տակի հողը, զգեստները, և ինչ  
որ անոր դպեր էր: Իսկ մարմնոյն ոչ ոք կու հա-  
մարձակէր գպչելու. գիտէին որ անոր տէր ելլող  
պիտի ըլլայ. իսկ հիմայ հոն Հայ չկար, այլ միայն  
Ասորի նեստորական կամ Յակոբիկ, և Յոյն. ա-  
պա խորհուրդ ըրին, հաւանեցան, վերուցին տա-  
րին թաղեցին Ստարաց գերեզմանատեղը, և շուտ  
մը քարեր տաշելով կանգնեցին վրան քառակու-  
սի կափարիչ մը. և իրարմէ զատուելով, բայց  
միշտ կասկածելով, գնացին տեղերնին:

Այլ չերկրնցընեմ խօսքս. Թէոփիլէ անուամբ  
Յոյն մը կար ամիրապետաց ծառայութեան մէջ,

և անոնցմէ Էպու Ստեֆան կոչուէր. չորս մարդով եկաւ հանեց մարմինը՝ տապանի մէջ դրաւ. տարաւ իր տունը. բայց նոյն գիշերը եպիսկոպոսի մը յայտնուեցաւ եղածն. և թէպէտ առջի բերան ձայն հանեցին թէ վաճառականք գողցեր և Պաալպէքի ճամբով ՚ի սուրբ երկիրո տարեր են, բայց սրբոյն մարմնոյն եղած տեղը, ինչպէս նաև նահատակութեան տեղն այլ՝ օրէ օր հրաշքներ և բժշկութիւններ ըլլալով՝ իմացուեցաւ եղածն. և ոտիպուեցան յայտնապէս մատուռ մը շինել վերայութեան տեղը. և դեռ չմընցած՝ ձեռք զարկին մեծ և փառաւոր եկեղեցի մ'այլ շինելու. բայց մարմինը մատրան մէջ հանգուցին, և կու պատուէին համարձակ և հաւասար Ս. Սարգսի (ընկերին Բաքոսի), որոյ արգէն հին վկայարան և ուխտատեղի մը կար հոն, և անոր պատճառաւ Սեբեդա-գուտայ յալ կ'ըսուէր Ռուծագի:

## ԺԶ

Ս. Վահանայ նահատակութենէն եօթն տարի ետե՝ եկաւ իր վերջին հիւրընկալ մտերիմ և վանահայրն, Արտաւազգ. քանի մը միաբանով. ընկաւ, լացաւ համբուրեց իր յուսադրեալ սրբոյն գերեզմանը. բոլոր լսող և տեսող վկայները փնաբռեց, հարցուց անոր նահատակութեանը վրայ. ևս առաւել տեղեկացաւ Թէոփիլէէն, որ և յունարէն գրեց տուաւ իր գիտցածը. զոր ՚ի գարձին՝ հայրն Արտաւազգ Ուսհայի եպիսկոպոսին ձեռքով հայերէն թարգմանել տուաւ: Յետոյ դառնալով իր տեղը՝ յաջորդ տարին (746) ձեռք զարկաւ և գեղեցիկ և երկար ոճով գրեց Վահանայ վկայարանութիւնը, այրած սրտով մը ողբի պէս սկսանելով, և կրակի տարւոյն գէպքը կրակէ տառերով շարելով. դեռ անկէ առջի դիպուած.



ներն այլ կարգաւ 'ի մէջ բերելով, որ ետեի եղածին պատճառն և սկիզբն աղէկ իմացով. և թողուց մեր պատմութեան և գալրութեան սրտառուչ և վայելուչ աւանգ մը, զոր 'ի յիշատակ Վահանայ թողուած կայծակներէն մէկն անուանեցի քեզ, Հայկակ, 'ի սկզբան խօսիցս. և որ՝ ինչպէս հաւանական է, գեռ շատ համառօտած հասած է մեր ձեռքը. և թէպէտ հին ճառընարաց մէջ այլ երկու տեսակ<sup>1</sup> գտած եմք, մէկն քան զմէկայլն կիսով չափ մ'երկայն, մանրամասն և տոուգագոյն. բայց ինձ թուի թէ սկզբնագիրն աւելի երկարապատում էր : ճառընտիրք միայն Վահանայ վկայաբանութիւնը կ'ուզեն աւանդել մեզի, իրենց համար աւելորդ են առջի պատմածներն, այն՝ որոյ համար կ'ըսէ վիպասանն իւ վերջաբանին մէջ. « Սկսայ պատմագրել՝ սկիզբն առ » ներով ուստի արժանն էր. 'ի նոյն յարեւով ըզ » վկայութիւն արգոյն Վահանայ վկային » . և թէ մեզի հասած վկայաբանութեան սկիզբն այլ կան կրակին պատմութիւնն և ողբքն, բայց համառօտեալ. և երկու օրինակաց խօսքերն երբեմն իրարմէ տարբեր և մէկմէկու լրացուցիչ կ'երևին, միանգամայն աւելի մեծ լըութիւն մը գուշակել տան : Ի վերայ այսր ամենայնի՝ անգամ մ'այլ կրկնեմ քեզ, Հայկակ, որ այս Ուրիւ և Վիպաթանա-ի-ան՝ որոյ ընտիր ընտիր զրուցուածքը ջանացի խառնել իմ խօսիցս մէջ, մեր մատենագրութեան և հայրենի յիշատակաց ցանկալի և պանծալի հաա մ'է. և թերևս Խորենացոյ և Նղիշէի պատմութեանց վերջաբաններէն ետե ինչուանց Արտաւազդ՝ ոչ դք այնպիսի սրտառուչ գրուած մը թողեր և հասուցեր էր մեզի. գուցէ և ոչ դք

<sup>1</sup> Երկուքն այլ հրատարակուած է 'ի ԺԳ հատոր Սփերաց, տպագրեալ յամի 1854 'ի Ս. Ղազար :

անկէ ետեւ պլ: — Աւելորդ է ինծի հոս քննել կամ յերկարել այս գրուածոյս յարգը, որ թե՛րեւս ոչ մէկ ուրիշէ մը կրնայ նուազել կամ հակառակել կամ բաղդատել, բաց 'ի մէկ կարճիկ փոքրիկ գրուածէ մը 'ի նոյն ինքն 'ի Ս. Վահան, որ և խօսքիս սկզբան ակնարկած անոր երկու կայծակնափայլ յիշատակաց մէկայլն է. հինգ տուն շարականն Վահանայ Գողթնացոյն ցանկալի մնացուած նախնեաց, ծնունդ չքնաղ մտաց և սրտի. չքնաղագոյն ևս եղած աւանդութեամբն, որով պէտք է ես այլ այս երկարեալ հայրենաբանութիւնս աւարտեմ:

## ԺԵ

Անկարելի է ինչպէս քեզի և ինծի՝ այսպէս ամեն ազգայնոյ և զգայնոյ, Վահանայ վերջին տասն տարուան պանդրխտութիւնը և սրտակտուր մահը դիտելէն ետեւ, չդառնալ մէկ մ'այլ 'ի Գողթն և 'ի Սիւնիս, տեսնելու թէ ի՞նչ կ'ընեն ի՞նչ կ'ըլլան Խոսրովիդուխտ և Սիսակուհի բամբիշն Գողթան, քոյրն և ամուսինն Վահանայ: — Պատմութիւնն՝ կամ անկարող անոնց խոր և խառն սուգը բացատրելու, կամ անփոյթ՝ գլխաւոր հանդիսէն վերջը մասնաւոր տեսարան մը բանալու՝ կու լռէ բոլորովին, կարդացողին թողլով գուշակել՝ իր սրտին թելադրութեամբ: Եւ անհա մեր նախածանօթ աւանդութիւնն չի թողուր այսքան ողբերգելի և աննման վկայի մը (Վահանայ Գողթնացոյն) յիշատակը՝ սովորական լուութեան մէջ թաղել. և դիմացնիս կու ցոլացընէ այդ վերջի յիշած կայծակս (չարականը). որ ոչ Աբրահամեանն Արտաւազդայ, ոչ Յովհանու և ոչ հարանց հօր Սողոմոնի գրչէն ճայթած է, այլ ինքնալայտ է որ տարբեր սրտի և տարբեր սեւի ար-

աագրութիւն մ'է, որուն ոչ նմանն ունիմք և ոչ նմանցընողը. Հայ Պինդար մը չէ ասոր երգիչն, այլ Հայկուհի Սապփոյ մը, որ և կրնայ այս հելլենուհւոյս հետ մրցիլ, և սրբազան զգացմամբն յաղթել անոր հասարակ զգացմանցը. արգէն իսկ յաղթանակած է անոր և նմանեացը՝ երբ ըսեր է. « Արտաքնոցն զգաստքն՝ ստեղծիչ բանք սնո-  
 » տեացն 'ի պատրուութիւն. իսկ Կոյժ «Իրայնոյ՝ աս-  
 » տուածարեալ և ոգեշահ. ո՞վ երանելի Տէր Վա-  
 » հան »: Այս ոճով հինգ կարճ տուն բանի մէջ՝ սրբասէր սրտի և հոգւոյ սաստկագոյն կիրքը հաւասար կու բացատրէ, առանց մէկը մէկայլին արգելք ընելու:

Հոս արգարե Գողթան գաղտնի և նուաղեալ բամբիւն՝ իբրեւ իր զմայլեցուցիչ գինւոյն երկար թմբրութիւնը թօթափելով՝ կու մրցի և կու խառնուի Սիովիի աստուածերգակ քնարին հետ, և ասով՝ իր հնացեալ և մահալըլուկ ձայնը անմահ կու թողու յառագաստի Հայ եկեղեցւոյ: Եւ ինչպէս 'ի հնումն Կարմիր ծովուն հրաշալի անցքը հրաշափառապէս նկարագրող երգը, թէ և 'ի Մովսիսէ արտագրեալ, բայց իր քոյրն՝ Թըմբկուհին Մարիամ էր՝ որ կուսանաց և կանանց պարագլուխ եղած՝ կրկնելով և կրկնեցելով անլըռելի ըրաւ, և հասուց ինչուան մեր սուրբ տաճարաց, « Օրհնեսցուք զՏէր, զի փառօք է փառ-  
 » ռաւորեալ. զերիվարս և զհեծեալս ընկէց 'ի  
 » ծով »: այսպէս և հոս Հայկուհի մը և քոյր մը, աւելի սրտահար քան թմբկահար և բամբուհար, Գողթնացւոյն մեծ՝ և արժանալուր գիպուածը յաւերժայիշատակ ըրաւ. առաւելեալ քան զՄարիամն այն, վասն զի մերս ինքնին էր երգոյն հեղինակ: — Այս պարառաջս մերադնեայ կուսանաց և կանանց, անհամեմատ երգիչս Հայկուհի, որոյ 1100 և աւելի ամաց հնութիւնն՝

կ'աւելցընէ իր վրայ յաւերժահարանեայ շնորհք մ'այլ, եթէ չտեսաւ Կարմիր և կծու ծովու մը պատառուածք, և անոր մշտաթաց ճամբէն՝ ցամաք և հետևակ անցք 600,000 մարդկան և այլ աւելի բազմութեան կանանց և մանկանց, և ոչ անոնց ետէն սպառազէն գնդից և գերանդազէն կառաց խառն՝ ի խուռն հրոսակ մը, որ յանկարծ՝ նորէն իր բիւրեղէն պարիսպները փլցընելով փրկփրացեալ ծովուն ալեաց մէջ ծփեցան և ծածկեցան, և պատառ պատառ նորէն կարկըտած հաւասարած ջրոց երեսը ցրուեցան. — եթէ այսպիսի ծովու անցք մը չտեսաւ կ'ըսեմ՝ մեր Հայկուհի գերագոյն գուսանն, սակայն տեսաւ ի տղայութեանն՝ Նախճաւանի և Հրամի հրեղէն և օգային տլիքն և համաշխարհական սգոյ արտասուաց ծովը, և անոնց միջէն մէկ մը ճողոպրած, իրեն Սիւրայինը, Վահան Գողթնեաց իշխեցողը. մէկ մը զնոյն իր հայրենի տիրական գահուն վրայ բարձրացեալ փառօք, մէկ մ'այլ ի խորս անապատից և մենաստանաց ճգնաւորեալ ապաշխարութեան ողբովք, և յետոյ ինքնակամ նահատակութեամբ թաթաւեալ արեանը մէջ. — արիւն մը, որոյ համատարր վտակն էր զինքն իսկ (զերգիչն այլ) կենդանացնողն. — հարազատ արիւն մը՝ մէկ աղբերէ յերկուս բաժանեալ, յեղեայրն՝ ի վկայն Վահան, և ի Կոյրն՝ ի վկայերգակն Թաւր-Վրդաթա : Սա ինքն է աւանդութեամբ վկայեալ և սրբազանեալ երգուհիս մեր. զոր թէ և նա (աւանդութիւնն) լռէր՝ հարկ էր մեզի կարծել՝ կամ Վահանայ անտարակոյս սիրողը, այսինքն, իրեն հարսնացեալ Սիւնեաց օրիորդը, և կամ անոնց երկուքին ժամանակակից և վկայուած մեծանուն Հայ երգուհի մ'այլ, որ քեզ այլ, Հայկակ, անծանօթ չէ, Սահադադաթան այն՝ քոյր Ստեփանոսի Սիւնեցոյ, (որոյ եղբրական վախճանն, ինչպէս որ քեզ պատ-

մեր եմ<sup>1</sup>, եղաւ Վահանայ ճգնութեանց տարի-  
ներուն մէջ։)

Արդ այս Վահանայ «Իրային նրբազգած մեղա-  
մաղձիկ մեղրամաղձիկ երգուհիս էր՝ որ անոր ա-  
մեն գիպուածներէն և գործերէն աւելի՝ կու զմայ-  
լէր կու զգար անոր բռնած զարմանալի ճգնող և  
ապաշխարող վարուցը վրայ։ Ինքն որ թուի թէ  
'ի բնուստ և յարուեստէ վարժած՝ սիրէր զերգս  
և զերաժիշտս, անոնց ամեն նուագներէն աւելի  
զարմանալի և խորազգու կու գտնէր Վահանայ  
ողբերն ու հաւաչանքը. (« Զարմանալի է ինձ քան  
) զերգս երաժշտականաց ձայնս՝ ողբոց քոց հրնչ-  
մունք »)։ Եւ անոր համար աւելի զարմանալի էր՝  
որ երբ ուրիշ ողբական երգ կամ նուագ լսէր՝ ի-  
րեն այլ ողբերգութեան յորդոր կու գար. իսկ  
երբ Վահանայ ողբերը լսէր՝ սթոնն անդին մինչև  
'ի հոգին կ'անցնէին. անակնկալ կիրք մը կ'ազգէին,  
նորօրինակ ուրախութիւն մը, որ զինքը կու շար-  
ժէր երգախառն հրճուանօք երգելու. (« Առաւել  
) յորդորէ այս զհոգւոյս մասունս, յօրինել քեզ  
) երգս ոչ զըջականս, այլ հոգևորս և ուրախա-  
) ըարս, յորդորականս և ներբողեանս »)։ — Շատ  
գաւելի և գեղեցիկ յատկութիւններ տեսեր էր  
Վահանայ վրայ, շատ ձիրք, շատ վայելչութիւն,  
մեծոգիութիւն և արիութիւն, բայց անոր ըրած  
ճգնութիւնքն իր ծաղկեալ հասակին մէջ, և ա-  
մենևին ազատ, կրնամ ըսել թէ և անպարտ ճրգ-  
նութիւնք՝ որ զճգնաւորս կ'ապշեցընէին, բոլոր  
մարդուս բնութեան անգամ զարմանք և զարհու-  
րանք բերէին. իսկ անանկ պայազատ և բաղդա-  
յաջող մարդու մը՝ նա և բնութենէ վեր կ'երևէին.  
(« Զարհուրեցուցանէ քո ճգնութիւնդ զմարմնոյս  
) բնութիւնս. իսկ դու՝ առաւել գտար »)։ — Զա-

<sup>1</sup> Տես Ա. հատոր, 270 :

սոնք (Վահանայ ձիւքերը և գործերը) անանելով, եթէ առջի բերան կու զարհուրէր երգուհին, ապա հիանայր, զմայլէր, և յիշէր. բայց սիրէր սովորական սիրոյ վեր սիրով մը. կրնար ինքն այլ իր հին հայրենի գուսանաց նման փորձ մը փորձել, քիչ մը ճնշելով իր գինաւէտ Գողթան ըմբերանեալ բամբիւր՝ վառվռուն երևակայութեամբ և այլաբանութեամբ վիպասանել իր վեհազն սիրելին: Սակայն հոս բոլոր արտաքին բանաստեղծից արուեստք և հնարք՝ սնոտի և սուտ, անօգուտ և անպիտան կ'երևէին նկատմամբ Վահանայ առաքինի գործոց և իր (երգչին) զգացմանցը. «Այլ» տաքնոցն զգաստքն՝ ստեղծիչ բանք սնոտեացն՝ » ի պատրուածին », և այլն: — Անոնց գովասանած մեծագոյն գործերն շատ հեղ ինչ են, բայց եթէ դիւցազն ըստւած յանդուգն և ուժով (և երբեմն մոլի) մարդու մը ըմբշամարտութիւն. կամ յափշտակութիւն կնոջ մը կամ քաղաքի մը. կամ մեծաբանակ պատերազմի մը յաղթութիւն, որ գաշտին մէջ անբաւ արիւն թափել կու տայ, ընտանեաց մէջ՝ աւելի շատ արասունք այրիացելոց և որբացելոց. իսկ դու մեր սրբազան դիւցազն, դու ոչ այնպէս. այլ « Որպէս զքաջ նա » հատակ պտտրաստեալ ի պատերազմ, կատար » ընցեր զընթացս քո արիաբար, յաղագսն Հարա » լայնոյ. դասաւորեալ ընդ անմարմնականսն, ով » երանելի աէր Վահան, Գողթնեացն իշխեցող » :

Երգոյն այս ետքի տունն, որ զհոգի վեհազնն դասաւորէ ընդ անմարմնականս, լռելու ատենը՝ կու յայտնէ անոր դասն այլ ի մէջ մարմնեղինացս: Առաջին տանց վերջը՝ միշտ կրկնելով «Վ երանելի քէր Վահան, մէկ մէկ մակդիր կ'ընծայէ, կարգաւ բարձրացընելով կամ զատելով անոր աստիճանը. նախ՝ Ընդհանր, Աստուծոյ, իբրև կու » ի նշանաւոր կեանս և ի գործ. ապա՝ Մա-

այս Բրիտանի, եռանդուն հաւատարմութեանն համար 'ի հաւատսն Բրիտանի. յետոյ՝ Սիբոլ Բրիտանի, մասնաւոր ջանքով և բոլորովիմբ նշխիրմանն համար 'ի խաչակցութիւն Փրկչին. ետքը՝ Ընաբէալ յապապոյ, իմացընելով անոր բարձր ցեղը՝ նաև 'ի մէջ ազնուաց երկրի, որոյ փառքն և փափկութիւնն արհամարհեց վասն սիրոյն Բրիտանի. իսկ հուսկ յետոյ անոր սեփական պայազատութիւն այլ նշանակելով, Գողթնեայն իշխեցող: Իսկ այդ հայրենի գաւառին և տոհմին անուան ծայրը անսովոր ոռոգով և գրեթէ ներշնչմամբ մ'աւելցընելով՝ Ն տառ մը, կարծես թէ մէկ կողմէն իր գեղեցիկ հայկական (Վահան) անունէն կողոպտածին և տաճկացեալ Վահապին վրէժը կու խնդրէ, մէկ այլ կողմէն այլ գրեթէ անբացատրելի վսեմութիւն մը՝ ոյժ մը աւելցընելով՝ արթընցընել կու տայ 'ի հայրենասէր սիրտս՝ զբոլոր հինաւուրց յիշատակս գինաւէտ, երգաւէտ և քաջաւէտ Գողթան: —

Եւ այսպէս, եթէ Հօր Արտաւազդայ մը գրած Վայաբանութիւնն բաւական էր մեզի սիրելի և պաշտելի ընելու զՎահան Գողթնացի, իր Շաբախն անհամեմատ առաւելութեամբ մ'այլ սիրալի և պարծելի կ'ընէ թէ զերգեալն և թէ զերգիչն: . . .

Այսպիսի մէկ մը և ասոր նման մ'ունենալով՝ կրնաս և դու, ով մթացեալ Հայաստան, հաւրենիք իմ, կրնաս և դու չամաչել և չնախանձիլ ո՞ր և է ազգի դիմաց. կրնաս յայսմ մասին և գերափառ Յունաստանի մը հետ մրցիլ. և կրնաս թողուլ՝ որ անոր համբաւեալ տասներորդ մուղայն<sup>1</sup> իր ծղեբոյն ծղկեք խածնելով՝ երթայ գահավիժի Լևկադեան դարերէն վար, երբ յերևան ելնեն 'ի սարակս Սիւնեաց՝ մեր յիսուսոգի մուղայքն՝ Սահա-

<sup>1</sup> Այսպէս կ'անուանէր Պղատոն զՍապփոյ:

կադուխք և Խոսրովիդուխք: — Ասոր հրաշահիւս շարականովը՝ կրնաս գու ալլափառաւորապէս քու հնապանծ երգերուդ վրայ դադրիլ և լռել, ո՞վ պանծալի բամբիւն Գողթան: Ասիկայ բաւական է՝ քեզի անլռելի արձագանգ մ'ըլլալու, մեզի՝ մշտնջենաւոր մխիթարանք մը, և երկրաւոր անմահութիւն մը՝ անմահից դասակցեալ ՎԱՀԱՆԱՑ ԳՈՂԹՆԱՑԻՈՅՆ:

---



ԻԱ

ԱՏՏԻԿԵԱՆ ՄԵՂՈՒ  
Ի ԶԻՒՆԵՂԷՆ ԼԵՐԻՆՍ ՀԱՅՈՑ

Նոյեմբ. Դեկտ. 401 ամ. Ն. Ք.

Ա

Մէզն իբրև թաց վարագուրաւ մը կու ծածկէ աչքերնէս աշնան վերջին տեսարաններն այլ եղեամն՝ թափթըփած տերևոց վրայ՝ ձմեռուանսառամանեաց կանխիկ մանրանկար մը կու ցուցընէ. գիւղերն դարձեալ յանապատ կու փոխուին. ըզբօսասէրք կու դառնան 'ի քաղաք՝ 'ի պատսպարեալ բնակարանս։ Արդէն անասուն կենդանիք այլ իրենց ճարը տեսած են. որն չուելով ընդ օդ և ընդ ջուր 'ի հեռաւոր և տաքուկ բոյներ, որն ամուր ապահով ծակ մը, փոս մը, խողոջ մը փնտըռելով և ներս քաշուելով։ Ծաղկատարի մեղուն այլ իր փեթակը փակեր մեղրով մոմով, ներանձնացեր իր վեցանկիւն սենեկաց մէջ, կու ըզմայլի և կու թմրի իր հնարած անուշակ փիլիսոփայութեամբը, որ աւելի իրական է (գոնէ իրեն և ոմանց համար) քան Սոկրատայ քանի մ'աշակերտացը, որք առաջին իմաստասէրք կամ բանաւոր մեղուք անուամբեցան, թէ զանազան գիտե-

Բ

9

լեօք շարագրած գրոցն համար, և թէ քաղցրախօս ու հեշտալուր ոճով ու բառով գրեւնուն: Իրենց գեղեցկաբան կամ գեղեցկագիւտ աշակերտներն այլ ճարտարեցին ըսել իրենց ամենէն վայելչաբան և սիրելի փիլիսոփային համար (Պղատոնի), թէ 'ի տղայութեան կռնակին վրայ բերանարաց պառկած ատեն՝ մեղուաց պար մը մտաւ շրթանցը մէջ ու խորիսխ շինեց, 'ի նշան իր ճարտարասան քաղցրախօսիկ լեզուին: Անոր մէկ մեծ աշակերտակիցն և հայրենակիցն այլ՝ իր կակուղ գրչին և պաճուճազարգ բանիցն համար՝ Արփիէան Ռդոն անուանեցին. որ և ոչ միայն մեղուի փափուկ արմիքուն մեղրն ունէր, այլ և ըստ տեղոյն անոր սուր խայթոցն այլ, — գէնք. — և գրեթէ հարիւրամեան կենաց մէկ մասն 'ի բանակս և 'ի մրցանս անցուց, մէկայլն 'ի գրուածս և 'ի խօսուածս բանասիրականս. այն զարմանալի մորեխածին Մեղուն, (Արիւլոսի որդի)՝ Քսէնոփոն. զոր այս օրերուս հայացուցակն հրաւիրէ տեսնել մեր հայրենեաց սառնամած լերանց վրայ: Արդարեւ պիտի զարմանայիր, Հայկակ, եթէ լսէիր թէ Աթէնքի հիւմեդեան մեղուն՝ այս անյարմար և տարածամ եղանակիս՝ եկեր Աորդուաց խորթ ու խրթին ժայռից և սառից վրայ կու բզզայ. այլ թերեւս ոչ պակաս զարմանալի ըլլայ՝ անոր մեղրը ճաշակով փափկաբարոյ փիլիսոփայ մ'այլ տեսնել այն անկոխ քարակոհակաց մէջ՝ այսպիսի ատեն մը:

Շատ անկարծ և կամ անբնական տեղափոխութեանց և հեռագնացութեանց՝ գլխաւոր (թէ և գփնդակ) պատճառաց մէկն՝ եղած է մարդկան իրարու հակառակութիւնն, պատերազմք. որք ինչպէս շատ հեղ անբաւ չարեաց՝ երբեմն այլ բարեաց ինչ առիթք եղած են. այսպիսի պատճառաւ մը Քսենոփոն այլ ընկաւ Հայոց ժայռուտ

ու սառնուտ լերանց վրայ, յառաջ քան զայլ բազմաթիւ մեծամեծ զօրավարս, որք գրեթէ ամեն դար՝ ամեն տասն-ամ անցան ու գարձան մեր աշխարհին լեռներէն ու հովիտներէն. ձիւներն անգամ հալեցընելով իրենց նմանեաց արեամբը: Սակայն Քսենոփոն՝ ոչ իբրեւ Աննիբաղն յԱլպեայս՝ կ'ենէր կ'իջնէր ընդ բազմաժայռ Կորճայս, որեւրիմ թշնամույ հետ կռուելու և երկիրը աւրելու, և ոչ Լուկուլեայ և Պոմպէի նման՝ Տիգրանայ և Միհրդատայ գէմ կ'երթար վրէժխնդրութեամբ, այլ ակամայ՝ կտրիճ բայց դժբաղդ բանակի մը մէջ գտուած, բազմազօր և նենգաւոր թշնամիէն հալածուելով՝ անփորձ և անկոխ ճամբէ կու ջանար՝ ի հայրենիս դառնալ և գարձընել տասն հազարի չափ Յոյներ. և ասոր համար այս գործս ըսուեցաւ Նակսնջ Բիւրան Յանայ, և անմահ յիշատակ բռնեց՝ պատմութեան մէջ. նոյն իսկ Քսենոփոնի ճարտար անաշնորդութեամբն և ճարտարագոյն գրչութեամբ դիպուածոց, որ և իր գրութեամբ գլխաւորներէն մէկն է: Այնչափ աւելի պատուական եղած է այս պատմութիւնս՝ որչափ որ կորսուած են ուրիշներուն գրութեամբը նոյն գործոյ վրայօք. որոցմէ էր իր ընկերակից և զօրաց վարիշներէն մէկն՝ Սոփենետ Ստիւմփալացի. յորմէ կ'երևի թէ Դիոդոր Սիկիլիացի առած է այս պատմութեանս մէջ այն դիպուածները կամ մանր տարբերութիւնները՝ որք չեն յիշուիր ի Քսենոփոնէ:

Իսկ մեզի գալով, Հայկակ, մեր ազգին և աշխարհին, Քսենոփոնի այս գրութեամբ ինչպէս նաև Կիւրաճաբլ ըսուածն, յետ Յունաց՝ ամենէն աւելի մեզի Հայոցս պիտուական և սիրելի է. ոչ միայն զի մեր աշխարհին վրայ այլ կու խօսի պատմութեանցը մէջ, այլ զի յետ Յունաց՝ Քսենոփոնի յիշած այնքան ազգաց և ժողովրդոց մէջ՝ գրեթէ

միայն Հայք են՝ որք կարենան աւելի խորհրդածել և քննել անոր ըսածները։ Այս դիտմամբ ես այլ այսօր քեզի հետ ոչ Քսենոփոնի վարքը գործքերը և գրքերը կ'ուզեմ քննել, և ոչ այն Բիւրուն նահանջը չափել ծայրէ ծայր, այլ միայն մեր աշխարհէն անցնելուն դիպուածը և ճամբան։ Բայց որովհետեւ առանց երկու ծայրի՝ մէջ չըլլար, հարկ կ'ըլլայ գոնէ համառօտիւ յիշել և իրաց պատճառը, սկիզբն և վերջն այլ։

## Բ

Պատերազմն 'ի բնէ պժգալի՝ այլ աւելի է երբ ընտանեկան կամ քաղաքական ըլլայ. այսպիսի էր նախապատճառ մեր այս դիպուածին այլ. երկու Պարսիկ արքայորդի եղբարց մէջ ծագած հակառակութեամբ։ Յայտ է քեզի, որ արքայազն եղբարց հակառակութիւնն այլ շատ հեղ ժառանգութեան իրաւանց կամ խնդրոց համար կ'ըլլայ։ Արաաշէս Բ, պայազատ Պարսից Աքեմենէայց, իբրև անդրանիկ որդի Դարեհի Նոթոսի՝ յաջորդեց անոր յամի 404 նախ քան զթուական Փըրկչին, իր հօր թագաւորութենէն առաջ ծնած ըլլալով. իսկ անոր թագաւորութեան ատեն ծնաւ Կիւրոս Կիւրէ ուրիշ գշտոյէ մը։ Յայտնի է կանանց նախանձն այլ՝ ուր բազմակնութիւն կայ, և ջանքն՝ իրենց զաւակները վեր քշելու. մանաւանդ երբ Պարսաստիսի պէս գոռոզ գշտոյէ մը ծիրանածին ընծայուէր Կիւրոսի պէս կարիճ կորիւն մը, գրեթէ անտարակոյս էր ծագելի կուիւն։ Սակայն Արաաշէս՝ Ուշէշ էր և կ'անուանէր (Մնէմոն 'ի Յուեաց), միանգամայն և նախատես և մեծոգի. ոչ զեղբայրն ուզեց զրկել և ոչ ինք զինքը. այլ իբրև իրեն երեսփոխան դրաւ զանիկայ և վերատեսչ, ամենայն նախաբարաց իր ինքնակալութեաւ.

նը արևմտակողման, և աթոռն այլ գնել տուաւ 'ի Սարգիկէ մայրաքաղաք Լիւդիոյ, քիչ հեռու և յարևելից Զմիւռնիոյ. այսպէս մինչև 'ի ծայր արևմտից հեռացընելով զնա՝ ամսօրեայ ճամբաներով իր արևելեան գահէն (իբրև 20 աստիճան աշխարհագրական երկարութեան իրարմէ հեռու) :

Կիւրոս իր եռանդուն բնաւորութեամբն և Յունաց մերձաւորութեամբ և ընտանութեամբ՝ անանկ լաւ կարգաւորեց իր իշխանութիւնն և արքունիքը, որ նոյն իսկ Յունաց նախանձելի և պատուելի կ'ըլլար, եթէ չափազանցութեամբ և կողմնասիրութեամբ չէ ասոնց պատմածն. բայց իր ամեն ցուցած և յուսացուցած գործերը սեւ ցուց, փճացուց իր կենաց հետ՝ անսանձ փառասիրութիւնն, որով կ'ուզէր միահեծան ինքնակալ ըլլալ, նաև զեղբայրը զրկելով: Քաղաքի պատրաստութիւն տեսաւ, զօրք ժողովեց ցամաքի և ծովու. օգնութիւն ուզեց 'ի Յունաց այլ, որոց վրայ մեծ համարմունք և վստահութիւն ունէր: Յոյք, և մանաւանդ Սպարտացիք՝ իրեն երախտապարտ էին, իրենց անկէ առած օգնութեանն համար. և առանց տնտրնալու խաւրեցին անոր Կէարքոս լակեդեմոնացին, պզտի բայց ընտիր գնդով մը. որուն հետ միացան ուրիշ Յունաց մանր սէրութիւններէն այլ շատ զօրք՝ իւրաքանչիւր զօրավարօք, բոլորն իբրև 16000 հոգի: Ընդհանուր զօրապետնին եղաւ նոյն Սպարտացին. իսկ առանձին ազգաց մէջ՝ Բէովտացւոց զօրավարն էր Պրոքսեն թեբացին, որուն մտերիմ բարեկամն էր մեր ատտիկեցի իմաստասէր մեղուն՝ Քսենոփոն, որ այս ատեն 50 կամ 55 ամեայ մ'էր: Արդէն երիտասարդութեան ատեն պատերազմի մէջ մտած ելած, հիմայ հասակին և ուսմանց ազդեցութեամբ՝ աւելի խաղաղութիւն և մեղր սիրէր

քան կռիւ և արիւն. անոր համար՝ ոչ իբրև մարտիկ և նիզակակից, այլ իբրև սրտակից ընկերացաւ Պրոքսենի. միանգամայն և իբրև բանասէր՝ նոր երկիր, նոր ազգ և դէպք տեսնելու քննելու. մանաւանդ որ՝ ի սկզբան ոչ ինքն և ոչ այլ զօրավարք գիտէին ուր և ինչ բանի համար երթալին. վասն զի Կիւրոս խաբելով կ'ըսէր, թէ իրմէ ապրտամբած Ասորւոց դէմ կ'երթայ: Ասանկով ժողովեց զամենքն ի Տարսոն մայրաքաղաք Կիւլիկիոյ, ի սկիզբն յունիսի (401 տարւոյն), մտաւ յԱսորիս, տարաւ բանակը մինչև յԵփրատ, անցուց անդին (ի սկիզբն օգոստոսի), և պաշարաբեր նաւերը յետ դարձուց: Ապա քիչ քիչ իր մեծերէն սկսեալ՝ ինչուան վարիններուն իմացուց միտքը. զոր ոմանք յօժարուլթեամբ ոմանք դժարուլթ՝ յանձն առին, յուսալով իր խոստմանց և բաղդին այլ:

Ուշանալ չէր ըլլար. սակայն Միջագետաց չէն և անշէն ընդարձակութիւնը կտրելու համար այլ մինչ ի սահմանս Բաբելոնի՝ ամիս մը պէտք եղաւ: Այն միջոցին Արտաշէս այլ իմանալով եղածը՝ պատրաստեցաւ արևելեան զօրօք մեծ բազմութեամբ՝ եղբօրը դէմ ելնելու: Սա աւելի շուտով հասաւ Եփրատայ և Տիգրիսի ամենէն իրարու մօտ եղած տեղերը, որ հին Բաբելոնի մօտերն է. և հոն Կռակաս անուանեալ աւանի մը մօտ, որոյ դիրքն շատ յայտնի չէ, (յեթն սեպտեմբերի) եղաւ հին պատմութեան մէջ ահուանի և բաղդատ. սահման պատերազմաց մէկն, որ մեր այս երեկոյեան զրոյցներէն դուրս կու մնայ: Այլ այսչափ ըսելի է, որ երկու կողմէն այլ կրքով և կտրրճութեամբ կռուեցան. իրաւունքն յաղթող եղաւ. Կիւրոս ոչ միայն անձամբ հասարակ զինուորի պէս կու կռուէր, այլ և եղբօրը հետ զարնուելով իրաւորեց զնա. բայց մեռնողն ինքն և

զաւ, ըստ ոմանց՝ ի նոյն ինքն յԱրտաշիսէ զարնուած: Կենացն հետ վերջացաւ պատերազմն, և ցրուեցաւ արեւմտեան բանակն:

## Գ

Կիւրոսի ասիական գունդերն նուաճուեցան օրինաւոր իշխանութեան. իսկ Յոյնք՝ որոցմէ քիչ մարդ ինկեր էր պատերազմին մէջ, անկէ շատ աւելի դժար փորձանքի բռնուեցան: Արտաշէս իրենց պատգամ խաւրեց որ զէնքերնին թողուն, ու իրմէ ուրիշ փոխարէն առնելով՝ ազատ մնան կամ երթան. Յոյնք պատասխանեցին, թէ քանի որ զէնք ունիմք՝ անոնք մեզի բանի կու գան, առանց զէնքի մենք այլ կրնանք բանի չգալ. չեմք ուզեր մեր ստոյգ օգուտը՝ Արտաշիսի անստոյգ վարձուց հետ փոխել. և եթէ կ'ուզէ Արտաշէս փորձել զէնքերնուս արուեստը՝ պատրաստ եմք: Հարկ եղաւ որ առանց կռուի զիջանի թագաւորն՝ թողլու զանոնք երթալ իրենց երկիրը, միայն թէ անցած տեղերնուն վընաս չընեն: — Այս այլ չէր անվայել Արտաշիսի ուշեղութեանը. բայց դժբաղդաբար շատ հեղ շատ ուշիմ թագաւորք և անթագ իշխանական գլուխք՝ ուշաթափ կ'ըլլան իրենց պաշտօնէից անարժան թելադրութեամբք. այսպէս այլ եղաւ Արտաշիսի: Հաւանեցաւ իր՝ սիրելի Տիսափեռն մեծ նախարարին խրատուն, գաւելու զՅոյնս. զոր և գործով կատարեց անխիղճ խրատտուն, հրաւիրելով զգլխաւոր զօրապետս Յունաց իրեն վրանը, իբրև ի խորհրդակցութիւն և դաշնակցութիւն. և զամենքն այլ (տասնութէկ հոգի) սպաննել տուաւ, Կլէարքոսէն սկսեալ մինչև ի Պրոքսեն բարեկամն Քսենոփոնի: Երկրորդական զօրավարքն գոյժը լսելով փութացան հեռանալու, և իրենց առաջ-

նորդ ընտրեցին Քիրիսոփ Սպարտացին. իսկ վերջապահ բանակին՝ զմերս Քաենոփոն, որ հայրենակցաց սիրովն և մտերմին մահուան ցաւովն դրդուած՝ յանձն առաւ այս ծանր և վտանգաւոր պաշտօնը, և մեծ հնարագիտութեամբ և քաջասրբաութեամբ կատարելով յաջողութեամբ այլ պսակեց, և թողուց յետնոց զարմանալի պատերազմական արուեստի օրինակ մը, որ կրնայ նախօրինակ ըսուիլ յաղթուած բանակի մը ետ քաշուելուն, որով այս դարուս սկիզբն այլ այնքան անուանի եղաւ Մօրոյ զօրավարն Փռանկաց, մեծին Նաբոլէոնի հետ բաղդատուածն:

Նորընտիր զօրավարքն խորհուրդ ըրին բոլոր զլիաւորներով ինչ ճամբով յետ դառնալնու վըայ. որովհետեւ երկու մեծ և դիւրին ճամբայ կար, որով արգէն եկած այլ էին. բայց թէ անշէն կողմեր ունէր այն ճամբան՝ (ուր դժար էր պաշար գտնելն) և թէ Պարսից արքունի գունդերէն բռնուած պիտի ըլլար. ինչպէս որ արգէն այլ Տիսափեռնէս մեծ գնդով մը, և Միհրդատ անուամբ զօրապետ մ'այլ 5000 ընտիր զօրօք ետևնուն ընկած կու հալածէին: Նոր, անփորձ և դժուարին ճամբայ մը հարկ սեպեցին իննալ Յոյնք, բայց իրենց նպատակին հասցընելու աւելի յարմար. և այս էր Տիգրիսի եզերքներէն մինչև ի Ճորոխի եզերքը, կամ Կորդուաց լեռներէն մինչև ի Խաղտիս՝ ճեղքել մեր Հայաստան աշխարհին լեռնակոհակ բարձրաւանդակը, յարեւելեան հարաւոյ յարեմուտս հիւսիսոյ, ձեան և սառամանեաց եղանակի առնն, և ելնել Տրապիզոնի և ուրիշ յունական գաղթականաց կողմերը:

Այս յանդուգն և բռնադատեալ խորհրդով շտապեցին Յոյնք Բաբելոնի և Ասորեստանի կողմերէն դէպ ի Միջագետաց վերնակողմը. Տիգրիս գետոյն եզերքը բռնելով անցան անոր օժանդակ.



ները (Կապրոս և Մեծ Զաւ գետ՝ որ Հայոց Աղբակ գաւառին լեռներէն կ'իջնէ), և երկու մեծամեծ քաղաքներն՝ Լարիսս և Մեոփիա՝ զոր հնագէտք ճանչնան՝ Ռէսէն<sup>1</sup> Ս. Գրոց և Նիմփոս հիմակուան, մեկայլն Նինուէ կամ Մոսուլ, որ և հին ատեն այս անունը կրէր, Մուծղ կամ Մօսլ կոչմամբ։ Ասոնցմէ վեր Զախուի և Գզիրայի (Ճէզիրէ-իպն-Էօմէր) գաւառները մտան, որք այն ատեններ և քիչ մ'առաջ՝ Հայոց և Ասորեստանեայց միջասահմանք սեպուէին. և հիմայ հոս հասնելնուն, մինչ Տիսափեռն ետևնէն կու հալածէր՝ գիմացնէն կամ քովերնէն երեցաւ արևելեան Հայաստանի կուսակալ ըսուած Ուոդ մը, որ ըստ մեզ Հրանդ կամ Երուանդ պիտի ըլլայ, թէ ոչ Ահոդ<sup>2</sup>, որ ըստ կարգի Հայկազանց Խորենացւոյն՝ այն ժամանակուան Հայ Թագաւորն կու հանգիպի։ Յոյնք երբեմն զարնուելով երբեմն փախչելով միշտ գետն 'ի վեր ելնելով հասան Ճէզիրէի այն կողմերը, ուր գրեթէ գետն խորունկ դարափներով կու մօտենար լերանց և ճամբան կտրէր. հարկ էր կամ գետը անցնիլ և Միջագետաց դաշտերը մտնել, կամ լեռն 'ի վեր գիմել. և ահա այս և հոս էր Յունաց ըրած ընտրութիւնը, որոց հրաւէր կամ հրապոյր մ'այլ էին բարեբեր Հայաստանի համբարքն. ինչպէս ինքն Քսենոփոն այլ վկայէ։

Նոյեմբեր ամսոյն կէսն էր երբ սկսան Յոյնք ելնել Կորդուաց լեռները, որ հոն 'ի սկզբան՝ գետոյն երեսէն հազիւ իբրեւ 1500 ոտք բարձր են, այլ երթալով կու բարձրանան՝ ինչուան 10000 և աւելի այլ։ Ոչ անմիջապէս ելած տեղերնին յայտնի է, ոչ ճիշդ բռնած ճամբու գծերնին, և

<sup>1</sup> Դասան, ըստ այլ թարգմանութեան։

<sup>2</sup> Եթէ արդարեւ Արմոդ է անունն և ոչ Արմոդ։

ոչ ինչւած կողմերէն, և ոչ այլ ուրիշ քաւած և իջեղանած տեղիքն. այլ շատ կամ քիչ հաւանութեամբ, ըստ քննութեան գիտնոց՝ որք աշխատեր են այս ճամբորդութիւնը հետաքննելու, և գեա իբր անսարակոյս ցուցած չեն, որովհետեւ հին և նոր անուաները միաբանել շատ դժար է. դարձեալ բաւական անուանանակած չեն հին ուղևորքն, և ոչ այլ ամեն անգամ՝ դացած կամ դագրած օրերնուն թիւը. թող ուրիշ պատճառներն այլ, զոր աւելորդ սեպեմ հոս մէջ բերել. կամ մանր հետաքննել. առ այժմ հաւանագոյնը յիշելով թողումանոնց՝ որ մասնաւոր փոյթ մ'ունենան այս խնդրոյս:— Իսկ այս առջի լեռնակառու եօթնօրեայ ճամբանին՝ հաւանօրէն ձէղերէի և Սղերայ (կամ Սիէրայ) մէջոց Յընըզ և Յընաըզ ըստւած բերդաւանաց կողմերէն սկսելով՝ դէպ 'ի Մոկաց երկիրը ձգուած է, յետոյ անկէց այլ դէպ 'ի Բաղիշու ճամբան. և բոլոր երկամսեայ Հայաստանի մէջ ըրած ճամբաներնուն գլխաւորագոյն մասերէն մէկն է. թէ լեռնոտ երկրին բնութեան պատճառաւ, թէ լեռնաբնակաց բարուցը:

## Դ

Ի սկզբնէ կամ հազարամեայ դարերէ վեր՝ քիչ փոփոխութի ունեցող ազգերէն մէկն այլ Քարքն է. որոյ և անուան գրեթէ անփոփոխ ասկէ 2300 տարի առաջ այլ յիշուի 'ի Յունաց՝ Քարգուս կամ Կարգուտէս, ինչպէս մեր նախնիք այլ անուանեն Կարգուս կամ Կարգուսիտ, ես և Կարճուտ. որք և ինչուան հիմայ բանասիրաց մեծ քննութե նեւթ են, մանաւանդ այս ետքի ասարիներս. այսինքն թէ իրենց և թէ լեզուներնուն ինչ ազգէ ծագած կամ որու նման ըլլալն: Հիմակուան լեզուներ.

նուն նայելով աւելի՝ Պարսից մօտ են. բնական  
տեղերնուն նայելով հին Քաղաքացւոց և Մարաց  
սեփական են: Իսկ այս Յունաց և Հայոց և ուրիշ  
հիներու յիշած Կորդուքն՝ Հայոց և Քաղաքացւոց  
կամ Ասորեստանեայց միջասահման ազգ և Ժողո-  
վուրդ մ'են, երբեմն մէկուն երբեմն մէկայլին  
նուաճուած, շատ հեղ այլ ինքնագլուխ և ահար-  
կու մերձաւորաց: Այսպէս էին նաև Քսենոփոնի  
առեւն. որ և յիշէ, թէ քիչ առաջ Պարսից թա-  
գաւորն ուղեւով նուաճել զանոնք՝ 120000 զո-  
րաց բանակ մը խաւրեց, որք գրեթէ բոլոր ջար-  
դուեցան, կէս մը՝ ի լերանց կէս մ'այլ՝ ի բնակը-  
չացն Կորդուաց. մինչև ստիպուեցան Պարսք  
գաշնադրութեամբ զիջանիլ:

Այսպիսեաց միջէն ճամբայ ընելու համար՝  
կրնաս երևակայել թէ ինչ զգուշութիւն և քա-  
ջասրտութիւն պէտք էր Յունաց. որք գիշերանց  
մօտեցան լերանց, և առտուն կանուխ կամաց և  
լռիկ սկսան ելնել, որ չմանան լեռնցիք. և այն-  
պէս այլ եղաւ: Վասն զի արդէն ձմեռն կու տի-  
րէր լերանց. արածականք ի գոմ փակուած էին,  
դուրսը թափաւող չկար. ամենքն քաշուած էին  
իրենց գեղերը, որ շինուած են լերանց գոգոց ու  
խողոցից մէջ, և կէս մը ծածկուած քարերու մէջ  
և գետնի տակ. բնականապէս այլ իրարմէ հեռու  
և ոչ բազմաշէն: Ի՛նչ զարմանք ընկաւ տեղացւոց  
վրայ՝ երբ յանկարծ իրիկուան գէմ տներնուն  
գլուխը տեսան հազարաւոր զինեալ երիտասարդ-  
ներ, որ ոչ Պարսից նմանէին և ոչ Հայոց: Առա-  
ջին դրդումն՝ մէկէն տեղերնին թողուլ և փախչիլ  
տուաւ. Յունաց ուղածն այլ այս էր. անաշխատ  
ներս մտան, ինչ ուտելիք որ գտան առին. բայց  
ուրիշ բանի չգպան՝ որ չգրգռուին բարբարոսքն-  
մանաւանդ թէ ընտանութեամբ այլ կու կանչէին  
զանոնք, և կ'իմացընէին որ միայն կերակուր և  
ճամբայ կ'ուզեն:

լեզք շարագրած գրոցն համար, և թէ քաղցրախօս ու հեշտալուր ոճով ու բառով գրեւնուն: Իրենց գեղեցկաբան կամ գեղեցկագիւտ աշակերտներն այլ ճարտարեցին ըսել իրենց ամենէն վայելչաբան և սիրելի փիլիսոփային համար (Պլատոնի), թէ 'ի տղայութեան կռնակին վրայ բերանաբաց պառկած. առեն՝ մեղուաց պար մը մտաւ շրթանցը մէջ ու խորիսխ շինեց, 'ի նշան իր ճարտարասան քաղցրախօսիկ լեզուին: Անոր մէկ մեծ աշակերտակիցն և հայրենակիցն այլ իր կակուղ գրչին և պաճուճազօրդ բանիցն համար՝ Աբաթիէան մեղանուանեցին. որ և ոչ միայն մեղուփափուկ տըփերուն մեղրն ունէր, այլ և ըստ տեղւոյն անոր սուր խայթոցն այլ. — գէնք. — և գրեթէ հարիւրամեան կենաց մէկ մասն 'ի բանակս և 'ի մրցանս անցուց, մէկայլն 'ի գրուածս և 'ի խօսուածս բանասիրականս. այն զարմանալի մորեխածին Մեղուն, (Արիւլտսի որդի) Քսէնոփոն. զոր այս օրերուս հայացուցակն հրաւիրէ տեսնել մեր հայրենեաց սառնամած լերանց վրայ: Արգարեւ պիտի զարմանայիր, Հայկակ, եթէ լսէիր թէ Աթէնքի հիւմեգեան մեղուն՝ այս անյարմար և տարածամ եղանակիս՝ եկեր Աորդուաց խորթ ու խրթին ժայռից և սառից վրայ կու բզզայ. այլ թերեւս ոչ պակաս զարմանալի ըլլայ՝ անոր մեղրը ճաշակով փափկաբարոյ փիլիսոփայ մ'այլ տեսնել այն անկոխ քարակոհակաց մէջ՝ այսպիսի առեն մը:

Շատ անկարծ և կամ անբնական տեղափոխութեանց և հեռագնացութեանց՝ գլխաւոր (թէ և դժնդակ) պատճառաց մէկն՝ եղած է մարդկան իրարու հակառակութիւնն, պատերազմը. որք ինչպէս շատ հեղ անբաւ չարեաց՝ երբեմն այլ բարեաց ինչ առիթք եղած են. այսպիսի պատճառաւ մը Քսենոփոն այլ ընկաւ Հայոց ժայռուս

ու սառնուտ լերանց վրայ, յառաջ քան զայլ բազմաթիւ մեծամեծ զօրավարս, որք գրեթէ ամեն դար՝ ամեն տասն-ամ անցան ու գարձան մեր աշխարհին լեռներէն ու հովիտներէն. ձիւներն անգամ հալեցընելով իրենց նմանեաց արեամբը: Սակայն Քսենոփոն՝ ոչ իբրեւ Աննիբաղն յԱլպեայս՝ կ'ենէր կ'իջնէր ընդ բազմաժայռ Կորճայս, որեւրիմ թշնամույ հետ կռուելու և երկիրը աւրելու, և ոչ Լուկուլէայ և Պոմպէի նման՝ Տիգրանայ և Միհրդատայ գէմ կ'երթար վրէժինդրութեամբ, այլ ահամայ՝ կտրիճ բայց դժբաղդ բանակի մը մէջ գտուած, բազմազօր և նենգաւոր թշնամիէն հալածուելով՝ անփորձ և անկոխ ճամբէ կու ջանար ի հայրենիս դառնալ և դարձընել տասն հազարի չափ Յոյներ. և ասոր համար այս գործս ըսուեցաւ Նահանջ Բիւրան Յանայ, և անմահ յիշատակ բռնեց պատմութեան մէջ. նոյն իսկ Քսենոփոնի ճարտար առաջնորդութեամբն և ճարտարագոյն գրչութեամբ գիպուածոց, որ և իր գըրուածոց գլխաւորներէն մէկն է: Այնչափ աւելի պատուական եղած է այս պատմութիւնս՝ որչափ որ կորսուած են ուրիշներուն գրուածքը նոյն գործոյ վրայօք. որոցմէ էր իր ընկերակից և զօրաց վարիչներէն մէկն՝ Սոփենետ Ստիւմփալացի. յորմէ կ'երևի թէ Դիոդոր Սիկիլիացի առած է այս պատմութեանս մէջ այն գիպուածները կամ մանր տարբերութիւնները՝ որք չեն յիշուիր ի Քսենոփոնէ:

Իսկ մեզի գալով, Հայկակ, մեր ազգին և աշխարհին, Քսենոփոնի այս գրուածը ինչպէս նաև Կիւրմարչ ըսուածն, յետ Յունաց՝ ամենէն աւելի մեզի Հայոցս պիտուական և սիրելի է. ոչ միայն զի մեր աշխարհին վրայ այլ կու խօսի պատմութեանցը մէջ, այլ զի յետ Յունաց՝ Քսենոփոնի յիշած այնքան ազգաց և ժողովրդոց մէջ՝ գրեթէ

միայն Հայք են՝ որք կարենան աւելի խորհրդածել և քննել անոր ըսածները: Այս դիտմամբ ես այլ այսօր քեզի հետ ոչ Քսենոֆոնի վարքը գործքերը և գրքերը կ'ուզեմ քննել, և ոչ այն Բիւրոն նահանջը չափել ծայրէ ծայր, այլ միայն մեր աշխարհէն անցնելուն դիպուածը և ճամբան: Իայց որովհետեւ առանց երկու ծայրի՝ մէջ չըլլար, հարկ կ'ըլլայ գտնէ համառօտիւ յիշել և իրաց պատճառը, սկիզբն և վերջն այլ:

## Բ

Պատերազմն 'ի բնէ պժգալի՝ այլ աւելի է երբ ընտանեկան կամ քաղաքական ըլլայ. այսպիսի էր նախապաաճառ մեր այս դիպուածին այլ. երկու Պարսիկ արքայորդի եղբարց մէջ ծագած հակառակութեամբ: Յայտ է քեզի, որ արքայազն եղբարց հակառակութիւնն այլ շատ հեղ ժառանգութեան իրաւանց կամ խնդրոց համար կ'ըլլայ: Արաաշէս Բ, պայազատ Պարսից Աքեմենեայց, իբրև անդրանիկ որդի Դարեհի Նոթոսի՝ յաջորդեց անոր յամի 404 նախ քան զթուական Փրքլէին, իր հօր թագաւորութենէն առաջ ծնած ըլլալով. իսկ անոր թագաւորութեան ատեն ծնաւ Աիւրսս Արեւ ուրիշ գշխոյէ մը: Յայտնի է կանանց նախանձն այլ՝ ուր բազմակնութիւն կայ, և ջանքն՝ իրենց զաւակները վեր քշելու. մանաւանդ երբ Պարիսատիսի պէս գոռող գշխոյէ մը ծիրանածին ընծայուէր Աիւրոսի պէս կարիճ կորիւն մը, գրեթէ անտարակոյս էր ծագելի կռիւն: Սակայն Արաաշէս՝ Ուլէշէր և կ'անուանէր (Մնէմոն 'ի Յունաց), միանգամայն և նախատես և մեծողի. ոչ զեղբայրն ուղեց զրկել և ոչ ինք զինքը. այլ իբրև իրեն երեսփոխան գրաւ զանիկայ և վերատեսուչ ամենայն նախարարաց իր ինքնակալութեաւ:

նը արևմտակողման, և աթոռն այլ դնել տուաւ 'ի Սարգիկէ մայրաքաղաք Լիւդիոյ, քիչ հեռու և յարևելից Զմիւռնիոյ. այսպէս մինչև 'ի ծայր արևմտից հեռացընելով զնա՝ ամսօրեայ ճամբաներով իր արևելեան գահէն (իբրև 20 աստիճան աշխարհագրական երկարութեան իրարմէ հեռու) :

Կիւրոս իր եռանդուն բնաւորութեամբն և Յունաց մերձաւորութեամբ և ընտանութեամբ՝ անանկ լաւ կարգաւորեց իր իշխանութիւնն և արքունիքը, որ նոյն իսկ Յունաց նախանձելի և պատուելի կ'ըլլար, եթէ չափազանցութեամբ և կողմնասիրութեամբ չէ ասոնց պատմածն. բայց իր ամեն ցուցած և յուսացուցած գործերը սեւցուց, փճացուց իր կենաց հետ՝ անսանձ փառասիրութիւնն, որով կ'ուզէր միահեծան ինքնակալ ըլլալ, նաև զեղբայրը զրկելով: Քաղտուկ պատրաստութիւն տեսաւ, զօրք ժողովից ցամաքի և ծովու. օգնութիւն ուզեց 'ի Յունաց այլ, որոց վրայ մեծ համարմունք և վստահութիւն ունէր: Յոյնք, և մանաւանդ Սպարտացիք՝ իրեն երախտապարտ էին, իրենց անկէ առած օգնութեանն համար. և առանց տնտրնալու խաւրեցին անոր Կէարքոս լակեդեմոնացին, պղտի բայց ընտիր գնդով մը. որուն հետ միացան ուրիշ Յունաց մանր տէրութիւններէն այլ շատ զօրք՝ իւրաքանչիւր զօրավարօք, բոլորն իբրև 16000 հոգի: Ընդհանուր զօրապետնին եղաւ նոյն Սպարտացին. իսկ առանձին ազգաց մէջ՝ Բէովտացւոց զօրավարն էր Պրոքսեն թեբացին, որուն մտերիմ բարեկամն էր մեր ատտիկեցի իմաստասէր մեղուն՝ Քսենոփոն, որ այս ատեն 50 կամ 55 ամեայ մ'էր: Արդէն երիտասարդութեան ատեն պատերազմի մէջ մտած ելած, հիմայ հասակին և ուսմանց ազդեցութեամբ՝ աւելի խաղաղութիւն և մեղր սիրէր

քան կռիւ և արիւն. անոր համար՝ ոչ իբրև մարտիկ և նիզակակից, այլ իբրև սրտակից ընկերացաւ Պրոքսենի. միանգամայն և իբրև բանասէր՝ նոր երկիր, նոր ազգ և դէպք տեսնելու քննելու. մանաւանդ որ ՚ի սկզբան ոչ ինքն և ոչ այլ զօրավարք գիտէին ո՛ւր և ի՞նչ բանի համար երթալնին. վասն զի Կիւրոս խաբելով կ'ըսէր, թէ իրմէ ապրտամբած Ասորուոց դէմ կ'երթայ: Ասանկով ժողվեց զամենքն ՚ի Տարսոն մայրաքաղաք Կիւլիկիոյ, ՚ի սկիզբն յունիսի (401 տարւոյն), մտաւ յԱսորիս, տարաւ բանակը մինչև յԵփրատ, անցուց անդին (ի սկիզբն օգոստոսի), և պաշարաբեր նաւերը յետ դարձուց: Ապա քիչ քիչ իր մեծերէն սկսեալ՝ ինչուան վարիններուն իմացուց միտքը. զոր ոմանք յօժարուլթեամբ ոմանք դժարուլթեալանձն առին, յուսալով իր խոստմանց և բաղդին այլ:

Ուշանալ չէր ըլլար. սակայն Միջագետաց չէն և անչէն ընդարձակուլթիւնը կտրելու համար այլ մինչ ՚ի սահմանս Բաբելոնի՝ ամիս մը պէտք եղաւ: Այն միջոցին Արտաշէս այլ իմանալով եղածը՝ պատրաստեցաւ արևելեան զօրօք մեծ բազմութեամբ՝ եղբօրը դէմ ելնելու: Սա աւելի շուտով հասաւ Եփրատայ և Տիգրիսի ամենէն իրարու մօտ եղած տեղերը, որ հին Բաբելոնի մօտերն է. և հոն Կաւսաս անուանեալ աւանի մը մօտ, որոյ գիւղքն շատ յայտնի չէ, (յեթն սեպտեմբերի) եղաւ հին պատմութեան մէջ անուանի և բաղդասահման պատերազմաց մէկն, որ մեր այս երեկոյեան զրոյցներէն դուրս կու մնայ: Այլ այսչափ ըսելի է, որ երկու կողմէն այլ կրքով և կտրըճութեամբ կռուեցան. իրաւունքն յաղթող եղաւ. Կիւրոս ոչ միայն անձամբ հաստրակ զինուորի պէս կու կռուէր, այլ և եղբօրը հետ զարնուեցաւ ու վիրաւորեց զնս. բայց մեռնողն ինքն և



դաւ, ըստ ոմանց 'ի նոյն ինքն յԱրտաշիսէ զարնուած: Կենացն հետ վերջացաւ պատերազմն, և ջրուեցաւ արեման բանակն:

## Գ

Կիւրոսի ասիական գունդերն նուաճուեցան օրինաւոր իշխանութեան. իսկ Յոյնք՝ որոցմէ քիչ մարդ ինկեր էր պատերազմին մէջ, անկէ շատ աւելի դժար փորձանքի բռնուեցան: Արտաշէս իրենց պատգամ խաւրեց որ զէնքերնին թողուն, ու իրմէ ուրիշ փոխարէն առնելով ազատ մնան կամ երթան. Յոյնք պատասխանեցին, թէ քանի որ զէնք ունիմք՝ անոնք մեզի բանի կու գան, առանց զէնքի մենք այլ կրնանք բանի չգալ. չեմք ուզեր մեր ստոյգ օգուտը՝ Արտաշիսի անստոյգ վարձուց հետ փոխել. և եթէ կ'ուզէ Արտաշէս փորձել զէնքերնուս արուեստը՝ պատրաստ եմք: Հարկ եղաւ որ առանց կռուի զիջանի թագաւորն՝ թողլու զանոնք երթալ իրենց երկիրը, միայն թէ անցած տեղերնուն վրնաս չընեն: — Այս այլ չէր անվայել Արտաշիսի ուշեղովութեանը. բայց դժբաղդաբար շատ հեղ շատ ուշիմ թագաւորք և անթագ իշխանական գլուխք՝ ուշաթափ կ'ըլլան իրենց պաշտօնէից անարժան թելադրութեամբք. այսպէս այլ եղաւ Արտաշիսի: Հաւանեցաւ իր սիրելի Տիսափեռն մեծ նախարարին խրատուն, գաւելու զՅոյնս. զոր և գործով կատարեց անխիղճ խրատտուն, հրաւիրելով զգլխաւոր զօրապետս Յունաց իրեն վրանը, իբրեւ 'ի խորհրդակցութիւն և դաշնակցութիւն. և զամենքն այլ (տասնութէկ հոգի) սպաննել տուաւ, Կլէարքոսէն սկսեալ մինչև 'ի Պրոքսեն բարեկամն Քսենոփոնի: Երկրորդական զօրավարքն գոյժը լսելով փութացան հեռանալու, և իրենց առաջ-

նորդ ընտրեցին Քիրիսոփ Սպարտացին. իսկ վերջապահ բանակին՝ զմերս Քսենոփոն, որ հայրենակցաց սիրովն և մտերմին մահուան ցաւովն դըրդուած՝ յանձն առաւ այս ծանր և վտանգաւոր պաշտօնը, և մեծ հնարագիտութեամբ և քաջասրբաութեամբ կատարելով յաջողութեամբ այլ պսակեց, և թողուց յետնոց զարմանալի պատերազմական արուեստի օրինակ մը, որ կրնայ նախօրինակ ըսուիլ յազթուած բանակի մը ետ քաշուելուն, որով այս դարուս սկիզբն այլ այնքան անուանի եղաւ Մօրոյ զօրավարն Փռանկաց, մեծին Նաբոլէոնի հետ բաղդատուածն:

Նորընտիր զօրավարքն խորհուրդ ըրին բոլոր գլխաւորներով ինչ ճամբով յետ դառնալնուն վըայ. որովհետեւ երկու մեծ և դիւրին ճամբայ կար, որով արդէն եկած այլ էին. բայց թէ անշէն կողմեր ունէր այն ճամբան՝ (ուր դժար էր պաշար դռնէն) և թէ Պարսից արքունի գունդերէն բռնուած պիտի ըլլար. ինչպէս որ արդէն այլ Տիսափեռնէս մեծ գնդով մը, և Միհրդատ անուամբ զօրապետ մ'այլ 5000 ընտիր զօրօք ետննուն ընկած կու հալածէին: Նոր, անփորձ և դժուարին ճամբայ մը հարկ սեպեցին իանալ Յոյնք, բայց իրենց նպատակին հասցընելու աւելի յարմար. և այս էր Տիգրիսի եզերքներէն մինչև ի Ճորոխի եզերքը, կամ Կորդուաց լեռներէն մինչև ի Խաղտիս՝ ճեղքել մեր Հայաստան աշխարհին լեռնակոհակ բարձրաւանդակը, յարեւելեան հարաւոյ յարեւմուտս հիւսիսոյ, ձեան և սառամանեաց եղանակի առէն, և ելնել Տրապիզոնի և ուրիշ յունական գաղթականաց կողմերը:

Այս յանդուգն և բռնադատեալ խորհրդով՝ շտապեցին Յոյնք Բաբելոնի և Ասորեստանի կողմերէն գէպ ի Միջագետաց վերնակողմը. Տիգրիս գետոյն եզերքը բռնելով անցան անոր օժանդակ.

ները (Կապրոս և Մեծ Զաւ գետ՝ որ Հայոց Աղբակ գաւառին լեռներէն կ'իջնէ), և երկու մեծամեծ քաղաքներն՝ Լարիսս և Մէսիիա՝ զոր հնագէտք ճանչնան՝ Ուսէն՝<sup>1</sup> Ս. Գրոց և Նիւրոպ հիմակուան, մէկայլն Նինուէ կամ Մուսուլ, որ և հին ատեն այս անուանը կրէր, Մուծղ կամ Մօսլ կոչմամբ։ Ասոնցմէ վեր Զախուի և Գզերայի (Ճէզերէ-խան-Էօմէր) գաւառները մտան, որք այն ստանէներ և քիչ մ'առաջ՝ Հայոց և Ասորեստանեայց միջասահմանք սեպուէին. և հիմայ հոս հասնելնուն, մինչ Տիսափեռն ետանէն կու հալածէր՝ դիմացնէն կամ քովերնէն երեցաւ արևելեան Հայաստանի կուսակալ ըսուած Ուրուք մը, որ ըստ մեզ Հրանդ կամ Երուանդ պիտի ըլլայ, թէ ոչ Արհոդ՝<sup>2</sup>, որ ըստ կարգի Հայկազանց Խորենացոյն՝ այն ժամանակուան Հայ Թագաւորն կու հանդիպի։ Յոյնք երբեմն զարնուելով երբեմն փախչելով միշտ գետն 'ի վեր ելնելով հասան Ճէզերէի այն կողմերը, ուր գրեթէ գետն խորունկ դարափներով կու մօտենար լերանց և ճամբան կտրէր. հարկ էր կամ գետը անցնիլ և Միջագետաց դաշտերը մտնել, կամ լեռն 'ի վեր դիմել. և ահա այս և հոս էր Յունաց ըրած ընտրութիւնը, որոց հրաւէր կամ հրապոյր մ'այլ էին բարեբեր Հայաստանի համբարքն. ինչպէս ինքն Քսենոփոն այլ վկայէ։

Նոյեմբեր ամսոյն կէսն էր երբ սկսան Յոյնք ելնել Կորդուաց լեռները, որ հոն 'ի սկզբան՝ գետոյն երեսէն հազիւ իբրեւ 1500 ոտք բարձր են, այլ երթալով կու բարձրանան՝ ինչուան 10000 և աւելի այլ։ Ոչ անմիջապէս ելած տեղերնին յայտնի է, ոչ ճիշդ բռնած ճամբու գծերնին, և

1 Դասան, ըստ այլ թարգմանութեան։

2 Եթէ արդարեւ Արմոդ է անունն և ոչ Արմոդ։

ոչ ինքած կողմերնին, և ոչ այլ ուրիշ քալած և իջեղանած տեղիքն. այլ շատ կամ քիչ հաւանութեամբ, ըստ քննութեան դիտնոց՝ որք աշխատեր են այս ճամբորդութիւնը հետաքննելու, և գեռ իբր անտարակոյս ցուցած չեն, որովհետեւ հին և նոր անունները միաբանել շատ դժար է. դարձեալ բաւական անուն նշանակած չեն հին ու զեռքն, և ոչ այլ ամեն անգամ՝ դացած կամ դագրած օրերնուն թիւը. թող ուրիշ պատճառներն այլ, զոր աւելորդ սեպեմ հոս մէջ բերել, կամ մանր հետաքննել. առ այժմ հաւանագոյնը յիշելով թողում անոնց՝ որ մասնաւոր փոյթ մ' ունենան այս խնդրոյս:— Իսկ այս առջի լեռնակտուր եօթնօրեայ ճամբանին՝ հաւանօրէն Ճէզիրէի և Սդերտայ (կամ Սիէրտայ) միջոց Ֆրնրգ և Ֆրնտրգ ըսուած բերդաւանաց կողմերէն սկսելով՝ գէպ 'ի Մոկաց երկիրը ձգուած է, յետոյ անկէց այլ գէպ 'ի Բաղիշու ճամբան. և բոլոր երկամսեայ Հայաստանի մէջ ըրած ճամբաներնուն դժուարագոյն մասերէն մէկն է. թէ լեռնոտ երկրին բնութեան պատճառաւ, թէ լեռնաբնակաց բարուցը:

## Դ

Ի սկզբնէ կամ հաղարամեայ դարերէ վեր՝ քիչ փոփոխութի ունեցող ազգերէն մէկն այլ Քուրդն է. որոյ և անունն գրեթէ անփոփոխ ասկէ 2300 տարի առաջ այլ յիշուի 'ի Յունաց՝ Քուրդոս կամ Կուրդուս, ինչպէս մեր նախնիք այլ անուանեն Կուրդոս կամ Կուրդուսի, ևս և Կուրճոս. որք և ինչուան հիմայ բանասիրաց մեծ քննութե նիւթ են, մանաւանդ այս ետքի տարիներս. այսինքն թէ իրենց և թէ լեզուներնուն ինչ ազգէ ծագած կամ որու նման ըլլալն: Հիմակուան լեզուներ

նուն նայելով աւելի՝ Պարսից մօտ են. բնական  
աւելերնուն նայելով՝ հին Քաղաքացւոց և Մարաց  
սեփական են: Իսկ այս Յունաց և Հայոց և ուրիշ  
հիներու յիշած Կորդուքն՝ Հայոց և Քաղաքացւոց  
կամ Ասորեօտանեայց միջասահման ազգ և ժողո-  
վուրդ մ'են, երբեմն մէկուն երբեմն մէկայլին  
նուաճուած, շատ հեղ այլ ինքնազուրկ և ահար-  
կու մերձաւորաց: Այսպէս էին նաև Քսենոփոնի  
առեն. որ և յիշէ, թէ քիչ առաջ Պարսից թա-  
գաւորն ուղեւով նուաճել զանոնք՝ 120000 զօ-  
րաց բանակ մը խաւրեց, որք գրեթէ բոլոր ջար-  
դուեցան, կէս մը՝ ի լերանց կէս մ'այլ՝ ի բնակը-  
չացն Կորդուաց. մինչև ստիպուեցան Պարսք  
գաշնադրութեամբ զիջանիլ:

Այսպիսեաց միջէն ճամբայ ընելու համար՝  
կրնաս երևակայել թէ ինչ ղգուշութիւն և քա-  
ջասրտութիւն պէտք էր Յունաց. որք գիշերանց  
մօտեցան լերանց, և առտուն կանուխ կամաց և  
լռիկ սկսան ելնել, որ չիմանան լեռնցիք. և այն-  
պէս այլ եղաւ: Վասն զի արդէն ձմեռն՝ կու տի-  
րէր լերանց. արածականք՝ ի գոմ փակուած էին,  
գուրսը թափաւող չկար. ամենքն քաշուած էին  
իրենց գեղերը, որ չլինուած են լերանց գոգոց ու  
խռռչից մէջ, և կէս մը ծածկուած քարերու մէջ  
և գետնի տակ. բնականապէս այլ իրարմէ հեռու  
և ոչ բազմաշէն: Ի՛նչ զարմանք ընկաւ տեղացւոց  
վրայ՝ երբ յանկարծ իրիկուան գէմ տներնուն  
գլուխը տեսան հազարաւոր զինեալ երիտասարդ-  
ներ, որ ոչ Պարսից նմանէին և ոչ Հայոց: Աւա-  
ջին դրդումն՝ մէկէն տեղերնին թողուլ և փախչիլ  
տուաւ. Յունաց ուղածն այլ այս էր. անաշխատ  
ներս մտան, ինչ ուտելիք որ գտան առին. բայց  
ուրիշ բանի չգպան՝ որ չգրգռուին բարբարոսքն.  
մանաւանդ թէ ընտանութեամբ այլ կու կանչէին  
զանոնք, և կ'իմացընէին որ միայն կերակուր և  
ճամբայ կ'ուզեն:

Աորդուացիք ոչ եկան և ոչ դէմ կեցան. ինչսւան որ Յունաց բանակն սկսաւ լեռներէն վար դէպ 'ի ուրիշ գեղեր իջնել. դիշերն այլ վրայ կուհասնէր. այն ատեն փախըստեայքն դարձան և սկսան Յունաց վերջապահից վրայ կարկըտաւքար ու փքին. և ոչ քիչ հոգի սպանեցին ու վիրաւորեցին: Այս երկուքն էին իրենց գլխաւոր և ահաւոր զէնքերն. — քար ու նետ. — առաջինը ոչ այնչափ հեռուէն պարսատիկով կու նետէին, որքան 'ի մօտանց մեծամեծ կառններ և ժայռեր լերանց վրայէն գլորտկելով կու ջախջախէին հանդիպածը. Երկրորդը՝ կու ձգէին երեքկանգնեան մեծամեծ աղեղներով, որոց լարը քաշած առենին ձախ ոտուընին առաջ կ'երկընցընէին, և երկու կանգուն երկայն նետերը կու թռուցընէին անանկ ուժով որ գրեթէ միշտ վահանն այլ զրահներն այլ կ'անցնէր, և գոնէ առանց վէրքի չէր թողուր դպածը: Յունաց համար այնչափ մեծ կու գար այս նետը՝ որ նիզակի տեղ 'ի գործ կ'ածէին. իսկ Աորդուաց նիզակներն ինչուան 15 կանգուն (յունական) երկայն էին: Արնաս չափել զանոնք հիմկու Քրդաց նիզակներով, թէ որ ոչ անոնք զքեզ չափեն: Յոյնք առաջին անգամ ասոնց փորձն առած, ու նորէն գեղերու մէջ ապաստանած՝ շատ վախով և զգուշութեամբ անցուցին այն գիշերը. վասն զի Աորդուացիք լերանց չորս կողմը կրակ վառած կու հսկէին, ահաւոր գեղեցկութիւն մը տալով արդէն բնութեամբ խոժոռագեղ տեղեացն: Նոյն զգուշութեամբ և կասկածով ելան և ճամբանին շարունակեցին Յոյնք երկրորդ օրը, բռնած գերինին և անստուննին ալ ազատ թողլով որ իրենց արգելք չըլլան և պաշարնին այլ շուտով չսպառեն. և այնպէս երբեմն կը ուռելով երբեմն անխռով անցուցին այն օրը:

Նրորորդ օրն բնութիւն և բնակիչք միաբան հա:

կառակեցան Յունաց. բքախառն փոթորիկ մը փրթաւ վերէն, զոր աւելի դժնդակ ըրին Կորդուաց պարսերն ու նեւերն. Յոյնք կ'ուզէին տեղ մը քաշուիլ պատասպարիլ. բայց եթէ գտնէին այլ պաշարնին հատած պիտի կորսուէին. հարկ էր որ բքոց և փքնաց մէջ յառաջին անծանօթ ճամբուն. որուն երկու կողմերն այլ բռնեցին տեղացիք երբ նեղ կրճերու հասան, և անհնարին տագնապ հասուցին Յունաց: Հոս Քսենոփոն իր ամեն հնարքն և համբերութիւնը հատուց, քաջալերելով և յորդորելով իրենները՝ որ անխռով և յուշիկ առաջ երթան, և շատ անգամ կանգ առնեն կամետ քաշուին թշնամիները ցրուելու, և չարտորան այն անստոյգ և վտանգաւոր տեղուանքը: Այս պիտանի խրատը անանկ տագնապի ատեն դժար էր ամենուն հասկըցընել. և նոյն ինքն առաջնորդն Քիրիսոփ՝ ձանձրանալով ասանկ կամկար շարժելէն՝ երագեց ընթացքը իրեն յառաջագնաց գնդովը. անանկ որ վերջապահ գունդն ստիպուեցաւ գրեթէ փախչելու կերպով փութալու անոր ետէն: Այս խուճապման ատեն քաջ սպարաւորացին Կլէոնիմ՝ նետահարեալ ՚ի կողն, վահանն այլ կաշիէ զրազներն այլ ծակուելով՝ ընկաւ անկանգնելի: Անկէջ ոչ հեռու՝ չոր ժայռերու վրայ փռուուեցաւ Բասիաս Արկադացին, փոխանակ իրեն դրախտանման Տեմպեան հովիտներուն. թերեւ զանոնք և իր ցանկալի ջերմիկ տնակը և ընտանիքը կ'երագէր՝ երբ սուր փքին մը գլխին մէկ կողմէն մէկայլն անցնելով և ելնելով միտք ու շունչն այլ մէկէն թռուց... հասուց այլ հայրենի հողուոց: — Աւաղելի ստուգութիւնն այս է՝ որ երկու երիտասարդաց մարմինքն այլ հայրենեաց հողէն հեռու՝ մնացին ուր որ ընկան. և երկուքին հաւասար եղաւ օտար և խորտ գետինն, թէ խստավար սպարտացւոյն և թէ փափկավար Արկադացւոյն: —

Բայց Քսենոփոն շատ մեղադրեց Քիրիստոփայ արտորալը. իսկ նա պատճառ բերաւ ճամբուան նեղուածքը, ուր պէտք էր շուտով հասնիլ՝ քանի որ Թշնամիք բռնած չէին կիրճերը:

Այն օրը Քսենոփոն քանի մը հոգի բռներ էր լեռնաբնակներէն և երկուքը պահեր էր. մէկուն հարցուցին Թէ յարմար ճամբայ մը գիտէ՞ անցնելու. պատասխան չտուաւ, որչափ այլ չարչարեցին, մինչև սպանեցին միւսոյն դիմաց. նա այլ զարհուրած՝ իմացուց որ խեղճ ընկերն այն կողմերը կարգած աղջիկ մ'ունէր, անոր համար չէր ուզեր զրուցել ճամբան. իսկ ինքն ապահովցուց որ կայ լերանց մէջ աղէկ ճամբայ մը, բայց հոն հասնելու համար՝ հարկ է մօտիկ լերան մը գլուխ ելնել շուտով քանի որ Թշնամիներն չէին հասած, ապա Թէ ոչ անկարելի կ'ըլլար անցքն: Երկու հազար կտրիճք՝ Արիստէոս Քիոսացւոյ առաջնորդութեամբ՝ յանձն առին նոյն իրիկուն ելնելու բռնելու լերան գլուխը, և փող զարնելով իմացընելու մէկալոնց՝ որ երկրորդ օրը հոն գան: Քսենոփոն այլ իր վերջապահ գնդովը ուրիշ ճամբայ մը բռնեց՝ որ Թշնամիները խաբէ և չտեսնեն առջինները: Երբ հասաւ ձորեզը՝ որոյ դիմացի կողմն էր լեռնանցքն, Կորդուացիք սկսան վերէն մեծամեծ սայլի բեռան չափ քարեր գլորորկել, որոնք կտրտուելով ժայռից վրայ՝ չէին Թողուր Յունաց առաջ անցնիլ. պէտք եղաւ որ յետ քաշուին և գիշերը հոն անցընեն, մինչ Կորդուացիք մինչև առաւօտ այլ անդադար քարերը գլորելու հետ էին: Այն միջոցին յառաջագէմ գունդն անկասկած հասաւ Թշնամեաց պահակներուն վրայ, զոմանս սպանեց, զոմանս փախուց, և բռնեց անոնց տեղը, ու գիշերը հոն կեցաւ, կարծելով Թէ լերան գլուխը հասեր է. բայց դեռ բարձրագոյն բլուր մ'այլ կայր ելնելու: Առաւօտուն՝



մէզն օգնական առնըլով Յոյնք յառաջ խաղացին թշնամեաց կողմը, և միգին փարատած ատեն՝ վրանին հասնելով, փողելով կանչելով ու զէնքերով հալածեցին: Փողոց հնչումը լսելով՝ Քիրիսոփ յառաջապահ գնդովն ելաւ երթալու նոյն ճամբէն. իսկ Քսենոփոն վերջապահ գունդն երկու բաժնեց, մէկուն յանձնելով պաշարները և կարասիքը՝ քովնտի ճամբէ մը գալու: Ասոնք հասան բլրի մը, ուսկից հալածեցին թշնամիները. և տեսան ուրիշ բարձրագոյն բլուր մ'այլ զոր թըշնամիք բռներ էին. Քսենոփոն առջինին վրայ պահապաններ թողուց երկու սպայից ձեռաց տակ, որ պաշարաբեր գունդը պաշտպանեն, և ինքն կէս գնդովն յարձակեցաւ երկրորդ բլուրն այլ բռնեց. բայց անոր վերև ուրիշ և աւելի դժուարահոխ մ'այլ բարձրացած էր, և էր այն բլուրն՝ ուր որ գիշերադնաց Յոյնք Կորդուաց պահակները սպաներ և վռնաեր էին: Քսենոփոն երազոտն կտրիճներով այս երրորդ բլրին այլ տիրեց. վասն զի բարբարոսք առանց իսկ նետելու և պարսելու՝ յետ քաշուեցան: Այս յաջողութիւնս ձախողութեան մը նշան էր. և յիրաւի հազիւ երրորդ բլրին վրայէն Քսենոփոն իրեններուն պատուէր կուտար կամաց շարժելու, Արգիացի մը շնչակտուր վազելով հասաւ և գուժեց, որ առջի բլրին վրայ թողած երկու սպայքն (Կեփիսոգոր և Ամփիկրաս)՝ մասամբ պահապան գնդին պաշարուած սպանուեցան՝ ի թշնամեաց. որք և փութալով հասան Քսենոփոնի կեցած տեղւոյն գիմաց ուրիշ բլրոյ մը վրայ դիզուեցան:

Հոս Ատտիկեցի մեղուն իմացաւ որ խայթոցի տեղ մեղըր բանեցընելու է. մարդ ղրկեց հաշտութեամբ խօսելու անոնց հետ, և զինադուլընելու. և խնդրեց որ մեռածներն այլ թողուն վերցընելու: Կորդուացիք այլ պահանջեցին որ Յոյնք ի-

րենց գեղերը չայրեն։ Այն միջոցին մեկայլ գուռնայլ եկաւ հոն ժողուեցաւ, և միաբան սկսան շարժիլ. Թննամիք անխռով Թողուցին զանոնք. բայց երբ անսան որ բլուրներէն վար կ'իջնեն, նորէն քարերու ձեռք զարկին և Յունաց ետեւէն հասուցին։ Այս տագնապին առեն Քսենոփոնի վահանակիրն փախաւ քովէն, և մեր մեղուն ջախջախելու վրայ էր՝ երբ Նւրիդք Լուսիացին հասաւ, վահանաւը պաշտպանեց ապրեցուց. ինչպէս երբեմն իր մեծ մարտակիցն Սոկրատէս ի Իեւլիոնի պատերազմին ազատեր էր դնաւ։ Վերջապէս հասան բլրոց ստորոտը, ուր միացան ամեն զնգերն այլ. և ըստ իրենց խօստման արձրկեցին կապած առաջնորդնին, անոր տեղ իրենց մեռելոց մարմինները առնելով, և իրենց օգվորութեամբ Թաղեցին։ Այն գիշեր կեցան գեղերու մէջ, ուր առատ համբար և կերակուր այլ վայլեցին. մանաւանդ պատուական գինի, որ մեծամեծ գետնաթաղ բռած կարասներու մէջ լցուած էր։

Նրկրորդ օրը նորէն իրենց կարգը առնելով, Քիրիսոփ առաջապահ, Քսենոփոն վերջապահ, շատ հեղ Կորդուաց հետ զարնուելով, լեռներէն ելնելով իջնելով, վերջապէս հասան անոնց ստորոտը, վերջին գեղերուն. որոնցմէ վար դիմացնին քիչ հեռու երկայն արծաթ գօտւոյ պէս տարածուած տեսնուեցաւ Տիգրիսի օժանդակ գետ մը, զոր Կենդրիք կոչէ հեղինակն, և որոյ միւս կողմը կ'երևէին սահմանք և լեռնադաշտակք Հայաստանի, որք և այն ժամուն՝ Թերևս քան մեզի՝ աւելի ցանկալի էին Յունաց։

Ե

Այս աշխարհաբաժին գետս զոր գրեթէ ամենայն հետադննողք կու ճանչնան հիմկու Պօղոսը, է արևելեան առաջք մը Տիգրիս գետոյ, զոր և Շաբաթ կոչեն Հայք 'ի կողմանս Մոկաց, և նոյն երևի զոր Խորենացին յիշէ 'ի պատմութեան պատկերի Տիրամօրն, գոնէ նոյն Անձևացեաց հարաւակողման քարալեռանց բղխած ալբիւրներէն գետացեալ իսկ անունն՝ եթէ հայկական է՝ կրը նայ կարծուիլ Կարգի կամ Կարգեայ գետ, զի այսպէս կոչուէր Կորճայից մէկ գաւառն. եթէ պարսկական է իբր Կէնդ-բո-պ՝ նշանակէ Ժանդ-բո-պ կամ գետ. և դարձեալ յիշէլ սոյն Խորենացւոյն ըսածն, թէ « Զարջուրն հոսեալ 'ի լեռանց Կանգո-արայ, որ է Ագռաւաքար », երթան 'ի Տիգրիս: Արդ այս գետոյն դիմաց գիշեր մը դադրելով առաւօտուն մօտեցան Յոյնք՝ անցքը փորձելու և շատ գժար գտան. վասն զի սաստիկ սրննթաց և մեծ կարկաջանօք թափելով կ'երթար գետն խառնուելու ընդ (արևմտեանն) Տիգրիս, անկէ քանի մը մղոն հեռու: Զրէն և խորէն աւելի այլ վախնալու երեցան Յունաց՝ Կորդուացիք, որ լեռներէն իջնալով կու գային ետևնուն վերջի նետերնին և պարսերնին այլ պարպելու. իսկ զիմացնէն՝ գետոյն այն կողմը բռնած էին նախայիշեալ Հրանտայ կամ Որոնդի, և մէկ Արդի անուն իշխանի մ'այլ (հաւանօրէն Արթի Մոկաց նախարարի) հեծեալքն. և անոնց ետևէն այլ բարձրաւանդակաց վրայ՝ հետևակ զօրք, ճամբուն նեղուց անցքը պահելով: Իրեք կողմանէ վտանգ կար, և գոնէ մէկէն կամ երկուքէն փախչելու ճար չկար:

Հոս Քսենոփոն իր հնարադիտութեամբն՝ զըւարթերես մէջ մտաւ, սկսաւ յաջող երազներ

պատմել. զոհերն այլ յաջող ելան կ'ըսէր. ոմանք այլ լուր բերին որ գետոյն գիմացի կողմը աղ-կունք և ծերեր լաթ կու գնէին քարածերպե-րու մէջ. ըսել էր որ հոն գետն ծանծաղ և անցա-նելի էր: Դէպ յայն կողմը գիմացին, իրարօւ սիրա տալով հասան գետոյն եզերքը, նորէն զոհ մ'ը-րին ջրին վրայ, և յաջող գտան: Քիրիսոփի սօթ-թուեցաւ ցառքեց ներս իր առաջակարգ գնդովը. Քսենոփոնն այլ վերջապահովը, բայց քիչ մը ու-րիշ դիրք բռնելով. իբր թէ կ'ուզեն թշնամիները մէջ փակել երկու գիաց. և ամենքն միաձայն սկը-սան կանչել իրենց ազգային պէտա ըսուած երգը. զոր մեծ վտանգաց կամ հանգիսից մէջ կ'երգէին. որ և յիրաւի թէ զարմանք թէ չփոթուածիւն ձգեց մեր Կորճայից և Մոկաց. և նախ հեծեսլքն ապա հետևակքն յետ քաշուեցան: Բայց լեռնցիք մէկ-այլ կողմէն մօտեցան Քսենոփոնի վերջապահաց, իրենք այլ իրենց կորդ լեզուովն երգելով. սակայն քանի մը հոգի միայն կրցան վերաւորել, մինչ միա-ցեալքն անցան գետը, և սկսան շուտ շուտ առաջ երթալ, ինչուան 15 մղոն տեղ, որ ամբարդի էր, (պատճառաւ Կորդուացոց ստեպ արշաւանաց) ինչուան որ հասան իշխանանիստ մեծ աւան մը, որոյ տանց շատին վրայ աշտարակներ կային: Հը-նագէտք կարծեն թէ այս, տեղս հիմկու Սղերա քաղաքաւանն ըլլայ. շատ հաւանական է գոնէ անոր մօտ ըլլալն. և Յունաց բռնած ճամբան կ'ե-րևի թէ անկէջ 'ի Բաղէշ տանողն է, լերանց նե-ղուցներու մէջ, որ կէս 'ի բնէ կէս արուեստով բացուած են, ինչուան Ռահվայի քաջածանօթ հովիւը. որոյ ճամբուն վրայ ինչուան հիմայ կա-րաւանք կ'ապուլինին բազմաթիւ ամրաշէն խա-ներու մէջ. թէ և ասոնց շէնքն շատ հին չերևան, սակայն ճամբան հին ատենէ բացուած և վարուն էր. և այս է մեր նախնեաց յիշած պահակն և

Դրանից Արքեպիսկոպոսը, որոյ գլուխն կամ մէջն՝ վա-  
նայ ծովուն հարաւային արեւմտեան գին Պահլի  
Հոյսոյ կ'ըսուէր, Աղձնեաց և Տուրուբերան նա-  
հանգաց ու Մոկաց միջոց. Յունաց բռնած ճամ-  
բան այլ զայս կարծեմ:

## Զ

Առջի հանգիստած գեղաւանէն 30 մղոն այլ  
վեր ելնելով երկու օրուան ճամբով Տիգրիս գե-  
տոյն մէկ տղբերակին հասան, որ ինծի կ'երևի  
նոյն իսկ Բաղեշու գետն, և ասկէց բռնեցին Մշոյ  
ճամբան Ռահվայի ձորէն. և հասան Տարօնոյ գե-  
ղեցիկ և գիւղաշատ գաշաը, որոյ Մեղրագեան  
կամ Մեղուայ գետն կարծուի Քսենոփոնի Տելե-  
բոսս կոչածն: Այս կողմն այն ատեն Աբխազեան  
Հայաստան կ'ըսուէր. և կողմնակալն էր Տիրիբազ,  
Պարսից Թագաւորին շատ սիրելի, որ միայն համ-  
արձակութիւն ունէր անոր ձի հեծնելու ատեն՝  
ձեռքը բռնելու: Ասիկայ հեծելազօրօք Յունաց  
գիւմաց ելաւ, բայց խաղաղութեան պայման դը-  
րաւ որ առանց գեղերուն մնասելու՝ անցնին իրեն  
սահմաններէն, և ուղածնուն չափ պաշար առ-  
նուն: Բայց ապահովութեան համար ինքն այլ հե-  
ծելովքն քիչ հեռուէն Յունաց ետեւէն կ'երթար,  
ինչուան որ անոնք ուրիշ գաւառ մը հասան (որ  
Թուի Հաշտեանք), ուր արքունի կամ իշխանու-  
նիսա ապարանք և շատ գեղեր կային: Բնակչաց  
բարեկամական կերպն, իրենց անօթութիւնն և  
ձիւնախառն ցուրտն՝ համարձակեցուցին զՅոյնս  
խումբ խումբ բաժնուելու գեղերուն մէջ, և ա-  
ռատապէս վայելու համեղ կերակուր, արմուիք,  
չամիչ և հոտաւէտ գինի մը. կու մնար անոյշ քուն  
մ'այլ քաշել, բայց իրենց պահնակներն զրոյց բե-  
րին՝ Թէ զօրաց շարժմունք և խարոյկ (կրակ) կու

տեսնեն. մէկէն զէջերնին առին գուրս վազեցին և բանակեցան բաց օդոյ տակ, որ ձիւնով ու ցրտով ծեծեց ծածկեց զանոնք. և Թերևս բոլոր սառէին այլ, եթէ Քսենոփոն օրինակ չտար փայտ ժողվելու կրակ վառելու. և եղով (Թէ սուսամի, Թէ ուսանի) և ճարպով օծուելու: Բարեբաղդաբար՝ Թշնամեաց վտանգն մերձաւոր չըլլալով՝ նորէն քաջուեցան գեղերը, գուրսը բանբեր և գիշերապահ թողլով: Ասոնք Պարսիկ կամ Հայ աղեղնաւոր մը բռնեցին բերին զօրավարաց, և իմացան անկէ՝ որ Տիրիբազ իրենց անցնելու լերան ճամբան բռներ է. — ինչ լեռնանցք էր այս, յայտնի չէ. որովհետև ինչուան հիմայ այլ այս կողմերս լաւ ծանօթ չեն աշխարհագրաց և ճամբորդաց. բայց կ'երևի Աինճ ըսուած վիճակին կողմերը: Յոյնք ամենէն ապահով փորձը սեպեցին շուտ և շիտակ նոյն լերան վրայ վազելը, յանկարծակի բերելով զՏիրիբազ, և յաջողեցան այլ. դիմացնին ելածը զարկին փախուցին, 30 ձի բռնեցին, Տիրիբազայ վրանն այլ ձեռուընին ընկաւ, անոր արծաթոտիկ անկողնովը և կարասեօք:

Երկրորդ օրն այլ ձիւնի տակ քալելով և դարվեր ելնելով հասան այն բարձրաւանդակը՝ ուր Տիրիբազ բանակեր էր առջի օրը. անկէ այլ իրեք օթեվան ըրին անշէն և ձիւնապատ լեռնագաջտաց վրայ, ինչուան որ հասան յԱրածանի գետ (յարևելեան Սփրատ), զոր և անցան ծանծաղ տեղէ մը, ուր ջուրն ինչուան գօտինին կու հասնէր: Զարմանք է որ սառած այլ չէր, վասն զի դեկտեմբերի կէսն էր. ապա կ'երևի Թէ Արածանւոյ սաստիկ և նեղուցէ վազած տեղերուն մօտ էր անցքերնին Ճապաղընոյ մօտերը, և ոչ շատ հեռու Պինկէօլ լեռներէն: Ասկից այլ գարվեր սկսան ելնել Հայոց բարձրագոյն տափարակները, և երեք չորս օր շատ գժարութեամբ 50 մղոնի չափ կրցան եր-

Թաւ ձեան և սառածանեաց մէջ: Բայց վերջի օրն և գիշերը (որ կ'երևի թէ Խոնուայ 8000 ոտք և աւելի բարձր լեռնագագաթին վրայ էին) շատ նեղեցան և վտանգեցան. հին ձեան վրայ՝ սաստիկ ցուրտ հիւսիսային հովով սկսաւ առատ տեղալ նոր ձիւն, որ գրեթէ մարգալափ բարձրացաւ գետնին երեսէն, ամեն ճամբու հետք ծածկեց ջնջեց: Խեղճ Հելլենացիք յուսահատեալ՝ ձիւնաժեծ բքախեղդ կ'ըլլային, չկրնալով ոչ առաջ և ոչ ետև երթալ. ոմանք ոտքի վրայ, ոմանք՝ ի գետին փռուած՝ բոլորովին ձերմըկցեր, և սառելու փառնալու վտանգի մէջ էին. փուճ տեղ զոհեր կ'ընէին հողմոց հիւսիսահայոց, որ չհասկըցան Հելլենաց լացն ու լեզուն: Մոսկուայէն դարձող նաբուլէոնեան բանակին սոսկալի և սրտակտուր տեսարանքն՝ 2200 տարի առաջ հանդիպեցան և նրկարեցան հոս Հարբայ բարձրաւանդակին վրայ, ուր որ նախահայրն մեր Հայկ իր տիրական տուներ հաստատեր էր, և ի Բելայ կուռնախատուեր, թէ « Բնակեցար ի մէջ ցրտութեան սառածանեաց »: Սակայն այն ցրտերուն վարժելով մեր Հայկն և իր նման Հայկազունքն՝ կրցան օտարաց դէմ կենալ և Բաբելոնի ու Նինուէի ջերաքնակներէն աւելի սերունդ թողուլ մինչև ի մեզ:

Անվարժ Յոյնք մահուան և կենաց միջակուռին՝ ամեն կարելի հնարք ըրին, ոմանք շարժելով, ոմանք քիչ մը գտած փայտերնին վառելով, և ոմանք այլ բոլորովին անշարժ մնալով. զորս ոչ տաքցրնել կրցաւ և ոչ վեր կանգնել առաւօտուն պայծառ բայց վատոյժ արևն: Գրաստուց մեծ մասն սառեր ճաթերսև ժայռերու պէս ցցուեր էին ձիւնագագաթին մէջ. կտրիճ զինուորներէն 30 հոգի և հասարակ կամ ծառայական մարդկանցմէ աւելի շատոնք մեռեր սառեր էին. շատերն այլ կիսամեռ և կիսաշարժ՝ կու ջանային պակսած կեան.

քերնին վաստրկելու. ոմանց աչքն կուրցեր էր պաղ հովէն բքէն և ձիւնէն, ոմանց ոտքերն ճաթըռտած, ոմանց այլ կէս մարմինն փառցած: Վերջապէս առաւօտն՝ ոչ միայն լուսատու այլ և յուստտու է. սկսաւ շարժիլ մեռելակերպ բանակն, մանաւանդ թէ գերեզմանակերպ, թմրած ու ճերմրկցած. բայց շատերն հազիւ քանի մը քայլափոխ ըրած՝ դըրէին 'ի գետին, նոր հիւանդութեամբ մը բռնուած, զոր պաշտօն կոչէին, անօթովթեան և տկարութեան հետեանք. որոյ գեղն էր կերակուր և տաքնալ. բայց հազիւ թէ նոյն իրիկունը կրցան գտնել այս գեղը, այն այլ ոչ ամենքն:

Քիրիսոփ յառաջագէմն իր գնդովն հասաւ գեղ մը, որոյ պատին քով աղբիւրէ մը ջուր կ'առնուին աղջկունք. զասոնք խաբելով ըսին որ Պարսից թագաւորին կողմէն կու գան առ նախարարն՝ և մտան գեղը հանգչելու: Իսկ մեր խղճալի Մեղուն՝ այն օրն այլ շատ չարչարուեցաւ իր վերջագնդովը, և շատերը թողուց ձեան վրայ, որ կամ ցրտէն և հիւանդութենէ մեռան, և կամ թշնամիներէ զտրնուած, որք և խեղճերուն ողջ մնացած գրաստներն այլ յափշտակէին. ինչուան որ տառապեալքն հեռուէն տեսնելով սև գետին մը՝ ձիւնը հալած կարծեցին և հոն վազեցին. և գտան շոգելից ջերմուկ մը, որ 'ի հարկէ քովի ձիւնը կը հալեցընէր և հոգն յերևան կու հանէր: Հաւանօրէն այս ջերմուկս պիտի ըլլայ Բասենոյ դաշտին հարաւաւ կողման լեռանց վրայ, ուր իջան Յոյնք, (որպէս թուի Դեղթափ և Զէքմէ? լեռանց միջոց լեռնանցքըն): Տալը տեսնելուն պէս ցրտահար և անօթի գունդն փռուեցաւ ջրին եզերքը. Քսենոփոն՝ որ լաւ գիտէր անոր փնասը՝ ամենայն հնարքով յորդորեց, վախցուց, սպառնացաւ, բայց չկրցաւ հեռացընել շատերը, որք՝ Սպաննելու այլ ըլլան:



ւսակէ չենք շարժիր, ըսին, նստան։ Եւ ահա մեր նախնի հարց չարաճճիկ լաճերն և Պարսիկք սկսան անոնց վրայ նետեր թափել փոխան ձեան։ Այն ատեն կտրիճներն յուսահատաբար ելան վազեցին ասոնց վրայ, իսկ տկարքն միայն զէնքերնին վահաններուն զարնելով վախցընել կու ջանային։ Այս փորձս Քսենոփոնի իրատներէն աղդու եղաւ. սկսան շարժիլ ու առաջ երթալ. և քիչ մ'որ հեռացան՝ իրենցմէ առաջ հասնող զնդի մը հանգիպեցան, որ հոն փռուեր վերադնեննուն տակ ծածկուեր էին. զասոնք այլ քաջալերելով և խիստ տկարները ուրիշներուն թւով քշելով կամ կրելով՝ դէպ 'ի գեղերը ուղղեց. նոյն միջոցին Քիրիսոփէն այլ մարդ եկաւ, առաջնորդեց, և հասան մտան իրենք այլ շէնքի տակ, այլ և այլ գեղերու մէջ։

Է

Քսենոփոնի վիճակուած գեղին վրայ վազեցին Յունաց կտրիճք՝ Պոլիկրատ Աթենացւոյ մ'առաջ նորդու թեամբ, և բռնեցին գեղին գլխաւորը (որ հիմայ մէլիք կամ ուէս կ'ըսուի), և անոր նոր հարս ազնիկը, որուն փեսայն որսի գացեր էր. քանի մ'այլ աղէկ ձի բռնեցին, զոր Հայք հարկի տալու տեղ կու բուծանէին։ Քսենոփոն գեղապետին սիրտ տալով վախը փարատեց. նա ալ պատուիրեց որ սիրով ընդունին այս անծանօթ հիւրերը. և ութ օր բարեկենդան մը ընել տուին՝ հողածածուկ և տաքուկ տներուն մէջ, ուր անասունք կենդանի վաւարան մ'էին թոնիրներէն զատ։ Հոն առատ և կերպ կերպ մսեղէն կերակրոյ հետ գլխան ընդեղեններ այլ, և պատուական գարեջուր ու դինի՝ գեանաթաղ կարասներու մէջ. ուր ուզողը կերթար եղէգ մը կու խոթէր և ծռած վեր կու

քաշէր խմեր : Այս Յունաց բարեկենդանին զուար-  
ճութիւնն այլ էին մեր Հայ մանչերն . որոց նորա-  
տեսակ հագուստն , մնչնակատակ ձևերն՝ նշանա-  
ցի խօսելով , ծառայելու ատեն հաստ ու բարակ  
շարժմունքն՝ շատ ծիծաղի պատճառ եղաւ Եւրի-  
պիդեսայ և Արիստոփանի թատերաց առաջին ակա-  
նատես եզող Հելլենաց :

Շաբաթ մը հանգչելէն ետեւ Քսենոփոն շատ  
շնորհակալութեամբ՝ ծեր ձիւր ընծայ ըրաւ գիւ-  
ղապետին՝ որ արեգական զոհէ . — գեռ արեւապաշտ  
էր այն ատենուսն մեր պապն՝ Բասենցի կամ  
Թէքմանցի ուէսն . — ուրիշ ընծանեք ալ տուաւ .  
բայց ինքն այլ առաւ երկու լաւ մտրուկ , իր ըս-  
պայիցն այլ մէկ մէկ հատ տուաւ : Ասոնք այն ա-  
նուանի հայկական ձիոց քուռակներն էին՝ որ  
Պարսից թագաւորին ընծայ կ'երթային տարուէ  
տարի , իբրեւ 20000 , կամ աւելի . պզտիկ քան  
վարսից ձիանն՝ այլ աշխոյժ և քալուկ : Հայ գե-  
ղապետն սովբեցուց Յունաց՝ որ ձիոց ոտքերուն  
տակ քսակ մը կապելու է՝ որ կարենան ձեան  
վրայ քալել . եթէ այս բանս մեր նրբամիտ Աթե-  
նացիք առաջուց գիտնային՝ թերեւ այնչափ կո-  
րուստ չէին ըներ լերանց վրայ : Փոխարէն այս բա-  
րի խրատուն՝ անգութ սպարտացի զօրավարն Քի-  
րիսոփ՝ երեք օր ճամբայ ընելէն ետեւ յանիրաւի  
կասկածելով որ գիւղապետն ( զոր իրենց առաջ  
նորդ առեր էին ) կամաւ անշէն տեղերէ կու տա-  
նի՝ յանգիմանեց ու ծեծել տուաւ . որոյ համար  
Քսենոփոն գժտեցաւ Քիրիսոփի հետ . մանաւանդ  
որ գեղապետն այլ գիշերանց փախաւ տեղը դար-  
ձաւ . բայց իր մէկ որդին որ Յունաց քով էր՝ մը-  
նաց հոն , և՛ վերջը յօժարութեամբ գնաց անոնց  
հետ 'ի Յունաստան : ( յԱմփիլպօլիս , իրեն տիրոջ  
Նպիսթենեայ տուն , և միշտ հաւատարիմ մնաց .  
'ի հարկէ ալէկ յունարէն այլ սովբեղով : )

Բասենոյ ընդարձակ դաշտերուն մէջ եօթն օր  
 Թափառեցան Յոյնք, ինչուան որ հասան Երասխ  
 գետը, զոր Քսենոփոն Փասխ կոչէ յանուն Բասե-  
 նոյ. հոս այլ չորս օր դադրեցան գիւղօրէից մէջ.  
 ապա ելան և անցնելով գետը՝ մտան Հաւնունեաց  
 և Վանանդայ սահմանները, ընդ մէջ Տայոց և ա-  
 րեմտեան Գուգարաց: Այս երկու նահանգաց  
 առջինը Յոյնք ստոյգ Տայ (Տաօք) կ'անուանեն.  
 իսկ երկրորդին տեղ Խալիպ կամ Խալթի կ'ըսեն.  
 որով յայտնի կ'ըլլայ այն ատեն Խաղտեաց աղբիւն  
 մեծութիւնը և ընդարձակ սահմանները. բայց  
 մեր աշխարհագրութեան նայելով ասոնց հոս ը-  
 սած Խալիւպէն՝ Արտահանի (Գուգարաց), Կո-  
 զայ (Տայոց), որ հիմայ այլ Կէօլէ կ'ըսուի, և Կար-  
 նոյ կողմերն իմանալու է: Այս կողմերս կտրիճ  
 լեռնաբնակք կային, որ իրենց անցքերը բռնելով  
 հակառակեցան Յունաց. բայց անոնք վերջապէս  
 գիշերանց զոհ ընելով առտուն իջան լեռներէն  
 (որ Թուին Քիրէճլի կամ Գարկապազար ըսուած.  
 քըն հիմայ), մտան Տայոց մացառոտ և ժայռոտ  
 երկիրը. ուր շատ դժարաւ կրնային առաջ եր-  
 թալ. մանաւանդ որ Թշնամիք այլ անդադար լեռ-  
 ներէն քար ու նեւ կու Թափէին վրանին, որոնց  
 հետ անօթութիւնն այլ կու տանջէր զՅոյնս. մին-  
 չև որ հասան գեղերու և կրցան պաշար ճարել:  
 Անկից դէպ յարեմուտք երթալով (հաւանօրէն  
 մեր Տայոց աշխարհին Պարսիզացիոր, Բերդաց-  
 փոր և ուրիշ փորակաւոր և ձորակաւոր գաւառաց  
 միջէն), չորս օրէն հասան ընդարձակ ամուր տեղ  
 մը, որ բնակութեան շէնք չունէր, և կ'երևի Թէ  
 կամ Ռահվոյի կարաւանատանց պէս տեղ մ'էր,  
 ուր կային բազմութիւն արանց և կանանց հան-  
 դերձ անասնօք, և կամ մեծ վաճառատեղի մը:  
 Յոյնք յարձակեցան այս ամրափակ տեղւոյն վրայ,  
 բայց վրանին անանկ քարէ կարկուտ մը իջաւ ի

պաշարեալ Հայոց, որ յետ քաշուեցան. Քսենոփոն նորէն սիրտ տուաւ քիչ մ'այլ դիմանալու և շուտով դիմելու, վասն զի կարճանցք մ'էր վըտանգաւոր տեղն, և անկէ անդին եղևնեաց անտառ մը կար՝ որ քարերուն գէմ պիտի կենար. քարերն այլ անհատնում չեն: Այնպէս այլ եղաւ, Յոյնք վերջին յարձակմունք մ'ըրին, 'ի հարկէ ոչ անմնաս, բայց հասան մօտն ներս:

Հոս սարսափելի և քիչ հանգիպած տեսարան մը բացուեցաւ երկու կողմին այլ. Տայք՝ անձրկած և յուսահատած՝ բայց չուզելով վատութեամբ օտարաց ձեռքն ընկնիլ՝ կրցողը փախուցին. անկար կանայք կրցողներէն աւելի կրցան. կատաղեաց պէս այլակերպած, մտզերնին ցրոււած, աչուռնին խողոված, փոխանակ քարի՝ սկստն մանր զաւկրնին օգուն մէջ պարսելով քարաձոր վհերու մէջ նետել, անոնց ետեւէն զիրենք այլ գահավիժելով անդարձ անգնդոց մէջ. բնական յանդգնութեւ արքայլ նոյնպէս ըրին. անանկ որ Յոյն մը՝ անոնց գլխաւորներէն մէկը բռնել ուզելով անոր հետ մեկտեղ վհերուն մէջ փրթաւ ջախջախեցաւ: Հազիւ քանի մը հոգի կրցան բռնել Յոյնք. բայց շատ անասուն գտան և առին, էշ, ոչխար և կով. որ իրենց պիտանի եղան հետևեալ օրերուն, երբ Խալիւբաց կամ Խաղտեաց երկիրը մօտն, որ Թուրարեմտեան Տայք, կամ Թավուսկեարի (բուն Տայոց) և Թորթումայ կողմերը. գուցէ քիչ մ'այլ աւելի դէպ հիւսիս մոլորեցան. վասն զի իբրեւ 50 փարսախ (150 մղոն) ճամբայ ըրած կ'ըսուին այն երկիրը, որոյ բնակիչք քան զՀայոս և զՏայոս աւելի յանդուգն և բուռն էին, ուղէկ այլ սպառազինուած. Սպարտացւոց նման այլ կարճ թրեր ունէին, որք քանի մը Յունաց գլուխներ իրենց ափը ձգեցին. իսկ միասայր նիզակնին՝ Կորդուաց նման 15 կանգնեայ էին: Անվախ կու գային պա.

րելով երգելով թշնամեաց դէմ գրգռելու, կամ իրենց ամուր գեղերուն մէջ պահուրտած՝ յանկարծ կ'ենէին. իսկ եթէ հալածուէին 'ի Յունաց՝ աւելի ամուր տեղուանք կ'երթային, ուր որ իրենց պաշարներն այլ ապահովեր էին:

Յոյնք շատ զգուշութեամբ և ոչ անվանագ առոնց սահմաններէն խուսելով՝ հասան 'ի գետ մը իբր 400 ոտք լայն զոր Քսենոփոն Արքաոս, 'Իիոդոր՝ Արքալ կոչէ. և որուն (առջնին) անուան նմանութենէն՝ չեն խղճեր քանի մը երևելի աշխարհագիրք<sup>1</sup>, հիմիու այլազգեաց Արքա—սոյոս գետը համարել, որ է մեր նախնեաց Արաբեան, և կ'անցնի 'ի դաշտէն Շիրակայ՝ Անիի քովէն: (Այսչափ զՅոյնս դէպ յարեւելս խոտորեցնողք գուցէ կրնային ինչուան Սիւնեաց երկիրն այլ առնիլ, ուր բուն հայկական Արթա գետ մը կայ 'ի Վայոց—ձոր: ) Ոմանք այլ Ապսարոս գետը կարծեցին, բայց այն այլ Պոնտական լեռներէն անդին և ծովուն մօտ է. հաւանօրէն կամ Թորթու մայ գետն կամ նոյն իսկ անոր ջրերը Ժողովող մեծ և Ծանօթ Ճորի գետն էր Արքասոսն կամ Արքակն այն, որոյ առոգած վերջին Տայոց գաւառն՝ է Արեադ—իւր, հիմիու Կիսկիմայ և Խոռուջրոյ կողմերը, Թէ և Յունաց տեսածին չափ լայն չեն այս գետերս:

## Ը

Այս գետս անցնելով մտան Յոյնք 'ի դաշտս Սիւրեայ կամ Սիւրիէնեանց կամ Սիւրփիւնայ. որն այլըլլայ անուան՝ տեղն յայտնի չէ. այլ հասարակաց հաւանութիւն է թէ ըլլայ Կարնոյ դաշտն, որ հին ատեն չի յիշուիր մեր պատմութեան մէջ,

<sup>1</sup> Ինչպէս Ժոպեր, Ինգուլթոհ (Ainsworth), և այլն:

և հաւանօրէն ուրիշ անուան մ'ուշեր: Իրէք օր այս դաշտի մէջ քալելով հասան մեծ և բազմամարդ քաղաք մը՝ Գիւմիս կամ Գոմիս քաղաքը. զոր ոմանք նոյն խակ Երզնաում քաղաքը կարծեն, այսինքն անոր տեղ եղած հին քաղաքը (որ ըստ մեզ չկայր այլ). ոմանք այլ Կարնոյ հաւաքային արեւմտեան ծայրը եղած Ճինի գիւղը. ոմանք այլ այս անուան մերձաւորութենէն կախարդուած՝ կարծեն զԿիւմիսանէ, և պատճառ՝ անոր արծաթահանքով ծանօթ ըլլալը կու գնեն: Այս գլխաւոր տեղն այլ գեռ վէճի տակ է. բայց Կարնոյ, Սպերոյ և Բաբերդու միջոց ըլլալն շատ հաւանական է:

Գումիսիսայ (Թերևս Գոմուց) իշխանն՝ Յուշաց մարդ խաւրեց և խոստացաւ զիրենք անվնաս հասցընելու իր Թշնամեաց երկիրը, խնդրելով որ անոնք այլ այն Թշնամի երկիրը այրեն ու աւերեն. առաջնորդ մ'այլ առաւ, որ խոստացաւ հինգ օրէն ցուցընել Յուշաց իրենց ցանկալի ծովը: Երկու կողմէն այլ խոստմունքնին կատարեցին. Յոյնք անցած տեղերնին այրելով աւերելով, որոյ համար իրենց ետեւէն ընկած բնակիչներն այլ կու հալածէին, և անոնց ուռնելէ հիւսած վահանները՝ իբրև յաղթանակ առին, զոր և իրենց առաջնորդն ուրախութեամբ կու կոտորէր. վերջապէս հասուց զանոնք մէկ սրբադան լեռ մը, ինչպէս կ'ըսեն Յոյնք, և կանուանեն Թէպէ, կամ Փէնիոն ըստ Իրոգորի. զոր հիմայ հնախոյզք կարծեն Կոբ լեռը, ընդ մէջ Կարնոյ և Բաբերդու, ուսկից ճամբայ այլ կայ 8000 և աւելի ոտք բարձրէն. սակայն եթէ Գիւմիսիս քաղաքն Կարնոյ գաշտին արեւմտակողմն էր՝ ինչուան 'ի Կոբ հնգօրեայ ճամբան խիստ շատ է. ասկէց այլ զծով տեսնել իբր 60 մղոն հեռուէն ամեն աչքի համար չէր: Յոյնք՝ գոհութիւն առատապէս վարձատրեցին առաջնորդնին

Թէ ստակով և Թէ զգեստով. բայց նա աւելի փափագով ուզէց և առաւ անոնցմէ շատ մատանիներ ու դարձաւ :

Այնքան մեծ և անպատմելի եղաւ Յունաց ուրախութիւնն 'ի տեսնելն հեռուն իրենց սեփական որորան համատարած աղի ջրերուն փայլուն մակերևոյթը, և այնքան մեծաձայն ծնլ ծնլ կանչէին, որ մօտ եղած գրաստներն խառէին և շփոթէին. վերջապահ գունդն և հեռուն գտնուողք, կարծեցին Թէ Թնամիք չորս կողմն բռներ են, և զէնքի վազեցին: Բայց երբ իրենց գէմ ոչ հակառակով այլ աւետարեր տեսան, և կէս հաւտալով կէս անհաւատ լեռն 'ի վեր վազեցին՝ և իրենք այլ տեսան զծով, ամենքն իրարու պլլուեցան, զօրավար և զինուոր. և շատերն ուրախութեան արցունք Թափեցին երկար ատեն:...

Այսպէս ելան մեր հայրենի սահմաններէն: Պէտք է, երթա՞ք բարով ըսենք, անոնց, Հայկակ, մերազգի առաջնորդին հետ ցուցնելով մօտաւոր գեղը և Մակրոնաց ազգին երկիրը և Ճամբան. ուր որ հասան Յոյնք երեք օր Թփոտ մացառոտ բլուրներէ իջնելով. անկէ այլ իրեք օրէն մօտն 'ի սահմանս Աողքեաց. անկէց այլ երկու իրեք օրէն հասան 'ի Տրապիզոն, իրենց ազգակից գաղթականաց մէջ, և տարիէ մը վեր հեռացած և փափագած ծովուն եզերքը. և մօտն հոն յետ ամիս մը հանգչելու և բարեկենդան ընելու 'ի մեծի քաղաքին Պոնտոսի, ու նաւելով 'ի Սինոպ և ուրիշ ծովեզերեայ քաղաքներ, ապա քիչ մ'այլ ցնամաքէն երթալով, իբր վերջի միաբան իջևանն ըրին 'ի Խրիւսոպօլիս, այսինքն յիւրիւրտար Բիւզանդիոնի, օգոստոսի սկիզբը, և անկից ցրուեցան իրարմէ, Աիւրոսի հետ Ճամբայ ելնելնէն տարի ու կէս ետեւ:

## Թ

Կորգուաց լեռները և Հայոց հարավային սահմանները կոխած առեւտրային, ինչպէս ըսի, նոյեմբերի կէսերն էր, իսկ Խաղտեաց լեռը ելած և ծովը տեսած առեւտրային, ի հիւսիսային սահմանաժայր Հայոց, փետրուարի սկիզբն էր. ուրեմն երկու ամիս ու կէս ամիսէն ցրտագոյն եղանակին (Քրիստոսէ առաջ 401 և 400 տարին) այս հռչակաւոր Բիւրն Յունաց, գերահռչակ զօրավարի և պատմչի առաջնորդութեամբ՝ կատարեց այս յաւերժայիշատակ նահանջը, անոր գծարութեան մեծագոյն մասը գտնելով մեր աշխարհին մէջ. ուր և գտնէ հազար մը կամ հազարներ այն ծաղկահասակ Հելլենաց՝ ծածկեցան հիւսիսային սահմանեաց և հայկական հողոյ մէջ։ Քսենոփոն որոշ թիւ չըսէր. սովորաբար 10000 կ'ըսուին նահանջողք, այլ ըստ ոմանց 13000էն աւելի էին Կորճայից սահմաններուն մօտ. Քսենոփոն՝ Տրապիզոնէն անդին ի Կերասոնոս (Քիրէսուն) գեռ. 8600 հոգի կու յիշէ. իսկ Դիոգոր Սիկիլիացի ինչուան յիւսկիւտար՝ տասն հազարէն միայն 3800 մնացած կ'ըսէ։ Մեր աշխարհին բարձր կլիմային և օտարաց անփորձ ցրտոյն համեմատ, միանգամայն Պարսից Թշնամութեամբն հալածուելով, եղած կորուստն՝ գեռ. կրնայ քիչ ըսուիլ. և պէտք է ապրողք շնորհակալ ըլլան նախ իրենց փիլիսոփայ վերջնապահ զօրապետին, և ապա նոյն իսկ մեր հայրենակցաց, որք աւելի մարդասէր և հիւրընկալ եղան անոնց՝ քան իրենց սահմանակիցքն, Կորճայք, Տայք, Խաղտիք, և այլն. և եթէ Պարսից Թագաւորի կողմնակալքն չըլլային ի Հայս՝ աւելի հանգիստ և դիւրին կ'ըլլար Յունաց Բիւրուն նահանջն։ Չմեռուան համար այլ ըսելու է



որ որչափ սաստիկ էր՝ դեռ սաստկագոյն տարիներուն մէկն չերևիր, այլ և մեղմագոյն. շատ տեղ՝ աղջկանց աղբիւրներէ ջուր հանելն (որ ուրիշ կողմանէ կու յիշեցընէ մեզ նահապետական Ռեբեկաները և Ռաբբելները), կամ նաև միջակ գետոց (չսառած) միջէն անցնելն՝ այս բանը կու ճշմարտեն. անկէց զատ կու հաւաստէ նոյն պատմութիւնն թէ այն ատեն այսչափ մերկ չէր մեր երկրին երեսը, այլ աւելի ծառոտ և անտառոտ, ուրով ցրտին գէմ գնելու երկու ճար այլ կար, մէկ մը հովը արգելով կանաչասև կամ ճերմակապատ վարագուրով և պատուարաւ մայրեաց, մէկ մ'այլ անոնց ճղերով կրակ ընծայելով. յետագայ դարուց պատմութիւնքն այլ զայս ցուցընեն:

Ճանապարհորդաց մեծ միսթարութիւն մ'այլ էր բարեկամութեամբ ընդունող գեղերու և գեղացեաց քով գտած առատ պաշարներն, թէ մսեղէն (որոյ մէջ յիշուի խոզենին այլ), թէ ընդեղէն և չոր պտուղ, ու մանաւանդ զօրաւոր գինի մը, զատ'ի գարեջրէն: Ասոնք յայտնի նշան են թէ այն ատեն շատ աւելի բարեկեցիկ էին մեր գիւղացիք՝ քան հիմայ և ուրիշ ատեններ, երբ այնքան փոփոխութեանց և հարստահարութեանց տակ չէին ընկած. այլ կամ իրենց բնիկ Հայկազն թագաւորաց կամ արևելից մեծ տիեզերակալին կանոնաւոր իշխանութեան տակն էին. միայն երբեմն գրացի ազգաց ասպատակութենէն կու նեղուէին. սակայն անոնց գէմ կենալու ոյժն այլ ունէին. հին Հայ երկրագործաց եղբարքն՝ էին Հայ զինաւորք: Հայոց թագաւորն այն ատեն հարկատու էր Պարսից, որք երկու մեծ կուսակալութիւն բաժնած էին զաշխարհը, յարևելսն և յարևմըսեան. սակայն այս արգելչէր որ Հայկազն թուռ Տիգրանայ՝ իր նախնեաց օրինօք չկառավարէր իր անփական ազգը:

Հայաստանէ անցնող Յոյնք այլ բոլորովին ան-  
ծանօթ չէին մերոնց, որք և սահմանակիցք կըր-  
նային ըսուիլ՝ Փոքր Ասիոյ մէջ, ուր հազարով տա-  
րիներ առաջ մեր Արամ նահապետն երկու ազ-  
գերը մօտեցուց իրարու, և թերեւ այս առաջին  
անգամն չէր մերձաւորութեան. իսկ յետ անոր՝  
չառ անգամ այլ զիրար ճանչցեր էին, սկսեալ 'ի  
կիսասուտ ուղևորութենէ Արգոնաւորդաց, մին-  
չև յարչաւանս Դարեհի և Քսերքսեսի 'ի Յու-  
նաստան, որոց բանակաց մէջ կային հայկական  
գունդք: Բայց ասոնցմէ առաջ և քիչ ետք յԱր-  
գոնաւորդաց, իբր 800 տարի նախ քան զՔսենո-  
փոն և իր բիւրը, Բիւր մը Հայոց այլ կտրի՜հ հե-  
ծելոց քան հետեակաց՝ դնացին, թէ ոչ 'ի բուն  
կողիականն Յունաստան, այլ ընդդէմ Յունաց.  
մինչև յարեմտեան ծագս Փոքուն Ասիոյ, յԱր-  
մաւրայ մինչև 'ի Տրոյա, 18 աշխարհագրական  
աստիճանի երկայնութեամբ հեռի միջոց հորիզո-  
նական ուղղութեամբ (գրեթէ նոյն լայնութեան  
աստիճանին տակ էին Պռիամու և Զարմայրի մայ-  
րաքաղաքն). երբ այս ետքինս Ասորեստանեայց  
Տևտամոս ինքնակալին կամօք՝ գնաց յօգնութիւն  
որդէկոտոր ծեր թագաւորին Դարգանեանց, և  
'ի վլէժ սպանմանն Նկտորի յոխերիմ գիւցազնէն,  
թէ և ինքն այլ քաջութեամբ վիրաւորեալ ըն-  
կաւ հոն. «այլ յԱքիլիւայ կամիմ, և մի յայլ ու-  
մեքէ 'ի քաջացն»: Բայց ո՛ւր մնաց մեր այն ժա-  
մու Քսենոփոնն՝ որ այս հայկական Բիւրուն  
անցքն ու գիպուածը ճառագրէր:.. Արգեօք չեմք  
ունեցեր, թէ ոչ Հոմերոս մը, գոնէ Իփիտիս մը  
և Դարեհ մը տրովական պատերազմաց պատմող:  
Հիմայ ձեռուընիս բան չկայ, և ոչ իսկ համբաւ  
այնքան հին ժամանակաց. — մինչդեռ Քսենոփոնն՝  
մեր աշխարհին ծանօթութիւնները կու բանեցը-  
նէ ոչ միայն այս Նահանջիս գրոց մէջ, այլ նաև  
կիւրամարզին:

## Ժ

Սակայն չեմ ուզեր անմխիթար լռել, Հայկակ-  
եթէ Քսենոփոնէն 800 տարի առաջ չունեցանք  
իրեն նմանը, իրմէ 800 տարի վերջը ունեցանք մէկ  
մը. այն ոսկեգիր և մեղրաբան մէկն՝ զոր ժամա-  
նակիս հայ գրականութիւնը նորոգող հարբ և  
զայն յարգողք՝ անուանեցին Հայ Քսենոփոն. վար-  
դանանց պատերազմին Պատմիչն: Ո՛վ կարծէր  
թէ Քրիստոսէ չորս դար առաջ Ատտիկեցի մե-  
ղուին անցած Մոկաց լերանց սահմաններուն  
վրայ՝ պիտի գար Քրիստոսէ չորս հինգ դար ետե՛  
կը քաղցրաթեւ կենաց հիւսուածը ամփոփելու՝  
Արարաբէան Ռիշան ԵՂԻՇԷ. որ և ինքնին այս Քսե-  
նոփոնի անցած բարձր կոհակները՝ Զիւնեղէն լեռին  
Հայոց անուանողն է: Ո՛վ կարծէր թէ մեր մեղուն  
այլ երբեմն Ատտիկեցւոյն նման՝ զինակիր էր  
Վարդանայ՝ մեծի և սիրելւոյ քան զԿիւրոս և  
զՊրդեսէն: Ո՛վ կարծէր թէ Եղիշէ այլ փոխա-  
նակ Քսենոփոնի՝ անոր հայրենիքը պիտի երթար՝  
պարզ բանաւոր մեղրաբանութեան համար, և  
անոր Սոկրատ վարժապետին և բարեկամին տեղ  
պիտի ունենար Սահակ և Մեսրոպ մը՝ ի Հայս,  
Կիւրեղ մը յԱլեքսանդրիա. — անոր լայնաճակատ  
ու լայնակունակ աշակերտակցին (Պղատոնի) տեղ՝  
Եզնակ մը, Դաւիթ մը և Մովսէս (Խորենացի)  
ուսումնակից, որք Աթենայ հանձարը փոխադրե-  
ցին ի Հայս: Մենք պէտք է հաւասար շնորհակալ  
ըլլանք մեր ազգակից Հայ հանձարեզ հարց այլ,  
հեղինացի վարժապետաց այլ. և եթէ աւելի  
պանծանօք քան Յոյնք զՔսենոփոն՝ պատուեմք  
զմերս արարատեան մեղու, դու այլ ո՛վ Ատտիկե-

ցիդ (Քսենոփոն)՝ անշնորհք մ'ըլլար եթէ անուանեմք զքեզ՝ ՅՈՅՆ ԵՂԻՇԷ :

Արդ այս բաւ է մեզի այլ քեզի այլ դարձիր դու փութով քու հայրենիքդ՝ պաշտպանելու հին վարպետդ բարեկամդ և մարտակիցդ, Սոկրատը : Ահա զծերունին կու քաշեն 'ի բանտ . ահա մոլեխընդին մահաբեր բաժակը ձեռքն է . - եթէ չկըրցար ազատել զնա յԱնիտոսեանց, որպէս ոչ մերքս զՍահակ 'ի Սուրմակեանց, կամ հին հաւատարիմքն՝ զՆերսէս և զՏրդատ, գրէ գոնէ անոր Պաշտպանութիւնը, որպէս Խորենացին զՈւլքն, և Եղիշէ իր պատմութեան և միանձանց ճառին մէջ՝ սրտառուչ յիշատակները : - Եւ եթէ դու այլ հալածուիս և տքորուիս՝ քու նրբամիտ՝ այլ փոփոխամիտ քաղաքացիներէդ, ասով այլ Եղիշէի և ընկերակցացն հալածանաց և կամաւոր աքսորանաց կամ միայնութեան նման սեպուիս : - Ահ դու այլ Կորնթոսի օտարութեան և առանձնութեանդ մէջ՝ մեղրածոր գրիչդ, և Կիւրամարզի վիպասանութեանդ մէջ խառնէ 'ի Հայաստան և 'ի Հայոց լսածներդ, իրենց դար մ'առաջ վախճանած սիրելի Տիգրանին վրայօք . հիւսէ անոր պարկեշտ ու խանդակաթ կողակցին նազաբանութիւնը, հանդերձ քու Պանթէայիդ կեղծ ողբերգակ պատմութեամբ . որոյ փոխանակ աւելի վսեմական փափկութեամբ մենք կարդանք մերազգի մեղուին դրուագը՝ զփափկասուն Տիֆայոյ Հայոց աշխարհի և զկանանց կտպելոց նախարարացն : - Ի հարկէ չես մոռնար Տիգրանէն առաջ՝ անոր պէս Հայոց սիրելի եղած՝ իրենց զեղեցիկ և ողջախոհ նահապետին՝ Արայի՝ մահը և առասպելախառն յարութիւնը՝ պատմելու քու քաղաքական վարչութեան կարծեացդ ընդդիմաբան, այլ և քեզմէ մեծ ու ճարտարաբան գրչին և իմաստասիրի՝ Պղատոնին . որ անհաւան չէ՝ թէ քեզմէ լսած՝ և

այլափոխած պատմէ իր Հասարակապետութեան գրոց մէջ էր Հայկազին՝<sup>1</sup> դարձն'ի մեռելոց և տեսիլքը: — Իսկ երբ յիտարճանդութեան կամ հեծելութեան վրայ գրես, անշուշտ չես մոռնար հայկական եռանդուն երիվարները և քու սիրով առած մըտրուկներդ, և այն խնամքն՝ որով Հայք դարմանէին զանոնք: Որոյ վրայ այլ դրած ատենդ, և մանաւանդ նապաստակին ճարտար նկարագրութեան ատեն՝ անշուշտ գեռ կու յիշես Հարքացի կամ Հաւնունի (կամ այլ Հայ գաւառի մը) գեղապետին փեսայն, որոյ իննօրեայ նոր հարսը գերած կամ պատանդ բռնած ատենդ, նա անգէտ եղածին՝ նապաստակ որսալու ելեր էր 'ի սառնապատ սարս ձիւնեղէն լեռանցն Հայոց: — Այսպէս քու զանազան գրոցդ մէջ՝ յայտնի կամ ծածուկ խառնես մեր Հայաստան աշխարհի յիշատակները՝ քու բանական մեղրդ գործելու. ինչպէս մերս Նղիշէ այլ իր ազգին վրայ դրած ատեն՝ քու հայրենեացդ իմաստից ծաղկներովն պիտի հիւսէ իր քաղցրաբանութիւնը:

Արգեօք այս երկուքէն որն աւելի անուշահամ է և պիտի ըլլայ մինչև իսպառ՝ համազգային ճաշակաց, Ատտիկեցիքն՝ իր Հելլենաց, Թէ Այրարատեանն՝ մեզ Հայոց:

<sup>1</sup> Ազգաւ Հայ և ծննդեամբ Պամփիլիացի կ'ըսէ Պղատոն. տես 'ի Բազմավէպ ԺԴ. էջ 341:



# ՆԷՄՐՔՈՍ ԵՒ ՊՕԼԻՔՏՈՍ

22 Ապրիլի, 260.

Ա.

Ապրիլ ամսոյ 22. գարնանային եղանակի գեղեցիկ օր. գեղեցիկ և զբօսանք մաաց ու մարմնոյ 'ի գեղեցկութեան վայրի, այսինքն 'ի բնութեան. 'ի մէջ նորաբողոք և բարգաւաճ ծաղկանց և տընկոց, պայծառ ջրոց հեղասահ կամ կարկաջուն գնացից քով, դալարածայր ծառոց անուշահոտ ոստոց հովանեաց տակ, հաշտ և անկասկած երկնականմարին ներքև: Այսպիսի ատեն այսպիսի տեղ՝ քաղցր է (Թողուլ երբեմն ընտանի հոգեր և առանձին մտածուիներ (բարձրերն անգամ), և առանց նուաստանալու 'ի մարդկութենէ՝ խոնարհիլ բնութեան ուրիշ անմեղ որդւոց հետ, մարդասէր կենդանեաց հետ խառնուիլ, խաղալ ընդ գառին և ընդ ուլու, անոնց և մեզ համար հաւասար սփռուած մարմանդից վրայ. յիշել և կարգալ հին մարդկան հովուական երանախառն ըսուած կեանքը, գոնէ ըստնկարագրութեան քերդողաց:... Բայց ո՛ւր են մեր հովուերդակքն. ո՛ւր Հայ Թէոկրիտք և Մառոնք, որ հռչակէին հայրենի եղեմաբուղիս գետոց հովիտները՝ ոչ պակաս, այլ և աւելի գեղեցիկ և երջանիկ եղած քան զԱր-

կադիա:— Արկադիա՛. Յոյն և Լատին քերդողաց  
երազեալ Եդեսմն, ուր ընդ ամենայն գեղեցկու-  
թեանց բնութեան՝ ընդ հովտաց, ջրոց և բուսոց՝  
խառնէր և երգոց ներդաշնակութիւնն այլ, իբրև  
իր բնիկ երկրէն բղխելով. ուր հովուաց հեղինակն  
և պաշտպանն՝ պայիկն Պան՝ հնարեց Սրինգը, և  
չըջակայ գեղեցիկ տեղեաց և անոնց միջի գեղեց-  
կաց անուններն՝ քաղցրալուր հաչակեցան: Երբ  
կամնասուն չըթուէր ի շար եղեգանցն փսփսա-  
ցին, տեղւոյն բրտաբարոյ բնակչաց վրայ անանկ  
երանգերանդ քօղ իջաւ, որ բուն մարդավայել և  
երանագոյն երկիր՝ այն տեղն կարծուեցաւ. վայ-  
րենի ու անկիրթ սեպուեցան սիրտ և ախանջ՝ որ  
չհաւանին ատոնց կեղծեացն անգամ, կամ չախոր-  
ժին այսպէս դարնանահոռ օրեր՝ պարսպիլ ա-  
նոնց հաչակողաց հաչակեալ գրուածոց հետ. և  
նոյն ինքն հաչակող բանաստեղծքն՝ թէ և օտարբ  
և հեռիք աշխարհաւ, այլ գրեթէ կու հարկաւո-  
րէին իրենց գովանի հովիւները և երգողները Ար-  
կադի ընել. և թէ և ոչ պակաս քան զԱրկա-  
դիոյ՝ այլ գուցէ և աւելի գեղեցիկ Խաալիոյ մա-  
սին վրայ, Մինչիոյ գետոյն հովտաց մէջ կ'երգէր  
և երգել կու աայր Մառոն (Վիրգիլիոս) իր թիւր-  
սիւր և Կորիդոնը, բայց դեռ Արկադացի կ'ա-  
նուանէ զանոնք.

Երկաքանչիւր իսկ ծաղկասիւք, երկաքանչիւր  
Արկադացիք

Եւ յերգել հանգիտազօրք, եւ յանդրադար-  
ձըն գիմագրաւք<sup>1</sup>:

Զըլլան մեզի այլ անախորժ, ով Հայկակ, ոչ ա-  
նուն, ոչ բնութիւն և ոչ երգիչք Արկադիոյ. մա-

1 Ambo florentes aetatibus, Arcades ambo,  
Et cantare pares et respondere parati.



նաւանդ օտարաց մէջ՝ մեզի այնչափ քաղցր ըլլայ, որչափ անոր շինական և բնական վայրացը մէջ՝ կու լսենք ոչ սակաւ մեր հայրենի տեղեաց նմանաձայն անուաններ, ինչպէս Փուլակ, Պետրոսակ, Պարոյր, Երիզան (Արածանի) գետ, Մելաս գետ, և այլն:

Այս յետին գետոյս՝ երիմանդեանն Մելասայ անուան՝ օրուանս յիշատակաց հետ խառնուելով, յափշտակէ զմեզ յԱրկադիոյ՝ անոր հովուաց և երգոց հետ, և փոխադրէ մեր Գ Հայոց մեծիտինեան Մելասայ գետահովիտը. մեր Մելասն՝ որ ի շրջակայ լեռանց Կապպադովկիոյ և Կոմագենաց կ'իջնէ, կու ձևանայ և կ'երթայ Թափիլլէ գեմականն Եփրատ. և սա՝ մեծ գնդնչմամբ քուրալեռներ կտրելով հոս կու զատէ մէկմէկէ զՄեծ և զՓոքր Հայս, այս եաքինիս նահանգ Թողլով զՄելիաինէ. զայն՝ զոր յառաջ քան զ'4000 տարի՝ քաջ բազուկն Արամայ իբրև կամրջաւ իր բնիկ սղխարհին հետ միացուց և հայացուց: Հոս, այս մելիաինեան Մելասայ հայրենի հովտաց և առուաց եղբրքը՝ կու հրաւիրեմ զքեզ այսօր, Հայ. կակ: Ե՛կ, այս գեղեցիկ Ժամերուս և հովերուս՝ հանգչինք ընդ հովանեաւ հացեաց և հաճարեաց, ընդ Դաբնիտեայ և Մելիբեայ, լսել և յիշել երջանիկ Ժամանակաց, և երջանկագոյն անձանց մրցանք մը՝ մեծագոյն սիրով քան երգով...

Ո՛վ, քանի՛ վէճ ու վսեմ է քու հոսանքդ՝ ո՛վ Եփրատէս, որ մարդկութեան նախածնողին հետ՝ և անկէ այլ առաջ յիշուած՝ կ'իջնես իբրև ընդ աստիճանս բազմադարեան Ժամանակի՝ երթալ յանդուռդ յաւիտենականութե. — քանի՛ քաղցր կրկնալով կու խառնուի քու ծոցիդ այս մեղրածորան Մելասս այլ. որ թէ և անծանօթ և սնայցելու է մնացեր ի վայրենասէր մոռսայից, այլ ինծի հաճոյագոյն և որբագոյն է քան զամենայն վտակս

և հովիտս, հովիւս և երգիչս Արկագիոյ: Չունի՞ միթէ և մերն Մելլաս իր երգով սիրով միցողները, իր եւանդուն և զուգահասակ պատանիքը, իր աննման ջուխտակը, որք և

Երկոքեան իսկ ծաղկատիք եւ երկոքեան Մելլատացիք:

Հաւասարք յերգ, յերգ սուրբ սիրոյ, եւ 'ի մրցանս կազմապատրաստք:

Արդ բարով երթան, ով Մելիբէէ<sup>1</sup>, քու ստեղծած և քու հուշակած Արկագացիքդ, և Թիրսիսն և Ալեքսն, իրենց ամենայն երգելով և երգոց առիթներովն. և դան մեզի, ու միշտ մնան՝ ճշմարիտ շնորհաց ծնողք՝ հոգւով երկուորեակքն՝ Մելիտացիք մեր ազնիւք ՊՕԼԻՔՏՈՍ և ՆԻԱՐՔՈՍ: Ասոնք ոչ հովիւք արուեստիւ և եղեգով երգաշարժք, այլ հոգւով հետևողք այն մեծի հովուին՝ որ հովուէ միշտ 'ի վայրի դալարւոյ և սնուցանէ առ ջուրս հանգստեան. մարմնով զբահաւորք և զինաշարժք՝ կայտառ կտրիճք. երկուքն այլ զինուորեալք հռովմէական բանակին ԺԲ գնդին մէջ. այն գնդին, որ երբեմն (յամի 174) ընդ Մ. Աւրեղիոսի կայսեր երթալով 'ի պատերազմ՝ ընդդէմ բարբարոսաց, յերկիր անջուր և անապատ, 'ի տարակուսել և 'ի վտանգել բանակին և պարապ տեղ կանչել անմուռնչ և անականջ չատուածներու, ընծայեց իրմէ գունդ մը քաջաց քրիստոնէից, որք սրտերնին և աչուրնին յերկինք վերցընելով առ Աստուած աղաղակեցին, և մէկէն թնգալով որոտացին անամպ անմրուր երկինք, կայծակներ թափեցան, անձրևաց հեղեղք

<sup>1</sup> Զայտ անուն կ'առնու Վիրգիլիոս իր է հովուերգու թեան մէջ, յորում երգով վիճել կու տայ Թիրսիս և Կորիգոն հովուաց, և ետքինս յաղթող կու սեպէ:

իջան, և մարմրած բանակն խմեց կենդանացաւ-  
անկէ ետեւ բարեացապարտ զօրագունդն այն՝ ան-  
մահացաւ Շանխյիֆ Լէֆէոն<sup>1</sup> կողմամբն յերկրի,  
իսկ յերկինս՝ վկայութեամբ սուրբ հաւատոցն:  
Այս գիպուածէս դար մ'ետեւ՝ սոյն անուամբ  
գունդս պահապան նստէր եփրատական կողմանց՝  
'ի Մելիտինէ քաղաք, զոր կայսերքն Հռովմայ ամ-  
րացընել տուեր և զօրանխտ սահմանակալ քա-  
ղաք պատրաստեր էին: Եւ ահա հոս այս գնդիս  
մէջ զինուորեալ և յառաջացեալ էին մեր հոգե-  
ղոյգ խեղեփքն<sup>2</sup>, Պօլիքսոս և Նէալքոս, բնիկ իսկ  
տեղացիք:

## Բ

Մելիտինէ վաղուց հայացեալ՝ յառաջագէմ  
այլ եղած էր 'ի հայութեան, ազնիւ և մեծ նախա-  
բարութիւն մ'ընծայելով ազգերնուս և տէրու-  
թեան, որ կու յիշուի նաև 'ի Գահնամակին Խոս-  
րովու (հօր Ս. Տրդատայ), որոյ թագաւորու-  
թեան ժամանակ ծաղկէին մեր նահատակքն, և  
որոյ եղերական մահուան տարին (260) կատա-  
րեցաւ մերոնց երանական հանդէսն այլ: Այս  
նախարարութեան պայազատն էր Թերևս Պօլիք-  
սոս, զոր ամենքն վկայեն ազնուատոհմ ըլլալ,  
(Seigneur Arménien ըստ Գոռնէյլի). ապա Թէ  
ոչ՝ անհաւատալի կ'ըլլայ որ Փելիքս՝ հռոմէական  
կայսերաց կուսակալն՝ զիջանէր անոր կնութեան  
տալու իր գուստրը՝ Պաւլինէ կամ Բալինա. ուրեմն  
Թէ քաղաքական և Թէ զինուորական պատուով

1 Legio Fulminata կամ Fulminatrix ըստ Լատինաց: Ըստ  
ամենց այս անուամբ լեգէոն յիշուի Տիտոսի կայսերու-  
թեան առեւնէն, 'ի վերջ Բ գարու:

2 Զուխտակք, եփեղ:

առաջին աղնիւ երիտասարդն էր Մելիտինեայ մերս Պօլիքսոս: Այս անուն՝ եթէ կամօք աներոյն չէ հռոմացեալ՝ հարսին անուան մերձեցընելով, կրնամք յունացեալ կարծել, ինչպէս Ս. Յւստատիոսեանց և ուրիշ հայազգի սրբոց ոմանց անուանքն այլ. բայց անհաւան այլ չէ որ նոյն իսկ ազնուական Հայք ինամուծեամբ Յունաց և առնոց գպրուծեամբ վարելով այն առեն՝ յունական անուններ այլ կու գնէին իրենց որդւոց. ինչպէս էր և Սալհունեաց սուրբ երիտասարդ Ալթեոփոր, և մայրն այլ Աղուիթա<sup>1</sup>: Արդ ինչպէս այլ ըլլայ՝ մեր Մելիտեան երիտասարդին անունն՝ որ յունարէն Բօլիէպտոս (Πολύευκτος) գրի և Բալիալօփ կամ Բալիանոսէր թարգմանի, ՚ի Լատինաց կերպ կերպ կոչի (Polieuctus, Polioctus, Polietus) և մանաւանդ ՚ի Հայոց, Պօլիէպտոս, Պօլիոպտոս, Պօլոպտոս, Պոլիէպտոս, Պաւլիապ, Պօլիպոս. որոցմէ առաջինն հաւատարմագոյն է յունական ձայնին, վերջինն մեզի աւելի ընտանի և գիւրալուր: —

Չինուորութեան մէջ ինչուան ո՞ր աստիճան բարձրացեր էր Պօլիքսոս, չէ նշանուած. բայց միայն զի աստիճանաւոր էր, և իր անունէր. և անտարակոյս է՝ որ իր հասակն, քաջութիւնն, արիւնն, փեսայութիւնն Փելիքսի՝ իրեն ցուցընէին և մօտեցընէին շատ բարձրագոյն աստիճաններ և ընդարձակ սահման երկրաւոր փառաց և պատուոյ. որոց արժանաւոր էր՝ այն ձիրքերէն աւելի՝ բարուց լաւութեամբն: Չի էր ներքուստ և արտաքուստ կայտառ և աշխոյժ, եռանդուն և զուարթ խառնուածքով, լայն և բաց սրտով և ձեռքով. միայն պատերազմի բանակաց մէջ ահաւոր և շանթահար. իսկ անկէ դուրս՝ նաև սրիւ-

<sup>1</sup> ՏԿս հատ. Ա. 246:

կան սպառազինութիւնն՝ իր հասակին և երեմեայ նոր փայլք մը տալով՝ կ'երեւցնէր զինքն ըզմալի և սիրահար։ Կարծես թէ գեղեցիկ լաւութիւններն վառ 'ի վառ գրօշներու պէս հռոմէական և հայրենի նիզակաց վրայ պլլելով՝ պիտի կարենար ամեն գոռաւորութիւն մերժել, ամեն յաջողութեան գոռ բանալ, և ըլլալ երկրիս երջանիկ վայելող և տէր մը։ Գուցէ երբեմն ինքն այլ այսպիսի իղձերով և կենակցին սիրովն՝ կու լուզար ծանուցեալ և անծանօթ երանութեանց և յուսոց մէջ. բայց իր գեղեցիկ և մեծ սրտին համար՝ անոր ստեղծողն գերերկրեայ բարիք մը պատրաստեր էր։

Իսկ Նէարբոս<sup>1</sup>, որոյ սեփական յիշատակն է այս օր (22 ապրիլի), հասակաւ, պատուով և սրտիւ մերձաւոր զուգակից Պօլիքսոսի, ունէր արտաքին փոքր զանազանութեանց մէջ՝ ներքին մեծ տարբերութիւն մ'այլ։ Զինուորութեամբ զնդակից և սասիճանաւ այլ յառաջացեալ՝ անոր նման, ցեղիւն այլ ազնուական և մեծատուն. և հաւանօրէն 'ի նոյն Գ Նայոց սահմանէն, բայց ոչ 'ի բուն Մելիտինեայ, այլ 'ի Կանան<sup>2</sup>, կամ ըստ յունացեալ կոչման՝ Կանանէփոն քաղաքէ, այսինքն Կանանացւոց քաղքէն. որոյ դիրքն մինչև հիմոյ անծանօթ է մնացեր, բայց միշտ կարծուած է մերձաւոր Մելիտինէի։ Սակայն ոչ այնքան տեղեալ, հասակաւ և բաղդիւ՝ որքան սրտով մերձաւորք և համազոյգք էին « Նէարբոս... և Պօլիքսոս երանելի սուրբ վկայքն՝ Էդէաբէ կոչէին,

<sup>1</sup> Նէարբոս կամ Նէարխոն ըստ ոմանց կրնայ թարգմանուիլ Նաւապէր կամ Նոր Իլիան։

<sup>2</sup> Կանան անուամբ գեղ մը յիշուի Կիւլիկիոյ մայրաքաղաք Տարսոսի քով, յառաջ քան զժամանակ այս պատմութեանս։

«) Բէ եթէ ազգականութեամբ, այլ ըստ բարիոք  
 » յօժարութեանն և սրբոյ՝ հանգիպէին. և զըն-  
 » անի սէրս սէրն զոր ունէին՝ կոչեցան Բարեկամս  
 » և ընկերս. ըստ Աստուծոյ խորհրդեան գաան  
 » խորհրդակիցք երկոքեան »<sup>1</sup>: Այն սէրս սէրն  
 այնքան մերձաւորեր, միացուցեր, ձուլեր էր զա-  
 նոնք, որ ոչ երկիր և ոչ երկինք կրցան իրարմէ  
 զատելու:

Սուրբ, մեծ և աստուածային էր ուրեմն Նէար-  
 քոսի և Պօլիքսոսի սէրն. որոց քով կ'աղօտա-  
 նան, մթանան, չքանան սիրելութիւնք դիւցա-  
 զանցն Աքիլլեայ և Պատրոկլեայ, զօրավարացն՝  
 Աղէքսանդրի և Հեփեստիոնի, Պիւթագորեայցն՝  
 Պիւթիասայ և Դամոնի, և Դիոսկուրեայց՝ Կաս-  
 տովրի և Պոլիսքոտեայ, և այլոց նմանեաց, եթէ  
 քննուին անոնց կիրքն, գործքն և կատարածն:  
 Թերեւս երկրիս վրայ գրուած կամ կրուած ճշմա-  
 րիտ և հզօր բարեկամութեան սիրոյ չկան գերա-  
 գոյն օրինակք՝ քան զմեր Մելիտացի նահատակս.  
 որոց համար ամենաստոյգ է վկայեալն, թէ « Էին  
 յերկոսին մարմինսն՝ մի ոգի և մի կեանք » . այս,  
 ամենաստոյգ, զի ինքն իսկ կրողաց մէկն է և գը-  
 րողն զայս, նազելին Նէարքոս: — Ի բարեբաղդու-  
 թիւն հասարակաց և 'ի պարծանս Հայաստա-  
 նեայց՝ սոյն ինքն սուրբս այս բաներս և իր սրտա-  
 կըցին նահատակութիւն գրով աւանդեր է, որպէս  
 շատք 'ի սրբագրաց վկայեն, այլ չեն տեսեր գը-  
 րուածը. զոր կարծեմ ամբողջագոյն քան զնոսա՝  
 ունիմք մենք մեր ազգային դպրութեւն աւանգեալ  
 դանձուց մէջ: Այս գրուածս, թէ և մէջն ուրիշ  
 ձեռք այլ մտած և 1600 տարուան հնութիւնն  
 քիչ մ'այլալած ըլլայ, դեռ ոչ միայն իբրեւ հնա-  
 գոյն գրուած քան զՀարց Յռնաց և Հայոց պա-

<sup>1</sup> Աստուծոյ կ'ըսէ հին վկայաբանութիւնն:

տուժասիրելի է, այլ և պաշտելի՝ իբրև կենդանի  
 (թարգման սրտին Նէարքոսի)։

Սիրտ Նէարքոսի, հեզուկ և նազուկ. որոյ սրբ-  
 բազան սպիտակութեան վըայ կու յանդգնիմ'նըշ-  
 մարել լուսաթափանց տրտմութեան շուք մ'այլ-  
 բայց այնքան բարակ և (թեթև շուք՝ որ կրնայ  
 վկայութիւն մ'ըլլալ առաջին դարուց կուսամա-  
 նուկ քրիստոնէի մը սրտի. այնպէս անոյշ մեղա-  
 մաղձ կամ մեղրամաղձ մը՝ ինչպէս կրնար վայելել  
 երկրաւոր սրբոյ մը։ — Նէարքոս քրիստոնեայ էր  
 և արժանի Քրիստոսի անուան և սիրոյն. մեծա-  
 տուն, ծաղկահասակ և զինաւոր. բայց այս ձիր-  
 քերս փոխանակ զինքն յերկիր ձգելու՝ աւելի  
 վսեմութեամբ մը յերկինք վերցնել տային։ Ո՛հ,  
 որքան տարբեր էին Նէարքոսեանքն՝ իրենց հա-  
 սակակից երիտասարդներէն ոմանց, որք կ'ուզեն  
 աւելի ստուգել իրենց հասակին քան հաւատքին  
 բնութիւնը. անվայելք՝ մէկուն բնատուր բարեաց,  
 մէկայլին երկնաւոր փառաց. — արգարև մեծա-  
 միտք անիմաստք, որք չեն կրնար հասկընալ (թե  
 բնութեան ուժոյն և շնորհաց վըայ՝ այնպիսի ոյժ  
 և շնորհք կ'աւելցընեն կրօնք, զոր ուրիշ հնար-  
 քով մ'անկարելի է գտնել։ Ո՛յժ մարմնոյ, շնորհք  
 հասակի և սրբութիւն սրտի, մտաց բացութիւն,  
 և հոգւոյ հաւատք, ի՛նչ գեղեցիկ, ի՛նչ վսեմ, ի՛նչ  
 ցանկալի խառնուրդ։ — Այսպիսի էր մեր հաւա-  
 տոց նախահարցն, առաջին դարուց ծաղկահասակ  
 քրիստոնէից. այնպիսի սպիտակ սրտեր կային ա-  
 նոնց երազարիւն եռանդնոտ ծոցերը, որ երբեմն  
 'ի հարկի և հալածանաց ժամանակի՝ քահանայք  
 աստուածային պատարագը մատուցանելու հա-  
 մար՝ յարմարագոյն և պատրաստագոյն խորան  
 չէին գտներ քան զանոնց պարկեշտ լսնջը, և այն  
 ախրատաշ ջերմիկ և կենդանի սեղանոց վըայ կու  
 դնէին և կատարէին անմահութեան խորհուրդը։

Ո՞ր կրօնք կրողներ է այսպիսի բան մը մտածել, այսպիսի երիտասարդներ ընծայել. յորոց մի էր և մեր նախանձելին Նէարքոս: Թերևս Մեղասայ կամ Կանանայ լեռնապարիսպ հովիտքն՝ իր երկրաւոր հորիզոնը քիչ մ'ամփոփած էին, և շատ աշխարհային ծանօթութիւններ չունէր. սակայն հալածանաց ժամանակն, երկու կրօնից (քրիստոնէութեան և հեթանոսութեան) անհաշտ կռիւն, աշխարհակալ Հռովմէացւոց հետ զինակցութիւնն այլ՝ ի հարկէ բաւական տեղեկութիւններ տուած էին իրեն. և ոչ տգիտութեամբ՝ այլ ընտրութեամբ՝ կու սիրէր ամփոփ մնալ. իր սրտին ու մտաց ընդարձակութիւնը՝ և բարձրութիւնը՝ կ'առնուր անյագ ընթերցմամբ գրքի մը, որոյ անունն և խօսքն Աւետարան է, գործն՝ սրբութիւն, վայելքն՝ անմահութիւն:

Այսպիսի գրքով և ձիւրքով Նէարքոս առաւելութիւն մը կու ստանար Պօլիքստոս քով, որ արտաքին ձրիւքն առաւելեալ կ'երեւէր քան զՆէարքոս: Սա պայծառ և հանդարտ արշալուսոյ և տունջեան մը նմանէր. նա լուսնկայ գիշերոյ մը, որ ամենայն փայլմամբն այլ՝ չիկրնար հաւասարիլ ցորեկուան. սակայն կ'իմացընէ՝ որ իրմէ այլ ուրիշ բան չիկրնար ծագիլ՝ բայց պայծառ տիւ մը: Տէս, Հայկակ, Խնչ փափկութեամբ և պարկեշտութեամբ կ'ըսէ զայս՝ ինքնին պատմիչն և պատմեալն մեր. « Յւ Նէարքոս քրիստոնեայ էր. իսկ » երանելին Պաւղիղքոս՝ հեթանոս բարուք զինքն » անուանէր, լի՛ զանաւն միայն. այլ ի Ճմարիտ հաւ » ւատոց ոչ փոխեալ լինէր. և զբազումս յերկմիտ » քրիստոնէիցն՝ յաղագս Ճմարիտ հաւատոցն՝ ի » բաց որոշել փութայր »: Ըսել է որ Պօլիքստոս արդէն համոզմամբ քրիստոնեայ էր և քրիստոնէից ջատագով. բայց դեռ անկրնումք, դեռ հեթանոսի փեսայ և կենակից, դեռ աշխարհային կա-



պերով կապուած, վաանգներով պաշարուած, փորձանաց և հրապուրանաց մէջ. դեռ բոլորովին սիրտը չէր առւած երկրիքի, այլ տուած էր Նէարքոսի. և Նէարքոսի տալն՝ առհաւատչեայ էր տալու Քրիստոսի:

Բայց երբ պիտի ծագէր այն երջանիկ օրն. արդեօք այսօր վաղն ըսելով մէկ մ'այլ իր յուսացեալ վազը պիտի չուենան. — կամ ժամանակն երկրն նալով Պօլիքսոսի պատուոյ և փառաց մէջ յառաջագիմութիւնն և զբաղանքն՝ արգելք պիտի չըլլային երկնաւոր որդեգրութեանը. — և նոյն իսկ բարեկամին ուշանալն՝ իրեն (Նէարքոսի) սյլ արգելք չէր իր երկրորդ մկրտութեանն (արեամբ): Այսպիսի մտածութիւնք էին Նէարքոսի պայծառ պատկերին վրայ այն բարակ շուքը բերողքն, որով աւելի այլ կ'աճէր իրենց սէրն. թէ և դրսէն կու ջանար ամենեւին նշան չտալ սրտին ծածուկ տագնապին. զոր և շատ անգամ կու փարատէր Պօլիքսոսի զուարթութիւնն և ախորժելով լսելն բարեկամին աւետարանութեանը: Թերեւս և ոչ այնքոն աշխարհի և զինուորութեան հոգն, որ քան նախնի քրիստոնէից ոմանց սովորութիւնն՝ կ'ուշացընէր զսա 'ի մկրտութենէ, սպասելով երեսնամեայ տարիքին կամ կենաց հանդարտագոյն և վերջին հասակին: Նէարքոսի կասկածն աւելի իր բարեկամին աներոջ կողմանէն էր, որ հաւատարիմ իր աերանց (կայսերաց), կռամով մարդ մ'էր. անոր կոյր նախանձն և հաւատքն կրնար Պօլիքսոսի գայթակղութիւնը ըլլալ, աւելի քան զսէր հարսինն՝ Պաւլինեայ. և Փելլքս կրնար յուսալ որ թողներն մէկ մէկ նոր գամ կամ կապ ըլլային փեսային սիրտը՝ իր և իր գստեր, իր ազգին, տէրութեան և կրօնից հետ անքակ պահելու:

Սակայն Նէարքոսի և Քրիստոսի սէրն աւելի աեղ գտան այն սրտին մէջ. և աւելի քան զՊաւլինէ՝

սիրէր Պօլիքսոս զՆէարքոս, և սիրուէր. և երկուքն այլ կրնային իրարու ըսել (Իսկ թայ պէս վասն Յոմէաթանու). « Գեղեցկացար ինձ յոյժ. » զարմանալի եղև սէր քո ինձ՝ քան զսէր կա. » նանց ». անոնց պէս ասոնց ոգին այլ կապուած էր բարեկամին ոգւոյն հետ. և իւրաքանչիւր սիրեալ զընկերն ըստ սէրին իւրոս. և կարծեմ մեր Մեծիւնեան սիրելեաց արգիւնքն և կատարածն՝ առաւել սիրալի և սրտառուչ եղաւ քան զայլոց:

## Գ

Ո՞ր սրտի գլխաւոր լուցկին չէ սէր. բայց կան սրտեր՝ որ միայն սիրելու և սիրուելու համար եղած կարծուին. սիրտք՝ որ սիրով կու սնանին և սիրով կու հալին. սիրով ապրելու և սիրով մեռնելու համար եղած են: Սէր, կ'ըսեմ, Հայկակ, և չեմ հասկընար ոչ թանձր զգայական և ոչ թատերական կրքերը. այլ սուրբ և նուրբ սէր, որ պիտի էր Նէարքոսին. — սէր մը՝ որ իր ամանէն (սրտէն) աւելի և զօրաւոր ըլլալով շուտով զայն պիտի սպառէր և վերանար ի բնագաւառն սիրոյ, յերկինս. և եթէ դեռ կ'ապրէր Նէարքոս՝ բարեկամին սիրով և սիրոյն համար էր այն: Քանի տարի քչեց այն հզօր և մաքուր բարեկամութիւնն. քանի տարի այն մէկ կեանքն և ոգին՝ երկու մարմնոց մէջ բնակեցաւ. և ինչ ըրին, ուր գնացին եկան սիրելիքն. — աւելորդ և պզտի բաներ են ասոնք՝ անոնց բարեկամութեան աննման մեծութեանը քով: Պօլիքսոսի շատ հեղ յանձնեց աներն զինուորական գործեր. զոր նա խոհեմութեամբ և արութեամբ ի գլուխ հանեց. հաւանօրէն գործակից և մերձակից ունելով իր Նէարքոսը: Իսկ սա՝ որ կնոջ և ուրիշ կենակցի հոգէ ազատ էր, միայն զԱստուած և զՊօլիքսոս մտածէր: Իրենց

կեննաց գեղեցկագոյն մասն (ուսկից զառ մասն այլ չունեցան), այսպէս սիրով և խաղաղութեամբ անցաւ. գրսէն այլ խաղաղութիւն էր՝ ի կողմանէ տիեզերակալ կայսերաց Հռովմայ. ինչուն որ ի կէս Դ գարուն՝ Դեկոս կայսր հալածանքի հրաման հանեց ընդդէմ քրիստոնէից. ինքն շուտով կուրաւ, բայց հրամանն քիչ շատ կու պահուէր իր պէս կարճամիտականեայ իշխող յաջորդաց ատեն, մինչև յետ քանի մը տարւոյ Վալերիանոս կայսր նորէն սաստկացուց հրամանը. պատուիրելով դատաւորաց՝ որ ամեն ծանօթ քրիստոնեայ որ չառնու յանձն կուոյ զոհելու՝ անոնց զոհ ըլլայ: — Այս հալածանաց ատեն կատարուեցաւ մեր Մելիտեան սիրելեաց նահատակութիւնն. զոր պատմիչք անորոշաբար դնեն այդ երկու կայսերաց ատեն, և քննաբանք տարակուսին տարւոյն վրայ. իսկ ինձ կ'երևի թէ Դեկոսի ատեն սկսաւ Նէարքոս աւետարանել Պօլեքստոսի՝ զհաւատս Յիսուսի, մինչև Վալերիոսի և մեր Խոսրով թագաւորին հալածանքն ելաւ. և անոնց երկուքին սպանուած տարին (260, ի Պարսից թշնամութենէ) նահատակուած կ'ըսեմ զմեր Քրիստոսի նահատակքն<sup>1</sup>:

1 Յոյնք և Հայք յ'ինն յանուարի տօնեն զՍ. Պօլեքստոս, և յիշատակագիրն հաւատարիմ՝ ինքն իսկ Նէարքոս՝ տեղ զօրն այն յառաջ քան զչորս ընդիքախոնին արաց ամսոյ, կամ յառաջ քան զչորս աւուրս արաց ամսոյ, որպէս թարգմաներ են նախնիք մեր, զարաց ամիս զուգելով ընդ յանուարի, որ յիշուի ի յոյն բնագրին. և անոր իգոսից չորսէն առաջն՝ է իր իննեորդ օրն: Դարձեալ Նէարքոս վկայէ թէ « ի գալուտեանն և ի Յայտնու » թեանն (Քրիստոսի) յետ չորից աւուրց երանելին Պօլեքստոս վկայեաց » . և դարձեալ թէ « Թաղեցաւ ուրբն » յաւուր չորեքշաբաթով » . որ ցուցանէ թէ այն ատեն այլ հոն տօնէին զգալուստ (ծնունդ և յայտնութիւն)

Հալածանք. ինչ անիրաւ և անտանելի փորձանք բնութեան և սրտի. Ճմարտին հաւատը, Ճմարտը խօսիլ. անյանց անմեղ ըլլալ, մանաւանդ թէ ուրիշներու բարիք այլ ընել. և ասոնց համար՝ իբրև ամենաչար գառապարտիլ, տանջուիլ, սպանուիլ: . . . Յիրաւի բնութենէ վեր աւրիութիւն և համբերութիւն պէտք էր հալածուելու, և ամենազօրաւոր երկնային յոյս մը. այս երկուքն այլ աւանդեց Փրկիչն՝ մարդկան, Ճմարտ երանութեանց ամենէն վերջը դասելով. « Երանի՛ որ հալածեալ իցեն վասն արդարութեան, զի նոցա է արքայութիւն երկնից »: Ո՛հ. որքան խոր և քաղցր էր այս վճիռս հոգեւոր ակընջաց, որ մէկէն հալածանաց սայրասուր փուշերը կակուղ վարդից թերթից պէս սփռեց ի ներքև ոտից, ոչ միայն երկաթկօշիկ զօրականաց, այլ և փափկամորթ կուսանաց անգամ. որք իբրև ընդ ծաղիկս վազելով՝ անցան ընդ հուր և ընդ սուր. և իբրև բաղանեաց ջրով լուացան իրենց ջերմաջերմ արեամբն, ուրախութեամբ և խնդութեամբ կրելով ամեն հարուած, ցաւ ու մահ. վասն զի անոնցմէ զօրաւոր է Ճմարտութեան հաւատքն և սէրն: Այսու մտօք գեղեցիկ զարմանօք՝ խորհրդածութիւն մը կ'ընէ ինքն մերն Նէարքոս. « Տէս, կ'ըսէ, զսքանչելի մատակարարութիւնն Աստուծոյ ». յառաջ քան զգալն Քրիստոսի՝ ի փրկութիւն

Տեառն ի 6 յանուարի, և տօնին չորրորդ օրն է ինն յանուարի. և զի այն տարին այս օրն չորեքշաբթի էր, միայն այն հալածանաց ատեն մէկ տարի մը կայ որ Յայտնութիւնն կիրակի կու հանդիպի, և չորրորդ օրն՝ ինն յանուարի ի չորեքշաբթի, և է այն Քրիստոսի 260 տարին, յորում Պօլեքստոսն ահառակեցաւ, հաւանօրէն և իր զուգակիցն Նէարքոս, և յորում՝ սպանան վաղերիանսս և մերն խոսորով՝ հալածիչք եկեղեցւոյ:

մեր, ամենքն իբրև միգով պատած պաշարուած՝ այլ աւելի դէպ 'ի մթուծեան խորը կ'երթային. իսկ Փրկչին գալէն ետև՝ ամենքն իբրև թէ գահա՝ վէժ տեղէ մը վեր ցատքեցին իրենց մոլորութեանէն. «որպէս 'ի վախէ իմեքէ՝ 'ի գոյ կուսպաշ» առութենէ՝ 'ի վեր յարուցեալք»:

Այսպիսի կրքեր արթնցան վերոյիշեալ հալածանաց ատեն 'ի Մելիտինէ, ուր կ'երևի թէ մինչև այն ատեն ոչ սաստիկ հալածանք եղած էր, ոչ քրիստոնեայ իր հաւատոց համար նահատակեալ. վասն զի նոյն իսկ մեր Մելիտեան պայազատն՝ առաջին վկայ Քրիստոսի կոչուի այս կողմերս, գոնէ այս հալածանաց ատեն. որ առաջիններէն աւելի ընդհանուր հրատարակեցաւ և սաստկացաւ. և այս մայրաքաղաքիս մէջ այլ կայսերական հրովարտակն կախեցաւ 'ի հրապարակս, կամ յերկրպագութիւն կուոց կամ 'ի մահ կոչելով զամեն նշանաւոր մարդ, և մանաւանդ զգլխակիրս. որոց՝ կամ 'ի պատիւս յառաջելու հրաւերք կար, կամ գլուխնին կորուսանելու սպառնալիք. և թէ կ'ուզես Նէարքոսի նմանաբանութեամբն ըսել, կամ նորէն 'ի խորս միգին և մթան իջնել ընկնիլ, կամ 'ի վախէ և 'ի գոյ անտի՝ վեր ցատքել ելնել թռչիլ:...

Իսկ արդ ինչո՞ւ դու ինքնին՝ որ այսպէս խորհրդածէիր, ինչո՞ւ դու այլ թմերուդ չտուիր, չիթռար սրտիդ նետած տեղը, - յերկինս. ինչո՞ւ չեղար բոլորովն այս միգախառն կեանքէս և չխառնեցար 'ի լոյսն անգիշեր. ինչո՞ւ կու տնտնաս կու տարակուսիս. և մանաւանդ ինչո՞ւ այդչափ կու տրտմիս, կ'այլայլիս, և երեսացդ հրեշտակային պարզութիւնն՝ հիւանդի և ցաւագարի կերպ կ'առնու: Ինչո՞ւ այդ պայծառ աչքերդ իբրև արեւու լուսէն այլ խորշելով իրենց կապիճներուն խորը կու քաշուին՝ մշուշ ու մրուր առած, և Լը-

կրնցած ծնօտիցդ վրայ դեռաբոյս մօրուացդ փրն ջնկքն կուխուռին. և քու խօսքերովդ իսկ ըսեմ՝ ինչո՞ւ ո՞վ Նէարքոս « 'ի նեղասրտութիւն եկեալ » հանապազ յոգւոյ հանելով լաս դառնապէս » : Տրամութիւն՝ քու քաղցր հոգւոյդ անծանօթ էր. արտասունք՝ քու մաքուր գիմացդ վրայ ճամբայ չէին բացած. սիրտդ՝ նեղութիւն և ցաւ գրեթէ չէր կրնար կրել, որովհետեւ կրկնակ երկպատիկ էր, համակիր համաշունչ բարեկամի մը սրտով ամրացեալ, քու Պօլեքստոսիդ սրտովը : Զկար վերք մը՝ որ այն սրտով չբժշկուէր. ոչ պնդութիւն կամ պաղութիւն մը՝ որ անոր կրակով չհալէր. արդ ինչո՞ւ չես փութար երթար գիմեր անոր՝ որ քու միւս Նսդ է. այլ մանաւանդ կ'ըսես թէ սիրտդ « և ոչ սովորական խօսիցն կա » մեր հաղորդել Պօլեքստոսի » : — Ո՛վ սիրտ փափուկ, սիրտ զգայուն. կրնայիր արդեօք քան զայս սաստիկ հարուած մը տալ թէ դու քեզի՝ թէ քու մէկիկ բարեկամիդ : ...

## Դ

Զտարակուսինք, Հայկակ, որ այս այլ Նէարքոսի սաստիկ սիրոյն ակամայ հնարքն է. արդարեւ « ԲՈՒՆ է իբրեւ զմահ՝ սէր » : Սէր մը այնպիսի մաքուր սրտի մէջ սնած՝ որ կարծես թէ Յովհաննու Սիրեւոյ պէս Քրիստոսի կուրծքէն ծըծեր էր իր հրեղէն աղբիւրը : ... Բայց Պօլեքստոս՝ որ դեռ չէր ընկած այն աստուածային լանջաց վրայ, դեռ չէր մարմնով ընդ մարմին Աստուծոյ միացած, և ոչ հոգւով հաղորդուած ընդ Յիսուսի հոգւոյն, աւելի քան զՆէարքոս կ'ափշէր շուարէր անոր անսովոր անկարծելի տխրութեանը և մանաւանդ լուութեանը վրայ. սիրտն տակն ու վրայ եղած՝ կարծէր թէ այնքան տարուան

բարեկամութեան քաղցրութեանց փոխանակ՝ յանկարծ ամենածանր գառնութիւն մը պիտի գայ. կու խռովէր, կու լար ինքն այլ, և բիւր անգամ կու հարցընէր պատճառը: Նէարբոս՝ պատասխան անգամ չէր տար կամ չէր կրնար տալ: Պօլիքսոս երբեմն ստիպելով՝ երբեմն ինքն այլ լռելով, մէկ մը իբրեւ յուսահատ, մէկ մ'իբրեւ սրտաբեկ կ'երգունցընէր նորէն կու հարցընէր. Զեմ կրնար հասկընալ՝ Նէարբոս, այս ինչ գործ, ինչ մտածութիւն է. ոչ բարեկութեան նմանի ոչ ահաճութեան... Արգեօք իրաւ կրնայ ըլլալ, կրնամ հաւատալ որ Նէարբոսի սիրտն պաղի 'ի Պօլիքսոսէ. կրնար կարծել Պօլիքսոս՝ որ Նէարբոս իրեն հետ չիօտի, իրմէ գաղտնիք պահէ: Յետ այնչափ ժամանակաց անարժան գտուեցայ քու սրտիդ: Բայց ըսէ գոնէ՝ ինչ բանով, ինչ կերպով. « զինչ արտմութիւն կալար յինէն երբէք, կամ որ » վհատութիւն եղև քեզ յինէն »: Նէարբոսի սիրտն որ սիրելոյն ամեն մէկ խօսքէն նոր նոր կու խոցուէր կու կտրէր, ոչ կրնար գիմանալ և ոչ կ'իրբը բացատրէլ. շատ անգամ շրթունքը շարժեց և ձայնն հեկեկանաց մէջ հեղձամղձուկ թաղեցաւ: Երկուքն այլ իբրեւ առանց վէրքի վիրաւորք, առանց կռուի զարնուածք՝ կու տանջուէին. մէկ մը դլուխ գլխի տուած, մէկ մը երեսնին իրարմէ գործուցած 'ի լալ և հառաչել. մինչև հազիւ սիրտն և շունչը պնդելով սկսաւ ըսել Նէարբոս. Տըրտմութեանս պատճառը կու հարցընես. կրնայ ուրիշ կամ աւելի պատճառ մ'ըլլալ սրտիս՝ քան զբաժանումս...:

Ինչ կայծակ էր որ թաւ Նէարբոսի բերնէն: — Բաժանումս, կանչեց Պօլիքսոս: — Բաժանումս, կրկնեց Նէարբոս... Այստե՛րական հրամանքն ասկէ ետև մէկմէկէ զատեն պիտի զմեզ այսուհետև Նէարբոս և Պօլիքսոս մէկ չեն...:

Թող, լռենք հեռանանք, որ մեր սերն աւելի չտան-  
լէ զմեզ:...

Վեր ցառեց Պօլիքսոս՝ կրակէ աչք և շըր-  
թունք շարժելով: Այդ ինչ անակնկալ խօսք է  
որ կու լսեմ քեզմէ, Նէարքոս: Մինչև հիմայ գի-  
տէի և գիտեմ որ մէկ բան մը, միայն բան մը կըր-  
նար զմեզ զատել իրարմէ, մահն: Բայց ոչ կայ-  
սերք կրնան մեր բարեկամութիւնը բաժնել, և  
ոչ աշխարհք մեր սէրը մարել: Պօլիքսոսի անկա-  
րելի է բաժնուիլ 'ի Նէարքոսէ, բայց եթէ մա-  
հուամք: — Այն ատեն խորունկ հառաչանքով  
մ'ըսաւ Նէարքոս: Ա՛հ, բնական մահուանէ ա-  
ւելի զօրաւոր բան մը կայ՝ որ զմեզ կրնայ բաժ-  
նել իրարմէ:... Դարձեալ ցնցեցաւ Պօլիքսոս,  
գարձեալ թւերը թօթվեց, պլուեցաւ Նէարքո-  
սի վզին: Կու գգուէր գորովէր կ'ազաչէր կ'եր-  
գուընցընէր որ ըսէ պարզաբար ինչ էր միտքն:  
Ինչ բան կրնար ըլլալ մահուանէ զատ և անկէ  
զօրաւոր՝ որ զիրենք իրարմէ բաժնէ: Նէարքոս՝  
տղու պէս և թերևս աւելի այլ լալով հեկեկա-  
լով՝ ձայնը ու սիրտը կու կտրատէր: Բերնով  
չկարնալով՝ կ'ուզէր աչքերովը խօսիլ սիրելւոյն  
հետ: Եւ անոր խռովութենէն կրկին ու կրկին խռ-  
վելով՝ գողալով, և ոչ ոտքի վրայ կրնալով կենալ՝  
ընկաւ 'ի գետին: Պօլիքսոս այլ աւելի շուարած  
ու այլայլած՝ սկսաւ անսովոր կասկածանաց եր-  
թալ: Բայց մէկէն խիզ՛ն կ'ըսէր. « Ոչ ինչ ունիմ՝  
» կարծիս չարի 'ի լաւ բարս Նէարքոսի»: սա-  
կայն չըլլայ թէ թշնամի մը խօսք խառնած կամ  
պղտորած ըլլայ միտքը. — սոյս այլ անկարելի է իր  
բարի սրտին. — չըլլայ թէ մէկն չարախօսութիւն  
ըրած ըլլայ Նէարքոսի վրայ, կամ իբրև բերնէն  
անպատշաճ խօսք մը լսած, կամ իբրև անհաւա-  
տարիմ իր խոստման: կամ թէ պարտքի տակ ըն-  
կած ըլլայ: Այս և այսպիսի խօսքեր կ'ըսէր կու-



հարցընէր Նէաբքոսի, կու խոստանար իր ամեն ստացուածքը, ընտանիքն և կեանքն անգամ մէկէն տալու ՚ի սէր նորա, որուն արդէն իսկ նուիրած էր:

Այս խօսքերէս գրեթէ ամաչելով՝ վեր ելաւ Նէաբքոս, և գարձեալ կէս համարձակ կէս վախ վըխելով ու անհնարին տրտմութիւն ըսաւ. Մեր բաժանման օրն հասած է. — վաղը. — ժամանակն կու ստիպէ, պիտի բաժնուինք, վասն զի վարքով ու ձեռով նման չեմք իրարու... Թէ և սիրելիք: — Պօլեքտոս յիրաւի խռովելով և խոցուելով այս խօսքէս, իմացաւ որ Նէաբքոսի վրայ յիմարութիւն չէ եկածն, այլ սրտին վրայ ծանր բան մը կայ, որ այնչափ կու տանջէ դնա. ինքն այլ ձայնը վերուց, ու սիրով սրտամտած կու կանչէր կու ստիպէր որ ըսէ շուտով ու յայտնէ՝ ի՞նչ էր իրենց մէջ մտած տարբերութիւնն՝ որ վաղը զիրենք պիտի բաժնէր. ապա թէ ոչ, կ'ըսէր հիմայ հոս ոտքիդ տակը կ'ընկնիմ՝ կու մեռնիմ: — Վերջապէս Նէաբքոս քիչ մ'այլ կըմկըմալէն ետև ըսաւ. Վայսերական խիստ հրաման ելած է քրիստոնէից վրայ, կամ զոհելու է կամ մեռնելու. ես քրիստոնեայ եմ, գու գիտես, գիտեն ուրիշներն այլ բոլոր աշխարհքիս համար չեմ թողուր ըզքեզ Պօլեքտոս, բայց Պօլեքտոսիս համար չեմ կըրնար թողուլ զՔրիստոս:... — Ո՛վ օրհնեալ սիրելի անձն, կանչեց Պօլեքտոս, նոր կրակով մը վառուելով և փայլելով, ինչո՞ւ հեռանաս ՚ի Պօլեքտոսէ՝ Քրիստոսդ չթողուլ համար. միթէ միայն քո՞ւկդ է Քրիստոս... Ես այլ այսօր՝ գու ինծի չեկած՝ տեսայ այն Յիսուս Քրիստոսը, որ եկաւ վըայէս հանեց այս աշտեղի զինուորական քղա միդս, և գեղեցիկ լուսանման զգեստ մը հագուց, ու թեւաւոր ձի մ'այլ տուաւ ինծի, գերազոյն զինուորութեան գաս անցընելով զիս:

Զայս որ լսեց Նէարքոս՝ զմայլեցաւ. արտասուեցն աչքերուն մէջ՝ ի կայծակ փոխուեցան, տաարակ սիրտն արծիւ գարձաւ. բոլոր հասակին ուժն՝ և բնութենէն աւելի զօրութիւն մ'այլ առած, Ուրեմն, կանչեց, գուայլ ճանչցա՛ր զՔրիստոս՝ Աստուած. իրա՛ւ է որ Պօլեքսոս կուհաւատայ Քրիստոսի։ — Եւ երբ չէի ճանչցած ես զնա. կամ երբ անհաւատութիւն ցուցած էի, ի՞նչ Նէարքոս երբոր դու քրիստոնէից վարքը կու պատմէիր՝ միթէ ես չէի՞ հաւնիր. երբոր Քրիստոսիդ աւետարանը կարգայիր՝ ես չէի՞ զմայլիր. երբ իր մահը կու նկարագրէիր՝ ես չէի՞ լար դողալով։... Իրաւ՝ անուամբ և ընկերութեամբ չէի քրիստոնեայ, բայց ինծի արարիչ և տէր՝ զՔրիստոս միայն կու ճանաչէի. Քրիստոսի միայն կ'ուզէի ծառայել, և անոր հակառակ կանգնած սուտ և խայտառակ կուռքերը անարգել և մերժել։

Նէարքոս ուրախութենէն կու գողար կու սարսէր. բայց սիրոյն սաստկութեամբն ինչուան ի թերահաւատութիւն կ'երթայր. Այդ ըստծնեւրուդ ժամանակն է, կ'ըսէր, ի՞նչ Պօլեքսէ. հեթանոսաց հրամանքն հրատարակեցան, և որոշիչ վըճիռն կտրուած է. կամ զոհել կուոց կամ մեռնիլ։... Ո՛հ, Պօլեքսոս, կու վախեմ, կու վախեմ թէ զքեզ կորսընցընեմ. դու դեռ կատարեալ քրիստոնեայ չես. եթէ վաղը ստիպուիս զոհելու կուոց՝ արդեօք պիտի կարենա՞ս գէմ կենալ, թէ... հնազանդիլ կայսերաց... և անով բաժնուիլ ի Նէարքոսէ և ի Քրիստոսէ։...

Այս խօսքը լսելուն՝ Պօլեքսոս երեցաւ իր բոլոր եռանդուն բնութեան և բարուց մէջ. աչքը՝ մէկ մը յերկինքնետեց, մէկ մը փայլակելով Նէարքոսի վրայ, և անոր ձեռքը բարկութեամբ մը թօթուելով, Հիմայ կ'իմանամ, ըսաւ, միտքդ. այս էր քու տրտմութեանդ և վախիդ պատճառն.

այս կարծիքն ունէիր Պօլիքսոսի վրայ. այսպէս ճանչնայիր բարեկամդ, յետ տեսնելուդ թէ ինչ ակորժով կու լսեմ և կ'ընդունիմ քու ըսածներդ քրիստոնէութեան վրայօք, կու վայլէր որ Պօլիքսոս 'ի Նէարքոսէ ասանկ խօսքեր լսէ: Եթէ այսպէս սրտով միշտ զիրար սիրեցինք, միթէ հոգւով կրնամք բաժնուիլ, և մարմնաւոր բարիք ուսէր հոգւորէն վեր դնել: Եթէ հասեր է ժամանակն, ինչո՞ւ կ'ուշանամք, ինչո՞ւ պարտքերնիս չկատարեմք. ինչո՞ւ չյանդիմանեմք չխայտառակեմք զկուռս, և չբարձրացընեմք զՔրիստոս Աստուած:...

Ո՛վ առաքինի և վկայավայել խօսուածք. ինչ անբացատրելի ուրախութեամբ լսիք Նէարքոսի սիրտը. որ «որպէս թէ 'ի քնոյ ինչ զարթուցեալ»  
 » յերանելոյն 'ի Պօլիքսոսի բանիցն, և զիւր հոգին և զմիտսն վերստին կանգնէր, և ասէր առ  
 » Սուրբն. թէ ինձ՝ ո՛վ Պօղիոքեմ, ոչ մեծութիւն  
 » և ոչ զինուորութեան պատիւ, ոչ կեանք աչ  
 » խարհիս այսորիկ պատուականագոյն թուին՝  
 » քան զկեանսն Քրիստոսի. այլ զանմահութիւն  
 » և զփրկութիւն և զյաւիտենականն՝ փոխանակ  
 » մարդկային և առժամանակեան կենացս՝ յառաջ պատուել հաճոյ է ինձ »:

## Ե

Խօսակցութեան սկսած ատեն՝ Նէարքոս կարծէր թէ մեծ նահատակութեան համար ինքն բաւական փորձ ըրած է, և պէտք է զՊօլիքսոս այլ կրթել և ըմբիշ ընել. հիմայ այն աստիճան կտրուածութեան նշան տեսաւ անոր վրայ, որ կրնային երկուքն այլ հաւասարապէս մրցիլ:

Եւ ի նուագել հանգիտաւորք եւ ի մըրցանքս դիմագրաւք:

Ո՛հ, Թէ կարելի էր այն Արկադացի մրցող հովուաց դատող մեծ քերդողը հոս հրաւիրել, իր խօսքովն այլաբանել և ըսել.

« Մտփր այսր ո՛ Մելիբէէ, զի՛ քեզ խոյոց եւ նոխազաց.

Եւ Թէ կարես վայր մի գըլալ՝ եկ հանգիր աստ ընդ հովանեաւս »... .

Ուր Մելասայ ճապուկ իշամբ սքողեալ քծընին խաղք դալարիք,

Եւ սրբազան ի կամարաց մեղուաքատակ հծծեն հրեշտակք:

Զի մեծ պայքար է աստանօր ընդ Պօլեքտեայ Նէարքոսի.

Այս Յիսուսի են կամք՝ մրցել նոցին սիրով փոխանակաւ<sup>1</sup>:

Եթէ քիչ մ'այլ երկայն ապրած ըլլայիր, կամ քիչ մ'այլ ուշ յաշխարհ գալով՝ տեսնէիր քու հռչակած Կումեայ Սիբիլայիդ յեփն ծամանել և նոր դարու խաբէ, Կասին վերագարձը, և նոր ազգի մը յերկնից զրկուիլը, անոնց մէջ պիտի տեսնէիր այսպիսի սուրբ սիրով և քու զիւցազանցմէ գերադնն զօրութեամբ մրցողներ. և արդեօք ի՞նչ զարմացմամբ պիտի մոռնայիր քու Թիրսիսդ և Ալէքսդ, ո՛վ քաղցրերդակ Վիրգիլ, և ի՞նչ անոյշ տաղերով պիտի ջանայիր աւանդել մեր մելիտացի մրցողաց փոխադարձ մենախօսութիւնը. յորում ոչ քու Արկադացւոցդ պէս մէկն կու յաղ-

4 Huc ades, o Melibœe: caper tibi salvus et hœdi;  
Et si quid cessare potes, requiesce sub umbra...  
Hic virides tenera prætexit arundine ripas  
Mincius, eque sacra resonant examina quercu...  
Et certamen erat Corydon cum Thyrside magnum...  
. . . . Alternos Musæ meminisse volebant.

Թէ և մէկն կու յաղթուի, այլ Թէ մէկն յաղթէ և Թէ մէկայլն. ճշմարտապէս երկաքանչիւր հաւասարազօրք:

Նէարքոս զՊօլեքտոս փորձելէն և հաւնելէն ետև՝ կու մնայր որ Պօլեքտոս այլ զՆէարքոս փորձէ, երբ նա յաւիտենականութեան համար Ժամանակաւոր կեանքը արհամարհել կու խոստանար. « Եւ ոչ խնայես գու, ով Նէարքոս, յայդ. » պիսի պատիւդ », կ'ըսէր: Պարզամիտ սիրելին՝ կարծելով Թէ իրաւցընէ կ'ըսէ Պօլեքտոս, ի՞նչ պիտի ըլլայ այս պատիւաւ և ասկէ մեծերն այլ, պատասխանեց, այն պատուին քով՝ զոր ես 'ի Քրիստոսէ ունիմ. եթէ գիտնայիր Թէ ո՞րչափ յառաջ տարեր է զիս Քրիստոս իր զինուորութեան մէջ: — Գիտեմ գիտեմ, կանչեց Պօլեքտոս առանց պատրուակի, քու յառաջադիմութիւնդ այլ՝ որ 'ի Քրիստոսէ, քու հանդերձեալ պատիւդ այլ անկէ. բայց հիմայ ես քեզմէ յառաջադէմ պիտի ըլլամ. « քանզի երկնաւոր և Թագաւորական քզա » միդ 'ի Փրկչէն՝ 'ի ձեռն յայտնութեանն՝ ընկա. » լայ այսօր »:

Իսկ յետ մրցանաց և փորձանաց՝ երբ երկու բարեկամքն այլ առջինէն աւելի հանդարտեցան վստահացան կապուեցան իրարու հետ երկնաւոր սիրով, Պօլեքտոս հեզաբար և աշակերտաբար սկսաւ հարցընել Նէարքոսի քանի մը տարակոյսներ, իբրև իրմէ վեր և հին քրիստոնէայ վարպետի. « Ես քեզ կամիմ գլուխ մի հոգևորական » բանի հարցանել ». մէկ մը՝ որ դեռ բաւական պատրաստութիւն չէր տեսած, և Թերևս առանց այլ չըլլար քրիստոնէական սուրբ խորհրդոց հաղորդուելու. և եթէ այնպէս 'ի նահատակութիւն երթար, արդեօք ընդունելի կ'ըլլար 'ի Քրիստոսէ: — Նէարքոս մէկէն լուսաւոր մտքով և բաց սրտով սկսաւ քաջալերել և ապահովել

զնա, թէ հաւատոց զօրութիւնն բաւական էր  
այնպիսի ատեն. և ՚ի սուրբ գրոց օրինակներ բե-  
րաւ. « Նւ բազումք ՚ի հեթանոսաց մարգիկ՝ կար-  
» գին ՚ի զօրականութիւն Քրիստոսի. քանզի ա-  
» հաւասիկ առհասարակ ամենեցուն բացեալ են  
» գրուէք երկնից. և անմահ իրիւթեանն մո-տ՝ ոչ եր-  
» բէր իմեցաւ. թէպէտ և ՚ի սակաւ ժամու ոք  
» հաւատասցէ՝ մեծ վարձս ընդ սակաւուն ընդ-  
» այնորիկ և ընդ ճմարտի հաւատոցն՝ ընդունի » :  
Յիշեցուց Քրիստոսի ըսած մշակաց առակն այլ,  
որ թէ առաջին ժամուն եկողներն և թէ մետա-  
սան ժամուն՝ հաւասար վարձք առին : — Իրաւ  
իրաւ, կու յիշեմ, ըսաւ Պօլեքսոս, որ ուրիշ ան-  
գամ այլ այս բանս ինծի կարգացեր էիր յաւե-  
տարանէդ. « Թէ մի ժամ վաստակեցին մշակքն,  
» և ընդ այնոսիկ՝ ողք զաւուրն ծանրութիւն բար-  
» ձին՝ հրամայեաց Փրկիչն տալ զվարձսն » : Ասոր  
վրայ բերաւ Նէարքոս աւազակին պատմութիւնն  
այլ, որ Քրիստոսի հետ մեռնելու խաչին վրայ՝  
հաւատաց անոր. և « Փրկիչն՝ ընդ փոքր և ընդ  
» անագաճոյճ հաւատոյն՝ որպիսի մեծամեծս խոս-  
» տանայր նմա և ասէր. Իո՛ւ այսօր ընդ իս ես ՚ի  
» գրախտին : Տեսանէս ո՞վ Պօղիպոէ, զիմորդ փոքր  
» մի հաւատք որպիսի՝ մեծ աւետիս պարգեւէ. ա-  
» հաւասիկ հաւատք ըստ աւետարանին ասա-  
» ցուածին, թէպէտ և փոքր՝ հանգիպին բոլորո-  
» վին իսկ զլերինս փոփոխել » :

Սուրբ խորհրդոց վրայ ապահոված՝ Պօլեքսոս  
երկրորդ տարակոյսն այլ հարցուց. « Նւ է՞ կա-  
» ըղղութիւն, ո՞վ Նէարքոս, առանց մկրտութեան  
» այսպիսի իրաց գիպել մարդկան : Ասէցնա Նէար-  
» քոս. Ամենայն ինչ սուրբ է սրբոց, որպէս և  
» աստուածային գիրք ասեն » : Օրինակ այլ կու  
բերէր ՚ի Քրիստոսէ բժշկութիւն խնդրողները,  
յորոց միայն հաւատք պահանջէր Քրիստոս և ոչ

մկրտութիւն կտամ խորհուրդներ - այսպիսի նեղ և հարկի ժամանակ՝ սիրոյ և մահուան մկրտութիւն մեծագոյն ևս էր քան զչորոյն։ «Առ այստսիկ երա-  
 )) նելին Պօղոբտիոս յորդորէր զհոգին իւր, և եր-  
 )) կրաւոր իրաց 'ի մոռացումն գայր. գոչէր յան-  
 )) կարծօրէն և ասէր. Թէ ես ընդ Քրիստոսի միա-  
 ))ւորեցայ 'ի սկզբանէ. և նա պարտի ինձ հոգ  
 )) տանել և խնամել. քանզի ես 'ի բաց հրաժա-  
 ))րեցի 'ի մարդկային իրացս, այսուհետեւ պարտ  
 )) է ինձ վասն Քրիստոսի վկայել»։ Եւ հոս կու-  
 յիշէր իբրեւ 'ի քնոյ արթննալով, որ օր մը իր  
 հեթանոս զօրականներն վկայեցին, թէ զՔրիս-  
 տոս կու տեսնեն լուսաւոր կերպարանօք Պօղոբ-  
 տոսի քով, և իր երեսներն այլ անոր ճառագայթ-  
 ներէն լուսաւորած էին. Ուրեմն կ'ըսէր, քաջա-  
 հաւատն Պօղոբտոս, Քրիստոս 'ի սկզբանէ ընտ-  
 րեր է զիս և կու հրաւիրէ յերկինս. այլ ինչո՞ւ  
 կ'ուշանամք. «Արդ ժամ է մեզ երթալ, և ըն-  
 )) թեռնուլ զանարժան հրամանս թագաւորին»։

Ջայս ըսելով հոգելից և վառվառն երիտա-  
 սարդն Պօղոբտոս՝ յետին անգամ մ'այլ գրկելով  
 իր ամենասիրելին, և հաւատարմութեան ուխ-  
 տերնին կրկնելով, այնպէս շուտ սրացաւ թռաւ  
 այն մրցանաց տեղէն, որ Նէարքոս կարծեր թէ  
 արդէն բարեկամն հեծած ըլլայ Քրիստոսի իրեն  
 տուած թեւաւոր ձիոյն վրայ, զոր կու ճանչնար  
 նշան անոր վկայաբար յերկրէ յերկինս վերանա-  
 լուն. հիմայ կու հաւատար իր սրտակցին ըսա-  
 ծին, թէ «Նախ քան զքեզ ես յառաջագէ՞մ եղէ  
 )) 'ի Փրկիչն»։ և թերեւ թէ կամաւ թէ ակամայ  
 հետեակ մնայր Նէարքոս, և չէր կրնար հասնիլ  
 անոր՝ որ իր կրակէն վառուած՝ իրմէ աւելի բո-  
 ցով ծխով կու բռնկէր փայլակէր կ'երթար այրե-  
 լու լափելու։...

- Որպէս դու ինձ ի գիմագրաւ տալ զանձն  
ի վտանգ կամակար:
- Պօլի. Զոհք ի բազնին կան ի զենուլ, չիք յա-  
մելոյ ժամանակ.
- Օ՛ն, Աստուծոյն ճշմարտի անդրը ճե-  
պեսցուք նահատակ.
- Երթիցուք տալ ըզխաղալիկըն շանթ՝ ու-  
տից ի կոխան,
- Որով ըզփայտըն փուտ զինէ գիւրահա-  
ւատըն խուժան:
- Օ՛ն, երթիցուք բանալ ի լոյս զաչս՝ առ  
ի մահ կուրացեալ
- Եւ փշրեսցուք ըզկուռսըն սուտ ըզկոփա-  
ծոյ եւ զհրահալ.
- Երկնազգեցիկ ի մեզ հըրոյս՝ լիցուք կե-  
նօք մեր ճարակ.
- Հարցուք զերկնից ըզպատերազմ՝ Թո-  
ղեալ ի նա գյաղթմանակ:
- Նեարք. Օ՛ն, երթիցուք մեծահանգէս փառացն  
երկնից տալ ըզցոյց,
- Եղեալք գործօնք հաւատարիմք կամացն  
առ մեզ զոր եցոյց:

## Է

Մինչեւ Նեարքոս զՊօլիքոս գտած՝ բոլոր  
Մելիտինէ անոր ըրած գործէն տակն ու վրայ ե-  
ղած՝ մեծ շփոթութեան, աղաղակի, զարմաց-  
ման և զայրացման մէջ էր. ձայնն, ստիպմունքն  
և սպառնալիքն հասան մինչև ի կուսակալն և  
«աներ նորա Փելիքս, որ հալածիչն կարգեալ էր  
» յանօրէն Թագաւորացն. յիմարեալ հիացեալ  
» լինէր ընդ իրան՝ որ ի սրբոյն Պօղիոքոսէ գոր-  
» ծեցան »: Վասն զի այն սրաթեւութեամբ՝ որով  
Թուա իր բարեկամին գրկէն, հասաւ Պօլիքոս



'ի մեծ հրապարակ քաղաքին, և տեսնելով կախուած կայսերական հրապուրիչ հրովարտակը, աչքին հետ ձեռքը ձգելով՝ շուտ մը պատռեց դրուածը. պատառը վար չձգած՝ տեսաւ որ ուրիշ կողմէ քուրմք և պաշտօնեայք դատաւորին տասն երկունկարեալ կուռքերն առած, ծաղիկներով և դալար ճիւղերով զարդարած կու բերէին մեհենից մէջ և բազնաց վրայ կանգնելու, յորդորելով խառնիճաղանձ խեղճ ժողովուրդը յերկրպագութիւն: Զգուանաց և անարգանաց ծիծաղ մը փրթութուց դիւցազնացեալն Պօլիքսոս. բազմութեան մէջ նետուիլն, բոլոր կուռքերն այլ մէկիկ մէկիկ յափշտակել 'ի գետին վարնել և ջախջախելն՝ մէկ ըրաւ: Այնչափ բազմութիւն քրմաց, զինուորաց և ժողովրդեան՝ չկրցան մեր մէկ նահատակին դէմ կենալ. հրեղէն անձ մը, հրէշ մը, նոր աստուած մը, չեմ գիտեր ինչ կարծէին, սոսկային, պաղէին: Բայց երբ կոսարտած կուռքերնուն վրայ կոխկրճտելով անցաւ ելաւ սուրբն, ու կրակոտ աչքն կու նայէր [թէ կայ] ուրիշ ընելու բան մը, ապա՞ծներն ար[թըննալով, մանաւանդ [թէ աւելի քնանալով չարաչար ապշու[թեամբ, ոկրսան խայտառակաբար չաստուածներնուն ջարդուիլ լալ, բողոքել և վրէժ պահանջել 'ի Պօլիքսեայ: Աներն Փելլքս վրայ հասնելով տեսնելով և լսելով եղածը, ուրիշներէն աւելի անձրբկած, կերպ կերպ կըքերով պաշարուած՝ նախ և առաջ սկսաւ յուսահատաբար ինք զինքն ողբալ՝ որ զփեսայն պիտի կորուսանէր. և այս երկու անգամ է, կ'ըսէր, որ այսպէս ճղակոտոր անզաւակ կ'ըլլամ. « Վրիպեցայ 'ի յերկաքանչիւրոցս, և այժմ » անզաւակեցայ ես Փելլքս. քանզի առաջինն » վախճանեցաւ, և ես պերճացեալ պարծէի փեսայն. » սայիւս. իսկ այժմ չուառատեսա անզաւակե » ցայ. քանզի ոչ ոք յայսմ հետէ ողորմել կարի-

- » ցէ Պօղոսիոսի, ոչ աստուածքն և ոչ ինքնա-  
 » կալ թագաւորքն. որ զայնպիսի իրս յանդգնե-  
 » ցաւ առնել, և զամենայն աստուածքն մեր յա-  
 » նիրաւի փշրեալ խորտակեաց » : Այս խօսքերէս  
 և պատմութեան ուրիշ նշաններէն պէտք է իմա-  
 նալ՝ որ Փեղիքսայ առաջին կորուստն ուրիշ փե-  
 սայ մ'էր, առաջին այր Պաւլինեայ, ուսկից դե-  
 ռաբոյս զաւկըններ այլ ունէր. զորս որդեգրեց Պօ-  
 լիքսոսի՝ այրի մայրերնին տալով անոր 'ի կնու-  
 թիւն. ստոր համար պատմութեան մէջ թէ Պաւ-  
 լինեայ զաւակ կու յիշուի, թէ Պօլիքսոս Նէար-  
 քոսի տխրութեան և անպահապան ատեն կ'ըսէ.  
 « Թէ որդի իսկ ունէի՝ ոչ խնայէի յաղաքս սի-  
 » րոյն Նէարքոսի, նա և նուազ ևս համարէի զնա՝  
 » քան զսէր նորա. և յառաջագէմ ունէի զսէրն,  
 » ամբողջ պահելով և անվնաս քան զամենայն<sup>1</sup> » :

Պօլիքսոս ժողովուրդէն աւելի իր հարկերը և  
 ալեւոր աներոջ վրայ ցաւօք ծիծաղելով՝ ըսաւ.  
 Եթէ ես չաստուածներդ ջարդեցի՝ ըսել է որ  
 շատ ապիկար անպիտան բաներ են եղեր. թէ որ  
 ուրիշ այլ կայ՝ շուտով բերել տուր, որ զանոնք  
 այլ ջնջեմ : Իմացաւ Փեղիքս որ զՊօլիքսոս անկա-  
 րելի է համոզել, որուն սիրտը արդէն կու ճանչ-  
 նար, բայց հալածանաց հրաման չըլլալուն հա-  
 մար՝ կու լռէր. հիմայ՝ իբրեւ յետին փորձ և հը-  
 նարք զնա շարժելու, յորդորեց որ հանգարաի և  
 գոնէ յետին հրաժարական մը տայ կնոջը : — Ի՞նչ  
 կին, ի՞նչ զաւակ, կսնչեց Պօլիքսոս. եթէ Պաւ-  
 լինա ինծի հաւան և ընկեր է՝ թող ինծի պէս ընէ  
 և դայ իմ հետս. ապա թէ ոչ՝ ինծի բաւական է իմ  
 շրիստոսս. ապշիկդ թող քեզի ըլլայ և կուռքե-  
 րուդ : Փեղիքս յուսահատ սրտմտութեամբ և ար-

<sup>1</sup> Թող զայս այլ գիտնա՞մեր կամ օտար Գրունչըն. թէ  
 և ես չեմ համարձակիր բանաստեղծից թեքն ամի ոփել :

ցունքով դարձուց գլուխը: Այն երեսգարձութիւնն նշան մ'եղաւ իր պաշտօնէիցն. որք իբրեւ վրէժխնդիրք չաստուածոց և կայսերաց՝ պաշարեցին Պօլիքսոս. և « Կոճկամբն <sup>1</sup> իւրեանց ան. » ողորմն ծեծէին զբերան նորա »: Իսկ նա գեռ վարդաթափ չթամբքն կու ստիպէր զաներն՝ որ փուճ տեղ չայ և զինքը չյորդորէ կնոջ և զաւակաց անուամբ. այլ կամ իրեն հետեւի, կամ կայսերաց հրամանը կատարէ:

Աւանդ, կանչեց աւաղելին և ոչ իր անուանն արժանին Փելլքս. — աւանդ Պօլիքսոս, որ զքեզ այլ քրիստոնեայք մոլորեցուցին: Եւ իր մոլորառիթ գուստորը կանչել տուաւ: Պաւլինէ հերարձակ լալով վազելով եկաւ, սկսաւ ողբալ և հօրը պէս աւաղել իր ամուսինը, որ այնպէս անակնուշիկ գործով 12 չաստուածները մէկէն ջարդեր էր: Իսկ սուրբ վկայն ծիծաղելով անոր ըսածին վրայ, Եթէ այդ 12 չաստուածոց ջնջելովն, ըսաւ, անաստուած մնացիր, եկո՛ւ Պաւլինէ, ցուցնեմ քեզի ուրիշ և ճշմարիտ Աստուած մը, որով կարենաս ինծի պէս արհամարհել այս անցաւոր կեանքը և յաւիտենականը ժառանգել:.... Հասա՛ւ այս ձայնս Պաւլինեայ սրտին խորը, և շարժեց հոգին միանալու որուն հետ որ միացեր էր երբեմն մարմնով: — Քերդողն կու հաւանի և կու հաստատէ զայս. մեկը ամենայն սրտով կու փափագիմք. բայց պատմութիւնն լռէ:....

Սակայն թէ ոչ աներն և կինն՝ բայց Պօլիքսոսի խօսքերը լսողներէն շատերն հաւանեցան իրեն և հաւատացին ի Քրիստոս, և զարմացմամբ քաջալեր կու տային իրեն: Իսկ ինքն իր բնատուր և շնորհատուր զուարթութեամբն և համարձակութեամբն կ'ըսէր անոնց. Մի տարակուսիք ո՛վ ըն-

<sup>1</sup> Կոճկադուլի գաւազան կամ ուռն:

կերք, որ ես անխուով եմ. վասն զի քովս կու տես. նեմ երիտասարդ մը՝ որ ամեն վախ ինծմէ կու փարատէ, և զիս երանելի կենաց կու հրաւիրէ: Այս խօսքերս որչափ որ կ'ուրախացընէին և գովութեամբ կանչել կու ապին հաւատացելոց, այնչափ անհաւատները զկծեցընէին. որք և գանգատելով թէ Պօլեքսոսի աւելի խօսիլն և ապրիլն՝ քրիստոնէից պարծանք և իրենց նախատիւնք կ'ըլլայ, ստիպեցին զդատաւորս և զԹշուառն Փելեքս՝ անոր մահուան վճիռը տալու. որոյ վրայ ամենէն աւելի ինքն Պօլեքսոս գոհ ըլլալով՝ իբրև յաղթանակի կառաց վրայ ելնելու կու վազէր կ'երթար խայտալով խնտալով իր կատարման տեղը...:

Բայց մէկ մ'այլ յանկարծ կանկ առաւ. և այն խառն՝ ի խուռն բազմութեան վրայ աչքը փայլակելով՝ իշուց մէկի մը վրայ միայն՝ իր սիրասուր կայծակը. և. — ներէ ինծի Սուրբն և սրբոյն ընկերն այլ, եթէ անսուրբ բանաստեղծի մը միտքը թողլով՝ բուն խօսքը իրենց վրայ թարգմանեմ. —

« Նա եւ ի ջոկըս խուռներամ պատանեաց  
Երթայր՝ զչքնաղըն կարգալով Նէարքոս<sup>1</sup> »:

Նէարքոս՝ մարմնով լուռ, այլ սրտիւ և հոգեով բիւր բերան եղած՝ քայլ առ քայլ հեռուանց հետեւելով՝ կու դիտէր կ'ազդէր սիրելւոյն: Հոս ինքնին չդիմանալով կ'ըսէ իր պատմութե մէջ. « Իսկ »

» Նէարքոս զբարեկամութիւն սիրոյն ոչ երբէք  
» մոռանայր. քանզի էին յերկոսին մարմինսն՝ մի  
» ոգի և մի կեանք: Յայնժամ հայեցեալ վկային  
» ի Նէարքոս՝ ասէ ցնա. Ողջոյն ընդ քեզ. և զան  
» ճառելի ուրախութիւնն իմ և զքո՝ յիշեալ եղբայր: Եւ

1 Cum per obstantes juvenum catervas  
Ibit insignem repetens Nearchum.

» զայս զվերջին զձայնս՝ իբրև զկնիք Թողոյր Նէաւր  
 » քոսի: Եւ ինքն՝ կատարի սրով»<sup>1</sup>: Կնիք արժա-  
 նաւոր աննման սիրոյն՝ ի վերայ սրտի բարեկա-  
 մին, յիշատակն իրենց խոստման. զոր ինչուան  
 երկնից պատուանդանին վրայ այլ հաւատարմու-  
 թեամբ պահեց իր ծոցը՝ յառաջագէմն Պօլիքսոս,  
 և աւանդելով իր սրտակցին, Նէարքոս և Քրիս-  
 տոս անուանց խառնութեամբ՝ աւանդեց զհոգին:  
 Այսպէս քրիստոսատուր ճերմակ Թևաւոր ձիոյն  
 վրայ հեծած, մէկ Թռիչով՝ Թողով իր կարմրա-  
 թաթաւ կայտառ պահարանը (մարմինը), հասաւ  
 յօթեվանս Հօրն երկնաւորի, իր մէկիկ երկրա-  
 ւոր սիրելոյն համար այլ գահ և առաջատա-  
 պատրաստելու և փութացընելու հոն:

## Ը

Իսկ Նէարքոս որ բարեկամին կենակցութեան  
 ատեն մի ոգի և մի կեանք կարծէր զնա և զինքն,  
 հիմայ մարմնով միայնանալովն՝ երկու գտաւ զին-  
 քը. մէկ մասն յերկինս՝ ընդ հոգւոյ սիրեցելոյն,  
 ուրախ, գոհ և երջանիկ, անոր յաղթութիւնը  
 երգելով և պարծելով. իսկ միւսն՝ յերկրի, սըր-  
 տահար, տրամազգեցիկ և դողդղալով իր բարե-  
 կամին բաժնուած մարմնոյն քով:... Ո՛հ. ինչ  
 տարբեր և անկշիռ էր առաւօտեան խօսակցու-  
 թեանց և գրկածութեանց վայրկեանն (երբ եր-  
 կու կայտառ գլուխք տաք տաք իրարու սրտով  
 կու տրոփէին՝) այս երեկոյեան վայրկեանս. յո-  
 րում գլխոց մէկն միայն կանգուն՝ իբրև անթափ  
 բաժակ շուշանի որոյ մէջ նուան ծաղիկ մը ըն-  
 կած ըլլայ, կ'առնուր նազելին Նէարքոս՝ իր սի-

<sup>1</sup> Հին օրինակն պատմութեանս գուցէ գեղեցիկ և հա-  
 ճոյ սխալագրութեամբ մը կ'ըսէ Կարտի. օրով:

րեւելոյն անգին գլուխը . կու մօտեցընէր անոր արիւնսքամ շրթունքը իր գողգոջուն շրթանցը , և անոր մանուշակացեալ աչաց ցամաքութիւնը՝ իր ջերմաջերմ աչաց ցօղերովը կու թրջէր . արտասուէր Պօլեքոտսի արեամբ խառնելով կու նուիրէր Աստուծոյ, շարժուն բաժակ գոհութեան... : Զարմանա՛նք արդեօք թէ ի՞նչպէս անոր անշունչ անմուռնչ շրթանց մէջ՝ Նէարքոս իր շունչն նշլ չաւանդեց , և մէկտեղ չլռեց չընկաւ :

Նէարքոս յետին սպասաւորութիւն մ'այլ ունէր իր սիրելոյն երկրաւոր մասին . հաւատացեալ եղբարց օգնութեամբ՝ դրաւ իր կենաց գին Պօլեքոտայ գլուխը՝ անոր տարածեալ մարմնոյն քով, և երկուքն այլ ծածկեց մայրենի մեղիտեան հողով . « Յայնժամ ապա զպատուական և զսուրբ » մարմին նորա 'ի Մեղիտինէ քաղաք Հայոց (Թա . .) ղեցին պատուով՝ եղբարքն . և իբրեւ զժառանգ . .) գութիւն յաւիտենական իւրեանց ընծայեցին » : Քիչ ժամանակէ ետեւ հոն բարձրացաւ տաճար մը յանուն սուրբ վկային Պօլեքոտայ , որ իբրեւ մեծ ուխտաաւելի կու յիշուի 'ի սրբազան պատմըլացո՛ղ գար մը ետքը : Նէարքոս չառաւ մասն անոր նշխարքներէն , որոց քով կու փափագէր քիչ առեւնէն ինքն այլ հանգչելու . բայց չէր այլ կրնար իր քաջայաղթ զինակցին նշան մը չունենալ աչքին առջև , մինչև որ իսկապէս տեսներ զնա յարքայութեան երկնից : — Առաւ մը , զոր աւետարանին անծանօթ երիտասարդէն<sup>1</sup> աւելի պնդապէս հետը կու կրէր , — բայց մաքուր և ծալած , — սուրբ կտաւներ՝ թաթաւեց 'ի թափած արիւն Պօլեքոտսի . մինչև 'ի յետին կաթիլը ջնջեց մաքրեց գետինը . և իր սպայութեան հանգիսից օրերը բարձրացուցած դրօշէն բարձր ու պանծալի

1 Մարկոս :

սաւառնմամբ տարաւ զայն իր հայրենի երկիրը,  
 « իբրեւ զերանելի իմն ժառանգութիւն և զէն փրը-  
 » կութեան Կանանացւոց քաղաքին, մերձաւո-  
 » լաց և հեռաւորաց »:

Երկրորդ և մեծագոյն և ամենեցուն ցանկալի  
 սպաս մ'այլ կատարեց Նէարքոս, աւելի մեղի  
 քան իր սուրբ սիրելւոյն, անոր յիշատակը երկ-  
 նից վարագորէն դուրս այլ անմահ թողլով երկ-  
 իս վրայ. և արեան արտասուացն հետ մելան  
 այլ խառնելով՝ գրեց Պօլիքսոսի վկայաբանու-  
 թիւնը: Ահա իր խօսքն. « Եւ յետ չարչարանաց  
 » սրբոյն Պօլիքսոսի՝ ես առաւապեալս Նէար-  
 » քոս, ետու զՅիշատակարանն՝ Տիմոթէոսի Կա-  
 » նանացւոյ և Աւկաար Նեղոսի, և երգմնեցուցի  
 » զնոսա՝ ի դաասատանն Քրիստոսի և ի յազթու-  
 » թիւն սրբոյն Պօլիքսոսի՝ ի Քրիստոս, որպէս  
 » զի տարւոյ տարւոյ կատարեսցեն զօր (Նահա-  
 » տակութեան) նորա, և զՅիշատակարանն ըն-  
 » թերցցին խնամով: Իսկ Տիմոթէոս ընկալեալ  
 » զայն Յիշատակարան՝ եդ ի սուրբ եկեղեցւօջ,  
 » ուր և...: » Հոս դժբաղդաբար կ'ընդհատի մեր  
 օրինակն. բայց կ'իմանամք ուրիշ գրուած է որ  
 Տիմոթէոսն այն (Թուի երէց Կանանացւոց աւա-  
 նին), ըստ պատուիրանի սուրբ Էջիանին Նէար-  
 քոսի՝ ամեն տարի Քրիստոսի ծննդեան տօնից օ-  
 րերը կու կարգար անոր անմահ բարեկամին ան-  
 մահացուցիչ Յիշատակը. իսկ Նեղոսն այն Աւ-  
 քա՝ կարծեմ թէ ըստ Հռովմայեցւոց է Actarius  
 կամ Actuarius, զի այսպէս անուանէին զինուո-  
 րական գործոց գրողները: Պօլիքսոս այլ թէ  
 երկրաւոր թէ երկնաւոր զօրական ըլլալով՝ կու  
 վայլէր որ քրիստոնեայ գործագիր մը անոր վար-  
 քը վաւերացնէր: Արդէն այն առեն եկեղեցւոյ  
 հայրապետք այլ հրաման հանած էին՝ որ որո-  
 շեալ դպիրք գրեն սրբոց Գրքից կամ վկայաբա-

նութիւնը: Եւ ահա այս Նէարքոսեան և Նեղոսեան Գործք Ս. Պօլեքստոսի է մեր ձեռքն ընկածն այլ. Հայկակ, որ և ինչպէս առաջ ըսի, ամբողջագոյն՝ մինչև հիմայ ուրիշ լեզուով ծանօթներէն (գոնէ ինծի), թերևս ուրիշ գրչէ այլ անցած՝ կամ թարգմանութեամբ տեղ տեղ այլափոխեալ ըլլայ. և որոյ սկիզբն արժան կուսեպեմ հոս կարդալ քեզի, որ յետ լսելոյ զպատմութիւնը՝ կրնաս վերջաբան այլ սեպել, և յարմար Նէարքոսի սրաին պարծանօք գոչելու իր բարեկամին յաղթանակին վրայ.

« Այժմ մեծութիւնն շնորհացն Աստուծոյ և  
 » զօրութիւն նորին 'ի ձեռն սրբոյ մարտիրոսին  
 » Պօղոքտիոսի՝ ամենեցուն տեսանի: Այժմ՝ հե-  
 » թանոսք թախծեալ եւ արտամեալ, ուրք յան-  
 » շունչ կուռսն իւրեանց յուսային. ուրք մոլո-  
 » ըեալքն էին 'ի դրօշեալս իւրեանց՝ յամօթ լի-  
 » նէին. վասն զի յաստուածային զօրութենէ ան-  
 » տի՝ նմանողք սրբոյն Պօղոքտիոսի լինել տե-  
 » մայ հարկաւորէին, որպէս յամենեցուն ստաց-  
 » չին և արարչին Աստուծոյ. ըստ աստուածային  
 » դրոց, թէ Ամենայն ծունր կրկնեսցի երկնաւո-  
 » ըաց և երկրաւորաց և սանդարամեապանաց.  
 » քանզի յաստուածային զօրութենէն որ տը-  
 » լեալ լինի մարդկան՝ յայժմու 'ի մերձակայ ի-  
 » ըացս առաւել ևս օրհնի և փառաւորի: Քանզի  
 » ահաւասիկ և երանելին Պօղոքտիոս որ կարծէր  
 » զհեթանոսական զվարս և զպաշտօն ունել, նոյն  
 » ինքն արագ արագ զՔրիստոսի պաշտօնն ունել  
 » յինքն, զօրացուցանել զինքն. և որ երկրաւոր  
 » թագաւորին զօրական էր, զՔրիստոսի զինա-  
 » կրութիւն փոխանակ երկրաւոր զինուորութեն  
 » ամենայն յօժարութեամբ փոխանակէր. և պը-  
 » սակ անթառամ զիւրոյ զջան վաստակոց և ըզ-  
 » ժուժկալութեանն՝ զգեցեալ ցուցանէր: Քան-



մաշ և ծին բառերէն բարդած, ինչպէս կըրնայ ու կարծուիլ:

Յովհաննէս անոնցմէ մէկն եղած է՝ որ կրնային ըսել Իմաստնոյն, և իրեն իսկ անուանակից և ազգակից՝ Հայոց մեծ Իմաստասիրին հետ, Թէ Մանուկ էի մտաւարժ, և ոգւոյ բարւոյ դիպեցայ. կ'երևի Թէ ծնողքն ալ հոգ ունեցեր են պղտիկուց զինքը ուսման տալու. իր մէկ բաղքն ալ այս եղաւ որ իր հայրենիքն Լուսաւորչի լերան վանքերով շրջապատած էր, որոնց մէջ դեռ բաւա, կան գրքեր և գրագէտներ կու գտուէին. և աւելի բաղքն ալ այս էր՝ որ իր տղայութեան առին՝ Նրզնկա քաղքին քաղաքական իշխանն էր Յովհաննէս պարոնն. հոգեւոր տեսուչն ալ էր՝ այն պարոնին հայրն Սարգիս արքեպիսկոպոսն. երկուքն ալ աշխարհաշէն և ջանասէր և ջանասիրաց ձեռք տուող: Նրզնկացին առջի ուսմունքներն ըրաւ Ս. Մինասու անապատ ըսուած վանքը, Սեպուհ լերան սրբազան շուքին տակ. վերջը անոր քովի վանքերն ալ պտըտելով՝ մեզուի նման քաղեց անոնցմէ ինչ որ իր իմաստասէր մտացը պատուական գտաւ. բայց անոնցմով գոհ չըլլալով՝ ելաւ հեռու տեղուանք ալ պտըտելու, գիտութիւն ժողովելու համար:

Այն ատենները Հայոց մէջ ամենէն անուանի վարդապետ ճանչցուած էր Վարդան Արեւելցին, և Թէ Կիւլիկիոյ արքունիքը Թէ արեւելեան Հայաստանի մէջ պատկառելի եղած. այս բաղմահմուտ և բաղմագիր վարդապետս՝ իր վերջին տարիները քաշուեր էր Հայոց և Վրաց սահմաներուն մօտ, Հաղբատ և Սանահին հռչակաւոր վանաց մէջ տեղ՝ Կայենոյ ձոր ըսուած տեղը, ուր որ պղտի վանք մը կար. հոն կու նստէր և աշուկերուաց դաս կու տար. Յովհաննէս ալ դնաց անոր քով, և կ'երևի Թէ ինչուան անոր մահը հոն

կեցաւ, և կ'անուանէ զինքն « Աշակերտ հոգեւից ») հօրն և սուրբ վարդապետին Վարդանայ): Յովհաննէս դարձաւ Երզնկայ, ուր յաջորդ տարին (1272) հոն մեծ գիպուած մը հանգիպեցաւ. այսինքն սրբոյ Մեծին Ներսիսի մարմինն գտուեցաւ, 640 տարուընէ վեր փլած Թիւ գեղին եկեղեցւոյն տակ, և Սարգիս արքեպիսկոպոսին ձեռքով փոխադրեցաւ յԵրզնկայ: Այս գիւտիս և փոխադրութեանն ոչ միայն ականատեսս կու կարծուի Երզնկացին, այլ և կ'երեւի թէ ինքն է անոր պատմութիւնն ալ գրող և գեղեցիկ ճարտասանական ճառ մ'ալ ըսող՝ փոխադրութեան հանգիսին մէջ, արքեպիսկոպոսին հրամանաւն, ինչպէս որ գրուածքին ոճէն գուշակեն բանասէրք: Բայց տակէ յայտնի և փառաւոր յիշատակ մ'ալ (Թողուց Եզնկացին Ս. Ներսիսի վրայ, « Որ զլոյսն անճառ ») երգած շարականովն, որ ընտիր շարականաց կու հաւասարի ազնիւ շարադրութեամբ և իմաստներով և վառվռուն եռանդեամբ. այս շարականս երդեց՝ երբոր Լեւոն Գ Հայոց Թագաւորն լսելով Ս. Ներսիսի նշխարաց գիւտը՝ եկեղեցի մը նուիրեց այն մեծ հայրապետին:

Երզնկացին քանի մը տարի հայրենեաց սահմաններէն հեռացած չերևար. գուցէ Սարգիս արքեպիսկոպոսին քով կը ծառայէր, ինչուան ահոր անպարտ սպանուած իր որդւոյն հետ մէկտեղ: Տարի մը ետեւ, 1280ին, Ս. Գրիգոր վանից միաբանքն՝ միաբանութիւննին նորոգելով՝ խնդրեցին իրմէ որ իրենց կանոններ գրէ. ինքն ալ գրեց « Կա ») նոնք և սահման միաբանութեան եղբարց՝ որք ») աստուածային սիրով միաբանեցան յեղբայրու ») թիւն միմեանց՝ յԵզնկայ, 'ի ԶԻԹ... ») և կու սկսի, « Բանն Աստուած որ բանիւ գոյացոյց զա ») մենայն արարածս », և այլն: Այս յիշեալ վանքերուն մէկուն մէջ գտայ Փիլոնի Սբրայեցւոյ ճա.

աստեղանման ցրուըտէին թօթափէին. բազմու-  
թիւն մարդկան չորս բոլորն առած՝ երկու կըքով  
բաժնուած կու նայէին ՚ի կրակն և ՚ի կայծակն.  
և անշուշտ արժանաւոր աչքեր տեսան անոնց մի.  
ջէն արեգական նման և աւելի անուշալոյս գունտ  
մը՝ վերանալով սրանալով անցնելով քան զամեն  
բարձր կայծ ու ծուխ, նաև քան զաստղերն այլ,  
և ծածկուելով երկնագմբէթին մէջ:...

Այն էր պայծառ, սիրավառ ու սիրածախ հո-  
գին Նէարքոսի. որոյ պատշաճագոյն վախճան մը  
չէր կրնար ըլլալ՝ քան զկրակն. այն մշտակնգրուկ  
անուշահոտ ողջախոհ սրտին պէտք էր որ վերջա-  
պէս մարմինն այլ ըլլայ մաքուր լուցկի ողջակէզ:  
Թերևս յայս ականարկէ պատմութեան սկիզբն  
եղած երկրորդ յառաջաբանի մը այս խօսքս. « Ի  
» ձեռն այսպիսի հրաշագոյն իրացս՝ հաստատեաց  
» զառաքելական ձայնն որ ասէ. Հաւատովք շի-  
» ջուցին զգորութիւն հրոյ, խցին զբերանս ա-  
» ռիւծուց: Ո՛ր Քրիստոսի աշակերտ ՚ի յեռն հրոյ,  
» և զօրական ճշմարիտ և ընտիր »:...

Արդեօք այն փլփլած Փելլքսն էր Նէարքոսի  
նահատակութեան երկրաւոր վճիռը տուողն, թէ  
ուրիշ գատաւոր. և ի՞նչ առթիւ և կերպով կա-  
տարեցաւ այս ոտուք պատարագս այլ... լռու-  
թիւն է: Իայց մէկ գիպուած, մէկ խօսք մը միայն  
պահած է պատմութիւնն: Պօլեքտոսի վերջի խօս-  
քը լսեցիր, առ Նէարքոս ըսածն, զոր թողոյր  
յերկրի. Նէարքոս յերկրի թողլու բան չունելով,  
զայս խօսքս ըսած է խարուկին վրայ բոցով շրջա-  
պատած ատեն. Այս երախ շիջեալ արգելու ի՛մ  
« րփիս երախ՝ առ քեզ գալու, Տէր Յիսուս: Եւ թռակ  
գնաց առ Քրիստոս և առ Պօլեքտոս. զոր՝ կրնամք  
մէք հողեզէնքս և անփորձքս երկնից սովորու-  
թիւններուն, երեակայել աստուածափայլ կայ-  
ծակի մը պէս ճառագայթած՝ երկրէս ելլող Նէար-

քոսի ճառագայթեալ հոգւոյն հետ. և անհամեմատ գերազանց ու աննման արամազդեան կայծականցն, իրարու պլլուած ու խառնուած՝ աստուածային աթոռոց շուրջը փարիլ փայլել խաղալ խնտալ:

Այսպէս Պօլեքսոս և Նէարքոս, Նէարքոս և Պօլեքսոս « Սիրելիք և գեղեցիկք և վայելուչք. » չմեկնեալք 'ի կենդանութեան իւրեանց՝ և ոչ » մեկնեցան 'ի մահուն իւրեանց »: Թէպէտ հարիւր օր կու համբոնն երկրաւոյք ընդ մէջ մահու միոյն և միւսոյն. թէպէտ և մէկն քաւութեան սեղանոյն վրայ պատարագեալ յարիւն թաթաւ, մէկայլն յողմակիղաց սեղանոյն վրայ 'ի խաւնկ և 'ի ճենճեր. կտրըճին կատարածն՝ սրով, փափկին փափագածն՝ հրով. սակայն երկուքն այլ հաւասարք սիրով, հաւասարք անմահութեան երգով.

Երկոքեան իսկ ծաղկափայլք, եւ երկոքեան Մելիտացիք,

Եւ երկոքեան զոյգք յերգել, եւ յանգրագարձ հանգիստազօրք: —

Յայս վայր յիշեմ. եւ ի մրցանս սիրոյ յեանեալ չասեմ ըզմին.

Յայսմ հետէ վեհ ինձ Պօլեքսոս, եւ Նէարքոս ինձ զոյգ նշմին<sup>1</sup>:

1 Hæc memini et victum frustra contendere Thyrsin :  
Ex illo Corydon, Corydon est tempore nobis.

Վերդիլ:

## Ժ

Ճշմարիտ բարեկամն և բարեաց առիթ սուրբն՝ Նէարքոս՝ իր բարեկամին կրկին անմահութեան պատճառ եղաւ վկայաբանութեամբն. որով Պօլիքսոսի տնունն աւելի հռչակեցաւ յերկրի, և պաշտօնն՝ ի Հայս, յԱսորիս, ի Լատինս և ի Յոյնս։ Յուստինիանոս կայսեր ատեն հարուստ տիկին մի Կ. Պօլսի մէջ Պօլիքսոսի եկեղեցին բոլոր ոսկւով պատեց, կայսեր ձեռքէն ազատելու համար իր ստացուածքը։ Ինչուան Փռանկաց մէջ այլ հին ատեն տարածուած էր Պօլիքսոսի պատիւը. զոր և սովորութիւն էր ամեն ուխտից հաւատարմութեան պաշտպան բռնել և երդնուլ անոր խորանին գիմաց. ինչպէս որ հին հեթանոսք այլ անոր համանունն՝ Պոլիւքսի՝ սեղանին վրայ կ'երդնուին զհաւատարմութիւն. կարիճներն՝ անոր, իսկ կանայք՝ կ'երդնուին անոր ընկերակցին՝ Կաստովրի՝ սեղանին վրայ։ Ո՛րքան փափագելի էր մեղի այլ, Հայկակ, Մելիտեան ափանց վրայ տեսնել սուրբ տաճար մը, մէջը կրկին սեղան, մեկուն վրայ Պօլիքսոս նշանաւ սրոյ, միւսոյն՝ Նէարքոս նշանաւ հրոյ. և առիւծասիրաք մեր՝ անոր, աղանէսիրաքն՝ ասոր գիմաց, նուիրելով սրտերնին՝ ընկերաց և Աստուծոյ. — Մեր ազգն այլ իր արիութեան օրերուն, և (որոյ անմահ սիրով) մինչև հիմայ այլ մեծ զգացմամբ և եռանդեամբ ասնէ զարի և զինակիր նահատակս, զԹէոդորոս, Գէսրգ, Մերկեռ, Սարգիս, Վարդան, և այլն. անոնցմէ հին է իր տօնած (այլ ոչ նոյնպէս պանծանօք՝ վասն անծանօթ մնալուն) Ս. Պօլիքսոսն այլ. որոյ զինակից Նէարքոսին անունն սահեր է մեր Յայսմաւուրքէն։ Դարձեալ, հին և աւելի երջանիկ օրերուն, մեր ազնուասիրտ և ընկերասէր

նախնիքն՝ բարեկամութեան զգացմունքն այնչափ  
սրբազաններ էին՝ մինչև եկեղեցական օրհնութիւն  
'ի կարգս Մաշտոցի անցընել զՍանն Եղբայրակցու-  
թեան. պաշտպան և ուխտընկալ բարեկամացն նը-  
ւիրելոց ունելով զսուրբ առաքեալն Փիլիպոս և  
Բարդուղիմէոս, և զվկայան Սաբդիւս և Բագոս: Արդ  
ես այլ, Հայկակ, իմ կողմանէս մեր համազգի ա-  
րիասիրաց և ընկերսիրաց՝ աննման օրինակ և  
պաշտպան վերընծայեմ զսուրբ հայրենակիցս մեր՝  
Նէարքոս և Պօլեքսոս, Պօլեքսոս և Նէարքոս:

## ՍՄԱԿՍԻԱԳ ՍՈՓԵՍՏԷՍ

Բնատուր մեծ հանճար՝ կրթութեամբ և երկար ուսմամբ կրկնակի մեծցած և զօրացած, բարակամիտ ըմբռնումն և վարպետ բացատրութի, լեզու արուեստաւոր՝ բայց յստակ և հայկաբան. արտաքին և աստուածային գիտութեանց հմտութիւն, քաջախոհ գաղաղութիւն, վռնմ և անխռով ոգի՝ անխոնջ հեապքին և սիրող ստուգութեան, պատկառելի ծանրութեանը հետ զըւարձախառն ընտանութիւն, միանգամայն և մէկ զարմանալի խորհրդաւոր կերպ մը՝ որով կարծի թէ ինքզինքը կու. քօզարկէ հասարակ նայուածքներէն. ասոնք են մեր մեծանուն Յովննէս Սարկաւս վարդապետին յատուկ բնութիւնը, բարքը, ձիրքը, որք արորժելի պարտք մը կը գնեն զինքը ծանօթացնելու իրեն համազգեսացը: Այս ձիրքերովս է որ ինքն՝ իր գտնուած ժամանակին և գիպուածոց մէջ՝ զինքը ճանչցողներուն զարմանք բերելէն զատ, իմաստութեամբը թողած յիշատակարաններովն անմահ է այսօր ալ, և անմահ պիտի մնայ միշտ մեր հայ գրականութեան և ընդհանուր իմաստնոց կարգին մէջ. և իրեն հաւասար անձինք գտնելն միշտ աշխատալի և դժար գործ պիտի ըլլայ:

Մեր գրականութեան մէջ յայտնի է քեզ, Հայկակ, որ երկու նշանաւոր դար ունեցեր ենք, մէկ

մը Քրիստոսի հինգերորդ դարը՝ որ է Թարգման-  
չաց ոսկեգրիչ ժամանակն, մէկ մ'ալ երկոտասա-  
ներորդ դարը, յորում մէկ գպրոցէ ելան սուրբն  
Ներսէս Շնորհալի և իր եղբայրն Գրիգոր վկայա-  
սէր, մեկնիչքն Սարգիս և Իգնատիոս վարդա-  
պետք, և իրենց մերձաւորներն Ներսէս Լամբրո-  
նացի, Գրիգոր Տղայ, և այլն. որոնք նորոգեցին  
ոսկեզէն գրիչները, և հնազարդ մտաց ծննդոցը  
վրայ նոր ծաղկափթիթ շնորհք մը բերին, այս-  
ինքն յստակագոյն բացատրութիւն մը խօսից՝ որ  
աւելի յարմար էր նոր դարերուս։ Սարկաւագ  
վարդապետ այն գպրոցէն չէր, բայց կրնայ հայր  
ըսուիլ անոր, որովհետեւ քան զայն քիչ մը ա-  
ռաջ՝ նոյն շնորհքով փայլեցաւ, հանգերձ հին  
ոճոյ վսեմութեամբը, և իր վարպետ զուրցուած-  
քովն՝ եզաւ եզակտն և աննման մատենագիր մը։  
Մեռասաներորդ դարուն կիսէն ինչուան ժԲ դա-  
րուն երեսներորդ տարին քչեց իր կեանքը, ըսել  
է թէ իր խոր ծերութեան ատենը վերոյիշեալ  
վարդապետներն գեռ երիտասարդ ու միջահա-  
սակ էին, և գրեթէ ինքն գրիչը թողլու առեն՝ ա-  
նոնք ձեռք կ'առնուին։ Աս առեններս քաղաքա-  
կան հին Հայաստանն ալ նորոգուելու վրայ էր.  
Բագրատունեաց տէրութիւնն նոր վերջացած,  
Հայոց մէկ մեծ մասն իր բնական աշխարհքէն ե-  
լած՝ ուրիշ աշխարհքներ գաղթականներ կը հաւ-  
տատէր. ոմանք գեռ իրենց մեծ տէրութեանը  
կտորներուն վրայ կուռըտելով՝ այն հին աշխարհ-  
քին ամուր կողմերը ապաւինած կամ բռնացած  
կեցեր էին, աստղաբաշխից ըսած՝ մեծ մոլորակի  
կտոր մանր մոլորակաց պէս. ոմանք ալ ասգիէն  
անդիէն մէկտեղ եղած՝ մէկ ամբողջ ջահ մը վա-  
ռել կու ջոնային, այսինքն մեր Պահլաւեան և  
Ռուբինեան իշխաններն Ալիկիոյ մէջ։ Զատոնք  
պայծառացընելու համար՝ Աստուած հանեց Ներ-



սէսներ ու Գրիգորները. իսկ վերին Հայոց մնացած կողմերը՝ որոնց յետին փայլումն հասեր էր, պարգևեց աս լուսատու վարդապետը:

Իր հայրենիքն էր Արցախ աշխարհին Փառխոս կամ Փառնէս գաւառը՝ Սիւնեաց բնիկ Սիստկան գաւառին գրացի, որ աս ատեններս զատ Թադաւորութիւն ունեցաւ՝ Սիսականի կամ Փառխոսոյ անուամբ, և իրեն իշխաններն հին Հայկազանց սերունդք էին: Սարկաւազին աշխարհք եկած ատենն ասոնց սակաւատե փառքն ալ մարմրելու վրայ էր, և քիչ ատենէն փոխուեցաւ յիշխանութիւն Խաչենի: Իր մանկութիւնն՝ հայկական վեհապանծ օրերուն տեղ՝ անոնց վարատական գաղթիլը և Սկիւթացւոց յարձակմունքները տեսաւ: Ալփասլանին ըրած արիւններն գեռ կու մխային աչքին առջևը. և անանկ տպաւորութիւն մ'ըրած էր վրան աս բարբարոս ազգին մեր աշխարհքը գալիս ու տիրելի, որ այն ատենէն մըտքին մէջ նկարուած պիտի ըլլան այն պատկերները՝ զոր վերջը գրով աւանդեց յետոց. երանի՜ Թէ մեզի ալ հասած ըլլային: Բայց աս շփոթութիւններս իրեն դաստիարակութեանը և ուսումնասիրութեանը արգելք չեղան: Իր հայրն արգէն քահանայ էր, և ինչպէս կ'երևի՝ այն սրբազան աստիճանն իրենց ցեղին մէջ շատք ունեցեր էին. ուստի իր որդին ալ՝ որ Յովհաննէս կ'ըսուէր բռնիկ անուամբը, և կ'երևայ Թէ շուտով սարկաւազ ձեռնադրել տալուն՝ Սաբաթա ըսուեցաւ անկէ վերջը, ուղեց նոյն ճամբան դնել. անոր համար պզտիկուց զբեց որ ուսմունք սովորի: Այն ատենի արևելեան կամ Խոր Հայոց երևելի ուսումնարաններն էին Բագրատունեաց և Վրաց Թադաւորաց Ժողկեցուցած վանքերն, Հաղբատ, Սանահին, և ուրիշ քանի մը անոնց մօտ վանքեր. աս տեղուանիս անցուց Սարկաւազ իր անյագ

ուսումնասիրութեամբ վառուած հասակը, համեմատ դիման և կամաց զանոնք կանգնողներուն և զարդարողներուն. որպիսիք էին թագաւորը, իշխանք, եպիսկոպոսունք և վարդապետք նշանաւորք իրենց ժամանակին, և հիմայ այլ ոչ աննշանք իրենց հոն թողած գերեզմաններովը. որոց մէջ է և մեր Սարկաւագ վարդապետինն. և այն ամենուն մէջ այլ նշանաւորագոյն անձն և յիշատակ՝ ըստ իս՝ ինքն է և իրենն:

Բայց գրեթէ անկարելի է յիշել այս երկու հաշակաւոր վանքերը, որ մայրավանք և հայրապետայն կոչուեցան, և լուել իրենց ծագումը և պայծառութիւնը. այն զուգակները՝ որ ԺՅ-ԺԳ դարուց մէջ վերին Հայոց ամենէն ծաղկած իմաստութեան կենդրոն կու սեպուէին, միանգամայն և քնարան եղան և են թագաւորաց և մեծամեծ իշխանաց, զատ ՚ի գիտնոց և եկեղեցական առաջնորդաց: Ժ դարուն կիսէն վերջը Յունահայ Ռոմանոս Ա կայսերէն հալածուած քանի մը միանձուեք եկան ՚ի Հայս, և ինչուան Գուգարաց աշխարհին արեւելեան ծայրը Չորոյգետ կամ Չորոփոր գաւառին գլուխը՝ Սանահին գեղին քով, սարաւառի մը վրայ յանուն Ս. Աստուածածնի եկեղեցի մը շինելով՝ հոն պառսպարեցան: Աւանդութիւն էր Հայոց որ Ս. Լուսաւորիչ այլ հոն նոյն անուամբ եկեղեցի մը շինած էր, վասն զի նոյն իսկ Բարդուղիմէոս և Յուդա առաքեալք այլ հոն խաչ մը կանգնեց էին. ըսել է որ ժամանակաւ մեր նախնիքն հոն կուտուն կամ բազին մ'ունէին: Քանի մը տարի վերջը մեր Բագրատունի թագաւորն Աշոտ Ողորմած և իր թագուհին Խոսրովանոյշ՝ աւելի մեծ եկեղեցի մը շինեցին հոն Ամենափրկի անուամբ և վանք մ'այլ, յ'966 թրւին Քրիստոսի: Սանահինէն ժամ մը հեռի գէպարեւելեան հիւսիս և անկէ ձորակով մը զատուած

է Հաղբատ գեղն. ասոր քով այլ նոյնպէս սա-  
րատափի մը վրայ հիմնեցին Ս. Նշան եկեղեցին և  
վանքը, զոր կառարեալ շինութեամբ լմնցուցին  
իրենց որդիքն, Սմբատ և Գուրգէն Թագաւորք.  
և երկուքն այլ յանձնեցին արժանաւոր վանա-  
հարց և վանականաց. միանգամայն հոն ընտրե-  
ցին իրենց գերեզմանատունը. որոնց հեռեկեցան  
իրենց ուրիշ ազգակից Թագաւորներ և մեծամեծ  
իշխանք. ինչպէս Սարգիս սպասալար, որոյ դուստ-  
ր ըն կանգնեց իմ երբեմն քեզի յիշած Ա-  
ւագ Խմաւրչէ<sup>1</sup>, ուսկից պէտք է անցնիս, Հայկակ,  
արեւմտաքէն Սանահին գալու համար, որոյ մօ-  
տիկ է: Բազդով մը, որ սակաւագիւտ է մեր աշ-  
խարհին մէջ, ոչ միայն ասոնց գերեզմաններն,  
այլ և կամուրջն և եկեղեցիք, յիշատակարանք և  
արձանագրութիւնք՝ մեծաւ մասամբ անեղծ մնա-  
ցեր են ինչուան հիմայ, 800 տարիէ վեր: Ահա այս  
վանքերուն մէջ զարգացաւ մեր Սարկաւագն:

Անյադ և մտազիր ուսումնասիրութեն վրայօք  
կու պատմէ Կիրակոս Պատմիչ դիպուած մը, որ  
հաւանօրէն անոր զարգացած հասակին մէջ հան-  
դիպած է. Հաղբատայ վանքին քովերը Զորոյ գեա-  
եղերքին վրայ քարայր մը կար, ուր տեղւոյն  
ամրութեան և ապահովուէ համար կու պահէին  
գիրքերը, և փափագողն կ'երթար հոն կու քննէր  
կու կարդար. օր մը բանասէրք ոմանք, Սարկաւագ  
այլ մէկտեղ, գացին կարգալու, Սարկաւագ իր  
սիրական գրքերն ընարելով՝ ծածուկ կողմ մը քա-  
շուեցաւ կարգալու, և այնչափ ուշի ուշով ան-  
զբաղ կու կարդար կու քննէր, որ ոչ ժամերուն  
անցնիլն իմացաւ, և ոչ ընկերներուն դուրս ելնել  
և դուռը գոցել և երթալին. վասն զի ասոնք  
չտեսնելով զՍարկաւագ՝ կարծեցին թէ իրենցմէ

<sup>1</sup> Տես Ա հատոր, երես 31 :

առաջ գուրս ելեր է: Քանի մ'օրէն նորէն եկան գիրք առնլու. և զորչափ զարմացան երբ հոն գտան զՍարկաւագ. սկսան հարցընել, թէ «Ո՞րպէս ապա»  
 » րեցար առանց կերակրոյ և ըմպելոյ. և նա եցոյց  
 » նոցա զգրեանն՝ զոր ընթերցեալ էր, և ասէ.  
 » Այդ է իմ կերակուր և ըմպելի, զոր կերայ և  
 » արբի զաւտուրս զայսոսիկ » : Իր ազնուական բարքն և բնատուր սրամտութիւնն ալ ջանիցը հաւատար, անկատար հասակին մէջ ալ զինքը կատարելոց կարգը անցուցին. և ինքն իսկ կրնայ վկայ սեպուիլ այս բանիս իր խօսքովը՝ որ գրուածքի մը մէջ կ'ըսէ. « Ի նախնեաց բարեպաշտից և »  
 » յիմաստուն ծնողաց բուսեալ, որք անուցին զիս  
 » օրինօք հոգւոյն կենաց՝ առնել քան ըստ բնու-  
 » թեան տածիւք խնամս յառ մանկունս. որովք  
 » յառաջնումն հասակին գաստիարակեալ՝ յոյս »  
 » տայի քաջութեան » :

Առջի ուսումնական տարիներն անցուց, ինչպէս կ'երևի, անդադար կարգալով և հմտանալով, ետքն ալ գիր անցընելով իր հասուն մտքին պտուղները. բայց ինչպէս որ ընտիր ընթերցուածներու սիրող էր, այսպէս ալ իր գրուածքն ընտիր կ'ուզէր. անոր համար մեծ ջանք ըրած կ'երևնայ գեղեցիկ ոճ մը ստանալու, միանգամայն և բարձր ու վսեմ. վասն զի արծիւ միտքն արծուոյ թև ալ կ'ուզէ. և յիրաւի, իր ամեն գրուածքներուն մէջ կ'երևին ճարտար ու սովորականէ վեր իմաստասիրական շարագրութիւնք՝ իմաստակութենէ և արուեստակութենէ հեռու, և միանգամայն պարզ և խորամիտ. որ մէկէն կը ցուցընէ թէ այսպիսի գրուածք միայն իրենն է և ոչ ուրիշ: Շատ լաւ կ'ըսէ ասոր համար Աիրակոս պատմիչ. « Սորա բանք ամենայն իմաստասիրա- »  
 » կան ոճով է, որպէս զԳրիգորի աստուածաբա- »  
 » նի, և ոչ գեղձուկ » : Աստուածաբանին հետ յի-

չելու էր մեր Յովհան Իմաստասէրն ալ, որուն  
թերեւ միայն հետևող եղաւ Սարկաւազ, և անոր  
ճարտար ոճը՝ Շնորհալոյն քաղցրութեանը հետ  
խառնելով՝ կրնայ Սարկաւազի գրչին դաղափար  
սեպուիլ:

Յովհան Իմաստասիրին անունն ալ մականունն  
ալ գրիչն ալ ժառանգեց Սարկաւազ. և ամեն  
պատմիչք և յիշատակողք չեն կրնար անունը  
տալ՝ առանց կոչելու Սուրբ, Իմաստաւէր կամ Մէծ  
Իմաստաւէր, Աստուածային Իմաստաւէր, Գլխաւոր Վար-  
դապետ, Մէծ սոփեպէս, և այլն. այս եղբի զուր-  
ցուածէս կրնանք իմանալ որ զուտ իմաստասի-  
րական գրուածքներ ալ ունէր, որոնց հեղքը  
միայն կ'երևին հիմայ. միանգամայն և ճարտասա-  
նական և քերթողական արուեստից հետևեցաւ,  
և յաջողութիւնը ցուցուց իր շարագրութիւննե-  
րովը. ինչպէս ասոր ալ վկայութիւն կու տայ ինքն  
իրեն համար քանի մը խօսքով՝ Սարեկի գիմառ-  
նական երգոյն մէջ՝ ուր կ'ըսէ.

« Որով յաղթեալ մեզ իմաստնոցս եւ կարծե-  
ցեալ բանաստեղծացս »:

Եւ դարձեալ սարեկին քաջ երգեցողութիւնը  
գովելով, կ'ըսէ.

» Աստ գաս նըստիս մերձ առ ինեւ՝ իբր արուես-  
տիւ ինձ յանգակից,  
Բազմադեաւ երգարանաւ եղանակես եւ կա-  
քաւես.  
Հոմերական տաղիցըն չափ՝ քեւ ծանուցեսալ  
լինի բազմաց,  
Յոտանաւոր եւ ցուցական ըստ քերթողացըն  
տեսակի.  
Կամ թէ եւս աւելագոյն որպէս թըւի ինձ  
գիտողիս »:

Իսկ իր անխոնջ ուսմանց զբաղելուն համար կ'ըսէ հոն.

« Ուսայ ես դեգերմամբ եւս ի բազմաց ամաց հետէ.

Զի տքնեցայ զօր ամենայն եւ ըզգիշերըն բովանդակ

Աւ իմաստըս ցանգութեամբ, նաեւ սիրովն որ առ հանճար »:

Վերոյիշեալ պատմիչն ալ կ'ըսէ. « Մեծիմաստն գիտութեամբ քան զյոլովս եւ հանճարեղն յամենայնի, եւ մտահարուստն. սա բազում ինչ աչխատասիրեաց 'ի գիրս' յիշատակ բարի թողեալ... վասն զի յոյժ իմաստուն էր այրն եւ աստուածային շնորհօք զարդարեալ »:

Սարկաւագայ շնորհքն միայն եկեղեցական եւ հոգեւոր աղբիւրներէ չէր, այլ եւ ընտիր հեղինակաց ջանից եւ փորձոյ արուեստն այլ կ'երևի վերան. զոր գուցէ ոչ միայն մեր նախնեաց թարգմանած գրքերէն ստացեր էր, այլ թերևս նաև դեռ չթարգմանուած յոյն հեղինակներէ այլ թէպէտ հաւաստիք մը չունիմ իրեն յունարէն գիտնալուն, բայց անհաւանական չէ որ Ռումանոսէն փախչող եւ հոս եկող Յոյն միանձունքն, դար մ'առաջ, հետերնին բերած եւ հոս թողած չըլլան իրենց նախնեաց գրուածքները. որոնք դիւրաւ կ'ըրնային շարժել Սարկաւագայ պէս հետաքրքիր բանասէր միտք մը:

Այսպիսի զօրաւոր միտք՝ ուսմանց երեսովը չէր բաւականանար, հապա խորերը իջնալ կը սիրէր. անոր համար դժուարութիւններէ չփախչելով, ինքը զանոնք գիւրացընել կը ջանար ուրիշներու, եւ տարակուսական բաներու մէջ ըստուգադոյն աղբիւրները քննել կ'ուզէր. ինչպէս որ քանի մը յիշատակներէ եւ գործքերէն կ'իմա-

ցուի: Ասոնց մէկն էր նախնեաց իմաստասիրական գրուածքները պարզել կամ դիւրիմաց ընել, որոյ համար առաջին հարկաւոր բանն է ստոյգ և ազնի գրուած օրինակներ ունենալ: Յայտնի է քեզի, որ մեր մէջ ամենէն առաջ և ամենէն նշանաւոր փիլիսոփայական գրուածքն են Դաւթի Անյաղթի, որք թէ իմաստից խորութեամբն և թէ շարագրութեան խրթնութեամբն միշտ անիմանալի կամ գոյաւորիմանալի մնացեր են, թէ և շատեր կարգացեր են զանոնք: Իսաաիոյ երեւելի համալսարանաց մէկուն մէջ հանգիպեցայ այս գործքերուս ընտիր ձեռագրի մը՝ ԺԳ դարուն մէջ գրած, որուն վերջը այսպէս գրուած էր. « Իմաստութիւն Հաւր և Բան, սերողին իմաստութե, » վարդապետին Սարկաւագ կոչեցեալ աշխատաւ » նաց յուպղութիւն տառիս, զարժանն հատոյ » յանյաչազ ձրիցդ »: Այս քանի մը տող գրուածիս վրայ գրած շեշտերուն կամ առողանութե նշաններուն պէս լի և ծեփած էր բոլոր գիրքն Դաւթի. և ըսել է որ Սարկաւագ վարդապետ օրինակ մ'առեր սրբագրեր է՝ շեշտերով և կէտերով, և անկէջ օրինակուած է իմ տեսածս այլ, արժանի քննութեան և բազդատութեան: Ասոր պէս ըրած էր ուրիշ մեր նախնեաց թողած ամեն դոյնարիմաց և խրթին գրոց այլ՝ զոր Նուրբ Գրեան կու կոչեն մեր բանասէր վարդապետք, այսինքն բարակ գրուածք. և Մխիթար Այրիվանեցին կարգաւ կու յիշէ զանոնք. ինչպէս, Փիլոն երրայեցւոյն գործքերէն 9 գիրք, Իիոնեսիոս Արիոսպագացւոյն 5 գիրք, Գր. Նիւսացւոյ 7 գիրք, Գր. Աստուածաբանին 4 գիրք, Բարսղի 3 գիրք, Եւագրի, Եպիփանու, Եփրեմի, Կիւրղի Աղեքսանդրացւոյ, Ոսկիբերանի զանազան գրուածք, Արիստոտելի, Պրոկլի, Հերմէսի, և ուրիշ իմաստասիրական գրուածք, Մովսիսի Պիտոյից գիրքը,

Յովհ. Մայրապոստոլոս 3 գիրքերն, և այլն. միանգամայն 50էն աւելի գրեանք, զոր Սարկալապոստոլոսք և յատակեր և այնպէս օրինակել տուեր էր իր աշակերտաց: — Այս կարևոր աշխատութիւնս որ 'ի հարկէ շատ աստիճանաւ այլ կարօտ էր՝ կ'արժէր Սարկալապոստոլոս մեծ յիշատակ մը թողլու՝ եթէ ուրիշ յիշատակ այլ չունենար: Եթէ այն գրոց Լածնա՝ գրող՝ այսինքն միջին բանից մեկնութիւն, աւաջին ինքն չեղաւ, գոնէ իր աշակերտներն եղած են նախ, և յետոյ այլք:

Արապէին նուրբ գրոց վրայ այսքան մտադիր աշխատողն 'ի հարկէ աւելի խնամքով պիտի բռնորուեր Ս. Գրոց ընտիր օրինակներ և ընթերցուածներ. և այնպէս այլ ըրաւ. « Գրեաց և օրինակս տուող գրոց », կ'ըսէ Կիրակոս: Նախ հաստատեց որոնք որ կանոնական կ'ընդունելի եղած էին մեր մէջ, յետոյ ընթերցուածները, այսինքն տարբեր շարագրութիւնները ստուգեց. ինչպէս որ կու վկայէ և կու նշանակէ վերոյիշեալ պատմիչն՝ ըսելով. « Կարգադրութիւն գրոց սրբոց, որք ստուգաբանեցան 'ի Սարկալապ վարդապետէն, և » գրեցան յինէն 'ի Տէր Մխիթար վարդապետէս » պատմագրէ՝ 'ի մին առաջի, յաւուրս 170 »: Այս պրպաւրող պատմագիր վարդապետս՝ որ 150 տարի Սարկալապէն ետե գրող է, անոր ստուգած Ս. Գիրքերը գտեր և օրինակեր է ամբողջ մէկ մեծ հատոր մը ձևացընելով. որուն մէջ զատ հիմակուան մեր Աստուածաշունչի կանոնական գրքերէն՝ կու յիշուին նաև « Դ Մակաբայեցիք, » Յովսէպոսն՝ որ է Կայիափայ քահանայապետ, » Մնովքայ տեսիլն, Կառն նախահարցն, Ասանեթի ազօթքն, Եզր Սաղաթիէլ, (որ է Գ Եղը) » Մնացորդքն Գ, Մահ մարգարէիցն ԻԴ »: Նոր կտակարանին մէջ կայ և կորնթացաց Գ թուղթն: Եւ յետ նոր կտակարանաց՝ իբրև անմիջապէս



սրբազան գիրք գրուած են, « Աղօթամատոյցն »  
 « Սահակայ և Մեսրոպայ », որ է Ժամագիրքն,  
 « Պատարագն Ս. Մանգակունւոյն », որ է Պա-  
 տարագամատոյցն. և որ զարմանալի է՝ ասոնցմէ  
 առաջ գրուած է « Դաւթի փիլիսոփայի Բարձ-  
 » րացուցէքն »: այնքան պատուելի և պատնշելի սե-  
 պուած է այս մեր Այսաղթ փիլիսոփային ճառն՝ ի  
 գովեստ Ս. Խաչին: Աստուածաշունչ գրոց մէջ  
 ամենէն աւելի աշխատալին ստուգութեան համար՝  
 էր հին կտակարանաց ամենէն աւելի շատ գործա-  
 ծուած, և ամեն քրիստոնէից (և գուցէ աւելի  
 մերազգեաց) մէջ յաճախած Սաղմոսաց գիրքն,  
 որ և խիստ շատ օրինակուելով այլայլեր էր, և  
 շարագրութեան և գրուածքի տարբերութիւններով՝  
 շփոթութեան պատճառ եղեր էր կարգա-  
 ցողաց, և հարազատը ո՛րն է՝ կ'սեգէին իմանալ-  
 այս բանս Սարկաւագին ալ մեծ հոգ եղած էր.  
 և շատ օրինակներ քննելէն ետեւ՝ փնտուելով գտաւ  
 Հաղթատու գրանոցին մէջ ամենէն տակը դրած  
 մէկ հին սաղմոս մը՝ որ Թարգմանչաց ձեռքովը գը-  
 րած էր, կիսամաշ ու բարակ գրերով. այն գեղե-  
 ցիկ յիշատակարանը համբուրելով և աչացը վրայ  
 դնելով առաւ գնաց, աշխատութեամբ օրինակեց,  
 և ուրիշ շատ ալ օրինակել տուաւ ու ցրուեց  
 Հայաստանի ամեն կողմը: Իրմէ ետեւ իբրեւ դար  
 մը վերջը Յովհաննէս Գառնեցի վարդապետն այլ  
 (որ այս բանս կու պատմէ) ջանաց այլ աւելի ծա-  
 ւալել Սարկաւագի ստուգած սաղմոսը՝ անոր հա-  
 մար շատ ձեռագիր սաղմոսաց մէջ կու գտուի իր  
 յիշատակարանն, կամ նոյն սաղմոսարանն Գառ-  
 նեցի կ'ըսուի:

Այս սուրբ և արտաքին գրոց ստուգութեան  
 պէս, և ըստ մասին այլ աւելի մեծ ստուգութիւն  
 և նորոգութիւն մ'ըրաւ Սարկաւագ՝ Հայոց գո-  
 հարի. « Սա զբազմաց փապիագելին և ոչ ձեռնհաս՝

» զհաստատ և զանշարժ սոմարն կարգեաց Հայոց,  
 » փոխանակ շարժականին և անհաստատնոյն. ա-  
 » ղար և զմիաբանութիւն ամենայն ազգաց տու-  
 » մարին ընդ Հայոց » . կ'ըսէ Կիրակոս պատմիչ:  
 Վասն զի թէպէտ իրմէ առաջ ք դարէն 'ի վեր  
 ջանացեր և կարգի մը խոթեր էին՝ բայց շար-  
 ժական ըլլալովն դեռ շփոթութիւնները դադ-  
 րած չէին. իրաւ Անանիա Շիրակացի և Անաս-  
 տաս կաթողիկոս, Է դարուն մէջ ջանացին այս  
 բանս այլ չըտեւելու, բայց կաթողիկոսին մի-  
 հուամբը փիլիսոփային ջանքն անդործ մնաց: Իսկ  
 Սարկաւապ վարդապետնորէն աշխատեցաւ, տա-  
 րեկան տօները հաստատուն ըրաւ, և Հայու տօ-  
 մարը ուրիշ ազգաց սոմարներուն հետ բաղդա-  
 տելով՝ համեմատութիւն ըրաւ. այս կարգաւո-  
 րութիւնը մերոնք կ'անուանեն Սարկաւապի  
 կարգ: Այս բանիս վրայ ուրիշ անգամ խօսած ըլ-  
 լալով, Հայկայ չըջանը բացատրած ատենս, չեմ  
 ուզեր հոսնորէն կրկնել. միայն յիշեմ համառօտ  
 ինչ որ այս նորոգութեամբս եղաւ: Նոյն, ուրիշ  
 բարեկարգ ազգաց նման մեր եկեղեցւոյն մէջ այլ  
 ամեն օրուան վրայ դրուեցան հաստատ տօնք և  
 յիշատակք Սրբոց, անոնց համառօտ պատմու-  
 թեամբք, որով Յայմառուր գիրքն ձեւացաւ, և  
 ինչուան հիմայ եկեղեցեաց մէջ կու կարդացուի  
 ըստ սուրբն պառչաւի. թէ և հին ատեն այլ  
 կային Ճառնաբեր, Մարգարեութիւն, Առաքելութիւն, և  
 այլն, որոց մէջ սրբոց վկայաբանութիւնք և գո-  
 վեստք դրած էին կարգաւ մը, բայց ոչ հաստա-  
 տուն օրերով, և ոչ այլ ամեն օրուան յիշատակ  
 կար: Բ. Մեր թէ եկեղեցական և թէ քաղաքա-  
 կան սոմարն՝ հաստատուն, յստակ, յայտնի օ-  
 րէնք և կերպ մ'առաւ: Գ. Հաստատուն տուեա-  
 րին համեմատ հաստատուն թուական մ'այլ սկը-  
 սաւ, ստոյգ արեգակնային տարիներով, այսինքն

չորս տարին օր մ'աւելցնելով, սկսեալ 'ի 1084  
 Թուականէն Քրիստոսի. վասն զի այն տարին կու  
 լմննար Հայոց մեծ ըսուած Թուականէն (552է)  
 սկսած հինգհարիւրեկի (532 տարուան) շրջանն.  
 և ըսուեցաւ Սարկապոս կամ Նոյ Խաւան, և  
 կամ Մարտի, որ աւելի Ձորոգեաոյ կոչմերը գոր-  
 ծածուած է, և Մխիթար Գոշն այլ կու բանե-  
 ցընէ: Այս Թուականիս հետ սկսած հինգհարիւ-  
 րեակ շրջանն այլ 'ի հարկէ լմնցաւ յամին 1616.  
 և ահա այն տարին Աղարիա Զուլայեցին՝ երրորդ  
 շրջանին հետ նոր Թուական մ'այլ հաստատեց՝  
 իր երկրին կոչմերը, տարեգլուխը հաստատելով  
 'ի մարտի 21, որ պիտի ըլլար դարնանային գի-  
 շերահաւասարին օրը. և այնպէս այլ կ'ըլլայ՝ եթէ  
 նոր տումարին մարտի 21ը առնունք. այս Թուա-  
 կանս այլ Աղարիայի անուամբ կու կոչուի: Դ. Հին  
 Հայոց տումարը և Հայկայ Թուականը և Շրջանը  
 յայանեց և նորոգեց Սարկապոս, որ յիրաւի  
 մեր պատմութեան և ժամանակագրութեան հա-  
 մար կարեւոր և պանծալի բան մ'է. ինչպէս որ  
 յիշած եմ քեզի այն շրջանին վրայ խօսած ա-  
 տենս: Ե. Ժամանակագրական Թիւերն այլ քննե-  
 լով՝ երեւելի դիպուածները հաստատեց քանոնի  
 մը վրայ. զանազան Թուակարգութեանց մէջ ընտ-  
 րեց այն եօթանասնից հաշիւը՝ որ յԱղամայ մին-  
 չև 'ի ծնունդ Քրիստոսի կու համրէ 5198 տարի,  
 մինչև 'ի Զրհեղելն՝ 2242 տարի: — Այս տումա-  
 րական բաներէս մաս մը դրած է յամի Տեառն  
 1107, մաս մը 1116, մաս մ'այլ ասոնց միջոցը. և  
 կ'երևի որ ոչ առանց դժարութիւն կրելու հին  
 սովորութեամբ վարժողներէ, ինչպէս քանի մը  
 խօսքերէն կու գուշակուի. նոյնպէս այլ կ'երևի  
 որ մէկ մասը գրած է իր մէկ մանրմին, որուն խոս-  
 տանալով յետոյ աւելի տեղեկութեամբք գրել.  
 այոպէս խրատով և ընտանեբար կու վերջացընէ.

« Արդ դու ընկալ այժմ զսակաւաբան պատաս-  
 » խանի հարցմանն. նիստ խաղաղութեամբ, ոչ  
 » ումեք հռկառակելով և ոչ վիճելով. քանզի  
 » բանս ընդգէմ դնել անզգամին՝ ոչինչ օգնեսցէ.  
 » վասն որոյ լռել և առանձին իմաստասիրել՝ կամ  
 » ընդ խորհրդականս, յոյժ շահաւոր է:... Եւ  
 » դու որպէս և գրեցերն՝ և կարես գալ՝ բարւոք  
 » է. ապա թէ ոչ՝ զամենայն ինչ որ տարակու-  
 » սելի քեզ՝ հարցցես գրով. շնորհօքն Աստուծոյ  
 » պատրաստ եմք լուծանել զտարակուսանսն և  
 » ուսուցանել զանգիտացեալն, ապաստանի յոյս  
 » Հոգին սուրբ:... Այլ այլ ինչ որ պակասն իցէ,  
 » և եթէ հաճոյ իցէ քեզ, զամենայն տօնս՝ նո-  
 » րովս (տումարով) գրեմք՝ որ չեն գրած » :

Վերջին խօսքերս կ'իմացընեն որ սրբոց տօնե-  
 րուն կարգաւորութեանն համար էր խնդիրն, և  
 թէ կային ծանօթ սուրբք՝ որոց տօնի օր դրուած  
 չէր, և ասոնց համար կ'ըսէ, թէ որ կ'ուզես իմ  
 ցուցած նոր և հաստատուն տումարիս օրերուն  
 վրայ գնեմ ասոնց յիշատակը: Ինքն այնչափ ըս-  
 տուգութի և ճշդութիւն կու բնութէր այս սրբոց  
 տօնից օրերուն, մինչև օրերուն տարակուսանքն՝  
 զսուրբերն այլ կամ անոնց տօնելի ըլլալը տա-  
 րակուսելի կ'ընէր իրեն. այս բանիս կու վկայէ բազ-  
 մահմուտ Արևելցի (մեծ) Վարդան վարդապետ,  
 առ Հեթում թագաւոր գրելով այսպէս. « Սար-  
 » կաւագ վարդապետ ասացեալ էր ընդ իւր խոր-  
 » հըրդակից, թէ ես այնց տօն չեմ տօնել՝ որ չեմ  
 » տեսեալ զտօնին պատճառն և զառաւել շնորհն:  
 » Ի սուրբ Ստեփանոսի տօնին՝ յետ արձակման  
 » ժամուն՝ զժամտան դուռն փակեալ էր, գիտե-  
 » լով թէ մարդ չմնաց 'ի ներք, և սկսաւ աղօթել.  
 » և եկն սուրբն Ստեփանոս և համբուրեաց ըզ-  
 » վարդապետն, և ետ նմա ըմպելի հրեղէն. և ա-  
 » սաց Վարդապետն, թէ յուշ էր եկիր յայս

» տարապայս, (անգամ) . և ասէ Նախավկայն . Գի-  
 » տէս, հայր, թէ քանի եկեղեցի եմ գնացել 'ի  
 » մեծարել զաօնողսն՝ շնորհօքն Քրիստոսի, և  
 » լուկ օր վճարեցի: Եւ արեղայ մի թագուցեալ  
 » կայր 'ի դասն, ետես և լուաւ . և եկն անկաւ  
 » յոտս վարդապետին . և նա ասաց, մի՛ ումիք  
 » տօխցես » : — Ուսումնականէն կերպով մը 'ի  
 » հրաշալին տարաւ զմեզ պատմութիւնն . ուր ես  
 » այլ հիմայ չեմ ուզեր ուշանալ, բայց ոչ այլ զանց  
 » ընել ըսելու, որ այս տեսիլքս աւելի պարզ և հա-  
 » լանեի կերպով կու յիշէ վարդանէն հին հեղի-  
 » նակն և իմ նախ յիշածս՝ Յովհաննէս Գառնեցի .  
 » Այս Սարկաւազս, կ'ըսէ, այր սուրբ և տեսող  
 » և զուարթերես և լի հոգևով . որ և 'ի աօնի  
 » սուրբ Նախավկային խնդրեաց 'ի սուրբ վկայէն  
 » տեսանել զնա, և ահա երևեցաւ նմա դէմ յան-  
 » դիման և գրկախառն համբուրիւ ուղունիւ ող-  
 » ջունեաց զնա . և բազում բանս մխիթարականս  
 » խօսեցաւ ընդ նմա » :

Այսչափ քննութիւնք, ստուգութիւնք, նորո-  
 գութիւնք և պէսպէս գրուածք՝ լաւ իմացուցին  
 թէ կայ ազգին մէջ անանկ ամենահաս և կարող  
 գրիչ մը . անոր համար շատոնք իրենց տարակոյս-  
 ներուն լուծմունքն իրմէ ուղեցին, ինքն ալ ան-  
 նախանձ և բարեսէր՝ լցուց կարօտութիւննին :  
 Այսպէս են մեզի հասած քանի մը մանր գրուածք-  
 ներ՝ Հովերու և Նրկրաշարժի պատճառին վրայ,  
 որոց մէջ 'ի հարկէ հիմակուան բնագիտաց կար-  
 ծիքը և դրութիւնը պէտք չէ բնութել, բայց բա-  
 ւական ողջամտութիւն կ'երևի, շատ հմտութիւն  
 և ջանք ստոյգ և զանազան գիտութեանց, մանր  
 գիտողութեամբ և զգացմամբ բնութեան տեսա-  
 րանաց և օրինաց . որոյ օրինակ ըլլայ, անգամ  
 մ'այլ, սարեկ թռչնոյն ձայնին եղանակն, 'ի բոց  
 հանելով բարոյական բազդատութիւնները .

Արթուն եւ զուարթուն թռչուն, հսկող եւ  
բարբառող,

Կանչող եւ կարկաչող, ճռճող, ձայնող, պաշ-  
տօնասէր...

Անմերձ եւ մօտաւոր, ուրախարար լըսասի-  
րաց.

Քաղցրաձայն գաշնակաւոր, որպէս կարծեմ՝  
ըստ արուեստին.

Սաստկախօս եւ հարթավանկ, խանդաղատող  
եւ ողբերգակ.

Հրամայող եւ ողջբող, ըզխրատականրս նե-  
րագրող,

Սպառնացող եւ հեղաթօս, գգուող, կոչող եւ  
հրաժարող.

Կականող եւ ձայնարկու, յոյժ խնդացող եւ  
զուարճացեալ.

Արգ գիշերըն քեզ ի տիւ, եւ խաւարն որպէս  
ըզլոյս:

Որ և է բնապատում կրրնայ գովութեամբ յի-  
շեւ այս սարեկին եղանակին յատկութիւնները,  
որք երբեմն Սարկաւազին աղօթքը շփոթել կու  
տային. և օր մ'այլ ճարն հաւանելով՝ նոտաւ գրեց  
այսպէս 200ի չափ երկայն տուերով ոտանաւոր  
(« Բան իմաստութեան, 'ի պատճառս զբօսանաց,  
) առ ձագն՝ որ զաղօթանոցաւ նորա ճռողէր  
) քաղցրաձայն, որ կոչի Սարիկ »). և գրելուն ա-  
տեն՝ յանկարծազգեցիկ բանաստեղծի պէս այն-  
պէս վառուեր և յափշտակեր էր, որ գրի կաղա-  
մարն վրան թափեցաւ և հագած կաշիէ զգեստը  
աղտոտեց. հարկ սեպեց որ այս բանս այլ գան-  
գատելով յիշէ իր քաղցրախօսիկ դրացւոյն.

Այլ եւ զայժմուս իսկ պատահումն՝ ոչ լընե-  
ցից արտաբերել.

Ըզնախաչօրըն՝ փոխազգեսան՝ որ յետ անկ-  
մանն ընձեռեցաւ՝

Ապացոյց մեռելութեանն եւ գուշակիչ ունա-  
կութեան,

Ըզվերարկուս՝ ինձ համունակ՝ զայս արարեր  
դու անպիտան:

Այս կէս իմաստասիրական կէս զուարթական  
բանաստեղծութիւնս՝ որ Սարկաւազայ մեղի հա-  
սած գրուածոց մէջ ամենէն զուարճալին է, մեր  
գրականութեան մէջ աննման գրուածոց այլ մէկն  
է, և պիտի մնայ անմուռանալի: — Իսկ ինքն ու-  
սումնական բաներ սովորիլ և գրելու համար յայտ-  
նապէս կու պահանջէ, թէ « ամենեւին բաղմա-  
» հմուտ պարտ է գոլ ձեռնարկողին՝ այսմ, ոչ  
» միայն սրբոց և աստուածաշունչ գրոց, այլ և  
» արտաքնոց »: Ասկէ այլ գեղեցիկ և հաստա-  
տուն փիլիսոփայութեամբ կու պահանջէ որ  
ուսումն կամ գիտութիւնն փորձով այլ ստու-  
գուի. « Դարձեալ թէ և սղբօք կիրթ եւ վարժ,  
» տուանց փորձի՝ կարծիքն հաւատարմանալ ոչ  
» կարացեն. և փորձն՝ հաստատուն և աներկ-  
» բայ... վասն զի ոչ է պարտ միայն հնագիտակ  
» լինել, այլ և ինքնաբաւ՝ ըստ շնորհացն Աստու-  
» ծոյ »: Առանց տյապիսի հնարից գրու կամ խօ-  
սող գիտնոց խելքը՝ մեղադրելով կ'անուանէ « Խօս-  
հանձար՝ անհանձարիցն »:

Արդ անաւարակուսաբար կրնանք ըսել որ Սար-  
կաւազ վարդապետ շատ մեծ արդիւնք ունեցաւ  
այսպիսի ջանքով և գործերով, որոց բովանդա-  
կութիւնն է՝ ըլլալն իր ժամանակին և երկրին մէջ  
նորոգող ուսմանց և ընտիր ախորժակ մըացընող.  
ինչ որ Ժն դարուն մէջ սկսան Յւրոպացիք՝ ինքը  
մեծասաներորդին սկսեր էր, կամ թէ իրեն ժա-  
մանակակից զպրոցական ըսուածներուն հետ. և

Թէպէտ չհասան մեզի այն տեսակ գրուածները, բայց յայտնի է որ ինքն դասատուութեամբ այն նոր ոճը բանեցուց. անոր համար կոչուեցաւ « Մեծ Սոփեստէսն Հաղբատայ » :

Սարկաւագ վարդապետ իր մտաց ուժը՝ գիտութեանց, հոգին ալ Աստուծոյ և աստուածայնոց նուիրած էր, ինչպէս որ ամեն ասանկ զօրաւոր և զգօն իմաստասիրաց յատկութիւնն է. և իրեն գրուածքներն ալ կը վկայեն որ աստուածային բաներու մէջ խորամուխ էր, միանգամայն և մեծ հոգեսիրութեամբ վառուած՝ ճշմարտութեան և վարուց ուղղութեան բերելու զուրիշները. բայց առանց կռուասէր վիճման և բռնադատութեան, այլ անհակառակ և թեւացի հաւանողական խօսքով և գրով: Այս հոգին և այս մեծ հանճարն էր որ զինքը Հաղբատու վանաց առաջնորդ կամ հոգեւոր հայր ըրին. այն պաշտօնն այլ ինչպէս իր պատճառաւ ուրիշներուն՝ ասանկ ալ իրեն շատ օգտակար եղաւ միտքը աւելի բարձր աստիճանի հասցընելու. լաւ ճանչցաւ մարդուս սրտին ճամբաները, և անանկ թափանցող եղաւ որ հոգեւեսութեան ձիւրք ունեցած կու կարծուի: Քաղցրութիւնը իրեն գործիք էր ըրած սիրտ շահելու, բայց ոչ երբեք անով թեթևութեան մը իջաւ. վսեմութիւնը իրեն թօղբին հաւանեցուցիչն էր. սքանչելի վարքն և օրինակն՝ անխօս և բռնադատիչ քարոզ. ակարաց և կարօտից համար՝ գրուածքները միշտ յիշեցուցիչ և արթնցընող. տեղին յարմար խստութիւնն ու անաշտութիւնն ալ՝ վարդապետական պաշտօնին համեմատ, և անոր սլատիւր աւելցրնող՝ քան թէ ահարկու ընոյ:

Կը պատմուի, թէ իր պաշտօնին անարժան քահանայ մը շատ անգամ խրաւոտեւելով բայց իր անկարգ վարքէն ետ չկենալուն՝ Սարկաւագ վարդապետ զինքը պատարագէն արգիլեց. անօրէնն



ոչ վարդապետին քաղցրութիւնը և ոչ սաստը, և ոչ ժողովրդեան արհամարհանքը (որ ծաղրելով Զովգոմա կու կանչէին իրեն) բանի տեղ դրոււ, հապա զայն՝ որ իր անարժանութեանը արդելք կ'ըլլար սուրբ խորհուրդը մատուցանելու, ուղեց անոր սուրբ նախանձաւորութեանը զոհ ընել. վասն զի Ճմարտութիւն միշտ ծանր կու գայ ծռած ըզեղներու: Սր մը ճամբան հանդիպելով իր վարդապետին (որ վաղեմն մօտ գետոյն վրայ եղած քարայրէն կու դառնար՝ կարդալէ), աւազակաբար յարձրկեցաւ՝ այն մեծ և պատկառելի գլխուն վրայ ձեռք վերցընելով. իսկ վարդապետն անխուով և քաղցր ծանրութեամբ ըսաւ, սիրելի որդեակ Ստեփանոս, ինչո՞ւ կ'ուզես չարչարել քու վարդապետդ. պատասխանեց լիբն. Ինչուան հիմայ Զովգոմա էի, հիմայ սիրելի Սփեփանոս դարձայ. ինչո՞ւ դուն ալ զիս սպաննեցիր՝ զրկելով եկեղեցիէն: Վարդապետն տեսնելով որ խրատն բաւական չէր ըլլար անոր պարտքը ճանչցընելու, ուղեց Աստուծոյ Թողուլ դատաստանը. տարաւ զանիկայ եկեղեցին և ծանուցումն ըրաւ, թէ աս եղբօրս յանցանքը զրպարտութիւն սեպելով՝ կը ներենք և կ'ազատենք բանադրանքէ: Իսկ աներեսն այն չափը հասեր էր՝ որ յանդգնեցաւ նոյն օրը պատարագ մատուցանելու. բայց Աստուծոյ բարկութիւնը վրան հասնելով՝ դիւահարաճի պէս ընկաւ. ինչուան որ նոյն հոգեւոր վարդապետն աղօթքով թէ անոր առողջութիւն պարգևեց և թէ ինչքը գլուխը բերաւ:

Իր հոգեսիրութեանը համար ըսուեցաւ, Այր տեսող և լի հոգւով. և իր պնանչելի աղօթքներն ալ նոյնը կու ցուցընեն. և ինչպէս կ'երևի սա աղօթքներս ոչ միայն իր սրտին զովացմանը համար գրեց, հապա նաև անոնց՝ որոնց հոգը իր սիրտն էր առեր. անոր համար ըստ զանազան

հասակի և կրից հոգւոյ շարագրեց . տղոց համար՝ անոնց հասակին յարմար շնորհքները խնդրելով, և մեզաւոր ու ալէկոծ հոգիներուն համար՝ ուրիշ, և այլն: Համբալները իմաստութեան սիրոյն յորդորելու համար՝ գրեց իմաստուէ յորդորներ, որոնց մնացորդներն հասան մեզի. քահանայից՝ իրենց ահաւոր պաշտօնը արժանաւորապէս պաշտելու համար՝ քահանայութեան վրայ ընտիր ճառ մը գրեց խոհական վարդապետութեամբ. սրբոց, և մանաւանդ մեր եկեղեցւոյ հարց յիշատակը նորոգելու համար՝ իրենց որդւոցը սրտին մէջ՝ գեղեցիկ ներբողներ Լուսաւորչի և անոր Թուանցը վրայ. եկեղեցական պաշտօնն ալ զարգարեց ընտիր երգերով: Այսպիսի ջանքն անկարելի էր որ անպտուղ մնար. իրեն արժանի աշակերտներ ունեցաւ, բայց ժամանակն՝ որ վարպետին գործոցը չխնայեց՝ աշակերտներունն ալ ըստ մասին մոռացութեան մէջ Թողուց:

Բայց ինչպէս որ առաջ ըսինք, Թծային բաներու մէջ Ծանրութիւն՝ մարդկանց քաղցր ընտանութիւն չմոռցաւ, հապա գիտէր զիջանիւ մարդկանց և կենակցիլ քաղցրաբանութեամբ, ինպէս որ Զըւարթատես ալ կ'անուանեն զինքը: Զուարթութիւնը ոչ միայն երեսին, այլ և լեզուին և արթուն մտացը վրայ կը փայլէր, որով շատ օգուտ բերաւ իր վանքին ալ, իր մօտ գտնուած աղքատացնոց ալ. վասն զի շատ իշխաններու և բռնաւորներու սիրտը կ'առնուէր աս ձիրքերովը, նման իր պատուակից Յովհաննէս Իմաստասիրին: Դաւիթ Վրաց Թագաւորն այնչափ լաւ ճանչցեր էր աս մեծ մարդուս յարգը՝ որ շատ հեղ հետը կը տեսնուէր, և գլուխ ծռելով օրհնութիւնը կը խընդրէր. Սարկաւաֆ ալ մեծութիւն չծախելով Դաւիթ մարգարէին խօսքը յարմարեցնելով կ'ըսէր. « Դաի զԴաւիթ ծառայ իմ, և խղով սրբով ի.

») մով օծի զնա . ձեռն իմ ընկալցի զնա , և բազուկ  
») իմ զօրացուսցէ զնա ») :

Ժամանակին խնդիրները , և Յունաց հետ վիճ-  
մունք ստիպեցին մեր Սարկաւազը որ Աստուա-  
ծաբանական գրուածքներ ալ հանէ . ասոնց ոճն  
ալ թէպէտ երբեմն Սարկաւազին է , այլ երբեմն  
ալ հեռու է անկէջ . և ասանկ գրուածոց մէջ օ .  
սար ձեռք խառնուիլն նոր բան չբլբլալով նաև մեր  
ազգին մէջ , չենք կրնար Սարկաւազին ընծայել  
բոլոր գրուածքը՝ ինչուան որ ստուգագոյն օրի-  
նակներ չունենանք ձեռու ընիս :

Հիմայ հոս յիշեմ ինչուան հիմայ անոր մեղի  
ծանօթ եղած գրաւոր աշխատութիւնները , որոնք  
ամենն ալ ընտիր գրուածոց կարգը կրնան գրուիլ :

Ա . Սուրբ Լուսաւորչի վրայ ներբողական ճառ  
մը , որ բաւական է Սարկաւազ վարդապետին  
ոճը և ճարտարութիւնը իմացընելու , լեցուն ի-  
մասաներով և կարճ խօսքերով , ինչպէս իրեն ե-  
զական ձիւքն է : Լուսաւորչի վրայ գրուած ճա-  
ւերուն մէջ ասիկայ ամենէն կարճն է , բայց ամե-  
նէն ալ գերազանց . աս ճառիս սկիզբն է . « Զնա-  
») հատակութիւն սրբոցն ասնէ եկեղեցի ») :

Բ — Ե . Սրբոյն Սահակայ և Մեսրովպայ , մե-  
ծին Ներսէսի , Տրդատայ և Ղևոնդեանց վրայ ալ  
ճառեր գրած է , կ'աւանդեն , բայց ես չեմ աւե-  
սած . և թէպէտ կան մէկ երկու գրուածքներ ա-  
սոնց վրայ՝ որ Սարկաւազին կ'ընծայուին , այլ իր  
ոճէն հեռու են :

Զ . Վասն մասանց պաքոսոյ և պափէբոյ ըդունելու-  
լէտն . արժանի իմաստասէր անուանը գրուած ,  
թէ խելքն և թէ ոճն , և վսեմ զուրցուածքն . ա-  
սոր մէջ կը ցուցնէ թէ ինչ աստիճան պատիւ  
տալու է պատկերաց . և սկիզբն է , « Յանտեղիսն  
») ճարտարագոյիք և հանճարիվք յանբանու-  
») թիւնս ») :

Է. Վասն շաբթան ելելի. համառօտ գրուած մը, կամ գրուածի մը կտոր, ուր հոգեւոր երկրիս տակի սասանութեանց պատճառ կու կարծէ, և քանի մը բնական երեւոյթներու վրայ կու խօսի:

Ը. Մէջտառիս քոմարի, և Յաղագս անկիւնաւոր Բըւոյ. որուն ինչպէս յիշեցի՝ միայն հատուածներն ունինք:

Թ. Բան խրապոս. իմաստութեան վրայ վարդապետութիւն մըն է, մէկ երեսիկ մը բան, բայց սղտիկութեան մէջն ալ այնչափ ընտիր՝ որչափ են պղտիկ գոհարները:

Ժ. Աղօթագիրք. զանազան վերնագրով, քսան հատի մը չափ, ամենն ալ ընտիր վսեմ սրտաշարժ, որ և ամեն մեր նախնի աղօթագիրներէն գերազանց, և կերպով մը Նարեկացիէն աւելի բնական և կատարեալ. Թէպէտ Նարեկն ալ անհաւասարելի է իր կարգին մէջ:

ԺԱ. Աստուածաբանական Բանք. քսան կամ քսան ուհինգ գլուխ բան, որոնց մէջ միայն ինչպէս վերը ըսինք՝ աւելի հասարակ զուրցուածք կամ անհարազատ ոճ կ'երևնայ:

ԺԲ. Սրբոց Ղևոնդեանց վրայ համբարձի շարականն՝ Պայծառադիւր, որուն ամեն բանասէրք ծանօթ պիտի ըլլան:

ԺԳ. Ս. Հոգւոյ վրայ գրուած ճառ մը:

ԺԴ. Դուկասու աւետարանի մեկնութիւն, զոր իր աշակերտն Սարգիս կու յիշէ:

ԺԵ. Շատ անգամ յիշատակած բանաստեղծութիւնն 'ի Սարիկն:

ԺԶ. Տաղ 'ի Յարութիւն Քրիստոսի:

ԺԷ. Անշուշտ իր ամեն գործքերուն մէջ գլուխ գործոց սեպեղու էր իր Պապառիւնը, որ դեռ կորսուածներուն կարգն է ինծի. բայց Վարդան, Կիրակոս, Մխիթար Այրիվանեցի, Սամուէլ Անեցի կը յիշեն զայն, և կը վկայեն անոր ընտիր հմուտ

և սքանչելի գրուածքին: Այս ետքի պատմագիրս՝ որ անոր աշակերտն էր, իր ժամանակագրական պատմութեանը մէջ երկու իրեք հատուած կը բերէ այս ցանկալի պատմութենէն, որ որչափ ուրախութեան պատճառ է մեզի, գոնէ ան մէկ թըղթի պատառիկն ունենալնուս և անով ամբողջ գլխին վեմութիւնը և ազնուութիւնը ճանչնալնուս, այնչափ աւելցաւ կու տայ անոր կորստեանը վրայ. վասն զի այն հատուածներն՝ նման վերոգրեալ գրուածոց վեմութեան՝ փաստ մը կըրնան ըլլալ, թէ այն պատմութիւնն այլ մեր գրականութեան ընտիր գրուածքներէն մէկն էր, և իրենցեղին մէջ թերևս ամենէն ընտիրը: Այս պատմութիւնս կ'երևի թէ երկու գլխաւոր մասն էր. մէկ մը ընդհանուր Սկիւթական (Թուրք) ազգաց ծագման և արշաւանաց վրայ, որ ԺԱ դարէն սկըսան գալ Հայաստան, Սելջուգեանց և Տուղթլեանց, Ալփասլանին և անոր նախորդացը գործքերը. մէկ մ'ալ Ալփասլանի որդւոյն Մէլիքշահին գործքերը, որուն մահուամբ կը դադրեցընէ Սարկաւագ իր պատմութիւնը: Ահաւասիկ ասոր վրայօք ըսածն, որ քեզի այլ ճաշակ մ'ըլլայ մեր սոփեստէսին պատմաբանութեանը և խորհրդածութեանցը. « Իբրեւ առնոյր զփառս իշխանութեանն՝ բարեբաղդն Մէլէք-Շահ, զինի » հօրն մահուանն՝ Ալփասլանն կոչեցելոյն, մեծապէս կարգօք յօրինէր զթագաւորութիւնն. ըստ » անուանն արդարեւ եղեալ արքայ արքայից: Ոչ » հետեւեալ հօրն բարուց և կամաց, այլ և յաւել » ւէտ մանաւանդ զընդդէմն ախորժեալ, մինչ » զի և մտահաճեղեալ զնորայն բասրէր զիմաց » մոռնա, իբրեւ եղեալ հակառակ խաղաղութեան » և կենաց մարդկան, արեամբ և զրկմամբ խան » դացեալ: Իսկ ինքն իմաստաբար քաղաքավար » րութե կարգօք պատրաստէր զամենայն: Արդ

» խոհեմն այն և արի քան զյոլովս 'ի Թագաւորաց  
 » և քան զամենեւեան որ առ մեզք, ոչ այնքան  
 » տանէր հոգ՝ որքան արդարութեամբ առ ամե-  
 » նեսին վարիւ. զի մի՛ դք լիցի արտում 'ի զըկելոց,  
 » և հպարտ՝ 'ի գոռոզաց: Եր և ազատաբարոյ և  
 » մեծախորհուրդ. այլ և տեսիլ մարմնոյն ար-  
 » ժանի Թագաւորութեանն. ընդ որում հեզու-  
 » Թիւն 'ի քաղցրութիւն բարուցն լծակցեալ առ-  
 » նէր սիրելի ամենեցուն. զոր միայն կոչեցից Թա-  
 » գաւոր և փարթամ: Սա 'ի դոյզն ժամանակի  
 » փոքր ինչ նուազ զթողրս հնազանդէր զաիւ-  
 » զերս. զոր այլք 'ի Թագաւորաց՝ 'ի բազում ժա-  
 » մանակս և կամ ոչ բնաւ. բայց ոչ այնքան պա-  
 » տերազմաւ և բռնութեամբ՝ որքան սիրով և  
 » քաղցրութեամբ: Ձի Թէ սակաւ ինչ ժամանա-  
 » կաւ այնքան զօրեաց՝ կարծեմ Թէ և ոչ Եւրո-  
 » պէ կարէր ոչ տալ մոլտս արքայութեան նո-  
 » րա, եթէ յոլովեալ էին կենաց նորա ժամա-  
 » նակք: ...

» Ի ՇԽԱ (1092) Թուականին սպանաւ մեծ հա-  
 » զարապետն արքային Պարսից Մէլիքշահին, ո-  
 » րում անուն էր Հասան, իսկ ըստ պատուոյ առ-  
 » աիճանին՝ Վզրուկ խօճայ: Եւ զինի աւուրց  
 » քսան և ութից մեռանի և ինքն Մէլիքշահն.  
 » զորմէ համբաւէր յոմանց դեղակուր 'ի կնօջէն  
 » լեալ. որ էր հեզ առ ամենեւեան և քաղցր  
 » բարուք յաւէտ առ ազգս քրիստոնէից: Եւ յետ  
 » մահուան նորա անպատմելի եղև խռովութիւն  
 » ամենայն սղգաց զամս չորս. զի եղբայր նորա  
 » Ռըզուլն և որդի նորա Բէքիարուխն՝ զայսոսիկ  
 » զամս մարտիւ պատերազմաց զբարեյարմարու-  
 » Թիւն զամենայն 'ի բաց կտրեցին<sup>1</sup>, վասն ոչ  
 » ընդ փոյթ միոյ 'ի նոցանէ տիրելոյ. հոսմանց ա-

1 կամ ընդդէմ:

» րեանց իբրև զուղիսից լինէր, ոչ միայն զինակիր  
 » նահատակացն՝ այլ և աւհասարակ ազանց և  
 » գաւառաց. և նեղուծիւնք վշտաց սովու և գե-  
 » ռութեան: Եւ այսպէս բարիքն ի բաց վճարե-  
 » ցան ընդ խզման կենաց թագաւորին. որոյ երկք  
 » և աշխատութիւնք թագաւորականք՝ ուրոյն, և  
 » շահն և օգուան՝ հասարակաց ամենեցուն, մե-  
 » մեծամեծք և ընտրելիքն. մանաւանդ զնաղա-  
 » զականն ասեմ զկեանս և զանհակառկան. զի  
 » սիրէր զազգս մեր այնքան՝ զի աղօթս հայցէր  
 » և օրհնութիւնս. յորմէ և անդ երբեմն չոգաւ  
 » հայրապետն<sup>1</sup>: Ս՛, թէ միայն էր աշակերտեալ  
 » քրիստոսական կրօնից և կարգաց: — Արդ ՚ի  
 » քաղաքին՝ յորում նստաւ և թագաւորեաց՝  
 » յԱսպահան մայր քաղաքացն Պարսից՝ և մե-  
 » ռանի անդ »:

Զարմանալի հանդիպութիւն. որչափ որ բա-  
 րակ և ազնիւ ճաշակ ունէր Սարկաւադ և ազնիւ  
 բաներու վրայ կ'ուզէր գրել, այնքան թանձր և  
 դժար ժամանակի և տիրապետութեան ատեն  
 հանդիպեցաւ. և փոխանակ բարեկիրթ թագա-  
 ւորաց գործերը գրելու՝ ստիպուեցաւ այն խոր  
 Ասիոյ միջնաշխարհէն ելած ասպատակներուն  
 գործերը նշանակել, ինչպէս որ հաճելով մը կ'ա-  
 նուանէ. « Սկիւթական ազգաց, ոչ ելլենախո-  
 » հիցն՝ այլ բարբարոսացն՝ եղեալ մուս յաշ-  
 » խարհս (մեր) »: — Սակայն մեզի համար՝ որ  
 գիպուածները չեմք կրնար փոխել՝ միշտ բաղդ-  
 սեպելու էր գոնէ այն բարբարոսաց գործերն այլ  
 լսել եւլենախոս պատմըչէ մը:

Այս Պատմութենէն զատ՝ զոր կրնամք անուա-

1 Բարսեղ կաթողիկոս, որ գնաց ՚ի Պարսկաստան  
 յամիւս 1089-90, առ Մէլիքշահ, և խնդրեց և ընդունեցաւ  
 թեթեւութիւն հարկաց քրիստոնէից և հանգստութիւն:

նեւ Թուրքաց պատմութիւն, և որ Ար. Լաստի-  
վարտեցւոյն պատմութենէն ետեւ պէտք է դա-  
սուի՝ ըստ ժամանակին, անցեալ դարուն վերջը  
դրող բանասէր մը կ'ըսէ, (ԺԸ) Թէ « Սարկաւազ  
» վարդապետն սուրբ Յովհաննէս՝ արար Եփէշ-  
» ցաւն Պափագիրտ » . այս բանին վրայ հիներէն  
վկայութիւն մը չունիմ, միայն փափագիմ Թէ յի-  
րաւի գրած ըլլար, ևս առաւել Թէ գտուած ըլ-  
լար . գուցէ Թէ աս եկեղեցական պատմագիրքն՝  
ըլլայ (ԺԹ) Կանոնագիրտ . վասն զի այսպիսի բան  
մ'այլ կ'ընծայուի Սարկաւազայ : Ասոնցմէ զատ  
կու յիշուին, Ի. Յաղագս չորից առաքինութեց :  
Հարցումն վարդապետաց առ Սարկաւազ : Մեր  
ժամագրոց մէջ կարճառօտ աղօթք մը կայ Յի-  
շ» Տէր Ղապանէտ » ք, որոյ վերնագիրն է « Ի  
» սարկաւազ վարդապետէն ասացեալ » . սակայն  
այս աղօթքս մեր Սարկաւազ վարդապետէն ա-  
ւելի առաջ այլ յիշուած ըլլալով՝ կամ ետքին-  
ներն սխալմամբ իրեն ընծայած են, և կամ ըսել  
է Թէ այն աղօթքը սարկաւազին կու վայլէ ըսել  
եկեղեցւոյ մէջ : Այս այլ յիշեմ որ Սարկաւազ  
անուամբ ուրիշ անձինք այլ եղած են . որոցմէ  
մէկն է Հաղարծին վանքին առաջնորդն, ժամա-  
նակաւ յետոյ քան զմերն : Բայց Թէ նա և Թէ  
ուրիշք՝ գրուածք այլ Թողած ըլլան՝ մեր սոփեա-  
տէսին գրուածքն իրենց իսկատիպ շնորհքն ու-  
նին, որով մէկէն կու ճանաչուին . և զարմանքն  
այս է՝ որ այնքան զանազան և տարբեր նիւթոց  
վրայ ըլլալով գրուածքն և այնքան պէսպէս ոճե-  
րով դարձուցած, դեռ ամենն այլ իսկութեան  
կերպ մ'ունին, ամենն այլ իրենց տեսակին մէջ  
ընտիր են . և կու յայտնեն հեղինակին մեծ, զօ-  
րաւոր բեղմաւոր և զանազանեալ հանճարը . որ  
և հաւանօրէն իմ յիշածներէս զատ ուրիշ շատ  
բաներ այլ արտագրած պիտի ըլլայ, Թողու (իր  
ըսածին համեմատ) յիշատակ



. . . . . « ըզկնի անապական

Առ հանդերձեալն ժամանակ » :

Գուցէ այն հանդերձեալ ժամանակն օր մը յայտնէ քեզի, Հայկակ, այդ ցանկալի գրաւոր գանձերը :

Սարկաւազայ աշակերտներէն այլ քանի մը միայն կու յիշուին. մէկն է վերոյիշեալն Սահակ Անեղի, ժամանակագիր պատմիչ. երկրորդ՝ նոյնպէս յիշեալն Կոնստանտին Սարգիս վարդապետ, որ գրած է մեկնութիւն աւետարանաց Յովհաննու և Ղուկայ, որոց մէջ իր վարպետին խօսքերն այլ կ'անցընէ. Գ. Երեմիա Անյեւի, որուն անգամ մը վարդապետն լուռ կեցիր ըսելուն, իրեք տարի լուռ կեցաւ, կ'ըսեն, « ընդ միտս և ընդ Աստուծոյ խօսեմ » : Դ, Ե, Զ. Խալափուր, Գրիգոր և Յովնանէս Անեղի. որոց գործքն և գրուածքն անծանօթ են ինծի :

Իսկ իր ընկերակից վարդապետներէն նշանաւորք և իրեն բարեկամք՝ միանգամայն և հայրենակիցքն էին Դաւիթ Ալաւայ որդի ըսուածն, որ կանոններ գրած է, և Գրիգոր Թոփալեցի որդի, որք և իրմէ քիչ մ'ետեւ վախճանեցան : Այս երեքին վրայօք դէպք մը կու յիշուի, միանգամայն և Սարկաւազի վրայ եղած մեծ համարմունքն :

« Դէպս եղև զի յաւուր միում նստէին երեք այս »  
 » արքս սքանչելի. եկն անդ այր մի շինական, և  
 » ասէ ցնոսա. Սրանի՛ որ գիտէ 'ի ձէնջ թէ ո՞  
 » իմաստնագոյն իցէ : Զայս իբրև ծաղրական սփայն : Պատասխանի ետ Թոփալեցի որդին և ա.  
 » սէ. Ես ասեմ քեզ. մինչդեռ էաք 'ի մերում աշ.  
 » խարհին՝ ես կարող էի և կարող. իսկ Սարկա.  
 » ւազս կարել միայն գիտէր. իսկ այժմ սա կտրէ  
 » և կարէ, և բազում նկարս յաւելու 'ի վերայ :  
 » Զայս առակաբար վասն իմաստութեան նորա  
 » ասաց » :

Յաւալին է մեզի Սարկաւազայ վարուց և գործոց մասամբ անծանօթ մնալն, ինչպէս նաև իր վերջի տարիներուն և մահուան կերպն. և զարմանք է որ Յայսմաւուրաց մէջ չեմ հանգիպած անոր վարքին կամ յիշատակին, ինչպէս որ իրմէ ետքը եղող շատ վարդապետաց վարքն կան. գուցէ դեռ իր ապրած կողմերուն մնացեալ վանից և եկեղեցեաց Յայսմաւուրաց մէջ գտուի այս փափագածնիս: Միայն իրեն կենաց լրման թուակաւնը կ'աւանդեն Սամուէլ և ուրիշ ժամանակագիրք. « Ի ՇՀԸ թուին (1129) փոխեցաւ 'ի Քրիստոս » մահուամբն վարդապետն Սարկաւազ 'ի Հաղբատ »: Բարեբաղդութեամբ գոնէ այն ելլենախոհ և բարձրաճեմ գլուխը ծածկող քարն ծանօթ մնաց. յիշեալ վանքին Ս. Աստուածածին եկեղեցւոյ գեղեցիկ զանգակատան սակ՝ կու կարգացուի. ԱՅՍ ԱՅՍ ՍԵՄԱԿԱՆ Է ՍՈՓԵՍՏՈՍԻ ՍԱՐԿԱԽԱԳԻՆ: Այնպիսի նշանաւոր անձին կու վայլէր նշանաւոր արձանագիր մ'այլ, որոյ նշանական բառն է Սէմախ, զոր ոմանք կ'ուզեն Սէմախ կարգաւ. այլ կըրնայ նոյն իսկ սեամբ բառին ածանցն ըլլալ, նշանակելով թէ տոյն քարն իբրև սեամ է, զոր կոխելով Սարկաւազ՝ պիտի մտնէ յանմահութեան տաճարը: Ո՞գիտէ թէ արգեօք ինքն իսկ չէր պատուիրած այնպէս գրել: Սարկաւազի թաղուած ատեն այն տեղ հին պըղտի եկեղեցի մը կար, զոր դար մ'ետև քակելով՝ շինեցին զանգակատունը, բայց ինչպէս կ'երևի՝ չգպան գերեզմանին:

Երախտագէտ և զգայուն համազգիք մեր, իրենց պանծալի վարդապետաց և գիտնոց հանճարոյն և գրուածին համեմատ՝ մականուններ նուիրեր են. ինչպէս, Քերդու (Մովսէս), Փիլիսոփայ (Դաւիթք, Թէոդորոս) Հռեփոյ (Խոսրով), Վերծանող (Մամբրէ), Իմաստաւէր (Յովհաննէս Օճնեցի),

Համարող (Անանիա), Շնորհաւի (Ներսէս Աւայեցի),  
 և այլն. մեր Սարկաւագին այլ սեփականներ են Ս-  
 ֆեաֆէս կոչումը. յետ Յովհաննու իմաստասէր  
 կաթուղիկոսի՝ այսպէս կոչում մը չէր արուած  
 մէկու մը 400 տարուան միջոց, մինչև յայս երկ-  
 րորդ իմաստասէր Յովհաննէսս. անկէ ետև այլ  
 մէկու մը արուած չէ: Սոփեստէս կամ Սոֆիստի-  
 ըստ Յունաց՝ երբեմն իմաստասէր և յետոյ իմաս-  
 տակ նշանակած է. մեր մէջ փիլիսոփայութեան  
 հետևողք և այնպէս անուանողք կան քանի մը,  
 բայց գլխաւորք այս իրեքն են՝ Անյաղթն, Օձնե-  
 ցին, և մեր Սարկաւագն. իրեքն այլ նոյն գիտու-  
 թեան մէկմէկ կոչմամբ աւելի սեփականեալ, մին  
 Փիլիսոփայ, երկրորդն իմաստասէր, երրորդս  
 Սոփեստէս. որով յայտ է թէ ժամանակակիցքն  
 այլ լաւ ճանցքեր և կու պատուէին Սարկաւա-  
 գայ զարմանալի հանճարը, բազմապատիկ հմտու-  
 թիւնը, խոր մտածութիւնը և ճարտար գրուած-  
 քը. միով բանիւ հին ընտիր հեղինակաց հետևո-  
 ղութիւնը, Եւքլիտէսի հոգեւոր կարճ ըսելով. և ա-  
 նոր համար այդ մակգիրը տուին իրեն. և անով  
 կ'որոշուի մինչև ցայսօր Հալլբատայ և Սանահնի  
 տապանատանց տակ քնացող այն բարձրաճօճ  
 գլուխներէն՝ որոց տեսչութիւնն վերին տուաւ  
 թագեր և առաւ. իսկ ասոր՝ տուաւ իմաստու-  
 թիւն, որ անթառամ և անմահ պահեց իրեն կեն-  
 դանի օթեանը, Սարկաւագայ գլուխը:



# ԻԴ

## Ս . Յ Ի Զ Ի Տ Բ Ո Ւ Զ Ի Տ

9 Նոյեմբ . 553 .

ԱՍՏՈՒԱԾԱՏՈՒՐ՝ շնորհաւոր անունն՝ պանծալի  
 և սիրելի է աստուածապաշտ ազգաց , աւելի ևս  
 քրիստոնէից՝ Ճմարիտ աստուածապաշտից . և  
 այլ աւելի՝ յարեւել , ուր թուրք և պարսիկ լե-  
 զուաւ ալ յաճախ լսուին Աւագիւտի և Խափափո-  
 անուանքն , որ Աստուածատուր նշանակեն : Հա-  
 յոց մէջ այլ այս անուանս որչափ գործածուած  
 ըլլալն՝ յայտնի է մերայոց , նաև խանգարեալ և  
 կտրասեալ այլափոխութեամբքն Աստու-  
 ր , Մար , Մար , Տար , և այլն : Կրօնք՝ հարկաւ  
 կերպով մը կ'ազգէին մարդկան իրենց կենաց  
 տուրքը՝ ոչ միայն ճանչնալ յԱստուծոյ՝ այլ և  
 խոստովանիլ , անոր համար բնական էր որ իրենց  
 զաւակներն այլ կանչէին Աստուծոյ տուրք կամ  
 պարգև : Այսպիսի բնական ազդման անտարակոյս  
 օրինակը տուին բոլոր մարդկութեան՝ անոր նա-  
 խածնողքն , երբ առաջին ծնեալ մարդուն ( Այե-  
 նի ) համար գոչեցին , Մարդայ Տար Աստուծոյ : Նոյն  
 զգացմամբ շատ հեղ այլ Աստուծոյ մէկ մասնա-  
 ւոր զօրութեանը կամ շնորհացը նուիրեցին մար-  
 դիկ իրենց ծնունդքը , ինչպէս որ Եբրայական աս-  
 տուածապաշտ կրօնից մէջ էլ ( Աստուած ) վերջա-

ցեալ անուանքն կու յայտնեն, Փաբլիէ, Միտայէ, Դանիէ, Ուրիէ, Ռաֆայէ, և այլն: Ըստ այսմ և հեթանոսք՝ որ Աստուծոյ վայլած և չվայլած զօրութիւններ և կրքեր անձնաւորելով բազմատուած եղան, այն առանձին աստուածոց պարգեւ կամ նուէր սեպէին իրենց որդիքը. ինչպէս՝ (Թողլով զօտարս և) դալով մեր և մեր դրացի ազգաց՝ կու գտնեմք զանուանս Տրտա, Միհրտա, Զրուանտա, Ուրադա, և այլն, որք նշանակեն տուրք Տրի, Միհրայ, Զրուանայ, Ուրադի: Այսպէս գեղեցիկ կերպով մայլ սեփականեալ են նոր կրօնիցս սրբազանեալ սնուանակոչութիւնք, ինչպէս Քրիստոսատուր, Տիրատուր, Խաչատուր. որք մեր քրիստոնէութե՛ն բաւական հին դարուց մէջ այլ կու լսուին. ինչպէս նաև Աստուածատուր անուամբ եպիսկոպոս մը յառաջին կէս Զ դարու<sup>1</sup>: Բայց այս դարուս կիսէն կու սկսի թէ մեր ազգեաց և թէ մերձաւոր և հեռաւոր արևելեայ քրիստոնէից մէջ՝ այս վսեմական անուան յաճատութիւնն, և շատ սեղ՝ սկզբնաւորութիւնն. պատճառաւ նահասակութեան մէկ անծանօթ և անկարծելի մարդու մը, որ զայս անունս ինքնին ընտրեր առեր էր վրան, թէ և ուրիշ լեզուաւ և կոչմամբ. և որոյ յիշատակն հիմայ փառօք կատարուի մեր եկեղեցւոյ մէջ:

<sup>1</sup> Եւ Զ դարուց մէջ կու գտուին աւելի ևս բացատրեալ անուանք առ Լատինս. ինչպէս Quodvultdeus կամ Quodvultdeo, (Աստուածահաճոյ կամ Զոր Աստուած կամ), Cumquodeus, Coddeus, (ընդ որում Աստուած), Deogratias (Աստուածաշնորհ, կամ փառք Աստուծոյ), Deusdedit, (Աստուած ետ), Deumhabet կամ Habetdeus (Աստուածունակ), Servusdei, (Աստուածասպաս կամ ծառայ Աստուծոյ). ուսկից ծագեցան և խալապականքն Apadio, Bonadei, Donadei, Omodei.

Մեր հին պատմաց հարեանցի յեշատակսք և Յայսմաւուրաց համառօտելովն՝ անշուշտ անծանօթ չէր քեզի այլ, Հայկակ, Ս. Աստուածաբան. բայց այն համառօտ յեշատակաց աղբիւր՝ սրբոյն վկայաբանութիւնն՝ որ դեռ չէր յերեւան ելած մեր աղգային պատմութիւնը և Սրբոց վարքերը երկարօրէն գրողաց ժամանակն<sup>1</sup>, այսօր կու գտուի իմ ձեռքս, սրբոյն ժամանակակից և չար. չարակից անձի մը ձեռքնախ դրուած<sup>2</sup>, և ուրիշ ճարտար գրչով կոկած. ուսկից կ'իմանամք՝ որ անոր նահատակութեան օրն եղած է ստուգիւ այսօր, այսինքն Գ նոյեմբերի 553 տարւոյն, (և ոչ 552 ինչպէս կարծուէր ինչուան հիմայ). միանգամայն և քանի մը աղգային պատմութեան և սովորութեանց կարևոր տեղեկութիւններ կու տայ գրուածս: Ասոր հաստատութիւն ունիմք և ժամանակակից մեծանուն յոյն հեղինակի մը գրուածոց մնացորդը, նոյնպէս նոր գտուած, որ մեր պատմուէն և կերպով մը սրբոյս այլ պարծանք մը կրնայ սեպուիլ. և է նա Մենանդր՝ ժամոնաքին տմենէն ճարտար գրիչն, յորում դեռ յոյն ընտիր դասագրաց շնորհքն փայլի, և որ ծանօթ և նշանաւոր էր ի դրան կայսերաց Կ. Պօլսոյ: Այս տեն ('ի կէս Զ դարու) դեռ երիտասարդ էր Մենանդր, և լսելով Աստուածատրոյ նահատակութիւնն ի Հայս՝ այնպէս սքանչացաւ և վաւռուցաւ, որ ուէրբոլիւն մը գրեց այն դիպուածին վրայ, ինչպէս ինքն կու յիշէ, և մեզի ցաւեցընել կու տայ տնոր կործանեանը վրայ. քիչ մ'այլ կու մխիթարէ անկորուստ հասցընելով մեզի իր

<sup>1</sup> Հ. Միքայէլ Վ. Զամէան: — Հ. Մկրտիչ Վ. Ա. գերեան:

<sup>2</sup> Ըստ Յայսմաւուրաց՝ սրբոյն բանտակից ներսէս արեւշտին գրեց զայս:

ուրիշ կարճ գրուած մը՝ 'ի նոյն վկայն , զոր յետոյ յիշեմ քեզի , Հայկակ :

Բայց ինչո՞ւ արդեօք Աստուածատրոյ վկայութիւնն այնպէս մեծ զարմանք բերաւ և հռչակ ձգեց այն ատեն , որով հիմայ այլ արժանապէս հռչակելի է : — Ասոր պատճառն , բայց 'ի սրբոյն արիական և գեղեցիկ գործէն և խօսքերէն , մէկ մը նոյն իսկ իր ազգը կու սեպեմ , Պարսիկ ըլլալն , ազգ գոռարահաւաս 'ի քրիստոնէութիւն . մէկ մ'այլ այնպիսի ատեն և այնպիսի տեղ նահատակուիլն :

Տեղն է Դուին , բոլոր Հայոց ոստանն կամ մայրաքաղաքն . ժամանակն այլ՝ եկեղեցւոյ հսոնգարտութեան և մարտիրոսութեանց դադարման ատեն մը : — Վասն զի , հոս ( եկեղեցական և քաղաքական պատմուի մէկտեղ խառնելով ) պէտք է յիշել , որ գրեթէ դար մը , կամ գոնէ 70 տարի էր՝ որ դադրեր էին 'ի Հայս հալածանք Պարսից , ( որք տիրէին մեր աշխարհին մեծագոյն մասին ) , արդեամբք քաջին և առաքինւոյ Մեծին Վահանայ Մամիկոնոյ , որ յետ երկսր և դիւցազնական պատերազմաց և յաղթութեանց՝ ստիպեց զարքայից արքայն Պարսից , ոչ միայն ազատ թողլու զՀայս իրենց կրօնից մէջ , այլ և յանձն առնլու անոնց վրայ փոխարքայ կամ մարզպան դնել իրենց ազգայիններէն . ինչպէս որ եղաւ նախ ինքն Վահան 25 կամ 30 տարւոյ չափ , յետոյ իր եղբայրն Վարդ 3 կամ 4 տարի . ուսկից ետև թէպէտ քանի մը տարի Սուրէն անուամբ Պարսիկ մարզպան մը կեցաւ , բայց նորէն իրեն յաջորդեց Հայ իշխան մը , ՄԺԷԺ Գնունին , որ 30 տարի ( 518-547 ) քաջութեամբ և խոհեմութեամբ վարեց իշխանութիւնը . և Յունաց ու Պարսից երկար հակառակութեանց և պատերազմաց մէջ՝ իր սահմանները ( զարևելեան Հայս ) պահեց 'ի խա-



ղաղութեան. մինչև նոյն ինքն մեծանուն՝ բայց և խելայեղ և գոռոզ շահնշահն Խոսրով Անուշու վան, — զոր Պարսիկք գերագոյն և սիրելագոյն կու սեպեն քան զամենայն թագաւորս իւրեանց, նաև քան զԿիւրոս իսկ, — Խոսրով ինքն՝ որ ամեն բան և կարգ վեր վար կուշարժէր, չկարցաւ Հայոց մարդպանը մեղադրել: Թէպէտ պէտք է հոս զայս այլ խոստովանիմ, որ այս յիշեալ 70 տարուան միջոցս, այսինքն մեծին Վահանայ մարդպանութենէն մինչև 'ի նահատակութիւն Աստուածատրոյ' (485-553) մեր պաամութեան մը թագոյն ժամանակներէն մէկն է. այս միջոցիս և գրեթէ բոլոր Զ դարուս մէջ ազգային պատմիչ մը չունիմք կամ չեմք գտած, որ մեր աշխարհին մէջ հանդիպածները մանրամասն իմացընէ մեզի:

Արդ յետ մահուան ՄԺԵԺայ, որ հանդիպեցաւ Յունաց և Պարսից կռուոց և վեճից ատեն, երկու մեծանուն տիրապետաց օրով, (Յուստինիանու կայսեր և Խոսրովու) որովհետև արգէն քանի մը Հայ իշխանք (Արշակունիքն Յովհաննէս և իր որդին Արտաւան և կամսարականքն Ներսէս, Հրահատ և Սահակ եղբարք, և այլք՝ անցեր էին 'ի կողմն Յունաց, և զԱրիւրիկէ ու զԽոտալիս նուաճէին 'ի ծառայութիւն կայսերաց, զօրավարելով առանձին կամ ընդ ձեռամբ Բելիսարու և Ներսիսի պատրկի Հայկազնոյ), Խոսրով որ արգէն սկսեր էր ծուռ աչքով նայիլ քրիստոնէից վրայ, և կու նեղէր իր ձեռաց տակ եղողները, (ինչպէս որ մեր սրբոյս վկայաբանութիւնն այլ զայս վկայելով կու սկսի. « Ընդ ժամանակս թագաւորու » թեանն Խոսրովու որդւոյ Կաւառայ արքային » Պարսից՝ առաւել զայրացեալ լինէր խոստովանուութիւնն որ առ Քրիստոս, և ոչ սակաւք նահատակեցան յաշխարհին Պարսից և 'ի գրան » արքունի » . ) հարկաւ չէր կրնար բոլորովին

վատահիշ Հայոց, և ծերունի Գնունայն (ՄԺԵ-  
ԺԻ) պէս՝ հաւատարիմ համազգի յաջորդի մը,  
յուշաւ: Ուստի զբէնց պարսիկ մարդպան մը,  
զոր պատմիչք մեր Իննչուպուհ կ'անուանեն. բայց  
մեր վկայաբանութիւն ցուցնէ զՆիխուրական, որ գու-  
ցէ պատուանշան կամ ցեղական կոչում մ'է,  
իսկ առաջինն՝ բնիկ անուն. բայց յոյն պատմիչք  
այլ Նախորական անուամբ յիշեն զսա քանի մը  
տարի ետեւ: Սա սկսաւ Պարսից առաջին մարդ-  
պանաց պէս դառնութեամբ նայիլ քրիստոնէից  
վրայ. և թէպէտ դեռ չէր համարձակեր Հայոց  
վրայ ձեռք ձգել, բայց ուրիշ ազգաց՝ որ հոն 'ի  
Հայս գտուէին՝ չէր խնայեր:

Այն ատենները Դուին մայրաքաղաքն Հայոց՝  
ոչ միայն անոնց քաղաքական վարչութեան կենդ-  
րոնն էր, այլ նաև մեծ շահաստան մը վաճառաց,  
հնգկական, յուսնական և կովկասեան ճանապարհ-  
հաց և կարաւանաց միջոց. և երկար խաղաղու-  
թեամբ այլ խիստ շատ հարստացեալ և պայծա-  
ռացեալ: Ամեն արևելեայ ազգէ մարդ գտուէր  
հոն. որոց մէջ բազմաթիւ էին և Ռաթիլ ըսուած  
ազգի մը վաճառականք, (որք հաւանօրէն էին հին  
Ռաբաւի սահմաններէն, այսինքն է Ռէյ, Դէ-  
րանի մօտ. վասն զի Պարսիկք Ռաւի կոչեն զՌա-  
գաւցիս, որ են Պարսից և Ասորեստանի միջոց):  
Ասոնցմէ աւելի էին Խուժիկք, որ կրօնիւք քրիս-  
տոնեայ, բայց շատն նեստորական ըլլալով՝ Հայոց  
չփութութիւն և ատելութիւն պատճառէին. ա-  
նոր համար Ներսէս կաթողիկոս և յաջորդքն  
Ժողովքով ջանային զգուշացնել զՀայս, չկարե-  
նալով իշխանաբար վռնտել զԽուժիկս, որք եր-  
թալով շատնային և լրբանային: մանաւանդ երբ  
Մանածիհր անուամբ Ռաթիկ մը հաւատալով 'ի  
Քրիստոս և մկրտուելով ու Գրիգոր անուանելով  
նահատակեցաւ Նիխորականի հրամանաւ կամ

բռնութեամբ (յամի 547-8): Կ'երեւի թէ Խու-  
ժիկէքն կամ պատճառ եղած էին ասոր քրիստո-  
նէութեան, կամ իբրեւ իրենց ազգին մերձաւոր  
սեպեւելով մեծ ձայն և հռչակ հանեցին, եկեղեցա-  
կան և աշխարհական հանդէս և աղաղակ իրարու  
խառնելով. և անոր մարմնոյն վրայ մատուռ մը  
շինելով, Իոուայ մէջ սկսան թէ հերձուածով և  
թէ անկարգութեամբ պաշտօն կատարել: Այս  
բանս ոչ այնքան գայթակղութիւն՝ որքան գար-  
շութիւն և նախատինք կ'ըլլար Հայոց. մանաւանդ  
որ հոն մօտ էր իրենց կաթողիկոսն և կաթողի-  
կոսարանն և գլուխը հայկական ազնուապետու-  
թեան. որք և ամենայն ուժով միաբանեցան հար-  
կեցուցին զմարդպանն այլ, և այն Խուժիկաց ժո-  
ղովարանը հիմն 'ի վեր աւերեցին: — Այս վկայիս՝  
(Փրիգորի Ռաժկի) որ յետ երկայն տարիներու  
նոր վկայ և առաջին օտար վկայ եղաւ 'ի Հայս,  
պատմութիւնն կամ վկայաբանութիւնն մեզի  
գեռ հասած չէ, որով կարեւոր գիպուած մը մթու-  
թեան մէջ կու մնայ. այսինքն այն Ռաժկին և  
Խուժիկաց մէջն եղած կապակցութիւնն. սա-  
կայն իր առած Փրիգոր անունն և մեր տօնացուցին  
մէջ անցնին՝ վկայ են իր ուղղահաւատութեանը.  
մէկ մ'այլ յայտնի կ'երեւի՝ որ հրապարակաւ և  
նշանաւոր կերպով մ'եղած է նահատակութիւնն.  
այն այլ պատճառ եղած է ուրիշ աւելի հռչակա-  
ւոր նահատակութեան մը:

Ռաժկին վկայութեան տեղն որոշ չի յիշուիր,  
այլ այնպէս կ'երեւի թէ Նիխորականի բանակին  
մէջն էր և ճամբու վրայ՝ 'ի Հայս գալու առեւն. և  
յայտնի այլ է որ մարդպանի մը բանակն բազմա-  
թիւ և դաս դաս մարդկանց ժողովք մ'էր. անոր  
համար շատ հանդիսատեսք կային անոր վկայա-  
կան մահուան, ինչպէս նաև անոր քննութեան և  
պատասխանատուութեցը: Հանդիսատեսաց ամե-

նէն աւելի գուտրճացող գասն, և ըստ մեզ ամենէն զգուելին՝ էր Պարսից կրակապաշտ մոգուց գասն, որք մարզպանին հետ կու գային՝ գարձեալ իրենց մոխրովը մեր այրարաւանան սրճազան գաշաւերը տխրեցընելու. և թերեւ իրենք գրգռեր էին զմարզպանն՝ այնպիսի տարածամ զոհով մը իր մուտքն 'ի Հայս նշանաւոր և տաւելի ընելու: Բայց իրենց մէջ կար երիտասարդ մ'այլ՝ մոգ և մոգի որդի, իբր 25 տարուան, որ իրենց դենին ամեն վարդապետութիւնը լաւ գիտէր, և յաջող ու խելացի ճանաչուէր. և հոս ոչ այնքան հաճութեամբ որչափ զարմացմամբ կեցեր, բարձրակամար յօնքերը իջուցեր, սրած և թուխ մօրուքը ձեռքն առած լուծ կու գիտէր և կ'ափէր. մանաւանդ երբ կու լսէր Ռաժիկ վկային անվախ և զրւարթ խօսքերը՝ չարաչար տանջանացը մէջ: Եւ երբ անոր զոհը կատարուեցաւ, գրեթէ իրենն այլ սկսաւ. մոգութեան խաբէութիւնը և քրիստոնէութեան ճշմարտութիւնը և մեծութիւնը ճանչցաւ. այն օրէն ետև այլ երեսին գոյնն և յօնքերուն հպարտութիւնն գնաց. մանաւանդ երբ օր մը տարակուսի և տագնապի մէջ քնանալով տեսաւ յերազի զինքը քրիստոնէից եկեղեցւոյ մէջ, ուր սպիտակազգեստ անձ մը զինքը կու շնորհաւորէր հոն գտուելուն համար, և կու յորդորէր հետեւելու քրիստոնէից: Արթընցաւ և զրւարթացաւ երիտասարդ մոգն, որոյ անուան էր Մախու կամ Մախո, և հայրենեօք էր 'ի Բերշապուհ գաւառէ Պարսից, ծննդեան գեղն այլ կոչուէր Քունարաստան. որոց օր կողմն ըլլալն հիմայ շատ ծանօթ չէ, և ոչ այլ շատ հետաքննելի. այլ աւելի իր կատարածին տեղը գիտել ախորժելի է:

Մախոժ զատուելով մարզպանին բանակէն՝ որ յԱյրարատ կ'երթար, ճամբան փոխեց գէպ 'ի

նահանգն Սիւնեաց . և առանց որոշ ամենուն յայտնելու ո՞վ և ինչ մտաց վրայ ըլլալը , սկսաւ գաղտուկ քննել և տեղեկանալ քրիստոնէութեան , որ այն ( Սիւնեաց ) կողմերը թէ աւելի համարձակ կը պաշտուէր և թէ աւելի գիտուն վարդապետներ ունէր , յաշակերտաց մեր երանելի քերթողահօրն Մովսիսի և Պետրոսի Սիւնեաց եպիսկոպոսի : Քանի մ'ամսէն գարձաւ Մախոժ 'ի Սիւնեաց' իբրեւ կէս քրիստոնեայ , և եկաւ 'ի մայրաքաղաքն Դուին . ուր իր մոգ ըլլալը յայտնի ըլլալով պէտք էր որ մոգուց քով այլ գառուի . ուստի մտաւ խառնուեցաւ 'ի դատ մոգուց Հայոց համակտրին . ( այսպէս կ'անուանէր Պարսից թագաւորին կողմէն դրուած հարկաժողով պաշտօնեայն ) : Թէ և մոգուց հետ կու կենար և անոնց պաշտամանց ներկայ կ'ըլլար Մախոժ , բայց սրտով ուրիշ տեղ էր . մարմնով այլ անոնցմէ հեռանալու և սրտին հետ միանալու համար յեկեղեցոջ առիթ մը միայն պէտք էր . առիթն այլ շատ չուշացաւ հանդիպելու :

Ձրագեշտի հետեոյք կամ մոգք՝ որչափ այլ 'ի սկզբան պարզ կրօնք մ'ունէին , այնչափ այլ աւոր յիշատակները կամ տօները շատցուցին . տարւոյն ամեն օրերն այլ մեկմեկ խլեփի կամ ողւոյնուիրած էր . իսկ ամսոյն առաջին օրն կամ ամսազուխն՝ աւելի սրբազոյն սեպուէր և հանգիսիւ կու տօնուէր ասորուշանի ( կրակարանին ) դիմաց : Այսպէս երբեկաւ իրենց մեհեկանի ամսազուխն՝ ձմեռ ատեն ( որ թուի թէ Միհր ամիսն էր , և իբր 'ի սկիզբն 549 տարւոյն ) , համակարն իր ապարանից մեջ ասորուշանին դիմաց օրինական տօնը և կրակին նուէրը կաատրել տուաւ : Այս նուէրը կենդանեաց զոհ չէր , ուրիշ հեթանոսաց ըրածին նման , այլ եղոտ նիւթեր որ կրակին վրայ կու թափէին . զոր մեր պատմիչն աղօթել կոչէ . « և ըստ

» սովորութեանն իւրեանց զոհս աղաէզ մատու-  
 » ցանէին հրոյն » : Մոգերն այլ ասանկ ատեն կը-  
 րակին գիմաց կենային՝ բերաննին մասնաւոր շի-  
 նուած երիզով մը կապած, որպէս զի շնչով այլ  
 չպզծեն սուրբ կրակը. ձեռուրնին այլ կունտ-  
 դլուիս գաւազան մը կամ ուռն կ'ըլլար, 'ի նշան  
 հրամայելու : Այս ձեռով և կերպով կեցեր էր  
 Մախոժ այլ միւս մոգուց հետ կրակին դիմաց. և  
 անշուշտ բերանակապին տակ առանց տեսնուելու  
 կու ծիծաղէր իրենց խայտառակ կրօնքին վրայ.  
 մանաւանդ երբոր սաստիկ պաշտօնատարութիւն  
 չափէն աւելի առատապէս մատուցին աղաոտ աղ-  
 տէզը. անյագ կրակն այլ իբրև լափելէն վերջա-  
 պէս կշտանալով սկսաւ ուռիլ, բոցերը բարձրա-  
 ցննել ինչուան սենեկին ձեղունը :

Մախոժի ծիծաղն ուրիշներուն 'ի լաց գարձաւ.  
 կրակն կատգեցաւ, բոցն աճեցաւ, բռնկեցաւ ձե-  
 ղունն, և յանկարծ հրգեհի ծուխն ծաւառեցաւ :  
 Նփութեալ մոգերն՝ կապերնին քակեցին, զոհինիւ-  
 թերը և գործիքը մէկգի քաշեցին, իրենց պաշտած  
 կամ պատուած կրակին չափազանց գործունէու-  
 թիւնն այլ սանձել կ'ուզէին, կ'աշխատէին, բայց  
 հնարք չեղաւ. անձրրկած՝ ատրուշանէն գուրս  
 ընկած, և քիչ մ'առաջ կապած բերաննին հիմայ  
 կրցածնուն չափ մեծ բանալով սկսան օգնութեան  
 կանչել իրենց բոցածաւալ չաստուածը զապելու :  
 Նշնկոց շփութութիւնն ձայնձնեցաւ բոլոր քաղա-  
 քը. հազարապետն Հայոց, այսինքն աղջային կամ  
 քաղաքին ներքին կառավարութեան իշխանն՝ փո-  
 խանակ նիւթական հնարքի գիմելու, այսինքն ջրոյ,  
 որով կրակը մարելը՝ մեծ մեղք և յանգսնութիւն  
 կու սեպուէր Պարսից, և հետեւաբար իրեն կամ  
 ազգին մեծ փնաս կրնար բերել, գրեթէ կու հար-  
 կաւորէր գերագոյն հնարքի կամ հրաշքի մը գի-  
 մելու. ուստի փութացաւ վազեց յեկեղեցին, ուր

կրօնից սրբութեան պաշտօնեայքն այլ իրենց տօնը կու կատարէին, և կ'ազաչէր կու ստիպէր որ սուրբ խաչն առնուին երթան յաղթեն մարեն կրակը: Փութացան քաջահաւատ պաշտօնեայքն այլ<sup>1</sup>, առին իրենց և ամենայն աշխարհի փրկութեան գործին՝ սուրբ Խաչը. հասան կանգնեցին կնքեցին կաաղած կրակին վրայ. և մէկէն « բոցն տարածեալ շիջանէր առհասարակ »: Բոլոր մեծ մայրաքաղաքն Իրւին տեսաւ այս հրաշքը, քրիստոնեայ և հեթանոս հաւասար. ոչ դք կրնար ուրանալ կամ զարմանքը ծածկել. ուստի և առանց վախի նոյն իսկ համակարին խաթունն՝ որ իր տանը և ընչից մոխիր դառնալը աչքին առջև կու տեսնէր, այս անակնկալ ազատութեան վրայ լի գոհութեամբ շնորհակալութիւն (և ընծայ) զրկեց պաշտօնեից սուրբ եկեղեցւոյն և խաչին:

Սակայն եղածին վրայ ամենէն աւելի զարմացողն կամ զարմանքէն օգուտ առնողն եղաւ մեր Մախոժը. այսպիսի յայտնի հրաշք, և քրիստոնէից պարծանաց խաչին զօրութիւնը տեսնելով՝ այլ չգիմացաւ կամկար կարկած կենալու. խլեց բերանակապը՝ ձգեց կոխեց, ձեռքի մոգական ուռը զարկաւ ի գետին կոտորտեց. և վազելով եկեղեցւոյ պաշտօնեից մէջ՝ յափշտակեց սարկաւագին ձեռքէն բուրվառը, և քան զաղտեզն լիուլի լեցընելով խուսկը՝ ամենայն ուժով կու շարժէր կու ծօծէր, անուշահոտ և պղծահալած ծուխը՝ հրդեհին բոցէն ու մուխէն սլ վեր բարձրացնել ջանալով: — Եւ անշուշտ հասաւ այլ, թէ ոչ տե-

<sup>1</sup> Յայտնաւորեցիւր տե՛ն. « Եւ կաթուղիկոսն տէր Մովսէս առեալ զքահանայսն ամենայն խաչիւ և աւետարանաւ, լուցեալ մոմեղինօք և բուրվառօք եկեալ եւ կաց » և այլն: — Բայց անշուշտ այն ատեն գեա Մովսէս չէր եղած կաթուղիկոս:

սանելին՝ այլ իմանալի ծովն, աւելի 'ի սրտէն Մախոժի քան 'ի բուրվառէն՝ 'ի վեր քան զբարձրայարկս ապտրանից համակարին, նա և քան զկաթուղիկէ գմբէթս Դունայ, մինչև յերկինս՝ յորս հանգչի Աստուած: — Ապա նոյն տաքութեամբ և վառեալ հաւատով բուրվառը դարձընելով պաշտօնէից՝ ճամբայ դրաւ որ երթան իրենց եկեղեցին և իրեն համար այլ աղօթեն. « Խնդրէք յԱստուծոյ վասն իմ, զի և ես քրիստոնեայ եմ »:

Մէկ ժամուան մէջ ինչ այլ և այլ տեսարանք. քանի՜ զարմանք յերկրի և յերկինս. ինչ ուրախութիւն և պարծանք քրիստոնէից, և փառք քեզի, ո՞վ պանչելի գործիք՝ ըբ Խաչ. որ երբեմն քան զամենայն գործիս գժպհի և չարաչար էիր, հիմայ քան զամենայն՝ ցանկալի և փրկարար. երբեմն անյուսից անգամ գնահատոյն 'ի գառնութիւնս, հիմայ ամենէն վերջին և զօրաւոր յոյս սրտի. սրտի՛ որ աշխարհիս և կենաց ունայնութեանց և աղտեղութեանց մէջ թաւալելով, երբ կու հասնի անոնց վերջը, և երբ ոչ օգնութիւն և ոչ գիւրութիւն մը կրնայ գտնել անոնցմէ կամ ուրիշ մէկէ մը, այլ և սոսկալի վախով կու պաղի՝ յաւիտենական դատաւորի և դատապարտութե մը մերձաւոր յիշատակաւ, — յանկարծ նուազեալ աչաց վերջին լոյսը քու վրագ կ'ընկնի. և հաւատոց վերջին ճգով տեսնելով 'ի քեզ կատարուած աստուածային գերագոյն հանգէսը և զոհը, վերջին քայլին հասած յոյսը պնդապինդ կու բռնէ. սիրոյ կայծակ մը կու ծագէ հոգւոյն վրայ, և զքեզ, ո՞վ աննման անգին գործիք, զքեզ՝ որ չնչին փայտի-կտոր մը կ'երևիս, աւելի քան զհամատարած ջրհեղեղին վրայ լողացող մարդակեցոյց լաստափայտը՝ մեծաբաց և ամուր կամուրջ մը ձգելով երկու յաւիտենականութեանց խորանդունդ վհին վրայ, կ'անցնի 'ի կողմն փրկութեան



և անվախճան կենաց :... Ո՛հ. ինչո՞ւ՝ այս նիւթա-  
կան կրակը մարելէն մեծ հրաշքդ՝ որ Մախոժի հո-  
գւոյն աչքերը բոլորովին լուսաւորեց, ինչո՞ւ չբա-  
ցաւ անոր ընկերաց մոգուց աչքն այլ, որք փոխա-  
նակ անոր պէս պայծառանալու, կարծես անոր  
լուսովն աւելի սևերես երևցան. կրակին վախէն  
աւելի՝ Մախոժի քրիստոնէութենէն տաքնապե-  
լով՝ իրենց չաստուծոյն աւելցուցած մոխրին գոյնն  
առին. և պահլաւերէն պապաջելով, մանաւանդ  
թէ սատանայօրէն բարբառնջելով՝ մոռցան, կոյրքն  
և ապերախաք, դեռ նոր տեսածնին. և այն գիշե-  
րը խառնակ ու խելառ խորհուրդներով կոծուե-  
լով, երկրորդ օրը հագիւ լուսցած՝ գնացին մարդ-  
պանին մատնելու իրենց դասէն ելած և Քրիստո-  
սի փարախը մտած Մախոժը :

Նիխորական, որ (ինչպէս իր վերջը ուրիշ աշ-  
խարհի մը մէջ բրած գործովն այլ կ'երևի), մե-  
ծախօս բայց վատասիրտ մարդ մ'էր, մեկէն Մա-  
նաճհրի պէս զՄախոժ այլ յատեան կանչեց, և  
սկսաւ յանգիմանել. « Ա՛յ թշուառական, ընդէր  
» զհայրենի մոգութիւնսն թողուա, և յիմար և  
» ուխտակորոյս լինիս : — Պատասխանի ետ երա-  
» նելին և ասէ. Ճշմարտիւ ասեմ, ո՞վ դատաւոր  
» վասն իմ, զի 25 ամ ունիմ՝ որով ընդ վայր ա-  
» ղանդաւորեցայ. իսկ այժմ ծանուցեալ զճշմա-  
» րիտն Աստուած՝ ի հայրենի բազմաստուածու-  
» թենէն հրաժարեցի. վասն որոյ ոչ այսուհետեւ  
» կենցաղոյս պատրանք յայլոց հաւատոց անջա-  
» տեսցեն զիս. քանզի հանգերձեալ եմ տանել  
» հասելոց տանջանաց » : Այս համարձակ և կրտ-  
րուկ խօսքին փոխարէն՝ հրամայեց մարդպանն՝ որ  
ծեծ զարնեն Մախոժի երկու անգամ տասներկու.  
(որ կ'երևի թէ Պարսից պատժողական օրինաց  
մէջ նշանակուածին մ'ունի) : Անկէ զատ՝ անոր  
վայելուչ հասակին և մոգութեանը զարդ մօրու-

քը և մազերը՝ կտրել առաւ. ձեռք ու ոտքն այլ կապել տալով՝ հրամեց որ ձգեն 'ի բանա. ուր որ բաւական աւանդ վեր բանտուած էր իրեն պէտք դրագեշտի աղանդէն հրաժարող և քրիստոնեայ եղած Ռաժիկ մը Ներսէս անուամբ, որ և յետոյ Մախոժի վարքը և նահատակութիւնը գրեց. (ըստ Յայսմաւուրաց վկայութեան.) իսկ հիմայ կու սովորեցընէր անոր « զսուրբ հաւատս, և զսաղմոս » քսան. և այսպէս անգագար պաշտէր զԱստուած » և աղօթէր » :

Նիխորական՝ Թերեա Մախոժի նշանաւոր և մաքրլալուն համար՝ չէր համարձակեր աւելի խիտ և յետին դատաստանաւ գատելու, կամ յարմարագոյն ժամանակի կու ոտպսէր: Բայց չյաջողեցաւ իրեն այս ժամանակը. վասն զի յետ կանչուեցաւ 'ի Խոսրովայ արքայէն Պարսից. և զՄախոժ Թողլով 'ի բանտին՝ գնաց առ Թագաւորն, ու քիչ աւանդն սպարապետ գրուելով Յունաց գէմ Լազիստանի պատերազմաց միջոց, հոն զբկուեցաւ 60000 զօրօք. որոց մէկ երկու անգամ իր հպարտութեամբ և անհանձարութեամբն յաղթուելու պատճառ եղաւ, և գրեթէ բանակին քառորդը ջարդել տալով առանց Թշնամեաց միտս մը հասցընելու՝ քաշուեցաւ 'ի Վրաստան. ուսկից կանչուեցաւ 'ի Պարսս, և իրեն խայաառակ զօրավարութեանը վարձք, չարաչար և պժգալի պատիժ մ'առաւ. սրտմտեալ Թագաւորն՝ ողջ ողջ անոր կաշին հանել տուաւ, և տիկ ձեւացընելով Տիգրան մայրաքաղաքի ամենէն բանուկ հրոպարակին մէջ կախել առաւ:

Նիխորականի յաջորդ մարդպան եղաւ Նախադէփ, իրեք տարի. որ և 'ի սկզբան իր նախորդին պէտ յատեան քաշեց զՄախոժ, և քննելով ու նոյնպէս հաստատուն գտնելով զնա 'ի հաւատս Քրիստոսի՝ աւելի չարաչար ծեծել տուաւ, և եր.

կաթի չղթաներով կապել ու թողուլ 'ի բան-  
աին: Այս եռամեայ բանտարգելութեան միջոց  
Մախոժ անգաղաք աղաչանգը մկրտեցաւ իր բան-  
տակիցէն՝ (Ներսիսէ) որ և քահանայ էր, և Յայս-  
մաւուրքն արեղայ կոչեն. և ինքը խնդրեց, որ ի-  
րեն անուան գնէ Յիւլիոսի, կամ ըստ Պարսիկ  
հնչման Նիլիոսի, որոյ բուն իմաստն է Աստու-  
ծոյ շնորհահատոյց կամ Աստուծոյ շնորհոյ, ինչպէս  
կ'ըսէ Յովհանն կաթողիկոս. կամ ինչպէս մեր  
վկայաբանն կ'ըսէ, յԱստուծոյ-դիմաւոր, և կ'աւել-  
ցունէ թէ և Խորհմանի Աստուծոյ. վասն զի այս  
անուան աւելի ծանօթ և իմաստին մօտ ըլլալով  
այսպէս անուանեցին Հայք և այսպէս կարգեցին  
'ի տօնացոյցս. նոյնպէս կ'ընեն և օտարք՝ երբ ու-  
զեն՝ Թարգմանաբար կոչել այս Պարսիկ անու-  
նը: — Կերոյն և անուանն հետ երանելի մոգն փո-  
խեց իր ձեն այլ. ինչուան այն ատեն իր սովորա-  
կան հագուստներովն էր, հանեց զանոնք, բաժ-  
նեց աղքատաց, և անոնց տեղ հագաւ մազեղէն,  
և բապիկ օտիցն այլ հողաթափ: « Նւ այսպէս  
» պահովք և աղօթիւք հսկէր, սաղմոսելով ան-  
» գաղար, գեղեցիկ կրօնաւորութեամբ »:

Յետ երեք տարւոյ՝ Նախապետին տեղ եկաւ  
Քնարիկ ըսուած մարզպան մը, որ հակառակ գեղե-  
ցիկ կոչմանն՝ խառնակ և գաժան ձայներ լսեցուց-  
առջիններէն աւելի խստանալ սկսաւ քրիստոնէից  
վրայ իրեն համամիտ պաշտօնէիւքը, որոցմէ չա-  
րագոյնն էր ատենագայիրն: Սա լսելով Աստուա-  
ծատրոյ գիպուածը՝ գնաց 'ի բանտ, և կէս յան-  
դիմանութեամբ և կէս խաբէութեամբ սկսաւ ը-  
սել. Միայն դո՛ւ այդչափ խելացի գտուեցար՝ որ  
բոլոր Արեաց (Պարսից) աշխարհը բաւական չտե-  
պեցիր, և ելար գնացիր ուրիշի ծառայ ու գերի  
եղար: -- Աստուածատուր պատասխանեց, թէ  
ծառայելն ամօթ չէ, այլ և բնական ամենուն. դու

որու որ կարօտիս՝ անոր ծառայ ես, կենդանիք մարդկան կու ծառայեն, մարդն այլ՝ Աստուծոյ. ես երբեմն տգիտաբար ընդունայնութեան ծառայեցի, « Իսկ յորժամ գթացաւ յիս Աստուած՝ » կալեալ զմտածութենէ՝ իմէ՝ կապեաց 'ի սէր » պատուիրանաց իւրոց, ներկեալ յուսով շնորհի » իւրոյ. զոր ոչ կարացեն կենցաղոյս փորձու. » թիւնքս փոփոխել »: Իպիւրն փոխանակ իր լեզուի ճարարութիւնը թափելու, որով իմացաւ թէ պիտի չյաջողի, բիրտ վերցընելով անգթաբար ծեծեց զվկայն. և յետոյ ուրիշ տանջանք և նեղութիւններ այլ տալ տուաւ. բայց ոչ բրով և ոչ բռնութեամբ կրցաւ յաղթել: Սիայն թէ իր և նմանեաց ըրածներն ձանձրացուցին զՀայ, որք և ազգովին բողոք խաւրեցին առ թագաւորն Խոսրով, յիշեցընելով իր պապուն խոստմունքը՝ չնեղելու զՀայս վասն հաւատոց:

Խոսրով առանց դժուարութեան լսեց Հայոց պատգամաւորաց. վասն զի կու վախէր որ չքլայ թէ նեղանալով իրմէ գլուխ քաշեն և Յունաց կողմն անցնին, որոնց հետ արդէն թշնամութեամբ և կռուով էր: Խոստացաւ շուտով քննութիւն և արդարութիւն ընել. և յիրաւի, առանց ուշացընելու խաւրեց 'ի Հայս երեք մեծ և խոհեմ իշխաններ, որք էին Նափոյ, ըստ պատուոյ աստիճանին կոչուած դո՛ւնդախն. Խոյսդ՝ Թագաւորին հաւատարիմ սպասաւորաց մէկն, և Պէրդ՝ Ռէտլ Կաւառին մոզպետն. որ և իրենց տիրոջ հրամանին համեմատ՝ անաչառ քննութեամբ դատելով՝ դատաւարտեցին անիրաւ զքհահարները, և առաջուսն պէս դիւրութիւն ըրին Հայոց, որ միամտութեամբ ծառայեն Պարսից թագաւորին:

Սակայն այս դիւրութեան մասնակից չեղան Հայ չեղողք, մանաւանդ զրադեշտական կրօնքէն 'ի քրիստոնէականը դարձողք, ինչպէս էին Յիւ-

զիարուզիա. Ներսէս<sup>Յ</sup>, և անոնց բանտակից Ասորո-  
պատիկ մը Սահակ անուամբ: Այս երեքն այլ յա-  
տեան կանչեցին հռապեալքն քննիչք, քանի մը  
անգգամաց մատնութեամբ գրգռուած: Պերող՝  
իբրև պաշտօնեայ կրօնից՝ սկսաւ մէկ մէկ քննել.  
« Ի՞նչո՞ւ քրիստոնեայ եղար », հարցուց նախ  
Ներսէսի: Նա այլ ըսաւ. Մայրս բռն քրիստո-  
նեայ էր, զիս այլ քրիստոնէութեամբ մեծցուց:  
— Հապա գո՞ւ. հարցուց Սահակայ: — Ես աը-  
ղայութեան առենէս քրիստոնեայ եղած եմ, ը-  
սաւ: — Կարգն եկաւ Աստուածատրոյ, որ ըն-  
կերացը քննութեան առեն՝ ետենին կեցեր ցած  
ձայնով « Տէր, մի սրտմտութեամբ քով յանդի-  
մաներ զիս » սաղմոսը կ'ըսէր. իր ո՞վ ըլլալը լաւ  
գիտէին գառաւորքն, և իրենցմէ առաջ եղած քըն-  
նութիւններն այլ լսելով՝ վախցան որ նորէն ի-  
րենց կրօնքին նախատինք չհասնի անոր խօսքերէն  
ամենուն գիմաց. ուստի զինքն առանձին կանչե-  
լով և յանդիմանելով՝ ըսաւ մոգպետն. « Այ թը-  
» շուառական, ընդէր զլուսաւոր գենն թողեր, և  
» նսեմաւոր քրիստոնէութեան հաւատացեր »:  
Սուրբն պատասխանեց թողած կրօնքին խայտա-  
ռակութիւնը ցուցնելով, և ընդունածին սրբու-  
թիւնը. և թէ « Քրիստոնէութեան միայն է կա-  
» րողութիւն փրկել յահագին 'ի մահուանէն »:

Յայտնի է որ սյսպիսի գեղեցիկ պատասխա-  
նեաց փոխարէն ծեծ ու փետ պիտի ըլլար, և այլ  
աւելին. վասն զի հրամեց լիբը մոգպետն որ սըր-  
բոյն պարկեշտ պարեգօտը պատուեն, կնկուղջ  
գետին զարնեն, գլուխը կռփեն, և մօրուքը փետ-  
տեն: Ասանկ խզձալի կերպարանքով գարձուցին  
զԱստուածատուր 'ի բանտ՝ իր երկու ընկերնե-  
րովը. և երեք օրէն ետև նորէն յատեան բերին,  
քննեցին ու նոյնպէս հաստատուն գտան: Ապա  
չարահնար մոգպետն պատուիրեց որ իրեքն այլ

զատ տեղ սենեկի մը մէջ փակեն, ցորեկն անօթի թողուն; խկ բոլոր գիշերը ծխով միտով հեղձամղձուկ ընեն զանոնք: Թէ և չմեռան, բայց շատ չարչարուեցան նահատակքն. սակայն խեղդուած ձայնով այլ չգադրեցան սաղմոսելէն մինչեւ ցառաւօա: Տասն օր այսպէս չարչարանօք մնացին 'ի բանտին. վերջի առաւօտն որ էր նոյեմբերի 9 և կիրակի օր, Աստուածաառւր պատմեց ընկերացն՝ թէ այն գիշեր յերազին տեսաւ որ մէկն վարոցով ուժով մը զարկաւ գլխուն, ուսկից արիւն կը վազէր երկու աչաց միջոցէն. բայց մէկէն երեք լուսաւոր անձինք վրայ հասան, վառնաեցին վարոցաւոր մարդը, և իր գլուխը մարգարտակապ պսակ մը գրին: — Անշուշտ, ըսին ընկերքն, քու մարտիրոսութեան և պսակուելու ժամանակդ մօտեցեր է:

Ոչ միայն մօտեցեր, այլ և հասեր էր օրն և ժամն. արդէն դահճապետն բանախն դուռը կուփնաւէր. և ներս մանելով՝ նշան տուաւ Յիդիաթուղիտի որ գայ ետևէն: Չգիտեմ իր ընկերաց տրամութիւնն աւելի մեծ եղաւ իրմէ զատուել նուն և մնալնուն համար, թէ իր ուրախութիւնն՝ 'ի հանգէս նահատակութեան կանչուելուն համար. անշուշտ երկու կողմէն այլ ոչ առանց արցունքի առին այն ողջոյնը և համբոյրը՝ որ երկրի և երկնից միջոց կախուած կապ մ'էր. ամենքն այլ փափագէին այն կապը բռնած վերանալ յերկինս, բայց միայն մէկուն հրաման եկած էր վերէն: Փութացաւ Յիդիաթուղիտ բաժնուելու իր քրիստոնէութեան վարդապետին դրկէն, ('ի Ներսիսէ) որ չուշանայ երկնաւոր վարդապետին Քրիստոսի) գիրկը հասնելու. և երթալուն առնեն՝ «ի կարգալ իմում լուար ինձ՝ Աստուած», սաղմոսն ըսելով շուտով հասաւ յատեան դատաւորացն, որոց հետ նստեր էր չորրորդ մ'այլ,

կամ դաճապետն կամ նոր մարդպան մը <sup>1</sup> : Չորս գին պարսպաձև բոլորած կենային մեծին Դուռայ քրիստոնէից անհամար բազմութիւնն , որք իրենց կրօնից ազատութիւն ունենալով՝ անվախ եկեր էին տեսնելու օտարազգւոյն նահատակութիւնը . մէկէն հոգւոյ խնամութեամբ իրենց եկեղեցւոյն պայազատելու զնա :

Հրապարակաձեւ ատենին , կամ այն զարմանալի թատրոնին մէջ երեք փայտ կանգնած էր , երեք յենարան բռնի օրհասականաց :... Գեղեցիկ ծառն է ամենապէտ փայտն՝ առկէ աւելի պժգալի պաշտօն չեն կատարեր . բայց յետ որոյ այն գերադոյն Մէկն ասանկ փայտի մը վրայ կախուած անմահական կենաց պտուղ երեցաւ , այդպիսի փայտըն այլ շատ հեղ շատոց ցանկալի եղաւ , ինչպէս հիմայ այլ Աստուածատրոյ . որ և ուրախութիւն իր յեաին յենարանը ողջունելով , գուցէ պահ մը կարծեց , թէ ուրեմն իր երկու բանտակիցքն այլ վերջապէս իրեն ընկերակից պիտի ըլլան յաւիտենական ճամբուն մէջ : Իրաւ ունեցաւ երկու ընկերներ , բայց ոչ զՆերսէս և զՍահակ . այլ զնմանիս անոնց՝ որ իրեն նմանութեան նախօրինակին երկու կողմը կանգնեցան ՚ի Գողգոթա . - երկու յանցաւոր , երկու չարագործ , երկու մահապարտ : Այս Յիսուսի նմանակցութեան պատիւն այլ ունեցաւ Աստուածատուր . - Կու տես նեա այդ փայտը , կանչեց մոգպետն , ագոր վրայ պիտի մեռնիս չարաչար , եթէ յամառեալ մեաւ մտացդ վրայ : — Ես հաստատուած եմ , ըսաւ սուրբն , ՚ի հաւատա Քրիստոսի , և ամենեին դառնալիք չունիմ . դու ընելիքդ կատարել տուր : —

<sup>1</sup> Յովհաննէս կաթողիկոս՝ Վշնաս-Վահրամ կոչե զմարդպանն . « յորմէ բազում չարչարանս կրեալ . . . ՚ի » Դուին քաղաքի պոսակի մարտիրոս պսակաւն » :

Հրամայեց մոգպեան որ տանին զնա 'ի փայտն. Աստուածատուր ուրախութեամբ վազեց դահիճներէն առաջ, որք մերկացընելով զնա՝ կապեցին և կանգնեցին:

Շնորհակալ եղաւ Սուրբն՝ որ նաև այսպէս զգեստաներէն կողոպտելով այլ զինքը կու նմանցընէին իր տիրոջն 'ի խաչին: — Մոգպեան՝ կամ յերաւի խնայելով, կամ ստտանայութեամբ յաղթել ուզելով նահատակին, վերջին անգամ մ'այլ խաւրեց անոր՝ ըսելու, որ գեռ ժամանակ կար, բայց վերջին և կարճ ու անդարձ ժամանակիկ մը՝ զինքն ապրեցընելու, եթէ հրաժարելով 'ի քրիստոնէութենէ՝ գառնայ 'ի հին մոգութիւնն: — Սուրբն և ոչ պատասխանուոյ արժանի սեպեց այսպիսի գեսպանութիւն: Իր լռութիւնն լուծեց բռնաւորին արիւնալից հրամանը. և ահա սկսան դահիճքն սուր սլաքներով խոցոտել կողերը, և արեան անձրև մ'իջուցընել:...

Նոյն առէն երկու յանցաւորներն այլ հանեցին 'ի փայտն. աջակողմեանն՝ նման Քրիստոսի խաչակցին, որոյ հաւատացեալ էր, և ազգաւ Խուժիկ, հաւատքով սրբոյն ուրբերը պագաւ, և անոր արիւնով թրջած հողը իր ծոցը կու լնցընէր. իսկ անզգամ դահճապետն անոր գլուխը կռփելով շուտով հանել կանգնել տուաւ 'ի փայտն, և նետով զարնել. որ և շուտով աւանդեց հողին: Ձախակողմեանն այլ նոյնպէս նմանող եղաւ իր հին կողմնակցին. անիրաւութեանցը վրայ մեծագոյն մ'այլ աւելցուց. Հրեայ էր ազգաւ. սկսաւ աղաղակել վայրախօս ստութիւն. Չիս («մի») կորուսանէք. զմոգութիւն յանձն առնում): Դատաւորք մտիկ չըրին անխիղճ և անզեղ ճայնին. կապեցաւ կախուեցաւ և կորաւ. ինքն իր գաստապարտութեանը վկայելով:

Իսկ «Երանելին 'ի մէջ երկուց մահապարտացն՝



- )) 'ի բարձր տեղով ողջակիզեալ յանգիման ա-  
 )) ըեգականն և ամենայն ժողովրդոցն. որ ունէր  
 )) խորհուրդ զարմանալի, որ յիշատակեալ 'ի նա  
 )) տերունւոյն բան՝ ըստ ճշմարիտ խոստմանն, թէ  
 )) որ հաւատայ յիս՝ զգործսն զոր ես գործեմ և  
 )) նա գործեսցէ, և մեծամեծ ևս քան զնոյնս. և  
 )) Աւագեալն ասէ. Զորս յառաջն ճանաչէր՝ յա-  
 )) ռաջագոյն հրաւիրեաց կերպարանակից լինել  
 )) պատկերի Որդւոյ իւրոյ: — Եւ այսպէս քա-  
 )) ջութեամբ վկայեաց սուրբն Յիզիարուղիտ, 'ի  
 )) Իգ ամին Խոսրովու թագաւորին, որ օր երկու  
 )) (էր) քաղոց ամսոյ, յաւուր կիւքակէի, յեր-  
 )) ըորդ ժամու: )):

Ամօթապարտ դատաւորքն իբրև վերջն վրէժ՝  
 չթողուցին որ մէկէն վերջընեն Աստուածատրոյ  
 մարմինը. բայց ոչ այլ շատ կրցան ուշացընել.  
 հաւատացեցող ինդիրն և ձայնն բարձրացաւ.  
 յալթանակաւ իջուցին քրիստոնէացեալ մոգին  
 մարմինը, և մեծ հանդիսիւ ու փառօք փոխեցին  
 'ի հանգիստ վկայից, իրեն արժանաւոր տեղ մը  
 'ի սուրբ տաճարին. որ և երկնափայլ լուսով  
 պայծառացեալ՝ աւելի զուարճացուց զհաւատա-  
 ցեալս և ամաչեցուց զմոխրապաշտ մոգերը:

Այսպիսի պանծալի և շատ ատենէ վեր չսուած  
 նահատակութեան մը համբաւ, (որով և Յիւլի-  
 քս-լիս անունը) <sup>1</sup> շուտով տարածեցաւ բոլոր ա-  
 րևելեան քրիստոնէից մէջ, և Յունաց կայսրու-

1 Այսանուանս մէկ հնագոյն գործածութիւն մը յայտ-  
 նուեցաւ 'ի Զինաստան, գիտնոց և քրիստոնէութեան  
 մէջ հաշակեալ արձանագրութեան մը վրայ, չինարէն և  
 ասորերէն, պատմելով այն աշխարհին մէջ քրիստոնէու-  
 թեան քարոզուիլը յամին 636. արձանն գրուած է յա-  
 մին 781. ասորագրողներէն մէկն է Յիւլքս-լոս քահա-  
 նայ, հայր Ադամայ սարկաւագի, փոխանորդ արքե-  
 պիսկոպոսին:

Թեան ընդարձակ գաւառները . ուրախացան մեր տուրք կրօնից նոր և յայտնի յազմանակին վրայ . բայց ամենէն բազմաւոր սեպուեցան Հայք , ա- նոր հանգիստարան ընծայելով իրենց մայրաքա- ղաքը , մայր եկեղեցին , և ինչուան հիմայ՝ տարե- կան տօնախմբութիւն մը :

Նախալիշեալ Մենանդր պատմիչն՝ իր կորու- սեալ և կտրատեալ պատմութեան մէկ պատա- ռին մէջ՝ սրբոյն մէկ վերջի խօսքը կու յիշէ , երբ խաչին վրայ պրկուած էր , և երբ կու յորդորէին Թողլու զքրիստոնէութիւնը՝ որ իրեն մահուան պատճառ պիտի ըլլար . Սա ոչ եթէ կը ցաւիմ , ըստւ , այսպիսի կրօնք մը գտնելու , հապա ուշ գտնելուս համար : — Իսկ նոյն հեղինակին առ տուրքն նուիրեալ վերտառութիւն , զոր և 'ի սկըզ- բանն յիշեցի , այս է .

Մոգ ես երբեմն ի Պարս էի Յիզիտրուզիտ ,  
 Ի հեզեգանս սնոտիս ըզյոյս իմ կառուցեալ .  
 Հուր ճարակէր զոստանն իմ . յօգըն ճեպեցի .  
 Ճեպէր ի նոյն ու ամենազօր Քրիստեայ ծա-  
 ռայն .

Նա զբըռնութիւն նուաճէր բոցոյն . իսկ ես  
 պարտեալ՝

Չաստուածայինն յազմուե ընկալայ պսակ :

Այսպէս օտար մը , Յոյն մը , բայց հաւատա- ըրիմ և ընտիր հեղինակ մը , Մենանդր , կարճ տու- յերով գեղեցիկ և Թանկ վկայութիւն մը կու տայ՝ Թէ Աստուածատրոյ յազմական հաւատոցը , և Թէ յազմառիթ հաւատոց ամնապէր Քրիստոսի ծա- տային . որ Թէ ոչ կաթուղիկոսն Հայոց՝ այլ Դըւ-

նայ մէկ եկեղեցւոյն աւագերեցն էր. որ « զբռն-  
նութիւնն նուաճեաց բոցոյն » 'ի ճարակէն 'ի տան  
համակարին , և զաստուծայինն յաղթութեան պսակ  
իջուց 'ի գլուխ քրիստոսահրաւէր մոգին Մախո-  
ժի , փոխելով զնա 'ի Յիւդիոս-վիտ , այն է Ար-  
արուծարար :

---



# ԵՐԱԶ ՎԱՐԴԱՆ ԿԱՅՍԵՐ

3 Յունիս, 713.

Սովորաբար քնացողքն կարծուին երազա-  
տես. բայց բարոյապէս խօսելով՝ աւելի շատ են  
արթնութեան ատեն երազ տեսողք, երբ չըլ-  
լալու կամ շատ անստոյգ ու դիպուածական  
կամ չափազանց բաներ կու մտածեն, կու  
յուսան, կ'ուզեն կամ կ'ասեն: Այսպիսի քուն  
կամ երազն այլ՝ գրեթէ բնական քնոյ և երա-  
զի պէս հասարակ է մարդկան, թէ և ոմանք  
քիչ ոմանք շատ տեսնեն. իսկ իր ազգեցութիւնն  
աւելի զօրաւոր է, իր բերած երբեմն ուրախու-  
թեամբն և շատ հեղ տխրութեամբը: Բան մ'ե-  
րազել փափագով և յուսով՝ և գտնել զայն, մեծ  
բաղդ մեծ ուրախութիւն է. երազել և չգտնել՝  
տխրութիւն է. առանց երազելու՝ գտածը կո-  
րուսանել՝ աւելի մեծ և ստոյգ ախրութիւն է.  
իսկ երազել և գտնել, յետոյ դարձեալ այն փա-  
փագած և գտածը երազի պէս կորուսանել՝ տրի-  
ստութենէ ալ վեր է, ցաւալի ափշուութիւն է: Այս-  
պիսի է մեր պատմելու երազն ալ. որուն նը-  
ման սասաիկ՝ իրաւ քիչք երազած են, բայց շա-  
տեր կան որ ասոր կու նմանին, գոնէ երազին մէկ  
մասովը: Արեւրաւոր փառաց և բազդի յեղափո-

խուժեանց մեծագոյն օրինակ մը ցուցնելով՝ կըրնայ ամենուն խրատ ըլլալ Վարդան կայսեր երազն:

Այս Վարդանս ինքնին երազեալ՝ այսինքն մը տացածին կամ առասպելեալ անձ մը չէ՝ այլ ստոյգ և պատմական, թէ ինքն և թէ իր գլխաւոր երազն. քեզի ազգակից է, Հայկակ, և Յունաց Կոստանդնուպօլսի կայսերաց թագակից, ը գարուն սկիզբը: Երբոր մեծին Կոստանդիանոսի ցեղին պայազատութիւնն հատաւ մահուամբ Փոքր Թէոդոսի և անոր քեռառն Մարկիանոս կայսեր, կայսերութիւնն զօրաւոր կամ բռնաւոր իշխանաց ձեռք ընկաւ, (աւելի Թրակացի իշխանաց) որք դար ու կէս տիրեցին. ասոնց վերջնթերն Մօրիկ կայսր՝ ըստ մեր պատմըչաց՝ Հայ էր, յՈչական գեղէ Արագածոտն գաւառի<sup>1</sup>. ասոր յաջորդ Փոկասը սպաննելով անուանին Հերակլ կայսր՝ յափըշտակեց զթագը և ժառանգեցուց իր ցեղին ամբողջ դար մը: Բայց որովհետեւ թէ ինքն թէ իր նախորդաց շատերն յափշտակող եղեր էին, և իր յաջորդքն այլ անարժան և ժողովրդեան անտիրելի էին, թագախնդրութիւնն կամ կայսերութեան փափագն և կռիւն՝ սովորական բան մ'եղաւ զօրաւոր և ճարպիկ իշխանաց:

Ասոնց մէջ՝ եթէ ոչ շատութեամբ թուոյ՝ բայց շատութեամբ արդեանց և ուժոյ, նշանաւոր էին զրեթէ բոլոր Ե-ԹԱ դարուց միջոց՝ մեր համազգի Հայ իշխանաւորքն և զօրավարքն՝ Կ.Պօլսի ինքնակալաց ծառայութեան մէջ, ինչպէս յայտնի է ամենայն պատմագիտաց. սպա զարմանք չէր եթէ իրենք այլ՝ բնիկ Յոյն իշխանաց հետ՝ կայսերա-

<sup>1</sup> Ըստ Յունաց՝ էր յԱրաբիոս քաղաքէ Կապպադովկիոյ, որ է 'ի Փոքր Հայս, և բուն ցեղն հռովմայեցի էր:

կան թագին փափագող կամ յափշտակող ըլլալին. մանաւանդ որ շատ հեղ իրենցմէ առաջ՝ թէ ազգային թէ յոյն զօրքն և իշխանքն՝ իրենց կ'ընծայէին թագը: Արդէն Հերակլի վերջին պայազատաց ատեն մեկ երկու պյսպիսի անձինք փորձ փորձեցին, թէ և ոչ յաջողեցան. ինչպէս Շապուհ մը տմատունի կամ պարսիկ, որ երբեմն արեւմտեան Հայոց զօրավար կամ իշխան էր, և յամին 667 Բ Կոստանդ (Թոռն Հերակլի) կայսերէն գլուխ քաշեց, բայց դիպուածով մը շուտով մեռաւ (ձիէն ընկնալով): Հետեւեալ տարին Կոստանդը սպանողք իրենց կայսր ընտրեցին զՄծէծ. որ հաւանօրէն Թոռն էր մեր Մծէժ Գնունի զօրավարին, որ Հերակլի ատեն քաջութեամբ և խոհեմութեամբ շատ անուանի էր. իսկ կայսր ընտրուած Մծէժն աւելի երեւելի էր իր հասակին մեծութեամբ և գեղեցկութեամբն, որոյ համար ընտրեցին զսա սպանելոյն հակառակորդքն, և խոսասացան պաշտպանել. վասն զի ինքն Մծէժ կու հրաժարէր և յանձն չէր առնուր. և անոնց տիրատեցութեան ալ զոհ եղաւ. և ոչ տարի մը ակամայ կայսրութեան անունը կրելով թագին հետ իր թագազանգուր գլուխն ալ կորոյս (669), զոր Սիրակուսայէն (Սիկիլիոյ քաղաքէ) խաւրեցին՝ ի Կ.Պօլիս առ որդին Կոստանդայ՝ Կոստանդին Դ: Այս Կոստանդին թէ ծննդեամբ և թէ արդեամբք արժանի ժառանգ էր աթոռոյն, բայց անարժան հօրը նման՝ անարժան որդի մը յաջորդ ունեցաւ, այն է Յուստինիանոս Բ:

Ասոր անկարգութեանց, անգթութեանց, և անկրօնութեան չգիմանալով իր ժողովուրդն՝ դահւնկէց ըրին (695), և տեղը նստուցին Ղէսնդ պատրիկ քաջ զօրավարը, որ հայրենեօք էր յիսաւրիոյ Կիւլիկիոյ, և հաւանօրէն Հայ, ինչպէս էր անտարակոյս իրմէ ոչ շատ տարի վերջը ընտ-

րուող և 25 տարի (717-741) կայսր եղող Լէւն Խաւարային. (Թէպէս վարքովն և գործքերովն իր նախորդէն՝ Յուստինիանոսէն՝ պակաս զգուելի չեղաւ)։ Ղեւոնդ Թէ և սիրելի և արժանաւոր անձն, բայց իրէք տարիէն ետև (698) իրմէ բըռնադուռնի մը ձեռք ընկաւ. Ապոխար անուանով Կռիկոսցի մը տիրեց Կ.Պօլսոյ, և Ղևոնդի քիթը կտրելով, (ինչպէս Ղևոնդ ալ Յուստինիանոսին կտրեր էր) փակեց վանքի մը մէջ, և ինք զինքն անուանեց Տէֆէր Բ։

Այսպէս կայսերութեան կամ Թագին խաղաղիկ եղած ատեն՝ մեր Վարդանն այլ իր կայսերական երազը տեսաւ։ Իր ինչ տոհմէ կամ տունէ ըլլալն յայտնի չէ, Թէ և յոմանց Մամիկոնեան կարծուի. անշուշտ այն Հայերէն էր որ շատոնց Յունաց ծառայութեան մէջ մտեր և յառաջացեր էին. իր հայրն այլ յունական անուամբ Նիկեփոր պատրիկ կոչուէր. ինքն այլ զինուորութեան մէջ յառաջադէմ և ճարպիկ, լեզուանի և զուարթ մարդ մ'ըլլալով՝ սիրելի եղած էր Ճանչուորներուն. և աւելի այս ձիրքերուն ուժովը՝ քան Թէ քնով կամ գինւով հարբած ըլլալով՝ երազ մը տեսաւ, (յամին 701) որ իր կենաց մեծ և իրական երազին պատճառն եղաւ։ Տեսածն էր, ինչպէս ինքն պատմէր, արծիւ մը որ գլխուն վրայ կու թռչտէր. Անշուշտ ասիկայ նշան է, ըսաւ, որ օր մը ես կայսր պիտի ըլլամ։ Սև ինչպէս որ կ'երևի՝ միայն զինուորական և աշխարհային բաներու հմուտ, աւելի հարկաւոր բաներու անհմուտ էր. դնաց անուանի եղած ճգնաւորի մը պատմելու և խորհուրդ հարցընելու. ճգնաւորն, որ խաբուած կամ խաբեբայ մ'էր, միանգամայն և մոլորամիտ միակամագաւան և երազագէտ մը, Վարդանայ փառահեղ կերպարանքէն յոյս առնելով որ իրաւ կրնայ օր մը կայսր ըլլալ, ինչպէս



վերոյիշեալներն . Անտարակոյս է , ըսաւ , կայսր ըլլալք . բայց՝ ( հայհոյանք մ'ալ աւելցուց ) այս պայմանաւ Աստուած քեզի կու տայ կայսերութիւնը՝ որ եկեղեցւոյ ք ըսուած տիեղերական ժողովը ջնջես , այսինքն անոր հաստատած դաւանանքը : Վարդան առանց առաջ ետև մտածելու , խօսք տուաւ , որ եթէ կայսր ըլլայ՝ այնպէս ընէ : Եւ երազէն աւելի այն սուտ մարգարէին հաւատալով և զտահանալով՝ պատմեց իր մէկ բարեկամին՝ եղածը և ըլլալիքը . բարեկամն՝ որ ճգնաւորին պէս ցած մ'էր , ապագայ անստոյգ կայսերէն աւելի՝ ներկայ ստոյգ կայսերէն վարձք առնուլը իրեն շահաւոր գտնելով՝ գնաց ասոր պատմեց լուծը : Ապսիմար մէկէն բռնել տուաւ զՎարդան , և խեւի պէս ծեծելէն ետև՝ գլուխն ալ ածիլելով չլթայի զարկած պքսորեց մինչև 'ի Վիփալոնիա կղզի , Յունաստանի արևմտակողմը :

Վախնալու մահուանէ մը ազատելով՝ Վարդան՝ տասը տարի ատեն ունեցաւ իր երազին վրայ նոր նոր երազներ տեսնելու և գեռ յուսով սպասելու . երբ իր պքսորուելէն քանի մը տարի վերջ Յուստինիանոս Ռիստֆոյ , այսինքն Պնչատն ( քիթը կտրած ) , կատղած գաղանի պէս փախչելով իր արգելանէն՝ որ էր Քերսոն քաղաքն Ղրիմու , նախ Խազրաց ապաւինելով , ապա Բուլղարաց , և ասոնցմէ զօրք առնելով եկաւ պաշարեց առաւ իր հին Թագաւորանիստ քաղաքը և Թագը ( 705 ) , բռնեց զԱպսիմար որ փախեր էր , և անոր նախորդ Ղևոնդ կայսեր հետ մէկտեղ բերելով , և ամեն խայտառակութիւն տալով՝ կրկիսին մէջ գետնի վրայ ձգեց կոխկրօտեց , մինչգեռ յիմարած ժողովուրդն սազմոսին խօսքը իրեն յարմարեցնելով կու պոռչտար . « Ի վերայ իժի և » քարբի գնացես գու , զառիւծն ( Ղեւոն ) և » զվիշապն ( Ապսիմար ) առ ոտն կոխեսցես » . Եւ

տոյ ուրիշ գազանաց ամփիթէստորոն մը տանել ու գլխատել տուաւ զանոնք: Իսկ ինքն իր տգեղ կերպարանաց ծածկոց մը հնարեց, ոսկեղէն քիթ մը. զոր՝ ամեն անգամ հանած ատեն, կ'ըսեն, սոսկալի գազանական կատապուծիւն մը կ'իմանար. և գաղանէ աւելի անգուծ և անկարծելի կոտորածներ ըրաւ՝ իր երկրորդ անգամ վեց տարի թագաւորութեանն ատեն: Աստանայական լըբուծեամբ մը Աստուծոյ գէմ երգուած էր իր ամեն հակառակորդներէն վրէժ առնուլ. և ոչ միայն անոնց, հապա շատ անմեղաց ալ չարաչար տանջանք և մահ հասուց. արիւնոտ աչացն առջև կրօնք սրբազան բան չէր երևեր: Ոչ միայն կայսրութեան, այլ և մարդկութեան զգուանք և ցուցանք մ'եղաւ, ուսկից ամենքն կու գանէին և կու դողային:

Յետ ջարդելու ջնջելու Կ.Պօլսի և անոր մօտ տեղերու մէջ իրեն թշնամի սեպածները, բոլոր տխր գարձուց իր աքսորանաց տեղւոյն (Քերսոնի) բնակչացը վրայ. որովհետև հոն անոնց մէջ եղած ատեն միշտ կու սպառնար թէ երբ ազատութիւն դա՛նեմ՝ զձեզ պիտի չարչարեմ, անոնք ալ ուղեցին զինքը հալածել, և հազիւ թէ կըրցեր էր փախչիլ անկէ: Հիմայ բոլոր նաւերը ժողովեց, և զամենքը ստիպեց որ գան օգնութեան. ինչուան, կ'ըսեն, 100,000 մարդ լեցուց նաւերուն մէջ և զրկեց՝ ի Քերսոն, գլուխ գնելով Ստեփանոս անուամբ գազանամիտ մարդ մը՝ զոր անողորմութեանն համար ամենքն (ասիւրոս) կաշա կամ կատղած կոչէին. պատուիրեց ասոր՝ Քերսոնի բնակչաց մէկն այլ ոգջ չթողուլ, և անոնց տեղը աքսորածներով լեցընել: Այս աքսորելոց մէկն այլ ըրաւ երազատես Վարդանը, Ալեքսանիա կղզիէն հանելով և հոս քշելով:

Թողունք հոս յիշել Քերսոնի մէջ եղած ահեղ

կոտորածը, և անկէ ապրած ու նաւով գէպ 'ի Կ.Պօլիս ղրկուած տղայոց և մարդկանց կորսուելը նաւակոծութեամբ Սեւ ծովուն մէջ. որոց թիւը կ'ըսեն (գուցէ չափազանցօրէն) 63,000 էր, թէ և մէկտեղ սեպուին նաւասաիք և զօրականք. դիակնին հարիւրաւոր մղոններով հեռու ծովեզերքներ ծփալով զարնուեցան երկայն աւտեն: Կատաղին Ստեփանոս՝ որ քան զՊնչատն նուազ կատղած էր, աչք գոցեր էր որ մաս մը 'ի բնակչաց Քերսոնի փախչին, և իրեն տեղ վերականցու թողեր էր զՆղիա՝ կայսեր զինակիրը: Նրա այս փախչողներն լսեցին որ Ստեփանոս նաւակոծեալ խեղդեցաւ, սկսան դառնալ իրենց ամայի հայրենիքը. բայց գազանացեալ կայսրն այլ լսելով անոնց ապրիլը՝ նորէն զօրք խաւրեց վթանին. անոնք յեաին յուսահատութեամբ զինուած, և Խազրաց օգնութեամբ՝ ջարդեցին կայսեր զօրքը, և միաբերան անէծք ու նզովք կարդալով այնպիսի հրէշի մը վրայ, ուղեցին զՆղիա (որ իրենց կողմը դարձեր էր) կայսր անուանել. սա վախնալով հրաժարեցաւ: Ահա այն ատեն միաբանեցան և կայսր կանչեցին ու դրին զՎարդան, անունն այլ փոխեցին 'ի Փիլիպպիոս, զոր սխալ ըսելով և գրելով ոմանք՝ Փիլիպի անուանեն, ոմանք Փիլիպպոս, և ոմանք 'ի մեր պատմչաց այլ Փիլի: Այս բանս եղաւ 711 տարւոյն վերջերը. Վարդանայ երազն ստուգուեցաւ, բայց ոչ բոլորովին և ոչ կարծածին չափ երկայն և յաջող:

Այս վայրկենէն ետև Յուստինիանոս կայսեր անդադարելի կատաղութիւնն և տագնապը նկարագրել՝ գրեթէ անկարելի է. առջի գործքն եղաւ մէկէն վաղել երթալ Նղիայի տունը. անոր երկու անմեղ երեխայ աղայքը իրենց մօր գրկին մէջ ինքն իր ձեռքով սպաննեց, մայրերնին այլ մահուանէ աւելի մեծ նախատանաց մատնեց. յե-

տոյ շուտով նոր նաւախումբ մը կազմեց՝ ամենայն պատերազմական գործիքներով լըցուց, Մօրոս անուամբ մէկու մը յանձնեց սաստիկ սպառնալեզօ՝ որ երթայ հիմնայաւորակ ընէ զՔերսոն, և ոչ մանր տղայոց խնայելով. անանկ որ ոչ կենդանի մնայ, ոչ շէնքի նշան մը, այլ վարուցանի տեղ դառնայ։ Մօրոս ախրոջը բաղձանաց համեմատ շուտով հասաւ ՚ի Քերսոն, և սկսաւ պարիսպը ծեծել ու փլցընել։ Բայց յանկարծ Խաղրաց գունդ մը վրան հասաւ, դադրեցուց։ Մօրոս տեսնելով որ կամ ասոնցմէ պիտի ջարդուի, կամ յետ դառնալով կայսեր բարկութեան զոհ պիտի ըլլայ, ինքն ալ Քերսոնացւոց կողմը դարձաւ, միացաւ անոնց հետ. նոյն միջոցին Վարդան այլ Խաղբաց կողմէն գալով նոր զօրագնդով մը՝ նորէն կայսերական պատուով ընդունուեցաւ։ Յուստինիանոս կու զարմանար իր նաւերէն լուր մը չառնըլուն, և կասկածելով՝ անհամբերութեամբ մնացեալ զօրքը ժողվեց, գունդ մ'ալ ՚ի Բուլղարաց օգնութիւն առաւ, և գնաց ցամաքէն մինչև ՚ի Սինոպ։ Հոնկէ տեսաւ որ նաւատորմիդն առաջաստաբաց կու դայ դէպ ՚ի մայրաքաղաքն. նաւ մը խաւրեց ընդ առաջ լուր բերելու. լուրն աս եղաւ՝ որ աքսորեալն Վարդան կայսր եղեր է և կու դայ Կ.Պօլսի վրայ։

Հոս վերջին անգամ Յուստինիանու ոսկի քիթն ընկաւ, և բոլորովին գաղանացաւ. անհանգիստ և անդադար վազեց դէպ ՚ի մայրաքաղաքն. Բայց տեսաւ որ Վարդան իրմէ առաջ հասեր տիրեր է. նոյն երազութիւն դարձաւ ՚ի Դամաստրիս՝ որ Քաղկէդոնի (Գառը-քէօյ) և Նիկոմիդիոյ (Իզնիմիտ) մէջտեղն է. Բայց հոն ալ Վարդանայ վախն և սուրն հասեր էր. վասն զի հոս խաւրեր էր զՆղիա, որ երբեմն իրեն տէրը պաշտպանող զէնքերը անոր դէմ դարձընէ։ Նղիա տեսաւ որ այն իր կատաած

հին տէրն պատրաստուեր է պատերազմի. մօտեցաւ անոր Յոյն և Բուլղար զօրացը, իմացուց որ ինքն պատերազմի համար եկած չէ, այլ զիրենք ազատելու անանկ այլանդակ հրէշի մը ձեռքէ. և խոստացաւ նոր կայսեր շնորհքները. մէկէն իր կողմը դարձան գիմացի գունդերն այլ: Քթակոտոր կայսեր ուրիշ բան չմնաց՝ բայց յուսահատ փախուսաւ. սակայն շուտով վրայ հասաւ իր քաջ բայց տիրանենգ զինակիրն (Նդիա). մազերէն բռնեց քաշեց, և իր դաւաճան սրովն կտրեց այն գոռոզ գլուխը՝ որ 26 տարիէ վեր ահով գողով և անբաւ արեամբ լցուցեր էր զծով և զցամաք արևելեան ընդարձակ կայսերութեան. և խաւրեց առ Վարդան: Նոյնպէս սպանուեցաւ Յուստինիանոսի առաջին պաշտօնեայն և գլխաւոր պատրիկն Վարազբակուր, որոյ անունն յայտնէ որ ազգաւ Հայ կամ Վրացի էր:

Մօրոսի և Յովհան Ճնճղուկ ըստած մէկու մը յանձնուեցաւ՝ աւելի անգութ և սրտակտուր գործ մը. սպաննել զՏիգրեր՝ զորգին Յուստինիանու: Իրաւ հրէշի մը ձագ էր սա՝ բայց գեռ անմնաս անմեղ ձագուկ մը, վեց տարեկան. զոր մամն (Անաստասիա) փախուցեր էր Ս. Աստուածածնի եկեղեցի մը, և վրան գլուխը սրբոց նըշխարքներով լցուցեր էր. մէկ թաթիկովը խորանը բռնել տուեր էր, մէկալովը Քրիստոսի աշխարհակեցոյց խաչին կտոր մը. ինքն մամիկն ալ խորանին դռն առջև պահապան կեցած՝ վայրկենէ վայրկեան կու սպասէր սրտաթափ սև վայրկենին. և ահա անողորմ դահիճքն ներս թափեցան: Անաստասիա՝ վազեց ընկաւ պլլըւեցաւ Մօրոսի ոտքերուն, լալով ճչալով ողորմութիւն կու կանչէր. բոլոր տաճարն, կրնամք ըսել թէ բոլոր բռնութիւնն իսկ ողորմութիւն կու մուրար անմեղ գառնուկի մը համար. բայց այն օրերը՝ միայն

մարդկանց սրտէն վերցուեր էր ողորմութիւնն։ Մինչդեռ մամն Մօրոսի կու պաղատէր, անդին ահուանեալ ճնձղուկն՝ գիշառիչ անգղ դարձած՝ աղուէն վրայէն սրբազան մասուհները վերցրնելով, և կէս մ'ինքն իր վիզն անցընելով՝ քաշեց երեխայն ինչուան եկեղեցւոյն դուռը, աստիճաններուն վրայ ձգեց, մերկացուց, մորթեց. տարաւ թաղեց ուրիշ եկեղեցւոյ մը մէջ։ Անով մարեցաւ Հերակլեան ցեղն, ամբողջ դար մը ինքնակալելով վեց թագակիրներով. որոց վերջնոյն (Յուստինիանու) տպեղ գլուխն՝ յետ խայտառակութեամբ 'ի Կ.Պօլիս' ղրկուեցաւ մինչև 'ի Հռովմ. և հոն ալ ժողովրդեան ուրախութեան պատճառ եղաւ։

Այս ուրախութիւնը երկարատե չըրաւ Վարդան, ինչպէս կու յուսացուէր. վասն զի իր խոստմանը վրայ չարաչար հաւատարիմ կենալով՝ անհաւատարիմ եղաւ իր պատուոյն և կրօնից. սուտ ճգնաւորին ըսածին համեմատ ջանաց միակամեայց մոլորութիւնը ծաւալել յարեւելք բոլոր. ուղղափառ եպիսկոպոսները հալածելով և մոլորեալներ դնելով տեղերնին. ժողովակ մ'ալ ընել և դատապարտել տուաւ քսուրք ժողովը. և իր խելքը գիր մ'ալ գրեց 'ի Հռովմ առ սրբազան հայրապետն. զոր ամենքն արհամարհելով մերժեցին, և ինչուան զէնք առնելով իր խաւրած զօրքը ջարդել կ'ուզէին, եթէ Ս. Պապն չարդելուր։ Միայն մէկ բարի հովուի մը իննայեց Վարդան. տսիկայ էր Ռուսենայի արքեպիսկոպոսն Փելիքս, զոր Յուստինիանոս կուրացուցեր և պքսորեր էր 'ի Քերսոն Վարդանայ հետ. որ պանդխտութեան և թշուառութեան ընկեր ունենալով զնա՝ սէր կապեր էր հետը. և երբ կայսր եղաւ՝ դարձուց իր աթոռը շատ ընծաներով. (որոց մէջ կար պզտիկ ոսկեղէն թագ մը՝ անդին գոհարներով զարդարած, որուն համար Հրեայ մը ըսաւ յետոյ Մե-

ծին Կարողոսի՝ թէ բոլոր Ռաւեննայի չքնաղա-  
կերտ մայր եկեղեցիէն աւելի կ'տրթէ)։

Իր երազին և երազահանին միայն հաւատացող և  
ինչուան կրօնքն աւարհամարհողն՝ ի հարկէ ուրիշ  
ազնիւ զգացմունքներ չէր կրնար ունենալ. պէտք  
չէ բնորոշել թէ արդեօք յիշէ՞ց Վարդան իր ծագու-  
մը, ո՞ր ցեղէ, ո՞ր ազգէ ըլլալն. և ըրա՞ւ բարիք մը  
իր նախնական հայրենեացը։ Ընդհակառակն կ'ի-  
մացընեն պատմիչք, որ նեղեց զՀայս, և շատ գաղ-  
թահան հանել տալով ի Մեծ Հայոց՝<sup>1</sup> բռնեց Գ  
և Դ Հայոց կողմերը, որ են Մալաթիա և Խար-  
բերդ. որոց տիրելով Արաբացիք՝ ընդունեցան և  
տեղ տուին Հայոց. ասոնք ալ յօժարուլթեամբ  
միաբանեցան զիրենք ընդունողաց հետ։ Թերեւ  
ասով աւելի քաջութեանցան Արաբացիք Փոքր  
Ասիոյ զանազան կողմերը կոխելու, ինչպէս Բուլ-  
ղարք ալ ինչուան Կ.Պօլսոյ մօտ սահմանները աւ-  
րելու և այրելու։ Վարդան՝ ոչ իր անուան, ոչ  
իր պատուոյն և ոչ իր տաջի տուած յուսոյն հա-  
մեմատ՝ քաջութիւն ցըցուց ասոնց դէմ. այլ կար-  
ծես թէ իր երազածը և չերազածը ստուգել ու-  
ղելով՝ ինք զինքը թողուց բաղդին գիրկը, և միայն  
անոր ցուցած փափկութեանցը մէջ թաղուեցաւ։

Իր նախորդն (Յուստինիանոս) անչափ բռնաբա-  
րութիւն և կոտորածներովք՝ անբաւ ստացուածք  
և հարստութիւն ժողովեր էր, որովք շատ քա-  
ղաքներ կրնային շինուիլ, և շատ բանակներ զի-  
նուիլ. Վարդան իր կայսերութեան մէկ ու կէս  
տարուանը մէջ՝ գրեթէ բոլորն ալ մոխեց, ան-  
չափ և անկարգ զեղխութեամբ, որովք շատ խայ-

1 Յայտմ. Հռոմ. 2. վասն Յուստինիանոս ասէ. «Հա-  
» լածեաց զազգս Հայոց վասն ուղղափառ հաւատոց յիշ-  
» խանութենէ իւրմէ. և ուրախացեալ Տաճկացն բնակե-  
» ցուցին զնոսա ի Մեւանի, ի Միջագետս Ասորոց »։

առաւելութիւն, փնտաւ և մեղք հասուց շատոնց. և եթէ գեռ արտաքին սիրուն կերպարանքը և ճարտար ու բանիբուն խօսուածքը պահած չըլլար, անշուշտ և ոչ այն 18 ամիսը կու թագաւորէր: Բայց ինքը մեծ յոյս ունէր՝ իր խաբեբայ մարդարէին վստահացած՝ որ երկայն տարիներ պիտի վայելէ կայսերութիւնը: Սակայն եթէ այն կարծեցեալ տարիներն այլ այդպէս վատութեամբ պիտի անցընէր, պէտք է մերազգութեան և մարդկութեան պառուոյն համար գոհ ըլլանք՝ որ յոյան պարապ ելաւ, և շուտով հասաւ իր երազին վերջը, կամ նոր և անակնկալ երազ մը. որ պատմութեան ամենէն հիացուցիչ և ահացուցիչ երևոյթներէն մէկն է, կենաց նշանաւորագոյն յեղափոխութեանց մէկն, բարոյականի զարմանալի դաս մը. յորում կրնամք բովանդակ մարդուս բնութիւնը կամ փափագները նկատել ի Վարդան և խրատ առնուլ:

Աշխարհիս մէջ անշուշտ շատերն փափագեր և երազեր են, բայց խիստ քիչ եղած են Վարդանի նման այսպէս յանկարծօրէն և այսչափ մեծ փառքի, իշխանութեան և բարեաց՝ հասնողք. երկու անգամ աքսորուած և շատ հեղ հազիւ մահուանէ ազատած, մանաւանդ անանկ բռնաւորի մը (Յուստինիանոսի) ձեռքէ, որուն զոհ եղան աւելի ապահովագոյն կեանքեր. և երկրիս ամենէն բարձր և փառաւոր գահոյիցը վըայ նստած, որ այն ատեն դիպուածով մ'այլ (զոր վերն յիշեցի) անբաւ գանձով և հարստութեամբ լեցուած էր: Զասոնք՝ անկարծ բաղք գտնողի մը պէս անկուշտ կերպով վայելելը բաւական չսեպելով, ուղեց Վարդան (մէկ քանի շատ անուանի եղած փափկակեաց և զեղխ մարդկանց նման) մէկ օրուան մը մէջ փորձել զգալ այն ամենայն բարիքը՝ որուն կրնայ բաղձալ մարդուս սիրան և բնութիւնն,



միայն ներկայ կեանքը մտածելով. մէկ օրուան մը մէջ բովանդակել իր աշխարհակալ կայսերութեան կախելի փառքը և վայելքը: Այս եղաւ իր մեծագոյն երազն. որ ուղածին պէս սկսաւ, չուղածին պէս լմնցաւ:

Այն օրն էր Քրիստոսի թուականին 713 աաւրոյն յունիս ամսոյն երեքը, Հոգեգալստեան առնին նախընթաց օրն (շաբաթ), որ ոմանք կ.Պ. լիս քաղքին հիմնարկութեան օրն էր կ'ըսեն, և այն ժամանակի սովորութեան համեմատ Քաղաքին Ժննդոյ օրն<sup>1</sup>. բայց ըստ այլոց նոյն ինքն Վարդանայ Ծննդոց տարեգարձ օրն էր: Այս օրս ուղեց իր աւուրց մէջ նշանաւոր ընել, և եղաւ ուղածէն շատ անգին. նշանաւոր բոլոր կայսերաց, գարուց, ազգաց և մարդկութեան աւուրց մէջ: Առտուն՝ քաղքին մեծ կրկէսը՝ (Աթ մէյտանը) զարդարել տուած ըլլալով՝ մեծահանդէս և փառազարդ կառարշաւ մ'ընել տուաւ ի գուարճութիւն աշխարհախումբ ժողովրդեան. յետոյ նոյն պէս մեծահանդէս և սիրալի հեծելութիւն<sup>2</sup> մը, յորում անշուշտ ինքն ալ իր անուան համեմատ՝<sup>3</sup> ահիպարանոց և սիգաշարժ և ոսկէզարդ երիվարի մը վրայ նստած, աւելի իր նախնեաց սեփական ճարպիկ նստուածքով և վազուածքովը կուզմայլեցընէր տեսողները, քան իր և իր ձիուն և իրեն անմիջապէս քովէն գացողներուն վրայի ակնախրաիլ և մեծահարուստ զարգուց և սպառազինութեանց փայլմամբը. որովք՝ երկրիս երեսէն սահող արեւու մը պէս կ'անցնէր քաղքին մէկ ծայրէն մինչ ի մէկայլ ծայրը. և շատ աշխարհակալներու չըրած մեծութիւնը ցուցընելով՝ ինքն որ

1 Γενέθλιος τῆς πόλεως ἡμέρα.

2 Cavalcade, Տճ. Պիւի:

3 Փիւիպոս Ձիաւեր ըսել է:

հաղիւ աջիարհագիւտ կրնար ըսուիլ, հազար հատ յաղթութեան և փառաց նշան գրօշներ օգուան մէջ բարձրացուցած տանել կու տար. հազար երաժիշտ, մեծամեծ և բարձրաձայն փողերով և փանդումք՝ այնպէս կու թնդացընէին չորս գին, որ կարծես թէ ոչ քաղքին հիմնարկութիւնը հռչակել՝ այլ անոր հիմերը դուրս հանել կ'ուղեն. — փողերէն և փանդիւններէն աւելի կը տիրէր ուրախական և հանդիսական ձայն ժողովըրդեան, որ զիրար հրելով՝ իբր թէ առանց ոտքի հեղեղաբար հեծելոց քովէն և ետէն կ'երթային: Այն օր Կ. Պօլիս նեղ եկաւ իր ժողովրդեան, կայսերութիւնն՝ Վարդանայ սրտին:

Օրուան մէկ մասն փառաց փառքման և վայելից նուիրելով, մէկայլ մասն այլ փառքութեան վայելից պահուած էր: Վարդան նախ դնաց մտաւ Զեւքսիպեան ջերմուկք ըսուած բաղանիքը, որ կայսերական պալատան և Ս. Սոփիայ եկեղեցւոյ միջոցն էր: Յետոյ կարգն եկաւ կերուխումի, ուր երկայն ժամեր անցուց իր պալատան մեծամեծաց հետ. և ինչ որ այնպիսի օրուան մը համար կրնայ մտածուիլ և պատրաստուիլ՝ կար սեղանոյն վրայ, 'ի հարկէ չափէն շատ և շատ աւելի. ուր նստած ատենն՝ Վարդան դեռ Վարդան կայսրն էր. սիրան առջինէն աւելի ուռած մեծցած, թերեւ քան զՆաթուգոգոնոսոյ և զԲազտասար մեծափառք և մեծավայելք կարծելով զինքը. խնայեալ ելած ատեն, աւանդ, ոչ թէ արեւելքի կայսեր, ոչ թէ Մշոյ գեղի մը յետին Վարդանին չընորհքն այլ չկար վրան, այլ կ'ամաչեմ ըսելու՝ թէ նուաստացեր էր քան զանքան. խռիւտ խանդած տիկ մ'էր դարձեր, աւելի գինւով քացխած քան կերակրով փրկած: Այսպէս լմնեցաւ ցորեկուան հանգէսն, երկընձալով 'ի մէջ ջահերու գիշերուան, որոյ մէկ հատիկ հարկաւոր վայ-

եւք պիտի ըլլար խոր և երկար քուն մը. որու մէջ յիրաւի ընկաւ Թաղուեցաւ Վարդան շատ խոր, Թէ և ոչ շատ երկար:

Բայց ով մարդկային ընուծիւն, այգալէս մեծապէս պատուեալ քու հասնողէդ յԱստուծոյ. քու բարակ և հրեշտակամօտ ազնուութիւնդ՝ ինչպէս իրնայ այսչափ Թանձրանալ և կոպտատարազ խողի ու վարազի երևոյթ մ'առնուլ. մանաւանդ Թէ անոնց բարքն և սխորժակը՝ քան Թէ կոշտ կերպարանքը: — Այս էր քու երկայն ատեն երկնած երազդ, ով յանկարծաբաղդ կայօր Վարդան. այս էր քու անդրածայրագոյն փառքդ և վայելքդ: — Տառապեալ մարդիկ իրենց տառապանաց և օրական աշխատանաց ու տրտմուծեանց՝ անոյշ դեզ մը մխիթարութիւն մը կու գտնեն գիշերուան քունը. քեզի՝ այդ մէկ ցորեկուան վայելքդ ու մխած գանձերդ՝ որ կրնար հազարաւոր ընտանիք երջանիկ ընել, քանի՜ ծանր ու տխուր պիտի ըլլայ. — անոնք գոնէ այն առեն տեսած սուտ երազներով պահ մը կու սփոփին, քու օտոյգ երազդ՝ քեզի որչափ անտանելի պիտի ըլլայ, երբ աղէկ մ'արթննաւ:.. Արթնցիր, ով վառաբաղդ Վարդան, ով կարճօրեայ կայսր. վասն զի ահա քու վերջին խնջոյից տաճարիդ պատէն այլ բաղտասարեան ձեռք մը դուրս ելած՝ կու գրէ կայսրութեանդ, փափկութեանդ և ամենայն բարեացդ վերջ ու վախճան: Կամ գոնէ, եւ Թէ իրնաս, դարձեալ երազէ գլխուդ նոր գալիքը: Մօիկ գիր պահ մը խղճիդ. լսէ եկեղեցւոյ և ժողովրդեան մէջ ծածուկ փսփսուք մը, տհաճութիւն մը, գանգատ մը, սպառնալիք մը քեզի դէմ. զգա՛ մեծամեծ իշխանաց դառնութիւնը և ոխը՝ իրենց և իրենց կանանց հասուցած անարդուութեանդ համար. սարսէ՛ այն պարկէշտ հուլաւաւորաց սրտագոչ աղօթքէն՝ որ իրենց աստուածա-

նուէր կուսութեան և առանձնութեան փաստներուդ վրէժը կը պահանջեն յերկնից: Թնդա՛ մէկ մը այն որսամուկէն՝ որ Թրակիոյ վրայէն գոռալով՝ քեզի կու մօտենայ. հոն է Գէորգ Բորափ (գուցէ քեզի պէս արևելցի մը), Վարազբակուրի տեղ Օպսիկիոնի<sup>1</sup> կուսակալ եղոյն, որ վրագ կու խաւրէ քու գահիճդ: Եւ ահա այդ քու կենացդ և շատերու կենաց ամենէն մեծ և փափուկ օրուան հանդիսից մէջ՝ դողի կամ ցեցի պէս ծածուկ կու մօտենայ քու երջանկութեան թելդ կրծելու կտրելու... արդէն պալատիդ չորս գին քննելով համարձակ մուտք գաաւ. վասն զի քու պահապաններդ այլ քեզի պէս գինով խելագարած՝ զքեզ թողեր՝ զիրենք քնոյ կամ հեշտութիւն տուեր են... ահա հասաւ ինչուան քու ներքին սենեակներդ, քու ննջարանիդ, քու անկողնոյդ... Ո՛հ, հիմայ արթնցիր ըսենք արդեօք, թէ քնացիր առանց բնաւ արթննալու...:

Դեռ կու խռկար թանձր քնոյ և յօգնութեան մէջ աւաղելի կայսրն Վարդան. դեռ ինքն ներսէն ուրիշ երազ կու տեսներ, դրսէն իր վրայ ուրիշ երազ կու տեսնուէր. և դեռ շատ ուշ սաստիկ ցնցումէ մը թօթուելով՝ բացաւ աչուրները... Ո՛վ ահաւոր վայրկեան, թէ և կարճ. այն մէկ ակնթարթի մէջ ո՞րչափ բաներ տեսաւ և իմացաւ. ի՞նչ նորանշան և կսկծալի երազ, մանաւանդ թէ 13 տարուան տաքուկ երազոց վերջ՝ ի՞նչ ցրտաւարսուռ արթնութիւն: Անկարելի անբացատրելի ափշութիւն, զարմանք, կիրք, վախ և այլափոխութիւն. — մէկ վայրկենին մէջ՝ մէկ մը անցուցած օրը և քնոյն անկողինը յիշեց, մէկ մ'ալ տեսաւ որ անկողնոյ տեղ՝ մեծ վերարկուի մը միջէն

<sup>1</sup> Անուն կուսակալութեան՝ որոյ գաւառներն էին Փռիւզիա, Միւսիա, Բիւթիւիա:

գուրս կ'ենէ, (որով զինքը պլլեր բերեր էր հոն Ռուսիոս՝ Բորափոսի պաշտօնեայն.) – փոխանակ իր պաշտառան ջահերուն՝ այլանդակ լոյսեր կը շարժէին չորս դին. – փոխանակ ննջարանին՝ ընդարձակ ձիարձակարանը, ուր ինքն սկսեր էր այն օրուան մեծ հանդէսը. – փոխանակ իր սպասաւորաց՝ ձառագէժ գահիճք. փոխանակ իր փափկութեան սպասուց՝ սոսկալի սուրեր։... Ի՞նչ, ո՞վ, ո՞ւր... Ըսեւ չմնաց. իրան թէ սուտ, երանջ թէ արթնութիւն. ի՞նչ նոր աշխարհ կ'երևի աչքերու։... Եւ ահա նոյն իսկ վայրկենին սև և անբացուելի վարագոյր մը՝ զամեն բան ծածկեց աչքերէն, եթէ գեռ կրնային աչք ըսուիլ անոնք՝ որ պահիկ մ'առաջ թանձրամած քնով գոցուած էին, հիմայ արեամբ և յաւիտենական մթութիւն կղպեցան։... Երկու սայրասուր երկաթ՝ ջուխտակ կայծակներու պէս իջան զարկին, գուրս ցաղքեցուցին բիւրերը... Քանի մը կաթիլ չորցած արեան և երկու պոճալի վէրք լցին այն խարկած ու խաւարած փոսերը, որոնց երէկ առտուն բուր աշխարհիս մեծութիւնը և գեղեցկութիւնը քիչ կու գար. հիմայ անոնց ամեն զբօսանքէն և հեշտութիւններէն՝ հազիւ քանի մը դժուարածին արցունքի կաթիլ մնաց մխիթարանք։...

Այսպիսի ահեղ փոփոխութեան վրայ՝ կարծես թէ ինքնին գէպքն կամ պատմութիւնն այլ հիացած, լռեց ծածկեց, և ինչուան հիմայ չէ յայտնած այն վայրկենէն ետև մեր կուրացեալ կայսեր ինչ եղած ըլլալը. իրեն՝ ուրիշ կերպով, մեղի և բոլոր աշխարհիս ուրիշ կերպով խրատ և զարմանք թողլով այս նորանշան պատահարը, Փիլիկ Վարդանայ ստոյգ կարծած երազը, երազ կարծած ստուգութիւնը։



# Բ ՎԱՐԴԱՆ ԿԱՅՍՐ

19 Յուլիսի, 803

Ա.

Կոստանդնուպոլսի քիչ կամ չափազանց քանակաց տեղափոխութեան կամ օգտափոխութեան սովորութիւնն՝ նշանաւոր բան մը, մանաւանդ թէ մաս մ'է իրենց կենաց. և այն քաղաքը ճանաչողաց յայտնի է թէ ինչպէս աշնան միջի կամ ետքի հոգեւոր փոփոխութեան պէս՝ ցրուեալ բնակիչքն կը փութան կը ժողովին այն արեւելից և արեւմտից մեծ սրտաձե կենդրոնին մէջ. իսկ գարնան առաջին տաքուկ հոգեւորութեան կ'ելլեն, իբրեւ թուրացեալ սրտէն դուրս թափելով և բազմաճիւղ երակաց մէջ մղուելով՝ գեղերը տուն տեղ բնաւորելու և բնակելու: Վոսփորոնի երկու շրջանց վրայ եղած շէնքերն չբաւելով այնքան բազմութեան, կամ չյարմարելով ամենուն ախորժակին և պէտքին, շատերն այլ (մանաւանդ այս ետքի ատեններս) փոքրիկ նաւարկութեամբ մը կ'երթան Պրոպոնտոսի կապուտակ կոնքէն (Մարմարայի) դուրս ցրցուած զանազան տեղերով գեղեցիկ, աշուհով մանրիկ ու մեծկակ կղզեաց մէջ քանի մ'ամիս անցընելու, զբօսանաց ձայներով փախ.

ցընելու այն առանձնութիւնը՝ զոր գրեթէ հազար տարի եկեր բնորւեր էին հոն՝ շատ մեծամեծ և փոքր մարդիկ, աղբ և կանայք, ամուսինք և կուսանք, կայսերք և կայսրուհիք, բռնաւորք և բռնադատեալք։ Անոնց բազմութիւ վանորէից և արգելանաց՝ (իրաւ հիմայ շատ քիչ՝ բայց) դուցէ գեռ բաւական նշխարք մնացեր են՝ յիշեցընելու հին աշխարհ հին քաղաքականութիւն մը, կամ տարբեր մտածութիւն և զգացմունք։ Յոյն կայսերաց ժամանակ գրեթէ այս կղզեաց ամեն դուրու դար տեղուանքն այլ ծածկուած էին եկեղեցիներով և վանքերով, զոր կամ իրենց համար կամ իրենց ազօթողաց համար կուշինէին իշխանազունք։ անոր համար ալ մինչև հիմայ Իշխանայ կամ Իշխանահէայ կղզի կ'ըսուին այս Մարմարայի արեւելեան ափանց մօտ եղած տասնի չափ կղզեքն և կղզեակք, հանգերձ քանի մը ցամաք ժայռերով, որոց այլանգակ ձեերն, և նոյն իսկ մեծագոյն կղզեաց ապառաժներն, և ծովուն միջէն յանկարծօրէն իմն ցցուիլն՝ հին ատեն Քաջաց կամ դիւաց բնակութեան յարմար կարծեցուցին զանոնք, անոր համար 'ի նախնեաց Տէմոնիէան կղզեք անուանէին։ Բայց քրիստոնէութիւնն հալածելով զդէս և զքաջս՝ սրբազանից բնակութիւն ըրաւ այն ծովակոծ անկոխ և անմատոյց ժայռերն այլ։ անկէ ետեւ համարձակեցան ոմանք յիշխանազանց՝ շինել հոն նաև իրենց առանձնական զբօսանաց կամ բնակութեան տեղեր։ որք և այնչափ յարգի եղան՝ որչափ մեծ մայրաքաղաքին մօտ էին սահմանով, և հեռու անոր խառն 'ի խուռն տղմուկներէն և կիրքերէն։

Յայտ է անհղոյն ծանօթից՝ որ այս կղզեաց մէջ (որոց չորսն միայն մեծկակ և բազմաբնակ էին) ամենէն մօտն 'ի ցամաք՝ Առաջին ըսուեցաւ 'ի Յունաց Բրոփա, որ և հիմայ այլ Բրոփի կ'ըսուի։ իսկ



ի Թուրքաց Գընաւ կամ Գըււրա, իր գետնին կարմրութեանը համար. և անկէ՝ բոլոր իշխանաց կղզիներն ալ նոյն անուամբ կը կոչեն (Գըզըւ առաւար). Քաղկեդոնէն (Գատըքէյ) հազիւ չորս հինգ մղոն հեռու ըլլալով՝ առաջին երեցողն է այն փոքրիկ միջերկրեայ ծովուն ծփանաց վրայ՝ կրծկաձև ուռած և քառածայր տարածուած: Իր հին շէնքերուն մէջ ամենէն առաջինն և նշանաւորն էր մեծ վանք և արգելանք մը, շինուած ի ոկիզքն Ք դարու (801). ուր ընդ կամաւոր կրօնաւորաց՝ տկամայ կամաւ կու բնակէին և պստորեալ իշխանք և պաշտօնեայք կայսերաց, և երբեմն նոյն իսկ կայսերք. բայց ասկէ ալ քիչ առաջ կու յիշուի ուրիշ վանք մը՝ զոր շիներ էր (Ը դարուն վերջերը) տէրութեան երեւելի պաշտօնէից և զօրավարաց մէկն, և յանձներ էր աղօթասէր և հոգեսէր անձանց. անոր քով իրեն համար ալ պահելով պզտի երկիր մը, ուր իր ամենէն հանգիստ և զբաւորձալի օրերը կ'անցընէր, գետինը մշակելով, պարտէզ գարմանելով, երբ որ իր մեծամեծ պաշտօններն և պատերազմաց դադրիլն պարապ առնէն Թողուին. վասն զի կայսերութեան ասիական Թեմից կամ նահանգաց մէկուն կողմնակալ վերակացու էր. և ետքերը, անոնց ամենէն գըււորին, բուն Աբեւէի (Անատոլիքոն) ըսուած նահանգին, որ կը բովանդակէր հինգ հին աշխարհ, Լիկայոնիա (Դոնիա), Փռիւգիա (Քերման), Իսաւրիա, Պամփիւլիա, Պիսիդիա (Համիտ, Թէքէ). զինուորական կարգի մէջ ալ յառաջագիմելով ճարտարութեամբ, քաջութեամբ և երկար արդեամբք՝ բոլոր արեւելեան աշխարհաց ըստ պարապետ կամ միագլխապետ (մոնոսպրապիդոս) եղաւ, և կայսերութեան առաջին քաջ և անուանի զօրավար: Ասիկայ էր հայազգի իշխանն, (հաւանօրէն Մամիկոնէից ցեղէն) Վարդան պարթի՝ Թուրք կոչուած:

Այս կոչման արտաճանդը չեն խմացքներ պատ-  
միչք, և այնչափ ավելի նշանաւոր է՝ որչափ որ  
գեւ թուրքաց անունն հազիւ կը լսուէր յարեւ-  
մնաստ այն ատեն. (Թերեւս Արաբացւոց (կամ  
Խաղրաց) հետ պատերազմի մ'ատեն թուրքի  
հետ կռուելով և յաղթելով այս անունս առած  
ըլլայ: Նոյնպէս կը լռեն իր երկար ատեն նահան-  
գաց կառավարութեան, և զօրավարութեան մէջ  
ըրած մեծամեծ գործքերը, որովք այնքան փառք,  
համբաւ և իշխանութիւն ժառանգեր էր, մինչեւ  
բոլոր Արևելից սպարապետ ըլլալ և խաղաղու-  
թեամբ պահել այն խիստ շատ անգամ խռոված  
աշխարհները. Թուի (թէ ինքն էր այն Հայկական  
Թեմին (Արմենիակք, Արմենիաքոն) կառավարիչ  
Վարդանն՝<sup>1</sup> որ կը յիշուի յամին 772՝ ուրիշ (թե-  
մակալ իշխանաց հետ Արաբացւոց յարձակման  
գէմ Խաւրիոյ մէջ (Թաշ-իլի). անկէ վերջը ին-  
չուան 30 տարի ուրիշ յիշատակ չըլլար վրան,  
բայց 'ի մեծ և արժանաւոր վարուցը գովութենէ՝  
որով իր իշխանակցաց մէջ երեւելի եղաւ. մանա-  
ւանդ անանկ վարուց ապականութեան գարու-  
մէջ, յորում նախ կայսերք անկրօնութեամբ և  
անկարգութեամբ հասարակաց գայթակղութիւն  
և իշխանաց համարձակութիւն կու տային 'ի չա-  
րիս: Վարդան՝ ոչ անոնց օրինակէն և ոչ իշխա-  
նութեան և յաղթութեանց մեծութենէն ուռե-  
ցաւ աւրուեցաւ. այլ արդարակոթով, առատա-  
ձեռն, բարերար և բարեոէր բարքով՝ իր և առ-  
ախճանին պատիւը պահեց, և ամենուն սիրելի  
եղաւ, մանաւանդ զօրաց. որոց քաջութեան և  
հաւատարմութեան համեմատ առատ վարձք կու  
տար, առանց աչառութեան և ագահութեան.  
արդարութեամբն ամենուն պատկառելի, բարե-

<sup>1</sup> ԼԵ ՊՄ ԺԲ. 285:

սրտաշունթեամբն ալ ժտահանալի անձ մ'եղած էր, և այնչափ աւելի յարգելի և սիրելի, որչափ զգուշ էին ժամանակակից կայսերքն իրենց պալատականօք և գործակալօք, մանաւանդ ամենէն ետքի կայսրն. որ պատճառ եղաւ Վարդանայ բաղչն և վիճակը փոփոխելու, և նոր պատմական տեսչորան մը բանալու: Բայց այս բանս լաւ ճանչնալու համար՝ հարկաւոր է նախ ը գնորու կայսերաց վրայ համառօտ տեսութիւն մը, սկսեալ մեր Վարդանայ համանուն կայսեր յաջորդէն:

## Բ

Շատ ատեն չէ որ պատմեցի քեզի, Հայկակ, այդ երազատես Վարդան կայսեր վերջին աշխարհախրատ երազը և արթնութիւնն 'ի խաւարի. որուն ծածկուելէն վերջն՝ անմիջապէս երկրորդօրը (Հոգեգալտեան՝) իր մտերիմն և տէրութե դիւանապետն Արտեմիոս (որ գուցէ իրեն համազգի Հայ էր) կայսր ընտրեցաւ, և անունը յԱնաստաս փոխեց. և երկու և կէս տարի տիրելէն ետեւ՝ Ծովային զօրքն Թէոդոս անուամբ աննշան մէկն ընտրեցին. Անաստաս ստիպեցաւ առանձնանալ և քահանայանալ. նոյնպէս սարիէ մ'ետեւ Թէոդոս ալ. վասն զի Կոնոն անուամբ Մարաշցի Հայ մը՝ կամ Իսաւրացի մը, որ զինուորութեան ատեն ինքզինքը Լեոն անուանեւ էր, Արմենիակաց Թեմակալին՝ Արտուազդայ՝ օգնութեամբ կայսր եղաւ 25 տարի (716-741). որուն յաջորդեց որդին Կոպրոնիմոս 38 տարի (741-775). աւտոր ալ իր որդին Կոստանդին Խազիր (775-780). աւտոր ալ որդին Կոստանդին Ե (Որդիւրոժեն յամս 780-797). որք թէ և քանի մը ցանցառ լաւութիւն ցուցին, բայց պատկերամարտութեան աշանդով, ամբարշտութեամբ, սնապաշտութիւն,

տնդթուլթեամբ, հալածանք և պէսպէս մոլորութեամբք՝ կայսերութեան և կրօնից նախատինք, և հպատակացն գարշելի և դանելի եղան. մինչև իրենց նախահօր Լևոն Խաւրացւոյն մեռնելէն վերջը՝ Կոպրոնիմոսի բռնաւորաբար իշխել սկսած ատեն՝ զօրքն ապստամբեցան, և իր քեռայրը՝ վերոյիշեալ Հայկազն Արտաւազդը՝ կայսր ընտրեցին. որ տարի մը կայսերութեանն ատեն՝ պատկերաց պաշտօնը նորոգեց և կայսերութեան ալ մեծ յոյս կու տար. բայց Կոպրոնիմեայ կուսակիցներէն յաղթուելով՝ դատապարտեցաւ ՚ի բանտ և ՚ի կուրուծիւն, իր երկու կորիճ որդիքներովը: Կոպրոնիմոսի համանուն թոռն և վերջին Խաւրացին ( Կոստանդին Ե ) ինն տարուան էր հօրը մեռած ատեն. անոր համար մայրն Եւփնէ՝ եղաւ խնամակալ, և քիչ ատենէն բռնակալ. իրաւ եկեղեցւոյ հալածանքը դադրեցուց և պատկերները կանգնեց, բայց իր գահն ալ գոնէ իր որդւոյն գահէն աւելի բարձրացընել ջանալով՝ մայրութեան պատիւն և անուան ալ պղծեց. երկու անգամ իշխանութիւնը յափշտակելով և զորդին իբրեւ ՚ի բանտի արգելական պահելով, ու խորամանկութեամբ զօրքերէն հաւատարմութեան երգումն պահանջելով. միայն Հայկական գունդն մերժեց կայսրուհւոյն անարժան խնդիրը և դէմ կեցաւ: Եւփնէ անոնց վրայ խաւրեց իր գիշերապահ գնդին հայկազն զօրավարը՝ Մուշեղ Ալէքս, որ իր համազգեաց կողմն անցաւ և գլուխ կեցաւ. զայն տեսնելով մեկալ դուռներն ալ՝ միացան Հայոց հետ. Եւփնէ սարսափած արձակեց իր կայսր որդին յարգելանէն, ուր ինքն արգելուեցաւ յորդւոյն. որ և իրեն հաւատարիմ եղող Մուշեղը՝ Հայոց գնդին զօրավար դրաւ. բայց մայրն ( որ ամենայն կանացի նրբութեան, խորագիտութեան և փառասիրութեան օրինակ կրնայ ըլլալ, մինչև

'ի յետին անգթութիւն), նորէն տիկնութեան  
 հասաւ. որդւոյն սիրտն ալ շահելով՝ ուրիշնե-  
 րունն այլ, բաց 'ի Հայոց գնդէն, որով իրարու  
 թշնամի եղան: Հայք իրենց թեմը քաշուելով  
 յԱրմենիակք, որ է մասն Կապպադովկիոյ և Պոն-  
 տոսի) հոն եղող թեմակալ Թէոփորոսը մերժե-  
 ցին և կամակորուժեամբ զԱլեքս Մուշեղ կ'ու-  
 ղէին. կայսրն թէպէտև երախտապարտ էր ասոր,  
 և արգէն Հայոց զօրավար դրեր էր, բայց վախնա-  
 լով անոնց պահանջմունքէն, և մանաւանդ սուտ  
 համբաւէն՝ (զոր գուցէ Սոխնէ հնարել կամ հըռ-  
 չակել տուեր էր), թէ զանիկայ կայսր գնել կ'ու-  
 ղէն, բռնեց բանտեց զՄուշեղ, մաղերը կտրել  
 տուաւ (իբրև կրօնաւորի), յետոյ և կուրացուց  
 անգթօրէն: Այս բանիս վրայ իրաւամբ դրդուեալ  
 և զայրացեալ Հայք՝ ապստամբեցան. կայսրն եր-  
 կու զօրավար խաւրեց վրանին բաւական գնդով.  
 Հայք՝ զօրքերը ջարդեցին, զօրավարները բռնե-  
 ցին կուրացուցին 'ի վրէժ աչաց Մուշեղայ. պէտք  
 եղաւ որ Կոստանդին բոլոր կայսերութեան զօր-  
 քերը ժողովէ և խաւրէ Հայոց վրայ. որոց արիւ-  
 նոտ աչքն՝ որ այնքան մեծազօր բանակը բանի տեղ  
 չէին գներ, գժբաղդաբար ոսկւոյ փայլմունքէն  
 չլացան. ոչ ամենքն, այլ մէկ մասն, որք և մատ-  
 նութեամբ ետ կեցան իրենց ընկերներէն. ասոնք  
 քիչւոր մնալով՝ պաշարուեցան կայսերական զօ-  
 րաց բազմութենէն, և յետ երկար գիմակալու-  
 թեան և երկու կողմէն կոտորածի, բռնուեցան  
 ուժաթափ Հայք, գլխաւորնին գլխատուեցան,  
 ոմանք աքսորեցան, մէջերնէն ամենէն յամառ և  
 անհաշտները հազար հոգի կապուած բերուեցան  
 'ի Կ.Պօլիս, ուր մեծ կրկիսին մէջ նախատուե-  
 լով՝ ճակատնին խարան զարկին՝ կրակէ գրով  
 գրելով Հայ ապստամբ<sup>1</sup>, և աքսորեցին 'ի Սիկիլիա

1. Ἀρμενιᾶχὸς ἐπ' βουλος.

և ուրիշ կզգնենք. իսկ իրենց մատնիչ ընկերներն ալ փոխադարձաբար յունական ագահութեան մատնուելով՝ արժանապէս անվարձք մնացին. ապա սրտմտած անցան Արարացւոց կողմը, և սկըսան վազել աւրել կայսեր երկիրները: — Կոստանդին ալ իր Թեթևամտութեան և ապերախտութեան պատիժը գտաւ, Թէ և շատ դժնդակ կերպով. Մուշեղայ կուրացման հինգերորդ տարեդարձին օրը (19 օգոստոսի, 797) քարասըլտեալ մայրն Յւսինէ՝ որդւոյն քնացած ատենը դահիճներ խաւրելով՝ աշուրները խարկել խաւարել տուաւ. որոյ ցաւէն աւելի եղաւ իրեն նեղսրտութիւնն, անկէջ ալ աւելի՝ մօրը նախատինքն, որ իր ամեն լաւ գործերն ալ ծածկեց, և իշխանասիրութիւնը բռնաւորութեան դարձնելով՝ ալ աւելի ատելի ըրաւ զինքը. մինչև հինգ տարի հագիւ կրնալով համբերել՝ արքունեաց պաշտօնակալ Էօթն Ներքինիք միաբանեցան ընդ, գէմ իրենց Թագուհւոյն, և ճիւղի մը ձեռքէ սղատիլ ուզելով՝ դրին կայսր մը, որ և ոչ Նախնեայ լաւ յատկութիւններէն մէկն ունէր:

Ասիկայ էր Պիսիգիացի մը, ըստ ամանց արաբացի ծագմամբ, Նիկեփոր անուամբ. ցած, կծծի, տխմար մարդ մը. բայց պատկերամարտ չըլլալուն համար՝ ամանց գովելի երեցաւ. սակայն քիչ ատենէն պալատականք և զօրականք իմացան իր արժէքը, երբ սկսաւ անոնց Թոշակնին պակեցընել, ստացուածքնին կերպ կերպ հնարքով յափըշտակել, և մնացածն ալ կողոպտելու նոր հընարքներ մտածել. մոլութեանցը վրայ գոնէ առաջին կայսերաց ազնուական տօհմին շուք ու շնորհքն ալ չուներ. անոր համար շուտով զգուշելի եղաւ. մինչև նոյն իսկ զինքն ընտրողքն այլ զըջացան, և անոնցմէ մէկն կը պատրաստուէր դաւաճանելու, բայց իմացուելով՝ Թունով սպա-

նուեցաւ : Տարի մը չանցած կայսերութեանը վըրայ՝ Քաղկեդոնի դրան քով ձիավարելու ատեն՝ ընկաւ և ոտքը կոտրեցաւ . ժողովուրդն կը փափագէր որ մէջքը կոտրած ըլլայ , և գրեթէ փափագն իրաւ կարծուելով՝ ինչուան գրսի գաւառները համբաւ թուաւ թէ Նիկեփոր մեռեր է . սկսան ուրախութեամբ նոր և արժանաւոր կայսր մը բնտրուել . և թէպէտ քիչ ատենէն Նիկեփորի ողջութեան և առողջութեան լուրն իրենց կարծիքը ցրուեց , բայց չկրցաւ փափագնին փարատել . մանաւանդ զօրաց , որ իրենց թոշակէն զըրկուելով՝ աւելի գրգռուած էին : Ասոնց մէջ այլ աւելի զայրացողքն էին արևելքի գունդերն . թերեւ ոչ այնչափ իրենց եզած զրկմանն համար՝ որքան կայսերութեան պատուոյն անարգանացը , մանաւանդ որ իրենց մօտ , ներկայ և վերակեցուունէին անանկ իշխան և վարիչ մը՝ որուն արթնութիւնն , արիութիւնն և առատասարտութիւնն՝ մէկ կողմէն յանդիմանութիւն էր Նիկեփորի բարուց , մէկայլ կողմէն հրապոյր մը՝ փոխանակ ա՛նոր՝ կայսր ունենալու զսա ինքն , Ղվարգան :

## Գ

Կամաց կամաց հրապոյրն 'ի խորհուրդ գարձաւ , խորհուրդն 'ի յորդոր , 'ի փորձ և 'ի գործ , որուն միայն ինքն Ղվարգան կամահից և գործակից չէր . որքան որ իր արդիւնքն և զօրաց սերն իրմէ աւելի արժանաւոր մը չէր գտներ 'ի կայսրութիւն , յոր արգէն խի թերեւ հրաւիրած կ'ըլլային զՆիկեփոր ընտրողքն՝ եթէ իրենց մօտ ըլլար Ղվարգան , կամ չտո չխխնային անոր արգարութեան . և որչափ ալ պսա առաքինի զօրավարս կ'ամբշնար իսաւրացի տոհմն տեղ այսպիսի ա՛նարգ Պիսիգիացի մը արևելքի կայսր և իրեն հրա՛

մանատար ունենալու, իր վեհանձնութեամբ և ազնութեամբ ոչ միայն հեռու էր այնպիսի փառասէր մտածութենէ, այլ և 'ի հակառակէն անոր հետ, զոր ազգն՝ թէ և անդիտութեամբ՝ ընդ գուներ էր, և սրբակրօն պատրիարք մ'այլ (Տարասիոս) թէ և վախով օծեր էր 'ի կայսր: Զարհուրեցաւ արիասիրտ զօրապետն՝ երբ իր ինչուան այն ատեն հնազանդ զօրաց հրաւէրք և յորդորն լսեց 'ի կայսրութիւն, և դէմ կեցաւ. թէպէտ չկրցաւ օտարաց յաղթողն՝ իր զօրաց ալ յաղթել: Միայն հոս զարմանալի և իրեն արժանաւոր գրտուեցաւ Հայկական գունդն. երբ ուրիշ ամեն թեմից գունդքն միաբան և միահաւան կու կանչէին կու ստիպէին զնա 'ի կայսրութի, Հայք՝ որ դեռ տասն տարի առաջ իրենց հաւատարմութեն համար առ Աոստանդին, անոր մօրը դառն ու պրժգալի վրէժխնդրութեան զոհ եղած էին՝ ճակատնուն վրայ այնպիսի նախատանաց դրոշմ մ'առնելով, հոս փոխանակ աւելի արգար վրէժխնդրութեան՝ իրենց առաքինի համազգւոյն և ուրիշներէն ընտրած կայսեր՝ չուղեցին կողմնակից ըլլալ, այլ անկէ առաջ օրինաւորապէս ճանչցուած կայսեր հաւատարիմ մնալ: Այսպիսի թել թել մանուած պատահարներու մէջ մերայոց այս գործը՝ յիրաւի շատ զարմանաց և շատ մեծասրտութեան գործ մ'է. միանգամայն և մեծ խրատ և օրինակ մ'էր Վարդանայ՝ զգոյշ և հաստատ կենալու իր մտաց վրայ:

Արգարեւ շատ հեռի էր այս Թուրք Վարդանս այն Փիլիպպիկ Վարդանէն, որուն կերպարանաց ճոխութիւնն և լեզուին ճոռոմութիւնն՝ զինքը հանեցին 'ի գահ կայսերութեան. իսկ զսա զօրքերէն աւելի՝ անձնական արժէքն կը հրաւիրէին հոն, բայց առաքինութիւնն չէր համարձակեր: Ասոր վրայ կ'երևի մեր հին և մեծ, կտրիճ ու կար-



միր սուրբ Վարդանայ շնորհաց նշոյլն, և անոր բարակ խիղճն, գուցէ և խղճահարուծիւնն, այլօրինակ կերպով մ'այլ՝ նաև իր սրտառուչ և եղերական բաղդն: Արակապաշտ Պարսիկ մոգերուն և Լուսաւորչի հաւաքքը պահող ու պահպանող հայրապետաց ձայներուն մէջ գտուողին նման՝ ասիկայ այլ ընկաւ ընդ մէջ լուութեան Հայոց գնդին և յորդորանաց ու սպառնալեաց Յոււսաց գունդերուն, որք ինչուան սրակոտոր անխնայ առժամայն մահ կը կանչէին, եթէ չընդունէր զթագն կայսերական: Վարդան յօգնեցաւ, դեգեկեցաւ, տկարացաւ. գուցէ և վայրկեան մը իր մտածութեանց որոշման վերջի առաւօտն չծագած՝ Փիլոմելիոնի սոխակաց ամառնային անուշակ գիշերախօսութեանց հետ՝ ինքնակալութեան և աշխարհի հրամանատարութեան հրապուրական ծածուկ ձայն մ'այլ ազդեց սրտին:

Յուլիս ամսոյն առջի կէսն էր այն ատեն, և ինքն այդ յիշեալ (Փիլոմելիոն) քաղքին մէջն էր, որ իր ընդարձակ թեմին չորս մեծ նահանգաց գրեթէ միջասահման է, Պիսիդիոյ, Իսաւրիոյ, Լիկայոնիոյ և Փոիւգիոյ, և այս ետքինիս սեփական. իսկ հիմայ Համիտ գաւառի կամ Փարաման նահանգին Առլէհի քաղաքն սեպուած է. որոյ քաղցրաձայն սոխակքն անուանի են, և կարծուի թէ անկէց գրուած է քաղքին հին յունական անունն, որ կը նշանակէ այս թռչնոց երաժշտապետը:

Վարդան դեռ տարակուսանաց պատերազմի մէջ էր. թէ և ակամայ կամ կիսակամ յանձն առաւ զօրաց բռնադատութիւնը, և անոնց ընծայած կայսերական պսակը. սակայն կը խրտէր՝ երբ կը մտածէր որ անով Կ.Պօլսի գահին վրայ փայլելու համար՝ պէտք էր հանել պատենէն իր քաջայաղթ՝ այլ և խնայող սուրն. մինչև այն ա-

տեն հայրենեաց, տերանց և իրաւանց գէմ եկող  
 Թշնամեաց վրայ ցուցեր էր անոր փայլը և իջու-  
 ցեր հարուածները. ինչպէս հիմայ՝ որ արդէն  
 հառակին և կշաւացած փառքին՝ հանգիստ կը վայ-  
 լէր, ինչպէս այն ահագին և վրէժխնդիր սուրը՝  
 իրեն փառք և պատիւ բնաւուելու գործիք մ'ընէ։  
 Իրաւ կրնար ինքն ոչ միայն քան զՆիկեփոր՝ այլ  
 և քան զշատս ի նախորդաց և ի յաջորդաց նո-  
 րա՝ արժանաւոր և օգտակար կայսր ըլլալ, գուցէ  
 և պէտք էր քիչ տարի առաջ զինքն ընտրել, բայց  
 ինչպէս կրնար համարձակիլ ինքն սոսանկ բանի  
 համար՝ անպարտ արիւն մը Թափել և քաղաքա-  
 կան պատերազմի պատճառ ըլլալ։ Հոս բանակ-  
 ներէ անվախ սիրտն՝ ինքն իր սուրէն սկսաւ գո-  
 ղալ. և առ ժամ մը իր բոլոր գունդերուն՝ Վար-  
 դան խաչէր Երկա՛ր Իեան՝ կանչելն՝ բաւական չեղաւ  
 խղճին ձայնը մօրելու. ուղեց գոնէ աւելի ժտա-  
 հանալի և վկայեալ խղճի մ'ալ խորհուրդ հար-  
 ցընել։

Այն կողմերը սրբութեամբ և իմաստութեամբ  
 համբաւեալ ճգնաւոր մը կար, որ և հոգեպետսու-  
 Թեան շնորհք ունէր, ըստ պատմըաց, գոնէ ըստ  
 հաւատոց այն ատենուան Յունաց, որ այս հա-  
 զուատուր շնորհքը՝ շատերու կ'ընծայեն. և կ'ը-  
 սեն Թէ երբ Վարդան եկաւ իրեն խորհուրդ հար-  
 ցընելու՝ ճգնաւորն յայտ և համարձակ պատմեց  
 իրեն գլխուն գալիքը. և ոչ միայն իրեն՝ այլ և  
 իրեն հաւատարիմ ընկերացը. ըսաւ Թէ իրեն զե-  
 նակիրն Լևոն՝ (Արծրունին) պիտի ըլլայ կայսր-  
 նոյնպէս միւս զինակիր կամ Թիկնապահն այլ՝  
 Փռիւդացի Թոթով Միքայէլն. իսկ իր մէկայլ զո-  
 րավարն Թովմաս՝ նոյնպէս պիտի փորձէ, բայց  
 պիտի չյաջողի կայսրութեան։ Այս ամենն այլ  
 ատենին կատարուեցաւ ստուգապէս, ինքն եթէ  
 ըսած էր և եթէ չըսած. բայց բանն այս է՝ որ

Վարդանայ վրայ ըրած մարգարէութիւնն՝ յաջող չէր։ Հայկազն անուամբ հռչակուելու կայսրն ոչ ինքն էր, ոչ իրմէ 90 տարի առաջ կայսերացեալ Փիլիկն Վարդան, և ոչ այն Վարդն՝ որ Եռինեայ որդւոյն Թագաւորած տարին (780) ուզեց Թագը կտրել, և չյաջողելով բռնուեցաւ, ծեծուեցաւ, հալածուեցաւ. այլ անոր որդին վերոյիշեալ Լեոնն՝ զինակիրն Վարդանայ։ — Թե՛րեւս այս անակնկալ նախասացութիւնք աւելի խռովեցին շփոթեցին արդէն տաղնապեալ սիրտը. և այն որ երբ միայնակ ըլլալով փառաց կեղաւարձ հանգիստարանին մէջ՝ կույուսար և կույուսացընէր ինքն իրեն յաղթելու, հիմայ իրմէ նըւաստից և իրեն սպասաւորաց չկարծուած կայսերութեան հասնիլը և իր կարծուածին անյաջողութիւնը լսելով, կարծես Թէ սրգողեցաւ, և իրեն մեծ նախատինք սեպեց. ուզեց հոս իր բուն կամբը խորտակել կարողութեան ուժովը։ Հոս իր խղճին ալ քաղաքականութեան ալ ուրացութիւն ըրաւ. և որ առաջ զմարդիկ և զբանակս տկար կու սեպէր զինքը համոզելու, և չէր ուզեր կայսր ըլլալ, հիմայ կարծես Թէ ուզեց Աստուծոյ ալ յաղթել կայսր ըլլալ կարենալով։ — Բայց և ոչ իր խղճը կրցաւ նուաճել երկար ատեն. և այս ինքն իր մէջ ըրած կռիւն և կամ վերջին յաղթութիւնն՝ իրեն վայելուչ և փառաւոր յաղթանակ եղաւ։

## Դ

Յուլիսի 19 էր, յամին 803, երբ անուանեցաւ ինքն Կայսր, որ և Բ Վարդան պիտի ըսուէր, եւ Թէ այն վայրկենական ուրացութեանը վրայ ուզէր յամառիլ։ Ի մեծ խնդութիւն զօրացը՝ բա-

նակը շարժեց, երազ երազ գիմեց շիտակ դէպ 'ի մայրաքաղաքն կայսերական. հասաւ նստաւ տնոր դիմաց Խրիստոպօլեայ ( Իւսկիւտար ) պարբսպաց տակ. ութ օր հոն կեցաւ առանց զարնելու առնելու մօնելու այդ Վոսփորի ասիական փանց առաջին քաղաքը. կու սպասէր և դիտէր որ դռները բանան և զինքը հրաւիրեն. կ'ուզէր փորձել թէ զօրացը պէս բոլոր քաղաքացիք ալ կ'ընդունէին իր կայսրութիւնը, զոր՝ միտքը դրած էր առանց արեան և մնասու ստանալ, թէ որ այնպէս յաջողէր բաղքն, որ անյուսալի էր: Առ զարմանային և զայրանային զօրքն՝ Վարդանայ դանդաղութեանը վրայ, ևս առաւել իր հուատարիմքն, սպայքն և անձնապահքն, մանաւանդ գլխաւորքն Լևոնն և Միքայէլն. որք լաւ իմացան թէ Վարդան առանց զարնելու որս ընել կ'ուզէ, և իր սովորական բարեսրտութեամբը ձեռք ձգել այնպիսի բան մը՝ որ անկարելի էր առանց բռնութեան և արեան. և թէ այդպէս ուշանալն իրենց բաղդին և կենաց մեծ վտանգ է: Ոչ զՎարդան կրցան համոզել և ոչ իրենք համոզուեցան այնպիսի որոգայթի մէջ մնալու. և դուցէ անոր տեղ՝ իրենց ապագայ կայսերութիւնը ապահովելու համար՝ թողուցին զանիկայ, և Վոսփորոն զիրենք բաժնելով՝ ձգեց 'ի կողմն Նիկեփորի. որ իբրեւաւետաւոր հրեշտակներ ընդունեցաւ զանոնք, և վախով կորացեալ գլուխը կանգնեց. երկուքին ալ մեծամեծ պաշտօն և իշխանութիւն տալէն զատ՝ մէկմէկ ալ թագաւորավայել պալատ և երկիրներ տուաւ. և սկսաւ զօրք ժողովել Վարդանայ դէմ ելնելու: — Իսկ ասիկայ՝ որ եթէ ուզէր գործել՝ ինչուան այն ատեն գուցէ գործն ալ վճարած կ'ըլլար, երբ տեսաւ որ փոխանակ մայրաքաղաքէն իրեն պատգամաւոր և հրաւիրակ գալու՝ զէնքի ձայներ կը լսուին, վերուց բանակը

ի Խորիւսոսպօլսոյ և տարաւ Պրուսայի մօտ Ուլիմպոս լեւան ոտքը գադրեցուց <sup>1</sup> :

Զօրքն գուցէ կարծէին թէ Վարդաննոր պատերազմական խաբէութեան հնարք մը կը մտածէ, բայց անհանգիստ կու սպասէին զարնուելու կոյսերական զօրաց հետ, դեռ վստահ ըլլալով յապութեան՝ իրենց քաջ առաջնորդին վրայ։ Իսկ նա իր սրտին մէջ սաստիկ և մեծամեծ պատերազմներ ունէր. ամիս մ'ատեն բաւականէն աւելի եղաւ իր տաքութիւնն իջեցընելու և նորէն առջի խիզճը բանեցընելու։ Պատերազմ, յաղթութիւն, կայսրութիւն, շատ պզտիկ և չնչին կ'երևէին՝ կենաց վերջին ատենին և հանդերձեալ դատաստանաց և Աստուծոյ քննութեանց ու հատուցմանց առջև։ Որոց յիշատակաւ զարհուրած՝ կու մտածէր գոնէ իր խիզճն ու հոգին անվնաս ազատել այն վտանգաւոր վիճակէն՝ ուր կամայ ակամայ քշուեր եկեր՝ էր. ամենէն դժարն էր զինքը քշող և սիրողները հաւանեցընել, այսինքն զօրքերը. որոնք եթէ իմանային միտքը՝ ոչ միայն գուցէ կատաղած զանիկայ կտոր կտոր կ'ընէին, այլ և իրենք Նիկեփորի կատաղութեան զոհ կ'ըլլային. և հա այս ետքինս էր Վարդանայ տաքնապն. երկու դիէն սուր և արիւն կու տեսներ, երկու կողմէ կու ստիպուէր մեծ գործ մեծ որոշմունք մ'ընելու։

Ահա հոս մեր Վարդանայ դիմաց այլ ձգուած էր այն Կեսարու բաղդավճիռ Ռուբիկոն գետոյ կամուրջն. « Դեռ կրնանք յետ դառնալ, բայց » մէկ մ'որ դա կամրջիկն անցնինք, այլ անկէ ետև » ինչուան վերջը զէնքով պէտք է առաջ երթալ»... Կեցաւ, վերջի մտածութիւնն ըրաւ, նետեց իր նարաին քուէն, և կամուրջը... չանցաւ։ Եթէ

<sup>1</sup> Մալագինա ըստւած քաղաքի մը քով։

կտրճութեամբ չէր պակաս քան զԿեսար՝ խոհեմութեամբն շատ աւելի եղաւ հոս. չփաթթեց իր մտաց աչքը և չեղաւ անոր պէս գահավէժ՝ ի վիհս պատահարաց և վտանգաց<sup>1</sup>, այլ իր առաջին մեծոգիութեամբ և իմաստութեամբն ու քրիստոնէական արիութեամբ՝ որ զյանդգնութիւնն այլ կը նուաճէ, և որ կրնար Կեսարու մ'ալ մեծարել առ զՊոմպէոս, քանի մ'օր զինուորնէրը յուսացընելով բարի վախճանի մը, Ծածուկ մարդ խաւրեց առ Նիկեփոր, և խոստացաւ ազատել զնա ամեն վախէ և վտանգէ, միայն թէ ինքն ալ իրեն և իր բանակին ներուամն տայ և անյիշատար ըլլայ:

Այս պատգամաւորութիւնս՝ Նիկեփորի համար իր ամենէն վախնալու անձին ձեռքէն երկրորդ անգամ թագ ընդունիլ և կենաց ու կայսրութեան մէջ հաստատուիլ էր. անբացատրելի եղաւ զարմանքն և ուրախութիւնն: Ապշածն՝ չէր կրնար հասկընալ թէ այնպիսի հակառակորդ մը կրնա՞ր այգքան առաքինութիւն ունենալ: Զէր գիտեր ինչ կերպով իր հաւանութիւնը, խոստումնքն և երդմունքը յայտնէ. և երանի թէ այնչափ սաստիկ յայտնութեան ձեռք չզարնէր, որ յետոյ երգմնազանցութեամբն վրան աւելի նախաախիք և մեղք չբերէր: Մէկէն հրովարտակ գրել տուաւ խոստմանց և ներմանց. և բաւական չսեպելով իր ձեռնագիրն և կնիքը, Տարասիոս պատրիարքին և ամենայն պատրկաց ալ ստորագրել տուաւ. դեռ այնչափն ալ բաւական չսեպեց վատասիրտն, այլ և իր վզէն կախած կենաց փայտին նշխարն այլ հանեց և խաւրեց Վարդանայ, իբրև անտարակուսելի և անդրժեքի գրաւական, վկայ և ընծայ. որուն՝ թերևս միայն սա-

<sup>1</sup> Ինչպէս կ'ըսէ Պաւտարքոս Կեսարու համար:

տանայ կարենար չհաւատալ. բայց պատմութիւն  
յըջուց որ հոս Նիկեփոր այլ սատանայի հետ  
միահաւան է եղեր:

Վարդան իրմէ աւելի իր զօրաց կեանքն ապա-  
հովցընելուն վրայ գահանալով, անոնցմէ զատուե-  
լուն հնարքը մտածեց. և մինչդեռ անոնք վաղուը-  
նէ վաղը կույուսային թշնամեաց վրայ վազելու,  
և վերջապէս իրենց տէրը տանելու հանելու 'ի  
գահ կայսերաց, նա իրենցմէ աւելի արթուն և  
անքուն կուսպասէր կուգիտէր ժամն ու վայր-  
կեանը. իր 50 օրուան անուանեալ կայսերու-  
թիւնն՝ իրեն 50 տարուոյ ծանրութիւն տուած էր:

## Ե

Սեպտեմբերի 8ին Ս. Աստուածածնի ծնըն-  
դեան տօնին գիշերն՝ իր բանակին շնկոցը լուր  
էր, քունը հանգչեցուցեր էր զզօրս և զգէնս. գի-  
շերապահք իրենց վրանին դիմաց հանդարտ և ան-  
կասկած կեցեր էին. ասդին անդին վառած և  
պլպլած ճրագք և կրակն՝ չէին կրնար բաւակա-  
նապէս փարատել մթութիւնը, որուն մէջ հա-  
զիւ կրնար նշմարուիլ վիթխարի և դիւցահատակ  
լեառն Ոլիմպոս՝ բանակէն մեծ վրանի մը պէս  
գիշերուան միջէն գէպ յերկինք քաշուած: -Վար-  
դան՝ մէկ մը աչքն ասոր տալով, մէկ մը գէպ 'ի  
Մարմարայի ծովեզերքը տեսնուած լոյսերուն, և  
յետոյ դարձընելով իր բանակին վրայ՝ որ յուսոյ  
և քնոյ մէջ թաթխուած գադրեր էր, պահ մը  
կեցաւ իր վրանին դռնէն դուրս, ուսկից հեռա-  
ցուցեր էր պահապանները և միայն իրեն հաւա-  
տարիմ մնացող Թովմաս թիկնապահին իմաց  
տուեր էր: Մտածեց իր և իրմով՝ մարդկային  
սրտի և կենաց բաղփն ու պատահարքը. մտածեց  
քանի մը ժամուան մէջ բազմութեան մարդկան

և բոլոր կայսերութեան մը կարելի փոփոխութիւնը. մտածեց իր ապագայ կեանքը և թողլու յիշատակը. մէկ մ'այլ իր այնքան տարի վասնդաց և փառաց տարած զօրաց գունդերուն վրայ նայեցաւ, որոցմէ ասանկ անակնկալ և անպատրաստ կերպով մը պիտի զատուէր, և այլ պիտի չլսէր պատերազմի սրտաթունդ թմբուկն և ոտնատրոփ երիվարաց փունջիւնն. այլ ոչ յաղթութեանց նըլագք և սաղաւարտից դալար պսակք. այլ ոչ աւարներու և գերեաց բաժին... « Մնա՛ք բարով, մնա՛ք բարով. Աստուած ձեզի օգնական և պահպան », ըսաւ, հառաչեց, հեռացաւ... Իբրեւ գիշերախառն մենամարտութեան ելած՝ նախ յուշիկ մնջիկ սկսաւ ոտնփոխել գէպ 'ի հիւսիս, գէպ յեզերս Մարմարայի, միայն զթողմաս թողլով ետևէն զինակիր գալու. յետոյ հազիւ բանակին պատնիշէն անցած օտար ճամբով՝ սկսաւ հըս կայաքայլ յառաջել, փութալ հեռանալ անոնցմէ՝ որ միայն իրմէ հեռանալ չէին ուզեր. և քսանի չափ մղոններ կարճ կարճ կտրելով հասաւ Մուտանիոյ ծոցոյն ծայրը Կէմէյիկ քաղաքաւանը, որ այն ատեն Կիոս կոչուէր, ուսկից և ծովածոցիկն այլ Կիանեան խորշ, կամ Աստակեան ծոց:

Կիոսի քով Կատապոլիոն անուամբ գիւղաւան մը կար, և անոր մէջ Հերակլի անուամբ վանք մը. Վարդան իր բանակը թողլով՝ շիտակ այս վանքս իջաւ, վանահայրը կանչեց. սա անոր դիւցազնեայ կերպարանքէն և սպառազինութենէն սարսափած կու կասկածէր. բայց ալ աւելի ափշեցաւ և տարակուսեցաւ երբ զօրավարն խնդրեց որ ընդունի զինքն իբրև կրօնաւոր, և շուտ մը ձևը փոխէ. չկրցաւ վանահայրն ոչ մէկ կերպով հաւատալ և հաւանիլ: Ուշանալ չէր ըլլար. Վարդան՝ որ դեռ զէնքերը չէր թողած, զինուորական և կրօնական քաջասրտութիւնը մէկ տեղ բանեցընե-



լով քաշեց ուրիշներու գլխուն վախ տուող սուրը, և թերևս անոնց վրայ իջեցրնելէն աւելի մեծ կտրճութեամբ՝ իր գլխուն վրայ հանեց, ինքն իրեն կտրեց իր գիսակաները, և իբր երախայրիք նոր և սրբազան կենաց՝ ընծայեց Աստուծոյ. ապա զէնքերը զրահներն ալ թափելով և իշխանական զգեստը թողլով՝ հագաւ թանձր պարեգօտ մը. և ամենայն քաղաքական և զինուորական զարդերէն և նշաններէն թեթևնալով՝ թռաւ Կէմէլիկի նաւահանգիստը, ուր արդէն հասած էր զինքն ընդունելու նաւն՝ ի Նիկեփորէ ղրկուած. ցատքեց մէջը, հրաման տուաւ որ շուտ շուտ թիավարեն, պատեն Պեսիդիոնի հրուանգանը (Պօզպուռուն), և թողլով Նիկոմիդիոյ ծովածոցը՝ ուղղէն դէպ Իշխանաց կղզիները. մինչև ի հեռագոյնն, մինչև ի Բրոդա (Գընալը), իրեն հին և ծանօթ առանձնութեան զբօսարանն՝ Բրոդա, իր շինած վանատեղը և տնկած պարտէզը. ուր և ելաւ շատ աւելի ուրախ՝ քան եթէ Ոսկեղջիւրը (Սէրայպուռնու) կոխած ըլլար. «Այս է հանգիստ իմ», ըսելով:

Իր դաստակերաին բնակիչ վանականք և տեղապահք չէին կրնար հաւատալ տեսածնուն և լսածնուն, թէ իրենց խնամակալն, այն մեծ թեմակալն և սպարապետն Արևելից՝ այդ իրենցմէ խեղճ և գծուծ քուրջերով ծածկուած կրօնաւորն է. բայց նա լաւ իմացուց որ եթէ ձեն և արուեստը փոխեր էր, և հիմայ անունն ալ կու փոխէ, փոխանակ Վարդանայ՝ Սաբա անուանելով զինքը, հոգին նոյն է. առաջ կարծր զինուց և զրահից տակ կակուղ քրիստոնեայ սիրտ մ'ունէր, հիմայ մաշկի և մազեղինի տակ կտրիճ նահատակի և ճգնաւորի սիրտ մը. առաջ զօրավարաց օրինակ էր քաջութեամբ և խելքով, հիմայ նոյն իսկ հին վանականաց և միանձանց, խստակրօն, զուարթ

և աշխատասէր վարքով. և յիրաւի, օրուան կէտը յաղօթս և 'ի հոգևոր մտածութիւնս կ'անցընէր, կէսն այլ գետին բանելու և իր պարտեղը գործմանելու: Փորձով ալ իմացաւ շուտով որ այսպիսի կեանք իրեն համար կայսերութենէն քաղցր և ցանկալի է, և եթէ ազաչանքով այլ նորէն իրեն տային տառն թագ՝ չէր ուզեր իր Բրոգայի առանձնական և մենական կենաց հետ փոխել սուրէն և մահանէն շաա աւելի թեթեւ և դիւրաշարժ էին իր բա՛նն ու բրիչը. միով բանիւ խիստ շատ աւելի երջանիկ էր՝ քան իր հակառակորդն Նիկեփոր:

## 9

Ասոր ագահութիւնն նորէն արթնցաւ՝ երբ ապահովութիւնը ստացաւ. Աստուծոյ և մարդկանց վախումն գիմաց՝ կեղծաւորութիւնը և սուտը միջնորդ ձգելով՝ իր ամեն խոստովներն և ահաւոր երգմունքն ոտքի տակ առաւ: Նախ Վարդանայ կուսակից եղող կամ կարծուողները բռնել բանտել տուաւ և ամեն սաացուածքնին կողոպտեց. յետոյ Վարդանայ հարսառութիւններն ալ յափշտակեց. միայն անոր զինուորները չնեղեց, վասն զի վրանին կողոպտելու բան մը չկար: Իայց ամենէն անիրաւ և պժգալի կողոպուտն, միանգամայն և ամենէն ցանկալին և թանկագինն՝ եղաւ իր շատ բարի և գթասիրտ հակառակորդին լուսաւոր և զուարթահայեաց աչքերն: Վարդան իր կամաւոր արգելանքէն քիչ օր վերջը՝ դիշեր մը, երբ գուցէ գեռ իր երկար աղօթքներն ալ չէր լմնցուցած, յանկարծ ոտնաձայն և շփոթ մը լսեց՝ իր ծովապատ մենանոցին մէջ. քանի մը այլանդակ լեռնցի Լիկայոնացիք, զոր և ոչ մարդ այլ մարդագայլս (Լիֆանթրոֆոս կոչէ պատմիչն),

որք Նիկեփորի հաւատարիմ և արժանաւոր դահիճքն էին, յանկարծ պղծելով և խռովելով տեղւոյն և ժամուն և անձին խաղաղութիւնը, բռնեցին իրենց աիրող նախանձորդ կարծուածը, և դադանօրէն խլեցին խաւարեցուցին այն աչքերը՝ որ միայն յերկինք վերցրնելու, պարտիզկանը վերայ իջեցրնելու և երբեմն ծովուն վրայ պտրտցրնելու պահեր էր՝ ամբողջ կայսերութենէ մը հրաժարողն. և մէկէն թողուցին փախան կղզիէն. — ինչուան քաղքէն և մարդկանցմէ ալ փախչել ուղելով կամ ձեռացրնելով՝ ապաւինեցան 'ի մայր եկեղեցին՝ Ս. Սոփիա:

Հազիւ այս լալի լուրն հռչակուեցաւ, վանք, եկեղեցիք, պալատք, բոլոր քաղաքն շարժեցան գթով և բարկութեամբ. անէծք և նզովք թափել սկսան կայսեր և գործակցացը վրայ. երանելի պատրիարքն Տարասիոս, պատուական պատրիկքը՝ սրտակոտոր վաղեցին արքունիքը, յիշեցուցին կայսեր իրեն երդմունքը և ստորագրութիւնը. Նիկեփոր երդում պատաւ եղաւ ծերակուտին դիմաց թէ ինքն ամենևին այդպիսի բան չէր մտածած և կարծած. և թէ ուրիշ թշնամութե գործ է. պատուիրեց իրենց՝ որ երթան բռնեն այն չարագործներն՝ որ 'ի Ս. Սոփիա ապաւինել էին, թէպէտ և կանխեր անոնցմէ առաջ ուրիշ մարդ զրկեր ու փախուցեր էր զանոնք յեկեղեցիէն. և անոնց տեղ քանի մ'ուրիշ մարդ բռնել քննել տուաւ, որ անմեղ ըլլալով՝ 'ի հարկէ անվնաս ալ արձակուեցան: Իսկ ինքն իր չաւատալի կեղծաւորութիւնը մինչև 'ի ծաղրածութիւն տանելով՝ եօթն օր փակուեցաւ իր պալտալին մէջ, մարդու չէր երևեր, միայն ուլբոց և վայերու ձայներ կուլեցընէր, զորոնք ձեռացրնելու շատ աղէկ կրթութիւն ըրած և վարպետ էր. միայն թէ չկրցաւ մէկն ալ խաբել. այլ աւելի սաստկացաւ

իրեն գէմ եղած հասարակաց ատելութիւնն և անէծքն:

Որչափ պօգալի եղան Նիկեփորի գործն և ձայնէրն, այնքան զարմանալի և սրտառուչ եղաւ Վարդանայ լուսութիւնն. տմենեկն գանգատ մը, արտունջ մը, հեծուի մը չհանեց, և գրեթէ միայն ինքն եղաւ որ շանիծեց զՆիկեփոր. նա և ոչ խկ մեղագրեց զնա, հապա ինքզինքն յանցաւոր ճանչնալով՝ մինչև ի մահ ապաշխարողի վարք անցուց. և միշտ իր պակսութիւնը պատմելով, կ'ուզէր գերագոյն առաքինութեամբ մը՝ ծածկել կայսեր անիրաւութիւնը և անդթութիւնը. առաքինութիւն այնքան հիանալի՝ որքան այնպիսի ապակահեալ ժամանակի և արքունեաց մօտ փայլեցաւ: Ճգնաւորութեան հոգին աւելի խոր և պինդ հագեր էր ներսէն, քան գրստանց մաշկեղէն մը ամառ, մազեղէն մը ձմեռ, որ էին իր բոլոր հագուստը. իսկ գլուխն և ոտքն միշտ բաց և բուպիկ: Ասոր նման կերակրիկն ալ, եթէ կրնար ըսուիլ կերակուր. ոչ միայն բերանը չգրաւ մսեղէն և կթեղէն, այլ և ոչ ձէթ և գինի, այլ միայն գորիէ հաց. այն այլ ինքն իր ձեռօք կու պատրաստէր և կ'եփէր մոխրի տակ. լուսազուրկ աչքերն չթողլով իրեն երկար ձեռագործ աշխատանք՝ մըսաւոր աշխատութիւն աւելցուց, աղօթք և խոկմունք. որոցմով զմայլած՝ ոչ թագին, ոչ աշխարհիս և ոչ իսկ ամեն սրտի մխիթարիչ արեւուն կորուստը կ'իմանար:

Միայն մէկ հոգ, մէկ ցաւ, մէկ փափագ մ'ուներ գեռ սրտին գրգիւ. — ընտանիքն. վասն զի ուներ և դեռ ողջ էին կինն և զաւակներն: Անոնց ցանկալի երեսաց տեսութենէն զրկուելն չէր իր մեծ ցաւն. վասն զի գոնէ ձայներնին կրնար լսել և խօսիլ. այլ ինքն իր հոգւոյն խորին ձայնը կ'ուզէր լսեցնել անոնց հոգւոյն, և կրցաւ: Ուրիշ

ներէ աւելի ինքզինքն օրինակ ցուցընելով աշխարհիս ընդունայնութեան, և հանդերձելոց անփոփոխ վիճակին, այս կենաց ցաւերուն կարճութեանը, և այն կենաց անվախճան երանութեանը, զամենքն ալ հաւանեցուց իրեն նմանելու. նախ տիկինն Դահիլ (կամ Տոմինիզա) յանձն առաւ քաշուելու ի վանս հաւատաւորաց, և ինքնին Վարդան փոխեց ամուսնոյն անունը, դրաւ Առանափա. իր մեկ գտարիկն ալ հետը մտուց ի հարսնարանն Քրիստոսի. յետոյ իր կտրիճ որդիքներն այլ հաւանեցուց, որք յօժարութեամբ սուրերնին այլ, ամեն ունեցածնին այլ ծախեցին բաժնեցին աղքատաց, և առանձնացան վանքերու մէջ՝ միայն հոգինին հոգալու:

## Ե

Այսպէս երկրիս վրայ ապահովելով անոնց երկնաւոր վիճակը՝ որոնց որ պարտական էր հագալու իրրեւ հայր և տանուտէր, անկէ ետեւ այլ աւելի ազատութեամբ և հանգարտութեամբ իր հոգին կ'ուժովցընէր և կու հասցընէր յաւիտեանական նպատակին: Շատերն տեսան և կու զարմանային Սաբայի սրբութեանը վրայ. և ո՞վ կրնար կարծել թէ անիկայ էր Արեւելքի քաջ ըսպարապետն՝ Թուրք Վարդան: Համբերատար հանգստութիւնն և չարքաշ վարքն յաղթեցին իր ճգնութեանց խստութեանը, և երկարեցին կեանքը. մինչև լսեց ութ տարիէն ետեւ իր անիրաւ նախանձոտին՝ Նիկեփորի՝ խեղճ և չարաչար մահը, զոր դրեթէ ինքն պատճառեց իրեն և իր բոլոր բանակին, անխոհեմութեամբ յառաջ երթալով Բուլղարաց երկիրը, և ստէպ ստէպ ըսելով, թէ « Զեմ գիտեր՝ Աստուած թէ սատանան է զիս առաջ քշողը, բայց չեմ կրնար ետ կենալ »: Մին

չև հասաւ ձորագալտի մը, որոյ երկու կողմը գոյեցին Բուլղարք՝ անասուններ ջարգելով և ծառէ պարիսպ քաշելով. ապա կրակ տալով անոնց, իրենք ալ զինուած յարձակելով՝ կայսրն ալ, մեծամեծներն ալ, բոլոր զօրքն ալ մէկ աւուր մէջ (25 յուլիսի 811) սրամահ և ծխամահ ջնջեցին։ Նիկեփորի գանկն Բուլղարաց Թագաւորին գինւոյ բաժակ եղաւ. բոլոր Բիւզանդիոն և կայսերութիւնն սգալով իրենց զօրաց և զաւակաց կորստեան վրայ՝ միայն Նիկեփորի կորուստն իրենց այրած սրտին մխիթարանք կու գտնէին. այնքան ատելի եղած էր անկուշտ ագահութեամբ և անհոգութեամբը։ Երկու տարի ետեւ (յորում տիրեցին Սաաւրակ՝ որդի Նիկեփորի և Միքայէլ Կիւրոպալատ), լսեց Վարդան իր առաջին զինակիրն և նախախեղաւ Լեոնի Արծրունւոյ կայսր ըլլալը (813-820), ինչպէս լսեր էր հինգ տարի առաջ (808) ուրիշ հայազգւոյ և Լեոնի աներոջ՝ Արտաբի փորձ փարձելն ընդգէմ Նիկեփորի, և իրեն պէս չյաջողելով՝ բռնուիլ ու արսորուիլն ոչ հեռաւոր վանքի մը մէջ ('ի Բիւթինիա)։

Այս գէպքերս իրեն սրտին մէկմէկ հարուածք եղան, իր ըրածը յիշելով և իբրեւ ընկերացը չար օրինակ մը տուած համարելով զինքը. անոր համար նախախնամութեան կամաց և կարգաց թողւով եզածը՝ ինքն իր ճգնութիւնները և հոգեւոր եռանդն աւելցուց առանձնութեան իր ծովակոծ՝ բայց անվտանգ կղզեկին մէջ. որուն շրջապատ ալեաց ծփանքն և անուշ հովերն բաւական էին իրեն՝ մերձաւոր մեծ մայրաքաղաքին և բոլոր աշխարհիս խառնաձայն կոծմունք և ծփմունքը ցածցնելու. մինչև որ ճմարիտ և յաւիտեանական Թագաւորութեան հրաւերքն յափշտակեց զինքը յերկինք. ուր ընդ յիշատակելի սուրբաշանչքան զնա Յոյնք. մինչեւ իր յաւուկ աղ-

գայնոց՝ Հայոց պատմութեան մէջ՝ և ոչ ճանաչուած է այս իրենց ամենէն երևելի զօրավարներէն, միանգամայն և սաբայացեալ ճգնաւորներէն մէկն, որ յիսուսն օր այլ կրնար կոչուիլ Բ ՎԱՐԴԱՆ ԿԱՅՍՐ<sup>1</sup>:

1 Յետ Վարդանայ՝ իր առանձնութեան կղզին և գառաակերան Բրդա՝ ուրիշ գահէ ընկած կամ մերժուած կայսերաց ալ արգելան և բնակարան եղաւ. որոց մէջ առանձնի է իրեն և մեր ազգակիցն Ռոմանոս Ա Լափսն. որ յետ 25 տարի զանազան դարձովք կայսերութեան՝ հոս քշուած և քաշուած՝ շատ գահութեամբ և զգաստութիւն, դուցէ և իր հին նախորդ Վարդանը յիշելով առանձն առաքինութեանը նմանիլ ջանալով՝ վախճանեցաւ (944): — Բ Ռոմանոս (Դիոսեն) կայսրն ալ՝ Ալփարուանէն զբժբազարար յաղթուելէն աւելի դժբազարար՝ իր ազգակցաց ապերախութենէն մերժուած և կուրացած՝ հոս աքսորանքի մէջ քիչ օրէն կնքեց իր գառնացեալ կեանքը (1077):





# ԻԷ

## ՆԵՏՈՂՔ Ի ՀԱՅՍ

### Ա

Հին աշխարհին հիւսիսային կողմերն՝ որ մինչև հիմայ ցրտութեամբ և երկար մթուածեամբ ահարկու են, քանի որ աշխարհագրական գիտութիւնք չէին ընդարձակած՝ Անթանօի աշխարհ կոչուէին: Բայց այս անծանօթ աշխարհս՝ մեր նախահարց վառվռուն մտաց ոչ այնքան ահաւոր՝ որքան խորհրդաւոր կ'երևէր. և եթէ բարկ բռնասայ շունչն իրենց այլ երբեմն դաշելով՝ զգացուցեր էր փչած երկրին բնութիւնը, անոնք դեռ անկէց այլ անդին կ'երևակայէին զարմանալի կամ անորոշելի երկիր և ազգ մը՝ Գլէրհիստիսական, (ինչպէս կոչելի է թերևս Դելֆիստիսական գրուածն 'ի գիրո նախնեաց մերոց, որ է թարգմանեալ յունականն Իփելըլիի՝ Ἰπερβόρειοι): Այս անծանօթ երկրին բնակիչքն՝ սրբազան կուսեպուէին, միշտ աստուածոց և պաշտամանց նուիրեալք՝ զոհերով, երգերով, պարերով, ծաղկըներով պսակուած. և կ'ըսուէր, թէ հազարաւոր տարի ապրելէն վերջը՝ պսակ 'ի գլուխնին և քնար ձեռուրնին բարձր հրուանդանէ մը վար կու գլորէին կուծածկուէին յանդունդս ծովուն:

Այսպիսի զարմանալի եղած (կամ չեղած) ազգի միջէն այլ զարմանալի անձ մը ծանօթ և հրաշակուած է 'ի Յունաց' իբրև մեծ իմաստասէր կամ բժիշկ, Աբարի՝ անուամբ. որոյ համար աւանդեցին ոմանք թէ քուրմ էր Ապոլոնի, և Նեփ մը վրայ կռթռնած կամ հեծած՝ անդադար մանկու գար երկրիս բոլորաիբր։ Այս առասպելս՝ ըստ ոմանց արդի բանասիրաց թուի նշանակել Աբար աղցը (Αβάρεις), որ յարմար հայաձայն անուանն՝ տւարող և աւերող էր. և այն հիւսիսային ազգաց մէկն՝ որք առանց հասաւտ բնակութեան՝ վրանօք տեղէ տեղ կու փոխադրէին, և զիրար կամ զօտարս քչէին իրենց հաօարակ և սովորական զէնքովն՝ որ էր Նեփ. ըստ այսմ ամենքն այլ իրաւամբք կոչին Նեփոյ։ — Մեր ազգին փառաց և պերճութեան ատեն երբ 400 իշխանք և տոհմապետք թագաւորին հետ կու բազմէին 'ի հանգիսի, անոնց մէկուն տոհմն կամ պայազատութիւնն այլ Նեփոյ կոչուէր. բայց հաւանօրէն թուի գլխապետ նետաձիգ զօրաց, (ինչպէս ձիաւորացն այլ Արպի՝ որ և Բագրատունի), քան թէ Նետող ազգի մը գաղթական. որն այլ ըլլայ՝ մեր ազգին Նետողաց զէնքն պաշտպանական էր և ոչ թշնամական՝ իբրև այս հիւսիսային թափառիկ ազգաց։

Ըստ նկարագրութեան հին աշխարհագրաց և պատմիչաց, վերոյիշեալ գերհիւսասականքն՝ բնեւային շրջանակին մօտ բնակիչք կ'երևին. որոց հարաւային եղերքն՝ մինչև 'ի ծանուցեալ Կովկասային և Արեաց, Հնդկաց ու Զինաց աշխարհները եղած լայնածաւալ միջոյն՝ անուանէին Սարհափիս (յարեմաակողմն) և Սիւսիս (յարեւելակողմն)։ Այս ետքինս էր բնիկ Նետողաց ընդարձակ ասպարէզ թափառանաց. ուսկից 2000 տարի՝ հին և միջին պատմութեան ժամանակ՝ ելան

զանազան ազգեր՝ յարեմուտք և ի հարաւ աս-  
պատակելով: Շատ աղէկ սահմանագրէ այս աշ-  
խարհս՝ մեր հին աշխարհագիրն Մ. Խորենացի.  
« Սկիւթիա աշխարհք՝ որ են Ադախար, այսինքն  
» Թաթարս, ըստ հիւսիսոյ՝ Անծանօթ երկրաւ  
» (սահմանի), և ըստ մտից՝ Սարմատացւոց աշ-  
» խարհաւ (մինչև) առ Աթլ գետով. ի հարաւոյ՝  
» Վրկան ծովով և Արեօք և Հնդկօք, առ հարա-  
»ւային բազկաւն Եմաւոն լերինն... իսկ ըստ ե-  
» լից կուսէ՝ սահմանի ի Ճենաց: Եւ աղգք են  
» նորա 44 » (կամ 43): Հիմակուան հմտագոյն  
բանադատք այլ յայս կարծիս են, թէ հին Սկիւ-  
թիա է Թուրքաստան աշխարհն, որ և Աղատ Թա-  
թաղք կոչի հիմայ. իսկ Ադախար՝ հիւսիսային կամ  
արեւմտեան թարգմանի: Ես չեմ ուզեր քեզի  
հետ, Հայկակ, այս երկայն և ճղճղած խնդրոց  
մէջ մտնել. այլ միայն գլխաւոր և մեզի ծանօթա-  
գոյն ազգերը յիշել:

## Բ

Մեր աշխարհագիրն 43 կամ 44 ըսած ազգաց  
մէջ յանուանէ միայն (ըստ զանազան ձեռագրաց)  
երրորդ մասին չափ յիշէ, որոց մէջ նշանաւորք  
են Թաթար, Մաղփուի կամ Մասագետարի, Հնդ, Սոգի  
կամ Սագոսթան (Սոկաք կամ Սոկաթիանա  
հեղինակաց), Հեթլադ, և այլն. մէկաւորնց հա-  
մար մէկ օրինակագիրն, որ անշուշտ յետոյ է քան  
զԽորենացին, կ'աւելցունէ. « Եւ զայլ ազգս ասէ  
» խուժական անուամբ, զոր չէ հարկ ասել. զի  
» այժմ այլ ազգ ոչ գիտեմք, բայց միայն զԲուլան  
» ազգ՝ որ ճարակի զերկիրն զայն »: Այս յետին  
ազգս, (զոր մեր աշխարհագիրն յիշէ նաև ի մէջ  
ասիական Սարմատաց՝ որ սահմանակից էին Սկիւ-  
թիոյ յարեմուտից), զոր և մեր ուրիշ պատմիչք

այլ յիշեն, թուի իրենցմէ յետոց յիշեալ Պալ-  
իւրի ազգն թուրքաստանի, որ արդարեւ ըսա վը-  
կայութեան արաբացի պատմըչաց՝ իրենց տոհմա-  
կցաց մէջ ամենէն զօրաւորք և ահարկութիւն մին-  
չև ի դարն ՅԲ. և համարին մերձաւորք Ռանկար  
թուրքաց՝ նախահարց Ունդարացւոց, այսինքն  
Մաճառաց. արեւմտեայք Պասգադիւր անուաներ են  
զասոնք:

Թողլով այս ամեն ազգաց վրայ հետաքննական  
գիտելիքն, մեկ երկու բան ըսեմ. և նախ այս՝ որ  
ինչպէս հին ասեն Սկիւթիա ըսելով՝ ամեն հիւ-  
սիսային ազգերն իրարու հետ շփութին, այսպէս  
այլ քրիստոնեայ և արաբացի հեղինակք, մանա-  
ւանդ արեւմտեայք, թուրք անուամբ շփութեն զա-  
նազան ժողովուրդներ նախայիշեալ աշխարհաց:  
Բայց ըստ ստուգագոյն և նոր աշխարհագրաց՝  
թուրքաստան կ'իմացուի Վասպից ծովէն ինչուան  
Թանկուտ կամ Զինաց արեւմտեան սահմանը, իը-  
րև 36 երկայնութեան աստիճանի միջոց արեւմուտ-  
քէն արեւելք, և Հ. լայնութեան 36-55 աստիճա-  
նաց մէջ: Բայց այս ընդարձակ երկրին մէջ այլ  
բնիկ թուրքաստան համարուի անմիջապէս Վաս-  
պից և Ալալ ծովուց միջոցն, և այս ետքինիս մէջ  
Թափուղ երկու մեծամեծ գետոց լայնասփիւռ  
հովիտքն, որք հիմայ յարեւելեաց կոչին Ճիկան  
կամ Զահան և Սիկան: Առաջինն՝ որ և հարաւա-  
յինն՝ կոչի և Ահա-փէրէա, և ըստ նախնեաց Ոգոս,  
ըստ հին Պարսից և մերոցս՝ Վէհ-ոպ. երկրորդն՝  
հիւսիսայինն՝ Սիւ-փէրէա (Դեղին-ծով), և ըստ  
նախնեաց Եփաւրփ և յոմանց ևս Երափ, որ բնա-  
կանապէս աւելի անծանօթ էր նոցա քան զՈք-  
սոս. մինչդեռ անոնք անմիջապէս ասկէ անդին ե-  
ղող երկիրն այլ կ'անուանէին Անդր-Ոքսեան  
Transoxiana, յորմէ և Արաբացիք Թարգմանօ-  
րէն անուանեցին Մաուերա-ռաննէր, Յայնկոյս-գե-

տոյն, և եղծմամբ Մալբար-է-Նաւար. որ և յետոյ (յ' ԺԳ գարու) Ճինկիլ խանի որդւոց մէկուն իշխանութեան բաժին ըլլալով՝ անոր անուամբ Զեղադայ կոչուեցաւ: Այս ընդարձակ երկիրս՝ յան- յիշատակ ժամանակաց՝ Ճեմարան և չուարան է վրանսրնակ քան շինաքնակ, խաշնարած և ձիա- րած ազգաց, բարբարոսաց և աղեղնաւորաց. ո- րոց նախահայրն անծանօթ է, թէպէտ և ըստ հին և նոր հաւանագոյն աւանդութեան՝ ՚ի Թորգո- մայ սերեալ են: Ոմանք այլ ՚ի Մագովցայ ասեն զսսոնք. աւելի անհաւանական (ոմանց ՚ի մերոց պատմըչաց ըսածն) թէ ՚ի Քամայ ըլլան (Թուրքք):

Իրենց տեղ տեղ խոպան և աղուտ, տեղ տեղ դալար և սիզաւէտ անհուն դաշտերուն և անա- պառներուն մէջ՝ հազարաւոր տարիներ կու թա- փառէին և կու թափառին այս ժողովուրդքս. հնագոյն աստեններ դէպ ՚ի հարաւ ասպատակե- լով, Պարսից սահմաններուն վրայ. իսկ ասոնք՝ (որ իրենք զիրենք Իրան կոչէին) զբարբարականս այլ Թուրան կոչէին. և անհաշտ կռիւ ունէին ա- նոնց հետ՝ իբրև ընդ որդիս չարին (Ահէրմէնի): Պարսից շատ դիւցազանց քաջութեան ասպա- րէզն այս Թուրանս եղած է:

Ասոնք են արեւմտեայ հին հեղինակաց Սկիւթա- ցիքն. բայց իրենց ծանօթագոյն են՝ ասոնց երկրին հիւսիսակողման ազգերն. որք մէկմէկու ետեւ զիրար քշելով 1000 տարիէ աւելի միջոց՝ հիւսի- սային կողմէն դէպ յարեւմուտք և ՚ի հարաւ կ'առ- պատակէին. յետոյ սկսան հարաւէն արշաւել: Ի մարդարէից յիշեալ Գովցայ և Մագովցայ և Թու- րեկայ ազգերն այլ ասոնք են. յորոց (ըստ Մի- խայէլի պատմըչի) Նաբուքոդոնոսոր և Կիւրոս օգ- րական զօրք վարձեցին, զորս և համարձակ Թուրք կ'անուանէ պատմիչն. բայց այս անունս անծա- նօթ է հին օրինակագրաց. և թերևս յայտնի յի-

շուած չէ յառաջ քան զ'Ձ դար, (եթէ 'ի յետ-  
նոց աւելցուած չէ այդ անունն՝ մեր Խորենացւոյն  
աշխարհագրութեան մէջ) :

## Գ

Իսկ առ հինս և 'ի պատմութեան ծանօթ եղած  
Սկիւթացւոց մէջ՝ Թերեա հնագոյնք են Ալանս.  
որ և մեր ազգային պատմութեան մէջ շատ ծա-  
նուցեալ և խնամփք Թագաւորաց մերոց Արշակու-  
նեաց. որոց ընծայեցին և շնորհազեղ գշխոյներ՝  
զԱշխէն և Սաթեն (Սաթինիկ) : — Ասոնց առհ-  
մակից սեպուին Մազգուր, Գրիստոսէ վեց դար  
յառաջ յիշեալք. և Թաապարս<sup>1</sup> վեց դար յե-  
տոյ այլ յիշեալք, և ճանաչին հիմայ Եւրոպոյ  
հիւսիսային և միջին երևելի ազգաց նախահարք  
կամ հօրեղբարք, այսինքն Գոթաց և Տևտոնաց.  
որոց առաջին բնակութիւնն էր Ուրալ գետոյն  
վերնափողմը, և յետոյ Խըշղը ազգի անապատ-  
ները : Ասկից՝ Գրիստոսի Թուականէն քիչ ետքը  
յարձակեցան 'ի Աովկաս, և անցան այն լեռները,  
Թափեցան մինչև 'ի Հայաստան, և գաշնագրու-  
թեամբ ու խնամութիւն յետ քաշուեցան. բայց  
գէպ յարեմուտք տարածուելով՝ հասան մինչև  
Ազախու ծովն. և 400 տարւոյ չափ հիմկու Ռու-  
սաց Յայսկոյս-Աովկասեան ըսուած երկիրները  
գրաւելէն զատ՝ անդադար կ'ասպատակէին 'ի  
Վիրս, 'ի Հայս, և 'ի սահմանս կայսերաց. երբեմն  
ինքն իրենց շահուն համար, երբեմն այլ ուրիշ ազ-  
գաց օգնական, ինչպէս երբեմն և Հայոց՝ ընդգէմ  
Պարսից : Գունդ մը կամ տոհմ մը Մազգըթաց  
Աովկասէն ասգին մնացին Դարբանտայ հարաւա-  
կողմը, և մեր Արշակունեաց հետ այլ խնամեցան,

<sup>1</sup> Արաբացի հեղինակք կ'անուանեն Թապասիրան :

և նաև 'ի Քրիստոս հաւատացին Տրդատայ ատեն. բայց յետ մահու նորա՝ մեր Լուսաւորչին Թողը Քրիզորիսն այլ նահատակեցին, իրենց Սանեսան Թագաւորին հրամանաւ. Արեւմտեայ Մազցութիւն գարու մէջ անցան ինչուան 'ի Սպանիա և յԱ. փրիկէ. վասն զի իրենցմէ զօրաւորք զիրենք քը- չէին, որ էին Հոփ. և Եւրոպիոյ մէջ Ե գարուն վերջերը, Ասիոյ մէջ՝ Ձին ետքերը՝ գրեթէ անյի- շատակ եղան Ալանք:

Յաջորդ (Է) գարուն մէջ Ծածկուի Հոնաց ա- նուանն այլ, որ Ե և Զ գարուց մէջ ամենէն տի- րողն էր, մանաւանդ իրենց վայրենի դիւցաղին Ատտիղասայ ատեն, 'ի կէս Ե գարու: Թէպէտ Հոնաց անուան գրեթէ հազար տարի առաջ այլ յիշուի և կարդացուի (ըստ ոմանց) Պերսեպո- լեայ Բեհուաքանդակ արձանաց վրայ, այլ տեղեր- նին շատ որոշ չէ, կամ շատ կարծելի չէ՝ որ ըլ- լայ ինչուան Սեաւ Ծովուն մօտերը. Թէ և յետ Ժամանակաց հասան այն կողմերը. մինչև մեր յե- տին պատմիչք կամ յուշագիրք ԺԳ-ԺԵ գարուց՝ Երկր Հոնոյ անուանեն զԼրիմն այլ: Հոնաց ցեղից մէջ մէկ գլխաւորն է Ոգուր կամ Ունգուր կոչուա- ծըն, Հոն-անգուր ըստ մեր հին պատմըաց. որոց անուանի և մեծազօր հսկայի կամ ըմբշի մը հետ մենամարտեցաւ և յաղթեց Բաբիկ՝ հայրն Վա- սակայ ուրացողին. ինչպէս յառաջ քան զնա հըս- կայն մեր Տրդատ՝ ընդ Գգուիհոնի Թագաւորի նո- ցա (Թերևս Գուգուր-Հոն) յերկրին Տարօնոյ, ուր հասեր էին արշաւանօք և մատնութեամբ: Շատ անգամ Ճորայ (Տէրպէնտ) պահակէն անց- նելնուն համար յարձակելու յարեմուտս՝ այն անցքն ըսուեցաւ Հոնոյ Դոռոն. զոր և ատեն մը մեր զօրաւոր Արշակունի Թագաւորք զգուշու- Թեամբ ամրացուցած պահէին անոնց դէմ. յե- տոյ Աղուանից ձեռքն անցաւ, որոց անուամբ այլ կոչի:

Աստիճասայ թագաւորութեան տտեն մեր Ս. Մեսրոպ Աղուանից քարոզելով ինչուան Կովկասեան լերանց անդին այլ լսեցուց Քրիստոսի աւետարանը, նաև իր աշակերտաց գործակցութեամբ. որոց ձեռք չաւատաց 'ի Քրիստոս Հոնաց զօրավարն՝ որ յԱղուանս յարձակեր էր, և յետոյ իր ընտանեօքն և հետևողք նահատակեցաւ հոն: Երկու դար և աւելի վերջը երբ Հոնք տկարացեր և Խաղրաց նախնիքանութեան տակ ընկեր էին, գեռ իրենց հին մայրաքաղաքին մէջ՝ որ կոչէր Վառաշն և է հիմայ Թարսն՝ 'ի հիւսիսոյ Դարբանտայ, կուստէր թագաւորնին կամ զօրավարնին՝ Ալի անուամբ, որ և պատուով Լիւնսէր<sup>1</sup> կոչէր, յորմէ և Լիւնսէրն-Լեան պատիւ (ինձ անծանօթ): Սա՛ իր երկրէն (զոր Ախոթաշնէան աշխարհ Գովգայ՝ կոչէ ժամանակակից պատմիչ մեր)<sup>2</sup>, ասպատակի ելաւ յԱղուանս. յետոյ հաշտելով թողուց որ եպիսկոպոս մը (Խորայէլ Մեծկունեաց) գայ իր երկիրը և քարոզէ զՔրիստոս (յամի 684). արդէն քսան տարի առաջ Հոնաց թագաւորն խնամացեր էր Աղուանից իշխանապետին հետ:

Ասկէ ետև գրեթէ չեն յիշուիր Հոնք. այլ փոխանակնոցա խօսքիս սկիզբը յիշեալ Ասարհն, զոր Թուրքք քչեցին (յամին 551) իրենց երկրէն՝ յՈւկորիոյ՝ որ է հիմկու Սիպերիոյ Վոլոսայ երկիրն, ուսկից ելեր էին և Հոնք: Բիւզանդացի պատմիչք ստէպ յիշեն զԱւարս և կ'ըսեն թէ Թուրքք Վարխոն անուանէին զանոնք, արդ մեր

1 Այս պատուանունն նախ կու յիշէ Մովսէս Կաղանկատուեցի պատմիչն մեր յէ դարու, և յետոյ Ղևոնդ պատմիչ յ'Ը դարու. «ի գնդէն (Խաղրաց) Խաթիր-Լիթ» բերայ »:

2 Մ. Կաղանկատուեցի:



աշխարհագիրն այլ վերոյիշեալ Սկիւթացի ազգաց մէջ համբէ զԱլիսն և Վալիսն: Դարձեալ վկայեն անոնք թէ Աւարք ազգակից և բուն Հոնք են, այլ իրենց Աւար անուն թագաւորէն այսպէս կոչեցան: Կայսերաց երկիրը մտնելով կամաց կամաց յառաջ եկան մինչև 'ի գաւառս Դանուբայ, և իրենցմէ առաջ հոն հասնող Հոնքերը նուաճեցին. բայց իրենց վրայ այլ հասան Բուլար ( 'ի Խազրաց վարեալք ) և տիրացան այն կողմերուն՝ և դարուն մէջ և այլ ետքը, ուր և մինչև հիմայ մնան իրենց սերունդքն խառնեալ ընդ հոռոմացելի, և երկիրն այլ իրենց անուամբ ամենուն ծանօթ է:

Այս զօրաւոր և Սլաւեանց տոհմակից Բուլար ազգն այլ յառաջ քան զայլ ամեն յիշուի մեր Հայոց պատմութեան մէջ, Քրիստոսէ դար մը կամ աւելի առաջ. իրենց հին հայրենիքն այլ ծանօթ է՝ Վոլկա գետոյն վերին կողմերը, որ և անոնցմէ առած է այս անունս. ( Վոլկայն առ հինս Իռա կոչի և 'ի Թուրքաց Էթլ ). ուսկից իջան ինչուան անոր բերանը և աւելի վար՝ Կովկասու հիւսիսակողմը. և ասկէց այլ քշուելով իրարմէ՝ գունդ մը կտրեց զԿովկաս լեռները և անցաւ յԱյրարատ, Բասենոյ կողմերը, իրենց Վանդ իշխանին առաջնորդութեամբ 'ի Վանդոս գեղէ, որոյ անուամբ բնակած տեղերնին ալ Վանդո կոչեցաւ 'ի Հայս, մինչև հիմայ:

## Դ

Հոնաց անհետանալու կամ նուազելու առեն յերևան եկան կամ նշանաւորեցան Սոթիքի Հոնք ըստ Բիւզանդացւոց, կամ Եւֆրատի ( սխալմամբ և Նեֆթալիտք ), որ են ըստ մեզ Հեթիւտ, նաև Թեփադ կամ Թեփալդի. ( նոյն Թուի և Տալան կամ Իդալան թէ չիցեն Տահ, Dahae ): Ասոնք

ուրիշ նշանաւոր անուն մ'այլ ունին առ մերայինս, Քուշան, որ է ըստ Զինաց Քուէի-շահի. (արդեօք 'ի Քուշայ համարեալք որպէս Հնդկք) : Ժամանակին պատմիչք կամ յիշողք՝ Հոնաց տոհմակից և մերձաւոր կարծեցին զասոնք. ոմանք Թուրք ցեղ մը, ոմանք Հնդկա-սիւ-թացի. իսկ նոր բազմահմուտ աշխարհագիր մը<sup>1</sup> երկար քննութեամբ կու հաստատէ՝ թէ Զինաց մօտ Իիպէթէն ծագեալ Ժողովուրդ մ'էր, և ըստ նոցա Եռէդի կամ Եռիլի կամ Ճադ անուանեալ: Այս յայտնի է որ Հեփթաղք Իիպէթի հիւսիսակողմը բնակէին նախ, որ է Թուրքաստանի հարաւակողմը. ուր՝ մերազգի բայց գաղղիագիր երեւելի արեւելագէտ մ'այլ՝<sup>2</sup> արաբացի հին պատմիչներէ կու յիշէ Իսկալալ Թուրք հզօր ցեղը, որոյ գլխաւոր քաղաքն էր Քուշան. և ըստ այսմ՝ Իիպէթի և Թուրքաց սահմանախառն երկիր և ազգ մը կ'ըլլան սղբա. և 'ի պատմութեան Զինաց ինչուան Գ դար Քրիստոսէ առաջ յիշուին. և միայն անկէ դար ու կէս յառաջ գէպ յարեւմտակողմն եկած են և տիրած Սոգդիանի և Բախտրիոյ, այն տեղի յոյն Թագաւորութիւնը վերցընելով: Այս է մեր պատմիչաց յիշածն այլ, թէ Արշակ՝ Թեաւալաց Թագաւորին որդին՝ տիրեց Պարթեաց, և ասոնց Բահլ քաղաքը՝ ըրաւ իրեն աթոռ. մէկ եղբայրը Թողլով իրենց առաջին աշխարհին մէջ, որ է Թեաւալիս, միւս եղբայրն այլ (Վաղարշակ) Թագաւորեցուց Հայոց: — Ասանկ հեռաւոր և անծանօթ կողմերէ ծագած են եղեր մեր քաջածանօթ և գերահռչակ Արշակունի Թագաւորքն, Տրդատք և Տիգրանք: — Գ-Ձ դարուց մէջ պայծառացան կամ հռչակեցան Քուշանք.

<sup>1</sup> Վիվիէն Սէն Մարգէն:

<sup>2</sup> Մուրատա Տ' Ոհսոն:

Հեփթաղք՝ բայց անկէ առաջ այլ բաւական նը-  
շանաւոր գործեր ըրած պիտի ըլլան, որ յ'Գ դա-  
րու անոնց պատմութիւնն այլ գրուած և ծանօթ  
եղած ըլլայ Հայոց. վասն զի Զենոբ՝ Ժամանակա-  
կիցն Ս. Գրիգորի Լուսաւորչի կ'ըսէ. « Ընթեր-  
» ցիր զԹագաւորութիւն Հեփթաղքի (կամ Եւ-  
» Թաղեայ), հելլենացի գրով, և կամ զԹագաւո-  
» րութիւն Ճենաց, զոր գտանես յՈւռհայ քա-  
» ղաքի առ Բարդայ (կամ Բարդեճան)՝<sup>1</sup> պատ-  
» մագրի » :

Այս ատեններս՝ կամ քիչ առաջ՝ երբ Սասա-  
նեանք նուաճեցին զՊարթևս՝ մեր Թագաւորն  
Խոսրով իբրև տոհմակից թէ անոնց և թէ Քու-  
շանաց՝ ասոնց դեսպան խաւրեց և զրգեց ընդ-  
դէմ Արտաշրի, բայց Քուշանք անփոյթ եղան.  
սակայն երբ Սասանեանք յաջողեցան և զօրացան՝  
Քուշանք անոնց գլխահար եղան, և յափշտակե-  
ցին Պարթևաց երկիրը, ու հոն 'ի Բահլ գրին ի-  
րենց գահը, ինչպէս յիշէ և Բուզանդ, պատմելով  
Նապոյ պատերազմը ընդդէմ նոցա, և անոնց  
ձեռքէն ազատիլը՝ քաջութեամբ 'Իրաստամատն  
Հայ իշխանին, (որոյ վարձք եղաւ իր տէրը՝ Ար-  
շակ կոյր Թագաւորը՝ բանտէն հանել և մխիթա-  
րել. և ապա անոր հետ կամ անոր վրայ անձնա-  
մահ ըլլալ) : Կ'ըսուի 'ի մերոնց թէ Ս. Մեսրով-  
պայ քարոզութեամբն քրիստոնէացեալ այլադ-  
գեսց մէջ կային Հեփթաղք այլ, բայց տարակու-  
սական է այս : Մեր ոսկէգրիչ պատմիչք յիշեն  
անգգամ Յազկերտին պատերազմները ընդ Քու-  
շանաց, որոց մէջ գտուեցան մեր քաջ նախա-  
րարք և Մեծն Վարդան այլ. նոյնպէս անոր որ-  
դոյն՝ Պերոզի սպանուիլն կռուի մէջ 'ի Քուշա-

<sup>1</sup> Եթէ, որպէս թուի՝ անուանի Ասորի Բարդաճանն է  
առ, 'ի վերջ կոյս Բ դարու գրած է այս պատմութիւնս :

նաց, յամին 488: Դարձեալ ուրիշ պատմիչք այլ՝ յիշեն Վահրամ Զաւարին Պարսից բռնաւորին պատերազմները և Քուշանաց երկու թագաւորները նուաձելը (յամին 580), որ կոչէին Շօգ և Պարիօկ: Ի սկիզբն է գարու մեր Բաղմայաղթ Սըմբատ մարզպանն կռուեցաւ և յաղթեց անոնց. մինչև սախպուեցան խնդրիլ օգնութիւն 'ի Խաղրաց, և եկան ասոնցմէ՝ 300,000. բայց Սմբատ դիւրաւ ցրուեց զանոնք, անոնց հսկայ թագաւորին հետ մենամարտելով և սպաննելով: Վերջին թագաւորն Սասանեանց Յազկերտ՝ հալածեալ յԱրաբացւոց ապաւինեցաւ 'ի Քուշանս, բայց չգտաւ օգնութիւն, և անոնց քով սպանուեցաւ ('ի Մէրվ): Քուշանք Արաբացւոց այլ դէմ գրին նախ. բայց իրենց զօրաւոր գրացիներէն նուաճուելով, կամ անոնց հետ խառնուելով, անյիշատակ եղան է գարուն վերջերը: Այս զօրաւոր ազգերն էին Խաղիքք և Թուրքք. շատ պատմիչք այս երեք ազգերն այլ իրարու հետ շփոթեն, մանաւանդ զՀեփթաղս և զԹուրքս. ոմանք հին Հեփթաղաց այլ Թուրք կ'ըսեն, և ոմանք ինչուան ժԱ գարու հասարակաց Թուրք կոչածն այլ Հեփթաղ կ'անուանեն<sup>1</sup>: Միևայել Ասորի համարձակ կ'ըսէ. « Թեոալիս՝ որ Թուրքաստան » կոչի », և Պարսից Արաղ աշխարհին սահմանակից կու գնէ:

## Ե

Հեփթաղաց անհետանալէն ինչուան 'ի յառաջանալն Թուրքաց, որ է ըսել է-ծ գարուց միջոցն, արապետող Սկիւթացիքն եղան Խալիֆ, որք և Խալիֆան, կոչին 'ի մերոցս, ևս և Գիսասու-

<sup>1</sup> Ինչպէս կեդրոնոս, յամին 4044:

բայ ազգ<sup>1</sup>. և շատ հին ատեն՝ ինչուան յԵրոդոտեսայ յիշին Աթածիւրի և ասոր նման կոչմամբ, (Քրիստոսէ Ե դար առաջ) տոհմակիցք և սահմանակիցք Հոնաց և Աւարաց և երբեմն անոնց հետ համանուն: Արաբացի հին պատմիչ մը՝ Վըրաց տոհմակից կ'ըսէ զանոնք. ուրիշ մը սրբագրելով զնա՝ ոչ Վրացի այլ Հայ են կ'ըսէ Թաղիւքն. իսկ Վիւրք՝ իրենց երկրին վրայ առաջինն տասպատակող ազգը Թաղիւրք կոչեն: Մեր պատմութեան մէջ կու յիշուին 'ի սկիզբն Գ դարու, յորում Վուլկայի վարի կողմերը բնակէին ասոնք. և ուրիշ տոհմակից հզօր ազգ մ'այլ Բասիլէ կամ Բարիլէ. որոց յունարէն կոչումն Վասիլի՝ Թագաւորական նշանակէ. և այսպէս կարծի յոմանց Թարգմանաբար կոչուած յաշխարհագրութեան Խորենացւոյն, Թագաւորական Սարմաթ: Այս երկուքս՝ Թաղիւրք և Բասիլք միարանեալ յամի իբր 212, անցան Կովկասու մեծ դռնէն (Ճորայ կամ Դարբանտայ) և Կուր գետէն ասգին այլ վազելով՝ կոխեցին ինչուան Հայոց սահմանները, Վնասէպ Սուրհուպ անուամբ Թագաւորի մը առաջ նորդութեամբ. իսկ մեր Թագաւորն Վաղարշ մեծ պատերազմով վանտեց զանոնք ինչուան նոյն Կովկասայ պահակէն այլ անգին՝ չափազանց վրէժխնդրութեամբ. մինչև հալածեալքն իրենց բնիկ սահմաններուն հասնելով և նոր օգնական ժողովելով՝ դարձան Հայոց վրայ, զՎաղարշ սպանելին, զօրքը ցրուեցին: Խոսրով Ա որդի և յաջորդ Վաղարշայ՝ նորէն վրանին զօրք հանեց, հօրը վրէժն առաւ. և այնպէս վախ ձգեց այն անվախ ազգաց վրայ՝ որ սոխպուեցան իրենցմէ հարիւրէն մէկ պատանդ տալ Խոսրովու. և նա քաջութեան յաղթանակը հոն յունարէն արձանագրե.

<sup>1</sup> Այսպէս անուանէ Մովսէս Կաղանկատուացի:

լով քարերու վրայ՝ դարձաւ, և բերած գերին բնակեցուց 'ի Հայաստան. ուր Բասւլաց ազնուականաց հետ խնամուածին ըրին Առաւելեանք և Աւսնք, նոյնպէս յայլազգեաց գաղթեալք 'ի Հայաստան:

Խոսրովայ որդւոյ Տրդատայ ատենն այլ Բասիլք ուրիշ հիւսիսայնոց միաբանութեամբ յարձակեցան Կովկասէն ասդին. բայց քաջայաղծն և երազահասն Տրդատ՝ ընկաւ անոնց վրայ Ազուանից երկրին մէջ, և իր որով Թագաւորնին երկու կտոր ընելով՝ քշեց ասպատակը մինչև յերկիրն Հոնաց. և հօրը պէս անոնցմէ պատանգ և նիզակակից առնելով՝ ասորաւ Պարսից վրայ: Անկէ ետև Բասիլք ինչուան 'ի Զ դար և այլ ետև՝ Վոլկայի եզերքը կու բնակէին, շրջակայ ազգաց և տոհմից տիրելով, մինչև հզօրագոյն և վեհագոյն և իբրև Թագաւորաց Թագաւոր կու սեպուէր իրենց գլխաւորն, և կ'ըսուէր Թուրքացի կոչմամբ Խաթան, կրնն այլ Խաթան: Երկու ազգն այլ գրեթէ համապատիւ էին, բայց միայն ըստ աշխարհագրին մերոյ «Թագաւորն Հիւսիսայ էր Խաթանն, որ է Տէր Խազըաց, և գլխոյն Թագուհի՝ և կրն Խաքանայ՝ 'ի Բասւլաց ազգէն»: Խաքանին հզօրագոյն ցեղն աւելի այլ զօրացաւ և բռնացաւ Բասւլաց վրայ՝ երբ Բուշի Թուրքք՝ զոր նախ յիշեցի, մօտեցան իրենց. այնչափ որ ըստ հին և պատուական աշխարհագրին մերոյ՝ կու ստիպուէին Բասիլք ամրանալ 'ի Սև կղզին Վոլկայի բերանը, «'ի հզօր ազգէն Խազըաց և Բւշիաց՝ Ճարակել» լոց յեղից և 'ի մօից, եկելոց անդր 'ի ձմերոց»:

Ե դարուն կիսէն ետև՝ (յամի իբր 462) Խազիք իրենց բնիկ երկրէն (յուկորիոյ) քշուելով, այս Վոլկայի վարի կողմերը և ինչուան Կովկասու ստորոտը սփռեցան. արևելքի կողմէն այլ ինչուան 'ի սահմանս Թուրքաց. որոց հետ շատ մերձաւորութեամբն՝ 'ի Բիւզանդացւոց կոչին Ա-

բնէլէան Թուրք, միանգամայն և առ ի խզանազանել յԵւրոպա անցնող և բնակող Կուսմանաց և Մաճառաց, զորս Աբեմարիտ Թուրք կոչեն: Մեր պատմիչք այլ ցուցնեն թէ զանազան խան կամ խաքան ունէին նոքա, բայց Քէ Խաթան էր տէրն խաքաց, զոր և կ'անուանեն Խաթաուր Հիսիսոյ. ապէ օգնութիւն խնդրեց Հերակլ կայսր ընդդէմ Խոսրովու Պարսից թագաւորի. և եկաւ իրեն օգնական Ջեբու Խաթան՝ («որ երկրորդ էր թագաւոր») բութեան թագաւորին Հիւսիսոյ», իր Շաթ կամ Չաթ որդւոյն<sup>1</sup>: Սա մտաւ յԱղուանս, և աղաչանք կաթողիկոսին սոցա (Վիրոյի) արգելեց ասպատակը: — Ականատես ընկերն Վիրոյի՝ պատմիչն Մովսէս Կաղանկատուացի՝ շատ հետաքնին և կարևոր տեղեկութիւններ կուտայ այս խաքաց արքունեաց սովորութեան վրայ, զոր ուրիշ պատմիչի քով չես կրնար գտնել, Հայկակ: — Թէպէտ այս անգամ ապահով թողին խաղիլը զԱղուանս, բայց յետոյ դարձեալ զանազան անգամ յարձակեցան և նուաճեցին, մինչև հարկ եղաւ որ է դարուն վերջերը՝ Աղուանք թէ ասոնց հարկատու ըլլան թէ Արաբացոց: Մահմետի յաջորդքն արևելից միջ իրենց ամենէն զօրաւոր դիմակաց գտան զԽաղիրս. և թէ պէտ Կովկասեան լեռներն իրարմէ կուզատէին անոնց սահմանները, բայց շատ հեղ կամ մէկն կամ մէկայլն կարելով զպահակը կամ անցնելով

<sup>1</sup> Այսպէս կ'ըսէ Մովսէս Կաղանկատուացի: Անկէ առաջ յամի իբր 600, երբ Քուշանք յաղթուեցան ի Սըմբատայ մարզպանէ, «խնդրեցին իւրեանց օգնական, կ'ըսէ» մեր Սերիոս պատմիչն, ի Տրքէն Խաթանոյ արտայն խոչ. «Ժանց հիսիսոյ, և եկն եւ ամբոխ 300,000»: — Անկէ այլ առաջ Խորենացին աշխարհագրութեանը մէջ կ'ըսէ. «Թաթաուրն հիսիսոյ է Խաթանն, որ է տէր խաքաց»:

'ի Գարբանայ՝ իրարու հետ զարնուեցան, երկու կողմէն շատ արիւնհեղութեամբ և քրտաւորաց երբեմն հազարդ կ'ըլլար մեր աշխարհն այլ՝ ամբարապետաց իշխանութեան տակ ըլլալով, կամ ստիպուելով գէտ կենալու Թազրաց ասպատակին. ինչպէս մեր Գրիգոր Մամիկոնեան խոհեմ և կարիճ իշխանապետն այլ անոնց հետ կ'առուելով՝ ընկաւ պատերազմի մէջ. յամին 685 (16 շրջառ.): Վերջապէս Արաբացիք կրկին անգամ տիրելով և ամբաջնելով զԳարբանա՝ այն կողմէն արգիլեցին զԹազիրս: Արեւելեան կողմէն այլ ուրիշ հնարքով յաջողեցան, այսինքն նուաճելով զԹուրքս, և իրենց (մահմետական) կրօնքին հաւանեցնելով, և իշխանութեան հասցընելով, ոչ միայն այն կողմերը, այլ և ինչուան Թալիֆայից արքունիքը՝ ի Պաղատա. ուր՝ նախ անոնցմէ գերիներ և սարուհներ բերէին, անոնց կերպարանաց հաւանելով. յետոյ մեծամեծ պաշտօններու այլ հասուցին, մինչև գրեթէ բոլոր իշխանութիւն անոնց ձեռքն անցաւ: Այս կերպով Թազիրք՝ որ ինչուան Ասապից հիւսիսային և արեւելեան փունջը տարածուելով՝ իրենց անունը տալին այն ծովուն (Թաւրայ ծով, ինչպէս Աովկասու հիւսիսակողմեան երկրին այլ՝ Թաւրայ գաւթ), Ըծ գարունց մէջ՝ ամփոփուեցան Վոլիայի վարի կողմերը, և առջի վայրենութիւննին թողլով՝ բաւական քաղաքականութեան կարգ և ձև տալին: Այս բանիս մէկ պատճառն էր Բիւզանդեան կայսերաց հետ երբեմն գաշնակցիլն՝ Թշնամութեամբ ընդ Արաբացիս, թէ և ոմանք այլ ք գարուն ըսկիլքները (820) մահմետական եղան՝ որ Արաբացւոց հաճոյ ըլլան և շնեղին ի Թուրքաց:

Բայց աւելի շատերն, ըստ աւանդութեան, այն կողմերը հին Հրէից գաղթականներէն (կամ ուրիշ պատճառաւ)՝ չրեական կրօնից հետեւ-



ցան. մինչև պատմեն ճանապարհորդք թե թ-ծ  
 դարուց մեջ անոնց թագաւորներն Հրեայ էին.  
 և շատ նշանաւոր է առ բանասերս՝ ծ դարուն կի-  
 սուն մօտ գէսք մը (եթէ իրաւ է). Անապու-  
 սիոյ ('ի Սպանիա) Արաբացի թագաւոր մ'ունէր  
 հրեայ պաշտօնեայ մը Ռաֆ Խաստայի անուամբ,  
 որ թղթով հարցուց և տեղեկուծիւն ուղեց թագ-  
 րաց թագաւորէն իրենց կրօնից և ծագման վրա-  
 յօք. նա այլ պատասխանեց և իմացուց՝ որ թա-  
 գիւրք են 'ի Խուլայ՝ յեօթներորդ որդւոյ Թորդո-  
 մայ, որոց առաջինն այլ կ'անուանէ Ալիսի, որ է  
 մեր Հայկն, ըն Մանուր, թն Պաւլար, ծն Սա-  
 լիւր (Սաբիւրք), և այլն. և կ'ըսէ թէ Վալիայէն  
 գրեթէ ինչուան Դանուբ կու տիրէին: Իր նախոր-  
 դաց մէկն աստուածային յայտնութեամբ ընդու-  
 ներ էր հրէութիւնը, և ինքն (գրողն) Յովսէփ՝  
 թասնէյորրորդ հրեայ թագաւորն էր թագրաց:  
 Ուրիշ կարեւոր գիտելիք այլ կ'աւանդէ, զոր հոս  
 յիշել աւելորդ կու սեպեմ, Հայկակ: Բիւզան-  
 դիոյ և Ռուսաց պատմութեան մէջ, որոց երկուքն  
 այլ սահմանակցութեամբ գործեր ունեցան ա-  
 սանց հետ, ինչուան ծԱ դարուն առաջին քառոր-  
 դը կու յիշուին թագիւրք. և ըստ ոմանց՝ այն ա-  
 տեն (կամ յամին 1016) Ռուսք բոլորովին նուա-  
 ճեցին զթագիւրս: Ստուգիւ մէկ կողմէն Ռուսք  
 երբեմն նեղեալք 'ի թագրաց՝ կամաց կամաց զօ-  
 րացան նաեւ տիրացան անոնց սահմանաց. մէկայլ  
 կողմէն բուն տիրողք և անյիշատակ ընողք, և  
 Սկիւթացի ազգաց գլխաւորութիւնը առնողք՝  
 յետ այնքան նախայիշեալ հզօր ու նետող և աս-  
 պատակող ժողովրդոց՝ եղան տոհմէ Թաւրաց:

## Զ

Թուրք ազգն որ յետ ամենայն ակիւթական ազգաց հասաւ նախիշխանութեան և գերազանցեց քան զամենքը, թէ ընդարձակ թէ երկարատեւ աշխարհակալութեամբ և թէ քաղաքակրթութեամբ, ինչպէս 'ի սկզբան ըո՛ր' 'ի հնուց առանձին զատ ազգ մը չէր ճանչցուած, այլ շատ զտանուան ազգք կամ ցեղք միանգամայն սեպուէին Սկիւթացի կամ Թուրք: Հին պատմբնաց կամ աշխարհագրաց մէջ՝ Ե դարէն առաջ այս անունն որոշ գրուած չի գտուիր, այլ մօտ կամ ծածկած հնչմամբ մը. մինչև անկէ գրեթէ հազար տարի առաջ Երոզտոսի յիշած Սկիւթացւոց նախահայր Տարգիփառն այլ՝ բանասէրք ճանչնան Թուրք կամ Թուրքո՞մ<sup>1</sup>: Ըստ արեւելագիտաց՝ Հընդ կաց հին սանսգրիա լեզուով գրոց մէջ Թուրուփա կոչուի այս ազգս: Զ դարէն ինչուան Ժ դար՝ աւելի կամ պակաս ծանուցեալ և յիշեալ է Թուրք ազգն. անկէ (Ժ դարէն) ետև քաջածանօթ եղած՝ իբրև աշխարհակալ ազգ մը. իսկ յետ ԺԴ դարու իբրև առաջին և թիրոջ ազգ արեւմտեան Ասիոյ: Ըսել է որ այս Թուրք ազգս՝ աշխարհիս ամենէն հին, նշանաւոր և բազմասահման ազգաց մէկն է. և որուն բաղդին կամ սահմանին ծայրն դեռ անծանօթ է, ինչպէս նաև իր իշխանութեան տակ ընկած շատ ազգաց այլ: Նման այն գետոց՝ որոց

<sup>1</sup> Բաշիտ մեծ պատմիչ Թաթարաց 'ի ԺԴ դարու յիշէ Թուրքոմ անուամբ երկիր մը Պայքաւ Ընին արեւելակողմը, զոր արեւելագետք սահման ստուգաբանեն: Թուրքք՝ ինչպէս իրենց՝ այսպէս այլ Հայոց նահապետ ճանչնան զԹորգոմ, անոր համար այլ զմեզ և զիրենք հօրեղբորորդիս անուանեն:

հեռաւոր ակունքն ծանօթ, միջին ընթացքն ծածկուած կամ անորոշ մնան. շատ մանր վտակներ՝ որ անոնց մէջ կու թափուին կամ անոնցմէ կ'եւէն՝ կարծուին թէ այն մեծ գետն են, և անոր անունը կ'առնուն. բայց ինքն գետն յետ երկար սահմաններ անցնելու՝ նորէն հեռու տեղ մը 'ի յայտ կու գայ՝ հզօր և լայն, և անկէ ետեւ ամենուն յայտ յանգիման յորդասահ կ'երթայ ու կ'երթայ:

Թուրքաց բնավայրն ուր ըլլալն ըսի առաջ և ինչպէս կոչուիլն. նոյնպէս յիշեցի որ Թուրքք, Խաղիքք և Հեփթաղք ստէպ շփոթին իրարու հետ 'ի պատմըաց. անոր համար թէ և Զ-Թ դարուց մէջ շատ հեղ յիշեն նոքա զԹուրքս, բայց չեմ գիտեր կամ չեմ ուզեր այսօր մանր պրպրտել, թէ անոնցմէ ո՞րն բուն Թուրք և ո՞րն օտար է. հաւանականն այս է՝ որ 'ի հնուց ժամանակաց Թուրքք առանձին ցեղեր և ժողովուրդներ բաժնուէին, և զանազան խաներ և խաքաններ ունէին, երբեմն ինքնագլուխ, շատ հեղ մէկու մը գերագոյն իշխանութիւն ճանչնալով, որ և Խաքանաց խաքան կամ Մեծ Խաթան կոչուէր. երբեմն այլ բոլորն մէկտեղ ուրիշ մերձաւոր հզօր ազգի մը հարկատու կամ հպատակ սեպուէին, ինչպէս էին Խաղիքք և Հեփթաղք, (եթէ այս ետքիններս այլ չեն Թուրքի կամ Թաթարի խառնուրդ). որոց մերձաւոր են, (թէ ոչ նոյն այլ) Ճոճէն կամ Ճուան-Ճուանք, և Թուին Ճոճին յիշեալք 'ի մերոց նախնեաց, որոց տիրեցին Թուրքք 'ի կէս Զ դարու:

Թուրքք իրենց միջին դարուց ատեն՝ ('ի Զ-Ժ դարս), Ուրալ գետէն ինչուան 'ի Դիպէթ և 'ի բնիկ Թաթարս տարածուած սեպուին զանազան ցեղերով, որոց գլխաւորքն կամ մեզի ծանօթագոյնքն են՝ այս յիշեալ միջոյիս (թէ և ոչ ամենքն

այլ մէկ ատեն), սկսեալ 'ի հիւսիսոյ արեւմտից' (ուսկից և սկսան իրենց ծանօթանալ արեւմտեայց), նախ Ուրալ գետոյն վերին կողմերը (Թափառող Պալիւրի, զորս համարեցանք մեր աշխարհագրին ըսած տհաւոր Բուշի ազգը. յետոյ նոյն գետոյն (զոր արեւելեայք Սայր կամ Եայ գոչեն) վարի կողմերը և նաև անոր ու Վոլկայի միջոց՝ Փալիւրի, զոր մերայինք և Բիւզանդացիք և այլք կոչեցին Պալիւրի, Պիժնի, և այլն<sup>1</sup>. և ըստ ամանց նոյն են ասոնց հետ կամ մերձատոհմը՝ Գալիւրը կոչուած Թուրքը: — Ուրալի բերնին արեւելակողմը, որ է ըսել Կազբից ծովուն հիւսիս-արեւելեան կողմը՝ զանազան ցեղեր պիտի ըլլան, յորոց յիշեն Արաքացիք յ'Թ դարու զէպէշ և Թիւրքի: — Կազբից ծովուն և Արալայ ծովալճին միջոց ամենէն նշանաւոր ազգատոհմն է Ղազ կամ Օղազ կամ Կազ ըսուածն, որ մերոց և արեւմտեայց ծանօթ է Ուզ անուամբ. որք և ըստ ընթացից Սիհունի՝ երեք տոհմ կու գատուէին, 'ի Վերին, Միջին և Ստորին. բնական կազմուածով քան զուրիշ գոգմակիցս իւրեանց պզտիկ կամ կարճահասակ էին, այլ ուժով երբեմն գերազանցեցին քան զամենքն: Ասոնց մերձատոհմ կամ սերունդ թուին Իւզգէտ որ մինչև հիմայ ծանօթ են հոն: Ընդհակառակն իրենց սահմանակիցքն 'ի հարաւոյ արեւելից՝ Գարցաթ՝ ամենէն մեծահասակք և զօրաւորք սեպուէին, միանգամայն և նախնականք, զի ասոնց էր Խաբանաց խաբանն. և Թերևս ասոնց խաբանն էր իշխող ութ խաբանաց՝ Արսիլաս անուն (Արսլան ?) յիշեալ 'ի Բիւզանդացւոց յամին 580: Ասոնց մեծ տէրութիւն տեւեց ինչուան յ'Թ դար, յորում Զինաց գրակից Խի.

Այս անունս՝ ըստ Թուրքաց՝ Պալիւրի, քննարկ կու նշանակէ ըստ ոմանց, կ'ըսէ Համալ:

Թան աշխարհին տերն անկէ հալածուելով՝ եկաւ  
տիրեց այս Թուրքաստանի կեդրոն երկրին և ա-  
նուանեց Գաւա-Խէլայի. դար մը վերջը Ճինկիզ  
խան նուաճեց զայս այլ:

Բուն և առանց ուրիշ անուան յիշեալ Թուր-  
քաց հզօր տէրութիւնն՝ ք դարուն կիսէն մինչև  
ք դարուն կէսը քչած է, յորում նուաճեցին զա-  
նոնք՝ իրենց հիւսիսային արևելակողմի բնակիչ  
Թուրքք: Ասոնց հիւսիսակողմը Թուր Բիմա Ը-  
սուած ցեղն. և հարաւակողմն կամ գէպ յարևելս՝  
մեծ ցեղն Ուլուք, խնամի Ղուզաց, որ և ցարդ  
յիշուին: Իսկ մը ետև զասոնք այլ նուաճեցին  
իրենց հիւսիսային արևելեան կողմերը բնակող և  
ինչուան հիմայ հռչակեալ Խուլուք, յիշեալք ՚ի  
ք դարէ <sup>1</sup>. որոցմէ վար ՚ի հարաւակողմն էին այն  
Իսկակաւ ասոնք՝ որոց մայրաքաղաքը յիշեցինք  
Բուշան կոչեալ, որով և խառնուին ընդ Հեփթա-  
ղաց և ընդ սահմանս Իսկէթ աշխարհի:

Արդ այս ամենայն ցեղից երկրին՝ որ մեծաւ  
մասամբ անապատ է, հիմայ հիւսիսակողմը բրո-  
նած են Խըրդըք զանազան ցեղեր բաժնուած.  
աւելի վերնակողմն այլ Ռուսաց Օրէնպուրկի և  
ուրիշ նահանգներուն մեջ՝ բնակին Խաղախ. իսկ  
վարի (հարաւային) կողմն է Խուարէզմ (հան-  
գերձ Խուար անապատիւ) և Պուխարայի իշխա-  
նութիւնը. արևելակողմն այլ Քաթարաց միա-  
ցեալ իշխանութիւնք, զորս հիմայ Ռուպ կու նը-  
ւաճեն և գրեթէ կու վերցուի Թուրքաց և Թա-  
թարաց անկախ ազատութիւնը՝ իրենց անհուն  
ապատ և անապատ երկիրներէն:

<sup>1</sup> Մենանդր:

## Է

Դառնալով առ յիշեալ ցեղաթուրքաց, ասոնց հեռագոյնն և արեւմտագոյնն Փալէնէ՛ր՝ բնապէս առաջին ալ եղաւ 'ի Ծանուցեալ և քաղաքավար աշխարհս մտնելու և բնակելու. Թ գարուն կիսուն՝ արգէն ոչ միայն Վոլկա գետն անցած էին այլ և զՏնեբեր, և արգէն Ազախու ծովեզերքը բռնած ինչուան Դանուբայ կողմերը տարածուէին. իրենց առջևէն քշելով ինչուան Դանուբայ բերանը զՈւնգուր Հոնաց ցեղը, որ առաջնորդութեամբ Արբատայ՝ հաստատեց Մաճառաց տէրութիւնը. բայց իրենք այլ հալածուելով յՈւլզուր ցեղէն, և յետոյ (894) յՈւլզաց՝ օգնութեամբ Խազրաց, քշուեցան ինչուան Բրուժայ և Սերեժայ հովիտները, և երթալով մօտեցան Բիւզանդացւոց սահմանաց. և իբրև բաւական ուժով տէրութիւն մը՝ շատ հեղ անոնց դաշնակցելով՝ օգնական եղան ընդգէմ այլոց թուրքաց և Խազրաց, և ուրիշ պատերազմներու մէջ. երբեմն այլ ասոնց և Ռուսաց հետ՝ զՅոյնս նեղեցին մինչև ԺԱ գարուն վերջերը. յորում Ուլք բոլորովին նուաճեցին զՓալէնէքս, ինչպէս նաև զԽազիրս, և տիրեցին դրեթէ բոլոր Վոլկայի և Դանուբայ միջոց՝ գէպ 'ի Կովկաս և 'ի Սև ծով սփռելով: Յետին յիշատակ Փալէնէքաց առ պատմիչս մեր հասնի 'ի սկիզբն ԺԲ գարուն (1108), յորում Գող Վասիլ ասոնցմէ գունդ մը տուաւ յօգնութիւն Պալաուինայ կոմսին Ուռհայու: Իսկ առաջին յիշատակ հզօր ցեղին Ուլայ՝ կ'ընէ պատմիչն Մեսրոպ, իբրև ընդ այլոց սկիւթական ազգաց Հոնաց և Մազգթաց՝ Պարսից օգնական եկած ընդգէմ Հայոց՝ Զիրաւայ գաշտին մեծ ճակատամարտին մէջ, յամին 372. բայց եթէ այն

ատեն չէ՝ յայա է որ պատմը չին ատեն 'ի ծ դա-  
րու ծանօթ էր Ուզն, զոր յաջորդ դարուն մէջ  
շատ հեղ յիշէ և Մատթ. Ուռհայեցի, գեռ իբրեւ  
Պաժինեկաց հետ նիզակակից: Ուզաց իշխանու-  
թիւնն ծԱ և ծԲ դարուց մէջ զօրացաւ և տիրա-  
ցաւ մինչև 'ի բռնանալն Թաթարաց, և արեմը-  
տեայց այլ ծանօթացաւ, Թէպէտ և պէսպէս ա-  
նուամբք. վասն զի շատք 'ի միջին դարու Ասիոն  
անուանեն զանոնք, ինչպէս մեր Հեթում պատ-  
միչն այլ. որ և վկայէ Թէ շատ սպառազէն զօրք  
ունէին, և տարածեալ տիրէին Աղբից և Պոն-  
տոս ծովուց միջոց՝ Աովկասայ ստորոտը լայնա-  
սիւիւռ տափարակ երկրին, ուր և 'ի Քուպան գե-  
տոյ առին այդ անունը (կամ տունն անոր): Եր-  
կրին այդ տափակ բնութեանն համար Ռուսք ա-  
նուանեցին զասոնք Բուլէշ, այսինքն Դաւթային  
կամ դաշտաբնակ. զնոյն (խոպան գետին) նշա-  
նակէ չէղագայի Թուրք լեզուաւ Քափլա անունն՝  
որով կոչին սոքա. և զոր ծԲ-ծԳ դարու պատմիչք  
մեր գրեն Ալաթ, Ախաղ, Խիլաթ, և ստուգաբա-  
նեն 'ի Վրաց լեզուէ Ձուր-աման, ըստ Միխայելի Ա.  
սորուոյ, « զի խին ձոր ասի, և լախ աման. որպէս  
» Թէ յամանի կան 'ի ձորս (Աովկասայ), և ըստ  
» պիտոյից հանեն 'ի Ժամանակս Ժամանակս »:  
Այլ մնացընեն <sup>1</sup> այլ Թէ առաջ այն երկիրն կ'ըսուէր  
Դաւա Խաւրայ, ինչպէս իրենց ատեն 'ի Տաճկաց  
այլ՝ Տէշթի-Քափլա. իսկ աւելի առաջ՝ ըստ Ստե-  
փանոսի Ուռպելեանց կոչուէր Ալխարհ Խալան-  
Դաւ, զոր յիշէ հին հեղինակ մեր Եղիշէ: Արդ  
Ուզք-Աումանք-Քափլաքք նուաճելով զԽաղիրս՝  
խառնուեցան անոնց հետ. նաև ըստ Միխայելի՝  
ոմանք քրիստոնեայ այլ եղան, և կ'օգնէին Հայոց  
և Վրաց: Ասոնք էին բուն մեծ և միջին մասն աղ-

1 Ստեփ. Ուռպելեան:

գին, որոց ախրեց 'ի կեա թԳ դարու Պայտու խան որդի Սխադայի որդւոյ Ճինկիզխանի, և անկէ ետեւ Թաթարաց անցաւ սկիւթական տիրապետութիւնն. յորոց հալածեալքն այս տեղէն՝ գացին իրենց արեւմտեան ցեղակից եղբարց քով, որք Պաժինեկաց տեղը բռներ էին և մինչև 'ի Թրակիա ափռէին. ոմանք այլ անցան դնացին ինչուան Ունկարաց երկիրը (Մաճաղք), որոյ համար տոնք այլ կոմանք կ'ըսուէին: Իսկ մէկ մասն այլ Ուզաց՝ մնացեր հր միշտ իր հին բնաշխարհին մէջ յարեւել, Խուարէզմի և Ճիհունի սահմանները, և պահէր իր հին անունը. որ ըստ աւանգութեան նոցա ծագեալ է յՕղուզայ՝ որդւոյ Գարախանի՝ (իբրև վեցերորդ 'ի Նոյ նահապետէ). որք և դարձեալ կ'ըսեն անոր համար՝ Թէ իր ազգականաց հետ կռուելով վասն աստուածապաշտութեան՝ իրեն հասակակիցները անուանեց Ուլուր, այսինքն օժանդակ, օգնող. և անկէ ծագեցաւ Ուլկուր ցեղին անունն:

Ուզաց մէկ մասին գէպ յարեւմուտս երթալն՝ Թուրի Թէ իրենց դրացի ցեղերէն նեղուելուն համար եղած է. և մնացեալքն հարկաւ աւելի տկարացան. և յ'թ դարուն ուրիշ շտա ցեղից հետ Խազրաց ինքնազաւթեան տակ ընկած էին:

## Ը

Այս առեւններս Ղուզաց գլխաւոր ցեղապետաց մէջ անուանի էր Տէգաթ կամ Թօթա. որ և ըստ աւանգութեան նոցա 337 էր յԷֆրատիապայ Թուրանի (Սկիւթիոյ) հսկայ Թագաւորէն, (որ հին Պարսից քաջաց գիմամարտն էր). Խազրաց բէկին կամ խաբանին այլ մեծ իշխաններէն մէկն էր. և կոչուէր ևս Թէմուր-Պաւի, այսինքն Երկաթապիտ, երկաթածայր նետ կամ երկաթա-



կապ աղեղ լաւ գործածելուն համար, (որ ըստ մեր ոճոյ ըսելու էր հասփաղէն կամ հասփաղիֆ աղէնաւոր)։ Սա է նախահայր առ մեզ նախագուշակեալ կամ համբաւեալ աշխարհաւեր ՆՅՑԱՂԱՑ։ Աղեղանը պէս խառաւիրտ կամ մեծսիրտ ըլլալով՝ գծեցաւ Խաղբաց խաբանին հետ և կ'ուզէր գլուխ քաշել. բայց միջնորդութեամբ բարեկամաց դարձեալ հաշտեցաւ և պատիւ դրտաւ 'ի խաբանէն, որ Տէգադայ Սէւրաի որդին իր արքունեաց մէջ սնուցանել տուաւ. և երբ քիչ առնէն Տէգադ մեռաւ՝ Սէլուկ անուանեցաւ զօրավար։ Սա տեսնելով որ արքունի իշխանք վրան կու նախանձին, ինքնակամ Թողուց արքունիքն այլ <sup>1</sup> և եկաւ (յամի 956 կամ 964) Սմրղանտայ և Պուխարայի կողմերը, ու բնակեցաւ 'ի Ճանգ։ Հոս մահմէտական կրօնքն ընդունելով <sup>2</sup>, սկսաւ ոչ միայն պաշտպանել կրօնակիցքը՝ այլ և հալածել նեղել այլահաւատները, և իրեն կողմնակից շատցընել, որովք զօրացաւ և աթոռը հաստատեց 'ի Պուխարա. ուր և մեռաւ ԺԱՂԱՐՈՒՆ սկիզբները (ըստ ոմանց յամի 1020) 107

<sup>1</sup> Մեր կիրակոս պատմին՝ Սէլուկեանց բնավայրը կ'անուանէ « Սղնախն » որ է Խարչուխ լեռան, յորմէ Սալ-» չուխին են »։ Իսկ Միխայէլ Ասորի կ'ըսէ, « Ելին » Թուրքք յերկիրն Ասիո-ղի. այս եղև սկիզբն ելնց » Թուրքաց »։ Ուրիշ տեղ կ'ըսէ Թէ յԱրաղայ աշխարհէն՝ սր 'ի սահմանս Պարսից՝ ելան Սալուկեանք բռնադատեալք 'ի Մահմուտ Սուլտանէ։

<sup>2</sup> Այս առններս ուրիշ Թուրքք իշխան մ'այլ ձիհու-նի և Սիհունի միջոցէն՝ Սաղբը կամ Սեբէի՝ մահմէտական կրօնքը ընդունել էր, և իր նախնեաց սովորութիւններէն քիչ մը հեռանալովն իր հետեողքն և ազգն՝ Թուրքիման (Թրքակրօն) (Թի-ր-մի) կոչուեցան, այսինքն Թուրքի նման. և ասոնցմէ մաս մը Խուարէզմի մէջ բնակեցաւ, մաս մ'այլ անցնելով յարևմուտս՝ եկաւ 'ի Հայաստան։

տարուան: Իբրեւ առաջ՝ բերդ մը պաշարելու ատեն՝ մեռեր էր իր անդրանիկ որդին Մեքայէլ, երկու կտրիճ թողլով, Չագըս պէլ և Տօշուս պէլ, զորս մեծցուց և կրթեց պապերնին: Յետ անոր մահուան՝ այս երկու եղբարքն միարանք և միասիրտք՝ սկսան աշխարհակալութեան. շատ պատերազմներով հալածեցին զԱլդէկին կամ Իլէք խանն Սմրզանապ: Ըստ վկայութեան բաղմաց՝ Մահմուտ Սապրքէտտին (Սէպէքթէկին) Ղազնէւեան սուլտանն՝ հրաւիրեց զանոնք Ճիհոնը անցնիլ և Խորասանի սահմանները գալու, թէ և շուտով զջնացաւ՝ տեսնելով անոնց ուժը. ոմանք այլ՝ (որ այնքան հաւանելի չէ) բռնի և գերութեամբ բերաւ կ'ըսեն զանոնք:

Այսպէս աւանդեն և մեր Միխայէլ Ասորին, և Վահրամ Տիգրանայ որդին կամ Տիգրանակերտցի պատմիչ մը (առ Վարդանայ). այլ ստուգագոյն ևս Միխթար Անեցին, որ « Յոլով աշխատ » եղէ, կ'ըսէ (առ Վարդանայ) գտանել զորպէսն » սուլտանացն՝ որ 'ի Թուրքաց, և գտի շնորհօքն » Աստուծոյ այսպէս. Մահմուտն զոր ասացաք՝ » Սպրթանայ որդի... 'ի գնալն յօգնականութի » ազգին՝ որոց զլիաւորն կոչուի Խտրղան Պօղըր. » զան (այսինքն Գառըրխան որդի Պօղրախանի, » տէր Քաշկարայ, զոր նեղէր Իլէկ խանն), 'ի » ճանապարհին պատահէ բաղմութիւն ինչ Թուր. » քաց (Սէլուկեանց), և 'ի դառնալն նոյն ճա. » նապարհաւ՝ մեծաւ յաղթութեամբ, առեալ » զամիրայն նոցա զԱխաղու (որ է Բէկ կամ » Բայղու որդի Սէլուկի), բերէ 'ի Խորասան և » դնէ 'ի կապանս. և ազգ նորա (եղբարքն և եղ. » բօրորդիք) եկեալ խնդրեցին... և ոչ ետուն: » Իսկ նոցա բարկացեալ անցին ընդ Ջահան՝ ամե. » նայն բանակօքն իւրեանց, և զանձինս 'ի մահ » եղեալ կռուեցան և յաղթեցին, և առին զնր.

» շաւորն, և կոտորեցին զզօրս Սուլտանին 'ի Դա.  
 » դանդանն մօտ 'ի Մրմն... Իսկ յառաջագէմն 'ի  
 » Թուրքացն՝ որովմանուն էր Մուսէ Աղոյ (Մու.  
 » սա Բէկ) Սարչուքեայ որդի, ունէր հինգ եղ.  
 » բորորդիս, որոց անուանքն Աբուտալիմ, Դա.  
 » ւուլթ, Չաղրբէկ, Աբուտալիի, Տօղրիլ - բէկ,  
 » որ և թռ զիշխանութիւն սուլտանութեանն», և  
 » այլն: (Ըսա վերոյգրեւոյս՝ Չաֆր և Տօղրիլ՝ որդիք  
 » են Միքայելի մեծ որդւոյն Սէլուգայ):

Ոչ այս պատմիչներս (Միլիթար և Տիգրան)  
 գտունն սյսօր, և ոչ սնոնցմէ հինն և մեծ իմաս.  
 տասէր գրիչն Յովհաննէս Սարկաւազ, որ նոյն  
 բաները քննութեամբ գրեր էր, և որոյ քանի մը  
 խօսքն մնացեր է (սու Սամուէլի Անեցւոյ). «Ըս.  
 » կիւթական ազգաց՝ ոչ հեղէնախոհիցն այլ բար.  
 » բարոսացն՝ եղեալ մուտ յաշխարհս, որպէս ա.  
 » սեն, այսպիսի պատճառաւ: Զյոլովս նուա.  
 » ճեալ ազինս որ յայնմ ժամանակի թագաւոր.  
 » քրն... և կրեալ ապա զընդդիմութիւն 'ի Հընդ.  
 » կականացն՝ ոչ սակաւ ժամանակս, հրաւիրեն  
 » յոգնառատ խոստմամբք պարգևաց զխուժա.  
 » գութսն 'ի մարտակցութիւն. և մարտուցեալ  
 » նոքօք ժամանակ ինչ՝ ընկրկէր (Մահմուտ) զա.  
 » պրստամբն. և զի կամէր միւս անգամ գումա.  
 » ըել 'ի մարտ՝ անդրէն դառնալ արգելոյր զե.  
 » կեալսն. և 'ի լինել պատաղմանն՝ լքանէր զկեն.  
 » ցաղս արքայն: Իսկ Մեդաջւոցն (որ թուին  
 » ըստ Միլիթ. Անեցւոյ՝ Մարաց Ռէ կամ Ռա.  
 » գաւ երկրին տեարքն) եղեալ դաշնագիր ընդ.  
 » օտարսն՝ մերժեն զՊարսիկքն, և դրաւեն զիշ.  
 » խանութիւնն, որպէս ոմանք ասեն, Սկիւթա.  
 » ցւոցն, այլ որպէս վարկանիմ, Բակտրիացւոցն.  
 » (և սոքա) բառնան զյոլովից ազանց սէրութիւն  
 » մեծամեծ պատերազմօք անզարմաբար զամենե.  
 » սին սատակելով»: Նրբախօս վարդապետս կ'է.

րեի ըսել, թէ Ղազնէւան Պարսից հպատակքն՝ անոնցմէ ապստամբելով՝ յօգնութիւն կոչեցին զՍկիւթացիս, զորս լաւ եւ էր ըսել Բակտրիա-ցիս. վասն զի այն հին աշխարհին կողմերը՝ որ է Բահլ՝ նախ տիրեցին այս Սկիւթացի ըստած Թուրքքն՝ սերունդք Սէլջուկի զոր Սարջուկ կոչէ պատմիչս (Սարկաւադ)։ Ուրիշ մեր մէկ չափա-բան պատմիչ մ'այլ՝ (Վահրամ Բաբուն 'ի վերջ կոյս ԺԳ դարու) ասոնց համար կ'աւանդէ.

« Ի հիւսիսոյ եղեն շարժեալ  
Ազգ՝ որ կոչմամբ Թուրք անուանեալ.  
Ի քսան ի չորս ցեղս որոշեալ  
Զիշխանութիւն Տաշկանց առեալ.  
Թէպէտ յաղանդ նոցին դարձեալ,  
Եւ կայսերաց յաղթող գըտեալ » . Լն, Լն:

Այսչափս բաւական սեպենք, Հայկակ, այս նոր տիրապետող Թուրք ցեղին՝ (Սէլջուկեանց) ծագման վրայ, ճանչնալով մեր հին հեղինակաց ոմանց կարծիքն այլ, և ցաւելով անոնց դրոց կորստեան կամ մեր ձեռքը չհասնելուն վրայ. ուրով անոնց քով չգտածնիս՝ առ օտարս և բնիկ պատմիչս արեւելեան ազգաց բնաբանք, մանաւանդ այն Նետողաց առաջին ասպատակին գլխաւորը և պատճառը, որ իմ այսքան երկայն խօսիցս և բարբարոս յիշատակաց պատճառ եղաւ։ Ուսկից և որոյ առաջնորդութեամբ եկած էին անոնք՝ ի տունն Սենեքերիմայ՝ ի Վասպուրական երկիր, այսպէս կանուխ՝ յամին 1019 (ինչպէս որ պիտի պատմեմ քեզի ուրիշ օր մը), մինչդեռ ուրիշ և ոչ մէկ արեւմտեան Ասիոյ կողմ մը լսուած էր Սէլջուկեանց անունն և գործն։



Սէլջուգայ թուռներն ճիհունէն սսդին անցած տիրապետելով՝ կամաց կամաց սկսան դէպ'ի հաւրաւ յառաջել, և Ղազնէւեան Մահմուտի բուն սահմանաց՝ այսինքն Խորասանի մօտենալ. բայց դեռ ակնածելով անկէ, որ կամ իրենց բարերարն էր կամ կրնար զօրաւոր թշնամի ըլլալ: Սակայն աշխարհակալութենէ աւելի էր իրենց աւարաւութեան փսփագն, և ալ աւելի դրդուէր՝ լսելով արեւմտեան աշխարհաց հարստութիւն. զոր և ցանկուք հեռուէն քննելով ինչպէս որ'ի բարձրէն որսը կու գիտէ բազէն, յանկարծ Նետողաց տոհմապետ բազէանուն Չաքրպէկն այլ՝ թեւերը թօթափելով, հետը իր Թուրքերէն զատ գունդ մ'այլ Թիւրքմէն առած, կապարձն ուսերուն վրայ ցըցած, աղելն 'ի ձեռին, նետերն առջնէն թուրքները զարկաւ, ինչուան շատ բերդեր այլ անըզգոյշ գտնելով՝ նուաճեց. և շրջան մ'առնելով նոյն աւարաւութեամբ և աւերածութեամբ՝ դարձաւ յետս իր տեղը: Մահմուտ սուլտանն լսելով անոր իր երկրէն անցնիլը՝ դժարեր և պատուիրեր էր որ 'ի դարձին բռնեն զԲազէն. բայց այն խորամանկն ծպտելով օտար փետուրներով՝ (վաճառականի զգեստով), անցաւ Մահմուտի սահմաններէն և հասաւ 'առ եղբայր իւր Տօղրուլ 'ի Պուխարա:

Ահա անշուշտ այս աւարաւու Բաղէին ասպա-  
տակութեան դարձին ատենն էր՝ քիչ մը վերջը քե-  
զի պատմելու դէպքս Վասպուրականի մէջ յա-  
ռաջին մուտն Նետողաց 'ի Հայս. որոց ճիրաննե-  
րէն փախաւ հնացեալ Արծուին Ասուր-Հայոց  
(Սենէքերիմն Արծրունի). և ալէկ ժամուն աճա-  
պարեց: Վասն զի նոյն տարին (1021) Չաղըրայ  
եղբայրն անուանին Տուղըիլ այլ արշաւանք մ'ը-  
րաւ 'ի Հայս, մինչև 'ի կենդրոն Այրարատեան  
աշխարհին 'ի Դուին. թէ և ինքն ալ եղբօրը պէս  
շուտ դարձաւ, և թերևս անկէ աւելի ծեծուած.  
վասն զի Բագրատունեաց սպարապետն՝ քաջն  
Վասակ Պահլաւունի (հայր Գրիգորի Մագիս-  
տրոսի) հսկայ զօրավարի մը հետ ըմբշամարտե-  
լով՝ յաղթեց, սպաննեց, ցրուեց բանակը. ինքն  
ալ յետ յաղթութեանն դարանակալի մը ձեռք  
սպանուած՝ նահատակ սեպուեցաւ: Պատմին՝  
Մ. Ուռհայեցի՝ այս ասպատակողքս ոչ Սէլջու-  
դեան Թուրք՝ այլ Դելմիկ (Տիլէմ) կ'անուանէ.  
այսինքն այն ժողովուրդն՝ որ Վաղբից ծովուն ա-  
րևմտեան հարաւային եզերքը կու բնակէր՝ մօտ  
'ի Գիւտն, սահմանակից հին Վաղբից Հայոց կամ  
Փայտակարան աշխարհի. որ և յիրաւի առանձին  
Թագաւորութիւն կանգնեց թ դարուն մէջ Խալի.  
Ֆայից տէրութեան երկպառակութեան ատեն.  
սակայն Անոյ մօտ Մարմաշէն վանաց եկեղեցւոյ  
գեղեցիկ արձանագրութեանց մէջ՝ Վահրամ եղ-  
բայրն Վասակայ՝ կ'ըսէ ասոր համար. «նահա-  
» տակեցաւ 'ի Թուրքաց պատերազմի»:

Այս դիպուածէս ետև 20 տարւոյ չափ Թուրքք  
քաշուեցան յարևմտից, զարեւելք սեպհականե-  
լով իրենց, վերցընելով Ղազնէւեանց տէրութիւն  
և ուրիշ մանր Թագաւորներ. Տուղըիլ անուա-  
նեցաւ սուլտան (1038), յետ մահու եղբօրն՝  
Չաղըրայ. ամիրապետէն այլ առաւ պատիւ ու

հաստատութիւն իշխանութեանը. ապա համարձակ գիմեց յարեմուտս, և աւելի համարձակ ուշատ անգամ 'ի Հայս, ուր Բագրատունեաց տէրութիւնն այլ դադրեր էր: Քստն տարուան միջոց (1042-1063) գրեթէ ամեն տարի մեր աշխարհին մէկմէկ կամ 'նոյն կողմերը ասպատակեցին Թուրքք, և ահա անոնց ըրածն՝ լսելու ու չլսելու արժանի՝ օղբաբանէ Լաստիվարացին, մասմ' այլ Մատթէոս Ուռհայեցի. զորս կրնաս աչքէ անցընել, եթէ սիրես գու այլ, Հայկակ, արեան ու կրակի վրայ արցունք թափել. մանաւանդ եթէ Արիստակիսի հետ հանդիպիս 'ի Վաղարշաւան (1044), յԱրդնի և 'ի Թլխում (1046), 'ի Բասեն (1048-1050), յԱրծն (1049), 'ի Կարս (1053), 'ի Հարք (1055), յՕկոմի (1056), 'ի Բերկրի և յԱրճէշ (1054), 'ի Դ Հայս և Տայս (1054-1057) 'ի Միջագետս Հայոց (1057), 'ի Կամախ և Մելունի (1058), 'ի Սեբաստիա (1060), 'ի Պաղին և Թլխում (1063). և այլն, և այլն: Կրննաս երբեմն այլ սրբել աչքերդ, տեսնելով ամուրքադաբաց (Անոյ, Կարնոյ և Մանազկերտի) ընդգիմանալն Թուրքաց. ևս առաւել լեռնորդ Սասնեցոց արիարար կռուիւն 'ի Տարօն և անկից հալածելն զԹշնամին (1058): Սակայն այլ աւելի պիտի դառնացընեն զքեզ գործք Տուղրիլի եղբոր որդւոյն և յաջորդին, այն ահեղ առիւծուն (Էլի-Աբսլան) որ ութ ինն տարուան մէջ (1064-72) թերևս հօրեղբորը 20 կամ 30 տարուան մէջ ըրածները գերազանցեց չարաչար:

Անի՝ չքնադագեղ քաղաքն քաղաքաց Հայոց՝ իբրև անձար սպանդ որսող խող եղաւ, ըստ Պատմըշին. ոչ Մանազկերտ՝ որ իբրև քսան տարի առաջ դիմացեր էր երկար պաշարման և Տուղրիլի ամեն բռնաբար բաբառներուն, կրցաւ Արքիարսլանայ գէմ կենալ, և ոչ Հայոց և Յունաց միա-

բանեալ գունդքն՝ սնոր աշխարհաւեր բանակին  
գէմ: Կայտն Կոստանդին Դիոփեն՝ իբրեւ հինն  
Վաղերիանոս 'ի Շապհոյ՝ բռնուեցաւ որս ընկաւ  
Ճիրանաց առիւծանուն Սէլուկին, որ մանչելով  
չորս կողմ կու յարձրկէր և աշխարհիս աւերը  
փութացընէր, և թէ իր անկարծ և չարաչար մահն  
այլ չփութար (1072), մանաւանդ անկէ ետքը  
իր որդւոյն Մէլիք Շահին խաղաղասէր Թագաւո-  
րութիւնն (1072-1092)։ վասն զի սա թէ և հօրը  
փափազը կատարեց՝ աշխարհակալելով մինչև ցեղը  
ովկիանու, (այսինքն Միջերկրական ծովուն Ա-  
սորուոց), և մնաց հոն իր արեամբ կրակած սուրը,  
սակայն դարձուց 'ի պատեանը, և բռնաբարնուա-  
ձեւոց՝ հայրաբար տիրապետեց։

Այս Ալի-Արսլանայ գործոց յարմարի կամ  
յարմարեալ է Ներսիսեան ըստած գուշտկու-  
թիւնն, որ և թուականաւ այլ ըսէ թէ « Յարի-  
» ցեն ազգն այն Նետողաց... իբրեւ ընուցու 700  
» ամաց ժամանակ (յետ մահուան Ս. Ներսի-  
» սի)... յարեւելից աշխարհէն, բուռն կազմու-  
» թեամբ ժիր և քաջ առն և ձիոյ, սուսեր թեա-  
» ւոր ընդ մէջ ածեալ...: Յւ նոքա բարկութիւ  
» և ապականութեամբ աւերեցեն զերկիր ըրե-  
» իւրով և սանձահարեցեն զամենայն զարեւել  
» և զհիւսիսի և զհարաւ և զարեմուտք, մինչև 'ի  
» ծովն Յունաց, և զգեղեցիկ նաւահանգիստն.  
» կոտորեցեն զհազարս և զքիւրս, և զութոս  
» Թագաւորաց յերկիր կործանեցեն. և 'ի նո-  
» ցանէ գողասցեն ամենայն երկիր. զի 'ի Տեառնէ  
» ուղղին գիտցք նոցա 'ի վրէժխնդրութիւն աշ-  
» խարհի ամբարշտելոց: Որպէս արծուի եղբ-  
» դաթեւ սլասցին ճեպով ընդ երկիր, զի Տէր  
» չեաց զնոսա յարեւելից 'ի ծագաց տրեգականն.  
» և քաղաքք մի փակեցին առաջի նոցա, և նե-  
» տիւք սպառեցեն զերկիր. արբուցանեն զնոս



» Իւրեանց յարիւնս ամենայն սոգսաց հեռաւո-  
 » րաց և մերձսւորաց : Իսկ նեղիչք քրիստոնէից  
 » ազգն արեւելեան լիագիրկք և պնդաձիգք նետո-  
 » ղաց՝ ոչ քաղցիցեն և ոչ ծարաւեսցին և ոչ խոր-  
 » շահահարք եղիցին վասն բերկրելոյ սրտից իւ-  
 » րեանց և յաջողութեան գործոց իւրեանց : Այլ  
 » ասպատակեացեն ընդ երկիր . և ընթացեն որ-  
 » պէս կարապետք նեւինն » . և այլն : Յայտնագոյն  
 ևս նշանօք յիշէ կարծեցեալ գուշակութիւնն ըզ-  
 Տուղբիլ և զԱլփարսլան . « Բարկացեալ սրտով-  
 » տութեամբ Տէր... յարուցանէ յարեւելից կող-  
 » մանէ... Խորասանայ՝ Թագաւոր այլադէմ և  
 » այլալեզու , անուն նորա Սուր և Թեթև և ըզ-  
 » գաստ... ահեղատես և զարմանալի , ժպիրհ և  
 » սէգ և լիւրք և երկայնահեր . (և այլն) : Եւ զկնի  
 » առաջին Թագաւորին այնորիկ՝ զոր յայտ արա-  
 » րաք , նստցի 'ի նոյն ազգէն նորին անուամբ եր-  
 » կրորդ Թագաւորն , 'ի նոյն յաթող յարեւելից՝  
 » որ առաւելու չարեօք քան զառաջինն , սերմն  
 » ժանդ և որդի դառնութեան . նա բարձցէ զքա-  
 » հանայապետութեան և զԹագաւորութեան տ-  
 » Թող 'ի Հայաստան աշխարհէ . խտտորեսցի յաջ  
 » և յահեակ , և կերիցէ զմարմին բազկի իւրոյ , և  
 » ոչ յագեսցի . այլ ինքն իւր ազգատոհմին ոչ  
 » խնայեսցէ . և է գազան սաստիկ և յափշտակող  
 » յայտնեալ , և արագաթև արծուի օրինակեալ  
 » զնա . և ունելով զբաժակ դառնութեան՝ ար-  
 » բուսցէ զամենայն հասակ մարդկան : Նա ըմ-  
 » բռնեսցէ զոմն 'ի Թագաւորացն Յունաց 'ի սահ-  
 » մանս Հայոց , մեծաւ յաղթութեամբ . (և այլն) .  
 » Եւ յետ այս բռնակալաց , . . . նստցի այր խաղաղ-  
 » արար... (Մէլիք շահ) և խնամակալու քրիս-  
 » տոնէից , բարեհամբաւ բարետեսակ » . և այլն :

Այս կարկատեալ մարգարէութիւններէն աւելի սոգսու են մեզի մեր ժամանակակից պատմը-

չին (Լաոսիվարացոյն) զրոյցքն ողբաձայնք. »Ո՞ր  
 » անգուշք անհնարինք քան զԹուրքաստան  
 » կամ զեղերս երկրի խորագոյն է, յորս մեր գե-  
 » ղիքն հեռացեալ կորեան »... Ուրիշ մերձաւոր  
 մ'այլ ժամանակաւ<sup>1</sup> կ'ըսէ. « Աղգք Թուրքաց  
 » տիրեցին աշխարհի 'ի ծովէն արեւելից (Կաղբից)  
 » մինչև ցծոմն արեւմտից, և ոչ մնաց 'ի նոցանէ  
 » մինչև ցքարանձաւ մի՝ որ ոչ մատնեաց Աս-  
 » տուած 'ի ձեռս նոցա » . և այլն :

Ահա այս ատեն Նետոզաց նետերէն փախչելով  
 բազմութիւնք Հայոց՝ իբրեւ յաւիտենական մնաս-  
 բարով մը ըսին հայրենեաց և սնոր սահմանաց,  
 և հեռացան մինչև 'ի միջավայրս Եւրոպիոյ, 'ի Լե-  
 հաստան, և այլն :

Յետ մահուան Մէլիք շահի՝ Սէլջուկեանց իշ-  
 խանութիւնն իրեք չորս ճիւղ բաժնուեցաւ . գրե-  
 խաւորն էր սուլտանն Պարսից՝ որ և տիրէր մեր  
 աշխարհաց . երկրորդն՝ Սէլջուկեանց նախ բնա-  
 կած տեղերուն վրայ կ'իշխէր, այսինքն Թուարէզ-  
 մի . երրորդն եղաւ սուլտանն Իկոնիոնի, այսինքն  
 Դոնեայ, և ամենէն աւելի երկարատեւ եղաւ, գրե-  
 թէ մինչև 'ի վերջ թԳ գարու, և գրակից ըլլալով  
 Ռուբինեան թագաւորաց մերոց՝ իրարու հետ  
 շատ գործ ունեցան . չորրորդն՝ սուլտանք Հալէ-  
 պի և Դամասկոսի, որոց 'ի կէս թԳ գարու (1260)  
 տիրեցին ԲԱՅԱՐՔ :

## Ժ

Այս աղգս (Թաթար) յետին եղաւ սկիւթա-  
 կան ասպատակողաց, միանգամայն և ամենէն հե-  
 ոտ հասնող, ամենէն հզօր կամ վայրագ, կամ  
 լաւ ևս ըսել՝ ամենէն աւելի Նեփոդ . այնպէս որ

<sup>1</sup> Շարունակող պատմութեան թում . Արծրունւոյ :

մերայինք տասր սեփականած են այդ կոչումը, Առօ՞ն Նեփոչոյ. և Ներսիսեան գուշակուիք ասոնց վրայ խօսին յետ Սէլուկեանց: Թուրքաց ցեղակից և 'ի Թուրքաստանէ ելեալ գէպ 'ի յարեւել ծաւալեալ և շատ առհմեր բաժնուած էին Թաթարք, որոց առաջին նահապետն կամ գաղթականի առաջնորդն՝ անծանօթ է. բազմաթիւ առհմից գլխաւորներէն մէկն էր Մուշալ (Մոնկոլ ըստ Նւրսպացոյ), որ և հին Պարթևաց պէս վարտաական կամ փախտեալ կու նշանակէ. ուսկից յառաջ եկաւ աշխարհիս ամենէն աւերածու և բռնակալաց մէկն կամ առաջինն, Ճինկիլխան. որոյ արիւնագիծ պատմութիւնն մեր այսօրուան տեսարանէն գուրս թողունք. ծի գարուն վերջերը իշխանութիւնը ձեռք առած՝ սկսաւ աշխարհակալութեան 'ի չորս կողմն, և տիրեց 'ի Զինաց մինչև 'ի Կիւրիկիա. 'ի հիւսիսոյ արեմտից պլ մինչև 'ի Ղրիմ, մինչև 'ի Ռուսս և 'ի Լէհս, իր նմանաբարոյ որդւովք և թողամբք. նուաճելով և ջնջելով Պարսիցի Խուարէզմի Սէլուկները, սրոց յետինն էր Ճէլալէտտին սուլտան: Ասոր բաժինը ժառանգեց Հուլաղու խան (1258), թոռն Ճինկիլայ. իր սերունդքն պայազատեցին տիրելով մեր աշխարհին և արեմտից՝ դար մը ժամանակ. յետ որոց արիւնկզակն Լէնկթիմուր գլուխ եղաւ նոր պայազատութեան, որ տեւեց մինչև ցվերջ ծն գարու. յորում (1499) Շահ Իսմայէլ Սէֆեան՝ Պարսից նոր թագաւորութիւնը հաստատեց և Նեոտղաց բռնութիւնը վերջացաւ:

## ԺԱ

Բայց բուն անոնց տէրութեան յաջորդ եղաւ դարձեալ Թուրք առհմ մը, որ մինչև ցարդ կու մնայ մեծատարած իշխանութեամբ, բայց և քա-

լտքաւիան օրինօք: Այս Թուրք տոհմն ծագեալ  
 'ի հզօր Ուզուզ Թուրքաց, զոր նախ տեսանք,  
 կոչէր Գայի-խանը, Թերևս յանուն Գայի-խանի որ-  
 դոյ Թուրք-խանի՝ Թոռին Յաբեթի նահապետի,  
 ըստ աւանդութեան նոցա: Այս Գայի խանէն  
 յորդուոց յորդիս ցեղաբանելով յիսներորդ կ'ըլլայ  
 Սիւլեյման շահ, որ կու տիրէր իր տոհմին՝ 'ի Մահան  
 քաղաքի 'ի կողմանս Մէրուսոյ, ուր եկեր էին իր  
 նախահօրքն Սէլուգայ հեռ՝ իրենց խոր աշխար-  
 հէն: Երբ Ճինկիզխան հալածեց զՃէլալէտտին՝  
 Սիւլէյման նախապատիւ եղաւ Խուարէզմի կողմի  
 իշխանաց մէջ. բայց Թաթարաց ոտնակոխ չըլլա-  
 լու համար՝ փախաւ չուեց բազմութեամբ իրեն  
 հաւանելոցն, եկաւ նախ բնակեցաւ յաշխարհն  
 մեր 'ի Հայաստան, 'ի կողմանս Խլաթայ. ուր շատ  
 դարերէ 'ի վեր մահմէտական տէրութիւն մը հաս-  
 տատուած էր. բայց Թաթարաց վախէն՝ անկեց  
 ալ հեռացաւ անցաւ յարեմտեան Հայս, յիշխա-  
 նութիւն Իկոնիոնի Սէլուկեան սուլտանին՝ Ա-  
 լայէտտին Քէյքապատայ, որ մարգասիրապէս  
 ընդունեցաւ և տեղ տուաւ անոր 'ի սահմանս մեր  
 հին Եկեղեցաց գաւառին (Երզնկա). անկից եկաւ  
 'ի Զահան գաւառ (Մարաշ): Յետ մահուան նո-  
 րա՝ իր Էրզողըուլ որդին նորէն դարձաւ 'ի Մեծ  
 Հայս՝ 'ի Բասեն գաւառ, յետոյ դարձեալ 'ի Փոքր  
 Հայս և 'ի Փ. Ասիա. ուսկից իր որդին՝ Օսման՝  
 նախապետ համանուն մեծիշխան Թաթաւորաց,  
 և իր որդիքն՝ չորս կողմի տիրելով, և աւելի դէպ  
 յարեմուտք երթալով՝ յետ դարու կիսոյ հասան  
 առին և գրին իրենց աշխարհակալ իշխանութեան  
 աթոռը՝ աշխարհիս ամենէն հզօր մեծ և գեղեցիկ  
 քաղաքին մէջ, 'ի Կոստանդնուպօլիս, զոր կոչե-  
 ցին և կոչեն Սփանդուլ մինչև հիմայ:

Հոս հին Աբարիսի նետն իր վաղուց կորուսած  
 կապարճը գտաւ, մտաւ: Պայազաթք պայազա-

տաց Նեառազաց՝ նոր զէնքերով իրենց ահը և զօրութիւնը հին աշխարհիս իրեք մասանց մէջ այլ տարածելով, (ուր մինչև հիմայ այլ կու տիրեն), երբ աշխարհակալութեանց եղբրքն սահմանեցան, 'ի քաղաքական կրթութիւնս դարձուցին իրենց ընթացքը, ըստ եւրոպական հրահանգեալ ազգաց, և դեռ այս անծայր ասպարիզին մէջ կու կշւեն քայլերնին։ Աշխարհիս խաղաղութեան և խռովութեան մէկ բաղդաշարժ քուէն՝ այս սկիւթական Թուրք տոհմին տրուած կ'երևի 'ի հնուց մինչև հիմայ, և գուցէ մինչև 'ի հեռագոյն և յանձանօթ երբս ժամանակի։ Ինչպէս ուրիշ մեծազօր քուէ մ'այլ՝ անոնց հին գրակից և մեծ մասին տիրող սարմատական Ռուս տոհմին։

---



ԻԸ

ԱՌԱՋԻՆ ԱՍՊԱՏԱԿ ՆԵՏՈՂԱՑ

Ի ՀԱՅՍ

1 Յոսեփ , 1019 .

Ա

« Ժամանեցին մեզ աւուրք չարչարանաց , և  
» գտին զմեզ նեղութիւնք անհնարինք... Աղօք  
» օտարածնաց օտարացուցին զմեզ 'ի բնակու-  
» թենէս մերմէ . և դարձան փառք մեր յապակա-  
» նութիւն... Յաջորդք 'ի յաջորդաց փոխանակե-  
» ցին , և նուազեաց արդիւն արծարծիչ շնչոյ կեն-  
» դանութեան . հաստատունք յաշխարհ 'ի պան-  
» դրխտութեան իւրեանց պանդխտեցան երկրորդ  
» անգամ , և եղեն վտարանդիք 'ի ձեռանէ պան-  
» դրխտաց ապստամբաց . 'ի սիրելեաց քակտեալք ,  
» զորս ոչ սուր սատակեաց , ցրուեցան զօրէն աս-  
» տեղաց մոլորական կոչեցելոց... : Բարձան ու-  
» բախութիւնք յերկրէ . լռեցին ձայնք քնարաց ,  
» լռեցին բոմբիւնք թմբկաց . բարձրացան աղա-  
» զակք լալեաց » :

Այս ինչ ցաւադին ձայներ . ինչ աւանայ գե-  
րութիւնք և կամուռ օտարութիւնք . ինչ սրբա-

մառիթ լուռութիւնք քնարաց և թմբկաց: — Եւ  
 ո՞վ մեզի այսօր, Հայկակ, մեր հայրենի քնարաց  
 և թմբկաց ջախջախանքը գուժէ, և լուռութիւնը  
 հուշակէ: — Ականատես վկայ մը, հայրենակէզ հռ-  
 գի մը, ղգայուն և խոցեալ սիրտ մը, փափուկ և  
 մաքուր գրիչ մը. մէկ հատիկ մնացեալ ձայն ողբ-  
 արկու և պատմիչ ժամանակին՝ ի մէջ մեր պատ-  
 մըջաց ծ և ծԲ դարուց, միակ մնացեալ շաղ-  
 կապ պատմիչ ժԱ դարու. Արիստակէս Լաստիվար-  
 ցի. որ համառօտէ զյիշատակ « անցիցն անցելոյ ի  
 » յայլատեան ազգաց՝ որ զորչ զմեզ էն, ընդ աշխարհ  
 « Հայոց »: Մէկ մարդու կենաց ժամանակի չփո-  
 է իր պատմութեան միջոցն, 72 տարի. սկսեալ ի  
 1001 թուոյ. յորում՝ տեսնելու կամ չտեսնելու  
 ծանր ծանր դիպուածք հանդիպեցան իր և մեր  
 աշխարհին մէջ. — մեծամեծ և պժգալի փոփոխու-  
 թիւնք, որոց ականատես ականջալուր և կարե-  
 կից ըլլալով, միակ մխիթարանք այրած և անէջ  
 սրտին գտաւ՝ տեսածը և կրածը գրչին, և անով  
 յետնոց աւանդել:

Բայց որչափ որ եղածքն մեծամեծ և ծանր ըլ-  
 լան, մարդ իր սրտովը կու կշռէ կու ղգայ. և այ-  
 սով իր ղգացումն աւելի մեծ կ'ըլլայ. գոնէ մեր  
 Լաստիվարացոյն համար այսպէս եղած է. անոր  
 համար եղածէն աւելի ղգածը կու նկարագրէ.  
 ընդարձակ տեսարանը՝ իբրև իր սրտին հայելոյն  
 մէջ բովանդակելով կու ցուցընէ. — աւելի ողբա-  
 սացութիւն քան պատմաբանութիւն. — զոր և  
 ինքնին շատ անգամ խոստովանի, և ուրիշ պատ-  
 մըջի կարօտ կու սեպէ դիպուածքը. Իսկ ես, կ'ը-  
 սէ, գրեցի « ոչ լիով, այլ միայն զի՛րէն իրացն  
 » որ եղև և անց ընդ մեզ »: Իժբաղդաբար ին-  
 չուան հիմոյ մենք այլ իրեն հետ « կարօտացաք  
 » հին ժամանակագրացն պատմութեան, զի ըստ  
 » պատշաճի և յարմարական բանիւք դրոշմես.



» ցեն... զանցելոցն զհանդիպումն անսխալապէս  
 » որ ինչ եղեն » : Ոչ ոք իր ատեն կամ յետոյ ման-  
 րամասն գրեր է այն բաները, մանաւանդ թէ գը-  
 րեր՝ և մեզի չէ հասեր. որով պատմասէրք՝ թե-  
 րևս 'ի զուր մեղագրեն զԱրիստակէս՝ փոխանակ  
 իրաց՝ մեզի լաց աւանդելուն համար :

Սակայն ո՞վ կրնայ իրաւամբք մեղագրել այն-  
 պիսի սիրտ մը՝ այնպիսի վշտաշատ տեսարանաց  
 մէջ պաշարեալ. « 'ի չորից կողմանց՝ յարեւելց  
 » սուր, յարեւմտից սպանումն, 'ի հիւսիսոյ հուր  
 » և 'ի հարաւոյ մահ » . սիրտ մը՝ որ երբեմն տե-  
 սաւ իր ազգ ու հայրենիքը՝ բարգաւաճանաց և  
 պանծալի փառաց և ուժոյ մէջ, իբրև 'ի գեղեցիկ  
 առաւօտու և յերիտասարդական հասակի, և ա-  
 պա տեսաւ յանկարծ երեկոյացեալ և ծերացեալ,  
 խաւարեալ և օրհասական : - Տեսաւ, ինչպէս ինքն  
 կ'ըսէ, « Զորք աթոռք թագաւորութեան ունէր  
 » Հայք, թող թէ զկիւրապաղատին (Տայոց) իշ-  
 » խանութիւն և զոր 'ի Հռոմոց » . ամենքն այլ  
 իշխաններով, գունագոյն դրօշներով և զինուորու-  
 թեամբք զարդարեալ և զուարճացեալ. և յետոյ  
 ամենքն այլ մէկմէկու ետեւէ քակեալ քանդեալ  
 քայքայեալ, պանդխտեալ յօտար աշխարհս.  
 տեսաւ Հայոց քահանայապետական աթոռը,  
 « հայրապետութիւն մեծ և նախանձելի ամենայն  
 » ազգաց » , իր ամենէն մեծ փառաւորութեան և  
 եկեղեցական բազմութեան մէջ (Պետրոս Գե-  
 տադարձ ճոխասէր կաթողիկոսի ատեն), և յե-  
 տոյ զնա այլ իր յաջորդներն այլ՝ անտեղի և ան-  
 հանգիստ թափառել յօտարաց երկրի և բռնու-  
 թեան. - տեսաւ անապատները ծաղկեալ միան-  
 ձանց բազմութեամբ, և յետոյ թագաւորանիստ  
 քաղաքներն անգամ անապատացեալ յիշխանաց  
 և 'ի զօրակոնաց. - տեսաւ զՀայաստան յղփա-  
 ցեալ հարստութեամբ վաճառականութեան և

երկրագործութեան, բաւական ժամանակ աշխարհին հանդարտ մնալովը, և յետոյ՝ գանձեր բաժնողներն անգամ մուրացկան կամ բարբարական պտըտիլ. — տեսաւ Հայաստանի յետին պարծանաց պսակ՝ հազարաւորեան Անին՝ կրկին անգամ մտանեալ, անկեալ յօտար և բարբարոս ձեռք, և արեամբ ողողեալ. — տեսաւ իւր սեփական հայրենեաց պանծալի քաղաքը (Արծն), և իր ընտանի ծննդեան գեղաւանը (Լասախվարտ) սրով և կրակով այնպէս մաշած, որ մեկուն հազիւ աւերակաց հետքը և սև անուներ կու մնայ (Գաբա Աբւ) յետ 800 տարուան, մէկայլին՝ ոչ հետքը և ոչ անուներ. մինչև թէ և ուզեմք այլ ըստ խրատու պատմըին, չեմք կրնար զթողեալն պատմել 'ի նմանէ՝ յաւերակացն ուսանել: — Տեսաւ իր համազգիները, նաև իր տատիճանակիցները, անասուններէ աւելի անարգ և խշխշալի կերպով մորթուած և մորթեղերծ եղած՝ նորատեսիլ վայրենի ասպատակաց ձեռքով: ... Այսպիսեաց տկանատեսի մը սրտաշարժ քան մտադաւ գրիչը, ես չեմ կրնար մեղադրել. մանաւանդ որ իր յստակ վայելաբանութեամբն, ազնիւ զգացմամբք և նրկարագրութեամբք, և իր իսկատիպ ոճովն՝ ոչ միայն նորօրինակ և աննմանակ պատմիչ մ' է մեր, այլ թերևս յետ մեր ոսկեղէն դարուն պատմըաց՝ քան զամեն ուրիշներն աւելի համբոյր է և սիրելի ընթերցողաց: — Եւ ահա սա ինքն է որ այնպէս անսովոր կամ մարգարէախօս իմն ոճով ըրած է իր պատմութեան նախաբանը, զոր և ես քեզ նախաբանեցի, Հայկակ. և յորում՝ գեռ ախորժեմ և կարծեմ լսել Լասախվարտցոյն ակնարկած լռեալ քնորաց յետին արձագանգը, և անթոյ թմբկաց թաքուցեալ բոմբիւնքը: ... Ով կու յիշէ՝ կու լսէ. ով սր կ'ապրի՝ կու յիշէ. թէ հարկ է ապրիլ՝ հարկ է և յիշել և լսել. գոնէ անծերա.

նալի յիշատակդ՝ լսել այն Բեթլէի Բոթէնը, առանց որոյ չկեան և չկան հայրենիք։...

## Բ

Բայց ի՞նչ թմբուկ հայրենի, և ի՞նչ տաւիղ վայրենի, որ մէկզմէկ կու ջանային խափանել այն առեւն։ — Սկիւթիոյ անապատին բարբարոսաց սրտակտուր տօպտօպայն՝ որ մեր աշխարհին հիմերը թնդացուց, գեռ ամենսնուազ բզզիւն մը սեպուէր այն տիեզերագլորդ փողոյն ձայնէն առաջ, զոր զարհուրեալ նախնիք մեր համարէին տարուէ տարի լսել. և ոչ մեր նախնիք միայն, այլ գրեթէ ամեն քրիստոնեայք յարեւելս և յարեւմուտս՝ մեծ աագնապի մէջ էին այն առեւն. երբ 'ի գալստենէ Քրիստոսի Տեառն մերոյ հազար տարի նոր անցեր էր։ Ի հնուց կարծիք էր շատ հաւատացելոց՝ թէ անկէ ետեւ աշխարհիս վախճան պիտի ըլլայ. Յայտնութեան գրոց մէջ ըսուածն՝ թէ «կապեաց զսատանայ հազար ամ» լցուած ըլլալով նորէն պիտի արձակի սատանայ և բռնանայ չարութեամբք 'ի վերայ երկրի. անծանօթ ազգեր 'ի ծագաց երկրի պիտի վազեն 'ի վերայ քաղաքացեալ ազգաց, և սրով ու աւերմամբ ջնջեն. և 'ի ժամանակի անդ բռնութեան բարբարոտաց, Նեախն և սատանայի՝ դայ պիտի Քրիստոս Աստուած, գադրեցընելու զժամանակ և զծնունդս ժամանակի, և երկիրս աւեր պիտի դառնայ։ Ըստ բազմաց կարծեաց ոչ 'ի ծննդենէն Քրիստոսի այլ 'ի խաչելութենէն կու համրուէր հազար ամն. և ահա մեր պատմըջին այլ կենաց ծաղկած առեւն էր այս ժամանակս. որ և առանց յայտնի երկար բանիւ այս ահաւոր ըլլալիքը յիշելու (զի և չեւաւ այլ), գարձեալ նոյն տարին կու սեպէ մեր աշխարհին չարեաց դուռը. մանաւանդ որ արեւ-

գական խաւարում մ'այլ հանդիպեցաւ ուրբաթ օր մը<sup>1</sup> նոյն տարին (1033)։ « զոր տեսեալ բա-  
 » զսւմբ 'ի գիտնոց՝ կարծեցին գոլ զծնունդ Նե-  
 » ռինն՝ զօրն զայն, կամ մեծամեծ չարեաց գու-  
 » շակ. որ եղև իսկ յաւուրս մեր, յորս պատմու-  
 » Թիւն բանիս առաջնորդեալ տանի զմեզ, զոր  
 » տեսաք աջօք մերովք զաստուածասպաստ հա-  
 » ռուածան », և այլն։ Նաև պատմութեան վեր-  
 ջաբանին մէջ այլ կրկնէ. « զի յայնմ հետէ զոր  
 » յառաջագոյն ասացի, յորում Թուական Հայոց  
 ՆԶԲ (1033) էր, մինչև ցայժմ՝ ուխտ սրբութեան  
 » և կարգք եկեղեցեաց քայքայեալ ապականե-  
 » ցան. և ոչ համբաւ իտաղապութեան կամ աւե-  
 » սիս բարեաց լուաք, և ոչ մի արձան յաղթու-  
 » Թեան կանգնեցաւ, ոչ Թագաւորաց և ոչ իշ-  
 » խանաց »։ Ուրիշ պատմիչ մը համարձակ այլ  
 կու գրուցէ այն տարւոյն համար, Թէ « Արձակե-  
 » ցաւ սաստանայ 'ի կապանաց խաչելութեանն  
 » Բրիստոսի »։

Իսկ մերս՝ ուրիշ նշան կամ դիպուած մ'այլ  
 կու տայ այն հանդերձեալ մեծ ըլլալիքին. Նրու-  
 սաղեմի կործանման ատեն հանդիպածին պէս կ'ը-  
 սէ, 'ի Հայաստան այլ մէկ անծանօթ մարդ մ'ե-

1 Պատմիչս կ'ըսէ « յամսեանն արաց՝ յաւուր ուրբա-  
 » Թու » . ամսուն օրը չըսէր. ոչ հայկական հառտատ տօ-  
 մարի հաշուով և ոչ շարժականով արաց ամսոյն մէջ նոյն  
 տարին արեւու խաւարմունք կ'ըլլայ. հապա Թէ որ մեր  
 ամիսներն այլ սկսինք համբել Հռոմայեցւոց ամսոց հետ,  
 այսինքն նաւասարդը յանուարին հետ, միայն այս կեր-  
 պով արաց ամիսն կու գուգի ընդ յունիսի, որոյ 29ին ուր-  
 բաթ օր յամի 1033 աստուգիւ արեն խաւարած է։ Միւ-  
 Թար Այրիվանեցի քաղոց ամսոյն 13ին կ'ըսէ այս խաւա-  
 րումը, ռակայն այն օր այն տարի խաւարումն չկայ. ուրիշ  
 պատմիչք այլ քանի մը տարի ետե կու ձգեն խաւարումը։

րևեցաւ նոյն ատենները, որ արեւելեան գաւառներէն գալով գէպ 'ի յարեմուսք կ'երթար, վա-նայ ծովուն հիւսիսային եզերքներէն մինչև յՆըզընկա՝ անգագար կանչելով. Նընկ զիս, եզոնկ զիս. (վայ ինձ, վայ ինձ). — կու հարցընէին թէ ո՞վ ես, ուստի՞ կու գաս, ինչո՞ւ կ'ըսես. ուրիշ պատասխան չէր տար, բայց նոյն եղուկը. մինչև ոմանք (զորս անմիտ կոչէ պատմին) խելաթափ սեպեցին զնա. « Բայց իմաստունքն ասէին, այդ » եղուկդ ամենայն երկրի լինելոց է » :

Այսպիսի գիպուածներ՝ եթէ շատ կամ աւելի կերպով մերագգեաց և մանաւանդ թագաւորաց և իշխանաց միպը շփոթեցին ու սրտերնին վախցուցին, առանձին ազգային աւանդութիւն մ'այլ ունէին պատճառ. այն էր՝ իրենց նախնեաց անիրաւ գործերը, և անոնց համար ժամանակին սուրբ և ընտիր անձանց յանդիմանութիւնը և սպառնալիքը. մանաւանդ Ս. մեծին Ներսէսի: Սա նախատեսութեամբ գուշակեր էր Հայոց գլուխը գալիքը, և վերջի ժամանակներ ըլլալու բաները՝ աշխարհիս կատարածին մօտերը. նաև Նեփոշ ազգի մը արշաւանքն 'ի Հայս, և բոլոր աշխարհս տակն ու վրայ ընել և ժողովուրդը ցրուել: Չայս կու յիշեն իր վարուց գրիչք, նա և ուրիշ պատմիչք այլ ծԱ գարէն ետև. իր վարքը երկարօրէն գըրողն Մեսրոպ Նրէցն այլ 'ի ծ գարու՝ այնպիսի խօսքեր կ'աւանգէ Սրբոյն. սակայն իր գրոց հնագոյն օրինակաց մէջ (որչափ հանգիպեր եմ), չկան այն որոշակի խօսքերը՝ զոր յետին օրինակաց մէջ կարգամբ՝ Սէլուկեան և Թաթար Նետողաց վրայ. և յայտնի է որ յետոյ աւելցուած են. կէս մը այս (ԺԱ) և յաջորդ (ԺԲ) դարուն մէջ, կէս մ'այլ յետ արշաւանաց Թաթարաց 'ի սկիզբն ԺԳ դարու. սրբոյն Ներսիսի ընդհանուր խօսքերը մասնաւորիւով և յարմարցընելով Տուղ-

րիլեանց և Ճինկիզեանց : Սակայն ստոյգ է որ հասարակ եղած էր այն Ս. Հայրապետին սպառնալեաց վախն. և երբ այսպիսի նշաններ տեսնէին՝ մէկէն անոր խօսքերուն կատարուիլը կարծէին :

Այսպէս ըրին նաև ժամանակին Թագաւորք և ազգային գլխաւորքն, Յովհաննէս-Սմբատ Բագրատունին, որ Յովհան Կողբուն վարդապետին ձեռքով քննել տուաւ և նոյն կարծեաց վրայ հաստատեցաւ. և Սենեքերիմ Արծրունեաց Թագաւորն՝ որ շատոնց նոյն վախին մէջ էր, և իրեն համար Քրիստոսի 1000 Թուականէն սկսած էր : Առաջին նետ Նետողաց իրեն գիպաւ : Զարմանքն այս է որ մեր պատմիչն՝ միայն տեղ մը անցողաբար և լռեւեայն կու յիշէ այն դիպուածը՝ որ իր յետագայ ողբոց նախասկիզբն պատճառն է, և պատմութեան պէտքն այլ կու պահանջէր յիշելը : Կ'երևի որ բուռական տեղեկութիւն չունէր Հայաստանի սահմանածայրը եղած բաներուն, նոյն իսկ Արծրունեաց մէջ. բայց դիպուածին տարին ստոյգ կու յիշէ, 1022ին հանդիպած բան մը պատմելու ատեն. « երկու կամ երեք ամօք յառաջ գործեցաւ », կ'ըսէ, Սենեքարիմայ հասած վտանգն. որ է 1019 ամն Քրիստոսի :

## Գ

Մինչդեռ 'ի բաւական խաղաղութեան և շինութեան էր աշխարհնիս և սահմանակիցքն այլ, անակնկալ ատեն և կողմէ նոր և անծանօթ առաւտակ մը սփռեցաւ Հայաստանի հարսուային արևելեան ծայրը, 'ի Վասպուրական աշխարհ, որոյ իշխան և Թագաւոր էր Սենեքերիմ Արծրունի. հասակաւ, պատուով և խելօք յառաջացեալ, սիրելի Վասլի կայսեր և պաակառելի իշխանաց Հայոց : Այնպէս անկործ, աննման, անշնորհք և

անգութ երեցաւ այն խոթադուծ ազնւոյնաց, որ ոչ այսչափ միայն կ'ըսէ պատմիչն, այլ և կարծէ թէ «օձք թեւաւորք հասին և կամէին ցոլա»  
 » նալ ընդ ամենայն աշխարհ հաւատացելոց. այս  
 » առաջին ելն արիւնարբու գաղանացն» : Տարակոյս չկայ որ մեծ չփութ և սարսափ ձգեցին թէ խաղաղաբնակ ժողովրդեան ( որոց չէնքերը և վարուցանը կոխէին և կողոպտէին ), թէ իշխանական և զինուորական դատուց, որք ոչ միայն անպատրաստ էին, այլ և « չէին բնաւ տեսնալ (այնպիսի) զօրք հեծելոց... այլակերպ, աղեղնաւորս և  
 » հերարձակս իբրև զկանայս. և յայնժամ զօրքն  
 » Հայոց չէին սովոր պատրաստ լինել ընդդէմ  
 » նետիցն » . կամ ինչպէս ուրիշ և գրեթէ ժամանակակից պատմիչ մը կ'ըսէ. « Նոքա ունելով  
 » զբնութիւն արիւնարբու գաղանի, զի են ազգք  
 » ահաւոր տեսլեամբ. զի տեսիլ գիմտոց նոցա զար  
 » հուրեցուցանէ զտեսողսն և ահաբեկ առնէ, և  
 » բնակութիւն նոցա 'ի լերինս և 'ի դաշտս և յա  
 » նտպատս, որպէս զվայրենի գաղանաց. և են  
 » շաղակերք որպէս զգաղանս. ոչ պատուեն զմե  
 » ծամեծս, ոչ խնայեն յալիս և 'ի հարկիս ծե  
 » րոցն, ոչ ողորմին երիտասարդին և աղայոյն, ոչ  
 » խնայեն 'ի մանկութիւն ումեք, ազգ չար և դառ  
 » նացող » :

Այլազգեսց նետերն 'ի վան և յՈռտան չհասած՝ Սենեքերիմայ և իր եղբօր Դերենկայ զօրքերն խմբեցան ելան զանոնք յետ դարձընելու, առաջնորդ ունելով զՇապուհ՝ ծեր և փորձ սպարապետն Արծրունեաց, որ բանակ և պատերազմ վարելը իրեն խաղ ըրեր էր 'ի մանկութենէ. և սակայն հոս դժուարին և նոր խաղ մը տեսաւ. անճոռնի հերարձակ հեծեալք, և մանաւանդ լայնաձիգ հեռաձիգ աղեղանց նետեր, որ առջի բերան չէին թողուր Հայոց՝ իրենց մօտենալ ան-

գամ: ... Ո՛հ. և Հայք էին երբեմն աղեղնաւորք,  
այլ և քաջաձիգ արք աղեղանց, որոց ազգահայրն  
ինքնին համարուի հնարով աղեղան յետ ջրհեղե-  
ղին, Հայկն հսկայ. և որոց զինուորութեան սե-  
փական նշան իսկ՝ աղեղն և կապարճն էր. զոր և  
ինչուան հիմայ կու տեսնեմք իրենց հետ կռուող  
Հռոմայեցի կայսերաց գրամոց վրայ: Բայց երբ  
այս Փռիւգացի գաղթականն՝ (Հռոմայեցիք) հին  
Ասքանազայ սերունդն կամ մերձաւորն՝ Լաւիոնի  
տիրելով կամաց կամաց բոլոր Իտալիոյ, Յունաց,  
Փոքր Ասիոյ այլ տիրեց, իր աշխարհակալութեան  
գրեթէ յետին սահման ընելով մեր աշխարհը,  
հսկայակերպ Հայաստանի ուսէն վերուց անոր  
պարծանաց և ուժոյ զարդ՝ հարուստ կապարճը:  
Հայաստան ոչ այնքան կողոպտուելով թողուց իր  
կորովի բազկաց խաղալիկ կամարը (աղեղը), որ-  
քան ընտրութեամբ փոխեց զայն՝ աւելի յարմար  
զինուց հետ, մօտէն կռուելու մօտեցող գիմամար-  
տից դէմ: Ինչուան այն ատեն՝ հիւսիսային և ա-  
րեւելից ասպատակաց դէմ՝ անոնց գործածած  
զէնքով կ'ընդգիմանար հեւաձիգ աղեղամբ. անկէ  
ետե տեսաւ որ արեւմուտքն է իր գլխաւոր գիմա-  
կացն. Լուկուլ, Պոմպէոս, Կեսար, և Կրասոս  
սովրեցուցին իրեն նոր օրէնք կռուելու՝ սրով և  
փքնաւ: Յետոյ Բիւզանդացոց դաշնակցելով կամ  
հետեւելով անոնց զինուորութեան օրէնքն և կեր-  
պերն առին Հայք, առանց բոլորովին թողուլ ի-  
րենց նախնական և հայրենի թւչուն զէնքերը.  
սակայն քիչ գործածէին, և այն այլ՝ աւելի լեռ-  
նաբնակք կամ ընդդէմ լեռնաբնակսց:



## Դ

Արգ հիմայ այս նորատեսիլ Նեոողաց հա-  
րուածներէն՝ նախ տագնապեցան մերայինք, յե-  
տայ խիզախելով ուժով յարձակեցան հասան այլ-  
ազգեաց այլանդակ բանակին. և սուր բանեցընե-  
լով առատ արիւն հանեցին: Եթէ դաշտին վրայ  
ընկնողաց բազմութիւնն յայլազգեաց եղաւ, բայց  
վիրաւորելոց բազմագոյնն՝ ի Հայոց, այն յանկար-  
ծահաս և հեռաձիգ նետերէն՝ որոց դէմ չէր կրը-  
նար Շապուհ ուղածին պէս իր կարիճները քշել  
և քաշել. մանաւանդ որ իրեն արդեւք կ'ըլլար մէկ  
նեա մը, կամ այն նետից նպատակ մէկ գլուխ մը,  
որ իր գլխէն այլ բարձր և թանկ էր, թէ և ոչ ի-  
րեն պէս խոհական և փորձ. աւելի տաք արիւնոտ  
և լի հռանդեամբ և յանդգնութեամբ: Սա էր  
թագաժառանգն Արծրունեաց Դաւիթ. անդրաւ  
նիկ ի մէջ չորս կտրիճ՝ որդւոց Սենեքերիմայ:  
Հասակին և աստիճանին դրդումն, հօրը պատիւն  
և սէրն, և քաջութեան գինովցուցիչ մոլութիւնն՝  
գրեթէ աչքերը գոցեր էին ընդդէմ վտանգաց, և  
բացեր միայն ի խնդիր վրիժուց և փառաց. խնու-  
սիկ կամ արաբիկ երիվարին վրայ թռչտելով  
սանձը թողած, միայն սուրը մերկ վզերու և լայն-  
շի երեսներու վրայ իջեցընելով կու բանար ահեղ  
և վտանգաւոր ճամբայ մը, թէ և անվախ քաջու-  
թեամբ, թշնամեաց խառնակ գնդերուն մէջ. ուր՝  
յիրաւի չէին կրնար ասոնք դիւրաւ նետ բանեցը-  
նել իրենց ճակտին և կռնրկին հասնող կտրըճին  
վրայ. բայց նա այլ չէր կրնար երկար ատեն ողջ  
կամ անխոց մնալ: Շապուհ շուարած՝ իր զօրաց  
կարգը և թշնամեաց անկարգութիւնն այլ մոռ-  
նալով Դաւիթի վրայ հագալով կու կանչէր. «Թա-  
» գաւոր, ետ դարձիր, այս իմ և քու տեսած սո-

)) վորական պատերազմը չէ. նոր ու յանկարծա-  
 )) հաս զէնքեր են. այս անիծեալ նետերուն գէմ  
 )) բաւական պատասպարութիւն չունի մեր զօրքն.  
 )) և ահա մեծ մասն վերաւորած է: Մի այգալէս  
 )) շատ առաջ նետուիր. եւ գարձիր թողաւոր.  
 )) յիշէ որ հօրդ պատասխան պիտի տանք կամ  
 )) գու կամ ես... Թող այս անգամ պահ մը յետ  
 )) քաշուինք, նետերուն գէմ գնելու զբաժն հազ-  
 )) նինք, և այնպէս քշենք զա գաղանները»: Քանի  
 անգամ այլ այսպէս յորդորեց եւ կանչեց. թիկ-  
 նապահ հասուց, Դաւթի աչքը արիւնով լցուած՝  
 ականջներն աղեղանց կաշիներուն շկահիւնէն խըլ-  
 ցած՝ յամառած չէր ուզեր յետ դառնալ, ինչուան  
 որ թշնամիներուն երեսը իր երկրին սահմանէն  
 չգարձընէ: Երբ տեսաւ Նապուհ՝ որ այլ ոչ խօ-  
 սելու առեւն կայ ոչ մահիկ ընել տալու, ինքն այլ  
 իր սպարապետութեան և մանաւանդ գայեկու-  
 թեան իրաւամբք (վասն զի Դաւթի և անոր եղ-  
 բարց դասախարակ և կրթողն էր, և իր գրկաց մէջ  
 գգուեր էր անոնց մանկութիւնը), յառաջ քշեց  
 ձին, հասաւ արքայորդոյն և անոր թիկնալայն  
 կունակին կունա կոպիմը տալով՝ ձիուն գլուխը բռ-  
 նի գարձուց, քշեց իր զօրաց բազմութեան կող-  
 մը. բոլոր բանակն այլ կամաց կամաց յետ յետ  
 քաշելով, հանեց յայանի վասնգէն, արիու-  
 թեան և խոհեմութեան պարաքերը միատեղ կա-  
 տարելով. որովհետեւ Նետողքն այլ իրենց կողմէն  
 յետ գարձան կորան. զորս հարկ ըլլայ մեզի յե-  
 տոյ բնաբուել:

Սենեքերիմ եղածը իմանալով՝ մէկ կողմանէ  
 շնորհակալ եղաւ Ասաուծոյ և իր կտրիճներուն,  
 բաւական փառօք դառնալնուն վրայ. մէկայլ կող-  
 մէն մտածեց՝ որ եթէ թշնամիք այլ յամառէին  
 կամ նորէն ետ գառնային, երկար առեւն անոնց  
 գէմ գնելու ոյժ չունի, մանաւանդ թէ յոյս չու-

Դի. և այս անյուսուլթեան գլխաւոր պատճառն  
 այլ մեր նախայիշեալ ներսիսեան գուշակութիւնն  
 էր՝ Նեոոզաց յարձակման վրայդ։ Բոլոր օրը  
 տարակուսանօք անցընեւէն ետեւ, գիշերը (կ'ըսէ  
 պատմիչն) հասարակաց քնոյ և լուութեան տենն՝  
 ինքն իր աշխարհին և տանը հոգովը տքուն՝ գըր-  
 քեր իջուց և քննեց Ս. Ներսիսի խօսքերը, և տա-  
 րին յարմար գաւաւ. արդէն սատանայն արձա-  
 կուած էր ըստ կարծեաց նոցա։ Այն գիշեր ծեր  
 և երկարահոգ Թադաւորն մէն մինակ իր աւերու-  
 թեան սահմանը և բազդը փոխեց. երկիրը Թող-  
 լով ժողովրդեան գոնէ մէկ մասը ազատել և յա-  
 պահովել յանձն առաւ։ Արեւելեան այլազգի ազ-  
 գաց և տարուէ տարի ելած նորանոր տէրութեց  
 գէմ դնելու զօրաւոր տէրութիւն՝ միայն Յունաց  
 ինքնակալութիւնն կրնար ըլլալ այն աւան, որ  
 արդէն իսկ եօթն հարիւր տարի ստէպ կռուեր  
 էր ընդդէմ Պարսից և Արաբացւոց։ Ատենին Բիւ-  
 ղանդիոյ կայսրն էր մեծն և խոհեմն Վասիլ, որ  
 շատ տարի առաջ (1001) Վրաց և Հայոց սահ-  
 մանները կոխեր էր. և այն աւանն նախատեսու-  
 թեամբ իմն Սենեքերիմ մեծարանաց գեապան  
 խաւրելով անոր գաշնադրութիւն ըրեր էր հետը.  
 հիմայ այլ անոր վրայ վստահանալով՝ իրեն ճար  
 գտաւ։ Յետին ճար. — երկիրը Թողուլ Յունաց  
 կայսեր, և ասոր տէրութեան մէջ երկիր մ'առ-  
 նուլ, և հոն փոխադրուիլ իր արքունեօք և զօրա-  
 կանօք և ժողովրդենէն գաղթիլ յանձն առողնե-  
 րով։ Ղրկեց իր սուքզլուխ անգրանիկը՝ Ի Կ. Պո-  
 լիս, առ Վասիլ կայսր, ուրիշ 400 աղնուական  
 ներով, 1000 ձիաւորով և իր երկրին աւեր Յդիշէ  
 արքեպիսկոպոսով. 300 ջորւոյ բեռ այլ ընծանե-  
 րով. զորս ընդունելով Վասիլ՝ կայսերաբար պա-  
 տուեց իր պատուողները, ընծայողները՝ ընծա-  
 յեց, և երկրի փոխանակութեան գաշնադրու-

Թիւնն այլ կնքելով՝ դարձուց պատգամաւորները:

Հետեւեալ տարին (1021) ելաւ ծեր Թագաւորն՝ անուանակիր և պայազատ հին Ասորեստանի մեծ Սենեքերիմ Թագաւորին, տոհմապետն Արծրունեաց և Սասնեցոց, իր ընտանեօք և ազգականաց մեկ մասամբ, բազմութեամբ իշխանաց և պաշտօնէից և 14,000 հեծելովք կամ կորիճ մարդով, որոց հետ 'ի հարկէ այր և կին, մեծ և փոքր հնգապատիկ աւելի բազմութիւն այլ պիտի ըլլար, գուցէ բոլորն իբրև 100,000 հոգի. Թողլու հին հայրենեաց հողը և նոր հայրենիք հիմնելու յերկիր օտար, եթէ հնար է այս:... Շատ հեղ անկէ ետև այսպիսի գաղթականներ գնացին 'ի մեր բնիկ աշխարհէն՝ յօտար աշխարհս, ուր և ցարդ բնակին իբրև յիւրեանց աշխարհի. սակայն Թերևս ոչ մի գաղթական անոր պէս հանգարտ և հանգիստ կերպով գնաց. ուրիշներն աւելի ըստիպմամբ և արտորնօք, ասիկայ աւելի մտածութեամբ և հաշուով: Բայց հանդերձ այսու՝ ոչինչ պակաս ուղորմելի: — Թողուլ սկզբնական հողը, հաղարամեայ շէնքեր և տուներ, հարց և նախնեաց կերպ կերպ յիշատակներ, եկեղեցիներ և գերեզմաններ. — մեծամեծ չարեաց սպառնացեալ վախով՝ երթալ յանձանօթ երկիր. նոր տեղ, նոր լեռներ և գաշտեր. — անձանօթ կամ օտար ազգաց մեջ բնակիլ և խառնուիլ. — իբրև յաւիտենական մնաս բարով մ'ըսելով այն ամենայն բանի՝ զոր բովանդակէ անունն Հայրենի:... Ապա չեմ տարակուսիր որ շատ սրտառուչ եղած պիտի ըլլայ այս Արծրունեաց գաղթումն և բաժնուիլն իրենց հին և բազմայիշատակ տեղէն. — շատ գառն եղած պիտի ըլլայ նոյն ինքն գաղթողաց գլուխ Սենեքերիմ Թագաւորին, Թողուլն իր հոյակապ գագկաշէն պապական Ոստանայ ար-

քուէնիքը, Աղթամարայ գղեակը, Վանոյ բերդերը, և մանաւանդ հարց գերեզմանն, իւր դաստակերտ և կամ զարգարած հռչակաւոր Վանսի Վաւաֆայ. ուր և յետին մխիթար պանդխտից և օտարացելոց, նաև յետ դաղթականութեանն՝ ուղեց (և բաղդ ունեցաւ) որ մարմինն թաղուի, և իր նախնեաց հետ ննջէ անոնց հասարակաց բարձին վրայ. թողլով ունայն գերեզման մը՝ ի Ս. Նշան Սեբաստիոյ, զոր ընտրել էր իրեն երկրորդ Վարադ. և հոն գնելով Վարադայ մեծահռչակ սուրբ Խաչը, զոր հետը բերել էր, և յանուն նորին կոչեց նորաչէն և մինչև ցայժմ անուանի վանքն այլ Ս. Նշան, մօտ ի քաղաքն Սեբաստիոյ: Սեբաստիա՝ որ երբեմն գլխաւոր քաղաք էր Բ Հայոց նահանգին, հիմայ այլ եղաւ մայրաքաղաք և աթոռ Սենեքերիմայ նոր թագաւորութեան. որոյ սահմանքը որոշ գծած չէ մեզի պատմութիւնն. այլ կ'ըսէ թէ Սեբաստիոյ հետ տրուեցան Արծրունեաց՝ Լառիսա և Ապարա? քաղաքք և շատ գեղեր, որք չէին հաւասարեր<sup>1</sup> ոչ շատութեամբ և ոչ հարստութեամբ՝ իրենց թողած տեղւոյն. որ էր Վանայ ծովուն չորս բոլոր երկիրն. ուր միայն ծովուն եզերքը կամ մօտ՝ տասն քաղաքք կային, զոր և թուեն Յայսմաւուրք մեր. Վան, Արտամէտ, Ոստան, Հողց, Խիզան, Խլաթ, Մանազկերա, Արծկէ, Արձէշ, Բերկրի. և ասոնցմէ օրերով ճամբայ հեռու սահմանք՝ մինչև ի Զուլամերկ ընդ հարաւ, Սալամաստ ընդ արեւել, և

<sup>1</sup> Յաջորդ տարին (1022) քիչ մ'այլ ընդարձակեցան այն կալուածքն, երբ Դաւիթ՝ Վասիլ դաւաճաններէն զատուելով՝ անոնց գլխաւորը (Նիկիփոր Փոկասը) սպանեց, և ի կայսերէն պարգև ընդունեցաւ Կեսարիոյ սահմանները, զորս յետոյ ժառանգեց իր փեսայն՝ տարաբաղդ Բագրատունին Գագիկ Բ:

Երասխ գետ ընդ հիւսիս. ուր այն քաղաքաց հետ  
 (Թողուց Սենեքերիմ առ Յոյնս « գեօղս 4400 լայ-  
 » « նանիստ և արգիւնաւորո », և 70 կամ 72 բերդ :  
 Միայն իրեն և իր Ժողովրդեան, և իրենց նախ-  
 նեաց անմահ արգեանց անմահ յիշատակ պահեց  
 և չօտորացուց՝ հազարէն աւելի վանքեր, կամ  
 ըստ ոմանց 900 փոքր աննշան վանքերը (Թողլով՝  
 115 մեծ և հռչակաւորներ՝ իբրև սեփական կա-  
 լուած կնքեց իրեն, իր և առաջնոց տուրքերովը  
 գարմանելու. որպէս զի վանականքն այլ՝ իբրև  
 հաւատարիմ պահապանք սրբազան հայրենի գե-  
 րեզմանաց և յիշատակաց՝ ազօթեն վասն հեռա-  
 ւորաց և մերձաւորաց, վաւր հանգուցելոց և  
 հանգիստ բնորոշող պանդխտելոց <sup>1</sup> :

Այս նոր օրինակ գաղթը և մանաւանդ անոր  
 պատճառն՝ կ'երևի թէ մեծապէս ազդեցին Սենե-  
 քերիմայ (Թագակցաց, որոց գլխաւորն էր Շա-  
 հրնշահն Հայոց Յովհաննէս-Սմբատ Թագաւորն  
 Բագրատունեաց. որ՝ երբ նոյն գաղթին տարին  
 Վասիլ կայսր երկրորդ անգամ եկաւ 'ի Հայա-  
 ստան, իրեն ընդ առաջ զրկեց զկաթուղիկոսն  
 Պետրոս, և ասոր ձեռքով գաղտ կտակ ընել տը-  
 ւաւ, յետ իր մահուանը կայսեր (Թողլու իր Թա-  
 գաւորական քաղաքը՝ Անի, և բոլոր իր վիճակը.  
 զոր և կատարեց ու կնքեց կաթողիկոսն : Հե-  
 տեանքն յայտնի է. — յետ 23 տարւոյ (1045)  
 Սմբատայ տարաբաղդ յաջորդն՝ եղբորորդին Քա-  
 գիկ՝ ստիպուեցաւ (Թողլու իր Թագաւորաբնակ  
 աշխարհը, և Սենեքերիմեանց սահմաններուն քո-  
 վերը պանդխտութեան տեղ առնուլ : Ոչ յետ

<sup>1</sup> Յայտնաւորք յունիս ամսոյ մէկին նշանակեն այս գի-  
 պուածներս, որոց մէկն միայն այս օր հանդիպած է. այս-  
 ինքն կամ Նետողաց պատերազմն (որ հաւանագոյն (Թուի),  
 կամ Սենեքերիմայ գաղթելու օրն, իր երկրէն ելնելն,  
 կամ Սեբաստիա մտնելն :

շատ ժամանակի՝ իր անուանակից վանանդայ Թա-  
գաւորն այլ նոյնպէս ըրաւ. Թողուց Յունաց ըզ-  
կարս, և առաւ երկիր մը մէկալոնց մօտ: Քիչ ա-  
տենէն ուրիշ Թագաւորազունք և մեծամեծ իշ-  
խաններ այլ, ինչուան արեւելեան Արցախոյ և հա-  
րաւային Սասնոյ ամուր երկիրներէն՝ գաղթական  
եկան, վերոյիշեալ Թագաւորաց սահմաններուն  
հարաւակողմը, Փռիւզիոյ և Աիւլիկիոյ տաւրո-  
սական լեռանց մէջ իրենց նոր հայրենեաց բոյնը  
հաստատելու, շատ գոյնարուծեամբ և աշխա-  
տանք: Սակայն այս եղբիւններս՝ իշխանազունք  
և սոսկականք՝ աւելի բաղդաւոր եղան. վասն զի  
Թէ և Զանքով սակայն կոխած տեղերնին հաս-  
տատ բռնեցին և տիրացան. մինչդեռ երեք Թա-  
գաւորքն այլ իրենց սերունդներովն՝ գրեթէ  
հազիւ 50 կամ 60 տարիէն անհետացան, Թէ ի-  
րենց և Յունաց հակառակութեամբն, և Թէ զի-  
րենք իրենց հայրենիքէն նետահալած ընող բար-  
բարոսաց՝ այն նոր հայրենեաց երկիրներուն այլ  
տիրելով կամ անհանգիստ ընելովն.:

Հիմայ Թէ ոչ միւս Թարական՝ գոնէ հետաքրքրա-  
կան է այս աշխարհավրդով Նեաողաց հետամուտ  
ըլլալն պատմական քննութեամբ. Թողլով այսօր  
մեր անոնցմէ նետահարեալ հայրենեաց և փա-  
ռաղուրկ իշխանաց շէնքերը: Նւ եթէ այս ցաւ-  
առիթ տեսարանէս աւելի ցանկալի մը չէ անոնց  
չարեաց առիթը քննելն այլ, սակայն պատմական  
տեսութեան մէջ՝ մեծ և կարեւոր դէպք է Նեաո-  
ղաց արշաւանքն, որ ոչ միայն մեր աշխարհը այլ  
և ուրիշ շատ աշխարհաց յեղափոխութիւն բե-  
րին, և Թերեւ ինչուան այս օրս այլ կարեւոր կամ  
գլխաւոր կերպարանք մը կու տան քաղաքավո-  
րութեան ազգաց արեւելից, մասամբ իմն նաև ա-  
րեւմտեայց: Ասոր համար էր որ պատմեցի քեզի,  
Հայկակ, այդ Նեաողաց սկիզբը և ասպատակն ի  
Հայս:





ԻԹ

Խ Ո Ւ Լ Խ Ա Ջ Ի Կ

1042 .

Ա

**Չ**արհամարհենք պահասաւոր կամ նուաստ անուն մը, Հայկակ. զի ոչ անուամբն՝ այլ գործովն է մարդ. լաւն և քաջն միշտ հռչակեալ են իրենց լուռ գործովն իսկ. անոնց գործոց չգիտցողքն են խուլ, թէ և տկամայ: Ո՛րքան ծանրացեալ և խլացեալ են մեր տկանըքն այլ մեր հարց ու նախնեաց գովանի գործոց հռչակներէն, չուեննալով՝ ոչ Լիւիոս մը երկարօրէն պերճաբար ազգին պատմութիւնը ճառող, ոչ Պլուտարք մը նշանաւոր մարգկան վարքը դատողութեամբ գրող, և ոչ անգամ արարիկ գիշերախօս վիպասան մը. և « սակայն բազում գործք արութեան գասնին » գործեալ և 'ի մերում աշխարհիս, և արժանի » գրոց յիշատակի<sup>1</sup> »: Այլ նորէն և միշտ հարկ է մեզի դառնալ և շնորհակալ ըլլալ՝ մեր թէ հմտաբան և թէ հարեանցիկ, թէ ոճով և թէ անոճ պատմագրաց այլ, որ այն բազում արութեանց

<sup>1</sup> Խորեն. Գիւրք Ա. ԳԼ. Գ:

գործերէն գոնէ զոմանս աւանդեր են գրով. և ժամանակին այլ՝ որ խնայեր և այս չափս մեղի հասուցեր է. զոր կրնամք գեռ հաճութեամբ պատմել և լսել, գուցէ երբեմն աւելազանցութեամբ այլ: — Այն հոգեկեղի գործերէն և հանդէսներէն մէկն այլ՝ այս գեռ ոչ շատ ծանօթ՝ հին Խաչկայ և իր որդւոցն ըրածն է:

Խաչկայ Խուլ կոչման պատճառն ինծի անծանօթ է, և ոչ այլ գտնեմ երկու ժամանակագրաց մէջ, որք մէկմէկէ առած յիշեն իր գէպքը. Մատթէոս Ուռհայեցի և Սմբատ Գունգստապլ. առաջինն՝ գեղեցիկ և հաճոյ կոչում և ցեղ մը կ'ընծայէ Խաչկայ՝ կտրիճ ոճով մը, Սարգիս Զնէ<sup>1</sup>. Իբր թէ՛ նա որ ազգաւ Արծրունի էր կամ յիշխանաց Արծրունեաց տէրութեան, ցեղով կամ անձամբ՝ արժան էր առիւծ կոչուիլ. զոր անոր բնիկ մահառուն կարծէ նոր պատմահայր մեր<sup>2</sup>, ինչպէս նաև վերոկարգեալ մականունն այլ: Իսկ իր բուն առունն Խաչիկ՝ իրմէ դար և աւելի առաջ կրէր և Արծրունեաց զիւցազնն՝ Գագիկ Ա, նախասկիզբն թագաւորաց Արծրունեաց, իբրև մկրտութեան անուն. որոյ հետ անոր բարձր և հզօր սիրտն այլ կրէր այս Խաչիկս, որ տեսաւ Արծրունեաց թագաւորութեան վերջանալն՝ անձամբ և կամօք Սենեքերիմայ՝ Թոռին եղբօր Գագկայ, ինչպէս պատմեցի քեզ յամասկիզբն յունիսի:

Այս բռնաբեր և մեծ զիպուածս՝ որ Արծրունեաց գրեթէ երկհազարեան հին և պանծալի տոհմին խորտակումն բերաւ, տոհմապետ պայազատը վատրելով յօտարութեն, դառն հարուած էր ամենայն մեծասիրտ առհմակցաց կամ հպա-

1 Կ'ըսէ նաև յազգի 'ի Վերդն, զոր չեմ հասկանար. անշուշտ սխալ գրուած է:

2 Հ. Միք. Չամչեան, Պատմ. Բ, 923:

տակաց այն ցեղին՝ որ գար ու կէս Բագրատու-  
նեաց հետ թագակապ բարձրագլուխ նաղէր Հա-  
յոց ամեն տոհմից և իշխանաց մէջ։ Այս հարուա-  
ծը սաստկագոյն զգացողաց մէկն էր Խաչիկ՝ Սե-  
նեքերիմայ տէրութեան իշխանացմէ, տէր Վաս-  
պուրականի հին Թոռնեան գաւառին, որ մօտ է  
Երասխ գետոյ և Նախճաւան և Գողթն գաւառ-  
ներու. յորում անուանի և անշուշտ իշխանա-  
նիստ այլ էր ամուր բերդն Նիւն, ուր շատ հեղ-  
վտանգի ատեն կ'ապաւինէին տեսարէն Արծրու-  
նեաց, և որ հիմայ անուամբն լուած՝ կարծուի ըլ-  
լալ Ջուր անուանեալ բերդին տեղն, այն որ մեր  
պատմութեան գիպուածէն ետե՝ ուրիշ աւանի  
մը (Հաջիւն) անուամբ՝ Հաջիւնեաց Կապ կամ Երիւ-  
կոցուէր։

Յետ հեռանալուն Մենեքերիմայ մինչև 'ի Սե-  
բաստիա՝ Խաչիկ իր Թոռնեան գաւառին մէջ  
մնաց այն սակաւաւոր իշխանաց հետ, որք աւելի  
ընտրեցին իրենց հայրենի հողուն վրայ կենալ կը-  
ռուիլ ու մեռնիլ, քան օտարութեան յաջող կամ  
անյաջող բաղդը փորձել։ Անշուշտ Խաչիկ տեսած՝  
բայց չէր զարհուրած առաջին Նեստողաց սլաք-  
ներէն, և կու վստահէր իրեն և Շապուհ սպա-  
րապետին նմաններու հետ՝ անոնց դէմ ելնելու,  
եթէ թագաւորն հաւանէր մնալ իր տեղը։ Բայց  
երբ նա բազմութեամբ իշխանաց և զօրաց հեռա-  
նալով՝ երկիրը բաց թողուց թշնամեաց առջին,  
և երբ ըստ դաշնադրութեանն՝ Յոյնք եկան տի-  
րեցին թագաւորական ամրոցաց, և անարի Վա-  
սիլ Արգիրաա կառեպան եկաւ կայսեր կողմա-  
նէ, Խաչիկ դառնացեալ և զզուեալ՝ քաշուեցաւ  
իր գաւառը իր բերդը, կիսախոց առիւծու պէս  
մռնչելով ման գալով մտածելով ու դիտելով։

Յոյնք իրենց անծանօթ երկրին և անստոյգ ժա-  
մանակին յարմար կառավարիչ չգտնելով՝ անդա-

դար կու փոփոխէին զրկած կուսակալին 'ի Վասպուրական. այսպէս այն արծաթազօծ Արգիւր Վասիլը չկարենալով նուաճել զաշխարհը՝ յետ կանչուեցաւ, և տեղն ուրիշ զրկուեցաւ. անկէ ետք այլ (1023) Նիկեփոր Ամիրնաս կամ Ամիրանոսն, որ չափազանց գործօնեայ գտուելով ինչուան կայսերութեան այլ փափաղեցաւ, անոր համար կուրութեան վարձք առաւ (1027), և տեղը եկաւ (1028) ներքինին Նիկիտոմ. յետոյ Աւաստիլաս և այլ աննշանք. մինչև եկաւ արժաւնաւոր և կտրիճ անձ մը, այն ստենի Յունաց առաջին զօրավարն Գէորգ Մանիակ, Գուգելի որդի, և կողմնակալ Յգեսիոյ. բայց նոյն իսկ իր քաջութիւնն զրկեց մեր աշխարհը իր փառք վարչութենէն, զինքն այլ իր պատուէն. վասն զի Յոյնք նեղեալք յԱրաբացւոց Աբիրիկոյ՝ որ 'ի Սիկիլիա վազէին, քիչ ատենէն յետ կանչեցին զՄանիակ:

Այս առեն Յունաց կայսր էր վասանշանն Միքայէլ Դ. Պափլագոնացին, որ սպաննելով իր նախորդ Ռոմանոս կայսրը՝ արիւնլուայ թագը յափշտակեր էր, և անոր հետ Հայոց թագին այլ նախանձելով կու սպասէր. վասն զի մեր այլ կէս իմաստուն կէս անիմաստ Յովհաննէս թագաւորն՝ Անի մայրաքաղաքին և իր թագին գերութեան գիրը տուած էր Յունաց կայսեր, զոր Ռոմանոս վեհանձնութեամբ և արդարամտութեամբ ուղեց յետ դարձնել. բայց անարժան չերիցու մը ազահութեամբ՝ նորէն անցաւ այս անարժան (Միքայէլ) կայսեր ձեռքը, որ բոլոր կեանքը անպատուութեամբ անցընելով ուղեց գոնէ մահը պատուական երևցընել. այն այլ թերեւս մեր հեռաւոր Խաչիկ իշխանին անակնկալ գործակցութեամբը: -- Այս կայսր էր որ զՄանիակ խաւրեց (1035) կուսակալ Արծրունեաց երկրին, և նոյն տարին.

յետ կանչեց՝ ու նաւախմբով զրկեց 'ի Սիկիլիա. պատուիրելով որ հետը բերէ իր կուսակալութեան մէջ գտուող կորիճներէն այլ:

Հաւանօրէն այս առթով (թէ ոչ աւելի առաջ) Խաչիկ՝ որ արգէն տարիքն առած էր, կամայ կամ ակամայ խաւրեց 'ի Կ. Պօլիս՝ իր երկու առջինեկ կորիճները՝ Հասան և Ճնճղակ՝ 'ի գոռն կայսեր. որ զինուորական կարգի և պատուոյ մէջ յառաջանան, և թերևս օր մը լի փառօք և իշխանութեամբ գառնան, փոխանակ օտար յոյն կուսակալաց՝ իրենք իշխեն և վերակացու ըլլան իրենց հայրենի գաւառաց. ինչպէս որ յիրաւի ոչ շատ ժամանակ ետև՝ (1051) գրուեցաւ այլ Վասպուրականի Հայ կուսակալ և գուքս մը, մեծանունն և իմաստունն Գրիգոր Մագիստրոս: Ըստ յուսոյ հօրն իւրեանց և պատուոյ Հայ անուան՝ Հասան և Ճնճղուկ յաջող և քաջ գտնուելով յառաջագէմ եղան կայսեր քով և սիրելիք. և թերևս սոյն այս ճգնող Ճնճղուկն է խորհրդակից և օգնական կայսերն, որոյ հետն էր Բուլղարաց պատերազմին մէջ, ուր միայն կրցաւ արութիւն մը ցուցընել Միքայէլ, և յետ որոյ գառնալով 'ի Կ. Պօլիս, խրատուք Ճնճղկան՝ զոր Կոյմա Միկեայէլ կոչեն Յոյնք, մտաւ իր շինած Անարծաթից վանքը, և հոն 1041 տարւոյն վերջը կնքեց խղճապարտ կեանքը:

## Բ

Խաչիկ 'ի բացակայութեան երկու կորիճներուն՝ կարօտը կ'առնուր իր վերջին կորիւնովը, Ծերութեան յետին ծաղկովը. զոր թերևս երկրորդ հարսանեաց կողաբոյս մը ընծայեր էր իրեն. կայտառ և սիրունակ մանչ մը, որ այս առնէն տասնուհինգ տարուան գալարութեան հետ՝

աւելի մեծ հասակի զարգացմամբ, ուժով և այ-  
րական կերպարանօք փայլելով՝ հօրը սիրտը և  
յոյսը կը պարարէր: Շատ հեղ հօրը ծալած ծըն-  
կերուն վրայ նստած՝ լսեր էր իր պապերուն քա-  
ջադործութիւնները, Թուրքաց առջին արշաւան-  
քը, և իրենց առհմային (Արծրունեաց) Թագա-  
ւորութեան խեղճ վտարանդութիւնը. որուն հեա-  
քազգատելով անոր կանգնումն՝ ի ձեռն մեծողոյն  
Քաղկայ, և անոր նախնեաց այլ քաջութիւննե-  
րը, զոր դար մ'առաջ Թովմաս վարդապետն գրեր  
էր, աղուն պայծառ արիւնն երազելով լայնա-  
լանջ կուրծքէն՝ նոր կարծիր մը կու տար երեսացը.  
մանաւանդ երբ հայրն՝ կամ իր ապարանից աւագ  
աշտարակին պատուհանէն, կամ շրջագայութեան  
աակն՝ սարէ մը ցուցընէր ինչուան հեռաւոր հո-  
րիդոնին եղերքը՝ Արտրաաեան և Աորձայից լե-  
րանց արծաթագագթ սարերը և արեւափառ սառ-  
նամանիքը, ուր որ իրենց Թագաւորութեան սահ-  
մաններն տարածուէին: Անշուշտ՝ տարւոյն աղէկ  
և յարմար եղանակին՝ Խաչիկ կ'առնուր իր Իշխա-  
նիլը (վասն զի այսպէս կ'անուանէր իր վերջինե-  
կըն), կու հանէր ի հով և ի դաշտ, կու վարժե-  
ցընէր որսոց և զինուց՝ որք երթալով կու ծան-  
րանային իր բազկացը, ոչ այնքան ծերութենէն՝  
որքան երկար ատեն ի գործ չածելէն. և արդէն  
իր հայրենի սուսերը ու սլաքքն՝ ժամանակին  
ժանդոս համն առեր էին. կապարձք իրենց աշ-  
խոյժ նետերն արգելած պահուէին, և կմբարձե-  
վահանքն անկոփ անգործ մնային. բայց եթէ եր-  
բեմն մաքրէին սրբուէին, կամ Խաչիկ և Իշխանիկ  
զբօսաբար իբրև քնարի զարնելով զանոնք հնչեցը-  
նէին նիզակի ծայրով: ... Ո՛րքան նուազ, խառնակ,  
աննշան հնչիւն. սակայն ինչէր չէր լսեր անկէ  
Խուլ Խաչիկն. ինչ արձագանգք թնդային իր դեռ  
արծաթածամ ալեաց տակ այլ՝ չպաղած գլխուն

մէջ, իբրեւ ընդարձակ դողաւոր սրահի մը մէջ: — Մարդուս ամենէն ուշ ծերացողն սիրտն է. Խաչկայ սիրտն ժրութեամբ՝ արեան և քրտանց մէջ սնած՝ հասակին և բաղդին հետ կռուէր հակառակէր, յառիւծ ջոկէ էր. և թէպէտ բռնադատեալ արգելեալ յորսոյ և յարենէ, բայց անարգել սիրտըն երբեմն իր մնացեալ անգործ ուժովը կու մնչէր ու մռնչէր, երբեմն այլ անցեալ ուժոյն և կենաց վրայ հաչէր հառաչէր: « Քանզի էր այր » քաջ և յաղթող պատերազմող, բայց ծերա- » ցեալ էր՝ և թողեալ զգործ պատերազմին, և » հառաչելով ապաշաւէր », կ'ըսէ պատմիչն:

Տարեաց տկարութեան և սրտի սաստկութեան պատերազմն շատ զօրաւոր կ'ըլլայ եռանդուն բնաւորութեան և գործունեայ պատերազմական անձանց մէջ. մանաւանդ եթէ այն կենաց խոնարհ ման ատեն իրենց վրայ ազդեցութիւն ընող դէպքեր այլ պատահին. կարծես թէ գեռ երկնից պարզ երեւութիւն այլ՝ հեռուէն ծանր ու թանձր որոսմունքներ կու լսուին, կամաց կամաց կու մօտենան՝ գուշակելով մեծ մրրիկ մը, մեծ յեղափոխութիւն մը: Այսպէս կ'երևէր կ'ըլլար Խաչկայ. որոյ ականջէն աւելի դիտող միտքն՝ մեծաւ մեծ խլրտմանց խլուրդաւն լսէր: 1042 տարւոյն սկիզբն էր. մէկ դիէն կը հնչէին երկայն շփոթ և կարեւոր ձայներ 'ի տանէ Բագրատունեաց, յետ մահուան Յովհաննու-Սմբատայ գանդաղ թաղաւորին, և անոր աշխոյժ եղբօր Աշոտոյ թողած կտրիճ՝ Քաղկայ ժառանգութիւնն ուշանալուն միջոց. երբ Պահլավունին Վահրամ՝ ծեր հաւատարիմ և կտրիճ սպարապետն՝ կու ջանար զնա թագաւորեցնել. և վիսաբարոյ վնասն Սարգիս՝ Յունաց մասնէլ Բագրատունեաց գահը. — մէկ այլ դիէն կու հասնէին երկրորդ անգամ հեռաւոր շառաչիւնք Նեսողաց, յետ քսան տարուան

լուութեան, Տուզրիլ բէկին շարժելովն յարեւելից  
 և արշաւելով գէպ յԱտրպատտեան, որոյ մօտ էր  
 Խաչկայ գաւառն այլ: Իսկ յարեւմտից կու հաս-  
 նէր համբաւ մահու կայսեր Միքայէլի, որոյ դու-  
 ոը գառուէին եօթն ութ տարիէ 'ի վեր Խաչկայ  
 կտրիճքն՝ Հասան և Ճնճդուկ, որոց հիմայ յետ  
 գառնալու աւելի հաւանականութիւն կար, կամ  
 մանաւանդ աւելի փափագ իրենց հօրը սրտին  
 մէջ... ոհ, և այլ աւելի պէտք այլ կար, զոր չը-  
 գիտէր ծերօնին, այլ գուցէ կ'իմանար նախա-  
 զգաց անբացատրելի կրքով մը:

## Գ

Այս՝ բաղմայ և իր բաղքին կերպափոխութիւն  
 մը բերել կրցող զիպօւածքն, թագաւորաց մա-  
 հերն և շարժմուկք արեւելեան նեաող աշխարհա-  
 կալին, հորիզոնին զանազան կողմերէն երեցող  
 կասկածելի ամպերու պէս հեռուանց նկարէին  
 Խաչկայ տեսութեան եզերքը. բայց իրեն փոթո-  
 րիկն փրթաւ անկարծելի կէտէ մը, յանկարծե-  
 լուկ ամպէ մը, նոյն իսկ Նկանայ սահմաններու  
 մօտէն: Շատ հեղ հեռագէտ աչքեր չեն տեսներ  
 կամ զանց կ'ընեն մօտագոյն բաները, որ իրենց  
 աւելի կարեւոր էին գիտելու: Թոռնեանայ սահ-  
 մանակից են ուրիշներէ զառ՝ Պարսկահայոց աշ-  
 խարհին Հեր և Զարեանդ գաւառքն այլ, որ հի-  
 մայ կ'ըսուին Խօյ ու Սալամասա. մեր հին թագա-  
 ւորաց ժամանակէն 'ի վեր՝ այս երկու գաւառքն  
 միշտ մէկ տեղ կու յիշուին, իբր մէկ իշխանի տակ  
 (որ Շահապ կ'ըսուէր). նոյնպէս յիշուի այս  
 պատմութեանս ատենն այլ, թէ և առանձնակ  
 պիտող այլ ունեին (ինչպէս անկէ տասն տարի  
 առաջ (1031) յիշուին<sup>1</sup> Հերայ տէրն Հիսնին,

<sup>1</sup> Մատթ. Ուռհայեցի:



Սալմաստայ տէր՝ Կափան)։ Արարացւոց աշխարհակալութեան ատեն այս կողմերս առանձին կուսակալ կամ բռնաւոր մը նուաճելով՝ յաջորդաբար կու տիրէր անոր ցեղն մինչև այս պատմութեանս ժամանակ այլ, և շատ հեղ Արծրունի իշխողաց մնաս կամ կռիւ կու հասցընէր։

Հիմակուան տէրն կամ տեարք Հերայ և Զարևանդայ՝ կամ վերոյիշեալ քաղաքական գիւպուածներէն գրդած, և կամ ուրիշ պատճառէ մը, գուցէ և կասկած մ'առնելով թաշկայ կտրիճորդւոց դարձին 'ի Յունաց, ուղեցին յանկարծ արշաւանօք իրենց գրացի գեռ ազատ հայիջևան երկիրը կոխել։ Սւ յիրաւի ամենեկն չկարծած ատեն՝ թաշիկ գոյժ լսեց թէ Թշնամիք 'ի Թոռնեան Թափեցան անթիւ բազմութեամբ՝ և ասպառակ կու սփռեն. եթէ քիչ մ'այլ ուշանան՝ ամեն տեղ աւար աւեր կ'ըլլայ։ Հառաչեց ծեր իշխանն դէպ յարևմուտս. Ուր էք Հասան և Ճնձղուկ, ձեր ժառանգութիւնն ապահովելու և ձեր հօր խոնարհած արեւը չմարելու։ Սթէ այն հրեղէն հառաչանքն այլ հասնէր փայլական կամ ելեկտրական ազգման պէս մինչև 'ի Պօլիս, սակայն որդւոցն իրեն շուտով օգնութեան հասնէնելու հնար չկար։ Բայց անկէ աւաղելին այն էր՝ որ ոչ թէ միայն հեռուէն՝ այլ և 'ի մօտէն օգնականք և զօրականք չկային այն կարեւոր և յանկարծահաս ժամուն. Թերևս այլ աւելի աւաղելի հաշուէր թաշիկ՝ իր իսկ անցեալ հասակը և թուլացեալ Թւերը. վասն զի ինչպէս ըսաւ պատմիչն (Մատթէոս), և ինչպէս կրկնէ միւսն (Սմբատ), «Մերացեալ էր և պարապեալ 'ի բազում ժամանակաց»։ — Բայց սիրտն միշտ երթաւսարգ, սիրտ հայրանախանձ, սիրտ հայկանման, որ սկիւթացի նորանշան և նախագուշակ նեադներէն անգամ՝ չգարհուրեցաւ, չթողուց չփախաւ իր

հարց սահմաններէն՝ նաեւ յետ հեռանալու իր նիշակակից և պաշտպան Արծրունեաց. հիմայ հասած վտանգը՝ իրեն յետին քաջութեան և պարտուց գործ տեսեց. հազիւ վայրկեան մը մտածելէն և աչքերը չորս դի պտըտցնելէն ետեւ, իր ահեղ ձայնովը կանչեց, և գլխուն արծաթափայլ ալիքն ծփացնելով շուրջ եկաւ իր նախնեաց դարպասին մէջ. խլեց առաւ երիտասարդութեան դաւազանը՝ երկայնատէգ նիզակը, կոփեց դադրած լուսն ալիքն ձախուռ վահանին. հաւատարիմ պաշտպանակն հնչեց իր նետերու տարափով ցնծացեալ ձայնը. զուարճացաւ Խուլ Խաչկայ ականջն. և չորս գիւն՝ իրեն հաւատարմագոյն անձինք սկսան շարժիլ. և երբ մէկ մէկ իր կարծուութեան օրերուն ուսուցանուած իմաստները կ'անցնէր գողգոթուն մարմնոյն մասանց վրայ, կարծես թէ մոգական գեղով մ'այլ զանոնք կու նորոգէր կ'ուժովընէր, կու մանկացնէր. սաղաւարտն 'ի գլուխ դրած, սուրը փորձած և ձին ձայնած տեն՝ հին Յունաց և Հայոց դիւցազանց մէկն կ'երևէր: Աստուծո, որ անոր արժան զօրագունդ մը ետեւէն չեկաւ. այլ ընդդէմ հազարաւորաց այլազգեաց նահատակ ելան եօթանասուն կտրիճք, ինչպէս երբեմն Աշոտ Երկաթին հետ 'ի Սեան կողմը, կամ մեծին Վահանայ Մամիկոնոյ՝ ընդդէմ Սասանեանց: Ասոնց և Խաչկայ պէս առաջ նորդին հետ՝ բաւական էին եօթանասունքն այլ, որոց մէկն հարիւրի վրայ վախ կու ձգէր, և յանկարծակի հասնողներուն վրայ՝ աւելի անկարծաբար հասնելով՝ կու ցրուէր:

Խաչիկ՝ այն աննման և անհաւասար պատերազմին մէջն՝ գուցէ իր երիտասարդութեան տենէն աւելի և նոր կերպով մը կու կռուէր. Թուխ Թուխ ամպոց մէջ ճերմակ ծխանման ծուկններու պէս մէկ մը հոս մէկ մը հոն կ'երևէր

սրաւար երիւարովը, և լայն թուրը փայլատակելով՝ աջ ու ձախ կ'իջեցրնէր. սրէն աւելի ձայնովը շփոթեցնով ու հալածելով զհէնս. որոնց աւելի շուտով հասնելու և ամեն դի գառնալու համար՝ իր արտորանացը դանդաղ կ'երեւէր վարժ ու ճապուկ և հաւատարիմ ձին. և կարծես թէ տէրն աւելի շուտով իր անկարծելի ոյժը և արուեստը գտեր էր, քան թէ իր ռազմամուտ երիւարն: Երբ կռուին կամ թշնամին մղելու ամենէն տաք ատեն թաչիկ առաջ քշէր, ձին ականջները ցրցած, աչքերը շեղած՝ վիզը յետ յետ դարձրնելով անսովոր խրխինջ մը կու ձգէր, որուն մէջ՝ վաճ վաճ կարգալէն աւելի ձայն մ'այլ կար: Ակամայ կամօք թաչիկ մէկ մը գլուխը ետև դարձուց... Անպատճառ չէր, ձին իր ախոռակցին հոտն և ձայնը կ'առնուր: Թաչիկ ալ նշմարեց տեսաւ անոր պզտիկ ընկերը, սպիտակ խնուսիկը. ան էր, անոր քալուածքն, անոր խրխինջալն, անոր զրահաներն, անոր զարգերն, նշանն, ցցունքն, լուսնակըն... Բայց ամենէն աւելի աչք ու սիրտ առօրն՝ անոր կայտառ վերելեակն էր, փայլուն ասպետն, ծաղկահասակ պատանեակն, թաչկայ արժանի համհարզն, հարազատն հօրամոյնն, իր որդեակն, Իշխանիին:

Ճօճ՝ նիզտկն 'ի ձեռին, ձիուն գլխուն վրայ ծռած՝ անհամբեր կու մտրակէր կ'երագէր, անփորձ յանդգնութեամբ թշնամեաց մէջ կու նետուէր. առջի անգամ որսի մտնող բարակի պէս՝ ամեն կողմէն շարժողաց վրայ կանչելով, սպառնալով, զէնքերը շարժելով. ուսկից անշուշա քանի մը մահացու կամ ազգու հարուածներ այլ թռան շփոթած այլազգեաց վրայ. թերևս անոնց փոխարէնն այլ պիտի գար իր վրայ. երբ հասաւ՝ թաչիկ, «Ա՛յ յանգուգն՝ խօսք չմուղ տղայ, կանչելով. չպատուիրեցի՞ քեզի որ ամրոցէն դուրս

չենենս. կ'ուզէս որ այսօրուան թերես իմ ետքի քաջութիւնս և յաղթութիւնս քու արեամբդ ծածկուի. և թշնամեաց չբերած սուգը՝ գո՛ւ բերես քու հօրդ, քու տանդ և ամեն ազգիս) : ... Լէյս և այսպիսի խօսքերով՝ պատերազմական ձեռքը տղուն կուրծքին գրած (օրոյ այնպիսի ոյժը գեռ չէր փորձած Իշխանիկ), քչեց հանեց վտանգէն գուրս, և նորէն 'ի առն գարձընելով՝ խստիւ ապրսպրեց սպասաւորաց որ զգուշանան պահեն զնս :

Ինքն թուաւ դարձաւ իբրեւ երրորդ հանգիսի կամ նտհատակութեան, նորէն հետամուտ ըլլալու թշնամեաց, որ պահ մը հոգի առեր էին առջի շփոթութենէն սթափելով. այլ դարձեալ ծեր՝ բայց փարձ առիւծի մը վերջին ճգանց հանգիպեցան, որ գրեթէ միշտ իր հին ոյժը կու պսակէ, թէ և վերք առնու մեռնի այլ, բայց յետ կամ 'ի վերայ թշնամեացն : Հոս երկայն ատեն կռուելով այլ՝ գեռ Խաչիկ ոչ օրհասական էր և ոչ վերաւոր. այլ որ կողմն որ դառնար՝ ասպատակներն անկէ կու պակսէին ցրուբաէին. որով յիրաւի աւելի կու յօգնէր Խաչիկ և չէր գիտեր որ զի գառնայ. մինչև տեսաւ որ հեռուն տեղ մը՝ փոթորիկէ փչուած ամպերու պէս վայրաաեալ ասպատակներն՝ իբրեւ անհով խորշ մը գտնելով՝ կու գիմն կու դիզուին, պար կու գան, ամեն կողմէն զէնքերնին կ'ուզզեն գէպ 'ի կենդրոն : Ինքն այլ դարձուց ձիւն գլուխը գէպ այն նոր փոթորիկին վրայ, ու ամպէ ամպ ցատքող փայլական պէս հասաւ : Բայց կարմրուկ կայծակն երագ էր քան զփայլակն, իրմէ առաջ հասեր, շանթեր, վառեր, պարպեր էր իր կրակները, և ահա մարելու վրայ էր : ... Հաղիւ թշնամեաց չքնապատ ճամբարին հասաւ Խաչիկ, տեսաւ անոր մէջ արծաթափայլ զբահաւ զգեստ մը՝ որ իբրեւ խռովեալ ծովու ետեէ ետե

հասնող ալեաց պէս՝ մէկ մը վեր կու ցատքէր փայլէր, մէկ մը վար կու ցածնար կու ցնդէր. մանաւանդ թէ այն ալեաց խաղ ու ձաղ եղած նաւակի մը պէս՝ մէկ մը գողգողալով՝ գնդգնդուն դագաթը կ'ենէր, մէկ մը թնդալով անդունդներու մէջ կու ծածկուէր։ Երբ վերջի անգամն եամեն անգամներէն աւելի պայծառ ու ողորմուկ կերպով վեր երեցաւ, Խաչիկ որոշակի տեսաւ, ... մէկ մ'այլ բան չտեսաւ. կորուս իր արեւն այլ իր միտքէն այլ իր ամեն բանն այլ կորուսաւ։...

## Դ

Դառնանք իշխանկան. երկրորդ անգամ հօրմէն արգիլուած ամրոցին մէջ, առջինէն աւելի կու նեղէր կու դժարէր անգործ անհանգիստ մնալու. մանաւանդ որ մէկ մը պատերազմի հոտ այլ առեր էր, արեան կնուռնէն այլ ճակատին հասեր էր. տեսեր էր նոյն իսկ իր ծերունի հայրը՝ երիտասարդ առիւծ գարձած այնպիսի վտանգի առեն. ինքն պատանեակ՝ պիտի չկարենար կրակոտ կորիւն մը դառնալ։.. Նոյն ինքն հայրն բերնով խստիւ արգիլած առեն՝ միթէ գործով և օրինակով զինքն այլ աւելի չէր գրգռէր՝ այն ատելի թշնամեաց վրայ թսւիելու ունեցած ղյժն ու վրէժը։ Հայրն նեղացաւ, բարկացաւ, կրնար այլ աւելի այլ նեղանալ, զինքը պատժել, թերեւ կապել ու բանտել այլ, որ սովբի խօսք մռել, հանգարտ կենալ, վտանգէ ազատ մնալ. բայց եթէ յանկարծ, ո՛հ, Աստուած չթողու, հայրս՝ այն շուներէն պաշարուած՝ տկարանայ, ընկնայ, ըսպանուի, ես ի՛նչ պիտի ըլլամ. ո՞վ անկէ ետեւ իրեն հնազանդիս պիտի գովէ։ Մանաւանդ թէ գրնեք այլ թէ թշնամեաց գերի չընկնամ, սակայն որ ո՛ւր քով կրնամ ազատ սեպուիլ. ո՞վ պիտի նայի

վրաս, կամ ո՞վ երեսս պիտի չգարնէ՝ այն հասա-  
կին և այն վտանգին մէջ հայրս մինակ թողուլու...  
Ի՞նչ պիտի ըսէ Հասան, ի՞նչ պիտի ըսէ Ճնճղուկ.  
Ի՞նչ պիտի ըսեն մեր տան հաւատարիմքն, երբ  
վաղը գառնան յօտար աշխարհէն, և տեսնեն մեր  
տուն տեղն աւերած, և հայրս թշնամեաց ձեռ-  
քով մեռած. ու ես անոր որդի, անոնց եղբայր,  
անպաշտպան անընկեր թողած ալևոր հայրս...  
Ես հօրս յետին յոյսն ու գաւազանն. ես իշխանիկ՝  
որոյ անուռնս յուսով յիշեն ամէն Թոռնեւանցիք.  
եւ թողո՞ւմ վտանգի մէջ հայրս ու նստիմ հոս...  
անկարելի, անկարելի:...

Այս և ասոնցմէ աւելին մտքով ըսած ատեն,  
մարմնով ալ անգործ չէր կենար. այլ լալով սպառ-  
նալով երգուրննալով՝ ըրաւ չըրաւ ինքզինքը նո-  
րէն նետեց իր ճերմակին վրայ. ու առջինէն աւե-  
լի մտրակելով երազելով հասաւ կռուոյ տեղը.  
ինչպէս հին ատեն Մամիկոնեան պատանեակն Ար-  
տաւաղք. և քանի մը կտրիճ հետևորդաց հետ՝  
հօրը հաւասար և արժանի կու զարնէր կու զար-  
նուէր, շատ ախոյեաններ գետին կու փռէր: Ա-  
ռանց գիտնալու հայր և որդի իրարու կու մօտե-  
նային. բայց թանձր խումբ մը թշնամեաց իրենց  
մէջ պարիսպ կար: Այն խումբին մօտենալով էր  
որ Թաչիկ տեսաւ այն արծաթհատիկ սպառազէ-  
նը, որ չորս գին պատած թշնամեաց վրայ իր տ-  
մեն զէնքերը թափելէն ետև, մօտեցողներուն վրայ  
կոփեցրնէր նետահար և ջախջախած վահանիկը. և  
երբ այն այլ փշրեցաւ՝ իր անզէն բազկունքը շուտ  
շուտ շարժելով՝ կարծես աւելի կ'ուզէր թշնա-  
մեաց շողացած զէնքերը շփոթել. քան թէ իր վառ-  
վրուռն ու արգէն ոչ անարիւն վարդ երեսները  
պաշտպանել: Ճանչցան թշնամիք այլ թէ ո՞վ և  
ինչպիսի կորիւն է դիմացինն եղողը. և անգութ  
սուր նիզակ տէգ տեղացին վրան:.. Յետ վահանին

Հախճախեցան այն ջաջուռ բազմեաններն այլ, իբրև լարկոուր անպիտան ազեզ՝ ուսերէն ՚ի վայր կախեցան. և երբ ետքի անգամ ճերմակ ձին ցատքելով իր հեծելոյն գլուխը բարձրացուց՝ մահուն հարուածն այլ շիտակ անոր վրայ հասնելով աներևոյթ ըրաւ։... Տեսաւ Խաչիկ Իշխանկայ վզէն վազած վարդարիւնը, և կատաղի թշնամեաց մեջ գլորիլը։... Մի և նոյն վայրկենին հայրական ազեաց սէրն ամեն բան շփոթեց ծածկեց իրմէ. անկասկած հասաւ սեգիշերն, գիշեր՝ որ այլ չիլուռ նար. զէնքերն ձեռքէն, ինքն երիվարէն վար ընկաւ։... Երբ հասաւ գտաւ զԻշխանիկ՝ արդէն երկուքին մարմինն այլ վէրքերով և արեամբ ծածկուած էին դաշտին վրայ. զէնքերնին զարգերնին թշնամեաց ձեռք ընկած. ապրուկ շունչերնին՝ հոգիներն էին իրարու հանդիպողքն։ Ալ լեւոր ծերունին և մալազ մանուկն՝ ծառի ու ծաղկի նման քովէ քով կոտորած ընկած էին դաշտին վրայ. բայց հոգիներն զուգափայլ լուսաթեթեան արգար հայրենասիրաց և նահատակաց երկնաւոր հանդիսարանը։...

Թուիր գու այլ գուժաւոր համբաւ, գանգաղ թեւերդ սեռով ու կարմրով ներկած. հասիր յեզերս Վոսփորոնի, երեցիւր Հասանայ և Ճնճղկան. իմանան իրենց հօր և եղբօր սխրալի և տխրալի կատարածը։.....

## Ե

Հասաւ սգաւոր համբաւն ՚ի մեծ քաղաքն կայսերաց. այն վիպասանից և ողբերգուաց հաճոյ՝ այլ կրողաց անհաճոյ ժամանակը, յորում Հասան և Ճնճղուկ իրենց երկայն պանդխտութեան վերջը տեսնելով և դառնալու պարարաստուելով, որչափ որ կու մօտենար ճամբորդութեան օրն՝

այնքան սրտերնին կու տագնապէր, կրկին կրից՝ ուրախութեան և կասկածանաց մէջ. թէ արդեօք ինչպէս պիտի գտնեն իրենց ծերունի հայրը և առն անորը: Ճամբայ չընկած կու փափագէին նոր և վերջին լուր մ'առնուլ, որ և արգարև վերջին եղաւ. իրենց ամեն տկնկալեալ խնդութեանց վերայ սփռեց սգոյ քօղը: Նաւահանգստին մօտ խորտակած նաւուն պէս եղաւ իրենց յոյսն այլ. և թէ ոչ պարապմամբ՝ այլ պատահմամբ նմանելով կրրնային ասոնք այլ ըսել մեր հին թարգմանչաց հետ իրենց սպասող և սպասեալ սիրելեացն համար.

« Մինչ նոքա զմերն յուսային դարձ, և պատուա-  
 » սիրել մերով ամենիմաստ արուեստիւս և կա-  
 » տարելագոյն յարմարութեամբս, համայն և մեք  
 » փութապէս գիմեալք 'ի Բիւզանդիոյ՝ յուսայաք  
 » հարսանեաց պարել, անվհեր երագութեամբ  
 » կրթեալք, և առագաստի ասել երգս. արգ փո-  
 » խանակ խրախճանութեանն 'ի վերայ գերեզմա-  
 » նի ողբս ասելով ողորմելի հառաչեմք. ուր և ոչ  
 » տեսութեանն ժամանեցաք աչացնոցս կափուց-  
 » մանց, և լսել զվերջին բարբառն (Իշխանկան)  
 » և զօրհնութիւն » (Թաչկայ): — Յանկալի հօր  
 և եղբօր այսպէս անկարծ և ցաւալի զրկման վրայ  
 անհրաժեշտ արտմութեան պարտքը հատուցանե-  
 լէն ետե, Հասան և Ճնճղուկ թէ զգայունք և թէ  
 կտրիճք, երիտասարդական և զինուորական ե-  
 ռանդով բորբոքած աչուրնին և սրտերնին զայրա-  
 ցեալ դարձուցին յարևելք, իրենց չարեաց եկած  
 կողմը. և յետ արտասուեաց՝ արեան պարտք մ'այլ  
 առին վրանին. ծանր ուխտ մը դրին. ցաւն 'ի վը-  
 րէժինդրութիւն դարձուցին. սևով ծածկեցին  
 իրենց վեստութեան զգեստները և սպայապետու-  
 թեան սպառազինութիւնը. երգմունք ըրին՝ կամ  
 այն սևու սգով իջնել իրենց արենակցաց հողը,  
 կամ անոնց վրէժն առնելով 'ի թշնամեաց՝ փոխել  
 ձեւերնին:



Մով ու ցամաքի մէջ վիճակ ձգեցին թէ որն աւելի շուտով զերենք կրնայ հասցընել իրենց սիրոյ՝ ցաւոց և վրիժուց ասպարէզը։ Ո՛րչափ կու աընտընային Պոնտոսի գնդդներն զիրենք սահեցընելու գէպ 'ի Տրապիզոն։ Ի՛նչպէս տկար կու գային արեւմտեան հովերն՝ քշելու զնաւն արեւուն ելած կողմը։ Նոյն իսկ իրենց հլու երիվարաց ոտքերն չէին երազ երազ տրոփեր Խաղտեաց լեռներէն իջած և Հայոց Մեծաց լեռնադաշտակներու վրայ կոխած ատեննին։ Սակայն ճամբան շուտով կու կարճընար, անհամբերութիւնն էր որ շատ ուշ կարճըցաւ։ Ինչուան որ Նրտսիայ հովտաց և ձորոց ճամբաները բռնելով հասուց մեր զոյգ կարիճները այն գետոյն արեւելեան դարձուածքին մօտերը։ Հայրենասահման սարերն երեցան։ սրտերն մեծամեծ թունդ առին թունդ տուին։ հայրենեաց հողը կոխուեցաւ։ Հասան և ճնճզուկ մտան 'ի Թոռնեան։ մօտեցան 'ի Նկան։ Ճանչցան իրենց բերդին ճամբան, իրենց պատանեկութեան խաղուց և ձիավարժութեան գաշտումարդը։ երեցաւ հայրենի և ծնողական ապարանից աւագ աշտարակն։...

Այլ ո՛ւր էր իր կարմիր-կանաչ նշանակն։ իր պարծանաց դրօշն... Ինչո՞ւ չէին լսուեր իշխանական փողոց հնչմունքն և որսական եղջերաց վանգիւնքն։ ուր ընկած լռէին Թոռնեանայ գափն և թմբուկն։... Չէին լսուեր ձայնք աւետաւորաց, ձայնք բարեաւ տեսութեանց։ չէր լսուեր ձայն հօր, ձայն եղբօր։ չէր հասներ՝ ոչ առիւծային բարբառն Խաչկայ, և ոչ անուշակ կանչիւնն Իշխանկան։... Ո՛վ սրտաթափ լուութիւն։ ո՛վ աներթեկ ճանապարհք։ ո՛վ ամայութիւն հայրենեաց։ և չար քան զամենայն՝ ո՛վ անմեծար գերեզմանք։... Քաջաց պէս ընկան։ Ինչո՞ւ գեռ անպատիւ մնան։ Թուէր թէ առանց վրիժուց պիտի

չկարնային խաղաղիւ 'ի հող' Թաչկայ կմակբն. և ոչ շուշանն վայրենի պիտի շարժէր իր բաժակներն Իշխանկան հողվերաց վրայ, քանի որ անոնց նշանակը գերի ընկած էր յօտարութեան: Եթէ անհնար է անկեալ քաջաց արևը յեա գարձընել, միթէ չէ՞ր հնար յեա գարձընել անոնց արևէն ետքը ամենէն սիրելի բանը. զէնն ու զարդը:

## 2

Այսպիսի կրքերով միանգամայն խորագիտութեամբ առանց ժամանակ ծախելու՝ Հասան հայրենի իշխանութիւնը պայազատելով, կանչեց իրեն գրացի և առաջուց ծանօթ ու բարեկամ Քուրդ Խէյս մը, որուն վրայ վստահ էր. Թափեց գիմացը հազար կարմիր, — հայ քրտինքով շահած յունական գանձ, — հազար ոսկի. Ա՛ռ, ըսաւ, ու ասոնց տեղ ոչ զէնք ոչ զինակից. կ'ուզեմ քեզմէ ինծի օգնութեան ու վրէժխնդրութեան. հապա ինծի գէ՞մ մարդ ու թշնամի, գունդեր ու բռնակներ. այնչափ որ սիրտս հանգչի, և հօրս ու եղբորս այրեցուքը մարեմ: Գնա՛ պտըռէ՛ ձայնէ՛ իմ երկրիս չորս կողմը. իմաց տուր Հերայ տնաւեր բռնաւորին, արթնցու այլազգիները. Ի՞նչ աշխեր գողեր էք, ըսէ. ինչո՞ւ չէք վազեր Թալներ զթոռնեան, քանի որ անտէր ու շուար մնացեր է. ելէք եկէք ու միանգամայն առկն ու վրայ ըրէք Թաչկայ երկիրը, որ իրեն պէս անհետ կորսուի: — Յանկարծ գանձ գտած Քուրդն՝ մէջքը պնդեց հազար կարմիրով շարած կամարը, թռաւ իր քալուկ ձիուն վրայ, ու երկայնաճօճ նիզակը ծռած՝ մոլեկան գիսաւորի պէս չորս սահման ման գալով՝ կանչէր զրդէր ոտք հանէր այլազգիները գիմել Թալնել զթոռնեան: Ամենէն աւելի Հերայ ու Սալմաստայ ասպատակներն, « Երթանք, ը-

» սին , մէկ անգամով հիմնայաւորակ ընենք շէնքե-  
 » ըր , այրենք աւրենք գաշտերը , յատակին հողն  
 » օգուն հանենք » : Ձայն տուին իրարու , մարդ  
 մարդու ձի ձիու հասուցին , գունդեր բանակներ  
 կապեցին . 15000 զինեալք և հեծեալք խառն 'ի  
 խուռն յարձակմամբ ահեղ սպառնալեօք հեղե-  
 ղարար թափեցան 'ի Թոռնեան :

Լսեց , տեսաւ , զուարթացաւ Խաչկայ պալա-  
 զատն . մոռնչեց ինքն այլ առիւծաբար . ցառքեց իր  
 կրակոտ երիվարին վրայ , բարձրացուց հայրենի  
 դրօշը , հնչեցուց անգամ մ'այլ հայկական թըմբ-  
 կին խրոխտորոտ գոփիւնը : ... Լսեցին , զարմա-  
 ցան , սոսկացան բերաւորքն ասպատակաց . և  
 այլ աւելի ափշեցոտն՝ երբ ամայի և ոչնչանալու  
 մօտ կարծուած Թոռնեանայ գաշտաց վրայ իրենց  
 գէմ 5000 զինեալ ու հեծեալ հաստաբազուկ  
 Հայեր տեսան , զորոնք՝ իբրև պղնձագամ կօշկացը  
 կոփելովն՝ հողէն գուրս հաներ էր Հասան . որ և  
 եղբօրն հետ սպառազինեալ , և դեռ սգոյ նշանն  
 այլ զբահից հետ խառնելով Նրաւսիայ և Գողթան  
 հին գիւցազանց նման սիգալով վեր վար կու գայր  
 իր զնդին մէջ : Հայոց անկարծելի պատրաստու-  
 թիւր տեսնելով թշնամիք այլ պատերազմի պատ-  
 րաստիւ կ'ուզէին , երբ Հասան արտորալով երկու  
 բանակաց մէջ մտաւ , ու զայրագին և տխրագին  
 խառն և ահեղ ձայնով մը կանչեց , իմացուց որ  
 իր հօր անպարտ արեան վրէժն առնուլ եկեր է ,  
 և կու հրաւիրէ անոր սպանողն իր գէմն ելնելու  
 և մենամարտելու :

Հրաւերն ընդունայն արձագանգ մը չառաւ .  
 այլ իսկոյն կարգ կարգ զինելոց ետեէն մըրկէ  
 փրթած սև ամպի կտորի պէս՝ առաջ անցաւ բա-  
 նակէն գուրս ցառքեց , Հասանայ գիմացն ելաւ  
 հսկահասակ սեւ մը , որուն գոյնն և չափն աւելի  
 վախ կու ձգէին քան սպառազինութիւնն . որոց

նման էր սիրտն այլ խիստ և յանգուգն. ձայնն այլ կծու և սրտախոց, մանաւանդ Հասանայ, երբ կանչէր, թէ Սա եմ հօրդ սպանողն. և ահա կու տեսնես ներքեւս իր ձին, ահաւասիկ իր թուրն ու գրօշն. եթէ կտրիճ ես՝ առ ու տար: Ուրիշներու սոսկումն ազդեցին այս ձայնս ու տեսքն, բայց Հասանայ սրտմտութիւն ու վրէժ. տեսնելն՝ լսելն՝ և փայլական նման սեւ ամպին վրայ զարնուիլն ու յերկու ճեղքելն մէկ ըրաւ. անանկ ու ժով թուրն իջուց սեւաւ հսկային ուսին ու վզին միջոց՝ որ աջ ու ձախն իրարմէ բաժնուած երկու պատառ ընկան: Հասան հօրը ձին ու զրաշներն առած՝ գեռ կայծակնաթափ աչքք գարձաւ իր բանակը:

Կարգն եկաւ ճնճղկան, որ անհամբեր կ'ըսպասէր իր մեծ եղբօր գործը վճարելուն. և նոր որոտմունքով գուրս ցատքեց իր գնդէն, անվախ ու համարձակ կանչելով իր տղայ եղբօր՝ Իշխան. կան խոշոշ գազանը. որուն յանգսնութեան և արհամարհանաց չլսելով մէկէն երեւցաւ կտրիճ Պարսիկ մը. Ահաւագիկ՝ կ'ըսէր, քու մալաղ եղբօրդ սպիտակ ձիուկն. ահա իր գրօշն ու նշանն, ահա իր զէնքերն. թէ կտրիճ ես եկ ու առ. ապա թէ չէ՝ ես զքեզ խաւրեմ քու եղբօր քով: ... Այլ երկայն չկարցաւ ըսել և հայհոյել. վասն զի Իշխանկան նշանիկը տեսնելով ճնճղուկ, զոր թերեւ ինքն այլ անկէ առաջ կրէր էր, արեան և արցունքի գոլոշեօք աչքերն լըցուած՝ մտրակեց ձին, դրաւ ուսմբը գէմ սրտի Պարսկին, հրեց թափ անցուց, ի գետին փռեց իր եղբօր սպանիչը. և անոր ցատքըտուկ սպիտակը ու զէնքն և զարգերը յափշտակելով գարձաւ խնդութեամբ Հասանայ քով:

Երկու եղբարք այլ իրենց ազնիւ հարազատաց վրէժն առնելով, աւարնին յետ գարձնելով իբր

առաջին և երկրորդ յաղթանակն ըրած հաշուեցին. կու մնար երրորդ մ'այլ, իրենց երկրին և մտրդկան մեծաններն այլ փոխարինեցու: Արդէն թշնամիք այլ այս բանիս յորդոր կու տային իրենց շփոթութեամբ և խուճապելովն. իրենց կողմէ երկու շահաաակաց՝ Խափշըկին և Պարսկին ընկնալ և թալնիլը անանելով՝ ոմանք փախչելու ոմանք կռուելու կու շարժէին, երբ Հայք յարձրկեցան վրանին. և թէպէտ անոնք եռապատիկ աւելի էին թուով, բայց չկրցան Հասանայ և Ճնճղկան և անոնց նմանեաց յաղթել կամ երկար դէմ կենալ. Թուռնեանայ և Արծրունեաց վրիժուց օրն էր. քսան տարիէն վեր դադրած թրերն Հայոց՝ չդարձան 'ի պատեան, մինչև 4000 այլադգի փռեցին 'ի փոշի. մնացեալներն այլ հալածելով հանեցին իրենց հայրենի սահմաններէն շատ հեռու:

Աստարեալ յաղթանակաւ գտրձան Հասան և Ճնճղուկ, օրհնութեան և գոհութեան ձայներով. պանծալի հին թմբուկն հայկական՝ կանաչներով պսակուած՝ խառնեց իր անընդհատ թոպիւնն՝ 'ի շէն դարձող բարձրապինչ բարձրափռինչ երիվարաց տրոփման և խրխրնջման հետ. և երբ յառաջ քան իրարմէ զատուելով իւրաքանչիւր իր տան ճամբան բռնելը, վերջին անգամ մէկ տեղ հաւքած հանդիսացան 5000 հեծեալքն Հայոց, որոցմէ քիչեր ինկեր էին հայրենի հողուն վրայ. Հասան և Ճնճղուկ հաստրակաց հանգիսին մէջ ամենուն շնորհակալելով և իւրաքանչիւրին վարձքը և արժանը տալով, ապա հանգիսապէս իրենց քաջութեան և սիրոյ ուխտն այլ ամբողջացուցին: - Քրակեցին հանեցին հօր և եղբօր սպանման յուշարար սգոյ սեւ նշանները, և անոնց տեղ՝ թշնամիներէն նոր յետ գտրձուցած հարազատաց նշաններովն կապուեցան զարգարեցան. և գալար

Թուփերով ու պայծառ ծաղկներով, և խաչի ու խնկով նորէն արեցին սարեցին Խաչկայ և Իշխանկան գերեզմանները. ծաղկըներէն աւելի օրհնէնք Թափելով անոնց վրայ՝ բերանով բիւրաւոր բազմութեան, որ անոնց բոլորը մատաղ և տգաղ վայելեցին, և լեցուն սրտով ու ձեռքով դարձան 'ի առւն 'ի տեղ. երբ Հասան և Ճնճկուկ այլ չկանայ աշտարակին ծայրը ազատաբար սաւառնեցին հայրենի գրօշն 'ի զբօսանս զովարար հովոց և զովացեալ սրտից:

## Ե

Ո՞րչափ ատեն, քանի՞ տարի արդեօք այն անարգել հայրենի օգոց ծնունդքն (հովերն) խաղացին քծնեցան Արծրունեաց յետին պանծալի գրօշուն հետ, յետ քաջապէս և վայելչապէս կատարելոյ իրենց հօր և եղբօր և երկրին պահանջած վրէժը. — այս բարեբաղդ և փառազարդ եղբարքն՝ կրօնացա՞ն դիմանալ Սէլճուգեանց յարձակման դէմ. որք այս գործէն քիչ ետեւ՝ նորէն մօտան 'ի Հայաստան և հեռզհեռէ տիրեցին գրեթէ բոլոր մեր աշխարհին: — Ասոնց բռնութեան դէմ կռուելն՝ 'ի հարկէ անօգուտ և տնկարելի էր Թոռնեանայ իշխանին. ինքն իրեն վայելուչ և հայրենի պատմութեան մէջ միշտ պանծալի գործն արձանացուց. որոյ փառաց անակնունելի կերպով մը վարձքն այլ համեմատ եղան, որ Թերեւս քեզի այլ ծանօթ չէ, Հայկակ:

Խաչկայ պայազատն Հասան՝ կ'երևի՝ թէ ոչ դաշտաց՝ գոնէ իր ամուր բերդին վրայ յամառեալ տիրեց և չիջուց դրօշն 'ի վայր. մինչև որ ինքնին իջաւ Խաչկայ հետ հանդէլու 'ի քնարանս հարանց. իսկ իր պայազատ որդին՝ Արշալուի՝ ուրիշ հայ իշխանաց հետ պանդխտութեան ցուպն ա:

ուաւ, բայց անոնց պէս աննշան անտես չմնաց. այլ ինչուան Կիւլիկիոյ մայրաքաղաքին Տարսոսի, և միւս մեծ քաղաքին Մամեստիոյ՝ տէր և կողմնակալ եղաւ Ալեքս Ա. կայսեր ատեն և տնկէ առաջ. քաջութեամբն ապահովցուց շէնցուց այն կողմերը, և բարեպաշտութեամբն շատցուց սրբազան շէնքեր, բարձանց վրայ և դաշտաց մէջ կանգնելով տաճարներ. ապահովութեան համար ընտրեց երկու անառիկ յարմար գիրքով բերդեր՝ Տօրոս լեռանց դժուար կողմերը, զՊապեոսն և զԼամբրոս. առաջինը՝ իրեն բնիկ տուն տեղ պատրաստեց, ամրացուց, և անոր տաճարին քով շինեց իրեն և իրեններուն համար յետին բնակարանն այլ, գերեզմանատունը: — Այս բանիս մեծ հոգ ունէին մեր նախնի պայազատք. ուր տեղ որ բռնէին՝ նախ ազօթից տուն, և ապա անոր քով կամ մէջ՝ իրենց մահուան տունն այլ տնկէին: Իսկ երկրորդ բերդը տուաւ իր սիրելի պանդխտակից նիզակակըցին, որ իրմէ աւելի հեռու հայ աշխարհէ մը ելեր եկեր էր, յԱրցախոյ աշխարհէն՝ Մայրեաց-ջուրք ըստած տեղէն. և էր իշխանն Օշին. Լամբրոսի հետ ընծայեց անոր իր հայրենի տունէն բերած անոր սրբազան պահպանակ Ս. Պետրոսի գլխաւոր առաքելոյն մասունքը, զոր հանգոյց Օշին շինած տաճարին մէջ՝ ի Լամբրոսն, զոր և նորոգեց ու ամրացուց. և ինքն այլ հոն դրաւ ու գտաւ իր գերեզմանը: Ասոր համանուն թոռն Օշին (որդի Հեթմոյ) հայր եղաւ հռչակաւոր Ս. Ներսիսի (Լամբրոսացւոյ): Իսկ Հասանայ որդին Ապղարիպ այլ ննջեց ի Պապեոսն, առաջուց բաժնելով ժառանգութիւնը. կ'երևի թէ արու զաւակ չունէր. մէկ դուստրը հարսնացուց Դաւթի՝ Գագիկի Բ. Բագրատունեաց վերջին թագաւորին որդւոյն. միւսն այլ տուած կ'երևի Օշին. վասն զի ասոր որդին Հեթում՝ զբերդն Պապեոսնի տուաւ իր

Սմբատ որդւոյն. ըսել է որ ինքն էր անոր մերձաւոր ժառանգն. զՏարսոն այլ Ապղարիպ տուեր էր Օշնի փեսայ իշխանի մը:

Այս Հեթմոյ որդւոց անդրանիկ ճիւղն յաջորդաբար տէր եղաւ Լամբրոնի. երկրորդն այլ՝ Պապեռօնի. որոյ առաջին տիրացող յիշեալ Սմբատն էր Ռիթա գուսարը տուաւ 'ի կնուծիւն Ստեփանէի՝ Ռուբինեանց պայազամին, յորոց ծնաւ մեծն և առաջին թագաւորն Լեւոն. ասոր գուսարն և ժառանգն Զապել գշխոյ՝ հարսնացաւ յիշեալ Սմբատայ թոռան՝ Կոստանդին Մոզոնի (որդւոյ Վասակայ) որդւոյն հետ, որ է Հեթում Ա. և այսպէս միացան երկու ճիւղքն Պապեռօնեան և Լամբրոնեան, և երկու մեծ ցեղքն՝ Արծրունի և Բագրատունի, թէ և մայրենախառն: Այսպէս կերպով մը երկրորդ անգամ այլ, և գրեթէ մինչև 'ի հազար տարի վերջ, կատարեցաւ մեր խորին հայրենախօս պատմահօր մարգարէութիւնը (Խորենացւոյ), թէ այդ երկու մեծ ցեղերէն՝ 'ի Բագրատունեաց և յԱրծրունեաց՝ թագաւորներ պիտի ըլլան Հայոց յետ շատ ժամանակաց: Արդ Բագրատունի թագաւորութեանն առաջին հեղինակ եղաւ Աշոտ (887) երկրորդ՝ յետ 200 տարւոյ՝ Ռուբէն կամ Լեւոն Ռուբինեան. իսկ Արծրունեաց՝ նախ Խաչիկ-Փազիկ, և երկրորդաբար մը՝ անձամբ թոռանցն՝ մեր Թոռնեանցին ԽՈՒԼ ԽԱՅԻԿ<sup>1</sup>:

<sup>1</sup> Մեծին Ներսիսին շխարաց գիւտին պատմքն (որթուի 8. Երզնկացին) կ'ըսէ վասն « Ռուբինի մեծի իշխանին, » որ էր 'ի զօրացն Բագրատունեաց և յաւգիւ Նորին, և 'ի » Գանի և 'ի Գոհմի Արծրունիաց. որ և մեր պսակաւորն » Լեւոն (Գ. որդի Զապելի և Հեթմոյ), զերկուցն ունի » թագաժառանգ ազգաց զազգականութիւն: Ըսել է որ այս Լեւոն երկու ճիւղով այլ յԱրծրունեաց էր:



# Լ

## ԵՐԶՆԿԱ

### ԵՒ ՅՈՎՀԱՆՆԷՍ ԵՐԶՆԿԱՅԻ

# Ա

Խորհրդաւոր հնութեան և յունութեան շնորհք  
 ունող հայկական անուանց մէկն է Երիզա, որ  
 մեր հայրենի երկրին քանի մը կողմերը յիշուելէն  
 զատ՝ կու գտուի նաև Յունաց կողմերը. և Կիւ-  
 լիկիոյ արևմտեան գրացի գաւառաց մէկուն մէջ  
 կար Երիզա անուամբ եպիսկոպոսանիստ քաղաք  
 մ'այլ: Նշանաւոր պատճառ և ծագում մը պէտք  
 է ունեցած ըլլայ այս անունս, բայց ստուգութիւն  
 անյայտ է ինծի, ևս և որ ազգէն որ լեզուէն ծա-  
 գիլը, 'ի Հայոց' (ինչպէս կ'ուզեմ կարծել՝ մեր  
 երկրին հնութեանն և ազգաց չուարան ըլլալուն  
 համար), եթէ գիպուածով յօտարաց 'ի մեզ մը-  
 տած. — վասն զի եթէ այս անուանս նախնա-  
 կան պատճառը սեպեմք երկրի նշանակութիւն  
 մը, ոչ միայն մեր՝ այլ և արաբացի և գերմանա-  
 կան լեզուաց մէջ մեր Երէզ բառին համաձայն և  
 համանիշ բառք կան: Յոյնք ունին առասպելեալ  
 անձինք այլ Երէ՞ կամ Երէշ անուամբ, ինչպէս  
 խռովարար զիցուհի մ'այլ Էրէ՞ որ է ըստ նշա-  
 նակութեանն և ըստ ձայնին հէ՞ (կոիւ, ատելու-

Թիւն) և անշուշտ հեռի է Երիզայ անուանա-  
գրութենէն: Բայց անունը Թողլով և իրաց գա-  
լով՝ կու գտնեմք որ այդ անունը կրող տեղեաց  
մէջ ամենէն նշանաւորն և մնայունն եղած է մեր  
Բարձր Հայոց աշխարհին և Եփրատ գետոյն նոր  
ձեացեալ եղերաց վրայ կանգնուած Երէզ ականն,  
որ 2000 տարուան յիշատակաւ՝ այսօր այլ ծա-  
նօթ է ամենուն Երէնի անուամբ քաղաք մը, Էր-  
ւէնճէան ըստ Թուրքաց, կամ Երւէնէան, Էրզի-  
ռումի կուսակալութեան վիճակաց մէկն հիմայ.  
Իսկ մեր նախնեաց և տէրութեան ատեն գլխաւոր  
քաղաք Երէշէայ հռչակաւոր գաւառին, որ շատ  
ծանօթ էր Յունաց Ագաթէիւնի կոչմամբ, և Լա-  
տինաց՝ Ալէիւիւնի կամ Չելլէնի: Ո՛վ որ Փոքր  
Ասիոյ միջնաշխարհէն ՚ի Հայս կ'երթար, կամ ՚ի  
Հայոց՝ հոն, կ'անցնէր յԵկեղեաց և յԵրիզայ.  
ինչպէս որ Գ դարուն վերջը և Դին սկիզբը, Տըր-  
դատայ և Լուսաւորչի գործոց և գնացից մէջ կու  
յիշեն ժամանակակից պատմիչք: Բայց միայն  
ճամբու վրայ ըլլալուն համար չէր Երզնկայի ջը-  
նորհքն, այլ և երկրին հանգամանաց, և ամենէն  
աւելի կրօնական դիպաց համար:

Եփրատ գետ Արինէն իջնելով և Դերջանէն  
անցնելով՝ դէպ ՚ի յարեմտեան հարաւ կ'երթայ,  
երկու մեծ լեռնագօտեաց մէջ, որոց մէկն ՚ի հա-  
րաւոյ կ'անջրպետէ իր զուգակից Մուրատ (Ա-  
րածանի) գետոյ հովիտը, միւսն՝ յարեմտից Փոքր  
Հայոց գաւառները և գետերը. այս միջոցիս վրայ  
է Եկեղեաց կամ Երզնկայի գաւառն, արեմտեան  
հիւսիսէն դէպ ՚ի արեւելեան հարաւ տարա-  
ծուած, մեծաւ մասամբ Եփրատայ աջ և հիւսի-  
սային կողմը. ուսկից կ'ընդունի այն գաւառին  
գլխաւոր վտակը՝ հիմա Վաւլէրփ ըսուած, որ պի-  
տի ըլլայ Վասալէրփ կամ Վասալիէրփ, այս անուամբ  
աւանի մը քովէն անցնելուն համար, շինուած ՚ի

Դ դարու, և անշուշտ անով գետակին հին անու-  
նը խափանած, որ էր Գայլ գետ, և որոյ եզերքն  
էր Երէզ աւանն, ինչպէս որ հիմայ այլ մօտ է ա-  
նոր Երզնկա քաղաքն, թէ և հին և առաջին Ե-  
րիզայ բնիկ յատակին վրայ չըլլայ: Երբեմն քա-  
ղաքներ այլ անդադիոթութիւն կ'ընեն, մանաւանդ  
ուր որ շատ ժաժ և կործանումն կ'ըլլայ, ինչպէս  
հոս: Երզնկայի գաւառն՝ Դերջանայ և Կամախայ  
մէջ՝ լուսնաձև կամ ձուաձև տարածուած է, իբ-  
րեւ 20 մղոն երկայնութեամբ և 7-8 մղոն լայնու-  
թեամբ. գետինն 4000 ոտքի չափ բարձր է ծո-  
վուն երեսէն. որով ձմեռը բաւական ցուրտ կ'ըլ-  
լայ, բայց շատ պակաս՝ ի Կարնոյ, (ուր ինչուան  
25° Բեօմ. զրոյէն վար կ'իջնէ ջերաչափն, իսկ  
հոս իբրեւ 10°). ամառն այլ աւելի տաք կ'ըլլայ.  
ինչուան 30° շուքի մէջ. և պէտք կ'ըլլայ որ բնա-  
կիչքն չըջակայ լեռանց վրայ ի հով ելնեն. տպա-  
թէ ոչ թէ տաքն և թէ քիչ մ'այլ ճապարհեալ  
ջուրեր՝ կրնան ջերմով մնասել: Հանդերձ այ-  
սու Երզնկա դեռ բարեխառն և զուարճալի վի-  
ճակաց մէկն է ի Հայս, վայելուչ դիրքերով և  
տեսարաններով, միանգամայն և բարեբեր. որուն  
մէկ պատճառն այլ գետնին կազմութիւնն է,  
տակը կրակ, վրան ջուր. վասն զի հրաբղխային է  
կազմուածքն, ինչպէս յայտնի է և իր ժաժերէն  
այլ, ծծմբային ջերմուկներէն այլ. կ'արժէր որ  
երկրաբան և հանքաբան մը լաւ քննէր այս կող-  
մերուս լեռները. որոնք հովտին չըջապատն ա-  
ռած՝ կարծես թէ անոր գեղեցկութեամբը կու  
զմայլին, իրենք ալ պակաս գեղեցիկ չըլլալով:  
Հարաւային կողմէն կու տարածուին Տուժիկ լեռ-  
ներն, աեղ տեղ կանաչ տեղ տեղ սև, երբեմն  
չոր երբեմն դալար կողերով, սիրուն ու ահա-  
ւոր տեսարաններով. փէշերնին դէպ ի հովի-  
տը փռած են, վրանին բազմաթիւ գեղեր պար-

տիզաց և ծառաստանաց մէջ կու ծիծաղին, իբրեւ  
 Թէ ծաղիկ քաղելու ելած անձինք ըլլան. որոնց  
 ետեէն լերանց հարաւային անտառածայր գա-  
 գաթներն երբեմն սև. սև գմբէթներու պէս եր-  
 կինք քաշուած կ'երևան, երբեմն Թուխ ու կա-  
 նաչ վարագուրի մը պէս Երզնկայի հորիզոնը կու  
 չափաւորեն: Արևելքէն հեռուէն Բարձր Հայոց  
 լեռներն ամպերու պէս երբեմն կ'երևան երբեմն  
 կու ծածկուին. արևմուտքէն ալ հեռու չէ սրբա-  
 զան Սեպուհն, որ կարծես Թէ գեռ Լուսաւորչի  
 վերջին շունչերը կը շնչէ Երզնկային վրայ, ուսկից  
 տալի անգամ Հայաստանի վրայ քրիստոնէութե-  
 շունչերն փչեր էր. հիւսիսային հեռու սահման-  
 ներէն ալ Փայլ գետն աճապարող Ճամբորդի մը  
 պէս գալով գէպ 'ի քաղքին արևմուտքը կը մո-  
 տենայ, բայց չի հասնիր այնչափ մօտ՝ որչափ կու  
 հասնէր առկէ 2000 տարի առաջ. և տնկէց ալ  
 գէպ 'ի հարաւ երթալով՝ կը խառնի եգեմական  
 Մփրաա գետոյն ծեր ու ծաղկած ծոցը, որ այս  
 կողմերո Տրադ կու կոչուի, և բուն Երզնկայի մօ-  
 տիկ՝ Սեւ ջուր կ'ըսուի յայլազգեաց: Այս ջուրս  
 որ հովտին պաղարերութեան մեծ օգնականն է՝  
 տնոր եղերքներէն առաջ կու գայ՝ լերանց սառ-  
 բոտիցը քծնելով. ուր որ շատ տեղ քարոտ ճամ-  
 բու պատահելով՝ երբեմն հանգարտօրէն իբր առ-  
 տիճան ընելով այն գարերէն կ'անցնի ձիւնափր-  
 փուր ալիքներով. երբեմն ալ սրգողածի պէս ուժ  
 տալով կ'անցնի կը վազէ անոնց մէջէն, հետն ալ  
 մեծ մեծ քարերու կտորներ՝ ոչ անախորժ գը-  
 զըրգմամբ մը՝ քշելով տանելով. ինչուան որ ա-  
 նոնցմէ ազատած երթայ իր գլխաւոր պաշտօնը  
 կատարէ, հովիտը խմցընելով: Գետինն՝ որ ներսէն  
 հրաբլիի երկրի մը բարեյարմար տաքութիւնն  
 ունի՝ գրսէն ալ այս անուշ ջուրը գտնալով՝ կը  
 բանայ ծոցը ամեն տեսակ ընտիր պտուղներ բլղ-

խելու, որոնք ինչուան Կարնոյ կողմերը և ուրիշ կողմեր ալ կը զբկուին: Չեմ գիտեր թէ պաղոց տեսմին աւելի է հոս թէ ազնուութիւնն. բայց եղբինս կը յազթէ. ինչ որ կը բուսցընէ՝ ամեն ալ ընտիր է, խաղող, թուօ, գեղձ, սալոր, տանձ, խնձոր, մեղրապուպ, և այլն. ինչուան թզենի ալ. և թէպէտ ցորենի գաւառ չէ, բայց ունի պատուական ընդեղէններ ալ. հունձքն ալ կլիմային և գետնին ութովը՝ կանուխ կու հասնին: Բայց պէտք չէ մոռնալ Երզնկայի պաղոց մէջ՝ իր համեղ փափուկ ծիրանեգոյն ծիրանն ալ, որ արեւմուտքի աշխարհքներ պաղոց մէջ Հայկական անուամբ կու պատուի. անշուշտ այս հովտիս ծիրանն է որ Լուկուլլոսի և իր հռոմայեցի զօրքերուն ախորժակը զմայլեցուց, և հետերնին առած Խաւքիս փոխադրեցին անոր կուտերը (Թերեւս Հայաստանէն շահած ամենէն մեծ աւարնին աս ըլլալով), և ինչուան հիմայ հոն Արմենիա անունը կը պահէ: Մշակութիւնը հարիւրի չափ գեղերու յանձնուած է, որ վերոյիշեալ լեռանց և հովտին մէջ սփռած են. բայց վայելքին կշեռքն երբեմն Քիւրտերուն նիզակովը կու կշռուի: Այս ազգը հոս երկու ցեղ ունի, Պալապան և Շեխ-Հասան կամ Հիւսէյին ըսուած, որ ձմեռները կ'իջնեն շէնքի տակ, լաւ եղանակները լեռներուն մէջ կ'անցընեն իրենց հօտերովը, որոնց պարարտ արօտներ կան լեռնագաւառակներուն մէջ. գրեթէ անկախ ինքնագլուխ կը տիրեն այս կողմերուս. լեռանց նեղ անցքերը բռնած՝ ճամբորդներէ անցքի հարկ կը պահանջեն. Լուսաւորչի ուխտաւորներն ալ՝ ուխտէն առաջ այս անհաճոյ հարկը պէտք է տան. բայց գեռ երջանիկ են որոնք որ նեղութեան քրտինքով արիւննին կը գնեն. վասն զի Քիւրտին նիզակը սուր է. անոր համար հիմայ շատ գեղեր անմարդաբնակ եղեր են:

## Բ

Դառնանք հիմայ քաղքին, որ հովտին արեմը-  
տեան անկիւնը նստած է, և գեղերուն պէս զը-  
ւարձալի տեղք ունի, կանաչութեամբ զարդա-  
րուած. տուներն ալ որ 3000էն աւելի են՝ բա-  
ւական վայելուչ են տեսքով: Բնակչաց իբրև եր-  
րորդ մասը մերազգիք են, մնացածքն մահմէտա-  
կանք: Քանի մը եկեղեցիներէն զատ Երզնկա նշա-  
նաւոր շէնք մը չունի, և ոչ հնութեան արձան,  
խիստ շատ անգամ երկրաշարժներէ կործանած  
ըլլալուն համար, որ ոչ հեթանոսութեան ատեն  
կանգնած շէնքերուն և ոչ քրիստոնէութեան առ-  
ջի դարերուն սրբազան եկեղեցեաց խնայեցին:

Մեր պատմութեան մէջ Քրիստոսէ դար մը ա-  
ռաջ կուսկսի Երզնկայի անունն և փառքն. այն  
ատեններն Երէզ քաղաքաւան մ'էր, Եկեղեաց  
գաւառին գլխաւոր տեղը: Արտաշէս Ա մեր թա-  
գաւորն՝ որ Արամ հայկազուն նահապետէն ետե-  
ւ առաջին աշխարհակալ և ծովակալ եղաւ, Յու-  
նաստանի տիրած ատեն՝ հոն գտած տաճարնե-  
րուն մէջ հարստութեամբ և ճարտարութեամբ  
երևելի կուռքերուն շատը՝ Հայաստան զրկեց. ա-  
սոնց մէջ կար Արտեմեայ անդրի մ'ալ, որ կու-  
կարծուի այն հռչակաւոր անդրին՝ որուն համար  
հիներն կ'առասպելէին թէ երկրնքէն ինչած էր և  
Ղրիմու Տաւրիդեան կողմերը կու պաշտուէր հա-  
զար տարիներով առաջ. Տրոյայ պատերազմէն ե-  
տեւ Արամեմիոնի Յունաց առաջնորդին աղքիկը Ե-  
փիգենիա հոն փոխադրեցաւ Անահտայ ձեռքով,  
որ իր տաճարին մէջ ծառայութիւն ընէ. վերջը  
երբ իր Ովրեսաէս եղբայրն ալ այն կողմերն ըն-  
կաւ նաւակոծութեամբ, մէկտեղ կուռքն առին  
փախան, եկան յԱրգոս Յունաստանի ու հոն

կանգնեցին, որով բոլոր Յունաստանի մէջ մեծ ապաշտօն եղաւ: Հազար տարի անցնելէն ետեւ մեր Արաաշէս զաս ալ առաւ Յունաստանէն և զրկեց 'ի Հայաստան. և դեռ հրաման չտուած ուր կանգնելուն վրայ, ինքը մեռաւ Յունաստանի կղզեաց մէջ. զկուռքն ալ Հայաստան բերողներն ալ Երէզի մօտիկ Անի ամրոցը պահեցին, հանգերձ յոյն քուրմերով որ չէին ուզած անկէ զատուելու. Տիգրան Բ իր հօրը տեղ անցնելով, հրամեց որ Անիէն հանեն կուռքը և Երէզ աւանին մէջ կանգնեն: Հայք որ շատոնց Անահայտայ ջերմեռանդն էին՝ իրենց գիցուհին կարծելով զո՜ր մեծ յարգութեամբ սկսան պաշտել. Թագաւորներն ալ գաւառին շատ երկիրները՝ տաճարին կալուածք տուին. անոր համար բոլոր այն երկիրներն Ասիական Գառա ըսուեցան, և մեհեմներով ու քուրմերով լցուեցան. ամեն կողմէ նուէրք կու գար այս տաճարներու: Այս նուիրաց հետ Քիցուհւոյն նուիրած եղներ ալ կային, որոնցմէ ճերմակներն և ընտիրներն իրեն հաճոյագոյն զոհ սեպուած էին. ասոնց ճակատը ջահաձև խարան գարկած՝ որ ոչ ոք չգպչի՝ կու Թողուին որ խումբ խումբ արածին Յփրատայ և Վայլի խոտաւետ ասիուհիներն: Երէզի բնակչաց մեծ մասն և քովիներն՝ Անահայտայ ծառայութեանը նուիրուած էին իբրեւ քուրմք և ծառայողք տաճարներուն մէջ՝ նուիրաբերաց և ուխտաւորաց, և ասները կատարելու՝ հանգիսիւ. դարնան և աշնան մէջ մեծահանգէս Թափորով ջահերով կը պառտցընէին կուռքը մեհեմէն դուրս չորս գի. յատուկ Անահայտայ մեծ ասեղ նաւասարգի 15ին կը կատարէին, 15 օր տարեգլխէն կամ Արամազդայ ասեղն ետեւ, որով կ'երևի ալ Թէ Հայք եօթնօրեայ շաբաթական շրջան ունէին, և Արամազդէն վերջը Անահայտէն էր իրենց մեծ աստուածն. ինչպէս որ Տրդատ

Թագաւորն ալ իր գիցամուղութեանն ատեն մեղադրելով կ'ըսէր Լուսաւորչի. « Մեծի Անահ-  
 » աայ տիկնոջ, որ է փառք ազգիս մերոյ և կե-  
 » ցուցիչ. զոր Թագաւորք ամենայն պատուեն,  
 » մանաւանդ Թագաւորն Յունաց. որ է մայր տ.  
 » մենայն զգաստութեանց, բարերար ամենայն  
 » մարդկան բնութեան, և ծնունդ է մեծին արի  
 » Արամազդայ... որով կեայ և կենդանութիւն  
 » կրէ երկիրս Հայոց »: Այս խօսքերէն կու տես-  
 նուի որ Հայոց Անահիտն սեպուած էր Աթենաս,  
 մայր զգաստութեանց, ինչպէս Պլատոն ալ Տի-  
 մէի գրոց մէջ Աթենաս կը սեպէ զԱնահիտ՝ Նիիթ  
 անուանելով՝ եգիպտական կոչմամբ. բայց իմաստ-  
 նոց մէջ շատ վէճ կայ Անահտայ վրայ, և հաւա-  
 նական կ'երեւի որ Հայոց հին Անահիտն՝ Ա Տիգրա-  
 նայ ատենները՝ Ասորոց գիցուհւոյն նման Բնու-  
 թեան աստուած էր, շատ տեղ ալ Յունաց Ար-  
 տեմիս կամ իգական լուսին սեպուածն, իբրե-  
 քոյր Միհր աստուծոյ, այսինքն արեւու:

Երբոր Տրգատ Յունաստանէն գալով մտաւ ի  
 Հայաստան հալածելով զՊարսիկս, առջի պարտ-  
 քը սեպէց Անահտայ պաշտօնը, զոր և կատարէց  
 հանդիսիւ. և այլ աւելի պատիւ մ'ընելու հա-  
 մար՝ հրամմեց Գրիգորի որ այն ատեն իր ծա-  
 ռայութեան մէջն էր և իրեն սիրելի, որ ուրա-  
 խութեան սեղանին վրայէն ծաղկըներն առնու և  
 նոր տերեւներ ալ կարելով՝ տանի Անահտայ բազ-  
 նին նուիրէ: Ահա այս հրամանիս վայրկեանն էր  
 ի յաւիտենից գիտուած մեր ազգին հոգեւոր ծնուն-  
 դեանը: Ամեն Լուսաւորչի որդւոց պէտք է յայտ-  
 նի ըլլան՝ այն հրամանէն ետքը պատահածներն,  
 որով և աւելորդ ինծի հոս կրկնելն. միայն չեմ  
 կրնար լռել իմ անձնական զուարճութիւնս ե.  
 րախտագիտական պարտքի մը պէս այս տեղս,  
 ուր իմ հոգւոյս սերմն ալ 1500 տարի առաջ



Ծըեր էր իմ Լուսաւորչիս շնչին մէջ. այս դաշաերս  
 իր սուրբ արեամբն ուղղուած էին. աւելի անոնց  
 կաթիլներովն էր հոն գրուած գաւառ Լուսաւորչի՝  
 քան թէ դրոց աւանդութեամբ. հոն յղացաւ  
 Հայոց հոգեւոր անձնաւորութիւնը, որ 13 տարի  
 Արտաշատու վերապին մէջ երկնելով՝ ընծայուե-  
 ցաւ Վաղարշապատու դաշտին մէջ: — Ո՛րչափ  
 փոխուած էր այն Տրդատն՝ երբոր երկրորդ ան-  
 գամ Քրիգորի հետ 15 տարիէն ետեւ՝ եկաւ ա-  
 նահապեան բագիններուն դիմաց, և զայն՝ որ մայր  
 զգաստութեան կ'անուանէր, ճանչնալով մայր  
 մոլորութեան՝ հրամմեց ոչ ծաղկով ու տերեւով  
 պատուել, հապա մրձով ու բրջով փլցընել, մա-  
 նաւանդ թէ Քրիստոսի խաչովն, և անոր տեղ  
 կանգնել ճշմարիտ զգաստութեանց մօրն՝ Տիրա-  
 մօրն աթոռը. և նաւասարդի 15ը հաստատուե-  
 ցաւ. քօն Արփաւածածնի, որ կ'երեւայ թէ վերա-  
 փոխմանն ըլլայ, ինչպէս որ ընդհանուր եկեղեցին  
 ալ նոյն օրերը կու կատարէ այս տօնս: Իրաւամբ  
 հոս պէտք է կանչել Անանիա հին վարդապետին  
 հետ. « Օրհնեալ ես դու լուսանկար առաքասա,  
 » որ շքեղաճոխ նազանօք զօրացար՝ ի վերայ պատ-  
 » կերացն դրօշելոց, և հարեալ խորտակեցեր զան-  
 » սուրբ պաշուճանս դիցանուէր և քաջապերճ՝  
 » պանծանաց Անահիտն տիկնոջ »: Անշուշտ այս  
 տաճարիս տեղն կանգնուեցաւ արժանապէս Աս-  
 տուածամօրն եկեղեցին, զոր թէպէտ յայտնա-  
 պէս չեն յիշեր մեր պատմիչք, այլ Պրոկոպիոս  
 Յոյն պատմիչն կու վկայէ, թէ Ոսկեայ Կոմանայի  
 տաւրիական Անահտայ մեհենին տեղ՝ հիմայ ե-  
 կեղեցի է. գիտեմք որ մեր Անահտայ անդրին ալ  
 ոսկեղէն էր:

## Գ

Երզնկայի հին դարերուն գիպուածներն մուծի մէջ մնացեր են, ամենէն պայծառ ժամանակն է թԳ և թԴ դարերն: Թէ և ոչ փառաւոր և ուրախալի՝ բայց ամենէն նշանաւոր դէպք քաղաքիս կրնան ըսուիլ իր ժաժերն և կործանմունքն. որոց առաջինն կու յիշուի յամին 1012, վերջինն 1784, միջոցն այլ 20 անգամէն աւելի, երբեմն գրեթէ բոլոր քաղաքը կործանելով, երբեմն մեծ կամ պզտիկ մաս մը, և իր բնակչացը գերեզման ընելով իրենց տուները. եթէ միայն նշանակուած մեռելոց թիւը գումարենք 200,000 կ'ըլլայ. անշուշտ աւելի այլ կորած են հոն՝ ուրիշ չնշանակուած ասեններն այլ մէկտեղ. ըսել է որ Հայաստանի մէջ Երզնկա կու նմանի այն հարաւային Իսաւիոյ գեղեցիկ քաղաքաց (որոնց գրեթէ զուգ. աստիճան է աշխարհագրական դրիւք լայնութեան), ուսկից չեն կրնար հեռանալ տագնապեալ բնակիչքն. կու վախեն և կու սիրեն. որքան սասաիկ և դժնդակ է երկրին աներեւոյթ երեսն, այնքան բարի և անուշակ դրսի երեսն: Մեր պատմիչներէն զաա՝ քանի մ'արեւմտեան կամ եւրոպացի ժամանակակից հեղինակք և ճամբորդք այլ կու յիշեն այս գիպուածներս. որոց գուցէ հնագոյնն է Բիւպրիւքի Փռանկ և Փրանկիսկեան կրօնաւորն, զոր Պապն Հռովմայ դէսպան խաւրեր էր առ Ղանն Թաթարաց, և 'ի դարձին՝ յամին 1233 տեսաւ առջի տարին հանգիւած մեծ ժաժին ահաւոր նշաններն և աւերածները. որոնց տակ զատ յաղքատաց՝ 10,000 ունեւոր մարդիկ թաղուած էին, կ'ըսէ, և երեք օր ձիով անցնելով կու տեսնէինք զարհուրելի սպտառածներ գետնին երեսը, և մեծամեծ քարակոյտներ՝ ուրք լեռ.

Ներէն փրթելով ծածկեր էին ձորակները, այն-  
 պէս որ եթէ ժափն քիչ մ'այլ երկայն քշէր՝  
 սառուգիւ պիտի կատարուէր Նսայի մարգարէին  
 ըսածն, « Ամենայն ձորք լցին և ամենայն բլուրք  
 » խոնարհեցին » . մեր յիշատակագիրք՝ 16,000  
 հոգի կորսուած կ'ըսեն այս անգամուս : — Յամին  
 1471 այլ Յովսափատ Պարպարոյ վէնետեցին  
 անցաւ Նրզնկայէն, և քաղաքին կէսը կործանած  
 գառաւ՝ քանի մը տարի առաջ եղած սասանու-  
 թենէն . մեր յիշատակագրաց մէջ այս թուակա-  
 նէն առաջ 1462ին եղածը կու գտնեմք, յորում  
 30,000 հոգի մեռան, կ'ըսեն :

Ասոնցմէ երևելի և Միջին դարուց ամենէն մեծ  
 ճանապարհորդն Մարգոյ Բոլոյ՝ աւելի լուս առնն  
 մ'անցաւ յՆրզնկայէ, յամին 1300, յորում չէն  
 էր քաղաքն, Թաթարաց իշխանութեան տակ,  
 Ներսէս եպիսկոպոսին առնն, ինչպէս կ'ըսէ . բը-  
 նակչաց մեծ մասն Հայք էին . իրենց գլխաւոր ձե-  
 ռագործն էր բամբակեայ խժապատ կտաւն, զոր  
 ամեն տեղի նման կտափներէն ընտիր կու սեպէ .  
 miglior bocherame (կամ bocassini) del mon-  
 do, որ է Թուրքաց պողաւ կոչածն . և մինչև ցայժմ  
 ասոնց մէջ անուանի է քաղքիս կտաւն, մինչև  
 առակի պէս կ'ըսեն <sup>1</sup> . նոյնպէս կու գովէ Մ . Բո-  
 լոյ քաղքին բաղնիքներն այլ՝ ուրիշ տեղերէն վեր  
 փնելով : — Անկէ 14 տարի վերջը (1314) երեք  
 Խաւաթի Փրանկիսկեան քարոզիչք նահասա-  
 կուեցան յՆրզնկա, և Հայ երեք մը Թաղեց զա-  
 նոնք պատուով . իսկ կաթողիկոսն Հայոց պա-  
 տուիրեց յիշատակել զանոնք յեկեղեցին . այս-  
 պէս կ'աւանդէ անոնց ժամանակակից մէկ ընկերն .  
 մեր պատմըսց մէջ չկայ այս բանիս յիշատակն .  
 այլ անոր տեղ և անկէ առաջ ուրիշ ազգային նը-

<sup>1</sup> Երզնկայէն :

ման ցաւալի դիպուած մը, որ է սպանուած Սարգսի արքեպիսկոպոսի քաղաքին:

ԺԳ դարուն կիսէն սկսեալ կու յիշատակուի այս անձն 30 տարի գովութեամբ, շատ բարի կարգաց և շինութեանց համար, որոց գործակից էր և իր որդին, վասն զի աշխարհի կարգ ալ մտեր էր. այս որդին էր Պարոն Յովնանէ, քաղքին ազգայնոց վերակացուն. ժամանակին յիշատակագիր մը կ'ըսէ Սարգսի համար, « պատուեալ յԱռ » տուծոյ, մեծարեալ յազգաց և յազանց և 'ի » « թագաւորաց մեծաց » . այս մեծ թագաւորներն էին կայսերք Յունաց և Ղանք Թաթարաց, սուլտանն Իկոնիոնի և թագաւորք Հայոց: Հուշաղուդսնին կողմանէ գեսպանութեամբ ղրկուեցաւ առ Միքայէլ Պալէոլոգ կայսր և անոր 'Իեսպինա (Տիրուհի) Մարիամ դուստրը տարաւ 'ի կնութիւն ղանին. Հուշաղու մեռած ըլլալով ( 1266 ) որդին Ապաղա ղան առաւ ղայն. և այս առթիւ կ'ըսուի Թէ Սարգիս Անտիոքայ պատրիարքին հետ մէկ տեղ մկրտեցին զԱպաղս, վասն զի առաջուց յանձն առեր էր քրիստոնեայ ըլլալ: Քանի մը տարի ետև ( 1269 ) Սարգիս հիմնարկեց Ս. Փրիլ մեծ և հոյակապ եկեղեցին, որուն գմբէթը կանգնեց 1274ին, և վրան այլ յաղթական խաչք: Յաջորդ տարին երբ Երզնկայի քով հին Թիւ գիւղին մէջ գտուեցան մեծին Ներսիսի նշխարքն՝ Սարգիս բերաւ ղանոնք և դրաւ իր նոր շինած եկեղեցւոյն մէջ, ուր և թողուց հայրապետին սուրբ օջախս բազուկը տարաւ հանգուց գետոյն անդիի կողմը Տիրաշէն ըսուած վանքը. « Իմաստաբար » և մեծ յուսով արարեալ խոհեմականն տէր » Սարգիս (կ'ըսէ ականատես վկայ մը, որոյ վրայ » յետոյ պիտի խօսիմ ), զի զերկոսեան բազուկսն » և զձեռնն՝ առատաձիր շնորհիւ լցեալ տեառն » Ներսիսի՝ զերկրորդ մեր Լուսաւորչին՝ սահմա-

» ներ յերկուս կողմանս գետոյն, որպէս թէ տա-  
 » րածեալ ունելով զթեան հովանի գաւառին » :  
 Քանի մը տարի ետև (1279) Թաթարք ուրիշ  
 կողմ զբաղած ըլլալով՝ Թուրքք առին Երզնկա  
 քաղաքը, և ատելութիւն վրէժ խնդրելով սպանե-  
 ցին զՍարգիս և զՊարոն Յովհաննէս 38 զխաւոր  
 անձամբք: Լսեց եկաւ շուտով Ապաղա զան, Թի-  
 րեց քաղաքին, հալածեց ատելիները, միտթա-  
 րեց Սարգսի մերձաւորները, պատուասիրեց ա-  
 նոր թոռները: — Թաթարաց բարեկամութիւնն  
 շատ երկար չտևեց՝ երբոր սկսան իրենք այլ տկա-  
 րանալ, և Թուրք ցեղերն զօրանալ, որք ԺԴ գա-  
 րուն մէջ տիրեցին այս քաղքիս և շրջակայից. ա-  
 սոնցմէ էր Թահերդան կամ Թախրադան, որ ան-  
 ճնատուր եղաւ Թէմուր Լէնկի (1393), և աւաջ-  
 նորդ ու գործակից անոր աւերանացը, որոց մէկ  
 գործն այլ եղաւ Սարգսի շինած հոյակապ Ս.  
 Փրկիչ կաթուղիկէն քակել, հանդերձ ուրիշ եկե-  
 ղեցիներով: — ԺԴ դարուն մէջ Երզնկա զանա-  
 զան տերանց կամ բռնաւորաց ձեռք ընկաւ, այս-  
 ինքն Լէնկթիմուրի յաջորդաց, Ադ և Գարա-  
 գոյունլու Թուրքաց, և երբեմն երբեմն Պարսից  
 և Օսմանեանց, մինչև այս ետքիներուս ձեւք նո-  
 րէն անցնելով յամին 1514, մնաց մինչև հիմայ:

Եկեղեցական հանգամանօք այս քաղաքս Յու-  
 նաց ինքնակալութեան ատեն աւելի ծաղկած էր,  
 ք դարէն սկսեալ, յորում Յուստինիանոս կայսր  
 նորոգելով անուանեց *Յուստինիանուպօլիս*, և ե-  
 պիսկոպոսի աթոռ եղաւ, որ և Յունաց Ժողովք-  
 ներուն մէջ ստէպ կու յիշուի. միայն թէ այդ  
 Յուստինիանու նորոգած քաղաքն բուն հիմու-  
 րէրէն հետ նոյն ըլլալն յայանի չէ. վասն զի և  
 ամենեւին յունարէն արձանագիր մը գառւած չէ  
 հոս, բաց 'ի քանի մ'անժանօթ նշանագիրներէ  
 որ պարըսպաց քարերուն վրայ կ'երևին. ուր կան

նաև Սէլջուգեանց (Ղօնիայի սուլթանաց) քան-  
դաւիթ և նշանք: Իսկ մեր ազգային եպիսկոպոսնե-  
րէն քիչ կու յիշուին յերզնկա. նոյնպէս և եկե-  
ղեցիներէն, որք պէտք է բազմաթիւ եղած ըլլան  
մեր Արշակունի քրիստոնեայ թագաւորաց ա-  
տեն. մանաւանդ որ ատեն մը վերջին թագաւո-  
րաց մէկն այլ հոռ նստաւ. բայց պատմութեան  
մէջ Լուսաւորչի շինած Ս. Աստուածածին եկե-  
ղեցիէն վերջ մինչև Սարգսի շինած կաթողիկէն՝  
միայն Ս. Գեորգ եկեղեցի մը կու գտնեմ յիշուած  
յամբ 1223:

Իսկ թէ կրօնական և թէ գիտնական անձանց  
մէջ երևելի կամ ինծի յայտնիներն՝ յերզնկա,  
ժԳ-ժԵ դարուց միջոցն ծագկած են. որոց առա-  
ջին՝ նախայիշեալն Սարգիս արքեպիսկոպոս. անոր  
ժամանակակից Յովնանէս Վ. Պապ կամ Մարտի-  
րոսի, Ս. Բեռնարդ Դ կաթողիկոս՝ որ գերի բռնուե-  
ցաւ ի Հռոմկլայ յԵղիպտացոց. Կոստանդին Եր-  
զնկայի բանաստեղծն. ժԳ դարուն մէջ Մովսէս  
Վարդապետ Երզնկայի խրատագիր, Կիրակոս Վ. Գեորգ  
Վ. աշակերտ Յ. Որոտնեցոյ, որ քաղաքին ա-  
զատութեանն համար աղաչաւոր երթալով առ  
Լէնկթիմուր՝ վախէն պակուսքն պատռեցան, և  
լալով ետ դարձաւ. — քիչ առաջ իր վարժապետն՝  
մեծահոջակ Որոտնեցին՝ եկեր էր յերզնկա, և  
հոռ ուրիշներէն զառ իրեն պէս և աւելի անուա-  
նի եղած Գրիգոր Տաթևացոյն՝ վարդապետա-  
կան գաւազան տուեր էր. — ժԵ դարուն վերջը  
Երզնկայի եպիսկոպոս էր Մարտիրոս մը, որ եր-  
կայն ճամբորդութիւն մ'ըրած է յԵւրոպա՝ բայց  
շատ կարճ նշանակած է. Ալեքսանդր Զ Պապն  
ստոր գիր մը տուած է ընծայութեան, որուն օ-  
րինակն պահուած կայ: ԺԵ դարուն վերջն այլ  
Երզնկայի եպիսկոպոս էր յետոյ անուանի Աւե-  
փէս պատրիարքն Կոստանդնուպօլսի:

## Դ

Այսքան անձանց մէջ ամենէն յատուկ Երզնկայի կոչուածն, միանգամայն և ամենէն արդիւնաւորն գրականութեւն և գիտութեամբ՝ ըլլալով Պլուզն Յովհաննէս, կ'արժէ որ ոչ միայն քաղքին հետ աւելի պնդութեամբ կապուած ըլլայ իր յիշատակին, այլ և մեր մտաց մէջ, Հայկակ մանաւանդ որ գրագէտք մեր ընդունին յստակութեան կամ վայելուչ գրողաց վերջինը կու սեպեն զսա. արժանի է որ ամեն բանասիրաց սիրելի ըլլայ՝ այն բանասէրն՝ որ ուսմանց սէրը, հոգեկան կրթութեան եռանդն և խոհեմութիւնը հաւասար իրարու կապեր էր, որ բոլոր կեանքն իմաստութեան նուիրած՝ եղաւ ճարտար գրիչ, բանաստեղծ, քերական, ճարտասան, մեկնիչ, տոմարագէտ, քարոզիչ վարդապետ և աստուածաբան։ Եւ առաւել սիրելի և յարգելի և գովելի է այն անձն՝ որ ազգին կարծեաց երկպառակութեան ատեն, դժուարին և դժբաղդութեան ստեն ալ, կրցաւ խոհեմութեամբ ճամբայ բանալ սիրով միաբանութեան առաջնորդաց եկեղեցւոյ։ Արժանի էր հռչակելու այն վարդապետը՝ որ իր նախնի արժանաւոր հայրապետները ներթոյներով և երգերով հռչակեց, միաբանակեցաց ժողովքներն արթնցուց և զըւարթացուց, սուրբ եկեղեցիները սրբաբանութեամբ զարդարեց, հայ թագաւորաց արքունիքն ալ՝ պերճաբանութեամբ։ Բայց ափսոս որ այսպիսի անձի մը վաղքն ամբողջ ծանօթ չէ մեզի, հապա միայն իրեն գրոց և քանի մ'ալ ժամանակակցաց յիշատակարաններէն կրնամք տեղեկութիւն առնուլ իր արդիւնական կենացը։

Յովհաննու ծնած տարին՝ ինչպէս մեռածն ալ՝ յայտնի չէ, բայց հաւանական է թէ ծնած ըլլայ

իբր 1250ին, և մեռած 'ի 1326: Ջանաղան մականուններ ունի այս վարդապետս, որոնց առաջին և սովորականն է Երզնկացի կամ Եղնկայեցի, Երզնկայ քաղաքը ծնած ըլլալուն համար. բաղդով աս վարդապետին բուն իր ձեռքով դրած մէկ գիրքը տեսայ, ուր գրեր էր (« Նուաստ և տը ») կարողի Յոհաննէս Եղնկայեցի սպասաւոր բանի », և այլն. ուր և տգէտ անձ մը՝ Եղնկայեցի բառին ետքի գրերը քերեր և Եղնկայ եպիսկոպոս ձևացուցեր էր: Բուն ծննդեան տեղն է Աբկայ գեղն, ըստ աւանդութեան հիմակուան Երզնկացւոց: Երկրորդ սովորական մականունն է Պլաւ, որ կու կարծուի թէ կապուտաչուի ըլլալուն համար՝ ըսուած է, կամ մանաւանդ հասակաւ պզտիկ ըլլալուն համար. Երզնկացիք հիմայ այլ պատիւ կ'ըսեն և ոչ պատիւ<sup>1</sup>: Երրորդ մականունն է Մարթնի, երկայն ատեն Արտազ գաւառին Մործոր գեղին Ս. Աստուածածնի վանքը բնակելուն համար, ինչպէս ինքն ալ կու վկայէ յիշատակարանի մը մէջ: Հոս ալ նշանակել կամ գիտել տալ կ'ուզեմ, որ Կիրակոս Երզնկացին այլ Մարթնի ըսուած է: Զորրորդ մականուն մ'ալ կ'ընծայէ ձեռագիր շարական մը հին կարգաւորութեամբ գրուած գեղեցիկ դրով և աղէկ թանաքով, որուն գրերն նման են Յովհաննու ձեռագրին զոր վերն յիշեցի. և տեղ մը կայ հին գրչով գրած այս պզտի յիշատակարանս. « Յովհաննէս Եղնկացւոյն է գիրս, մականունն Մալաթի »). այս մականունս որ իր ժամանակը գրած կ'երևի իրեն ձեռնագիր շարականին վրայ, չեմ գիտեր ինչ պատճառաւ արուած է իրեն, և ոչ ալ թէ Մալաթին՝ մալած բառին սեռականն սեպելու է, թէ

<sup>1</sup> Ընդ հակառակն Պօլսկ երկայն ըսել է. խոսուցեցիք երկայնկեկ ռամիկ ծերուն այլ Պօլսկ կ'ըսեն:



մաշ և ծին բառերէն բարդած, ինչպէս կըրնայ  
ալ կարծուիլ:

Յովհաննէս անոնցմէ մէկն եղած է՝ որ կրնային  
ըսել Իմաստնոյն, և իրեն իսկ անուանակից և ազ-  
գակից՝ Հայոց մեծ Իմաստասիրին հետ, Թէ Մա-  
նուկ էի մտավարժ և ոգւոյ բարւոյ դիպեցայ.  
կ'երևի Թէ ծնողքն ալ հոգ ունեցեր են պղտի-  
կուց զինքը ուսման տալու. իր մէկ բաղդն ալ այս  
եղաւ որ իր հայրենիքը Լուսաւորջի լերան վան-  
քերով շրջապատած էր, որոնց՝ մէջ դեռ բաւա-  
կան գրքեր և գրագէտներ կու գտուէին. և աւելի  
բաղդն ալ այս էր՝ որ իր տղիւթեան ատեն՝  
Երզնկա քաղքին քաղաքակա՝ իշխանն էր Յով-  
հաննէս պարոնը, հոգևոր տեսուչն ալ էր՝ այն  
պարոնին հայրն Սարգիս արքեպիսկոպոսն, եր-  
կուքն ալ աշխարհաշէն և ջանասէր և ջանասի-  
րաց ձեռք տուող: Երզնկացին առջի ուսմունք-  
ներն ըրաւ Ս. Մինասու անապատ ըսուած վան-  
քը, Սեպուհ լերան սրբազան շուքին տակ. վերջը  
անոր քովի վանքերն ալ պտըտելով՝ մեղուի նման  
քաղեց անոնցմէ ինչ որ իր Իմաստասէր մտաց  
պատուական գտաւ. բայց անոնցմով գոհ չըլլա-  
լով՝ ելաւ հեռու տեղուանք ալ պտըտելու գի-  
տութիւն ժողվելու համար:

Այն ատենները Հայոց մէջ ամենէն անուանի  
վարդապետ ճանչցուած էր Վարդան Արեւել-  
ցին, և Թէ Կիւլիկիոյ արքունիքը Թէ արևելեան  
Հայաստանի մէջ պատկառելի եղած. այս բազ-  
մահմուտ և բազմագիր վարդապետս իր վերջին  
տարիները քաջուեր էր Հայոց և Վրաց սահման  
ներուն մօտ Հաղբատ և Սանահին հռչակաւոր  
վանաց մէջ տեղ՝ Կայենոյ ձոր ըսուած տեղը, ուր  
որ պղտի վանք մը կար, հոն նստէր և դեռ աշա-  
կերտաց դաս կու տար. Յովհաննէս ալ գնաց ա-  
նոր քով, և կ'երևի Թէ ինչուան անոր մահը հոն

կեցաւ, և կ'անուանէ զինքն « Աշակերտ հոգեւելոց  
հօրն և սուրբ վարդապետին վարդանայ » : Յով-  
հաննէս դարձաւ Երզնկայ, ուր յաջորդ տարին  
( 1272 ) հին մեծ գիպուած մը հանդիպեցաւ . այս-  
ինքն սրբոյ Մեծին Ներսիսի մարմինն գտուեցաւ ,  
640 տարուընէ վեր փլած Թիւ գեղին եկեղեցւոյն  
տակ , և Սարգիս արքեպիսկոպոսին ձեռքով փո-  
խադրեցաւ յԵրզնկայ : Այս գիւտիս և փոխադրու-  
թեանն ոչ միայն ականատես կու կարծուի Եր-  
զնկայեցին , այլ և կ'երևի թէ ինքն է անոր պատ-  
մութիւնն ալ գրող և գեղեցիկ ճարտասանական  
ըսող՝ փոխադրութեան հանդիսին մէջ, ճառ մ'ալ  
արքեպիսկոպոսին՝ Երամանաւն , ինչպէս որ գը-  
րուածքին ոճէն փոշակեն բանասէրք : Բայց աս-  
կէ յայտնի և փառաւոր յիշատակ մ'ալ թողուց  
Եզնկացին Ս . Ներսիսի վրայ , « Որ զլոյսն անձառ »  
երգած շարականովն , որ ընտիր շարականաց կու  
հաւասարի՝ ազնիւ շարադրութեամբ և իմաստ-  
ներով և վառվառն եռանդեամբ . այս շարականս  
երգեց՝ երբոր Լեւոն Գ Հայոց թագաւորն լսելով  
Ս . Ներսիսի նշխարաց գիւտը՝ եկեղեցի մը նուի-  
րեց այն մեծ հայրապետին :

Երզնկացին քանի մը տարի հայրենեաց սահ-  
մաններէն հեռացած չերևար . գուցէ Սարգիս ար-  
քեպիսկոպոսին քով կը ծառայէր , ինչուան ա-  
նոր անպարտ սպանումը իր որդւոյն հետ մէկտեղ :  
Տարի մը ետեւ , 1280ին , Ս . Գրիգոր վանից միա-  
բանքն՝ միաբանութիւննին նորոգելով՝ խնդրեցին  
իրմէ սր իրենց կանոններ գրէ . ինքն ալ գրեց « Կա-  
» նոնք և սահման միաբանութեան եղբարց՝ ուրք  
» աստուածային սիրով միաբանեցան յեղբայրու-  
» թիւն միմեանց՝ յԵզնկայ , 'ի ԶԻԹ . . . » . և կու  
սկսի , « Բանն Աստուած որ բանիւ գոյացոյց զա-  
» մենայն արարածս » , և այլն : Այս յիշեալ վան-  
քերուն մէկուն մէջ գտայ Փիլսնի Եբրայեցւոյ ճա-

սերուն թարգմանութիւնը՝ գրուած կիսկատար՝  
 Երզնկացւոյն համար:

Յաջորդ տարին ելաւ Յովհաննէս հեռու Ճամբորդութիւն մ'ընելու, « Գնալ յաստուածային քաղաքն Երուսաղէմ 'ի տեսութիւն անօրէնութեան Քրիստոսի Աստուծոյ մերոյ », ինչպէս ինքն կ'ըսէ. Ճամբորդութիւնը կ'իւրկիայէն ըրաւ, որ հոն տեղի թագաւորական և հայրապետական ջանքով պայծառացած գիտութեանց ճաշակն ալ տունու: Յակոբ կաթուղիկոսն ուսումնասէր և խոհեմ անձն՝ սիրով ընդունեցաւ զՅովհաննէս, և ճանչնալով անոր տաղանդը՝ իրեն ուսումնարանին վերակացու դրաւ, քերականական և մեկնական ուսմանց. և տեսնելով որ ինչուան անանկ քաջ մեկնիչ մը չըլլայ՝ անկարելի է համբաւեալ մեր նախնեաց շինած՝ յունարէնէն յարմարեցուցած քերականութիւնը հասկանալ, աղաչեց իրեն որ այն քերականին դիւրահասկանալի մեկնութիւն մը գրէ, որովհետեւ թէպէտ շատերն իրմէ առաջ գրեր էին, բայց ամենքն ալ դժուար և մըթին: Յոնն առաւ Երզնկացին, թէպէտ չկրցաւ մէկէն կատարել: Բայց իր համբաւն լսուեցաւ արքունեաց մէջ. Լեւոն թագաւոր վնիբը պատուեց, ինքն ալ իր հանճարովն զուարճացուց արքունիքը: Ռուբինեան թագաւորը Եւրոպայի թագաւորաց քանի մը սովորութեանց հետ՝ անոնց ասպետութիւնն ալ ընդուներ էին, որ իրենք Ձիաւոր կ'ըսէին, և Ս. Վլասի անունով ասպետութիւն մ'ալ հաստատած էին, նման Տաւադարականաց և Մալգայի ասպետաց: Երզնկացւոյն հոն եղած ատեն Լեւոն թագաւորին երկու որդիքն Հեթում և Թորոս, որք վերջը երկուքն ալ թագաւորեցին, կարճութեան հասակ հասնելով՝ Ձիաւոր ընտրուեցան ուրիշ իշխանազանց և արքունի պաշտօնէից որդւոց հետ մէկտեղ. այս հան-

դիսին մէջ Երզնկացին հրաւիրուեցաւ ատենական ճառ մը խօսելու, և բնաբան դրաւ Առաքելոյն խօսքը, « Ամենայն անձն որ ընդ իշխանութէն է », և այլն. ճառին սկիզբն է. « Յարաժամ բազմ » ձանօք նորալուրն և նորատեսն և նորագործն » սիրելի և ախորժական լինել », և այլն. ես այս ճառին դեռ վերնագիրն միայն տեսած եմ: Թագաժառանգն Հեթում մասնաւոր սէր կապեց Երզնկացւոյն, զոր վերջը իր պարոնութեան կամ թագաւորութեան ատենն ալ կրկին անգամ ընդունեցաւ 'ի Կիւլիկիա: Իշխանք և եպիսկոպոսք ալ ճանչցան և պատուեցին Երզնկացւոյն հանձարը: Սոյ մայր եկեղեցւոյն մէջ Քրիստոսի աստուածայայտնութեան օրը ճառ մը խօսեցաւ, Անարզաբայ Գրիգոր եպիսկոպոսին առջև, որեղաւ վերջը կաթողիկոս. խօսեցաւ ուրիշ ճառ մ'այլ բնաբան գնելով « Աքանջելի եղև գիտութիւն քո », և այլն: Նոյնպէս Կոռիկոսի Ստեփանոս վարդապետին հրաւիրանօքն ալ եկեղեցւոյ վրայ ճառ մը խօսեցաւ: Այսպէս ուրիշ յիշատակներ ալ թողուց 'ի Կիւլիկիա, որ որչափ իր իմաստուն անուանը պատիւ են, այնչափ ալ իր իմաստութիւնը ճանչցող և յարգող անձանց: Երանի՛ այն աննախանձ ժամանակին և բաղդին, որ հանձարն իր արժանաւոր պատիւը և խրախոյսը գտեր էր Հայոց մէջ. երանի՛ այնպիսի իմաստուն վարդապետաց, այնպիսի իմաստասէր իշխանաց և իմաստայարգ եպիսկոպոսաց: Գրչագրի մը մէջ հանդիպեցայ այս բանիս. « Յոհաննէս քահանայի առ » շակերտի գրոց՝ 'ի բան քերականին որ ասէ. Առնուն է մասն բանի հոլովական. ասացեալ՝ յոր. ժամ դարձաւ յուխտիցն 'ի տեղի ուսմանն առ աշակերտակիցսն իւր, 'ի սուրբ վարդապետացն ժողովեալ բանից. Աստուածային ձեռին օծեալն », և այլն. — կրնար կարծուիլ թէ մեր

Նրզնկացւոյն ըլլայ այս ճառս (որուն միայն քիչ մը սկիզբն գրուած էր)․ բայց յայտ է որ կամ աւելի առաջ երիտասարդութեան ատենն ըրած պիտի ըլլայ այս ուխտագնացութիւնս, կամ բնաւ ուրիշ Յովհաննէս մ'է այս․ վասն զի Նրզնկացիին իր քերականի մեկնութեանը վրայ սուած տեղեկութեան մէջ ամենևին չի յիշեր այսպիսի բան մ'այլ երբեմն գրած ըլլալը։

## Ե

Արդ մեզի ծանօթ և իր յիշած Ճամբորդութեանն և Կիւլիկիայէն դառնալէն ետե՛ գնաց 1284ին ՚ի Տփղիս Վրաց մայրաքաղաքը, ուր Վրաց հետ Հայոց հին իշխանազանց մնացորդքն ալ կային․ թէպէտ ինքն գրոց և գրագիտաց հետ կ'ուզէր պարապիլ, բայց համբաւն իրմէ առաջ անցնելով՝ զինքն ընդունելի ըրաւ հոն տեղի բարեսէր իշխանաց և հայրապետաց ալ․ օր մը Քարիմատին<sup>1</sup> ըստուած Հայոց Ոմեկ մեծ իշխանին շինած եկեղեցւոյն մէջ ներբող մը խօսեցաւ, որուն մէջ երկնից զարդուն նկարագրութիւն մ'ալ ըրաւ․ Ոմեկայ կտրիճ որդին Վաղթանգ՝ այնչափ զմայլեցաւ այս խօսուածքին՝ որ աղաչեց զՆրզնկացին առանձին գրուածք մը ընել երկնից վրայօք․ Տփղիսի Յովհ․ եպիսկոպոսն ալ վրայ տուաւ․ այն ատեն Նրզնկացին ալ գրեց («Յաղագս երկնային շարժման»), ևն, երկնային մարմնոց և անոնց շարժմանն վրայօք, այն ատենուան գիտութիւն յարմար։ Այս բանս ինքնին հեղինակն կու պատմէ․ «Ախորժելի եղև (բանս) մեր) զուարթամիտ պատանոյն Վաղթանկայ, որ էր որդի կրսեր հռչակաւոր անուն Պարոն

<sup>1</sup> Ինչուան հիմայ Տփղիս, որ է Թիֆլիզ, կու ցուցնեն Քարիմատենց եկեղեցին և անոնց տանը տեղը։

» Ոմէկին, և մայրենի ազգաւ թոռն մեծ իշխանին  
 » Զաւլալին՝ տեառն Խաչենոյ, որդի մօր բարե-  
 » պաշտի, որ էր Քրիստոսի օրինօքն զարգարեալ  
 » յոգի, և ՚ի խնդիր բանիս յորդորող զորդի: Սա  
 » ինգրեաց ՚ի մէնջ յաղագս Երկնի և նորին շարժ-  
 » մանն. յոր հարկեալ յորդորեաց զակարուծիս  
 » մեր մեծազգի եպիսկոպոսն աէր Յոհանէս, ազ-  
 » նուական զարմից և բարեստոհմիկ հարց ծնունդ.  
 » որ և շարժեալ ՚ի սիրոյ և ՚ի յուսոյ խնգրողաց,  
 » և ալին առեալ ՚ի պատուոյ շնորհաշուք տեառն  
 » և գերասպառիւ եկեղեցւոյ գլխոյն, ՚ի նրբաշա-  
 » ւիլ և ՚ի կորովամիտ բանից սուրբ հարցն և վար-  
 » դապետաց մերոց և իմաստասիրոհ արանց՝ պար-  
 » զեալ գրեցի համառօտ բանիւ և աշխարհական  
 » խօսիւք վասն դիւրահասկանալի լինել ընթեր-  
 » ցողոց »: Այս գրուածս կարգալով ուրիշ իշ-  
 » խան մ'ալ Ապլոց անուն՝ ուղեց որ աւելի զուար-  
 » ճալի ոճով նոյն բաներուն վրայ դարձեալ գրէ.  
 Երզնկացին ալ հազար տող ռաանաւորով երկնից  
 նկարագրութիւն մ'ըրաւ և ընծայեց իշխանին:  
 Այս քերդուածին սկիզբն է:

« Յամենահրաշ գործս Արարչին որ գոյացան՝  
 Մեծ եւ ահեղ ըսքանչելիք ներգործեցան »:

ուր երբեմն կու նկարագրէ, երբեմն դիմաւնաբար  
 կու խօսի երկնից հետ.

Ո՛վ սքանչելի ձեզուն յարկի այս մեծի տան,  
 Ի Բարձրելոյն բանէ ձրգեալ որպէս խորան...  
 Դու յարկ մեծին ձեռամբ շինեալ արքայական  
 Զահ ի բարձանց ի քեզ կախեալ անշիջական.  
 Դու անթառամ ծաղկանց լուսոյ մեծ բուրս-  
 տան՝

Որք յանդաստանս քո դեղեցիկ ծաղկագրե-  
 ցան.

Ոչ պարանոց քո լանջագեղ զարդարեցան,  
Այլ բովանդակ մարմին եւ անձըն շքեղա-  
ցան» . և այլն :

Երբեմն այլ արևուն վրայօք կ'ըսէ .

Այլ եւ զպայծառ լուսոյն աղբիւր միշտ հո-  
սական՝

Ըզգեղեցիկ ական աշխարհի լոյս ցուցական,  
Ջնա ի կամարըս քո բերես ջահ փայլական,  
Որ ղկերակուրն հըրոյ բաշխէ բնակից պիտան .  
Սա մեզ խրրատ օր ըստ օրէ քարոզական,  
Ըզմահ եւ ղկեանք օրինակէ դէմ՝ յանդիման .  
Առաւօտուն ծագմամբ՝ ըզծնունդըն մայրական,  
Ի երեկոյին թաղմամբ՝ ըզմուտն ի գերեղման .  
Յարեւելից գեղով ծագէ փեսայանման,  
Արագապէս զընթացս առեալ հրակայական .  
Զարեգական արդարութեան պատմէ ըզբան,  
Զաննիւթ լուսոյն մեզ քարոզէ լոյսն եղական» :

Երզնկացին Վրաց կողմերէն կ'երևի թէ Հայոց  
այն ատեն անուանի վանքերուն այլ այցելութե-  
կած ըլլայ . և եթէ իր անուամբ և մականուամբ  
ուրիշ Ծործորեցի մ'այլ չկայ՝ իրենն է այն ճառն  
որոյ խորագիրն է, «Յովհաննէս վարդապետի Ծոր-  
» Ծորեցոյն արարեալ ի բանէն Եսայեայ՝ որ ասէ .  
Հոգի Տեառն ի վերայ իմ» . որոյ վերջաբանին  
մէջ շնորհակալ ըլլալով Աստուծոյ խնամոցն իր  
վրայօք վասն ծննդեանն և զարգացմանը, կ'աւել-  
ցընէ նաև ուսումնական վարժիցն համար . « և ի  
» մտաւորն ծնունդ և ի բանին ծնողութիւն և  
» յերկուքս մտաւոր աշխատութեանցն արժա-  
» նացայ կոչել, փաբ և ցաւագին մարհով և ի մէջ  
» ծփան ալեաց ծովածուփ աշխարհիս և տրտմա-  
» բեր կրից կենցաղոյս, առաջնորդեաց ինձ հո-  
» գին և էառ առ ոտս բարիօք նաւուղղելի և ի-

» մասաուն կատարողապետի: ... Եւ այսր ամե-  
 » նայնի պատճառ և տւթող եղեալ և մեզ գետս  
 » Եփրատէս, անուանակիր որդւոյն Ամովսայ,  
 » հռչակեալս'ի տանս Թորգոմայ, որպէս նա յոր-  
 » դոցն Եբերայ »: Այս վերջի խօսքերս կ'ակնար-  
 կեն յԵսայի Նչեցի, Սիւնեաց Գայլէձորոյ վա-  
 նաց մեծահռչակ վարժապետն, որ յամին 1284  
 նստեր էր յաթոռ առաջնորդութե, և 50 տարի  
 վարդապետեց. տարիքով եթէ սլզտիկ այլ չէր,  
 գոնէ հասակակից պիտի ըլլար մեր Երզնկացւոյն.  
 բայց գուցէ անկէ առաջ վարդապետական պա-  
 տուոյ հասած էր, և այն անուանի վարժարանին  
 գլխաւոր ըլլալով՝ Թուի Թէ Երզնկացին խոնար-  
 հաբար իրեն այլ վարդապետ կամ դոնէ ուսմանց  
 բարգաւաճող կուցըցընէ զնա մեծարանօք:

Յամին 1287 հանդիպած Երզնկայի մեծ սասա-  
 նութեան ատեն՝ կ'երեւի Թէ Յովհաննէս անկէ  
 հեռու չէր, մօտակայ վանքերուն մէջ ըլլալով.  
 ուր յաջորդ տարին Սեպհոյ սուրբ Գրիգոր մեծ  
 վանքին մէջ դարձեալ իր պերճախօս լեզուն հան-  
 դիսացաւ: Գեղեցիկ և շատ գովէլի սովորութիւն  
 ունէին Լուսաւորչի լերան վանականներն և ուխ-  
 տաւորներն բազմութեամբ վարդապետաց և քա-  
 հանայից՝ ժողովելու այն մեծ վանքին մէջ, և տա-  
 րուէ տարիներեղական ճառով պատուելու մեր  
 ազգին հոգւոց անմահ Լուսաւորիչը. այն տարին  
 Երզնկացին խօսեցաւ « Յարազուարճ խնդութի  
 » բերկրեալ » ճառը, ուր Լուսաւորչի հետ իր  
 հայրենի գեղեցիկ գաւառին սիրովն ալ վառուած,  
 և չորս կողմի բնութեան աղուոր տեսարաններով  
 միաբը նկարած, բանաստեղծութեան և ճարտա-  
 սանութեան շնորհքով զանոնք կու նկարագրէ,  
 մանաւանդ Սեպուհ լեռը և Մանեայ այրբն և բո-  
 լոր Դարանալեաց լեռները: Այս նկարագրու-  
 թեանց համառօտ և աշխոյժ և աւելի վսեմ բո-



վանդակութիւնն է « Լերինք ամենայն » ըստած  
 ընտիր շարականն, զոր ինքն երգած է. Թէպէտ  
 տմանք Խորենացւոյն կ'ընծայեն զայս, և արժանի  
 իսկ է, գրեթէ և հաւանական: Աւելի հաւանա-  
 կան է որ Երզնկացին երգած ըլլայ մէկալ երկայն  
 այբուքենական շարականն, « Այսօր զուարճա-  
 ցեալ », Թէպէտ զայս ալ ոմանք Խորենացւոյն  
 կ'ընծայեն: Ներքողէն տասը տարի վերջը երգած  
 է զայս: Կ'երևի թէ Լուսաւորչի ներքողը խօսած  
 տարին՝ խօսեցաւ անոր որդւոց և Թուանց վրայ  
 ալ ճառ մը, որ առջինին հետ մէկտեղ տպագրե-  
 ցաւ նախ 'ի Կոստանդնուպօլիս, Թէպէտ յայտ-  
 նի վկայութիւն մը չկայ թէ այն ճառն ալ իրեն  
 ըլլայ: Ճառերէն զատ համառօտ պատմութիւն  
 մ'ալ կայ Լուսաւորչի՝ Երզնկացւոյն անունով,  
 որոյ սկիզբն է. « Յագամայ ԻԱ նահապետ Աթրա-  
 համ » . և այլն:

Լուսաւորչի վանքերուն մէջ իր տղայութեան  
 ուսումնարանը՝ Ս. Մինասը ընտրեց Երզնկացին,  
 քիչ մը աստէն գադրելու և շատոնց խոստացած  
 քերականութեան մեկնութիւնը գրելու. որով  
 հետև Մշու Ս. Կարապետէն ալ՝ Յովհաննէս ա-  
 նունով վարդապետ մը եկաւ նոյն բանը տղաչեց,  
 աշխերտներն ալ յորդորեցին. վերջապէս ձեռք  
 զարկաւ. և նախ ետևէ ըլլալով Ժողովեց իրմէ առ-  
 ջի քերականի մեկնիչներն. արդէն Յովհաննէս  
 Պարոնն անոնցմէ վեց հատ մէկ գիրք օրինակել  
 տուեր էր. որք էին Մովսէս քերթողահայր, Դա-  
 լիթ փիլիսոփայ, Բարսեղ վարդապետ, իրեք ալ  
 անանուն, որոնց մէկն անշուշտ էր Ստեփանոս,  
 մէկն ալ Թերևս Մամբրէ. իսկ Երզնկացին ասոնց-  
 մէ զատ գտաւ Համամարեկեղոյն և Գրիգոր Մա-  
 գիստորոսի մեկնութիւններն ալ, Արիստակէս վար-  
 դապետին բառգիրքն և վերջանութեան կանոն-  
 ներն ալ ձեռքն ունէր. զայս ամենքը քննելով՝

պարզ մեկնութիւն մը գրեց այն հին քերական-  
նին, զոր նախնիք կարծես թէ միտք յօգնեցընելու  
կամ սրելու համար գրած էին: Ասկէ զատ ուրիշ  
համառօտ քերականութիւնը կամ քերականի մեկ-  
նութիւն՝ ալ հեղինակաբար գրեց, առանց առջի հե-  
ղինակաց վկայութիւնները բերելու և իրարու հագ-  
ցընելու, ինչպէս էր առջինը: Այս առաջին մեկ-  
նութիւնը զոր հեղինակն կ'անուանէ « առաջին »  
պտուղ յանապատի կենաց », և իբրեւ իր առա-  
ջին ոճով գրուած գիրքը կու սեպէ, ընծայեց իր  
երախտաւոր և սիրելի Բ. Հեթում (Թագաւորին՝ եր-  
կրորդ անգամ Նիւլիկիա գացած ատենն, 1293ին:  
Հոն գտուեցաւ նաև այն աշխարհին դժբաղգու-  
թեանն ատեն, Եգիպտոսի Ալֆի սուլտանին աս-  
պատակութեամբը, որուն համառօտ պատմու-  
թիւնն ալ գրած է քերականին յիշատակարա-  
նին մէջ: Հեթումէն առաջ իր պապն ալ և ա-  
նուանակից Ա. Հեթում՝ քերականի մեկնութիւն  
մ'ուղեր էր Վարդան վարդապետէն, այն ալ գրեր  
էր. այսպէս երկու մեծ Թագաւորք՝ պապ և Թոռն  
փափագող եղան քերականի մեկնութեան. և եր-  
կու մեծ վարդապետք՝ վարպետ և աշակերտ՝ գրե-  
ցին և ընծայեցին անոնց, և իրենց աշխատանքը  
նախ Թագաւորական ձեռքերու վրայ դնելով՝ ա-  
ւելի հաճոյ աւանդեցին մեզի:

Յովհաննէս ԺԳ դարուն վերջերը դնաց Հայա-  
ստանի Արտաշ գաւառը, ուր Ս. Թադէոս առա-  
քեալ Մործոր գեղին մօտ վանք մը շիներ էր Աս-  
տուածածնի անուամբ. ինքն ալ հոն Թաղուելով  
Թադէի վանք ալ կ'ըսուէր տեղը. այս ատեն Զա-  
քարիա եպիսկոպոսն էր նոյն վանքին ալ Թեմին  
ալ առաջնորդն, և Մործորեցի կ'ըսուէր. ասիկա  
մեծ պատուով ընդունեցաւ զՆերզնկացին և սիրով  
կը պահէր քովը. ուր այն ալ իր բնաւորած հան-  
դարտութիւն և իմաստութիւնը գանելով՝ սիրեց

Թէ տեղը և Թէ տեղին գլխաւորը. երկուքն ալ մէկ սիրտ մէկ հոգի միաբանեցան Թեմին հոգեւոր և մտաւոր յառաջագիմուծեան համար: Հոգեւոր իշխանութիւնն կը մեծարէր զիմաստութիւնը, իմաստութիւնն ալ կը պատուէր զհոգեւոր իշխանութիւնը. խոհեմութիւնը զերկուքն ալ կը հաւասարեցընէր:

## Ձ

Նրզնկացւոյն հոս բնակած ատենը երկու մեծ կրօնական զիպուած պատահեցաւ ազգերնուս. մէկն էր Կիւլիկիոյ Հայոց Թագաւորաց լատին եկեղեցւոյ հետ կրկին միաբանութիւնն. Գրիգոր Անաւարդեցի կաթողիկոս՝ Հեթում և Լեւոն Թագաւորաց հաւանութեամբ Սոյ մէջ ժողով մը գումարեց 1305ին, և ուրիշ վարդապետաց հետ հրաւիրեց Ջաքարիա եպիսկոպոսն և իր հին բաւեկամն Նրզնկացին ալ՝ բայց իր մահը վրայ գալով՝ ասոնք չգացին. նոյնպէս երբ Կոստանդին կաթողիկոս յաջորդեց զԳրիգոր և հրաւիրեց զասոնք՝ Յովհաննէս խոհեմութեան ճամբայ սեպեց չերթալը. ինչու որ Սիւնեաց արքեպիսկոպոսն Ուռպելեան Յովհաննէս որ միանգամայն գրեթէ իշխան էր իր երկրին՝ և մեծ ազգեցութիւն ունէր շրջակայ կողմերուն, կաթողիկոսին մտացը հաւանեալ չէր, ինչպէս որ գրով ալ իմացուց իր միտքը Թէ կաթողիկոսին և Թէ Ջաքարիայի: Ջաքարիա պատասխան գրեց շատ իմաստութեամբ և զգուշութեամբ, համաձայն կաթողիկոսին մտացը. ասոր համար Ուռպելեանը գժարեցաւ: Արդ որպէս զի այս դժարութիւնը աւելի չղայրանայ և ժողովրդեան խաղաղութիւնն ալ չխռովի՝ Ջաքարիա և Նրզնկացին միջին և զգուշաւոր ճամբայ սեպեցին՝ Թզթով միաբանիլ կաթողիկոսին հետ,

անձամբ չարժիչ աեղերնէն, որ Ուռպելէանը  
 չգրգռեն: Բայց աասը տարի վերջը՝ երբոր կա-  
 թուղիկոսն նորէն Ատանայի ժողովքը գումարեց  
 Օշին (Թագաւորին հրամանաւ (1316), Երզնկա-  
 ցին իր ծերու(Թեան ատեն վերջին անգամ գնաց  
 Կիւլիկիա՝ Զաքարիայի կողմէն ժողովքին ներկա-  
 յանալու, և հաւանելով անոր կանոններուն որ  
 կը հաստատէր զՍոյ ժողովը՝ դարձաւ յԱրտազ:  
 Այս ճամբորդութիւնս Երզնկացւոյն մեծ գրա-  
 ւոր գործքի մ'ալ պատճառ եղաւ. վասն զի գը-  
 տաւ 'ի Կիւլիկիա Ս. Ներսիսի Շնորհալուոյ սկսած  
 Մատթէի աւետարանին մեկնութիւն, որ ինչուան  
 եօթներորդ գլուխը մեկներ էր և տնկատար (Թո-  
 դեր. իբր 150 տարի վերջը Երզնկացին տեսաւ  
 Շնորհալուոյն բուն ձեռնագիրը, և յորդորուեցաւ  
 շարունակելու աւետարանին մեկնութիւն և գլուխ  
 տարաւ. ինչպէս ինքն իսկ կու պատմէ, նախ յի-  
 շելով (Թէ ինչպէս հանգիպեցաւ գրքին, և (Թէ ին-  
 չու կիսկատար մնացեր էր. և (Թէ « Թէպէտ ու-  
 » մանք նախ քան զմեզ ձեռնարկեցին գրել 'ի  
 » վերայ շարագրութեան նորին, սակայն ոչ էր  
 » կարգաւոր որպէս սրբոյն, այլ հաաակոտոր ա-  
 » ռարեալ զքանս առաջին մեկնըաց, նա և զբնա-  
 » բանութիւն աւետարանին արտաքս մերժեալ,  
 » ուստի ոչ գայր դիւրաւ յիմացումն ընթերցո-  
 » ղացն: Յաղագս որոյ ես նուաստս 'ի յեաինս  
 » յորդիս Սիոնի ապիկար ոգիս Յոհաննէս Երզըն-  
 » կայեցի, սպասաւոր բանի, բնակեալ 'ի վիճակ  
 » սուրբ առաքելոյն Թագէոսի՝ 'ի վանս Մործո-  
 » ռու կոչեցեալ, ընդ հովանեաւ սուրբ Աստուա-  
 » ծածնիս. այլ և ժողովեալ առ մեզ բանասէր  
 » անձինք 'ի յուսումն կր(թու(Թեան աստուածա-  
 » շունչ տառից լսելու(Թեան, յորոց յորդորմա-  
 » նէ և 'ի փափաղելի խնդրոյ՝ եղեալ 'ի մտի առ-  
 » նել հաւաքումն մեկնութեան..... Աւ արգ եղև

» գրութիւն սորա 'ի թիւ մարգեղութեան տեառն  
 » մերոյ Յիսուսի Քրիստոսի 'ի Ռեծք. որոյ զօրու-  
 » թեամբ բուռն հարցուք զբանէս » - և այլն :  
 Այս գիրքը գրելէն քիչ տարի ետեւ (1335ին) օ-  
 րինակող մը այսպէս կ'ըսէ, յետ խօսելու Շնոր-  
 հալոյն վրայ. « Նաեւ այլ ոմն յետ այնքան ժա-  
 » մանակաց, զոր Հոգին շարժեաց, յաշխարհէն  
 » Դարանազեաց 'ի նահանգէն Եկեղեաց, որ է շի-  
 » րիմ մերոյն հովուապետի և Լուսաւորչի Հայկա-  
 » ղեանս զարմի, Յոհանէս վարդապետ կոչեցեալ  
 » Մործորեցի, յոյժ աշխատանօք և քրտնաջան  
 » վաստակօք կատարեալ զմեկնութիւն սորա, էր  
 » զոր 'ի հնոցն սրբօց ժողովեաց, և է զի 'ի յիւ-  
 » ռում կորովամիտ իմաստութէն համառօտեաց,  
 » խիստ պարզ և յստակ, գիւրին ըսողաց, յա-  
 » ւարա 'ի գլուխ էած. զոր Տէր Յիսուս հատու-  
 » ցէ նորա ընդ հարիւրաւորքն և ընդ վաթսնա-  
 » ւորքն և ընդ երեսնաւորքն՝ վարձա բարեաց 'ի  
 » յաներեկ աւուրն. ևս և ծնողացն նորա և ու-  
 » սուցչաց նորա, որ այսպիսի պտուղ քաղցր մեզ  
 » ընծայեցին. և ամենեցուն վարձահատոյց լինի  
 » Քրիստոս, որ զՅոհաննէս վարդապետն Մոր-  
 » ծորեցի սրտի մտօք յիշեն յԱստուած ողորմին  
 » և 'ի Հայր մեր որ յերկինս » :

## Է

Երկրորդ մեծ կրօնական գիպուածն այս էր,  
 որ այն եպեթ տարիներն՝ Լատինացւոց կողմանէ,  
 առաջին անգամ Դոմինիկեան կամ Քարողիչ Ը-  
 սուած միանձուկք եկան 'ի մեծ Հայաստան. ու-  
 ըոնց զլիաւորն էր Բարթուղիմէոս անունով հո-  
 գեսէր անձ մը, որ եպիսկոպոս ալ եղաւ. ասոնք  
 բարեմտութեամբ սկսան աշխատիլ Հայոց և Լա-  
 տինացւոց մէջ միաբանութիւն հաստատելու. և

այս բանիս միջոց մ'ալ սեպեցին լատին Ս. Հարց  
 և վարդապետաց գրուածներն հայերէն (Թարգմա-  
 նել. ասոր համար աշակերտներ ժողովեցին և սկը-  
 պան լատին լեզուն սովորեցընել. իրենք ալ հայե-  
 րէնը կը սովորէին. Թէպէտ երկուքն ալ անկտար  
 սովորելով՝ ըրած Թարգմանութիւննին ալ հայկա-  
 բանութեան համը կորսընցուց, և լատինաբանու-  
 թեամբ աւրեց հայ լեզուն. մանաւանդ երբոր  
 տգիտաբար հարկաւոր սեպեցին լեզուն ծռել՝ որ-  
 պէս զի յամենայնի Լատինաց համաձայն ըլլայ ը-  
 սածնին և գրածնին. ասոնցմէ ելան Ունիթոր ը-  
 սուած կէս լատինածէս Հայ Դոմինիկեան կրօնա-  
 ւորք Նախիջևան գաւառին մէջ, որոյ մէկ վիճա-  
 կին անուամբ յետոյ կոչեցան և Զահլէյի, որոնց  
 պատճառաւ եղած բարիքն և չարիքն ալ յայտնի  
 է: Բայց առջի բերան շատ խոհեմութեամբ կը  
 վարուէին և մեծ օգուտ միաբանութեան կու խոս-  
 տանային. զոր ճանչնալով Զաքարիա եպիսկո-  
 պոսն և իր սրտակիցն Յոհ. Երզնկացի՝ ընգունե-  
 ցան զանոնք իրենց Թեմը, և Երզնկացին չնայե-  
 լով իր ծերութեանը՝ հետեւեցաւ լատին լեզուի,  
 գուցէ Կիւլիկիա եղած ատենն ալ հետևած էր,  
 օգնեց Թարգմանութեան մեծահոգակ Ս. Թով-  
 մայի Ագուինսցւոյ գործոց մէկ մասին, որուն ժա-  
 մանակակից այլ էր Երզնկացին. վասն զի իր առ-  
 ջի անգամ Կիւլիկիա եղած ատեն վախճանեցաւ  
 այս մեծ Սուրբս (յամին 1282). իսկ անոր գը-  
 րուածներէն՝ բաց յայլոց՝ Եօթն Խորհրդոց վրայ  
 գրածն մահուանէն հաղիւ 40 տարի ետև (1321)  
 « Թարգմանեցաւ 'ի ձեռն սրբոյ ումեմն եպիսկո-  
 » պոսի, Տէր Բարդուղիմէոսի, որ է ազգաւ լա-  
 » գին, և քաղ(եցաւ) միջնորդութեամբ լուսա-  
 » միտ վարդապետին Յոհաննու Մործորեցւոյ »:  
 Ասիկայ եղած կ'երևի իր ետքի գրաւոր աշխատու-  
 թիւնն, բայց նշանաւոր աշխատութիւն մը: Եր-

զընկացին միշտ ճշմարտութիւն և իմաստութիւն և ազգին օգուտը գիտելով, այս բանիս մէջ ալ միաբանեց զասոնք իր մաքին և սրտին մէջ. ոչ իբրև զոմանս՝ ճշմարտութեան պատուող երենալով, առանց աջ ու ձախ նայելու՝ զազգն ոտքի տակ առող, և ոչ իբրև զայլս ազգասիրութիւն պարծենալով՝ ազգին մէջ գտածը յամառութիւն պաշտպանող։ Առակ է թէ իմաստուն մարդն իր կարծիքը կու փոխէ. և երբ հաւատոց վրայ ըլլայ ճանչցածն՝ ոչ միայն իմաստութիւն այլ և պարտք է այնպէս ընեն։ Այսպէս ըրաւ անշուշտ Յրզնկացին՝ ի կիւլիկիս և յԱրաազ, տեսնելով և լսելով քանի մը կրօնական խնդրոց պայծառ մեկնութիւն, որոց հակառակը գտնելով երբեմն մեր ազգային քանի մը մեծանուն վարդապետաց գորուածով՝ օրինակել տուեր էր մէկտեղ, և յառաջաբան մը գրեր էր, յորում կ'ըսէ. « Յորով » ժամանակօք և աշխատութեամբ բազմաւ ստա » » ցայ զայս երեք գիրքս (Անանիայի, Խոսրովկայ » և Սարկաւագայ) ... զոր և գտի ես յայլ և յայլ » » տեղի և ժամանակի, և ստացայ զերիս գիրսն. և » » ի նոցունց դարձեալ ետու գրել և առ միմեանս » » եզի, և արարի մի գիրս », ևն։ Իր իսկագիր օրինակն է իմ ձեռքս անցածն, և գիրն կրնայ վայելուչ գրութե օրինակ ըլլալ, եթէ ոչ և իր հին վարդապետութիւնն։ Որչափ այլ չափաւորութիւն և խոհեմութիւն բանեցուցած ըլլայ՝ շատ գժար էր որ Լատինաց մօտենալուն համար՝ ոմանց զգուշանալի և ատելի եղած չըլլար, կենօք և յետ մահուն. արդէն վերոյիշեալ Մատթէի աւետարանի մեկնութեան հին օրինակին մէջ, որ իր մահունէ քիչ տարի վերջ գրուած է, հակառակող ձեռք մը ջանացեր է աւրել թէ Յովհաննու անունը, թէ յիշատակարանին մէջ Լատին քարոզչաց վրայ գովեստը և թէ գրոց մէջ քանի մ'անոնց վարդապետութեան համաձայնութիւնը։

## Ը

Երզնկացւոյն եպօքի տարիները մեծ երկրաշարժ մը եղաւ Արտաղ դաւառը և Թագէի վանքն ալ կործանեցաւ: Զաքարիա նորէն շինեց, և կ'երևայ թէ չթողուց որ Երզնկացին հոնկէ հեռանայ, և հաւանական է թէ հոն ալ կնքեց իր բազմարգիւն կեանքը. թէպէտ և որոշ յիշատակ մը չկայ մահուանը և իր թաղմանը վրայ: Հազար տայ վանքին գերեզմանատան մէջ անգիր գերեզման մը կուցուցընեն ինչուան այսօր՝ Երզնկացւոյն է ըսելով. բայց ես ուրիշ տեղուանք ալ հանգիպած եմ ասանկ երեւելի մարդկան երկու տեղ գերեզման, կամ տեղէ տեղ մարմինը փոխադրելուն համար, կամ սխալ կարծիքով: Ուր ալ որ եղած ըլլայ գերեզմանն՝ թէ և անգիր, աւելի փառաւոր յիշատակ և տապանագիր սեպելու է Մխիթար Ապարանեցոյն ըսածն, թէ «Քա» ջուլթեանն և սրբուլթեանն (Երզնկացւոյն) վը» կային ամենայն ծրագրեալ գրեանքն և մեկնուլ թիւնք և սքանչելիք սուրբ գերեզմանոյն»: Այս ծրագրեալ մատեանքն են վերի յիշածնիս, և անոնցմէ զատ շատ գրուածքներ. ինչպէս են «Խրաքս հասարակոյ քրիստոնէի» . պարզ և ռամկաց գիւրահաս ոճով, խրատական ոտանաւորներ տղոց և կրօնաւորաց համար. սրբազան երգեր, ինչպէս են Զօրհնէայ քաղչն՝ Յամենայն ժամ օրհնեմք ըզքեզ, և Այսօր ձայնն հայրական և Վարդապետի գանձն՝ Յանճառ լուսոյն, Աստուածածնի Վերափոխման վրայ այբուբենի կարգով տաղ մը, ևն: Մէքիսէիւն սաղմոսայ. Համառօտ հարանց վարք մը և խրատք, Քարոյք, Աղօթ, Քաղաքի վարդապետական բանից, և այլն, և այլն: Մեծացոտնի մեկնուլ թիւն. Քաղաքի Անանիայի (Նարեկացոյ) գրոց



ընդգէմ Թոնգրահեցւոց. Գովասանութիւն Կոթուլի-  
նոսայ և Եդիսիոսայ (որ տարակուսական գը-  
րուածք մը կ'երևի). գուցէ նոյնպէս ըլլան և  
իր անուամբ յիշուած Ալիսահայոցն և Տրամաթա-  
նուիւնն. իրն է նաև Եօն Խոփաճարախոյ շարականն  
Յաւուրս վերջին ժամանակի: — Այս յիշեալ  
գրուածոց մէջ ամենէն յարգի և ընտիրներն կ'ե-  
րևին Ճառերն կամ Քարոզքն, որ 30էն աւելի  
կան, ոմանք Սաղմոսաց վրայ, ոմանք Տօնից և ե-  
կեղեցական հանգիսից, յորոց զոմանս 'ի Կիլի-  
կիա խօսած է, զոմանս իր հայրենիքը, և զոմանս  
ուրիշ կողմեր. յայա է թէ շատն այլ գրած ըլ-  
լայ յԱրտաղ, գուցէ և 'ի Հաղբառ:

Եթէ այս և եթէ տոննց նման բազմապատիկ  
գրուածոցը, միանգամայն և առաքինի վարուցն  
համար, թէ իր աննախանձ ժամանակակիցներէ  
և թէ քիչ մը վերջիններէ մեծամեծ գովութիւնք  
կու յիշուի Նրզնկայեցին, և կ'ընծայուին իրեն  
այսպիսի մակդիրք. Բաբունի, Յոգնիմոսոս Կոնփոս,  
Այսաղի վարդապետ, Լուսառի վարդապետ, Պափուե-  
լի, Ընփրեալ, Սուրբ, և այլն. որոց տնշուշա յե-  
տինք և ներկայք այլ արժանի պիտի սեպէին զին-  
քը, եթէ գործերն և գրուածներն աւելի ծանօ-  
թանային և հրատարակուէին: Փափագելի էր մեզ  
գիտնալ և Մի. Ապարանեցոյն յիշած զբանչե-  
լիքն անոր սուրբ գերեզմանին. յուսալով այլ որ  
աւելի հաւատալի ըլլան քան Ղազար Զահեցի  
կաթուղիկոսին պատմածներն՝ անոր կենդանու-  
թեան ատեն ըրածին, չեմ գիտեր ո՞ր գրուածքէ  
կամ աւանդութենէ առած. զոր և դու, Հայ-  
կակ, կրնաս կարգալ գոնէ իբրև աւանդութի,  
և կարծիք մը Անոյ կործանման պատճառին, որ  
սովորաբար 1319ին աւրուած կարծուէր մեծ  
երկրաշարժէն. բայց գեռ անկէ շատ տարի ետքն  
այլ բնակուած ըլլալուն վկայ են իր եկեղեցեաց

քանի մ'արձանագրուածինքն: — Հիմա մտիկ  
ըրէ Զահկեցւոյն պատմութեանը:

Թ

« Այս վարդապետ ազգամամբ սուրբ Հոգւոյն  
գնաց 'ի յԱնի՝ քարոզել և խրատել զնոսա, զի  
գարձցին 'ի մոլորութենէ և 'ի չար գործոց իւ-  
րեանց. մտեալ յաւադ եկեղեցին օթեցաւ զգի-  
շերն. և ոչ ոք կալու փոյթ յանձին գնալ առ նա  
առ 'ի հարցանել և ողջունել զնա. այլ իբրև հըն-  
չեցուցին զժամն գիշերային՝ գնաց յեկեղեցին, և  
զյետին տեղին ետուն նմա. և նա կայր խոնար-  
հութեամբ. և յարձակման ժամուն գնաց 'ի  
խուցն. և բնաւ ոչ ոք մօտեցաւ առ նա: Իսկ 'ի  
ցերեկն իբրև զեղիւնցին և արեւցան, ապա եկին  
մօտ վարդապետին: Եւ զի հասակաւ կարճ էր  
երանելին, վասն որոյ եգին երկայն գրակալ, զի  
'ի ձգտին ծաղը արասցեն զնա. իսկ նա 'ի շնոր-  
հաց Հոգւոյն սրբոյ զամենայն ընթերցմունս 'ի բե-  
րան առեալ՝ առանց գրի անսխալ ասէր ստուգու-  
թեամբ: Այլ 'ի տուէ և 'ի գիշերի խրատէր մե-  
ծաւ հոգաբարձութեամբ, և նոքա ոչ անսային  
բնաւ և ոչ դառնային 'ի մեղաց. վասն որոյ անկաւ  
մահ սաստիկ. զի տներեոյթքն իբրև մարմնաւոր  
երևելով՝ խոցոտէին յայտնապէս զմանկունս 'ի  
գիրկս մարցն և զայլս 'ի մահիճս, զոմանս 'ի մէջ  
քնոյն և զայլս 'ի յարթունս: Իբրև տեսին քա-  
ղաքացիքն զպատուհասս եկեալ 'ի վերայ իւրեանց,  
յայնժամ կալեալ ըմբռնեցին զսուրբ վարդա-  
պետն և եգին 'ի բանտի 'ի նսեմ և 'ի ժահահոտ  
տեղի մի. ասելով, եթէ պատարագ արա և հաշ-  
տեցո ընդ մեզ զԱստուած՝ որպէս և ասացեր. ա-  
պա [եթէ ոչ՝ մեռանիս 'ի ձեռաց մերոց: Իսկ նա  
պատասխանի ետ և ասէ. Ահա կրկին բարկացու-

ցիք զԱստուած. և նորա ոչ անսային. և անճարացեալ յերկիւղէ նոցա՝ յանձն էառ մատուցանել պատարագ, և ելեալ գնաց յեկեղեցին. և յորժամ էջ 'ի սեղանոյն 'ի խնկարկել, յայնժամ եւ հուր 'ի բուրվառէն և այրեաց արս չորեք հարիւր, որպէս 'ի հնումն Նաբաթ և Աբիուծ: Եւ իսկոյն զղջացեալ անկան առ ոտս սուրբ վարդապետին, և հայցէին 'ի նմանէ զթողութիւն, և խոստանային դառնալ 'ի մեղաց իւրեանց:

» Եւ յետ սակաւ աւուրց սկսան կրկին գործել զչարիս և թաւալել 'ի յախտս պղծութեց: Յայնժամ բարկացեալ Տէր առաքեաց գազանս չարս և այլակերպս, որ գային 'ի մէջ գիշերի երամակօք և մտանէին տանէ 'ի տուն. զպատանեակս և զմանկունս յափշտակեալ տանէին. և ելեալ առաւօտուն տեսանէին արտաքս տանց իւրեանց գիշատեալ, ոմանց զձեռս և ոմանց զոտս, ոմանց գլուխս, և ոմանք կիսամեռ անկեալ կային արիւնաթաթախ և գիւթաւալ: Այլ և կին մի ունելլով զմիամօր որդի՝ որ յափշտակեալ եղև 'ի գազանաց, գայ արտասուօք անկանի առ ոտս վարդապետին ասելով. Արդ օգնեա տառապելոյս, զի միամօր է ինձ. վասն զի պահեալ էի զամենայն պատուիրանս քո, և արդ պահեմ մինչև զմահ: Յայնժամ տեսեալ վարդապետին զհաւատս կնոջն նման Քանանացոյն, յազօթս եկաց առ Տէր. յայնժամ գազանքն որ զանգամս տըղային յափշտակեալն էին՝ ակներև բերեալ եդին առաջի սրբոյ վարդապետին. և վարդապետն առեալ զանգամս տղային դնէր և շարէր և ձգէր իւրսքանչիւր տեղիսն. և սկսաւ ազօթել առ Աստուած այսպէս. Տէր Յիսուս՝ որպէս յարուցեր զմիամօր որդի այրւոյն 'ի Նային քաղաքի, նոյն զօրութեամբդ և ողորմութեամբդ յարո զսա և կենդանացո, վասն զի անմեղ է. այլ

և տեսցեն մերձեղեալքն զգօրութիւնս քո և դարձցին 'ի չարեաց իւրեանց: Յայնժամ եռաց կտրաւ տեալ մարմինն, կցեցաւ ոսկր առ ոսկր և կենդանացաւ, և դարձաւ հոգի մանկանն և յարուցեալ կանգնեցաւ: Իսկ որ շուրջն կային իբրեւ տեսին զսքանչելիսն՝ զահի հարեալ անկան առ ոտս վարդապետին և մեղայ դոչէին. և վաղվաղակի դնացեալ բերէին զգիակունս առաջի վարդապետին և աղաչէին զի յարուցէ. իսկ սուրբ վարդապետն Յովհաննէս եկաց յաղօթս և գոչեաց ասելով. Ով դք անմեղք են 'ի սոցանէ՝ եղիցի նոցա բժշկութիւն. ապա թէ ոչ՝ Աստուած վրէժխնդիր լիցի ըստ հաճոյից իւրոց: Յայնժամ դիմեցին գայլք 'ի վերայ նոցա յանկարծակի և պատառեցին ակներեւ զքաղումն 'ի նոցանէ: Եւ 'ի տեսանելն զայս ամենայն անշեցան ահիւ մեծաւ, և սկսան խտտապէս մեղայ գոչել և դառնալ 'ի չար գործոց:

» Եւ յետ երկց ամաց մոռացան զառաջին հարուածսն, և սկսան կրկին 'ի տիպք՝ թաւալիլ, աւելով, թէ առաջին հարուածքն 'ի պատահմանէ եղև, և ոչ վասն մեղաց մերոց: Եւ դարձեալ եկն վարդապետն Յովհաննէս, և սկսաւ քարոզել. և իբրեւ տեսին զնա զի կրկին յանգիմանէր զնոսա, բարկացան և սկսան ասել ընդ միմեանս, եթէ է մեր քակտիչ. և խորհեցան խորհուրդ նանիր, և արքուցին նմա թմրադեղս և թափեցին 'ի խելաց, և ապա մերկացուցին զնա և արկին 'ի վերայ սայլի, և այնպէս մերկ և խայտառակ 'ի մէջ քաղաքին շուրջ ածեալ մոռնետկաւ ծաղրառնէին զնա. և ապա բերեալ կախեցին զամբիւղիւ 'ի գունն աւագ եկեղեցւոյն, զի մտանօք և ելանօքն տեսցեն: Եւ յետ ժամուց ինչ անցելոց զարթեալ 'ի թմրութենէ. և զգաստացեալ ետես զինքն այնպիսի կերպարանօք. սկսաւ յոգոց հանել և լալ դառնապէս: Եւ լուեալ զձայնն՝

իսկոյն իջուցին և բրածեծ արարեալ աքսորեցին զնա . պատուիրելով և ահացուցանելով, եթէ այսուհետև մի տեսցուք զքեզ աստ, ապա թէ ոչ՝ չարաչար մեռանիս 'ի ձեռաց մերոց : Եւ տեսեալ զայս ամենայն վարդապետին Յովհաննու՝ ել 'ի վերայ բարձր բլրի միոյ և անէծ զքաղաքն . կրրկնեաց ծունր ասելով . Տէր, այլ ոչ լինիմ երաշխաւոր . այսուհետև զորինչ կամիս՝ այնպէս արա : Եւ յանկարծակի էջ սաստիկ բարկութիւն յԱստուծոյ, և սկսաւ քաղաքն շարժիլ և տապալիլ պարսպացն : Եւ զայն տեսեալ ամենայն ոք՝ ստէպ ընթացմամբ փոյլ ընդ փոյլ բուռն հարեալ 'ի ձեռաց ընտանեաց և զաւակաց իւրեանց՝ և տարադէպ ելեալ վտարեցան . թողլով զքաղաքն և զեկեղեցիս և զոսկէզօծ պալատս և զծաղկաւէս գաշտս իւրեանց, որպէս փախստական )) :



## ԼԱ

### ԼԵՒՈՆ ՎԵՐՋԻՆ

29 Նոյեմբեր, 1393.

## Ա

**Ա**մենայն Հայազգի որ Բարիզու քով Ս. Դիո-  
նեսիոսի արքայարանի տաճարին այց ելնէ և իջնէ  
անոր տապանատունը, չիկրրնար առանց մեծ և  
խոր մաագրութեան չտեսնել քնարան մը Թա-  
գաւորի, Թագիւ, խաչիւ և առիւծով, և վահա-  
նաւ մը՝ յորում քանդակեալ են նշանք Թագա-  
ւորութեան Հայոց և Երուսաղեմի և Լիւսինեան  
տան: Աչք մէկէն կու տեսնեն այս խորագիրս, Cy  
gist Lyon, Roy d'Arménie. (Ասահանգչի Լեւոն  
Թագաւոր Հայոց). և դարձեալ. Cy gist le très-  
noble et excellent prince Lyon de Lizingne,  
quint Roy Latin du royaume d'Arménie, qui  
rendi l'âme à Dieu, à Paris le XXIX jour de  
novembre, l'an de grace M. CCC. XX et XIII.

## III

**Ա**յսինքն. Ասահանգչի մեծատոհմ և մեծապա-  
ծառ իշխան Լեւոն Լիզինեան, հինգերորդ արքայ  
Լատին՝ Թագաւորութեանն Հայոց, որ աւան-  
դեաց զհոգին առ Աստուած, 'ի Բարիզ, 'ի 29  
աւուրնոյեմբերի, յամի փրկութեան 1393: Հոս

ուրուագրուած փոքրիկ<sup>1</sup> ծնօթածաղիկ անձն՝ էր յաջորդ և վերջին հսկահատասկ Հայկազանց և իշխանազօր Հայպետաց. և աւելի այս նկատմամբ քան թէ իր անուանակցաց մէջ յետին ըլլալուն համար՝ կու վայելէ իրեն կոչուիլն ՎԵՐՁԻՆ: Իր անունն այլ ըսա իմաստին կրնայինք կերպարտնել ծեր Առիւծ մը՝ վատած Թաթերը զինուց և վահանաց վրայ դրած և ընկած. բայց աւիւծաբար ընկած. որուն խորշումեալ և կռնձեալ յոնքն ու կիսաբաց աչերն՝ ոչ անվախ իրեն նայել կուտան:

ԼԷՈՆ Ե կամ Զ դասեալ 'ի կարգի Ռուբինեան պարոնաց և Թագաւորաց Արշիկիկոյ Հայոց, վերջինն եղաւ 150ի չափ Հայպետաց կամ աղջապետաց Հայոց, որոց կէսն Թագաւորական պատիւ և անուն այլ կրեցին, կէսն առանց այդ անուան և Թագի՝ մեր աղջին գլխապետք եղան, կատարեալ 40 դարուց միջոց: Աղջաց դեռ չձեւացեալ կամ չծաղիկեալ կոկոնակերպ նահապետաց հետ, երբ մեր նահապետն՝ Հայկն՝ ելաւ 'ի նոյաբնակ երկրէն, Քամայ բռնաւոր Թուան հետ երթալու 'ի Սենաար, յաբեթական գնդի մը գլուխ կեցած, հաւատարմագոյն ժամանակագրութեան Թիւն էր 2625 տարի Քրիստոսէ առաջ. երբ ԼԷՈՆ Զ Քամայ ցեղին պայազատական աթոռոյն իշխող Սգիպատցի սուլտանին գէմ՝ մինչեւ 'ի յետին հընարս կռուելով 'ի վերայ Թագաւորութեան և անուան Հայոց՝ գերի ընկաւ, և բազմութիւնք Հայոց Թողեալ զյետին հայրենիս՝ օտարական գնացին յարևմուտս, Քրիստոսի Թուականն էր 1375. այս երկու Թուոց դումարն կ'ընծայէ ազջամբողջ 4000 տարի: Զորս հազար տարի աղջի

<sup>1</sup> Թերեւս փոքրիկութեանն համար կամ գգուանք Lyonel այլ կոչուէր 'ի Փռանկաց:



մը ինքնանուէն և քիչ շատ ինքնիշխան պայազատութեան՝ ի մէջ հին և նոր ազգաց. — բաւական էր այդչափից ազգի մը համար՝ ի չափս Նախախնամողին ազգաց և ազանց, որ մարդկան ստեղծմանէն մինչև ցայսօր ձգուած ժամանակի մշտախաղաց կամարին մեծագոյն մասին վրայ՝ լարած և շարած է Հայոց ազգապետութեան գիծը, որոյ հաւասար շաա քիչ ազգաց գիծք կ'երևին: Այն գիծն՝ թերևս օտարաց համար աննշան և ազօա է այսօր. բայց Հայ աչաց լուսանշոյլ և անջնջ գիծ մ'է. կարմիր-կանաչ կամար մը՝ որոյ գլուխն ի լեառն Մասիս, և վերջն յամուրն Սիւ-մեկուն քով Հայկն կանգնած, միւսոյն՝ Լեոն ընկած: Յառաջ քան զՀայկն՝ գեռ ժողովրդոց զանազանութիւն չկայ, չկան ազգք և լեզուք. յեռ Լեոնի ամենայն ազգք և իշխանութիւնք՝ գեռ երեկօւան բաներ են յաչա Հայոյն. Հայն իր ազգային ինքն-իշխանութեանը վերցուելէն վերջն այլ, իբրև լեզու և կրօնք՝ ունի պայազատութիւն մը, ունի որոշ տեղի և բարակ գիծ մ'այլ ժամանակին կամարին վրայ. ունի գոնէ գեռ եկեղեցական հարստութիւն մը, որ կըրնայ ձգել և յարատեւել ըզհին Հայպետութիւնը, քանի որ լեզուն և ծէսն մնան ի վերայ երկրի. յուսամբ թէ ցորչափ մընայ և երկիրս:

Լեոն վերջին՝ Հայոց հարստութեան ետքինն ըլլալուն, իրմով գրեթէ մեր ազգն և աշխարհն այլ աննշան մնալուն համար, դարձեալ, իր օտար ցեղէ ըլլալովն և օտար երկրի մէջ վախճանելովն, և իշխանութեանն ասեն փայլուն և փառօք յիշատակներ չթողլուն համար, չի կրնար մեծ սիրելութիւն մը ձգել ազգապանծ Հայոց վերայ. բայց իբրև թագաւոր Հայոց, և սիրող և կռուող Հայ փառաց և անուան վրայ, իբրև քաջութեամբ և երկայնմտութեամբ և առ հարկի գերի ընկ

նող. — իբրեւ անարատ քաղաքավարութիւն ունող 'ի Թագաւորութեանն և յետոյ, ևս և իբրեւ ազնիւ, ողորմած, բարեպաշտ, հնարագէտ, մեծաց և փոքունց և Թագաւորաց և աղքատաց՝ սիրելի անձ մը, — միանգամայն և իբրեւ քիչ մը քաղաւոր խորհրդապատ (mystérieux) անձ մը, և տարօրինակ բազդի հանգիպող մը, արժանի եղած է և ազգիս մտադրութեան և սիրոյն. հայկական յուշոյն մէջ խորատիպ անուանց մէկն է վերջինն Լևոն:

Ընդհանուր պատմութեան կամ մարդկութեան կատմութեայլ նշանաւոր, կամ Թէ աւելի որոշ ըսենք, նշանաբաղդ անձ մ'է Լևոն. և բազմատեսարան վիպասանութեան մը առիթ ըլլալէն աւելի, կրնայ մեծ բարոյական պատկեր կամ վարդապետութիւն մ'ընծայել շատ դաս մարդկան, և Թէ ուղէ մէկն ուշիւ քննել և նկարագրել իր կենաց ծանօթ պարագաները: Լևոն Ե ('ի կարգի համանուն Թագաւորաց մերոց Ռուբինեանց, և Զ 'ի կարգի պարոնաց և Թագաւորաց), այն տարածադիր իշխանաւորաց և աւագաց մէկն է՝ որ յետ ընկնալու իրենց բարձէն և բազդէն, աւելի հանգիստ և հարուստ կ'ըլլան, և աւելի անուանի և յիշելի: Այս երկու յատկութիւններն այլ ունեցաւ մեր վերջին Թագաւորն իր տարագրութեանէն ետեւ. Հռովմայ պապն, Սպանիոյ, Գաղղիոյ և Անգղիոյ Թագաւորք, իրենց երկիրներուն մէջ առատապէս տուին իրեն քաղաքներ, պալատներ, գանձեր, պատիւներ. և որչափ ապրեցաւ՝ միշտ իրենց բարձակից, եղբայր և համշիրակ սեպէին, և արքունի մեծամեծ հանգիսից մէջ վերագոյն աթոռներուն մէկը անոր կու տային: Ինչուան հիմայ Թէ իր և Թէ իրեն պաշտօնէից համար արուած շատ հրովարտականք կու գտուին դէւանատանց մէջ. իր կենաց վերջի տարիներուն օ.

ժագիրը, մահը, կտակը, կտակին մուրհակները պահուած են. և յայտնի մնան գերեզմանն, մահարձանն և կիսանդրին<sup>1</sup>, դրեթէ աւելի քան զամենայն թագաւորաց մերոց: Հոս միանգամ այլ կու տեսնեմք աշխարհիս ընդունայնութեան բարոյականը. որ շատ հեղ մեծամեծ մարդկանց՝ միայն կամ հազիւ և կամ ոչ իսկ գերեզմանը կու թողու յետնոց. այսպէս մեզի այլ մեր 4000 ամեան հայպետաց յիշատակարանքը դրեթէ բոլորովին ծածկելով մեզմէ՝ անոնց վերջնոյն գերեզմանը միայն յերևանի թողած է, աշխարհիս ամենածանօթ քաղցին մէջ, 'ի խորհրդածութիւն իմաստասէր մտաց և քաջազգած սրտի:

## Բ

Որչափ ծանօթ է Լևոնի կենաց խաղաղ արևմուտքն, այնքան անծանօթ է արևելքն: Իբրև տասնամեայ թագաւորութեանն առեն ինչէր ըրաւ (բաց 'ի քանի մը դժբաղդութեանց), ինչով այդպէս ընտրելի և հաճելի եղաւ Հայոց. թագաւորութենէն առաջ ինչ կ'ընէր, ուր էր, որոյ որդի էր. — ամենն այլ դեռ անծանօթ են մեզի, բայց 'ի ցեղէն կամ առհմէն: — Յայտնի է քեզ, Հայկակ, որ մեր Կիւլիկիոյ իշխանքն նախ Պարսկոյմամբ պայազատէին՝ սկսեալ 'ի Ռուբինէ ազգականէն Գագկայ վերջին Բագրատունեաց թագաւորի, որոյ անուամբ և Ռուբինեանք ըսուեցան. և որոյ որդիքն ինչուան հինգ վեց պորտ, 140—150 տարի իշխանապետեցին, ինն կամ տասն անձինք, որոցմէ իններորդն՝ Լևոն Բ առաջին թագաւոր եղաւ Հայոց, և արու զաւակ չունելով՝ ժառանգ և յանորդ թողուց իր Զապել գուստորը:

1 Ի թանգարանին վերայլի:

ասոր հետ պսակուեցաւ Հեթում՝ Ա'ի ցեղէ Հեթմեանց, 'ի բնէ Արծրունի ցեղին. և ասոր պայազատութիւնն այլ տեւց իբրեւ 120 տարի՝ իրմով չորս ազգ և 8 կամ 9 պայազատ Թագաւորօք. որոց վերջինն եղաւ Լեոն Դ կամ Ե, մեռեալ յամի 1341, չԹողլով արու զաւակ: Թէ այս և Թէ տէրութեան տկարանալուն պատճառաւ (վասն մեծի Թշնամութեան և անդադար պատերազմաց Եգիպտոսի սուլտանաց), ասկէ ետեւ Հայոց Թագաւորութեան ժառանգութիւնն այլ, կարգքն այլ չփութեցան. և քանի մը տարի անյաջողութեամբ Թագաւորեցին Լեոնի հօրաքեռորդիքն Կոստանդին-Յովհան (Ճուան) և Կուխտոն կամ Կի, որք 'ի հօրէ գազդիացի էին 'ի Լիւսինեան տոհմէ (յորմէ էին և Թագաւորքն Կիպրոսի և Խշխանք Տիւրոսի). և իբրեւ անհաւատարիմք ազգային օրինաց Հայոց՝ 'ի մահ դատապարտեցան. և անոնց տեղ դրուեցաւ (1346) Կոստանդին Դ, որ Թէ 'ի հօրէ և Թէ 'ի մօրէ Հայոց Թագաւորաց կողմնական գծերէ իջած էր. և Թագաւորեց զօնութեամբ գժար ժամանակի մէջ մինչև 'ի 1364-5: Իր երկու որդիքն կու յիշուին, Օշին՝ ծնեալ 'ի 1338 և Լեոն՝ յառաջ քան զ'1345: Ինչո՞ւ ասոնք չյաջորդեցին իրեն. — անտարակոյս կարճօրեայ մեռած պիտի ըլլան. կամ ըստ ոմանց՝ Լեոն Թագաւորած է, այլ մէկէն Եգիպտացւոց գէմ պատերազմի մէջ բռնուած և Թոււնով կամ Խեզգով սպանուած՝ հաւատքը չուրանալուն համար: Այնքան մթին մնացեր է այս բանս, որ շատ ժամանակագիրք և ոչ այս Լեոնի անունը գիտեն<sup>1</sup>. »

1 Սխալն քանի մը նոր հայաքնին Եւրոպացիք՝ որք զԿոստանդին Դ լատինացի համարելով՝ հօրը Պապին կոչուելուն համար, այս երկբայական լեւոնը և մեր Լեոնը կու նոյնացնեն. այսինքն զվերջինն Լեոն Զ որդի Կենսն Կոստանդինի Դ:

յայտնի նշան մեծ շփոթութեան ժամանակին և անհանգիստ պատերազմաց և հալածանաց, որ յետ մահուան Կոստանդնի դի մինչև 'ի Թագաւորութիւն մեր վերջին Լևոնին անեցին: Այն խառնակ միջոցին՝ Թերևս ուրիշներ այլ Թագաւորած ըլլան, ինչպէս յիշուի և Կոստանդին մը, որպէս Թէ Թոռն ('ի մօրէ) Ե Լևոնի և որդի Հեթմոյ իշխանի մը: Այսպիսի բռնաբարութեան ատենն բնական էր որ Լուսինեանք այլ Թէ 'ի վրէժ սպանման իրենց երկու երեք առհմակցացն, և Թէ իրաւամբք ժառանգութեան՝ ջանային Հայաստանի Թագը ձեռք ձգելու: Այսպէս այլ ըրաւ՝ ցեղին գլխաւորն՝ Պետրոս Ա Թագաւոր Կիպրոսի, որ բազմութեամբ նաւուց եկաւ տիրեց ծովեզերեայց Կիւիկիոյ և նուաճեց զձառս 'ի պարոնայց. յորոց ոմանք ասոր, ոմանք սւրիշներու կողմնակից կ'ըլլային. իսկ հայրապետն Հռովմայ (Ուրբանոս Ե) գրեց առ իշխանս և առ ուխտ եկեղեցւոյն Հայոց (1365, ապրիլ)<sup>1</sup> որ Թողլով զուրիշները՝ Թագաւորեցընեն զԼեւոն այս (վերջին), զազգական Պետրոսի Թագաւորի. որ Թէ իրաւամբք մեր ձաւոր էր Թագին և Թէ արդեամբք վարուցն: Հայք հպատակելով հարկին և խրատուն՝ Թագեցին զԼևոն, նոյն կամ յաջորդ տարին. որ ինչպէս իր տապանագրին վրայ կարդացինք 'ի սկզբան՝ հինգերորդ Լատին Թագաւոր կոչուի Հայոց. ըսել է որ բաց 'ի Ճուանայ և Կուխտոնէ՝ երկու ուրիշ Լատինք այլ Թագաւորած են, որոց մէկն Թերևս սեպուի իրենց Պէմպոյ եղբայրն, նոյնպէս սպանեալ 'ի Հայոց, միւսն այլ Պետրոս, և կամ Թէ Փիլիպպոս առաջին փեսայն Զապելի Թագուհւոյ, դստեր մեծին Լևոնի, որ նոյնպէս Հայոց և իր

<sup>1</sup> Տես զնամակն 'ի Պատմ. Հայոց, Գ. 355.

խոստման անհաւատարիմ ըլլալով՝ բանտի մէջ մեռաւ։ Թողունք այս խնդիրը և գանք 'ի ԼԼոն։

Զսառմանք 'ի մերոց փոքր պատմըաց՝ կոչեն որդի Բէյլի, այսինքն (prince) իշխանին, — ճորտեղւոյ... Անտարակոյս է Կիպրոսի Լիւսինեան<sup>1</sup> Թագաւորաց հետ մերձաւոր ազգակցութիւնն, ինչպէս վկայեց Քահանայապետին Թուղթն վասն Պետրոսի Թագաւորին. որոյ որդին Յակոբ Ա (եղբայրն Պետրոսի) յետ մահուան ԼԼոնի Զ՝ ինք զինքը Հայոց Թագաւոր անուանեց իբրեւ էրբոյտ ասփճանի ժառանգ նորա։ Թէպէտ 'ի հօրէ Լատին կամ Գաղղիացի, հաւանելի է թէ 'ի մօրէ Հայ էր, ինչպէս Ճուանն և Կուիտոն. և կ'երևի թէ 'ի Կիւլէկիա այլ կեցած էր իր մայրենի արքայազարմ Հայոց քով, և ընտանի ու սիրող անոնց կարգաց, օրինաց և լեզուին. գոնէ Թագաւորութեան տեսն հայերէն օրինօք և պաշտօնէիւք կը վարէր.

1 Լիւսինեան ազնիւ տոհմ (որ հիմայ մարած է) Գաղղիոյ Բուազիէ գաւառին Լիւզինեան գլեկէն տաած է անունը. հնագոյն տոհմապետն կու յիշուի 'ի Ժ գար։ Փռաանկաց ռամիկն անպաշտութեամբ կամ աւանդութիւն կ'ընդունին Մ'ելիւզին անուամբ վճուկ մը կամ Յաւերժահարն, որ իր հայրը սպաննելուն համար, կ'ըսեն, ամեն շաբաթ օր յօձ կը փոխուէր. իր էրեկն Ռայիմնա՝ կոմսն Բուազիէի իմանալով այս բանս՝ արգիլեց պահեց զնա Լիւզինեան բերդին մէջ, ուր մինչև հիմայ ձեացեր է կ'ըսեն։ Մեր ԼԼոնի ժամանակակից Գաղղիացի մը Ժան տ'Առա (Jean d'Arras) անուանի վիպասանութիւն մը գրած է (յոմի 1387-1394) Mélusine կոչմամբ, յորում կու պատմէ Լիւզինեան գլեկին սկզբնաւորութիւնը, Մ'ելիւզինայ դէպքը, և իր երկու անգրանիկ որդւոց մէկուն Թագաւորելն 'ի Կիպրոս, միւսոյն՝ որ Կիւն կ'ըսուէր՝ 'ի Հայո. ուրով անշուշտ կ'անկարկէ 'ի Կուիտոնն Թագաւոր Հայոց. և ասոր որդւոց մէկն այլ, կ'ըսէ, երկայն տառն Թագաւորեց 'ի Հայաստան, և վրան ուլա մուտ բաներ կու պատմէ, որպէս թէ յովանատեոից լած ըլլայ։

այսպէս հաւանօրէն Լեոնի կինն այլ Մարիամ դչիոյն, որ Մաճառաց թագաւորին ցեղէն էր, և ազգական Փիլիպպոսի Տարենտայ իշխանին՝ տրեւելի կայսր անուանելոյն:

## Գ

Լեոն թէ և հանճարեղ և արտաշահ մարդ էր, բայց Կիւլիկիոյ գրեթէ քայքայեալ թագաւորութիւնը յոտին պահելու համար՝ իրմէ վեր և իրմէ դուրս այլ ոյժ և հնարք պէտք էր, որ չգտուէր. և գրեթէ անկարելի այլ էր այն նուազեալ թագաւորութիւնը կործանմանէ ազատել. վասն զի մէկէն աւելի զօրաւոր թշնամիք կամ հակառակք կային անոր: Նախ այլազգեաց թշնամութիւնն, որոց գլխաւորք էին Եգիպտոսի և Ասորւոց սուլտանքն. ասոնց թշնամութիւնն կամ ուսուցութիւնն հին և արմատացեալ էր: Կիւլիկիոյ դիրքն այս կողմանէս վտանգաւոր էր մեր Ռուբինեանց. որովհետեւ մէկ կողմէն դրակից ունէին (ատեն մը) Ղօնիսյի հզօր սուլտանները, որ Փոքր Ասիոյ մեծ մասին տիրած՝ միայն մեր Հայոց Պարոններէն կ'արգիլուէին ինչուան Միջերկրականին եզերքը ձգելու իրենց իշխանութիւնը. մէկ այլ կողմէն՝ ինչուան այն ծովեզերքը կը հասնէր Եգիպտոսի սուլտանին զօրութիւնը, շատ հեղ Ասորւոց կողմէն, երբեմն այլ նաւով յարձընելով՝ ի Կիւլիկիա: Առաջին պարոնայքն և թագաւորքն մեր շատ հնարագիտութեամբ և քաջութեամբ գէմ կեցան ի կոնիացւոց, ինչուան որ Հեթում Ա յաջողեցաւ թաթարաց զանին օգնութեամբ տրկարացընել անոնց իշխանութիւնն այլ, Բաղտաւայ վախն այլ: Եգիպտոսի կողմէն այլ բաւական ապահովութիւն ունէին մերքն, քանի որ Լատինք Երուսաղէմի կու տիրէին և Ասորւոց ու Պաղես-

տինսու մէջ իշխանութիւննին կու պահէին. իսկ երբ անոնք վերցուեցան, և Թաթարք այլ կէտ մը իրարու մէջ բաժնուելով, կէտ մը մահամէտական կրօնքն ընդունելով՝ իրենց վախը և ուժը կորուսին, Եգիպտոսի սուլտանք երբեմն անոնց հաւասար դիմամարտ կ'ընէին, երբեմն հաշտութիւն և միաբանութիւն կ'ընէին, որով մերոնց վիճակը կապկածելի կ'ըլլար: Իսկ երբ այս ԺԴ դարուն կիսէն ետև Թաթարք գրեթէ բոլորովին քաշուեցան յարևմտեան Ասիոյ, և Օսմանեանց նախահաղքն սկսան յառաջ գալ հանգարտօրէն տիրապետելով, Եգիպտոսի սուլտանք հանգերձ Դամասկոսի սուլտաններով (որք երբեմն մէկ իշխանութեան տակ այլ կ'ըլլային), առաջին հզօր տէրութիւն եղան Ափրիկէի և Ասիոյ սահմանակից կողմերը, որոց մէջ կրփակուէր Ալիւլիկիա:

Ասոր ամբողջութիւնն էր մէկ մը Ծովն, մէկ մ'այլ Ծովային քրիստոնեայ տէրութեանց օգնութիւնն և անոնց հեռաւոր նպատան. բայց Հայք բաւական նաւային ոյժ չունելով՝ շատ հեղ չէին կրնար այլազգեաց նաւատորմողը վանել, անով շատ անգամ իրենց մեծ և ամուր նաւահանգիստն Այաս անոնց ձեռքն ընկաւ և աւերեցաւ. Քրիստոնէից կողմէն այլ շատ օգնութիւն չգտան. վասն զի ումանք (Վենետիկեցիք, Ճենովացիք) իրենց վաճառականութեան զբաղած և շատ հեղ իրարու հակառակորդ և թշնամի՝ մերոնց մեծ շահ մը չէին, թէ ոչ և փասս. ոմանք այլ (ինչպէս Փաղղիացիք, Անգղիացիք) երբեմն ստակով կ'օգնէին, զօրք խաւրել այլ խոստանային, բայց ոչ երբէք կրցան խաւրել, թէ ճամբու հեռաւորութեան համար, թէ իրարու մէջ կռիւ ունենալուն: Հին կտրիճ Հիւրընկալ (Ոսպիթալի) և Տաճարական (Դամբլուն) ասպետքն այլ նուազեր էին, և ումանք բոլորովին վերցուած հեռացած ի սահմա-



Նաց Կիւլիկիոյ . կու մնար եկեղեցւոյ գլուխն , որ իբրեւ հայր հասարակաց քրիստոնէից կու գլխար Հայոց վրայ . մանաւանդ լաւ տեսնելով որ անոնց փոքր թագաւորութիւնն էր բոլոր արեւմտեան քրիստոնէութեան նախամարտիկն կամ նախապարիսպ պատուարն ընդդէմ անքրիստոնեայ տէրութեանց արեւելից . ուստի թէ եկեղեցւոյ և թէ արեւմտեայ թագաւորաց օգուտ էր Հայոց օգնական ըլլալն . և այս բանիս համար ոմանք երկայն ճառեր և գրքեր այլ գրեցին այն ատեն առ Պսպն և առ թագաւորս . որոց մէկն այլ սեպեւու է մեր Հեթում թագաւորազն պատմիչը : Բայց ոչ Հայոց վերջին թագաւորաց ստէպ ստէպ աղաչանքն և զրկած դեսպաննին կըրցան յարեւմտից օգնութիւն մը Կանէլ , բաց 'ի ստակէ , խոստովուքէ և քաջալերութենէ , և ոչ Պապին առ նոսա տուած յորդորն , վասն վերոյգրեալ պատճառաց : Որոց վրայ հարկ է աւելցնել քիչ մ'այլ կրօնական խնդրոց յուզմունքն Հռովմայ և Սոյ մէջ , զոր զայրացուցին պէսպէս սխալ տեղեկութիւնք կամ աւելորդ պահանջմունք , յամառութիւնք և հակառակութիւնք : Ազգերնուս թէ եկեղեցական և թէ քաղաքական գլուխքն՝ մերձաւորութեամբ , տեսութեամբ կամ թղթակցութեամբ ընդ գլխաւորացն արեւմտեայց՝ բաւական խելամուտ եղած էին , և իրենց կողմանէ գժարութիւն մը չէին տեսներ համաձայն միաբանութեան ընդ արեւմտեայց՝ կարեւոր խնդրոց վրայ , զորս արդէն շատ հեզ ժողովով այլ ընդուներ և հաստատեր էին . բայց ոմանք 'ի կանխակարծ և անխելահաս իշխանաց և 'ի ժողովուրդէն՝ ոչ միայն գեռ խորշին յօտարաց , մերթ անպատճառ մերթ պատճառաւ , այլ և իրենց գլուխներէն քաշուէին . ինչպէս որ պատմութիւնն ցուցնէ դժնդակ դէպքերով այլ : Մեր թագաւորքն այլ ինքնիրեննուն բաւական ոյժ

չունէին, երկիրնին մասամբ մը՝ պայազատական օրինօք՝ իշխանաց ձեռքն ըլլալով։ Ա լւոն ու Հէթոում թագաւորաց կարողութիւնն և ճարտարութիւնն այլ չկար՝ որ ինչուան 60000 զօրք դումարեն և դէմ ելնէն թշնամեաց։ ուստի պէտք էր հիմայ պաշտպանողական հնարքով ՚ի թշնամեաց փախչել, կամ ապաւինիլ ամրոցներու մէջ, ինչպէս որ ըրտւ շատ հեղ մեր Լւոնն այլ։

Ասիկայ բնականապաւէն կամ օգնական մ'այլ կրնար ունենալ զթագաւորս Կիպրոսի, անոնց ազգակցութեամբն. նոյնպէս Լատինացի ըլլալն և հաւատօց կողմանէ անկասկածութիւնն այլ մեծ օգուտ էր իրեն. բայց ժամանակն զայս այլ բանի չբերաւ. որովհետև այլոզգիք Կիպրացւոց այլ թշնամի էին, Պետրոսի յարձակմանն համար իրենց երկիրներուն վրայ. որոյ վրէժն հանել ուղելով Եգիպտացիք՝ յարձակեցան (1366) երկու Լուսինեան թագաւորութեանց վրայ այլ (Հայոց և Կիպրացւոց). որք ոչ միայն իրարու՝ այլ և ոչ ինքն իրենց կըրցան օգնել։ Ոմանք կու սեպէն թէ այս Եգիպտացւոց ՚ի Կիւլիկիա վազելուն տտենն էր՝ որ բազմութիւն Հայոց թողուցին երկիրնին և նաւով փախան Յունաց կողմերը, ՚ի Հոռոս, ՚ի Մելիտինէ, և այլն. Կիպրացիք այլ խրատով Ս. Պապուն ջանացին հաշտութիւն խօսիլ իրենց կղզին վազողներուն հետ. և այսպէս երկուքն այլ այս անգամ տուանց շատ մեծ փնասու՝ յետ դարձուցին զթշնամին։ Անկէ ետքն այլ Կիպրոս իր ծովապատ ամրութեամբն և իր թագաւորաց սարքեր վարչութեամբն ու արեւմտեայց հետ հաւասարութեամբն կըրցաւ դեռ դար մ'ալ դիմանալ այլազգեաց դէմ. բայց Կիւլիկիոյ և Հայոց թագաւորութեան վախճանն մօտեցեր էր իրենց որսերիմ թշնամեաց հարուածներով. որք դրեթէ ամեն տարի յարձակելով հոն՝ սրով և հրով կու

մաշէին կ'աւրէին զաշխարհքը, զիշխանս և բեր-  
գատէրս կու ցրուէին. Թագաւորն երթալով կու  
միայնանար, իշխանութիւնն և զօրքն կ'ամփո-  
փուէին. կամաց կամաց կու մարմըրէր 300 տա-  
րուան ռուբինեանց ջահն. ուժով հով մ'այլ բա-  
ւական էր բոլորովին անցընելու զայն, և Քրիս-  
տոնէից անօգնական Թողած նախապարիսպը՝  
փլցընելու. որոյ հետ Հայոց Թագն և ազգապե-  
տութիւնն այլ պիտի ընկնէր ու ծածկուէր:

Սակայն պէտք է խոստովանիլ, մանաւանդ Թէ  
հռչակել 'ի պարծանս Լևոնի և 'ի փառս ազգիս,  
որ եթէ իր կողմանէն այլ քիչ մ'անիմաստու-  
թեամբ և թուլութեամբ այն տկարութեանը և  
վտանգին հասաւ, բայց ոչ վատութեամբ և ան-  
ճարակ յուսահատութեամբ Թագը և զէնքերը  
Թողուց՝ իրմէ շատ ու շատ անգամ զօրաւոր թըշ-  
նամույն ձեռքը. և Թէպէտ չեմ կրնար այս փա-  
ռաց հաղորդել բոլոր մեր ազգային Կիւլիկեցիս՝  
որք արդէն սկսսեր էին ցրուիլ հեռանալ 'ի Կիւ-  
լիկիոյ (որպէս երբեմն իրենց նախնիքն 'ի Մեծ  
Հայոց, Սէլուկեանց յարձակման ատեն), ուս-  
կայն՝ մէկ մասն երկրրցոց հաւատարիմ կեցաւ իր  
Թագաւորին, Թագաւորն այլ անոնց իրաւանց և  
ազգային պատուոյն: Ոչ միայն պաշտպանողական  
հնարիւք, այլ և դէմագէտ պատերազմով զար-  
նուեցան ընդ եգիպտական և դամասկոսցի բանա-  
կաց զանազան անգամ, բոլոր Լևոնի տասնամեայ  
Թագաւորութեան ատեն. Թէպէտ և մէկ կողմէն  
կու տեսնէին քաղաքներնուն տյրիլը՝ կ'ապաւի-  
նէին բերդերու, անկէց հալածելու զթշնամին և  
նորէն բնակարաննին շինելու, և երբ բերդերն այլ  
կ'առնուէին, աւելի ամուր բերդեր ու լեռներ  
կ'երէին: Այս կերպ կուռիւն, զիրենք ու զհոյ-  
րենիքը պաշտպանեն՝ ոչ միայն Լևոնիս ատեն,  
այլ և անկէ առաջ, գուցէ Թէ անկէ ետքն այլ

տեւեց. և անշուշտ կէս դար մը քշած ըլլայ Կիւլի-  
կեան Հայոց կռուիլն և դիմանալն ընդդէմ գարա-  
կան սպառնացեալ յարձակմանց Եդիպտացւոց,  
մինչև իսպառ իրենց ցրուելիլ ու նուաճիլն:

## Դ

Դիպուածներուն վըայ ցաւ մ'այլ սեպելու է  
այն ետքին և բոլոր ԺԴ դարուն մերայնոց հանդի-  
պածներուն չիշուիլը յազգային պատմըաց՝ կար-  
գաւ և ոճով: Մեր պատմըաց պատուական շարն  
հոս կու գադրի. յետ Սմբատայ սպարապետի՝  
որ Կիւլիկիոյ և իր եղբօր (Հեթմոյ Ա) և անոր  
որդւոյն պատմութիւնը ժամանակագրօրէն հա-  
մառօտած է ցվերջին քառորդ ԺԴ դարուն, և յետ  
անոր շարունակողին, յետ Հեթմոյ պատմըի՝ որ  
մինչև 'ի ԺԴ դարուն առաջին քառորդը կու հաս-  
ցընէ զայն, չեմ գիտեր ազգային պատմիչ մը Կիւ-  
լիկիոյ տանն և Թագաւորաց գործոց, բաց 'ի քա-  
նի մը տարեգիրներէ և յիշատակարանաց, ու քա-  
նի մը հեռաւոր վարդապետաց (Մեծ Հայոց կամ  
Ղրիմու) կարճ ու խառնակ գրուածներէն. ու  
րոնց նման խառն և հակասական են արեւմտեայց  
գրուածքն այլ այս դիպաց նկատմամբ: Յաւալի՝  
նշանք անհանգստութեան և շփոթմանց ժամա-  
նակին ու ստէպ աւերման և աւարման Կիւլիկիոյ:  
Թէպէտ ես չեմ յուսահատիր որ օր մը անծա-  
նօթ պատմիչ մ'այլ յերևան ելնէ այն կողմերէն,  
մեր յետին Թագաւորաց պայծառ կամ խաւար  
օրերը մեզի լաւ ևս յայտնելու:

Առ այժմ գոհ ըլլանք, Հայկակ, որ գոնէ քա-  
նի մը յիշատակագիրք և տարեգիրք մեզի կ'ա-  
ւանգեն՝ առանց երկար պարագայից, որ ինչպէս  
քանի մը նշանաւոր և կտրիճ ազգաց վախճանին  
պատասհեր է՝ մեծ և ուժով պատերազմով մը

դէմ կենալ հզօր և բռնաւոր թշնամւոյ, և ղէնքն ի ձեռին ընկնիլ ու նուաճիլ. և ինչպէս թերևս հասնդիպեցաւ մեր հին Հայկադանց այլ, որոց յեափնն Վահէ երբեմն նիզակակից Դարեհի ընդդէմ Մակեդոնացւոյն, և յետոյ (« ընդվզեալ յԱ. ») ղէքսանդրէ՝ մեռանի »)<sup>1</sup>, սյսպէս եղաւ մեր ուրբինեան հարստութեանն այլ. և ոչ որպէս զԱրշակունեացն՝ իշխանաց վատթար անձնագատութեամբ և տիրանենդութեամբ, կամ Բագրատունեացն՝ պէսպէս մատնութեամբք:

Յիշատակադրաց զրուցքէն կ'երևի թէ Լևոն չորս հինգ այլ և այլ անգամ ու տարիներ զարնուած է Եգիպտացւոց հետ, և մեծ պատերազմ մ'եղած է յամին 1369, յորում Եգիպտացիք առաջնորդութեամբ եղբօր սուլտանին՝ Շահարուլուի՝ Կիւլիկիոյ լերանց դժուար անցքերէն ներս մտան. Լևոն իրեն նիզակակից և սպարապետ զօրաց ունեցաւ անձ մը, որոյ անունն անգամ անծանօթ և անսովոր է բոլոր Կիւլիկեցւոց պատմութեան մէջ, և սովորագոյն է Վրահայոց ու մանաւանդ Օրպելեան տոհմին մէջ (ԺԱ-Դ դարերուն). — Լիպարիպ: Լիպարիտ յետին սպարապետ է Հայոց, վարդանանման քաջութեամբ և նահատակութեամբ. որ իր տիրոջ դիմաց Հայ հայրենեաց և թագին վրայ կռուելով մինչև ի յեափն շունչն՝ յաղթութեամբ յառաջեց թշնամեաց խումբերուն մէջ, և հոն ծածկուեցաւ նետերու հարուածոց տակ. իր մահն՝ յաղթութիւնն այլ հետը տարաւ. հարկ եղաւ որ յետ քաջուի Լևոն իր բանակին մնացորդովը, և հաշտութեան պայմաններով՝ այն անգամ այլ յետ դարձնէ Լիպարիտայ սրէն ապրող թշնամին:

Ինչպէս այս պատերազմիս և ուրիշներուն դէպ-

<sup>1</sup> Խորենացի, Ա, ԼԱ:

քերն ալ չի պատմեր մեզի ազգային գրիչն, այսպէս և Լիպարիտայ քաջագործութիւնքն ու հրնարքն. պատմութեան մէջ փայլակի մը պէս կ'երևի և կ'անցնի Լիպարիտ, բայց նախախնամութենէ ծագեալ՝ պայծառ և բարեբասփ փայլակի մը պէս. բարեբաղդաբար պատմըչին համառօտութիւնը կամ լռութիւնը՝ երկբայութենէ և տարակուսէ կ'ազատէ և կուհաւատարմացընէ, կուհոչակէ, կ'անմահացընէ ազգային երգիչն. — օրհնեալ ըլլայ<sup>1</sup>. որ հետեւեալ գովք կամ ողբս գրեր է՝ հայրենասէր, կտրիճ և տեղ տեղ (միջին չորս տունքն) բանաստեղծական ոգւով: Հայկակ, կարգա, և գոհացիր:

Հոգւովդ սուրբ ես եւ ամբիծ.  
 Ձքեզ էր ընտրեալ Տէր ի յերկնից.  
 Պարծանք եղեր քրիստոնէից,  
 Ո՛վ մեծ հրգօր քաջ Լիպարիտ:  
 Անձամբդ քաջ Սամիսոն էիր.  
 Յորժամ ճօշանդդ հագնէիր՝  
 Թուրքն ի յահէգ դառնար մոխիր.  
 Ո՛վ մեծ հրգօր քաջ Լիպարիտ:  
 Արեգական նրման պայծառ,  
 Երեսըդ լոյս էր կամար.  
 Բարբըդ բարի, խօսքըդ շաքսօր.  
 Ո՛վ մեծ հրգօր քաջ Լիպարիտ:  
 Բնութեամբ բարի դէմ աղքատաց,  
 Լըսող էիր վարդապետաց.  
 Քո բանդ՝ յամեն երկիր գոված.  
 Ո՛վ մեծ հրգօր քաջ Լիպարիտ:  
 Զանձնդ տըւիր վասն օրինաց.  
 Մէն կանգնելով հազրի դիմաց.

<sup>1</sup> Երգոյս հեղինակն է աշխոյժ երգիչն Յովհաննէս Թլկուբանցի, որ և Սոյ կաթուղիկոս եղաւ ԺԵ դարուն վերջերը (1489-1525):

Քո սուրբ շատ սրտեր եւաց .

Ո՛վ մեծ հրգօր քաջ Լիպարիտ :

Դու հազարաց գէմ պահապան .

Մարդ չէ տեսեր քեզիկ նրման ,

Այս հողածինքս որ յերկրի կան .

Ո՛վ մեծ հրգօր քաջ Լիպարիտ :

Սըսայ երկրիս աստղ լուսատու ,

Կանգնող էիր յամեն ժամու .

Թուրքն ի յահէդ սարսէր մահու .

Ո՛վ մեծ հրգօր քաջ Լիպարիտ :

Այն չար պահիկն որ քեզ հասաւ՝

Քեզի օգնող չըկայր բընաւ .

Անձնըդ՝ կարմիր գոյն ներկեցաւ .

Ո՛վ մեծ հրգօր քաջ Լիպարիտ :

Զայն չարաչար մահն որ տեսար ,

Կսկիծ է մօրն որ դուն ծընար .

Աւաղ ըզքեզ բերան հազար ,

Ո՛վ մեծ հրգօր քաջ Լիպարիտ :

Սըսայ երկրին պաղլա ու ծառ ,

Գոյնք ի գուշաց ծաղկունք որ կայր՝

Հաւաչանօք տոկն զիրար .

Ո՛վ մեծ հրգօր քաջ Լիպարիտ :

Կաթոյլիկոս եւ վարդապետ ,

Սուրբ քահանայք ամենն ի հետ՝

Շատ արտասուօք սրտերն երես .

Ո՛վ մեծ հրգօր քաջ Լիպարիտ :

Հիւսիսային հողմն հիմիկ՝

Սարգիս՝ յիշող եղաւ քեզիկ <sup>1</sup> .

Դուն սիւն էիր Հայոց՝ մեզիկ ,

Ո՛վ մեծ հրգօր քաջ Լիպարիտ :

Է՛ս Աստուծոյ անունն օրհնած

<sup>1</sup> Կու յիշէ Ս . Սարգսի համար շարականին ըսածն .

« Աւետաւոր Հայոց մեծաց՝ դիմեալ 'ի մէջ երկրի 'ի հիւ-

» սիսոյ , հողմն հարաւոյ » . և այլն :

Որ անըսկիցն եւ անվախճան,  
 Որ ուժ երես քաջ Լիպարաին  
 Եւ զօրացոյց զիւր սուրբ ծառայն:  
 Ի սուրբ Սարգիս քաջին նըման,  
 Ի սուրբ Թորոս, ի սուրբ Վարդան  
 Քան ըզՄուշեղ այլ խիստ յաղթող  
 Քան ըզՏրդատ Հայոց արքայն:  
 Պատերազմիլ եկիր հափայն (?):  
 Ամեն տարի տասն ու քսան:  
 Ինքն ըզԹուման հալածանէր  
 Արիւն հաներ գետեր Ջիհան<sup>1</sup>:

## Ե

Լիպարիտայ նահապետակութենէն երկու տարի ետեւ նորէն յարձակեցաւ սովորական (Թշնամին յանօգնական երկիրն Կիւլիկիոյ. Լևոն իր մնացեալ սակաւաւոր պարոններով և զօրքերով դէմ ելաւ իր պարտքը կատարելու, և գոնէ ուշացընելու կամ պակսեցընելու անոր չարիքը, երբեմն զարնուելով երբեմն փախչելով. մինչև սախեցան այլազգիք՝ ոմանք անոր ետեւէն ընկնիլ և հալածել, և ոմանք անոր Թագաւորական քաղաքը պաշարել. զոր և առին յետ երկար ընդդիմուլ Թեան և սով ձգելու, և շատ աւարով ու այրելով՝ քաշուեցան տնկէ և ուրիշ քաղաքներէ ու բերդերէ: Լևոն այլ ստիպուեր էր ա.

<sup>1</sup> Կ'երեւի Թէ երգիչն դեռ կու շարունակէր. մենք այսչափս գտանք: — Վերջի երեք տան շէնքն կամ ոճն տարբեր է առջիններէն, իբրեւ յորդորակ կամ վերջաբան: Եւ քի տան առջի տողի ետքի բառն անծանօթ է. իսկ իմաստն է, ամեն տարի տասն քսան անգամ պատերազմի կ'ենէր, բիւրեր կու հալածէր, և արիւն կու Թափէր Կիւլիկիոյ ծանօթ Ջիհան գետոյն պէս յորդառատ:



մուր տեղ մը ապաստանելու. ուր և պահուը-  
տած մնաց, կամ 'ի գրնգէ թնամեաց պա-  
շարեալ, և կամ կասկածելով անոնց քարանա-  
կալութենէն: Այս ծածկուիլն երկար և տա-  
րևոր ատեն քշած կ'երևի. և ուր և ինչ ըլլալն  
մինչև հիմայ իսկ անծանօթ մնացեր է. այնպէս  
որ այն ատեն՝ աներևոյթ եղած, կամ մեռած կո-  
րած կարծուեցաւ. մինչև նոյն ինքն թագուհին  
Մարիամ յուսահատած էրկանը կեանքէն, այ-  
րաբար և տիրաբար սկսաւ մտածել աշխարհքին  
և ազգին փրկութիւնը: Այնքան արժանացաւ  
տիկնութեան ազգի և մայր հայրենեաց ըսուելու,  
որքան որ դժուար առթի և ժամանակի մէջ կու-  
ջանար ապրեցընելու զազգն և զերկիրն: Մարիամ  
այլ փառօք և քաջութեամբ եղաւ վերջին թա-  
գուհի Հայոց: Խորհրդակցութեամբ հաւատա-  
րիմ իշխանաց՝ դեսպան ղրկեց զՅովհաննէս արք-  
եպիսկոպոսն Սոյո (որ սովորաբար արքունի քար-  
տուղար էր) և զՄանուէլ ոմն ազնուազգի աս-  
պետի որդի, առ Փիլիպպոս խնամին իւր 'ի Սիկի-  
լիա, և առ սրբազան հայրապետն Հռովմայ Գրի-  
գոր Թ, իմացընելով Կիւլիկիոյ վտանգաւոր վի-  
ճակը և օգնութիւն խնդրելով, նոյնպէս Փիլիպ-  
պոս այլ գրեց առ Պապն աղաչելով որ հայրաբար  
հնարի օգնելու Հայոց թագուհւոյն:

Պապն տեսնելով արեւմտեայ տէրութեանց  
խառն և խռովեալ վիճակը՝ տարակուսեցաւ. 'ի  
վերայ այսր ամենայնի անհոգ չեղաւ գրելու թռ-  
գուբաս Վենետիոյ և Ճենովայ, և թռ կարգա-  
պետս ասպետաց Նրուսաղեմի և Հռոդոսի, որ  
ձեռքերնէն եկածին չափ օգնեն Հայոց. նոյնպէս  
Անտիոքայ անուանեալ իշխանին այլ գրեց (որ  
այն ատեն Կիպրոսի թագաւորութեան խնամա-  
կալ էր), խնամ տանելու իրենց խնամի Հայոց  
թագուհւոյն. Փիլիպպոսի այլ խրատ տուաւ, որ

դրէ և յորդորէ զԼուստովիկ Թագաւորն Մաճաւաց՝ օգնելու իրենց ազգական Թագուհւոյն Հայոց:

Այս օգնութիւններէն աւելի ապահով օգնութեան հարբ մ'այլ մտածեր էին Հայք, որոց գեսպանն՝ արքեպիսկոպոսն Սսոյ՝ իմացուց Պապին. և էր արեւմտեայ Թագաւորազանց մէկը փեսայացընել Մարիամայ, որ գոնէ իր հայրենի երկրին ոյժը՝ օժիտ բերէ Հայոց Թագուհւոյն: Ասոր արժանաւոր գատեցաւ Պապն՝ զՈթոն դուքսըն Պրունզուիքայ. որ կտրիճ և լաւ անձ մ'էր, միանգամայն և ազգական շատ ազնուաց: Գրեց առ սա Սրբազանն. իսկ արքեպիսկոպոսն Սսոյ՝ ուղեց անձամբ այլ երթալ խօսիլ հետը, որպէս զի եթէ չյաջողի՝ ուրիշ մ'ընտրէ և իմացընէ Թագուհւոյն: Ոթոն՝ ուրիշ ակնկալու Թագուհւոյ մը խոստացեր էր սիրտը, և փեսայացաւ Նէապօլսոյ գշխոյին. բայց Պապն դարձեալ իրեն յորդորական պարսք դրաւ՝ գոնէ յօգնութենէ չզրկելու զգշխոյն Կիւլիկիոյ: Այս յորդորեալ օգնութեանց մէկն այլ չհասաւ Հայոց. Խոալիոյ երկու մեծ ծովագօր դքսութիւնքն՝ որք մերոնց մերձաւորութեամբ և վաճառակցութեամբ ամենէն աւելի կըրնային յուսալի ըլլալ, իրարու հետ կռուելով՝ ոչ միայն ձեռք չտուին Հայոց, այլ և անոնց ամենէն մերձաւոր և բնական օգնականը՝ զԿիպրացիս այլ զքաղեցուցին, Վենետիկեցիք դաշնակցելով զանոնք ընդդէմ ճենովացոց: Մարիամայ նոր փեսայ այլ պէտք չեղաւ. իր յանկարծ աներևութացեալ Թագաւոր ամուսինն յանկարծ այլ յերևան ելաւ, այն խորհրդաւոր վերջին Լեոնն՝ որպէս Արայն կամ Էրն հայկազուն՝ ի մեռելոց վերադարձեալ. և անգամ մ'այլ մըրկապատ երկնքէ՝ արեւ ծագեց Կիւլիկիոյ:

Բայց այս արևս արդէն խոնարհեր և մօտեցեր էր ի մուտս: Հազիւ երկու կամ երեք տարի այլ

Ճնաց Լեօն 'ի վերայ գահուն Հայոց, հոգալու իր  
 ատունը և երկիրը, և գրգեղու իր մեծասիրա զու-  
 գակիցն ու սերունդքը: Յամին 1375 եգիպտացի  
 և գամասկացի գունդեր՝ խռալնորդութեամբ եղ-  
 բօր սուլտանին՝ վերջինն ուժերնին և վրէժնին թա-  
 փեցին Լեօնեանց տան վրայ. առին զմայրաքա-  
 ղաքն Սիս յետ երկար պաշարման: Ժամանակա-  
 կից մը այսպէս յիշատակագրէ. « Ի ՊԻԴ (Թուին)  
 » բարկացաւ Աստուած 'ի վերայ քաղաքին Սի-  
 » սոյ, ու սղարեցին զբերդն սեպտեմբերէն, ու  
 » մինչուր 'ի յապրիլ ժիլ (6), ու ատին զբերդն  
 » օրն ուրբաթ, ոչ այլ իրաց՝ քանց 'ի սովոյ. սր  
 » մարծպան մի ցորենի՝ ԳՃ (300) ԳԲ. չէր 'ի գըտ-  
 » վել. որ կերան կատու վ'էշ. ու այս սատ (սասա)  
 » էր յԱստուծոյ. յաղագս ծովացեալ մեղաց մե-  
 » լոց մտանեաց զմեզ 'ի ձեռս թշնամեաց մերոց:  
 » Ո՛վ տեսնոյր զմեր խաչերոյն տրհամարհանքն,  
 » ու զԱստուածաշունչ գրվոյն կտրուել. զսուրբ  
 » սեղանացն կործանելն... »:

Այս անգամ այլ Լեօն ելաւ թշնամեաց դէմ.  
 բայց ոչ զԼիպարիտ ունէր սպարապետ և ոչ ա-  
 ղեմական օգնական. վերջի անգամն էր որ հայ-  
 կական գունդն նիզակ կանպնեց դէմ իր ատնը կոր-  
 ծանողներուն. յեանիզակին վահանը գրաւ կուրծ-  
 քին՝ պարթեւաբար յետ քաշուելով երեսն 'ի  
 թշնամին, և ամրացաւ 'ի լերինս, 'ի տեղի հեռա-  
 ւոր, օտար և անուրէք:

Վերջին Հայպետն և թագաւորն այլ իր արքու-  
 նի և զննուորական պարտքը կատարելէն ետև,  
 յայտնի մահուանէ փախչելով՝ 'ի բազմութենէ  
 թշնամեացն, իր թագուհեաւ և Փիննա (կամ  
 Ֆիմի) դստերաւ և անոր փեսայիւ Կուրիկոսի Շա-  
 հան կամ Շահառ իշխանաւ, քաշուեցաւ Տօրո-  
 սի լեռանց ամրագոյն տեղը, 'ի բերդն Կապանայ,  
 որոյ կալմանքն հիմայ Կիւլէի պաշաւ կոչին. և ու-

րիշ անգաճներուն պէս գէմ դնելով պաշարողաց՝ սպասեց կամ անոնց հեռանալուն, կամ ամեն պաշար և հնարք սպառելուն. և այս ետքինս և զաւ: Յետ ինն ամիս չարակրութեամբ համբերելու, և յետ զամենայն ուտելի պաշար սպառելու, մինչև զմիս և զկաշի ձիոց, Լևոն՝ իր և ընկերացը կենաց խնայելու խոստմունք առնելով՝ ի պաշարողացն, անձնատուր եղաւ իրեններովն՝ ի գերութիւն, ի կապանս, յօտարութիւն եգիպտական Փահիրէի և ի բանտ. այլ և ի նեղութիւն, ի սպառնալիս չարչարանաց և մահու, վասն չուրանալոյ զհաւատան:

## 9

Բայց թէ ինքն և թէ իւրքն իրենց արժանի հաստատութիւն և համբերութիւն ցուցին երկար տարիներ. զիրենք գերող իշխանն այլ՝ սուլտանութեան հասնելով և յիշելով խոստմունքը՝ մահուան սպառնալիքը վերուց. բայց ոչ բանտարգելութեան նեղութիւնը և տխրութիւնը, և ապագային անստուգութիւնը: Քանիմը տարի Լևոն և Մարիամ վերջին թագաւոր և թագուհի Հայոց՝ իրենց նախորդաց և պաշտօնէից պակսութեան պարտքը քաշեցին. ամեն կորստեան մէջ անկորուստ պահելով սրտերնուն մեծութիւնը և սուրբ հաւատոց յոյսը, բարեպաշտութեմ կու մխիթարուէր յանմխիթարուէ անդ. ուրիշներէ զատ յիշելով թերևս իրենց նախնին՝ Գ. Լևոնը, որդին Ա. Հեթմոյ, որ նմանապէս պատերազմի մէջ գերի ընկնելով (հարիւր տասն տարի առաջ), յետոյ սղաճանօք և փրկանօք հօրն՝ ազատեր էր: Բայց թագուհին Մարիամ չտեսաւ իր սիրելեաց ազատութեան օրը, թէ և իրեն թոյլ տրուեցաւ բանտէն ելնելու. բանտին հետ կենաց կապն ալ կտրեցաւ.

հաւանորէն գերութեան սրտմաշուքին չգիմացաւ ,  
 և դեռ Լևոն 'ի բանտի եղած ատեն' ինքն բոլորո-  
 վին ազատեցաւ մահուամբ , և թաղեցաւ Գահի-  
 րէի Հայոց եկեղեցւոյ մը մէջ :

Լևոնի մնաց մէկ հատիկ մխիթարութի , միան-  
 գամայն և սրտի այրուք իր մանկամարդ դուստրն  
 Փիննա , որ փոխանակ իր պալատան պատշգամնե-  
 րէն լսելու միջերկրական ծովուն ալեաց զբօսան-  
 քը և հին կոռիկեան քարայրներուն զարմանալի  
 ձայները , կու լսէր դաժան շղթայից շռնչելը : Է-  
 րիկն Շահան՝ քան զծնողան աւելի իր սիրոյն ու  
 հասակին սրբազան պարտք սեպելով իր որոջին և  
 աներոջ փրկութիւնը՝ հինգ տարիէն հնարք մը  
 գտաւ բանտէն փախչելու , և Լևոնէն թղթեր առ-  
 նելով՝ բերաւ առ թագաւորս արեւմտից , թէ ոչ  
 անոր երկրին և թագաւորութեանը՝ գոնէ գլխուն  
 ազատութիւնը մոռալու : Շահան թղթերուն  
 հետ բերանացի պատմեց Հայոց թագաւորական  
 տան քաշած վտանգները՝ սկսեալ իրենց գերու-  
 թենէն , և ամենուն սիրտը կու շարժէր : Բայց  
 ամենէն աւելի Ղլեմէս կամ Րոպէրդ դերապապն  
 յԱւինիսն՝ վառուեցաւ 'ի ջանս փրկելու զԼևոն ,  
 և գրեց առ թագաւորս քրիստոնէից . յորոց պատ-  
 րաստագոյնք գտան Սպանիացւոց թագաւորքն ,  
 Յովհաննէս՝ Կասդիլիոյ և Պետրոս Դ՝<sup>1</sup> Արագոնի .  
 գրեցին առ սուլտանն Սգիպտոսի , փրկանք խոս-  
 տացան և տուին :

Յետ եօթնամեայ գերութեանն՝ ազատութիւն  
 գտաւ Լևոն . ելաւ 'ի բանտէ և յաքսորանաց

<sup>1</sup> Մասլադրի Կիպրոսի պատմութեան մէջ հրատարակեց  
 (Գ , 759 ,) զթուղթ Պետր . Դ . առ սուլտանն , գրեալ յա-  
 մի 1380 , սեպտ . 3 . սպանիաբէն : Նշին գրեց և առ զօ-  
 րապետն Եգիպտոսոց . այս թուղթս այլ հրատարակեց  
 սւրիշ մը (Bosarull) :

(1382), և փութացաւ առաջին երախտեաց շնորհակալէքը մատուցանել առ միակ պաաճառն ազատութեան, առ Աղատարարն ամենայն աշխարհի. և դնաց իրեններովն 'ի սուրբ քաղաքն Երուսաղէմ, երկայն ատեն կենալով և պտրաելով յուխա որբազան տեղեացն. և այն ատեն կրցածին չափ և յետոյ այլ առատ արօք պատուեց զանոնք. մանաւանդ որ, եթէ ստոյգ է աւանգութիւնն, իր Թորոս անուամբ որդին (որ չյիշուիր առաջ 'ի պատմութեան) մեռաւ հոն յԵրուսաղէմ, և հայրն աւանգելով զնա այն սուրբ հուռն, Ս. Յակոբայ Հայոց մեծ աաճարին հիւսիսակողմը եկեղեցի մ'այլ շինեց և յիշատակաւ որդւոյն անուանեց Ս. Թորոս<sup>1</sup>: — Այս սրբազան տեղիքը և յիշատակքը այնքան սիրեց հեղահոգի տիկինն Փիննա՝ որ չուզեց անկէ հեռանալ. Թերեւս ըսաւ Լևոնի, Գնա՛ յարևմուտս, և եթէ յաջողիս նորէն Թագաւորութիւնդ ձեռք ձգելով՝ ես այլ կու գառնամ. ապա Թէ ոչ՝ Գրիստոսի սուրբ տնօրէնութեան տեղեաց ազախին մնալով՝ 'ի հասարակաց արքայութեան անոր և քեզ հետ Թագաւորեմ:

## Է

Ասանկ մեծ և սրտառու չ պարտաւորութեամբ մեկնեցաւ Լևոն միայնակ<sup>2</sup>. և դարձաւ իրեն բարերար և բարեկամ մարդկանց այլ շնորհակալ ըլլալու. նաւեց եկաւ նախ 'ի Կիպրոս իր մերձա-

1 Շինութեան Թուականն կ'ըսուի ՊԼԵ, 1386:

2 Լևոն իր պանդխտութեան ատեն և իր վերջի տարիներն այլ ինչուան 'ի Յունաց երկիրն ճանապարհորդած է. արդեօք չէ եկած անգամ մ'այլ իր գուտարք տեսնելու, եթէ արդարեւ կ'ապրէր նա յԵրուսաղէմ:

ւոր մտերմաց տեսութեան: Անշուշտ ոչ առանց խոր և խուլ հառաչանաց նշմարելով անկէ՝ իր երբեմն տասնամեայ տուռապանօք թագաւորութեան աթոռը, Կիւլիկիոյ եզերքը. և գարձեալ հոմերական պանդրխտին (Ոգիսեւսի) պէս՝ արտասուոտ աչքերը և ընթացքը յարեմուտս ուղղելով, սլացաւ նախ առ քահանայապետն<sup>1</sup> գորովանօք շնորհակալութեամբ. անկէց առ ազատութեան մեծագոյն միջնորդան՝ Պետրոս թագաւոր Արագոնի, և Յովհաննէս Կասդիլիոյ: Այս ազնիւ և մեծանձն թագաւորս՝ իբրև թագակից՝ եղբայրաբար ընդունեցաւ Ղևոն, և յորդորեց այլ իր երկիրներուն մէջ արքայաբար ապրելու. և անոնց մէջ ազնուագոյն մասը, հիմակուան աշխարհին մայրաքաղաքը՝ գեղեցիկ Մատրիտը՝ տըւաւ Լևոնի ստացուած և աթոռ. բոլոր անոր շրջակայ սահմանաց այլ ազաաբար տիրելու՝ ցորչափ ապրի. և անուանեց զնա Տէր Մատրիտայ, Վիլա-րէալայ և Սիտուխարայ: Մատրիտցիք իրեն շնորհաւորութեան և հպատակութեան նուիրակներ խաւրեցին (2 հոկտ. 1383). Լևոն ալ իշխանութեան հրովարտակ մը հանեց (19 հոկտեմբերի), և այն տեղի տիրութիւնը պահեց մինչ ի մահ. նորոգեց Մատրիտու արքունի պալատը, թէ և քիչ բնակեցաւ անոր մէջ: Մինչև հիմայ պահուի ի դիւանս Սեկովիոյ քաղաքին Սպանիացւոց՝ հրովարտակ մը, զոր Լևոն տուաւ Մատրիտեցոց նոյն քաղքէն (յամին 1389) շնորհելով անոնց խնդրած ազատութիւնները. իսկ Մատրիտցիք դարձեալ խնդրեցին իրմէ, ինչպէս

1 Այս ատեն Հռովմայ հայրապետն էր Ուրբանոս 2. բայց յԱլէքսիոն այլ հակառակաթոռ պապ մը կար, Կղեմէս Ե. Լևոն կ'երեւի թէ նախ առաջնոյն՝ յետոյ երկրորդին այլեկաւ, բայց հաւան չէր այս երկպառակութեան:

Կասդիլիոյ Թագաւորէն այլ խնդրեր էին, որ յետ Լևոնի՝ Մատրիտ նորէն Կասդիլիոյ Թագին դառնայ: Լևոն ասոր համար այլ հրովարտակ մը գրեց յամին 1391: Կասդիլիայէն անցաւ ՚ի Նաւարրա, յայցելութիւն Կարոլոսի Բի Թագաւորի, որ մէկ այլ Թագաւորաց պէս պատուով ընդունելով զԼևոն՝ ընծայեց անոր արծաթէ գեղեցկաշէն աման մը (nef) մէջը 2000 Արակոնի Ֆլորին դրած, 20 Ֆլորին այլ տուաւ Լևոնի նուիրակին. 15 այլ իրեն հետ եղող ծաղրածուին կամ ձեռնածուին (yuglar, jongleur)<sup>1</sup>:

Սպանիայէն ՚ի Գաղղիա անցաւ Լևոն (1385) առ Թագաւորն Կարոլոս Զ, Թէ շնորհակալու Թեան իրեն խոստմանցը և բարեկամութեանը, և Թէ հնարք և օգնութիւն բնորոշելու նորէն Կիւլիկիոյ գահը հաստատելու: Նոյն բանը խնդրեց և ՚ի Ռիբարտ Բ Անգլիոյ Թագաւորէն: Երկու Թագաւորքն այլ իրենց հաւասարի և եղբօր պէս ընդունեցան զինքը, բայց փոխանակ անոր օգնելու՝ իրենք կերպով մը իր օգնութիւնը և ճարտարութիւնը ուզեցին, իրենց երկուքին մէջ երկայն հակառակութիւնը և կռիւը դադրեցընելու համար, որով առաջուց այլ չէին կրցած օգնել անոր. Լևոն բնական սրտաշահութեամբն, և իր անձնական կամ ազգային շահուն սիրով՝ ստէպ ստէպ երկու Թագաւորաց և մայրաքաղաքաց կու գիմէր. և անով շահեցաւ անոնց բաւական հաշտութիւն, իրեն այլ Թէ ոչ հին Թագը՝ դոնէ Թագաւորական կեանք մը: Վասն զի ոչ պակաս քան զՅովհաննէս ընդունելութիւն ըրաւ Լևոնի Կարոլոս այլ. որ և մեծ հարկինք մ'ըրաւ Հայոց Թագաւորին, իր տէրութեան բոլոր մեծամեծները

<sup>1</sup> Ասոնք կու պատմէ Ֆրուասար հին ժամանակագիրն փռանկաց:



հրաւիրելով: Երբ ասոնք հետաքրքրութեամբ  
կու հարցընէին անոր դիպուածները, և արեւելից  
վիճակը, մանաւանդ Յունաց կայսրութեան և  
Քաթարաց բռնակալութեան, և աւելի մտա-  
դրութեամբ այլ կու լսէին, Լևոն՝ թէ զանոնք  
հաճեցընելու համար թէ ինքզինքը՝ լաւ և երկար  
տեղեկութիւն տուաւ Քաթարաց զանին և Ն-  
գիպտոսի սուլտանին վրայօք, և անոնց իրեն ըրած  
թշնամութեանը և աշխարհքը աւերելուն. նա և  
խոր ու լուսաւոր քաղաքական նախատեսութե-  
ւիմացուց՝ որ Յունաց տէրութեան վտանգը ոչ այն-  
չափ այս մէկէն է կամ մէկայլէն, հապա երրորդէ  
մը՝ որուն այնչափ ծանօթ չէին. և էր նորահաս-  
աատ Օսմանեան պետութիւնն, որոյ գլխապետն  
Մուրադ-Պէկ (այսինքն սուլտան Մուրադ որդի  
Օրխանայ) շատ կտրիճ, զօրաւոր և խոհեմ մարդ  
էր. ուսկից զանն և սուլտանն (Նգիպտոսի) ան-  
գամ կու պատկառէին. իսկ նա դեռ կու խնայէր  
անոնց երկիրները կոխելու՝ իրեն հաւատակից ըլ-  
լալնուն համար: Անշուշտ, կ'ըսէր, Մուրադ-Պէկ  
պիտի առնու զՎ.Պօլիս՝ եթէ չփութան արեւմը-  
տեայք իրենց միջի պատերազմները դադրեցընե-  
լու և շատ զօրք թափելու յարեւելս. նոյնպէս  
այլ պապերուն երկպառակութիւնը վերցընե-  
լու, որ այլազգեաց այլ արհամարհելի կ'երեւէր,  
և անով զարեմտեայս բաժանեալ սեպելով՝ չէին  
վախեր անոնցմէ: Իսկ ինքն Լևոն այս վիճակիս  
մէջ շատ փափագելի կու սեպէր որ Մուրադ տի-  
րէր իրեն երկրին (Աիւլիկիոյ). վասն զի, կ'ըսէր,  
Մուրադ-Պէկ մեծահոգի և առատասիրտ մարդ  
է, միայն հպատակութիւն կ'ուզէ յիշխանաց, և  
կու թողու որ ամենքն իրենց երկրին տիրեն: Այս  
այլ աւելցուց Լևոն, թէ Մուրադ-Պէկ միայն ըզ-  
Փրանկս կու սիրէ յարեմտեայց, և կու զուար-  
ճանայ երբ անոնց վրայօք լսէ, միշտ հարցընելով

Ճանապարհորդաց: — Իսկ իր կորուսած Թագաւորութեան վրայ՝ երբ նորէն հարցուցին, Լեոն համարձակ իմացուց որ առանց արեւմտեայց օգնութեան անկարելի էր ձեռք ձգելն. և Թէ միայն Կոստանտինոս անառիկ բերդն ազատ մնացեր էր հոն ճենովացոյ ձեռքը<sup>1</sup>:

Այս խօսքերով և ուրիշ պատմութեամբք Լեոն բոլոր ունկնդրաց սիրտը շահեցաւ. Թագաւորն ըսաւ մեծամեծաց Թէ պէտք է պատուեմք և հանգիստ պահեմք զԹագաւորն Հայոց, ինչպէս իրեն և ինծի կու վայլէ. ինչուան որ յաջողութի գլուխեմք զօրօք և զինուք անցնիլ յարեւելք՝ և նորէն իր երկրին վրայ Թագաւորեցընել զնա: Հրամայեց Կարողոս որ հասարակաց գանձէն ամսէ ամիս 500 Փր. տրուի Լեոնի (այն ատենուան Ֆրանգն ոսկի էր). և հիմայ այլ մէկէն 5000 Փրանգ, իրեն կահ կարասիքը պատրաստելու համար: Իրեն բնակութեան տեղ այլ Ս. Իոնիստեայ արուարձանին մէջ Սէնդ-Ուան (Saint-Ouen Saint-Audoine) կամ Ս. Անտոն մեծ ապարանքն, որ և Noble maison անուանեցաւ: Այս եղաւ Լեոնի հաստատ բնակութիւնն իր պանդխտութեան ատեն. յորում ամեն արքունի հանգիսից մէջ կու մտնէր կ'ելնէր, աւելի քան զաւելի սիրելի ըլլալով իր հիւրընկալաց:

Բայց իր գլխաւոր խնդիրը յաջողցընելու համար՝ պէտք էր Անգլիոյ Թագաւորին սիրտն այլ շահիլ. որուն՝ կ'երևի Թէ Անգլիացիք առջի բերան քիչ մ'ընդդիմացան, Փրանկաց դէմ ատելութեան և պատերազմին պատճառաւ. և պատմընաց սարաձայնութենէն որոշ չիմացուիր՝ Թէ առջի անգամ 1385ին վերջերը ինչպէս հոն գա-

<sup>1</sup> Որ էր ի Saint-Antoine փողոցին, և Թագաւորանիւս պալատին գիմաց:

ցեր և դարձեր է. բայց յաջորդ տարւոյն սկիզբները նորէն գնաց Գալէէն 'ի Տուզը անցնելով. ուր Ռեքարտայ հօրեղբարքն բանակով զօրաց պահապան կեցեր էին, և իրեն հետ մարդ գնելով խաւրեցին Թագաւորին: Ռեքարտ առանձին ընդունելով թէնէն ետև՝ իր խորհրդականաց ժողովին ներկայացուց զԼևոն՝ անոր խնդիրքը լսելու համար. խորհրդականք կասկածելով որ Կարողոսի Թելադրութեամբ եկած է նա՝ քիչ մը դժարեցան, և Կանդորբերեայ արքեպիսկոպոսն կերպով մը մեղադրեց իրեն՝ զինեալ մարդիկներով գալը: Ռեքարտ իբրև Լևոնի սիրտն առնելու համար շատ և Թանկ բաներ ընծայեց, զորոնք չընդունեցաւ Լևոն, բաց 'ի մատանիէ մը որ 500 ֆրանգ (ոսկի) կ'արժէր. շուտով գարձաւ 'ի Փաղղիա, ու պատմեց Կարողոսի իր բանագնացութիւնը. զոր իբրև ինքն իր գլխուն հասարակաց բարւոյն համար ըրած էր, և ոչ 'ի խնդրոյ նորա, և այսպէս այլ իմացուցեր էր Անգղիացւոց: Կարողոս իմանալով անոնց ծանրասրտութիւնը՝ սկսաւ նորէն պատրաստուիլ յԱնգղիա վազելու: — Բայց Ռեքարտ նորէն խորհրդածելով՝ զիջաւ Լևոնի բարի խրատուց, և մէկէն հրովարտակ հանեց խօսելու հաշտութեան վրայ, վասն փառաց Աստուծոյ և գթոյ մարդկութեան և վասն շնորհաց Լևոնի Թագաւորին Հայոց. (et auxi à les instanz prières et requestes, qui nous ont esté faites par notre cousyn, le roi d'Arménie). և Լևոնի երախտեաց համար այլ տարեկան Թոշակ կապեց (1386 փետր. 3) 1000 լիւրայ. իրեն բնակութեան տեղ մ'այլ: Որոց շնորհակալութեան և խնդրոց յաջողութեան համար՝ նորէն գնացեր է Լևոն 'ի Լոնտոն, ինչպէս Ռեքարտոսի զանազան հրովարտականերն և գրերն կու յայտնեն. որոց մէկով (18 մարտի 1386) կու պատուիրէ՝ որ ազատ Թողուն ըզ-

Լևոն 40 ձիաւորով և ուրիշ պաշտօնէիւք երթալ գալ իր երկրին մէջ. Լևոնի այլ կու գրէ (12 մալիս) որ ինչուան 100 ձիաւորով կարենայ պաշտիլ յԱնգղիա մինչև նոյն տարւոյն վերջերը. դարձեալ հրովարտակաւ պատուիրէ (24 հոկտ.) որ հազարապետն կամ տաճարապետն (magister hospitii) Լևոնի՝ Յովհան Ռոսպեան Johannes de Rusp) կարենայ ազատութեամբ գալ հինգ մարդով և վեց ձիերով, և՛ աղեղամբք և 24 փետրաւոր սլաքօք. քանի մ'օր ետքն (28 հոկտ.) ուրիշ գիր մ'այլ, որ հազարապետն կարենայ առանց մաքսի մտցնել 'ի Գաղղիոյ յԱնգղիա 150 սափոր գինի՝ Լևոնի մարդկանց համար. նոյնպէս գիր մ'ազատութեան Լևոնի սենեկապետին համար (8 նոյեմբ.): — Թագաւորին հօրեղբայրն Կոստանդին Գուքանայլ մեծ պատուով և սիրով հիւր ընդունեցաւ զԼևոն իր պալատին մէջ:

Լևոն այս երկու թագաւորաց հաշտութեան համար կրցածն ընելէն ետե՛ւ՝ պարապ ժամանակները ուրիշ կողմեր այլ կ'երթար, ինչպէս յիշեցինք 'ի Սեկովիա գտուիլն յամի 1389: Նոյն տարին մեծ քաղաքական և արքունի հանգէս մ'եղաւ 'ի Բարիզ (20 օգոստ.) 'ի պատիւ Թագուհւոյն. կոչնոց ատեն, յորում շատ արքայազուն հիւրք այլ կային, զԼևոն բազմեցուցին Թագուհւոյն քով:

Ասոնք ալէկ, բայց Լևոն իր գահուն վրայ չէր. Գաղղիոյ և Անգղիոյ հաշտութիւնն այլ չյաջողեցաւ. գոնէ շատ ուշ: 1391ին մեծ ժողով մ'եղաւ յԱմիէն քաղաքի Գաղղիոյ վասն հաշտութեան. ուր եկեր էին Անգղիոյ գեսպանքն, հօրեղբարք Թագաւորին. հոն էր և մերս Լևոն. երկու ազգոց խնդրոյն վրայ խօսելէն ետե՛ւ՝ Կարոլոս խօսեցաւ Լևոնի Թագաւորութեանն համար այլ. Անգլիացւոց գեսպանքն խոստացան զայն այլ յիշե-

ցընեւ իրենց թագաւորին: Երկու տարի վերջը՝ (1393) գարնան ատեն նորէն հաշտութեան պայմանագրութիւն կ'ըլլար 'ի Փալէ, իսկ Բ Վարդըս յԱպրվիւ էր. հոն եկաւ Լեոն Յունաց երկրէն գառնալով, ուսկից գալու ատեն հեռուէն անգամ մ'այլ, և վերջին անգամ, 'ի մայրն մօտեցած արևու պէս, ողջուներ էր իր հայրենեաց և արքայութեան սահմանները (Աիւլիկիա), չիշխելով և յետ իբր 20 տարւոյ ոտքը ներս գնելու. վասն զի իմացաւ և իմացուց որ այլագոյիք լցուեր են հոն, և Առօրիկոս բերդն միայն գեռ աղաա մնացեր էր 'ի ձեռս քրիստոնէից:

Ձայս լսելով նորէն վառուեցան շատ Փաղղիացիք՝ և զէնք ու նշան խնդրէին երթալու հոն յօդնութիւն Լեոնի. և կու սպասէին ժամ մ'առաջ հաշտութեան հռչակուելուն: Եւս առաւել Լեոն (անգէտ իր սպառեալ ժամանակին), քանի մ'ամիս ետև նորէն փութացաւ գնաց 'ի Ժողովն դեսպանաց, որք էին երկերկու հօրեղբարք երկու թագաւորացն, 'ի Լոլինկէն՝ Փալէի մօտ: Հոն վերջին սրտի թելագրութեամբ խօսեցաւ իր և Հայոց թագին վերականգնելուն համար: Այսանգամ գեսպանքն և մանաւանդ Ալոսդըրի գուքսն՝ աւելի տաքութեամբ ընդունեցան Լեոնի խնդիրքը, և աւելի հաւանականութեամբ խոստացան. Լեոն այլ աւելի մեծայոյս դարձաւ. վասն զի հաշտութեան պայմանքն երկու կողմին այլ հաճոյ կ'ըլլային. և քիչ ատենէն իրենց թագաւորաց տանելով՝ ձեռնագրեցան կնքեցան, զինագուլ և հաշտութիւն ըրին դոնէ չորս տարուան համար: Թեւրևս երկու թագաւորներէն աւելի այս հաշտութեան վրայ զուարճացողն՝ պիտի ըլլար անոր միջնորդն՝ Լեոն, թագաւորն և թագասէրն Հայոց. բայց.... աւաղ. գրեթէ հաշտութեանն հետ կընքուած էր և Լեոնի կեանքն:

## Ը

Տարի մը և աւելի առաջ (1392 յուլիսի 20) Լևոն իր կտակը գրեւ էր Յոհան Խը Ֆոլքվիլ Գաղղիոյ արքունի մօլերհակաց գլխաւորին ձեռք. յորում յետ յանձնելոյ զհոգին առ Աստուած՝ նախ կու պատուիրէր որ մարմինը Թալուի 'ի վանս նորահաստատ Կելեսափնեան կամ Երկնային (Célestins) անուանեալ կրօնաւորաց 'ի Բարիզ. և եթէ անոնք չուզեն՝ ուրիշ վանք մը. և վրան պարզ ճերմակ զգեստ մը հագցընեն, գլուխն և ոտքն բաց Թողլով. դադարը վերցընեն 12 աղքատք, չորս այլ ջահակիր աղքատք, ամենքն այլ ճերմակազգեստ: Յետոյ կու պատուիրէր իր ունեցած պարագերը վճարելու. և ապա զանազան գումարներ կու սահմանէր այլ և այլ եկեղեցեաց և վանաց. իր Թաղուելու եկեղեցւոյն այլ կու Թողուր բոլոր իր մատրան սպասքը, որպէս զի իր հոգւոյն համար աղօթեն: Վերջը կու պատուիրէր որ մեռնելուն պէս՝ բոլոր այս պահդիստած երկիրներուն մէջ ունեցած ստացուածքը չորս հաւասար մասն բաժնուի. առաջինն տրուի աղքատաց և վերոյիշեալ բարեպաշտութեան տեղեաց. երկրորդ մասն տրուի իր Թաղուելու եկեղեցւոյն, ուր ամեն օր իր հոգւոյն համար մէկ երկու պատարագ մատուցանեն. երրորդ մասն տրուի իր մէկ օտարածին որդւոյն՝ Կի կամ Կիւյոդ կոչուած, որ դեռ տղայ էր, և անոր դաստիարակութեան ծախքն հոգալէն ետև՝ երբ քսան տարուան ըլլայ՝ դրամագլուխն իրեն յանձնուի. իսկ եթէ նա քսան տարիէն առաջ մեռնի՝ ազգառաց տրուի: Իսկ ընչից չորրորդ մասն բաժնուի իր տմեն սպասաւորացը, ուր որ ըլլան: Եւ այս ամեն բանս կատարել կու յանձնէ իր սենեկապանին և հազա-

րապետին: Իսկ ընդհանուր կամ բարձր կտակա-  
կատար կ'աղաչէ որ ըլլան (բաց 'ի Գաղղիոյ Թա-  
գաւորէն), Թագաւորքն Անգղիոյ, Կասգիլիոյ և  
Արագոնիոյ, զորս իրեն համէրակ (cousin) կ'ա-  
նուանէ:

Ի 29 նոյեմբերի 1393 տարւոյն՝ Բարիզու Գուռ-  
նէլ (Tournelles) ըստած պալատին մէջ՝ պան-  
գրխտութիւնն և կեանքը կատարեց Լևոն 2, վեր-  
ջին Թագաւոր Հայոց. և Թագաւորական պատ-  
ւով ու հասարակաց սգով յուղարկեցաւ յեկե-  
ղեցի վանաց Յրկնայնոցն, բարերարն բազմութե-  
կարօտելոց և բարեկամն Թագաւորաց: Իր պաշ-  
տօնեայքն և սպասաւորքն ամենքն այլ ճերմակ  
հագած՝ անոր որոշած աղքատներովն յուղար-  
կաւոր ցնացին. իրեն այլ ճերմակ հագուցեր էին,  
ոչ իր ուզած խոշոր լւսթովն, այլ արքունի բեհե-  
զով. ճերմակազարդ անկողնի վրայ դրած, գլխուն  
քով այլ դրած ոսկի Թագ մը: Հին ատեններէ  
սովորութիւն էր Հայոց Թագաւորաց՝ ոչ միայն  
'ի կեանս՝ այլ և 'ի մահուն սպիտակագգեստ ե-  
րևիլ. այնքան գերազանց սեպուած էր Հայպետն  
առաջի ժողովրդեան: Յկեղեցւոյն աւագ սեղա-  
նին քով կամարի տակ պատին մէջ հաստատած  
դրին Լևոնի դամբանը սև տապանաքարիւ, որոյ  
վերայ հանգուցին իր չափով արձանն ճերմակ  
մարմարէ՝ արքայական նշաններովն: Հոն 400  
տարի հաւատացեալ ննջեցելոց քունը քաշէլէն  
ետեւ, անցեալ դարուն եաքերը Փրանկաց քա-  
ղաքական մեծ շիտթութեան ատեն, սրբապիղծ  
ձեռք՝ ինչպէս ուրիշ Թագաւորաց՝ այսպէս Հայոց  
վերջին Թագաւորին հանգիստն այլ խռովեցին.  
խորան և դամբան վեր 'ի վայր եղան. դարական  
խաղաղացեալ ոսկերքն՝ ժամանակէն աւելի՝ բռ-  
նաբարութեան խաղաղիկ եղան. Աիւլիկիոյ Թա-  
գաւորաց Թշնամի Քէօլէմէններուն չըրածը՝ աշ-

խարհիս ամենէն բարեկիրթ կարծեցեալ ժողովուրդն ըրաւ. այսքան իրարու մօտ են կիրք և կրթութիւն: Կենօքն հալածեալ, հանգիստ վախճանեալ, յետ մահուն այլ իր հալածանքը կրեց Լեոն: Բայց գարձեալ բոլորովին անբաղդ չեղաւ. խնայիչ ձեռք ազատեցին իր դամբանը, և տարին թանգարանի մը մէջ դրին, ուսկից յետոյ՝ ի խաղաղանալ երկրին՝ Փրանկաց թագաւորաց մնացեալ նշխարօք և տապանօք տարին զետեղեցին Ս. Դիոնէսիոսի հոյակապ վանաց տաճարին տակ, ուր որ ականաաես եղած՝ քեզ այլ ցուցի, Հայկակ: Հոն է մինչև ցայսօր Հայոց Վերջին Խոփաւորի Լեոնի մահարձանն իր սև անկողնովն, իր արքունի նշանօքն և արձանագրութեամբ, որպէս և տեսնես. բայց նշխարքն ո՛ւր...:

Լեոնի՝ երկու գլխաւոր բարեկամքն և պաշապանքն՝ Բիքարտ Բ և Կարոլոս Զ՝ խնամով հոգացան անոր կտակը կատարելու. և իրենց վկայութիւններն կամ անդորրագիրքն այլ դեռ կու պահուին ի գիււանս: Ասկից այլ յայտնի կ'երևի այս երկու թագաւորաց մեծարանդին և սէրն ի վերայ Լեոնի, և ասոր աջալուրջ, սիրելի և անձնանուէր բնաւորութիւնն. զոր սիրեմ ես, Հայկակ, համարիլ չքնադագոյն կամուրջ մը Գալէի վրայ ձգուած ընդ մէջ Գաղղիոյ և Անգղիոյ, ուսկից անցուց Լեոն այս երկու մեծ և նախանձընդդէմ ազգաց խաղաղութիւնը: — Արդեօք այսպիսի բաղդ կամ փոխարէն մը պիտի ունենայ Լեոնի սեփականեալ ազգն ուրիշ անգամ մ'այլ: — Փրանկաց թագաւորն որ երկարակեաց եղաւ յետ Լեոնի, անոր թողած զաւակին վրայ այլ խնամք ցըցուց, և իր մահուանէն տարի մ'առաջ (1421) հաճութեան թուղթ մը գրած է առ ժողով երիցանց Սուսսոն քաղաքի՝ զԿիւյոգ իրենց եկեղեցւոյն կանոնիկոս ընտրելուն համար. վասն զի այս ժա-



ռանգս Լևոնի՝ եկեղեցական վեճակ ընտրեր էր, և յառաջ ՚ի Պրի (Brie) ստրկաւագապետ էր եղած<sup>1</sup>։

Իսկ Լևոնի բուն հարազատն և միակ նշխար իր և Հայոց արքունի տան որբացեալ և այրիացեալ գուստրն Փիննա, ըստ աւանդութեան, վախճանեցաւ յԵրուսաղէմ, որպէս նուիրական տիրուհի՝ Հայ հայրենեաց սրբազան կրակին մոխրոց վրայ հսկելով, և պանչելի խելամասութեամբ քսին զչքնաղ հաւն փիւնիկ, այն աճիւնացեալ կայծակը խորհրդաբար խառնելով՝ Քրիստոսի կենդանութաղ գերեզմանին անմահարար նշուլից հետ։

Այսպիսի են, Հայկակ, համառօտ յիշատակք Լևոնի վերջնոյ։ Աւելորդ է մեզի հոս իրմէ ետև իր երկրին և ժառանգութեան անցքը քննել. այլ այսչափս հարկ է ըսել Հայոց թագաւորութեան վրայօք, որ Լևոնի մահը լսելուն պէս՝ Յակոբոս Ա թագաւորն Կիպրոսի իբրև աղգական և ժառանգ Լևոնի՝ պսակեցաւ անոր թագոյն այլ, և անուանեց զինքը թագաւոր Կիպրոսի, Երուսաղէմի և Հայոց<sup>2</sup>։ այս անունս անցաւ իր յաջորդաց այլ մինչև ՚ի յետինն, որ է զձևոյն Կատարինէ՝ գուստր Գոռնարոյ Վենետիկեցոյ. սա անժառանգ ըլլալով յամին 1489 տուաւ զկղզին ՚ի Վենետիկեցիս, և ինքն այլ մեռնելով ՚ի Վենետիկ (1510) իր գերեզմանին վրայ այլ թողուց ոսկեքանդակ գրով

1 Ըստ ոմանց երկու էին անհարազատ որդիքն Լևոնի, մէկն եկեղեցական, միւսն զինուորական. բայց կտակն զմէկ միայն յիշէ։

2 Արգեօք զսա՞, թէ մանաւանդ զնոյն ինքն զԼևոն կ'իմանայ մեր նախ ծանօթութեան մէջ յիշեալ վիպասանն Լիւսինեանց, ըսելովն, թէ մինչև ցայսօր, (որ է 7 օգոստոսի, 1594, ինն ամիս յետ մահուն Լևոնի), Հայոց թագաւորքն Լիւսինեանց նշանները և մականունը կրեն։

Հայոց տիկնուծեան անունը: Բայց իրմէ առաջ Յակոբոսի թոռն Յովհաննէս Գ թագաւորն՝ օրինաւոր մանչ զաւակ չունելով, յետ մահուն իր դուստրն Գարլոգդա՝ որ այրի մնացեր էր 'ի թագաւորէն Փորգոգալի, վեց եօթն տարի Կիպրոսի (և անուամբ՝ Հայոց) թագուհի եղած էր. և երբ Յակոբ Բ անհարազատ որդի Գ Յովհաննու հաւածեց (1464) զԳարլոգդա, սա իր իրաւունքը աւաւ (յոմին (1482) առ Կարողոս Ա դուքս Սաւոյայ Խաւիոյ. այս պատճառաւ ստոր յաջորդքն և ժառանգք (որ հիմա թագաւոր կոչուին Խաւիոյ) իրենց իշխանական պատուանուանց մէջ կուհամրեն և զանուն թագաւորի Հայոց: — Հաւանական է որ ասոնցմէ աւելի մերձաւոր ժառանգք կամ իրաւատեարք կային 'ի Կիւլիկիա 'ի ցեղէ Հեթմեանց և Կոստանդեանց. և թերևս ոմանք փորձած այլ ըլլան իրենց իրաւունքը ցուցնել. այս անտարակոյս է որ շատ իշխանք և պարոնայք դեռ Լևոնէն դար մ'ետք այլ՝ ազատօրէն իրենց բերդերուն կու տիրէին<sup>1</sup>. Ընչուան Սիա մայրաքաղաքն այլ նորոգուելով՝ գրեթէ անոնց ձեռքն էր. և անոնց հետ այլ պատերազմելով առաւ Տուղատորցի կամ Զիւլքատրեան Շահառւարպէկն Մարաշու՝ յամին 1467. քսան տարի մը վերջը Օսմանեան սուլտանք տիրեցին մնացեալ բերդերուն և ամուր տեղերուն, բաց 'ի քանի մ'ամուր տեղեաց և հասարակութեանց Հայոց, որոց նոր և յետին դէպքն՝ հիմայ ծանօթ են ամենուն:

<sup>1</sup> Վերդիշեալ վիպասանն կ'ըսէ, թէ յետ մահուն պայազատին Գուխտոնի՝ իր պայազատքն շատ նեղութեց և որածութեան տակ ընկան, և ինչուան հիմայ այլ կու տէ. Et sachiés que ses hoirs ont eu depuys moult affaire, eomme il appert encores au temps present, et en ont eu moult d'anuys et de pestilence, comme a apparu et encores appert.

Արեմտեայք այլ փորձեցին կերպով մը իրենց խոստմունքը և պարտքը կատարել առ Լեոն. երկու տարի յետ անոր մահուն՝ Յ. կոմս Նըվերայ (Nevers) և ուրիշ ազատ Գաղղիացիք զօրագընդաւ գնացին յօգնութիւն Թագաւորին Մաճառաց, որ կու խոստանար նախ Յունաց օգնելու, և յետոյ Լեոնի երկիրն այլ ազատելու. բայց Նիկոպօլեայ քով ('ի Բուլղարս) յաղթուելով 'ի սուլթան Պայէզիտայ (1395, հոկտ. 27), լռեցին ամենայն այգպիսի յոյսք և մտածութիւնք:



ԼԲ

ՖԻՄԻ

3 Դեկտեմբերի .

Ա

« Ընկալ, ով աստուածաւեր և գթասէր հոգի, մեծ  
» ըստ մարմնոյ և բարգաւաճ ըստ ոգւոյ, ծիրանածինդ  
» Ֆիմի, զբաղչալին քո, երկամբք ձեռին մեղապարտիս  
» Յովհաննու եպիսկոպոսի կրօներս եղբօր հօր քո . որով  
» յԱստուած եւ յաստուածայինսն խոկասցիտ միշտ . եւ  
» տրտմեալ սրտի քո սփոփանս ոռովաւ արասցես . գիտե-  
» լով՝ զի սեփական է մարգկան նըժգեհոլթիւն և պան-  
» դըխտութիւն և փորձանք : Որոց անդորր տացէ ձեզ՝ որ  
» ամենահնար է ։ »

Այս վայելուչ և սրտառուչ յիշատակարանս՝  
զոր հոսիր սկզբնագրէն օրինակեալ տեսնես և կար-  
գաս, Հայկակ, հանուած է Յովբայ և Սողոմոնի  
գրոց օրինակէ մը, մեղմէ 600 տարի առաջ գը-  
րուած . զոր ես երբ առաջին անգամ կարգացի,  
երկար կանգ առի : Այն գրոց երկու մեծամեծ  
աննման և աստուածաշուքնչ հեղինակներն՝ (Յոր  
և Սողոմոն) յիրաւի մտացս մեծ մասը կու գրա-  
ւէին, բայց անոր առաջին ստացողն՝ զսիրտս կու  
գրաւէր : Վասն զի ըստ ինսուա վկայութեան իր  
սրբազան և մերձաւոր անձին՝ այն ստացողն, այն

գրեթէ դեռ մեզի անծանօթ Ֆիմին՝ մեր անցեալ  
 թագաւորաց մէկուն, դուստր է եղեր, և իր կե-  
 նաց ամէնէն զգալի երեւոյթն այլ՝ Գրգմաւ խէրքն.  
 և ոչ այսչափ միայն, այլ և աստուծոյն և գիւ-  
 յէր հոգի մը՝ կու վառէ եղեր այն սիրտը: Այսպի-  
 սի սրտի մը հանդիպիլ և զանց ընել՝ սիրտ չունե-  
 նալ է: Զոր ու քար արձանի կտոր մը, դասաակ  
 մը, մատ մը՝ իր փորուածքին ճարտարութեամբ  
 կու յափշտակէ կրթուած աչք ու միտքը՝ առ  
 ճարտարապետն և առ բուն գաղափար պատկե-  
 րին. իսկ նշանակք այսպիսի սրտի մը՝ ո՞րքան ա-  
 ւելի սխրալի և սրբազան պիտի ըլլան զգաստ հայ-  
 րենասիրաց. մանաւանդ եթէ գուշակեն որ այն  
 սրտին տրամուծիւնն՝ կենօքը չափ քշեր է, թէ  
 և երկնաւոր յուսով կու քաջալերուի եղեր:

Ես չվախցայ և չեմ վախեր նաև Յորայ մը քով  
 կարեկցութեամբ և զարմանօք տեսնել այդպիսի  
 Ֆիմիկ մը. վասն զի եթէ այն համբերողոյ նախափոյն<sup>1</sup>  
 ամեն տեսակ ցաւ ու զրկանք կրեց եօթը տարի,  
 վերջը 170 տարի այլ վայելեց զքարիս երկրի՝ ի  
 մէջ բազմութեան զաւակոց, թողանց և թողն-  
 որդւոց, զի « Տէր աճեցոյց զՅոր... և ետ Տէր  
 » կրկին քան որչափ ինչ էրն յառաջագոյն Յո-  
 » բայ՝ ի յաճախութիւն... օրհնեաց զվերջինն Յո-  
 » բայ քան զառաջինն. և էին խաշինք նորա ոչ  
 » խարք 14000, ուղտք 6000, լուծք եզանց 1000,  
 » և այլն. և վախճանեցաւ ծերացեալ և լցեալ  
 աւուրբք »: Եւ եթէ իմաստունն Սողոմոն (ա-  
 ռանց Յորայ պէս վշտակրելու) լաւ ճանչցաւ և  
 վկայեց թէ ամենայն ինչ ունայնութիւն ունայ-  
 նութեանց է, սակայն չծածկեց այլ՝ թէ « զամե-  
 » անայն զոր ինչ խնդրեցին աչք իմ՝ ոչ զրկեցի

<sup>1</sup> Այսպէս անուանէ զՅոր՝ իմաստասէր կաթուղիկոսն  
 մը Յովհաննէս:

» 'ի նոցանէ, և ոչ արգելի զսիրտ իմ՝ յամենայն  
» ուրախութենէ » . որոց մէջ (Թաթաւեալ Թա-  
վեցաւ ինքն այլ :

Իսկ Ֆիւմի... Այո՛, և սա անոնց նման ծիրանա-  
ծին էր, և Տէժ ըստ մարտոյ, այլ և Բարգաւաճ ըստ  
« Գեոյ » . Թագաւորական օրիորդ, մեծատուն և ի-  
մաստուն . Թերեւս ինքն այլ վայելէց 20 տարի մը՝  
երկրաւոր մեծութիւն և բարիք, բայց այլ աւելի  
կրեց ցաւ ու չարիք, և որ մեծն է՝ ոչ յետոյ Յո-  
բայ պիտ կրկին աճէցաւ, և ոչ անոր և Սողոմոնի  
պէս 'ի գահոյսն վախճանեցաւ . այլ անշուք և ան-  
շփոթ մենարանի մը մէջ, միակ և յետին սփոթանս  
արքայէալ արքին՝ գանեղով այս իմաստուն և մեծա-  
տուն Թագաւորաց գրքոյկը, զոր իր հօրեղբայրն  
Յովհաննէս եպիսկոպոս՝ գրեց իր յեռին Էջմիածնի, և  
զարդարեց սլաակերօք և երանգօք և ընծայեց իր  
Թոռնէին : Անշուշտ շատ հեղ կաթկըթած են հե-  
զիկ և սլայծաւ մարգարիտք արտասուած սգա-  
ւոր բամբռին՝ այն կրկնակի խնկիլի էջերուն վրայ,  
որոց մէկին վրայ գրուած էր ահաւազիկ հոս կար-  
դացածդ :

Թէպէտ և ոչ մեր պատմիչք և ոչ այս իր յի-  
շտակագիր հօրեղբայրն՝ կու ծանուցանեն (Թէ  
ինչ կեանք և ինչ կիրքեր ունեցաւ Ֆիւմի, և ո՞ր էր  
դիտաւոր պատճառ սրտմութեան սրտին . սա-  
կայն միացեալ քանի մը հարեանցի և համառօտ  
գրուածներէ՝ Թէ մերոց և Թէ մանաւանդ օտա-  
րաց, փափագեցայ պրպտել անոր գազանիքը . և  
այն կոարտած յիշատակներէն՝ եթէ կարելի է՝  
նորոգել կանգնել ընկած տրամած ազնիւ սիրա-  
մը, որոյ հանդստեան յիշատակը՝ այս օրուանս  
(գեկտեմբերի 3ին) կու նշանակէ մեր Ռուբինեան  
Թագաւորաց Յայսմաւուրքն՝ մէկ առկով մը :

## Բ

Արդ Ֆիմի<sup>1</sup> դուստր էր Զապէլի և Հեթմոյ, այն մեծաւորոհմ և մաքրակենցաղ ամուսնաց՝ որք կրնան ընծայուիլ յօրինակ թագաւորաց. և ուրոց զաւակ ըլլալն իսկ մեծ փառք և բաղդ էր. բայց անոնց հոգւոյն և սրտին՝ քան թէ արեանը նմանուլ թեամբը՝ աւելի մեծ եղաւ Ֆիմի. և ըստ այսմ՝ գերազանց իր հարազատաց մէջ այլ, որոց երկցագոյններէն մէկն էր, և հինգ քերց մէջ՝ ինքն երկրորդ, թէ և հարսնուլ թեան վիճակաւ՝ դարձեալ ամենէն առաջ անցաւ: Վասն զի իր անդրանիկ քոյրն Զապլուն՝ իրմէ վերջը (1254) տրուեցաւ ի կնուլ թիւն Պեմոնդի քի՝ Բրընձին (իշխանին) Անտիոքայ, որ նախապատիւ էր ի մէջ փռանկ իշխանազանց յերկրին Ասորւոց. իսկ Ֆիմի՝ երկու տարի այլ առաջ խնդրեցաւ և ընծայեցաւ ի հարսնուլ թիւն Յուլիանոս Իպլինեան, և ի տիկնուլ թիւն Սիդնի: Այս երկուքին (տիրոջ և տեղւոյն) վրայօք՝ կ'արժէ նախ տեղեկանալ մանաւանդ որ Ֆիմիի կենաց և կրից ծանօթ գէպքերը՝ գրեթէ միայն ասոնցմով կրնամք ժողովել:

Երբ առաջին անգամ Խաչակիրք սուրբ Երկրին տիրեցին (յամին 1099), մեծ պատերազմով մ'այլ զարկին այլազգիները՝ հին այլազգեսոց պարծանք և հսկայ Գողիադու հայրենեաց (Գեթ քաղքին) մօտերը, զոր ոմանք նոյն սեպէին Յունաց և Հռովմայեցւոց Յաֆթ կոչած քաղաքաւանին հետ, որ և մինչև հիմայ Ճէպնէ կոչուի, և մօտիկ է ի Ռամլեա (հինն Արիմալթեմ): Այս յետին քաղաքիս մօտ այլ երեք տարի վերջը պատերազմ մ'եղաւ, յորում ընկաւ և Գաղղիացի կոմսն

<sup>1</sup> Եւֆիմիա կամ Եւփիմէ անուանն նուազականն է:



Շարդրի՝ Ստեփանոս. որոյ երկու որդիքն զբկուե-  
լով իրենց հայրենի կոմսութենէն, ՚ի Պաղեստին  
կու զինուորէին ընդ Խաչակրաց. մինչև Փուլի  
կամ Ֆուլգ Թագաւորն Երուսաղեմի՝ անոնցմէ  
կրսերին՝ որ Պալիան (Պալտուին) կոչուէր՝ տուաւ  
՚ի Ժառանգութիւն նախայիշեալ Յամնիա քա-  
ղաքաւանը, որ այն ատեն բաւական բարգաւաճ  
էր. և անունը փոփոխուելով կոչուեցաւ Իդլին  
կամ Իդլի, Իդլէ, Էդալի, և այլն: Պալիան՝  
քաղաքին անունը սեփականեց իրեն և իր տոհմին.  
որ շատ զօրացաւ և աճեցաւ, տարածեցաւ բո-  
լոր Փիւնիկիոյ եզերքը, և Կիպրոսի Թագաւորու-  
թեան մէջ. անանկ որ գրեթէ ԺԳ-ԺԵ դարուց մէջ՝  
հոն Լատինաց կամ Փռանկաց ամենէն հռչակա-  
ւոր տոհմն էր (յետ Լուսինեանց Կիպրոսի): Պա-  
լիանու որդւոց և Թռանց մէկն շինեցին կամ կար  
գաւորեցին Les Assises de Jérusalem ըսուած  
անուանի օրինագիրքը, որով կառավարէին Թա-  
գաւորք Երուսաղեմի և Կիպրոսի, իշխանք Լատի-  
նաց յարեւելս, և նաև ըստ մասին՝ մերազգի Կիւ-  
լիկիոյ Թագաւորք: Պալիանայ պայազատքն իբրեւ  
հպաաակք Երուսաղեմի Թագաւորաց՝ անոնցմէ  
Ժառանգութիւն առին գրեթէ բոլոր Փիւնիկիոյ  
կամ Ասորւոց ծովեզերեայ քաղաքները և մանր  
իշխանութիւնները. որոնք երբեմն Դամասկոսի,  
Հալէպու և Սգիպտոսի սուլտանաց ձեռքը կ'ընկ-  
նէին, երբեմն Փռանկաց, այսինքն Թագաւորին  
Երուսաղեմի, և յետոյ Կիպրոսի:

Այս Թագաւորութիւնս՝ բաց իրեն սեփական  
վիճակներէն՝ չորս գաւառ կամ Պարոնութիւն  
ունէր, զոր պայազատութեամբ կու տար որու  
որ կ'ուզէր: Այս չորս<sup>1</sup> պարոնութեանց մէկն էր

<sup>1</sup> Միւս երեքն են. Ա, Յոպպէ և Ասկաղոն. Բ, Գալի-  
ւա. Գ, Կրակ, Մոնրեալ, Հեբրոն:

Սիդոն քաղաքն ծովեզերեայ, իր բաւական ընդարձակ վիճակովը. յորում էին Կեսարիա, Բեթսան և Պէլֆորդ (Գեղեցիկ-բերդ) նշանաւոր ամրոցն: Այս մեր պատմութեան (և Հեթմոյ թագաւորութեան) ատենը՝ Սիդոնի տէրութիւնն այլ անցեր էր Իպլինեան առճին, և տիրէր զբաւոր իշխան<sup>1</sup> մը, Պալիան (Գ. կամ Գ.) որդի Յովհաննու՝ տիրոջ Պէրութի, (զոր կ'անուանէին le vieux sire de Berouth). որ և Կիպրոսի թագաւորութեան պայլ էր. Պալիան ալ անոր պայլ անուանեցաւ (1246ին, բայց տարիէ մը մեռաւ, 1247): Իր այրին Մարգարիտ որ Յովհ. Պրիենայ (Երուսաղեմի թագաւորին) եղբոր գուստրն էր, կուհոգար թէ տէրութիւնը և թէ իր մատղաշ պայազատ որդին Յուլիան կոչուած: Պալիանայ մէկ հօր եղբորորդին կոման Յովհան Իպլինեան<sup>2</sup> Յոպպէի տէր էր, և շատոնց առած էր ՚ի կնութիւն՝ Հեթմոյ քոյրը՝ Մարիա. զոր մեր յիշատակագրաց մէկն փռանկաբար կոչէ Կալա-Մարի Գոսեդէն Ճաֆան (Marie countesse de Jaffe). Իսկ Պալիանայ պայազատն և տէրն Սիդոնի Յուլիան՝ առաւ զՖիլի. ինչպէս յետ քիչ Ժամանակի՝ Տիւրոսի տէրն տյլ (Սրոյ տէրն՝ ըստ մեր պատմըչաց) Ամաւրի Լիւսինեան՝ առաւ ՚ի կնութիւն զԶապուլուն՝ գուստր Գ. Լեոնի, որդւոյ Հեթմոյ և եղբոր Ֆիլիպայ: Գրեթէ թգ դարուն կէսը բոլոր Ասորւոց նշանաւոր քաղաքաց և տէրութեանց փիլիպի՝ Հայոց նոր թագաւորութեան օրիորդներն էին. ոչ միայն ՚ի Փիւնիկէ, այլ և

1 Փրետերիկոս Բ Գերմանիոյ կայսրն՝ իբրեւ թագաւոր Երուսաղեմի, այն թագաւորութեան բոլոր տէրութեանց վրայ իրեն երեսփոխան գրեր էր այս Պալիանը:

2 Ասիկայ է վերջին և բուն կարգադրող Երուսաղեմեան օրինագրոց:

բարձրագոյն գահուց վրայ, յԱնտիոք, ի Ախարոս, և մինչև ի Բիւզանդիսն:

Ասոնցմէ էր և Ֆիմի, իբրև 14 տարեկան, երբ (1251) պատանին Յուլիան պայազտան Սիդոնի և իր խնամակալ մայրն Մարգարիտ՝ խնդրեցին զնա իրենց հարս. որ և շատ հաւանօրէն՝ առաջին հարան ելաւ իր հօր արքունի դարպասէն, երբ մեծ շինութեան և փառաց մէջ էր այն արքունիքն. երբ չորս կտրիճ և մեծ իշխան ելբարդ թագաւորին Հեթմոյ՝ թե թիկունք էին տնոր, և երկուք այլ ալօթիւք օգնէին, (Բարսեղ արքեպիսկոպոսն Իրազարկաւ, և կրսերն Յովհաննէս Բարուն), և ամենուն վրայ հսկէր՝ հինաւուրց եղենոյ պէս հովանանալով՝ ծեր և առոյգ արքայահայրն Աստուանդին: Յուլիանու և Ֆիմի պսակին պայմաններն, այսինքն օժտին վերաբերած խնդիրքն և դաշինքն՝ բաղդովի պահուած գտուեցաւ Մալգայի ասպետաց դիւանաց մէջ և հասաւ մեզի, այն ատենուան Փռանկայ լեզուով գրուած. միայն ստորագրութիւնն հայերէն կարմրագիր գրած մեր թագաւորին իսկական ձեռօքն, ՀԵԹՈՒՄ ԹԱԳԱՌՈՐ ՀԱՅՈՑ, և իր արքունի կախաւ կնքովը վաւերացած, ինչպէս որ կ'ըսէ այլ թղթին վերջը. Et por so qui cestes lettres soient fermes é estables, ci avons escrit l'escrit de nostre main vermoil é sayelé de notre ceau pendant. Դաշնագիրքն էին մէկ կողմէն ինքն Հեթում թագաւոր, մէկայլ կողմէն տիկինն Սիդոնի և իր տիրորդին (la gentille dame de Sayette, dame Margarite, é le gentil seignior de Sayette Sire Julian). Իսկ խոստակատարք կամ վկայքն էին Հիւրընկալ կամ Երուսաղեմի ասպետաց Կարգապետն՝ Գուլիէմ: Շադ-նէօֆ (frère Guilliame de Castelnov), և Հեթմոյ քուայրն Յոհան Իպլինեան (gentil cunte de Jafe sire

Johan d'Ibilin): Իսկ պայմանքն էին, որ Հեթում տայ իր դուստրը (notre filie damoiselle Fémie) առ Յուլիան, և օժտի համար 25000 սառակինեան-բիզանդ ոսկի՝ Աքքեայի կշռով (xxv. m. besans sarrazinas au pois d'Acre), որոց մէկն կ'արժէր չորս խաչակնիքբիզանդ Հայոց (quatre besans de nos staurat por un besant sarrazinas): Այս հայկական ստակը (սղաւրագ-խաչակնիք) Թուի Թէ մանրիկ ոսկի մ'էր, իսկ սառակինեան բիզանդն 10-12 Ֆրանգ մը կ'արժէր ըստ ոմանց դրամադիտաց. որով Ֆիմուս օժիւն 300000 Ֆրանգի մօտ կ'ըլլայ<sup>1</sup>. որուն երրորդ մասն՝ որ է 8000 բիզանդ (96000 Ֆր.), գոհարեւէն, մարգարիտ, և ոսկւոյ ու արծաթի զարդեր պիտի տար հայրն, իր օրիորդը խաւրած առնն. իսկ մնացեալ 17000ն այլ զուտ ստակով պիտի վճարէր, պսակը կատարելէն ետև: Հարանաժողոք այլ պիտի պարտաւորէին այն կանխիկ տրուած օժիւր՝ յօգուտ հարսին պահել կամ դարձնել 'ի կալուածս. և ամենեւին ազատ Թողուլ զբամբիջը ուզած տեղը կենալու կամ երթալու, հետը ուրիշ մարդ չդնելով՝ բայց երէք՝ ձիաւոր: Եւ 'ի հաստատութիւն բանին՝ Յուլիան և Մարգարիտ, իրենց ազգականքն և պատուաւոր մարդիկ՝ պիտի ստորագրէին, և իրենց կապարէ կնքովը կնքէին

1 Լևոն Ա Թագաւորն՝ իր Եօդեֆիմի կամ Ստեֆանի դուստրը՝ Երուսաղէմի (Յովհան) Թագաւորին կին տալու առնն՝ անոր հարսանեաց պատրաստութեան համար միայն 'ի Հիւրընկալ ասպետաց 50000 սառակինեան բիզանդ ոսկի փոխ կամ փոխնորդ առեր էր: — Ըստ ոմանց սառակինեան ոսկին կ'արժէր Ֆր. 9, 50: Ասոր աժէքովն էր գրեթէ Բիւզանդացի ոսկին այլ. կայր և Բիւզանդ կոչուած արծաթ ստակ՝ ոսկեքաշ կոչուած. և կրնայ ըլլալ Թէ Հեթումի խաչակնիք բիզանդն ալ արծաթ ըլլայ, Թէ և այդ մեծութեամբ արծաթ դեռ չէ գտուած:

պայմանագիրը: Այս ընելէն ետեւ պիտի կատարուէր հարսանիքն՝ ի տօնի Խաչվերացին, ի սեպտեմբերի, կամ անկէ ետեւ:

Թերեւս դիտեցիր, Հայկակ, որ փեսային մայրն կու յիշուի, իսկ հարսին՝ ոչ: Մինչդեռ իր նազելի դուտերոց առաջին հարսնութեան խօսք կ'ըլլար, մայրն՝ Զապել դշխոյն՝ փոխադրեցաւ յերկնային առաքաստն, վախճանելով ի սկիզբն 1252 տարւոյ, որուն վերջերը կատարեցան հարսանիքն Ֆիմեայ<sup>1</sup>: Արդեօք ասիկայ առաջին հարուած մը չէր օրիորդին, և պատճառ մը արտմուծեան սրբոտին, սգոյ և հարսնութեան պատմութեանները յիրար շփոթելով: ... Սակայն թողունք որ հայրն և հարազատքն սրբեն աշուրները, և « քաջալերեաց քոյր մեր » ըսելով՝ յուզարկեն փառօք իր տիկնութեան տեղը. մենք այլ մօտենանք այս տեղւոյս ծանօթանալու:

## Գ

Հիմակուան Ասորւոց երկրին մեծ և բանուկ նաւահանգըստէն (Պէյրուծ) իբրեւ 45 մլն մը վար դէպ ի հարաւ՝ ծովեզերքը պզտի հրուանդանի պէս երկրնցած երկրին վրայ՝ շինուած և ծանօթ է Սայաթ քաղաքն, որ վերոյիշեալ պայմանագրին մէջ Սայէդ կոչուի: Հին Ասորիք և Նբրայեցիք Մայրան կոչէին, ինչպէս մեր Ս. Գրոց մէջ այլ գրուած կայ, Մուր և Մայդան, որք ըստ Յունաց և Լատինաց Տիւրոս և Սիդոն կ'ըսուին, և սակայ յիշուին ի հին և ի նոր կտակարանս, և ճանաչուին իբրեւ երկու հարազատ քորք և տիկնայք բովանդակ Միջերկրականի արեւելեան ծով:

<sup>1</sup> Ասոր վկայէ և վենետկեցի ժամանակագիրն Սաւուաոյ:

ափանց: Տիւրոս՝ Թէպէա և աւելի նշանաւոր և մեծ էր և Թագուհի ծովուց կոչուէր ՚ի հին Ժամանակս, սակայն դուստր էր Սիգոնի, որ շատ գարեւր մինակ ծաղկելէ վերջը ծնաւ զՏիւրոս. և ինքն մայրն ծովային քաղաքաց Փիւնիկիոյ՝ աշխարհիս հնագոյն վաւերական քաղաքաց մէկն էր. վասն զի Նոյ նահապետին Թուան՝ Քանանու՝ անգրանիկն Սիգոն՝ շինեց զայն և իր անունը դրաւ, որ նշանակէ ձուկն կամ ձկնորս: Եթէ ՚ի սկզբան՝ վենետիոյ պէս ձկնորսաց ապաստանարան մ'էր, քիչ առենէն վաճառականութեան մայրաքաղաք եղաւ. և երբ իր դուստրն՝ Տիւրոս՝ գերազանցեց այլ յայսմ մասին, գեռ ինքն մայրն Սիգոն ծաղկէր: Ոչ միայն վաճառականութեամբ՝ այլ և ճարտարապետական արուեստով աննման էր, մօան ունենալով Լիբանանու հին և անսպառ մայրիները. որոցմէ կարածը և կարող ու կոկող կու խաւրէր ինչուան առ Սուլոմոն, Աստուծոյ տաճար, և իրեն պալատ շինելու համար: Նաև Տիւրոսի մէջ աիրէր հարստութեամբ. « Եւ իշ » խանք քո (Տիւրոսի) բնակիչք Սիգոմնացւոց»<sup>1</sup>: Սիգոն կրնար ինքզինքը պաշտպանել այլ ոչ միայն ՚ի ծովէ ամուր բերգով և գոգովը, այլ և ՚ի ցամաքէ. և ինչուան Աստուծոյ ժողովրդեան՝ Իսրայելացւոց՝ ձեռքէն այլ ճողոպրեց զինքը. « Եւ » Ասեր ոչ եբարձ... զբնակիչան Սիգոնի»<sup>2</sup>. վասն զի Յեսու Նաւեայ այս (Ասերայ) ցեղին վիճակեր էր զՍիգոն, զոր Մեծ<sup>3</sup> անուանէին այն առ տենն այլ. և իրմէ շատ առաջ՝ Յակոբնահապետն իր Զաբուղոն որդւոյն սահմանները ինչուան հոն կ'ընդարձակէր. « Զաբուղոն յեղերս ծովու բնա.

1 Եզեկիէլ, իկ:

2 Դատաւ. Խ. 34:

3 Յեսու ԺԹ. 28:

» կեսցէ... և ձգեսցի մինչև 'ի Սիդոն»<sup>1</sup>։ Հրեայք միշտ պատկառանքով և նախանձով կու նայէին անոր գոռոզութեանը ու զօրութեանը վրայ և կու սպառնային մարդարէից բերնով (Յզեկիէլ և Եսայի)։ և ինչուան զծովն՝ որուն առաջին իշխողն եղաւ՝ իրեն գէմ կ'ուզէին գրգռել։ «Յամօթ» լեր, Սիդոն, ասէ ծով»<sup>2</sup>։ Այսպէս ծովն քաղաքին, քաղաքն ծովուն սաստելով և իշխելով, Սիդոն կրցաւ հազարով տարիներ պերճաբար կանգնիլ իր բարձրաւանդակին վրայ, լցուիլ ծովու և ցամաքի վաճառք, և անոնց արգասեգըր յգլխնալ և շգլխալ, նման ուրիշ մեծահարուստ շահաստան քաղաքաց, որոց նման այլ զեղծման և անիծից տեղ մը դարձաւ։ Մինչև ինքնին Տէրն ծովու և ցամաքի և Աստուածն մեր, իր մարդկօրէն տնօրէնութեան ատեն՝ ոտքով կոխելով անոր սահմանները, և վարդապետութեանը մէջ ուրիշ գոռոզ քաղաքներ խրատելով կ'ըսէր. «Յթէ 'ի»  
 » Տիւրոս և 'ի Սիդոն եղեալ էին զօրութիւնքն՝  
 » որ 'ի ձեզ եղեն՝ վապու ևս արդեօք խորդով և  
 » մոխրով ապաշխարեալ էր»<sup>3</sup>։ Բայց թերևս նոյն երկրպագելի ոտքերն էին՝ որ ազատեցին ըզ-Սիդոն հիմնայասակ կործանմանէ կամ ծովուն ալկաց մէջ ծածկուելէն։

Արդտրեւ նախաինամեալ քաղաքաց և տեղերուն մէկն կ'երևի ինծի Սիդոն, և (ոչ միայն Ֆիմես, այլ) ասոր համար է որ չեմ կրնար շու-

1 Երուսղէ իթ, 13։ — Կ'ըսեն թէ այս Զաբուղոն նահապետս՝ և Սոփոնիա մարգարէն՝ թաղուած են 'ի Սիդոն։ Քաղաքին մօտ քարաբլուի մը կող շատ գերեզմաններ փորուած են, որոց մէկը հին փիւնիկեցի թագաւորի մը՝ յամին 1855 բերին 'ի Բարիզ։

2 Եսայի, ԻԳ։

3 Մատթ. ԺԱ, 21։

տով հեռանալ անկէ. զոր ոչ թողունք Յակոբայ, ոչ Յեսու և ոչ Թագաւորք Հրէից կրցան նուաճել. Նաբուքոդոնոսոր 13 տարի աշխատելով՝ երբ չկրցաւ տիրել Տիւրոսի, անոր հետ թողուց Սիդոնն այլ. մեծն Աղեքսանդր՝ բռնագոյն քան զԲաբելոնացւոց բռնաւորն՝ առաւ քանդեց ամայացուց զԾուր, բայց չդպաւ Ծայդանի. գոռոզ դուստրը՝ աւազի և ալեաց մէջ խղճեց, զմայրը շոյեց շինեց, դարձնելով անոր իր հրաժարած և մշակ դարձած Թագաւորը (Աբդողոնիմ)։ Իրմէ ետքը Յուսայ, Հռովմայեցւոց, Արաբացւոց և Թուրքաց ձեռքէն անցնելով՝ Խաչակրաց ատեն այլ դեռ չէն քաղաք մ'էր, եղեւնափայտէ պալատներով. և երբ ասոնց ձեռքն ընկաւ՝ (յամին 1111) Եւստաքիոս Կառնիէ անուամբ Փռանկ ասպետի մը տրուեցաւ, ուսկից անցաւ Իպլինեան տոհմին, ինչպէս առաջ ըսի. և թէ ասոնց ստեն և թէ վերջը, թէ և շատ փոփոխութիւն կրեց, բայց միշտ բաւական բանուկ մնաց. ինչպէս ինչուան հիմայ այլ՝ Դամասկոսի հետ վաճառակցութեամբ բաւական չէն ու բազմամարդ է։

## Դ

Ահա այս քաղաքիս և անոր երկրին տիկին եկաւ Ֆիմի. որոյ գալուստն թէ և ի սկզբան շնորհաւոր եղաւ, բայց քիչ ատենէն Սիդոն իր տիկնոջ այլ բազմաց այլ սգաւոր եղաւ։ Շատ տարի չէր (1250) որ այլազգիք կոխեր և աւրեր էին զանիկա, երբ Ֆիմեսայ գալուն սկսաւ նոր ոգի առնուլ և ծաղկիլ. վասն զի մէկ կողմէն ասոր հայրն՝ Թագաւորն Հայոց Հեթում՝ անոր պաշտպան կենար և գանձերովը կու ճոխացընէր. ուրիշ կողմէ՝ անիակնկալ բարեբաղդութեամբ՝ աւելի մեծ ազգի մեծ Թագաւոր մը եկաւ օգնական Սիդոնի,



և ազնուապէս պատուադիր անոր տիկնոջը. գերագոյնն և սիրելագոյնն Թագաւորաց Փռանկաց Սուրբն Լուգվիկ, որ նախ 'ի Կիպրոս եղած ատենն (1248-9), ծանօթացեր էր ընդ Հեթմոյ: — Այն ատենուան Թագակրաց մէջ չկայ մէկն քան զՀեթում՝ նմանագոյն Լուգվիկի՝ զգօնութեամբ, քաջութեամբ և առաքինութեամբ վարուց: Լուգվիկ յետ արշաւանացն յԵգիպտոս և պատերազմին և գերութեանն և ազատելուն, դառնալով Ասորոց կողմերը՝ Ֆիմիի հոն եկած տարին (1252), և յաջորդ տարին այլ անգործ չկենալով, սկսաւ այն երկրին բոլոր ծովեզերեայ քաղքերները նուրոգել և ամրացրնել. այսպէս կ'ընէր և Սիդոնի այլ. որոյ տէրն՝ Յուլիան իր ուրիշ իշխանակցաց նման՝ պատիւ կու սեպէր անանկ մեծ Թագաւորէ մը օգնութիւն և պաշտպանութիւն գտնելը: Հոռ անտարակոյս իր նորահարսն տիկինն այլ՝ Ֆիմի՝ պատուեց զՍուրբ Թագաւորն Փռանկաց և անոր դշխոյն՝ որ իր սկեսրին անուամբ Մարգարիտա կոչուէր: Երկու տարի անոր այցելութեամբը՝ դաւաւ իրեն նոր հայր մը. կրցաւ քննել ու զննել այն սքանչելի անձին վրայ՝ ինչ որ իր հօրը և մօր Զապելի վրայ քիչ կամ չատաեսեր էր 'ի տղայութեանն. և ինքն դեռ դալար և կակուղ հասակաւ և սրտով՝ կու տպաւորէր 'ի հոգին՝ անոր ընտիր ընտիր առաքինութեանց կերպարանքը. և անշուշտ անոր իմաստութենէն աւելի կու զարմանար բարեպաշտութեանը վրայ, որ ուր այլ ըլլար՝ անխափան իր ալօթքները և կանոնական ժամերը կատարէր: Թերեւ տեսաւ այլ Սուրբ Թագաւորին ձեռքը սաղմնսիկ մը, որ յԵգիպտոսի բանտին մէջ՝ բոլոր ստացուածքներէն և գրքերէն մէկհատիկ ստացուածք մնացեր էր, և անով իր գերութիւնը կու մխիթարէր. Թերեւ անկէ շարժեալ և ինքն դիւրագգած տիկինն Ֆիմի՝ երբ

արտամուծեան հարուածներն առաւ՝ նոյնպիսի մեխիթարանք մը խնդրեց, և ընկալաւ իր Բողոքալին՝ Երեմիքի Եւթիմի իր հօրեղբօրը։ Ո՛վ գիտէ, քանի՞ քանի՞ անգամ Սիդոնի ապարանից եկեղեցւոյն կամ մատրան մէջ՝ սուրբ Ծիրանաւոր արքային հետ Ծիրանածին տիկինն Ֆիմի 'ի Ծռնէկ իջած՝ Աստուծոյ երկրիս վրայ կատարած ամենէն ահեղահրաշխորհրդեան (պատարագի) առջև, հրաթեւեալ սրտերնին կու բարձրացընէին յերկնից յերկինս։...

Փափագելի էր մեզի այլ հիմայ հեռուանց այսպիսի հանգիսից մէջ գտուիլ յերկար. բայց սուրբ և բարի Թագաւորն՝ յերկար չէր կենար մէկ տեղ մը. անդադար մէկ մը հոս, մէկ մ'ի Տիւրոս կու փութար, անկէ յԱքքես և 'ի Յոպպէ։ Այս ետքի քաղաքս եղած ատենը՝ յամին 1253, գոյժ հասաւ իրեն, Թէ Թշնամիք կու սպառնան Սիդոնի. Սիդոն պաշարուեր է, Սիդոն առնուեր է. արիւն և կրակ կու լափեն զՍիդոն։... Արգեօք ի՞նչ եղաւ մատղաշ բամբիշն. ո՛ւր փախաւ, ո՛ւր ամրացաւ Ֆիմի. և եթէ սուր և հուր չհասան այլ իրեն, հապա վախն ու գութն ինչնր չեն հասցըներ։ — Փութա՛, վազէ՛, սուրբ Թագաւոր, գուցէ հասնիս ու հալածես այն անօրէնները՝ որ քու իսկ դեռ նոր դրած շինութեան քարերդ կու քանդեն... Թող հիմայ անոր հօրաքրոջը ապարանքը (Յոպպէի կոմսուհւոյն), և փութա՛ զինքն ազատելու. անոր Թշնամիքն՝ քու այլ Թշնամիքդ են. և Թերես աւելի քուկդ՝ քան Թէ անոր. կարծեմ՝ Թէ քու վրէժդ կ'ուզեն անկէ առնուլ. և փոխանակ քաջ հաւուդ՝ տկար վառեկի մը հետ կու զարնուին։

Յիրաւի Թշնամեաց այս արշաւանքս կերպով մը Ս. Լուգվիկի համար էր. և կերպով մը Լուգվիկ պարտական էր պաշտպանութեան Սիդոնի և

անոր տիրոջ ու տիկնոջը (Ֆիմայ)։ Վասն զի պէտք է գիտնաս, Հայկակ, որ երբ Ս. Թագաւորն գերութենէն դարձաւ՝ հաշտութեան դաշինք գնելով զինքը գերող Եգիպտոսի սուլտանին հետ, (որ արեւելեան քրիստոնէից ամենէն մեծ և ահաւոր թշնամին էր), ուրիշ այլազգի իշխանք և սուլտանն Հալէպի և Դամասկոսի՝ նախ սմբէցան. վերջը այս եպօրնս՝ սկսու գաղտուկ գրգռել զԼուգվիկ՝ որ միաբանի իրեն և քրիստոնէայ իշխանաց հետ, ու Եգիպտոսի սուլտանին դէմ ելլեն։ Սուրբ և հաւատարիմ Թագաւորն մերժեց անոր վատ և խարդախ խորհուրդը, և քանի որ Մարայ սուլտանն իջ դրած գաշինքը կը պահէ, ես այլ պարտական եմ, կ'ըսէր, պահելու իմ խոստմունքս։ Տեսաւ Հալպայ սուլտանն (Մէլէք-էլ-Նասր Եոսսուֆ) որ մէկ կողմէն Եգիպտոսի սուլտանն՝ դաշանցը համար յեա՝ պիտի կենայ քրիստոնէից փնասելէն, մէկայլ կողմէն Փռանկաց Թագաւորն՝ թէ և չիպատեցողմիր՝ բայց քրիստոնէից երկիրները կ'ամրացնէ. իսկ ուրիշ և իրեն աւելի մօտիկ կողմէն՝ Թագաւորն Հայոց՝ Թաթարաց հետ բանագնաց կ'ըլլայ. արդէն անոր եղբայրն Սմբատ գունդստապլ դարձեր էր մեծ զանին քովէն, և հիմայ ինքն Հեթում կու պատրաստուէր երթալու, և իրեն ու քրիստոնէից օգնական բերելու Թաթարաց անդիմանալի զօրութիւնը, որոյ առաջին հարուածը՝ այն քրիստոնէից մօտ տեղուանքը՝ ինքն Հալէպի սուլտանն պիտի առնուր։

Արդ երբ յուսահատեցաւ նա Սուրբ Թագաւորը հրապուրելէն՝ ռխացաւ անոր, և ինչպէս ամեն վատ կ'ընէ՝ դարձաւ իր հրապուրածին դէմ, ու դարձնել ջանաց զԵգիպտոսի սուլտանն այլ, որոյ դէմ կ'ուզէր ինքն երթալ։ Երկու անիրաւքն այլ գտան զիրար. բայց Մէլէք-էլ-Աշրաֆ-Մուսա

(Մարայ սուլտանն) աւելի խոստապահ կամ աւելի խորամանկ էր, տեղէն չյարժեցաւ, սակայն գաղափուկ հաւանութիւն տուաւ ընկերին. այն ատեն Նասր ձայն տուաւ իր սահմանաց մէջ և մօտերը բնակող Թիւրքմէնից. ու իբրեւ իր երկու թշնամի բարեպաշտ Թադաւորաց վրէժը մէկէն առնուլ ուղեւոր՝ յանկարծակի վազեց Սիդոնի վրայ, որ Դամասկոսէ (Շամ) հազիւ մէկ երկու ասուր ճամբայ հեռու է, իսկ 'ի Յոպպէէ (Եաֆա), յԱնտիոքայ և 'ի Սոյ, ուր զօրաւոր իշխանքն քրիստոնէից՝ Լուգվիկ, Հեթում և Պեմունգ գտուէին՝ շատ աւելի հեռու:

Անակնկալ և ահաւոր եղաւ ասպատակն ու աւերակն. Սիդոն դեռ բաւականամորութիւն չուներ. կոխան եղաւ թշնամեաց, որք անոր ցամաքային բերդն այլ առին աւրեցին. վազեցին նաև ծովային բերդին վրայ, ուր անշուշտ ապաւինեալ էր և տիկինն Ֆիմի. բայց հոս՝ ծովն ամրացաւ և չամրացուց զՍիդոն, հապա մանաւանդ յիշեց և կատարեց իր հին խօսքը. «Ո՛հ երկնեցի և ո՛հ ծնայ» և ո՛հ սնուցի երիտասարդս, և ո՛հ բարձրացուցի» կուսանս»<sup>1</sup>. որոց մէջ հիմայ բարձրագոյն բաղմած դեռ կուսագեղ տիկինն Սիդոնի, ծովուն ալիքներէն աւելի՝ աղօթիւքը կու պաշտպաներ բերդին: Յետ քաշուեցան արիւնարթու և աւերածու թշնամիքն, բայց չարաչար նշաններ թողլով իրենց գազանութեանը. 800 հոգի սրակոտոր եղած սփռած էին Սիդոնի մէջ և ճամբուն վրայ, 400 հոգի այլ երկաթի զարնուած և գերի վարած<sup>2</sup>, շատ շէնքեր այլ աւերած:

Ասոնց մէջ չեմ տարտկուսիր որ Ֆիմի իրեն

<sup>1</sup> Եսայի, ԻԳ:

<sup>2</sup> Ըստ ոմանց 2000 գերի այլ լարգեցին քշելու տեսնին:

պալատէն աւելի կուսիրէր մատուռ մը՝ քաղ-  
քին արեւելեան դրան քովէրը՝ որ Շամայ ճամ-  
բուն վրայ կուենայի. մատուռ մը՝ զոր նախնի  
քրիստոնէից բարեպաշտութիւնն կանգներ և դա-  
րուց դար աւանգութեամբ պահէր ու պատուէր.  
մատուռ մը՝ որ և հիմայ այլ կեցած պատուի,  
թէ և փոփոխեալ 'ի մզկիթ, Նէպոլի-Սիբուս կու-  
չուած: Այս շէնքս այն տեղն է շինուած՝ ուր 1200  
տարի յառաջ քան զՅիմի՝ իրեն համասեռ Փիւ-  
նիկեցի մը, մայր մը, մեծ տրտմեալ սիրտ մը՝ կե-  
ցեր կուլար ու կանչէր, կ'ուզէր բժշկել իր սրտին  
սիրուն կտորը, չարաչար տանջուած ու լլկուած  
աղջիկը. — շատերն լսեցին ձայնն ու լացը, և ոչ  
ոք կրցաւ օգնել. և միայն կրցողն այլ չուզեց: Ա-  
րարիչն ամենեցուն՝ այն ատեն հոն մարգգորէն  
քալելով կ'անցներ. լսեց ու չլսելու զարկաւ...  
Բայց ո՞վ զօրութիւն հաւատոց, ո՞վ մեծութիւն  
սիրոյ, դու գրեթէ աստուածային հնարից այլ  
յաղթեցիր: Ասորի կինն ճանչցաւ զՔրիստոս. և  
պահանջեց ինչ որ իր ցաւոց և անոր ողորմու-  
թեանը կու վայէր. « Ողորմեաց ինձ, որդի Դաւ-  
» թի, գուտոր իմ չարաչար այսահարի »<sup>1</sup>. Քրիս-  
տոս լռութեամբ կ'երթար. կինն ետեւէն առջեւէն  
աղաղակելով կ'արգելուր. Քրիստոսի աշակերտ-  
ներն կ'աղաչէին, կինն առաջ անցնելով գետին  
կ'ընկնար, « երկիր պագանէր նմա և ասեր. Տէր,  
» օգնեա ինձ »: — Քրիստոս կ'ըսէր թէ ինքն Հը-  
րէից բժշկութեան համար զրկուած է, որք Աս-  
տուծոյ ընտրած որդիք սեպուած էին, և թէ  
որդւոց պատրաստուած հացը՝ չէր վայէր շու-  
ներու տալ: — « Այո՛ Տէր », խոստովանեցաւ  
մեծահամբեր և մեծիմաստ կինն, այո՛ Տէր, բայց  
« եւ շունք 'ի փշրանաց սեղանոյ մանկանցն կե-

<sup>1</sup> Մատթ. Ժե:

» րակրին » : — Ո՛հ, ներէ մեզի այլ ըսելու, ' ով Տէր մեր, որ կարծեմ հոս քու գլխութեանդ աւելի գժար եկաւ համբերելն, քան թէ այն տառապեալ կնկան՝ իր ցաւոցը. և այլ չէիր կրնար ուշանալ կանչելու, « Ո՛վ կին գու, մեծ են հաւ » ւառք քո. եղևցի քեզ որպէս և կամիս : Եւ » բժշկեցաւ գուստր նորա 'ի նմին ժամու » : — Ահա այս գերազբանչ գորովալի տեսարանին տեղն էր, ուր իսկապէս և մարմնապէս կեցաւ Աստուածն մեր Քրիստոս, և ուր կրին Փիւնիկ Ասորի՝ ընկաւ իր ոռքը. այս տեղս էր կանգնած այն մատուռն և հիմկու մզկիթն, ըստ բարեպաշտ և հաւանելի աւանդութեան. և ուր հաւատացելոց հետ ստէպ այցելութեան և ազօթից կու գար՝ Փիւնիկն հաւատոց և ցաւոց ժառանգն Ֆիմի. և հիմայ այլ անշուշտ իր քաղքին և ժողովրդեան կոտորածոց վրայ կոտորուելով՝ մայրօրէն ցաւակցութեամբ սրտանց կ'աղաղակէր առ Փրկիչն, « Տէր, օգնեա՛ ինձ » :

## Ե

Հոս մարգասէր Տէրն մեր յօգնութիւն կամ 'ի միեթարութիւն հասուց զլուգվիկ, որ գոնէ աւելի մեծ վտանգէ աղատեց զՍիդոն. անշուշտ իր գալստեանը կտակածով՝ փութացեր փախեր էին թշնամիքն 'ի Պտնէաս (կամ 'ի Կեսարիա Փիլիպպեայ, ըստ աւետարանին). ուր գունդ մը քաջաց խուրեց հալածեց զանոնք և քաղաքը առաւ : Իսկ ինքն կուշտապէր գուլ 'ի Սիդոն. որոյ հարուածէն ետե քանի մ'օր անցեր էր, և դեռ անթաղ մնացեր էին սպանեալքն. և արդէն սկսեր էին գերեզմանի մէջ տունելու կերպարանքին փոխուիլ : Զկրցաւ սուրբ թագաւորն արտասուէք բռնել. և նախ իր հետն եղող Ս. Պապին նուի.

րակին՝ գերեզմանի երկիր մը օրհնել տուաւ, վերջը դարձաւ իրեններուն՝ հրամեց որ թաղեն: Ասոնք՝ որ աւելի թշնամի ջարդել փափագէին քան թէ ընտանի թաղել, և իրենց առաջնորդին սիրտը չունէին, պժգացին զգուեցան, երեսնին յետ դարձուցին. վատք քան զՄարթա՝ ըսելով, թէ « Հոռեալ իցէ, քանզի չորեքօրեայ է »: Այն ատեն Լուգվիկ իր սիրոյ և սրբութեան պանծելի գործոց մէկն հոս ցուցուց. ձիէն վար ցատքեց և առջի հանդիպած դիակը վերուց շալկեց թագաւորական թիկանցը վրայ, և իբրեւ խուրձ մը գեղնած ցորենոյ պարկի մէջ դնելով՝ տարաւ ինչուան գերեզմանոցը, իջուց փոսին մէջ, թաղեց, ծածկեց, կնքեց կաթիլ մ'արտասուօք: Հինգ օր այսպէս աշխատեցաւ մեռելակրութեան. ոչ միայն առանց գանելու, այլ նահատակաց մարմին սեպելով՝ կրելու ատեն ծոմ կու պահէր և յարգութեամբ կ'իջեցընէր զանոնք իրենց քնարանը: Այս օրինակէս զարնուած զօրքն և վարձկանք՝ հետեւեցան իրենց ախրոջը: Ծովածին Սիդոնի բարձրացեալ երիտասարդքն և կուսանքն՝ վերջապէս հանգչեցան ի հայրենի հող մահուն:

Ուրիշ գեղեցիկ և համանման գործ մ'այլ ըրաւ այն մեծ և եղբայրասէր թագաւորն ի Սիդոն. տեսնելով որ իր նորոգութիւններն նորէն աւրուեր են, քաջալերեցաւ աւելի ամուր շինելու. և հոս այլ իրեններուն օրինակ տալով ժրութեան՝ հասարակ մշակի պէս սկսաւ կիր ու ծեփ շաղուել և քարերը կրել, պատերը հիւսել:

Այն ձմեռուան (1253-4) գրեթէ մեծ մասն հոս ի Սիդոն անցուց Լուգվիկ. և դեռ կ'ուզէր կենալ և շէնքերը պսակել, երբ իրեն այլ յանկարծ հասաւ տրտմագին հարուած մը: Օր մը յանկարծ Յոբայ երեք բարեկամացը պէս եկան իրեն՝ իր խոստովանահայրն, Պոպին նուիրակն

և Տիւրոսի արքեպիսկոպոսն. իմացուցին զմահ իր մօրը, Պլանշ դշխոյի, զոր և թագաւորութեանը տեղակալ գրեր էր, սովորականէ աւելի կուսիրէր և յարգէր: Խիստ սաստիկ ցաւ զգաց, բայց սրբութեամբը ծածկեց. և մէկէն ընկաւ իր մաարսնը մէջ՝ ուր լսեց այս գոյժը, գոհացաւ զԱստուծոյ՝ որ այնքան ատեն իրեն պարգևեր էր այնպիսի մայր մը. և հանգստեան պաշտօն ընել տալէն ետև՝ փութացաւ ժողովեց մարդիկը, և ուրիշ ատենի թողլով սուրբ Երկրին ազատութեան հոգը, տուաւ վերջի ողջոյնը իր ասօնջական տիրոջ և տիկնոջ, և ամենայն քրիստոնեայ իշխանաց և բազմութեան հաւատացելոց. որք ետևէն գացին մինչև յԱ.բ.բեա, և մեծ տրտմութեամբ յուզարկեցին նաւով 'ի Կիպրոս, ուսկից նաւեց դարձաւ 'ի Գաղղիա:

Այս դիպուածս համառօտիւ յիշէ մեր ժամանակագիրն (Մաղաբիա) 29. (1253-4) «Ռէ տէ Ֆրանցն (Լոյզ կամ Լուիզ) վերստին շինեաց ըզ» Սայտայ և գնաց յաշխարհ իւր». ինչպէս յառաջ այլ Յոպպէի համար յիշէ. «20. (1252-3). «Ռէ տէ Ֆրանցն շինեաց զՃաֆն»:— Հիմակուան Սայտայի բարձրագոյն մասին վրայ կիսաւեր մեծ սշտարակ մը կայ. մնացորդ շինուածոց կամ նորոգութեանց Ս. Լուդվիկի:

Պէտք չէ տարակուսիլ՝ որ Լուդվիկի երթալուն վրայ ամենէն աւելի ցաւոյաց մէկն եղաւ Ֆիմի, որոյ գիտէր սրտին այս այլ կակուղ հարուած մ'էր. և այնչափ աւելի էր հոգն ու վախն՝ որչափ որ նոյն տարին իր հայրն Հեթում թագաւոր այլ ելաւ գնաց երկար ճամբով 'ի Թաթարստան. ուսկից ինչուան որ իր տեղը դարձաւ դադարելու՝ տարիներ անցան: Բայց այն քանի մը տարիները, (և մինչև 'ի 1260 տարին) անվաւանգ կ'երևին. վասն զի 'ի Հայս կառավար և պահա-



պան կեցեր էր Ֆիմի պապն, մեծախելք Թագա-  
ւորահայրն Կոստանդին, իր մէկայլ կտրիճ որ-  
գւօքն. ուրիշ կողմանէ այլ Թաթարաց գալուն  
վախն կու զսպէր զայլազգիս՝ որ քրիստոնէից ա-  
ւելի մնաս չհասցընեն, որպէս զի իրենք այլ ա-  
ւելի մնաս չկրեն:

## Զ

Այս տարիներուս մէջ ծլեցաւ ծաղկեցաւ Ֆի-  
մի իր զաւակօքը, որ երեք միայն յիշուին. երկու  
մանչ, զորս Յուլիան իր հօր և հօրեղբօր անուամբ  
կոչեց, և մէկ աղջիկ՝ զոր իր մօրն անուամբը: Ա-  
սոնց անուանքն այլ իրենց մօրը հետ վայելչաբար  
և փաղաքշաբար նշանակուած կու գանեմ՝ ար-  
քայեղբօր Յովհաննու Էկեօք, իր ընծայած նա-  
խայիշեալ գրքին մէջ. ահաւասիկ.

« Զիմաստութեամբ լցեալն և զամենայն բարեմեու-  
թեամբ զարգարեալն, զսիրողն Առաւծոյ և զսպասա-  
ւորն ամենայն ծառայից նորա, զարքածին բամբին Ֆի-  
մի, և զառաւանձապարզ և զաւակն նորին՝ զՊաւլոս  
և զՃուսն և զհեղանազն Մարկոսն<sup>1</sup>, յիշեցէք ի Քրիս-  
տոս Առաւած » . և այլն:

Մարկոսն հեղանազ դատրիկն Ֆիմեայ՝ հարս գը-  
նաց Կուխտոնի կամ Կիայ՝ Ժիպլէի տիրոջ, որ է  
հինն Գեֆաւ Ս. գրոց կամ Բիւբլոս Յունաց, հիմայ  
Ճէպիւէ կամ Ճէպայիւ կոչուած<sup>2</sup>, որ այն ատեն Իպ-

1 Մամուկ Մարգարիտ անուան փաղաքշականն է:

2 Պերուլթէն վեց եօթն ժամ հեռու գէպ ի հիւսիս,  
ծովեզերքը: — Այս Կի՝ Մարկոսնի երիկն՝ յամիս 1282  
հրամանաւ Տաճարականաց կարգապետին փորձեց առ-  
նուզ զՏրիպոլիս քաղաքը, և անոնց մասնութեամբը չկը-  
ցաւ առնուլ. և գրեց այս գիպուածին պատմութիւնը՝ որ  
կու պահուի ինչուան հիմա:

լինայ պէս փռանկ տէրութիւն մ'էր. այն տե-  
րանց մէկուն դուստրը կին առաւ Պալիան՝ ան-  
գրանիկն Ֆիմիի, և երկու աղջիկ ունեցաւ. որոց  
մէկն անուանեց իր սիրելի մօրն անուամբ Ֆիմի,  
որ յետոյ եղաւ կին Հելմայ Դարաշխափ. (սա էր  
Թոռն Հեթմոյ՝ եղբօր Ս. Ներսիսի Լամբրոնա-  
յւոյ):

Աւելորդ է ինծի խօսքով խորհրդածելն՝ որ Ֆի-  
մի իրեն մեծ հոգ ըրեր էր իր զաւակաց (Թերևս  
և Թոռանց) կրթութիւնը, և կու ջանար զանոնք  
այլ իրեն պէս զարդարել ամենայն Բարեխաւեամբ.  
իրեն պէս ընել սիրողս Աստուծոյ և Ժառայից  
նորա: Այս բաներս Թէ և հօրեղբօր մը բերնով  
և ձեռքով գրուած են իրեն համար, սակայն գրո-  
ղին սուրբ և բարձր աստիճանն և վարքն վկայ՝ որ  
ճշմարտութեամբ պատշաճած են անոր. և կու  
յայտնեն՝ որ այն ատենուան բազմաթիւ մանր  
տէրութեանց տիկնայց մէջ առաջիններէն մէկն  
էր (և մեզի ծանօթից մէջ առաջինն) Ֆիմի, ի-  
մաստութեամբ և բարեպաշտութեամբ արգարե  
լցեալ և զարդարեալ: Եւ ասոնք էին մեծ զէնք և  
դեզք հարուածոց և արտմութեան զիւրազգած  
և գթասէր սրտին. իր ծնողաց և Ս. Լուդվիկի օ-  
րինակներն՝ իրեն կենդանի հայելի մ'էին նմանու-  
թեան. և Թերևս անոնց այլ՝ ամեն բանէ աւելի՝  
հանդիպած փորձանքներն և վիշտերն եղան մեծ  
առիթք բարեպաշտութեան և սրբութեան: Ա-  
մենուն, բայց աւելի իշխանազանց և մեծատանց  
համար հարկաւոր կու ճանչնայ մեր սուրբ կրօն-  
քըն՝ այսպիսի հարուածներ, որ զիրենք ցնցելով՝  
քոկեն աշխարհիս ունայնութեանց և պաճուճա-  
նաց կոչուն փափկութիւններէն, և լաւագոյն  
կենաց և աշխարհի ստոյգ և անանց բարեացը փա-  
փագեցընեն: Գուցէ նուազ կ'ըլլար 'ի Զապել, 'ի  
Հեթում, 'ի Լուդվիկ և 'ի մերս Ֆիմի՝ այս սուրբ

փափագս, եթէ վտերնին այլ պակաս ըլլային: Ուրեմն անվախ բնորոշեց քննեց թէ ուրիշ ինչ փորձանք ու ցաւեր եկան ասոր. մանաւանդ թէ թողունք որ դան, և այլ աւելի փորեն խորցընեն, բարակցընեն և զսրդարեն այն ազնիւ սիրտը:

## Է

Յիմիի քանի մը տարի հանգստեան միջոցը՝ մեծամեծ քաղաքական դիպուածք եղան յարեւելս. հայրն՝ Հեթում՝ դարձաւ ՚ի Թաթարաց. մեծ (Մանգու) խաքանին եղբայրը՝ ահաւոր Հուլալու զանը՝ բիւրաւոր զօրօք ետեւէն բերելով, որ քանի մը տարուան մէջ՝ քրիստոնէից նեղութիւն տուող բռնաւորները և տէրութիւնները ջնջեց. նախ Հաշիշի կամ Աւազակաց ըսուած բռնաւորը. յետոյ Պաղտատու հին և մեծ ամիրապետութիւնը (1258). վերջը (1259-60) Սիգոնը աւեր և արին դարձնող Հալպայ և Շամայ սուլտանը (Մէլէք-էլ-Նասըր), բռնեց և գերի զրկեց ՚ի Պարսկաստան. ու անկէ նուաճած երկիրները դարձուց տուաւ Հեթումի և ասոր փեսային՝ Անտիոքայ իշխանին: Մնաց միայն Եգիպտոսի զօրաւոր սուլտանն. ասոր վրայ այլ կու պատրաստէր յարձրկելու՝ Հայոց և Լատինաց օգնականութեամբ, երբ հասաւ իր եղբոր (Մանգու զանի) մահուան լուրն, ու փութացաւ Հուլալու դառնալ յարեւելս մեծ զանին ընտրութեան համար. — արեւմտեան կողմերուն (յԱսորւոց երկիրը) պահապան թողլով զօրօք՝ Քիթրուղա կամ Քէթուպօղանոյին զօրավարը: Ասոր համար մեր Հեթում Պատմիչն կ'ըսէ թէ, Քրիստոսի երկրպագութեան եկող մոգուց ցեղէն էր. և բարի ու քրիստոնէասէր ըլլալով՝ սկսաւ խաղաղութեամբ կառավարել:

րեւ իրեն յանձնուած կողմերը<sup>1</sup>։ Դժբաղդաբար քրիստոնէից կողմէն եղած անխոհեմութիւն մը՝ մեծ շփոթութեան և փնասու պատճառ եղաւ, և նոր ցաւոց՝ մեր Սիգոնի տիկնոջ։ Վասն զի այս տէրութեան երկրին մէկ մասն՝ որ ինչպէս առաջ յիշեցի, Պէլֆորդ կ'ըսուէր<sup>2</sup>, Շամայ երկրին սահմանակից էր, և բնակչաց մէկ մասն այլ թուրք էին, որք հիմայ զսպուած 'ի Թաթարաց' ասոնց տուրք կու տային. և անշուշտ ութ տարի առաջ Սիգոնի վրայ ասպատակողաց ընկեր էին։ Հիմայ Սիգոնացի և Պէլֆորդեցի տաքդուխ մարդկանց մէ ոմանք՝ կամ հին վրէժն առնըլու համար, կամ նոր առիթ մը գտնելով՝ այս թուրքաց գեղերն ու արտերը կոխեցին, աւրեցին, ոչ տառնց սպանութեան տեղացեաց, որոց մէկ մասն այլ իրենց ստանցուածով և անասնովը գերի քաշեցին։ Մօտերը ձիաւոր Թաթարաց ազգի գունգ մը կար Քիթբուղայի քեռորդւոյն կամ եղբորորդւոյն հրամանին տակ. մէկէն վազեց այս կարիճն Սիգոնացոց ետեւէն, պատուիրելով որ գերին և աւարը թողուն. անոնք իրենց անշահ յաղթութեան և աւարներուն վայելմամբ տաքցած և գինովցած, աւելի մեծ յանդգնութեամբ և կուրութեամբ Թաթարաց այլ գէմ գարձան, և քանի մը հոգի ըսպանեցին. անոնց հետ մէկտեղ կտրիճ առաջ նորգնին այլ։

Դեռ Թաթարաց քարկութեան և վրէժխնդրութեան փորձն առած չէին քրիստոնէայք. Քիթբուղա՝ հոս ոչ անարդար իրաւամբք քալեց կո-

1 Քերայիդ Թաթարաց ցեղէն էր, որոց մէջ շատոնց մօտեր էր քրիստոնէութիւն։ — Տ'Ոհան։

2 Յանուն բերդաւանին, որ հիմայ Թուի Քիւլաթ-է-է-է-է-է-է, Լիբանան լեռանց հարաւային ստորոտը, Շահ-է-Լիպանի (Լէոնդ) գետոյն եզերքը։

խեց աւրեց Սիդոնացւոց սահմանները, և նոյն իսկ քաղաքն այլ առաւ. նորաշէն պարսպաց մեծ մասը քակեց, ցամաքին բերդը փլուց, դէպ 'ի ծովային բերդը դիմողներէն մէկ քանին այլ սպաննեց. բայց այս բերդս ծովով չըջապատած և պաշտպանած ըլլալով՝ չկրցաւ առնուլ: Հոն գարձեալ ապաստանած տիկինն Ֆիմի՝ որսորդէ փախած և ծառին բարձրագոյն ճղերուն մէջ պահուրտած թռչնոյ պէս կու սարսէր սարսափէր. և թերևս ազատելու հնարք չէր տեսներ, թէ որ անակնկալ դիպուած մը չհեռացընէր անկէջ զԹաթարս:

Հուլաղուի հեռանալը և թողած Թաթարաց քիչուորուծիւնը լսելով Նգիպտոսի սուլտանն 'Բուգդուզ՝ յարձակեցաւ 'ի Պաղեստին. Քիթբուղա՝ ցրուած զօրքերը ժողվելով՝ գէմն ելաւ. հասան իրարու՝ Նապլուսայ (Սամարիոյ) մօտ Այն-Ճալուծ (Ալբիւր Գողիադայ) ըսուած տեղը. սաստիկ եղաւ պատերազմն. Քիթբուղա մեծ քաջութեամբ կռուեցաւ և աւելի մեծ կորճութեամբ մեռաւ: Թաթարներն՝ որ առաջի անգամ էր որ կու յաղթուէին, հալածեցան Ասորւոց երկրէն գուրս, որուն տիրեցին Նգիպտացիք, բաց 'ի քանի մը ծովեզերեայ քաղաքներէ, որոց մէկն այլ էր կիսաւեր դժբաղդ Սիդոնն:

Ասոր տէրն Յուլիան՝ որ տասն տարի չտիրած՝ երկու երեք անգամ տեղւոյն աւերիլը տեսաւ, հիմայ այլ երկու կողմէն մեծ վտանգի մէջ գտուելով՝ թէ յՆգիպտացւոց և թէ 'ի Թաթարաց, և նորէն ոչ Ս. Լուգվիկի մօտաւոր գալստեան յոյս ունենալով, և ոչ աներոջը (Հեթմոյ), առանց ասոր խորհուրդ հարցընելու՝ յուսահատական հընարք մը մտածեց, որոշեց, կատարեց: Սիդոնն այլ Պէլֆորգն այլ իրենց սահմաններովը ծախեց Տաճարական ասպետաց. «Ճուլիան Սոյապու, » աւերն՝ ծախեաց Դամիլուն զՍայխէն և զՊիա-

» Ֆորզն », կ'ըսէ մեր ժամանակագիրն : Այս բանին վրայ շատ դժարեցաւ Թագաւորն Հեթում՝ Թէ Յուլիանու և Թէ անոր երկիրը գնող ասպետաց, որք կերպով մը իր դատեր իրաւանց այլ կ'անիրաւէին : Անշուշտ Հեթում իրաւունք ունէր, բայց Յուլիան այլ իր գլխին ճարը հոգալու կու ստիպուէր . մանաւանդ որ ուրիշ իրեն նմաններէն այլ կային նոյնպէս մտածողք : Իրմէ քիչ մը վերջը (1261) իր ազգակիցն Պալիան՝ տէրն Արսուֆայ (որ նոյն Փիւնիկիոյ եղբրքը Նաֆայի մօտ ուրիշ ամուր քաղաք մ'է) իր երկիրը ծախեց Հիւրընկալ (Հոսպիտալի) ասպետաց : Քառնի մը տարի ետեւ (1268) Պիպարս Փնտուխտար սուլտանն Եգիպտոսի առաւ զՊէլֆորդ բերդաքաղաքը . նոյն տարին առաւ և զԱնտիոք այլ, որոյ տիկինն էր քոյրն Ֆիմեայ :

Այս ամէն դիպուածքս մէկմէկ հարուածք և առիթք էին տրտմութեան իր սրտին . և մանաւանդ երկու տարի առաջ (1266) հանդիպած կսկծալին, իր եղբոր՝ Թորոսի՝ սպանուիլն յԵգիպտացւոց՝ պատերազմի մէջ, և միւս եղբոր Լևոնի (Գ) գերութիւնը, ու հօրը մեծ տառապանքը՝ ինչուան որ ազատեց զնա : Այս ցաւալի տարիներուն մէջ՝ Ֆիմի անշուշտ ապաստանած էր իր հօր Թագաւորութեան երկրին մէջ, և անոր սգակից կ'ըլլար, հետզհետէ կրելով և իմանալով ինչ որ « սեփական է մարդկան, նժգեհուութիւն և » պանդըխտութիւն և փորձանք » : Թէպէտ քիչ մը վերջը բոլոր Կիլիկիոյ և իր արքունի ընտանեաց հետ ուրախացաւ՝ ազատութեամբ Լևոնի (1268), բայց եղբայրը գտնելով՝ գրեթէ հայրը կորուս . վասն զի Հեթում զորդին Թագաւորեցընելով՝ ինքն հրաժարեցաւ ի Թագէ և յաշխարհէ, և կրօնաւորելով՝ քիչ ատենէ մեռաւ, (28 հոկտեմբ. 1270) : Նոյն օրերը հառաւ և Ս. Լուդվի.

կի մահուան լուրն, որ երկու ամսով յառաջ վախճաներ էր (25 օգոստ.) : Այսպէս գրեթէ երկու հօր սուգ ու ցաւ մէկտեղ կրեց Ֆիմի : Անոնցմէ առաջ վախճաներ էին իր հօրեղբարց մէկ քանին, և աւելի առաջ (1262) անոնց նահապետական հայրն՝ Կոստանդին :

Բայց իր սրտին մերձագոյն և մասնակից անձն, իր ամուսինն՝ Սիգոնը ծախելէն 15 տարի ետև « Մեռաւ Ճուլիան, Սայաայոյ տէրն » (1275) ըստ ժամանակագրին . այն ասարին՝ որ Կիւլիկիոյ մէջ սաստիկ սով և մարգամահ այլ եղաւ<sup>1</sup> : Յուլիան իր տեսած և կրած փորձանքներէն և գուցէ իր կնոջ և աներոջ բարեպաշտութենէն յորդորուելով՝ կամաւ թողեր էր իր աշխարհային փառքը . նախ Տաճարական ասպետաց կարգը մանելով, յետոյ Երրորդութեան ըսուած կրօնական կարգը, յորում և մեռաւ Աբքեա քաղքին մէջ, իր այրւոյն սրտին մեծագոյն վէրք և տրամուլութեան առիթ թողլով :

## Ը

Այլ միթէ նուաճ կսկիծ եղած էր անոր մայրենի սրտին՝ կորուստ իր կրսեր և կայտառ որդեկին . ինչ լայն և խոր պատառուածք բացաւ այն անիւ սրտին մէջ՝ տարաժամ և տարադէպ լուր մը, թէ քու ջաջուռ ու ճօճուն Ճուանդ չկայ... մարեցաւ անոր լուսաւոր արեակն : Արդարեւ ջուրք մարեցին, ընկղմեցին, խեղդեցին զՃուան . — անոնց մէջ լուացուելուն կամ լողալուն ատեն, թէ անոնց վրայէն անցնելուն : — Գիտցածնիս այս է, որ օր մը Ֆիմեայ առջև բերուեցաւ փառեցաւ Ճուան երկայն հտսակաւը, գետէն հանած ջու-

1 Վահրամ :

շանաց շալակի մը պէս. — ջրերն՝ որ իր այնքան շնորհքը քաղեր կլլեր էին, անշուշտ մէկ կակուղ և խոնաւ շնորհք մ'այլ դեռ թողեր կամ տուեր էին կերպարանացը. զոր փոխանակ կէս ծածկելով՝ բողբոլվին բաց թողուին գազաթէն վար կախուած քամուած ու մէկ փունջ եղած խարտեաչ գիտակներն... դեռ ամեն բան լման և նոյն կուտեններ Ֆիմի՝ իր ճուռնին վրայ. միայն չշարժելէն և իր վիզը չպլլուէրէն հաւաաաց մայրն՝ որ որդին անշնչացեր... մեռեր է. « Եւ եղեւ զաղիս նորա » : ...

Թողունք այս պժգալի տեսարանը, որ եթէ սրտակտուր է ամեն հանդիպողի, ինչ պիտի ըլլայ մօր մը արտին և Ֆիմիի պէս մօր մը : ... Հոս ձեռուընիս կու կապուի, չրթունքնիս կու փակուին. հոս՝ արդարև միայն միեթարանք ու անդորր կըրնայ տալ տոյն՝ Ուր ամենահարն է : Իջիւր արդ հիմայ, ո՛վ բարի հօրեղբայր, իջիւր քու Բարձրբերդի սուրբ դիտանոցէդ, և բեր քու թոռնէիդ այդ Ամենահնարին ներշնչեալ սուրբ պատգոմները, բեր քու ձեռագիծ գրքոյիդ, և փորձով Թողովուլին ու փորձանօքն Յոբայ՝ սփոփէ այդ իրաւացի տրտմեալ սիրտը : Ահաւաղիկ մէկ յիշատակարան մ'այլ արքայեղբօրն Յովհաննու առ Ֆիմի, նոյն գրոց մէջ, ոտանաւոր չափով <sup>1</sup> . .

Յաստուածային սէրըն հարեալ

● Սա՛ որ հըրով նորին վառեալ,

Որ եւ ըզտսուս այս ըստացեալ

Բամբիշըն մեծ՝ Ֆիմի կոչեալ.

Հեթմոյ քաջի նա՞դուստըր լեալ,

Որ էր արքայ Հայոց օծեալ.

<sup>1</sup> Որոյ անագլուխ տառերն կապեն Յոհաննէս... տառի :



Անցաւոր զայս ծանուցեալ,  
 Անանց թագին այն բաղձացեալ.  
 Նորափետուր սովաւ պըճնեալ  
 Լի լապտերօք ընդառաջեալ.  
 Նոր փեսային է հարսնացեալ,  
 Մըտից դրախտին արժանանալ:  
 Եղկելիս սովաւ թախծեալ  
 Երկամբք մատանցս ըզսա ստանալ.  
 Սակս որոյ ի մի գործ սկըսեալ  
 Փոքր ինչ յայլոց օժանդակեալ:  
 Ստացողք վերջոյ եւ որք օգտեալ՝  
 Հայցեմք բարի մասըն մեզ տալ. և այլն:

Այն տարին որ Ֆիմի այրիպցաւ՝ իր աւելի բարձրիշխան քոյրն այլ՝ Զապլուն՝ այրի մնաց մահուամբ բռնձին Անտիոքու՝ Զ Պեմոնդի, (1275, մայիս 11), որոյ տղահասակ որդւոյն (Է Պեմոնդի) խնամակալ եղաւ ինքն մայրն. և հաւանօրէն 14 տարի ետքը տեսաւ իր և անոր տէրութեան բոլորովին վերջանալը, երբ Քէլաուն կամ Քալիլ Աշրաֆ սուլտանն Նգիպտոսի՝ առաւ զԱնտիոքու վերուց անկէ քրիստոնէից 200 տարուան պաշտօնաւթիւնը: — Իրեք տարի վերջը (1291) մէկայլ Զապլունն այլ (իրենց եղբօր՝ Գ Լևոնի որդւոյն) տիկինն Տիւրոսի՝ զըկեցաւ իր տիկնութենէն. վասն զի երբ Նգիպտացիք առին զԱքքեա՝ քրիստոնէից ամենէն ամուր ապաստանարանը, անոր պաշտպան ասպետքն փախան ապաւինեցան մեր Ֆիմեայ հին ապաւէնը, ի ծովային բերդն Սիդոնի. բայց երբ թշնամիք նաւերով մտնեցան անոր, անկէց այլ փախան գնացին ի Կիպրոս: Այս բաներուս ականատես Պատմիչն Հեթում՝ կ'ըսէ. « Աշրաֆ էառ զԱքքա ի քրիստոնէնէն և թողին քրիստոնէքն առանց պատահող մի զՍուր (Տիւրոս), զՍայտէ (Սիդոն), զՊեմոնդի »

» րուԹ . և յայսմ ամի ջնջեցաւ քրիստոնէութիւնն  
 » 'ի Սէհլէն <sup>1</sup> » : Ուրեմն Յուլիանու և Ֆիմեայ Թող-  
 լէն 31 տարի ետեւ այլ՝ դեռ ասպետաց ձեռքն էր  
 Սիգոնի ծովապատ ամրոցն . և այս տարի յետ  
 ուրիշ քաղաքաց և բերդից՝ մատնեցաւ այլազ-  
 դեաց ձեռքը . Թէպէտ և անոր պայազատքն իրենց  
 օտարութեան մէջ այլ պահէին իրենց կորուսած  
 տէրութեան անունը . և ինչուան գրեթէ հարիւր  
 տարի վերջ այլ՝ (1368) կու յիշուի Փիլիպ Իպլի-  
 նեան տէր Սիգոնի, որ 'ի Կիպրոս բնակէր, և  
 հաւանօրէն Յուլիանու և Ֆիմեայ տոհմէն էր :

Թշնամիք՝ որ շատ անգամ յարձակեր և վռն-  
 տուեր էին 'ի Սայտայէ, հիմայ պարապ և ան-  
 պահապան գտնելով՝ քարերէն և աշտարակնե-  
 րէն առին վրէժնին, փլցընելով և Թափելով՝ եր-  
 բեմն զանոնք ծիծաղող և երբեմն ծեծող ծովուն  
 ծոցը . որ և մահաձայն մռնչմամբ մաս մը ծած-  
 կեց, մաս մը ալիքներէն դուրս Թողուց մինչև այս-  
 օր, 'ի տեսիլ նաւողաց յափունս Փիւնիկիոյ : —  
 Այսպէս եղաւ վախճան տէրութեան առաջին և  
 հնագոյն ծովամայր քաղաքին, որոյ վերջին գա-  
 հանիստ տիկինն եղեր էր Ֆիմի : ...

Թ

Արդեօք հասա՞ւ իր ակընջին այն սրտաթափ  
 պարսպաց փլեւելուն դղրդմունքն, և ալէկոծեալ  
 ծովուն խոխոջալն այն աւերակաց մէջ . արդեօք  
 իր խորացեալ սրտէն հնչե՞ց արձագանգ մը 'ի պա-  
 տասխիանի ծիւրեալ և ծորեալ Մայգանին ծփա-  
 նացը՝ այն անծերանալի ծովուն կոհակացը մէջ :  
 — Եթէ ոչ մռնչումն և կոծումն ծովուն և Մայ-

<sup>1</sup> Այսինքն 'ի ծովեղերքէն, որ արաբերէն «հէլ կ'ը-  
 սուի :

գանայ՝ սակայն անշուշտ եղածին համբաւն հասաւ հնչեց ու ընկաւ Ֆիմի ընտրած նոր և յետին ապաստանարանի մը ամրագոյն պարսպաց տակ։

Այս ապաստանարանս էր զոր շատ թագաւորք և անթագք ընտրեցին իբրև մէկ հատիկ ամրոց սրտի և հոգւոյ՝ ընդդէմ ամենայն մրրկաց, խռովութեանց և աշխատութեանց աշխարհի. ուր ոչ շատ տարի առաջ՝ նոյն ինքն իր հայրն Հեթում այլ, յետ 45 տարւոյ երկար և բազմագիպուած թագաւորութեանն՝ եկեր էր իր մեծ և յօգնած սրտին յետին մխիթարութիւնը և հանգիստը գտնելու։ — Այս ապաստանարանս էր հաւատաւորաց վանք մը՝ զոր բնութեց, գտաւ և մըտաւ Ֆիմի այլ, յետ իր այնքան նժդեհաւթեան, պանդխտութեան և խորտակեց. և ոչ այնքան տըրտմութեամբ տուաւ իր ծովակոծ Մայդանի ապարանից՝ որչափ ուրախութեամբ տուաւ բոլոր աշխարհիս ծովածուի կենաց՝ մնաք բարովը, ըսելով. « Ամենայն զբօսանք ձեր և ալիք ձեր անցին » ի վերայ իմ ». և քաշուեցաւ ի խորշն խաղաղութեան, լռիկ սրբիկ սպասել ամենէն վերջի և ամեն բան վերջացնող դիպուածին. մինչև որ ճգնողական վարուքն « հանգեաւ ի Քրիստոս տի. » կրնն Ֆիմի, կրօնաւորն, քոյրն Լևոն թագաւորն ըրի ». ինչպէս կ'ըսեն արքունական Յայսմաւուրք. ի մէջ բազմաթիւ աիկնայց Ֆիմեաց՝ սեփականելով սոսոր՝ իրօտաւ կոչումը։...

Հանգեաւ...։ Ո՛հ, ո՛րքան խոր է այս հնչումս, և ո՛րքան քաղցր իր ազգեցութիւնն այնպիսի սրտի մը, որ յերկար ալէկոծուած ի ծովու կենցաղոյս՝ եկեր նստեր է մէկ կրօնական առանձնութեան մը մէջ՝ իր մնացեալ օրերուն հանգիստը բնաւորելու, և աւելի մեծ և անվերջ հանգստեան մը փոխադրուելու։... Հանգեաւ ուրիմն այն քու

նրբազգած սրտիկդ, ով տիկին Սիդոնի, որոյ փափկուլութեանը՝ շատ խիստ և փշոտ էր աշխարհքս և անոր վայելքն. արդարև մեծոգի ես եղեր դու, իմաստութեամբ լցեալ, սիրող Աստուծոյ և սպասաւոր նորա. երանի՜ քեզ: — Ո՛հ. ինչո՞ւ դու այլ չհետևեցար այս քու հօրքրոջդ՝ ով տիկին Տիւրոսի՝ գոռոզք Զապլուն, և յետ իրեն պէս գահդ կորսընցընելու՝ ուրիշ գահից և բարձից ետևէ ընկնալով, ոչ թէ միայն այսպիսի խաղաղ և երջանիկ հանգիստ մը չգտար, այլ և անանկ կատարած մ'ունեցար՝ զոր յիշելն իսկ պժգալի է <sup>1</sup>:

Բայց երբ, և ո՞ւր հանգեաւ, և ո՞ւր արդ հանգչի մերս Ֆիմի... Պատմութիւնն ձայն չի տար: Բայց ինձ հաւանական կ'երևի՝ թէ իր պարկեշտ նշխարքն այլ իր բարեպաշտ ծնողացը քով (Զապելի և Հեթմոյ՝) խաղաղեցան ի դամբանս Դրազարկ վանաց. ուր՝ ինչպէս իրմէ առաջ՝ գեռ վերջն այլ եկան ընկան հանգչեցան թաղով ու ստղաւարաով յօգնած գլուխք: Ափսոս, որ ժամանակն և թշնամութիւնն կամ ջնջեց կամ ծածկեց զանոնք. Բէօլէմէնք և Գարամանք ոտնակոխ ըրին և զտապանատունն թագաւորաց և վարդապետաց Հայոց՝ զԻրազարկ:

1 Զապլուն անդրանիկ գուտոր Գ Լեւոնի՝ եղբօր Ֆիմայ՝ հարսնացաւ Ամաւրեայ Լուսինեան, որ իր եղբօր (Հենրի) թագաւորութիւնը (կիպրոսի) յափշտակեց. բայց քիչ ատենէն սպանուեցաւ. Զապլուն իր զաւակօքը զըրկուեցաւ ի Հայո, առ եղբայր իւր Օշին թագաւոր. բայց ժառանգութեան համար շատ վէճերու և հակառակութեանց պատճառ եղաւ երկու թագաւորութեանց մէջ: Երբ Օշին մեռաւ և իր տղայ որդին Լեւոն Ե թագաւորեց, իր խնամակալն Օշին Պայլ բանտեց զԶապլուն իր անդրանկաւն (Հիւկ), և սպաննեց (1325) բռնութեամբ կամ նեղութեամբ: Զապլունի որդիք են Նաե Ջուան և Կի (Գուխտոն) թագաւորք մեր, և Պեմունդ, ամենքն ալ սպանմամբ մեռած (1343. 1345):

Ո՛հ. արդեօք դեռ հիմայ այլ այն մեր յետին հայրենի երկրին վրայ՝ այնչափ պսակով նազող գլխոց հետ, քարեղէն բարձի մը վրայ՝ 600 տարուան քունով՝ կու հանգչի՞ քու թանկագին գլուխդ այլ, Ֆիմի: — Արդեօք կռնճմըտած կողերով կուկլկայ կաղնին<sup>1</sup>, կամ մշտնջենաւոր եղերամօր պէս երկրամածեալ հողմատանջ եղևինն Տաւրոսի՝ այնքան աւերակաց մէջ միայն անաւեր աճելով, դեռ կու պաշտպանէ՞ն քու նշխարք ծածկող տապանաքարը. — և այն քարին վրայ՝ արդեօք սրատես լուսինն իր դողդոջուն ճառագայթներովը կրնայ դեռ կարգաւ մամաւապառ արձանագիր մը, օրինակ իմն:

Ի կափարու՞մ խաչապահակ փոքուս վիմի  
կայ մեծոգի եւ հեզ տիկին Սայտայ՝ Ֆիմի:

— Եւ արդեօք այն լուռ քնարանին վրայ տարուէ տարի թափած տերեւներուն նման, դեռ ցամքած թաղանթ մը մնացէ՞ր է՝ այն կակուղ և կարմրուկ սրտին, զոր այնչափ անմեղ տրտմութիւնք բարակ ճամբաներով փորեցին ու խորեցին, և երկնաւոր միսթարութիւնք՝ լայնեցին ու լցուցին. — այն սրտին, զոր եթէ փորձանք երկրի՝ իջուցին՝ ի գահէ և ի փառաց, երկինք՝ բարձրացուցին մօտ իր սրբակեաց ծնողացը և Ս. Լուգվիկի. — այն սրտին, որ իր արենակցաց և անուանակցաց մէջ՝ ամենէն մաքուր և սիրուն յիշատակ մը թողով, պարտական կ'ընէ զհայ հայրենիս՝ իր դպրութեց մէջ անմոռաց պահելու և զյետին տիկինն Սիդոնի՝ Ջապելածինն ՖԻՄԻ:

<sup>1</sup> Լեռ և բերդ մօտ ի պահակն կամ ի լեռնանցս կիւլիկիոյ, որ հիմայ կոչի կիւլիկոպուլը:



## ՎԵՐՋԱԲԱՆ

### ԱՌ ՀԱՅԿԱԿ

Ահա վերջին խտրոյկն է որ կու մնայ մեր հայ-  
րենական հսկմանց վառարանին անկիւնը, ո՞վ Հայ-  
կակ. և այս ճաթռտող ու վառվառուն մախրիքս՝  
վաղը առտու պիտի գտուին ցուրտ մոխրիք. և  
այնպէս մնան, մինչև որ տարւոյն երեք եղանակ-  
ներն ալ դառնան լրանան, և նորէն գայ չորրորդն:  
Եւ երբ նորէն դառնայ գայ այս եղանակս, ար-  
դեօք մենք ալ նորէն պիտի գտնենք զիրար՝ մեր  
վառարանին քով:...

Ահա գարնանաբեր լուսնին նորարծարծ ճա-  
ռագայթներն՝ պատուհանաց ապակիներէն ներս  
ցայտելով, կու հրաւիրեն զմեզ բանալ փական-  
քը, ելնել դուրս, տեսնել նորէն զբնութիւն:  
Բնութիւն նորոգեալ, իբրեւ իր ստեղծմանը ա-  
ռաւօտուն, իբրեւ առաջին իրիկունը, յորում՝ նոր  
վառած լուսնին ճաճանչից տակ՝ կու հանգչէր  
խաղաղիկ, ինչպէս սպիտակազգեստ մօր մը շղար-  
չից մէջ՝ անդրանիկն անուշաբուն:...

Այլ մինչդեռ հոս այսպէս պայծառ ծագէ և  
ծիծաղի լուսնակս, միթէ երկրիս ուրիշ կողմեր  
ալ չէն թաղուած թաթղուած մթութեան մէջ:  
Միթէ երկրիս քրոջ՝ ծիածաւալ ծովուն ծովի

ծուփ ծոցերուն մէջ՝ չկան ալէկոծ նաւեր՝ որ անգունդէ անգունդ սահելով՝ գոնէ ինկնելու վըհին յատակը տեսնելու համար՝ տատղիկ մը լուսիկ մը կու մուրան վերէն, և չեն տեսներ:...

Այսպէս է կենաց ընթացքն. երբեմն լոյս և երբեմն մութ. և միշտ հարկ է երթալ, ինչուան որ հասնինք արարչադիր կէտը: — Սակայն ով որ զերկիրս յատակ մը կու ճանչնայ այն տաճարին՝ որոյ վերնայարկն է երկին, միշտ անխռով կ'երթայ, խաղաղ կ'ապրի:

Քանի որ սրտի սիւնակն շիտակ է, և հոգւոյն կարմիր կանթեզն վառ է, յաջող է մարդուս:

Մեր խարոյկն կու մարի. լուսնակն ալ կու ծածկի կու մաշի: Սիրալիր սիրտն անսպառ է: Անմահութեան տինկալու հոգին՝ երջանիկ է:

Հաւատարիմն Աստուծոյ և իր անձին՝ հաւատարիմ է և հայրենեաց: Անհաւատարիմն հայրենեաց՝ չէ հաւատարիմ և իր հոգւոյն և ոչ երկնից: — Ամենէն սուրբ և ազնիւ գործ և աշխատանք երկրիս վրայ՝ երկնից և հայրենեաց համար եղածներն են: Թէպէտ և զանազան են հասակք և վիճակք, այլ ամենքն ալ ըստ չափու և ըստ վիճակի իւրեանց՝ պարտական են երկնից և հայրենեաց:...

Ահա կու հնչէ հասարակ գիշերուան պահն:... Մեր միայնախօսութեանց ժամերն անցան. կու սկսին ժամք գործոց և աշխատութեանց: Վաղն, նոր օր, նոր գարուն, 'ի նոր կեանս կու հրաւիրէ զքեզ, Հայկակ:

Նորարողը ընութեան մէջ բացուած՝ նոր կոկոն մարդկութեան, ծաղիկ Հայութեան, առողջ հասակաւ ձևացեալ, արգ կու վայլէ որ ձեռնաս քաղաքական կենօք. վիճակ մը ընտրելով, և գործ մը կատարելով յերկրի, յօգուտ ընտանեաց և հայրենեաց, և հաճոյ երկնից:



Հարկ է որ մնաս բարով բանք իրարու, անմոռաց պահելով մեր հայրենեաց Յուշիքը: Առնում ես իմ հասակիս ցուպը, և իջնեմ բլրէս վար. առնուս դու ալ հասակիդ յարմար աշխատութեան գործիդ, օրհնել առաւելինից, և ելնես դէպ 'ի վեր, 'ի բլուրն կենաց: — Արդ ոտեր հագիք նախնեաց մերոց՝ քեզ բարեխօս և պաշտպան. հայրենեաց շաւղէն՝ անշեղ ըլլայ քու վիճակիդ ճամբան. բազմա՝ յերկրէս յերկինք հասնի անխափան:

Սակայն ինչ ալ որ ըլլայ քու վիճակդ կամ գործդ, յիշէ Հայկակ, որ գործն՝ իրմով չէ ազնիւ կամ մեծ, այլ ընողն է որ կ'ազնուացընէ կու սրբացընէ զգործը: — Առանց գործողի՝ գործք մեռեալ սոսկ անուն մ'են. մարդս՝ զանուներ բան կ'ընէ, բանը գործ, գործը՝ կենդանութիւն, և զկենդանութիւնն՝ անմահութիւն:

Յաջողութիւնն շատ հեղ երկնից շնորհք մ'է. բայց առանց երկրիս վրայ աշխատելու՝ վերէն յաջողութիւն չիջներ: Մանաւանդ թէ յաջողութիւնն պատրաստ է իբրեւ զարե և զանձրե. բայց եթէ ագարակն սերմանուած չէ՝ ինչ բուսցընեն երկնից շողն ու ցօղն:

Մարդս փոքրիկ արարած մ'է, բայց ոտքերն երկրիս ամեն կողմն ալ կըրնան կոխել. երկու ձեռքովը կըրնայ ծայրէ 'ի ծայր աշխարհակալել. սրբտին՝ պզտիկ կու գայ տիեզերաց սահմանն. միտքն՝ անսահմանութեան մէջ ճամբայ կու բանայ. հոգին՝ կու տիրէ երկնից. ուրն՝ կու հասնի Արարչին առջև, և կ'ըսէ. Ահաւասիկ եմ:

Փոքրիկ արարածն այն մարդ՝ մեծ աշխարհք մ'ալ է ինքնին. վասն զի Աստուծոյ գաստակերտ է, Աստուծոյ պատկեր է, թէ և աղաւաղեալ. և ունի սկզբնաւորպիս զօրութիւնը:

Արարչագործ մատանց բարձրագոյն կերտուած.

քըն՝ չեն Այրարատեան կատարքն կամ գաղաթն  
Եմաւոնի, այլ ուսերուդ վերև կանգնած իմաս-  
տից տաճար՝ գլուխդ է. բարձր և բարակ բա-  
նուած: Զկայ ծաղիկ արժանաւոր այդոր պսակ  
ըլլալու. ոչ ոսկին և արծաթ՝ որ հողէ կ'ելնեն,  
ոչ ծիրանի ծովերէ խաւսած բուստ և մարգարիտք:  
Ո՛հ. գեղեցիկք են մայիսի առաւօտուն ցօղակաթ  
վարդակարմիր վնջիկքն այլ՝ դաւար ճակտի մը  
բոլորած. սակայն շատ աւելի պայծառ է ամօթ-  
ղածութեամբ խայծեալ երեսն. և աւելի ազնիւ՝  
անոր վրայ շարուած աշխատութեան կայլակ-  
ներն:

Կենաց կարևոր և վայելուչ պիտոյքը լեցրնե-  
լէն աւելորդ երկրաւոր շահք և վաստակք՝ ա-  
նարդ և անիրաւ են այնպիսի գլխոյ մը, որ երկնից  
և հայրենեաց մաքուր իմաստներովը լցուած է:

Եթէ քաղաքական կեանք օրինաւոր են ՚ի վե-  
րայ երկրի, անհրաժեշտ պարտք են և հայրենեաց  
ջանքն:...

Լալով կու ծնանիմք, խաղով կու մեծնամք.  
աշխատութեամբ պէտք է մարդ ըլլանք. մէկ ձեռ-  
քով մեզի, մէկ ձեռքով մեզի նմանեաց օգնեմք.  
սիրով կենակցինք, պատուով ապրինք, յուսով  
ծերանամք, գոհութեամբ մեռնինք. սրբութեամբ  
աւանդենք փչողին՝ մեր շունչը. թաղուինք օրհ-  
նութեամբ. մնամք ՚ի հայրենիս՝ հայրենեաց չափ,  
և յերկինս՝ Աստուծոյ չափ:...

Ահա ազգք և ազինք, միպի մօտ և հեռի, Հայ-  
կակ, ամենքն զբաղած են իրենց հայրենի ազա-  
րակը շէնցընելու. և անդրանիկն ազգաց՝ մեր ազգն՝  
կըլնայ ըլլալ յետամնաց:.. Մարդ, սիրտ ունող  
մարդ՝ չի կըրնար լսել զայս՝ առանց սոսկալու,  
թող թէ Հայ մարդ:

Ա՛ռ և գու ուրեմն, ո՛վ Հայկակ, քու վիճա-  
կիդ յարմար աշխատութեան գործիդ, վերցնուր

յերկինք, օրհնել տուր. և աշխատէ: Աշխատէ  
յերկրի, միաբոց յերկինս, ռիւրոգ հայրենեացդ  
վրայ:

Առանց երկնից օրհնութեան՝ չի յաջողիր գործ  
հայրենեաց ՚ի վերայ երկրի: Զոր երկինք չօրհ-  
ներ, ՚ի զոր օրհնեն և հայրենիք. և զոր չեն օրհ-  
ներ հայրենիք՝ նա չօրհնուիր և յերկնից:

Կու բուսնի և սերմն ատելութեան, կու ծած-  
կէ գաշտեր. սպասէ, և կու տեսնես փուշ և տա-  
տասկ:

Սիրոյ սերմին՝ թէ և կորգացեալ երկրի մ'ա-  
ւանգուի, անխոնջ և ամուր արօրին տակ, քրքա-  
նաջան մշակին համբերութեամբ, վերջապէս կու  
ծլի, ծաղկի, պտղաբերէ և սնուցանէ:

Եւ մշակն մշակաց, որուն ագարակն է բոլոր  
աշխարհս, պատուիրեց մաճակալին <sup>1</sup>, շիտակ  
գծել ու քշել, և ետև չնայիլ. երթալ յառաջ,  
և շիտակ երթալ: Ո՛հ. երթալ և լալով, եթէ  
հարկ է, երթալ և ցանել. կու հասնի օրն ալ խըն  
աալով հնձելու, որաներով շալկած, ծաղկնե-  
րով պսակուած դառնալու <sup>2</sup>:

Ճշմարիտ հայրենասիրութիւնն չէ ասուպ կամ  
փայլակ մը յանկարծ երևցող և անցնող. ոչ հուր  
մոլի և թափառիկ, և ոչ կայծակն անկուշտ սյ-  
ւող լափող. այլ հանգարտ ջերմութիւն մը, յըս-  
տակ լուսով, անստգիւտ խղճով:...

Ո՛վ անձնուրաց ոգի, բարեխնդիր հայրենասի-  
րութիւն. դու պատրաստէ, վառէ սրբէ զսիրտ  
Հայկակայ: Քեզմով վառուած սիրտն՝ անխայթ  
և անմուխ լոյս կ'արձակէ. և եթէ խարկի մըրկի  
սիրտն, և անցնի երկնաւոր մասամբն, երկնու-  
նակ մասն՝ մնայ ՚ի վերայ հայրենեաց, որպէս հոս  
մըրկի և կնդրելի:

1 Ղուկաս, Թ. 62:

2 Սաղմոս ճիւժ. 6:

Եւ շատ սեղաններ, շատ առապաններ, շատ քարեր ու հողեր կան 'ի Հայաստան, ուսկից դարե գար և անդագար կու ծխէ հոտն անուշուրթեան, հոտն հայրենեաց. զոր չեն կրնար ջնջել ոչ զէնք և ոչ քէնք:

Վասն զի մեր առաքինի և ճշմարիտ, ընկերուսէր, ազգասէր, որդեսէր և հայրասէր նախնիքն, այն երկրին վրայ իրենց պարկեշտ նշխարքը թողլով, անմահութեան շնչով վերէն անոր վրայ միշտ կու շնչեն և կու շրջնեն:

Շնչեցէք ո՛վ շունչ մտաբացք, արտարծարծք, հոգեվառք. շնչեցէք հոգիք Գրիգորեանց, Ներսիսեանց, Սահակեանց, Մովսիսեանց, Ղեւոնդեանց, Վարդանանց, Վահանանց, Սմբատաց, Աշոտոց, Լեւոնեանց և Հեթմեանց. սուրբ թագաւորք, հայրապետք, վարիչք և վարդապետք Հայոց, շնչեցէք յերկնից յերկիր: Խառնուի՛ ձեր երկնաւոր շունչն՝ յերկրաւոր շունչ Հայկակայ. որ երբ հասնի աւանդելու իր վերջին շունչն ալ՝ եթէ հանդարտ ու հեզիկ, և եթէ հրահատ ու հառաչաձայն, հաւասարապէս խառնուի՛ ձերիներուն հետ:

Եւ երբ իր օրական և տարեկան շրջաններուն պէս՝ երկիրս իր բազմադարեան շրջանն ալ աւարտելով՝ դագրի և կոտրի, և նոր երկրի մը հրաւիրակ փողն հնչէ, այս հին լուծեալ և լքեալ երկրիս վերջին արձագանգաց միջէն՝ վերջնագոյն արձագանգ մ'ալ ըլլայ քուկգ, սուրբ սէր հայրենեաց:...

Եւ, ո՛հ, թէ այն խորին և լռին արձագանգաց՝ նուազ վանգիւն մ'ըլլայ այս իմ քեզի նուիրածս, Հայկակ, ՅՈՒՇԻԿՔ ՀԱՅՐԵՆԵԱՅ ՀԱՅՈՑ:

## Յ Ա Ն Կ

ԺԸ. Խօսնական եկեղ. յանապատոյ Հայոց .	5
ԺԹ. Աղքային վիպառանուծիւն . . . .	103
Ի. Վահան Գողթնացի . . . . .	129
ԻԱ. Ատտիկեան մեղու 'ի լերինս Հայոց .	201
ԻԲ. Նէարքոս և Պօլիքսոս . . . . .	237
ԻԳ. Սարկաւազ Սոփեստէս . . . . .	279
ԻԴ. Յիզիտրուզիտ . . . . .	309
ԻԵ. Երազ Վարդան կայսեր . . . . .	333
ԻԶ. Բ Վարդան կայսր . . . . .	351
ԻԷ. Նեստուք 'ի Հայս . . . . .	377
ԻԸ. Առաջին ասպատակ Նետոզաց 'ի Հայս	415
ԻԹ. Խոռլ Խաչիկ . . . . .	433
Լ. Երզնկա, և Յովհան Երզնկացի . . .	457
ԼԱ. Լեւոն վերջին . . . . .	495
ԼԲ. Ֆիմի . . . . .	533
ԼԳ. Վերջաբան առ Հայկակ . . . . .	567



## ՈՒՂՂԱԳՐԵԼԻՔ

Էջ	ՏՈՂ		
168	5	մտացող	մտածող.
303	24	հաճելով	տհաճելով
438	28	պահուէին	պահէին
514	8	օժիտ	վարձանք
516	27-8	մխիթարուէր	մխիթարուէին
571	31	երկնաւոր	երկրաւոր













Schwaig





This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>